

**THEOLOGIA
EXANTIQUATA
IUXTA
ORTHODOXAM
BEATISSIMI...**

Federico Nicola Gavardi





LA P 12

SCHOLA ÆGIDIANA

ALIO DI
ALMA DI

842.9.12

THEOLOGIA EXANTIQUATA

IVXTA ORTHODOXAM
BEATISSIMI ECCLESIAE MAGISTRI

AUGUSTINI DOCTRINAM

A FVNDATISSIMO DOCTORE

B. ÆGIDIO COLUMNA

Ord. Erem. eiusdem S.P.; S.R.E. Card; Aquitaniae Primate,
& Archiepiscopo Bituricensi expositam.

Additis Quaestionibus nostro tempore exortis, & Recentiorum
ordine congruentius disposito.

AUCTORE

F. FRIDERICO NICOLAO GAVARDI

MEDIOLANENSI

Eiusdem Ordinis Sac. Theol. Doctore, & in Archigymnasio
Almae Urbis Sacrae Scripturae Interprete.

LIBER III. SENTENTIARVM.

TOMVS V.



*Hic Liber
Iesu Mariae de
Ord. S. Augustini*



*est Conuentus
F.F. Cœm. Discal.
Congregationis Italicae et Germanicae*



ROMÆ,

In Officina Typographica Io: Francisci Buagni MDCXCU.

SVPERIORVM PERMISSV.

Hic Liber
est Conuentus, et Bibliotheca
Jesu Marię de Vrbe
F. F. Cererij, Discalci S. Augustini
Cong. ^{is} Straz

Beatissimo Patri
INNOCENTIO XII.
PONTIFICI MAXIMO.



BENEFICIUM præstantius Orbi Catholico conferre non potuit Prouidentia indeficiens, quàm Tibi decreuisse hisce temporibus iura Cœlestis, ac Terrestris Imperij, Beatissime, & Clementissime Pater. Regnum *Psalm. 144.* omnium sæculorum adipiscens, imò adeptus à Regno, ut rebus iam extremis consuleres, ex Dignitate assecutus es **MAXIMI** nomen, quod iam tenebas ex moribus; quippe qui magis esse, quàm vocari studueras. Non solis Electorum suffragijs, sed omnium votis optatus, quod præstiterunt illi iure eligendi, necessitate obtinendi isti impetrarunt. Ad laborum, curarumque consortium assumpto nulla Tibi accessit, nisi aliena felicitas.

Com-

Communibus Magnatum, populorumque plausibus
aspiceris, quia omnes recipis nulli respiciens. Cunctis
ad Te æque facilis aditus; veniat quisque, cum velit, aut
possit, admittitur, hæretque, quandiu finem facit ser-
moni sua cuique necessitas. Nihil humanum præter
pietatem præters; ceterum superlatus hominibus di-
Hebr. 7. gnum Te præbes Christi Vicarium, qui sine Patre, sine
Matre, & sine genealogia illum Tibi coniunctissimum
putas, quem optimum noueris; hunc proximorem,
quem Virtutibus ornatorem inueneris. Non respicis
Paterno, & Materno Sanguini, quanuis inter Principes
antiquitate clarissimo, & claritate antiquissimo. Quod
alijs felicius nedum imitandum exemplo, sed iure iuran-
do seruandum relinquis. Ingens, & par tui vnus No-
minis gloria est perfecisse, quod plures Præcessores opta-
runt; nec non quod omnes Successores efficiant, quod
Tu solus statuisti efficiendum; viua etenim semper om-
nibus lex continuo præstabis in illis, quod illi Te decer-
nente exequentur. Sic hæreditas Christi testamento le-
gata pauperibus nunquam distracta seruabitur. Æqua
inopum, ac diuitum fors. Adjicitur, quod illis deest;
non adimitur, quod istis superest; vt nemo Tuæ Benefi-
centiæ sit expers. Relegatur è Foris iniquitas; non enim
præualet litigantium amplitudo, sed æquitas. Leges,
quæ lites protrahunt; corripiuntur; quæ corripiunt, pro-
trahuntur. Tribunalium minuitur numerus; ne multi-
tudo iudicia confundat, distrahatue litigia. Statim ef-
ficitur, quidquid fieri oportere, infectumque redditur,
quod non expedire censetur. Per Temetipsum, quod
jubes, exequeris; ne executione fraudetur imperium,
Deo,

Deo , cuius vices administras in Terris , conformis , qui potestate exequente operatur , quæ voluntate imperante decreuerit . Nulla vnquam negotiorum mole distenderis , sed nouo labore laborem vincis , & reparas ita , vt nihil amplius à Te quispiam possit exigere , quod iustè debeas , aut valeas efficere . Singulari diuitiarum contemptu , & generositate non impari ingentes vna die refudisti pecunias , quarum titulo concedebantur politica *Æris* publici munia : Reddidisti , vt Magistratus etiam Ciuiles nullo alio pretio deinceps comparentur , quàm meritis . Mare à vectigalibus liberum terris excipere , terrasq; interjectis aquarum spatijs disitas Centumcellis amico portu conjungere , vt rebus omnibus , quas etiam non genuit , hæc tellus exuberet ; salubres aquas è longinquo illuc deducere , Magnificentiam ostendit , qualem sicuti nulla ætas retroacta commemorat ; ita quælibet subsecutura mirabitur . Hæc in Te omnium ora , omnium oculos tenent defixos , ac ad Tuarum Virtutum Spectaculum iam totus Mundus confedit res gestas deprædicans , & gerendas expectans . Optimè noueras Vniuersi Ecclesiastici Regiminis pondus in eo librari , vt sic regantur Diuina , ne lædantur humana , in quibus tantùm Diuina seruantur ; summa ideo his prouides cura , vt illa promoueas seruatis vtrisque . Opus igitur hoc , Beatissime PATER , Optime , Maxime , in quo Diuina , & humana in vnitatem personæ Verbi conjuncta exhibentur , nonnisi Sanctitati Tuæ consecrari debebat ; plura etenim continet Fidei mysteria potestate , quam geris , referata ; & alia hæctenus clausa , vt aperiantur Tibi soli offerenda , qui HABES CLAVEM SCIENTIÆ *Luc. 11.*

Ad

*Ep. 57. ad
Dardanū.*

*1. ad
Tim. 1.*

Ad supremum Fidei magistrum , quæ de eius Cathedra edocti sumus , referimus ; vt Sacra Doctrina , qua Deus muniuit Ecclesiam ad Fidei , fideliumq; tutelam , Tua , quæ infallibilis est , auctoritate firmetur ; sine qua omnia ambiguitatis nutant in fluctibus ; & in qua solum , tanquam IN PETRA STABILI à Domino collocata , indeficientia redduntur . Nec me , ne Tuæ Beatitudini susterem hos meos qualescunq; labores , potuit detertere (monet S. P. AUGUSTINVS) suprema Dignitas , vel redde-
dere cunctantem Maiestas ; CVM SIT TUA HUMANITAS GRATIOR , QVAM ILLA SUSPECTIOR . Imò si Apostolus inquit : OPORTET EPISCOPVM AMPLECTI EVM , QVI SECVNDVM DOCTRINAM EST , FIDELEM SERMONEM , VT POTENS SIT EXHORTARI IN DOCTRINA SANA , ET EOS , QVI CONTRADICVNT , ARGVERE ; quantò magis supremo omnium Episcoporum Episcopo Ecclesiarum omnium sollicitudinem habenti erit accepta hæc doctrina Theologica ; quæ SERMO FIDELIS inscribitur , quia ex fidei Diuinæ sermocinatur articulis , vt obvoluta infidelium sophismata Catholicæ veritatis luce detecta potestatis Apostolicæ gladio , quem gestas , obtruncanda proponat ? Faxit Deus , qui in his rerum angustijs Orbi regendo Te dedit , Orbi quoque conseruando Te seruet ; nulla enim aduersa Ecclesiæ Regno regnante INNOCENTIO nocebunt .

S. V.

Ad Pedes

Fr. Fridericus Nicolaus Gauardi Augustinianus.

C E N S U R A

Admodum Reuer. Patris Fr. Caroli Riccij Augustiniani
Sac. Theol. Magistri, & Angelicæ Bibliothecæ
Præfecti.



VSSV Paternitatis Tuæ Reuerendissimæ tota mentis attentione, & summa animi delectatione euolui librum in tertium Sententiarum. Auctore R. A. Patre Magistro Fr. Friderico Nicolao Gauardi Mediolanensi Sacra Theologia Doctore, & in Archigymnasio huius Almæ Urbis Sacre Scripturæ Interprete. Encomiaſtis, non censoris officium cogor obire; nihil enim corrigendum, sed laudandum, quidquid scriptum, inueni. Nihil Sacræ Fidei, aut sanctis moribus dissonum, sed omnia in omnibus Diuinarum Scripturarum, Sacrorum Conciliorum auctoritati, ac Sanctorum Patrum, præsertim S. Patris Augustini Sacrosanctæ Ecclesiæ luminis doctrinæ, consona reperi, tanta subtilitate, profunditate, & claritate explicata; ut nullus Auctor ex nuperis, qui absconditum Incarnationis mysterium explicandum hucusque suscepit, enucleatius præstiterit, diligentius exquisierit, felicius inuenerit, luculentius enodauerit, robustius defenderit, & clarius protulerit. Opus sanè suo dignum Auctore, aliisque eiusdem operibus haud absimile; & quanuis tam breui temporis spatio elucubratum, ut miram mentis in concipiendo felicitatem, paremque in producendo fecunditatem ostendat; annosa tamen maturitate, & grauitate sententiarum ita solidatum, ut æuo potius, quàm tempore elaboratum videatur. Expectationi literarij Orbis, à quo Auctor sollicitatur continuò, ut Cursum Theologicum compleat, ac publici iuris efficiat, quo omnes fruantur, tanta breuitate respondet, ut dubium esset, an citius enascatur desiderium, quàm satietur; nisi fatietas ipsa nouum desiderium ingigneret. Dignissimum itaque iudico, ut Typis detur, ne lateat sub modio, quod tantum publicæ conferre valet vtilitati. Si videbitur &c.

Dat. in nostro Conuentu S. P. N. Augustini de Vrbe tertio Idus Iunij 1692.

Ita censeo ego Mag. Fr. Carolus Riccius Augustinianus &c.

C E N S V R A

Admodum Reuerendi Patris Fr. Alphonſi Dominguez
Procuratoris Prouinciæ Castellæ, Sac. Theologiæ
Magistri.



IBENTÍ animo præceptum executurus Paternitatis Tux Reuerendissimæ, librum in tertium Sententiarum Fundatissimi Doctoris B. Ægidij Columnij Romani ad reuifendum manibus excepi, aperui, & cum mihi titulus occurrisset: *Authore Admodum Reu. Patre Magistro Fr. Friderico Nicolao Gauardi Mediolanense* statim cenſoris munere, animum exuendum duxi, si fortè ex commissione illud inducere potueram, memor illius, quod Cassiodorus simili in casu dixit lib. 5. epist. 24. *Opus non est subdere examini, quem vix possumus sub admiratione predicare: tantique Viri non examinanda, sed veneranda sententia est.* Legi tamen, vt mecum ipse gratularer, quod tam perutile opus inuenerim, iam diù à me concupiscenti animo desideratum, quo fundamentalis eruditio Augustinianis in Scholis in dies magis, ac magis in cordibus radicetur. Legi etiam, vt approbarem, & hoc idè eius sanam, eruditam, profundamque doctrinam reperiij, quæ quidem latere solet, quos cenſoris tantummodò animo exudatas aliorum elucubrationes perlegunt. Legi denique, vt tanti Magistri meditarer sententiam, & cum eam vix possim sub admiratione concludere, quomodo potero digna prædicatione eleuare? Ægidiana est Theologia. Prædicaui fatis, nam sub tali caractere nihil non sanæ fidei consonum, nil non bonis moribus conforme inuenire potui: Vnde non solùm dignum, sed meritissimum, vt Typis mandetur, iudico, *saluo meliori &c.*

Datum in hoc Conuentu S. P. N. Augustini de Vrbe die 14. Mensis Iulij 1692.

Ita cenſeo ego Mag. Fr. Alphonſus Dominguez Augustinianus &c.

Magister Frater Fulgentius Traualloni à Montè Elparo
Georginas totius Ordinis Fratrum Eremitarum
Sancti Patris Nostri AVGVSTINI
Prior Generalis.



VM Tomus Quintus Theologiæ Scholasticæ iuxta doctrinam Beatissimi Patris Nostri AUGUSTINI, & fundatissimi Doctoris Agidij à Reu. Patre Magistro Friderico Nicolao Gauardi Mediolanensi in Archigymnasio Alme Urbis Sacra Scripturæ Interprete. elucubratus per Viros à Nobis ad id deputatos recognitus, probatus, publica que luce dignus habitus sit, præsentium tenore, nostri que muneris auctoritate facultatem, quantum ad nos spectat, ipsum imprimendi concedimus, & inperiturum. Datum in Conuentu nostro S. P. Augustini de Vrbe die 28. Iunij 1692.

Frater Fulgentius Traualloni Prior Generalis &c.

Nostri mun. aff. Sigillo



Mag. Fr. Nicolaus Seranus Secretarius Ordinis.

Reg. lib. 8.

Imprimatur

Si videbitur Reuerendissimo Patri Sacri Palatij Apostolici
Magister.

Horatius Fortunatus Episc. Neritonen. Vicegerens.



X commissione Reuerendissimi Patris Fratris Thomæ Mariæ Ferrari
Sacri Palatij Apostolici Magistri attenta mente perlustraui Opus de
Incarnatione Verbi Diuini feliciter elaboratum ab *Admodum Reuerendo*
Patre Magistro Nicolao Friderico Gauardi Sacri Ordinis Augustiniani;
Et in ipso nihil reperi, aut dissonum Orthodoxæ Fidei Principijs,
aut non consonum Romanæ Ecclesiæ Oraculis. Quin immò omnia ea, quæ in
eodem exponuntur, satis altè fundantur; & singulari perspicuitate elucescunt.
Nec mirum; Auctor enim, dum scribit, semper innuitur Basi non erranti im-
mobilis COLUMNÆ fundamentis, scilicet Fundamentalis Doctoris; & quæ
scribit, illustrat radijs nunquam occiduis maioris Ecclesiastici Cœli Luminaris,
Doctrinis, nempe Sancti PATRIS AUGUSTINI. Nec potest vnquam vel in
obscurioribus Theologiæ semitis Ille à Veritate aberrare, cui continuo, si non
ignea, saltim Purpurea COLUMNA præit, & Quem lumen dirigit semper ar-
dens, & indeficiens. Prodeat ergo Opus istud in Orbem Litterarium, nedum,
vt ab ipso lucem hauriat, sed vt vel ipsi lucem augeat: nec solum, vt Auctor
inter sapientes magis illustretur, sed vt magis vel sapientes illustret.

Ita sentio. Ex nostro Collegio S. Thomæ Aquinatis apud Sanctos Vincentium,
& Anastasium de Vrbe die prima Septembris 1692.

*Antonius Franciscus Salutij Clericorum Regularium Minorum
Sacre Theologiæ Lector.*

Imprimatur.

Fr. Thomas Maria Ferrari Ordinis Prædicatorum Sacri Palatij
Apostolici Magister.


INDEX

INDEX QVÆSTIONVM ET ARTICVLORVM.




QVÆST. I.

De possibilitate Incarnationis.

- | | | | |
|-----------|---|------------|---|
| Art. I. |  <i>Vid Incarnationis nomine significetur?</i> 2 | Art. VI. | <i>An suppositum Diuinum potuerit assumere substantiam incompletam?</i> 28 |
| Art. II. | <i>An possibilis fuerit incarnatio?</i> 6 | Art. VII. | <i>An Verbum potuerit assumere naturam humanam habentem propriam personalitatem?</i> 32 |
| Art. III. | <i>An potuisset incarnari Pater, aut Spiritus Sanctus?</i> 12 | Art. VIII. | <i>An Persona Diuina potuerit assumere naturam accidentalem sine substantiali?</i> 36 |
| Art. IV. | <i>An Verbum potuisset assumere plures naturas humanas?</i> 13 | Art. IX. | <i>An tres, vel due Persona Diuine potuissent assumere eandem naturam humanam?</i> 41 |
| §. I. | <i>An Verbum assumens duas naturas humanas esset duo homines?</i> 15 | Art. X. | <i>An Incarnationis possibilitas queat ratione naturali demonstrari?</i> 46 |
| §. II. | <i>An suppositum creatum possit terminare alienam naturam?</i> 19 | | |
| Art. V. | <i>An Verbum potuisset assumere quantalibet aliam naturam substantialem creatam?</i> 24 | | |

QVÆST. II.

De conuenientia, & necessitate Incarnationis.

- | | | | |
|-----------|--|----------|--|
| Art. I. |  <i>AN Deum incarnari fuerit conueniens?</i> 50 | Art. IV. | <i>An Incarnatio conuenienter facta fuerit in plenitudine temporum?</i> 58 |
| Art. II. | <i>An conueniens fuerit potius incarnari Filium, quam Patrem, aut Spiritum Sanctum?</i> 54 | Art. V. | <i>An tanta fuerit Incarnationis conuenientia, ut possit dici necessitas?</i> 60 |
| Art. III. | <i>An congruentius fuerit assumi naturam humanam, quam Angelicam?</i> 55 | | |

QVÆST.

Index Quæstionum, & Articulorum.

Q V Æ S T. III.

De motiuo Incarnationis.

- | | | |
|----------|--|--|
| Art. I. | A N motiuum primarium Incarnationis fuerit <i>Adæ peccatum</i> , ut <i>Adamo</i> non peccante Verbum Diuinum incarnatum non fuisset? 63 | cato originali? 71 |
| Art. II. | An ex vi presentis decreti Verbum incarnatum fuisset ad delenda peccata personalia non existente peccato originali? 71 | Art. III. An detur causa meritoria Incarnationis? 74 |
| | | §. I. An Christus per opera præcedentia, vel subsequencia meruerit unionem hipostaticam? ibid. |
| | | §. II. An SS. PP. antiqua legis meruerint Incarnationem? 81 |

Q V Æ S T. IV.

De causis physicis, & existentia Incarnationis.

- | | | |
|----------|---|---|
| Art. I. | A N, & quomodo B. Virgo Maria fuerit causa Incarnationis? 85 | cato originali? 91 |
| Art. II. | An B. Virgo subministraverit materiam assumendam à Verbo Diuino puram à labe originalis peccati? 90 | §. II. An B. Virgo contraxerit debitum peccati; ubi an in Adam peccauerit? 97 |
| §. I. | An B. Virgo fuerit concepta sine peccato originali? 91 | §. III. Afferuntur aliquot quæstiones. 108 |
| | | Art. III. Ostenditur contra Iudeos Messiam venisse. 109 |

Q V Æ S T. V.

De assumptione naturæ humanæ ad Personam Diuinam.

- | | | |
|-----------|---|---|
| Art. I. | I n quo consistat unio hipostatica? 113 | creata? 132 |
| §. I. | An unio hipostatica facta fuerit mediante gratia; an sit quid creatum, & accidentale? 119 | §. I. An substantia creata consistat in negatione? ibid. |
| §. II. | An unio hipostatica sit omnium maxima, & an differat ab assumptione? 121 | §. II. Resolvitur Articulus. 138 |
| Art. II. | An unio naturæ humanæ facta fuerit in natura, vel in Persona Diuina? 124 | Art. IV. An Verbum immediate terminet naturam humanam ratione substantiæ absolute, vel relative? 144 |
| §. I. | An unio hipostatica facta fuerit nudè in Persona, sed etiam in hipostasi, supposito, & individuo? 128 | Art. V. An eadem actione creata sit anima, productum corpus Christi Domini, & utrumque unitum Verbo Diuino? 149 |
| §. II. | An Verbum Diuinum assumpsit hominem? 131 | §. I. Quinam sint termini actionis assumptionis? 154 |
| Art. III. | An Verbum assumpsit naturam humanam substantem, & existentem substantia, & existentia | §. II. An Christus sit verè, & propriè compositus? 157 |
| | | Art. VI. An sanguis, & alij humores fuerint assumpti à Verbo? 160 |
| | | Art. VII. De ordine assumptionis. 170 |

QVÆST.

Index Quæstionum, & Articulorum.

Q V Æ S T. VI.

De prædestinatione, & filiatione Christi.

- Art. I. **A**N Christus sit prædestinatus ad
filiationem Dei naturalem? 172 & due filiationes? 186
- Art. II. An Christus, ut homo, sit Filius Dei
naturalis? 178 Art. IV. Resoluntur quedam quesita. 191
- Art. III. An in Christo sint due natiuitates,
Dei? 193 Art. V. An Christus, ut homo, sit seruus
Dei? 193

Q V Æ S T. VII.

De Sanctitate Christi.

- Art. I. **A**N natura humana Christi Domini
sit sancta per sanctitatem in-
creatam? 198 §. III. An virtutes, dona, & gratie fue-
rint in Christo? 225
- Art. II. An in Christo sit gratia habiua-
lis? 206 Art. III. An, & per quam gratiam Christus,
ut homo, sit Caput Ecclesie? 229
- §. I. An gratia Christi dicenda sit ei na-
turalis? 212 §. I. An Christus sit Caput omnium ho-
minum? 234
- §. II. An gratia Christi fuerit infinita; &
an possit augeri? 216 §. II. An, & quomodo Christus sit Caput
Angelorum? 239

Q V Æ S T. VIII.

De merito, & satisfactione Christi.

- Art. I. **Q**uando, quibus actibus, & quid
nobis Christus meruerit? 246 hominum peccatis? 258
- §. I. Quando Christus meruerit? ibid. §. I. An peccatum mortale sit infinitum
in ratione offense? ibid.
- §. II. Quibus actibus, & quid nobis me-
ruerit? 249 §. II. Resoluitur Articulus. 262
- §. III. An merita Christi fuerint infiniti
valoris? 253 Art. III. An satisfactio Christi fuerit de rigo-
re iustitie? 265
- Art. II. An Christus condignè satisfecerit pro
Art. IV. An pura creatura possit ad equalita-
tem satisfacere pro peccato? 269

Q V Æ S T. IX.

De Scientia Christi.

- Art. I. **A**N Christus per visionem, seu
scientiam beatam viderit om-
nia possibilia, & futura? 273 anima Christi? 280
- Art. II. An ultra visionem beatam scientia
supernaturalis per se infusa sit in
§. I. Afferuntur aliquot corollaria. 283
- Art. III. An scientia naturalis infusa, vel
acquisita fuerit in Christo? 290

QVÆST.

Index Quæstionum, & Articulorum.

Q V Æ S T. X.

De impeccabilitate, & libertate; præcepto, & obedientia,
ac potentia Christi.

- | | | | |
|----------|--|-----------|---|
| Art. I. | A N, & quomodo Christus sit im-
peccabilis? 296 | Art. III. | An cum impeccabilitate componatur
libertas? 307 |
| Art. II. | An Christo fuerit impositum præce-
ptum propriè sumptum subeundi
mortem? 302 | Art. IV. | An in Christo fuerit potentia physica
patranda miracula? 313 |

Q V Æ S T. XI.

De Sacerdotio, Oratione, & Regno Christi.

- | | | | |
|---------|---|----------|-----------------------------------|
| Art. I. | Q uomodo Christus secundum or-
dinem Melchisedech sit Sacer-
dos in æternum? 319 | §. I. | Pro quibus Christus orauerit? 323 |
| | | Art. II. | An Christus verè fuerit Rex? 324 |

Q V Æ S T. XII.

De adoratione Christi.

- | | | |
|---------|---|--|
| Art. I. | A N Christo, ut homini, debeatur
adoratio latris? 328 | & alij Sancti? 330 |
| §. I. | Qua adoratione colij debeant B. Virgo,
Art. II. | De cultu imaginum, & reliquia-
rum. 331 |

D E SACRATISSIMO INCARNATIONIS MYSTERIO.



LTSI omnia Diuinitatis myſteria humanis abſcondantur obſcutibus, qui natura ſines non exeunt; nullum tamen ſacramentum ſecretius, & ſcrutatu magis difficile, quàm ſacroſancta Diuini Verbi Incarnatio. Arcana *Prophetarum* oracula, & *Scripturarum* textus myſterioſa ſenſuum multiplicitate complicatos S. P. *Auguſtinus* ſplendiſſimum *Eccleſiæ* lumen 7. *Conf. c. 19.* mox, vt fidei fuit gratia illuſtratus, ſe nouiſſe fatetur: At quid ſacramenti reconderet: *Verbum caro factum eſt*: nec ſuſpicari potuiſſe teſtatur. Myſteria purè

Diuina, quanuis ſupra mentem creaturæ cuiuſlibet infinite eleuata obducantur rationi; attamen reuelata ſemel arduitate excutiant; cùm quidquid excelsi, quidquid maximi dignè de Deo dici poteſt, maniſeſtè cogamur ratiocinio concedere, totum etenim Deum excelsum, & maximum eſſe naturaliter nouimus: At ſacraſſimum Incarnationis Dominicæ ænigma, quanuis reuelatum, difficultatum cardus circunſcriptum, humanæ menti proſuſ imperuium rationi vndeque intercluditur. Siquidem ecqua mens valeret conijcere Maiestatem Diuinam poteſtate ſuprema, quam abdicare non poteſt, dominantem in omnia ſeruientem aſſumendo: naturam ſe ad ima ſine fui deiectione deicere? Sub vna, eademque Filij perſona duplicem naturam ſine mixtione, aut confuſione coniungere; & hominem, qui in ordine intelligentium inſimus eſt, ad Diuinæ attollere dignitatem perſonæ, quæ ſecundùm naturam hominis exinanita, quanuis maxima, minor effecta eſt; vt homo ſecundùm Dei naturam, licet minimus, euaderet maximus? Aeternam Dei Sapientiam de ſubſtantia Patris mente producente ante omnia ſæcula exortam, quæ vnà cum Patre coarum ſibi Spiritum ſpirat, de ſubſtantia Matris humanam participando naturam poſt multa tempora eodem Spiritu operante produci? Vitam mori neſciam, quia ei viuere ſubſtantia eſt, naturam mortalem aſſumere, vt eam redderet moriendo immortalem? Lucem, quæ ſemper manet ſine occaſu, quia nunquam cepit ex ortu, mortalitatem occaſui ſubietam ſuſcipere, vt ferris *Iudeorum* occiſam poſt trium dierum, noctiumque volumina ad orientem æternitatis nunquam occiſuram transferret? Potuiſſe Verbum Diuinum non amittendo, quod erat, ſe humiliando hominem fieri, vt recuperaret, quod amiſerat homo, qui inter pſa naſcentis mundi primordia voluit ſuperbiendo Deus eſſe per naturam, nec potuit? Vincem peccatorum ſimilem carni peccati carnem induere, vt ſe offerendo recompenderet iniuriam, poenam ferendo extingueret debitum; & frater factus ex carne peccatores, quos, vt Deus, non odiſſe non poterat, vt frater, fraterno amaret affectu? Concipi ex carne virtute Spiritus, non arnis opere, vt hominis ſpiritum per carnis concupiſcētiam corruptum reſiceret? Verbum in mente Patris exiſtens mente Virginis concipi; & partum mentis in mente manentem in vterum Virginis tranſire; ibique ſine verbis eſſe, nec Verbum eſſe deſinere, quo ſemper loquitur Pater, & ne quo omnis eloquentia obmuteſcit? Verbum, per quod facta ſunt tempora, fieri in temporibus, vt homini æternitatem acquireret? Antiquum dierum oriri in nouiſſimis Mundi diebus, vt ominem inueteratum peccatis renouaret ad gratiam; paſcentem omnia paſcendum naſci, vt ominem bonis ſatiaret æternis? Naturæ iura diſſolui, & Legem impleri; gratiæ expendi myſteria, & debitum rependi iuſtitia; gloriæ depauperari dinitias, & gloriæ magis diſceſcere; quis æc, & alia innumera huiuſmodi humano poſſet comprehendere eliquo? *Quid horum* (inquit P. Aug. ſerm. 7. de Temp.) *Quid horum non nouum; quid horum non mirabile; quid horum, ſi non fidem quæmur, inqueſtione poterit humana complecti?* Et *Eſaias c. 53.* *Generationem eius quis enarrabit;* quod de vtraque natiuitate intelligendum docet idem S. P. Aug. ſerm. 8. Myſterium, inquit *lob. 36.* *vincens ſcientiam noſtram.* Nihil in ſanctis *Scripturis* frequentius, apertiusque hoc myſterio ſcribitur, ac *Prophetarum teſtimonijs*; luculentius repetitur; ne ob nimiam illius profunditatem deretur minus credibile. Et quod admirabilis eſt; alia fidei myſteria, quò à nobis ſunt reſotiora, eò minus ſunt nobis obſcura; hoc verò quò eſt nobis propinquius, quia in noſtra eſt ſecundum naturam, eò eſt à noſtra cognitione remotius. Sed quorſum hoc? Niſi quia ſine fide huius yſterij ſalutem nemo aſſequi poteſt; ſicut nanque ignorata via terminum conſequi impoſſibile eſt; & ignoto medio finis obtineri non poteſt; ita ſine fide, qua ſolummodò agnoſci poteſt Saluator, qui eſt via, & oſtium, per quod ad ſalutem intramus; nec non Mediator, quo tendimus in eum, in quo ſalus noſtra conſiſtit, nemo valet ſalutem acquirere; & quia tantum minoratur fiſs, quantum rei accreſcit notitia; vt maius ſit fidei meritum, minus humana ratio præbere debuit ius myſterij experimentum. Sic magis creditur, dum minus videtur; abiecta nanque naturalatione, quæ falſitati ſubiicitur, per fidem, cui nequit falſum ſubeſſe, indubitanter tenetur.

Q V Æ S T. I.

De possibilitate Incarnationis.



ECTE incipit *Fund. Doct. Aegid.* expositionem *serij libri sententiarum*, in quo agitur de *Incarnationis Myſterio*, ab illius possibilitate; primum enim, quod de vnaquaque re, quæ sit extra Deum in tempore, poteſt inquiri, eſt poſſibilitas, cùm quælibet res à Deo facta priùs fuerit ſub eſſe poſſibili, quàm ſub eſſe exiſtentia; aliter ſi nunquam fuiſſet ſub eſſe poſſibili, vel impoſſibilis eſſet, quia nunquam fuiſſet poſſibilis; vel æterna, quia ſemper exiſtens fuiſſet. Quoniam tamen cognoscere quid nominis præcedit inquirere quid rei, nomen enim ad manifeſtandam rem impoſitum eſt; ideo primò explicandum eſt, quid *Incarnationis* nomine ſignificetur; quo plurium hæreticorum euerterentur errores.

A R T. I.

Quid Incarnationis nomine ſignificetur?

Incarnatio, ſi nominis ethimologia inquiratur, idem eſt, ac *carnis aſſumptio*. Dicta eſt etiam ab aliquibus PP. *Græcis*, vt videre eſt apud D. Hil. in *proph. pſalm.*, *Incorporatio*; quia corpus humanum, & humana caro idem proluſ ſignificant. Cur autem potiùs dicta ſit *incarnatio*, quàm *inanimatio*, vel *inhumanatio*, vt eam vocat D. Dam. lib. 1. de *fide c.* 13 cùm certum ſit ſecundùm fidem Verbum Diuinũ aſſumpſiſſe nedum carnem, ſed etiam animam, & hominem; vt docet S. P. *Aug. ſerm. 8. de Verbis Domini* inquit: *Suſcepit animam, ſuſcepit corpus, ſuſcepit plenum hominem. Coaptat ſibi, vnum facit Dominus cum ſeruo perſonam*. Reſpondit S. P. *Aug. ſerm. 144. de temp.* aptiùs dici *Incarnationem*; quia lo. 1. habetur: *Verbum caro factum eſt*; non autem: *Verbum anima, aut homo factum eſt*; cùm enim Verbum homo factus ſit, vt moreretur, & ſua morte homini mortuo per peccatum redderet vitam; mors autem tantum per carnem, quæ ſola mortalis eſt, non per animam, quæ eſt immortalis, queat haberi; idcò rectiùs *incarnatio* appellatur: *Niſi ille* (inquit S. P.) *veniſſet, vt moreretur; vnde nos vineremus? Vnde nos habemus vitam, inde ille habuit mortem*. Ipſum Euangelium attende: *In principio erat Verbum, & Verbum erat apud Deum, & Deus erat Verbum. Quære ibi mortem? Vbi? Vnde? Quomodò? Erat Verbum, Verbum apud Deum, Deus Verbum. Si inuenis ibi carnem, & ſanguinem, inuenis mortem &c.* Accepit ille mortem de noſtro, vt daret nobis vitam de ſuo. *Quomodo ille mortem de noſtro? Verbum caro factum eſt, & habitauit in nobis*. Præterea Verbum factum eſt homo, vt ſatiſfaceret pro hominis peccato. *Quomodo autem homo peccauit? Quia tentauit* (inquit S. P. *Aug. ſerm. 5; & 26. de temp.*) *appetere ambitione damnabili Domini ſui Diuinitatem*. Quomodò Verbum ſatiſfecit? Quia humilitate aſſumendo hominis naturam hominis inferiora ſuſcepit. Inferius autem, quod eſt in homine, eſt caro, quæ ſpiritu eſt ignobilior, ac vilior. Ad oſtendendam igi-

tur Saluatoris humilitatem, quæ ad infima ſemper ſe deiecit, & quæ maximè in hoc myſterio reſplenduit, debuit *Incarnationis* vocabulo euulgari. Nec per hoc excluditur anima, quia aſſumpta eſt caro viua, vt in ea Deus moreretur, & non niſi viuens mori poteſt; caro autem non viuít, niſi per animam; vnde nomine *Incarnationis* rectè totius hominis aſſumptio ſignificatur. *Quid* (inquit S. P. *ſerm. 15. de temp.*) *Quid caro, niſi homo? Non enim ſine anima in Chriſto hominis caro; vnde ait: Triliſ eſt anima mea vſque ad mortem. Si ergo Verbum Deus, & Deus caro: quid eſt aliud: Verbum factum eſt caro: niſi quia Deus erat, & factus eſt homo?* Nomine igitur carnis inquit S. P. *Aug. lib. 83. qq. q. 80;* per figuram Synecdoche, quæ à parte totum ſignificatur, totus homo indicatur.

2 Addunt aliqui, inter quos *Genet, incarnationem* vocari ad euerterendam *Manicheorum* ſententiam aſſerentium Verbum aſſumpſiſſe carnem, non veram, ſed phantaſticam, vt *infra* videbimus. Sed hæc ratio videtur inefficax; ſicut enim ad explodendam ſententiam *Arrianorum*, & *Appellinariorum* putantium Verbum aſſumpſiſſe carnem ſine anima, non fuit neceſſe ipſam appellare *inanimationis* vocabulo; ita quanuis hæc appellatio *Manicheos* euerat; attamen non fuit neceſſe hoc myſterium ſic appellare ad ipſos excutiendos ob allatam rationem. Et hæc quantum ad materialem huius vocis ſignificationem.

3 Si verò quidditas rei ſignificata per nomen ſpectetur, habetur expreſſè in *Symbol. D. Athan.* *Eſt ergo fides recta, vt credamus, & conſtituamus, quia Dominus noſter Ieſus Chriſtus Dei Filius, & homo eſt*. Deinde: *Qui licet Deus ſit, & homo; non duo tamen, ſed vnus eſt Chriſtus. Vnus autem non conuerſione Diuinitatis in carnem, ſed aſſumptione humanitatis in Deum. Vnus omnino, non conſuſione ſubſtantia, ſed vnitatis perſonæ*. Conſonat S. P. *Aug. ſerm. 58. de Verbis Domini* docens: *Licet vnā perſonam in Chriſto credamus; duas tamen ſubſtantias, idèſt naturas fateamur; Diuinitatis ſcilicet, & humanitatis; aſſumpſit, & aſſumpſit; creatricis, & create. Quæ tamen ſubſtantia non ſunt conſuſe, ſed vnita; atque*

in una, eademque persona inseparabiles, & in sua semper proprietate manentes. Quapropter unicuique substantia propria utique aptanda sunt; idèst infirmitates humanitati, quæ creata est; signa verò, vel mirabilia Diuinitatis, quæ creauit. In tantum enim hæc due natura sibi inuicem unitæ sunt, &que coniunctæ, ut idem Christus Deus, & homo aliquando res aut agat, aut loquatur humanas, aliquando Diuinas. Hoc nomen itaque Incarnatio formaliter significat vnionem naturæ humanæ cum natura Diuina in una, & eadem Christi persona, cui actione Diuinæ naturæ conuenit impassibilitas, immortalitas, æternitas, & cætera Diuinæ naturæ attributa; ratione autem naturæ humanæ conuenit passibilitas, mortalitas, temporaneitas, & alia, quæ humanitati formaliter, ac propriè conueniunt.

4. Hac doctrina, quæ est fidei dogma, eueruntur omnes errores Gentilium, & hereticorum, ut turpiter circa hoc mysterium desipuerunt.

5. Gentiles, ut videbimus in seq. art; incarnationem negarunt; videntes enim homines cotidie nasci ex complexu maris, & scemine, itarunt impossibile esse, quod Christus natus erit ex matre Virgine sine patre. Sed eueruntur; sicut enim (inquit S. P. Aug. serm. 16. de op.) Adam primus homo factus fuit ex terræ gine sine patre, & sine matre; & sicut Eua facta est ex ossè Viri sine femine, & sine matre; potuit formari Christi corpus ex sanguine, & gine Matris sine femine, & sine patre nasci Matre Spiritus sancti operante virtute; quapropter Virgini Luc. 2. interroganti: Quomodo fiet id, quoniam virum non cognosco? Rectè respondit Angelus: Non erit impossibile apud Deum omnibus. Spiritus Sanctus superueniet in te; & virum Alissimum obumbrabit tibi; ideoque & quod nunc ex te sanctum vocabitur Filius Dei. Ex deducitur argumentum, quo probatur non ugnare naturam humanam vniri Diuinæ in tate personæ, ut in seq. ostendemus.

6. Carpocratiani apud S. P. Aug. de hæresibus. 7. dixerunt Christum Dominum esse hominem tantum, & de patre, & matre procreatum; cuiusse tamen animam, quæ sciret, & nuncia superna. Idem fenserunt Cerinthiani, & Ebioniani apud eundem S. P. har. 8. & Hebionai har. 10. & Samosateni, ac Photiniani har. 44. & 45. negarunt quiditatem incarnationis nomine significatam.

Eueruntur autem nedum Symboli verbis a allatis, sed etiam ex Matth. 16; ex quo sic ait S. P. Aug. serm. 33. de Verbis Apost. Quomodo confiteri potest in carne venisse Iesum Christum, qui negat ipsum Christum? Quis enim Christus? Beatum Petrum interrogaui. Modò cum angelum legeretur, audistis, cum quaesisset Dominus ipse Iesus Christus, quem illum dicerent homines esse Filium hominis? Responderunt Discipuliones alienas, & dixerunt: Alij Ioannem Baptistam, Frideric. Nic. Ganardi Tom. 5.

tistam, alij Eliam, alij Hieremiam, aut unum ex Prophetis. Qui hac confitebantur, vel consueverunt, Iesum Christum plusquam hominem non nouerunt. Si autem Iesum Christum plusquam hominem non nouerunt, Iesum Christum utique non norunt. Si enim tantummodo homo est, nihil amplius; non est ipse Iesus Christus. Vos ergo, inquit, quem me esse dicitis? Respondit Petrus, vnus pro omnibus, quia vnitas in omnibus: Tu es Christus Filius Dei viui. Ecce habes confessionem veram, confessionem plenam. Iungere enim debes vtrumque, quod de se Christus, & quod de Christo Petrus. Quid de se Christus? Quem me dicunt homines esse Filium hominis? Quid de Christo Petrus? Tu es Christus Filius Dei viui. Vtrumque coniunge, & venit Christus in carne. Et alio. Si Filium Dei negat Christum, nescit Christum; alium pro alio dicit, non ipsum dicit. Quid est enim Filius Dei? & statim. Ecce Filius Dei: In principio erat Verbum, & Verbum erat apud Deum, & Deus erat Verbum. Io. 1. Et deinde: Si factum dicitis, Filium negas; Filium enim querimus naturam, non gratiam; Filium vnicum, vniuentum, non adoptatum. Talem Filium querimus, tam verum Filium querimus, qui cum in forma Dei esset, non rapinam arbitratus est se esse aequalem Deo. Philipp. 2; non rapina, quia natura &c. Semetipsum exinanivit formam serui accipiens. Sic se exinanivit formam serui accipiens, non formam Dei dimittens. Forma serui accepit, non formam Dei discessit. Hoc est confiteri Christum in carne venisse. Ex quibus sic. 1. Qui confitetur Christum esse purum hominem, non Deum; sequitur sententiam Iudeorum negantium Christi incarnationem; non autem sententiam Petri, qui confessus est esse Filium Dei naturam, non gratiam; sed isti hæretici confitentur Christum esse purum hominem, non Deum; ergo similes Iudeis negant Christi incarnationem. 2. Verbum Dei est Deus; ut dicitur Io. 1. Et Deus erat Verbum; sed Christus est Verbum Dei; dicitur enim Io. 1. Verbum caro factum est; ergo est Deus. 3. Christus in forma Dei est æqualis Deo; & formam serui accipiens est minor; sed purus homo nequit esse æqualis Deo secundum formam, idèst naturam Dei, quia illam purus homo non habet; ergo Christus non est purus homo, sed homo, & Deus. Præterea Io. 5. de Christo dicitur: Hic est verus Deus, & vita æterna; & Rom. 9. Qui est super omnia Deus benedictus in secula. Item Io. 10. Ego, & Pater vnus sumus; sed hoc nequit verificari secundum naturam humanam, quæ est alia à natura Diuina, & per consequens à Patre; ergo verificatur secundum naturam Diuinam. Item Io. 8. dixit Christus: Antequam Abraham fieret, ego sum; sed hoc nequit dici secundum naturam humanam, quæ non fuit existens, antequam existeret Abraham, ut constet; ergo verificatur secundum naturam Diuinam, quam necesse est ipsum habere. Tandem Io. 20. Thomas dixit Christo: Dominus meus, &

Deus meus, cui respondit : *Quia vidisti me, Thomas, credidisti; beati, qui non viderunt, & crediderunt.* Quibus verbis arguitur hos hæreticos, qui Christum verum Deum non consentitur, veram fidem non habere. Demum in *Conc. Nic. Deus de Deo &c.*

8 *Arriani, & Apollinarista* dixerunt Filium non esse Patri æqualem, sed similem. *Eunomiani* verò, vt refert S. P. *Aug. ubiq.*, dixerunt esse Patre minorem; vt habet *idem S. P. ibidi; & de heres. her. 69; & alij* circa Christi Diuinitatem alios inuenerunt errores.

9 Sed reijciuntur *ijdem* ferè *Scripturis*, & rationibus; nam Christus habet eandem naturam, quam habet Pater; est enim vnus Deus cum illo, vt ex *allatis textibus* claret; ergo est ei æqualis, & similis; nulla enim maior reperitur æqualitas, aut similitudo, quam illa, quæ ex identitate desumitur. Illud autem : *Pater maior me est; in susceptione humana nature postius dixit;* inquit S. P. *Aug. or. cont. Iudeos &c.* Sicut enim *Psal. 8.* cum dicitur *minoratus paup. in oculis Angelis;* nullus auderet exponere secundum naturam Diuinam, quam nemo diceret Angelorum natura inferiori; ita cum dicit : *Pater maior me est;* naturam hominis, secundum quam minor est, non Dei naturam, secundum quam est æqualis Patri, commemorat.

10 *Manichei* contra humanitatem errarunt; asserentes enim substantiam corpoream esse effectum Diaboli, ne dicerent Verbum assumptum creaturam Diabolicam, quam non potuisset ascendens in Cælum inuicere, dixerunt non sumptisse veram carnem, sed phantasticam, seu simulatam speciem carnis ludificandis sensibus præbuisse, ac in ea natum esse, & mortem meritum fuisse; vt refert S. P. *Aug. de her. her. 46.* His parum dissimiles fuere *Cerdoniani*, qui voluerunt Christum non fuisse natum ex femina, nec habuisse carnem, nec verè mortuum, aut passum fuisse, sed simulasse passionem; vt restatur *idem her. 21.* *Valentiniani* dixerunt Christum attulisse à profundo corpus spiritale, vel cælestē, nihilque assumptisse de Virgine Maria, sed per illam, ceu per rimam, aut fistulam sine vlla de illa assumpta carne transiisse. *Ibid. her. 11.* Hos secuti sunt *Bardeſanite*; vt refertur *ibid. her. 35.* *Appellati* putarunt duxisse carnem ex-Mundi elementis, quam Mundo reliquit, cum in Cælum ascendit. *Ibid. her. 23.* *Orogeniani*, qui & *Adamantij* dicti sunt, voluerunt Christum esse creaturam, *ibid. her. 43.* *Proclianiti* dixerunt in carne non venisse. *Ibid. her. 60.*

11 Conuincuntur autem *ijdem textibus*; nam sicuti qui non fateatur Christum verum Deum; ita & qui inficiantur esse verum hominem, mysterium incarnationis non credunt; *Scriptura* nanque eodem modo loquitur de Christo, vt Deus est; ac vt filius hominis est; ergo sicuti incarnationem non credit, qui Deum esse negat,

ita eam non credit, qui esse filium hominis negat. At negans veram carnem sumptisse ex Maria Virgine negat ipsum esse verum filium hominis, quia filius non est, nisi qui carnem trahit ex illo, cuius filius dicitur; ergo negans Christum veram carnem traxisse ex Virgine Maria negat Incarnationis Mysterium. Tum quia negans Christum secundum naturam Diuinam esse Patri consubstantialē negat esse Filium Dei natura; quia negat esse de substantia Patris indentitate naturæ; ergo negans esse Patri consubstantialē secundum naturam humanam negat esse filium Matris, quia negat esse de substantia Matris, cum dicat ab extra illam sumptisse. Tum quia *Apost. ad Galas. 4.* ait de Christo : *Factus ex muliere;* illa autem particula ex designat causam materiale, ex qua sumitur substantia materialis ipsius effectus; vt cum dicitur statua fieri ex ligno, sensus est, quòd lignum præbet materiam, ex qua fit statua; ergo si secundum *Apostolum* Verbum factum est homo ex muliere, seu ex B. Virgine, quæ nomine secundum *Hebræam* linguam communiter significante omnes feminas, non negante Virgineum decus, appellatur, vt explicat S. P. *Aug. serm. 16. de temp.* sensus est Verbum non aliunde, sed ex ipsa sumptisse carnem, quæ est pars materialis ipsius hominis. Tum quia *Luc. 10.* habetur; *Palpate, & videte, quia spiritus carnis, & ossa non habent, sicut me videtis habere;* phantasma autem carnem, & ossa non habet, sed solam corporis apparentiam; quo confunditur *Manicheus.* Tum quia *Rom. 1.* *Quod ante promiserat per Prophetas suos in Scripturis sanctis de Filio suo, qui factus est ei ex semine David secundum carnem.* Super quod S. P. *Aug. ubiq.* Ecce Filius Dei, quod vti que semper erat, factus est ex semine David secundum carnem. Si autem Christi caro non esset facta ex sanguine B. Virginis, sed aliunde, iam non esset ex semine David, ex quo factus est sanguis B. Virginis, quæ à David per generationem descendit. *Vid. S. P. Aug. in lib. cont. Manicheos*, vbi fusè hanc materiam pertractat.

12 Nec officit id, quod dicit *Apost. 1. Cor. 15.* *Primus homo (idest Adam) de terra terrenus; Secundus homo (idest Christus) de Cælo cælestis.* Resp. enim *Apostolum* loqui de Christo secundum Diuinitatem, secundum quam descendit de Cælo; non secundum naturam humanam, quam secundum *Scripturas* assumpsit in terra; habetur enim in *Symb. Nicæno.* *Descendit de Cælis; & incarnatus est de Spiritu sancto ex Maria Virgine, & homo factus.* Quibus clare monstratur carnem sumptisse, postquam è Cælis descendit in terras. Tum quia factus est homo ex muliere, ex qua carnem desumpsit, quæ mulier erat in terra, apertè sequitur naturam humanam non de Cælo asportasse, sed in terris, vbi erat Virgo Mater, sumptisse.

13 *Arriani* nedum contra Diuinitatem, sed & con-

& contra humanitatem blasphemantes dixerunt Verbum assumpsisse carnem sine anima, ipsum enim Verbum pro anima dicunt Christo fuisse. S. P. Aug. *her. 49. Apollinariſtæ* idem dixerunt, sed *testimonijs Evangelicis* vidē, mentem, quæ rationalis est anima, non fuisse in anima Christi, sed pro hac ipsum Verbum in ea fuisse dixerunt. *Idem her. 55.*

14. Consutantur *Io. 10. Ego pono animam meam, ut iterum sumam eam*; Verbum autem non posse se ipsum deponere, & assumere manifestum est; non enim Verbum fuit in potestate carnis, ut deponeretur, sed caro fuit sub potestate Verbi, ut assumeretur. *Matth. 26. Tristis est anima mea usque ad mortem*; & *Io. 12. Nunc anima mea turbata est*; sed tristari, & turbari reugnant Verbo, ut Verbum est, quia Verbum est Deus, cui repugnat passionibus concurri; ergo repugnat Verbum esse animam Christi. Nec guratē hæc esse accipienda dici potest; constat enim Christum natum fuisse de B. Virgine, contristatum, exhilaratum, miratum, esurisse, ianducasse, dormisse, flagellatum, crucifixum, &que interfectum; quæ omnia sine anima fieri non possunt. Præterea Verbum assumpsit carnem vivam, ut supra diximus; assumpsit enim omnem; unde dicitur in *Symb. D. Athan. Perfectus Deus, perfectus homo*; non est autem caro iua, nisi per animam; nec nisi per animam perfectus est homo; quapropter subditur: *Ex animalioni, & humana carne consistens*; ergo Verbum assumpsit carnem, & animam, adeoque non est ipsa anima, aliter ineptē diceretur animam impuisse; quia nulla res dici potest se ipsā assumere. *Luc. 2. Iesus proficiebat sapientia*. Verbum tē, cum sit ipsa infinita Patris sapientia, non tēst sapientiam acquirendo proficere, non im acquiritur, nisi quod antea non habebatur; & dicere Verbum non habere se ipsum, ac ipsum acquirere summa dementia est. Nec ci potest, quod caro sapientiam acquireret; constat enim sapientiam esse qualitatem, quæ imæ inest; non corpori, quod animæ intelligentis est organum. Præterea dolor, qui sumus fuit in Christo, nequit cūsari in corpore, si ex forti immutatione intentionali ipsius animæ; ut ostendimus *to. 4. de pecc. q. 3. art. 5. §. 3. à 22*; sed Verbum est incapax mutationis; ergo nequit esse anima corporis. Tum quia nomine carnis (ut arguit S. P. Aug. *lib. 83. qq. q. 80.*), i fuisse refellit hanc hæresim) sæpe in *Scripturis* significatur etiam anima, quæ tacetur; ut *10. 3. Videbit omnis caro salutem Dei*; & *Pf. 64. Et se omnis caro veniet*; & *Io. 17. Dedit potestatem omnis carnis*; constat autem hic nomine carnis significari etiam animam, caro enim sine anima c videt, nec venit, nec subditur potestati. Undem anima est forma informans ipsum cor; sed Verbum nequit esse forma informans, ia nequit esse pars; ergo idem. Si autem

Verbum assumpsit carnem, & animam, sequitur, quod assumpserit quoque mentem humanam, quæ animæ rationalis est inseparabilis passio; & secundum quam solum potuit admittere tristitiam, & dolorem per immutationem intentionalem apprehendendo læsionem factam in corpore. Præterea in Christo fuit voluntas humana, quæ animæ rationalis est passio, ut statutum est contra *Monothelitas*; dicitur enim *Luc. 22. Non mea, sed tua voluntas fiat*; & *Io. 6. Non ut faciam voluntatem meam, sed voluntatem eius, qui misit me*; Patris: constat autem nomine voluntatis suæ non significari voluntatem Diuinam, quia hæc eadem est ac voluntas Patris, sicuti eadem est essentia; & sic redderet sensum ineptum; idēst non mea, sed mea voluntas fiat; ideo loquitur de voluntate humana, quæ est passio animæ rationalis; ergo eadem ratione admittenda est in anima Christi mens, seu intellectus humanus; qui essentialiter colligatur cum voluntate. Ex quibus confutata manet hæresis *Monothelitarum*, qui licet duas naturas in Christo concederent, vnicam tamen voluntatem in ipso admittebant; eadem enim motiua vtrunque potentiam rationalem distinctam ab intellectu, & voluntate Diuinæ cogunt concedere.

15. *Apollinariſtæ* insuper dixerunt, quod Verbum caro factum est, non per assumptionem humanitatis ad naturam Diuinam, sed per conuersionem naturæ Diuinæ in naturam humanam eo modo, quo *Io. 2. aqua versa est in vinum*; & quemadmodum virga *Moyſis* in serpentem, & lignum in ignem conuertitur.

16. Hanc amentiam improbant *Scripturæ* alata *n. 7*; quæ afferunt Verbum incarnatum esse Deum; lignum enim conuersum in ignem non est amplius lignum, sed ignis; aliter non esset conuersum, sed immutatum maneret; ergo Verbum post incarnationem manens Deus non est cōuersum in hominem, sed omnino immutatum sibi hominem iunxit. Tum quia illud solum conuertitur in aliud, quod mutatur in illud; conuersio nanque est mutatio vnius in aliud; sed Deus est omnino immutabilis, quia est suum esse actuale purissimum; ergo in hominem conuerti repugnat. Deinde damnatur hæc hæresis in *Symb. D. Athan.*, & *D. P. Aug. loc. sup. cit. n. 3.*

17. *Nestoriani* sicut duas naturas, ita duas personas humanam, & Diuinam admiserunt in Christo; vnam à Patre ante secula genitam, alteram ex Virgine in tempore natam; & has duas personas non quidem vnitæ personaliter, sed summo affectu inter se coherere; & in Filio Virginis representari Filium Dei, ac Filium Dei in Filio Virginis operari; adeoque Filium Virginis tantum nuncupatiuè, & per denominationem extrinsecam Deum appellari, non tamen vera Deum esse; sed quia Deum repræsenteret, & Deus in illo per affectum, & operationem tanquam in suo templo habitaret.

18 Hanc insaniam damnauit *Concil. Ephesum Chalcedi*; & *V. Syn. VI*; & *VII*; & *Conc. Laris*; & improbat ex illis *Scriptura* locis, in quibus dicitur, quod vnus est Christus; vt *Rom. 5*. Si enim vnus delicto mors regnauit per vnum; multo magis abundantiam gratia, & donationis, & iustitia accipientes in vita regnabit per vnum Iesum Christum. Igitur sicut per vnus delictum in omnes homines in condemnationem; sic & per vnus iustitiam in omnes homines in iustificationem vite. Sicut enim per inobedientiam vnus hominis peccatores constituti sunt multi; ita & per vnus obedientiam vnus constituitur multi. Sicut ergo peccatum, quod est actio moraliter mala, ab vna persona, quæ est primus Adam, quia actiones sunt suppositorum, in omnes pertransiit; ita iustitia, quæ habetur ab actione Christi satisfactoria, ab vna persona, quæ est secundus Adam, abundauit in omnes; & *1. ad Corin. 8*. Vnus Dominus Iesus Christus; per quem omnia. Et quo arguitur. Iesus Christus, qui secundum naturam humanam natus est; & per quem secundum naturam Diuinam creati sumus, ex *Apost.* est vnus; sed secundum naturam humanam est homo, & secundum naturam Diuinam est Deus; ergo Christus secundum naturam humanam, & Diuinam est vnus, non quidem vnitate naturæ, vt constat ex dictis; sed vnitate personæ; & *1. ad Tim. 2*. Vnus & mediator Dei, & hominum homo Christus Iesus. Ex quo sic. De ratione medij est vnire extrema; sed Christus est medium inter Deum, & homines; ergo Christus vnium Deum, & hominem; sed hæc vnio non est facta in natura, quæ duplex, non vna, remansit; ergo in persona. Sic *Symb. Nic.* Es in vnum Dominum Iesum Christum &c. Præterea *Ephes. 2*; & *1. Pet. 2*. Christus vocatur lapis angularis; sed de ratione anguli est connectere duo extrema in vno angulo; ergo Christus connectit duas naturas in eadem persona. Præterea *Matth. 17*. vox Patris intonuit: Hic est Filius meus dilectus, ipsam audite. Ex quo sic. In singulari vocat Christum, quatenus Deus est, quia quatenus Filius, est Deus; & quatenus homo est, quia vocat hunc, qui transfiguratus erat, & vt homo, tantum transfiguratus est; sed singularitas appellat vnæ, eandemque personam; ergo Christus est vna tantum persona. Et *Io. 1*. Verbum caro factum est. Ex eo, quod vna persona vnatur affectiue alteri, non dici effectiue fieri illa; sed Verbum Diuinum vniedo sibi naturam humanam factum est homo effectiue; ergo non vnium sibi personam. Item *Symb. D. Athani*; & *S. P. Aug. ubi sup. n. 3*. Tandem prob. *Scripturis allatis n. 7*; in quibus Christus dicitur verus Deus; illa autem quæ prædicantur ad inuicem, debent realiter vniri in supposito; ex eo namq; quod duæ formæ sint in diuersis suppositis, non possunt ad inuicem prædicari, vt patet.

19 *Eutychemi* dixerunt Christum esse vnæ personæ ex duabus, non in duabus naturis; quia

quauis ante vnionem essent duæ, attamen per vnionem ambæ in vnæ coierunt naturam.

20 At damnati sunt in *Concil. Chalcedi*; quod in *Symb. fidei* habet: *Constat in nonisimis diebus Filium Dei unigenitum in duabus naturis inconfuse, immutabiliter*; & *in Symb. D. Athani*; ac *S. P. Aug. ubi sup. n. 3*. Improbantur autem ex illo *Io. 1*. Verbum caro factum est. Si duæ naturæ coalescerent in vnæ naturam, iam Verbum non esset factum caro humana, id est homo, sed factum esset illa tertia natura composita ex duabus naturis, quia factum esset illa natura, quæ manet cum Verbo, non autem illæ naturæ, quæ non manent; implicat enim rem fieri id, quod non est; quia fieri importat ipsum esse; sed conf. est blasphemum; ergo & ant. Præterea Verbum incarnatum manet Deus, & homo; ergo manent natura Diuina, & humana, à quibus formaliter Deus, & homo denominatur. *Vid. n. 7*; & *16*.

21 *Monothelici* dixerunt in Christo fuisse vnæ personam, & duas naturas, sed vnæ tantum voluntatem, & vnæ operationem.

22 Sed damnati sunt in *VI. Syn. Geni*; & euincuntur *Luc. 22*. Non mea, sed tua voluntas fiat; ex *Io. 6*. *Vid. n. 14*. & *3*.

23 *Alij* tandem dixerunt Diuinitatem in Christo doluisse, cum eius caro figeretur in cruce; vt ex *Philastro* refert *S. P. Aug. her. 73*.

24 Sed reuelluntur ex dictis; nam Deitas est simpliciter impassibilis, & immortalis, vt diximus *n. 3*. ex *S. P. Aug*; ergo doloris, qui est passio, est simpliciter incapax. Tum quia est summè beata; ergo nequit dolere, quod beatitudini repugnat. Tandem, vt arguit *S. P. Aug. ubi sup.* in Christo cogimur à Fide duas naturas omnino inconfusas, & in sua proprietate manentes concedere; ergo *unicuique sua propria aptanda sunt*; id est infirmitates (inter quas est dolor) humanitatis, quæ creata est; & mirabilia Diuinitati, quæ creauit; sic enim verum Deum, & hominem Christum; & incarnationis quiditatem fideliter confitebimur.

A R T. II.

An possibilis sit Incarnatio?

1 **V**ix ceperant Apostoli Christum Gentibus euangelizare, quod *Philosophi* humana tumentes philosophia incarnationis mysterium externè reuelatur naturali ratione inuestigare conati sunt; at renuentes fidei mentem subijcere superbe scire querendo, quod humiliter credendo tantum addiscitur, dixerunt impossibile esse vnionem naturæ humanæ cum natura Diuina in vnæ, eademque persona; ac propterea tanquam stultos, & insipientes despexerunt Apostolos; eoque magis, quia scientia, quæ inflat, elati à vilibus, abiectisq; piscatoribus edoceri indignabantur. Hinc *Paulus 1. Cor. 1*. scribens

ribens *Corinthum*, ubi tunc maxime philosophia vigeat, conquerebatur Christum fuisse *dais quidem scandalum, Gentibus autem stultitiam*. Sed quoniam *qua stulta sunt Mundi, electis Deus, ut confundat sapientes* iuxta illud *Abd. 1. v. 24. idam sapientiam sapientum, & prudentiam prunum reprobabo*; stultescere Mundanam sapientiam, quæ Christum veram Dei sapientiam fellere ausa est; & Christi doctrinam rectè facere, si ratio ducatur à fide; facile est ratione monstrare. Hæc igitur quaestio orta est ex quaerone de existentia incarnationis; ut enim philosophi ostenderent Christum non esse Deum, minem, arguebant ex eo, quod impossibilem ionem hominis, & Dei in eadem persona putabant. E contra tamen existentia huius sterij ex possibilitatis ostensione magis de-rata apparebit.

2. Nemo impediens hanc veritatem nega-
quàm Porphyrius Siculus Philosophus Platonis, *Plotini auditor, Origenis, & Amelii condiscipulus*; à Religione Christiana, quam semel profes-fuerat, ad gentilissimum reuersus, ut refert *Aug. lib. 10. de Ciu. cap. 28.* contra eandem
psit quindecim libros, quibus triginta apolo-gicos opposuerunt *Methodius, Eusebius, & Apo-liris*; *S. P. Aug. ubi* & cap. 29; & de *quinq; ha-bis & or. cont. Iudeos, Paganos, & Hereticos*; *lib. 1. de consensu Euang.*; *S. Tho. cont. Gent. & aliq.*

3. Vnica concl. Incarnatio est possibilis. Est ei dogma; Angelus enim *Luc. 1.* postquam erat: *Ecce concipies, & paries Filium, & voca-vomen eius Iesum. Hic eris magnus, & Filius ssimi vocabitur*; Virgini sciscitanti: *Quomodo istud?* Respondit: *Non eris impossibile apud m emne verbum. Non impossibile autem sonat n, ac possibile*; duæ nanque negationes affir-ionem efficiunt. Deducitur etiam ex prin-o fidei, quæ docet Verbum fuisse incarna-; ergo incarnatio est possibilis; ab actu enim potentiam, quæ ordinatur ad actum, valet iela. Hoc omnes Catholici tenentur fateri, *contra Gentiles, aut Hebræos*, qui testimonia-ii testamenti inficiantur, ex hoc sic est ar-dum cum *Fund. Doct. Aeg. hic dist. 1. par. 1. art. 1. §. In contrarium*. Quod non est Deo-ossibile, est simpliciter possibile; sed incar-o non est Deo impossibilis; ergo est simpli-r possibilis. Ma. patet; nam negatio vnus traditorij non habetur, nisi per aliud con-ictorium; ideo negatio impossibilis non-etur, nisi per possibile; sicut negatio possi-s non habetur, nisi per impossibile. Prob. m. d tantum est Deo impossibile, quod impor-nanifestam, ac insolubilem repugnantiam-*inorum*; Diuinæ etenim omnipotentia, quia-ita est, tantum denegandum est, quod im-at manifestam repugnantiam simpliciter-*lubilem*; nam Diuina omnipotentia plus-*est efficere, quàm nos possumus cognoscere*;

ideo quod possumus cognoscere non habere re-pugnantiam manifestam à nobis insolubilem; illud censendum est simpliciter possibile omni-potentia Diuinæ; sed incarnatio non importat manifestam repugnantiam à nobis insolubilem; illud nanq; importat manifestam repugnantiam insolubilem à nobis, quod negatur à plerisque sapientibus, quia illud nequeunt dissolvere; incarnatio autem conceditur à plerisque sapienti-bus omnium nationum; nam Prophetae inter *Iu-deos* Sapientes profecto fuerunt, & ipse *Plato* Magi-ster *Philosophorum*, cum quibus disputamus, plu-rimi estimauit sapientiam eorum, à quibus mul-ta didicisse fertur, cum in *Aegyptum* perrexit; Prophetae autem clarè prædixerunt incarnatio-nem futuram. Præterea *Dionysius Atheniensis vnus ex Arcopagitis* Iudicibus; *Lucas Antioche-nus, Barnabas Cyprius*, & ceteri, de quibus in *Actis Apostolorum* fit mentio, fuerunt procul du-bio sapientes, & Gentiles erant, cum illis prædi-catus est Iesus, & tamen consenserunt, non ne-gauerunt Incarnationem. Similiter vt arguit *S. P. de quinq; hæres & or. cont. Iudeos, Paganos &c. Sybilla, & aliq; vates gentiles*, de quibus diximus *10. 1. q. 5. proem. art. 9. §. 2.* prædixerunt incar-nationem futuram, adeoque possibilem; & per consequens illam non negauerunt, & tamen inter *Gentiles* sapientiam possedisse pro certo ha-bitum fuit; ideo incarnatio repugnantiam ma-nifestam insolubilem non importat; ergo incar-natio non est Deo impossibilis.

4. Prob. 2. ad hominem à *S. P. Aug. lib. 10. de Ciu. Dei cap. 29. contra Adversarios ex illo Symb. D. Athan. Sicut anima rationalis, & caro vnus est homo; ita Deus, & homo vnus est Christus. Quam rationem vnus scquitur, & expendit Fund. Doct. Aeg. ubi* in corp. Inquit igitur *S. P. Aug. Quid, inquam, vobis incredibile dicitur, cum Deus dicitur, assumpsisse humanam animam, & corpus? Vos certè tantum tribuitis anime intellectualis, quæ anima vsi-que humana est; ut eam consubstantialiorem paternæ illi menti, quem Dei Filium consuemini, fieri posse dicatis? Quid ergo incredibile est, si aliqua vna intellectualis anima modo quodam ineffabili, & sin-gulari pro multorum salute suscepta est? Corpus ve-rò anima coherere, ut homo totus, & plenus sit, na-tura nostra ipsa testè, cognoscimus. Quod nisi vsi-ratissimum esset; hoc profecto esset incredibile; fa-cilium quippe in fidem recipiendum est, etsi humanum Diuinum, etsi mutabile incommutabile; tamen spiritum spiritui, aut ut verbis utar, quæ in vsu habetis, in-corporeum incorporeo, quàm corpus incorporeo cohe-rere. Ex quibus sic. 1. Philosophi gentiles admi-tunt possibilem esse consubstantialitatem animæ rationalis cum Verbo, quod est Filius Dei; ergo multo magis coguntur admittere assumptionem animæ rationalis, & corporis humani, quod na-turaliter vnitur animæ ad identitatem personæ. Ant; licet falsum, est eorum doctrina. Prob. conf. Maiorem vniorem importat consubstantialitas, quæ*

quæ dicit identitatem naturarū; quàm assumptio naturæ humanæ; quæ importat solam vnionem naturæ cum distinctione reali à natura Diuinæ; ergo si illa ab ipsis, vt possibilis, admittitur; multò magis huius possibilitatem debent concedere. 2. Ideo incarnatio non est possibilis, quia humanitas Diuinitati nequit hypostaticè vniri; sed conf. est falsum; ergo & ant. Ma. est ratio *Aduers. r. rorum*. Prob. mi. Quæ habent maiorem conuenientiam, magis possunt vniri, quàm illa, quæ inter se minùs conueniunt; nam conuenientia in vnitate fundatur; vt constat ex *Logica*; & ideo vbi est maior conuenientia, ibi maior est vnitas; sed anima rationalis, & Diuinitas magis conueniunt inter se, quàm corpus, & anima; quia anima rationalis, & Diuinitas conueniunt in ratione spiritus, seu entis incorporei, in qua tamen non conuenit corpus, quod contra illam adæquatè diuiditur; & tamen clarum est animam, & corpus vniri ad constituendam vniam personam; quod nisi in omni homine eueniret, minùs credibile videretur, quàm personam Diuinam posse assumere animam rationalem, quæ spiritualis est; & quia cum anima rationali vnitur naturaliter corpus, ideo assumere etiam corpus, & sic totam, & plenam naturam humanam assumere ad consortium naturæ Diuinæ in vnitate personæ; ergo humanitas Diuinitati potest hypostaticè vniri.

5 Dices 1. Quamuis anima, & corpus non conueniant in ratione spiritus; atamen conueniunt in ratione creaturæ; Diuinitas autem, & anima rationalis, licet conueniant in ratione spiritus, disconueniunt tamen in ratione increati; & creati; hæc autem disconuenientia est maior, quia inter Deū, & creaturam est infinita distantia; quàm illa, quæ; quia est inter terminos finitos, finita est; ergo allata ratio non probat.

Resp. differentiam, quæ est inter Deum, & creaturam, esse analogicam; differentiam, verò, quæ est inter corpus, & animam, esse prorsus æquiuocam; de ratione autem differentia analogicæ est, quòd importet partim vnitatem, & partim diuersitatem, cum analogia sint, quæ important rationem partim eandem, partim diuersam; identitas autem est vnitas, vt claret; de ratione verò differentia æquiuocæ est, quòd importet omnimodam diuersitatem quia æquiuoca definiuntur, quæ important rationem omnino diuersam. Constat autem, quòd diuersitas omnimoda est disconuenientia maior, quàm diuersitas aliquam vnitatem includens; quamuis hæc sit illa distantior; & ideo extrema, & si distantiora, posse tamen vniri, quia habent rationem, in qua vniantur; extrema verò, quæ nullam habent rationem, in qua vniantur, etsi minùs distantia, difficultius apparere, quomodo queant vniri. Perfectò certum est substantiam, & accedens magis distare inter se, quàm differentia æthomæ ipsius substantiæ v. g. canis, & equus;

& tamen hoc non obstante manifestum est substantiam, & accedens coniungi in vnitatem subiecti, quia, vt potè analogia, habent vnitatem, secundum quam conueniunt; canem verò, & equum non posse cōfluere in vnitatem suppositi, quia sunt æquiuoca omnino diuersa. Ergo eadem ratione videri posset impossibilis vnio animæ cum corpore, nisi experientia continua mouisset mentem ad excogitandam rationem; quòd scilicet ad hoc, vt duo vniantur, sufficit, quòd vnum habeat rationem actus, alterum potentia passiuæ; vt ait *Fund. Doct. Aegid.*, quæ ratio, quia etiam in incarnatione concurrunt; humanitas enim passiuè se habet, Diuinitas verò actiuè terminatiuè, vt *inf.* & vltra hoc interuenit analogica vnitas; ideo incarnatio videretur credibilior, quàm vnio animæ, & corporis, nisi continua experientia constaret. Optimè igitur allata ratio concludit.

6 Dices 2. Humanitas non concurrat ad constituendam Christi personam; sicut caro ad constituendam personam hominis; ergo hæc similitudo ruit.

Resp. *Fund. Doct. Aeg. hic art. 2. §. sic etiam*; quòd si similitudo multas non ferret secum dissimilitudines, esset identitas, non similitudo. Hæc igitur similitudo consistit in hoc, quòd sicut caro vnitur animæ in vna, & eadem persona hominis; ita natura humana vnitur naturæ Diuinæ in vna, & eadem persona Christi. Sed cum hac similitudine stant plures dissimilitudines. 1. Natura humana ita vnitur Verbo Diuino, vt tota ratio personalitatis sumatur ex parte Verbi Diuini, non ex parte humanitatis; at caro, & anima in puro homine ita vniantur, vt ratio personalitatis sumatur ex parte vtriusque, quapropter anima separata non est persona, vt fusè probat *Fund. Doct. art. 2. cont. Hugonem*, & colligitur ex *S. P. Aug. lib. 19. de Ciuit. Dei c. 3*; vbi docet hominem neque animam solam, non solum corpus, sed animam simul, & corpus esse; homo autem dicit personam, vt *inf.* 2. Anima, ita vnitur carni, vt habeat appetitum naturalem ad illam; in Verbo tamen nullus datur appetitus naturalis ad naturam humanam; sed talis vnio est ex mera dignatione ipsius Verbi. 3. Caro ita vnitur animæ, vt prius inceperit esse suppositum, quia prius fuit embrio, quàm homo; at natura humana in primo instanti, quo B. Virgo consensum præbuit dicendo: *Ece ancilla Domini fiat mihi secundum verbum tuum*; statim fuit ibi Verbum, & natura humana fuit homo, & Deus. 4. Personalitas, quæ resultat ex anima, & carne, fit in tempore; at personalitas Christi fuit ab æterno. 5. In morte hominis anima desinit esse vnita carni; at persona Verbi in morte Christi non fuit separata à carne, & anima Christi, sed sola anima fuit à carne diuisa. 6. Anima non operatur vnionem sui ad carnem; at Verbum operatum est vnionem sui ad naturam humanam.

humanam. 7. Animæ & caro se ad inuicem sub-
stant, quia sunt sibi ab inuicem causæ; at
terrum substantat naturam humanam, non è
contra. 8. In anima, & carne est communis, spe-
ciem accipere, vt loquitur D. Dam; quia ex ani-
a, & carne constat vna natura communis,
ilicet humanitas; in Verbo autem, & homine
non est communem speciem accipere, quia non
infunduntur naturæ. Sed cum his, alijsque
fœderentis, quæ possunt afferri, stat similitudo
signata, quæ rectè probatur incarnationis pos-
sibilitas.

7. Prob. 3. ab eod. S. P. Aug. ubi. Ideo per
hæresarios incarnatio non est possibilis, quia
Iesus ex cõmixtione seminum generari non
uit; hominem autem sic generari necesse est;
hoc non obstat; quia primus homo non po-
tuit ex femine generari, aliter non fuisset pri-
us homo, & tamen fuit verus homo; sic dicen-
dum de prima fœmina; ergo licet Christus non
uerit ex cõmixtione seminum gigni; attan-
non sequitur, quod non potuerit esse ve-
homo.

3. Prob. 4. Causa vniuersalis perfectè con-
tinet causam particularem potest per se ipsam
stare omnes effectus causæ particularis dem-
onstrare; imperfectionibus, quæ competunt causæ
particulari; sed persona Verbi Diuini est causa
uersalis perfectè continens omnem personam
creaturam; & personalitas humana potest
possidere naturam humanam; ergo persona
Verbi potest per se ipsam suppositare naturam
humanam, demptis tamen imperfectionibus;
competunt supposito creato. Ma. patet;
causa vniuersalis perfectè continens cau-
sam particularem, perfectè continet esse causæ
particularis, & virtutem sequentem ad illud
per quam potest illud esse communicare;
potest præstare id, quod præstat causa par-
ticularis. Prob. mi. Persona Verbi Diuini est
oliceiter infinita; ergo est omnis personalitas;
nitum enim in vno genere debet adæquatè
tinere omnem perfectionem illius generis;
et infinitum non esset, quia posset ei super-
i perfectio illa, quæ ei deficeret; quod tol-
lert rationem infiniti, quia tolleretur eius defi-
nitio; ergo personalitas Verbi Diuini per-
fectè continet etiam quolibet personalitatem
naturam; & ideo potest naturam humanam
possidere demptis imperfectionibus, quæ ra-
tione limitationis personalitati humanæ con-
iunt. Sed incarnatio importat suppositatio-
nem naturæ humanæ factam à persona Diuina;
persona Diuina potest incarnari; & ideo
ibilis est incarnatio.

Dices 1. Ex eo, quod Deus sit omnis for-
non sequitur, quod possit præstare effectus
nales sine forma, vt facere album sine albe-
dine; ergo ex eo, quod sit omnis persona, non
uitur, quod possit præstare omnes effectus
tag. Frideric. Nic. Gauardi Tom. 5.

formales omnium personalitatum. Tum quia
effectus personalitatis est reddere naturam sub-
sistentem; sed esse subsistens est effectus forma-
lis substantiæ, quam importat personalitas;
sicut esse album est effectus formalis albedinis;
ergo sicut Deus, ex eo, quod contineat emi-
nenter albedinem, nequit per se ipsum sine al-
bedine formali creata, quæ est causa formalis
esse albi, facere album; ita quauis contineat
eminenter omnem personalitatem creatam, quæ
importat formaliter substantiam, nequit per
suam personalitatem reddere naturam creatam
formaliter substantem sine substantia creata,
quæ est causa formalis esse subsistentis.

Resp. Deum non posse supplere causam
formalem, vt fuscè diximus to. 1. de simpl. Dei
art. 4. nu. 12; & art. 5. à nu. 2; & de Innisib. q. 2.
art. 2. à nu. 4; & to. 3. de Beat. q. 2. art. 1. nu. 4;
& sapissimè alibi. Quia nimirum forma spectat
ad essentiam rei; & quia Deus nequit facere rem
sine se ipsa, ideo nequit facere ipsam sine sua
forma. At supposititas importat solam sub-
sistentiam singularem; cum autem substantia ad-
ueniat creaturæ tantum extrinsecè, & omnino
accidentaliter; quia sine ipsa adhuc intelligitur
essentia creaturæ, quauis sine ipsa non possit
subsistere in rerum natura; ideo sine substan-
tia creata potest salua essentia creaturæ substan-
tare creaturam per suam substantiam increa-
tam actiue tantum illam substantiantè. Et quan-
uis creatura possit subsistere in esse per sub-
sistentiam creatam intrinsecè in ipsa receptam,
vt euenit in omni pura creatura; & tunc sub-
sistentia habet rationem causæ formalis respectu
ipsius esse subsistentis; attamen hoc non est de
ratione essentiali ipsius causæ substantiativæ, sed
tantum accidentaliter ei conuenit, & secundum
potentiam Dei ordinariam; nam certum est
Deum substantiare in esse omnem creaturam,
imò & ipsam substantiam creaturæ; & tamen
non est forma informans creaturam; sic parietes
substantiant tectum; & tamen tectum non est
forma informans parietem; ergo quauis Deus
non possit supplere causam formalem, quia for-
ma, vt patet, spectat ad essentiam creaturæ, cum
sit quod quid erat esse rei; & Deus nequit per suam
essentiam facere creaturam sine essentia creatu-
ræ, quia ipsam faceret sine se ipsa; attamen po-
test per suam substantiam incretam supplere
substantiam creaturæ, & ipsam facere sub-
sistentem; quia substantia creata est extra essen-
tiam creaturæ, & illi accidentaliter aduenit; ac
propterea potest sine illa subsistere de potentia
Dei absoluta. Neg. ergo conf. propter dispari-
tatem allatam. Ad aliud dist. ma. Effectus for-
malis personalitatis est reddere naturam sub-
sistentem per substantiam informantem, vel me-
rè actiue terminantem, conc. tantum informan-
tem, neg; & eodem modo distinguitur mi.

10. Responso autem, quam dat Gonet, quod
B scilicet

scilicet quannis Deus nō possit supplere causam formalem physicam, quæ est pars; attamen potest supplere causam formalem metaphysicam, quæ habet rationem totius, & causam formalem intelligibilem, quæ est species, omittenda est; quia licet forma intelligibilis possit à Deo suppleri, quia ipsa potius est supplementum obiecti, ponitur enim ad supplemendam absentiam obiecti, quapropter dicitur *Vicaria obiecti*, quia gerit vices obiecti; & ideo à fortiori possit ipsum obiectum præstare, quod præstat eius supplementum; attamen formam metaphysicam Deus nequit supplere; quia humanitas est forma metaphysica, & est forma totius, & tamen nequit Deus facere hominem sine humanitate, quia ipsum faceret sine sua essentia. Tum quia forma metaphysica, quæ dicitur forma totius, coalescit ex partibus physicis; vt humanitas ex materia, & forma; sed Deus nequit supplere partes physicas, quia nequit supplere formam, & multò minùs materiam; ergo neque formam metaphysicam. Tandem falsum est subsistentiam esse formam totius; ex ipsa namque, & natura fit totum, quod vocatur suppositum, si sit in natura irrationali; vel persona, si sit in natura intellectuali eo prorsus modo, quo ex materia, & forma fit totum, quod dicitur compositum physicum; vt diximus 10. 3. de Ang. q. 1. art. 3. nec discentiunt Thomista.

11 Instat Gonet. Subsistentia habet veram rationem formæ metaphysicæ. 1. Quia suppositum dependet à subsistentia, tanquam ab actu se communicante; actus autem, & forma metaphysica idem sunt. 2. Subsistentia facit naturam formaliter subsistere; ergo est causa formalis subsistendi. 3. Omne constitutum est causa formalis metaphysica; sed subsistentia est constitutiva suppositi. 4. Natura in supposito habet rationem causæ materialis actuabilis, & complebilis per subsistentiam; ergo subsistentia habet rationem causæ formalis actuantis, & completis. 5. Omnis dependentia essentialis, qualis est rei constitutæ à suo constitutiuo, infert causalitatem intrinsecam, quæ non est, nisi formalis; sed suppositum essentialiter dependet à subsistentia; ergo idem.

Resp. hæc omnia probare subsistentiam habere rationem causæ partialis in ipso supposito; quod componitur ex duabus partibus, quarum una habet rationem potentie passivæ, altera rationem actus recepti; sicut enim ex potentia physica, & actu physico fit compositum constans ex partibus; ita non est ratio, quare ex potentia metaphysica, & actu metaphysico non fiat suppositum constans ex partibus; non enim sola potentia, vel solus actus dicit totum suppositum, sed solam partem suppositi, vt patet. Insuper subsistentia, cum distinguatur realiter à natura, nequit importare ipsam naturam; & ideo non dicit totum compositum ex natura, & subsistentia.

Ergo iste rationes euincunt non posse Deum, supplere subsistentiam, quia subsistentia est causa partialis suppositi.

12 Ad arg. autem dist. assumpt. Subsistentia creata habet veram rationem formæ essentialiter, neg; forma enim constituit essentiam, à qua subsistentia differt realiter. Habet modum formæ, quia habet rationem actus terminantis, & intrinsecè recepti in ipsa essentia; à qua exceptione potest absolui, quia illi accidentaliter competit, quatenus scilicet est actus finitus, qui separatim à sua essentia nequit existere, conc. Hinc habet *Fund. Dist. Neg.*, quòd sicut materia aliquando trahitur ad modum formæ, vt cum ei competit agere; & forma aliquando ad modum materiæ, vt cum ei convenit recipere; ita dicendum de subsistentia, quæ aliquando habet modum formæ, quannvis essentialiter forma non sit. At verò quia subsistentia Diuina, est realiter identificata cum essentia Diuina, ideo habet rationem actus purè terminantis absque eo, quòd recipiatur in essentia creata, à qua etiam separata subsistit. Ad 1. prob. dist. assumpt. Suppositum dependet à subsistentia recepta, tanquam ab actu se intrinsecè communicante, conc; à subsistentia purè terminante, neg. Sic actus receptus, & forma metaphysica partialis idem sunt quoad modum, conc; actus purè terminans, neg. Ad 2. dist. ant. Facit subsistere per subsistentiam receptam intrinsecè, vel merè irreceptè terminantem, conc; tantum receptam, neg. Ad 3. dist. mi. Subsistentia creata est constitutiva, suppositi creati, conc; suppositi increati, neg. Quia autem natura creata realiter distinguitur à suppositualitate, ideo potest assumi à subsistentia iam personalizata, quæ simul cum natura assumpta non constituit suppositum creatum, sed facit naturam creatam suppositari per suppositum increatum; & ideo non est necesse, quòd sit recepta in natura, quia non debet simul cum illa constituere suppositum; sed sufficit, quod illam purè irreceptibiliter terminet, sicut illam purè irreceptibiliter terminat suppositum. Ad 4. dist. ant. Complebilis per subsistentiam receptam, vel irreceptam, conc; receptam tantum, neg. Ad 5. dist. mi. Suppositum creatum, conc; increatum, neg.

13 Dices 2. Quannvis personalitas Verbi sit infinita; attamen adæquatè terminat naturam Diuinam, quæ pariter est infinita; ergo nequit terminare naturam humanam, quia adæquatè terminans nequit ampliùs terminare, secus adæquatè non terminaret.

Resp. dist. ant. Terminat naturam Diuinam in linea generationis passivæ ad intra, conc; productionis ad extra, neg; vnde sicuti essentia Diuina, quannvis adæquatè ad intra terminata per filiationem in linea generationis passivæ, adhuc est communicabilis ad extra, & infinitè terminabilis per creaturas; ita personalitas Verbi,

erbi, quanuis adæquatè terminet naturam diuinam ad intra in linea generationis ita, vt equeat terminari per alium Filium; attamen potest ad extra terminare naturam humanam, & lam eleuare ad filiationem Dei naturalem assumendo in vnitatem personæ.

14 Obijc. 1. Est impossibile Deum mutari; go incarnatio est impossibilis. Ant. patet. Prob. onf. Mutari est aliter se habere intrinsecè, uàm antea se habebat; sed per incarnationem erbum aliter se haberet intrinsecè, quàm antea se habebat; quia fieret intrinsecè homo, qui ius non erat; ergo per incarnationem Deus utaretur intrinsecè; sed hoc est impossibile; go & impossibilis est incarnatio; per quam fiet talis mutatio. 2. Impossibile est, quòd Verbum Diuinum componat cum natura humana; impositio enim essentialiter dicit imperfectiorem, quæ Deo repugnat; sed incarnatio dicit impositionem Verbi Diuini cum natura humana, ex quam compositione resultat Christus; go idem. 3. Omne vniibile dicit motum, quo agente superiori vnitur; sed motus repugnat eo, quia ei repugnat mutatio; ergo ei repugnat vnio cum aliena natura; acqui incarnatio cit vnionem Dei cum natura humana; ergo em.

Resp. ad 1. cum Fund. Doct. Aeg. hic ad 1. g. onf. Ad prob. neg. mi; & ad prob. infert. st. Verbum fieret intrinsecè homo per humanitatem intrinsecè receptam in Verbo, neg; fiet intrinsecè homo per humanitatem intrinsecè rminatam sine receptione, conc; mutatio autem dicit receptionem alicuius, quod antea non habebat. Ad 2. fusè dictum est 10. 1. vbif. art. 6. ist. igitur ma. Incarnatio dicit compositionem ex parte vtriusque extremi, neg; ex parte solius nature humanæ, quæ passiuè componitur cum verbo; non ex parte Verbi, quod tantum irrepetibiliter terminat talem compositionem, conc. id. loc. cit. Ad 3. resp. Fund. Doct. vbif. eodem modo dist. ma. Omne vniibile dicit motum in quoque extremo, neg; in vno tantum, conc. cuti dato vno pariete alio ad hoc, vt alter patet fiat vnus cum illo in ratione coloris, sufficit, quòd ille alter dealbetur, & mutetur per albedinem in ipso productam, & hoc sine mutatione facta in primo pariete iam albo, qui accipit solam relationem similitudinis, quæ non debet mutare subiectum. Ita Verbum terminat naturam humanam non acquirit per talem vnionem nisi relationem rationis, quæ ipsum verbum nequit mutare.

15 Obijc. 2. Illud, quod alteri vnitur, accipit perfectionem illius, cui vnitur; sed Verbum nullam potest acquirere perfectionem, cum sit infinitè perfectum; ergo nequit alteri vniri. Inter ea, quæ vniuntur, debet dari aliqua proportio, aliter nunquam posset fieri vnio; ideo ratio nequit recipi, nisi in materia, quæ est illi Mag. Frideric. Nic. Ganardi Tom. 5.

proportionata; sed inter personam Diuinam, & hominem nulla est proportio, quia infinitè distant inter se; ergo idem.

Resp. ad 1. Fund. Doct. hic ad 2. dist. ma. Si illud, quod vnitur, vniatur, vt communicet suam perfectionem, neg; si, vt perficiatur, conc. Ad 2. resp. ibid. ad 3. dist. ma. Debet dari aliqua proportio commensurationis, neg; & in hoc sensu conc. mi; proportio ordinis, conc; & in hoc sensu neg. mi; nam quanuis primum mouens sit infinitum, omnia tamen mota, & mouentia ordinantur ad illud, vt ab illo immutentur, quod nequit fieri, nisi per contactum essentialem, & ideo per vnionem, vt diximus 10. 3. de Beat. q. 2. art. 2. §. 1.

16 Obijc. 3. Maior est distantia inter personam diuinam, & naturam creatam, quàm inter duo contraria; sed vnio contrariorum est impossibilis; ergo & vnio personæ Diuinæ cum natura creata. 2. Implicat, quòd anima rationalis fiat corpus; ergo implicat, quòd Verbum fiat caro; nam in tantum implicat, quòd anima fiat corpus, in quantum implicat spiritum fieri corpus, naturæ enim sunt impermixtæ. Sed Verbum est spiritualissimum; ergo à fortiori implicat fieri carnem, quæ est corpus.

Resp. Fund. Doct. ad 4. dist. ma. Vnio contrariorum per identitatem est impossibilis, conc; per distinctionem, neg. Igitur sicut implicat albedinem fieri nigredinem, non tamen idem subiectum secundum vnā partem esse album, & nigrum secundum aliam; ita implicat Verbum Diuinum fieri hominem per identitatem, non tamen secundum naturam Diuinam sibi identificatam esse Deum, & secundum naturam humanam assumptā cum diuersitate à natura Diuina esse hominem. Ad 2. dicitur eodem modo, quòd sicut implicat, quòd anima fiat corpus per identitatem, non tamen quòd vniatur corpori in eadem persona; ita à pari.

17 Obijc. 4. Quanuis suppositum hominis contineat perfectiones suppositorum brutorum, viuientium, & inanimatorum; attamen homo nequit assumere formam irrationalem in confortium animæ rationalis; ergo à pari. 2. Si Verbum incarnaretur; vel vnio fieret immediatè ad personalitatem propriam Verbo; & hoc non; quia incarnatio, cum sit opus ad extra, debet esse communis toti Trinitati; sic autem conueniret soli Verbo; vel vnio fieret immediatè ad naturam Diuinam; & sic tota Trinitas esset incarnata, & ideo falsum esset vnionem factam esse in persona Verbi; ergo nullo modo. 3. Implicat dari opus Dei perfectissimum, quo Deus non possit producere perfectius, aliter exhauriretur omnipotentia Dei, quæ non exhauritur, nisi per effectum infinitum, cum sit infinita; sed incarnatio est opus perfectissimum; ergo implicat.

Resp. ad 1. neg. ant. quoad 1. part; nam causæ vnientur.

vniversales, vel causę perfectiores creatę nō nisi ĩmperfectę, idēst secundū rationes vniversales, non secundū particulares, continēt causas inferiores; suppositum autem constituitur per rationes particulares, quę cūm non contineantur in causa perfectiori creatę, ideo suppositum inferius non continetur in supposito perfectiori, sed in illo continetur sola natura, quę est in suppositis inferioribus. Ad 2. dicitur vnionem fieri immediatę in persona, & mediante persona ad naturam. Ad improb. dicitur, quod incarnatio sumpta efficienter est opus Trinitatis, & à tota Trinitate; terminatiue verò non est opus, sed est terminatio operis; & sic est ad solam personam Filię. Ad 3. dist. mi. Incarnatio est opus, prout importat naturam humanam, conc; & sic humanitate datur, & dari potest natura perfectior; prout includit naturam Diuinam, neg; sic enim non est opus, sed operatrix, quā cūm nihil excogitari queat perfectius, ideo opus creatum inuoluens naturam Diuinam ratione illius est perfectissimum.

A R T. III.

An potuisset incarnari Pater, aut Spiritus Sanctus?

Q Værur de persona Patris, aut Spiritus Sancti disunctiue; an scilicet solus Pater potuerit incarnari, sicut solus Filius de facto incarnatus est; & idem de Spiritu Sancto. An autem duę tantū personę potuerint incarnari non incarnata tertiā, tractabitur in seq. art.

2 Ratio dubitandi est; quia si incarnatus esset Pater, aut Spiritus Sanctus fuissent in Trinitate plures Filij; scilicet Verbum, & persona incarnata, quę esset Filius Dei; hoc autem videtur absurdum. 2. Quia illi tantū personę conuenit incarnari, cui conuenit visibiliter mitti; nam incarnatio est missio; Patri autem non conuenit mitti; vt docet S. P. Aug. lib. 2. de Trin. c. 12; quia missio est *processio Diuina persona ad extra dicens ordinem ad processionem ad intra*; vt diximus 10. 2. de Trin. q. 10. art. 1; ideo Patri videtur non posse competere incarnatio.

3 Propter has rationes (inquit Fund. Doct. Aeg. hic dist. 1. q. 1. p. 1. art. 4.) S. Anselmus lib. de Incarnat. Verbi cap. 4. docuit Patrem non potuisse incarnari. Quauis idem Fund. Doct. asserat ipsum loqui secundū potentiam ordinariam, secundū quam Deus ab æterno ordinauit Filium solum fore incarnandum; cūm enim Deus sit simpliciter immutabilis, ideo secundū hanc ordinationem non potest agere, vt Pater incarnetur; non autem loqui secundū potentiam absolutam, secundū quam poterat ab æterno aliter ordinare; & sic quod Pater, non Filius carnem in tempore assumeret.

4 Sententia tamen communis, quam docet

Mag. sent. hic, Fund. Doct. Aeg. vbisq; & alij, est affirmatiua.

5 S. P. Aug. lib. 5. de Trin. c. 15; & 16. docet, quod omnia ea, quę conueniunt Deo in tempore, non important in Deo, nisi relationem rationis fundantem denominationem extrinsecam. De ratione autem relationis rationis est nullam importare mutationem, & per consequens ĩmperfectiōem ex parte subiecti, quod afficit; sufficit enim, quod mutatio sit ex parte alterius extremi, quod realiter refertur; v. g. nummus ex eo, quod incipiat esse pretium alicuius rei, vel pignus, non acquirit nisi relationem rationis ad rem vendibilem, vel commodatam, cuius sit pignus; nulla tamen sit intrinseca mutatio, aut perfectio, vel ĩmperfectio in ipso metallo. Ita ex eo, quod Deus incipiat in tempore esse Dominus creaturę, tota mutatio est ex parte creaturę acquirentis esse, quod non habebat; Deus autem, qui incipit esse Dominus, cūm incipit esse creatura illi seruiens, nihil acquirit intrinsecę, sed extrinsecę tantū; ei aduenit relatio, qua respicit seruam creaturam. Incarnatio igitur, quę incepit in tempore, quia natura humana in tempore assumpta, est à Verbo, præter ipsam naturam humanam, assumptam solam relationem rationis, nullam verò mutationem, aut ĩmperfectiōem ex parte Dei importat; ex parte autem naturę humanę mutationem realem, & perfectiōem fundantem relationem realem ad Deum importat.

6 Et quidem duplex relatio rationis ex parte Dei in incarnatione consergit; nam vt docet idem S. P. Aug. in Enchir. c. 38. Sed cū illam creaturam, quam Virgo concepit, & peperit, quauis ad solam personam Filij pertinens tota Trinitas fecerit, neque enim separabilia sunt opera Trinitatis & c; & cui consonat Fund. Doct. Aeg. vbisq; si incarnatio consideretur effectiue, omnes tres personę Diuinę ad illam concurrunt; & sit consergit relatio Creatoris; si verò consideretur terminatiue, sola persona Verbi ad illam concurrat, & sic resultat relatio terminantis, vel assumentis humanam naturam. Dat exemplum Fund. Doct. hic art. 3. S. Secundū autem: Sicut tres puellę vestientes vnā ex se ipsis ita, vt duę vestiant tertiam, & ista quoque simul cum alijs duabus se vestiat; tunc tres vtique sunt actiue vestientes, sed vna tantū remanet terminatiue vestita. Ita tres personę Diuinę efficienter operatę sunt incarnationem producendo naturam humanam; sola tamen persona Verbi remansit terminatiue induta habitu humanę naturę; & hoc est, quod ait Apost. ad Philipp. 2. *Formam serui accipiens, & habitu inuentus, vt homo*. Difficultas ergo procedit de incarnatione terminatiue accepta; sic enim incarnatione communiter sumitur.

7 Vnica concl. Non implicat Patrem, aut Spiritum Sanctum disunctiue incarnari.

Prob. 1.

Prob. 1. à *Fund. Doct.* Ea tantum sunt de-
ganda Diuinæ Omnipotentia, quæ ponunt
aperfectionem intrinsecam in Deo, vt peccato-
; vel quæ important aliquam repugnantiam;
d Patrem, aut Spiritum Sanctum disiunctiue in-
urnari nullam dicit imperfectionem intrinsecam
eo, quia incarnatio nihil importat intrinse-
um Deo subiectiue in illo receptum, vt di-
um est; nec inuoluit repugnantiam; quia ad-
it tantum aliquid vnium Deo realiter distin-
um, nempe naturam humanam; repugnantia
item debet esse de eodem secundum idem; er-
o Patrem, aut Spiritum Sanctum posse disiun-
iue incarnari non est denegandum Diuinæ om-
potentia.

8 Conf. 1. Non repugnat Verbum Diui-
um incarnari; ergo neq; Patrem, aut Spiritum
inatum; nam in tantum non repugnat Verbum
carnari, in quantum incarnatio importat tan-
m aliquod irreceptum adueniens Verbo in
mpore; sed eodem modo se haberet respectu
tris, & Spiritus Sancti; ergo eodem modo
on repugnat respectu Patris, & Spiritus Sancti.

9 Conf. 2. Incarnatio ei potest competere,
i conuenit omnipotentia, quæ est principium
fecitum illius; & cui conuenit personalitas
finita, quæ, quia infinita est, potest termina-
quancunque naturam; sed omnipotentia, &
rsonalitas infinita conueniunt etiam Patri, &
iritui Sancto; ergo eis competere potest in-
arnatio.

10 Prob. 2. euertendo rationes oppositas.
tantum Pater, aut Spiritus S. videntur non
esse incarnari; in quantum eis non potest com-
tere esse Filium Dei natura, non adoptione,
ic mitti; sicuti competit Verbo; si enim Patri,
it Spiritui Sancto competeret esse Filium Dei
naturam, in Diuinis essent duo Filij natura; &
; si Patri competeret mitti, competeret etiam
; alio ad intra procedere; quia missio proces-
ionem ad intra importat; sed neutrum obstat;
on primum; quia incarnatio in tantum de facto
oportat filiationem Dei naturalem; in quan-
um incarnata est persona Filij, qui est Filius
dei per naturam; ideo ratione filiationis æter-
æ Christus etiam, vt homo, est Filius Dei na-
turalis; at si Pater incarnaretur, non haberet fi-
liationem Dei æternam, sed paternitatem; ideo
tiam, vt homo, esset Pater noster naturalis ra-
one paternitatis æternæ; non tamen esset Fi-
us Dei naturalis, quia filiationem æternam
on haberet; esset tamen Filius Virginis in tem-
ore, sicuti licet Verbum de facto nos regene-
auerit, non tamen est Pater Dei naturalis, quia
aternitatem æternam non habet ita à pari. Nec
cundum; quia licet Spiritus Sanctus de facto
imul cum Patre, & Filio incarnatione operetur,
on tamen dicitur mittere Filium, quia Filius non
rocedit à Spiritu Sancto; ergo quanuis Filius,
& Spiritus Sanctus simul cum Patre efficienter

operarentur incarnationem Patris; attamen in-
carnatio Patris non esset missio, quia Pater ad
intra non procederet ex ipsis.

11 Ex his patet responsio ad rationes dubi-
tandi. Ad 1. quod si Pater, aut Spiritus S. in-
carnaretur, non essent plures Filij in Trinitate,
quia non essent Filij Dei natura, non enim ha-
berent filiationem æternam, per quam consti-
tuitur Filius Dei natura; quanuis esset Filius
Virginis, & eo modo competeret eis filiaio, si-
cut de facto competit Verbo nos regenerasse;
nam *regenerauit nos in spem vnam*; vt dicitur
1. Pet. 1. Ad 2. dicitur, quod licet incarna-
tione de facto conueniat esse missionem, hoc ta-
men ei non competeret, si Pater, aut Spiritus
Sanctus incarnaretur; vnde missio conuenit de-
terminatè incarnationi Filij, non tamen incarna-
tioni, vt sic.

12 Obije. 1. Nasci innascibilem repugnat;
sed si Pater posset incarnari, posset nasci inna-
scibilis; quia Pater, qui est innascibilis, nascere-
tur in tempore; ergo Pater nequit incarnari.

Resp. dist. ma. Nasci innascibilem secun-
dum eam naturam, secundum quam est inna-
scibilis, repugnat, conc; secundum aliam na-
turam, secundum quam non est innascibilis, sed
nascibilis, neg. Pater ergo est innascibilis se-
cundum naturam Diuinam, secundum quam ei
nasci repugnat; & nascibilis secundum natura
humanam, secundum quam cum nasci non im-
plicat. Aliæ obiectiones soluuntur ex dictis fa-
ciliter, & ideo omituntur.

A R T. IV.

*An Verbum potuisset assumere plures
naturas humanas?*

1 **P**raefens articulus proponitur potius ad
maiores precedentium explicationem,
quam eo, quia sit dissidium aliquod inter *Theo-
logos*; semel enim ostenso, quod Verbum po-
tuerit vnā naturam humanam, statim clarescit
posse quoque plures assumere; quia in tantum
potuit vnā assumere, in quantum eius supposita-
litas, cum sit infinita in ratione terminandi
naturam, potest terminare etiam humanam na-
turam ad extra; cumque per vnā naturam
particularem, quæ finita est, non adequetur
vis infinita terminatiua naturæ, quæ est in sup-
posito Verbi; ideo si potest vnā, potest & plu-
res, imò infinitas assumere; & quod dicitur de
persona Verbi, dici debet de qualibet alia per-
sona Diuina, quam posse pariter incarnari di-
ximus in *sup. art.*

2 Vnica concl. Potuit Verbum simul as-
sumere plures naturas humanas. Ita *Fund. Doct.*
Aeg. hic dist. 1. par. 1. q. 1. art. 6; & Quodl. 6. q. 3.
& omnes alij communiter.

Prob.

Prob. 1. ex S. P. Aug. *serm. 11. de temp. do-*
cente: S omnipotentis, ò homo, tali in negotio esse
perspicis voluntatem, de opere cur retractas? Om-
nia enim, sicut legitur psal. 134; Dominus, qua vo-
luit, fecit in Cælo, & in terra, & serm. 21. ibid.
Nec eo modo genuit Pater unicum Verbum, quo fi-
cit cuncta per Verbum; quia genuit Verbum sibi
æquale, creaturas verò Verbo inæquales. Ex
hoc sic arguit Fund. Doct. Omnipotentia, quia
est infinita, non adequatur per productionem
vnus nature create, sed potest plures creaturas
in infinitum producere; atque potentia termi-
nativa nature humane est infinita; ergo non ade-
quatur per terminationem vnus numero natu-
ræ, sed potest terminare plures naturas in infi-
nitum. Ma. patet, & probata est 10.1. de infinit.
Dei; nam quælibet creatura est finita; implicat
autem infinitum à finito adequari, & exhaustiri.
Mi. etiam constat; quia Deus æquè est Alpha,
& Omega; idèst principium, & finis; ergo si vt
principium creaturarum, est simpliciter infinitus,
etiam vt terminus earum, erit infinitus;
tum quia terminus debet correspondere princi-
pio; & ideo si Deus in ratione principij est in-
finitus, talis pariter erit in ratione termini. Tum
quia ratio terminans est suppositaliter Verbi, vt
inf. patebit; sed hæc est infinita, quia est termi-
nus generationis infinite; & constituit perso-
nam infinitam, aliter persona Verbi finita;
non esset; quia tale est constitutum, quale con-
stitutiuum; ergo potentia terminatiua nature
humane est infinita. Vid. Quodlib. 2. ubi sup; alias
rationes, quas afferemus inf. §. 2.

3 Prob. 2. Non minoris virtutis est Deus in ordine entitatio, quam in ordine intelligibili; esse enim entitatio, & intelligibile ipsius Dei formaliter adæquantur; imò vnum aliud constituit; sed in ordine intelligibili Deus potest assumere, & terminare plures intellectus; quia de facto illos terminat in ratione obiecti intelligibilis illos Deificando per visionem beatam; ergo & in esse entitatio potuisset assumere plures naturas humanas illas Deificando per visionem hypostaticam.

4 Dices. Si hoc aliquid probaret, conuinceret etiam, quod sicut de facto assumpsit omnes animas beatorum ad visionem beatam; ita assumpsisset omnes naturas humanas ad vnionem hypostaticam, quod est contra fidem.

Resp. neg. paritatem; quanuis enim ex eo, quod Deus voluerit aliquid in vno ordine, valeat arguere, quod possit illud velle in alio ordine, si eodem modo concurrat, vt in casu, in quo tantum terminatiue concurrat; non tamen, ex eo, quod voluerit illud in vno ordine, sequitur, quod voluerit illud etiam in alio, quoties non est eadem ratio, & motiuum volendi; nam de facto voluit incarnationem, vt homines perditionis filios per peccatum effectos repararet in adoptionem filiorum Dei, quod præstitit

vnam tantum in indiuiduo assumendo naturam, quam assumendo ad filiationem Dei naturalem meruit alijs hominibus filiationem adoptiuam. At assumendo vnā tantum creaturam ad visionem beatam n. nob. illam etiam alias non assumptas beaur; ideo hæc omnes necesse fuit assumere; ergo non est eadem ratio.

5 Obijc. 1. Natura non multiplicatur, nisi ad multiplicationem suppositorum; quia si concipiatur abstracta ab omnibus suppositis, non est, nisi vna; sed Verbum Diuinum est vnum tantum suppositum; ergo nequit assumere, nisi vnā naturam.

Resp. *Fund. Doct. ibid. ad 1. dist. ma. Natura*, quæ constituit suppositum, conc; nam multiplicatio constitutio multiplicatorum constituitur; natura, quæ non constituit suppositum, vt est natura humana in Christo, quæ non constituit, sed supponit constitutam personam Verbi, neg; hæc enim natura habet indiuidualitatem ex se, & ideo est vna ex se ipsa, adeoque se ipsa est distincta ab alia natura. Potest etiam distingui mi. Verbum est vnum tantum suppositum formaliter, conc; æquiualeuter, neg.

6 Obijc. 2. Si Verbum posset assumere plures naturas indiuiduas, posset vnū indiuiduum prædicari de alio; sed conf. est falsum; definitur enim indiuiduum, *quod de vno solo prædicatur*; ergo & ant. est falsum. Ma. constat; non enim *hi* loquimur de naturis genericis, sed indiuidualiter sumptis; constat nanque Verbum assumpsisse in vno homine naturam viuētis, corporis, & animalis, quæ sunt naturæ genericæ; in vna tamen natura humana indiuidua.

Resp. *Fund. Doct. ad 2. dist. ma. Vnum indiuiduum* posset prædicari de alio ratione sui, & in abstracto, neg. concretè, ratione scilicet vnus, & eiusdem suppositi, à quo sustentaretur, conc; in tantum enim vnum indiuiduum nequit de alio concretè prædicari, in quantum non est simul cum illo in eodem supposito; at si esset simul, vt in casu, prædicaretur; vt albedo, & nigredo nequeunt ad inuicem prædicari abstractè; at si reperiuntur in eodem subiecto secundum partes diuersas, concretè prædicantur.

7 Obijc. 3. Si Verbum posset assumere plures humanitates, posset dici plures homines, conf. est falsum; ergo & ant.

Resp. hoc esse discutiendum *in seq. §.* Quanuis autem concederetur non posse dici plures homines propter vnitatem suppositi, atamen, deberet dici habere plures naturas humanas; sicut vnus homo dicitur habere duplicem scientiam, quanuis nequeat dici duplex sciens. *Vid. seq. §.* in quibus cetera, quæ circa hanc materiam dici possunt, explicabuntur; & magis probabitur nostra sententia.

§. I.

*An Verbum assumens duas naturas humanas
esset duo homines?*

8 **V**idetur aliquibus superflua hæc difficultas, quia est de re, quæ non est, sed esse tantummodò potuit; quia tamen conducit ad maiorem explicationem mysterij, quod ita est; declarat enim modum, quo suppositatur natura humana Christi Domini, ideo non est omittenda, tanquam omnino inutilis. Dissilient autem DD. nedum, qui diuersam, sed etiam qui eandem Scholam sequuntur.

9 Prima sententia vult in data hypothese fore vnum hominem. Ita *Marf. hic q. 2. art. 3. dub. 3; Aiet. hic art. 7; Sua. disp. 13. sect. 3; Log. disp. 13. sect. 3; Mastr. in 3. disp. 1. q. 3; & in Log. disp. 2. §. 6. art. 2; vbi refert Aretin; Fabr; & alios Scotistas; Ia. S. Tho. q. 3. disp. 6. art. 3. n. 21; Godoy, tonet hic disp. 8. art. 5; & ex nostris Gibb. hic disp. dub. vlt; vbi citat nostrum Bernardin; & ferè communiter omnes Recentiores Thomista cum D. ho. hic art. 7. ad 2.*

10 Nostra tamen docet fore duos homines. Ita *Fund. Doct. hic dist. 1. p. 1. q. 1. art. 6. dub. 1. Lat; & communiter nostra Schola. Refertur Scot. in 3. dist. 1. qu. 3; & dist. 12. qu. 1. §. Iuxta questionem, quauis Mastr. conetur illum trahere ad sententiam. Barg; Bassoli; & ferè omnes antiqui Scotista, vt testatur idem Mastr. in Log. vbi; Dur. in 3. dist. 1; Altfiodor. lib. 4. sum. tract. 1. c. 1; asq. 1. p. q. 155. c. 5; Gaspar Harad. hic disp. 3. §. 1. c. 7; Mart. Perez. disp. 10. sect. 1; apud quos alij.*

11 Tota hæc controversia deuoluitur ad illam, in qua queritur, an hoc concretum hominem essentialiter inuoluit suppositum; sic enim duo omnes necessariò essent duo supposita, quæùm in Christo esse non possint, videtur non posse duos homines dici. *Auctores 1. sent. putant nomen concretum substantium non multiplicari, nisi multiplicetur suppositum, quod importat in recto; & cum eis instatur, quòd ex hoc equequeretur tres personas Diuinas esse tres Deos; quia Deitas reperitur in tribus personis Diuinis, respondent vltra multiplicationem suppositorum requiri multiplicationem formarum, deo non tenere sequelam.*

12 Sed hoc in primis est contra illos, qui asserunt, quòd si tres personæ assumerent vnâ naturam humanam, forent tres homines; vt *Caier; & Med. teste Gonet; tunc enim multiplicaretur concretum absque multiplicatione naturæ. 2. Contra alios quauis verum sit (inquit Fund. Doct. hic ad 1.) ad multiplicationem concreti substantialis requiri multiplicationem suppositorum, quando natura formaliter intrinsecè constituit suppositum, vt euenit in suppositis creatis; quia si sunt duo constitutia realiter distincta, debent esse duo constituta realiter*

quoque distincta; attamen quando natura non constituit suppositum, sed merè terminatiuè assumitur ab illo, vt in incarnatione, non videtur quomodo ad multiplicationem concreti substantialis, quod importat natura creata, requiratur multiplicatio suppositorum, & non sufficiat multiplicatio naturarum. Sic autem hæc propositio *Fund. Doctoris* explicatur.

13 Cum multiplicatio importet distinctionem vnitatem, à qua desumitur multitudo; & prædicatio dicat vnitatem, quæ opponitur distinctioni; cumq; de oppositis oppositè loquendum sit, habent enim rationes oppositas; ideo quæ diximus 10. 1. de Attr. in com. q. 3. art. 2. de prædicatione nominis concreti, de eiusdem multiplicatione è conuerso est discurrendum. Sicuti igitur in tantum prædicatur nomen concretum de aliquo subiecto, in quantum est vnum cum illo; ita in tantum multiplicatur, in quantum non est vnum, sed distinctum ab illo. In tantum autem est vnum, & non multiplicatur, in quantum vel est idem realiter cum illo, vt rationale, & homo; vel licèt distinguatur secundum formam, attamen recipit vnitatem indiuidualem, seu numeralem ab illo; vt est concretum accidentale, quod importat formam distinctam realiter à substantia, recipit tamen vnitatem indiuidualem ab illa: Sic etiam est concretum substantiale, quod dicitur de supposito creato; homo enim v.g; qui recipit vnitatem numericam à supposito creato, est vnum cum illo, nec potest multiplicari, nisi ad multiplicationem illius. Vnde suppositum creatum nedum ob sui limitationem, sed etiam ob identitatem vnitatis numericæ nequit terminare plures naturas substantiales creatas numericè distinctas; illæ enim distinguerentur numero per eandem vnitatem numericam, quod implicat in terminis. At verò cum natura non recipit vnitatem numericam à supposito, sed illam habet à se ipsa, tunc concretum, quod format illa natura, potest multiplicari, si ponatur simul cum alio concreto formato per aliam naturam numericè distinctam, etiamsi sit idem suppositum terminans utranque naturam; tunc enim sunt duæ vnitates numerales distinctæ realiter, quæ simul sumptæ multitudinem pariunt, vt constat.

14 Cum itaque in incarnatione natura humana non recipiat vnitatem numericam à supposito Diuino, illam enim habet à materia, vt nobiscum sentiunt *Thomista*, vel à se, vt putant *Scotista*; ideo si Diuinum suppositum duas naturas humanas assumeret, illæ duæ naturæ haberent duas vnitates numericas, quæ simul posite cum suis naturis efficerent duo numericè distincta, & numericè multiplicata. Vt autem omnis amphibologia locutionis tollatur, & soluantur *Aduersariorum* rationes.

15 Notè quòd in quolibet composito, aut toto plura concreta reperiuntur, quæ licèt per ordinem

ordinem ad compositum, aut totum simpliciter habeant rationem partium; attamen si per se considerentur, habent rationem totius secundum quid; sic dicitur *tota manus alba, tota facies alba* &c. Idem dicendum de essentia hominis, quæ prout distincta ab existentia, est quoddam totum concretum; constat enim ex anima, & corpore, & ideo importat formam in subiecto, in quo consistit ratio termini concreti; quanvis essentia per ordinem ad suppositum sit pars, quia simul cum existentia constituit suppositum; sicut materia simul cum forma constituit compositum physicum; vt diximus *10. 3. de Ang. q. 1. art. 3. & 10. 1. de subit. Dei q. 2. art. 3. §. 1.* Ob hanc rationem cum terminus numeralis significans multitudinem per se, & solitariè profertur, non debet absolute concedi; potest enim æquiuocare vel de toto, vel de partibus componentibus ipsum totum; at quando profertur simul cum totis, quæ appellat, & super quæ cadit, tunc absolute est concedendus, quia tunc nulla æqui-uocatio potest oriri.

16 Idcirco (inquit *Fund. Doct. hic ad 2.*) hæc propositio: *Christus est duo*; non debet absolute concedi; quia *duo* non determinat, siue determinatè non cadit supra res, quæ sunt duæ; & ideo quia potest cadere supra suppositum, quod importat hoc nomen *Christus*; & faceret sensum falsum, scilicet esse duo supposita in Christo, ideo est neganda; quanvis si cadat supra duas naturas, quæ sunt in Christo, sit vera. At si Verbum assumpsisset duas naturas humanas, dicendo: *Christus est duo homines*; tunc terminus *duo* caderet determinatè supra duas naturas humanas, quæ re vera essent in Christo, non autem supra suppositum Diuinum, atque adeo deberet absolute concedi. Re sic explicata.

17 Vnica concl. Si Verbum assumpsisset duas naturas humanas, esset duo homines secundum naturam, non secundum suppositum.

Prob. 1. Sicut se habet vna natura humana per ordinem ad vnum hominem; ita duæ naturæ per ordinem ad duos homines; sed Verbum assumens vnam naturam humanam est vnus homo; ergo assumens duas naturas humanas est duo homines. Ma. patet; quia sicut vna natura humana indiuidualiter constituit vnum hominem; ita duæ naturæ humanæ indiuidualiter sumptæ constituunt duos homines; manifestum enim est numerum binarium componi ex duabus unitatibus simul sumptis. Prob. 2. Si sola natura humana indiuidualiter sumpta est ratio formalis constituens vnum hominem; natura enim, & essentia idem est, vt diximus *10. 1. de subit. Dei q. 2. art. 6. §. 1. n. 1.* essentiam autem constituere ipsam rem est per se notum, quia essentia, & res idem sunt formalissimè; sic pariter indiuidualitatem constituere vnum numero compertum est; sed Verbum assumpsit naturam humanam indiuiduam; quia assumpsit animam,

& materiam signatam accidentibus proprijs, quæ causant indiuiduationem, vt dicitur in *Log.* ergo Verbum assumens naturam humanam est vnus homo ratione vnus naturæ humanæ.

18 Conf. 1. Id, quod importat in recto, & primariò hæc vox *homo*, est factum, atque adeo ex nihilo; habetur enim in *Symb. Nic. Et homo factus est*; idest Verbum factum est secundum naturam humanam; vt communiter explicant SS. PP.; & DD.; sed repugnat supposito Diuino esse factum; ergo hæc vox *homo* non importat in recto, & primariò suppositum Diuinum; & ideo si Verbum assumeret duas humanitates, esset duo homines.

19 Conf. 2. Christus, prout homo, est minor Patre; habetur enim *10. 10. Pater maior me est*; quod de Christo, prout est homo, explicat S. P. Aug. *or. contra Iudeos* &c.; & *sape alibi*; sed implicat suppositum Diuinum esse minus Patre; ergo *homo* non significat primariò, & in recto suppositum Diuinum; atque adeo potest multiplicari non multiplicato supposito Diuino; multiplicatio enim, ait *Fund. Doct.* sicut specificatio, habetur ab eo, quod primariò significatur.

20 Conf. 3. Verbum Diuinum assumpsit totum, & plenum hominem, vt docet S. P. Aug. *lib. 10. de Cin. cap. 29*; idest assumpsit totum illud, quod significat primariò hæc vox *homo*; quia assumpsit animam, & carnem, vt explicat idem S. P. *sup. simè*; sed suppositum Diuinum nequit esse assumptum; quia suppositum Diuinum est assumens, & repugnat assumens esse assumptum; ergo hæc vox *homo* non significat primariò suppositum Diuinum, sed tantum dicit respectum ad illud, tanquam ad terminum.

21 Conf. 4. Christus, prout homo, natus est in tempore filius Virginis; & prout suppositum Diuinum, natus est ex Patre sine Matre ante omnia tempora, vt docet fides; ergo prout homo, non significat primariò suppositum Diuinum; nam sicuti quia prout homo, primariò significat carnem, & animam, ideo secundum animam, & carnem natus est in tempore; ita si prout homo, significaret primariò suppositum Diuinum, secundum suppositum Diuinum etiam natus esset in tempore, quod est contra fidem.

22 Præterea illud, quod importatur primariò, & in recto, quanvis in confuso, non distinguitur realiter; illud verò, quod distinguitur realiter, importatur solum secundariò, & connotatiue; nam cæna quæ importat primariò, & in recto confectionem, non distinguitur realiter à confectione; & tempus vespertinum, quod importatur secundariò, & in obliquo, distinguitur realiter à cæna. Sic ens, quod primariò, & in confuso importat homo, non distinguitur realiter ab homine; sed suppositum Verbi Diuini distinguitur realiter ab homine, vt docet fides; ergo homo non importat primariò, & in recto, quanvis in confuso, suppositum Diuinum, vt ait

Log.

ugi; & ideo potest multiplicari homo absq; eo, iōd multiplicetur suppositum Diuinum.

23 Aliud est ergo dicere, quōd Christus, out est quid complexum ex supposito Verbi, ex natura humana, importet vtrunque essentialiter, & primariō; & aliud, quōd homo, qui ocul' dubio est tantum pars huius complexi, *mo Deus*, qui est Christus, importet primariō, in recto suppositum Verbi. Sicut aliud est dicere, quōd compositum physicum importet essentialiter materiam, & formam, ex quibus essentialiter fit; & aliud, quōd materia importet rem primariō, & in recto. Primum est verum, secundum falsum; in quo hallucinantur *duersarij*.

24 Prob. 2. Supposititalitas secundum suum conceptum essentialem importat subsistentiam communicabilem, per quam natura redditur communicabilis alteri supposito; sed homo neretē sumptus non inuoluit subsistentiam in o conceptu essentiali; quia subsistentia conuenit tantum accidentaliter homini; nam homo sensibilis, & futurus non est subsistens; & in hoc stinguitur creatura à Deo, quōd Deus, cum sit is summe necessarius, inuoluit in suo conceptu essentiali subsistentiam; creatura verō, quia tēns contingens; illam tantum accidentaliter lmittit; ergo homo sumptus concretē secundum quid non inuoluit in suo conceptu essentiali supposititalitatem. Ergo potest intelligi homo absque eo, quōd sit suppositum; atque adeo multiplicari absque eo, quōd multiplicetur suppositum.

25 Tandem quanuis duæ lineæ terminentur ab eodem puncto, attamen non sunt vna linea, sed duæ; quia linea constituitur formaliter ratione lineæ per extensionem, non per punctum, qui est inextensibilis; ergo si duæ naturæ humanæ terminarentur ab eodem supposito, essent o homines, non vnus; quia homo constituitur sua essentia per animalitatem rationalem formaliter, & per duplicem animalitatem rationalem multiplicatur; non per suppositum Diuinum, quod non est formaliter animal rationale, l est purus terminus terminas naturam rationalem; & ideo illud importat tantum secundariō.

26 Obijc. 1. *Lug. ubi. sum. 20.* Concreta stantia important solum suppositum in re, naturam verō in obliquo; ergo multiplicata non multiplicatur concretū. Prob. ant. se duo concreta, scilicet *persona*, & *suppositum* portant in recto ipsum suppositum; ergo & iqua concreta; aliter hæc non possent prædicari de supposito; nam omnis vera prædicatio iurit identitatem inter rectum subiectū, & rem prædicatū; propter quod non sunt veræ prædicationes. *Personalitas terminans hanc naturam est hæc humanitas: Verbum est humanitas*, quia rectum prædicatū non est rectum iectū; ex quibus etiam deducitur hanc vocē *Mag. Frideric. Nic. Ganardi Tom. 5.*

homo non significare in recto personam, & naturam, aliter posset dici: *Verbum est personalitas & natura humana*; quod constaret esse falsum; ergo *homo* dicit in recto solum suppositum.

27 Si ei instetur: Si concretum significaret in recto solum suppositum, sequeretur, quōd ad solam multiplicationem suppositorum multiplicaretur concretum; sed conf. & falsum; nam *Deus* prædicatur de tribus personis Diuinis realiter distinctis, & tamen non sunt tres Dij; ergo hoc est falsum.

Resp. nu. 23. prædicatum: *homo Deus*; significare explicitē naturam, & valde implicitē, ac confusē suppositum; personam verō significare explicitē hoc suppositum, & valde implicitē, ac confusē naturam; ergo etiam variato supposito non variatur Deitas, & humanitas, cum sufficiat manere aliquod suppositum indeterminatē, scilicet hoc, vel illud ad hoc, vt maneat hæc natura.

28 Sed contra hoc eufugium. 1. Tunc significatur persona confusē, quando subiectum est terminus communis aliquo signo particulari affectus, vt tradunt *Logici*; v. g. cum dicitur: *Aliquis homo disputat; Aliquis homo est rationalis*; at quando subiectum est terminus singularis, tunc significatur explicitē, designatur enim hæc, non illa persona; aliter cum dicitur: *Verbum est homo*; posset hoc intelligi vel de Patre, vel de Filio, vel de Spiritu Sancto, si non significaretur explicitē, determinatē, & signanter persona Filij; ergo cum dicitur: *Pater est Deus*; significatur explicitē prima persona, de qua Deitas prædicatur. 2. Significare implicitē, & in recto repugnare in terminis; nam significari implicitē est significari mediante alio, in quo implicatur, & continetur, vt cum dicitur: *Homo est sensitiuus*; significatur implicitē animal, quōd continetur in homine, & est principium sentiendi; at significari in recto est significari per se ipsum; quia *rectum est index suis & obliqui*; vt habet *Phil.* ideo si est index sui, indicatur per se ipsum, & sic per se ipsum, non per aliud significatur; tum quia quod significatur in recto, significatur immediatē, & primariō; quod autem significatur implicitē, significatur, quatenus complicatur in alio, & ideo mediatē, ac secundariō; significari autem per se ipsum, & per se ipsum non significari contradicit in terminis, vt constat; ergo implicat, quōd hoc concretum *homo* significet simul in recto, & implicitē suppositum.

29 Resp. ergo ad arg. cum *Fund. Doct. neg.* ant. Ad prob. neg. conf. & disparitas est; quia hæc nomina *persona*, & *suppositum* imposita sunt ad significandum ipsum suppositum; at verō nomen *homo* impositum est ad significandam naturam; ideo hoc primariō naturam significat, & secundariō ipsum suppositum; illa verō significant primariō suppositum, & secundariō naturam, quæ est in illo supposito; & prob. ex q. *Mei;*

vbi dicitur, quòd non est differentia dicere; quòd *homo est in sanitate*; & quòd *homo est sanus*; sanitas autem significat formam, vt constat, quia est abstracta à subiecto; ergo & sanus primariò significat formam, & secundariò subiectum; propter quod *Com.* reprehendit *Anicennam* putantem concretum prius significare substantiam, & postea accedens. Ad prob. infert. dicitur, quòd ad verificandam prædicationem sufficit, quòd prædicatum vniatur cum subiecto; ideo non valet: *Verbum est humanitas, aut natura humana*; quia terminus abstractus significat formam separatam, non vnitam subiecto. Sed *homo*, qui est terminus concretus, significat naturam humanam vnitam supposito; ideo valet: *Verbum est homo*. Si autem requireretur, quòd rectum prædicati esset rectum subiecti, semper significatio esset inepta, & nugatoria; nam hæc propositio: *paries est albus*; significaret: *paries in recto est paries*; quòd est ridiculum paralogizare, non veraciter prædicare. Tum quia prædicare est dicere vnum de alio; ergo est significatum vnius applicare significato alterius; si autem prædicatum significaret in recto idem, quòd significat subiectum; tunc idem significatum in recto diceretur de se ipso, quòd est ineptum; & solum significatum obliquum diceretur de alio significato; & sic omnis prædicatio esset obliqua, & nulla recta, quòd nullus diceret.

30 Obijc. 2. *Gonet cum Godey ex D. Tho.* Quauis Pater vna proprietate, idèst paternitate, sit principium Filij; & alia proprietate, scilicet spiratione actiua, sit principium Spiritus Sancti, attamen non est duo principia, quia duplicaretur suppositum, quòd importat implicitè ratio principij; ergo à pari si Verbum assumeret duas naturas humanas, non diceretur duo homines, sed vnus homo propter vnitatem suppositi terminantis vtranque naturam. 2. In Christo reperiuntur duæ naturæ substantiales, nempe Diuina, & humana; & tamen quia eadem personalitas terminat vtranque naturam, Christus non dicitur duæ substantiæ, sed vna substantia; ergo à pari. 3. Ad multiplicationem concreti substantialis non sufficit multiplicatio formarum, sed vterius requiritur multiplicatio suppositorum; sed hoc nomen *homo* est concretum; ergo idem. Prob. ma; quæ communiter traditur in *summis*. Pater Diuinus quauis habeat virtutem generatiuam Filij, & virtutem spiratiuam Spiritus Sancti; attamen non est duplex, sed vnū principium, quia est vnum suppositum. 4. Pater, & Filius in creatis sunt nomina substantiua; & tamen quauis pater per plures paternitates respiceret plures filios; non tamen esset plures patres; sic de filio, qui per plures filiationes respicit patrem, & matrem. 5. Christus secundum filiationem æternam respicit Patrem; & secundum filiationem temporalem respicit matrem; & tamen non est duo filij, quia est vnum suppo-

situm. 6. Artífex, & Dominus sunt nomina substantiua; & tamen habens plures artes, plures scientias, & plures seruos, non dicitur plures artifices, plures scientes, & plures Domini, sed vnus artifex, vnus sciens, & vnus Dominus; ergo à pari.

Resp. ad 1. paternitatem, & spirationem actiuam non distingui realiter, & ideo non constituere duo principia realiter; sed distingui tantum virtualiter, & ideo constituere vnum principium æquiualens duplici principio. Ad duæ naturæ humanæ distinguuntur realiter, & ideo constituunt duos homines realiter distinctos. Ad 2. resp. ex dictis *nu. 9.*, quòd cum nomen *substantia* sit commune naturæ, & supposito, natura enim substantia est, & suppositum substantia est; ideo quauis in Christo sint duæ naturæ substantiales, attamen nequit dici duæ substantiæ, quia nomen *substantia* potest æquiuocare de natura, & supposito. Potest tamen dici determinando nomen *substantia*; scilicet *Christus est duæ substantiæ, nempe natura humana, & Diuina*. Ad 3. neg. ma. Ad prob. iam dictum est. Ad 4. dicitur, quòd pater, & filius in creatis sunt concreta accidentalia; paternitas enim, & filiatio accidunt homini, vt patet; & secundum esse in dicunt actionem, vel potentiam generatiuam, quæ sunt accidentia; accidentia autem habent vnitatem indiuidualem à supposito; & ideo si est vnum suppositum, est vnum tantum concretum, vt diximus *nu. 6.*, quòd nequit verificari de homine, quòd est concretum substantiale habens vnitatem numeralem ex se ipso. Sic dicitur ad 5; & 6; nam filiatio temporalis accidit naturæ humanæ Christi Domini; sicut homini puro accidit esse artificem, scientem, Dominum &c. Vel ad 3. arg. potest distingui ma. Ad multiplicationem concreti substantialis, quòd est totum simpliciter, requiritur multiplicatio formarum, & suppositorum, conc; sic enim illud concretum coalescit ex supposito, & natura. Quòd est totum secundum quid, vt est homo coalescens ex anima tantum, & corpore, & præciseus à suppositualitate, neg. Sic etiam dicitur, quòd pater, filius, artifex, sciens, Dominus &c. important formaliter suppositum, cuius est generare, generari, artem facere, scire, dominari &c. At homo præcise sumptus non importat in recto suppositualitatem, vt dictum est.

31 Obijc. 3. Si posset dici duo homines, posset etiam dici duo Christi; sed Christus est suppositum Diuinum; ergo posset dici duo supposita Diuina.

Resp. *Fund. Diss.* neg. ma; quia Christus dicit in recto complexum ex Verbo Diuino, & natura humana; homo verò dicit solam naturam humanam in recto, & primariò; ideo non est paritas.

32 Obijc. 4. Si Verbum posset dici duo homines,

mines, posset dici duo humanata; sed hoc est falsum; quia tunc essent duo supposita habentia humanam naturam; ergo idem. Prob. ma. Humanatum dicitur ab humanitate; ergo si esset duo homines, quia habent duas humanitates, posset dici duo humanata. 2. Natura humana respectu Verbi se habet, vt indumentum; sic enim loquitur *Apost.*: *Et habitum inuentus, ut homo*; & *S. P. Aug.* frequentissime ait Verbum induisse carnem humanam; sed ex eo, quod aliquis induat duas vestes non dicitur duo vestiti, sed vnus vestitus duabus vestibus; ergo idem.

Resp. *Fund. Doct.*; quod esse humanatum, & esse indutum non dicitur de Christo, secundum quod homo; sed secundum quod Verbum, quia Verbum dicitur humanatum, indutum humanitate; non autem dicitur homo humanatus, homo indutus humanitate, sic enim se ipso esset indutus. Itaque nequit dici duo humanata, aut suo induta, quia sic essent duo Verba; attamen potest dici duo homines propter duplicem naturam assumptam. Ad 1. igitur neg. ma. Ad prob. list. ant. Humanatum dicitur ab humanitate, & licitur de Verbo, vt Verbum est; conc; vt homo est, neg. At esse duo homines dicitur de Verbo, t homo est, non vt Verbum est; & sic ad 2.

33 Obijc. 5. Ideo nequit absolute, & simpliciter dici: *Verbum assumpsit hominem*; quia homo secundum proprietatem vocabuli importat humanum suppositum; vt docet *Fund. Doct. ist. 6. p. 2. q. 1. art. 2*; sed tantum dici potest cum restrictione, scilicet prout homo stat tantum pro natura, non pro supposito; & in hoc sensu *ancilia*, & *SS. PP.* dicunt Verbum assumpsisse ominem, idest naturam humanam; ergo eadem ratione si assumpsisset duas naturas humanas, non posset absolute, & simpliciter dici, quod esset duo homines, sed tantum cum restrictione, ilicet quod haberet duas humanitates; quia, cum hac vox homo secundum proprietatem vocabuli importet suppositum, si esset duo homines, esset quoque duo supposita; vnde videtur *und. Doct.* sibi contradicere.

Resp; quod si arg. concluderet, conuinceret etiam, quod secundum proprietatem vocabuli non posset dici: *Verbum est homo*; quia homo importat suppositum humanum, quod non in Christo. Itaque sicuti non obstante, quod non possit simpliciter dici: *Verbum assumpsit hominem*; dicitur tamen: *Christus est homo*; propter humanitatem sine suppositualitate humana sumptam; ita quauis non posset absolute concludi: *Verbum assumpsit duos homines*; absolute non diceretur: *Christus est duo homines*; propter duplicem humanitatem praecisa suppositualitate creata. Ratio petitur ex differentia, quae inter verbum adiectiuum *assumere*; & verbum substantiuum *esse*; nam verbum adiectiuum, vt citimus *1. 1. de Attr. q. 2. art. 9. nu. 6* importans inonem respicit praedicatum tanquam passiuè *Mag. Frideric. Nic. Gaurardi Tom. 5.*

productum secundum omnia ea, quae adequate illi conueniunt; & cum homini conueniat suppositualitas, quam secundario importat; ideo *assumere hominem* ex vi vocabuli importat nedum naturam humanam, sed etiam ipsum suppositum passiuè produci; quod est falsum in incarnatione. At verò verbum substantiuum *est* importat solam subsistentiam praedicati in subiecto, siue illud subiectum sit suppositum proprium, siue alienum gerens vicem suppositi proprii; & si subiectum talis praedicati est suppositum alienum, tunc ex vi suae significationis facit sensum tale praedicatum subsistere per subsistentiam, suppositi alieni. Vnde quia *Christus* importat suppositum Diuinum; dicendo: *Christus est homo* ex vi ipsius vocabuli significatur naturam humanam subsistere per subsistentiam Diuinam, quod est absolute verum, & ideo absolute concedendum.

34 Ex quo magis prob. nostra sententia; nam licet *homo* praecise sumptus significet primario naturam humanam, & secundario humanum suppositum; attamen coniunctus cum subiecto habet propriam personalitatem, cum qua est impossibilis personalitas humana, absolute significat naturam humanam primario, & illam personalitatem, quae competit illi subiecto, non verò illam, quae competit ipsi homini secundum exigentiam suae naturae, quia, secundum istam repugnat vniri tali subiecto iam habenti suam personalitatem; & ideo absolute conceditur: *Christus est homo*; ergo cum diceretur: *Christus est duo homines*; significarentur expressè duae humanitates, & vna personalitas Christi, per quam subsisterent, non verò personalitas humana, quae est impossibilis cum humanitate Christi; & ideo nedum absolute dici posset: *Christus est vnum suppositum habens duas humanitates*; sed etiam: *Christus est duo homines*; quia idem explicite significaretur; sicut nedum absolute dicitur: *Christus est vnum suppositum Diuinum habens humanitatem*; sed etiam: *Christus est homo*.

§. II.

An suppositum creatum possit terminare alienam naturam?

35 **D**iximus suppositum creatum non posse alienam terminare naturam, etiam de potentia Dei absoluta; quia tamen hoc controuertitur inter *Theologos*; ideo in praesenti est declarandum.

36 Non quaerimus de naturis genericè diuersis ad inuicem subordinatis; certum enim est (inquit *Fund. Doct. inf.*) has assumi ab eodem supposito; quia anima, & corpus differunt genere, & tamen assumuntur in eodem supposito.

Istæ autem ordinantur ad inuicem, quia ita vniuntur, vt ex illis constituitur vna natura hominis; & vt loquitur *D. Dam.* secundum illas accipitur species communis, idest tertia natura ex illis resultans, quæ sustentatur ab vna suppositualitate humana. Nec dubium est de naturis genere diuersis, ex quibus non resultat vna natura communis, sed vna tantum constituit suppositum, vt natura substantialis; aliæ verò non constituunt, sed illud constitutum supponunt, & ab illo sustentantur, vt sunt accidentia; manifestum namque est plura accidentia specie, & genere diuersa simul cum natura substantiali esse in eodem supposito creato. Queritur ergo de naturis substantialibus diuersis non subordinatis constituentibus suppositum; & queritur etiam de potentia Dei absoluta, fatentur enim omnes naturaliter hoc fieri non posse.

37 Prima sententia affirmat. Ita *Nominales*, *Grati*, *Becc*, *Mol*, *Almain*, *Raynaud*; ex nostris *Tapia* 3. p. 4. art. 1. & alij *recentes*. Val. autem, quantum asserat de facto id non posse conuenire supposito creato, ait tamē posse à Deo produci suppositum tantæ perfectionis, vt valeat terminare alienam naturam. Referunt etiam *Scot*; quem sequuntur *Bassol*, *Arei*, *Fab*, *Gauai*; & alij *Scotistæ*. At *Mastr.* hic disp. 1. q. 3. art. 4. ait problematice *Scotum* sentire eò, quia decisio huius difficultatis pendet ex illa questione; an personitas creata consistat in positiuo, vel negatiuo; & quia *Scoto* visum est vt vtrunque probabile; & aliunde asserendo personalem creatam consistere in negatiuo. nequit simul substineri suppositum creatum posse terminare alienam naturam; quia nulla negatio potest esse ratio formalis terminandi relationem realem, qualis est vnio hypostatica; positiuum autem potest illam terminare, ideo vtrunque sententiam defendit. Probabile hoc putant *Hurti* disp. 11. sc. 8; *Arriag.* disp. 4. Met. sc. 3. subsc. 2; *Quied. contr.* 6. Met. punct. 5. num. 8.

38 Nostra tamen docet omnino repugnare, quòd suppositum creatum terminet alienam naturam. Ita *Fruad. Doct.* Quodl. 6. q. 3; & hic disp. 6. par. 2. q. 1. art. 1. ad 3; & art. 2. §. *Aduertendum*; *Gibb.* hic disp. 7. dub. 3; & omnes alij communiter. Ita etiam *D. Thom.* cum *Thomistis*, inter quos nouissimè *Godoy*, *Gomez* hic disp. 8. art. 6. *Sequuntur* *Vasq*; *Suaz* *Lug*; & alij *quampures*.

39 Vnica concl. Nullum suppositum creatum etiam per potentiam absolutam potest alienam terminare naturam.

39 Prob. 1. ex *S. P. Aug.* illis in locis, vbi assumptionem naturæ humanæ faciãt à persona. Verbi vocat *mirabilem*, & *singularem*; vt lib. 10. de *Ciu.* Dei cap. 29; & vbi illam vocat *opus solius omnipotentia*; vt *serm.* 7. de *tempore*, quod habent etiam alij *SS. PP.* Ex quo sic arguitur. Quod est singulare, ac proprium solius Dei, & solius es-

fectus omnipotentia, nequit conuenire etiam de potentia absoluta supposito creato; aliter non esset proprii singulariter Deo conueniens; quod enim pluribus conuenit, non est proprium vni, sed pluribus commune; & sic omnipotentia non esset soli Deo propria, & creaturis etiam de potentia absoluta incommunicabilis, vt diximus *tom. 1. de omnipot. Dei* art. 6; sed assumere alienam naturam in vnitate suppositi est proprium singulariter ipsius Dei; & est effectus solius omnipotentia Diuinæ; vt docent *SS. PP.* qui non vocant incarnationem opus admirabile proprium solius omnipotentia Diuinæ præcisè, quatenus incarnatio est effectiue à tota Trinitate, sed quatenus est assumptio naturæ humanæ ad vnitatem suppositi Diuini; ergo assumere alienam naturam in vnitate suppositi nec de potentia Dei absoluta potest conuenire supposito creato. Atqui assumere alienam naturam in vnitate suppositi est idem formaliter, ac suppositum terminare alienam naturam; ergo suppositum creatum nec etiam de potentia absoluta potest terminare alienam naturam.

40 Prob. 2. à *Fruad. Doct.* Quod habet essentialiter limitatum ad vnā naturam, nequit etiam diuinitus alienam terminare naturam; aliter illud esse non esset essentialiter limitatum ad vnā, quia extendi posset ad plures; ideo enim animalitas non est essentialiter limitata ad solam naturam rationalem, quia extenditur etiam ad irrationalem; sed quodlibet suppositum creatum est essentialiter limitatum ad vnā numero naturam; ergo nullum suppositum creatum potest alienam terminare naturam. Ma. patet; quia *essentia rerum sunt immutabiles, sicuti numeri*, qui nec per potentiam absolutam possunt variari. Prob. mi. Individuum est essentialiter limitatum ad vnum, definitur enim, quod de vno solo predicatur; & quæ competunt rei secundum definitionem, ei competunt secundum essentiam, quia definitio explicat essentiam rei; sed suppositum creatum importat essentialiter indiuiduum, quia importat subsistentiam indiuiduam incommunicabilem, vt diximus *tom. 1. de subit. Dei* q. 2. art. 6. à n. 19; ergo suppositum creatum est essentialiter limitatum ad vnā numero naturam.

41 Conf. ex eodem. Illud solum, quod gerit vices alieni suppositi, potest terminare alienam naturam propriam alieni suppositi; sed nullum suppositum creatum potest gerere vices alieni suppositi; ergo nullum suppositum creatum potest terminare alienam naturam. Ma. patet, quia terminare alienam naturam est munus proprium alieni suppositi, quod respicit illam naturam; & ideo terminans alienam naturam gerit vices suppositi proprii illius naturæ, quia exercet munus illius suppositi. Prob. mi. Nulla res potest gerere munus alterius rei, nisi illam cogineat virtualiter, vel eminenter; *operari*

rariem sequitur ad esse; & ideo nulla res potest habere operationem propriam alterius rei, nisi contineat esse illius vel virtualiter, vel eminenter; sed nullum suppositum creatum potest continere virtualiter, vel eminenter aliud suppositum; quia suppositum importat rationes indiuiduales ipsius rei; continentia autem rei secundum rationes indiuiduales repugnat creaturæ; nam creatura essentialiter importat potentialitatem passivam; sicut essentia Dei importat summam, & purissimam actualitatem; ideo essentia creaturæ non convenit, nisi continentia secundum gradus uniuersales, qui dant potentialitatem; essentia verò Dei continentia etiam secundum gradus indiuiduales, ut importat actualitatem; quapropter solus uis dicitur continere perfectissimo modo, seu ninenter, quia continet res secundum gradus uniuersales, & particulares; vt diximus tom. 1.

Eminet. ar. 2. §. 1. n. 5; ergo nullum suppositum eatum potest gerere vices alterius suppositi.

42 Explic. ampliùs. Ratio indiuidualis essentialiter importat negationem alterius indiuidui; dicit enim vnitate numericam, quæ negatio cuiuslibet alterius; sed implicat negationem rei simul contineri, & coniungi cum ea, cuius est negatio; aliter duo contradioria simul continerentur, & iungerentur; er- implicat vnâ rationem indiuidualem coneri in alia.

43 Vergetur. In tantum suppositum Diuini continet esse omnis suppositi creati specificationibus consequentibus ad esse illorum, quantum est simpliciter infinitum, & illimitatum; ergo in tantum suppositum creatum nequit iterum alia supposita creata, in quantum est simpliciter finitum, & limitatum; nam sicut illimitatio est ratio identificationis, & affirmati- cuiuslibet rei; ita limitatio est ratio distinctionis, & negationis cuiuslibet alterius rei; o quia quodlibet suppositum creatum est limitum, ideo est distinctum à quolibet alio supposito, & per consequens importat formaliter negationem cuiuslibet alterius suppositi essentialiter importatam à distinctione, quam obliationem habet à quolibet alio supposito.

44 Prob. 3. *ab eod.* Sicut se habet compositum physicum respectu materiæ, & formæ, exbus constituitur; ita se habet suppositum, cretè sumptum respectu naturæ, & suppositi- cati; sed repugnat per quancunque poten- n vnum, & idem compositum coalescens ex materia, & hac forma constitui ex alia materia, & forma; quia alia materia essentialiter est secum aliam vnitatem numeralem, per m distinguitur realiter; ergo implicat sup- tum creatum coalescens ex hac numero natura, & suppositualitate componi ex alia natura, & suppositualitate. Ma. patet; nam sicut forma, iter distinguitur à materia, quam actualit, &

terminat, & cum qua format compositum; ita suppositualitas differt realiter à natura creata, aliter Verbum Diuinum non potuisset assumere naturam sine suppositualitate, vt docet fides; & deinde suppositualitas actualitatur naturam, & terminat, & simul cum illa efformat totum, quod suppositum concretè vocatur. Mi. etiam constat; quia compositum physicum in nostra sententia, nihil aliud est, quàm partes vnite; ergo repugnat, quòd sit idem compositum, & non sint eadem partes vnite. Tum quia etiam in aliena sententia ad variationem partium componentium variatur essentialiter totum, quod à partibus specificatur; ergo implicat, quòd sit idem compositum, & diuersæ sint partes.

45 Prob. 4. *ab eod.* Quando plures naturæ fluunt ab aliquo supposito, debent esse per se ordinate; quia numerus essentialiter ordinatur per se ad vnitatem; sed implicat duas naturas solo numero differentes esse per se ordinate, quia vna alteri non subordinatur; & ideo inter illas non datur ordo per se, sed per accidens; ergo implicat idem suppositum terminare duas naturas. Naturam autem creatam fluere à supposito creato nihil aliud est, quàm ad positionem actuale substantiæ indiuidualis, quam dicit suppositualitas, poni naturam, quæ habet necessariam connexionem cum illa. Quapropter natura humana non dicitur fluere à supposito Diuino, sed creati, quia non habet necessariam connexionem cum illo. Hæc ratio probat tantum de naturis solo numero diuersis (inquit *Fund. Doct.*) de ijs autem, quæ differunt specie, sic prob. Quando plures naturæ specie, vel genere differentes fluunt ab vno supposito, tunc ita per se ordinantur, vt vna fluat mediante alia; vt à suppositualitate Petri fluit rationalitas; à rationalitate animalitas &c. valet enim, naturalis sequela; sed quæ ita fluunt, ita coniunguntur, vt faciant vnâ naturam adæquatam constituentem vnum suppositum; vt patet de rationalitate, animalitate &c. Vel sic vniuntur in eodem supposito, vt nō constituent vnâ naturam; & tunc solum prima constituit suppositum, & aliæ illi accidunt, vt patet de naturis accidentalibus; ergo nequeunt plures naturæ specie, vel genere distinctæ realiter adæquatè constituentes suppositum esse in vno, & eodem supposito creato.

46 Tandem prob. *ab eod.* Implicat, quòd vna tantum vnitas constituat numerum, qui essentialiter componitur ex pluribus vnitatibus, non ex vna; sed vnum suppositum habet vnâ tantum vnitatem numericam, à qua indiuiduatur natura; vt diximus *to. 1. ubi* ergo implicat vnum, & idem suppositum indiuiduare plures naturas distinctas.

47 Ratio autem *Matthij* asserentis posse quidem suppositum Diuinum terminare plures naturas; quia suppositualitas Diuina consistit in pos-

positiuo, quod potest esse fundamentum relationis realis ad vnionem hypostaticam; at verò supposititalitatem creatam, cūm consistat in negatiuo, non posse terminare plures naturas, quia negatiuo nequit esse fundamentum relationis realis ad vnionem hypostaticam; hæc ratio, inquam facilius eluitur, nam in hac sententia supposititalitas creata consistit in negatiuo, & tamē de facto fundat relationem realem ad propriam naturam, quam terminat; ergo & eadem ratione posset fundare relationem realem ad naturam alienam.

48 Obijc. 1. Ex eo, quod anima rationalis contineat animam sensitivam, & vegetatiuam, non arguitur, quod sit simpliciter infinita, sed tantum quod sit superioris ordinis; ergo ex eo, quod vnum suppositū creatum contineat aliud, non arguitur, quod continens sit infinitum, sed tantum quod sit ordinis superioris. 2. Non implicat creaturam per potentiam obedientialem eleuari ad præstandum effectum, quem viribus naturalibus nequit præstare; ergo licet vnum suppositum creatum non possit alienam terminare naturam, attamen per absolutam Dei potentiam, quæ respicit potentiam obedientialem creaturæ, poterit illam terminare; nam non minus est limitatus ignis ad calefaciendum per calorem, qui ei naturaliter inest, & est potentia ipsi naturalis, quam hoc suppositum ad terminandam hanc naturam; & tamen ignis per potentiam obedientialem potest infrigidare, vt contigit pueris *formæ Babylonicæ*, qui experti sunt ignem, *quasi ventum roris stantem*, vt dicitur *Dan. 3*; infrigidare autem est proprium munus venti, vel aque; ideo multo magis terminare alienam naturam poterit supposito creato conuenire per potentiam obedientialem, quæ subditur Dei nutibus ad agendum, quidquid ei placuerit.

Resp. ad 1. neg. consi. & disparitas *sup.* allata est; nam anima rationalis continet animas inferiores tantum secundum gradus vniuersales, qui sunt potentiales, quia essentialiter important contrahibilitatem, & per consequens limitabilitatem, nam omne contrahens limitat contrahibile; at vnum suppositum contineret aliud secundum rationes particulares, quibus tantummodo limitatur creatura, ideo esset infinitum. Ad 2. dist. ant. Ad præstandum effectum in genere causæ formalis, quæ causat per intrinsecam exhibitionem sui, neg; in genere causæ efficientis, conc. Sicut ergo nequit Deus facere, quod anima canis informet corpus humanum, & constituat hominem; & sic præstat effectum formalem, quem præstat anima rationalis in genere causæ formalis intrinsecè se exhibentis, & determinantis materiam ad constituendum hominem; ita nequit efficere, vt vnum suppositum creatum, quod causat in genere causæ formalis exhibendo subsistentiam indiui-

dualem, per quam contrahitur, & determinatur natura ad tale esse indiuiduale v.g. hominis, contrahat, & determinet naturam ad esse indiuiduale canis. Calefacere autem, & infrigidare sunt effectus causæ efficientis, vt constat; quia sunt actiones transeuntes in externam materiā; ideo Deus potest illas efficere sine suis causis; & etiam potest eleuare creaturam ad illas eliciendas tantum instrumentaliter extrinsecè. Vel dist. idem ant. Ad præstandum effectum, cuius habet negationem, ipsum cum negatione iungendo, neg; Deus enim nequit simul iungere contradictoria. Cuius non habet negationem, conc. Vnum autem suppositum creatum, quia est limitatum, importat essentialiter negationem alterius, vt dictum est.

49 Inst. 1. cont. 1. resp. Suppositum Diuinū, prout virtualiter distinctum à natura Diuina, non est formaliter infinitum; & tamen potest terminare alienam naturam; ergo nulla responsio. Prob. ant. Si suppositum Diuinum, prout distinctum virtualiter à natura Diuina, esset infinitum, sequeretur, quod aliqua infinitas conueniret Patri, quæ non conueniret Filio, scilicet infinitas paternitatis, & è contra; & sic personæ Diuinæ non essent simpliciter infinitæ, quia non essent infinitæ in omni linea, quod est absurdum. 2. Terminatio alienæ naturæ non est effectus infinitus; ergo non requiritur ad illam causa formalis infinita. 3. Ad sustentandum accidēs alieni ordinis non requiritur subiectum infinitum; nam anima, quæ est finita, sustentat gratiam, & cetera dona, quæ sunt ordinis supernaturalis, qui est alter ordo ab ordine naturali, in quo est anima; ergo à pari.

Resp ad 1. neg. ant. Ad prob. neg. seq; essentia enim, & relatio, quanuis inter se distinguantur virtualiter, attamen per vnam, & eandem infinitatem sunt infinitæ; sicut per vnam intelligibilitatem formalem sunt intelligibiles, quanuis res intellectæ, prout res, non prout intellectæ, distinguantur virtualiter; ita essentia Diuina, & relatio, quanuis in esse rei distinguantur virtualiter, attamen sunt infinitæ per vnam infinitatem formalem. Vel resp. eodem modo, quo diximus 10. 2. de *Trinit. q. 5. art. 6*; scilicet infinitatem paternitatis non esse in Filio formaliter per modum proprietatis constituentis, esse tamen in Filio per circumfessionem; quo propter dixit Filius 10. 14. *Ego in Patre; & Pater in me est. Vid. ibid.* Ad 2. neg. consi. quanuis enim terminus creationis sit finitus, & gratia pariter sit limitata; attamen rectè arguitur, quod sit à causa simpliciter infinita; vt de creatione diximus 10. 3. q. 2. de *creat. art. 3*; & de gratia 10. 4. de *grat. q. 3. art. 3*. Non arguitur autem infinitas causæ ex pura finitate effectus ita, quod ad producendam effectum finitum requiratur causa infinita; sed ex illimitatione esse ipsius causæ, & ex cæteris motiuis, quæ attulimus *sup;* & *loc.*

et loc. cit. Ad 3. neg. consi. nam pura substantia in esse non producit in genere causæ efficientis, aut formalis ipsum effectum; ideo non debet esse effectus præcontinere, sed sufficit, quod illum recipiat in se productum efficienter à Deo; non enim gratia, & alia dona supernaturalia educuntur de potentia obedientiali animæ, sed extrinsecè à Deo producuntur, & inducuntur in animam; vt diximus *tom. 3. de reat. q. 2. art. 1.*; ideo anima nullo modo continet esse illorum in se ipsa; sicut deberet vnum suppositum continere aliud ad hoc, vt præstet effectum alterius.

50 *Inst. 2. cont. resp. ad 2.* Si suppositalitas creata haberet rationem causæ formalis determinantis intrinsecè, informantis, indiuiduans naturam, & simul cum natura constituentis num totum, sequeretur, quod Verbum Diuinum non posset gerere vices suppositi creati; non enim posset gerere vicem formæ informantis &c; ergo ruit responsio.

Resp. supposititalitatem creatam habere, ut muna, vt determinantis, substantiantis naturam merè efficienter; & præter ista habere ut muna causæ formalis intrinsecè informantis, indiuiduantis, & constituentis suppositum concretum. Hæc autem muna non quæ inueniunt supposititalitati; nam prima duo ipsi inueniunt præcisè, quatenus supposititalitas est; quia supposititalitas, vt supposititalitas est, essentialiter habet terminare, & substantiare naturam. Cetera verò muna habet, quatenus data est; nam quod est in creatura, vel est eius potentia, vel potentia recipiens actum, quia potentia, & actus adæquatè diuidunt ens; vnde in supposititalitas non sit potentia, potentia, im est determinabilis per actum; remanet, quod sit actus determinans potentiam; quoniam tunc quilibet actus creatus determinans potentiam intrinsecè recipitur in illa, eamque informat; non enim est per se subsistens independentè à potentia; ideo supposititalitas, quatenus tunc creatus determinans naturam, necessariò habet rationem causæ formalis modo, quo dictum est. Verbum igitur Diuinum quia est suppositum per se subsistens, increatum, atque eo independentè à natura creata; ideo habet am simpliciter terminare, ac substantiare, non tunc informare, indiuiduare &c. *Dist.* igitur 7. Sequeretur, quod Verbum Diuinum non posset gerere vices suppositi creati, quatenus gerisè suppositum est, neg; quatenus creatum est, conc. Vnde supplet deceptis imperfectibus, quæ soli creaturæ conueniunt.

51 *Objc. 2.* Terminare alienam naturam non requirit continentiam eminentialem alieni suppositi; ergo ruit alia ratio. *Prob. ant.* In tantum ad terminandam alienam naturam requireretur eminentialis continentia, in quantum suppositum terminans gereret vices pro-

prij suppositi præstando eundem effectum, quod præstaret proprium suppositum; sed hoc est falsum; nam ex personalitate aliena, & natura non resultat idem suppositum, quod resulteret ex natura, & propria personalitate; ex personalitate enim Verbi Diuini, & natura humana resultat persona increata, non creata; ex personalitate verò creata resulteret persona creata, non increata; persona autem increata diuersa est à persona creata, vt constat: ergo terminare alienam naturam non requirit continentiam eminentialem alieni suppositi.

Resp. neg. ant. Ad prob. dist. ma. In quantum suppositum terminans gereret vices suppositi proprii præstando eundem effectum, qui est ponere naturam sub esse actuali, eamque in esse substantiare, & conseruare, quantum altiori modo, quia causa altiori altiori modo operatur, conc; præstando eundem effectum, qui est constituere simul cum natura personam, neg; nam supposititalitas, vt *sup.* dictum est, habet plura muna, quæ non præstat suppositum alienum, quia aliqua dicunt imperfectionem, quæ est propria supposito proprio, & ideo conuenire nequit alieno.

52 *Objc. 3.* Solè eminenter continet causas inferiores, quia gerit vices earum producendo earum effectus; & tamen est quid finitum; ergo ruit alia doctrina.

Resp. neg. ant; & ad prob. insert. dicitur, quod producit effectus causarum inferiorum, quia illas continet tantum virtualiter secundum rationes vniuersales, non particulares, vt *sup.* dictum est.

53 *Objc. 4. Bassol. ex Scot.* Maior est proportio inter suppositum creatum, & naturam creatam, quam inter naturam creatam, & suppositum Diuinum; prima enim duo ambo creata sunt; ex vltimis verò vnum est creatum, aliud increatum; tum quia illa sunt ambo absoluta; suppositum verò Diuinum est relatiuum; sed suppositum Diuinum potest terminare naturam creatam; ergo multò magis suppositum creatum potest terminare naturam alienam quidem, sed creatam.

Resp. dist. ma. Maior est proportio ordinis, seu subordinationis in agendo inter suppositum creatum, & alienam naturam creatam, quam inter suppositum Diuinum, & naturam creatam, neg; quælibet enim creatura magis subordinatur Deo agenti, qui est vniuersalissimum omnium principium, quam quilibet alteri creaturæ; & ideo potest natura humana vti que terminari à supposito Diuino, non ab alieno supposito creato, quia subditur quidem actioni ipsius Dei, non verò alterius suppositi creati, cuius terminationi non subordinatur, vt ostensum est. Maior est proportio generica, entitativa, & æqualitatis, conc; neg. tamen, consi. quia ad hoc, vt natura terminetur ab aliquo

quo supposito, debet illius causalitati subordinari; nam Sol entitatiū magis proportionatur stellis, quā plantis; & tamen potest producere plantas, non stellas; quia istæ non subordinantur, sicut illæ, Solis actioni.

54 Objc. 5. ex eod. Vt suppositum possit terminare dependentiam naturæ, non requiritur, quod sit simpliciter independens, sed sufficit, quod sit independens independentia opposita dependentiæ ipsius naturæ; idest quod non dependeat ab alio, tanquam à substantiæ, sic enim dependet natura; sed quodlibet suppositum creatum habet hanc independentiam, vt patet; ergo potest terminare alienam naturam. Prob. ma. Quauis quantitas in Sacramento altaris dependeat à subiecto, atamen potest terminare qualitates; ergo à pari. 2. Incommunicabile simpliciter potest terminare quodlibet communicabile; sed quodlibet suppositum creatum est incommunicabile; & natura communicabilis; ergo poterit terminare quancunque naturam.

Resp. ad 1. diff. ma. Suppositum ita debere esse independens, vt ab illo essentialiter dependeat natura dependentia subordinationis, vt dictum est, concisa, vt ab illo non dependeat natura, vt se habet respectu alieni suppositi, neg. Ad prob. dicitur qualitates subordinari quantitati, tanquam subiecto proximo; natura verò non subordinatur alieno supposito. Ad 2. diff. ma. eodem modo. Incommunicabile potest terminare communicabile sibi subordinatum, conc; non subordinatum, neg.

55 Objc. 6. ex eod. Non repugnat ex parte naturæ, quia hæc est separabilis à propria suppositualitate, & suppositibilis ab alieno supposito; aliter non posset suppositari à Verbo Diuino. Neque ex parte suppositi creati, quia hæc terminatio non extrahit suppositum creatum extra sphaeram creaturæ; ergo nullo modo repugnat.

Resp. neg. ant; natura enim est suppositibilis ab alieno supposito gerente vices proprii suppositi, quod vt dictum est, potest præstare solum suppositum Diuinum. Item hæc terminatio importat continentiam eminentialem, & infinitatem, quæ extrahunt suppositum à sphaera creaturæ; vt satis diximus sup.

A R T. V.

An Verbum potuisset assumere quantlibet
aliam creaturam substantialem?

1 Q Væritur, an qualibet natura substantialis creata spiritualis, aut corporalis, animata, vel inanimata potuerit à Verbo, vel ab alia persona Diuina assumi in unitatem suppositi Diuini, sicuti assumpta fuit

humana natura; siue ex eodem motiuo, quod de facto Deus habuit, liberandi hominis, siue ex alio nobis occulto, illi tamen possibili, & liberè eligibili?

2 Prima sententia putat naturam Angelicam assumi non posse eo, quia in substantijs separatis, ac simplicibus non compositis ex materia, & forma suppositum non distinguitur à natura; cūque persona Diuina non possit suppositum creatum assumere, vt inf; consequenter asserit non posse Angelicam naturam in unitatem Diuini suppositi assumi. Tribuitur *Alberto Magno in 3. dist. 2. art. 2.*

3 Secunda vult naturam purè corpoream siue inanimatam, siue animatam non esse assumibilem. Referuntur *Alexi D. Boni, Henr; Pic. Mirand. in Apologia in defensione 4. propositi; Hurt. disp. 43. sect. 2; Pasqualig. disp. 78. sect. 9; apud quos alij.*

4 Nostra tandem docet simpliciter, & absolute loquendo quantlibet naturam substantialem creatam potuisse assumi à persona Diuina in unitatem suppositi; quauis supposito motiuo, quod Deus habuit de facto, liberandi hominem congruum fuerit solam naturam humanam assumi. Ita *Fund. Doct. hic dist. 2. p. 1. ar. 4; Argent. ibid. dist. 2. p. 1. ar. 15; 2; Gibb. hic disp. 8. dub. 15; & communiter omnes alij.*

D. P. Aug. serm. 58. de Verbis Domini, & *Fund. Doct. Aeg. hic, & dist. 1. p. 1. art. 1. ad 25 & dist. 12. p. 2. q. 3. art. 1. §. Secunda via docent, quod licet agere, & pati conueniat supposito, vt quod, atamen hoc ei non competit, nisi ratione naturæ; cuius propria est illa actio, & passio; natura enim est ratio formalis agendi, & patiendi, cū designatur principium operandi. Hinc ex hoc, quod duæ naturæ videntur in eodem, supposito Verbi Diuini, habetur communicatio idiomatum vtriusque naturæ, quia vtraque natura communicat cum eodem supposito; Diuina quidem per identitatem, humana verò per assumptionem, quæ est cum distinctione reali ab eodem supposito. Propter quod idem suppositum Verbi Diuini est homo, & Deus; & de eo prædicantur omnia, quæ dicuntur de homine, vt quod sit factum ex muliere, passum, crucifixum, &c; quæ ei conueniunt ratione humanæ naturæ, & quæ dicuntur de Deo; vt quod sit omnipotens, creator &c; quæ ei competunt ratione naturæ Diuinæ.*

6 Ex hoc sequitur, quod licet imperfectiores creaturæ prædicantur de Deo, nulla tamen imperfectio in Deum inducitur, quia tantum dicuntur secundum naturam assumptam; & ideo cū dicitur, *Deus est passus*, facit sensum, quod *Deus passus est secundum naturam humanam*, secundum quam ei tantum conuenit pati; & quæ præcisè omnino impassibilis est; nam secundum naturam Diuinam simpliciter ei pati repugnat.

7 Vt autem omnis æquiuocatio tollatur, dicimus, quod aliud est comparare naturam humanam ad suppositum Verbi Diuini incomplexè sumptum, scilicet prout contradistinguitur ab humana natura; & aliud est ipsam comparare ad Christum, qui est quid complexum ex supposito Verbi Diuini, & ex natura humana. Si primo modo comparetur, suppositum Diuinum dicitur simpliciter impassibile; si verò secundo modo, dicitur passibile &c. Neque ad hoc, vt suppositum Christi complexè sumptum pati dicatur, requiritur, quod vtrunque, scilicet Verbum, & natura humana, sit passibile, sed sufficit, quod sola natura humana sit ratio patiendi. Sicut homo dicitur intrinsecè corruptibilis, & intrinsecè corrupti, quia intrinsecè complectitur materiam, quæ est radix corruptionis, quantum anima rationalis, ex qua etiam componitur, sit ab intrinsecè incorruptibilis. Quemadmodum ergo homo concretè sumptus dicitur corruptibilis; & tamen ex hoc non sequitur, quod anima rationalis, quam intrinsecè importat homo, sit corruptibilis, vel corrumpatur ad corruptionem; totius, quod est homo; ita Christus concretè sumptus dicitur passibilis, & passus fuisse; quia naturam humanam, quæ est capax passionis, complectitur; quantum suppositum Diuinum incomplexè sumptum nec sit passibile, nec patitur; & eo magis, quia suppositum Diuinum non informat intrinsecè naturam humanam, sicut anima materiam.

8 Colligitur itaque ex his nullam imperfectionem refundi in ipsum Deum ex assumptione cuiuslibet nature creatæ quantumcunque imperfectæ, & inferioris; neque ex eo, quod plures propositiones sonantes vitulentur, abiectionem, & indignitatem prædicarentur de complexo ex supposito Diuino, & ex illa natura, refunderentur in Deum secundum se, sed tantum prout terminantem talem naturam; etiam si refunderentur intrinsecè in illud complexum, vt in principium quod, non tamen imperfectionem in Deum inuoluerent.

9 Vnica concl. Suppositum Diuinum absolute loquendo potuit assumere quancunque naturam substantialem creatilem; supposito tamen motiuo liberandi hominis congruentius assumpsit naturam humanam.

Prob. 1. ex Apost. Hebr. 2. *Nusquam Angelos apprehendit, sed semen abrahe*; quibus verbis iuxta SS. PP. doctrinam Dei erga hominem dilectio maximè commendatur; nam peccantibus Angelis, & homine, dignatus est Angelis in eorum perditione relictis hominem assumendo naturam humanam redimere. Quod arg; vt constat, non concluderet, nisi natura Angelica assumibilis esset.

10 Resp. *Gonet* hoc ad summum probare naturam Angelicam assumibilem esse ad Diuinam existentiam, non autem ad substantiam;

Mag. Frideric. Nic. Ganardi Tom. 5.

quod sufficeret ad ostendendam Dei erga hominem dilectionem.

Sed cont. 1. *Apost.* comparat assumptionem naturæ humanæ cum assumptione naturæ Angelicæ; & ait non assumpsisse naturam Angelicam; nec factum fuisse Angelum; assumpsisse tamen, humanam, & hominem factum fuisse; sed non potuit fieri homo, nisi assumendo naturam humanam ad Diuinam substantiam in unitatem suppositi Diuini; ergo neque potuit assumere naturam Angelicam, & fieri Angelum, nisi eam assumendo ad Diuinam substantiam in unitatem suppositi Diuini. Non esset autem comparatio, quæ debet esse eiusdem formæ, sed disparatio, quæ est respectu diuersarum formarum; si intelligi posset de assumptione naturæ Angelicæ ad Diuinam existentiam, & naturæ humanæ ad Diuinam substantiam. 2. Natura Angelica non est assumibilis, vt suppositata; ergo per ipsam assumptionem suppositaretur; & ideo assumeretur nedum ad existentiam, sed etiam ad substantiam Diuinam, aliter daretur à parte rei natura vltimò non terminata, & ideo infinita, quod repugnat; suppositabilitas enim est vltimus terminus naturæ.

11 Prob. 2. ex G. P. *Aug. lib. de Vera Relig. c. 16.* docente; *Nam id præstat, & in aliquo ethereo corpore ad nostrorum aspectum tolerantiam temperato, sed etiam hominibus in vero homine apparuit; ipsa enim natura suscipienda erat, quæ liberanda.* Arguitur autem à Fund. ex ratione formali ipsius assumptionis sic. Cui minùs competit, esse per se; & in se, magis conuenit assumi à Diuino supposito; sed naturæ irrationali minùs competit esse in se, & per se; ergo magis ei competit assumi à Diuino supposito. Prob. ma. Cui magis conuenit esse in alio, & per aliud; tanquam per terminum vltimò terminantem, & substantiantem, magis conuenit assumi à Diuino supposito; hoc enim importat assumi; sed cui minùs conuenit esse in se, & per se, magis conuenit esse in alio, & per aliud, tanquam per terminum vltimò terminantem, & substantiantem, opponuntur; sunt enim membra diuidenda esse, vt sic; & cui minùs conuenit de vno opposito, magis conuenit de alio opposito; quando opposita adæquate diuiduntur; vt quia albedo, & nigredo adæquate diuiduntur colorem, vt sic (colores enim medij non sunt, nisi colores extremi magis, & minùs participati) ideo quod habet minus de albedine, habet magis de nigredine; albedo enim non minoratur, nisi per nigredinem, & è contra; ergo cui minùs conuenit esse in se, & per se, magis conuenit assumi à Diuino supposito. Prob. mi. Cui minùs conuenit per se agere, minùs conuenit per se esse; sicut enim agere sequitur ad esse; ita per se agere ad per se; sed naturæ irrationali

D

tionali minis competit per se agere, quàm naturæ rationalis; quia per se agere importat agere cum dominio suarum actionum, quod competit tantum naturæ rationali, non autem irrationali cui non competit libertas, quæ est formaliter dominium actionum; quapropter irrationalia dicuntur potius agi, quàm agere; ergo naturæ irrationali minis competit esse in se, & per se.

12 Prob. 3. *ab eod.* ex parte Dei assumptis. Gerens vicem omnis suppositi potest assumere quancunque naturam; sed suppositum Diuinum potest gerere vicem omnis suppositi; ergo potest assumere quancunque naturam. Ma. constat; quia munus suppositi est vltimò terminare naturam, & gerere vicem alterius est gerere munus illius; ergo gerens vicem omnis suppositi potest assumere quancunque naturam. Mi. etiam claret; quia suppositum Diuinum est omne suppositum, cum sit simpliciter infinitum; sicut enim ens simpliciter infinitum est omne esse; ita à pari.

Conf. Ideo Verbum Diuinum assumpsit de facto naturam humanam; quia gerit vicem suppositi humani; & ideo gerit hanc vicem, quia continet eminenter suppositum humanum; & ideo continet eminenter suppositum humanum, quia est simpliciter infinitum in ratione suppositi; sed ex eo, quòd sit infinitum in ratione suppositi, debet eminenter continere omne suppositum; quia infinitum omnia continet, & nihil excludit; ergo potest assumere quancunque naturam.

13 Prob. 4. *ab eod.* ex parte naturæ assumptæ. Sola potentia obedientialis reddit creaturam assumibilem in vnitatem suppositi Diuini; sed in qualibet natura creata est potentia obedientialis; ergo quælibet natura creata est assumibilis in vnitatem suppositi Diuini. Prob. ma. Creatura assumi non potest in vnitatem suppositi Diuini per potentiam actiuam existentem in creatura; quia hæc assumptio est opus omnipotentis, quæ repugnat creaturæ, quæ propterea nequit efficere incarnationem; neq; per potentiam passiuam naturalem; quia secundum Com. nulla est potentia passiuæ naturalis in creatura, cui non respondeat potentia actiuæ naturalis; & ideo sicuti repugnat creaturæ potentia naturalis actiuæ effectiua incarnationis; ita ei repugnat potentia naturalis passiuæ; sed præter potentiam actiuam, & passiuam naturalem nulla alia potentia, nisi obedientialis, datur in creatura; ergo sola potentia obedientialis reddit creaturam assumibilem in vnitatem Diuini suppositi. Prob. mi. Omnis creatura est essentialiter serua, & subiecta imperio Dei, quia habet esse à Deo; & ad nutum Dei potest illud recipere, & amittere; ergo in omni creatura est essentialiter potentia obedientialis respectu Dei.

14 Prob. 5. *ab eod.* Corpus mortuum est natura irrationalis, & inanimis; est enim priua-

tum anima rationali, à qua solum denominatur rationale, & animatum; irrationale autem, & inanime dicit quid priuatum rationalitate, & anima; sed suppositum Verbi in triduo assumpsit corpus mortuum; illis enim tribus diebus Verbum mansit vnitum corpori iacenti in sepulcro, & animæ descendenti ad inferos; quia quod sit melius assumptum, nunquam dimisit; id est animam, & corpus, quod Verbum semel assumpsit, nunquam dimisit; ergo potest assumere naturam irrationalem, & inanimem.

15 Dices. In tantum Verbum retinuit corpus sibi hypostatice vnitum; in quantum corpus dicebat respectum ad animam rationalem; ergo non est par ratio de natura simpliciter irrationali, quæ nullum talem dicit respectum.

Resp. *Fund. Doct.* hoc solum probare congruitatem; congruum enim fuit solum assumere naturam rationalem; at non probare, quòd de potentia absoluta non possit assumere naturam irrationalem; quia illud corpus, quanuis diceret respectum ad animam rationalem; tamen de facto erat natura irrationalis, & inanimis secundum suam quiditatem; & eiusdem rationis cum corporibus mortuis aliorum hominum, quæ procul dubio sunt naturæ irrationales non viuentes; ergo sicuti potuit illud secundum substantiam retinere sibi vnitum; ita potuit alias naturas irrationales sibi secundum substantiam vnire, quanuis non dicerent relationem ad animam.

16 Tandem prob. In tantum Verbum Diuinum potuit assumere naturam humanam; in quantum supposita humanitas est realiter distincta, & separabilis ab illa; sed quælibet natura creata realiter distinguitur à sua supposita; quia nulla creatura est suum esse; & ideo nec suum subsistere, quod non distinguitur ab esse; ergo quælibet natura creata est assumibilis à supposito Diuini Verbi.

17 Congruum autem fuisse supposito mortuo liberandi hominis solam naturam humanam assumi prob. Sola natura sananda erat assumenda; sed sola natura humana erat sananda; ergo sola erat assumenda. Ma. patet ex verbis Christi Domini *Matth. 9. Non est opus valentibus Medicis; & Luc. 5. Non egent, qui sani sunt; Medico; & in Symb. Nic. Propter nostram salutem descendit de Celis.* Ex quibus sic. Medicina naturæ fuit assumptio naturæ; sed soli naturæ sanandæ conferenda erat medicina; ergo sola natura sananda esset assumenda. Prob. mi. Sola natura hominis erat in statu egritudinis; natura enim Angelorum malorū statim post peccatum fuit in statu perpetuæ mortis, quia fuit in termino, malo enim immobiliter adhæsit; natura verò eorum, qui remanserunt in bono, in quo conditi fuerunt, statim adepta est vitam æternam; denique natura irrationalis incapax est vitæ æternæ, quæ in actibus intellectus, & vo-

luntatis

luntatis consistit. At natura humana est capax salutis æternæ; quia est intellectualis, & post peccatum, quod est infirmitas animæ, malo inflexibiliter non adhæsit, sed per gratiam vnionis medicanda remansit; ergo sola natura humana erat sananda.

18 Imò etiam non supposito motiuo liberandi hominis adhuc congruum fuit, quòd sola natura assumeretur humana; conueniens enim erat, quòd vtraque creatura, scilicet corporalis, & spiritalis vniretur suo Creatori; sola autem natura humana complectitur naturam corporeā, & spiritualem, quia constat ex anima, & corpore; angelica autem excludit corpoream; irrationalis verò excludit spiritualem; ergo conueniens fuit soli naturæ naturam humanam assumi. *Sed de hoc in q. seq. art. 2.*

19 Obijc. 1. Ea, quæ Deum dedecent, Deo repugnant; implicat enim poni in Deo aliquam indecentiā, sicut implicat poni in Deo aliquam malitiam; nam quemadmodum malitia opponitur eius summæ bonitati, & ideo ei repugnat; ita indecentia opponitur eius summæ sapientiæ, & prudentiæ; sed Deum fieri naturam irrationalem Deum dedecet, quia dedecet denominari equum &c; ergo repugnat assumere naturam irrationalem. 2. Ea, quæ Deo incongruunt, Deo repugnant; omnis enim incongruentia, quia est defectus, Deo repugnat; sed assumere naturam irrationalem Deo incongruit ex concessis; ergo idem.

Resp. dist. ma. Quæ Deum dedecent simpliciter secundum omnem ordinem, quæ possent eius summa prouidentia, & sapientia statueri, conc; secundum quid, id est secundum aliquem ordinem tantum, neg; nam possunt decere secundum alium ordinem nobis ignotum; & neg. mi; sicut enim non dedecet Deum denominari passum, mortuum, quia istæ denominationes ei non conueniunt, nisi ratione naturæ humanæ, quam tantum irreceptibiliter terminat, & ideo nullum defectum importat intrinsecum Deo; ita à fortiori denominaretur equus &c; quia esse equum &c. dicit aliquod positium, non purum defectum, sicut dicit passio, mors &c. Ideo Deus potest dici eminenter equus, non mors &c; quia equus dicit aliquam perfectionem, quæ continetur in Deo; mors purum defectum, qui in Deo non est. Ad 2. dist. eodem modo ma. Quæ Deo incongruunt simpliciter, conc; & neg. mi; secundum quid, neg; & conc. mi.

20 Inst. Quia malitia repugnat Dei bonitati, ideo secundum nullum ordinem potest poni in Deo; ergo à pari.

Resp. neg. cons; nam vt diximus 10. 4. de fide q. 1. art. 3. §. 1. n. 21; malitia importat actionem, quæ tribuitur ipsi supposito elicitiuè; hæ autem denominationes important solam terminationem. *Vid. vbi.*

21 Obijc. 2. Natura creata per vnionem.

Mag. Frideric. Nic. Ganardi Tom. 5.

hipostatitica fit filia Dei naturalis, vt docet S. P. Aug. lib. 8. de Trin. c. 9; fit sancta, videns, & amans Deum, eleuatur ad ordinem supernaturalem, & Diuinum, sed hæc omnia repugnant creaturæ irrationali, quæ horum est essentialiter incapax; ergo idem. 2. Minus est Deum videre, & amare, quàm illi hipostatitice vniri; sed primum naturæ irrationali repugnat simpliciter; ergo & secundum.

Resp. dist. ma. Natura, quæ ex capax, conc; quæ non esset capax; neg; vt patet de corpore mortuo Christi Domini in triduo, quod non erat filius, de cuius ratione est vita; neque sanctum, de cuius ratione est participare naturam intellectualem Dei; neque videns, & amans, quia istæ sunt operationes viuentis; neque eleuatum ad ordinem Diuinum, qui est intellectualis; ita à pari. Præterea dicitur effectum, formalem primarium vnionis hipostatitice effectus terminare naturam; adductus verò esse effectus secundarios, quia scilicet talis natura est ad illos ordinata; primarius autem potest præstari sine secundario, vt patet. Ad 2. neg. cons; nam ideo repugnat naturæ irrationali videre Deum, quia videre est actio propria naturæ intellectualis, & ideo nequit conuenire naturæ irrationali, cui nequit competere intellectualitas; at terminari hipostatitice est passio conueniens omni naturæ; ideo potest competere naturæ etiam irrationali. Sicuti non valet ex eo, quòd intelligere sit maius, quàm sentire; ideo Angelis, quibus nequit competere sentire, non possit conuenire intelligere; ita à pari. Valet ergo modus arguendi, quando id, quod est maius, & minus, sunt in eodem ordine, vel vnum includit essentialiter aliud; non autem quando sunt disparata, vt in casu.

22 Obijc. 3. Cui repugnat effectus formalis alicuius formæ, repugnat vniri ipsa forma; sed naturæ irrationali repugnat effectus formalis personalitatis Diuine; quia effectus formalis personalitatis est constituere personam, quæ essentialiter importat naturam intellectualem, vt patet ex eius definitione; ergo idem.

Resp. in casu personam Diuinam terminaturam, vt habet rationem suppositi, quod habet præcisè constituere naturam subsistentem; non personæ, quæ habet constituere naturam intellectualem, vt quod. Vnde dist. mi. Personalitatis Diuine, vt personalitas est, conc; vt suppositualitas, neg. Neque audiendi sunt quidam Scotiste, qui negant rationem suppositualitatis esse formaliter in Deo; nam suppositualitas præcisè importat subsistentiam incommunicabilem, quam constat esse formaliter in Diuinis personis; cetera verò dicit tantum materialiter.

23 Obijc. 4. In substantijs simplicibus, quæ non componuntur ex materia, & forma, suppositualitas non distinguitur à natura; vt docet D. Tho. 1. p. q. 3. ar. 3; sed natura Angelica est huiusmodi

D 2

iufmodi; ergo non potest assumi implicat enim assumi suppositum.

Resp. neg. ma; nulla enim creatura est suum esse, & suum subsistere. *D. Tho.* ait tantum se ipsis constituere suppositum ita, vt tot sint supposita, quot substantiæ; non autem ait in illis non distinguere naturam à suppositualitate.

A R T. VI.

An suppositum Diuinum potuerit assumere substantiam incompletam?

NOMINE *substantiæ incompletæ* hic tantum significatur pars substantialis compositi physici diuifim sumpta, scilicet materia sine forma; & forma separata à materia. Quauis enim natura metaphysicè considerata sit substantia incompleta, constituit enim simul cum substantia suppositum, quod est totum metaphysicum; attamen si physicè accipitur, habet rationem totius, compositum enim ex partibus physicis, quæ sunt materia, & forma. Cum igitur de natura, vt est pars metaphysica, hucusque actum sit, sequitur agendum de partibus physicis constitutentibus naturam ad hoc, vt plena huius rei notitia habeatur. Quoniam tamen forma physica alia est rationalis, alia purè materialis, ideo de vtraque est discurrendum.

2 Prima sententia vult materiam primam, & formas materiales separatim assumi posse à supposito Diuino. *Ita Scot. Maior; Fabr. in 3. dist. 2. q. 1; Suar, hic d. sp. 14. sect. 2; & 3; Tanner. disp. 1. q. 4. dub. 2. Ban. 1. p. q. 66. art. 1. dub. 2. apud nostrum Gibb. hic d. sp. 8. dub. 1. n. 19;* qui illos sequitur, afferentes materiam, & formas materiales habere proprias existentias, & subsistentias.

3 Secunda vult formas materiales, non autem materiam separatim posse assumi. *Ita Med; Aluar; Cipull; & alij Thomistæ,* quos sequitur *Gonz. hic d. sp. 9. art. 2. §. 2. Dico 2^o.*

4 Nostra docet solam animam rationalem separatam à materia esse assumibilem; non verò materiam sine forma, aut formas materiales sine materia. *Ita Fend. Dicl. in 2. dist. 1. p. 1. q. 2. art. 4. §. Aduertendum; & in Hexam. p. 1. c. 7; vbi refert D. Tho. 1. p. q. 66. art. 2.* Hanc sententiam sequuntur omnes nostri vno excepto Gibb; & ex alijs Cabr; Naz; & plures Thomistæ, qui tenent materiam, & formas materiales non habere proprias existentias. *Ita etiam Vass. 1. p. d. sp. 125. c. 4.*

5 Vnica concl. Sola anima rationalis à corpore separata assumi potest in vnitatem Diuini suppositi; non autem materia sine forma, nec forma materialis sine materia.

Prob. 1. pars concl. ex *Act. 2. Quem Deus suscitauit à mortuis solutis inferni doloribus, iuxta quod impossibile erat teneri illum ab eo.* Super quod

S. P. Ang. lib. 12. de Gen. ad lit. c. 29. ait: Quemodo enim aliter accipiendum sit &c; non video, nisi ut quorundam dolores apud inferos cum soluisse accipiamus ea potestate, qua Dominus est, cui omne genuflectitur caelestium, terrestrium, & inferorum, per quam potestatem etiam illis doloribus, quos soluit, non potuit teneri. Ex quo sic. Anima Christi in triduo erat à corpore separata, & hipostaticè vnita supposito Verbi Diuini; ergo anima rationalis separata à materia potuit assumi in vnitatem Diuini suppositi. Ant. prob. ex textu. Christus Dominus descendens ad inferos secundum animam separatam à corpore soluit inferni dolores ea potestate, qua Dominus est; sed non est Dominus, nisi quatenus Deus, & non est Deus, nisi quatenus Diuino supposito vnitus; ergo anima Christi Domini in triduo erat hipostaticè vnita Diuino supposito. Tum quia Christus essentialiter importat suppositum Diuinum, & naturam humanam; sed dicitur Christus descendisse ad inferos secundum animam tantum, à qua formaliter sumitur ratio naturæ humanæ, quia forma dat materiæ esse specificum; ergo anima Christi in triduo fuit vnita Diuino supposito. Tandem quod Verbum semel assumptis, nunquam dimisit; quod SS. PP; & DD. explicant de partibus essentialibus, quæ constituunt hominem; sed istæ sunt anima, & corpus; ergo Verbum in triduo mansit coniunctum animæ, & corpori; propter quod tunc anima, & corpus optimè dicebantur Christus, quia corpus, & anima tunc vniebantur supposito Christi.

6 Prob. 2. ex *S. P. Ang. lib. 10. de Cinit. Dei c. 29. Quid ergo incredibile est, si aliqua vna intellectualis anima modo quodam ineffabili, & singulari pro multorum salute suscepta est? Corpus verò animæ coherere, ut homo totus, & plenus sit.* Ex quo sic. Illud, quod est ratio assumendi aliud in vnitatem suppositi, est multò magis assumibile, quàm illud, quod assumitur per aliud; nam propter quod vnumquodque tale, & illud magis; cum res magis dicatur de eo, quod est per se, quàm de eo, quod est per aliud; sed anima rationalis est ratio assumendi corpus humanum, in vnitatem suppositi Diuini; quia Verbum assumptis corpus assumendo animam; cum corpus sit propter animam, non è contra; tum quia anima est ratio, per quam corpus subsistit, cum ad ipsam sequatur existentia, & subsistentia; ipsa enim per se ipsam est capax existentiae, & subsistentiae, quia de se actus specificus est; existentia autem est terminus rei specificæ, quia est terminus naturæ, quæ speciem importat; materia verò non nisi per formam sit actiua, cum à forma habeat specificationem; sed quod est ratio, per quam aliud subsistat, est ratio, per quam assumatur in vnitatem suppositi, quia natura creata in supposito tantum habet subsistere; ideo anima rationalis est ratio assumendi corpus huma-

humanum; ergo multò magis ipsa est assumibilis in unitatem Diuini suppositi.

7 Dices. Si anima esset ratio assumendi corpus, sequeretur, quòd corpus in triduo non mansisset assumptum à Verbo; quia ablata ratione formali tollitur effectus; sed conf. est falsum; ergo et ant.

Resp. *Fund. Doct. hic dist. 2. p. 2. art. 1. dist. ma.* Si anima esset ratio essentialis, necessaria simpliciter, & secundum quancunque potentiam, & secundum actum, conc; si esset ratio tantum de congruo, secundum quid, secundum potentiam ordinariam, & secundum aptitudinem tantum, neg; nam sicut quia pulchritudo est ratio tantum de congruo, vt mulier assumatur in matrimonium Regis; ideo si pulchritudo tollatur à muliere iam nupta, non dissoluitur matrimonium. Ita quia secundum potentiam ordinariam, & aptitudinaliter substantia est ratio, ob quam existunt accidentia; ideo secundum potentiam absolutam possunt existere etiam separata à substantia, vt in Sacramento altaris. Ita à pari. Anima ergo est tantum ratio de congruo, aptitudinalis, & secundum legem potentie ordinariæ, ob quam Deus assumpsit corpus, & ideo etiam facta separatione corpus manet assumptum.

8 Prob. 3. Illud, quod secundum se præcisè est capax substantiæ, potest assumi in unitatem Diuini suppositi; effectus enim suppositi est reddere naturam in se ipso subsistentem; atque adeo illud, quod est capax acquirere substantiam secundum se ipsum præcisè, potest assumi à supposito Diuino; sed anima rationalis est huiusmodi; separata nanque à materia subsistit, quod non foret, si subsistentia secundum se capax non esset; implicat enim aliquod secundum se subsistere, & secundum se subsistentiæ capax non esse; ergo anima rationalis separata à materia assumi potest à Diuino supposito.

9 Prob. 2. pars concl. Implicat rem, quæ non est constituta in aliqua specie, constitui in aliquo supposito; sed materia secundum se præcisè non est constituta in aliqua specie; ergo implicat constitui in aliquo supposito; atqui assumi à supposito Diuino est constitui in supposito Diuino; quia constitui in supposito est terminari à supposito, & reddi subsistens in illo; quod significat idem, ac assumi à supposito; ergo implicat materiam præcisè assumi à Diuino supposito. Prob. ma. Sicut se habet species ad genus; ita suppositum ad speciem, quemadmodum enim species determinat genus; ita suppositum determinat speciem; sed implicat rem esse in aliqua specie, & non in genere illius speciei; quia superiora, vt est genus, essentialiter imbibuntur in inferioribus, vt est species; ergo implicat rem subsistere in aliquo supposito, & non esse in aliqua specie. Prob. mi. Materia constituitur in specie solum per formam, quæ

dat rei esse specificum, vt constat; ergo secundum se præcisè non est in aliqua specie.

10 Præterea cui repugnat existere, repugnat etiam subsistere; sed materiæ sine forma repugnat existere; ergo ei repugnat etiam subsistere; & ideo repugnat assumi à supposito, quia assumi à supposito est subsistere in illo, seu per subsistentiam illius. Ma. constat; quia subsistere importat esse in se, & per se; & existeret dicitur esse; & ideo cui repugnat esse, repugnat etiam esse in se, & per se; sicut enim cui repugnat animalitas, repugnat etiam rationalitas, quæ est species illius, quia cui repugnat genus, repugnat species, non è contra; ita cui repugnat esse, quod est genus ad esse in se, & in alio, repugnat etiam esse in se, & in alio. Mi. supp. ex 1. *Phyf.* quia existentia definitur actus, per quem constituitur res extra suas causas; materia autem sine forma non est res, quia non est aliquid, non calor, non figura &c; vt docet S. P. Aug. lib. 12. *Conf.* c. 3; aliquid autem, & res conuertuntur, vt dicitur in *Sommulis. Vid. 10. 3. in Hexam. art. 5. n. 8. 9; & 10. Sed de hoc ad Phyf.*

11 Prob. 3. pars concl. ex *Fund. Doct. in Hexam. vbi.* Forma materialis est simpliciter inseparabilis à materia; ergo nequit assumi separata à materia, implicat enim, quòd simpliciter inseparabile sit separatum. Prob. ant. Separatio à materia essentialiter importat spiritualitatem; dupliciter enim potest forma esse separata à materia. 1. Ita, vt materiæ coniungi non queat, tanquam pars simul cum materia constituens compositum; & sic sunt Angeli, qui nec sunt materiales, nec habent materiam partem sui. 2. Ita, vt actu vniatur materiæ, sed tamen possit etiam separata subsistere; & sic est anima rationalis, quæ pariter est spiritualis; quapropter nomine formæ separatæ à materia communiter ab antiquis, & etiam nuperis Philosophis forma spiritualis significatur; ergo forma materialis est simpliciter inseparabilis à materia.

12 Conf. Nulla res potest separari ab alia, nisi per exclusionem illius; quando enim illam includit, ab illa non separatur, sed illi vnitur; inclusio nanque importat unionem, vt constat; sed sola res spiritualis excludit materiam; spirituale enim est membrum diuidens rem à materiali; quia res diuiditur in materiale, & spirituale; ergo sola res spiritualis potest separari à materia. Atqui implicat dicere formam materialelem esse spiritualelem; hæc enim opponuntur; ergo implicat dicere formam materialelem posse separari.

13 Prob. 2. ex *D. Thom. & Fund. Doct. vbi sup.* Omne intellectuale est immateriale; sed omnis forma separata à materia est intellectuales; ergo omnis forma separata à materia est immaterialis. Atqui implicat dicere formam materialelem esse immaterialelem; immateriale enim habet

habet adiunctam negationem materialis; sicut irrationale rationalis; ergo implicat dicere formam materiale esse separatam à materia. Ma-
probata est 10. 1. de *subst. Dei* q. 2. artic. 7. §. 1. immaterialitas enim est radix intellectualitatis; & una probatur per aliam in diuerso genere, causæ, vt *ibid.* fusè monstrauius. Prob. mi.
ex D. Tho. docente, quòd si vera esset positio *Auerrois* asserentis Cælum esse formam separatam à materia, sequeretur, quòd Cælum esset intelligens; intellectio enim fit per abstractionem à materia; abstractio autem, & separatio idem significant; ergo omnis forma separata à materia est intellectiua. 2. Quamuis quæstio sit, an actus intelligibile sit intellectiuius, vt docet *Beatus P. lib. 12. de Gen. ad lit. cap. 10*; attamen nulli dubium est, quòd actus per se intelligibile pertinet ad genus entis intellectualis, est enim obiectum intellectus; & genus intellectuale integratur ex potentia intellectiua, actus intellectiōis, & obiecto intelligibili; quapropter intelligibile, & intellectuale sub eadem significatione accipiuntur; vt inquit S. P. Aug. *ibid.*; sed omnis forma separata à materia est per se actus intelligibilis; quia sicut materia impedit intellectiōem; ita priuatio illius infert intellectiōem; separatio autem priuationem importat; ergo omnis forma separata à materia, est intellectiua. Tandem inductione monstratur. Quia Deus est separatus ab omni materia, & potentialitate passiva, cum sit actus purissimus; ideo est infinite intellectiua. Quia Angeli sunt formæ per se existentes separatæ ab omni materia physica includentes tamen potentialitatem passiuam, quæ dici potest materia metaphysica; habent enim *sumum hylem*, vt loquitur S. P. Aug; ideo sunt intellectuales simpliciter, sed non infinite. Quia anima rationalis est separabilis à materia, cum possit separata subsistere; ideo est intellectiua, quamuis quandiu est materiæ coniuncta, ab illa, tanquam ab organo, in intelligendo dependeat; ergo à sufficienti enumeratione innotescit omnem formam separatam à materia ad ordinem intellectualem spectare. Vide 10. 1. ubi sup.

14. Demum sicut se habet forma spiritalis respectu spiritus, à quo forma denominatur spiritalis; ita forma materialis respectu materiæ, à qua dicitur materialis; sed implicat formam spiritali separari à spiritu; si enim spiritus non esset, necessario esset corpus; quia spiritus, & corpus adæquate diuidunt ens; ergo implicat formam materiale separari à materia, aliter materialis non esset, sed spiritalis; quia spiritali adæquate diuiditur à materiali.

15. Dices. Ideo formam spiritali non posse separari à spiritu, quia forma spiritalis, & spiritus idem sunt; at forma materialis realiter differt à materia id eo illa est separabilis.

Sed contra. Suppositiuitas intellectiua,

quæ habet modum formæ spiritalis, quia contrahit, & determinat naturam spiritali, realiter distinguitur ab ipsa natura, & tamen nequit ab ipsa separata consistere; quamuis enim natura possit à sua suppositiuitate separari, non tamen è contrarietate illa suppositiuitas esse suppositiuitas nihili; quia nihil suppositaret; ergo à pari quamuis materia sit separabilis à forma materialis, quia realiter ab illa seceratur; attamen forma materialis nequit separari à materia, secus non esset forma materialis, quia materiam excluderet.

16. Obijc. 1. cont. 1. part. concl. Anima rationalis separata nequit habere rationem personæ; ergo nequit assumi à persona Diuina; aliter personaretur id, quod non est personabile, quia nequit esse persona. Ant. prob. à 1. und. *Doct. hic dist. 1. par. 1. q. 1. art. 2. cont. ling.* substantientem solam animam rationalem habere rationem personæ; quia anima est rationalis nature indiuidua substantia; & ideo est persona, quæ sic definitur. Quamuis enim anima, vt est separata, sit quoddam totum per se subsistens; attamen non est totum simpliciter, & per omnem modum; respicit enim corpus, ad quod naturale habet inclinationem; ergo non est persona, aut suppositum, quod essentialiter importat diuisionem ab alio, non vnionem cum alio. Vid. 10. 1. de *subst. Dei* q. 2. artic. 8. §. 1. n. 22.

Resp. dist. concl. A persona Diuina, prout est terminus adæquatus totius naturæ, concipitur, neg; subsistentia enim non habet, sicut persona, totum adæquare; nam, per eandem subsistentiam, per quam existit totus homo, existit solum anima illius hominis à corpore separata. At persona cum sit per se vnum, & vnum sit indiuisum; ideo nequit diuisum plures partes eiusdem totius significare, sed omnes simul significat; quapropter adæquate solum accipitur.

17. Obijc. 2. cont. 2. part. concl. 1. Ideo materia nequit existere sine forma per existentiam creatam; quia existentia creata est effectus formalis formæ, & effectus formalis nequit haberi sine causa formali; sed existentia Diuina non est effectus formæ creatæ; ergo per illam materia poterit existere. 2. Suppositum Diuinum potest terminare naturam creatam, quia est omne suppositum, cum sit infinitum, vt dictum est; & ideo potest gerere munus cuiuscunque suppositi creati; sed essentia Diuina est omnis essentia, cum sit infinita; ergo poterit gerere munus cuiuslibet formæ; & sic illam supplendo in aliqua materia poterit illam materiam assumere ad existendum. 3. Saltem sequeretur, quòd materia vnita cum forma posset assumi non assumpta ipsa forma. 4. Materia habet suam existentiam, & subsistentiam partialem; quia producit diuersa actione ab ea, quæ producit formam; tum quia subsistentia forma nequit

quit reddere subsistentem materiam, aut è contra; modus enim vnus rei nequit aliam rem modificare; ergo idem.

Resp. ad 1. existentiam dici effectum formalem formæ, quia formam supponit, & ad illam sequitur; supponit enim materiam esse in aliqua determinata specie, vt dictum est; non autem dici effectum, quia forma illam constituit, sicut albedo constituit album. Retorq. igitur arg. Ideo materia nequit existere sine forma, quia existentia sequitur ad formam, & eam supponit; sed existentia Diuina non supponit formam in materia; ergo materia nequit per illam existere. Ad 2. iam dictum est *art. 2. num. 9.* nam quanuis essentia Diuina sit omnis essentia; attamen nequit per se ipsam supplere essentiam creaturæ; quia cum essentia creaturæ sit idem formalissimè, ac creatura, Deus faceret rem sine se ipsa, quia faceret sine sua essentia; at suppositum est extra essentiam creaturæ, cum ab illa realiter differat, ideo sine supposito creato potest suppositare per suum Diuinum suppositum essentiam creaturæ salua remanere essentia creaturæ. Ad 3. neg. seq; nam vel illa forma esset suppositata, vel non? Si primum; ergo simul cum illa esset etiam suppositata materia; quia suppositum est terminus adæquans totam naturam, vt dictum est; & sic illa materia non posset assumi à Diuino supposito, quod nequit assumere naturam suppositatam, quia nequit suppositum sumere; vt videbimus *in seq. art.* Si secundum; ergo illa forma non existeret; aliter esset suppositata, quia ex essentia, & existentia constituitur suppositum. Ad 4. neg. ant. Ad 1. prob. neg; quòd sit diuersa actio, qua producitur materia, & forma; quia per eandem actionem, qua producitur totum, quod solum propriè producit, producantur materia, & forma, quæ sunt ipsum totum. Ad 2. dicitur, quòd subsistentia est modus existentia, quæ realiter distinguitur à forma, & materia; vt diximus *tom. 1. de subit. Dei q. 2. art. 4. §. 1.* & sicuti per eandem existentiam, ita per eandem subsistentiam, qua existit, & subsistit totum, existunt, & subsistunt materia, & forma, quæ simul sumpta non sunt aliud, quàm ipsum totum.

18 Objc. 3. cont. 3. part. concl. Non minus dependent à subiecto materiali accidentia materialia, quàm formæ materiales à materia; sed accidentia materialia possunt diuinitus separari à subiecto, & recipere modum existendi similem illi, quem habebant, quando erant coniuncta subiecto; vt patet de quantitate *in Sacramento Altaris*; ergo idem dicendum de formis materialibus; quæ propterea possunt assumi ad existendum per Diuinum suppositum, quod potest supplere etiam illum modum existendi, cum eius existentia sit infinita. 2. Accidentia panis in Sacramento, quanuis separata, sunt materialia; ergo formæ materiales, quanuis

separata, essent materiales, non spirituales; denominantur enim materiales, non per materiam, à qua distinguuntur, sed per materialitatem, quam intrinsecè habent, & à qua nequeunt spoliari; & sic ruunt allatæ rationes.

Resp. ad 1. neg. mai; nam accidentia essentialiter dicunt solam dependentiam inherentiæ aptitudinalis; at formæ materiales dicunt receptionem, & immersionem actualem in materia, vt probatum est; aliter si dicerent receptionem tantum aptitudinalem essentialiter, & accidentaliter actualem, sicut dicunt accidentia, eodem modo dependerent à materia, quo dependet anima rationalis, quæ ita actualiter recipitur in materia, vt aptitudinaliter possit existere extra illam; & ideo haberent eandem abstractionem à materia; ac propterea eandem spiritualitatem, quæ sumitur secundum abstractionem à materia. Ad 2. dicitur, quòd accidentia denominantur materialia per ordinem, quem dicunt ad materiam, cui apta sunt inherere; at formæ dicuntur materiales intrinsecè propter entitatem materiale, quam habent intrinsecè, & quam non haberent, si essent separatæ à materia, quæ sola habet, & participat formis entitatem materiale.

19 Quæres, quid dicendum sit de partibus integralibus?

Conet ubi sup. §. 3. putat partes integrales, vt manus, pes &c; præcisas à toto posse assumi, quia existunt per existentiam diuersam ab existentia totius; partes verò coniunctas toti non posse assumi, quin assumatur ipsum totum; quia existunt per existentiam totius.

20 Certum est omnes partes simul non posse assumi quin assumatur totum; quia omnes partes simul idem sunt, ac ipsum totum; vnde si omnes partes assumerentur, & non assumeretur totum; idem assumeretur, & non assumeretur. Quantum verò ad aliquas tantum, videtur nullam importari implicantiam ex *sup. allatis*; nam vna forma potest definire informare aliquam partem coniunctam corpori, in quo est; vt videtur in arbore, in cuius trunco existit ramus siccus; tunc in illo ramo videtur esse alia forma, ad quam sequitur alia existentia; ex quo apparet nullam esse implicantiam, quòd illa pars assumatur. Cum autem dicitur, quòd partes coniunctæ existunt per existentiam totius, quod etiam docet *Fund. Doct.* verum est; si illæ partes informantur vna, & eadem forma, ad quam sequitur vna existentia; falsum autem, si partes informantur diuersis formis. Præterea nulla videtur repugnantia, ob quam Deus non possit impedire, ne existentia extendatur ad omnes partes, sicut non est repugnantia, quòd vna forma impediatur à Deo, ne informet omnes partes corporis; ergo illæ partes non existentes per existentiam creatam possunt assumi.

21 Dices. Implicat naturam aliquam terminantem

minatam substantia creata terminari per substantiam Diuinam, vt *scilicet* videbimus; ergo implicat partes coniunctas terminari per substantiam Diuinam; terminarentur enim per substantiam creatam simul, & Diuinam; quia pars existens in toto non potest non subsistere per substantiam totius; substantia autem totius esset creata, vt supponitur.

Resp. neg. conf. Ad probat. insert. dicitur partes coniunctas terminatas per substantiam Diuinam non fore terminatas simul per substantiam creatam, vt dictum est; impediretur enim substantia creata, ne illas terminaret. Partes autem coniunctæ in toto existit per existentiam totius, nisi impediatur, conc: si impediatur, neg. Vel si informantur ab eadem forma, & existentia, conc: si à diuersa, neg. Sed quidquid sit de hoc, parui enim momenti est.

A R T. VII.

An Verbum potuerit assumere naturam humanam habentem propriam personalitatem?

Certum est (inquit *Fund. Doct. hic dist. 6. par. 2. q. 1. art. 1. resol. dub. 1. lat. S. Sed istud*) Diuinum suppositum non posse assumere suppositum creatum; cum enim suppositum importet aliquod per se existens vltimò terminatum, & assumpti sit ad hoc, vt illud, quod assumitur, fiat existens, & terminatum; & per consequens est ad id, quod non est vltimò terminatum; ideo implicat assumi suppositum; quia implicat aliquod esse, & non esse vltimò terminatum. Tum quia suppositum est incommunicabile alteri, aliter non esset vltimò terminatum, quia posset terminari ab eo, cui communicaretur; illud autem, quod assumitur, ab aliquo, communicatur assumenti; quapropter natura dicitur communicari supposito, à quo assumitur, & terminatur. Queritur ergo tantum de natura; an sicuti separata à suppositualitate creata sibi propria potuit assumi à supposito Verbi Diuini; ita coniuncta cum suppositualitate potuerit assumi ita tamen, vt non assumeretur ipsa suppositualitas.

2 Prima sententia affirmatiue respondet. Ita *Mari. Perez, hic disp. 9. sect. 9; Hart. in Met. disp. 11. sect. 7; & hic disp. 44. m. 13; Bernal disp. 24. sect. 23 apud quos Raccon; & alij*. Non impossibilem hanc sententiam putat *Sua. hic disp. 14. sect. 1*. afferens contrariam non posse ratione conuincenter suaderi.

3 Secunda sententia docet repugnare etiam diuinitus. Ita *Fund. Doct. vbiq; & sapissime alibi. Franc. à Christo in 3. dist. 5. q. 25; Gibb. hic disp. 8. dub. 1; & omnes nostri communiter*. Idem docet *S. Tho. in 3. dist. 5. q. 3. art. 3; & omnes Thomistæ, ac alij Theologi teste Gonet hic disp. 9. art. 4.*

4 Assumere naturam habentem propriam personalitatem (inquit *noſter Franc. à Christo*) stat dupliciter. 1. destructiue ita, vt in instanti assumptionis destruat ipsa personalitas, & assumatur sola natura. 2. retentiue ita, vt assumatur natura retinens suam personalitatem non assumendo tamen ipsam personalitatem. In primo sensu hoc non est de negandum omnipotentie Dei; sicuti enim de facto Verbum Diuinum assumpsit naturam præuentiue destruendo illius personalitatem, id est impediendo, ne personalitas creata terminaret naturam; ita subsequentiue, id est postquam natura terminata est à propria personalitate, potuit personalitatem destruere, & assumere ipsam naturam; illa enim potentia, quæ potest impedire causam creatam, ne agat, potest etiam destruere effectum illius, postquam egit, omnipotens nanque est; & nulla aliunde assignari impossibilitas potest. Difficultas itaque solum in secundo sensu procedit.

5 Vnica concl. Non potest suppositum Diuinum assumere naturam creatam retinentem propriam personalitatem creatam etiam non assumptam ipsa personalitate creata.

Prob. 1. ex *S. P. Aug. lib. 13. de Trin. c. 17. docente: Sic Deo coniungi potuit humana natura, vt ex duabus substantijs fieret vna persona; at per hoc iam ex tribus, scilicet Deo, anima, & carne*. Sic *PP. Conc. Ephesi & Calced; & V. Syn. contra Nestorium* asserunt in Christo esse vnā tantum personam, quia natura humana, & Diuina non possunt vniri, nisi in vnitate personæ; arguitur sic. Natura Diuina, & humana etiam spectata absoluta Dei potentia non possunt vniri in ratione naturæ, ergo etiam spectata Dei potentia non possunt vniri, nisi in ratione personæ. Prob. ant. Implicat, quod ex natura Diuina, & humana fiat vna tertia natura; sicut fit ex anima, & carne, ex quibus coalescit humanitas, quæ est forma totius; sic enim natura Diuina, & humana confunderentur in vnum, quod repugnat; ergo natura Diuina, & humana etiam spectata Dei potentia non possunt vniri in ratione naturæ. Prob. conf. In quolibet toto substantiali non datur, nisi ratio naturæ, & personæ, ex quibus essentialiter constituitur suppositum intellectuale; ergo optimè inferitur ex eo, quod non possit haberi vnitas substantialis in ratione naturæ, quod debeat essentialiter haberi in ratione personæ. Atqui si assumeretur natura creata retinens suam propriam personalitatem, ibi non esset vnitas in ratione personæ; essent enim ibi duæ personæ, scilicet creata, & increata; numerus autem binarius, importat multitudinem, quæ opponitur vnitati; ergo implicat assumi naturam creatam retinentem propriam personalitatem. Hoc arg. sumitur ex *S. P. Aug. de Verb. Dom. serm. 58; vbi loquens de vnione duarum naturarum in Christo ait: Quæ tamen substantia non sunt confusa, sed vnite; atque in vna, eademque*

que persona inseparabiles, & in sua semper proprietate manentes.

6 Sequitur S. P. Aug. *ibid.* In tantum enim he dua nature sibi inuicem unita sunt, atque coniuncte, ut idem Christus Deus, & homo aliquando res aut agat, aut loquatur humanas, aliquando Diuinas. Ex quo sic: Natura Diuina, & humana ita vniuntur in Christo, ut sit vnum, & idem, quod dicitur Deus, & quod dicitur homo; aliter non esset vno natura humana, a qua dicitur homo, & Diuina, a qua dicitur Deus; sed in casu non esset vnum, & idem, quod diceretur Deus, & homo; quia suppositum humanum retentum a natura humana esset homo, & non Deus, non enim esset assumptum a personalitate Diuina; ergo casus est impossibilis. 2. In tantum natura humana, & Diuina vniuntur; in quantum actiones propriæ naturæ humanæ essentialiter debent dignificari a persona Diuina, quæ est principium quod elicitiuum illarum; essentialiter enim petunt esse infiniti valoris, ut sint satisfactoriæ, ut *infi*; sed in casu essentialiter non deberent dignificari a persona Diuina; quia posset elici a persona creata etiam terminante naturam humanam; quod enim posset esse a duobus, non est essentialiter tantum ab vno; ergo idem. Tum quia actiones Christi debent essentialiter esse theandricæ, idest *Dei hominis*; sed non sunt tales, nisi quia vnum, & idem suppositum Diuinum est principium quod elicitiuum actionum humanarum, & Diuinarum; ergo in Christo essentialiter est vnum tantum suppositum Diuinum; & ideo nec per potentiam Dei posset in ipso esse suppositum creatum, quod tolleretur theandricam actionum.

7 Prob. 2. Quotiescunque duo vniuntur ad inuicem, tunc nequit vnum assumi alio non assumpto; assumptio enim est vnio; & que vniuntur uni tertio, vniuntur inter se; sed suppositum humanum in casu esset vnitum naturæ humanæ, cui etiam esset vnitum suppositum Diuinum; ergo in casu non posset assumi natura humana, quin assumeretur suppositum humanum. Atqui suppositum humanum nequit assumi, ut consentiunt *Adversarij*; ergo neque natura humana vnita supposito humano; atque adeo contraria sententia contradicit in terminis.

8 Prob. 3. Quod est formaliter simpliciter incommunicabile, implicat formaliter communicari; aliter simul esset simpliciter, idest secundum omnem rationem, incommunicabile; & secundum aliquam rationem communicabile; quod est contradictorium; sed natura creata suppositata est formaliter simpliciter incommunicabilis; quia de ratione suppositionis est reddere naturam simpliciter incommunicabilem; ergo natura creata suppositata nequit communicari supposito Diuino; atque adeo ab illo nequit assumi, quia assumi est illi communicari. Ma. constat. Prob. mi. Ita se habet sup-
Mag. Frideric. Nic. Ganardi Tom. 5.

posititas respectu naturæ specificæ; sicut differentia specifica respectu naturæ genericæ; sicut enim hæc contrahit, & determinat genus ad hanc speciem ita, ut illam reddat simpliciter incommunicabilem alteri speciei; ita illa contrahit, & determinat naturam ad hoc suppositum, & reddit simpliciter incommunicabilem alteri supposito; sed implicat per quancunque potentiam, ut natura animalis v.g. contracta, & determinata per rationalitatem contrahatur simul, & determinetur ab irrationalitate; quauis animal præcisè sumptum possit ab utraque disunctione contrahi, & determinari; ergo implicat naturam humanam contractam, & determinatam a supposito humano contrahi simul, & determinari a supposito Diuino; quauis præcisè tali contractione, & determinatione possit ab utroque disunctione contrahi, & determinari; atque adeo est simpliciter incommunicabilis.

9 Confi. & simul euertitur instantia, quæ fieri potest. Natura Diuina, quauis infinita, suppositata per paternitatem nequit suppositari per aliam paternitatem eo, quia est adæquate suppositata in ratione Patris; posset autem suppositari in ratione Filij per filiationem, quia propter suam fecunditatem purissimam potest identicè Filio communicari; sed natura creata propter suam finitatem nequit a pluribus suppositis suppositari; in tantum enim natura Diuina potest a pluribus personis suppositari; in quantum eadem est pluribus personis identicè communicabilis in diuersa linea; natura autem creata nequit pluribus communicari, quia finita est, & limitatur tantum ad vnā suppositionem in vno genere, scilicet in genere substantiæ physicæ; non enim potest suppositari in linea intellectiui, & volitiui, sicut suppositatur natura Diuina; quia in talibus lineis non est producibilis, cum producat in esse physico substantiali; esse autem intellectiui, & volitiui est accidentale in creatura; ideo nequit esse terminus formalis productionis creaturæ; sicuti quia in Diuinis est substantiale, ideo est terminus formalis Diuinarum productionum; ergo natura creata suppositata ob suam finitatem nequit assumi a supposito Diuino.

10 Vergetur magis. In tantum essentia Diuina suppositata per paternitatem potest suppositari per filiationem; in quantum filio est diuersæ rationis a paternitate, ideo namque nequit suppositari per aliam paternitatem, quia alia paternitas esset eiusdem rationis, & sic secundum illam rationem non esset adæquate suppositata; sed talis natura creata adæquate suppositatur per suppositatam creatam; aliter posset naturaliter suppositari ab alia suppositata creata; & suppositaretur secundum eandem rationem a supposito Diuino; suppositum enim Diuinum suppositat, in quantum gerit vices
E suppo.

suppositi humani; gerens autem vices alterius agit secundum eandem rationem, secundum quam agit alterum; hinc filiatio in Diuinis non dicitur gerere vicem paternitatis; quia supponit essentiam secundum rationem diuersam ab ea; secundum quam supponit paternitas; ergo natura creata retinens propriam supposititalitatem nequit supponi à Diuino supposito.

11 Amplius. In tantum natura Diuina suppositata per paternitatem est suppositibilis per filiationem, & spirationem actiuam; in quantum est communicabilis per identitatem purissimam tribus personis Diuinis; aliter non vna, & eadem, sed diuersa suppositaretur; at nullus diceret naturam creatam esse communicabilem pluribus suppositis per identitatem purissimam; talis enim communicatio provenit à summa, & infinita actualitate, quæ creaturæ repugnat; ergo nullus dicere potest naturam creatam habentem suam supposititalitatem posse assumi à supposititalitate Diuina.

12 Prob. 3. à nostro Franc. à Christo. Implet aliquid esse simul independens, & dependens; subsistens, & non subsistens; sed in casu natura creata esset simul independens, & dependens; subsistens, & non subsistens; quia omne suppositatum est independens à quocunque alio supposito tanquam à subsistente; sic enim definitur suppositum; & per consequens etiam à supposito Diuino, quod procul dubio est aliud à supposito creato; & quod ab alio est suppositabile est dependens ab illo, tanquam à subsistente; atque adeo si natura creata suppositata à supposito creato esset suppositabilis à supposito Diuino, esset dependens à supposito Diuino, tanquam à subsistente. Idem dicendum omnino de subsistentia, & non subsistentia; natura enim creata suppositata est subsistens in se, & per se; & quatenus suppositabilis à supposito Diuino, non est subsistens, sed in potentia ad subsistendum in illo; ergo implicat naturam creatam suppositatam posse assumi à Diuino supposito.

13 Præterea si supposititas creata non impediret vnionem hypostaticam Verbi Diuini cum natura creata, Verbum Diuinum illam de facto assumpsisset; quia debuit assumere naturam creatam cum omni sua perfectione naturaliter ei debita; sed conf. est contra fidem; ergo & ant.

14 Insuper effectus formalis proprius subsistentiæ creatæ est reddere naturam existentem in se, & per se, id est in sua, & per suam personalitatem; & non in alio, & per aliud; *subsistere* nanque, vt docet S. P. Aug. lib. 7. de Trin. cap. 4; secundum nominis ethimologiam ad se dicitur; quod opponitur dici in alio; sed suppositum Diuinum est aliud à supposito creato, est enim proprium naturæ Diuinæ, quæ est alia à natura

creata; ergo implicat naturam creatam subsistentem per propriam personalitatem assumi à Diuino supposito; aliter simul verificaretur esse in alio, & non esse in alio; quod compertum est repugnare.

15 Tandem probari solet ex eo, quod vnus, & idem effectus nequeat esse à pluribus causis totalibus in eodem genere causalitatis; sed natura humana ad quæte completur, & terminatur à propria personalitate; secus si inad quæte terminaretur, posset naturaliter terminari ab aliena personalitate, natura enim rei naturalis complementum præstare potest; vt constat in omnibus effectibus, quos vsque ad complementum perducit; ergo nequit terminari à supposititalitate Diuina; quæ licet diuersi ordinis, attamen quia suppositaret, quatenus gereret vices suppositi creati, & sub eadem ratione formali agendi; ideo non posset eundem effectum præstare; in tantum enim duæ causæ diuersi ordinis possunt concurrere ad causandum eundem effectum; in quantum agunt sub diuersa ratione formali agendi; non autem quando agunt sub eadem ratione formali; vt dicitur in 2. Phys.

16 Obijc. 1. D. Dam. lib. Cur ad imaginem Dei sumas; habet; quod Verbum assumpsit naturam humanam sine hypostasi, vt peccabilitas vitaretur; in tantum enim Christus est impeccabilis; in quantum actiones sunt suppositorum; supposito autem Diuino repugnat peccare; at si assumpsisset suppositum humanum, ei non repugnasset peccare; & ideo illud non assumpsit; ne peccabilitatem assumeret; ergo ex hoc inferitur potuisse assumi naturam suppositatam; aliter dixisset, quod non assumpsit, quia impossibilis est talis assumptio; non autem quia peccare potuisset.

Resp. aliquos dubitare versionem huius rei non esse legitimam, quia ibid. videtur adstruere duplicem voluntatem vnâ hypostasis, aliam naturæ, vt testatur Gonet; ceterum quidquid fit de hoc. Neg. conf. inferitur enim potius oppositum. Si nanque assumpsisset naturam cum supposititalitate creatâ, peccare potuisset; sed impossibile est Christum peccare in natura assumpta; quia impossibile est Filium Dei desinere esse Dei Filium, & per peccatum fieri filium Diaboli; ergo impossibile est Verbum assumere supposititalitatem creatam. Ex vno itaque impossibili arguitur aliud.

17 Obijc. 2. Vt personalitas Diuina impediat personalitatem creatam, debet esse prius in humanitate, quam in illa fit personalitas creata; sicut enim causa produciens debet præcedere effectum; ita causa impediens; sed in eodem instanti personalitas Diuina fuit in humanitate, in quo debuit esse personalitas creata; ergo non potuit illam de facto impedire. 2. Formæ actiua potentiam naturalem non est impossibile cum formâ actiua potentiam obedientialem.

tialem, quia sunt diuersi ordinis; vt patet de prudentia infusa, & acquisita; ergo suppositualitas Diuina, quæ respicit potentiam obedientialem naturæ humanæ, non est incôpossibilis cū personafitate creata, quæ respicit potentiam naturalem.

Resp. ad 1. dist. ma. Debet esse prius prioritate originis, & causalitatis, quæ fiat cum similitudine temporis, conc; prioritate temporis, neg. Ad 2. dist. ant. Non est incôpossibilis, si respiciant eundem effectum formalem totaliter, neg; quapropter non datur prudentia supernaturalis infusa, & acquisita respectu eiusdem effectus formalis; vt diximus 10.4. de Virt. q. 3. art. 8. Si respiciant diuersum effectum formalem sub diuersa ratione formali, vel eundem, sed partialiter, conc.

18 Obijc. 3. Natura Diuina terminata personalitate. Patris adhuc terminatur personalitate Filij, & Spiritus Sancti, ergo à pari.

Resp. hoc fuisse solutum. Neg. igitur consi; quia natura Diuina ob sui infinitatem purissimam, & actualissimam constituitur in suppositis Diuinis per relationes Diuinas, quæ cum sint tres diuersæ rationis realiter distinctæ, habent constituere tria supposita. At natura creata ob sui finitatem habet vnicum tantum modum, quo constituitur in supposito. Vid. sup.

19 Obijc. 4. Eadem natura creata supposita à persona Verbi potest suppositari à persona Patris, & Spiritus Sancti; ergo retenta propria personalitate potest suppositari etiam à supposito Diuino.

Resp. Gonet neg. consi; nam per propriam suppositualitatem constituitur in se, & non in alio; per alienam verò constituitur in alio; implicat autem constitui non in alio, & in alio; non tamen implicat habere plures modos, quibus constituitur in alio.

20 Sed contra. Sicuti per propriam personalitatem constituitur in se, & non in alio à se; ita per personalitatem alienam constituitur in illo alio, non tamen in altero diuerso ab illo alio; v. g. ita constituitur in Filio, non tamen in Patre; nam in tantum per propriam personalitatem constituitur in se, non in alio; quia ipsa personalitas propria habet adiunctam negationem personalitatis alienæ; sed etiam talis personalitas aliena habet adiunctam negationem cuiuslibet alterius personalitatis; ergo ita constituitur in hoc alio, vt non possit constitui in diuerso ab hoc alio. 2. In tantum natura constituta per propriam personalitatem nequit constitui per alienam, in quantum per propriam personalitatem adequatè terminatur; sed etiam per personalitatem Filij adequatè terminatur; ergo non potest simul constitui per personalitatem Patris. Vid. in seq. art. alias rationes.

21 Resp. itaque cum Fund. Doct. dist. ant. Quatenus Pater, & Filius, & Spiritus Sanctus

conueniunt in vnica subsistentia absoluta, conc; quatenus differunt subsistentijs, aut modificationibus eiusdem subsistentiæ, neg; vt inf. declarabimus.

22 Quæres; an natura humana in vno loco terminata propria personalitate, in alio loco possit à Deo assumi?

Respondent affirmatiuè Sui; noster Gibb; & alij; quia sicut non repugnat humanitatem Christi in Cælo esse extensam per ordinem ad locum, & in Eucharistia carere tali extensione; imò sicuti non repugnat corpus Christi in Cælo esse animatum, & in Eucharistia inanimatum; vt docent Sui; Gran; & alij; ita non repugnat Christi humanitatem in vno loco esse terminatam propria subsistentia; & in alio ea carere; atque adeo assumi à supposito; siquidem eadè natura, prout subest diuerso temporis, & loco, est quasi virtualiter duplex subiectum.

23 Sed Fund. Doct. hic dist. 2. p. 1. q. 1. art. 1. S. Nona etiam docet; quòd si aliquis consecrasset in triduo mortis Christi, consecrasset verum corpus Christi, sed sine anima eo, quòd in tantum anima Christi est sub speciebus panis post verba consecrationis; in quantum coniungitur corpori Christi; & ex vi verborum incipit esse corpus Christi, per concomitantiam verò animæ, & cetera, quæ vniuntur corpori Christi; vt docent Theologi communiter. Falsum est ergo, quòd possit esse animatum in vno loco, & inanimatum in alio. Quanuis ergo pro diuerso tempore idem corpus potuerit esse viuum, & mortuum, non tamen pro eodè tēpore in diuerso loco; quia in tantum potest esse pro diuerso tempore; in quantum duo contradictoria successeunt pro diuerso tempore possunt verificari, & solum repugnat simul esse vera; quia simul coniungeretur esse, & non esse in eodem subiecto. At quanuis in diuerso loco, si tamen pro eodem tempore duo contradictoria prædicarentur de eodem subiecto, duo contradictoria possent esse simul vera; quòd repugnare docent Logici.

24 Resp. itaque negatiuè; quia implicat de eodem simul verificari contradictoria, scilicet esse subsistens simul, & non subsistens. Nec diuersitas loci, qui est aliquod extrinsecum, sufficit ad diuersificandum subiectum; constat enim fore eandem naturam omnino in diuerso loco; & ideo de eadem omnino natura verificaretur, quòd simul esset subsistens, & non subsistens propria personalitate. Ad id de extensione dicitur, quòd extensio per ordinem ad locum est effectus secundarius quantitatis, qui potest à Deo impediri, quia competit quantitati, prout comparatur ad locum formaliter; ideo variato loco, qui est terminus formalis specificatiuus talis extensionis, potest variari talis extensio absque eo, quòd varietur subiectum talis extensionis. At esse determinatum, & distinctum naturæ est effectus formalis primarius personatatis,

litis, qui manente personalitate in eadem natura nequit à Deo impediri in vno loco, & non in alio. Sicuti enim quia extensio partium in ordine ad se in nostra Sententia est effectus primarius quantitatis; ideo nequit Deus facere, quòd quantitas corporis Christi sit extensa in ordine ad se in vno loco, & non in alio; aliter ubi non daretur hæc extensio, ibi nõ esset quantitas; & esset, vt supponitur; quod est contradictorium. Ita à pari quanvis Deus possit absolute impedire personalitatem creatam, ne terminet propriam naturam; attamen manente personalitate in tali natura, est impossibile, quòd non præstet suum effectum formalem primarium, ubique ponatur talis natura; quæ non respicit locum, nisi materialiter, quatenus scilicet talis natura sibi vendicat aliquem locum ad hoc, vt sit intra hoc vniuersum. Neque quis diceret quòd natura existens sub personalitate creata, & increata sit vna, & eadem; quia effectus personalitatis est distinguere naturam numero; nihil enim est magis notum, quàm naturam distinguere numero per diuersas personalitates; cum nulla alia sit ratio distinguens naturam v. g. *Petri* à natura *Pauli*, quàm personalitas *Petri*, & *Pauli*; vt est per se notum; & declarabitur inf. art. 9.

A R T. VIII.

An persona Diuina potuerit assumere naturam accidentalem sine substantiali?

EX eo, quòd fides doceat accidentia in Sacramento Altaris existere sine proprio subiecto, quod est substantia panis, & vini, quæ vi Diuinæ potentie definit esse manentibus accidentibus; motuum sumpsere Theologi inquirendi, an Deus possit assumere accidentia immediatè sine propria substantia? Nam quòd Verbum in incarnatione mediante natura humana assumpsit etiam accidentia ei propria, certum est, & indubium. Accidentia autem, assumi à supposito Diuino potest intelligi. 1. ita, vt assumantur in vnitatem suppositi, seu substantie personalis, & suppositentur, sicut suppositatur natura humana; & in hoc sensu omnes conueniunt, teste nostro Gibb; assumi non posse; quia nihil potest assumi in vnitatem Diuini suppositi, nisi sit capax constituendi suppositum proprium creatum vnitum cum propria suppositualitate creata; dicitur enim naturam humanam assumptam fuisse in vnitatem Diuini suppositi; quia secundum se ordinatur ad constituendum vnum suppositum creatum simul cum sua suppositualitate creata; cum autem repugnet suppositum Diuinum constitui per naturam creatam, ideo cum natura humana vnita fuit Diuino supposito, dicitur assumpta in vnitatem Diuini sup-

positi, non ipsum constituendo, sed ab ipso suppositanda. Sed accidentia sunt essentialiter incapacia constituendi suppositum creatum; quia suppositum est substantia, imò prima substantia, quæ repugnat constitui per accedens, quod ad illam essentialiter sequitur, cum ei dicatur accidere; ergo accidentia nequeunt in hoc sensu assumi in vnitatem Diuini suppositi. 2. Ita, vt solum per ipsum Diuinum suppositum substantiant, aut existant, & sint vnum in ratione substantie, aut existentie, non in ratione suppositi, existentie nanque, & substantie videntur esse capacia ex Sacramento Altaris, in quo existunt in se, & per se, quod est formaliter subsistere sine subiecto ea substantiant. In hoc sensu quæstio procedit.

2. Prima sententia vult accidentia posse assumi ad subsistendum substantia Diuina. Ita *Marf; Almain; Val; Cabr; Med; Naz. apud nostrum Gibb. Maistr.* autem hic disp. 1. q. 7. art. 2. ait posse assumi ad subsistendum substantia Diuina, non prout habet rationem suppositantis, & substantis, prout substantia excludit rationem existendi in alio tum actualiter, tum aptitudinaliter; hoc enim conuenit tantum substantie, prout ab accidente distinguitur; sed prout habet rationem subsistentis, & substantis in alio, tanquam in termino; hoc enim communiter conuenit accidenti, & substantie imperfecte. Ita *ibid.* à nu. 250. vsque ad 253. Refert autem pro hac sententia *Scot. in 3. dist. 1. q. 1. art. 1; & dist. 22. q. 1. in fine; & Quodl. 19. §. Secundò potest.* Item refert *Vulp. disp. 6. q. 1; Bellut. disp. 4. q. 4; Aretin. in 3. dist. 2. q. 1. art. 8; Auerf. q. 4. scil. 1; Amic. disp. 15. scil. 2; Lug. disp. 12. scil. 3. nu. 13; & alios.*

3. Secunda vult posse assumi ad existendum per existentiam Diuinam, non autem ad subsistendum. Ita *Aluar; Cipull; Cabr; 10. à S. Tho; & Gonet hic disp. 9. art. 35 & alij Thomiste recentes.*

4. Nostra tandem docet accedens posse quidem à Deo substantari sine subiecto, non tamen posse assumi in vnitatem suppositi, substantie vel existentie Diuinæ. Deducitur ex *Fund. Doct. inf; Gibb. hic disp. 8. dub. 2. n. 24; Ita etiam Mair; Bassil; Rad; Sui; Vass; disp. 30. c. 5; Loris Gram; & alij.*

5. Docet *Fund. Doct. Arg. Quodl. 2. q. 2. existentiam.* & substantiam non distinguere realiter, sed solum secundum diuersas rationes diuersarum habitudinum. Existere nanque, vt sic, prout est commune substantie, & accidenti, & est actus per quem res ponitur à parte rei extra suas causas, diuiditur in existentiam in se, & per se, quæ competit substantie; & hæc est substantia, quæ formaliter non importat, nisi existentiam in se, & per se, vt diximus ex *S. P. Aug. in sup. art. n. 14; & in existentiam in alio, & hæc competit accidenti, cuius proprium est esse in alio.*

Sicut

Sicut autem existere in se, & per se nihil aliud est, quàm existere per existentiam sibi propriam; quapropter natura substantialis, licet existat in supposito, attramen dicitur existere in se, & per se, quia existit per suam existentiam; ita existere in alio nihil aliud est, quàm existere per existentiam alterius; aliter si existeret per existentiam propriam distinctam ab existentia alterius, existeret per se, idest per suam existentiam, non in alio, seu per existentia alterius. Nec ex hoc, quòd accidens vniatur substantiæ, colligeretur, quòd existeret in alio, si existeret per existentiam propriam; sed non esset maior ratio, cur potius accidens, quàm substantia existeret in alio; vtrunque enim haberet in se existentiam propriam, & existeret iure se per quod negaretur existere in alio. Hac doctrina evertitur ratio Genet. putantis accidentia habere existentiam propriam distinctam ab existentia substantiæ.

6 Sed quomodo accidentia in Sacramento Altaris possint existere sine subiecto, si eis nequit conuenire existere in se, & per se?

Dicunt aliqui existere per existentiam Diuinam, per quam Deus gerendo vices existentie creatæ illa sustentat. Sed hoc est asserere Deum de facto assumere accidentia in vnitatem Diuinæ existentie toties, quoties consecratur aliqua hostia; & sicut quia per vnicam personalitatem Verbi, qua terminatur natura Diuina, & humana, dicitur Verbum esse incarnatum; ita quia per vnicam existentiam Diuinam existeret natura Diuina, & accidentia, diceretur Deus *inaccidentatus*, quod nullus diceret.

7 Dicunt alij, vt Scot. apud Matr. vbi f. n. 254. *Gibb;* & alij, non habere modum per se essendi positum, sed purè negatiuum, quatenus non sunt in alio, & non dependent actu à subiecto.

Sed hoc etiam rem non explicat, & ludit verbis. 1. Quia omnis negatio super affirmatione ei oppositam fundatur; affirmatio autem opposita negationi essendi in alio est esse in se, & per se; ergo ubi non datur esse in se, & per se, ibi nequit dari negatio essendi in alio. Hinc quia rationale, & irrationale adæquatè diuidunt animal; ideo negatio irrationalis fundatur solum super rationale; & negatio rationalis super irrationale; valet enim: *Rationale non est irrationale*; & è contra; sed esse in se, & in alio adæquatè diuidunt esse; ergo negatio vnius solum super aliud fundatur; & ideo negatio essendi in alio supponit esse in se, super quod solum fundatur. 2. Negatio essendi in alio, & negatio essendi posituè in se inferunt negationem existentie simpliciter; quia existentia adæquatè diuiditur in esse in se, & in alio; sicut negatio rationalis & irrationalis inferunt negationem animalis; à membris enim diuidentibus simul sumptis valet negatiue ad totum; ergo dicere, quòd accidentia existerent per negationem essendi in alio, & non

haberent modum posituum existendi in se, est dicere, quòd simpliciter non existunt.

8 *Fund. Doct. propos. 37; & 38. de Sacram. Altaris* ait, quòd subiectum duplicem causalitatem exercet erga accidentia in genere cause efficientis. 1. Causando in ipsis modum existentie. 2. Ipsa conferuendo in esse. Exemplum primi sit sigillum impressum in cera, quod imprimit in ipsa figuram propriam ipsius sigilli; quæ figura intrinsecè recipitur in ipsa cera, & remanet etiam remoto sigillo. Exemplum secundi est sigillum impressum in aqua, vel in alio corpore fluído, in quo imprimit figuram, & illam conferuat, dum vnitus ei manet; at ablato sigillo statim desinit figura, quia sigillum est id, quo solummodo potest conferuari. Sic subiectum substantiale vnitus accidentibus communicat eis modum, quo existunt; & illa conferuat in esse, dum ei manent vnita. At si destruat substantia, statim naturaliter loquendo desinit esse etiam ipsa accidentia.

9 Cum igitur quidquid Deus facit cum causis secundis in genere cause efficientis, possit se solo efficere, vt omnes farentur; ideo potest accidentibus effectiue communicare modum existentie, & illa in esse seruare sine subiecto creato, quod est causa efficiens secunda. Vel potest etiam destruere substantiam, & illius accidentia seruare cum modo existendi, quem à substantia receperunt; vt contingit in accidentibus Eucharisticis; non enim illa de nouo producit, sed conferuat cum modo existendi, quem habebant, cum erant coniuncta substantiæ. Sed cum hoc discrimine, quia quando erant coniuncta, dicebantur existere in alio, nempe in substantia; quando verò sunt separata, dicuntur existere non in alio, quod destructum est, sed in se; & sic dicuntur habere modum substantie, qui est existere in se, & per se. Nec ex hoc sequitur accidentia euadere substantiam; sicut ex hoc, quòd cera recipiat modum sigilli, non euadit sigillum; & sicut ex eo, quòd natura humana in incarnatione acquirat modum accidentis, existit enim per existentiam Verbi Diuini, vt *infi* euadit accidens, sed manet substantia. Ita à pari. Hoc, quauis spectet ad materiam de *Eucharistia*, hic duximus explicandum, quia cardo est, cui innititur *Adversariarum* motius; non enim Deus in Sacramento Altaris seruat accidentia in esse illa assumendo in vnitatem suæ existentie; sed simpliciter conferuendo modum existendi, quem habebant, quando erant coniuncta substantiæ, & destruendo ipsam existentiam substantialem, & substantiam, à qua seruabantur; & in hoc consistit miraculum.

Sed dato etiam (inquit *Fund. Doct. hic dist. 2. p. 1. q. 1. art. 4. §. Prima via*) quòd Deus sit eis intimè vnitus per suam existentiam, non tamen per hoc sequitur, quòd dici debeant assumpta. Nam Deus est intimè vnitus omnibus rebus illas substi-

substinendo in esse per suam existentiam infinitam, imò magis interior intimo nostro; vt docet S. P. lib. 3. *Conf. c. 6. Tu eras interior intimo meo;* & tamen non dicitur Deus assumpsisse omnes creaturas, sed solam humanam naturam. Accidens ergo assumi à Deo non est existere per existentiam Dei seruante illud in esse, sed aliquid amplius requiritur.

11 Itaque sicut assumptio naturæ substantialis dicitur formaliter susceptionem eiusdem naturæ in unitatem Diuini suppositi gerentis vicem suppositi creati, vt loquuntur SS. PP. & DD; adeoque impediens suppositum creatum, ne terminet talem naturam; & per consequens, ne actiones, & passionem propriam illius naturæ tribuantur supposito creato, tanquam principio quod sed Diuino; *actiones enim sunt suppositorum;* & natura est ratio agendi, & patiendi; vt docent Philosophi ita assumptio naturæ accidentalis sine substantiali est susceptione eiusdem naturæ in unitatem subiecti Diuini gerentis vicem subiecti creati, atque adeo impediens subiectum creatum, ne terminet, & sustentet naturam accidentalem; & per consequens impediens, ne actiones, passionem, & officia talis naturæ accidentalis attribuantur substantiæ creatæ, sed Diuinæ, quæ per talem susceptionem efficitur principium quod operans mediante tali accidente; & per consequens ei tribuenda sunt omnia munera, & officia propria talis naturæ accidentalis. Ratio huius est. Sicut natura substantialis creata se habet respectu suppositi, quod illam terminat, & sustentat; ita natura accidentalis creata se habet respectu subiecti, quod illam terminat, & sustentat; ergo sicuti assumptio naturæ substantialis creatæ est susceptione eiusdem naturæ in unitatem Diuini suppositi impediens suppositum creatum; & gerendo vices illius efficitur per talem unionem principium quod effectuum actionum, quæ sunt propriæ illius naturæ; & per consequens denominatur, quod patitur; ergo hoc idem dicendum de assumptione naturæ accidentalis creatæ. Res sic explicata.

12 Vnica concl. Ex doctrina SS. PP. & DD & ex ordinatione rerum, quam videmus, deducitur Deum non potuisse assumere naturam accidentalem sine substantiali.

Prob. 1. ex Fund. Doct. Quodlib. 6. q. 3. versus finem docente: Hoc dicimus, quia ex iam dictis non concluditur suppositum Diuinum posse assumere naturam accidentalem sine substantiali; quia in hoc suppositum Diuinum non suppleret vicem alicuius suppositi creati; quia nullum est suppositum creatum, in quo sit sola natura accidentalis. Verum autem hoc sit possibile, vel non possibile, quod Diuinum suppositum assumeret solam naturam accidentalem sine substantiali, non est presentis speculationis; tamen, vt patet ex habitis, non concluditur Diuinum suppositum posse assumere quasunque,

& quocunque naturas; nisi quatenus potest supplere vicem, quoruncunque, & quocunque suppositum creatorum, quia non habet limitationem respectu talium suppositorum. Ex quo sic arguitur. Ideo natura substantialis potest assumi immediatè in unitatem Diuini suppositi, quia est ratio agendi, & patiendi essentialiter immediatè ordinata ad suppositum, tanquam ad principium quod agens, & patiens; quod suppositum vel debet esse proprium illius naturæ, vel potens præstare id, quod præstat suppositum proprium; vt est suppositum Diuinum, quod cum sit omnipotens, potest efficere omnes, quod efficiunt omnia supposita creata; & per consequens gerere vices omnis suppositi creati; sed natura accidentalis sine substantiali non est ratio agendi, & patiendi immediatè essentialiter ordinata ad suppositum, tanquam ad principium quod agens, & patiens; ergo nequit assumi immediatè in unitatem Diuini suppositi. Ma. est doctrina SS. PP. & DD; nam S. P. Aug. serm. 58. de Verbis Domini docet: *In tantum enim hæc due natura sibi met unitæ sunt, atque coniunctæ (supple in una, eademque persona; quod dixerat paulo ante) vt idem Christus Deus, & homo aliquando res aut agat, aut loquatur humanas, aliquando Diuinas;* ergo natura substantialis essentialiter immediatè ordinatur, seu ratio immediata agendi, & patiendi, ad suppositum, tanquam ad principium quod agendi, & patiendi per illam, & in illa natura. Quod autem suppositum Diuinum possit agere, quidquid agit suppositum creatum, habet idem S. P. serm. 11. de temp. *Si omnipotentis, id homo, tali in negotio esse perspicis voluntatem, de opere cur retractas?* Suppositum ergo Diuinum, cum sit infinitum, continet omne suppositum creatum, & ideo potest omnes, quod potest omne suppositum creatum, aliter non esset omnipotens. Prob. mi. Natura accidentalis essentialiter sequitur ad naturam substantialem, qua mediante ordinatur ad suppositum; dicitur enim accidentalis, quia accidit naturæ substantiali iam suppositatæ; quod autem accidit alteri, sequitur ad illud; sed illud, quod ordinatur ad aliquod mediante alio, non ordinatur ad illud immediatè; hoc enim implicat in terminis, vt patet; ergo natura accidentalis non est ratio agendi, & patiendi immediatè ordinata ad suppositum.

13 Explic; & simul offenditur de subsistentia, & existentia. Natura substantialis immediatè ordinatur ad suppositualitatem, vt ad suum actum, & terminum vltimò illam complementem; & eodem modo ordinatur ad subsistentiam, quia suppositualitas formaliter importat subsistentiam indiuiduam; vt diximus 10. 1. q. 2. de Subsist. Dei art. 4. §. 2. n. 20; existentia verò immediatè ordinatur ad essentiam, cuius est actus determinatiuus; ita enim se habet suppositualitas, aut subsistentia respectu naturæ; & existentia respectu essentia; sicut forma respectu materiæ;

nam

nam sicut ex materia, & forma fit compositum physicum; ita ex existentia, & essentia fit compositum metaphysicum; & ex suppositualitate, & natura efficitur suppositum; forma autem immediate ordinatur ad materiam, aliter non fieret vnum per se; & sic suppositualitas, aut subsistentia ad naturam; & existentia ad essentiam; sed implicat naturam accidentalem esse essentiam substantiam, aut naturam substantialem, accidens enim non esset; ergo implicat naturam accidentalem immediate vniri suppositualitati, subsistentiæ, aut existentiæ; ista enim tria immediate non vniuntur, nisi essentia, & naturæ substantiali, ad quam essentialiter ordinantur, tanquam actus, terminus, & complementum; ideo natura accidentalis sine substantiali assumi non potest in vnionem suppositualitatis, subsistentiæ, aut existentiæ.

14. Prob. 2. Implicat dari secundum sine primo; secundum enim essentialiter supponit primum, sicut tertium supponit secundum; sed natura accidentalis est actus secundus; & natura substantialis est actus primus; forma enim substantialis, cui principaliter competit ratio naturæ, vt dicitur in 2. *Phys.* definitur *actus primus vnum per se constituens cum materia*; & accidens definitur *actus secundus vnum per accidens constituens cum subiecto*; ergo implicat dari naturam accidentalem sine substantiali in aliquo subiecto illam substantiantem.

13. Dices. Si hoc arg. valeret, sequeretur dari non posse accidens sine forma substantiali, quia daretur secundum sine primo; quod constat falsum esse in Sacramento Altaris.

Resp. neg. seq. aliud est enim secundum posse separari à primo; & aliud secundum posse primario competere ei, cui essentialiter secundario conuenit. Illud non implicare experientia docet, quod secundum realiter distinguitur à primo; vt secundus filius existit separatus à primo. At istud repugnare comperit est; aliter si illud, quod secundario conuenit alicui rei, posset primario competere, iam secundum non esset, sed primum. Sic si secundus filius primo nasceretur Patri, iam non esset secundus, sed primus; quauis secundus filius possit existere separatus à primo. Igitur quauis accidens, quod est actus secundus, possit existere separatum à forma substantiali, quæ est actus primus; attamen accidens nequit primario vniri supposito, subsistentiæ, vel existentia; quia id, quod his primario vnitur, est essentia substantiæ, & natura substantialis, quam hæc tria primario respiciunt, vt dictum est.

16. Prob. 3. Suppositualitas, subsistentia, & existentia essentialiter faciunt vnum per se cum natura, & essentia primario terminata; sed repugnat accidens efficere vnum per se; ergo repugnat accidens primario terminari à suppositualitate, subsistentia, & existentia; atque adeo

assumi sine natura substantiali, sic enim terminaretur primario. Prob. ma. Quotiescunque duo simul ponuntur, quorum vnus habet rationem actus terminatis, & alterum rationem potentie determinabilis, tunc efficitur vnus per se; solum enim ex pluribus entibus in actu fit vnum per accidens; aliter etiam ex materia, & forma, quæ habent rationem potentie, & actus non fieret vnum per se; sed suppositualitas, subsistentia, & existentia habent rationem actus determinantis; & natura primario terminata, habet rationem potentie determinabilis; & aliunde est vnus tantum actus, non plures; quia subsistentia, & existentia non differunt realiter, sed sunt vnus actus, qui respicit essentiam; & suppositualitas est vnus tantum actus, qui respicit naturam; vt diximus *to. 1. q. 2. de Subst. Dei art. 4. §. 2.* ergo suppositualitas, subsistentia, & existentia essentialiter faciunt vnum per se cum natura, & essentia primario terminata. Prob. mi. Ex accidente, & substantia fit vnum per accidens; nam fieri vnum per accidens est accidens vniri alicui subiecto, vt est per se notum; sed repugnat illud, quod efficit vnum per accidens, efficere vnum per se; per accidens enim, & per se opponuntur; ergo repugnat accidens efficere vnum per se.

17. Inst. *Gonet.* Quauis natura humana adueniat secundario personalitati Verbi, quæ primario terminat naturam Diuinam; attamen ex personalitate Verbi, & natura humana fit vnum per se, non per accidens, quia natura humana trahitur ad esse personæ Diuinæ; ergo quauis natura accidentaliter faciat vnum per accidens; attamen quia traheretur ad esse Diuinum; efficeret vnum per se. 2. Non minus distant genere substantia creata, & increata, quæ est extra genus; quam substantia, & accidens; sed hoc non obstante ex substantia creata, & increata, fit vnum per se; ergo & ex substantia, & accidente.

Resp. ad 1. ex natura humana, & personalitate Verbi, quatenus gerit vicē personæ creatæ, fieri vnum per se; sic enim vt quid completium terminatiue intelligitur, nõ autem quatenus fungitur munere personæ increatæ; quia sic est quid completum. Quomodo autem fiat vnum, dicimus non fieri vnum ita, vt ex illis resultet suppositum, sicut fit ex natura, & personalitate creatæ; suppositum enim Christi Domini est simpliciter increatum; & ideo ex aliquo creato nequit resultare; sed fit vnum, quia natura humana assumitur in vnionem personæ Diuinæ, quatenus gerit vicem personæ creatæ; & hoc est naturam humanam trahi ad esse personæ Diuinæ. Ad 2. dist. ma. Distant genere ita tamen, vt substantia increata, quatenus gerit vicem substantiæ creatæ, comparetur ad naturam creatam, vt actus primario completius illius, conc. & in hoc sensu neg. mi. ita, vt hoc

hoc modo non comparetur, neg. ma.

18 Prob. 4. In tantum Verbum Diuinum potest assumere naturam substantialem in vnitatem personæ sine personalitate, subsistentia, & existentia creata; in quantum potest gerere vicem personalitatis, subsistentiæ, & existentiæ creata; nam suppositum Diuinum ponitur loco, & vice suppositi creati; hoc autem est gerere vices illius, vt inquit *Fund. Doct.* sed suppositum creatum nequit assumere naturam accidentalem sine substantiali in vnitatem suæ suppositualitatis, subsistentiæ, & existentiæ; quia illud suppositum in nulla specie esset, in qua ponitur tantum per naturam substantialem; ergo nec suppositum Diuinum.

19 *Gonet*, qui rejicit aliorum rationes, probat accidens non posse assumi ad subsistendum; quia non est capax subsistentiæ; cum subsistentia sit modus essendi per se, qui ita est proprius substantiæ, vt accidenti communicari nequeat. Sed hoc falsum esse constat ex dictis de *Sacramento Altaris*, in quo accidentia existunt in se, & per se, non enim existunt in alio; & per aliud; ideo modus essendi per se proprius substantiæ communicatur accidenti; sicut modus essendi in alio proprius accidenti communicatur naturæ humanæ assumptæ à Verbo, quæ existit per existentiam Verbi. Nec valet, quod respondet ad 1; scilicet talia accidentia priuari modo inhærendi alteri, non tamen habere modum essendi per se. Non valet, inquam; nam vt dicebamus, priuatio inhærentiæ nequit fundari, nisi in modo essendi per se posituè ob rationes allatas. Ex quo apparet infirmitas huius rationis, quam fundamentalem appellat, & tamen tam facili ter corrui t.

20 *Mastr.* verò, qui dicit accidenti posse conuenire subsistentiam in alio tanquam in termino, quæ est communis accidenti, & substantiæ imperfectæ, quæ subsistit in suo supposito, & ideo in alio, quia suppositum est aliud ab ipsa, cum realiter differat; rejicitur pariter ex dictis. Nam subsistentia, quia natura creata subsistit in suo supposito, est subsistentia ipsius suppositi, per quam natura dicitur formaliter subsistere; sed subsistentia suppositi excludit rationem existendi in alio actualiter, & aptitudinaliter, & est tantum propria substantiæ, ac incommunicabilis accidenti, aliter ei communicaretur modus contradictoriè oppositus; ergo subsistentia, quæ natura creata existit in alio, nequit esse communis accidenti. Tum quia, quanuis natura creata subsistat in alio, quia existit in suo supposito, quod est aliud ab ipsa; atamen dicitur subsistere in se, quia subsistit per suam subsistentiam, quæ est in suo supposito; aliter non esset substantia, quæ à subsistere dicitur, vt docet S. P. *Aug.* & cum illo *Fund. Doct.* vt sup. diximus; sed illa nequit esse propria accidenti, cui nequit esse propria substantia: ali-

ter ratio substantiæ esset communis substantiæ, & accidenti, & sic substantia non esset membrum contradistinctum ab accidente; ergo accidens nequit assumi ad subsistentiam.

21 *Objc. 1. Mastr.* Si natura accidentalis sine substantiali non posset assumi, maxime, quia natura accidentalis habet informare, & recipi, quæ repugnant Diuinæ personæ; sed habitudo informationis, & receptionis potest separari ab accidente, vt patet in Eucharistia; ergo potest assumi. 2. Accidens potest terminari ad independens independentia opposita suæ dependentiæ; hæc enim independentia est ratio terminandi; sed Verbum habet hanc independentiam; ergo idem.

Resp. ad 1. neg. ma; non enim propter rationem informationis, & receptionis accidens potest assumi; sed quia nequit immediatè, & per se vniri, & propter alias rationes allatas. Ad 2. omittit ma. neg. mi; nam dependentia accidentis à subiecto est dependentia ab alio habente naturam substantialem, quam accidens essentialiter supponit; Verbum autem Diuinum assumens accidens sine forma substantiali non haberet independentiam oppositam dependentiæ accidentis, quia independentia opposita est independentia subiecti habentis naturam substantialem, quam non haberet Verbum.

22 *Objc. 2. Gonet.* In tantum Verbum potuit assumere naturam humanam ad existentiam Diuinam; in quantum existentia Diuina eminenter continet existentiam humanam; sed continet etiam existentiam accidentis; ergo potest etiam assumere accidens. 2. Si assumeret accidens, non posset denominari accidens; sicut ex eo, quod in triduo assumpserit animam, non denominatum fuit animatum; ergo ruit etiam hæc ratio, quæ solet adduci.

Resp. ad 1. dist. ma. Et natura humana est actus primarius, qui immediatè ordinatur ad subsistentiam, conc; sed neg. mi; accidens enim est actus secundarius, qui essentialiter supponit primarium. Secus, neg. ma. Ad mi. neg. supp; supponitur enim existentiam accidentis esse aliam ab existentia substantiæ, quod falsum est. Ad 2. vel dicitur Verbum in triduo non dici animatum, quia anima est pars, quæ primò informat corpus, & illud animatum denominat; vnde valet; *Verbum assumpsit corpus animatum*. At accidens esset totum assumptum, quod posset predicari de Verbo; sicut prædicatur homo, qui est totum constans ex anima, & corpore. Vel dicitur, quidquid sit de hac ratione; neg. tamen conf. propter alias rationes allatas.

23 Ex dictis collig. neque assumi posse accidens coniunctum cum natura substantiali non assumpta ipsa natura substantiali propter rationes allatas *hic*, & art. 7.

A R T. IX.

*An tres, vel duæ persone Diuinæ potuissent simul
assumere eandem numero naturam
humanam?*

HActenus de Diuinis personis singulatim sumptis sermonem habuimus; superest modò discurrendum de illis collectiue acceptis. Dupliciter autem Diuinæ personæ possunt assumere eandem naturam. 1. Ita, vt natura humana immediatè terminetur ad naturam Diuinam; & mediante natura Diuina ad personas, seu ad proprietates personales, quæ identificantur cum natura Diuina. 2. Ita, vt immediatè vniatur proprietatibus personalibus, & illis mediantibus vniatur naturæ Diuinæ; sicut de facto natura humana Christi Domini immediatè terminata est ad personalitatem Verbi, & illa mediante ad naturam Diuinam. In vtroque sensu procedit difficultas.

2 Prima sententia vult naturam Diuinam non posse esse rationem immediatam terminandi naturam humanam; atque adeo Diuinæ personas, quatenus conueniunt in natura Diuinæ, & sunt *hic Deus*, non posse assumere naturam humanam. Ita *Vasq; Zuniga, Merat; & alij*, qui negant subsistentiam absolutam in Diuinis. Ex ijs verò, qui admittunt subsistentiam absolutam, referuntur *Capr; Albertin. 10. 2. in Prædicam. substi; Loric; Becc; Gaspar Huris; & alij*. Tribuitur etiam *Aleus; D. Bon; Caspens; Lug; & alij apud Vasq; & Gibb.*

3 Secunda vult Diuinæ personas nedum, quatenus conueniunt in vna ratione Deitatis, sed etiam quatenus differunt proprietatibus relatiuis posse assumere vnam, & eandem naturam. Ita *Caiet; Med; Aluar; Cabr; Gonet; Sua; Vasq; & ex nostris Argent; Franc. à Christo, Gibb; apud quem Okam; Gabr. Altisiod; Henr; Dur; & alij.*

4 Nostra tandem docet tres Diuinæ personas posse assumere eandem naturam humanam, quatenus conueniunt in ratione Deitatis communi tribus personis; non autem quatenus differunt proprietatibus personalibus; ac propterea duas tantum personas Diuinæ non posse assumere eandem naturam, quia illam terminarent proprietatibus relatiuis, quod singulatim eis tantum, non simul potest competere. Ita *Fund. Doct. hic dist. 1. p. 1. q. 1. art. 5; & dub. 1. lat. seq. & eius Discipuli paucis exceptis*. Hanc sententiam secutus est *Scot. in 3. dist. 1. qu. 1. licet insufficiens*; ait enim naturam Diuinam, quatenus est in Patre, & Filio, potuisse terminare naturam humanam; non autem filiationem, paternitatem; quod insufficiens dicitur; quia natura, prout est in Filio, habet modificationem propriam Filij; & si sic posset terminare, non esset ratio, cur non posset terminare per
Mag. Frideric. Nic. Ganardi Tom. 5.

omnes relationes. Idem tenent omnes *Scotiſta apud Maſtr. hic dist. 1. q. 8. art. 1. à nu. 260; Lug; Pasqualig; Alberti. Magn; q. 1. ar. 10; Ricard; Loric; & alij.*

5 Dari subsistentiam absolutam, qua subsistit diuina essentia præintellecta personis, fuisse ostendimus *10. 1. de subst. Dei q. 2. art. 4. §. 3; & 10. 2. de Trin. q. 6. art. 3; nec aliquid hic inuenimus, quod loco cit. satis discussum, explicatumque non fuerit. Igitur.*

6 Vnica concl. Tres Diuinæ personæ potuerunt assumere simul eandem numero naturam humanam immediatè terminatam ad essentiam Diuinam, prout communis est tribus personis, & mediante essentia Diuina ad Diuinæ personas; non autem immediatè terminatam ad personas Diuinæ secundum proprietates personales, in quibus differunt, & mediatè ad Diuinam essentiam; & per consequens duæ tantum personæ Diuinæ non potuerunt, alia non assumente, assumere eandem naturam.

Prob. 1. pars concl. 1. *ex Apoc. ult. Ego sum Alpha, & Omega; primus, & nouissimus; principium, & finis.* Et *S. P. Aug. lib. 5. de Trin. c. 13. inquit: Vnum ergo principium ad creaturam dicitur Deus, non duo, vel tria principia. Ex quo sic arguitur.* Deus eodem modo est principium, ac terminus creaturarum; sed tres personæ Diuinæ, quatenus sunt Deus, idest quatenus sunt vnum in essentia, sunt principium immediatum creaturarum; ergo tres personæ Diuinæ, quatenus sunt vnus Deus, seu quatenus sunt vnum in essentia, sunt terminus immediatus creaturarum. Atqui illud in Deo est ratio immediata assumendi naturam creatam, quod est immediata ratio terminandi, quia ipsa assumptio formaliter est terminatio; ergo tres personæ Diuinæ potuerunt assumere eandem numero naturam creatam immediatè terminatam ad essentiam Diuinam; quoniam autem tres personæ Diuinæ identificantur cum essentia Diuina, ideo mediante essentia Diuina assumptio terminatur etiam ad Diuinæ personas; nam quories duo realiter identificantur, non potest fieri terminatio ad vnum, nisi saltè mediatè terminetur ad aliud. Prob. 2a. Principium, & terminus debent sibi ad inuicem correspondere *ex Phil;* tum quia sicut principium ad hoc, vt causet, debet esse subsistens; quia actiones sunt suppositorum, vel per se subsistentium; ita terminus ad hoc, vt terminet, debet esse subsistens, quia rem terminatam debet in se sustentare; tum quia sicut principium habet producere in esse; ita terminus habet in esse seruare; ergo Deus eodem modo est principium, & terminus creaturarum. Prob. 3a. *ex illo 10. 5. Pater usque nunc operatur, & ego operor; & mox: Quæcunque enim ille feceris, hæc & Filius similiter facit.* Super quod *S. P. Aug. tract. 20. ait: Si vnus Deus Pater, & Filius, & Spiritus Sanctus, vnus Mundus factus est à Deo per Filium in*
F Spiritu

*Spiritus Sancto; & lib. 1. de Trin. c. 4. Pater, & Filius, & Spiritus Sanctus, sicut inseparabiles sunt, ita inseparabiliter operantur; sed ratio inseparabilitatis Diuinarum personarum est essentia Diuina, in qua sunt vnum, & idem; quæ enim sunt idem, separari non possunt; ergo ratio, qua operantur, est eadem Diuina essentia, in qua vniuntur in operando. Tum quia ratio, in qua operantur, & omnipotentia; sed hæc est vna, sicut essentia, cuius est attributum; vt habetur in *Symb. D. Athan. Vnus omnipotens*; ergo ratio, qua tres personæ Diuinæ sunt principium immediatum productionum creaturarum, est vna, in qua personæ conueniunt; atqui conuenientia habetur primario ratione essentiæ; ergo non sunt principium creaturarum, nisi quatenus sunt vnum in essentia.*

7 Conf. Primum subsistens simpliciter infinitum potest esse ratio immediata, cur alia subsistant; sed Diuina essentia est huiusmodi; ergo potest esse ratio immediata, cur natura assumpta subsistat. Ma. constat, aliter Diuinum suppositum, quod est subsistens simpliciter infinitum, non posset esse ratio, cur natura humana subsistat, quod est contra fidem. Prob. mi. Diuina essentia est primum agens simpliciter infinitum respiciens creaturas ad extra; actiones enim ad extra sunt immediatæ ab essentia, cum sint indiuise, & ideo debent esse ab essentia, quæ est ratio totius indiuisionis, cum sit ratio vnitatis; sed primum agens est primum subsistens; quia de ratione agentis est existentia, *agens enim in tantum agit, in quantum actus est*; vt diximus 10. 2. de Trin. q. 4. art. 4. à nu. 6; & de ratione primi est, quod aliud non supponat; existens autem, quod aliud existens non supponit, est existens in se, & per se, & ideo subsistens; aliter si existeret in alio, non esset primum, quia primum esset illud aliud, in quo existeret; ergo Diuina essentia est primum subsistens.

8 Prob. 2. & simul euertitur præcipuum *Adversariorum* motiuum. Si Diuina essentia non posset assumere naturam humanam, vt ratio immediata, cui vniretur, esset, quia Diuina essentia secundum se communicabilis est Diuinis suppositis, adeoque nequit suppositare naturam humanam, cum de ratione suppositantis sit esse incommunicabile; & in tantum suppositum Verbi illam suppositat, in quantum prout incommunicabile, continet supposititalitatem creatam, cuius vicem gerit suppositando naturam creatam; vt arguit *Capr.* sed hoc non obstat; nam etiam suppositum Verbi est communicabile alijs naturis humanis, quia potest plures naturas assumere, vt fatentur *Adversarij*, & probatum est art. 3; continet enim eminenter omne suppositum creatum, quia est infinitum simpliciter; ergo non obstat, quod Diuina essentia sit communicabilis Diuinis suppositis, attamen potest esse ratio immediata suppositans naturam humanam.

9 Vrgetur. De ratione suppositi est reddere naturam incommunicabilem alteri supposito; sed natura humana terminata à natura Diuina esset incommunicabilis alteri supposito, quia non posset ab alio supposito assumi, & terminari; ergo esset suppositata.

10 Explic. magis. Quauis Diuina essentia non possit habere rationem suppositi ad intra, quia ad intra est suppositabilis, & terminabilis à pluribus suppositis Diuinis; & quia ratio supposititalitatis ad intra est simpliciter relatiua, Diuina autem essentia est quid absolutum simpliciter commune omnibus suppositis Diuinis; attamen potest habere rationem suppositantis ad extra, quia ipsa non est suppositabilis, & terminabilis à creaturis, cum ipsa suppositet, & terminet creaturas; & ratio supposititalitatis create, cuius vicem gerit, est omnino absoluta, & ideo eminenter continetur in Diuina essentia, quæ continet in se omne absolutum; ergo Diuina essentia potest assumere, & terminare naturam creatam, & habere rationem suppositantis naturam creatam, quauis illam non habeat, si consideretur ad intra; respectu enim diuersorum potest eadem res inducere diuersas rationes.

11 Prob. 3. Hæc est differentia inter suppositionem naturæ Diuinæ, & suppositionem naturæ create, vt diximus 10. 2. de Trin. q. 1. art. 4. nu. 40; quod natura Diuina, cum sit actus purissimus simpliciter infinitus, dat esse suppositis Diuinis, adeoque non multiplicatur in illis, quia illis dat suum esse, quod est vnum, & idem in illis, sed recipit tantum distinctionem personalem, quam habet à relationibus; at natura, creata, cum sit in potentia passiva ad esse, ideo recipit esse in supposito, atque adeo in diuerso supposito recipit diuersum esse, per quod multiplicatur in illis, & sic recipiendo esse in rerum natura suppositatur; sed natura humana potest recipere esse absolutum à Diuina essentia absque eo, quod recipiat esse relatiuum; ergo ab illa potest suppositari; quia esse relatiuum non concurrit, nisi ad suppositandam naturam Diuinam, quæ nequit suppositari, nisi in esse relatiuo; non autem ad suppositandam naturam creatam, quæ non suppositatur, nisi in esse absoluto. *Vid. alias rationes, & testimonia Scripturarum, ac SS. PP. & DD;* quibus 10. 1. vbi ostendimus dari subsistentiam absolutam, qua potest Diuina essentia reddere subsistentem naturam humanam, ideoque eam terminare.

12 Prob. 2. pars concl. 1. ex S. P. Aug. lib. 13. de Trin. c. 17. docente: Sic Deo coniungi potius humana natura, vt ex duabus substantijs fieret vna persona; hinc E. Anselm. lib. Cur Deus homo c. 20. inquit: Plures persona nequeunt vnum, & eundem hominem assumere, & Fund. Doct. vbi: Plura, vt plura, & vt sunt distincta, & alia, in vnum conuenire non possunt. Arguitur autem sic. Natura humana sic tantum Deo potest vniri, vt ex duobus

duobus resultat vnum per se; sed ex tribus personis Diuinis; & natura humana immediate vnitis nequit resultat vnum per se; ergo natura humana nequit immediate vniri tribus Diuinis personis; prout proprijs proprietatibus distinguuntur. Ma. constat; quia ex vnione naturæ cum substantia notum est fieri vnum per se; est enim vnio substantialis potentia passiuæ cum actu illam determinante; ex potentia autem substantiali passiuæ, & actu illam determinare fit vnum per se, vt omnibus notum est. Prob. mi. Tres personæ Diuinae, vt distinctæ, nequeunt coalescere in vnā personam Diuinā, aliter non fumerentur, vt plures, sed vt vnum; & quia non sunt vnum, nisi in essentia, ideo fumerentur, non ratione sui, sed ratione essentia; sed ex ijs, quæ non sunt, nec in vnum possunt coalescere, nequit fieri vnum, aliter esset vnum ex non vno, quod implicat, sicut implicat fieri multa ex non multis; ergo ex tribus Diuinis personis, & natura humana nequit fieri vnum per se, & per consequens nequeunt vniri ad constituendum vnum subsistens.

13 Dices fore vnum ex parte naturæ humanæ, quia fieret vnus homo, non ex parte Diuinorum personarum, quæ essent tres constituentes vnum hominem.

Sed contra est; nam non minus vnum constituitur ex potentia passiuā, quā ex actu eam determinante; vitas enim compositi physici non solum habetur, quia est vna materia, sed etiam quia est vna forma determinans materiam; nam si essent duæ formæ in eadem materia, ex ipsis non fieret vnum; quia ex pluribus in actu non fit vnum per se, sed per accidens; vt aiunt Philosophi; ergo licet esset vna natura terminata, quia tamen essent tres personæ illam terminantes, non resultaret ex illis vnum per se.

14 Conf. Vel tres personæ Diuinæ terminarent eandem terminationem, vel diuersas? Si primum; ergo conuenirent in vnica terminatione, & sic non terminarent, vt plures, & vt distinctæ, sed vt vnum; conuenientia enim dicit vnitatem, sicut disconuenientia distinctionem. Secundum dici nequit; quia natura humana non est terminabilis, nisi in vna ratione, scilicet in esse physico; non enim potest terminari in esse intellectu, aut volituo, vt natura Diuina; ergo tres personæ Diuinæ, vt plures, & vt distinctæ, nequeunt terminare eandem naturam humanam.

15 Prob. 2. Quod est adæquatè terminatum, non potest ampliùs terminari; sed natura humana per quamlibet personam Diuinā esset adæquatè terminata; ergo non esset terminabilis per aliam personam Diuinā, & ideo nec tres, nec duæ personæ Diuinæ possunt simul eandem terminare naturam. Prob. ma. Id potest terminari, quod est in potentia ad terminari; sicut id potest produci, quod est in potentia

ad produci; quia verbum potest dicit potentiam, vt constat; nec ob aliam rationem afferunt Theologi non posse dari plures Filios in Diuinis; aut plures Spiritus Sanctos, nisi quia per vnica filiationem potentia generatiua est adæquatè terminata, & ideo nequit ampliùs terminari; & sic dicendum de potentia spiratiua; ergo, quod est adæquatè terminatum, non potest ampliùs terminari. Prob. mi. Vnaquæque persona Diuina terminat naturam humanā, prout gerit vicem personæ creatæ; sed persona creata adæquatè terminat talem naturam humanā; ergo & persona Diuina. Tum quia quælibet persona Diuina est infinita in terminando; sed infinitum nedum adæquat, sed excedit quodlibet finitum; ergo idem. Tum quia si non adæquaret, esset inadæquata, & sic partialiter terminaret; sed implicat personam Diuinā habere rationem causæ partialis, quæ essentialiter dicit imperfectionem; ergo adæquatè terminat naturam humanā.

16 Prob. 3. ratione allata ar. 7. m. 9; & 10. In tantum natura Diuina potest suppositari à tribus personis Diuinis, in quantum est communicabilis per intellectum, & voluntatem, & ideo secundum diuersos modos communicabilitatis est diuersis suppositatibus terminabilis; secundum tamen eundem modum non est terminabilis, nisi vnica suppositatitate v. g. paternitatis; sed natura humana non est communicabilis, nisi in ratione entis physici, aliter si esset communicabilis per intellectum, & per voluntatem, esset æquæ sœcunda, ac natura Diuina; ergo natura humana nequit simul terminari à tribus personis Diuinis. Tum quia naturam communicari tribus personis Diuinis est proprium solius naturæ Diuinæ, quæ sine sui diuisione, ac multiplicatione ob suam infinitatem, & actualitatem purissimam communicatur suis suppositis; ergo nequit conuenire naturæ creatæ, quæ ob suam limitationem diuiditur, & multiplicatur in suis suppositis.

17 Prob. 4. Implicat eundem effectum pendere à pluribus causis totalibus, vt plures sunt; ergo implicat eandem terminationem esse à pluribus personis Diuinis, vt plures sunt.

18 Dices in casu fore diuersas terminationes diuersæ rationis, quia personæ terminantes sunt diuersæ rationis.

Sed contra est; nam licet Pater, & Filius, & Spiritus Sanctus sint personæ diuersæ rationis, quia constituuntur relationibus specie diuersis; attamen terminarent naturam humanam sub eadem ratione; quia terminarent, prout gererent vices suppositi humani, quod est proprium illius naturæ; suppositum autem humanum proprium terminaret sua naturam tantum secundum vnā rationem, vt constat; ergo & tres personæ Diuinæ. Tum quia eadem natura humana non est terminabilis, nisi secundum

vnam rationem, quia tantum secundum vnam rationem est communicabilis; ergo in natura humana esset tantum vna terminatio passivae sumpta, quae esset à pluribus causis totalibus, quod repugnat.

19 Prob. 5. Natura creata terminata propria suppositualitate nequit terminari à persona Diuina, ut ostendimus art. 7; ergo multo minus suppositata ab vna persona Diuina posset ab alia suppositari; nam personalitas creata, cum sit finita, minus terminat, quam personalitas Diuina, quae est infinita; infinitum enim magis terminat, quam finitum, quia infinitum habet maiorem vim terminatiuam, quam finitum.

20 Resp. Suae; & cum eo Recentis; quod suppositum creatum ita terminat naturam in se, ut reddat illam subsistentem in se; ac propterea reddit illam incapacem essendi in alio, quia esse in se, & esse in alio sunt opposita; ideo nequit assumi à supposito Diuino, quia assumi ab alio supposito est subsistere in alio. At verò assumi à tribus suppositis Diuinis est subsistere in alio, & alio supposito, quod non repugnat.

Sed hoc iam dissoluimus; in tantum enim esse in se pugnat cum esse in alio; in quantum esse in se habet adiunctam negationem essendi in alio; sed etiam esse in hoc alio habet annexam negationem essendi in illo alio; quia hoc aliud non est illud aliud; ergo utrobique est eadem ratio.

21 Tandem natura per quamlibet personam terminaretur, ut supponitur; & non terminaretur; quia terminari in aliquo est sibi in illo, & ad aliud non transire; si autem natura terminata ab vno posset ab alio quoque terminari, iam non sisteret in illo vno, sed ad aliud transiret; ergo non terminaretur ab illo vno.

22 Ex his deducitur 3. pars concl; nam ut arguit Fund. Diss; dupliciter solum potest natura creata vniri naturae Diuinae. 1. Immediate ita, ut natura Diuina sit ratio immediate terminans naturam humanam; & sic impossibile est, quod duae tantum personae vniantur tertia non vnita; nam impossibile est omnes tres personas Diuinas non communicare in essentia Diuina, in qua omnes tres personae essentialiter sunt vnum. 2. Mediate, ratione scilicet personae ita, ut ratio immediate terminans naturam humanam sit personalitas Diuina, qua mediante coniungatur naturae Diuinae, cum qua identificatur personalitas; & sic impossibile est duas personalitates simul terminare eandem naturam propter rationes allatas; ergo utroque modo impossibile est duas personas tantum assumere eandem naturam.

23 Obijc. 1. concl. 1. part. concl. D. Anselm. lib. Cur Deus homo ait. Plures persona nequeunt vnum, & eundem hominem assumere; ergo tres personae Diuinae nequeunt assumere eandem naturam. 2. Vna natura nequit vniri, nisi vni

personae; quia natura creata, quae non est suum esse, multiplicatur ad multiplicationem personarum; ergo idem. 3. Assumens. & assumptus communicant sibi idiomatica; sed impossibile, est eundem hominem esse Patrem, & Filium, & Spiritum Sanctum; aliter daretur confusio personarum; ergo idem.

Ad 1. resp. Fund. Diss. D. Anselmum loqui de personis, ut plures sunt; non autem, ut sunt vnum in essentia. Ad 2. dist. ant. Nequit vniri, nisi vni personae immediate, conc; mediate, neg. Ad prob. insert. dicitur naturam creatam multiplicari ad multiplicationem suppositorum, quando illis immediate vnitur; non autem quando mediate, quia tunc ab illis non specificatur. Ad 3. dicitur, quod sicut in casu tres personae non essent assumens, sed ipsa Diuina essentia esset ratio immediate assumens; ita communicatio idiomatum formaliter fieret solum inter Diuinam essentiam, & naturam humanam; inter autem personas Diuinas, & humanam naturam fieret communicatio tantum materialiter; in quantum personae sunt vnum in essentia.

24 Obijc. 2. Vass. SS. PP; & Conc. non agnoscunt aliam vniorem esse possibilem, nisi vel in natura, vel in persona; sed vnio cum subsistentia nec est vnio in natura, quia ex natura Diuina, & humana non resultaret vna natura; nec in persona; ergo natura humana nequit vniri Deo in ratione subsistentiae absolutae. 2. Implicat dari hominem à parte rei, qui non sit persona; sed natura humana vnita Diuinae naturae non esset persona; quia de ratione personae est incommunicabilitas; natura autem Diuina, esset communis tribus personis Diuinis, & ideo non posset constituere personam; ergo idem. 3. Subsistentia absoluta nequit impedire personalitatem creatam, ne terminet naturam humanam; ergo nequit sibi naturam humanam immediate coniungere; quia illud solum potest sibi naturam humanam vnire, quod potest eius personalitatem impedire. Prob. ant. Illud solum potest impedire personalitatem creatam, quod potest reddere naturam humanam subsistentem, & incommunicabilem; sed subsistentia absoluta, cum sit communicabilis, nequit reddere aliud incommunicabile; ergo nequit impedire personalitatem creatam.

Resp. ad 1. neg. 1. part. mi; nam subsistentia est vnum ex constitutivis formalibus essentiae Diuinae, ut diximus to. 1. de subit. Dei q. 2. art. 4. §. 3; ideo vnio ad subsistentiam est vnio ad naturam in Deo; non ita tamen, ut ex duabus naturis resultet vna tertia natura, sed ita, ut natura humana terminetur à Diuina sine confusione, aut mixtione, ut modo euenit in persona. Ad 2. neg. mi. Ad prob. insert. dicitur, quod de ratione personae formaliter sumpta est incommunicabilitas; non tamen de ratione personae

sonæ eminenter acceptæ; nam essentia Diuina continet eminenter omnes perfectiones humanas absolutas, est enim infinita in linea absoluti; personalitas autem creata est quid absolutum; ideo continetur eminenter in Diuina, essentia, quæ propterea potest reddere naturam creatam incommunicabilem alteri supposito, quauis ipsa sit communicabilis tribus personis Diuinis. Per hoc patet ad 3; neg. enim ant. Ad prob. neg. mi; quauis enim sit communicabilis Diuinis personis; attamen potest reddere naturam creatam incommunicabilem alteri, quia eminenter continet personalitatem humanam; sic quauis suppositum Verbi possit esse commune pluribus naturis; quia Verbum potest plures naturas assumere; attamen reddit naturam humanam incommunicabilem alteri; & ideo illam suppositat; ita à pari.

25 Obijc. cont. 2. part. concl. 1. ex nostro Franc. à Christo. In natura humana est potentia obediencialis passiva ad assumi à Patre, & Spiritu Sancto; quia tam Patrem, quam Spiritus Sanctus potuerunt incarnari; vt sup. dictum est; sed hæc potentia non tollitur ex eo, quod assumatur à Verbo; quia per hoc solum expletur potentia obediencialis passiva, quam dicit natura ad Verbum, non ea, quam dicit ad Patrem, & Spiritum Sanctum; ergo potest simul assumi à tribus personis Diuinis.

Resp. dist. ma. Est potentia obediencialis passiva ad assumi diuissim, conc; ad assumi collectiue, subdist; quatenus tres personæ Diuinæ vt vnum in essentia, conc; quatenus distinguuntur proprietatibus relatiuis, neg.

26 Inst. Tres personæ Diuinæ simul existunt in vna natura Diuina; ergo possunt substantare eandem naturam humanam; nam in tantum possunt simul esse in eadem natura Diuina, in quantum non sunt secundum se impossibiles, vt dicimus de oppositis; sed ex eo, quod non sint secundum se impossibiles, deducitur, quod possint simul assumere eandem naturam humanam; ergo idem.

Resp. neg. consi; ideo nanque Diuinæ personalitates possunt simul esse in eadem natura Diuina, quia natura Diuina ob sui fecunditatem est suppositabilis in diuersis lineis; natura verò humana ob sui limitationem est terminabilis tantum in vna linea, vt dictum est; ideo in hac vna tantum terminatio esse potest, in illa verò triplex de facto reperitur. Imò sicut in Diuina essentia non est, nec esse potest, nisi vna paternitas, quia hæc adequatè terminat Diuinam naturam in esse Patris; ita in natura humana nequit esse, nisi vna terminatio, quæ adequatè illam substantat in esse. Igitur impossibilitas in natura humana prouenit ex eo, quod vnaquæque seorsim illam terminet adequatè, & ideo non remaneat terminabilis.

27 Obijc. 2. S. P. Aug. ep. 3. ad Volusian. ait,

quod in hoc mysterio tota ratio facti est potentia facientis; sed postquam natura humana assumpta est à Verbo, manet in Patre eadem potentia assumptiua; ergo Pater quoque eam valet assumere; & sic de Spiritu Sancto.

Resp. S. Patrem nihil aliud velle, quam quod de facto nulla possit reddi causa incarnationis præter Diuinam potentiam, quæ illam operata est; ex quo nihil ad rem præsentem deducitur.

28 Obijc. 3. Si aliqua esset repugnantia, maxime, quia persona cum definiatur rationalis nature incommunicabilis subsistentia; reddidit naturam in sensu composito incommunicabilem alteri personæ; sed hæc ratio nulla est; nam vel hæc est definitio personæ Diuinæ, vel creatæ, vel personæ, vt sic? Non primum; quia persona Diuina ita terminat naturam Diuinam, vt tamen eam relinquit terminabilem ab alia persona, vt constat. Si secundum; ergo cum natura humana est terminata à persona Diuina, non à persona creatæ, adhuc erit terminabilis ab alia persona Diuina; hoc enim est proprium personæ Diuinæ, vt dictum est. Non tertium; quia si illa definitio competeret personæ, vt sic, competeret etiam personæ creatæ, & creatæ, quod est falsum; ergo allata ratio non probat.

Resp. neg. mi. Ad prob. dicitur definitionem allatam conuenire personæ, vt sic. Ad improb. dicitur, quod persona Diuina reddit naturam Diuinam incommunicabilem in ea linea, in qua terminat; v. g. paternitas reddit naturam Diuinam incommunicabilem alteri Patri; & sic de filiatione, & spiratione passiva; non enim possunt dari in Diuinis plures Patres, plures Filij, & plures Spiritus Sancti. Quare autem vna personalitas relinquit naturam Diuinam, communicabilem in alia linea, iam dictum est hoc prouenire ex purissima fecunditate naturæ Diuinæ.

29 Obijc. 4. Arriag. Si repugnaret, maxime, quia naturam subsistere in aliquo supposito est sistere in illo; & ad aliud non transire, vt sup. dictum est; sed hæc ratio nulla est; nam si illa natura pro aliquo tempore fuisset sine vlla subsistentia; vel tunc cessisset in se ipsa, vel non? Non primum; aliter daretur subsistentia ante, subsistentiam. Non secundum; quia naturam sistere in se ipsa nihil aliud est, quam ipsam esse solam, vt constat ex ipsis vocabulis; sed magis erat sola, antequam vniretur subsistentiæ, quam cum subsistentiæ est vnita, & tamen non sistingat in se ipsa; ergo natura per subsistentiam non habet sistere in se ipsa; & ideo hæc ratio nihil concludit.

Resp. neg. mi. Ad prob. dicitur in terminis repugnare aliquam naturam pro aliquo tempore esse sine subsistentia, subsisteret enim, quia est substantia, cuius est subsistere, sine subsistentia, quod contradicit. Sistere autem in se ipsa

ipſa eſt ſiſtere in propria ſubſiſtentia; vt ſup. dictum eſt. Quare ille *Aduerſarius* de more ludit falſis ſuppoſitis.

30. Obijc. 5. *Amic.* Si repugnaret, maxime, quia natura nequit dependere à pluribus terminis totalibus, quorum vno ſublatò adhuc ſubſiſteret per alium; ſed hoc non conuincit; concurſus enim illorum terminorum poteſt minorari, & fieri partialis; nulla enim videtur repugnantia; ergo non repugnat.

Reſp. neg. mi. Ad prob. inſert. neg. illum concurſum eſſe minorem; quia ille concurſus fit per ſuppoſitionem ſubſiſtentia Diuinæ, quæ nequit minorari; & importat relationem, ſecundum dici, quæ non ſuſcipit magis, ac minus, ſicut nec ſuſcipit ſubſtantia.

31. Obijc. 6. *Gonet.* Non repugnat ex parte perſonarum aſſumentium, quia iſta non ſe excludunt à terminatione eiſdem naturæ, vt patet in natura Diuina; nec ex parte naturæ aſſumptæ; quia hæc dicit potentiam obedientialem, quæ nullam dicit repugnantiam, niſi ſit ex parte termini, quem reſpicit; ergo idem.

Reſp. hoc ſatis fuiſſe ſolum; repugnat enim ex parte naturæ aſſumptæ, quæ dicit impotentiam, vt a dequarè terminetur à pluribus, vt plura ſunt, vt dictum eſt. Ad id autem de natura Diuina iam dictum eſt. *Vid. q. 5. art. 2. num. 9; & 10.*

A R T. X.

An Incarnationis poſſibilitas poſſit naturali ratione demonſtrari?

1. QVæ diximus 10.2. de *Trin. q. 1. art. 1.* de cognoscibilitate illius myſterij, conſimiliter dicenda ſunt de hoc myſterio, quod non minus abſconditum eſt à noſtra cognitione eo, quòd plures videatur ſecum afferre contrarietates, quas in *pro-mo.* huius operis inuimus, ob quas eius poſſibilitas ex rebus naturalibus naturali ratione argui non poteſt. Id, quod peculiaris difficultatis eſt in præſenti, de Angelis ſecundum naturalem virtutem conſideratis controuertitur; certum eſt enim Angelos naturaliter noſce omnia entia à parte rei exiſtentia quiditatuè penetrando eorum eſſentias, & exiſtentias; ergo videntes naturam humanam Chriſti Domini à parte rei ſubſiſtentem, eamque non ſubſiſtere per ſubſiſtentiam humanam, nec per aliam ſubſiſtentiam creatam, conuincenter noſcebant illam exiſtere per ſubſiſtentiam Diuinam, adeoque videtur eos naturaliter nouiſſe incarnationem. Quod poteſt etiam roborari auctoritatibus *Diuiinarum Scripturarum*, quas afferemus. Igitur

3. Prima ſententia vult poſſibilitatem incarnationis naturali ratione poſſe euidenter co-

gnosci. Referri ſolent: *Baſſol. in 4. diſt. 103. q. 2. conc. 5; Okam. q. 143. & 5. art. 5; Gabr. Maior, Rada, Faber, Val. & alij.* Tribuitur etiam *Scoti* ſentienti Angelum poſſe naturaliter cognoscere omnia myſteria gratiæ, vt diximus 10.3. de *Ang. q. 4. art. 10;* licet aliqui afferant illum excepiſſe hoc myſterium.

3. Secunda ſententia vult, quòd licet ſine reuelatione non poſſit cognosci, attamen ſuppoſita reuelatione poſſe naturaliter demonſtrari. Ita *Sua. de Ang. lib. 2. cap. 33. num. 12; & ſape alibi; Mol. 1. p. q. 37. art. 1. diſp. 1; Medi & Albelda apud noſtrum Gibb.*

4. Tertia vult Angelos potuiſſe ſaltem ſuſpicari. Ita *Lug. hic q. 1. diſp. 1. ſect. 1.*

5. Noſtra tandem docet poſſibilitatem incarnationis præſia reuelatione eſſe ſimpliciter incognoscibilem æquè, ac eius impoſſibilitatem; ſuppoſita autem reuelatione poſſe probabiliter ratione naturali ſuaderi; ex *teſtimonijs* verò *Diuiinarum Scripturarum* poſſe conuincenter oſtendiſſe non demonſtrari. Ita *Eund. Doct. locis cit. ubiſ; & alij ibid. cit. Gibb. hic diſp. 2. dub. 2; Gonet, Contenſon, & omnes Thomiſta, ac alij communiter.*

6. Ex *Matthi; & Luc. 4.* habetur: *Si Filius Dei es, dic, vt lapides iſti panes fiant;* ex quibus verbis habetur Diabolus dubitaſſe de Chriſti Diuinitate. At *Matth. 8; & Marc. 5.* expreſſe dicitur eam certò nouiſſe; legitur enim: *Quid mihi, & tibi, Ieſu Fili Dei Altiffimi.* Certum eſt autem Dæmones non habere, niſi cognitionem naturalem, quia poſt eorum peccatum ſola naturalia in illis integra remanſerunt. Ex his intulerunt *Aduerſary* incarnationis poſſibilitatem poſſe naturaliter agnoſci.

7. Sed compertum eſt Dæmones ex vaticinijs *Prophetarum, Sybillarum, aliorumque Vatum gentilium*, nec non ex *Diuiinis Scripturis* potuiſſe incarnationem agnoſcere, atque hinc illius poſſibilitatem inquirere. At quis non videat hoc ſupponere incarnationis reuelationem *Prophetis* quidem, alijsque viris iuſtis factam per inſpirationem internam, Dæmonibus autem per promulgationem merè externam propoſitam? Dæmones ergo ſcientes per reuelationem externam incarnationem aliquando futuram, & videntes mirabilia Chriſti opera ſuſpicari ceperunt ipſum eſſe Chriſtum; quapropter primò ſciſcitabantur: *ſi Filius Dei es.* Deinde audientes cum prædicantem ſe Deum, & conſpicientes manifeſta Diuinitatis ſigna, crediderunt, & conſeſſi ſunt ipſum Deum: *Ieſu Fili Dei Altiffimi.* Inquirimus autem in præſenti; an per rationem merè naturalem præſia qualibet reuelatione ſiue externa ex parte obiecti, ſiue interna ex parte intellectus poſſit incarnationis poſſibilitas demonſtrari? Et loquimur de incarnatione, prout præciſe dicit vnionem naturæ humanæ cum natura Diuina in ratione ſubſiſtendi, nam

nam si loquamur de ea, prout dicit vnionem naturæ humanæ cum persona Verbi, cum non possimus cognoscere personam Verbi, nisi cognoscamus Trinitatem, quam naturaliter nosse non possumus, ideo certum est incarnationem hoc modo sumptam naturaliter agnosci non posse. Vel potest inquiri de Incarnatione Verbi supposita notitia supernaturali Trinitatis; constat enim potuisse vtrum mysterium reuelari sine alio.

8 Vnica concl. Possibilitas æquæ, ac impossibilitas incarnationis præcisa omni reuelatione est simpliciter incognoscibilis; supposita autem reuelatione potest ratione naturali tantum probabiliter suaderi, non demonstrari; ex testimonijs verò *Diuiinarum Scripturarum* conuincenter ostenditur.

Prob. 1. ex verbis Christi Domini, qui *Matth. 16. Petro* confitenti eius Diuinitatem dixit: *Beatus es Simon Bariona, quia caro, & sanguis non reuelauit tibi, sed Pater meus, qui in Cælis est*; & 1. *Cor. 12. Nemo potest dicere, Dominus Iesus, nisi in Spiritu Sancto*. Super quos textus *Concil. Araux. 11. c. 8.* alienum vocat à fide, qui putat non esse ita infirmatum liberum arbitrium per *Adæ* peccatum, ut quidam valeant sine reuelatione Dei mysterium salutis æternæ per semetipsos conquirere. Item *Apoſt. 1. Cor. 2.* incarnationem vocat Sapientiam in mysterio absconditam; & *Ephes. 1.* Sacramentum absconditum à sæculis in Deo; & ad *Coloss. 1. Mysterium absconditum à sæculis*; & à *D. Dion. de Diu. Nomin. c. 2.* dicitur omni ignota intelligentia; & à *Conc. Ephes. p. 2. c. 13.* vocatur indeprehensibilis, & inenarrabilis; & *S. P. Aug. ep. 3. ad Volusian.* Si ratio quaeritur, non erit mirabile; si exemplum desideretur, non erit singulare. Demus ergo aliquid Deum posse, quod nos fateamur inuestigare non posse; quæ verba referuntur à *Concil. Tolet. X. c. 1.* & *serm. 14. de tempore* loquens de Diabolo ait, quod ita terrendi laqueum mortis Deo Dci Filio; ut per visionem videlicet carnis quasi ad hominem solum reſator accederet, & Deum penitus ignoraret. Videbat carnem, sed ignorabat Domini maiestatem; cernebat infirmitatem, & non videbat Deitatem. Remansit confusus Diabolus, dum in homine apparuit Dominus. Idem habent alij SS. PP. communiter. Ex quibus sic arguitur. Quando aliquod est simpliciter, omnino, & penitus absconditum, ignotum, indeprehensibile, inenarrabile, & inuestigabile, tunc nedum eius existentia, sed etiam eius possibilitas, aut impossibilitas est naturaliter incognoscibilis; atqui mysterium incarnationis est huiusmodi; ergo nedum eius existentia, sed etiam possibilitas, aut impossibilitas est naturaliter incognoscibilis. Prob. ma. Illud est simpliciter, & omnino absconditum, ignotum, & naturaliter inuestigabile, quod secundum nullam rationem naturalem apparet, aut potest sciri, & vestigari; quod enim secundum aliquam rationem naturalem apparet, est naturaliter scibile,

& vestigabile, non est omnino absconditum, ignotum, & inuestigabile, ut constat, sed quod secundum nullam rationem apparet, aut sciri potest, ac vestigari, est incognoscibile, secundum existentiam, & possibilitatem, vel impossibilitatem, istæ enim sunt rationes naturales naturaliter rei conuenientes; possibilitas, enim dicit essentiam rei; & existentia dicit actum, quo res existit in rerum natura; ergo quod est simpliciter, omnino, & penitus absconditum, ignotum, indeprehensibile, inenarrabile, & inuestigabile, nedum eius existentia, sed etiam eius possibilitas, aut impossibilitas est naturaliter incognoscibilis. Mi. patet ex textibus allatis.

9 Conf. 1. Quoties naturaliter ignoratur aliqua essentia, tunc eius possibilitas nequit naturali ratione cognosci; sed essentia incarnationis naturaliter ignoratur; ergo eius possibilitas nequit ratione naturali cognosci. Prob. ma. Possibilitas rei nihil aliud est, quam modus essentiae ipsius rei, quæ aliquando est in statu possibilitatis, aliquando futuritionis, aliquando existentiae, aliquando præteritionis; sed quoties ignoratur naturaliter aliqua essentia, tunc nequit naturaliter cognosci modus illius; quia modus, cum sit obliquitas rei, & obliquum non cognoscatur, nisi per rectum; cum rectum sit index sui, & obliqui; vnde impossibile est, quod quis cognoscat seſionem, nisi cognoscat corpus; ergo quoties ignoratur aliqua essentia, tunc nequit naturaliter cognosci possibilitas illius. Prob. mi. 1. Essentia incarnationis non est naturaliter factibilis; ergo nec cognoscibilis; quia cognoscibilitas est passio, quæ consequitur ad fieri ipsius rei, & cum ipso commentatur. 2. Essentia incarnationis est simpliciter supernaturalis secundum substantiam, seu quiditatem, dicit enim assumptionem naturæ humanæ in vnitate personæ Diuinæ, ut diximus *art. 1. n. 3.*; constat autem assumptionem alicuius naturæ substantialis in vnitate alterius personæ non reperiri intra totam latitudinem naturæ creatæ; manifestum namque est naturæ lumine, quod quidquid aduenit personæ, aut supposito iam completo, est accidens, non substantia; ergo essentia incarnationis naturaliter ignoratur; quia per cognitionem naturalem cognoscitur sola entitas naturalis, non supernaturalis; secus non esset supernaturalis, si per virtutem naturalem posset cognosci.

10 Inf. *Lug.* cont. hanc vltimam rationem. Quauis ad cognoscendam rem supernaturalem quiditatiue requiratur cognitio supernaturalis; quia requiritur species quiditatiue rem representans, quæ debet esse eiusdem ordinis cum re representata; attem ad cognoscendam imperfectè rem supernaturalem sufficit cognitio naturalis; quia non requiritur species quiditatiua, sed ex ijs, quæ naturaliter noscimus, possumus

sumus deuenire in cognitionem rei supernaturalis saltem quoad eius possibilitatem; vt per cognitionem omnipotentiam, quam discursu naturali cognoscimus, possumus cognoscere ipsum posse facere res supra vires naturæ v. g. mortuos ad vitam repetere; & accidentia sine subiecto seruare, quæ conseruatio secundum suam entitatem est supernaturalis; ergo hæc ratio non probat.

Sed hæc instantia, ob quam vocat *Lug.* debiliorem hanc rationem, nec verisimilitudinem habet. Neg. igitur, quod ad cognoscendam imperfectè rem supernaturalem non requiratur cognitio supernaturalis; sicut enim ad cognoscendam perfectè rem naturalem requiritur perfecta cognitio naturalis; & ad cognoscendam imperfectè rem naturalem requiritur imperfecta naturalis cognitio; nec quis diceret posse rem naturalem sine cognitione naturali cognosci; ita ad cognoscendam perfectè rem supernaturalem requiritur perfecta cognitio supernaturalis, & ad cognoscendam imperfectè rem supernaturalem requiritur imperfecta supernaturalis cognitio; nec quis nisi insipienter diceret rem supernaturalem sine cognitione supernaturali posse cognosci; sicut enim se habet cognitio naturalis ad rem naturalem; ita cognitio supernaturalis ad rem supernaturalem; & nihil hac proportionem est notius; quia cognoscibilitas sequitur entitatem; & ab illa denominatur; & limitatur. Ad id de omnipotentia dicitur per cognitionem naturalem illius cognosci posse facere omnia, quæ sunt intra ordinem naturæ; non verò posse facere aliquid supra vires naturæ; imò an sit aliquid supra vires naturæ per talem cognitionem penitus ignorari, quia talis cognitio nullo modo extenditur extra sphaeram naturæ. Ad id de reuocatione mortuorum, & conseruatione accidentium dicitur, quod sunt supernaturalia secundum modum, non secundum substantiam; entitas enim hominis reuocati ad vitam. & entitas accidentium existentium sine subiecto est ordinis naturalis; quauis modus, quo homo reuocatur ad vitam, & modus, quo accidentia existunt sine subiecto sit supernaturalis; nec ipsa reuocatio, & conseruatio est aliqua entitas, vt falsò imaginatur *Lug.* Ipsa ergo entitas, quia naturalis est, naturaliter agnoscitur; modus autem, quo existit illa entitas, quia supernaturalis est, nullo modo cognoscitur.

11 Conf. 2. Si posset naturaliter cognosci, maximè, quia inuoluit naturam humanam, quæ naturaliter cognoscitur; sed hæc ratio non concludit; nam productio gratiæ importat naturam, quæ est subiectum, in quo recipitur; & tamen non sequitur, quod sicuti naturaliter cognoscitur natura; ita naturaliter cognoscatur, & gratia. Similiter quauis anima rationalis coniungatur corpori, quod oculis corporeis potest

videri; non sequitur, quod anima oculis corporis aspicitur; sed potius quod non possit videri, quia est supra sphaeram virtutis oculi; ergo à pari potius sequitur oppositum illius, quod ab *Aduersariis* intenditur.

12 Conf. 3. Si per medium naturale posset cognosci aliquid supernaturale, maximè, quia illud medium esset coniunctum cum re supernaturali vel tanquam proprietas, vel tanquam effectus, vel tanquam causa; hæc enim sunt media, quæ ducunt ad cognoscendam rem; vt diximus 10. 1. de *Subst. Dei* qu. 1. art. 1. §. 2; sed possibilitatis incarnationis nulla proprietas naturalis est assignabilis; nec effectus, quia possibile, vt possibile, cum non sit existens, nequit operari, neque causa, quæ sit naturalis, aliter incarnatio esset ex principijs naturæ, quod est contra fidem docentem esse ex gratia Dei; ergo nullo modo potest naturaliter cognosci. *Vid.* alias rationes allatas 10. 1. & 10. 2. *ubi*.

13 Tandem si naturaliter posset cognosci incarnationis possibilitas, posset etiam naturaliter cognosci actualis existentia; quia res eadem est in statu possibilitatis, & in statu actualis existentiae; vt qui potest cognoscere hominem esse possibilem, quia possibile est animal rationale, potest etiam cognoscere hominem existere à parte rei; quia potest cognoscere aliquod, quod sentiat, & discursus; sic naturaliter cognoscens possibilem esse vnionem naturæ humanæ cum natura Diuina, videns postea à parte rei existentem hominem, qui habet operationes proprias hominis, & operationes excedentes naturam hominis, & qualibet aliam naturam creatam, naturaliter cognosceret illum hominem esse Deum simul, & hominem, & per consequens naturaliter cognosceret actualem existentiam incarnationis. Tum quia facilius est cognitio rei actualiter existentis à parte rei, quam in statu possibilitatis; quia à parte rei habet operationes, quæ possunt manuducere in cognitionem substantiæ illas elicientis; at in statu possibilitatis nullas operationes potest habere; & ideo in tali statu ei deficit signum ducens in cognitionem illius; & per consequens est minus cognoscibilis; ergo si posset incarnatio cognosci in statu possibilitatis, posset à fortiori cognosci in statu actualis existentiae. Sed hoc est contra allatas *Scripturas*; ergo & illud.

14 Prob. 2. pars concl. Facta reuelatione incarnationis potest humana ratio inuenire aliquas congruentias, quas asseremus in *seq. q.* quibus illam probabiliter suadeat; ergo potest illam per rationes suasuasse probare.

15 Quod autem non possit demonstratiuè illam probari, deducitur ex dictis 10. 1. de *Subst. Dei* q. 1. art. 4. §. 1. sic. Substantia est simpliciter indemonstrabilis, quia solum accidens proprium est medium demonstrationis, quod mediat inter subiectum, de quo aliud accidens demon-

monstratur; & inter accidens, quod de subiecto demonstratur; vt diximus *loc. cit.* sed possibilitas incarnationis non est accidens, vt constat; dicit enim vnionem substantialem naturæ humanæ cum persona Diuina; ergo nequit demonstrari. *Vid. vbiq.*

16 Tandem quòd ex propositionibus fidei possit conuincenter ostendi, prob. Ex vna propositione fidei conuincenter ostenditur illud, quod essentialiter supponit illa propositio fidei, & quod connectitur cum illa; sed fides docet Verbum de facto esse incarnatum actualiter; & quod actualiter existit, essentialiter supponit prius fuisse possibile, aliter impossibile posset fieri existens, quod enim non est possibile, est impossibile; ideo ab actu ad potentiam desumitur concinens illatio; ergo ex propositionibus fidei potest conuincenter ostendi possibilitas incarnationis. *Vid. 10. 2. vbiq.*

17 Obijc. 1. Incarnationem esse possibilem nihil aliud est, quam ipsam non implicare contradictionem; sicut esse impossibile est implicare contradictionem; sed possumus naturaliter cognoscere incarnationem non implicare contradictionem; ergo possumus naturaliter cognoscere incarnationem esse possibilem. Ma. patet; quia possibilitas est non repugnantia ad esse; ergo non repugnare idem est, ac esse possibile. Prob. mi. Ad naturaliter cognoscendum euidenter incarnationem non implicare contradictionem; sufficit naturaliter soluere omnes rationes oppositas, quæ contradictionem videntur inducere; sed possumus naturaliter soluere omnes rationes, quæ videntur inducere contradictionem in quolibet fidei mysterio, & consequenter in incarnatione; vt docent *Fund. Doct. Arg. Quodl. 5. q. 7*; ergo possumus naturaliter cognoscere incarnationem nullam implicare contradictionem.

18 Conf. Repugnantia incarnationis vel se teneret ex parte Dei; vel ex parte creaturæ; sed intellectus naturalis perfectus, qualis est intellectus Angeli, qui non fuit vulneratus in naturalibus, (sicut fuit vulneratus intellectus hominis, qui per peccatum originale contraxit vulnus ignorantie, sicut eius voluntas malitie plagam recepit) potest cognoscere non repugnare ex parte Dei; quia cognoscit naturaliter in Deo dari substantiam infinitam potentem terminare omnem naturam creatam; neque ex parte creaturæ; quia cognoscit substantiam creatam realiter distinguere, adeoque realiter separabilem esse à natura creata; & in natura creata esse potentiam obedientialem ad subsistendum per substantiam Diuinam; ergo intellectus Angeli potest naturaliter agnoscere possibilitatem incarnationis.

19 Resp. *Gonet* ad arg. neg. mi. Ad prob. dist. na. Ad naturaliter cognoscendum mysterium incarnationis sufficit soluere omnes rationes oppositas per medium positum habens
Mag. Frideric. Nic. Ganardi Tom. 5.

connexionem cum prædicato, & subiecto, conc; sed in hoc sensu neg. mi. Per medium negatiuum purè ostendens illas rationes non concludere, neg; & sic conc. mi; nam in hoc sensu tantum *Fund. Doct. Arg. & D. Tho.* asserunt posse solui omnes rationes obiectas contra fidem.

20 Ad conf. respondet neg. mi; & ad prob. insert. dicit, quòd licet Angelus cognoscat substantiam Diuinam esse infinitam in terminando; attamen potest dubitare, an de ratione termini sit esse modum, vel ens incompletum; & ex parte naturæ creatæ potest dubitare, an de ratione termini sit esse modum, aut ens incompletum; & sic nequit euidenter, & certò cognoscere incarnationem.

21 Sed ex his responsionibus deducitur posse naturaliter saltem imperfectè, & dubitatiuè incarnationem agnoscere, quod patet esse falsum ex dictis; omisitis igitur.

22 Resp. ad arg. neg. supp. mi; præcisa enim omni reuelatione nullo modo cognoscetur incarnatio; nec de illa posset cogitari, aut suspicari, & dubitari; & sic non possent contra illam fieri, aut solui obiectiones. Quando autem *Fund. Doct. & D. Tho.* asserunt posse naturaliter solui omnes rationes factas contra fidem, procul dubio supponunt reuelationem externam, mysteriorum fidei; nam quod nullo modo est reuelatum, nullo modo potest cognosci, cum sit ordinis supernaturalis; & quod nullo modo cognoscitur, nullo modo potest oppugnari, vel propugnari.

23 Ad conf. eodem modo neg. mi; nam intellectus, quantuncunque perfectus, secundum naturalia non valet cognoscere etiam imperfectè res supernaturales; sed substantiam Diuinam terminare naturam creatam; & naturam creatam separatam à propria substantia existere per substantiam Diuinam; nec non habere potentiam obedientialem ad subsistendum per substantiam Diuinam, sunt simpliciter supernaturalia, adeoque supra omnem indaginem intellectus naturalis; qui propterea non posset hæc cognoscere, sed nec inquirere, suspicari, aut dubitare. Quauis ergo Angelus naturaliter cognoscat substantiam Diuinam esse infinitam, & continere omnem substantiam creatam; & naturam creatam esse separabilem à sua substantia; attamen non sequitur, quòd illa possit istam terminare, nec ista ab illa terminari.

24 Obijc. 2. Angelus videns quiditatuè naturam humanam Christi Domini vidit illam subsistere non per substantiam sibi propriam, aut alienam creatam; quia in naturalibus decipi nequit; ergo euidenter deduxit eam existere, per substantiam increatam; nam vltra creatam non datur, nisi increata.

Resp. vltra ea, quæ diximus *10. 3. de Ang. q. 4. art. 10. nn. 24.* neg. conf. Ad prob. insert. dicitur, quòd licet vltra substantiam creatam

G

non

non detur, nisi subsistentia increata; attamen datur modus subsistendi, qui non est subsistentia creata, nec increata; nam accidentia Eucharistica subsistunt, non per subsistentiam creatam, quia ibi non est substantia panis; nec per increatam, quia non sunt assumpta in unitatem subsistentiæ Diuinæ; vt diximus *art. 8*; sed subsistunt per modum eis communicatum à subsistentia creata, & separatam vi Diuinæ potentiæ ab ipsa subsistentia creata, ac conseruatam. Vidit ergo Angelus naturam humanam in Christo habere modum subsistendi separatam à propria subsistentia; & hoc satis fuit, vt haberet cognitionem quiditativam; nam si modus subsistendi separaturs à propria subsistentia potest competere accidentis multò magis substantiæ, quæ ex sua natura habet aptitudinem ad subsistendum in se, quam non habet accidens. An autem ille modus subsistendi esset coniunctus cum subsistentia Diuina in unitate personæ; vel separatus, & conseruatus à Deo, non vidit Angelus; quia talis separatio, & conseruatio; sicut talis coniunctio erat prorsus supernaturalis, & ideo supra captum naturalem Angeli.

25 Obijc. 3. Quod est euidenter credibile, est euidenter possibile; sed incarnatio Verbi est euidenter credibilis; omnia enim fidei mysteria sunt euidenter credibilia; ergo est euidenter possibilis. Mi. patet ex dictis *10. 4. de Fide q. 1. art. 5. §. 2.* Prob. ma. Quod est euidenter incredibile, est euidenter impossibile; ergo quod est euidenter credibile, est euidenter possibile; oppositorum enim eadem est ratio.

Resp. neg. ma; nam credibilitas sumitur ab aliquo signo extrinseco ipsis mysterijs; possibilitas verò sumitur à principijs intrinsecis, cum dicat connexionem terminorum componentium ipsam rem; ideo *10. 4. vbi §. 1.* diximus cui-

dentiam attestantis, & aliorum motiuorum credibilitatis posse stare simul cum inevidentia rei attestatæ. Ad prob. neg. ma. ob eandem rationem; potest enim esse aliquod possibile, & nullam penitus habere euidentiam credibilitatis, quia nullum potest esse signum externum inducens ad illud credendum; imò potest esse aliquod signum inducens ad illud non credendum, quanuis falsò; nam multa falsa apparent credibilia veris; nec est aliqua repugnantia quia credibilitas, & veritas sumuntur ex diuersis, vt dictum est.

26 Obijc. 4. Deus, vt Auctor naturæ, cognoscit possibilitatem incarnationis, comprehendit enim suam subsistentiam, vt communicabilem creaturis; sed Deus potest communicare creaturæ in ordine naturæ, quidquid cognoscit, vt Auctor naturæ; ergo potest illi communicare cognitionem naturalem possibilitatis incarnationis.

Resp. neg. ma; Ad prob. insert. dicitur, quod comprehensio est supernaturalis incommunicabilis simpliciter creaturæ; vt diximus *10. 1. de Inuisib. q. 5. art. 1. à nn. 3.*

27 Obijc. 5. Est probabilis sententia, quòd Angeli peccauerint appetendo vnionem hypostaticam; ergo illam nouerunt esse possibilem, quia voluntas non fertur in incognitum.

Resp; quòd in hac sententia dicendum est eis fuisse reuelatam incarnationem, & sic illam non nouerunt præcisa omni reuelatione, vt hic loquimur.

28 Obijc. 6. Christus Dominus per scientiam naturalem nouit se esse verum Messiam; se esse verum Deum &c; ergo idem.

Resp. neg. ant; nam per scientiam naturalem sola naturalia cognouit.

Aliæ obiectiones solutæ sunt *10. 2. & 3. vbi*.

Q V Æ S T. II.

De conuenientia, & necessitate Incarnationis.



POSSIBILE se habere ad conueniens, vt quid magis vniuersale ad minùs vniuersale certum est; nam omne conueniens est possibile, non tamen è contra; quia plures Mundi sunt possibiles, & tamen non fuerunt conuenientes; vnitas enim Vniuersi maximè commendat Creatoris vnitatem, quanuis secundum ordinem alterius providentiæ potuissent congruere. Rectè igitur à possibilitate ad congruitatem, tanquam à magis ad minùs vniuersale procedimus. Iungimus autem conuenientiam cum necessitate, vel quia vna insert aliam; aut quia pauca de singulis controuertuntur.

A R T. I.

An Deum incarnari fuerit conueniens?

1 **A**liqui heretici, vt refert Tertull. lib. de carne Christi, quanuis concederent incarnationem esse possibilem, dixerunt tamen,

Deo non congruere, sed potiùs suprema Dei Maiestate indignam esse, illam enim ad hæc ima, & vilia videtur deprimere.

2 Communis tamen Catholicorum sententia est ipsam fuisse conuenientissimam tam ex parte Dei, quam ex parte creaturæ rationalis fauciatur per peccatum, & sanandæ per gratiam Redem.

Redemptoris. Ita Fund. Doct. hic dist. 1. p. 2. ar. 2. S. Tho. autem addit etiam congruam fuisse ex parte ipsius Vniuersi. Ratio huius diuersitatis est; quia conuenientia, cum sit ad alterum; importat relationem; Incarnatio autem immediatè, & proximè duplicem relationem importat; vnam, quæ est relatio secundum esse, naturæ assumptæ ad personam assumentem; alteram, quæ est secundum dici, personæ assumentis ad naturam assumptam. Præter has duas relationes immediatas dicit etiam relationem mediatam ad Vniuersum; quatenus dicit relationem ad naturam humanam, quæ est pars Vniuersi, vel est quidam epilogus totius Vniuersi. Igitur Fund. Doct. sumit conuenientiam tantum, vt dicit relationes immediatas, & ideo tantum ex parte Dei, & naturæ assumptæ. D. Tho. verò illam sumit etiam, prout dicit relationem mediatam ad Vniuersum; & ideo etiam ex parte Vniuersi.

3 Conueniens autem hic sumitur, prout idem est, ac decens, & dignum Dei maiestatem; sicut inconueniens idem est, ac indecens, indecorum, & indignum, quia maiestas vilesceret; si aliquid sibi indecens, & indecorum operaretur.

4 Vnica concl. Incarnatio fuit maximè conueniens tam ex parte Verbi Diuini, quam ex parte naturæ humanæ, & Vniuersi.

Prob. 1. Ephes. 7. habetur: *Talis enim decebat, vt nobis esset Pontifex sanctus, innocens, impollutus, segregatus à peccatoribus, & excelsior Cælis factus.* Ex quo sic arguitur. Pontificum, sanctitas, innocentia, summa bonitas excludens omnem malitiam, & celsitudo maximè Deo conueniunt; hæc enim omnia summam perfectionem, & dignitatem important; sed incarnatione dicit hæc omnia; quia per incarnationem Christus factus est Pontifex mediator Dei, & hominum, qui offerendo semetipsum dedit pretium redemptionis nostræ; factus est sanctus per sanctitatem increatam excludentem omne peccatum à se ipsa, & à nobis; factus est innocens, quia dolus non est inuentus in ore eius; sed etiam quia nobis tot peccatis obnoxijis innocentiam restituit; impollutus, & segregatus à peccatoribus non solum, quia peccatum non fecit; sed etiam quia peccatoribus sanctitatem, & mundiciem reddidit; & excelsior Cælis, quia descendendo ad hominem, qui in ordine intellectuali infimus est, maiestatem supremam non deiecit; sed quod infimum erat, in supremo collocauit; ergo incarnatio fuit Deo maximè conueniens.

5 Conf. Rom. 9. Quod Deus volens ostendere viam, & notam facere potentiam suam, sustinuit in magna patientia vasa iræ apta in interitum; vt ostenderet diuitias gloriæ suæ in vasa misericordiæ, quæ preparauit in gloriam. Ex quo arguitur. Ofsensio Diuinorum perfectionum ad extra, maximè congruit Deo; conuenit enim, vt Deus

talis appareat ad extra, qualis existit ad intra: sed in incarnatione habetur ofensio Diuinorum perfectionum ad extra; nam in incarnatione ostendit Deus iustitiam suam; quia dedit nobis Filium; quem proposuit Deus propitiorem per fidem in sanguine ad ostensionem iustitiæ Rom. 3. ostendit potentiam; quia opus omnium maximum operatus est, dum extrema infinitè distantia in vnitate personæ coniunxit; de incarnatione nanque dicitur. Domine opus tuum in medio annorum visifica illud. Ostendit misericordiam; dicitur enim ad Tit. 3. Cum autem benignitas, & humanitas apparuit Saluatoris nostri Dei, non ex operibus iustitiæ, quæ fecimus nos, sed secundum suam misericordiam saluos nos fecit. Ostendit charitatem; quia Io. 3. Sic Deus dilexit Mundum, vt Filium suum vnigenitum daret. Non seruum (inquit Fund. Doct.) sed Filium; non Filium adoptiuum, sed sibi consubstantialtem; non qualemcumque, sed vnguentum; non nobis amicis; sed inimicis; quæ omnia summè commendant Dei erga nos charitatem. Ostendit summam bonitatem, quia Deus summo modo se communicauit hominibus faciendo hominem Deum; & homo factus est. Ostendit virtutem, & sapientiam, quia palam nobis locutus est in Filio, quem virtutem, & Dei sapientiam vocat Apost. 1. Cor. 1; ergo incarnatio fuit Deo maximè conueniens.

9 Prob. 1. pars concl. ex S. P. Aug. lib. 13. de Trin. cap. 16. docente: Eos itaque, qui dicunt. Itane defuit Deo modus alius; quo liberares homines à miseria mortalitatis huius; vt vnguentum Filium Deum sibi coeternum fieri veller induendo humanam animam, & carnem, mortalemque factum mortem perpetui parum est sic resellere; vt illum modum, quo nos per mediatorum Dei, & hominum hominem Christum Iesum, Deus liberare dignatur; asseramus bonum, & Diuine congruum dignitati; verumetiam, vt ostendamus non alium modum possibilem Deo defuisse, cuius potestati cuncta equaliter subiacent; sed sanande nostræ miseriæ conuenientiorum modum non fuisse, neque esse oportuisse. Quid enim tam necessarium fuit ad erigendam spem nostram, mentesque mortalium conditione ipsius mortalitatis abiectas ad immortalitatis desperatione liberandas, quam vt demonstraretur nobis, quanti nos penderet Deus; quantumque diligeret? Quid verò huius rei tanto illo iudicio manifestius, atque preclarius, quam vt Dei Filius immutabiliter bonus in se manens, quod erat; & à nobis, & pro nobis accipiens, quod non erat, præter anime suæ naturæ detrimentum nostrum dignatus inire consortium, prius sine ulla malo suo merito mala nostra perferret; ac sic iam credentibus, quantum nos diligat Deus, & quod desperabamus iam sperantibus, dona in nos sua sine ulla bonis meritis nostris, imò & præcedentibus malis meritis nostris, indebita largitate conferret; quia & ea, quæ dicuntur merita nostra, dona sanctius? Vt equum fides per dilectionem operetur.

sur, charitas Dei diffusa est in cordibus nostris per Spiritum Sanctum, qui datus est nobis. Ex his Fund. Dicit. Aug. & D. Tho. argumentum desumunt, quo probant incarnationem nostræ naturæ per peccatum sauciari, ut sanaretur, maxime conuenientem fuisse. Arguitur autem sic. Illud, quo facilius, efficacius, & immediatius acquiritur salus æterna, est congruentius naturæ sanandæ; sed incarnatio est huiusmodi; ergo est congruentior naturæ humanæ sanandæ. Ma. claret; quia illud dicitur magis congruere alicui, quod magis conducit ad bonum, ad quod illud ordinatur; sed natura sananda ordinatur ad salutem acquirendam, dicitur enim sananda per ordinem ad salutem, ad quam ordinatur; ergo illud, quo facilius, efficacius, & immediatius acquiritur salus æterna, magis congruit naturæ sanandæ. Prob. mi. Incarnatio maiorem confert fidem, spem, & charitatem in Deum, & alia dona supernaturalia, quam quodlibet aliud medium, quod poterat à Deo ordinari, ut natura humana liberaretur à morbo peccati; nulla enim maior fides in Deum potest haberi, quam per ipsum Filium Dei incarnatum, per quem fides nostra fundatur docente Apost. 1. Cor. rinsk. 3. Fundamentum enim aliud nemo potest ponere, præter id, quod positum est, quod est Christus Iesus; quod Glos. exponit de fide habita per Christum, quæ per dilectionem operatur, & quæ neminem perire permittit; nullus nanque est maioris auctoritatis, & dignior, ut ei credatur, quam ipse Deus, qui nequit mentiri, nec fallere; nec maiorem spem potest homo concipere acquirendi filiationem Dei adoptiuam, quam videndo Filium Dei factum filium hominis; habetur enim 1o. 1. Quotquot autem receperunt eum, dedit eis potestatem Filios Dei fieri; tota nanque difficultas, quæ est in credendo hominem posse fieri Filium Dei, consistit in credendo, quod Filius Dei natura filius hominis effici possit; ex eo enim, quod Filius Dei natura filius hominis efficiatur; à fortiori inferri potest, quod Filius hominis possit fieri ex gratia, Filius Dei; quapropter S. P. Aug. 13. de Trin. cap. 9. docet: Si natura Dei Filius propter filios hominum natura factus est filius hominis: Et Verbum caro factum est, & habitauit in nobis: quanto credibilius est natura Dei filios hominum gratia fieri filios Dei; nec maiorem charitatem in Deum, quam per Christum potest recipere; si enim eo diligimus Deum, quo Deus diligit nos; causa nanque nostræ dilectionis, qua diligimus Deum, est dilectio, qua Deus diligit nos; iuxta illud 1o. 1o. 3. Diligamus Deum, quoniam Deus prior dilexit nos; & quanto maior est causa, tanto est maior effectus; nulla autem potuit esse maior dilectio, quam in incarnatione, in qua Filium suum sibi consubstantialem nobis tradidit; hinc habetur 1o. 3. Sic Deus dilexit Mundum, ut Filium suum unigenitum daret; non quidem na-

bis Dei amicis, sed inimicis; ut Rom. 5. Cum inimici essemus, reconciliati sumus Deo per mortem Filij eius; non seruum tradidit pro nobis, sed Filium; non filium adoptiuum, sed sibi consubstantialem; non qualemcumque filium, sed vni-genitum vnice dilectum, in quo sibi in omnibus complacet; ut dicitur a. Pet. 1. Hic est Filius meus dilectus; in quo mihi complacui; ex quibus apparet Dei erga nos summa dilectio; nec maiora dona poterat nobis conferre, quam per Christum, in quo est plenitudo omnium gratiarum; quia de plenitudine eius omnes accepimus 1o. 2; & cum illo omnia nobis donauit Rom. 8; quia dedit semetipsum; in quo sunt omnia, per quem omnia, & ex quo omnia Rom. 11; sed per maiorem fidem, spem, & charitatem immediatius consequimur Deum, in quo est nostra salus æterna, quam per alia dona, quia fides, spes, & charitas habent per obiecto immediato Deum; & facilius, ac efficacius; quia quò efficacius est medium; eò facilius, & efficacior est consecutio finis; & per maiora dona, quæ sunt auxilia ad salutem, magis acquiritur salus; ergo incarnatio Filij Dei est id, quo facilius, efficacius, & immediatius natura sauciata per peccatum acquirit salutem æternam.

7 Conf. 1. Si aliter modus conuenientior, vel æquè conueniens sanandæ naturæ humanæ reperiretur præter incarnationem Verbi Diuini, vel esset per puram creaturam; vel per aliam personam Diuinam; vel per meram condonationem extrinsecam peccati? Non primum; quia pura creatura nequit satisfacere ad æqualitatem pro peccato, ut inf. videbimus; adeoque nequit sanare naturam humanam à vulnere peccati. Non secundum; ut dicemus in seq. art. Neque tertium; ut diximus 1o. 4. de instr. qu. 4. art. 3; ergo nullus alius modus sanandæ naturæ humanæ fuit congruentior, quam incarnatio Verbi Diuini.

8 Conf. 2. Nullus alius modus sanandæ naturæ humanæ congruentior erat, quam ipsam naturam humanam separatam à Deo per peccatum iterum Deo vnire, & reconciliare per gratiam; sicut enim morbus nihil aliud est, quam priuatio sanitatis; ita sanatio nihil aliud est, quam vnio cum sanitate; sed sola incarnatio Filij Dei est medium vniciens Deum, & hominem, quia per ipsam est Christus vnus mediator Dei, & homo num homo Christus Iesus. 1. ad Tim. 2; si enim (inquit S. P. Aug. de pecc. orig. c. 28. Christus esset tantum Deus, vel tantum homo, iam non esset mediator inter Deum, & hominem, sed esset extremum; quia Deus, & homo sunt extrema vnicienda per medium: Non autem (inquit S. P.) per hoc mediator est, quia equalis est Patri; per hoc enim quantum Pater tantum & ipse distat à nobis. Et quomodo erit medietas, ubi eadem ipsa distantia est &c. Per hoc ergo mediator, per quod homo inferior Patri, per quod nobis propin-

pinquior: superior nobis, per quod Patri propinquior; ergo incarnatio est conuenientior naturæ humanæ sanandæ, quam quilibet alius modus, quo posset natura sanari.

9. Tandem illud est alicui summè conueniens, quod summè illud dignificat, & perficit; perfectio enim conuenit perfectibili, quia conueniens est bonum, & bonum ac perfectum idem sens; sed incarnatio summè dignificat, & perficit naturam humanam, illam nanque eleuat ad esse Diuinum, & totius Diuinitatis facit participem; ergo est summè conueniens naturæ humanæ.

10. Ex his deducitur id, quod addit *D. Tho;* scilicet incarnationem esse cōuenientem etiam ex parte Vniuersi; quia ipsa est excellentius, & perfectius bonum, quod sit in Vniuerso; ergo est Vniuerso conueniens; bonum enim essentialiter est conueniens rei, cui est bonum; sicut malum est disconueniens, quia est defectus. Tum quia incarnatio vnit vtrāque creaturam; scilicet spiritualement, & corporalem cum Deo, quia vnit hominem, qui ex natura spirituali, & corporali componitur; vno autem est conuenientia, quæ nihil aliud sonat, nisi *plurium in vno venientia*; siue *vnus cum alio venientia*; ergo idem. Tum quia sicut homo habet aliquid omnis creaturæ, ac propterea *mundus parvus* appellatur; ita totus mundus perficitur; cum solus homo exaltatur; sed conueniens fuit exaltari hominem per Verbi Diuini incarnationem; ergo conueniens fuit & Vniuersum per eandem incarnationem perfici, & exaltari. Tum quia si media habent dignitatem à fine; & omnia, quæ sunt in Vniuerso, propter hominem à Deo creata sunt; deturpato homine per peccatum omnia deturpata fuere; ergo sicut conueniens fuit hominis venustatem per incarnationem instaurari; ita & instaurari omnia cum homine; quapropter *Ephes. 1.* inquit *Apost. omnia fuisse instaurata in Christo.*

11. Objc. 1. Sicut malitia opponitur bonitati, ita vilitas maiestati; sed summam bonitatem non decet assumere aliquam malitiam; ergo neque summam maiestatem, vt est maiestas personæ Diuinæ; decet sumere vilitatem, quam importat natura humana.

Resp. hoc fuisse solum *quest. 1. artic. 5. num. 19; & 20.* Dist. igitur ma. Vilitas, & maiestas respectu eiusdem entitatis, conc; respectu diuersarum entitatum, quarum vna est assumens, altera assumpta, neg; Verbum enim ita assumpsit naturam humanam, vt non amiserit, quod erat, ideo non depressit id, quod erat. At malitia, cum essentialiter dicat actionem intrinsecam, ideo inficit bonitatem; sicut Deitatem deprimeret humanitas, si assummeretur in confusionem, seu vnitatem naturæ.

12. Objc. 2. Angelus, & homo æqualiter peccarunt; vterque enim peccauit peccato su-

perbiæ; sed non fuit conueniens assumere naturam Angelicam; ergo neque humanam; aliter si vtrunque fuisset conueniens, & vnum tantum præstitisset, Deus fuisset acceptor personarum, quod Deo repugnat, qui æqualis Provisor est omnium.

Resp. *Fund. Doct. hic ad 2;* quòd licet admittatur primum peccatum hominis fuisse superbiam; attamen inæqualiter peccauit homo, & Angelus; quia in eadem specie peccati est inæqualitas; propter quod fuit conueniens sanare naturam hominis, non Angeli. Fuit ergo peccatum hominis inæquale peccato Angeli. 1. Quia Angelus habuit intellectum magis illuminatum, quam homo, qui pro hoc statu dependet in intelligendo à phantasmate corporeo, quod obscurat intelligentiam; ideo intellectus hominis fuit capax ignorantie, non intellectus Angeli; & quoniam ignorantia aliquo modo excusat, vel minuit peccatum; ideo conueniens fuit, quòd peccatum hominis, non Angeli sanaretur. 2. Quia peccatum vnius Angeli non fuit tractum ex alio Angelo, cum vnus Angelus non generetur ex alio; sicut fuit tractum ex vno Adam peccatum in omnes; ergo conueniens fuit per vnum Christum, qui est secundus Adam tolli peccatum ab omnibus; non autem tolli peccatum Angelorum, quod non fuit ab vno. Et quanuis dicatur, quòd *Draco traxit tertiam partem Stellarum*; hoc tamen non fuit per propagationem naturæ, sed per voluntatis consensum. 3. Quia homo peccauit per appetitum scientiæ: *Eritis sicut Dii*; Angelus verò per appetitum potentie; & quia peccatus contra scientiam est peccare per ignorantiam, quod est magis dignum venia, quam peccare contra potentiam, quod est peccare ex electione; ideo conueniens fuit subuenire naturæ humanæ, non Angelicæ. 4. Quia homo peccans cogitauit de venia, erubuit enim, & abscondit se; non autem Diabolus. 5. Quia posteri Ade per alium peccauerunt, Angeli verò per se ipsos; ideo congruū fuit, vt illi per alium redimerentur. 6. Quia dum Angeli peccauerunt, erant omnes actu existentes in se ipsis; homines autem non erant in se ipsis, sed in Adam; ergo magis homines, quam Angeli erant compatiendi. 7. Quia tota natura humana cecidit, non autem tota natura Angelica genericè sumpta. 8. Quia homines post peccatum remanserunt in statu viæ; Angeli verò statim fuerunt in termino.

13. Objc. 3. Sicut se habuit Deus creando hominem, ita in redimendo; redemptio enim est recreatio, seu regeneratio, vt loquitur *Apost;* sed non fuit congruum, quòd Deus creando incarnaretur; ergo nec redimendo.

Resp. neg. ma; nam Deus in creando se habuit simpliciter, vt mera causa efficiens; at in redimendo se habuit etiam, vt causa satisfactoria

ria pro hominis peccato; at purus homo non poterat satisfacere; ergo debebat Deus fieri homo, & per consequens incarnari.

14 Obijc. 4. *D. Dion. de cal. Hier.* ait; quòd *infima reducuntur in Deum per media*; sed homo in ordine intellectualium est infimus, & Angelus medius; ergo homo per peccatum separatus à Deo erat reducendus in Deum per Angelum; & ideo conueniens erat Angelum satisfacere pro peccato hominis.

Resp. Angelum reduxisse hominem in Deum eo modo, quo potuit, quia annunciauit Christi incarnationem, per quam homo redactus est in Deum; non tamen reduxit satisfaciendo pro peccato; quia peccatum est offensa Maiestatis infinitæ; ideo pro illo non potuit satisfieri, nisi à persona dignitatis infinitæ. Dist. igitur ma. Infima reducuntur in Deum per media dirigendo, & illuminando, vt intendit *Dion.* con; satisfaciendo, neg.

A R T. II.

An conueniens fuerit potius incarnari Filium, quàm Patrem, aut Spiritum Sanctum?

1 **L**oquimur secundum ordinem huius providentiæ, qua Deus disposuit per incarnationem vnigeniti Filij sui sanare naturam humanam à vulnere peccati, eamque liberare à captiuitate Diaboli, quam ob peccatum incurrerat; nam si sermo sit secundum alium ordinem, quem Diuine providentiæ defuisse non posse docet *S. P. Aug. lib. 13. de Trin. c. 10*; secundum quem aliter Deus decreuisset hominem redimere per incarnationem Patris, vel Spiritus Sancti, quod potuisse fieri ostendimus *in sup. q. art. 3*; vel quocunque alio modo, non defuissent aliæ congruitates, quæ infinitam illius commendarent sapientiam.

2 Vnica concl. Conuenientius fuit incarnari Filium, quàm Patrem, aut Spiritum Sanctum. Ita *Fund. Doct. Aeg. hic dist. 1. p. 2. qu. 1. art. 4*; & communiter omnes alij, & prob. pluribus congruitatibus.

Prima sumitur ex illo *Pron. 11. Vbi humilitas, ibi sapientia*. Ex quo sic. Summa humilitas summæ conuenit sapientiæ; quia scientia, quæ infusæ, est sapientia Mundi, quæ non est vera sapientia; sed incarnatio est summa humilitas, coniunxit enim Deum altissimum cum humana natura, quæ est infima in ordine intelligentium; ergo incarnatio summæ conuenit sapientiæ. Atqui solus Filius est summa Patris sapientia ex *Apos. Eph. 1*; ergo soli Filio conuenit incarnari.

3 2. Magis cōuenit incarnari, cui conuenit nasci; incarnari enim importat nasci secundum humanitatem; sed soli Filio conuenit nasci; Patri enim conuenit innascibilitas, & Spiritui San-

cto spiratio; ergo Filio conuenit magis incarnari, quàm Patri, aut Spiritui Sancto.

4 3. Magis conuenit incarnari, cui conuenit missio per modum obedientiæ; incarnatio enim est missio, vt docet *S. P. Aug. lib. 2. de Trin. c. 12*; & est cum præcepto obedientiæ, dicitur enim: *Factus obediens*; sed solus Filius est huiusmodi; quia soli Filio conuenit procedere à Patre, ei; obedire; Pater enim à nullo procedit; & Spiritus Sanctus procedit, vt spiratus, non vt obediens, cum obedientia sit actus, quo superiores, tanquam Patres, veneramur; vt diximus *10. 4. de Virt. q. 4. art. 3. n. 32*; ergo idem.

5 4. Magis cōgruit incarnari, cui magis conuenit esse Filium Virginis, quia incarnatio importat filiationem temporalem, vt *inf. dicemus*; sed solus Filius est huiusmodi; nam si Pater, aut Spiritus Sanctus esset incarnatus, Filius Dei esset filius Filij Virginis, & ideo nepos Virginis, aut esset Filius Spiritus Sancti; vtunque autem est incongruum, quod tangit *D. Anselm.* ergo idem.

6 5. Magis congruit filiatio temporalis filiationi æternæ, quàm non filiationi æternæ; sed soli Filio conuenit filiatio æterna; Patri autem, & Spiritui Sancto conuenit non filiatio æterna; ergo incarnatio, quæ importat filiationem temporalem, magis congruit Filio, quàm Patri, aut Spiritui Sancto.

7 6. Magis congruit in Diuinis personis esse tantum vnum Filium, quàm plures Filios; sed incarnato Patre, aut Spiritu Sancto essent plures Filij; & incarnato Filio est tantum vnus Filius; ergo magis congruit incarnari Filium, quàm Patrem, aut Spiritum Sanctum.

8 7. Magis conuenit terminare generationem temporalem ei, cui non appropriatur ratio principij eiusdem generationis temporalis; sed solus Filius est huiusmodi; nam licet tota Trinitas operata sit incarnationem, quæ est temporalis generatio, attamen prout est opus omnipotentis, quæ est attributum appropriatum Patri, principium incarnationis appropriatur Patri; & prout est opus pietatis, & benignitatis, quæ est attributum appropriatum Spiritui Sancto, principium incarnationis appropriatur Spiritui Sancto; ergo idem.

9 8. Magis congruit, quòd homo, qui est imago Dei creata, restitueretur per imaginem increatam; sed solus Filius est imago Patris increata; ergo soli Filio magis congruit restaurare hominem, & ideo incarnari.

10 9. Magis congruit Verbo fieri sensibile, ad extra, & corporeum; docet enim *S. P. Aug. 15. de Trin. c. 11. Verbum, quod seris sonat, signum est Verbi, quod ius latet*; quàm mens, aut amor, quæ intus manent; sed solus Filius est Verbum; vt docet *idem 3. de Trin. c. 11*; Et Verbum, quo Filius; mens autem repræsentat Patrem, & amor Spiritum Sanctum; ergo soli Filio

lio magis conuenit fieri sensibilem, & corporeum, atque adeo incarnari.

11 10. Magis conuenit incarnari, cui magis conuenit esse mediatorem; quia in incarnatione resultat mediator Dei, & hominum; sed ratio mediatoris magis conuenit Filio, cui ratione suæ processionis conuenit esse medium inter Diuinas personas; quauis enim Spiritui Sancto ratione modi procedendi competat esse nexum vniuentem Patrem, & Filium; quia procedit, vt amor, qui est nexus duorum; attamen ratione processionis Filio conuenit esse medium inter Patrem, & Spiritum Sanctum; Filius namque procedit, vt secunda persona; secunda autem est media inter primâ, & tertiam; ergo idem.

12 11. Magis congruum fuit, quod Deus, qui in sapientia creauit, in sapientia etiam recrearet; sed sapientia appropriatur Filio, & creatio est incarnatio; ergo idem.

13 12. Cui magis conuenit virtus, per quam potest haberi victoria, & triumphus de hoste tartareo, magis conuenit incarnari; incarnatio enim ordinata est ad debellandas potestates tartareas; sed Filio appropriatur virtus per Apost., ergo idem.

14 13. Cui magis cõgruit æquare Diuinam iustitiam læsam per peccatum primorum parentum, magis propriè conuenit incarnari; incarnatio namque ordinata est ad æquandam Diuinam iustitiam; sed Filio appropriatur æqualitas, quia à Patre per omnia procedit æqualis; vt docet S. P. Aug. 15. de Trin. c. 14; ergo idem.

15 14. Cui magis conuenit esse pulcritudinem, magis congruit incarnari; quia incarnatio ordinata fuit ad mundandam, lauandam, & pulcrâ faciendam naturam humanam deturpam per peccatum; sed pulcritudo, & species ex D. Hil. appropriatur Filio, quam appropriationem valde commendat S. P. Aug. 6. de Trin. c. vlt; & de qua diximus 10. 2. de Trin. q. 7. art. 2. n. 5; ergo idem.

16 Obijc. 1. In incarnatione nedum summa sapientia, quæ reconciliauit hominem cum Deo, sed etiam monstrata est summa potentia, quæ coniunxit duas naturas infinitè distantes; & summa bonitas, quia Deus non despexit hominem, quem plasmauit; sed hæc tria appropriantur tribus personis Diuinis; ergo magis congruum fuit incarnari omnes tres personas Diuinas.

Resp. Fund. Doct. arg. procedere quantum ad principium effectuum incarnationis, non quantum ad terminum; nam quia apparuit sapientia, potentia, & bonitas, adeo tota Trinitas operata est incarnationem: At quia incarnatio est generatio temporalis, ideo solus Filius, cui solum competit generari, congruum fuit eam terminare.

17 Obijc. 2. Incarnationi attribuitur victoria de potestate infernali; sed victoria po-

tissimè attribuitur potentia, quæ attribuitur Patri; ergo conuenientius fuit Patrem incarnari. 2. Recreatio respondet creationi; sed creatio attribuitur Patri, cui attribuitur potentia; ergo idem. 3. Incarnatio importat adoptionem filiorum; sed adoptio respicit Patrem, quia à Patre est omnis paternitas in Cælo, & in terra; vt inquit Apost.; ergo idem.

Resp. ad 1. neg. mi; nam opprimere hostem non spectat ad potentiam; quia magis potentem opprimere minùs potentem non est laudabile; sed ad virtutem æqualitatis, quæ attribuitur Filio. Ad 2. dist. ma. Recreatio respondet creationi; tanquam diuersa attributa, quibus respondet glorificatio, conc; tanquam idem attributum, neg. Sicut ergo glorificatio attribuitur Spiritui Sancto, & creatio attribuitur Patri; ita recreatio appropriatur Filio. Ad 3. dist. ma. Incarnatio importat adoptionem, terminatiuè, conc; initiatiuè, neg; sicut autem generatio terminatiuè conuenit Filio; ita & adoptio.

18 Obijc. 3. Congruentiùs est viciniore, quàm remotiore coniungi; sed Spiritus Sanctus est nobis viciniore, quàm Filius, quia post productionem Spiritus Sancti non datur, nisi productio creaturæ; post productionem autem Filij datur productio Spiritus Sancti ante productionem creaturæ; ergo magis congruum fuit incarnari Spiritum Sanctum. 2. Incarnatio attribuitur charitati, dicitur enim: *Si Deus dilexit Mundum; vt Filium suum unigenitum daret*; sed charitas appropriatur Spiritui Sancto; ergo idem.

Resp. ad 1. dist. mi. Spiritus Sanctus est nobis viciniore quantum ad sua dona, conc; & ideo dona Dei nobis data sunt per Spiritum Sanctum; quantum ad modum habendi naturam, neg; quia Spiritui Sancto non competit nasci. Ad 2. dist. ma. Attribuitur charitati, tanquam motiui, & principio, conc; tanquam termino, neg.

A R T. III.

An congruentius fuerit assumi naturam humanam, quàm Angelicam?

1 **S**upponimus Angelos, & homines lapsos in peccatum; & querimus; an conuenientius fuerit Verbum Diuinum assumere naturam humanam, vt eam redimeret; & relinquere Angelicam, vt maneat in perditione, quam per peccatum incurrit?

2 Vnica concl. Congruentiùs fuit Verbum Diuinum assumere naturam humanam, quàm Angelicam. Ita Fund. Doct. Arg. hic d. ff. 2. p. 1. q. 1. art. 3; & communiter omnes.

Prob. 1. ex illo Hebr. 2. *Non enim Angelos; sed*

sed *Abraha semen apprehendit Deus*; cuius triplicem rationem reddit S. P. Aug. lib. 1. de *Mirab. Sac. Script.* c. 2; nam Angelus fuit creatus in summo statu suæ beatitudinis, in quo non indigebat, nisi à Deo confirmari, si mansisset in contemplatione sui Creatoris; sic enim accepisset visionem beatam, quæ est consummata beatitudo, à qua excidere nunquam potuisset; ideo cadens à statu, in quo conditus fuerat, statim fuit in termino suæ miseriæ, à quo liberari non debuit. At homo fuit positus in terra, generandi officio destinatus, ciborumque alimentis deputatus, factus animalis, debuit instarum excellentiore immutari, quia debuit transferri ad vitam spirituales, ut Deum videret, si permanisset in ea rectitudine, in qua conditus erat; ideo homo fuit creatus in via, & potuit reuocari à statu peccati ante mortem corporalem ipsius hominis; quod Angelo non conueniebat, quia non erat transcendendus post mortem, quam quia spiritualis erat, incurrere non poterat.

3 Præterea non fuit conueniens redimere Angelum lapsum; quia *statim, postquam peccauit, foueam desperationis incurrit*. Si enim de suo delicto habere veniam non desperasset, nunquam consentiens sibi homini damnnum salutis suæ procuraret. Qui enim de priori peccato habere veniam desiderat, nullo modo augmentare aliud præparat; subiungit S. P. Adam verò non desperauit; non enim alium ad peccandum; qui non erat, induxit; sed potius erubuit, quod pœnitentiæ fuit signum.

4 Subdit S. P; quòd ad leuigandum hominis delictum occurrit, quòd non solum per semetipsum mandati transgressionem non reperit, sed serpentine suasioni consensit; Angelus verò per semetipsum peccauit non tentatus ab alio; magis autem meretur veniam, qui grauiter tentatus succumbit, quam qui non tentatus delinquit.

5 Aliam rationem reddit idem S. P. in c. 17. lo. tracl. 110. in fine: *Cùm verò nouerimus bonorum omnium Creatorem reparandis Angelis malis nihil gratia contulisse; cur non potius intelligimus, quòd tantò damnabilior eorum indicata sit culpa, quantò erat natura sublimior? Tantò enim minus, quam nos peccare debuerunt, autem meliores nobis fuerunt*. Conuenientius autem est indulgere naturæ minorem culpam habenti, quam grauiorem.

6 Tandem reponit ibid. Nunc autem in offendendo Creatorem tantò execrabilius beneficio eius ingrati existerunt; quantò beneficentius sunt creati. Conuenientius autem est misereri naturæ minus, quam magis ingrata; quia sicut maior ingratitudo importat defectionem maiorum beneficiorum; ita magis beneficiorum reddit incapacem; ergo conuenientius fuit redimere naturam humanam assumendo, quæ Deo fuit minus ingrata, quia minora beneficia recepit;

& ideo minus incapacem beneficij Redemptionis se reddidit. *Vid. alias rationes allatas art. 1. num. 12.*

7 Prob. 2. à *Fund. Doct.* decem alijs congruitatibus.

Prima est. Congruum fuit, ut qui erat in Deitate Dei Filius, fieret Filius in natura assumpta; sed in natura Angelica nequiuisset esse Filius, quia vnus Angelus nequit esse filius alterius Angeli; cùm in ipsis non sit generatio; ergo congruum fuit assumere naturam humanam, non Angelicam.

8 2. Vel assumpsisset naturam Angelicam iam existentem; vel nouam de nouo creando? Sed neutrum congruum fuit. Non primum; quia non potuisset assumere naturam Angelicam actu existentem, nisi destruxisset suppositum, quia suppositum nequit assumi; congruum autem non esset, ut qui venit reparare, destrueret. Neque secundum; quia cùm vna natura Angelica differat specie ab alia, nequit Deus secundum hunc cursum rerum nouam speciem creare; dicitur enim *Gen. 2*; quòd Deus die septimo requieuit ab omni opere, quod patrarat; quod communiter exponitur cessasse à condendis nouis speciebus rerum, non autem à conseruandis, administrandis, propagandisque speciebus, quas creauit; ergo secundum hunc ordinem non fuit congruum assumere naturam Angelicam.

9 3. Verbum Diuinum secundum ordinem huius prouidentie assumpsit naturam naturaliter passibilem, ut patiendū redimeret; sed natura Angelica non est naturaliter passibilis; quanuis enim patiatur ignem inferni, attamen hoc non est naturaliter, sed quatenus est organum Diuinæ iustitiæ; ergo secundum ordinem huius prouidentie non fuit congruum assumere naturam Angelicam.

10 4. Verbum assumpsit naturam humanam, ut hominem moriendo redimeret; habetur enim *Rom. 5*. *Reconciliati sumus Deo per mortem Filij eius*; sed in natura Angelica non poterat mori, quia Angelus naturaliter est immortalis; ergo congruum non fuit huic prouidentie, quæ sic disposuit incarnationem Verbi, ut per mortem naturam redimeret, Angelicam naturam assumere.

11 5. Verbum assumpsit naturam humanam, ut satisfaceret Diuinæ iustitiæ læsæ per peccatum; satisfactio autem fuit toleranda penam peccato debitam; pœna verò vel potest referri ad afflictionem, quæ sentitur; & sic Christus veram habuit pœnam, quia veram sensit afflictionem; & ex hoc capite satisfecit ex vera iustitia; vel potest referri ad obligationem, qua quis tenetur subire pœnam; cùm autem obligatio ad pœnam contrahatur solum per peccatum; quod quia non fuit in Christo, ideo quantum ad hoc non fuit in Christo vera iustitia, sed

fuit

fuit quidam color iustitiæ; nam licet Christus non fuerit peccator, fuit tamen de stirpe peccatorum, quia fuit de stirpe *Adæ*, quæ per peccatum obligabatur ad pœnam; & licet non assumpserit carnem maculatam peccato, assumpsit tamen *carnem in similitudinem carnis peccati*, vt docet *Apost.*; adeoque fuit in Christo quidam color iustitiæ, seu iustitia similitudinariæ quantum ad obligationem subeundi pœnam; vel potest referri ad satisfactionem, & sic in ipso fuit iustitia superexcellens; quia cum persona patiens sit infinita, plus satisfecit patiendo, quam omnes homines potuissent demereri peccando; sed si Verbum assumpsisset naturam Angelicam, non fuisset ibi iustitia ratione afflictionis, seu passionis naturalis mortis; quia Angelus pati mortem naturaliter non posset; nec fuisset iustitia, aut color, seu similitudo iustitiæ quantum ad obligationem ad pœnam; quia assumens naturam Angelicam non fuisset ex stirpe peccatorum, quia natura Angelica propagari non potest; nec fuisset iustitia quantum ad satisfactionem; quia satisfaciens debet esse eiusdem speciei cum illis, pro quibus debet satisfacere, vt dicatur, qui laetit, satisfecisse; vnus autem Angelus differt specie ab alio Angelo; ideo Verbum assumendo naturam Angelicam non satisfecisset pro homine, qui est diuersæ speciei ab Angelo; nec pro alijs Angelis, qui pariter differunt specie, vel ordine, vel hierarchia; ergo non fuit congruum assumere naturam Angelicam.

12 6. Vel assumpsisset naturam Angelicam peccatricem; vel non peccatricem? Non primum; quia propter communicationem idiomatum dici potuisset: *Filius Dei est Angelus aliquando subiectus peccato*; quod est omnino incongruum docente *Apost.*; quod est omnino sanctus, innocens, impollutus, à peccatoribus segregatus. Nec secundum; quia natura innocens non indiget liberari; ergo nullo modo.

13 7. Pontifex debet esse eiusdem speciei cum illis, quorum est Pontifex, vt dicitur *Hebr. 5.* *Omnis nanque Pontifex ex hominibus assumptus pro hominibus constituitur*; sed Filius Dei in incarnatione factus est Pontifex; ergo debuit esse eiusdem speciei cum illis, quorum factus est Pontifex. At Angelus nequit esse eiusdem speciei cum alijs Angelis, aut cum hominibus; ergo non fuit congruum assumi naturam Angelicam ad liberandos alios Angelos, vel homines.

14 8. Filius Dei in incarnatione factus est frater eorum, quorum naturam assumpsit; dicitur enim *Rom. 8.* *Primogenitus in multis fratribus*; sed nullus Angelus potest esse frater alterius Angeli, aut hominis; quia fratres dicuntur illi, qui per generationem descendunt ab eodem Patre, & nullus Angelus potest ab alio generari; ergo nullus Angelus potuit assumi à Filio Dei.

Mag. Frideric. Nic. Gauardi Tom. 5.

15 Filius Dei debuit eis assimilari, quorum naturam assumpsit; hinc *Apost. Hebr. 2.* ait: *Debuit per omnia fratribus assimilari, vt misericors fieret*; sed assimilatio attenditur secundum speciem athomam; ex eo enim, quod albus, & niger conueniant secundum rationem genericiam coloris nullus diceret eos esse similes; ergo Filius Dei debuit in incarnatione assimilari in specie athoma eis, quorum naturam assumpsit. At vnus Angelus nequit esse eiusdem speciei athomæ cum alio Angelo; ergo Filius Dei non debuit assumere naturam Angelicam.

16 10. Quilibet est magis misericors ijs, qui sunt eiusdem speciei, quam illis, qui differunt specie; sed Filius Dei assumens naturam creatam debuit esse summè misericors ijs, quorum naturam assumpsit; vt *ibid.* ait *Apost.*; ergo debuit esse eiusdem speciei cum illis, quorum naturam assumpsit; atqui vnus Angelus non potest esse eiusdem speciei cum alio Angelo; ergo idem.

17 Obijc. 1. Quæ magis sunt propinquæ, magis sunt vnibilia; sed Angelus est magis propinquus Deo; docet enim *S. P. Aug. lib. 1. Conf. cap. 12.* *Duo fecisti, Domine; vnum prope te id est Angelicam creaturam &c.* ergo Angelus est magis vnibilis Deo; atqui assumptio dicit vnionem; ergo Angelus est magis assumibilis, quam homo. 2. Magis congruum est à nobilissimo assumi naturam nobiliorem, quam ignobiliorem; sed natura Angelica est nobilior humana; ergo magis congruum fuit assumi naturam Angelicam, quam humanam. 3. Angelus, & homo peccauerunt; sed Filius Dei assumpsit naturam, vt à peccato eam mundaret; ergo non magis decuit cum assumere naturam humanam, quam Angelicam. 4. Ad intercedendum pro aliquo magis videtur idoneus, qui non est ex stirpe rei; ergo ad intercedendum pro homine, vel Angelo magis fuit conueniens assumere naturam Angelicam, quæ non est ex stirpe hominis, vel alterius Angeli.

Resp. ad 1. *Fund. Doct. dist. ma.* Si vnio fiat ratione naturæ præcisè; conc; si fiat ratione remissionis peccati, neg; nam tunc illud natura est magis vnibilis, cuius peccatum est remissibile; & quia peccatum hominis, non Angeli est huiusmodi; ideo natura hominis, non Angeli est vnibilis. Ad 2. eodem modo dist. ma. Angelus, & homo peccauerunt, sed Angelus irremissibiliter, & homo remissibiliter, conc; ambo remissibiliter, neg. Filius autem Dei debuit assumere naturam, cuius peccatum remissibile erat, quia assumpsit naturam, vt peccatum deleteret. Ad 3. dist. ant. Qui non est ex stirpe rei, id est qui reus non est, conc; Qui non est ex stirpe rei, & innocens est, neg; nam intercedens, qui fit per satisfactionem, debet esse ab habente eandem naturam, vt *sup.* dictum est.

*An incarnatio conuenienter facta fuerit
in plenitudine temporum?*

1 **Q** Vanuis incarnatio, quæ est in remedium peccati, facta fuerit in vltima Mundi ætate; attamen non sequitur, quod ante incarnationem nullus saluari potuerit; nam de fide est plurimos iustos ante Christi aduentum saluatos fuisse; fides enim in Christum venturum fuit sufficiens remedium, quo homines à peccato mundarentur, & saluarentur; hæc autem fides semper fuit in Mundo ab Adam vsque ad Christum, vt diximus 10. 4. de Fide quaest. 2. art. 3. Verum tamen est, quod actualis existentia incarnationis Mundo attulit plenitudinem gratiarum, qua factum fuit, vt homines saluarentur facilius post incarnationem, quam ante. Ex hoc videtur deduci magis congruum fuisse saluti hominum, quia plures saluati fuissent, quam de facto saluari sunt, vt incarnatio fieret statim post Adæ peccatum. Certum enim est multo plures homines sanctos fuisse post Christi aduentum, quam ante. Hanc quæestionem proponit S. P. Aug. in qq. ex nouo Testam. q. 83. par. 1. his verbis: *Si per Christum salus, & vera, & perfecta cognitio est; cur non ante venit; ut & anteriores nostri, qui in ignorantia fuerunt, addiscerent veritatem? Denique post aduentum Christi multi saluati sunt magis, quam prius; unde etsi ante venisset, multo plures saluati fuissent.* Vt hoc explicetur.

2 Vnica concludit. Incarnatio conuenientissime facta est in plenitudine temporis, quæ est in vltima mundi ætate, seu in primordio sextæ ætatis post quinque; quarum prima à S. P. Aug. lib. de catheciz. rudibus cap. 22. enumeratur ab Adam vsque ad Noe; secunda à Noe vsque ad Abraham; tertia ab Abraham vsque ad David; quarta à David vsque ad Captiuitatem Babyloniam; quinta à transmigratione Babylonis vsque ad Christum; vltima à Christo vsque ad Mundi finem. Ita Fund. Doct. hic dist. 1. par. 2. art. 5; & communiter omnes.

Prob. 1. ex Apost. ad Gal. 4. Cum autem venit plenitudo temporis, misit Deus Filium suum &c. Super quod S. P. Aug. tract. 31. in cap. 7. 10. ait. Quia nondum venerat plenitudo temporis, moderante illo, per quem facta sunt tempora; sciebat enim, quando venire deberet. Primo per multam seriem temporum, & annorum predicendus fuit; non enim aliquid paruum venturum fuit; diu fuerat predicendus, semper tenendus. Quanto maior Index veniebat, tanto præconum longior series præcedebat. Denique ubi venit plenitudo temporis, venit & ille, qui nos liberaret à tempore; liberati enim à tempore venturi sumus ad æternitatem, ubi non est tempus. Ex quibus fumitur prima congruentia

fic. Maximum omnium mysteriorum mysterium debuit multo tempore ante prædici, & multis testimonijs prænunciari, non enim adeo credibile redderetur, nisi à pluribus, & grauissimis Viris per longa tempora attestaretur; sed incarnatio est maximum omnium mysteriorum mysterium creditu difficilissimum, quam aliud quoduis ob plurimas arduitates, quas in præmio huius libri retulimus; ergo debuit multo tempore ante prædici; & ideo conuenientissime facta est in plenitudine temporum.

3 2. Homo non debuit coniungi æternitati, nisi post omnia tempora expleta, quod est in plenitudine temporum; non enim potuit ad æternitatem transferri, nisi liberaretur à tempore; & non potuit liberari à tempore, nisi pertransiente tempore, quod Dator temporum præfixit; sed per incarnationem homo coniungitur æternitati, quia per incarnationem homo translatus est ab hac vita mortali ad vitam immortalem, quæ non est, nisi vita æterna; ergo incarnatio non debuit esse, nisi in plenitudine temporum.

Conf. ex Fund. Doct. Gratia se tenet ex parte gloriæ, quia est semen illius; ergo plenitudo gratiæ, quæ habetur per incarnationem, debuit se tenere ex parte plenitudinis gloriæ; sed plenitudo gloriæ erit in fine Mundi; quia tunc glorificabitur etiam corpus, & sic homo plenus erit gloriæ; ergo incarnatio debuit esse in fine temporum, seu in vltimæ ætatis mundi primordio.

5 Prob. 2. ex eod. Apost. ad Gal. 3. Prius autem, quam venires fides, sub lege custodiebamur conclusi in ea fide, qua reuelanda erat. Itaque lex pedagoga noster fuit in Christo, ut ex fide iustificetur. At ubi venit fides, iam non sumus sub pedagogo. Super quod S. P. Aug. lib. 83. qq. q. 42; 43; & 44. ait: *Habet autem decorem suum in singulis quibusque hominibus singula quæque etas ab infantia vsque ad senectutem.* Sicut ergo absurdum est, qui inuenilem tantum ætatem vellet esse in homine temporibus subdito, innideret enim ceteris pulcritudinibus, quæ ceteris ætatibus suas vices, atque ordinem gerunt; sic absurdum est, qui in ipso vniuerso genere humano unam ætatem desiderat; nam & ipsum tanquam vnus homo ætates suas agit. Nec oportuit venire Diuinitus mysterium, cuius imitatione in mores optimos formaretur, nisi tempore iuuentutis &c; & mox: Aliud est enim, quod Diuina providentia quasi priuatum cum singulis agit; aliud, quod generi vniuerso tanquam publicè consulit; nam & quicunque singuli ad certam sapientiam perueniunt, non nisi ab eadem veritate suam singillatim ætatem opportunitate illustrati sunt; à qua veritate, ut populus sapiens fieret, ipsius generis humani opportuna ætate homo susceptus est. Ex quibus sic arguitur. 1. Vita moralis totius generis humani, quod est quoddam totum morale, comparatur vitæ naturalis ipsius hominis; vtracque

que enim tempore mensuratur, variatur, & finitur; sed vita naturalis hominis ita distinguitur in ætates, vt in primis ætatibus sit sub pedagogo vsque ad plenitudinem ætatis, in qua solum acquirit sapientiam, per quam desinit esse sub pedagogo; ergo vita moralis totius generis humani distinguitur in plures ætates: in quarum prima fuit sub pedagogo, qui est lex naturæ, & lex scripta, vt ait *Apost.* & in vltima acquisiuit sapientiam, quæ est Verbum Diuinum, quod est Dei Patris sapientia, quæ in incarnatione communicata est homini.

6 Conf. ad *Fund. Doct.* Homo gratiam, in qua conditus fuit, perdidit per peccatum superbiæ appetendo scientiæ Dei æqualitatem per naturam: *Eritis, sicut Di.*, *scientes bonum, & malum Gen. 3.*; ergo non debuit gratiam in incarnatione recuperare, nisi per humilitatem, quæ opponitur superbiæ; vnum enim oppositum non tollitur, nisi per aliud. Atqui homo fuit humiliatus agnoscendo suam ignorantiam, quod euenit tempore legis naturæ, quo verum Deum ignorauit; & Demonia, tanquam Deos excoluit, vt habetur *ps. 95.* *Omnes Dei gentium demonia;* & cognoscendo suam impotentiam, quod contigit tempore legis scriptæ; quæ ostendebat peccatum, sed ad illud vitandum vires non conferebat, quia gratiam, qua vitantur peccata, non donabat; quauis enim in lege scripta multi acceperint gratiam à Deo, quia iustificati fuerunt; atamen hoc non fuit ex vi ipsius legis, sed ex fide Christi venturi, per quam solum potuerunt saluari, vt habetur *ex Act. 4.* *Nec enim aliud nomen est sub Cælo datum hominibus, in quo oporteat nos saluos fieri;* quapropter *Act. 15.* lex scripta iugum importabile dicitur: *Hoc est iugum, quod nos, nec Patres nostri portare poterunt;* lex autem gratiæ, quæ tempore incarnationis incepit, *iugum leue, & onus suauis* appellatur; Christus enim *Matth. 11.* inquit: *Iugum enim meum suauis est, & onus meum leue;* quia lex Christi dat vires ad vincendas tentationes, & vitanda peccata; vt diximus *ex Beatiss. P. Aug. 10. 4. de Legib. 9. 2. art. 5.* ergo tempus incarnationis debuit præcedere tempus legis naturæ, & legis gratiæ. Sed post legem gratiæ nulla alia lex superest condenda; ergo post tempus gratiæ nobis in incarnatione nullum aliud tempus superesse debuit; & ideo incarnatio debuit esse in fine temporum, seu in principio plenitudinis temporum, quæ est vltima ætas.

7 Præterea inquit *S. P. in qq. noni Testam. vbi.* *Venit ergo, quando & subueniri debere sciuit, & futurum gratum beneficium.* Tunc magis congruum fuit Deum incarnari, quando cognouit magis homini esse subueniendum, & beneficium collatum hominibus magis esse ab ipsdem cognoscendum; medicus enim tunc magis debet succurrere ægroto, quando magis ægroti necessitas postulat; tunc namq; ægrotus agnoscit

Mag. Frideric. Nic. Ganardi Tom. 5.

medicinæ beneficium, cum morbi vim experitur; sed in plenitudine temporum homini magis erat subueniendum, quia peccatorum morbis magis erat oppressus, & ideo magis potuit incarnationis beneficium, quo sanatus est à peccatis, agnoscere, cum *totus mundus in malo positus est;* vt habetur *1. 10. 5.* ergo in plenitudine temporum debuit fieri incarnatio.

8 Tandem addit *Fund. Doct.* Si Christi incarnatio fuisset in principio Mundi, vel in fine, vltimæ ætatis, Christi fides, quæ per dilectionem operatur, non fuisset adeo viuæ; nam si in principio Mundi, temporis diuturnitate elanguisset; si in fine vltimæ ætatis, mores adeo fuissent corrupti, & natura ita vitij attrita, vt nimis debilis ad operandum per gratiam inueniretur; ergo in principio vltimæ ætatis congruum fuit incarnationem executioni mandari, ne hominis natura in fine Mundi, in quo erunt fortiores pugnæ, & terribiliores tentationes, nimis languida foret, & debilis.

9 Quamobrem *Habac. 3.* de Verbo, quod in incarnatione nobis manifestatum est, prophetauit: *Domine, opus tuum in medio annorum vinifica illud. In medio annorum notum facies;* id est non in principio, aut in fine, sed tempore medio inter principium, & finem, non quidem punctaliter, ne ex illo finem Mundi agnoscamus, sed extensiuè ita, vt in extensione temporis medij concludatur.

10 Obijc. 1. Plenitudo temporis importat perfectionem; sed Mundus fuit perfectus die septima; ergo die septima debuit esse incarnatio. 2. Incarnatio est opus amoris, qui non patitur dilationem; ergo non debuit tantum differri. 3. Dilatio medicinæ periculosa est ægroto; ergo idem. 4. Acceleratio incarnationis fuisset causa saluationis plurium hominum, vt *sup.* dictum est; ergo idem.

Resp. *Fund. Doct.* ad 1. dist. ma. Plenitudo temporis importat perfectionem gratiæ, conc; creationis, neg. Ad 2. dist. 2. pars ant. Qui non patitur dilationem, cum est summa necessitas, cum necessitas non vrget, neg. Ad 3. dist. ant. Respectu medici nescientis, quando debet applicari medicina, vt est medicus creatus, conc; respectu medici scientis, quando, & quomodo applicari debet medicina, vt est Deus, neg. Ad 4. dist. ant. Fuisset causa saluationis plurium hominum, qui fuerunt in principio, sed pauciorum ex ijs, qui erunt in fine, memoria enim, & fides incarnationis elanguisset, vt dictum est, conc; plurium hominum, qui erunt in fine, neg. Præterea quod tot homines, & non plures saluentur, iustum iudicium Dei est, sed occultum; vt inquit *S. P. ep. 105;* ideo ex plurium, vel pauciorum salute non licet colligere tempus incarnationis.

11 Quæres, cur tempus incarnationis dicatur tempus plenitudinis?

H 2

Resp.

Resp. *Fund. Doct. ubiq. dub. 1. lit. dici tempus plenitudinis 1. Quia impleta est Diuina ordinatio, qua Deus ab æterno disposuit faciendam esse tali tempore. 2. Quia impleta est Dei promissio, qua Deus promittit Filium Dei nasciturum ex semine David; vt habetur Rom. 2. 3. Quia impleta est perfectio Vniuersi, quod per Christi incarnationem maximè perfectum fuit. 4. Propter plenitudinem gratiæ, quia, *10. 1. De plenitudine eius omnes accepimus. 5. Quia impletae sunt omnes figuræ. 6. Quia impleta est lex; ait enim Matth. 5. Non veni legem solvere, sed adimplere. 7. Quia impleta est Diuina voluntas, quæ ante incarnationem permittebat, non prohibebat, vt patet de libello repudiij; quæ autem permittuntur, non implent voluntatem Dei, quia sunt contra illam. 8. Quia natus est Dominus temporis, quod in sua causa, habet suam plenitudinem.**

A R T. V.

An tanta fuerit incarnationis conuenientia, vt possit dici necessitas?

Necessarium, inquit *Fund. Doct. Aeg. inf.* aliquando sumitur, prout idem est, ac expediens, vel congruum; vt equus dicitur necessarius ad iter habendum. In hoc sensu constat incarnationis conuenientiam fuisse necessarium, quia multum expedijt, & congruentissima fuit nostræ salutis; vt *sup.* diximus. Alio modo sumitur necessarium, quod inuitabile est, quia aliter se habere non potest; vt necesse est Deum esse. Necessarium inuitabile duplex est; aliud coactionis, aliud immutabilitatis. Non loquimur de necessario coactionis, quia Deus, cum omnipotens sit, à nemine cogi potest. Necessarium immutabilitatis adhuc duplex est; aliud, quod simpliciter, & absolute aliter se habere non potest; & aliud, quod licet secundum se absolute, & simpliciter queat aliter esse, quam sit; attamen supposita Diuina ordinatione, quòd ita sit, aliter esse non potest; & hoc dicitur necessarium ex suppositione, seu secundum quid, aut ratione aliquius causæ; vt quauis homo absolute possit non moueri; attamen supposito, quòd currat, necesse est, quòd moueatur.

2. Diuina autem ordinatio potest dupliciter considerari. 1. Considerando ipsam determinasse quidem hominum salutem, sed non considerando medium in particulari, & modum, quo illam exequi decreuit. 2. Considerando ordinationem Diuinam, quæ disposuit hominum salutem per hoc medium in particulari eo modo v.g. quo de facto ordinata fuit, scilicet quòd Verbum Diuinum assumat carnem humanam, quòd pariat, & satisfaciatur ad

æqualitatem pro peccatis hominum Diuinæ iustitiæ. *His supp.*

3. Prima sententia vult incarnationem esse necessariam ex suppositione creationis Mundi; quia sine incarnatione Mundus non esset perfectus, quia deesset illi incarnatio, quæ est perfectio omnium maxima. Refertur à *Vasq. Ramund. Lull.* Huic sententiæ adherere videntur, qui censent Deum moraliter obligari ad volendum id, quod perfectissimum est. Quam sententiam reiecit *10. 2. de Vol. Dei q. 3. art. 4.*

4. Secunda vult esse necessariam supposito decreto reparandi genus humanum. Tribuitur *Ric. lib. de Incarn. Verbi c. 3; & Abul. prol. in Matth. q. 27.*

5. Tertia vult non esse necessariam neque supposito tali decreto; neque supposito, quòd Deus exigit satisfactionem pro offensa à genere humano sibi illata; potest enim talis satisfactio poni à creatura, quæ potest satisfacere ad æqualitatem. Ita *Mastr. h. c. disp. 4. q. 1. art. 5. nn. 79.* referens *Scor. Bellur. & alios* tenentes puram creaturam posse satisfacere ad æqualitatem.

6. Quarta censet esse tantum necessariam ex suppositione, quòd Deus exigit satisfactionem ad æqualitatem pro offensa eo, quia nulla creatura possit ad æqualitatem satisfacere. Ita *Recentes Thomistæ*; quibus accedit *nostr. Gibb. h. c. disp. 2. dub. 2. n. 19.* Nostra autem sententia sequi concludit.

7. Vnica concl. Incarnatio Verbi Diuini non fuit necessaria absolute, & simpliciter; nec ex suppositione creationis Mundi, aut liberationis humani generis à peccato præcisè; nec etiam supposita satisfactione ad æqualitatem, quæ potuit esse ab alia persona Diuina, non creata; sed tantum est necessaria ex suppositione Diuini decreti, quo Deus ordinauit Verbum Diuinum carnem sumere ad reparandum genus humanum. Ita *Fund. Doct. Aeg. h. c. disp. 1. par. 2. q. 1. art. 3.* Ipsum sequitur *nostr. Argent. disp. 2. 1. q. 1. art. 4. & alij.* In hoc consentire debent *Auctores 4. sent.* qui nobiscum sentiunt potuisse Patrem, aut Spiritum Sanctum incarnari, & genus humanum liberare à captiuitate peccati; ac puram creaturam non posse satisfacere ad æqualitatem pro offensa Deo per peccatum irrogata, vt *inf.*

Prob. 1. pars concl. à *Fund. Doct.* Actiones Dei ad extra sunt simpliciter liberæ, non necessariæ; habetur enim *Ephes. 1. Qui vnica vnica operatur secundum consilium voluntatis suæ*; ad id autem, quod est simpliciter necessarium, non adhibetur consilium, quod versatur solum circa id, quod potest fieri, & non fieri, vt compertum est; & *Rom. 11. Reliquia per electionem gratiæ salua facta sunt*; at electio est circa media, circa quæ versatur libertas, quia media possunt eligi, & non eligi; & *Pf. 113. Omnia, quacunque volui;*

*voluit, fecit in Cælo, & in terra; super quod S. P. Aug. in Enchir. c. 96. Non enim veraciter ob aliud vocatur omnipotens, nisi quia quidquid vult, potest; & c. 99. Vbi est illa omnipotentia, qua in Cælo, & in terris, omnia, quacumque voluit, fecit; & c. 102. Nec nisi volens quidquam facit, & omnia, quacumque vult, facit; si autem necessariò ageret ad extra, iam non posset agere omnia, quia non posset agere oppositum illius, quod agit; nec posset per misericordiam, cuius vult, misereri, sine per iudicium, quem vult, obdurare, vt ibid. dicitur; & sic non esset omnipotens; quia necessariò omnibus misereretur, quod est *cont. Apost. Rom. 9;* iniferatio enim est actio ad extra, vt constat, quia respicit creaturas; sed incarnatio est actio ad extra; ergo non fuit necessaria absolutè, & simpliciter, sed libera.*

8. Prob. 2. pars ex illo 1. Pet. 1. Secundùm suam misericordiam regenerauit nos in spem viuam. Ex quo sic. Opus misericordiæ non est opus necessarium etiam supposito creatione; aliter supposita creatione hominum Deus non posset misereri, & indurare, quem vellet, quod est *cont. Apost. 2. vbi;* sed incarnatio est opus misericordiæ, quia per illam liberamur à peccato, quod est summa miseria; ergo incarnatio etiam supposita creatione Mundi non est necessaria. 2. Modus, seu terminus perfectionis ipsius Mundi à libera Dei voluntate præfigitur, habetur enim *Sap. 11. Omnia in mensura, numero, & pondere disposuisti;* super quod S. P. Aug. lib. 26. *cont. Faust. c. 3. Id enim erit cuique naturale, quod ipse fecerit, à quo est omnis motus natura, & ordo;* unde si Deus decreuisset creare plures, vel pauciores species in Mundo, Mundus adhuc esset perfectus, quia nihil ei deesset perfectionis, quæ à Deo ei esset præfixa; sed incarnatio fuit ex Dei libera voluntate, quia est *opus misericordiæ, & gratiæ;* ergo si Deus illum non decreuisset, adhuc Mundus esset perfectus, quia nulla ei deesset perfectio, quam Deus decreuit in illo creare; perfectum enim definitur, cui nihil deest. 3. Deus non obligatur moraliter ad producendas creaturas perfectiores, vt diximus 10. 2. *de Vol. q. 3. art. 4;* ergo ex suppositione creationis Mundi non obligatur ad decernendam incarnationem; & ideo incarnatio ex suppositione creationis Mundi non est necessaria, sed omnino libera, & voluntaria. 4. Etiam supposito *Ade* peccato poterat Deus iuste totum genus humanum damnare, sicut iuste damnauit omnes Angelos, qui peccauerunt; habetur enim *Sap. 12. Quis tibi imputabit, si perierint nationes, quas tu fecisti? Et Rom. 9. An non habet singulus potestatem luti &c;* ergo incarnatio non fuit necessaria etiam supposito Mundi creatione. *Vid. 10. 2. vbi.*

9. Prob. 3. pars ex *Apost. Rom. 9. O Altitudo diuiniarum sapientiæ, & scientiæ Dei, quam incomprehensibilia sunt iudicia eius, & inuestigabiles viæ*

eius! Quis enim cognauit sensum Domini? Ex quo sic. Viæ Dei, quibus potest ad salutem nos ducere, sunt plures, & à nobis inuestigabiles *istæ Apost;* qui loquitur in plurali, non in singulari; sed incarnatio est vna tantùm via, qua Deus ad salutem nos ducit; quapropter Christus Dominus, qui est Verbum incarnatum, 10. 14. dixit *Ego sum via;* in singulari; ergo præter incarnationem aliæ sunt viæ, quibus Deus poterat ad salutem nos ducere. Hinc S. P. Aug. *de Agone Christi. c. 11;* inquit: *Sunt autem stulti, qui dicunt: Non poterat aliter sapientia Diuina liberare hominem, nisi sustineret hominem; & lib. 13. de Trin. c. 10. Vt ostendamus non alium modum possibilem Deo defuisse, cuius potestati cuncta equaliter subiacent, sed sananda nostra miseria &c;* & *Fund. Doct. Aeg. vbi. §. Secundò hoc. Absolutè, & simpliciter non fuit hoc necessarium, quòd modus alius defuerit Diuinae potentie, cui omnia pariter sunt subiecta. Nam sapientia, & potentia Dei infinita non coarctantur ad vnum tantum modum operandi, aliter non essent infinita, sed finita in modo agendi, quia limitarentur ad vnum; hinc videmus in naturalibus, quòd Deus nedum habet hominem producere ex nihilo, sed etiam ex semine; quòd potest viuificare cadauera, & cineres hinc inde dispersos in vnum colligere; eisque vitam infundere; ergo præter modum, quo Deus in incarnatione homines regenerauit ad vitam, debemus alios modos admittere; potentia enim Dei, & sapientia nedum infinita est in creando, sed etiam in recreando, nedum in dando vitam naturali naturalibus rebus, sed etiam supernaturali creaturis ad ordinem Diuinum eleuatis. Tandem arguit *Fund. Doct. ad 1. Per satisfactionem compensatur offensa Deo irrogata, & reparatur genus humanum à peccato; sed poterat Deus aliter, quàm per incarnationem, ordinare aliqualem satisfactionem, per quam compensaretur offensa sibi irrogata; ergo poterat aliter, quàm per incarnationem reparare genus humanum à peccatis; & per consequens etiam supposito decreto liberandi hominem à peccato adhuc incarnatio non est necessaria, quia necessarium est illud, quod aliter se habere non potest. Ma. patet; nam in tantum Christus Dominus reparauit genus humanum; in quantum satisfecit sua passione offensa Deo per peccatum irrogata. Prob. mi. Satisfactio dependet ab acceptatione Dei, sed poterat acceptare quamlibet humiliationem, & submissionem, aut humilem petitionem creaturæ iuxta illud *Matth. 18 Omne debitum dimisi tibi, quoniam rogasti me;* dimittere autem debitum ob aliquam actionem est accipere eam actionem pro satisfactione debiti; ergo poterat Deus aliter, quàm per incarnationem ordinare satisfactionem, per quam compensaretur offensa sibi irrogata. Tandem poterat Deus ex sua simplici bonitate peccatum remittere; sicut enim ex sua**

simplici, & mera bonitate hominem creauit; ita poterat eodem modo ipsum recreare ipsi largiendo suam gratiam, qua munderetur a peccato, & fieret particeps vitæ æternæ; tum quia sicut vult, quod creatura dimittat offensam, etiam absque vlla satisfactione ad ostendendam charitatem in proximum; ita poterat ipse dimittere offensam sine vlla satisfactione hominis ad ostendendam summam charitatem, qua hominem diligit; ergo etiam supposito decreto liberandi hominem adhuc incarnatio non fuit necessaria, sed omnino gratuita, & libera.

10 Prob. 4. pars ex *Fund. Doct.* ad 1. Poterat incarnari Pater, aut Spiritus Sanctus; ergo incarnatio Verbi Diuini non fuit necessaria; etiam supposita satisfactione ad æqualitatem. *Ant.* probatum est q. 1. art. 3. Prob. conf. In tantum potuit Verbum Diuinum satisfacere ad æqualitatem, in quantum est persona simpliciter infinita, vt *inf.* dicemus; sed etiam Pater, & Spiritus Sanctus sunt personæ simpliciter infinitæ æquæ, ac Verbum; ergo potuissent satisfacere ad æqualitatem.

11 Quod autem nulla creatura potuisset satisfacere ad æqualitatem pro peccatis hominum, probabitur *inf.* q. 8., nam in satisfactione ad æqualitatem offensæ debet attendi æqualitas inter personam satisfaciientem, & personam offensam; sed nulla persona creata potest esse æqualis personæ Diuinæ; ergo nulla persona creata potuit ad æqualitatem satisfacere pro offensa Deo irrogata. Mi. est certa. Prob. ma; nam si persona satisfaciens sit minus digna, quam persona offensa, sequitur, quod actio satisfactoria, prout respicit personam, à qua producit (certum enim est *actiones esse suppositionum*, & ideo à personis produci) esse inæqualem personæ offensæ; ergo in satisfactione ad æqualitatem debet attendi æqualitas inter personam satisfaciientem, & personam offensam. *Vid. inf.*

12 Tandem prob. vlt. pars. Illud, quod non potest non esse posito decreto Diuinæ voluntatis, est necessarium ex suppositione decreti; sed incarnatio Verbi Diuini non potest non esse posito decreto Diuinæ voluntatis; ergo est necessaria ex suppositione decreti. Ma. constat; sicut enim illud est absolute necessarium, quod absolute non potest non esse; ita illud est necessarium ex suppositione decreti voluntatis Diuinæ, quod posito decreto non potest non esse. Prob. mi. Si posito decreto voluntatis Diuinæ incarnatio posset non esse, vel posset non esse contra, vel præter voluntatem Diuinam; vel posset volun-

tas Diuina nolle, quod semel voluit? Non primum; quia vt optimè arguit *S. P. Aug. in Enchir.* c. 95; & *seqq.* Deus *omnis, quæcunque voluit, fecit*; in tantum enim est omnipotens, in quantum facit omne, quod vult. Non secundum; quia solum peccatum est præter voluntatem Dei positum; licet non sit præter voluntatem permissum; bonum autem positum, sicut est incarnatio Verbi Diuini, quæ est maximum bonum, est effectus voluntatis Diuinæ; aliter voluntas Diuina non esset causa vniuersalissima omnium bonorum. Neque tertium; quia voluntas Diuina est immutabilis, & ideo nequit nolle, quod semel voluit; vt diximus *10. 2. de Vol. Dist. 9. 2. art. 4.*; ergo incarnatio Verbi Diuini posito decreto Diuino voluntatis non potuit non esse.

13 Obijc. 1. cont. 3. part. concl. *P. Athan. lib. de Incarn. Verbi* ait indecorum esse Diuinæ bonitati relinquere creaturam, quam creauerat; & indecentissimum fore, si partes Diaboli præualuissent; & *D. Ambr. apud nostrum Argent.* ait *Tantum fuit nostrum peccatum, vt saluari non possemus, nisi Christus pro nobis moreretur.* Et *D. Anselm. Cur Deus homo* c. 16; & 17. ait supposito peccato non potuisse Deum non incarnari; ergo incarnatio supposito peccato fuit necessaria.

Resp. ad 1; quod relinquere creaturam non esset decens Diuinæ bonitati, esset tamen decentissimum Diuinæ iustitiæ, & hoc fufficit, vt sit dignum Deo. *Ad D. Ambr.* ait *Arg.* loqui ex parte nostra, non ex parte Diuinæ potentiae. *Ad D. Anselm.* dicitur, quod expresse loquitur supposito decreto redimendi hominem.

14 Obijc. 2. cont. 3. part. concl. Supposito decreto redimendi hominem incarnatio Verbi est necessaria; dicitur enim *10. 3. Oportet exaltari Filium hominis; Luc. 24. Oportet filium hominis tradi; & vlt. Nonne oportuit Christum pati; & Matth. 26. Quia sic oportet fieri.*

Resp. *Fund. Doct.* hæc proponere decretum de incarnatione Verbi, vt claret.

15 Obijc. 3. Deus non potest non eligere medium, quod iudicat conuenientius ad consecutionem finis; sed incarnatio magis congruit ad liberandum hominem, quam simplex dimissio peccati, aut quodlibet aliud opus; ergo supposito decreto liberandi hominis necessaria est incarnatio.

Resp. dist. ma. Conuenientius ex parte ordinationis Diuinæ, conc; sed neg. mi; si enim aliter Deus ordinasset, incarnatio non esset medium conueniens ordinationi Diuinæ; ex parte rei ordinatæ, neg. *Vid. 10. 2. q. 3. vbi.*

Q V Æ S T. III.

De motiuo Incarnationis.



HACTENVS de possibilitate, & congruentia incarnationis, quæ remotè se habent, sermo fuit; nunc ad causas proximas, quæ sub *motui* nomine comprehenduntur, quia de ratione causæ est mouere effectum de non esse ad esse, iuxta vulgatarum docendi, discendique regulam, quæ dicat à communioribus incipiendum esse, est disputandum.

A R T. I.

*An motiuum primarium incarnationis fuerit
Ada peccatum ita, vt Adam non peccauit
Verbum Diuinum incarnatum
non fuisset?*

QUÆRITUR, an ex vi præsentis decreti, quo Deus de facto decreuit Verbum Diuinum assumere naturam humanam, vt eam à peccato redimeret, illam adhuc assumpsisset; etiam si Adam non peccasset; nam vtum hoc fieri potuisset ex vi alterius decreti, quo Deus voluisset hominem fieri præcisè ex motiuo exaltandi naturam humanam, est indubium apud omnes. Idem est ergo, ac quærere, an motiuum primarium, proximum, & adæquatum præsentis decreti sit redemptio à peccato; seu an Christus primò prædestinatus sit, vt Redemptor &c.

2 Prima sententia vult Adamo non peccante adhuc Verbum Diuinum incarnandum fuisse. Ita Albert. Magn. in 3. dist. 20. art. 4; Alen. 3. p. q. 1. memb. 13; Scot. in 3. dist. 7. q. 3; & dist. 19. q. 1. quem sequuntur Scotista Mair; Tatarici; Licheti; Faber; Rada; Vulp; Ponet; Aretin; Mastr; hic dist. 4. q. 1; apud quem alij. Sua autem, Huris; Gran; & Auerfa asserunt Verbum incarnadum fuisse non quidem ex vi præsentis decreti, sed alterius, quod positum fuisset in data hypothesi.

3 Nostra sententia docet incarnadum non fuisse. Ita Fund. Doct. hic dist. 1. p. 1. q. 1. art. 5. asserens: Non creditur Christus incarnatus, si Adam non peccasset; & in 2. dist. 36. q. 2. art. 2. in princ. corp.; & dist. 21. q. 1. art. 1. dub. 2. lat. in fines Argenti. hic dist. 1. q. 1. art. 4; Franc. à Christo; Gibb; & communiter omnes nostri. Eandem sententiam docet Schola Thomistica cum D. Tho; quem sequuntur Mol; Val; Vals; Becc; Luz; Ami; Arriag; Tanner; & omnes alij communissimè.

4 Supp. hoc esse discrimen inter occasionem, & causam, quòd occasio non influit, causa verò influit in effectum; ait enim Apost. Rom. 7. Peccatum occasione accepta per mandatum seduxit me; non quòd mandatum, seu lex insuat, & cau-
set peccatum; aliter Deus, qui est causa legis, esset causa peccati; sed quia nisi esset lex, non esset peccatum, vt sup. dixerat idem Apost. cum

peccatum non sit, nisi *dissonantia à lege*. Quando igitur SS. PP; & DD. asserunt, quòd Ada peccatum fuit causa incarnationis; non sunt interpretandi, quòd peccatum sit causa positiuè influens in incarnationem, quia peccatum est non ens, & non ens nequit positiuè influere in effectum; sed quòd peccatum fuit occasio, ob quam Deus respiciens ad suam summam bonitatem incarnationem decreuit; occasio enim dicitur causa latè sumpta; quatenus sicuti sine causa effectus esse non potest; ita sine occasione occasionatum non poneretur. Vnde tota ratio formalis motiua, qua Deus incarnationem decreuit, est Diuina bonitas, licet occasio illam decernendi fuerit Ada peccatum; quapropter incarnatio respectu peccati dicitur *bonum occasionatum*; respectu autem Diuinæ bonitatis dicitur *bonum liberè, & positiuè velitum*. Diuina igitur bonitas supposita occasione peccati est ratio formalis primaria, & adæquata, seu est *finis causa* mouens ad hypostaticè vniendam naturam humanam cum natura Diuina.

5 Quoniam autem semper idem est finis causa, & finis terminus; vt eadem sanitas, quæ in intentione est causa mouens ad fumendam medicinam, est etiam finis terminus, ad quem terminatur sumptio medicinæ; quapropter dicitur: *Quod est primum in intentione, est vltimum in executione*; quia eadem res intenta mouet, & obtenta terminat; ideo eadem Diuina bonitas, quæ est ratio formalis motiua primaria, & adæquata mouens ad summè se communicandum naturæ humanæ per vniorem hypostaticam, est etiam finis terminus primariò, adæquatè terminans talem communicationem, & vniorem. Sicut enim nequit Deus moueri à bonitate existente in creaturis; sic nanque creatura ageret in Deum, quia in illo motum causaret; & esset Deo ratio agendi, & sic Deus secundum se non esset omnipotens; ita terminus formalis motionis finalis Dei nequit esse bonitas creata, sed debet esse bonitas Diuina.

6 Præterea quia omnia alia præter rationem formalem motiuam, & rationem formalem terminatiuam habent rationem mediæ, mediât enim inter rationem motiuam, & terminatiuam; ideo Christus Dominus secundum naturam humanam, quæ procul dubio distinguitur à naturâ seu boni itate Diuina, est medium; nam 1. ad Tim. 2. dicitur

dicitur *mediator Dei, & hominum*. Sic redemptio, quatenus dicit actionem satisfactoriam pro peccato, est medium; quatenus verò dicit naturam, seu personalitatem Diuinam dignificantem talem actionem, est finis. Ita glorificatio, & salus hominum, prout importat actionem creatam, qua homo formaliter acquirit gloriam, & salutem æternam, est medium; prout autem importat naturam Diuinam, quæ est gloria, & salus obiectiua hominis (in ipsa enim, tantummodò glorificatur, & salute, ac vita immortaliter fruitur) est finis; & sic dicendum de reliquis.

7 Certum insuper est, quòd quoties plura media reperiuntur ordinata ad aliquè finem, tunc illa media ita se habent, vt vnum sit causa alterius; v.g. cum quis eligit medicinam ad acquirendam sanitatem, vt possit sapientiam acquirere; medicina, quæ est medium ad sanitatem, causat sanitatem, quæ est medium ad acquirendam sapientiam; ordine autem intentionis è conuersò se habent; nam sanitas est ratio, & causa electionis medicinæ. Sic incarnatio, quæ est medium ad participandam vitam æternam obiectiuam hominibus, est causa Diuinorum auxiliorum, quibus homines liberantur à peccato, & possunt acquirere vitam æternam; ex quo sequitur Christum Dominum secundum naturam humanam, secundum quam tantum est prædestinatus, fuisse causam nostræ prædestinationis formalis.

8 Verum hoc est obseruandum in finibus intermedijs, quòd ille, qui est prior, & perfectior cæteris, semper est causa cæterorum ordine intentionis; vnde cum Christus Dominus sit primus prædestinatorum, ideo est causa finalis prædestinationis aliorum hominum; vt diximus 10.2. de præd. SS. q. 3. art. 3. n. 16; atque adeo omnes prædestinati ordinantur in Christi gloriam, tanquam in finem omnium prædestinatorum.

9 Hæc omnia tamen supponunt *Adæ* peccatum, tanquam occasionem, ob quam posita, & sine qua posita non fuissent; non verò tanquam rationem formalem motiuam; sicut enim febris est occasio, ob quam medicina ordinatur, & sine qua medicina non ordinaretur iuxta illud *Luc. 5. Non egens, qui sani sunt, medico, sed qui male habent*; sed ipsa sanitas acquirenda est ratio formalis ad ordinandam medicinam; cæteræ verò ægroti operationes; quibus ad sanitatē disponitur, & ordinatur ægrotus, ordinantur in excellentiam medicinæ, tanquam in causam earum; ita peccatum, quod est naturæ humanæ lethalis infirmitas, fuit occasio, ob quam ordinatus est Christus ad illud delendum, & ad sanandam naturam; & sine qua ordinatus non esset; ipsa verò salus, & vita æterna, quæ Deus est, est ratio formalis motiua ordinandi Christum in sanitatem naturæ vniendæ in ipso Christo hypostaticè naturæ Diuinæ, in qua solum consistit salus, &

vita æterna; in alijs verò hominibus eidem naturæ Diuinæ in esse intellectuali coniungendæ; cæteræ verò operationes hominum saluandorum ordinantur in laudem, & gloriam Christi, tanquam in causam finalem, & meritoriam earum; vt diximus 10.2. ubi. Hæc declaranda fuerunt ad soluendas ambages, quibus nostra sententia oppugnari solet.

10 Vnica concl. Si *Adam* non peccasset, Filius Dei ex vi præsentis decreti incarnatus non esset.

Prob. 1. ex *Matth. 1. Et vocabis nomen eius Iesum*; ipse enim saluum faciet populum suum à peccatis eorum; super quod *S. P. Aug. serm. 8. de Verbis Apost. ait: Alia causa non fuit, quare veniret in Mundum; non enim de Cælo ad terram merita nostra bona, sed peccata duxerunt. Hæc est causa, cur veniret peccatores saluos facere: Et vocabis, inquit, nomen eius Iesum. Quare vocabis nomen eius Iesum? Ipse enim saluum faciet populum suum à peccatis eorum*. Ex quo sic. Ablata causa, ob quam de facto facta est incarnatio, Filius Dei ex vi præsentis decreti non fuisset incarnatus; sed si *Adam* non peccasset, ablata fuisset causa, ob quam de facto facta est incarnatio; ergo si *Adam* non peccasset, Filius Dei ex vi præsentis decreti non fuisset incarnatus. Ma. constat; quia ablata causa remouetur effectus; quod etiam intelligendum est de causa latè sumpta, vt est occasio; nam ablata occasione vt *sup.* dictum est, tollitur occasionatum; vt *sup.* dictum est; & *Aduersarij* adducunt causam exaltationis naturæ humanæ, glorificationis Filij Dei &c, ne cogantur admittere incarnationem de facto esse sine causa rationabili illam ponendi; aliter omnino fortuito, & irrationabiliter contigisset.

11 Prob. m. 1. Nulla alia de facto fuit causa incarnationis, quam illa, quæ assignata est ab Angelo, qui incarnationem nunciavit; aliter causam adæquatè non explicasset, & sic in magisterio defecisset, voluit enim incarnationis causam nos edocere; nec homo debet plus præsumere in cognoscendo, quam dixerit Angelus, qui hominem intelligentem adeò præcelsit, & à Deo fuit hoc mysterium plenissimè edoctus; sed Angelus ait causam incarnationis tantum esse, vt saluet à peccatis; & hoc voluit exprimi per nomen imponendum Verbo incarnato; præcepit enim, vt vocaretur *Iesus*, qui sonat idem, ac *Saluator*; ergo causa incarnationis fuit tantum saluare à peccatis; at si *Adam* non peccasset, non fuisset peccatum, quo infecta est natura, quæ solum in *Adam* infici potuit, tanquam in capite totius naturæ; ergo non fuisset saluare à peccatis; & sic non fuisset causa incarnationis, quæ de facto fuit.

12 Conf. *S. P. Aug.* docet aliam causam non fuisse præter illam, quæ adducta est ab Angelo; ait enim: *Alia causa non fuit*; sed sentiens adhuc Verbum incarnandum, si non fuisset *Adæ* pecca-

peccatum, sentit alias esse causas, ob quas fuit incarnatum; ergo sentit *contra S. P. Aug.* Sed non licet Theologum in rebus fideli, & maxime in hoc mysterio arcanissimo sentire contra doctrinam SS. PP.; vt præcipit *Conc. Vien.* quia SS. PP. sunt DD.; & *Duces Theologorum*; ergo sententia contraria, vt potè aduersans doctrinæ SS. PP.; & à S. *Patre* prolata; non est substinenda.

13 Prob. 2. eadem mi. *Luc. 5. Non egent, qui sani sunt, medico. Non veni vocare iustos, sed peccatores; & Matth. 9. Non est opus valentibus medicus, sed malè habentibus &c. Non enim veni vocare iustos, sed peccatores.* Ex quo sic. Nullam aliam causam incarnationis assignat Christus Dominus, quam sanare peccatores; imò explicitè negat se venisse, vt saluet iustos: *Non enim veni vocare iustos*; quibus verbis negat omnè aliud motiuum veniendi præter motiuum saluandi à peccatis; ergo si *Adam* non peccasset, nulla fuisset causa, ob quam de facto fuit facta incarnatio; & ideo nullum est aliud motiuum, quod assignant *Aduersarij*; vt potè verbis Christi Domini directè oppositum.

14 Conf. Non potest negari salua fide Christum venisse, vt saluet peccatores; ergo non potest affirmari ipsum venisse, vt saluet iustos; Christus enim nedum affirmavit se venisse, vt saluet peccatores, sed etiam negavit se venisse, vt saluet iustos; & ideo sicuti non possumus negare, quod ipse affirmavit; ita non possumus affirmare, quod ipse negavit; sed asserere, quod venisset, etiam si non esset peccatum, est affirmare, quod ipse venit etiam ad saluandos iustos; ablato nanque peccato, homines essent iusti, quia conditi fuerunt cum iustitia originali; in tantum enim venit ad saluandos peccatores, in quantum habuit motiuum veniendi; & ideo si habuisset etiam motiuum saluandi iustos, venisset etiam ad saluandos iustos; ergo est affirmare, quod ipse negavit.

15 Prob. 3. eadem mi. *Luc. 19. Venit enim Filius hominis querere, & saluum facere, quod perierat*; super quod *S. P. Aug. serm. 8. de Verbis Apost.* ait: *Si homo non perijisset, Filius hominis non venisset.* Quò nihil clarius. Arguitur autem. Solum peccatum sanandum fuit causa incarnationis; hanc enim solam allegat *Textus* prædictus; sed si *Adam* non peccasset, ablatum fuisset peccatum sanandum; ergo si *Adam* non peccasset, ablata fuisset causa incarnationis.

16 Prob. 4. 1. ad *Tim. 1. Christus Iesus venit in hunc Mundum peccatores saluos facere*; super quod *S. P. Aug. serm. 9. de Verbis Apost.* inquit; *Nulla causa fuit veniendi Christo Domino, nisi peccatores saluos facere. Tolle morbos, tolle vulnera, & nulla causa est medicine; & serm. 10. seq. Christus Iesus venit in Mundum, nullam aliam ob causam, nisi peccatores saluos facere.* Ex quo sic. Ablata damnatione ablata esset causa incarnationis; quia causa incarnationis fuit, vt saluet

genus humanum; saluatio autem damnationem supponit, quæ incurritur per peccatum; sed ablato peccato aufertur damnatio; ergo aufertur causa incarnationis.

17 Respondent *Aduersarij cum S. P. 1. Deum* habuisse duplex decretum incarnationis; primum ex complacentia ipsius mysterij ante præuisionem peccati; secundum ex affectu nostræ salutis post præuisionem peccati; atque adeo cessante posteriori motiuo, adhuc ex priori Verbum fore incarnandum; sicut cum medicus decernit venire *Romam* ex motiuo videndi loca sacra, audiens postea infirmitatem amici decernit venire ad illum sanandum; in hoc enim casu etiam si non fuisset hoc secundum motiuum, adhuc ex vi prioris venisset. 2. *Scripturam, & SS. PP.* loqui de incarnatione ordine executionis, sic enim dependet à peccato; non autem ordine intentionis, sic nanque nequit dependere à peccato; quia ordine intentionis respicit solum finem, qui est Christus, amatum à Deo præcisè. 3. *Cum Scot. Scripturam, & SS. PP.* assignare causam incarnationis tantum quoad modum, nempe in carne passibili, non autem quoad substantiam in carne impassibili.

Sed cont. 1. est. 1. *Scriptura* asserunt Christum venisse propter salutem peccatorum, non autem propter iustos; ergo si non fuisset peccatum, non venisset; aliter venisset propter iustos glorificandos, esset enim caput iustorum; & sic non venisset propter iustos, & venisset, quod est contradictorium. 2. *SS. PP.* docent, quod si non fuisset peccatum, nulla prorsus fuisset causa veniendi; sed decretum Dei est causa incarnationis; ergo docent, quod si non fuisset peccatum, nullum esset decretum veniendi; & sic asserere ante præuisionem peccati Deum habuisse decretum incarnationis est *contra SS. PP.* 3. Decretum prius non habetur in *Scriptura*; vt *inf.* patebit in explicatione *Textuum*, qui ab *Aduersarijs* solent adduci; ergo est merè imaginarium. Ad 2. dicitur, quòd *Scriptura, & SS. PP.* loquuntur de causa decernendi incarnationem; sed causa decernendi pertinet ad intentionem; sicut sanitas apprehensa, prout est causa mouens intentionem, pertinet ad ordinem intentionis; ergo non loquuntur ordine executionis. 2. Sequeretur, quod pro illo tunc, quo Deus intendit incarnationem, non intendisset mittere Christum vt Redemptorem peccati; sed conf. est falsum; habetur enim *Io. 3. Misit Deus Filium suum in Mundum, non vt iudicet Mundum, sed vt saluetur Mundus per ipsum*; & ad *Gal. 4. Misit Deus &c. vt eos, qui sub lege erant, redimeret.* 3. Sequeretur, quod Verbum venisset præter intentionem Dei decernentis, quod est absurdum. 4. Ratio Redemptoris non est medium ad incarnationem, quia medium in executione debet finem præcedere, at Filius Dei non fuit prius Redemptor, quam fuit incarnatus; ergo quando *Scripturas*

paura, & SS. PP. docent redemptionem à peccato fuisse causam incarnationis, non loquuntur ordine executionis; nam ordine executionis sola media sunt causa finis. Ad 3. dicitur, quòd substantia incarnationis est, quòd Filius Dei factus est homo præscindendo ab eo, quòd sit factus in carne passibili, vel impassibili; sed *Scriptura*, & SS. PP. asserunt, quòd factus est homo; ergo loquuntur de incarnatione quoad substantiam. 2. Sequeretur dari duplex decretum, vnum de substantia incarnationis præcisè, alterum de modo, vel de substantia simul cum modo; & sic rejicitur, sicut reiectum est primum. 3. Vel illud decretum quoad solam substantiam incarnationis fuit efficax, vel inefficax? Non primum; quia sola substantia incarnationis de facto non fuisset posita à parte rei, vt constat ex auctoritatibus allatis asserentibus, quòd si peccatum non fuisset, Verbum non fuisset incarnatum; quod est intelligendum absolute; & simpliciter, non autem tantum secundum modum; aliter sic possent distorqueri omnes *Scripturae*; tum quia particula negatiua absolute tollit omne aliud motiuium, quod si adesset, absolute, & simpliciter non posset negari Verbum venturum *Adamo* non peccante. Si secundum; ergo ex vi talis decreti non venisset; aliter tale decretum esset efficax, & inefficax.

18 Tum quia ex excellentia alicuius operis perfectissimi ad extra non valet argueri, quòd Deus de illo sibi efficaciter complacat, & ideo, quòd decreuit illud creare, aliter ex hoc argueretur Deum creasse Angelum perfectissimum, quo perfectiorem nequit creare; & ratio est; quia quantuncunq; perfectum sit opus, attamen liber est Deus ad illud producendum, & non producendum; quæ autem sunt libera, nequeunt nobis innoscere, nisi ex reuelatione; ergo ex excellentia Christi Domini non valet arguere Deum sibi efficaciter de illa complacuisse, & per consequens illam decreuisse. Hæc est vna ratio *Aduersariorum* in eodem re-torta, & eodem modo aliæ rejici possunt, vt *inf.*

19 Præterea incarnatio, vt primò decreta, est opus misericordie; habetur enim ad *Ti. 3. Qui secundum suam misericordiam saluos nos fecit*; aliter non esset opus misericordie simpliciter, & secundum quancunque rationem; quia etiam alio titulo esset decreta; sed misericordia supponit miseriam, à qua liberat; miseria autem, à qua liberat incarnatio, est peccatum; ergo incarnatio supponit peccatum; & ideo non existente peccato non esset incarnatio.

20 Item incarnatio, vt primò decreta, ita fuit ordinata, vt caro sumeretur ex Virgine Maria descendente ex semine *Abrahe*; cui dixit Dominus *Gen. 22. Et benedicentur in semine tuo omnes gentes*; idèst in Christo, vt glosat *S. P. Aug. lib. 12. cont. Faust. c. 6; & 41*; sed semen *Abrahe* nit infectum *Adæ* peccato; propter quod *Gen. 17.*

præcepta est ei circumcisio, vt ab ea mundaretur; ergo incarnatio, vt primò decreta, præsupposuit peccatum, & ideo fuit in remedio illius. Prob. ma. Caro Christi, vt primò decreta, ita debuit decerni, sicut debuit cognosci; decretum enim est actus voluntatis sequens cognitionem, quæ est actus intellectus; sed debuit cognosci, vt sumenda ex Virgine Maria; quia sic debuit cognosci, sicut debuit esse, aliter falleretur cognitio; ergo caro Christi sic primò debuit decerni, vt sumeretur ex Virgine Maria.

21 Conf. Quauis cognitio Dei possit præscindere ex parte obiecti secundum diuersos status, qui competunt obiecto; vt scientia possibilem præscindit à cognitione futurorum; attamen nequit præscindere ab ijs, quæ competunt rei in eodem statu; vt nequit cognoscere rationalitatem hominis, vt possibilem, non cognita animalitate, quæ pariter competit homini in statu possibilitatis; hæc enim cognitio est inadæquata, & imperfecta, quia ipsam latet aliquod, quod est cognoscibile; & sic non est comprehensua, vt debet esse omnis cognitio Dei; at verò cognitio possibilem præscindit à cognitione futurorum, quia futura in statu possibilitatis non sunt futura; ideo nihil, quod est cognoscibile, latet Dei cognitionem; sed caro Christi, vt primò decreta, verè erat sumenda ex Virgine, quia per primū decretum caro, quam debebat Christus assumere, transijt à statu possibilitatis ad statum futuritionis; sicut per primum decretum de creando *Adamo* caro *Adæ* transijt de possibilitate ad futuritionem, aliter vel fuisset alia caro, quod implicat, quia esset futurum, quod nunquam esset existens; vel fuisset caro præscindens ab hac, vel illa carne; & sic pariter esset futurum, quod nunquam posset esse à parte rei; quia caro existens à parte rei est indiuidua; quod est contra rationem futuri, quod definitur *id., quod aliquando erit existens in aliqua temporis differentia*; ergo caro Christi, vt primò decreta, debuit cognosci à Deo, vt sumenda ex Virgine Maria; & ideo vt traducta ex *Abrahe* semine *Adæ* peccati macula infecto; & per consequens supponit cognitionem peccati.

22 Eueritur alia ratio. Excellentia mysterij, quo Spiritus Sanctus, vel Pater potuisset assumere naturam Angelicam, vt diximus *q. 1. ar. 3*; est summè amabilis, & diligibilis, eligibilis, æquè summa, ac excellentia mysterij incarnationis; summitas enim desumitur à natura Diuina, cui vnitur natura creata; vnde si Pater, vel Spiritus Sanctus assumeret naturam Angelicam, vel aliam naturam humanam, quod potuisset fieri non negant *Aduersary*; ista omnia mysteria essent æquè excelsa, summè diligibilia, & amabilia; & tamen ex hoc non deducitur, quòd Deus decreuerit Patrem, aut Spiritum Sanctum assumere naturam Angelicam, aut aliam naturam humanam; ergo à pari summa excellentia mysterij incar-

incarnationis, summa diligibilitas, & amabilitas ipsius Christi, non est ratio inferens Deum, decreuisse ipsam incarnationem; & ideo remanet, quòd sola redemptio à peccato fuerit vnica ratio, ob quam Deus illam decreuit, vt habetur in *Scripturis*, & SS. PP. Atqui non existente peccato non esset redemptio à peccato; ergo non esset motiuum decreti incarnationis assignatum in *Scripturis*, & sic non esset incarnatio.

23 Tandem sententia contraria coincidit in sententiam *Raimundi Lullii*, qui vt diximus in *sup. q. art. 53*; dixit, quòd supposita creatione Mundi necessaria fuit incarnatio; supposita nanque creatione hominum, & Angelorum, necesse fuit constituere Christum Caput ipsum, vt ait *Maistr.* sed illa ab omnibus rejicitur; ergo & ista eodem modo rejici debet.

24 Obijc. 1. *Maistr. art. 1. nu. 4.* Christus prædestinatus fuit ante præuisionem peccati *Adæ*; ergo adhuc *Adamo* non peccante Christus venisset, aliter eius prædestinatio frustrata fuisset. Prob. ant. ex *Scripturis* asserentibus Christum esse primum prædestinatum; vt *Prou. 8. Dominus possedit me in initio viarum suarum*; quem locum plures SS. PP. exponunt de *Sapientia incarnata*; & *Ephes. 1. Elegit nos in ipso ante Mundi constitutionem*; & ad *Rom. 8. Quos præsciuit, & prædestinauit conformes fieri imagini Filij sui*, vt sit ipse primogenitus in multis fratribus; ad *Colos. 1. Primogenitus omnis creature*, quoniam in ipso condita sunt vniuersa omnia per ipsum, & in ipso creata sunt, & ipse est ante omnes; & 1. *Cor. 3. Omnia uestra sunt, vos autem Christi, Christus verò Dei*; ergo si Christus prædestinatus est caput omnium prædestinatorum, prædestinatus est ante præuisionem peccati *Adæ*; hæc enim omnia loca *Apostoli Conc. Ephes. c. 4. in ep. Cyrilli* intelligit de Christo, vt homine, quem dicit *Apost.* Caput prædestinatorum non solum ordine dignitatis, sed etiam causalitatis, & ipsum præcedere nedum creaturas productas, sed etiam productiones earum; imò deducit omnes prædestinatos esse ad exemplar Christi; quia omnia in ipso, & per ipsum condita sunt. 2. Si incarnatio esset propter remedium peccati, remedium peccati esset finis incarnationis, & incarnatio esset medium; sed finis in intentione est prior medijs; ergo prius esset volitum remedium, & per consequens hominum salus, quàm ipsa incarnatio; & sic prius homines essent prædestinati, quàm Christus.

Resp. ad 1. neg. conf; nam Christus Dominus fuit primus prædestinatus post præuisionem peccati, ante quam nullus fuit prædestinatus. Ad prob. dicitur illos textus verificari de Christo secundum humanitatem in ordine gratiæ electiue ad gloriam, non autem in ordine naturæ; aliter sic primus in ordine prædestinatorum; & Cap. in ordine gratiæ; ita esset

Mag. Frideric. Nic. Ganardi Tom. 5.

primus, & caput naturale omnium, quod nullus diceret; quia ab ipso descenderent omnes, sicut descendunt ab *Adam*. Est ergo primogenitus ad gratiam electionis ad gloriam; & licet *Adam* ante lapsum habuerit gratiam, per illam tamen non fuit prædestinatus, vt *inf.* Sic est initium viarum Domini in ordine gratiæ electiue, est exemplar prædestinatorum; est primogenitus ad gratiam, & cætera huiusmodi. Cum autem dicitur, quòd in ipso condita sunt omnia; si placeat explicari in ordine naturali, non incongruit; sed tunc est intelligendum de Christo secundum naturam Diuinam, non humanam; quia cum in eadem persona sit hæc duplex natura, ideo per communicationem idiomatum dicitur, quod conuenit vtrique naturæ. Claret enim, quòd illud. In ipso sunt omnia; & per ipsum creata sunt omnia; nequit intelligi secundum naturam humanam; non enim omnes naturæ humane, & omnes aliæ res naturales sunt in humanitate Christi Domini, sed in natura Diuina; nec natura humana Christi, vt arguit *S. P. Aug. tract. 1. in Io. contr. Arrianos*; fuit principium, per quod creata sunt omnia; quia non est principium, per quod creata est ipsa, cum etiam ipsa sit creata, vt *inf.* ergo hoc est intelligendum de natura Diuina, si velimus loqui in ordine naturali. Itaque sic humana, & Diuina prædicantur de eadem persona Christi, vt *unicique substantiæ* (inquit *S. P. Aug. serm. 58. de Verbis Domini*) propria vtrique aptanda sunt; quod quia non obseruant *Aduersarij*, confusionem pariant, necesse est. Christus igitur, vt homo, est caput prædestinatorum nedum ordine dignitatis, sed etiam causalitatis in ordine gratiæ electiue, non autem in ordine naturæ; vt Deus verò, præcedit creaturas productas, & productiones earum, quia est principium, per quod facta sunt omnia; hoc autem nequit intelligi de Christo, vt est homo; quia cum, vt homo, etiam ipse sit factus iuxta *Apost. ad Gal. 4. Factum ex muliere*; nequit esse principium, per quod factus est ipse; implicat enim, quòd idem sit principium effectiuium (de quo est sermo) & effectus. Quòd si, vt homo, non est principium, per quod ipse factus est homo; iam vt homo, non est principium, per quod facta sunt omnia, quæ facta sunt; ergo necessariò hoc est intelligendum de Christo, vt est Deus. Falsum præterea est *Apostolum* deducere omnes prædestinatos esse ad exemplar Christi; quia omnia in ipso, & per ipsum condita sunt; nam Christum esse exemplar prædestinatorum ascribit in *ep. ad Rom.*; & omnia esse in ipso in *ep. ad Colos.*; & quis vnquam diceret deductionem intendi ab *Apostolo* locis tam disparatis? Ex quo apparet vt trahi *Scripturas*, quia nullibi aperte fuent. Ad 2. neg. *supp.* ma; nam incarnatio, & remedium peccati non sunt duæ res, sed ipsa incarnatio est remedium, & volita, vt remedium naturæ sanandæ.

25 Inft. Ergo faltem falus hominis, ad quam ordinatur incarnatio, vt remedium, eſſet finis incarnationis; & ſic Chriſtus non eſſet primus prædeſtinatus, ſed vltimus; quia finis prius eſt volitus, quàm media.

Reſp. diſt. conf. Salus hominis obiectiua, quæ eſt Diuina bonitas, conc; formalis, neg; Deus enim poſt præuiſionem peccati prædeſtinauit Chriſtum per vnionem hypoſtaticam, vt Caput prædeſtinatorum; & conſequenter in ipſo prædeſtinauit homines, qui ſunt membra eius in ædificationem corporis myſtici ipſius; ſicut intendens ſanitatē conſequenter intendit omnia illa, quæ ad eam ſequuntur, vt eſt motus pulſus, color faciei &c; ſed ſecundariò, non primariò.

26 Obijc. 2. *idem* n. 8. De Adamo negari equit, quòd prædeſtinatus fuerit ante præuiſionē peccati; ergo à fortiore aſſerendum de Chriſto; aliter Adam, non Chriſtus, eſſet primus prædeſtinatus. 2. In hac ſententia rectē ſaluatur Chriſtum eſſe initium totius creaturæ, & cauſam meritoriam totius gratiæ, & gloriæ colatæ Angelis, & hominibus nedum in ſtatu culpæ, ſed etiam in ſtatu innocentie. 3. Incarnatio non eſt volita occaſione peccati, ſed per ſe ipſam, quia ſecundum ſe eſt bonum excellentiſſimum, ſummè amabile; ergo *idem*.

Reſp. ad 1. negari potiùs non poſſe Adamum prædeſtinatum fuiſſe poſt præuiſionem peccati; vt diximus 10. 2. de præd. SS. q. 3. art. 5. ex Apoſt. Rom. 9. docente ex eadem maſſa Deum, feciſſe vaſa alia in honorem, alia in contumeliā; quod de prædeſtinatione, & reprobatione intelligi communiter docent SS. PP; & DD; certum eſt autem reprobationem poſitiuam ad pœnam, de qua loquitur Apoſt., fuiſſe poſt culpæ præuiſionem; ergo eadem certitudine dicendum eſt prædeſtinationem Adæ fuiſſe poſt culpæ præuiſionem. Ad 2. dicitur Chriſtum, vt homo eſt, eſſe initium viarum Domini in ordine ſupernaturali electionis ad vitam æternam, & ſic eſſe cauſam meritoriam gratiæ, & gloriæ in ſtatu culpæ, non autem in ſtatu innocentie; vt diximus 10. 2. ubiſq. q. 4. art. 3. n. 16. Dicitur autem Chriſtus Dominus Caput hominum, & Angelorū, quia merito gratiam hominibus reparauit Angelorum ruinas, vt diximus 10. 3. de Ang. q. 10. art. 6. n. 12; ait enim Apoſt. Eph. 1. Inſtituari emmiā in Chriſto, quæ in Cælis ſunt, & quæ in terris; quod ſic explicat S. P. Aug. in Enchir. c. 61. Non enim pro Angelis mortuus eſt Chriſtus; ſed ideo etiam pro Angelis ſit, quidquid hominum per eius mortem redimitur, & liberatur à malo: quoniam cum eis quodammodo redit in gratiam poſt inimicitias, quas inter homines, & Sanctos Angelos peccata fecerunt; & ex ipſa hominum redemptione ruina illius Angelicæ detrimenta reparantur. Sed de hoc inf. q. 7. art. 3. §. 2. Ad 3. neg. anti; quanuis enim peccatum non ſit ratio finalis motiua, eſt

tamen occaſio; ſicut quanuis febris non ſit ratio motiua ad volendam medicinam, eſt tamen occaſio, ſine qua medicina non ſumeretur.

27 Obijc. 3. *idem* n. 11. Ordinatè volens priùs vult finem, deinde medium magis conduens ad finem; ſed finis incarnationis eſt gloria Dei, & medium magis conduens eſt Chriſtus; ergo Deus, qui ordinatiſſimè vult, priùs vult gloriam, & deinde Chriſtum; ac propterea Chriſtus eſt primogenitus omnis creaturæ; quia eſt volitus ante omnem creaturam, & ideo ante omne peccatum præuiſum.

Reſp. hoc arg; quod variè ſoluitur à Theologis, magnam pati equiuocationem, certum enim eſt, quòd media conducentia ad gloriam ſunt ordinis ſupernaturalis, non verò ordinis naturæ; & ſic verum eſt, quòd Deus vult priùs prædeſtinatum Chriſtum Dominum, quàm velit prædeſtinatos alios homines; non tamen ex hoc inferitur Deum priùs voluiſſe Chriſtum in ordine naturæ, quàm alios homines. Diſt. igitur conf. Priùs vult gloriam, & deinde Chriſtum deſtinatum ad gloriam, conc; & deinde Chriſtum, quàm cæteros homines eſſe in rerum naturæ, neg; non enim alij homines eo ipſo fuerunt deſtinati ad gloriam, quo fuerunt intenti, vt eſſent in rerum natura; ſicut Chriſtus, qui dicit vnionem naturæ humanæ cum natura Diuina, fuit deſtinatus ad gloriam in eo ſigno, in quo fuit intentus, vt eſſet in rerum natura.

28 Obijc. 4. *idem* art. 2. n. 28. Chriſtus non fuit primò prædeſtinatus, vt Redemptor; ergo Adam non peccante adhuc veniſſet. Prob. ant. In hoc diſſert incarnatio à paſſione Chriſti; quòd incarnatio eſt propter ſe amabilis, tanquam finis aliorum operum Dei; paſſio vero non eſt amabilis propter ſe, ſed in remedium peccati, & vt medicina; ſed Chriſtus fuit prædeſtinatus in eo ſigno, in quo fuit decreta incarnatio; ergo in illo ſigno non fuit prædeſtinatus, vt Redemptor. 2. Primarium motiuum incarnationis quoad ſubſtantiam fuit excellentia huius myſterij, vt nempe exaltaretur natura humana, manifeſtaretur ſumma Dei bonitas, & alia attributa; nam 10. 7. ait Chriſtus ad Patrem: Ego te clarificauit, opus conſommaui, quod dedi tibi mihi, vt faciam. Manifeſtaui nomen tuum hominibus, quos dediſti mihi de Mundo; ex quo inferitur Chriſtum principaliter veniſſe ad manifeſtanda Diuina attributa. Et 1. Cor. 4. Vos eſtiſti in Chriſto Ieſu, qui factus eſt nobis Sapientia à Deo, & in ſciētia, & ſanctificatio, & redemptio; manifeſtatio quidem horum attributorum, vt cauſa principalis, & primaria; redemptio verò, vt cauſa concomitans, & ſecundaria; ſic in canticò Zach. Quia viſitauit, & fecit redemptionem plebis ſuæ; ergo adhuc viſitaſſet; ſi non fuiſſet redemptio; & in Symb. Qui propter nos homines, & propter noſtram ſaluētem; ergo quanuis non veniſſet propter noſtram

nostram salutem, adhuc venisset *propter nos homines*; & ideo non fuit primò prædestinatus, vt Redemptor.

Resp. ad 1. neg. ant. Ad prob. dicitur, quòd incarnatio, & passio differunt in ratione principij, & termini Redemptionis; passio enim fuit terminus redemptionis, sicut incarnatio fuit principium; ideo sicut passio fuit ordinata ad redemptionem; ita incarnatio, quæ fuit ordinata ad passionem, fuit ordinata ad redemptionem; atque adeo Christus fuit prædestinatus, vt Redemptor; & hoc probant aperte *Scriptura* allatæ pro nostra sent: & magis patebit ex dicendis inf. Ad 2. neg. ant; primum enim motiuum fuit gloria Dei ad extra communicanda, vt *sup.* diximus; hoc tamen motiuum præsupposuit occasionem peccati, vt dictum est; sine qua decreta non fuisset incarnatio ex vi præsentis voluntatis, quam Deus se habuisse manifestauit in *Scripturis*; deinde fuit decretum de Filio mittendo, quem voluit venire in redemptionem hominum à peccato; quæ fuit causa, & occasio veniendi; & sine qua non venisset; ideo licet cum redemptione coniungatur exaltatio naturæ humanæ, glorificatio; attamen hæc non fuerunt motiua, sed sola redemptio; & clarè colligitur ex *Scripturis* pro vtraque parte adductis: nam cum agitur de redemptione à peccatis, dicitur: *Venit saluam facere &c.* cum autem agitur de exaltatione naturæ, glorificatione, clarificatione &c.; non dicitur: *Venit ad exaltandam, glorificandam &c.*; verbum autem *venit* significat incarnationem, vt constat; ergo aperte colligitur etiam ex *Scripturis* ab *Auersarijs* adductis solam redemptionem fuisse causam, seu occasionem incarnationis. Ad *canticum* dicitur; quòd *visitauit captiuos, & fecit redemptionem*; non enim eos redemisset, quos captiuos non visitasset. Sic ad *Symb.* dicitur: *Propter nos homines infirmos peccato; & propter nostram salutem* nobis infirmis afferendam (salus enim nisi infirmis potest afferri) descendisse de Cœlis.

29 Objc. 5. *idem art. 3. n. 45.* Ad perfectissimam Dei providentiam spectat, vt Filius Dei naturalis, primus prædestinatus, primogenitus omnis creaturæ non sit volitus dependenter à peccatis aliorum hominum; alioquin esset dilectus propter seruos, & dependenter ab amore seruorum; nec non quòd maximum bonum totius Vniuersi, vt est incarnatio, dependeat à maximo malo, quod est peccatum; ergo est volitus per se ipsum independentem à peccato. 2. Sequeretur incarnationem non esse bonum simpliciter, & absolutè, vel saltem non esse amatum, vt tale, sed tantum veluti bonum occasionatum, vt scilicet tibi, potio amara, & poenitentia, quæ non appetuntur, nisi occasione alicuius mali euitandi. 3. Sequeretur Christum debere hominibus gloriam, & exaltationem, quam ex incarnatione recepit; nam *Ada-*

mo non peccante Christus non recepisset talem gloriam, quod est inconueniens.

Resp. hæc pariter non concludere; aliud est enim dependere ab alio, tanquam à ratione finali motiua; & aliud supponere occasionem, qua non posita non poneretur. Dependentiæ propriè sumitur à causa influente; quia illud propriè dicitur dependere ab alio, quod recipit esse ab illo, vt dicitur in 2. *Physi.* vnde cum peccatum non sit causa efficiens, aut finalis incarnationis, ideo incarnatio non dependet à peccato, nec est volita dependenter à peccato. Nec sequitur Christum diligi propter seruos; quia particula *propter* reduplicat causam finalem; amor autem seruorum nō est causa finalis amoris Christi, sed è contra; ideo Christus non est dilectus propter seruos, sed è conuerso. Non tamen probatur peccatum non fuisse occasionem, qua Deus decreuit incarnationem; occasio enim nec est causa efficiens, nec finalis, vt dictum est. Patet ergo hæc æquiuocare de causa, quæ influit, & propriè est causa; & de occasione, quæ tantum lato modo est causa, quia non influit; vt febris est occasio sumendi medicinam, non tamen est ratio formalis sumendi medicinam, nec est causa mouens ad sumendam medicinam; ratio enim, & causa, mouens est sanitas intenta, quanuis supponat febrem tanquam occasionem; propter quod solum impropiè dicere, quòd sumere medicinam dependeat à febre; quia febris non influit; nec diligi medicinam propter febricitantes, & dependenter ab amore vitæ æternæ, & dependenter ab amore vitæ æternæ, quæ est Deus, participandæ peccatoribus, hæc enim est ratio finalis obiectiua motiua; non autem propter peccatores, aut dependenter ab amore peccatorum. Sic maximum bonum non dependet à maximo malo; quia maximum malum non est ratio formalis motiua positiuè influens in maximum bonum; sed tantum est quid merè occasionaliter præsuppositum. Ad 2. dist. seq. Sequeretur incarnationem nō esse bonum simpliciter, & absolutè amatū propter se, conc; amatur enim per ordinem ad Deum, qui est finis illius; non esse bonum simpliciter, & absolutè comparatiuè ab alia bona creata, neg; sicut enim medicina non appetitur, nisi propter sanitatem, quanuis supponat febrem, vt occasionem; ita incarnatio non appetitur, nisi propter vitam æternam, quæ est Deus, communicanda hominibus, licet supponat peccatum, vt occasionem; & sicut inter medicinas vna est perfectior, & pretiosior alia; ita incarnatio est perfectissima, & pretiosissima inter omnes res creatas; & quanuis possit comparari sectioni tibi, potioni amaræ, & poenitentæ per hoc, quòd sicut ista eliguntur propter sanitatem; ita incar-

incarnatio decreta fuit propter salutem, & vitam æteruam; attamen indigna comparatio est, si consideretur perfectio incarnationis; quia, sectio tibi minuit naturam; portio amara, & poenitentia affligunt; incarnatio autem exaltauit naturam ad esse Diuinum, & gaudium peperit in Cœlo, & in terra. Ad 3. neg. seq. nam Christus debet suam gloriam Deo, à quo illam effectiue recepit; non occasione, quæ in illam nullatenus influit. Dicitur autem bonum occasionatum, non quidem prout est præter intentionem, sed quia præsupposuit occasionem, antequam intenta fuerit. Ex quibus apparet omnes istas rationes æquiuocare de ratione formali obiectiua motiua, & de simplici occasione, & ideo nihil prorsus concludere.

30 Obijc. 6. *idem n. 54.* Non est melioris conditionis Vniuersum existente peccato, quam eo secluso; sed existente peccato fuit dignificatum assumptione humanæ naturæ; ergo multo magis non existente peccato. Hoc arg. vitur *Apost. Rom. 5.* Si enim cum inimici essemus, reconciliati sumus Deo per mortem Filij eius; multo magis iam reconciliati salui erimus in vita ipsius. 2. Multo magis diligibiles sunt homines in gratia, quam in peccato; sed Deus adeo dilexit homines existentes in peccato, vt dederit illis Christum; ergo multo magis illum dedisset, si permansissent in gratia.

Resp. eodem modo dist. mi. Ita, vt bonitas naturæ humanæ sit ratio motiua Dei ad discernendam incarnationem, neg; ita, vt peccatum fuerit occasio, ob quam Deus decreuit incarnationem, conc. Melior ergo, aut deterior conditio Vniuersi nihil facit ad decretum incarnationis, quia non est causa motiua, nec occasio, ob quam Deus reuelauit decreuisse incarnationem; sicut reuelauit se illam decreuisse occasione peccati. *Apost.* autem facit pro nobis; quia si peccatum fuit occasio, vt reconciliaremur Deo; multo magis reconciliati à peccato habebimus vitam in Deo; reconciliatio autem à peccato supponit peccatum; at si homines permansissent in gratia, non essent reconciliati à peccato, quia peccatum non fuisset; ergo non habuissent occasionem peccati, ob quam reconciliarentur, & vitam haberent; ergo ex alio capite vitam habuissent. Ad 2. eodem modo dist. mi. Deus dilexit homines existentes in peccato, vt dederit illis Christum occasione peccati delendi per condignam satisfactionem, conc; ratione diligibilitatis creature, neg.

31 Apparet ergo infirmitas harum rationum, quæ generaliter ostenditur sic. Vel Christi gloria, exaltatio, excellentia, diligibilitas, & cætera huiusmodi sumuntur, prout important aliquod creatum conueniens naturæ humanæ; vel prout important aliquid increatum, cui vnitur natura humana? Si primum; ergo non inferunt Deum de facto decreuisse incarnatio-

nem; quia nulla ratio creata potest mouere Deum ad aliquid agendum ad extra; Deus enim mouetur solum à sua bonitate increata ad agendum. Si secundum; ergo pariter non inferunt hoc decretum; quia Deus non mouetur necessario, sed liberè à sua bonitate ad agendum ad extra. Ergo rationes ex istis deductæ omnino deficiunt, quia nihil inferunt. Quauis autem etiam occasio peccati non inferat Deo necessitatem agendi; propter quod Deus potuisset liberè relinquere hominem perire cum suo peccato; attamen constat ex *Scripturis Diuinis* Deum occasione peccati decreuisse incarnationem; & ideo supposita hac reuelatione conuincenter deducitur incarnationem decretam fuisse.

32 Obijc. 7. *Ad* in illo fopore fuit reuelatus Christus; at hoc fuit in statu innocentie; ergo si mansisset innocens, adhuc Christus venisset. 2. *S. P. Aug. lib. 1. de nuptiis & concup. c. 2.* docet matrimonium in statu innocentie fuisse signum coniunctionis Christi cum Ecclesia; ergo idem.

Resp. ad 1. quod quando fuit actu à parte rei status innocentie, iam erat præuifum peccatum, quia fuit præuifum ab æterno; status autem innocentie fuit in tempore. Dist. ergo ma. Fuit reuelatus Christus post præuifionem peccati, & ante commissionem illius, conc; ante præuifionem peccati, neg; & sic ad 2.

33 Obijc. 8. Christus *Ioann. 7.* rogatus, vt ascenderet *Ierusalem*, negauit se ascensurum, & tamen ascendit; quod saluari nequit à mendacio, nisi dicendo, quod negauit se ascensurum palam; clam enim solum ascendit; ergo quando *Ss. PP.* negant Christum venturum, intelligi possunt secundum circumstantiam passibilitatis. Item 1. *Reg. 16.* Dominus præcepit *Samueli*, vt iret in *Bethlehem* ad vngendum *Dauid* in Regem, cui cum respondisset *Samuel*: *Audiet Saul, & interficiet me*; replicauit Dominus: *Accipe vitulum, & dic: Ad immolandum Domino veni*; ex quibus constat duplicem fuisse itineris finem; & *Samuelem* vnum tacuisse, alium expressisse; ergo à pari.

Resp. *noſter Gibb. Ss. PP.* *Gracos* legere: *Non ascendo nunc*; vel *nondum*; cum quo concordat, quod ascendit postea. *S. P. Aug.* ait se negasse ascensurum publice ad patranda miracula, vt ostenderet Diuinitatem, de qua aliquantulum dubitabant *Discipuli*; ideo hoc præstare negauit; non tamen afferuit se nullo modo velle ascendere. At *Ss. PP.* asserunt nullo modo Christum venturum; ideo non est paritas. Ad aliud dicitur sacrificium fuisse effectum finis, non finem; & quauis fuisset finis, dicitur, quod primū finem tacuit causa mortis; at nulla fuit causa tacendi finem incarnationis, ideo non est paritas.

34 Quæres; quomodo ad *Gal. 4.* dicitur solum venisse, vt eos, qui sub lege erant, redimeret; cum nedum *Iudeos*, qui erant sub lege, sed etiam Gentiles venerit redimere?

Resp.

Resp. *Fund. Doct. dist. 2. par. 2. art. 5. dub. 5. lit. venisse specialiter ad vocandos Iudaeos; ut habetur Act. 13. Vobis oportebat primum loqui verbum Dei; & Matth. 15. Non sum missus, nisi ad oves &c;* quia per ipsos, si conuersi fuissent, debebant conuerti gentes; sic quia noluerunt conuerti, conuertit se ad gentes. Vel dicitur sermonem esse de lege peccati, sub qua erant Iudaei, & Gentiles.

A R T. II.

An ex vi praesentis decreti Verbum incarnatum fuisset ad delenda peccata personalia non existente peccato originali?

I Diximus *10. 4. de pecc. quæst. 2. art. 3. §. 1. num. 47;* quod Adamo non peccante, peccantibus tamen eius filijs posteri non contraxissent peccatum originale; in hac suppositione quaerimus in praesenti, an Verbum Diuinum ex vi praesentis decreti carnem sumpsisset ad delenda peccata actualia personalia, quæ sola in hac hypothese fuissent? Est autem idem, ac quaerere; an causa, seu occasio primaria, ad qua, & per se incarnationis fuerit solum peccatum originale, peccata verò actualia fuerint occasio tantum secundaria, & per aliud, ratione scilicet peccati originalis? Diximus *ex vi praesentis decreti;* quia non est dubium, quod etiam si vnum tantum peccatum in vno homine fuisset in Mundo, potuisset Deus ad illud tollendum incarnationem decernere. Diximus *non existente peccato originali;* certum enim est, quod existente peccato originali, & personali, incarnatio decreta est ad delendum vtrunque habetur namque *ad Tit. 2. Dedit semetipsum pro nobis, ut nos redimeret ab omni iniquitate;* id est ab omni peccato siue originali, siue personali, quæ in ratione iniquitatis conueniunt; & ratio est. Incarnatio de facto decreta fuit ad redimendum hominem à captiuitate Diaboli; sed homo nedom per peccatum originale, verum etiam per personale sit captiuus Diaboli; ergo incarnatio fuit de facto decreta ad delendum omne peccatum siue originale, siue personale. Sic vulnus lethale, quod vita priuat æterna, est peccatum originale, siue personale mortale; sed incarnatio de facto fuit decreta ad sanandum vulnus, quod vita priuat æterna; ergo idem. Nec est dubium, quod decreta fuit principaliter ad delendum peccatum originale, quam personale; quia pro illo peccato principaliter decreta est incarnatio, pro quo decreta est mors Christi; sed mors Christi decreta est principaliter pro peccato originali; quia decreta est pro peccato, quod omnes infecit; *Pro omnibus enim mortuus est Christus;* solum autem peccatum originale omnes infecit; quia paruuli solo peccato originali infecti sunt; ergo incarnatio princi-

palius decreta fuit pro peccato originali. Igitur.

2 Prima sententia vult non existente peccato originali adhuc Verbum fore incarnandum ex vi praesentis decreti ad delenda peccata personalia. Refertur *Med. hic art. 4; Val. qu. 1. punct. 6; Gran; & alij.*

3 Secunda vult existentibus solis peccatis personalibus, imò existente solo peccato originali Verbum non fore incarnandum. Referuntur *Cabr; & Naz.*

4 Nostra docet, quod existente solo peccato originali adhuc Verbum incarnatum fuisset; non tamen existentibus solis peccatis personalibus. Deducitur *ex Fund. Doct. in epist. ad Rom. cap. 5. dubit. vlt;* vbi docet, quod Adam fuit Christi figura, quia sicut ille omnes occidit per peccatum, quod omnes occidit, quod est peccatum originale. *Noster Gibb. disp. 4. dub. 2; & communiter omnes;* quos attulimus *in sup. art. pro nostra sententia.*

5 Vnica concl. Existente solo peccato originali Verbum Diuinum ex vi praesentis decreti adhuc fuisset incarnatum; non autem existentibus solis peccatis personalibus.

Prob. 1. pars concl. *ex Apost. Rom. 5. Sicut per vnus delictum in omnes homines in condemnationem; ita & per vnus iustitiam in omnes homines in iustificationem vita.* Ex quo sic. Posito reatu, per quem omnes homines incurrerunt damnationem, & mortem æternam, Verbum Diuinum incarnatum fuisset; sed solo existente peccato originali positus fuisset reatus, per quæ omnes homines incurrissent damnationem, & mortem æternam; ergo solo existente peccato originali Verbum Diuinum incarnatum fuisset. Prob. ma. Posito illo, ad quod delendum fuit efficaciter decreta incarnatio, Verbum Diuinum incarnatum fuisset, aliter efficaciter decreta non fuisset; sicut posito morbo, ad quem sanandum medicina est ordinata efficaciter, ponitur medicina, aliter efficax ordinatio non esset; sed reatus, per quem omnes homines incurrerunt damnationem, & mortem æternam, est illud, ad quod tollendum fuit efficaciter decreta incarnatio; nam *quodlibet solius per seum oppositum;* oppositum autem incarnationis, per quam habetur iustitia, qua omnes homines iustificantur, & acquirunt ius ad vitam æternam, vt docet *Apost;* est iniustitia, per quam omnes homines acquirunt reatum, & incurrunt damnationem, ac mortem æternam; ergo posito reatu, per quem omnes homines incurrerunt damnationem, & mortem æternam, Verbum Diuinum incarnatum fuisset. Mi. traditur expressè *ab Apost;* nam per Adæ peccatum in omnes homines generatione traditum omnes homines incurrerunt damnationem, & mortem æternam, quia *per vnus delictum in omnes homines in condemna-*

demnationem; sed peccatum originale est *Ade* peccatum generatione traductum in omnes homines; ergo solo existente peccato originali positus fuit reatus, quo omnes homines incurrerunt damnationem, & mortem aeternam.

6 Conf. ex S. P. Ang. *serm. 9. de tempore: Homo sollicitante inimico Deus esse voluit per superbiam; & Deus homo factus est per misericordiam; & serm. 14. Transgressio illius primi hominis totum deceperat Mundum, ut nullum esset salutis remedium, nisi Christus adveniret à Cælo.* Arguitur autem sic. Manente eadem occasione, qua de facto incarnatio facta est, Verbum Diuinum ex vi præsentis decreti incarnatum fuisset; sed existente solo peccato originali mansisset eadem occasio, qua de facto incarnatio facta est; ergo Verbum Diuinum ex vi præsentis decreti incarnatum fuisset. Ma. constat; quia immutatis manentibus causis immutatum quoque manere effectum, qui ab illis procedit, optimè inferitur; præcipuè quando agens est immutabile, ut nequeat transire de volitione in nolitionem; ergo supposito, quòd Deus peccati causa decreverit Verbum Diuinum incarnari; manente eadem causa Verbum Diuinum incarnatum fuisset. Prob. mi. Causa, vel occasio incarnationis fuit peccatum originale, quo periit totum genus humanum; ergo existente solo peccato originali mansisset idem motiuum, quo de de facto facta est incarnatio.

7 Prob. 2. ex 1. lo. 2. *Ipsè est propitiatio pro peccatis nostris, non pro nostris autem tantum, sed etiam pro totius Mundi;* ex quo sic. Propitiatio omnium hominum fuit causa, ob quam Verbum Diuinum est incarnatum; sed solo existente peccato originali fuisset propitiatio omnium hominum; ergo Verbum Diuinum incarnatum fuisset. Ma. habetur *in textu*, & probata est *in sup. art.* Deus enim misit Filium suum, ut propitiaret, & reconciliaret omnes homines inimicos Deo per peccatum. Prob. mi. Propitiatio vniuersalis omnium hominum respicit peccatum omnibus hominibus commune, per quod omnes homines sunt communiter Deo inimici; sed tale peccatum est solum originale; nam paruuli, & aliqui iusti insignes ab exitu ventris matris suæ usque ad finem vitæ non habuerunt peccata mortalia personalia, quibus tantum homo fit Deo inimicus; ergo solo existente peccato originali fuisset propitiatio omnium hominum.

8 Conf. Ob redemptionem ab omni peccato, per quod omnes homines excluduntur à gloria, Verbum Diuinum ex vi præsentis decreti fuit incarnatum; ut colligitur ex *Scripturis*, & *PP.* sed supposito, quòd daretur solum originale peccatum, per illud omnes homines excluderentur à gloria, quia de facto ab illa excluduntur paruuli decedentes cum solo originali, ut docet Fides ex verbis Christi Domini lo. 3. *Nisi quis renatus fuerit ex aqua, & Spiritu*

Sancto; non potest introire in Regnum Dei; ergo supposito, quòd daretur solum originale peccatum, Verbum Diuinum ex vi præsentis decreti incarnatum fuisset.

9 Tandem decretum incarnationis fuit factum immediate post præuisionem peccati originalis ante præuisionem peccatorum personalium; quia permissio peccatorum personalium antecedit peccata personalia; & in prædestinatione est effectus prædestinationis ipsorum, ut diximus 10. 2; & ideo supponit prædestinationem eorum; prædestinatio autem hominum supponit prædestinationem Christi Domini, qui est primus prædestinator; & ideo supponit decretum incarnationis; ergo adhuc non existentibus peccatis personalibus Verbum Diuinum incarnatum fuisset ad delendum solum originale peccatum.

10 Prob. 2. pars concl. 1. Peccata personalia non insciunt naturam, sed personam; ergo existentibus solis peccatis personalibus sine originali Verbum Diuinum ex vi præsentis Decreti non fuisset incarnatum; quia præsens decretum fuit, ut sanaretur natura, & ex consequenti personæ, quæ sunt in natura; ergo primario, & directè habuit pro obiecto naturam; & secundario, ac ex consequenti, seu indirectè personas. Atqui ablato primario, & directò, nequit actus tendere in secundarium, & indirectum, aliter secundarium, & indirectum non esset secundarium, & indirectum, quia in ipsum tenderet actus primario, & directè; ergo ablato peccato originali non haberetur decretum sanandi peccata personalia. 2. Actus, quo Deus efficaciter decreuit salutem humanæ naturæ per peccatum faciata, est composibilis cum actu, quo Deus non vult efficaciter salutem huius indiuidui in particulari; quia, quanuis natura non saluetur in hoc indiuiduo, saluatur tamen in alijs; ergo est diuersus ab actu, quo Deus efficaciter decreuit salutem huius indiuidui in particulari; quia actus, quo Deus decreuit salutem huius indiuidui particulari, est incompossibilis, quia oppositus, scilicet actus, quo Deus non vult efficaciter illius salutem. Atqui præsens decretum incarnationis est actus, quo Deus efficaciter decreuit salutem naturæ humanæ faciata per *Ade* peccatum; ergo ex vi huius decreti non existente *Ade* peccato, & existentibus tantum peccatis personalibus posterum facta non fuisset incarnatio; quia peccata personalia delendo voluisset efficaciter saluare personas, quas peccata personalia directè respiciunt; sicut delendo vulnus naturæ voluit efficaciter saluare naturam; actus autem, quo efficaciter decreuit saluare personas in particulari, est decretum diuersum à decreto, quo efficaciter voluit saluare naturam, ut dictum est; & ideo non ex vi præsentis, sed alterius decreti potuisset incarnari ad delenda peccata personalia non-existent originali. 3. Ex vi actus prouidentiaæ gene-

generalis non dirigitur aliquod particulare efficaciter in finem; aliter non esset actus providentiæ generalis, sed specialis; & sic ultra providentiæ generalem supernaturalem, qua Deus per voluntatem antecedentem vult omnes homines salvos fieri, non daretur actus prædestinationis, quæ est providentiæ specialis respiciens primariò individua; sed decretum incarnationis est actus providentiæ generalis, quia generaliter respicit naturam humanam; ergo ex vi huius decreti facta non fuisset incarnatio ad salvandas primariò personas in particulari. Atqui incarnatio facta ad delenda sola peccata personalia esset actus providentiæ specialis, quia respiceret actiones proprias personarum, non communes toti naturæ; ergo ex vi huius decreti Verbum incarnatum non fuisset existentibus solis peccatis personalibus. 4. Non existentibus peccatis personalibus adhuc Verbum incarnatum fuisset ad delendum peccatum originale, ut ostensum est; ergo existentibus solis peccatis personalibus ex vi præsentis decreti incarnatum non fuisset; nam in tantum ex vi præsentis decreti fuisset facta incarnatio non existentibus peccatis personalibus, in quantum hoc decretum non respicit per se peccata personalia, sed tantum ex consequenti, quatenus sunt effectus orti à peccato originali; ergo ablato peccato originali, per quod peccata personalia respiciuntur à præsentis decreto, ut tollenda; iam non esset, per quid respicerentur à præsentis decreto; sicuti quia lux est ratio videndi corpora, ablata luce corpora non viderentur; ergo ex vi præsentis decreti ablato originali Verbum incarnatum non fuisset ad delenda peccata personalia. Tandem ratio, cur Deus incarnatus sit ad salvandum hominem, non Angelum, est, quia tota natura humana perierat, non autem omnes Angeli; ut diximus in sup. q. art. 1. n. 12; sed non existente peccato originali, & existentibus solis peccatis personalibus non omnes homines perissent, sed tantum aliqui; ergo existentibus solis peccatis personalibus Verbum incarnatum non fuisset.

11. Addit *Gones*, quod præsens decretum fuit de carne passibili; at non existente peccato originali caro non esset passibilis; ait enim *Apost. Rom. 5. Per eundem hominem peccatum in hunc mundum intravit, & per peccatum mors*; ergo ex vi præsentis decreti non fuisset incarnatio. Sed hæc ratio omittitur; mi. enim potest negari; & ad *Apost.* dicitur ipsum loqui de facto secundum hunc ordinem rerum, secundum quem datur peccatum originale; at in suppositione, quod essent sola peccata personalia, per ipsa fierent mortales personæ peccantes, non autem tota natura, quia mortales non efficerentur non peccantes; & ratio huius esse potest; quia, sicuti peccatum naturæ secuta est poena mortalitatis afficiens totam naturam, ita peccatum per-

sonæ sequi debuisset poena mortalitatis afficiens ipsam personam; peccato namque poena debetur.

12. Objc. 1. cont. 1. part. concl. Deficiente ratione totali, & adæquatè motiva Divinæ voluntatis ad decernendam incarnationem, non fuisset ipsum decretum, & ideo nec ipsa incarnatio; sed non existentibus personalibus deficeret ratio totalis, & adæquatè motiva Divinæ voluntatis ad decernendam incarnationem; ergo non existentibus peccatis personalibus non fuisset decretum incarnationis, nec ipsa incarnatio. Ma. patet; quia specificatio, & diversitas actus habetur à motivo totali, & adæquato. Prob. mi. Motivum totale, & adæquatum incarnationis fuit liberare naturam humanam ab omni peccato siue originali, siue personali; quapropter Christus venit ad vtrunque delendum; ergo non existentibus peccatis personalibus deficeret ratio totalis, & adæquatè motiva. 2. Omnia peccata personalia in genere causæ materialis fuerunt prævisa ante decretum incarnationis; ergo non potuerunt non ingredi rationem formalem motivam decreti incarnationis. Prob. ant. Christus fuit prædestinatus per mortem, & passionem suam iuxta *Apost. Rom. 3. Quem Deus posuit propitiationem in sanguine suo*; mors autem Christi non potuit videri, nisi visis peccatis crucifigentium.

Resp. ad 1. neg. mi. Ad prob. dist. ant. Fuit liberare naturam à peccato originali primariò, & personali ex consequenti, conc; & in hoc sensu Christus venit ad delendum vtrunque; æquè primariò, neg. Ad 2. neg. ant. Ad prob. dist. ant. Christus fuit prædestinatus, ut Redemptor, per mortem, & passionem ordine executionis, conc; ordine intentionis, subdist. Per mortem, & passionem, tanquam ex primariò intento, neg; tanquam ex consequenti, conc. Ordine igitur intentionis intendit Deus incarnationem primariò, ut remedium peccati originalis; quod tamen voluit exequi per mortem, & passionem, tanquam per medium; medium autem intenditur ex consequenti, & finis primariò. Sicut medicus primariò intendit sanare ægrotum per medicinam; applicare autem medicinam hoc, vel medio intendit ex consequenti.

13. Objc. 2. Ideo liberare naturam à peccato originali fuit intentum primariò, quia peccatum originale est in omnibus hominibus; sed peccata personalia potuerunt esse in omnibus hominibus; quia omnes homines potuissent personaliter peccare; ergo liberare naturam à peccatis personalibus fuit intentum primariò. Illud fuit intentum primariò, pro quo Christus principaliter satisfecit; sed hoc est peccatum personale; quia peccato personali debetur poena sensus; originali verò poena damni; Christus autem subijit acerbissimas poenas sensus, & nullam poenam damni; ergo peccatum personale fuit intentum primariò; & ideo non existentibus

tibus peccatis personalibus, & existente solo originali Verbum Diuinum ex vi præsentis decreti intentui non fuisset incarnatum.

Resp. ad 1. arg. peccare, quia transit ab actu ad potentiam; peccatum enim originale fuit præsumptum, vt futurum in omnibus hominibus; sola autem personalia sine originali non vt futura, sed tantum vt possibilia, fuerunt præsumpta; incarnatio autem fuit decreta ex præuisione peccati futuri, non vt possibilis; neg. igitur conf. Ad 2. neg. mi. Ad prob. infert. dist. Peccato originali debetur tantum poena damni, neg; nam sequeretur, quod baptizato habenti tantum personale, quia originale per baptismum dimittitur, nec per peccatum personale redit, non deberetur priuatio visionis beatæ. Deberetur poena damni principalis, subdist. In ipso Adam, neg; in posteris, conc; in posteris enim, quia illud non commiserunt in se ipsis, ideo principalis debetur poena damni, & ex consequenti mitissima poena sensus; at verò Ada, quia illud in se ipso patrauit, debebatur grauissima poena sensus ultra poenam damni. Vid. 10.4. de pecc. orig. q. 2. art. 5. n. 29.

14. Inst. Peccatum originale in Adam fuit personale; sed Deus primario intendit sanare naturam à peccato Ada; ergo intendit sanare naturam à peccato personali; & ideo in illo priori peccatum personale præuidit.

Resp. dist. ma. Fuit præuidit primario, neg; ex consequenti, conc; nam Adam peccauit, non vt persona priuata, sed vt caput totius naturæ; quia tamen caput totius naturæ erat persona particularis, ideo illud peccatum primario infecit naturam, ex consequenti personam.

15. Objic. 3. cont. 2. part. concl. Christus Dominus adhuc venisset, si vnus tantum homo peccasset; & colligitur ex parabola Passoris, qui vnum tantum ouem, quæ perierat, voluit querere Math. 18; & Luc. 15; ergo existentibus solis peccatis personalibus, adhuc Verbum venisset. Prob. amplius aut; sic enim magis commendatur erga homines Diuini amoris intentio.

Resp. neg. ant. Ad parabolam dicitur, quod nomine ouis intelligitur totum genus humanum, quod per peccatum originale perierat; ita S. P. Augustinus lib. 83. qq. q. 65. Ad aliam prob. dicitur nimis probare; probat enim, quod neminem perire Deum velle deberet; sic enim commendaretur magis amor, & misericordia Dei in homines. Commendari ergo debet amor Dei, qui sic curat omnes, vt cures singulos.

A R T. III.

An detur causa meritoria Incarnationis?

1. Causam meritoriam esse moraliter motiuam causæ efficientis ad agendum manifestum est; hinc postquam agimus de oc-

casione, de causa quoque morali loquendum est.

2. Multiplex est hæc difficultas. 1. Quæri solet de Christo Domino: an meruerit vnionem hypostaticam per opera antecedentia, vel saltem per opera subsequencia. 2. De antiquis iustis, qui vixerunt ante Christi Domini incarnationem; an illam meruerint de condigno, vel saltem de congruo; & hoc dupliciter, vel illam meruerint quantum ad substantiam, scilicet quantum ad vnionem hypostaticam; vel saltem quantum ad circumsstantias. Quæ omnia simul resoluntur à Fund. Doct. Arg. hic dist. 4. p. 3. q. 1. art. 1; quia eadem ferè militat ratio de omnibus, regulantur enim ab illo principio: *Principium meriti nequit cadere sub merito*. Quia tamen distinctio claritatem parit; ideo in duos §. secamus articulum.

§. I.

An Christus per opera præcedentia, vel subsequencia meruerit vnionem hypostaticam?

3. Error fuit Origenis lib. 2. Periarthron c. 6; vt diximus 10.2. de præd. SS. q. 3. art. 1. n. 7. asserentis animam Christi Domini simul cum alijs animabus creatam fuisse ab origine Mundi extra corpora; & suis bonis operibus meruisse vnionem hypostaticam. Nestoriani autem, qui duas personas asseruit in Christo, dixit personam hominis, quæ est in Christo, præexistisse aliquo tempore, antequam vniretur personæ Diuinæ vnione affectiua, quam tantum admittebat, vt diximus q. 1. art. 1. n. 17; & illo tempore illam vnionem meruisse; quapropter S. Greg. lib. 9. Registri ep. 61. præcepit Episcopis Hiberniæ, vt in professione fidei faciendâ venientibus ex Nestorianismo exprimeretur Christum à primo momento suæ conditionis fuisse Deum. Idem dixit Photinus conformiter ad suam sententiam, de qua vbis n. 6.

4. Omnes Catholici fatentur Christum Dominum de facto non meruisse suam incarnationem nec per opera antecedentia; quia antequam incarnaretur, non erat Christus, & ideo non poterat operari, & mereri, cum operationes sint subsistentium; nec per opera subsequencia, quæ, cum sint effectus incarnationis, non possunt esse principium meritorium illius, aliter effectus esset principium sui principij. Dissident tamen per ordinem ad potentiam Dei absolutam.

5. Caiet. hic art. 10; Lorc. disp. 20; Lug. disp. 8. sect. 1; & ex nostris Benrardin. apud Gibb. hic disp. 21. dub. 4; qui illos sequitur, putant de absoluta Dei potentia naturam humanam in priori naturæ ad vnionem hypostaticam potuisse à Deo conservari sine subsistentia, & elicere opera meritoria de congruo vnionis hypostaticæ.

6. Goncz

6 *Gones hic disp. 7. art. 2. concl. 2.* vult naturam humanam Christi Domini per opera præcedētia prioritate temporis potuisse mereri de congruo incarnationem ita, vt illa natura assumētur prius à propria personalitate creata, & cum illa per gratiam sibi à Deo collatam operaretur; & postea destructa personalitate creata eadem natura assumeretur à Verbo. Hanc sententiam certam esse apud omnes ait *nosser Gibb. vbisf. n. 2.*

7 *Sua. dispnt. 10. sect. 4; Carthagens, Lorin; Ruiz; Coninch, Gran; nosser Bernardini & alij apud nosstrum Gibb. vbisf. dnb. 5. §. 1. nu. 1.* volunt Christum de potentia Dei absolutam potuisse per opera subsequētia mereri incarnationem; quia non implicat de potentia absoluta principium meriti cadere sub merito.

8 Tandem *Fund. Doct. Aeg. hic dist. 4. vbisf.* docet Christum Dominum nec per opera præcedētia, nec per subsequētia potuisse suam incarnationem mereri per quancunque potentiam. Eandem sententiam tenent ferè omnes *DD. antiqui, & tota nostra Schola excepto Gibb. Ita etiam Gabr; Vassj; & alij.*

9 Not; quòd modus dicendi *Gones* licet ex parte sit verus, ad rem nostram non facit; natura enim humana, vt terminata propria personalitate creata, non esset natura Christi Domini, sed esset natura personæ purè creatæ; quanuis enim illa natura posset trāsire ad vnitatem suppositi Verbi Diuini de potentia Dei absoluta, nō ordinaria; attamen quaudiu manet sub personalitate creatæ, nequit dici natura Verbi Diuini; sicuti quanuis materia, quæ est sub forma terræ, possit trāsire ad formam auri; attamen nullus diceret, quòd quandiu est sub forma terræ, possit mereri auri. Nihil aliud ergo asserit ista sententia, quàm quòd actio puræ creaturæ poterit mereri incarnationem de congruo, de quo non in præfenti, sed in *seq. arti.* agemus. Certum est enim, quòd talis actio esset à persona creata, vt à principio *quod*; quia pro eo tūc non supponitur natura vnita Verbo Diuino; ideo esset actio puræ creaturæ; etenim tam natura, quàm persona esset creata. Dux igitur tantum sententiæ sunt reiiciendæ; scilicet quòd natura Christi Domini nec in priori naturæ ad vnionem hypostaticam, nec per operationes subsequētes ad ipsam vnionem potuit eam mereri etiam de potentia Dei absoluta.

10 Loquimur autem de vnione hypostatica secundum executionem, non secundum intentionem; constat enim, quòd antequam res à Deo intendatur, non est futura, quia futuritatem recipit à decreto intentiuo; simpliciter autem impossibile est ea, quæ non sunt futura, operari; cum operari essetialiter supponat esse, ad quod sequitur; & ideo est simpliciter impossibile Christum, antequam esset futurus, mereri; quia mereri est operari; & per consequens im-

Mag. Frideric. Nic. Ganardi Tom. 5.

possibile est secundum omnem potentiā Christum meruisse intentionem vnionis hypostaticæ per merita antecedentia.

11 Insuper notanda est differentia inter decretum executiuum vnionis hypostaticæ, & decretum executiuum cuiuscunque puræ creaturæ; nam executio vnionis hypostaticæ vel est formaliter idem, ac executio prædestinationis Christi ad filiationē Dei naturalem, & ad gloriam essentialē; vel saltem est simul cum illa; quia vnio hypostatica importat assumptionem naturæ humanæ in vnitatem personæ Verbi Diuini, quod est Filius Dei per naturam; & ideo illud vnum, quod coalescit ex persona Diuina, & natura humana, est formaliter Filius Dei per naturam. At verò executio puræ creaturæ non est simul cum illius prædestinatione; quia non statim, ac creatura acquirit esse existentiae, gloriam acquiris, sed solum cum per mortem exuit mortalitatem, & purgatis terrenis delictis ad claram Dei visionem admittitur. Quia tamen Christus in instanti suæ conceptionis fuit beatus secundum animam, seu secundum partem superiorem, non verò secundum corpus, seu secundum partem inferiorem; etenim secundum hanc perpeffus est summum dolorem, & tristitiam, quæ ab initio suæ passionis vsque ad mortem durauit, habetur nanque *Math. 26; & Marc. 24. Tristis est anima mea vsque ad mortem*; tristitia autem opponitur beatitudini, ideoque nequit cum illa componi; ideo Christus potuit mereri glorificationem corporis. Idem dicendum de glorificatione, & exaltatione sui nominis, quod non fuit glorificatum à creaturis, & exaltatum, nisi post eius resurrectionem, & post Euangelij promulgationem. Hæc sunt indubia apud omnes.

12 Vnica concl. Christus Dominus nec de facto, nec in priori naturæ, antequam naturæ humana intelligeretur vnica personæ Diuinæ; nec per opera subsequētia ad ipsam vnionem cum persona Diuina potuit etiam solum de congruo suam incarnationem mereri per quancunque Dei potentiam.

Prob. 1. pars concl. ex illo *1o. 3.* Sic enim *Dens dilexit Mundum, vt Filium suum vnigenitum daret*; ex quo cum *S. P. August. lib. 2. de pecc. merit. c. 17.* docente: *Neque enim & ipse (supple homo) ita Verbo Dei coniunctus, vt ipsa coniunctioe vnus Filius Dei, & idem ipse filius hominis fieret, precedentibus suæ voluntatis meritis fuit; vnum quippe illum esse oportebat. Essent autem & duo, & tres, & plures, si hoc fieri posset, non per Dei proprium donum, sed per hominis liberum arbitrium; & de præd. SS. cap. 15. Ille homo, vt à Verbo Patri coeterno in vnitate personæ assumptus Filius Dei vnigenitus esset; vnde hoc meruit? Quid egit aut, quid credidit, quid petiuit? Ex quibus constat S. Patrem exigere ad meritum, vt antecederet præmium. Idem habet de cor; et grat. c. 11; et in*

K 2

Enchir.

Enchir. c. 40; arguitur sic. Opus meræ dilectionis non redditur præcedentibus meritis; sed incarnatio de facto est opus meræ dilectionis; ergo incarnatio de facto non redditur præcedentibus meritis; atqui si Christus illam antecedenter meruisset; redderetur præcedentibus meritis; ergo non esset opus meræ dilectionis; & per consequens ex eo, quod sit opus meræ dilectionis, ut docet *Scriptura*, optimè concluditur Christum de facto illam non meruisse. Prob. ma. Gratia non redditur præcedentibus meritis, quia quod redditur meritis, redditur ex iustitia, non ex gratia; ut docet *Apost. Rom. 4. Ei, qui operatur, merces non imputatur secundum gratiam, sed secundum debitum*; in hoc enim distinguitur gratia à iustitia; sed opus meræ dilectionis est opus meræ gratiæ, quia mera dilectio summa gratia est; ut diximus *10. 2. de scient. Dei q. 4. art. 1. §. 2; & 10. 4. de Grat. quæst. 2. art. 1. §. 2*; ergo opus meræ dilectionis non redditur præcedentibus meritis. Mi. constat ex *textu*; non enim assignatur alia causa incarnationis, nisi ipsa dilectio; ergo est opus meræ dilectionis. 2. Si Christus meruisset de facto suam incarnationem, vel hoc fuisset in aliena natura, quam non assumpsit; vel in propria natura, quam assumpsit? non primum; quia non ipse, sed aliæ personæ humanæ suppositantes illam naturam meruissent; & sic non vnus Christus, sed plures iusti, qui vixerunt ante Christi incarnationem, ipsam meruissent. Neque secundum; quia non assumpsit naturam humanam, nisi per incarnationem; ergo non potuit illam mereri in natura humana antecedenter ad incarnationem; aliter habuisset naturam humanam, antequam incarnaretur, quod implicat. 3. Christus non potuit mereri; nisi ut Filius hominis; quia solum ut Filius hominis, potuit acquirere ius ad obtinendam gloriam, quam homo non habet; ut Filius autem Dei præcisè est ipsa gloria; & ideo sic non potest mereri, quia acquireret ius ad se ipsum, quod ineptè diceretur; sed non fuit Filius hominis, nisi per incarnationem, antequam Filius hominis non erat, sed tantum erat Filius Dei; ergo ante incarnationem non potuit illam mereri. Hac ratione vitur *Fund. Diss.*

13 Dices. *Pf. 44. habetur: Dilexisti iniquitatem, & odisti iniquitatem; propterea vnixit te Deus Deus tuus oleo lætitiæ præ participibus tuis; & Apoc. 5. dicitur dignus accipere virtutē, & Diuinitatem*; ex quibus indicari videtur humanitatem fuisse assumptam ad Diuinitatem propter merita.

Resp. ad 1. nomine olei lætitiæ intelligi exaltationem nominis, quod fuit exaltatum super omne nomen participantium gloriam; non autem intelligi vnionē naturæ humanæ ad Diuinam, in qua nulla est comparatio cum alijs participibus, seu confortibus gloriæ; nullus enim alius assumptus est ad vnitatem personæ Diuinæ; propterea statim subditur: *Mirra, & gni-*

sa &c; *Mirra* autem significat sepulturam, ut docent cōmuniter *SS. PP.*; quia nomen Christi non est exaltatum, nisi post mortem, & resurrectionem suam. Sic ad 2. constat enim, quod cētus beatorum non alludit ad futuram incarnationem, quæ iam erat completa, sed ad celebritatem nominis, quod dignum est, ut cognoscatur, celebretur, & adoretur, ut Deus, ab omnibus.

14 Prob. 2. pars concl. eodem *textu*, & iisdem rationibus. 1. Implicat per quancunque potentiam, quod summa, pura, & prima gratia, quæ est fons, & origo omnium gratiarum, reddatur meritis; sed incarnatio est huiusmodi; ergo implicat, quod per quancunque potentiam incarnatio reddatur meritis; & ideo, quod Christus in priori natura illam mereri poterit. Ma. probata est. Additur. In tantum gloria, quæ gratia est, redditur meritis; in quantum habet rationem coronæ, mercedis, & præmij correspondentis meritis, quæ pariter gratiæ sunt, ut reddatur gratia pro gratia, ut dicitur *10. 1*; sed implicat summam, puram, & primam gratiam, quæ est fons, & origo omnium gratiarum, reddi alteri gratiæ; aliter non esset summa, quia supra se haberet aliam gratiam; non esset pura gratia; quia gloria, prout redditur meritis, iustitia est; ut ait *Apost.*; non esset prima, fons, & origo, quia aliam supponeret; ergo implicat per quancunque potentiam, quod summa, pura, & prima gratia, quæ est fons, & origo omnium gratiarum, reddatur meritis. Mi. quoque probata est. Additur, quod *10. 1*. dicitur: *De plenitudine eius nos omnes accepimus*; plenum autem, summum, purum, primum, fons, & omnium origo ideo est. Hac ratio probat nullum potuisse mereri incarnationem secundum substantiam, ut in *seq. ar. 2*. Vel natura humana in illo priori intelligeretur, ut terminata à supposito Verbi; vel non? Si primum; ergo iam esset actu incarnatio, & ideo non posset illam mereri; ut *inf.* dicemus. Si secundum; ergo illa non esset natura humana Christi Domini potius, quam suppositi proprii creati; ergo non diceretur, quod Christus per illam meruerit. 3. Christus non potuit mereri, nisi in natura assumpta; quia non potuit mereri, nisi ut filius hominis, & ut *n. bis* datus; sed in illo priori natura humana non esset assumpta; quia assumptio est ipsa incarnatio, seu vnio hipostatitica, quæ non supponitur pro illo priori; ergo in illo priori Christus non potuit mereri incarnationem.

15 Præterea quod non potest operari, non potest mereri; quia meritum essentialiter importat actionem; sed natura humana Christi Domini ante vnionem hipostatiticam non potuit operari; quia operari sequitur ad esse, & illud necessariò supponit; nihil enim magis est per se notum, quam quod illud, quod non habet esse in rerum natura, non possit operari; natura autem

rcm

tem humana ante vnionem hipostaticam non potuit esse in rerum natura per quancunq; Dei potentiam; quia non ponitur in rerum natura, nisi per existentiam, existentia autem substantię non distinguitur à substantia, vt diximus q. 1. art. 8. num. 5; & 10. 1. de subst. Dei q. 2. art. 8. §. 1; & ideo quia natura humana ante vnionem hipostaticam non habebat existentiam, & substantiam creatam, aliter fuisset terminata per personalitatem creatam, ex essentia nanque, & existentia fit suppositum creatum; neque habebat existentiam, & substantiam increatam, quia huic vnitur tantum per vnionem hipostaticam, necessariò sequitur, quòd non esset in rerum natura, quia non habebat in se id, per quòd ponitur à parte rei, quòd est existentia; ergo natura humana ante vnionem hipostaticam non potuit mereri.

16 Dices. Accidens potest conferuari à Deo sine existentia substantiali; vt patet in Sacramento Altaris; ergo à pari.

Resp. dist. conf. Natura humana potest à Deo conferuari per modum substantię effectiue causatum in illa, sicut conferuantur accidentia, & per hoc fieret natura humana Christi assumpta à Verbo, neg; accidentia enim conferuata à Deo non sunt assumpta, & non esset natura Christi assumpta à Verbo, transeat; sic enim non mereretur natura Christi, sed natura humana præcisè habens illum modum sine vlla suppositualitate; non enim fit Christi natura, nisi per assumptionem eiusdem naturæ ad Diuini Verbi personam.

17 Tandem materia in priori naturæ ad formam non est sine vnione ad formam; prioritas enim naturæ importat coexistentiam durationis, & tantum dicit ordinem causalitatis; quòd scilicet vnum sit causa alterius, non quidem in actu signato, sed in exercitio; in exercitio autem materia causans formam importat vnionem cum forma; materia enim in illo priori intelligitur causare formam, quia recipit formam, receptio autem formæ dicit vnionem cum forma, quia quandiu forma non est vnita, non recipitur; ergo natura humana in illo priori naturæ, in quo intelligitur assumi à supposito Diuino, dicit vnionem cum supposito Diuino, & ideo nequit habere opera antecedentia vnionem hipostaticam. Similiter materia in priori naturæ ad formam existit per existentiam formæ; aliter vel non existeret simpliciter, & sic non posset illam recipere, vel existeret per aliam existentiam distinctam ab existentia formæ; & sic naturaliter existeret sine forma, quia naturaliter pro illo priori est causa formæ, & sic nedum esset prior prioritate naturæ, sed etiam prioritate durationis, licet instantaneæ; ergo à pari natura humana pro illo priori naturæ existit per existentiam Verbi Diuini, & per consequens est vnita Verbo Diuino.

18 Prob. 3. pars concl. 1. *Principium meriti nequit cadere sub merito* etià Diuinitus; sed vnio hipostatica est principiū operis meritorij Christi Domini subsequens ad illam; ergo nequit cadere sub merito, idest nequit esse terminus ab illo promeritus. Ma. probata est 10. 4. q. 5. de Merito art. 4; & 10. 2. de prad. SS. c. 3. art. 1; & 23 nam principium meriti est causa efficiens illius; & meritum est causa efficiens illius, quòd meremur; vt diximus 10. 4. de Act. hum. q. 5. ar. 1. §. 2. num. 41; implicat autem, quòd causa efficiens in genere causæ efficientis sit effectus sui effectus; vt pater, quòd producatur à filio; ergo implicat etià Diuinitus, quòd principium meriti sit effectus meriti, & ideo quòd cadat sub merito, tanquam effectus illius. Mi. est certa; nam incarnatio est opus infiniti valoris, quòd exigit principium quòd infinitum; hoc autem nequit esse, nisi suppositum Diuinum hipostaticè vnium naturæ humanæ. 2. Implicat, quòd in eodem subiecto sint duæ relationes oppositæ respectu eiusdem termini correlatiue, vt in eodem homine filiatio, & paternitas respectu eiusdem hominis; sic enim simul esset pater, & filius eiusdem; ergo implicat, quòd in eadem actione meritoria Christi Domini sit relatio effectus, & causæ ad eandem vnionem hipostaticam; non enim hæ duæ relationes minus opponuntur, quàm paternitas, & filiatio. 3. In tantum miles potest mereri arma sibi à Rege, gratis donata; in quantum illud meritum non est ab armis, vt à principio formali merendi, sed à fortitudine, & prudentia; at meritum Christi est ab vnione hipostatica, vt à principio effectiue; ergo non potest illud mereri; & sic euertitur instantia *Aduersariorum*. 4. Si Christus per opera subsequencia potuisset incarnationem mereri, potuisset incarnatio fieri illi debita ex iustitia; ex iustitia enim merito præmium debetur; sed implicat, quòd incarnatio fiat debita Christo ex iustitia; nam implicat, quòd opus summæ misericordiæ, & gratiæ simpliciter fiat formaliter opus iustitiæ, vt *sup.* dictum est; ergo implicat Christum potuisse per opera subsequencia mereri incarnationem; Si Christus potuisset mereri incarnationem, illam profectò meruisset de condigno; æqualis enim valoris infiniti essent opera, ac incarnatio; & ideo incarnatio esset præmium operibus Christi condignum; quia meritum æquale est condignum; sed non potuit mereri de condigno incarnationem, nisi per vnionem hipostaticam formaliter, tanquam per principium quòd ipsius meriti; quia illam non potuit sic mereri, nisi vt Filius Dei, & hominis; vt Filius Dei enim solum potest dare valorem infinitum actioni; & vt filius hominis tantum, potest elicere actionem meritoriam; Filius autem Dei, & hominis formaliter dicit vnionem hipostaticam, seu vnionem naturæ humanæ in vnitatem hypostasis Diuinæ;

uinæ; ergo non potuit mereri vnionem hypostaticam, quia impossibile est, quod principium formale merendi sit formaliter terminus ipsius meriti; aliter idem posset mereri se ipsum; & sic nulla esset ratio, cur idem non posset se ipsum efficienter producere.

19 Obijc. 1. cont. 2. part. concl. Actus supernaturalis procedens à gratia habituali, vt proprietates disponens ad eandem gratiam habitualement, illam præcedit prioritate naturæ, eamque meretur saltem de congruo; vt dictum est 10. 3. de Ang. 8. ar. 3. et tom. 4. de Grat. 9. 3. art. 3.; ergo potuit Deus de potentia absoluta tribuere naturæ humanæ per modum dispositionis gratiam habitualement, quam de facto tribuit per modum proprietatis fluentis ab vnione hypostatica; & in tali casu natura humana in priori naturæ ad vnionem hypostaticam potuisset illam mereri.

Resp. arg. nimis probare; probat enim, quod sicut de facto dispositio præcedit gratiam habitualement, ita vnionem hypostaticam dispositio deberet de facto præcedere. Disparitas ergo est; quod gratia habitualis est principium solius meriti de condigno, non autem de congruo; quia meritum de congruo potest haberi etiam per gratiam actualem; congruum enim est, quod Deus peccatori per gratiam actualem querenti maius auxilium, illud tribuat; at verò vnio hypostatica est principium simpliciter omnis gratiæ conferendæ naturæ humanæ post lapsum: ideo repugnat, quod aliqua gratia eam præcedat. 2. Gratia habitualis supponit existentem naturam, adeo illam supponit potentem operari, si ei tribuatur auxilium supernaturale; at vnio hypostatica non supponit naturam existentem, cum existentiam ei tribuat; & quia non existentium nulla potest esse operatio, ideo nullum meritum, quod essentialiter est operatio, potest illam præcedere, ac ad illam disponere.

20 Obijc. 2. Sna. cont. 3. part. concl. Merita Christi præuisa à Deo, vt futura, potuerunt mouere Deum ad decernendam executionem incarnationis; ergo potuit Christus mereri executionem illius; sicut enim ideo Christus meruit gratiam antiquis iustis; quia Deus præiudicauit eius merita, vt futura; ita à pari. Prob. ant. Deus duplex habuit decretum incarnationis; aliud intentium, quo incarnationem intendit; & in hoc decreto potuit Deus præuidere merita Christi, vt futura; aliud executium, quo illam exequi voluit; & huius executionis potuerunt merita Christi præuisa, vt futura, in decreto intentiuo esse causa meritoria; ergo merita Christi præuisa, vt futura, potuerunt mouere Deum ad decernendam executionem incarnationis. Sicut enim in decreto intentiuo prædestinationis hominum possunt præuideri merita, vt causa executionis ipsius prædestinationis; ita à pari.

Resp. neg. ant. Ad prob. neg. ant; quia incarnatio non differt ab eius executione; ex eo nanque, quod Deus efficaciter intendit incarnationem, illam exequi decreuit; in tantum enim inter decretum intentiuum, & executium prædestinationis hominum possunt præuideri merita media inter intentionem, & executionem prædestinationis; in quantum homo efficaciter intentus potest existere à parte rei, & elicere operationes, antequam gloriam consequatur; ideo illa merita possunt præuideri ante actualem consecutionem gloriæ. At Christus, antequam incarnaretur, non potuit existere in rerum natura, & per consequens nequit habere operationes ante actualem incarnationem, quia non existentium nulla est operatio; ideo non potuerunt merita Christi præuideri, vt futura, ante decretum executium incarnationis. Imò ita se habet decretum intentiuum, & executium incarnationis Christi Domini; sicut decretum intentiuum, & executium creationis hominis; sicut enim homo per creationem acquirit esse in rerum natura; ita Christus per incarnationem esse acquisiuit; ergo sicuti non potuit à Deo præuideri operatio hominis media inter decretum intentiuum, & executium existentie hominis: quia præiudicaretur operatio esse ante existentiam, quod repugnat; ita à pari. Igitur merita hominis verè præiudicantur, vt futura, ante actualem consecutionem prædestinationis; quia merita hominis verè sunt actualiter futura, antequam homo consequatur gloriam; at verò merita Christi non sunt in re verè futura, quia non fuerunt, antequam Verbum actualiter incarnaretur; ergo falsò præiudicerentur, vt futura, ante decretum executium incarnationis.

21 Obijc. 3. noster Bernardin. Quauis causa finitæ non possint esse inuicem causæ, quia exigunt existentiam ad causandum, non tamen causæ infinitæ; nam meritum Christi, quia est infinitum, ideo potuit causare gratiam in antiquis iustis, etiam antequam Christus esset à parte rei; ergo per opera subsequenti potuit Christus mereri incarnationem.

Resp. neg. ant. Ad prob. dicitur, quod meritum Christi, quia infinitum, debuit extendi ad omnes homines, qui fuerunt, sunt, & erunt. Non fuit autem necesse ipsum existere à parte rei, quando extensum esset ad aliquos homines; vt constat de antiquis iustis; sed satis fuit, quod extiterit in esse obiectiuo præuisum, vt futurum; à Deo; quia causa moralis mouet secundum esse apprehensum; ideo sufficit, quod habeat esse apprehensum; ergo sicuti non potuit Deus cognoscere gratiam antiquorum iustorum, nisi cognouerit merita Christi, quæ illius gratiæ fuerunt causa meritoria; ita non potuit cognoscere merita Christi, nisi cognoscendo vnionem hypostaticam, vt causam ipsorum meritorum.

22 Obijc.

22 Objc. 4. Quauis merita Christi non potuerint cognosci, vt remuneranda per incarnationem per modum præmij; attamen potuerunt cognosci, vt pretium futurum ipsius incarnationis; sicut enim mercator dat merces in spe pretij futuri; ita potuit Deus ab æterno cognoscere per scientiam præmij, quod si dedisset humanitati vnionem hypostaticam, ab illa exegisset plurima obsequia, & opera sibi grata in pretium illius vnionis; & ideo poterat ita decernere; ergo tunc potuisset Christus per opera subsequencia incarnationem mereri.

Resp. neg. ant. Ad prob. insert. dicitur, quod mercator dat merces, ex quibus sperat pretium recipere; quia talis contractus est actus iustitiæ commutatiuæ; at incarnatio est opus misericordiæ, cui non retribuitur; vt ait S. P. Aug. de præd. SS. c. 15. *Neque retributa est ista generatio, sed tributa.* Nec præcognouit Dei merita ipsius futura antecederet ad decretum incarnationis per scientiam mediam antecederet decretum efficax futuritionis ipsorum meritum, & ipsius incarnationis; merita enim antecederet ad hoc decretum erant merè possibilia, non futura; & ideo non poterant mouere Deum ad decernendam incarnationem; quia merita, possibilia sunt indifferentia ad esse, & non esse; ideo absolutè non sunt; vt docet S. P. Aug. de præd. SS. cap. 12. *Facillimum est percipere merita, quæ non sunt absolutè futura, nulla esse merita.* Sed de hoc fusè diximus 10.2. de scient. Dei q. 4.

23 Objc. 5. Deus præiudicauit merita Christi, antequam actu incarnaretur; merita enim vidit ab æterno in suo decreto; & incarnatio actu fuit in tempore; ergo potuit velle incarnationem, actuali executioni mandare intuitu meritum præiudicatum; merita enim præiudicata antecederent actualem executionem incarnationis. 2. Deus voluit dare gloriam, vt præmium, prædestinatis ante præiudicata merita; & postea voluit per merita gloriam executioni mandare; ergo potuit decernere incarnationem, vt præmium, ante præiudicata Christi merita; & postea velle illam per merita executioni mandare.

Resp. dist. ant. Præiudicauit merita, vt effectum incarnationis, conc; vt causam, neg. ant; & cons; quia merita, cum fuerint præiudicata, vt effectus futurus incarnationis futura, non potuerunt actu esse causa incarnationis actualis. Ad 2. iam dictum est sup. ad 2; neg. enim cons; nam gloriæ executio non est principium formale elicitiuum meritum, sed est effectus illorum; at incarnatio est principium formale meritum Christi, non effectus, vt constat.

24 Inst. merita antiquorum iustorum sunt effectus incarnationis, & tamen potuerunt illam mereri etiam quoad substantiam; ergo licet merita Christi sint effectus incarnationis; attamen potuerunt illam mereri.

Resp. neg. ant; vt in seq. §. dicemus. Et

omisso ant. neg. cons; nam merita iustorum antiquorum fuerunt effectus incarnationis futura; saluati enim sunt in fide Christi venturi; & ideo quia potuit mereri iustorum actu existere ante actualem incarnationem, ideo potuit ex hoc capite illam mereri; quauis ex alio capite non potuerit, vt infra. At merita Christi non potuerunt actualiter existere ante actualem existentiam incarnationis, vt dictum est; ideo non est paritas.

25 Objc. 6. Idem potest esse principium, & terminus operis impetratorij; vt gratia habitualis est principium actus contritionis, & est terminus impetratus ab illa; ergo idem poterit esse principium, & terminus meriti.

Resp. neg. ant. Ad prob. dicitur, quod licet gratia habitualis possit impetratoriè mereri alteri gratiam habitualement, quæ distinguitur numero, non tamen potest mereri se ipsam; vt diximus 10.4. de Grat. quæst. 5. art. 3; nam vt docet S. P. Aug. epist. 107. ad Vitali; in hoc distinguitur oratio à gratiarum actione; quod oratio est de eo, quod non habemus; gratiarum actio autem est de eo, quod iam recepimus; impetratio autem fit per orationem, vt constat. Actus ergo contritionis est dispositio naturaliter inuehens habitum charitatis; & habitus charitatis est dispositio ad gratiam habitualement, vt diximus ubi sup. quæst. 4. art. 23 & 4; ergo non impetrat, quia impetratio est tantum ex gratia, non ex naturali sequela.

26 Collig. 1. cont. nostrum Bernardini; & Sua. ex dictis Christum non meruisse continuationem incarnationis; quia continuatio rei non distinguitur realiter ab ipsa, cum sit tantum, modus ipsius; illud autem, quod cadit sub merito, debet realiter distingui, vt vsque nunc diximus.

27 Collig. 2. Christum non meruisse maternitatem, nec alias circumstantias antecedentes, vel concomitantes incarnationem; sed tantum meruisse circumstantias subsequentes, vt exaltationem sui nominis, clarificationem, reuisionem animæ, & corporis &c. Prob. rationibus allatis, quia meritum debet præcedere præmium, cuius est causa; sed meritum Christi non præcessit maternitatem, aliasque circumstantias antecedentes, vt constat; præcessit autem alias circumstantias subsequentes; ergo Christus meruit tantum istas, non illas.

28 Dices. Meritum B. Virginis cadit sub merito Christi; quia Christus est causa meritoria omnium gratiarum; sed B. Virgo meruit maternitatis dignitatem; ergo & Christus; nam quod est causa causæ, est causa causati.

Resp. dist. ma. Meritum B. Virginis, vt est effectus, cadit sub merito Christi, conc; est enim effectus gratiæ habitæ per Christum; vt est causa, neg. Meruit ergo B. Virgo dignitatem maternitatis de congruo, quia pro aliquo tempore fuit

fuit Virgo, non mater; & pro isto tempore summè meruit; & ideo attenda Divina magnificentia, ac liberalitate congruum fuit, vt ei gratia maternitatis conferretur. Illud autem axioma: *Quod est causa cause* &c: intelligitur, quoties causatum distinguitur, & consequitur ad causam cause; nam materia est causa formæ; & forma est causa materiæ; non tamen materia est causa sui; quia realiter non distinguitur, nec est posterior se ipsa. Igitur Christus Dominus est causa gratiæ, & meritorum B. Virginis; & B. Virgo est causa meritoria maternitatis; non tamen sequitur Christum Dominum esse causam meritoriam maternitatis, quia maternitas supponitur ad Christum, & per consequens ad merita Christi.

29 Colligi. 3. non potuisse mereri suam gratiam habitualement, & gloriam essentialem. *Est cont. Alisford; Rubion. in 3. diff. 12. quæst. 1. art. 2. concl. 4. Maior. q. 1; Bassoli; & alios* differentes de facto illas meruisse; & cont. nostrum Gibb. hic disput. 2. 1. dub. 6; Gonet, & alios tenentes hoc non repugnare de potentia Dei absoluta. Traditur tamen à Nazari Med; Io. à S. Tho; & alijs. Prob. 1. ex *Fund. Doct. diff. 5. par. 1. q. 1. art. 1. resolut. 1. dub. lat. §. Prima via docente. Illa unio creaturae ad Deum est maior, quæ continet alias uniones, & quæ non potest esse sine omnibus alijs unionibus creaturae ad Deum; & enumeratis unionibus per essentiam, præsentiam, potentiam; & per gratiam habitualement in via, nec non per gloriam in patria, concludit: Sexta ergo unio, quæ est per unionem personalem, quæ competit soli homini Christo, est maxima secundum continentiam, & inclusionem, quia continet, & includit alias uniones; sine quibus non potest non esse; vt sup. dixerat. Arguitur autem sic. Illud, quod essentialiter, necessariò, & naturaliter competit alicui, nequit cadere sub merito illius; quia meritum essentialiter est de eo, quod liberè competit; vt homo nequit mereri suas proprietates naturales, quia naturaliter ei competunt; in naturalibus enim neq; meremur, neq; demeremur; sed gratia, & gloria essentialis necessariò competunt gratiæ vnionis, sunt enim proprietates naturales illius; vt inf. dicemus q. 7. art. 2. §. 1; ergo illas non potuit Christus mereri. 2. Quoties vnum includitur essentialiter in alio, tunc qui nequit mereri includens, nequit mereri inclusum; vt quia amicitia connectitur cum gratia habituali, qui nequit mereri gratiam, nequit mereri amicitiam; sed gratia, & gloria includuntur, & connectuntur cum gratia vnionis; ergo si Christus non potuit mereri istam, nec illas. 3. Gratia habitualis est principium formale merendi, vt quo, sicut gratia vnionis est principium merendi, vt quod; sed principium merendi nequit cadere sub merito; ergo idem. 4. Gratia habitualis Christi est gratia consummata, est enim perfectissima, quia plenissima; & gratia*

consummata nequit mereri se ipsam, aut gloriam, quæ est idem cum ipsa; aliter beati in gratia possent mereri; ergo idem. 5. Christus essentialiter est mediator Dei, & hominum; sed medium debet participare naturam extremorum; ergo Christus essentialiter debuit participare naturam Dei, & hominum; atqui Deus ex natura sua est Sanctus, & comprehensor; & homines ex natura sua sunt viatores; ergo Christus essentialiter debuit esse Sanctus, & comprehensor secundum partem superiorem, quod non potuit esse sine gratia habituali, & gloria; & secundum partem inferiorem debuit esse viator.

30 Dices. 1. *Fund. Doct. Quodlib. 5. q. 4. ait* Christum potuisse assumere naturam rationalem non fruentem Deo; ergo in illo casu potuisset illam mereri; tunc enim actus meritorius elicitur à gratia habituali præcederet gloriam. 2. *Isaie 51. de Christo dicitur: Pro eo, quod laborauit anima eius, videbit, & saturabitur; sed nomine laboris significatur actus meritorius; & nomine visionis, & satietatis significatur gloria; ergo saltem meruit gloriam essentialem.* 3. Magis gloriosum est obtinere gloriam titulo hereditatis, & meriti simul, quam solo titulo hereditatis; ergo idem. 4. Potuisset Deus non conferre gratiam, & gloriam Christo in primo instanti conceptionis.

Resp. ad 1. *Fund. Doct.* asserere, quod pro eo tunc ei non occurreret, quomodo non potuisset Verbum assumere creaturam rationalem non fruentem Deo, cum in triduo remanserit vnium corpori mortuo, quod non fruebatur Deo, quia est incapax fruendi Deo; fruitio enim est actus vitalis, qui repugnat corpori mortuo. Occurrit autem ei postea, cum scriberet secundum, & tertium librum Sententiarum, quos scripsit post *Quodlibeta*; vt colligitur ex *Quodlib. 4. q. 17; vbi ait: Sed de hoc in opere, quod intendimus facere Domino concedente super 2. sentent.* Ad 2. dicitur nomine *visionis, & saturatis* intelligi visionem, & desiderij satietatem conuersionis gentium, non gloriam; ait enim antecederet: *Si posuerit pro peccato animam suam, videbit seminem longeuum.* Ad 3. diff. ant. Ijs, quibus competit gloria merè gratuito, conc. hinc minorem gloriam habent paruuli, qui possident gloriam titulo tantum hereditatis, non meriti proprii; quam adulti, qui illam vtroque titulo possident; ijs, quibus competit naturaliter, neg; aliter Deus, cui competit gloria ex natura, non ex merito, minùs esset gloriosus, quam creatura, quæ illam ex meritis obtinet. Ad 4. neg. anti; quia gratia vnionis essentialiter includit omnem gratiæ plenitudinem.

§. II.

An SS. PP. antiquæ Legis meruerint
Incarnationem?

29 **D**iximus num. 2. Incarnationem posse considerari secundum substantiam, scilicet prout dicit assumptionem naturæ humanæ in unitatem Diuinæ personæ; & secundum circumstantias, quæ consequuntur ipsam substantiam incarnationis. Triplex autem circumstantia, prout spectat ad præsens, assignatur à Fund. Doct. ubi sup. S. Habetur; scilicet circumstantia temporis, generis, & persona. Circumstantia temporis est, quia fuit facta in plenitudine temporis, non in principio, vel in fine temporum. Circumstantia generis, quia fuit facta de stirpe David ex semine Abraha ex gente Hebræorum, non Gentilium. Circumstantia personæ, quia fuit facta ex hac femina, scilicet Virgine Maria, non ex alia.

30 Prima sententia vult antiquos iustos de condigno meruisse substantiam incarnationis, non quoad effectum primarium, qui est iustificatio animarum, sed quoad secundarium, qui est apertio Regni Cælorum. Refertur à Gonet D. Bon. hic disp. 3. art. 2. q. 3. Med. autem hoc tenet de potentia Dei absoluta.

31 Secunda vult meruisse solum de congruo substantiam, & circumstantias incarnationis. Ita Sor. in q. disp. 2. q. 1. Caiet. Med; Gabr. Aluar. Gonet disp. 7. art. 6. Sua; Gram; Tan; & alij.

32 Tertia docet non meruisse de congruo substantiam incarnationis, sed tantum circumstantias. Ita Fund. Doct. Aeg. ubi sup. noster Gibb. hic disp. 6. dub. 2; apud quem Bernardini; & omnes alij ex nostris. Ex alijs D. Bon. hic dist. 3. artic. 2. q. 2; Marfil. ibid. q. 5. art. 1; & 3; Scot. in 4. disp. 2. q. 1; Vasq. disp. 22. c. 4; Lorc. disp. 21; Lug. disp. 8. sect. 4. n. 31; & alij.

33 Certum est apud omnes, quod SS. PP. antiqui non meruerunt de condigno incarnationem secundum substantiam; quia condignitas meriti importat æqualem valorem cum præmio; nullum enim meritum creatum potest habere eundem valorem, ac incarnatio, quæ cum sit ordinis hypostatici, importat aliquod altius ordine, quam fit quæcunque actio supernaturalis creaturæ; nam actio creaturæ est simpliciter, & purè creata; incarnatio autem includit personam increatam simpliciter infinitam. Tum quia meritum de condigno importat æqualem dignitatem cum præmio, ut patet ex vocabulo *condigno*; sonat enim æquatam dignitatem vnus cum dignitate alterius; sed merita antiquorum iustorum non habuerunt dignitatem æqualem cum dignitate incarnationis; quia illa sumebantur à persona creata, quæ habet dignitatem finitam; ista desumitur à persona increata, quæ est infinite digna; ergo non potuerunt de condigno me-

reri incarnationem secundum substantiam.

34 Dices 1. Diuinam promissionem, aut ordinationem potuisse supplere valorem meriti; Deus enim acciperet aliquod, cui promissit retribuere tale præmium ex iustitia. 2. Non meruisset effectum primarium, sed secundarium incarnationis, qui est reseratio ianuæ Cælorum per Christum; ante quem nullus poru it ingredi Regnum Cælorum iuxta Psal. 23. *Voluit portas, Principes, vestras, & eleuamini porta mernales, & introibit Rex gloriæ.*

Sed cont. 1. est. Quod est ex promissione, & ordinatione, est ex fidelitate, non ex iustitia; vnde negans aliquod promissum, & ordinatum non dicitur iniustus, sed infidelis; ergo Diuina promissio, aut ordinatio nequit facere, ut merita habeant condignitatem valoris ex iustitia. Cont. 2. est. Reseratio Regni Cælorum est summum bonum commune toti generi humano exclusio per peccatum originale; ergo ex iustitia debetur soli Redemptori totius generis humani generaliter pro peccato generis humani satisfaciens; sed implicat, quod homines particulares sint Redemptores totius generis humani; quia implicat, quod merita hominum, quæ essentialiter sunt particularia, & limitata, procedant enim à persona finita, & limitata, possint mereri præmium omnibus commune, & pro culpa communi satisfacere; ergo implicat, quod potuerint mereri de condigno incarnationem; quo reiecta manet opinio Medine. Quauis ergo quilibet iustus possit mereri ingressum personæ particularis in Regnum Cælorum, nõ tamen ingressum vniuersalem omnium.

35 Vnica concl. Iusti antiquæ legis non meruerunt substantiam incarnationis de congruo, sed tantum circumstantias extrinsecas.

Prob. 1. pars concl. Ad Tit. 3. habetur: *Apparuit benignitas, & humanitas Salvatoris nostri Dei, non ex operibus iustitiæ, quæ fecimus nos; sed secundum misericordiam suam saluos nos fecit; ex Cant. Zach; quod resumitur Luc. 2; Per viscera misericordie Dei, in quibus visitauit nos oriens ex alto; & Io. 3. Sic Deus dilexit mundum, ut Filium suum vnigenitum daret; & Ephes. 1. Propter nimiam charitatem, qua Dilexit nos Deus &c. Propter quæ testimonia S. P. Aug. de pred. SS. c. 15. ait: Neque retributa est ista generatio, sed tributa; & serm. 9. de Temp. Deus factus est homo per misericordiam; quod continuo repetit. Ex quibus sic arguebatur in sup. §. à n. 12. vsque ad 15. Retribui ex condementia iustitiæ repugnat incarnationi secundum substantiam; sed antiqui iusti potuerunt mereri de congruo solum id, quod poterat eis retribui ex condementia iustitiæ; ergo antiqui iusti non potuerunt mereri de congruo incarnationem secundum substantiam. Prob. 2a. Operi summæ, & meræ misericordie simpliciter repugnat retribui ex condementia iustitiæ; illud enim, quod retribuitur ex iustitia, non est merum opus misericordie, quia*

L

non

non est secundum omnem rationem effectus misericordiae, cum sit secundum aliquam congruitatem opus iustitiae; sed incarnatio secundum substantiam est opus summae, & meræ misericordiae simpliciter; vt colligitur ex *allatis testimonijs*; ergo incarnationi secundum substantiam repugnat retribui ex condecencia iustitiae. Ma. constat; quia sicut illud solum potuerunt mereri ex condignitate iustitiae, quod potuit retribui ex iusto iure, & debito iustitiae; ita illud solum potuerunt mereri ex congruitate iustitiae, quod ex condecencia iustitiae potuit eis retribui. *Vid. in sup. §. ubi sup.*

36 Conf. Meritum de congruo non accipitur *hic*, prout dicit congruitatem fundatam, & se tenentem ex parte meræ misericordiae sine ullo iure, & debito ex parte operis meritorij; sed prout dicit congruitatem fundatam in amicitia, & in aliquo opere grato facto ab amico; amicitia enim, cum sit pars potentialis iustitiae, fundat aliquod ius, quanuis non strictum, & debitum retribuendi; vt ait *Genet. ubi sup. in 3. not.* sed incarnatio secundum substantiam est donum tributum ex mera misericordia, vt loquuntur *Scripturae*; ergo nequit esse aliquod retributum ex condecencia, seu congruitate iustitiae. Atqui implicat in terminis dicere, quod antiqui iusti meruerint de congruo iustitiae aliquod tributum ex mera misericordia; quia merito ex iustitia correspondet premium ex iustitia; ergo implicat, quod antiqui iusti meruerint de congruo incarnationem secundum substantiam.

37 Prob. 2. ex *Fund. Doct.* triplici ratione. 1. Nulli merito finito, & limitato debetur de congruo incarnatio secundum substantiam; sed antiqui iusti habuerint meritum finitum, & limitatum; ergo antiqui iusti non potuerunt habere meritum, cui deberetur de congruo incarnatio secundum substantiam. Prob. ma. Incarnatio secundum substantiam importat aliquod infinitum simpliciter; importat enim personam Verbi, quæ est simpliciter infinita; tum quia incarnatio secundum substantiam importat aliquod, per quod redempta est tota natura humana à peccato; redemptio autem à peccato non potuit fieri, nisi per aliquod infinitum; quia per ipsam debuit satisfieri offensæ Dei infinitæ; ideo incarnatio importat aliquod infinitum; sed nulli merito finito debetur de congruo premium infinitum; quia finito non congruit, nisi finitum; sicut infinito congruit solum infinitum, non finitum; ergo nulli merito finito debetur de congruo incarnatio secundum substantiam.

38 2. Si antiqui iusti potuissent mereri de congruo incarnationem secundum substantiam, principium meriti potuisset cadere sub merito; sed conf. est falsum; ergo & ant. Ma. constat; nam incarnatio secundum substantiam est principium omnis meriti, & per consequens etiam

meriti antiquorum iustorum; quia *de plenitudine eius accepimus 10.33*; hinc omnes antiqui iusti saluati sunt in fide Christi venturi; ait enim *S. P. Aug. 8. de Cin. Dei cap. 47. Nulli concessum est pertinere ad spirituales Ierusalem, cui non fuerit reuelatus Christus*; vt probatum est *10.4. de fide q. 2. art. 3*; sed illud, quod meremur, cadit sub merito; quia cadere sub merito est esse terminum meriti; illud autem, quod meremur, est terminus meriti; ergo principium meriti caderet sub merito. Prob. mi. Implicat idem secundum idem esse principium, & terminum; causam, & effectum; sed cadere sub merito est esse terminum, & effectum meriti; ergo implicat principium meriti cadere sub merito.

39 3. Operari supra modum essentialem suæ naturæ repugnat cuilibet homini; quia operari sequitur ad esse, tanquam effectus illius; implicat autem, quod effectus suæ causam excedat, sitq; illa nobilior, sed mereri de congruo incarnationem secundum substantiam est operari supra modum essentialem nedum naturalē, sed etiam obediētem cuiuslibet naturæ creatæ; qui a natura purè creata non habet esse Diuinum formaliter simpliciter; aliter esset Deus formaliter, quod repugnat; quanuis enim natura creata possit assumi in vnitatem naturæ Diuinæ; atamen repugnat, quod natura sic assumpta sit pura creatura, aliter persona Diuina fieret creatura; incarnatio autem importat esse personale Diuinum formaliter; ergo mereri de congruo incarnationem secundum substantiam repugnat cuilibet homini puro.

40 Conf. Implicat, quod aliquod meritum mereatur se ipsum; sed antiqui iusti merendo incarnationem secundum substantiam meruissent suum meritum; ergo implicat antiquos iustos meruisse incarnationem secundum substantiam. Ma. claret; quia inter meritum, & terminum meriti intercedit causalitas; idem autem nequit causare se ipsum. Prob. mi. Quod meretur aliquod secundum substantiam, meretur etiam omnes effectus procedentes ab illa substantia; vt qui meretur gloriam, meretur quoque gaudium, delectationem, immortalitatem corporis, & ceteros effectus provenientes à gloria; sed meritum antiquorum iustorum est effectus proveniens ab incarnatione secundum substantiam; ergo meritum antiquorum iustorum merendo incarnationem secundum substantiam meruisset se ipsum.

41 Ex hoc sequitur, quod antiqui iusti meruissent sibi primam gratiam, primam vocationem, suam prædestinationem, vno verbo omnia sua dona supernaturalia; quia hæc omnia sunt effectus incarnationis secundum substantiam; sique prædestinatio antiquorum iustorum esset ante præuista merita ipsorum, quod non concedunt aliqui ex *Adversarijs*.

42 Resp. *Genet.* 1. principium formale intrin-

trinfecum meriti non posse cadere sub merito; bene tamen principium extrinfecum; vnde Christus non potuit mereri incarnationem, quia vnio hypostatica erat principium intrinfecum Christo; antiqui tamen iusti potuerunt mereri incarnationem, quia incarnatio fuit principium tantum extrinfecum efficiens meritum meritorum antiquorum iustorum. 2. Hoc esse discrimen inter meritum de congruo, & de condigno; quod meritum de congruo, cum non inducat strictum ius, non est causa efficiens moralis illius, quod meretur, sed tantum dispositiua; & materialis; meritum verò de condigno, cum inducat strictum ius, est vera causa efficiens moralis; vnde non implicat, quod Christus meruerit de condigno antiquis iustis merita ipsorum efficienter moraliter; & antiqui iusti dispositiue, & materialiter meruerint incarnationem; quia in diuerso genere causæ potest dari mutua causalitas.

43 Resp. hæc duo eufugia esse apertissimè falsa. Contra primum est. Nihil est manifestius in rerum natura, quam quod effectus à causa efficiente productus non queat suam causam producere; siue causa sit intrinseca, siue extrinseca; non minus enim filius potest producere patrem, qui est causa eius extrinseca, quam visio non possit producere potentiam visiuam, quæ est causa intrinseca illius; sed cadere sub merito est produci efficienter moraliter à merito; ergo sub merito nequit cadere principium siue intrinsecum, siue extrinsecum. Contra secundum est. Ita se habet meritum de condigno ad præmium de condigno conferendum, à quo specificatur; sicut meritum de congruo ad præmium conferendum de congruo, à quo pariter specificatur; sed meritum de condigno est vera causa efficiens moralis præmij de condigno; ergo & meritum de congruo est vera causa efficiens moralis præmij de congruo conferendi. Tum quia sicut meritum de condigno mouet iustitiam ad conferendum præmium ita, vt non conferens censeatur iniustus, & ex hoc dicitur moraliter efficienter causare præmium; ita meritum de congruo mouet amicitiam, liberalitatem, & magnificentiā ad conferendum præmium ita, vt non conferens censeatur inimicus, illiberalis, & paruificus; ergo eodem modo est causa efficiens moralis seruata proportionē obiecti vtriusque; causalitas enim efficiens moralis in motionē causæ consistit; quæ motio verè, & propriè conuenit merito de congruo, & de condigno; sicut enim hoc verè mouet iustitiam; ita illud verè mouet amicitiam. Ratio ergo iuris stricti, & lati non tollit rationem verè motionis, vt dictum est; ergo non tollit rationem verè causæ efficientis; sed facit solum meritum de congruo mouere amicitiam, quæ non fundat strictum eius, & meritum de condigno mouere iustitiam, quæ strictum eius, & debitum importat.

Mag. Frideric. Nic. Canardi Tom. 5.

44 Prob. 2. pars concl. 1. quoad circumstantiam temporis *cont. Lorc. disp. 22. prope finem; Salmer. disp. 29. in Gal. 4; & Bernal disp. 17. sect. 3. cum Fund. Doct. ex illo ps. 88. Tu verò repulisti, & distulisti Christum tuum.* Ex quo sic. Pronior est Deus ad miserendum, quam ad puniendum; sed propter mala opera distulit Christi incarnationem; vt diximus q. 2. art. 4; ergo propter bona opera iustorum illam accelerauit; & ideo insti antiqui accelerationem ipsius meruerunt. Item ps. 12. *Propter miseriam inopum, & gemitum pauperum nunc exurgam;* quod de aduentu Christi explicant *Interpreses.* Deinde Dan. 9. *Septuaginta hebdomades abbreviatae sunt super populum tuum, & super urbem sanctam tuam, vt consumetur prauaricatio, & finem accipias peccatum, & deleatur iniquitas, & adducatur iustitia sempiterna, & impleatur visio, & prophetia, & ungatur Sanctus Sanctorum.* Hebdomadæ autem abbreviate sunt, quia anni solares facti sunt anni lunares, idèst constantes ex duodecim mensibus lunariis, qui componuntur tantum ex viginti nouem diebus, & horis; vnde annus solaris constat ex trecentum sexaginta quinque diebus, & horis; annus verò lunaris, seu mensium lunarium constat ex trecentum quinquaginta, quatuor diebus; quapropter minor est anno solari vndecim diebus; vt docent S. Hier. in hunc locum; & S. P. Aug. ep. 80. ad Hefich. Itaq; Deus reducendo annos solares intuitu precum *Danielis* ad annos mensium lunarium abbreviauit quindecim annos septuaginta hebdomades annorum; quæ constituunt quadringentos nonaginta annos lunares, qui non sunt, nisi quadringenti septuaginta quinque anni solares. Addunt alij precibus S. *Senis Simonis* acceleratam esse incarnationem alijs quindecim in annis; vnde volunt antiquos iustos meruisse accelerationem, ferè triginta annorum. Item *Isaia* 54. *Rorate Celi desuper, & nubes pluant iustum, & 64. Vtinam disrumpere Calos, & descenderes.* Ratio est; quia circumstantia temporis non fuit principium efficiens morale meritorum antiquorum iustorum, & fuit post ipsa merita; ergo potuit eadem sub merito.

45 Hoc tamen non est ita intelligendum, vt decretum Dei de circumstantia temporis Deus mutauerit; quodlibet enim Dei decretum simpliciter immutabile est, sicut immutabilis est Deus; sed quia Deus ita decreuit abbreviare tempus, vt redderet precibus *Danielis*, quas futuras pariter decreuerat, quindecim annos, quos protraxisset; si non fuisset decreturus has preces.

46 Quantum ad circumstantiam generis, seu stirpis, vt nasceretur ex gente *Hebraorum* ex semine *Abrahe*, & ex stirpe *Dauid*, habetur Gen. 22. *Quia fecisti rem hanc, & non pepercisti filio tuo vniogenito propter me, benedicentur in semine tuo omnes gentes, quia obedisti voci meæ;*

ex quibus colligitur obedientiam *Abræ*, qua Deo iubenti, vt immolaret suum filium *Isaac*, obtemperare paratus erat, meruit, vt ex suo semine nasceretur *Christus*, in quo omnes gentes benedicendæ erant; & *ps. 131. Iuravit Dominus David veritatem; & non frustrabitur eam, de fructu ventris tui ponam super sedem tuam*; ex quo deducitur *Christum* fuisse ei promissum de sua stirpe nasciturum, & hoc ob iuramentum factum 2. Reg. 7. de ædificando templo ipsi Deo.

47 Tandem circumstantia personæ, quod scilicet incarnatio fieret in vtero Beatissimæ Virginis Mariæ, potuit cadere sub merito; quia, Beatissima Virgo ob eximiam puritatem, maximam humilitatem, & excelsum sanctitatem meruit de congruo, vt de ipsa, non de alia femina, nasceretur *Christus*; docet enim *S. P. Aug. serm. 18. de Sanctis: Quæ meruisti, benedicta, Redemptorem ferre Mundi. Quod habet etiam Hier. ad Euseb. de custodia virginitatis; & Ecclesia in Domin. inf. oct. Natiuit. in 3. resp. 1. Noct. Beata Virgo, cuius viscera meruerunt portare Dominum Christum.*

48 Obijc. *S. Tho. hic art. 11. docet, quod SS. PP. meruerunt incarnationem desiderando, & petendo; congruum enim erat, vt Deus exaudiret eos, qui ei obediebant*; sed *SS. PP.* non desiderabant, & petebant solas circumstantias incarnationis; ergo meruerunt incarnationem secundum substantiam. Prob. mi. *SS. PP.* suis precibus Deum sollicitabant, vt mitteret Filium suum in Mundum; *Rorate Celi &c; Viuam disrumpere Celos &c;* sed missio in Mundum est incarnationis substantia, non circumstantia; ergo postulabant, non solas circumstantias, sed substantiam incarnationis.

Resp. *S. Thomam ibid. ad 3. se ipsum clare explicare*; ait enim *Beatam Virginem meruisse portare Dominum omnium, non quia meruit ipsum incarnari, mereri autem incarnationem secundum substantiam est mereri Filium Dei incarnari, quia incarnari procul dubio importat substantiam incarnationis. Sed quia (subdit *S. Doct.*) meruit ex gratia sibi data illum puritatis, & sanctitatis gradum, vt congruè possit esse Mater Dei; maternitas autem dicit circumstantiam personæ, vt dictum est; ergo manifestè *S. Doctor* negat*

SS. PP. antiquos meruisse substantiam incarnationis, & affirmat meruisse solas circumstantias; nam *Beata Virgo* magis meruit, quàm alij iusti, quia habuit plus gratiæ; adeoque quod asserit de *Beata Virgine*, à fortiori asserit de alijs iustis. Nec ex textu ab *Aduersarijs* allato aliquid colligitur; nam meritum merè supplicatorium, & impetratorium in hoc distinguitur à merito de congruo, vt diximus 10. q. 5. de Merit. ar. 1. nu. 9; quod meritum de congruo importat præmium ex condementia iustitiæ; quia importat ius, & debitum fundatum in amicitia; iustum enim est, quod remun erentur amici; meritum autem impetratorium nullum importat ius, aut debitum; sed ei retribuitur solum ex gratia; ergo ex eo, quod antiqui iusti meruerint substantiam incarnationis petendo, & supplicando, non deducitur, quod illam meruerint ex congruitate iustitiæ, sed ex mera gratia conferendam. Dist. igitur conf. Meruerunt incarnationem secundum substantiam merè impetratoriè, & supplicatoriè; conc. de congruo iustitiæ, neg. Vel neg. mi. Ad prob. dicitur ex illis textibus clarè deduci ipsos supplicasse solam accelerationem incarnationis; firmiter enim tenebant Filium Dei esse incarnandum; ergo quia illam futuram esse infallibiliter credebant, non debebant supplicare, vt futura esset, quia oratio est de eo, quod nescimus, an debeat esse futurum; sed tantum, vt acceleraretur, quia nesciebant, an esset acceleranda, an differenda. Etenim quia resurrectio corporum v.g. est infallibiliter futura, fatuè quis oraret Deum, vt illam decerneret; quia tamen tempus resurrectionis est incertum, ideo illud oramus, desideramus, & petimus. Vid. Fund. Doct. ad 4.

49 Inst. Oratio meretur de congruo sui impletionem; sed *SS. PP.* orabant aduentum Christi; ergo de congruo meruerunt Christi aduentum; sed substantia incarnationis dicit aduentum Christi; ergo meruerunt substantiam incarnationis.

Resp. dist. mi. Orabant aduentum Christi quantum ad circumstantiam temporis, nempe accelerationem, conc. quantum ad substantiam, neg.



Q V Æ S T. IV.

De causis physicis, & existentia Incarnationis.



PROGREDIMVR ad agendum de causis, quæ physicè, immediatè, & proximè ad incarnationem concurrunt; declaratis enim ijs, quæ spectant ad causam finalem intentionaliter mouentem, de causis physicis est discurrendum. Deinde de existentia incarnationis, quæ harum causarum est terminus, agemus, quo hæc terminabitur quæstio.

A R T. I.

An, & quomodo B. Virgo Maria fuerit causa Incarnationis?

SÆpe diximus q. 1. solam Trinitatem Diuinarum Personarum fuisse causam principalem effectiuam incarnationis. Addimus nulam creaturam potuisse etiam de potentia Dei absoluta esse causam principalem effectiuam; quia causa principalis effectiua debet præcontinere effectum, cuius est causa; sed implicat creaturam præcontinere physicè Christum; quia implicat præcontinere naturam Diuinam, quam importat Christus simul cum humana; ergo implicat per quancunque potentiam creaturam esse causam principalem effectiuam incarnationis. Tum quia nulla creatura potest esse causa principalis effectiua gratiæ habitualis; ergo multò minùs incarnationis, quæ est altioris ordinis.

2 Dubium ergo est; an B. Virgo fuerit, vel potuerit esse de potentia Dei absoluta causa instrumentalis physica incarnationis; ex cuius resolutione constabit, quomodo ad incarnationem concurrerit?

3 Prima sententia vult B. Virginem de facto fuisse causam instrumentalem physicam incarnationis, qua mediante Deus coniunxit naturam humanam personalitati Diuinæ. *Ita quidam veteres Theologi*, quos non improbant *Sua; Beccæ & alij.*

4 Secunda vult B. Virginem de facto non fuisse instrumentum incarnationis, potuisse tamen esse de potentia Dei absoluta; adeoque non repugnare puram creaturam assumi à Deo, vt causam instrumentale incarnationis. *Ita Cabri;* quem sequitur *Genet hic disp. 7. art. 13 & ex nostris Gibb. disp. 6. dub. 1.*

5 Nostra docet nec de facto, nec de possibili B. Virginem esse potuisse instrumentum physicum incarnationis; sed fuisse tantum causam principalem ministrantem materiam inorganizatam, quam organizauit Spiritus Sanctus appropriatè, tota autem Trinitas propriè. *Ita Fund. Doct. Arg. disp. 3. p. 2. q. 2. art. 23 Argent. diit. 4. q. 1. art. 23 Vafq. disp. 25. c. 13 Med; Aluar; Io. à S. Thos & alij.*

6 Not. ex *Fund. Doct; & Argent;* quòd ad

formationem prolis in vtero matris tria requiruntur; scilicet præparatio materiæ, ex qua fit foetus; conseruatio localis, per quam foetus conseruatur; & organizatio, seu formatio carnis, cui infunditur anima. Ad hæc tria consequitur carnis nutritio, per quam foetus ad debitum complementum perducitur. Circa materiæ præparationem quælibet mater actiue se habet; quia materiæ præparatio fit per actiuam digestionem, & depurationem sanguinis, qui est materia, ex qua formatur caro; caro enim non formatur ex semine, sed ex sanguine mulieris; vt fusè ostendit *Fund. Doct. lib. de format. corp. humani; & hic art. 13;* semen enim non deciditur, nisi cum corruptione mulieris, sanguis autem decidi potest etiam sine corruptione virginitalis, quia plures virgines menstruantur sine virginitalis detrimento; ergo caro fit ex sanguine, non ex semine; aliter impossibile esset, quòd Virgo conciperet, cuius contrarium docet fides. Tum quia in semine est vis actiua organizans materiam, in quam debet anima infundi; ergo semen materiam præsupponit, quam debet organizare; & per consequens materia non fit ex semine, sed ex sanguine. Circa conseruationem localem pariter quælibet mater actiue se habet; quia locus naturalis actiue conseruat locatum; nam quælibet res extra suum locum naturalem destruitur. Tandem circa nutritionem quoque actiue se habet; quia per vim digestiuam decoquit alimentum, quod immittit in foetum, & quo foetus conseruat, sine alimento enim foetus periret.

7 At organizatio, & formatio foetus est effectus ipsius viri, qui per virtutem existentem in semine habet foetum ita disponere, vt sit aptum recipere animam, seu vt sit aptum ad hoc, quòd anima possit in illo suas exercere operationes, sine quibus anima esse, & seruari non potest. Igitur respectu organizationis, & formationis foetus solus vir se habet actiue, foemina verò passiuè, scilicet recipiendo virtutem viri organizationis materiæ à se præparatæ, vt dictum est. Etenim si foemina se haberet etiam actiue in organizatione, & formatione foetus, non videretur ratio, quare foemina se sola non posset generare; quia ipsa posset præparare materiam; posset illam debitè organizare; & quia in materiam debitè organizatam statim introducit animam; posset totum hominem se sola producere. Sic fi
vir

vir non seminarét virtutem organizationis materiam; non appareret, quomodo ad generationem actiue concurreret. In hoc sensu *Phil. 15. de animalib.* ait foemellam esse passivum, masculum verò esse principium actium; & foeminam tribuere corpus, & materiam; masculum verò speciem; foetus enim non recipit speciem hominis, nisi per organizationem, ut constat.

8 Præterea certum est causam instrumentalem se tenere ex parte efficientis, desert enim actionem ipsius, & agit in virtute illius.

9 Ex his deducitur B. Virginem respectu præparationis materię, conservacionis, & nutritionis fuisse causam principalem, non instrumentalem; hæc enim agit per virtutem propriam; quæ competit cuilibet matri; & ob hoc fuit verissima Mater Christi; superest ergo inquirendum, an respectu organizationis, & formationis carnis, quæ facta est à Spiritu Sancto, fuerit, vel potuerit esse causa instrumentaliter?

10 Unica concl. B. Virgo Maria fuit tantum causa principalis præparans, & administrans materiam, eamque conservans, & nutrens; non tamen fuit, nec potuit esse etiam per potentiam Dei absolutam instrumentalis causa organizationis, & formationis corporis Christi.

Prob. 1. ex S. P. Aug. *serm. 11. de temp. docente: Sicut non poterat nisi caro de carne nasci; ita non poterat Dei caro de femineo utero, nisi sine generante prodire; propter quod ait Angelus Beatissima Maria: Spiritus Sanctus superueniet in te, & virtus Altissimi obumbrabit tibi; & serm. 12. Cuius conceptus in carne, non carnaliter factus; cuius ortus ex carne ubertatem nutriendi attulit: & serm.*

17. *Spiritus Sanctus de Maria Virgine Christum hominem figuravit; idest organizavit; in quo Deus ad reparacionem hominis habitaret; & mox: Fuit similis reparatio; quomodo fuit & hominis creatio.* Per illa verba: *Dei caro de femineo utero;* demonstratur B. Virginem præbuisse materiam in suo utero, idest in loco naturaliter conservativo; adeoque B. Virginem fuisse causam præparantem, & subministrantem materiam, nec non eam conservantem. Per illud verbum: *Nutrienti;* indicatur fuisse causam nutritivam. Per illa: *Sine generante prodire;* indicatur non dari de facto causam principalem, & instrumentalem, creatam incarnationis; quod probat ex verbis ipsius Angeli: *Spiritus Sanctus superueniet in te, & virtus Altissimi obumbrabit tibi;* tribuitur autem incarnatio Spiritui Sancto, tanquam causæ principali effectuius, quia est opus misericordię; & virtuti Altissimi, tanquam causæ instrumentali; virtus enim est instrumentum substantię ad operandum. Per ea: *Spiritus Sanctus &c. hominem figuravit;* designatur organizatio, & formatio corporis; non enim materia potest acquirere figuram hominis, nisi organizetur, idest nisi distinguatur in diversas partes etherogeneas; sic autem distingui est organizari, ut con-

stat. Tandem per illa: *Fuit similis reparatio, quomodo creatio;* designatur nec de potentia Dei absoluta potuisse dari causam instrumentalem, creatam incarnationis; sicut non potuit dari creationis; creatura enim nequit eleuari ad creatandum nec principaliter, nec instrumentaliter. Ex quibus patet S. P. Aug. nostram sententiam adæquate docere.

11 Prob. 2. quod 1. part. Omnis vera mater est causa subministrans, conservans, & nutrens materiam; sed B. Virgo est vera mater Christi; ergo est causa subministrans, conservans, & nutrens materiam. Ma. constat ex dictis; quia sicut de ratione patris est esse principium effectuum generationis inducens formam in materiam; ita de ratione matris est esse causam subministrantem, & præparantem materiam, ex qua gignitur foetus; & conservantem, ac nutriendam ipsum foetum; aliter moreretur, si extra suum locum naturalem poneretur, & debito alimento non nutriretur. Mi. est de fide; habetur enim *Matth. 1. Cum esset desponsata Mater Iesu Maria Ioseph; & Io. 19. Stabat autem iuxta crucem Mater eius;* & ratio est; quia sicuti ad rationem patris naturalis requiritur, quod sit principium actuum inducens formam similem in natura specifica inducendo ultimam dispositionem ad formam, organizando scilicet, & formando ipsam materiam taliter, ut sit proximè apta ad recipiendam formam; ita ad rationem veræ maternitatis naturalis requiritur præparare, subministrare, conservare, & nutrire veram materiam, quæ per virtutem agentis potest organizari, ut forma inducatur; sed B. Virgo præstitit hæc tria; ergo est verè, & propriè Mater Christi.

12 Dices. 1. *D. Dam. lib. 3. c. 2. ait: Christotocum, idest Christi Genitricem, non dicimus Virginem;* ergo falsum est B. Virginem esse veram Christi matrem. 2. In generatione Christi temporali Spiritus Sanctus præstitit ea, quæ sunt viri, & tamen non dicitur Pater Christi; ergo multò minus B. Virgo potest dici mater illius. 3. Filiatio respicit suppositum Diuinum; sed hoc non habuit esse à B. Virgine, quia est æternum; ergo idem. 4. Ex eo, quod arbor præbeat materiam statui faciendæ ab artifice, non dicitur mater statui; ergo à pari. 5. Ex eo, quod materia *Eua* sumpta sit ab Adam, Adam non dicitur mater *Eua*; ergo idem. 6. A matre filius recipit esse; sed Christus non recepit esse à B. Virgine; quia in Christo non est, nisi esse increatum, quod à solo Patre recepit; ergo idem. 7. Quamvis tota Trinitas effectiue communicauerit Christo naturam humanam, attamen non dicitur Pater Christi; ergo quamvis B. Virgo ei communicauerit naturam humanam, non est dicenda mater illius. 8. De ratione matris est emittere semen; quod nequit dici de B. Virgine, aliter Virgo non permanisset.

Resp.

Resp. Fund. Doct. dist. 4. p. 2. q. 1. art. 2. ad 5.

D. Damascenus asserere B. Virginem non esse dicendam genitricem Christi, vt est purus homo; neq; vt est purus Deus; sed vt est Deus homo; loquebatur enim *contra Nestorium* dicentem in Christo esse duas personas; & ideo quatenus homo, esse purum hominem; & quatenus Deus, esse purum Deum; & in hoc sensu negat esse matrem illius; nō tamen negat esse matrem hominis, qui est Deus. Ad 2. resp. art. 1. ad 4. ad rationem patris requiri, quod communicet naturam per identitatem, vel per diuisionem naturæ; quod cum fecerit B. Virgo, non Spiritus Sanctus; ideo B. Virgo debet dici mater, quæ communicando partem suæ substantiæ, seu sui sanguinis purissimi, cumque nutriendo ipsum genuit; non autem Spiritus Sanctus; qui nec partem, nec totam naturam communicauit Christo, sed tantum illam acceptam à Virgine produxit efficienter sub esse. Ad 3. dist. 2. Respicit suppositum, prout habens hanc naturam, conc; & quia suppositum Verbi habuit naturam humanam à B. Virgine; ideo suppositum Diuinum, prout habens naturam humanam, est Filius Virginis. Respicit suppositum præcisa natura, neg; nam filiotio est terminus generationis, quæ est communicatio naturæ. Ad 4. neg. conf; nam arbor præbet materiam extrinsecè tantum formandam in statuam, non autem illam locat intra sua viscera seruandam, nutriendā &c; vt est de ratione matris; & sic ad 5. Ad 6. dist. 2. A matre filius recipit esse formaliter, neg; ex consequenti, conc; nam quantum omnis effectus recipiat esse à causa efficiente, non tamen causa efficiens est mater sui effectus. Igitur ad rationem matris requiritur communicare naturam modo dicto, scilicet præparando materiam, locando intra se, & nutriendo intra se sanguine purissimo, & extra se lacte, qui est sanguis dealbatus. Ad 7. neg. conf; nam ad rationem patris requiritur communicare naturam formaliter existentē in ipso; natura autem humana solum eminenter, non formaliter existit in Deo; formaliter autē existit in B. Virgine. Ad 8. dicitur emissionem seminis ipsius mulieris merè accidentaliter concurrere ad generationem; quia mulier post conceptionem emittit suū semen; imò narrat Fund. Doct. dist. 3. p. 2. q. 2. art. 1. S. Tertia vias, quandam mulierem concepissee sine corruptione sui; & additur illud, quod refert *Anueros in suo Colligere*, mulierem quādam concepissee recipiendo semen viri sparsum in balneo, in quod illa intrarat. Tum quia nullum corporeum potest actiue agere in se ipsum; quia, vt probat *Proclus, nullum corporeum est ad se conuertere*; semen autem mulieris manet in muliere; & ideo actiue non concurrat ad generationem; & ideo sine illius emissionem potest dari generatio.

13 Sed quæres; an sicuti B. Virgo dicitur

matrē Christi, ita possit dici mater Dei?

Resp. Fund. Doct. dist. 4. vbis. affirmatiue.

Est *contra Nestorium* asserentem aliam esse personam humanam in Christo, & huius esse matrem B. Virginem; & aliam personam Diuinā, & huius non esse matrem. Prob. tamen. Filiatio, & maternitas attribuuntur personæ, vt quod; & naturæ, vt quod; natura enim non dicitur filia, aut mater; sed persona Christi Domini, qui est Filius B. Virginis, est Deus; ergo B. Virgo dici potest mater Dei; & hoc ob communicationem idiomatum; quia nanque natura Diuina, & humana communicant in eadem persona Diuina; ideo quæ dicuntur secundum naturam humanam, Deo concretè sumpto possunt attribui; cui etiam attribuuntur, quæ dicuntur secundum naturam Diuinam. Hoc tamen non est intelligendum de Deo absolute sumpto, prout est communis toti Trinitati; sed determinatè, scilicet Dei, qui est homo; non enim est mater Dei, nisi quia est mater hominis, qui est Deus; ideo non valet, quod sicuti est mater hominis, quia ab illa recepit Christus naturam humanā; ita est mater Dei, quia ab illa recepit naturam Diuinam; siquidem non dicitur mater Dei ratione communicationis naturæ Diuinæ, sed ratione naturæ humanæ, quæ sustentatur à supposito, quod est Deus, & ob hoc dicitur mater Dei. Vid. Fund. vbis.

14 Prob. 2. pars concl; & quidem quod B. Virgo de facto non fuerit causa instrumentalitatis vnionis hypostaticæ, omnes conueniunt; *Scriptura* nanque, & SS. PP. docent incarnationem esse opus solius Dei iuxta *Abac. 3. Domine opus tuum*; ergo de facto nulla creatura instrumentaliter concurrat ad incarnationem. Tum quia *Scriptura* non assignat, nisi causam materialem; habetur enim *ad Gal. 4. Misit Deus Filium suum factum ex muliere*; illa autem particula *ex* designat causam materialem, vt constat; ergo secundum *Scripturas* est asserendum nullam creaturam fuisse causam instrumentalem incarnationis de facto; quia de hac *Scriptura* non loquitur. Si autem de facto daretur hæc causa, *Scriptura* eam non taceret, sicut causam materialem non tacuit.

15 Igitur de potentia Dei absoluta prob. ex S. P. Aug. vbis. Implicat per potentiam Dei absolutam creaturam esse causam instrumentalem creationis; vt diximus *to. 3. q. 2. de Creat. art. 4*; ergo multò minùs incarnationis; nam cui repugnat virtus productiua alicuius effectus ob excellentiam ipsius operis, ei pariter repugnabit virtus productiua effectus excellentioris; vt cui repugnat virtus portandi centum, repugnat etiam virtus portandi mille; sed incarnatio est opus excellentius creatione; illa enim est ordinis Diuini hypostatici; hæc ordinis naturalis; ergo si creaturæ repugnat virtus instrumentaliter causatiua creationis, à fortiori ei repugnat

gnat virtus instrumentaliter productiua incarnationis.

16 Resp. *Gibbi* & *Gonet* incarnationem, licet sit maior ex parte rei factæ, non esse tamen maiorem ex parte rei faciendæ; quia cum opus creationis producatur ex nihilo, & cum inter nihil, & ens sit infinita distantia, ideo requirit virtutem infinitam. At verò incarnatio est ex substantia Diuina finito modo communicata, naturæ humanæ, ideo non requirit virtutem infinitam. Ex quo sic arguit *Gonet*. Actio specificatur à termino formali, non à materiali; sed terminus formalis creationis est nihil, quod est infinitum; & terminus materialis est substantia creata, quæ est finita; terminus autem formalis incarnationis est substantia Diuina, vt finito modo communicabilis; terminus verò materialis est ipsa substantia Diuina, quæ secundum se est infinita; ergo repugnat actionem creatiuam conuenire creaturæ, non autem incarnationis productiuam; quia ei repugnat sola actio infinita. 2. Resp. *Gonet* neg. conf.; quia terminus creationis producitur; incarnationis verò solum communicatur.

17 Ex his potius firmatur ratio. 1. In tantum requiritur virtus infinita ad creandum, in quantum inter nihil, quod est terminus creationis, & esse datur distantia infinita; sed inter Deum, qui est terminus terminans naturam humanam, & naturam humanam datur distantia infinita; imò maior distantia, quia hæc est positiua, illa negatiua; ergo à fortiori ad incarnationem requiritur virtus infinita. 2. Actio specificatur à termino formali *ad quem*, non à termino *à quo*; nullum enim positiuum potest specificari à suo negatiuo; terminus autem *à quo* est negatiuus, quia est nihil; sed terminus *ad quem* creationis est esse *vt sic*, præcisiue, quia est esse, prout correspondet nihilo, quod est terminus *à quo*; terminus enim *ad quem* debet correspondere termino *à quo*; ergo actio creatiua specificatur ab esse, *vt sic*. Sed quauis esse creaturæ terminet essentiam modo finito; attamen quia actio creatiua respicit illud esse, *vt sic*, præcisiue, & hoc modo est infinitum; ideo actio creatiua debet esse à virtute infinita; ergo quia actio productiua incarnationis terminatur ad substantiam infinitam, quæ est terminus *ad quem*, quauis talis substantia terminet naturam humanam finito modo; attamen talis actio requirit virtutem infinitam simpliciter. 3. Virtus productiua, quæ competit creaturæ, essentialiter specificatur ab esse creabili; actio enim productiua, quæ conuenit creaturæ, essentialiter sequitur ad esse ipsius creaturæ, quod est esse creatum; ideo essentialiter nequit tendere, nisi in esse, quod potest esse creatum; aliter tenderet in esse, quod est supra esse, quod habet; & sic effectus excederet suam causam, quod est impossibile; sed esse, quod per incarnationem

communicatur naturæ humanæ, non est creatum, sed increatum, est enim esse suppositi Diuini; ergo virtus productiua, quæ competit creaturæ, nequit de potentia Dei absoluta tendere ad esse, quod per incarnationem naturæ humanæ communicatur; quia per nullam potentiam potest tendere extra suum specificatum essentialiter. Ad 2. Quauis Filio, & Spiritui Sancto communicetur esse per communicationem purissimam, non per productionem effectiuam, ipsius esse; attamen non sequitur, quod non requiratur virtus communicatiua infinita; quia esse infinitum non potest respici, nisi à virtute infinita, cuius est terminus specificatiuus; ergo quauis in incarnatione non producat effectum, non sequitur tamen, quod virtus communicatiua illius non debeat esse infinita.

18 Præterea prob. Implicat, quod subiectum passiuum receptiuum actionis generatiuæ concurrens tantum ad generationem intra se ipsum sit instrumentum generantis extrinseci deferens actionem generantis extrinseci in se ipsum, tanquam in subiectum actionis generatiuæ, sed B. Virgo est subiectum passiuum receptionem actionis generatiuæ concurrens tantummodo ad generationem intra se ipsam; ergo implicat B. Virginem esse instrumentum generationis temporalis, quia intra ipsam Filius Dei temporaliter est genitus. Prob. ma. Instrumentum agentis extrinseci est tantum extrinsecum; vt patet de calore respectu ignis, mallico &c; sed implicat subiectum passiuum &c. esse extrinsecum, quia repugnat idem esse intrinsecum, & extrinsecum; ergo idem. Tum quia instrumentum agentis extrinseci actiue concurrat ad actionem illius; sed implicat subiectum passiuum simul actiue concurrere ad eandem actionem, quam recipit; aliter non repugnaret idem esse masculinum simul, & foeminam; quia non repugnaret idem actiue, & passiuè concurrere ad generationem; ergo idem. Mi. patet; nam B. Virgo in incarnatione concurrat, vt mater; sed mater concurret, vt recipiens actionem viri, ergo idem.

19 Conf. Implicat, quod causa principalis assumatur, vt causa instrumentalis; quia implicat, quod causa causet, & non causet per virtutem propriam; causa enim principalis propria virtute causet; & instrumentalis non causet propria virtute, sed aliena; sed B. Virgo est causa principalis subministrans materiam organizandam, & formandam virtute Spiritus Sancti, atque adeo perficientis munus viri; cum quia materia sic organizata idem Spiritus Sanctus coniunxit animam, & vtranque supposito Verbi Diuini terminandam vniuit; ergo implicat B. Virginem fuisse causam instrumentalem Spiritus Sancti instrumentaliter concurrens ad vniionem hypostaticam.

20 Obijc. *Gibb.* Creatura potest assumi, vt instrumentum transubstantiationis panis, & vini in corpus, & sanguine Christi; sacerdotes enim proferentes verba consecrationis instrumentaliter, tanquam Christi ministri, conuertunt panem, & vinum in corpus, & sanguinem Christi. Item creatura corporalis potest eleuari ad producendam instrumentali gratiam habitua-lem, & cetera dona supernaturalia; aqua enim naturalis in baptismo de facto eleuatur ad producendam instrumentaliter gratiam sanctificantem animam; ergo saltem de possibili pura creatura potest eleuari ad producendam purè instrumentaliter vnionem hypostaticam; nam quauis vnio hypostatica sit omnium donorum supernaturalium excellentissimum; attamen est quid creatum, & ideo intra spheram creaturæ, & actionis creatæ; & nulla potest assignari maior proportio explicans actionem sacerdotis, & aquæ naturalis per ordinem ad transubstantiationem, & productionem gratiæ; quam ponere B. Virginem instrumentaliter potuisse concurrere ad vnionem hypostaticam. Tum quia B. Virgo præparauit, & ministravit matricem, vt caro per virtutem Spiritus Sancti taliter præparata, & vnita animæ rationali à Verbo Diuino assumatur, & terminetur; sicut in alijs generationibus terminatur propria substantia; sic enim solum saluator, quod Christum verè genuerit, & fuerit vera mater Christi. Tandem humanitas non fuit prius natura producta, quam Verbo vnita; imò vnio hypostatica in aliquorum sententia non differt ab vnione animæ, & corporis; sed B. Virgo fuit causa humanitatis, & vnionis animæ ad corpus; ergo & vnionis hypostaticæ.

Resp. hæc probare de facto, non autem de possibili solum; vnde *Gibb.*; qui negat de facto, tenetur etiam hæc soluere. Ad 1. neg. confi; & disparitas est. 1. Quia sacerdotes, & aqua sunt quid extrinsecum effectui, & ad effectum actiue concurrunt, ideo possunt esse causa instrumentalis, de cuius ratione, vt diximus, est producere effectum extra se, & actiue concurrere, reducit enim ad causam efficientem; at B. Virgo causauit solum intra se materiam, & passiuè se habuit quātum ad organizationem, ad quam actiue non potuit concurrere, aliter gessisset munus viri; ideo non potuit instrumentaliter concurrere. 2. Effectus sacerdotis, & aquæ est creatus; sacerdotes enim formaliter transmutant panem in corpus Christi; & tantum per concomitantiam versantur circa Diuinitatem; at verò producens vnionem hypostaticā formaliter produceret aliquod increatum, quia vnium extremum est increatum; vnio autem non est, nisi extrema vnita; sed implicat creaturam producere increatum etiam instrumentaliter, vt dictum est. Ad 1. prob. insert. dicitur vnionem esse quid creatum ex parte vnus extremi tantum, non ex parte vtriusque, quapropter Chri-

stus nequit dici simpliciter creaturæ; at verò corpus Christi præcisè, & gratia sunt quid creatum simpliciter. Ad 2. prob. dicitur maximam esse improprietatem inter productionem vnionis hypostaticæ, & transubstantiationem, ac gratiæ productionem; nam productio vnionis hypostaticæ est actio vniciens naturam humanam, cum persona Diuina, quæ ob rationes allatas nulli creaturæ potest competere. Transubstantiatio verò est actio conuersiua vnus substantiæ in corpus Christi formaliter; & productio gratiæ est actio pariter productiua qualitatis creatæ; quæ possunt conuenire creaturæ. Ad 2. dicitur ex eo, quod B. Virgo præparauerit, & subministrauerit materiam, fuisse causam principalem, non instrumentalem, vt diximus; ex eo enim, quod terra præparet, & subministret ligna ad comburendum, non dicitur instrumentum ignis, sed causa principalis lignorum præparatiua, & subministratiua illorum igni. Ad 3. dicitur cum *Fund. Doct. hic diff. 2. p. 2. q. 2. art. 4.* carnem, animam, & Verbum in eodem instanti temporis fuisse vnita; quauis ordine naturæ prius fuerit caro vnita animæ; quia Verbum assumpsit carnem viam, & animatam, vt cum *S. P. Aug.* docuimus *q. 1. art. 1. nu. 1.* & in seq. q. iterum dicemus; non tamen sequitur ex hoc, quod subministrans materiam producat vnionem; sicut ex eo, quod terra subministret materiam igni, non dicitur producere vnionem ligni cum igne. Materia autem corporis Christi non vnitur animæ, nisi vt organizata; & ideo solum organizans materiam dicitur attingere vltimam dispositionem ad vnionem, non tamen dicitur producere vnionem, quia vnio passiuè accepta est ab vnitione actiua, quæ est actio agentis, quod vnit extrema. Ideo homo dicitur generare, quia, attingit vltimam dispositionem ad vnionem, scilicet organizationem, non tamen producit vnionem corporis cum anima, quia hæc est à Deo creante animam; docet enim *Fund. Doct. diff. 2. p. 2. q. 2. art. 3. §. Tertio modo* loquens de vnione, qua caro vnita est animæ: *Talis vnio secundum Philosophum non habet causam, nisi motorem. Eo enim ipso, quod caro, vel corpus est in potentia ad animam, tanquam materia ad suum actum, non requiritur ibi clausus, vel colla coniungens &c.* Vnde cum B. Virgo non potuerit organizare materiam, quia hoc est munus viri, quod supplēuit Spiritus Sanctus, implicat enim foeminam esse virum, & matrem esse patrem; ideo B. Virgo, licet materiam subministrauerit, non tamen illam disposuit vltimatè ad vnionem, nec vnionem causauit. Igitur neg. 2. pars mihi scilicet quod B. Virgo fuerit causa efficiens vnionis animæ ad corpus; & ideo quauis admittatur eandem esse vnionem, per quam vnita est corpori anima, & Verbum vtrique; quod tamen est falsum, vt docet *Fund. Doct. vbiq.* quia extrema sunt diuersa; non tamen sequitur B. Virginem

fuisse causam vnionis Verbi ad humanitatem, quia non fuit causa vnians animam cum corpore, solus enim Deus, qui creat animam, illam vnit cum corpore; & ideo cum nulla creatura possit eleuari nec etiam instrumentaliter ad creandam animam, sequitur, quod nulla creatura possit instrumentaliter eleuari ad vnionem efficienter animam cum corpore; sed dato etiam, quod posset creatura in resurrectione eleuari ad hanc vnionem, non tamen sequitur, quod posset eleuari ad extendendam talem vnionem ad suppositum Diuinum; quia hoc est extra sphaeram actiuitatis creatæ, vt dictum est. *Sed de hoc in seq. q.*

21 Inst. Organizare materiam est actio de facto competens creaturæ; ergo Deus saltem potuit in incarnatione eleuare puram creaturam ad organizandam materiam assuendendam à Verbo.

Resp. neg. conf.; cum enim organizare materiam sit actio viri concurrentis ad generationem; & cum impossibile sit simpliciter ad incarnationem Verbi concurrere virum; quia impossibile est, quod purus homo sit pater naturalis Christi Domini; ideo creatura nequit eleuari ad actiue organizandam materiam corporis Christi Domini. *Vid. alias obiect. 10. 3. de Creat. q. 2. art. 4. & 5.*

22 Repl. Dictum est 10. 3. art. 4. vbi. n. 17. creaturam posse assumi, vt instrumentum incarnationis indirecte operans circa humanitatem, v. g. organizationem corporis; ergo hic contradicitur.

Resp. Imperforum imperitia, aut error posuit fuisse eo loco, *conci*; debebat autem poni *transfert*; qui error in aliquibus codicibus fuit correctus. Illic ergo transmissa est hæc difficultas, quæ non erat propria illius loci. Vel dicitur eo loco fuisse concessum *Aduersariis* in eorum sententia, de qua non erat tunc locus disputandi, ne in solutione illius dubij discussionem istius inueheremus; vnde illa concessio fuit idem, ac difficultatis transmissio; quod enim transmittitur, accipi solet ab *Aduersariis* pro concessio.

A R T. II.

An B. Virgo subministrauerit materiam assuendam à Verbo Diuino puram à labe peccati originalis?

1 C Oncl. fidei est Verbum Diuinum assumpsisse carnem puram, & mundam ab omni sorde peccati; habetur enim Rom. 8. *Deus Filium suum mittens in similitudinem carnis peccati*; super quod S. P. Aug. in suppl. cont. Iul. lib. 4. cap. 78. ait: *Non enim per concupiscentiam carnis Virgo conceperat; & ideo in eo sine propagine peccati carnis propago pertransiit; vt esset in eo, non*

caro peccati, sed similitudo carnis peccati carnem saluaturam peccati. Et mox explicans in quo consistat similitudo carnis peccati subdit: *Sed tamen & ipse mortuus est propter similitudinem carnis peccati.* Nam si nec moreretur, non solum carnem peccati non haberet, sicut non habebat; sed nec eius ostenderet similitudinem, quam pro nostra salute susceperat. Assumpsit ergo carnem similem carni peccati, quia assumpsit carnem mortalem; caro enim mortalis est similis carni peccati; quia caro peccati est mortalis, cum solum per peccatum facta sit caro mortalis. Et 10. 14. *Venit enim princeps mundi huius, & in me non habet quidquam*; super quod S. P. Aug. vbi. cap. 81. legens secundum aliam versionem: *Et in me inueniet nihil*; ait: *Imò verò nihil peccati, nec quod à nascendo trahitur, quia in nulla iniquitate conceptus est; nec quod à viuente additur, quia nulla tentatione deceptus est.* Et Hebr. 7. de Melchisedech, qui decimas accepit ab Abraham, & à Leui existente in Abraham lumbis, dicitur: *Sine patre, & sine matre sine genealogia, neque initium dierum, neque finem vita habens, assimilatus autem Filio Dei &c.* quia Filius Dei (inquit Fund. Doct.) in Cælis natus est sine matre; in terris verò sine patre, & sine genealogia, quia non est genitus per seminalem rationem, & secundum carnalem concupiscentiam. Quamuis autem Christus secundum corporalem substantiam fuerit in lumbis Abraham (ait idem S. P. Aug. lib. 10. de Gen. ad lit. cap. 20); sicut & Leui; attamen Leui decimatus est, non Christus figuratus in Melchisedech, quia secundum illam rationem seminale ibi fuit Leui, quia ratione per concubitus venturus erat in matrem; secundum quam rationem non ibi erat Christi caro; & quia solum per carnalem concupiscentiam peccatum originale contrahitur; ideo Christus, qui non fuit genitus ratione seminis, illud non contraxit. Ex his ego deducitur Verbum Diuinum assumpsisse carnem mundam ab omni sorde peccati; quod ibid. insert idem Apost. inquiens: *Talis enim decebat, vt nobis esset Pontifex sanctus, innocens, impollutus, segregatus à peccatoribus.* Si autem assumpsisset carnem peccato infectam, non esset segregatus à peccatoribus, sed cum illis peccatum communicasset. Rationem autem superius dederat: *Vnde & saluare in perpetuum potest a cæcitate per similitudinem ad Deum, semper viuens ad interpellandum pro nobis.* Solus enim, qui sine peccato est, pro aliorum peccato potuit interpellare, & satisfacere; nam Psa. 81. dicitur: *Factus sum sicut homo sine adiutorio, inter mortuos liber.* Super quod S. P. in eundem Psal. ait: *Quis enim alius inter mortuos liber, nisi in similitudine carnis peccati inter peccatores solus sine peccato?* Et mox: *Et quia per eum, qui non habebat peccatum, oportebat liberari à peccatis: Si vos (inquit) Filius liberauerit, tunc liberi eritis.* Non enim nisi liber potest seruum liberare; quia solus liber potest se ipsum dare in pre-

in pretium redemptionis ipsius serui; nam seruus iam est sub potestate illius, cuius est seruus, & ideo nequit se ipsum tradere sub illius potestatem, vt ab hac potestate redimat alium, qui sub eadem tenetur captiuus. At liber potest se ipsum tradere sub potestatem alterius in pretium alicuius, qui est sub ipsa potestate, vt ab ipsa eum redimat. *Vid. Fund. Doct. in ep. ad Ro. c. 8. lect. 24. dubit. 2.*

Dices. *Ad Gal. 4.* dicitur: *Misit Deus Filium suum factum sub lege;* qui autem est sub lege, non est liber.

Resp. *Fund. Doct. dist. 1. par. 2. art. 5. dub. 4. lit.* Quod esse sub lege stat tripliciter. 1. Quantum ad timorem; & hoc modo Christus non fuit sub lege; dicitur enim. 1. *ad Tim. 1. Iusto lex non est posita.* 2. Quantum ad obseruantiam, & impletionem; & hoc modo Christus fuit sub lege, quia legem seruauit, & impleuit; erat tamen liber à lege peccati, quia non poterat peccare, & ideo non debebat legem timere; sola autem lex peccati tollit libertatem Filiorum Dei, & facit captiuum diaboli.

2. Ad hoc ergo, vt aliquis contrahat peccatum originale, duo requiruntur. 1. Quod caro, quam nascendo participat, sit infecta peccato originali, quod solum per traditionem, carnis traducitur. 2. Quod caro traducatur per feminalem rationem, seu per concupiscentiam carnalem, quæ ad peccatum inclinat, vt cum *Beatiss. P. Aug.* docet *Trid.* Primum tollitur per gratiam sanctificantem, quæ vel in baptismo, vel extra baptismum infunditur, vt in sanctificatione in vtero; gratia enim sanctificans mundat carnem ab omni labe peccati; ergo cum Christus Dominus sumpserit carnem à B. Virgine, iam sanctificata per gratiam, qua erat repleta, ante incarnationem; antequam enim suum preberet consensum dicendo: *Ecce Ancilla Domini, fiat mihi secundum verbum tuum* (tunc namque facta est incarnatio) Angelus eam vocauit gratia plenam inquires: *Aue Maria gratia plena;* & cum per opus Spiritus Sancti, non per feminis operationem carnem assumpserit, manifestè concluditur assumpsisse carnem puram, & mundam ab omni labe peccati.

3. Sed dubium fuit inter antiquos DD; an caro Virginis fuerit sanctificata in primo instanti, in quo B. Virgo fuit concepta ita, vt concepta fuerit sine peccato originali, quod cum gratia sanctificante nequit componi? Vel in secundo instanti ita, vt in primo fuerit peccato originali inquinata, & in secundo fuerit per Christi gratiam à tali peccato redempta, & sanctificata? Quod exponemus in seq. §.

§. I.

An B. Virgo fuerit concepta sine peccato originali?

4. **T**ota hæc concertatio in Beatissimæ Virginis ordinatur encomium, & laudem ita, vt & qui negarunt, & qui assenserunt eam fuisse in peccato originali conceptam ex diuerso laudationis motiuo id præstiterint. Ludus fuit supremæ creaturarum Reginæ natiuitati non ex vtero, sed in vtero institutus, in quo necdum qui propugnare, sed & qui pugnare visi sunt, æquo studio enixi sunt celebrare. Vnde non solum despiciendi, sed redarguendi sunt quidam minus docti, ac pij, qui minoris eos arguunt pietatis, ac deuotionis in Sanctissimam Virginem, qui ex opposito, quam qui ex proposito, sed æquali voto eam decertarunt laudare.

5. Prima igitur sententia negatiua est. Ita *Fund. Doct. Arg. in 3. dist. 3. p. 1. quest. 1. artic. 1;* & *Quodl. 6. quest. 20;* & in 2. pluribus in locis; *nostr. Greg. Arim. in 2. dist. 30. quest. 2;* D. Tho. 3. p. quest. 27. art. 1; & 2; & sæpe alibi; *Capr. in 3. dist. 3. quest. 1. art. 1. concl. 1;* Caiet. 3. par. q. 27. artic. 1; & in opus. de concept. c. 4; *Ferr. 4. cont. Gent. c. 50;* *Can. de Loc. Theol. lib. 7. cap. 1;* *Med. 3. p. quest. 27. art. 1;* *Bandellus de Castro nouo; Alberti. Magn. in 3. dist. 3. art. 4;* & 5; D. Bon. ibid. art. 1. quest. 1; *Ricc. art. 1. qn. 2;* *Dur. q. 1;* *Palud. q. 1. art. 1;* *Hernus quest. 1;* *Okam. q. 1. ad 6;* *Guido Carmelita Quodl. 3. quest. 13;* *Glof. in cap. 2. miratur;* & in cap. per baptismum de consecrat. dist. 4; & in c. firmier; & in cap. 1. Natiuitas; & in cap. pronuntiandum de consecr. dist. 3; *Hofstien. in summa tit. de penis;* & *remisi. S. Quis debet;* *Tur. rec. in c. firmier;* & in c. in his de consecr. 3; *Io. Andreas in nouella in cap. Conquestus de ferijs;* & ibid. *Calderin;* & alij.

6. Secunda affirmat. Ita ex nostris *Argent. in 3. dist. 3. q. 1. art. 1;* *Franc. à Christo;* *Aeg. Lufit. latissimè volumine integro de Conceptu;* *Lud. de Azunedo;* *Gibb. de Incarn. qu. vlt;* & supposito, quod hoc in decus Virginis magis redundet, consentit *Fund. Doct. in 2. Ex Thomistis ipse D. Tho. in 1. dist. 44. quest. 1. artic. 3. ad 3;* *Alberti. Magn. de Land. Virg. c. 166;* *Catharin;* *Canis;* *Vigner;* *Hug. Card;* *Leonard. de Vtino;* *Io. Tanlerus;* *Guilelm. Pipin;* *Vincent. Iustinian;* *Stephan. Mendes;* *Ioan. à S. Tho. to. 1. in 1. par. & alij.* Ex Scotistis *Scot. ipse in 3. dist. 3. quest. 1;* *Licet;* *Maiores;* *Bassoli;* *Onandi;* *Anton. Cordubens;* *Io. Med. & alij.* Ex alijs *Gabr. Almain;* *Caribns;* *Marf;* *Sua;* *Vasq;* *Sua;* *Val;* *Azor;* & alij tam ex Theologis, quam ex interpretibus, qui possunt videri apud *Lusit. ubi sup. lib. 3. q. 1. art. 1. §. 2.*

7. Supp. neutram ex his duabus sententijs esse de fide; ac propterea neutram hæreticam. Hoc patet ex *Concl. Sixti IV. in Extravag. Graue nimis;*

nimis renouata per *Alex. III. an. 1502; & Pio V. Extrau. Super speculum; & Trident. sess. 5. de pecc. orig. in fine*; ubi sub poena excommunicationis latæ sententiæ prohibetur, ne quis vnâ, vel alteram vocet hæreticam. Adduntur *Alex. VI; Paulus V; & Greg. XV; qui Antioribus primæ sententiæ* imposuerunt perpetuum silentiū, ne illam publicè audeant defendere; vel prædicare, ne scandalo afficiatur populus, qui conceptiōnem B. Virginis à labe peccati originalis iam tenet immunem.

8 Non querimus autē, an contraxerit peccatū in *Adam*, seu an *in Adam* peccauerit; de hoc enim *inf.* erit sermo; sed an per viā generationis peccatū originale in se ipsa contraxerit, sicut contrahunt omnes alij descendentes ab *Adam*. Nec loquimur secundum potētiam ordinariam, secundum quam Deus generaliter statuit omnes *Ade* posteros peccatum originale contrahere; sed secundum potentiam absolutam ab ordine, quem Deus de facto præfixit generaliter alijs hominibus, & agente in secundum specialem, prouidentiam, qua ordinauit Matrem Verbi Diuini ad gratiam maternitatis Filij Dei; & hoc de facto, non de possibili; certum enim est apud omnes potuisse Deum hoc facere, quia nulla est repugnantia.

9 Vnica concl. B. Virgo fuit concepta sine peccato originali.

Prob. 1. ex *Gen. 3. Inimicitias ponam inter te, & mulierem; & inter semen tuum, & semen illius. Ipsa conteret caput tuum.* Nomine autem, *mulieris* significatur Beata Virgo, vt exponunt *SS. PP;* ex quo sic. 1. Amicitia, quæ contracta fuit inter *Euam*, & Diabolum, fuit peccatum originale; sed inimicitia, quæ posita est à Deo inter B. Virginem, & Diabolum, fuit opposita amicitia, quæ fuit contracta inter *Euam*, & Diabolum; ergo inimicitia, quæ posita fuit à Deo inter B. Virginem, & Diabolum, fuit opposita amicitia, quæ contracta fuit per peccatum originale. Atqui oppositum amicitia per peccatum originale contracta est inimicitia contracta per conceptionem sine peccato originali; ergo B. Virgo fuit concepta sine peccato originali. Ma. constat; quia sicut gratia est ratio, per quam contrahitur amicitia cum Deo, & inimicitia cum Diabolo; ita peccatum est ratio, per quam contrahitur inimicitia cum Deo, & amicitia cum Diabolo. Prob. ii. Si hæc inimicitia non fuisset opposita illi amicitia, conuenisset cum illa; & sic non fuisset inimicitia, sed amicitia; inimicitia enim opponitur amicitia, vt constat; ergo idem. 2. Eodem modo seruatis seruandis discurrendum est de inimicitia, quam posuit Deus inter B. Virginem, & Diabolum; quo discurremus de inimicitia, quam posuit inter semen Virginis, quod est Christus; & semen Diaboli, quod est peccatum; *Scriptura* enim eodem modo de vtraque loquitur, nec

vllum ponit discrimen; sed Christus ita fuit inimicus Diabolo, vt conceptus fuerit sine peccato originali; nec vllum actuale commiserit; ergo idem dicendum de B. Virgine; aliter non fuisset prorsus inimica, sed amica prius per peccatum originale, & postea inimica per gratiam, quod est contra *Scripturam*. 3. Illud, per quod Diabolus constitutus est caput hominum, est peccatum originale; per hoc enim incepit dominari in homines; sicut illud, per quod Christus constitutus est hominum Caput, est gratia, per quam peccatum destruxit; sed B. Virgo contriuit caput Diaboli, ergo contriuit peccatum originale; sed si concepta esset in peccato originali, illud non contriuisset, sed admississet in se ipsa; sicut illud non contriuerunt alij homines, qui illud contraxerunt, quando postea ab illo fuerint mundati, ergo non fuit concepta in peccato originali.

10 Dices B. Virginem contriuisse peccatum generando Christum, qui illud destruxit.

Sed contra est; nam *Scriptura* loquitur de B. Virgine, vt distincta à suo semine, quod est Christus, & de ipsa sicut ait postam esse inimicam Diabolo, quod verificatur nedum mediante Christo, sed etiam de ipsa immediate per Christi gratiam; ita verificatur, quod ipsa contriuit Diabolum mediante Christo, qui destruxit peccatum, & dedit gratiam Matri, vt se ipsa Diabolum contereret vitando omne peccatum etiam originale, quo procul dubio à Diabolo contrita fuisset.

11 Prob. 2. *Eiher 14. Quid habes, Eiher? Ego sum frater tuus, noli metere. Non morieris. Non enim pro te, sed pro omnibus hæc lex est constituta. Efftherem fuisse Mariæ figuram docent SS. Patres, & Expositores;* & populum significasse totum genus humanum secundum legem ordinariam ob *Ade* inobedientiam morti damnatum; *Assuerum* autem figurasse Deum, qui tulit hanc legem. *Maria* tamen deprecanti pro populo, & propriam mortem metuenti dixit: *Non morieris*; id est peccatum originale, quod est mors animæ, non contrahes; lex enim, quæ de contrahendo originali peccato pro omnibus est constituta, non est constituta pro te; quia secundum aliam legem specialem excepta es. Ex quibus sic. In tantum B. Virgo peccatum originale debuisset contrahere; in quantum Deus decreuit omnes homines descendentes ab *Adam* peccatum originale contraferos in se ipsis; in omnibus enim hominibus continetur etiam B. Virgo, quæ pariter ab *Adam* per viam generationis descendit; quodlibet nanque particulare continetur in vniuersali; sed hoc non concludit; quantis enim *Assuerus* legem tulerit, vt omnes *Hebrai* morti subijcerentur, attamen *Eiher* excepta est à tali lege per aliam legem particularem, & hoc non obstante dicta est lex vniuersalis lata pro omnibus: *Non pro te, sed pro omni-*

omnibus; idest non pro te, quæ alia lege ordinari debebas, sed pro omnibus, qui lege ordinari subijci debent, lata est lex communis communiter efficiens omnes; ita quanvis lex contrahendi peccatum originale peccante Adamo affecerit omnes ab illo descendentes, qui vna, & eadem lege omnibus communi ordinari debebant; attamen non debuit afficere B. Virginem, quæ lege speciali eligente ipsam in Matrem Christi debuit ordinari; unde licet B. Virgo fuerit particularis persona, quia tamen non fuit ordinata per legem communem, per quam ordinati sunt omnes, sed per legem extraordinariam, ideo non includitur in illa lege vniuersali; & per consequens verificatur, quod omnes contraxerint peccatum originale, & quod B. Virgo illud non contraxerit.

12 Prob. 3. ex Cant. 4. *Tota pulchra es, amica mea; & macula non est in te.* Ex quo sic. Creatura, quæ tota pulchra est, & in qua macula non est, nequit esse concepta in peccato originali; sed B. Virgo tota pulchra est, & in illa macula non est; ergo B. Virgo nequit esse concepta in peccato originali. Prob. ma. Illud, quod aliquando est deforme, & maculatum, non est totum pulcrum, & sine macula; quod enim est totum pulcrum, & sine macula, ita est pulcrum, & immaculatum, vt illo pulchrius, & immaculatius dari non queat; particula nanque *totum* importat omnem pulchritudinem, & puritatem, quod illi, cui applicatur, conuenire potest; quod autem aliquando est deforme, & maculatum, non importat omnem pulchritudinem, & puritatem, quæ illi potest conuenire; quia potest dari pulcrum, & immaculatum, quod nunquam fuerit deforme, & maculatum; adeoque quod nunquam caruerit pulchritudine, & puritate; carere autem aliquando pulchritudine, & puritate deformitas, & macula est; sicut nunquam carere pulchritudine, & puritate summa pulchritudo, & puritas est; tum quia si quod fuit aliquando deforme, & maculatum, posset dici totum pulcrum, & sine macula, posset hoc dici de animabus infantium baptizatorum, quod tamen *Scriptura* non asserit; communiter enim sola B. Virgo dicitur tota pulchra, & sine macula; sed quod est conceptum in peccato originali, fuit aliquando deforme, & maculatum; quia peccatum originale est deformitas, & macula; ergo quod est conceptum in peccato originali, non est totum pulcrum, & sine macula. Mi. pater; quia *allatus textus* communiter à SS. PP. & DD. explicatur de Beata Virgine.

13 Conf. 1. Quod est purum ab omni contagione peccati, non est conceptum in peccato originali; sicut quod est inquinatum omni sordis peccati, conceptum est in peccato originali, quod est sordes; qui enim dicit omne, nihil excludit; sed B. Virgo est pura ab omni conta-

gione peccati; vt statuit VI. Syn; ergo non fuit concepta in peccato originali.

14 Conf. 2. Sola B. Virgo dicitur in *Scripturis*, & à SS. PP. sine macula, & sine peccato; sed hoc nequit intelligi de solo peccato personali; quia plurimæ creaturæ decesserunt sine peccato personali, vt patet de infantibus; ergo debet etiam intelligi de peccato originali; aliter non est encomium proprium solius Virginis esse sine macula, quia conueniret etiam alijs à B. Virgine.

15 Prob. 4. ex 1. Cor. 15. *Primus homo de terra terrenus; secundus homo de Cælo cælestis.* Primus homo, qui debebat innocentiam transfundere, in omnes homines, factus est ex terra virgine, pura, & in qua macula nunquam fuit; sed Christus fuit figuratus in primo homine; quia venit ad restituendam sanctitatem, & transferendam in omnes; ergo Christus factus est ex terra B. Virginis pura, & in qua macula nunquam fuit. Tum quia maior puritas necessaria fuit ad efformandum hominem cælestem, cui terrestri macula nequit competere; quàm ad efformandum hominem terrenum, qui terrestri sordibus potuit inquinari; sed Adam, qui est homo terrenus, fuit efformatus ex terra virgine, & à Deo creata sine vlla sordibus; ergo idem à fortiori dicendum est de Christo. Hoc arg; vt refert *Carnif. lib. 1. de Deipara* c. 7; vsus fuit S. *Andreas Apost.* loquens *Ægææ* proconsuli his verbis: *De immaculata terra factus erat primus homo Christi necessario de immaculata Virgine natus est perfectus homo, in quo Dei Filius hominum recuperavit.*

16 Prob. 6. Vera mater Messie est munda ab omni peccato etiam originali; sed B. Virgo est vera mater Messie; ergo est munda ab omni peccato etiam originali. Ma. habebatur ex traditione inter *Rabbinos antiquos Synagoga*; vt testatur *Galatin. lib. 7. cont. Iudeos*; & potest colligi 1. ex eo, quod scribit *Io. Patriarcha Ierosol. anno 400. apud Trithem. lib. de instit. Monach. c. 32. to. 9. Biblioth. PP. pag. 1282*; vbi refert *Eliam orantem in monte Carmeli* iussisse puerum ascendere ad cacumen septem vicibus, & respicere contra mare; septima autem vice vidisse nubeculam ascendente de mari ad *Carmelum*; habetur enim 3. Reg. 18. *Ecce nubecula parua, quasi vestigium hominis ascendebat de mari ad Carmelum*; super quod ait *Io. Quid autem sacramentorum futurarum visio illa inuiscens contineret, & quod ingis mysterij Deus Elia per eam portenderet, dignatus fuit Elias aperire non palam hominibus, sed secretius conscribis.* Quibus verbis habetur explicationem talis mysterij fuisse consignatam traditioni. Et mox: *A quibus traditum tenemus Deum sub figurata visione reuelasse tunc Elia quatuor magna mysteria, quæ per ordinem explicabo. Primum quod quidam infanscula nasceretur, quæ ex utero matris suæ ab omni peccato munda*

da egrederetur. Et paulò post: *Renelans Deus Elia, quòd quadam infantula, scilicet B. Maria per illam nubeculam significata, & instar illius nubeculae per humilitatem parua, nasceretur de humana natura peccatrice designata per mare. Quae infantula in suo ortu esset munda ab omni peccatorum sorde; quemadmodum nubecula illa fuit de mari amaro sine tamen aliqua amaritudine. Licet namque nubecula illa esset originaliter eiusdem naturae cum mari; alterius tamen fuit qualitatis, alteriusque proprietatis; mare quippe ponderosum est, & amarum; sed nubecula illa lenis fuit & dulcis. Sic quantum in quolibet alio homine natura humana instar maris sit in sua origine ita amaritudine peccatorum, & vitiorum pondere pressa &c. B. tamen Maria de hoc mari, idest natura humana, aliter fuit orta, quia in suo ortu non fuit onerata amaritudine delictorum, sed instar illius nubeculae fuit lenis per immunitatem peccatorum, & dulcis per plenitudinem charismatum. Ex quibus apparet sermonem esse de natiuitate non ex vtero, sed in vtero, quae vera natiuitas est; vt dicitur *Matt. 1. Quod in ea natum est, de Spiritu Sancto est*; sermo enim est de natiuitate ex natura humana, non ex Anna; oriri autem ex natura humana est cõcipi in natura humana, quod fit in vtero; tum, quia sermo est de ea natiuitate, quae homines grauantur peccatis; sed non grauantur in natiuitate ex vtero, sed in vtero, quia aliqui nati sunt sancti ex vtero, vt *Ioannes Baptista, & Ieremias*; tum quia sermo est de origine, quae significat natiuitatem in vtero, non ex vtero. *Vid. nostrum Lusit. inf.* ex quo *Salm. 10. 4. de pecc. tract. 13. disp. 15.* Præterea hoc clare cognoscebatur à *Prophetis in Scripturis sup. allatis*; quibus additur illud *Pf. 84. Benedixisti Domine terram tuam*, idest B. Virginem, de qua corpus sumere debebat; & *aueriti captiuitatem Iacob*; quamuis enim captiuitas Iacob sumi possit pro captiuitate filiorum Iacob; attamen non incongruit, quòd captiuitas Iacob sumatur pro captiuitate peccati originalis, quo ligabatur Iacob; à qua liberata est B. Virgo, quae est terra, quae descendit ex Iacob. Ergo ex traditione inter Hebræos constabat veram matrem Messiae futuram fuisse sine peccato originali.*

17 Prob. 7. ex reuelationibus priuatis, quæ licet de fide sint credendæ tantum ab ijs, quibus à Deo fiunt, non autem ab alijs, quibus immediatè à Deo non fiunt, vt diximus *10. 4. q. 3. de Fide articulo 2. num. 15*; attamen magnam vim habent, vt generent assensum Theologorum, quoties approbatae sunt ab Ecclesia. Inter reuelationes B. *Brigitte lib. 1. c. 9. n. 5.* reperitur, quòd B. Virgo ei reuelauit animam cum corpore in ipsa conceptione fuisse sanctificatam; & *lib. 5. in fine*, quòd Deus Pater ei dixit Mariam ex peccatoribus quidem natam, attamen sine peccato conceptam; & *lib. 6. c. 9.* B. Virgo ei dixit: *Veritas est, quòd ego concepta fui sine peccato originali. Noster*

Lusit. affert reuelationes S. Amadai; sed de his in seq. §.

14 Resp. Caiet. has reuelationes D. *Brigitte*, cum sint contra doctrinam SS. PP; esse meras phantasias, & illusiones; & eo magis quia S. *Catharina Srenen.* fuit reuelatum oppositum.

Sed contra est *Lusit. lib. 3. q. 4. art. 1. §. 1.* reuelationes D. *Brigitte* fuisse per Theologos examinatas, & approbatas tanquam probabiles à *Greg. XI; Urbano VI; & Bonif. IX;* & è contra, *Kemnitium*, aliosque hæreticos eas vocasse infusula deliramenta. Item negare in genere reuelationes priuatas esse contra communem doctrinam Theologorum. Ad illud de D. *Cath. Srenen.* respondent *Catharinus; Suas; Vass;* & alij talem reuelationem fuisse additam; quia nec *Raymund;* nec *Steph. Caribasi;* nec *Tbo. Senen;* qui illius vitam scripserunt, hanc reuelationem retulerunt. Præterea non constat talem reuelationem fuisse examinatam à Theologis, sicut constat de reuelationibus B. *Brigitte*; ideo ad minus illa non habet eandem vim, quæ sumitur ex auctoritate Theologorum, quam habent isti; quantum non constet reuelationes B. *Brigitte* spectantes ad sanctificationem B. Virginis fuisse in particulari posituè approbatas.

18 Prob. 8. ex SS. PP; & 1. ex S. P. *Ang. lib. de nat. & grat. c. 36.* docente: *Excepta Virgine Maria, de qua propter honorem Domini nullum prorsus, cum de peccatis agitur, habere volo questionem; unde scimus, quòd ei plus gratia collatum fuit ad vincendum ex omni parte peccatum, quæ concipere, & parere eum meruit, quem constat nullum habuisse peccatum.* Hunc textum trahere conantur in oppositam sententiam, sed aperta violentia, vt mox patebit. Arguitur enim sic. 1. Honor Domini exigit, vt eius Mater sit immunis à peccato personali; ergo & ab originali; eadem namque ratio, ob quam non est admitendum in B. Virgine peccatum personale, probat etiam non esse admittendum originale; quia vtrunque facit hominem Deo inimicum, Diaboli mancipium, reum damnationis æternæ &c; quæ non decent Matrem Filij Dei, vnde S. P. *Ang.* illis verbis: *Nullam prorsus propter honorem Domini volo habere questionem; nihil aliud significat, quàm quòd tam certum sit B. Virginem, fuisse immunem ab omni peccato siue originali, siue actuali, vt illud nec in questionem velit vocare; quod probant verba sequentia; ex quibus sic. 2. Tunc peccatum vincitur ex omni parte, cum vincitur ex parte naturæ, & ex parte personæ; peccatum enim intrat in nos per naturam, quatenus in nos via originis natura maculata traducitur; & per personam, quatenus per operationes, quarum principium quod est persona, in nos introducit; sed B. Virgini fuit collata gratia ad vincendum ex omni parte peccatum; ergo B. Virgini fuit collata gratia ad vincendum peccatum ex parte naturæ, & ex parte*

parte personæ. Atqui ex eo, quod ei fuerit collata gratia ad vincendum peccatum ex parte personæ, non habuit in se ipsa peccatum personale; ergo ex eo, quod ei fuerit collata gratia ad vincendum peccatum ex parte naturæ, non habuit in se ipsa peccatum originale. Mox rationem reddit verbis sequentibus; ex quibus sic. 3. Ideo B. Virginis fuit collata gratia ad vincendum ex omni parte peccatum; quia meruit parere Filium Dei, qui nullum potuit habere peccatum; sed Filius Dei non potuit habere peccatum personale, nec originale; vt *sup.* diximus; ergo B. Virginis collata fuit gratia ad vincendum peccatum siue personale, siue originale. Ex quibus apparet, quàm violententer trahatur *hic textus* ad sententiam oppositam.

20 Dices *Pelagium ibid.* agere de solis peccatis personalibus, non de originali.

Resp. *Pelagium* negasse peccatum originale, quod improbat S. P. in illo libro; à quo tamen exceptit B. Virginem asserens omnes alios homines contraxisse & originale, & personale.

21 Item *lib. 5. cont. Iul. c. 15.* ait, quod si Christus Dominus in infantia habuisset peccatum, illud etiam fecisset, cum fuisset grandis: *Profecto peccatum etiam maior fecisset, si parvulus habuisset.* Arguit ergo à posteriori in Christo Domino non fuisse peccatum originale, quia in ipso non fuit peccatum personale; nam quantumvis fuerint sanctificati in vtero *Ioannes, & Ieremias*; attamen commiserunt peccata venialia, quia contraxerant peccatum originale, quod reddit inordinatam concupiscentiam, per quam saltem venialiter peccamus. Idem autem arg. de B. Virgine fieri potest. B. Virgo nullum habuit peccatum personale, quantumvis leuissimū, aliter non fuisset sine macula; ergo nec habuit peccatum originale, quod est radix peccatorum.

22 Sed clarissimè in *Suppl. cont. Iul. lib. 4. c. 121*; vbi *Ilariano* dicenti: *Tu ipsum Mariam Diabolo nascendi conditione transcribis.* Respondet immediatè negando eadem verba: *Non transcribimus Mariam Diabolo conditione nascendi, sed ideo (vel vt alij legendum putant) sed Deo; quia ipsa conditio soluitur gratia renascendi.* Igitur cōditione nascendi per viam seminalem, & per carnalem concupiscentiam ortam ex *Adæ* peccato omnes cōtrahunt peccatum originale. Sed ab hac conditione soluitur B. Virgo Maria per gratiam, per quā omnes homines renasci debent à primo peccato; soluta autem conditione contrahendi peccatum originale, peccatum originale non contrahitur; sicut si Rex decernat mortem filiis posita conditione, quod eorum patres ab illo rebellet; si idem Rex soluat hanc conditionem pro aliquo filio nolens talem filium incurere hanc pœnam, talis filius eam non incurreret; ita à pari.

23 Idem manifestè docent plurimi PP. *Se-*

dulius lib. 2. operis Paschalis S. Ildephonsus Archiepisc. Toleran. 10. 9. Biblioth. PP. pag. 678; S. Idione lib. de contempl. Virginis c. 2; S. Petrus Damian. serm. de Assumpt; S. Anselm. com. in 2. ad Cor. 5; S. Bruno in ps. 101; Iuo Carnoten. serm. de Nativ. Domini; S. Bern. serm. 13. de cana Dom. 6. Laur. Iustinian. lib. de casto connubio Dei, & anime c. 7; S. Bernardin. Senen. serm. 52; & pluries alibi; S. Athan. serm. de Sanctiss. Deiparæ; & innumeri alij, quos refert noster Arg. Lest. ubiq.

24 Prob. 9. ex communi consensu omnium populorum; nulla etenim nunc temporis reperitur natio catholica, quæ fimiter non credat B. Virginem immunem fuisse à peccato originali, & quæ immaculatæ conceptionis festum non celebret; sed communis consensus populorum est signum evidens veritatis credendæ; vt diximus 10. 4. de Fide q. 1. art. 5. §. 3. nu. 62; & celebratio festi supponit sanctitatem; ideo Ecclesia nullius alterius hominis celebrat festum conceptionis, quia quilibet conceptus est in peccato, & peccatum celebrare nefas est; ergo B. Virgo verè concepta est sine peccato originali.

25 Prob. 10. Quotiescunque Deus agit secundum summum suæ potentie, tunc agit quantum potest ita, vt in amplius non possit se extendere eius potentia; aliter non ageret secundum summum suæ potentie; sed in conceptione B. Virginis Deus ei contulit gratiam secundum summum suæ potentie, quia contulit ei gratiam maternitatis, qua maiorem non potuit ei conferre; ergo eius potentia egit, quantum potuit. Atqui potuit eam præservare à peccato; ergo illam de facto præservavit.

26 Rationes contrariæ sententiæ sunt. 1. De fide est omnes homines descendentes ab *Adæ* per seminalem propagationem contrahere peccatum originale; habetur enim *Rem. 5. Per unum hominem peccatum intrauit in Mundum, & per peccatum mors; & ita in omnes homines pertransiit, in quo omnes peccaverunt*; cui additur definitio *Concil. Trid. sess. 5. de pecc. Orig. c. 2; & 3; & omnes SS. PP.* præcipuè *S. P. Aug. plurimis in locis* solum Christi excipiunt, quia per viam seminalem non est genitus; quod habet etiam *Conc. Milevit. 11. ep. 10. Leonis I. ad Eleaniam; & Flor. de union. Armenor; & habetur ps. 87. Solus inter mortuos liber; & sape alibi*; sed B. Virgo descendit ab *Adamo* per seminalem propagationem, genita enim est per coactionem seminis viri, & feminæ; ergo concepta est in peccato originali. 2. Esse membrum Christi magna excellentia, & dignitas est; eleuatur enim creatura ad vnionem moralem cum Deo; sed nullus fit membrum Christi, nisi quatenus per gratiam ipsius à peccato liberatur; ergo dicere B. Virginem non fuisse conceptam in peccato originali præiudicat eius dignitati, & excellentiæ. Tum quia singulare priuilegium B. Virginis, quod arguit sum-

mam eius excellentiam, fuit parere Filium suum sine peccato; sed dicere, quod B. Virgo concepta fuerit sine peccato, est dicere, quod hoc privilegium fuerit commune S. Annæ matri; ergo idem. 3. B. Virgo verè fuit à Christo redempta; aliter Christus non esset vniuersalis Redemptor omnium hominum; sed redemptio supponit peccatum, à quo redimitur; ergo idem. 4. Christus mortuus est pro omnibus, vt habetur. 1. Cor. 15; ergo mortuus est etiam pro B. Virgine. Sed non est mortuus, nisi pro habentibus peccatum, vt eos à peccato liberaret; ergo idem. 5. Peccauit in Adam; ergo in se ipsa illud peccatum contraxit; quia contrahere peccatum ex Adam est in illo peccasse. 6. Habuit omnes effectus peccati originalis, vt pati, mori &c; ergo idem. 7. Sequeretur, quod Cælum nunquam fuisset ei clausum, quia clausum fuit solum per peccatum. 8. Non potuit sanctificari in instanti ante conceptionem, seu antequam anima vni-retur carni, & informaret embrionem; quia id, quod non est informatum anima spiritali, non est capax sanctificationis; neque in instanti conceptionis, quia fuisset simul gratia, & peccatum; ergo post instans conceptionis. 9. B. Virgo verè fuit iustificata per Christi gratiam; aliter habuisset iustitiam originalem, quam habuit Adam in instanti suæ creationis; & sic non pertineret ad Christum, quia illa gratia non fuit Adæ collata ex meritis Christi, vt diximus 10. 2; sed gratia Christi est gratia sanans, in hoc enim distinguitur à gratia Adæ, vt docet S. P. Aug. de *corr. & erat.* c. 10; & gratia sanans supponit infirmitatem, quæ est peccatum; ergo idem.

Resp. ad 1. dist. ma. De fide est omnes descendentes ab Adam secundum legem ordinariâ, secundum quam Deus omnes homines generaliter ordinauit, contrahere peccatum originale, conc; & in hoc sensu loquuntur *Apofl. C. 22. & SS. PP.*; secundum legem extraordinariâ, qua specialiter ordinauit B. Virginem, vt esset Mater Dei, neg. Ad 2. dicitur, quod esse membrum Christi est magna excellentia ita tamen, vt esse membrum, & Mater Christi sit maior dignitas. Ad 3. dist. Nisi quatenus à peccato contracto, vel contrahendo secundum legem ordinariâ, liberatur, conc; à peccato tantum contracto, neg. Ad aliud dicitur, quod privilegium speciale, & summum B. Virginis fuit concipere sine semine viri, quod clarè expresse illis verbis, quæ Angelo dixit, *Luc. 1. Quomodo fiet istud, quoniam virum non cognosco?* Ad 3. dist. mi. Redemptio supponit peccatum contractum, vel contrahendum secundum legem ordinariâ, conc; contractum tantum, neg. Ad 4. eodem modo dist. mi. Mortuus est pro habentibus peccatum, vel debentibus illud contrahere, conc; pro solis habentibus, neg. Quomodo autem hoc sit intelligendum, in seq. §. dicemus. Ad 5. neg. conf; non enim peccare in Adam est formaliter idem,

ac contrahere peccatum originale in se ipso; quia peccare in Adam est contineri seminaliter, & esse vnum, & idem cum illo; at contrahere peccatum in se ipso est oriri ex Adam; & habere esse distinctum, & separatim ab illo infectum peccato. Non potest ergo existens vnus, & idem cum Adam non peccare peccante Adam; aliter idem peccaret, & non peccaret, quod est impossibile; at verò potest non contrahere peccatum in se ipso, quia in instanti separationis proprii esse potest purificari à macula Adæ. Ad 6. neg. conf; nam etiam Christus qui peccatum non contraxit, habuit in se ipso passibilitatem, quia assumpsit carnem similem carni peccati; ergo ex eo, quod B. Virgo habuerit in se ipsa, aliquos effectus peccati originalis, non sequitur, quod habuerit peccatum originale. Diximus aliquos, quia non habuit concupiscentiam, quæ pariter est effectus peccati originalis. Potuit ergo habere illos, qui ad peccatum non inclinant, sed ad meritum ducunt. Ad 7. dicitur, quod ob vnum Adæ peccatum Cælum fuit omnibus clausum; omnibus ergo debuit à Christo aperiri, etiam si omnes peccatum Adæ in se ipsis non contraxerint. Ad 8. dicitur sanctificationem fuisse in instanti vnionis animæ cum corpore, quæ vnio est vera conceptio hominis, seu natiuitas in vtero; fuit enim infusa anima simul cum gratia sanctificante, quæ abstulit vim maculatiuum, quæ virtualiter erat in carne ita, vt solo tempore antecedente illud instans illa caro fuerit immunda. Ad 9. dist. mi. Gratia Christi est gratia sanans à peccato contracto, vel contrahendo secundum legem ordinariâ, conc; tantum à peccato contracto, neg; & per hoc sufficienter distinguitur à gratia originali, quæ à nullo sanabat peccato, quia peccatum non erat contractum, nec contrahendum ratione natiuitatis.

27 Collig; quomodo B. Virgo assumpsit carnem peccati, vt docet S. P. Aug. in *suppl. cont. Inl. lib. 4. c. 78*; & *sæpe alibi*; hoc enim intelligendum est præsuppositiue ad instans conceptionis, seu animationis; & secundum debitum, vt in *seq. §.*; tunc nanque caro erat immunda, vt dictum est; non autem formaliter coniunctiue pro instanti conceptionis; sic enim contraxisset peccatum, & non fuisset sanctificata, quia gratia sanctificans nequit stare simul cum immunditia. Hinc sequitur non esse audiendus, qui asserunt Sanctos Virginis parentes coiuisse sine libidine, & concupiscentia carnali; nullum enim habet hoc fundamentum in *Scripturis*, aut *SS. PP.*; adeoque gratis dicitur omnino. Christus autem qui non fuit carnaliter genitus per commixtionem seminis, non assumpsit carnem peccati, sed in similitudinem carnis peccati.

§. II.

*An B. Virgo contraxerit debitum peccati;
ubi an in Adam peccauerit?*

28 **I**N vnum §. cogere ea, quæ integro in libro protenduntur, & in vnam conclusionem restringere, quæ pluribus, fuisque disputationibus pertractantur latè à DD; nec insufficientiæ notam offendere; maior est difficultas, quam grauissima in hac controuersia obuiam habuimus.

29 Debitum contrahendi peccatum originale propriè loquendo est obligatio, qua cogimur subire maculam ab Ade peccato iustitiam naturæ, & penalitates ad eam consequentes. Dicitur obligatio, debitor enim obligatur ad soluendum id, quod tenetur. Dicitur, qua cogimur; obligatio enim definitur iuris vinculum, quo necessitate attingimur alicuius rei soluenda. sex. in l. Nunc transeamus. ff. de obligationibus; tum quia illius, quod quis liberè soluit, non debitor, sed donator existit; tum quia necessitatem contrahere peccatum, cum participamus naturam infectam peccato; non enim illud voluntariè in nobis ipsis contrahimus, sed etiam reluctantibus nobis, cum nascimur, illud subire tenemur; fuit namque solum voluntarium in causa, id est in Adamo, non in effectu, seu in nobis; tum quia si peccatum originale voluntariè voluntate propria esset in nobis, iam non esset (inquit S. P. Aug. in suppl. cont. lul. lib. 1. 47.) in parvulis, qui nondum voluntatis videntur arbitrio; & ideo fuit solum voluntarium in alio, scilicet in Adamo, quatenus omnes in illo voluntariè peccarunt. Tum quia, ut docet idem S. P.; peccatum originale ita est culpa, ut etiam sit pœna; infligitur enim in pœnam peccati Ade; quia pœna fuit Ade comminata carere iustitia originali naturam, quatenus erat in illo, & quatenus deriuanda erat ab illo, in qua carentia consistit originale peccatum, ut diximus 10. 4. q. 2. de pecc. art. 4. §. 2; pœna autem inuoluntaria est patienti. Tandem dicitur subire maculam, & penalitates &c; quia peccatum originale importat culpam, & pœnam; ut diximus ubi.

30 Debitum diuiditur in remotum, & proximum. Vtrumque diuersimodè explicatur à DD.

31 Catharin, & Franc. Turrian. aiunt debitum remotum, quod vocant etiam debitum secundum quid, esse illud, quod desumitur ex conditione naturæ, quæ, ut potè defectibilis, habet debitum peccandi; debitum verò proximum esse illud, quod contrahitur à lege, & pacto inito cum Adamo; quod scilicet ipso peccante deberent in ipso peccare omnes posterius in ipso contenti.

32 Sed hic modus dicendi est falsus; natura enim humana, quanuis secundum se sit defectiva. Mag. Frideric. Nic. Gauardi Tom. 5.

bilis, & destituta omni gratia non possit non peccare; attamen creata fuit cum iustitia originali, aliisque donis supernaturalibus, cum quibus poterat non peccare, & non mori; ut docet S. P. Aug. de corr. & grat. à cap. 10; & saepe alibi. Omnino ergo libera fuit ad peccandum; & ideo non habuit debitum peccandi; quia debitum peccandi necessitatem importat, ut sup. dictum est; debitor enim potest cogi ad soluendum, quod debet.

33 Notter Gibb. disp. 23. dub. 3. §. 5. nu. 9. cum pluribus Recentioribus ait debitum remotum consistere in eo; quod omnis homo contineatur in Adam, ut in capite physico, ab illo per seminalem propagationem originem ducens; proximum verò consistere in eo, quod contineatur, ut in capite morali, eo pacto, quod peccante illo omnes ab illo descendentes incurrant necessitatem contrahendi peccatum originale.

34 Sed hæc quoque explicatio est inepta, & falso innititur. Nam antequam Adam peccaret, omnes continebantur physice in illo; & tamen tunc nullum erat debitum peccandi, quia erat vera libertas ad non peccandum; ergo nulla erat necessitas, quæ sola fundare potest rationem debiti. Præterea falso supponit Adamum peccatum transfudisse solum, ut caput morale, non ut caput naturale, quod improbauimus 10. 4. de pecc. q. 2. de pecc. Orig. art. 3. Tum quia isti duo modi dicendi nullum debitum peccandi extra Adam admittunt; & ideo solum videntur cedere obligationem peccandi in Adam Adamo peccante.

35 Alij volunt debitum remotum fuisse illud, quod omnes contraxerunt, prout erant in Adam, & cum illo peccauerunt; ex eo enim, quod omnes peccauerint in illo, contraxerunt debitum contrahendi peccatum in se ipsis, cum ponuntur à parte rei extra Adam; & hoc debitum vocant extrinsecum. Proximum verò esse illud, quod habet quilibet in propria persona, ex eo, quod ab Adam descenderit; & hoc vocant debitum intrinsecum. Ita Bellarm. & alij.

36 Sed hæc explicatio etiam ex parte deficit; nam cum homo est in se ipso, vel contraxit peccatum originale, & sic solum est debitum, quod solutione cessat, ut notum est; vel præseruatus fuit ab illo; & sic sublatum est debitum contrahendi; nam gratia præseruans tollit infectionem naturæ, cui solum debetur peccatum; & sic tollitur debitum.

37 Dices cum Salm. tract. 13. de pecc. disp. 15. dub. 1. §. 2. nu. 27; sentientibus debitum manere vsque ad iustificationem quod adhuc contracto peccato non ponitur solutio pro illo, nec remittitur; ergo manet debitum. 2. Peccatum Ade, quia ratione fuit posterorum, permanet moraliter in abominatione Dei, quousque ab ipsis posteris retractetur; sed quousque non retractatus, inducit, vel conseruat debitum habendæ originali

N

nalis

nalis iustitiæ; ergo idem. 3. Si Deus annihilaret paucum habentem peccatum originale, & postea ipsum produceret, haberet idem peccatum; quod non resisteret ex vi actionis Dei; ergo ex vi prioris debiti. 4. Quamvis posito peccato debitum non insinuat in contractionem illius, attamen insinuat in conservationem; ergo idem.

38 Sed contra; nam cum alius ob delictum deberetur poena mortis hac conditione, ut alter possit mori pro illo; tunc nedum soluitur debitum per gratiam Principis remissionem poenæ, aut per mortem alterius, sed etiam per mortem illius; iam enim est satisfacta iustitia; ergo quantum contracto peccato originali non fit facta solutio ab alio pro illo, seu vice illius, nec fit remissum; adhuc per contractionem ipsius peccati solutum est debitum contrahendi illud. Ut si quis debeat centum, non minus extinguit debitum, si creditor remittat, aut si alius soluat pro illo, sed etiam si ipsemet soluat. Ad 2. neg. ma; nam abominatio Dei est actus Diuinæ voluntatis, in quo nequit esse, & ideo nec permanere; moraliter peccatū; tum quia hoc supponit idem peccatum numero *Ade* transfundi in posteros, quod est manifestè falsum. Ad mi. dicitur, quod aliud est debitum habendi iustitiam originalem; & aliud debitum habendi priuationem illius; ideo quantum habens peccatum originale habeat debitum habendi iustitiam originalem, quæ est distincta ab ipsa priuatione, cui est annexum debitum illam habendi; attamen non habet debitum habendi ipsum peccatum originale; quia illud iam habet; sicut qui habet originalem iustitiam ineptè diceretur habere debitum habendi illam. Ad 3. omisso ant. neg. conf; nam peccatum resisteret ex connexione, quam haberet cum tali homine. Ad 4. neg. supp; quod debitum insinuat in contractionem peccati, quantum illam exigit; debitum enim non insinuat in solutionem, licet illam exigit.

39 Ex his rejicitur *Vasq*; qui eo, quia voluit, quod debitum non sit, nisi condignitas passiva respiciens demeritum *Ade*; ob quod posterius mereretur carere iustitia originali, nisi obsteret gratia, putavit debitum manere per totam vitam simul cum gratia; cum adhuc natura sub gratia sit condigna carere iustitia originali, & præsupponat *Ade* demeritum; tum quia si potest tale debitum esse simul cum gratia in primo instanti conceptionis, ut voluit *Sua*; & alij; poterit semper esse simul cum illa. Reijcitur, inquam; quia nec in primo instanti est simul; nam per gratiam soluitur debitum habendi iustitiam originalem; ut enim arguit *Ferd. Doct. in 2*; qui haberet debitum transfundi flumen per nauim, si transcat per pontem, absoluitur à debito transfundi; ita à pari; nam gratia Christi ponitur loco iustitiæ originalis, unde sicuti habens iustitiam originalem ineptè diceretur habere debitum illam habendi; ita habens gratiam Christi,

quæ ponitur loco illius, non dicitur amplius habere debitum habendi iustitiam originalem; aliter gratia non expelleret peccatum originale, si non absolueret ab hoc debito; quia peccatum originale nihil aliud est, quam carentia iustitiæ originalis cum debito illam habendi, unde cum habens gratiam careret iustitia originali, & haberet debitum illam habendi, haberet peccatum originale, quod est contra fidem. Tum quia sicut habens gratiam originalem non haberet debitum habendi peccatum; ita habens gratiam Christi, quæ substituta est iustitiæ originali, non habet debitum habendi peccatum originale.

40 *Saluat. vbiq. n. 14.* aiunt debitum proximum aliud esse formale quoad culpam, aliud quoad poenam; quod nihil aliud est, quam obligatio ad culpam, vel poenam habendam; aliud fundamentale, quod importat ea omnia, ex quibus confurgit talis obligatio, & necessitas; ut sunt *Ade* peccatum, semen vitiatum, dispositiones ad formam, & permanentia peccati *Ade* in Dei abominatione.

41 Sed hæc etiam deficit nedum ob *sup.* dicta de abominatione; sed etiam quia confundit debitum remotum cum proximo; ex eo enim, quod posteri peccauerint in *Adam*, contraxerunt debitum remotum; & ex eo, quod descendant per semen, habent debitum proximum.

42 *Nostr. Lusti. lib. 2. q. 4. art. 4. §. 2. nu. 9.* ait debitum remotum duplex esse; aliud primum, & radicale, quod immediatè oritur ex conditione naturæ; & terminatur ad actuale *Ade* peccatum; ex eo enim, quod omnes posteri conditi sint in lumbis *Ade*, & fuerint vnum cum ipso, ideo peccante illo necessitati sunt etiam ipsi ad peccandum; aliud immediatè ortum ex *Ade* peccato respiciens maculam originalem. Debitum autem proximum vnicum est, quod reperitur in prima hominis conceptione, in semine vitiatum, dispositionibus &c.

43 Sed nec primum debitum videtur admittendum; quia posteri in *Adam* non peccauerunt necessitate, sed libertate; unde *Ade* peccatum est illis voluntarium in *Adam*, non necessarium; aliter in illis non esset peccatum.

44 Remanet ergo, quod debitum remotum sit illud, quod contraxerunt ex *Ade* peccato; quia enim peccauerunt in illo, ideo debent habere peccatum originale in se ipsis, cum ponuntur in rerum naturam; si enim non peccassent in illo, non debuissent peccatum originale contrahere. Proximum verò est ex modo procedendi ex *Adam*, quia scilicet procedunt per seminale rationem, & carnalem concupiscentiam infectam libidine, quæ ad peccatum inclinatur; & reperitur in semine vitiatum &c. *His not.*

45 Prima sententia vult B. Virginem in *Adam* non peccasse simul cum alijs hominibus, adeoque non traxisse ex illo debitum incurrendi in pro-

in propria persona peccatum originale. Sed hæc sententia diuisa est iuxta varios modos explicandi debitum. *Galatin. apud nostrum Aeg. Lufit. lib. 2. q. 3. ar. 1. §. 2.* ait Deum in principio Mundi creasse quandam massam, vt ex ea formaret homines; & ex ea seruasse partem nobiliorem, qua plasmarer corpus Christi, & Mariæ. Hæc autem communiter reputatur fabula reiicienda inter *Poetarum* inuenta potius, quam inter *Theologos* disputanda; nullum enim habet fundamentum in *Scriptura*, & in *doctrina PP.* imò illis aperte aduersatur, habetur enim ex carne *Adæ* carnem Mariæ, & Christi Domini deriuasse. *Catharin.* verò ait non peccasse, quia licet cum ipso comederit fructum, attamen talis comestio erat prohibita *Adæ*, & alijs hominibus, non autem *Mariæ*. *Val.* asserit non peccasse; quauis enim comederit, non tamen cum connotatione, quod in sua conceptione maculam peccati esset contractura. *Medi; & Palat.* nō peccasse in *Adam* de facto, bene tamen de iure, & secundum debitum; putant autem, quod peccare in *Adam* sit actu contrahere maculam peccati ab *Adam* patrati. Eandem sententiam docent *Lez; Salazar; Gran; Bartholomæus de los Rios, Fernandez, Nouarin; Ambrosius de Pegnalsas, Velasquez; & ex nostris Basili. Legion; & Gibb; nec non plures alij apud nostrum Lufit. lib. 2. q. 4. ar. 3. §. 1; & apud Salm. inf.* Hi autem ferè omnes non agnoscunt, nisi debitum ex conditione naturæ, vt *sup.* diximus.

46 Secunda docet B. Virginem simul cum omnibus alijs hominibus peccasse in *Adam*; & ex hoc duxisse debitum contrahendi peccatum originale in propria persona, quod ne contraheret, Diuina gratia fuit præuenta in instanti suæ conceptionis. Sed hæc pariter diuisa est; nam *Bellarmin.* ait habuisse etiam debitum proximum in propria persona, & tamen non contraxisse peccatum originale, quia solum in quodam priori naturæ fuit sub hoc debito, & in posteriori fuit gratia præuenta. At prioritas naturæ importat solam dependentiam causalitatis vnius ab alio cum simultanea coexistentia vtriusque, & ideo sequeretur debitum fuisse simul cum gratia, quæ illud euacuat, vt *sup.* diximus; tum quia si in aliquo instanti caruisset gratia, & fuisset cum debito habendi iustitiam originalem, iam fuisset in peccato originali, quod non est, nisi carencia iustitiæ originalis cum debito illam habendi. Hunc modum explicandi sequuntur quidam alij pauci. Ceteri tamen communiter docent B. Virginem habuisse duplex debitum, vnum ortum ex *Adæ* peccato; alterum ex modo nascendi, per seminalem scilicet propagationem, & carnalem concupiscentiam, & hoc existere in foetu ante animæ infusionem. Ita *nostrer Aeg. Lufit. vbiq. ar. 4. §. 2. nu. 9; noster Iacob. de Val. in ps. 46; & in exposit. Magnificat; Quod videtur etiam docere Fund. Doct. in 2. diff. 31. q. 2; & Greg. Arim. in 2. dist. 30. q. 2. Ex alijs verò Mag. Frideric. Nic. Gazard; Tom. 5.*

Capri; Dur; Scot; Canis; Azor; & innumeri alij, quibus accedunt ferè omnes expositores, ac *SS. PP.* apud nostrum *Lufit; & Salm. vbiq. dub. 4. §. 2. 3; & 4.*

47 Vnica concl. Conformius est *Diuinis Scripturis*, & *SS. PP.* B. Virginem nullum habuisse debitum intrinsecum in propria persona contrahendi peccatum originale; sed solum extrinsecum in *Adam*, & in foetu ante infusionem animæ rationalis, cum qua simul infusa est gratia sanctificans impediens peccatum, & tollens debitum illud habendi.

Prob. 1. pars concl. ex dictis. 1. Personæ iam sanctificatæ in primo instanti suæ conceptionis repugnat debitum intrinsecum habendi peccatum originale; sed iuxta *Diuinas Scripturas*, & *SS. PP.* B. Virgo fuit sanctificata in primo instanti suæ conceptionis; ergo B. Virgini repugnat debitum intrinsecum habendi peccatum originale. Mi. claret ex *textibus* allatis in *sup.* §; nam si B. Virgo non fuisset sanctificata in primo instanti suæ conceptionis; in illo instanti fuisset cum peccato originali, fuisset enim cum priuatione iustitiæ originalis cum debito illam habendi, in quo formaliter constitit originale peccatum; vt diximus *10. 4. de pecc. q. 2. ar. 4. §. 2;* sed B. Virgo non fuit concepta in peccato originali; ergo fuit sanctificata in primo instanti suæ conceptionis. Prob. ma. Illud, quod est debitum intrinsecè alicui, potest de facto esse in illo; vt quia ligno per calorem disposito est debita forma ignis, forma ignis potest esse in illo; sed repugnat peccatum originale esse in persona sanctificata in primo instanti suæ conceptionis, quia sanctificatio ipsa anihilet peccatum originale, cum sit forma illi opposita, vt tale peccatum nequeat simul stare; ergo repugnat peccatum originale esse intrinsecè debitum personæ iam sanctificatæ in primo instanti suæ conceptionis. Atqui esse debitum personæ sanctificatæ; & personam sanctificatam habere debitum ad illud habendum est idem formaliter; illud enim est passivum istius, quod actiue significatur; vt cum dicitur habere debitum soluendi, & solutionem esse debitam; ergo personæ iam sanctificatæ in primo instanti suæ conceptionis repugnat debitum intrinsecum habendi peccatum originale. 2. Esse sine positione peccati originalis, & sine positione gratiæ remissionis eiusdè peccati essentialiter conueniunt debito contrahendi peccatum originale; sed B. Virgo in primo instanti suæ conceptionis non potuit esse intrinsecè sine positione peccati originalis simul, & gratiæ remissionis eiusdè peccati; ergo B. Virgo non potuit habere debitum intrinsecum contrahendi originale peccatum. Prob. ma. Esse sine solutione, & sine extinctione essentialiter conuenit debito; per vtranque enim extinguitur, vt est per se notum; soluens enim, quod debet, cessat esse debitor; & sic remissio debito non est ampliùs debitor; sed positio peccati origi-

originalis est solutio debiti illud contrahendi; est enim id, quod debetur; & positio gratiæ remissivæ est extinctio eiusdem debiti, ut constat; ergo esse sine positione peccati originalis simul, & gratiæ remissivæ eiusdem peccati essentialiter convenit debito illud contrahendi. Prob. mi. Implicat, quod subiectum, circa quod sunt privatiue opposita, sit simul sine forma; & privatione eiusdem formæ; ut combustibile, circa quod sunt privatio, & forma ignis, sit simul sine forma; & privatione ignis; esse nanque sine forma formalissimè est esse cum privatione eiusdem formæ; quia privatio est carentia formæ; & esse sine forma est carere forma; sed B. Virgo in primo instanti suæ conceptionis fuit subiectum, circa quod potuit fieri peccatum originale, & gratiæ remissivæ eiusdem peccati, quæ privatiue opponuntur, ut diximus *10. q. 2. ubi*; ergo B. Virgo in primo instanti suæ conceptionis non potuit esse intrinsicè sine positione originalis peccati simul, & gratiæ remissivæ eiusdem peccati. 3. Etiam admittitur sententia *Vasq;* & *Salm.* arguitur sic. Debitum intrinsecum contrahendi peccatum originale pro primo instanti infusionis animæ rationalis essentialiter importat actualem contractionem pro primo instanti eiusdem peccati; sed B. Virgo in primo instanti suæ conceptionis non contraxit peccatum originale; ergo B. Virgo non habuit debitum intrinsecum contrahendi peccatum originale. Prob. ma. Debitum intrinsecum contrahendi peccatum originale pro primo instanti infusionis animæ rationalis nequit flare simul cum gratiæ sanctificante remissivæ illius; quia gratiæ sanctificans est illius solutio; solutio autem debiti nequit esse simul cum debito; quia solutio debiti extinguit debitum; sed esse pro primo instanti infusionis animæ rationalis sine gratiæ sanctificante importat actualiter contrahere peccatum originale; quia importat carere iustitia originali, & gratiæ sanctificante, quæ loco illius subrogatur, & aliunde adest debitum habendi illam, quia fuit à Deo homo creatus cum illa; actu autem carere iustitia originali cum debito illam habendi est actu contrahere peccatum originale; ergo debitum intrinsecum habendi peccatum originale pro primo instanti infusionis animæ rationalis importat essentialiter actualem contractionem peccati originalis. Mi. probata est *in sup. §.*

48. Dices. 1. cum *Caiet.* Si B. Virgo non habuisset debitum in propria persona, non potuisset dici mortua; & redempta in propria persona; conf. est falsum; ergo & ant. 2. Habuisset tantum debitum commune ex Adam; & sic non esset differentia inter debitum, quod in filiis Christianorum admittebant *Pelagiani*; & nunc admittunt *Lutherani*; qui non admittunt debitum proprium, sed tantum commune, quod habuit quisque ex Adam. 3. cum *Bellarmino*. B. Vir-

go fuit extra causas, antequam fuerit sanctificata; ergo idem. 4. cum *Sua.* In illo priori naturæ, in quo B. Virginis persona consideratur, ut genita ab Adamo, sunt causæ influxivæ peccati; ergo adest peccatum. 4. cum *Cordubeno*. Contrahere debitum ex vi generationis est esse obnoxium ad contrahendum peccatum originale; ergo idem. 5. cum *Vasq.* Contrahere debitum est esse dignum, ut ei denegetur iustitia originalis ex vi suæ generationis; ergo idem. 6. Peccatum fuit in posteriori naturæ ad naturam; ergo & gratia.

Resp. ad 1; quod licet non possit dici mortua in propria persona, potest tamen dici mortua in Adam, ut loquitur *Apostolus*; & potest dici redempta in propria persona, quia redemptio non importat peccatum pro eo instanti, quo importat gratiam, sed sufficit ad redemptionem, quod peccatum supponat in alio, & debitum illud contrahendi in se. Ad 2. dicitur illud debitum ex vi seminis disponentis ad talem personam fieri proprium talis personæ, quantum intrinsecè non recipiatur in illa persona, quia à gratiæ dissolvitur. *Hæretici* autem negabant debitum proprium, quia assererebant filios in parentibus mundis ita mundari, ut nullum nascendo peccatum contraherent. Ad 3. dicitur, quod prioritas naturæ dicit solam dependentiam unius ab alio, non autem dicit instans, in quo unum sit sine alio; hæc enim est prioritas durationis, ut constat. Ad 4. omisso ant. neg. conf. nam in primo instanti gratia solvit obnoxietatem. Ad 5. dicitur, quod gratia tollit condignitatem ad culpam contrahendam. Ad 6. dicitur, sicut ad 3.

49. Prob. 2. pars concl. 1. ex *Scripturis. Rom.* 3. Sicut per unius delictum in omnes homines in condemnationem; ita per unius iustitiam in omnes homines in iustificationem vitæ. Ex quo sic. Sicuti per unius Iesu Christi iustitiam omnes homines iustificantur, & vivificantur in Christo; ita per unius Adæ delictum omnes homines peccaverunt, & damnati sunt in Adamo; sed B. Virgo iustificata est, & vivificata in Christo per iustitiam ipsius; ergo peccavit simul cum alijs in Adamo, & fuit damnata per peccatum illius; & per consequens ex illo duxit debitum extrinsecum contrahendi peccatum originale in se ipsa. Ma. est in terminis *ipsius Apostoli*, qui eodem modo extendit Adæ peccatum ad omnes homines, qui ex illo per seminalem propagationem erant descendendi; quia peccando in se ipso totam massam naturæ humanæ, quam omnes homines ex illo nascendo non participare non poterant, infecit peccato; ita Christi, qui dicitur ab eodem secundum Adam iustitiam ad omnes homines extendit, qui per Christi mortem regenerati fuerunt ad vitam; quia Christus moriendo in se ipso mortem omnium superavit, & vitam omnibus meruit. Mi. etiam est certa; aliter B. Vir-

go non esset salua, & sancta per Christi gratiā, nec ad gloriam Christi pertineret; quia per Christi gratiam Christi gloriam consecuta non fuisset; maximum autem dedecus Matris esset excludi à gratia, & gloria Filij. Hinc S. P. Aug. in *Suppl. cont. Iul. lib. 2. c. 135.* ait: *In eo verò, quod tibi videatur duo ista inter se esse contraria; ut omnes carni in condemnationem per Adam; & omnes rursus in iustificacionem per Christum: omnino erras; nullus enim hominum, nisi per Adam trahitur ad damnationem, de qua per lauacrum regenerationis homines liberantur. Et nullus hominum, nisi per Christum ab hac damnatione liberatur; ideo ex utraque parte dicti sunt omnes, quia nemo ad damnationem generis, nisi per istum; nemo ad vitam regenerationis, nisi per illum; ac per hoc non generalitas unius partis excludit alterius. Ex quibus expressè apparet, quòd sicuti à generalitate gratiæ Christi nequit excipi A. Virgo; ita neque à generalitate peccati A. excipi potest, nisi contra doctrinam Apostoli.*

50 Idem habet *Apost. 1. Corint. 15.* Sicut in Adam omnes moriuntur; ita & in Christo omnes viuificantur. Ex quo sic arguit S. P. August. *lib. 6. cont. Iul. c. 12.* Omnes ergo ad mortem per Adam; omnes ad vitam per Christum. Ex quo sic. Eodem modo viuificati sunt omnes per gratiā, quam omnibus promeruit; quo omnes mortui sunt per peccatum, quod patrarunt in Adam; sed B. Virgo viuificata est per gratiam, quam ei Christus promeruit; ergo mortua est per peccatum, quod patrauit in Adam.

51 Item 2. *Cor. 5.* Si unus pro omnibus mortuus est; ergo omnes mortui sunt. Super quod idem S. P. in *Suppl. lib. 1. c. 64.* Si non sunt mortui, non pro eis mortuus est Christus &c. Conclusio hac Apostoli inniuit. Ex quo sic. Christus mortuus est pro omnibus, qui mortui sunt in Adam peccando, sed pro B. Virgine mortuus est Christus; ergo B. Virgo mortua est in Adam peccando. Ma. constat ex verbis Apostoli; nam Christus mortuus est, vt sua morte deleat mortem omnium, id est peccatum, quod incurrerunt in Adam. Mi. etiam est certa; quia Christus sua morte meruit gratiam omnibus, & cumulatius suæ Matri. Sed explicite idem S. P. in *ps. 34. conc. 2.* ait: *Maria ex Adam mortua est propter peccatū; Adam mortuus est propter peccatum; caro autem Domini ex Maria mortua est propter delenda peccata. Adam igitur mortuus est in se ipso per peccatum in se ipso commissum; Maria non in se ipsa, quia concepta est sine peccato, sed in Adam, qui peccando mortem intulit omnibus ab ipso per carnalem concupiscentiam nascentibus; Christus verò ex Maria sumpsit carnem mortalem, vt sua morte omnium peccata deleat.*

52 Insuper *Matth. 26.* Hic est sanguis meus, qui pro vobis, & pro multis effundetur in remissionem peccatorum &c. *9.* Non est opus valentibus me-

dicus, sed male habentibus; non veni vocare iustos sed peccatores; & *Luc. 19.* Filius hominis venit querere, & saluum facere, quod perierat; & *cc. 2.* Redimendo populum suum à peccatis eorum; & *1. ad Timot. 2.* Qui dedit redemptionem semetipsum pro omnibus; ex quibus infert S. P. Aug. de *cor. & grat. c. 10.* hoc interesse discrimen inter iustitiam originalem, quæ nobis data fuisset per primum Adam, si non peccasset; & gratiam Christi, quæ nobis collata fuit per secundum Adam, qui peccatum non fecit, sed omnium peccata suo sanguine deleuit; quòd illa solum firmabat, non sanabat naturam; quia natura per peccatum infirma non erat, & ideo non egebat sanari; ista verò essentialiter supponit peccatum, quod delet, remittit, & à quo redimit. Arguit autem sic noster *Lusit.* Redemptio, quia Christus redemit omnes homines, in *Scripturis, & SS. PP.* verè supponit peccatum, à quo nos emit suo sanguine; sed B. Virgo verè fuit à Christo redempta; ergo B. Virgo supponit aliquod peccatum. Atqui hoc peccatum non fuit in ipsa persona B. Virginis, quia nec personale, nec originale contraxit; ergo fuit solum in Adam, ex quo duxit debitum contrahendi illud in se ipso. Ma. patet ex textibus allatis; quibus additur illud *psal. 129.* Et ipse redimet Israel ab omnibus iniquitatibus suis; nomine autem Israel significatur populus electus, cuius Regina fuit procul dubio B. Virgo; & ad *Tit. 2.* Vt nos redimeret ab omni iniquitate, & mundaret sibi populum acceptabilem; & *Ephes. 1.* In qua habemus redemptionem per sanguinem ipsius in remissionem peccatorum. Hinc *Zosimus ep. 157.* inter *Angustinianus* inquit: Nullus, nisi qui peccati seruus est, liber efficitur; nec redemptus dici potest, nisi qui verè per peccatum fuerit ante captiuus; & S. P. Aug. in *Ps. 70. conc. 2.* Ipsa redemptio clamat captiuitatem nostram; unde enim redempti, si non antea captiui? & de pecc. merit. & remiss. cap. 24. Vnde liberantur, si nulla seruitute tenebantur adstricti? & *lib. 3. cont. Iul. cap. 3.* Quomodo potest intelligi ista redemptio, nisi à malo redimente illo, qui redimit Israel ab omnibus iniquitatibus suis? Vbi enim redemptio sonat, intelligitur & pretium. Et quid est hoc, nisi pretiosus sanguis agni immaculati Iesu Christi. De hoc autem pretio, quare sit effusum, quid interrogemus alium? Ipse redemptor respondeat; dicat ipse Mercator: Hic est (inquit) sanguis meus, qui pro multis effundetur in remissionem peccatorum. Ratio etiam hoc suadet. 1. Aliter si Adam steterit, potuisset etiam dici redemptus, quia per gratiam à peccato præseruatus fuisset. 2. B. Virgo posset etiam dici redempta nedum à peccato originali, sed etiam à personalibus, quia ab ipsis fuit præseruata; & sic dicendum de Angelis bonis, qui possent dici redempti, quanuis non fuerit missus redemptor ad moriendū pro ipsis. 3. Omnino improprie dicitur redimi, qui potest fieri captiuus; ergo redemptio proprie loquens.

quando supponit peccatum, à quo liberat. Mi-
etiam constat; nam B. Virgo in *Cant.* inquit: *Et
exultavit spiritus meus in Deo salutari meo*; vel vt
legit litera *Græca*: *Salvatore meo*; & S. P. *Aug.*
serm. 35. de *Sanctis*, qui est 2. de *Assumpt.* ait: *Hæc
primæ matris damna resolvit; hæc primo homini re-
demptionem adduxit*; & mox: *Hæc enim mirabilis
atque ineffabili modo omnium, & suum peperit
Salvatore*; aliter Christus non fuisset Redem-
ptor totius generis humani, quia non omnes
redemisset personas; nec B. Virgo esset mem-
brum Ecclesiæ, quæ est corpus mysticum Chri-
sti, quia non esset ovis, quæ perierat, à Chri-
sto quaesita, & redempta; nec esset particeps
gratiæ, & gloriæ Christi, vt Redemptor est,
quam redemptione nobis promeruit.

53 Præterea 2. Cor. 5. *Reconciliavit nos sibi
per Christum*; quod habetur etiam *Rom.* 5; ad *Colo-
ss.* 1; & ad *Ephes.* 2; ex quo sic arguitur. Re-
conciliatio omnium hominum cum Deo facta
per Christum supponit inimicitiam ortam ex
peccato, quo omnes homines facti sunt Deo
inimici; sed B. Virgo fuit reconciliata Deo per
Christum; ergo habuit inimicitiam cum Deo
ortam ex peccato primi hominis. Ma. traditur
ab *Apost.* *Rom.* 5. *Cum inimici essemus, reconciliati
sumus Deo per mortem Filij eius*; ad *Coloss.* 1. *Cum
essetis alienando alienati, reconciliavit vos in cor-
pore carnis eius per mortem*; & 1. Cor. 2. *Ipse est
propitiatio pro peccatis nostris*; propitiatio autem
idem significat, ac reconciliatio. Prob. mi.
B. Virgo fuit Deo unita per gratiam Christi Fi-
lij sui, qui omnibus meruit gratiam, per quam
fierent amici Dei; sed Christus non meruit gra-
tiam hominibus, nisi quatenus mediator Dei,
& hominum, & ideo nisi quatenus reconcilia-
tor; habetur enim 1. ad *Tim.* 2. *Mediator Dei,
& hominum homo: Christus Iesus, qui dedit redem-
ptionem semetipsum pro omnibus*; & *Hebr.* 9. *Novi
testamenti mediator est, ut morte intercedente in re-
demptionem*; &c.; & ad *Coloss.* 1. *Pacificans per san-
guinem crucis eius*; pacificans autem, mediator,
& reconciliator idem sonant; ergo B. Virgo fuit
Deo reconciliata per Christum Filium suum.

54 Deinde *Rom.* 8. *Deus Filium suum mis-
tens in similitudinem carnis peccati*; & *psal.* 87. de
Christo dicitur: *Solus inter mortuos liber*. Quos
textus explicant SS. PP. solum Christum non
habuisse veram carnem peccati, quia non fuit
mortuus nec in se, nec in Adam; vt diximus à
num. 1; & ideo ipse solus fuit liber inter mor-
tuos, quia omnes alij homines mortui sunt in
Adam cum ipso peccando. Et quanvis Christus
etiam traxerit carnem ex Adam, in quo erat ca-
ro peccati, idest maculata peccato; attamen
ex illo non traxit carnem per seminum com-
mixtionem, cui annectitur concupiscentia car-
nalis, quæ ad peccatum inclinatur, sed opera
Spiritus Sancti carnem præparantis, & dispo-
nentis ad animæ infusionem; ideo non assu-

psit carnem peccati, sed habentem solam simi-
litudinem cum carne peccati. Cum igitur so-
lus Christus carnem assumpsit sine seminum
effusione, & solus natus sit de Spiritu Sancto;
ideo solus Christus non habuit carnem peccati;
& ideo *solus innocens est liber inter mortuos, liber
à peccato*, quia solus non peccavit nec in se, nec
in Adam; omnes autem alij homines carnem
peccati habuerunt, quia nati sunt per seminum
commixtionem, & nullus de Spiritu Sancto na-
tus est sine semine viri; adeoque omnes alij mor-
tui sunt in Adam, quia carnem peccatricem ex
Adam sumperunt; & omnes egerunt vivifi-
cari, & renasci per Christum; Porro (inquit S. P.
Aug. in *suppl.* lib. 4. cont. *Iul.* cap. 78.) quia solus
Christus habuit similitudinem carnis peccati, quæ
non esset caro peccati, quia non ex commixtione se-
xuum natus est; quid restat, nisi vt peccati caro
sit omnium, qui de tali commixtione nascuntur per-
tinentes ad mundum, cuius est Diabolus princeps, à
quo malo non liberantur, si non in Christo non re-
nascuntur. Idem habet lib. 6. cap. 35; & alibi; &
lib. 10. de *Gen.* ad *Iul.* cap. 18. *Quid incoinquin-
tius illo vero Virginis, cuius caro etiam si de peccati
propagine venit, non tamen de peccati propagine
concepit*; quod habet etiam *nosser S. Fulg.* de *In-
carn.* & *grat.* cap. 6. Ex quibus arguitur. 1. Ille
homo, qui traxit ex Adam veram carnem pec-
cati, verè peccavit in Adam, & habuit debitum
contrahendi peccatum originale in se ipso; sed
B. Virgo contraxit ex Adam veram carnem pec-
cati; ergo verè peccavit in Adam, & habuit de-
bitum contrahendi peccatum originale in se
ipsa. Prob. ma. Trahere veram carnem peccati
ab Adam est poena peccati commissi in Adam;
in tantum enim cogitur vnusquisq; subire pec-
catum originale, in quantum peccavit in Adam;
quod si non peccasset in illo, non posset cogi ad
contrahendum peccatum ex illo; aliter inno-
cens sine culpa posset fieri peccator, quod est
impium; sed poena præsupponit culpam, quæ
non potest esse in propria persona nascentis in
instanti suæ conceptionis; tunc enim est inca-
pax vsus arbitrij; ergo trahere ex Adam veram
carnem peccati præsupponit contrahentem in
Adam peccasse, & ex hoc contraxisse debitum
contrahendi peccatum originale in se ipso in
pœnam peccati in alio commissi, quod neces-
sariò traducitur in ipsum peccantem, cum in-
cipit esse in rerum natura. Prob. mi. Ille trahit
ex Adam veram carnem peccati, qui generatur
per commixtionem feminis immundi ex carnali
concupiscentia; sed B. Virgo fuit huiusmodi;
ergo idem. 2. In tantum Christus Dominus
non peccavit in Adam, nec habuit debitum con-
trahendi in sua conceptione peccatum, in quan-
tum eius conceptio fuit per opus Spiritus Sancti
sine sexu commixtione completa; sed Beata
Virgo non fuit concepta per opus Spiritus San-
cti, sed per sexum commixtionem; ergo pec-
cavit

cauit in Adam, & ex illo habuit debitum contrahendi peccatum originale in se ipsa. 3. Si Beata Virgo non peccasset nec in se ipsa, nec in Adam, sequeretur, quod non solus Christus esset liber inter mortuos, idem sine peccato inter peccatores; nam etiam B. Virgo libera esset, quia nullo modo nec in se, nec in alio commisisset peccatum; non enim peccatum, quod potuisset committere, nisi præservata fuisset, esset sufficiens ad ipsam denominandam mortuam; quia mortuum est verbum præteritum, quod significat effectum præteritum; implicat autem, quod sit præteritum id, quod nunquam fuit; sed conf. est contra Scripturam docentem solum Christum fuisse inter mortuos liberum; ergo & ant. est Scriptura dissonum, ac disforme.

55 Vterius ad Gal. 4. Si autem per legem iustitia; ergo Christus gratis mortuus est; & Luc. 5. Non egent, qui sani sunt, medico; & Matth. 9. Non est opus valentibus medicus. Hinc S. P. Aug. lib. de nat. & grat. in princ. docet eos nullo modo indigere gratia Christi, qui nullo modo pertinent ad eos, qui peccaverunt. Ex quo sic. Si B. Virgo non peccasset in Adam, & non habuisset debitum extrinsecum contrahendi peccatum originale in se ipsa, non indiguisset gratia Christi adhuc, vt præservaretur in instanti suæ conceptionis ab originali peccato; si nanque in Adam non peccasset, non debuisset, imò non potuisset contrahere peccatum originale in se ipsa; implicat enim, quod aliquis innocens fiat peccator ipso non peccante, seu non consentiente in se ipso, vel in alio; si autem B. Virgo non peccasset in Adam, in illo non consensisset Ade peccato, & ideo illud non potuisset in se ipsa contrahere; sed conf. est contra communem sensum Ecclesiæ sententis B. Virginem in puncto suæ conceptionis fuisse vi præfatisimæ gratiæ habitæ per Christum Filium præservatam ab originali peccato; ergo idem. Prob. ma. Illud est omnino frustraneum, & nullius proflus indigentia, quod datur ad vitandum aliquod malum, quod de facto nequit sequi, & ponitur etiam ablato illo, quod datur ad illud vitandum; sed gratia Christi data fuisset B. Virgini ad vitandum peccatum originale, quod etiam sine tali gratia præservativa non potuisset contrahere, vt dictum est; ergo vt vitaret peccatum originale, non indiguisset gratia Christi.

56 Similiter Matth. 1. Et vocabis nomen eius Iesum; ipse enim saluum faciet populum suum à peccatis eorum; & 9. Non veni vocare iustos, sed peccatores; quod habetur etiam Luc. 5; & 19; & 1. ad Tim. 1; & saepe alibi; super quod vid. auctoritates allatas qu. 3. artic. 1; ex quibus sic arguitur. Asserere, quod B. Virgo non peccaverit in Adam est illam excludere à motiuo incarnationis; motiuum enim assumendi carnem humanam, quod habuit Verbum Diuinum, fuit, vt peccatores saluos faceret; vt aperte significant mox allati

textus, si enim B. Virgo non peccasset in Adam, nullo modo nomen peccatoris ei potuisset congruere; nam ex eo, quod peccare potuisset, non potuisset dici peccatrix; sicut Angeli sancti, qui peccare potuerunt simul cum alijs, qui ceciderunt, peccatores dici non possunt; sed excludere B. Virginem à motiuo incarnationis est derogare eius summæ excellentiæ; sicut enim B. Virgo fuit prædestinata post Christum ante omnem aliam creaturam; vt docent communiter Theologi; ita fuit primarium, & principale motiuum incarnationis, quæ fuit ratio, & causa prædestinationis; ergo affere, quod B. Virgo non peccavit in Adam omnino derogat summæ illius excellentiæ, quæ exaltatur super omnes creaturas.

57 Rom. 6. Quicunque baptizati sumus in Christo Iesu, in morte illius baptizati sumus. Super quod S. P. Aug. lib. 6. cont. Iul. cap. 1. explicans, quid sit baptizari in morte Christi ait: Non est aliud in morte Christi baptizari, nisi peccato mori. Ex quibus sic. Omnes baptizati in morte Christi mortui sunt peccato; sed Beata Virgo baptizata fuit in morte Christi; ergo mortua est peccato in morte Christi. Atqui nemo potest mori peccato, nisi prius in illo vivebat peccatum, & peccatum non vivit, nisi in eo, qui peccavit; ergo B. Virgo peccavit, non in se, sed in Adam. Ma. patet ex textu; sicut enim peccato maculati sunt omnes in Adam, in quantum Adam peccante cum illo, & in illo omnes peccaverunt; ita à peccato baptizantur, seu abluuntur omnes in Christo, in quantum Christo moriente pro omnium peccatis omnes mortui sunt in illo, & cum illo peccatis. Prob. mi. Omnes, qui baptizati sunt in se ipsis, baptizati sunt in morte Christi; sicut omnes, qui contraxerunt peccatum originale in proprijs personis, peccaverunt in Adam; sed B. Virgo baptizata est in se ipsa, refert enim Enthim. in cap. 3. lo. apud Sua. 10. 2. in 3. par. disp. 19. scilicet. 1. Scribitur quidam Apostolorum temporibus proximi, quod Christus Petrum, & Virginem matrem baptizaverit; & est communis sententia omnium Theologorum B. Virginem fuisse baptizatam baptismi Christi, quod est Sacramentum regenerationis; Christum verò non fuisse baptizatum baptismi à se instituto, sed baptismi Ioan; qui erat tantum figura baptismi Christi; ergo B. V. fuit baptizata in morte Christi.

68 Gen. 2. In quacunque die comederis ex eo, morte morieris; & Rom. 8. Corpus quidem mortuum est propter peccatum; super quod S. P. Aug. lib. 6. de Gen. ad lit. à c. 19; & de corr. & grat. cap. 13; & in 12. libris cont. Iul. docet mortum esse effectum peccati Ade. Ex quo sic. Omnis, qui mortuus est, mortuus est propter peccatum; homo enim solum propter peccatum fuit factus mortalis eo modo, quo diximus 10. 3. q. 1. in Hexam. art. 12. num. 46; sed B. Virgo mortua est; ergo mortua est propter peccatum. At nullus mortuus

tuus est propter peccatum, nisi vel ut fideiussor pro delendo, & redimendo peccato, sicut mortuus est Christus; vel ut debitor peccati exolviendo pœnam peccato commissio decretam; B. Virgo autem non est mortua titulo fideiussoris; quia licet aliquando à SS. PP. vocetur reconciliatrix, & mediatrix inter Deum, & homines, attamen hoc explicat, quatenus genuit Christum, qui solus est reconciliator, & mediator Dei, & hominum, ut *sup.* explicuimus cum S. P. Aug; ergo mortua est, tanquam debitor peccati; quod in Adam commisit. Tum quia effectus impletionis præcepti de non comedendo B. Virgo fuisset particeps, quia ei, sicut alijs, collata fuisset iustitia originalis; ergo idem dicendum de effectibus transgressionis, qui sunt carere iustitia originali, mori &c. At carere iustitia originali in Adam, est in illo mori; separatio enim iustitiæ ab anima est mors animæ; sicut separatio animæ à corpore est mors corporis; ut docet S. P. Aug. *serm. 5. de Verb. Domini*. Diximus impletionis præcepti, non pacti, initi à Deo cum Adam, ut loquuntur hic Theologi; quia illud fuit verum præceptum, & solum improprie pactum, ut diximus 10.4. de pecc. quæst. 2. art. 3. & 4.

59 Debitum contrahendi peccatum originale à SS. PP. soli Christo negatur. S. Ambr. relatus à D. P. Aug. lib. 1. cont. Iul. cap. 23; & 9. ait: Solus Christus non tenetur vinculis obnoxia generationis; ceteri vero omnes sub peccati obligatione nascuntur. Vinculum autem, & obligatio idem sunt, ac debitum, ut *sup.* diximus. S. P. Aug. lib. 1. de pecc. meritis; & remissi. cap. 20. Nullus est præter Christum, qui non ex peccato ad iustitiam transierit; & qui nullo unquam peccato fuerit adstrictus. Vbi hoc verbum adstrictus importat vinculum, & per consequens debitum. S. Leo *serm. 1. de Nativitat. Dominus noster*, sicut nullum à reatu liberum reperit, ita pro liberandis omnibus venit; reatus autem sonat idem, ac obligatio, seu debitum subeundi pœnam; & sic de alijs, qui videri possunt apud nostrum Aeg. Lusti; & alios.

60 Ut autem tollatur omnis scrupulus, sic arguitur. Ex eo, quod admitatur B. Virginem in Adam peccasse, mortuam fuisse, traxisse debitum tantum extrinsecum contrahendi peccatum originale, fuisse in Adam captivam Diaboli, & cætera huiusmodi, nulla ex his noxis deriuatur in personam B. Virginis, ut ab alijs personis distinctam; quia B. Virgo in Adam erat vnum cum omnibus alijs hominibus; & cum ipso Adam; ut sæpe repetit S. P. Aug; nam effectus in causa nihil aliud est, quàm ipsa causa; ergo nulla proflus B. Virginis, prout est persona ab alijs distincta, irrogatur iniuria; sed tantum dicitur naturam Adæ, in qua omnes homines continebantur, fuisse infectam peccato, quod à nullo sanæ mentis potest negari (non enim potest fabulosè fingi cum Galar. reservatam fuisse por-

tionem naturæ, quæ non fuit infecta) & quod eadem natura, prout participando per seminalem propagationem inducit debitum, seu necessitatem contrahendi peccatum originale, à quo debito tamen fuit intrinsecè soluta persona B. Virginis, quia in primo instanti suæ conceptionis fuit excellentissima gratia præventa, & repleta. Sic autem dicendo optimè explicatur Scriptura, quod fuerit redempta, reconciliata, quod sit membrum Christi, & pertineat ad gratiam, & gloriam illius &c; ergo hæc sententia nedum non derogat, sed summè exaltat excellentiam B. Virginis in se ipsa, prout ab alijs distinguitur; quanvis de illa, prout cum alijs hominibus in Adam confunditur, communiter loquatur.

61 Accedit, quod in Diuinis mysterijs, quæ ab infallibili oraculo Spiritus Sancti hætenus non sunt declarata, Scriptura præcipit sequi SS. PP. doctrinam: Interroga Patres tuos, & annuntiabunt tibi; maiores tuos, & dicent tibi; ut diximus 10. 1. q. 1. proam. art. 7. nu. 5; & habetur etiam c. Prima salus 2. q. 5. ex Hormisdæ &c. contra statuta eadem q. ex Zosimo; sed SS. PP. stant pro hac sententia, sicut & Scriptura; ergo conformius ad Diuinas Scripturas, & SS. PP. B. Virgo peccauit in Adam, & ab eo duxit debitum tantum extrinsecum contrahendi originale peccatum.

62 Si autem dicatur, quod si peccare in alio nullam diceret imperfectionem in se ipso, sequeretur posse etiam dici de Christo, quod peccasset in Adam; sed conf. est falsum; ergo & ant. Resp. quod licet peccare in Adam nullam dicat imperfectionem in se ipso, dicit tamen imperfectionem in eius generatione, quia dicit eam fieri per seminum commixtionem, quod repugnat Christo, & conuenit B. Virgini, quæ est pura creatura; ideo non est paritas.

63 Obijc. 1. Scriptura, & auctoritates allatæ probant nedum de peccato in Adam, & de debito contrahendi peccatum in se ipsa, sed etiam de actuali contractione peccati in propria persona; sed ab actuali contractione peccati originalis in propria persona B. Virgo excipitur, ut dictum est in *sup.* §. ergo & à peccato in Adam, ac à debito illud contrahendi in se ipsa excipi debet. Prob. ma. Auctoritates probant B. Virginem debuisse esse mortuam, captivam, & seruam peccati; sed non potest dici mortua; captiua, & serua peccati, nisi per mortem peccati in se ipsa receptam; ergo probant etiam de actuali contractione peccati. 2. Auctoritates sumptæ ex D. P. Aug. probant de actuali contractione; disputabat enim contra Pelagianos, qui negabant actualem contractionem peccati; ideo si hanc contractionem non probasset, nihil egisset; ergo idem.

Resp. ad 1. neg. ma; illud enim Rom. 3. Omnes enim peccauerunt; nequit intelligi de actuali contra-

contractione in se ipsis; nam quando homines in ventre matris concipiuntur, non peccant, nec possunt peccare, quia carent usu rationis; imò coguntur peccatum contrahere; peccare autem nequit esse cum coactione; ergo *hic textus* nequit intelligi de actuali contractione peccati in Adam. Quod clarè explicat idem *Apost. ibid. c. 5.* loquens de Adam: *In quo omnes peccaverunt; & 1. ad Cor. 5. Sicut in Adam omnes moriuntur; ita & in Christo omnes vivificabuntur*; constat autem non omnes vivificari per actualem receptionem vite in se ipsis, quia multi moriuntur sine baptismo, per quem acquiritur gratia, qua vivimus Deo; sed solum vivificari omnes in ipso, quatenus ipse mortuus est pro omnibus sufficienter; mors enim ipsius fuit pretium sufficiens, imò superabundans, ut omnes liberarentur à morte peccati, quannus non fuerit omnibus efficaciter applicata. Ergo prædictæ auctoritates non possunt intelligi, nisi de morte, captivitate, & servitute contracta in Adam; quæ mors, captivitas, & servitus fuit sufficiens, ut contrahatur ab omnibus in se ipsis, nisi speciali gratia Dei præferuntur; & ideo ad prob. neg. mi. Ad 2. dicitur rationes, & auctoritates allatas à S. P. Aug. procedere etiam de speciali contractione in se ipsis, nisi speciali Dei privilegio præferuntur; sicut præferuata fuit Beatissima Virgo; arguit enim, quòd ex eo, quòd omnes peccaverunt in Adam, traxerunt debitum contrahendi peccatum in se ipsis, à quo debito nullus absoluitur, nisi B. Virgo; & ideo omnes contrahunt peccatum in se ipsis nascendo excepta B. Virgine; per quod refut. Pelagiani evectuntur.

64. Obijc. 2. *Cant. 8. sub arbore malo suscitavit se; ibi corrupta est mater; ibi violata est genitrix tua.* 2. *Escher 11. Noli mutare, non morieris; non enim pro te, sed pro omnibus hac lex est constituta*; ergo lex de non comedendo fructum imposita Adæ non fuit imposita B. Virgini; quæ propterea non peccavit in Adam. 3. *Prov. 31. Non exstinguetur in nocte lucerna eius; idèst in nocte delicti.* Item *nec timebit à frigore nivis*; quia B. Virgo non fuit in Adamo denudata iustitia originali; & ideo in illo non peccavit. 4. Exceptio *Concilij Trid. sess. 5. de pecc. orig.* potest adaptari nedum actuali maculæ, sed etiam debito illam contrahendi; vtrius enim testimonio *Apost. In quo omnes peccaverunt.* 5. *Isaie 19. B. Virgo dicitur nubes levis, super quam Dominus ascendit*, sed debitum culpæ gravior est debito poenæ, quia illud, non istud, importat fedtatem; ergo non habuit debitum contrahendi peccatum. 6. Prob. auctoritatibus adductis in 1. §; si enim peccasset in Adam, prius fuisset Diaboli amica, & postea inimica; & sic de alijs.

Resp. ad 1. potius probare oppositum; nam si Deus sub arbore malo suscitavit B. Virginem, iam B. Virgo erat in malo. Suscitavit ergo il-

Mag. Frideric. Nic. Gauradi Tom. 5.

lam ex malo, ut non violaretur in se ipsa, sicut violata fuit in se ipsa Eva eius mater. Ad 2. allata verba dicta fuisse, postquam Escher iam ceciderat in manu ancillæ, & postquam viderat iratum, & furore agitatum; ergo significant B. Virginem; postquam in Adam ceciderat, fuisse à Deo præservatam, ne moretur in propria persona; atque adeo illi dictum fuit: *Non pro te*; idèst pro tua persona, ut distincta ab alijs; sed pro omnibus; idèst prout omnes vnum fuerunt in Adam, hac lex est constituta. Ad 3. eodem modo dicitur designari, quòd in persona B. Virginis in se ipsa, non in Adam, donum sapientiæ nunquam fuit extinctum, nec fuit spoliata habitu gratiæ. Ad 4. dicitur controversiam excitatam tempore Sixti IV. fuisse de macula, non de debito; Trid. autem totam hanc questionem remisisset ad Extrav. eiusdem Sixti. Ad 5. dicitur probare in B. Virgine non fuisse debitum intrinsecum, non autem extrinsecum.

Obijc. 3. *Lez. Gen. 3. de B. Virgine dicitur: Ipsa conteret caput tuum*; non contriivisset autem caput Diaboli; si peccasset in Adam, quia in suo initio fuisset à Diabolo contrita. 2. *Iob. 3. Expectet lucem, & non videat; nec ortum succentis Aurora*; ergo B. Virgo, quæ Aurora nomine insignitur, non fuit peccati tenebris obscurata. 3. *ps. 88. Thronus eius, sicut Sol in conspectu meo*; quibus verbis B. Virgo comparatur Soli, qui umbras in se ipso non admittit. 4. *Ezech. 43. Ipsa est lex domus* (idèst Mariæ, quæ fuit domus Dei in ea inhabitantis) *omnis finis eius in circuitu Sanctum Sanctorum*; ergo si ex omni termino fuit sanctitas, nullibi fuit peccatum. 5. *Cant. 4. Tota pulchra es, amica mea, & macula non est in te*; sed si peccasset in Adam, non esset tota pulchra, & macula in illa semel fuisset; ergo idem.

Resp. ad 1. B. Virginem contriivisse Diabolum in propria persona, prout ab Adam, & alijs hominibus distincta; certum enim est ipsam non contriivisse Diabolum, prout erat vnus, & idem homo cum Adam; & cum alijs hominibus; sic enim & Adam, & alij homines simul contriivissent Diabolum, & non sola Virgo, cuius contrarium docet Scriptura; impossibile nanque est, quòd vnus, & idem homo conterat, & conteratur. Ad 2. constat pariter non posse intelligi de B. Virgine, nisi in propria persona; ait enim: *Nec videat ortum*; qui non est, nisi in ipsa persona. Ad 3. eodem modo dicitur, quòd non fuit Thronus Dei, nisi in propria persona, ut distincta ab Adam; & sic ad 4. de domo Dei. Ad 5. pariter dicitur, quòd macula non est in te, in te autem designat propriam personam, quia non fuit in se, nisi in propria persona; & prout fuit in Adam, non est in se ipsa, sed in alio, ut patet. Ergo omnes isti textus, & alij, qui possunt adduci, verificantur de B. Virgine in se ipsa extra Adam; sic enim nec habuit peccatum, nec debitum peccati; quia vtrunquæ extinxit gratia, qua fuit repleta.

O

66 Obijc.

66 Obijc. 4. *idem*. S. P. Aug. de nat; & grat. c. 36. docet, quod ei fuit collata gratia ad vincendum ex omni parte peccatorum; ergo & ad illud vincendum in Adam; aliter non vicisset ex omni parte. 2. S. Hier. *ferm. de assumpti*; qui tribuitur Sophronio, ait: In nullo corruptusne pignoralis fraus inimici. 3. S. Bern. *ferm. de Natiuit.* Caro Mariae ex Adam sumpta maculas Adæ non admittit; & in off. Bernard. de Bystis: Maculas illius peccati, damnationis; & debiti non admittit. 4. S. Dominicus. Sicus primus Adam fuit de terra virgine; & nunquam maledicta formatus; ita deuit in secundo Adam fieri. 5. S. Ildaphon. de perpetua virginit. to. 9. Bibl. PP. pag. 678. Maledicto Ena non subiaccuisse, nec corruptioni peccati; & in Adamo sordes non admittisse.

Resp. *postea Lusti*, hæc omnia intelligi de B. Virgine in propria persona; constat enim, quòd hæc illi non conveniebant, prout erat vnus, & idem homo cum *Adam*, & cum omnibus alijs hominibus; aliter hæc non solùm convenissent B. Virgini, sed etiam *Adæ*, & omnibus alijs hominibus, quod est compertissimè falsum. Ad S. *Ildephon.* resp. aliud non asserere, nisi quòd quia B. Virgo præservata fuit à culpa; ideo fuit etiam præservata à dolore pariendi; constat autem hæc dici de ipsa, prout fuit in se ipsa.

67. Objic. 5. *idem*. Peccare, mori, captiuari in Adamo sonat indignitatem, quæ non debet admitti in B. Virgine, in qua omnis decor, & gloria resplendet. 2. Qui in patre maledicitur, & damnatur, absolute maledicitur, & damnatur, ut patet de posteris Cain; sed B. Virgo non fuit absolute maledicta, & damnata; ergo nec in Adam eius patre. 3. In iure mater gaudet privilegio filij; & Angusta privilegio Angustii Imperatoris; sed Filius B. Virginis fuit exemptus à peccato in se ipso, & in Adam; ergo & B. Virgo Mater ipsius. 4. B. Virgini debet competere nobilitas, & excellentior redemptio; sed talis est redemptio in causa; ergo *idem*. 5. Gen. 47. Terra Sacerdotalis fuit libera à tributo; ergo & B. Virgo, quæ fuit terra, ex qua formatus fuit summus Sacerdos, qui manet in æternum. 6. Piculium est res templi dicatas fumi ad prophanos vsus; ideo Balthassar Dan. 5. ob profanationem templi vasa morte fuit punitus; sed B. Virgo fuit destinata in templum Spiritus Sancti; ergo non potuit inferuire in vsum peccati. 7. III. Syn. ait; quod Maria est purior omni sensibili, & intelligibili creatura; sed creatura intelligibilis non peccavit nec in se, nec in alio; ergo & B. Virgo.

Resp. hæc quoque probare, quod B. Virgo in propria persona non admiserit peccatum, nec debitum peccati, quod *sup.* statuiamus. Ad 1. igitur dist. ant. Peccare in *Adamo* sonat indignitatem in *Adamo*, sicut peccare in se sonat indignitatem in se; eodem enim modo est indignitas, quo est peccatum; conc. sonat indignitatem

in se, neg. Ad 2. neg. ma; quauis enim qui in alio maledicitor, habeat debitum trahendi maledictionem in se; attamen ab hoc debito potest liberari per gratiam; et redimi; sicut filij redempti B. Virgo, quæ propterea non traxit maledictionem, aut damnationem in se. Ad 3. dist. ant. Pro eo tempore, quo est mater filij, et vxor *Augusti*, conc; quo non est mater, aut vxor, neg; B. Virgo autem non fuit mater Filij Dei in *Adam*, sed in se; ergo idem. Ad 4. neg. supp. mi; nam redemptioni in causa non est redemptio; quia captiuitatem non supponit, vt diximus. Ad 5. dist. conf. B. Virgo in se ipsa, quatenus mater Christi summi Sacerdotis, conc; in *Adam*, in quo non erat Mater electa, neg. Ad 6. dist. mi. B. Virgo in *Adam* fuit destinata in templum Spiritus Sancti, neg; in se ipsa, conc; et sic in se ipsa nunquam fuit prophanata peccato. Ad 7. eodem modo; purior enim fuit in propria persona extra *Adamum*; in *Adamo* autem, quia idem erat cum illo, pura non fuit, quia ille fuit impurus.

68 Objice. 6. Ad rationem redemptionis sufficit præfatio à malo futuro, quod quis incurreret, nisi præfueretur; dicitur enim *psal.* 143. *Qui redemitis David servum tuum de gladio maligno*, idest de gladio *Goliath*; constat autem, quod *David* non fuit redemptus à plaga iam accepta à gladio *Goliath*, sed à plaga accipienda, nisi à Deo fortitudine, qua posset illum prævenienter occidere, fuisset præmunitus; & *psal.* 85. *Eruiis*, vel vt *alijs* legunt; *Redemisti animam meam ex inferno inferiori*; non quod *David* in infernum descenderit, sed quia descendisset, nisi Divina misericordia fuisset præfatus; & *D. Dion. de Div. Nom.* c. 8. assignat duplicem modum saluationis creaturarum; primum quia omnia creat, & conferuat; secundum, quia eripit à malis præferuando, ne cadant in nihilum; & hunc appellat liberationem. Item *Div. Bern. serm.* 22. in *Cant.* appellat Christum Redemptorem Angelorum, quia tenuit eos, ne caderent in peccatum; & habetur *Ephef.* 1. *Proposuit inlaurare omnia in Christo, quæ in Cælis, & quæ in terra sunt*; & ad *Coloss.* 1. *Pacificans per sanguinem crucis eius, siue quæ in Cælis, siue quæ in terris erant*; nomine autem eorum, quæ sunt in Cælis, significat Angelos, quia homines tunc in Cælis non erant; & *S. P. Aug. lib. de diligendo Deo* c. 12. ait: *Etiã ea, quæ te protegente non commisit, totum à te dimissio deputandum est*; dimissio autem, seu remissio est effectus redemptionis; ergo etiã si B. virgo non peccauit in *Adam*, adhuc potuisset dici redempta, quia à tali peccato præfata fuisset.

Resp. *Salm. dub.* 3. §. 9. n. 113. periculum
evidens mortis æqualiter debito, ideo *ex his*
locis colligitur ad redemptionem satis esse ha-
bere debitum incurrendi malum.

69 Sed hæc responsio non satisfacit ; posset enim inferri : Ergo satis fuit ad hoc, vt B. Virgo fuerit

fuerit redempta; fuisse in periculo proximo peccandi in Adamo; & non requiritur, quòd actu in illo peccauerit; nec quòd habuerit debitum ortum ex peccato.

70 Resp. igitur cum nostro Lufit. dist. ant. Ad rationem redemptionis latè sumptæ, conc; strictè, vt est redemptio Christi Domini descripta in Scripturis, neg; redemptio enim Christi, vt loquuntur Scripturæ, est remissio peccati, remissio autem peccati supponit peccatum commissum; est reconciliatio, ideo supponit inimicitiam, quæ non est per peccatum futurum, sed præteritum; est iustificatio à contradictorio, idèst ab iniustitia; peccatum autem futurum non reddit hominem iniustum; vt diximus sup. n. 52. Vnde ad prob. dicitur, quòd quando admittatur posse dici latè redemptionem à peccato futuro; non tamen sequitur posse dici redemptionem strictè in eo sensu formaliter, in quo Scripturæ loquuntur de redemptione Christi Domini. Vel ad 1. resp. David in pœnam peccati præteriti contraxisse debitum incurrendi pœnam mortis per Goliath inferendæ; & ideo rectè dicitur ab illa pœna fuisse redemptum; & si dicatur non posse ex Scripturis in illo assignari peccatū, ob quod incurreret debitum pœne mortis; resp; quòd licet non posset ex Scripturis assignari peccatum personale, attamen non sequitur, quòd in illo non fuerit licet occultum; & dato, quòd non fuerit; fuit tamen peccatum originale, cuius pœna est mors. Ad aliud dicitur, quòd plures Interpretes exponunt de peccato adulterij, & homicidij, quod vocatur infernus inferior; quia peccatum magis torquet remordendo cōscientiam, quàm infernus visibilis comburendo. Vel si intelligatur de inferno, qui est locus pœnarum; dicitur, quòd talis redemptio supponit peccatum, per quod factus fuerat reus inferni; vnde redemptio licet non supponat actualem consecutionem pœnæ; supponit tamen actualem contractionem peccati, per quam contrahitur reatus ad pœnam; nam Christus Dominus redemit nos ab inferno, quia redemit nos à debito consequendi pœnam æternam contracto per peccatum mortale. Ad D. Dion. dicitur ipsum loqui de conseruatione rerum, ne abeant in nihilum; talem autem conseruationem non esse propriè redemptionem manifestum est, aliter posset dici Deum redemisse creaturas inanimatas, & naturas irracionales. Ad D. Bern. dicitur cum S. P. Aug. in Enchir. Christum fuisse Redemptorem Angelorum, nō quia pro illis mortuus sit, solū enim pro mortuis mortuus est, vt ait Apostolus; sed quia mortuus est pro hominibus, qui instaurarunt ruinas Angelorum replendo sedes eorum, qui ceciderunt; & hoc significatur per illud Ephes. 1. Per illud verò Coloss. 1. innuitur, quòd inimicitia, quæ orta fuerat inter Angelos sanctos, & homines per peccatum, sublata fuit redimendo homines à peccatis; hoc

etenim satis fuit, vt fieret amicitia, & pax inter homines existentes in terris, & Angelos sanctos existentes in Cœlis. Ad D. P. August. dicitur, quòd ratione peccatorum commissorum incurrerat debitum committendi alia peccata; vnum enim peccatum permittitur in pœnam alterius; vnde rectè potest dici dimitti hoc debitum.

71 Obijc. 7. Deus potuit, & decuit præseruare Virginem matrem à peccato in Adam, & à debito illud contrahendi in se ipsa; ergo illam sic præseruauit; quæ enim redundant in honorem B. Virginis, Deum fecisse fatendum est. 2. Non repugnat Deum ita disposuisse sua decreta, vt electio Matris fieret ex meritis Christi, quando non esset de numero eorum, qui peccauerunt in Adam. Propter hoc Adversarij laborant in disponendo ordine decretorum Diuinarum vnusquisque effingendo ordinationem eorum secundum suum placitum, & impugnando ordinationem factam ab alijs, vt videri potest apud nostrum G. bb. dist. 23. dub. 3. §. 3. & 5; ergo in tali casu posset dici verè redempta.

Resp. ad 1. fuisse à nobis sup. propositum n. 29; sed debere intelligi de facto seruatis Scripturis. Dist. igitur ant. Potuit, & decuit seruato ordine redemptionis, qui de facto nobis innotescit ex Diuinis Scripturis, neg; secundum alium ordinem, conc; sed neg. cons; nam poterat Deus creare ex nihilo corpus B. Virginis, nō ex carne Ade; vel poterat illam facere non de semine viri, sed de Spiritu Sancto, hoc enim in maiorem Virginis gloriam cedere videtur; quia nec esset orta in peccato, nec à peccatoribus nata; nec tamen sequitur, quòd hoc fecerit; quia voluit, vt Verbum à peccatoribus nascens omnium peccata deleteret. Voluit ergo B. Virginem nasci de peccatoribus per seminalem propagationem libidine infectam; quam tamen in instanti suæ conceptionis purgauit à vi maculandi, vt nullam in propria persona maculam traheret; & hoc solū decuit, & potuit supposita tali ordinatione; Ad 2. distincto eodem modo ant. Posset dici redempta in sensu, quo de facto loquuntur Scripturæ, neg; in alio sensu, transcat.

72 Ex hoc magis euellitur Adversariorum scrupulus sic. Ex eo, quòd B. Virgo orta sit ex parentibus peccatoribus summæ eius puritati nullum præiudicium inferitur; quia peccatum est extra personam B. Virginis, & puritas est in ipsa persona; ergo ex eo, quòd peccauerit in Adam, non præiudicatur summæ eius puritati; quia non peccauit in se ipsa, & in propria persona; sed prout erat vnum, & idem cum Adam; quod peccatum nō transijt ad personam B. Virginis, quia in primo instanti suæ conceptionis fuit præseruata ab omni peccato, & ideo fuit præclusa via, ne in illam peccatum intraret.

73 Obijc. 8. Minus dedecet B. Virginem.

O 2

com-

committit peccatum veniale in se ipsa, quam peccare in Adam mortaliter; sed peccatum veniale ei denegamus propter summam illius puritatem; ergo & istud. 2. Omnia, quæ piorum aures offendunt, debent vitari; sed asserere B. Virginem peccasse in Adam, fuisse in illo peccatrice, maculatam, immundam, Deo inimicam, Diaboli ancillam piorum aures offendit; ergo hoc non est dicendum.

Resp. ad 1. neg. ma; quia peccatum proprium personale inficit propriam personam; cum autem à persona B. Virginis debeamus excludere omnem infectionem, vt eius summam puritatem saluemus; ideo debemus ei peccatum etiam veniale personale denegare. At verò peccatum in Adam cum inficiat solam Adæ personam, & naturam ab ipso communicandam; potuit autem ipsa natura in instanti conceptionis personæ ab ipsa propagatæ à peccati fœditate purgari; ideo possumus concedere B. Virginem in Adam peccasse absque vilius fœditatis contractione in propria persona. Ad 2. dicitur, quod sicut ex eo, quod debeamus abstinere à prædicatione prædestinationis gratuite populo rudi, non sequitur non dari prædestinationem gratuitam; ita à pari.

74 Obijc. 9. Inter alias reuelationes, quæ leguntur in quodam libro, cui titulus est: *Nova Apocalypsis auctore S. Amadeo in Bibliotheca Regia S. Laurentij Escorialis asseruato*, reperitur Angelum Gabrielem reuelasse, quod S. Andreas Apostolus assistens transitui B. Virginis dixit: *Non tu mortua in Adam fuisti*. Et S. Thomas: *Ad peccatum præuiso non fuisti cum alijs omnibus condemnata*; ergo idem.

Resp. illas reuelationes non fuisse ab Ecclesia approbatas. B. *Beatus* anno 18. *annal. Eccl. ad annum 1471*. illas rejicit. *Marracius* ait esse *pias meditationes ipsius Amadei*, nou reuelationes; *Cornelius à Lapide* in c. 1. *Apoc.* ait, quod Angelus talia reuelans fuit *Scotista*. Ita *Salm*; qui referunt in eodem libro legi S. Thomam B. Virginem morituræ illud encomium dixisse; cum tamen constet S. Thomam morti non fuisse præsentem; & post triduum tantum aduenisse, cum iam esset sepulta; vt habetur ex D. *Dam. in off. 4. diei inf. oct. Assumpti*; ergo inter apocryphas sunt rejicienda.

§. III.

Afferuntur aliquot quæstiones.

75 Quæres 1; an B. Virgo habuerit fomitem peccati?

Illi, qui tenuerunt eam conceptam fuisse in peccato, dixerunt habuisse fomitem, qui tamen in prima sanctificatione, quæ fuit in vtero S. *Anno*, fuit ligatus; & in secunda sanctificatione, quæ fuit in instanti incarnationis, fuit prorsus

extinctus. Nos verò dicimus fomitem non habuisse, quia fomes, vt docet S. P. *Aug. in Suppl. cont. lul. lib. 2. c. 71*; & *Trid. sess. 5. de pecc. orig. can. 5*; est effectus peccati originalis, est enim ex peccato, & ad peccatum inclinatus; nam nomine *fomitis* peccati significatur inclinatio ad peccatum, quæ idem est, ac concupiscentia carnis aduersus spiritum, quæ causat difficultatem ad sequendum bonum ex eo, quod ad malum inclinatur; sed in B. Virgine non fuit peccatum originale; ergo neque fomes peccati.

76 Dices. S. *Dam. lib. 4. de fide c. 15*. ait, quod Spiritus Sanctus purgauit B. Virginem, antequam conciperet Filium. Idem habet *Naz. catechesi 17. in hom. Paschali*; D. *Cypr. lib. de Cardinalib. Christi operib. c. de Natiuitate D. Ambr. in Luc. c. 1*; & *Gloss. ordinaria*.

Resp. loqui de purgatione à sordibus, quæ potuerunt B. Virgini competere per naturam; & à materialibus phantasmatibus, quæ ei conueniebant ratione modi cognoscendi; & à nescientia mysteriorum, non autem à sordibus, quæ proueniunt à culpa eo prorsus modo, quo diximus *10. 3. q. 6. de Ang. ar. 1. §. 1*; ita enim fuit purgata, vt eius mens non esset occupata erga res huius vitæ; sed soli vitæ contemplatiuæ addicta.

77 Quæres 2; an B. Virgo bis fuerit sanctificata?

Resp. affirmatiue; primò enim fuit sanctificata in primo instanti suæ conceptionis, vt dictum est; secundò in instanti incarnationis Verbi Diuini, cum repleta fuit Spiritu Sancto. *Luc. 1. Spiritus Sanctus superueniet in te, & virtus Altissimi obumbrabit tibi*. Rationem reddit S. P. *Aug. serm. 9. de temp.* inquit: *Dignum planè erat, vt Regali ostenda partu prius Celestis Regis sanctificaretur ingressu*. Attamen inter has duas sanctificationes discrimen est; nam prima impedit, ne resuleret peccatum originale; secunda verò non exclusit peccatum, quia per quod intraret peccatum, non erat; sed matris contulit dignitatem, quæ parere Filium debebat, qui venerat peccatores saluare à peccatis.

78 Quæres 3; an B. Virgo in primo instanti suæ conditionis fuerit sanctificata per motum liberi arbitrij in Deum eo modo, quo homines adulti sanctificantur; an verò sine tali modo, quomodo paruuli sanctificantur in baptismo?

Resp. *nosser Gibb. disp. 14. dub. 2.* sanctificata fuisse primo modo; nam talis sanctificatio perfectior est, quam secunda; quapropter aliqui dicunt fuisse priuilegium speciale solius Christi Domini habere vsum liberi arbitrij in vtero Matris; vt videtur docere S. *Tho. hic art. 3. in fine cap.*; sed B. Virgini debet tribui perfectior sanctificatio, quam reliquis puris creaturis; Angeli autem, & Adam in instanti suæ creationis fuerunt sanctificati per vsum liberi arbitrij; ergo sanctificata fuit per motum liberi arbitrij. Tum quia S. *Io. Baptista* fuit in vtero sanctifi-

edificatus per motum liberi arbitrij; habetur enim *Luc. 1. Exultavit in gaudio infans in utero meo*; super quod *S. P. Aug. lib. 2. de conf. Evangelist. c. 15.* ait *S. Iohannem* in utero novisse Christum; & ideo habuisse usum rationis; ergo à fortiori hoc est tribuendum B. Virgini.

79. Quæres 4; an B. Virgo ex vi primæ sanctificationis facta fuerit impeccabilis simpliciter ita, ut nec mortaliter, nec venialiter peccare potuerit?

Resp. affirmatiue. Ita *Fund. Doct. Aeg. hic dist. 3. p. 1. q. 1. art. 3.* Est contra *Albigenses, Calvinum, Brenium, & alios* relatos à *Canisio lib. 1. de B. Virg. c. 10.* blasphemantes B. Virginem aliquando peccasse. Prob. tamen ex definitione *Conc. Claremontani sub Urbano II; & Trid. sess. 6. can. 23;* ubi statuit nullum posse in tota sua vita peccata omnia etiam venialia vitare, nisi ex speciali Dei privilegio, quemadmodum de B. Virgine tenet *Ecclesia*; quibus innuit totam Ecclesiam sentire privilegium non peccandi etiam venialiter B. Virgini fuisse concessum; & *S. P. Aug. de lib. de nat. & grat. c. 26.* ait; quod ei plus gratia collatum fuit ad vincendum ex omni parte peccatū, qua concipere, & parere eum meruit, quem constat nullum habuisse peccatum. Quibus verbis insinuat rationem; nam gratia maternitatis eleuauit B. Virginem, ut conciperet, & pareret Christum, quem certum est nullum prorsus habuisse peccatum; ergo ipsam ita eleuauit, ut nullum prorsus in se haberet peccatum; virtus enim perficit causam per ordinem ad effectum. Tum quia si non fuisset impeccabilis, non habuisset gratiam ad vincendum ex omni parte peccatum, sed à peccato aliquando vinci potuisset. Tum quia si potuisset peccare, peccatum refusum fuisset in dedecus Christi; habetur enim *Eccles. 3. Dedecus filij pater sine honore*; sed hoc est absurdum; ergo & id, vnde sequitur.

80. Dicunt heretici B. Virginem in fide dubitasse, cum dixit *Luc. 1. Quomodo fiet istud?* 2. A Christo fuit reprehensa *Io. 2. Quid mihi, & tibi est, mulier?* *Matth. 2. Quæ est mater mea, & qui patres mei?* *Luc. 2. Quid est, quod me quærebatis?* &c.

Resp. ad 1. B. Virginem non dubitasse, sed admiratione defixam illa verba protulisse inquirendo, non dubitando. Ita *S. P. Aug. in qq. vet. & noui testam. q. 73; & alibi*; & *D. Ambros. lib. 2. in Luc. c. 2.* Ad aliud dicitur non fuisse reprehensam in propria persona, nihil enim reprehensione dignum erat in illa, sed reprehendisse curiositatem adstantium, qui miraculum expectabant. Vel dicitur reprehensam fuisse, prout gerebat figuram *Sinagoga*; ut exponit *Alcinus*.

81. Quæres 5; an saltem habuerit potentiam proximam peccandi?

Resp. negatiue contra *Dnr. in 3. d. 3. q. 4;* & *V. asq. disp. 120. c. 2;* & prob. Potentia proxima

peccandi importat actum primum peccaminosum existentem in potentia, quæ potest peccare; sed B. Virgo non habuit actum primum peccaminosum; ergo nec potentiam proximam peccandi. Ma. inf. explicabitur *q. 10. art. vbi* reiectis modis, quibus insufficiens explicatur potentia proxima peccandi, ostendemus, in quo formaliter consistat.

A R T. III.

Ostenditur contra Iudeos Messiam venisse.

1. **I**s, qui cæci sunt, frustra ostenditur lux, quæ, quanvis sit de se manifesta, attamen ab illis negatur, quia nequit ab illis videri. Cordis cecitatem in pœnam pernicacis perdidit, qua noluerunt agnoscere Saluatorem, incurrerunt Iudei, quam antea prophetauerat *David ps. 68. Obscurentur oculi eorum, ne videant; & dorsum eorum semper incurua*; idest ne sursum cor habeant, ut lucem veritatis aspiciant. Quapropter potius rogandum est Deus, ut eorum mentes illuminet, oculosq; adaperiat; adeo enim manifesta est veritas Messiam iam venisse, ut solis oculis necesse sit ad credendum.

2. Prob. à *S. P. Aug. conc. cont. Iudeos, Paganos, & Arrianos à cap. 12.* ex impletione vaticiniorum. 1. *Isaia 7.* habetur: *Ecce Virgo in utero concipiet, & pariet Filium, & vocabis nomen eius Emanuel, quod est interpretatum, nobiscum Deus.* Sed B. Virgo Maria concepit, & peperit Filium, nec virginitatem amisit, ut credit totus mundus; & Apostoli, ac Discipuli, qui fuerunt nati ex Iudeis, id prædicauerunt, & librorum monumentis consignatū reliquerunt; ergo Messias iam venit. 2. *Dan. 9. Cum venerit Sanctus Sanctorum, cessabit vnctio*; sed vnctio inter Iudeos iam cessauit; quia nullus inter Iudeos modò vnctur Rex, aut summus Sacerdos; ergo iuxta veterē legē Messias iam venit. 3. *Dan. 6. Septuaginta hebdomades abbreviata sunt super populum tuum, & super Vrbem sanctam tuam; ut consummetur præuicatio, & finem accipiat peccatum, & deleatur iniquitas, & adducatur instituta sempiterna, & impletur visio, & prophetia; & vngetur sanctus sanctorum &c.* Vsq; ad Christum Ducem hebdomades septem, & hebdomades sexaginta duo erant &c. Et post hebdomades sexaginta duas occiderit Christus, & non erit eius populus, qui eum negaturus est; & ciuitatem, & sanctuarium dissipabit &c. Et in dimidio hebdomadis deficiet hostia, & sacrificium. Hanc prophetiam esse de Messia aduentu manifestum est; nomine enim Messia significatur Saluator, qui delere debebat peccatum, & à peccatis homines redimere. Intuitu ergo precum Danielis abbreviatae sunt hebdomades septuaginta; quia anni solares facti sunt anni lunares, qui sunt vndecim die-

diebus minores annis solaribus; & istæ hebdomades erant annorum, non dierum iuxta illud *Leuit. 25. Numerabis quoque tibi septem hebdomadas annorum.* Numerus itaque annorum, qui fluere debebant ante *Messie* aduentum, est quadringentorum, & nonaginta annorum lunariū; qui fluxerunt ab anno 20. *Artaxerxis*, à quo concessum fuit *Neemie* facultas reedificandi *Ierusalem*, vsque ad Christi mortem iuxta *Chronographorum* supputationem. Congruit nomen *Messie*, qui est Christus; congruit occisio; congruit, quod populus, ex cuius stirpe ortus fuit, eum negauit. Consonat destructio ciuitatis, & sanctorum facta per *Titum*; tandem verificatur, quod Christus in medio hebdomadis passus fuit; ergo compertissimum est *Messiam* iam uenisse, & hunc esse Christum Dominum.

3 *Isaia 2. Fluunt ad eum omnes gentes, & ibunt populi multi, & dicent. Venite, & ascendantus in montem Domini, & ad domum Dei Iacob; & docebit nos vias suas, & ambulabimus in semitis eius; quia de Syon exiit lex, & Verbum Domini de Ierusalem;* & paulo post: *Proiecasti enim populum tuum, domum Iacob: vel vt habet alia versio: Dimisit enim plebem suam, domum Israel.* Super quod *S. P. Aug. or. aduersus Iudeos* cap. 8. ait: Hic vos agnoscite. Arguitur autem sic. *Messias* debuit exire de *Ierusalem*; & ad eum debuerunt conuerti omnes gentes, & populi multi; at ipse proiecit, ac dimisit domum *Iacob*, domum *Israel*; quod repetit cap. 5. dicens: *Nunc ostendam vobis, quid faciam vineæ meæ. Asperam seminem eius, & erit in direptionem;* & paulo post: *Visum enim Domini exercituum domus Israel est;* sed Christus Dominus est Verbum Domini, quod exiit de *Ierusalem*, quia ex gente *Hebræa* natus est; ad eum conuersi sunt omnes gentes, & multi populi, ac nationes; & dimisit *Iudeos*; qui non crediderunt in eum, & qui erant populus, & plebs eius electa; ergo Christus Dominus est verus *Messias*.

4 Prosequitur *S. P. Aug. ibid. cap. 9. Malac. 1. Non est mihi voluntas in vobis; dicit Dominus omnipotens; & munus* (vel (vt alia versio habet) *sacrificium non accipiam de manibus vestris.* Ab ortu enim Solis vsque ad occasum magnum est nomen meum in Gentibus; & in omni loco sacrificatur, & offertur nomini meo oblatio munda; vel, *sacrificium mundum; quoniam magnum est nomen meum in Gentibus; dicit Dominus omnipotens.* Ex quo sic. Tunc veniet *Messias*, quando voluntas Dei non erit amplius in *Iudeis*; & hoc erit, quando a *Iudeis* amplius non sacrificabitur Domino, & quando Gentes ab oriente vsque ad occidentem magnificabunt nomen Domini; & in omni loco, vbique terrarum, & gentium sacrificabitur, & offeretur sacrificium mundum; sed post Christi aduentum voluntas Dei cessauit esse in *Iudeis*, quia ei sacrificare amplius non potuerunt; destructum enim fuit templum, & altare, extra-

quod sacrificare eis fuit prohibitum; & Gentes vbique offerunt sacrificium mundum, & hostiam puram, & immaculatam corpus, & sanguinem agni Filij Dei in altaribus vbique locorum erectis; ergo verus iam venit *Messias*.

5 Conf. ab eodem *S. P. Aug. ibid. Isaie 49. dicitur: Dedi te in lucem gentium, vt sis salus mea vsque ad extremum terræ.* Ex quo sic. Verus *Messias* cognoscetur ab omnibus gentibus, quia debuit esse salus omnium existentium in vltimis finibus terræ; sed Christus Dominus cognitus fuit à gentibus, & salus est omnium existentium in finibus terræ; quia pro omnibus moriendo omnium peccata deleuit; ergo Christus Dominus est verus *Messias*.

6 Idem probat *S. P. Aug. lib. de altercatione Ecclesia cum Synagoga*; ex quo hæc pauca decerpimus. *Hierem. 4. dicitur: Circumcidite vos Deo vestro, & circumcidite præputium cordis vestri; & Deut. 30. Erit in nouissimis diebus; circumcidet Deus cor tuum, & cor seminis tui ad Dominum Deum tuum amandum;* cui concinit *Paulus Apostolus ad Coloss. Circumcisi estis circumcisione non manufacta, non in exspoliatiōe carnis, sed in circumcisione Christi.* Super quæ *S. P. Aug. Ecce non carnis; sed cordis circumcisio mandabatur; scilicet vt vitia cordis circumcideres, vt libidines desecares, vt tunicam fornicationis scinderes.* Arguitur autem sic. Tunc venire debuit *Messias*, quando vetus circumcisio, quæ fiebat in carne, debuit immutari, & fieri in corde; ait enim *Hierem. ibid. Renouamini inter vos nouitate; & Isaías 42. Illa vetera transferunt, & ecce facta sunt noua;* sed Christus docuit circumcisionem debere fieri in corde, vt testatur *Paulus Christi Apostolus*; ergo Christus est verus *Messias*.

7 *Ioch. 2. Canite inba in Syon, sanctificate ieiunium, & induite orationem; aggregate pupillum, sanctificate Ecclesiam, excipite maiores natu, colligite paruulos, & lactentes; procedat sponsus de cubili suis, & sponsa de thalamo suo.* Ex quo sic. Tunc venturus erat verus *Messias*, quando egressurus erat de *Ierusalem* nouus sponsus, & noua sponsa, & vxor illius; sed per Christi aduentum egressus est de *Ierusalem* nouus sponsus, & noua sponsa vxor illius; quia Christus, qui sponsus est, vt habetur *ps. 18. Tanquam sponsus procedens de thalamo suo*; fuit ex gente *Hebræa*; & Ecclesia ci sponsa est, quia spondet fidem se reddituram Domino saluatori; & vxor, quia conceptos filios per baptismum spiritu maritæ lauacro turgente producit; ergo Christus est verus *Messias*.

8 *Deut. 28. Et erit pendens vita tua ante oculos tuos die, ac nocte; & psal. 15. Non derelinques animam meam in inferno, nec dabis Sanctum videre corruptionem; & Osee 6. Vinificauit nos die tertia. Discutitur sic. Verus *Messias* debuit pendere die, ac nocte ante oculos *Ierusalem*, debuit à mortuis suscitari, & resurgere die tertia, ac nos sua resurrectione viuificare; sed Christus Domi-*

Dominus pendit in cruce die, ac nocte ante oculos *Ierusalem*, idest feria sexta per diem, & per noctem vsque ad sabbatum, in quo iuxta legem non licebat hominem in ligno pendere; & resurrexit tertia die, ac resurgendo nos ad vitam perduxit; ergo est verus *Messias*.

9 Concinat etiam *ps*. 68. *Dederunt in escam meam fel, & in siti mea potaverunt me aceto; & psal.* 21. *Foderunt manus meas, & pedes meos; dinumerauerunt omnia ossa mea. Diriserunt sibi vestimenta mea, & super vestem meam miserunt sortem; quæ in Christi passione conspiciuntur impleta.*

10 Deinde reuincitur ex miraculis, quæ it Christus Dominus in *Iudeorum* conspectu ita, vt & ipsi *Pharisæi*, inter quos *Nicodemus*, qui erat *Princeps Iudeorum*, vt habetur *10.3.* videns illius prodigia confessus est verum *Messiam* inquit: *Rabbi, scimus; quia venisti à Deo Magister; nemo enim potest hæc signa facere, quæ tu facis, nisi fueris Deus cum eo. Sed de hoc vid. 10.4. q. 1. de fide art. 5. §. 3.*

11 At incassum effunditur sermo, vbi non est auditus; & frustra obijciuntur lux ante oculos cæcorum. Hanc *Iudeorum* cæcitatem prædixit *Isaias* 29. *Erunt hi omnes sermones, sicut sermones libri, qui signatus est, quem si dederis homini nescient literas ad legendum; dicit: Non possum legere; signatus est enim &c. Sed in illa die audient surdi sermonem libri; & qui in tenebris, & in nebula sunt, oculi cæcorum videbunt; & Hierem.* 23. *In nouissimo die cognoscetis eum vos; & Dan.* 12. *Muni sermones, signa librum vsque ad tempus consummationis, quo adducantur multi, & impleatur cognitio, quoniam, cum sit dispersio, cognoscent omnia.*

12 Imò ex hac *Iudeorum* cæcitate, & incredulitate efficax argumentum desumitur ad conuincendam eorum perfidiam. Inter alia signa, euidenter demonstrantia aduentum *Messie* afferunt *Prophete* cæcitatem, & incredulitatem *Iudeorum*, qui credentibus omnibus gentibus omnium nationum cæcutienter increduli debuerunt remanere; adeoque lex veri *Messie* de populo electo, idest de populo *Hebræis*, ad populum acquisitum, idest ad *Gentiles*, debuit transferri; sed totus mundus nouit, & credidit in Christum, quia ex omnibus nationibus conuersæ ad eum sunt gentes, solis *Iudeis* remanentibus cæcis, ipsum non cognoscendo; & incredulis in eum non credendo; ergo etiam ex hoc euincitur Christum esse verum *Messiam*.

13 Errores tandem *Iudeorum* redarguendi sunt. Primus error est, quo putant Christum non esse verum *Messiam*, quia legem à Deo datam non seruauit, sed abrogauit; circuncisionem enim, non comestionem carnum immundarum, sabbata, & neomenias, & dies eorum festos, pecorum sacrificia, & Pascha in oue, & azimis abstulit.

Sed hanc mutationem legis quoad ceremonialia (nam quoad moralia mansit magis perfecta) prædixit *Hierem.* 31. *Ecce dies veniunt, dicit Dominus; & confirmabo super domum Iacob testamentum nouum; non secundum testamentum, quod constitui Patribus eorum in die, qua apprehendi manum eorum, vt eduцерem eos de terra Aegypti; quibus verbis expressè traditur testamentum vetus esse immutandum in testamentum nouum, quod nobis tradidit Christus Dominus. Ex quo magis euincitur *Iudeorum* perfidia. Ratio etiam id suadet. Etenim sacramenta veteris legis erant vmbra, & signa *Messie* venturi, & eorum, quæ à Christo erant instituta; ergo adueniente *Messia* debuerunt illa cessare, & noua subrogari; sicut cessat vmbra, cum aduenit lux. Nec per hoc dicuntur illa euacuari, & cassari, sed impleri; quia adueniente figurato impletur, non cassatur figura. De his autem figuris disserere longum esset; circuncisio nanque figurauit baptismum; non comestio carnum immundarum significauit nō esse communicandum cum idololatriis; sabbata significabant in Christo esse quiescendum; neomeniæ, idest obseruatio lunæ nouæ vitæ nouæ sanctificationem; Agnus pascalis Christi agni immaculati immolationem. *Vid. Si P. Aug. lib. 19. cont. Faust. c. 10.**

14 Secundus error est, quia putabant *Messiam* non esse Deum; quia Deus immortalis, impassibilis non potest mori; pati &c.

Sed contra; nam *ps*. 44; qui apertissime est de *Messia*, habetur, quod Christus nedom est homo, sed etiam Deus. Homo quidem; quia dicitur: *Accingere gladio tuo super femur tuum; femur autem caro est, ex qua componitur homo. Deus verò, cum ait: Thronus tuus, Deus, in seculum seculi; & ps*. 67; qui pariter agit de Christo: *Exurgat Deus, & dissipentur inimici; & Isaias* 7. *Ecce Virgo concipiet, & pariet Filium, & vocabis nomen eius Emanuel, quod est interpretatum nobiscum Deus; & ps*. 49. *Deus noster manifestè veniet; & Ioel.* 1. *Prope est dies Dominus; & quasi vastitas à potente veniet; & Malach.* 3. *Et statim veniet ad templum sanctum suum dominatur Dominus. Potuit ergo Christus secundum naturam Diuinam, quam non amisit, humanam assumendo, esse impassibilis; & secundum naturam humanam assumptam passibilis.*

15 Tertius error est; quia putant *Messiam* sessurum fore super solum *Dauid*, & illius Regnum restauraturum iuxta illud *Amos* 9. *In illa die suscitabo tabernaculum Dauid, quod cecidit; sed tabernaculum Dauid fuit euersum à Tiro; ergo donec fuerit denuo reedificatum, non veniet *Messias*.*

Sed hoc intelligitur de Regno, seu de potestate spiritali, non de temporalis; subdit enim *Propheta: Et omnes nationes eo, quod inuocatum est nomen meum super eos. Inuocatio autem nominis Domi-*

Domini pertinet ad potestatem spirituales, ut constat. Hinc *Isaia* 9. idem habetur: *Parvulus enim natus est nobis, & Filius datus est nobis; & factus est Principatus super humerum eius; & vocabitur nomen eius admirabilis, consiliarius, Deus fortis, Pater futuri saeculi, Princeps pacis. Multiplicabitur eius imperium; & pacis non erit finis; super solium David, & super Regnum eius sedebit.* Constat autem potestatem temporalem non se extendere ad futurum saeculum. Et *Dan.* 7. *Potestas eius erit potestas aeterna, quia non auferetur; & Regnum eius non corrumpetur.* Potestas ergo *Messiae* fuit super solium, & Regnum *David*, quia incepit dominari *Hebraeis*, eosque ad Ecclesiam vocare; & extensa est ad omnes gentes, & nationes; ut impleretur, quod dictum fuerat *ps.* 71. *Dominabitur a mari usque ad mare, & a flumine usque ad terminos Orbis terrarum.*

16 Quartus error est; quia putant aliquando esse in Scriptura, quae nondum sunt adimpleta; ut *Isaia* 11. *Habitabit lupus cum agno, & pardus cum hodo accubabit; vitulus, & leo, & ovium simul morabuntur, & puer parvulus minabit eos &c.*

Resp. hoc intelligendum esse spiritualiter, non materialiter; sensus enim est, quod iracundi, & mites; barbari, & domestici; pauperes, & potentes in sanctam societatem, & fidei unitatem associabuntur; subiicit enim *ibid.* idem Propheta: *Adjiciet Dominus secundum manum suam ad possidendum residuum populi sui, quod relinqueret ab Assiris, & ab Aegypto, & a Phetris, & ab*

Aethiopia, & ab Aelam, & a Senaar, & ab Emath, & ab insulis maris. Et lenabit signum in nationes, & congregabit profugos Israel, & dispersos Iuda colliget a quatuor plagis terra. Et auferetur zelus Ephraim, & hostes Iuda peribunt. Ephraim non amulabitur Iudam, & Iudas non pugnabit contra Ephraim; & volabunt in humeris Philistinum per mare &c. Ista ergo nationes, quia ad invicem discordes, & aduersae, illorum animalium nominibus significantur; quia per *Messiae* aduentum in amicam redigenda erant concordiam. Hinc *Gen.* 49. *Iacob* moriens vocat Iudam leonem, & *Nephtalim* ceruum, *Beniamim* lupum &c; & in hoc sensu loquitur *Isaia*s.

17 Quintus error est; quia non credunt Deum habere Filium sibi in Deitate aequalem.

Sed contra est; nam *Isaia* 66. *Nunquid ergo qui alios parere facio, ipse non pariam, dicit Dominus? Ergo ego, qui generationes ceteris tribuo, nunquid sterilis remanebo? Et ps.* 2. *Filius meus es tu, ergo hodie genui te; & ps.* 100. *Dixit Dominus Domino meo &c.* Ante *Luciferum* genui te. *Vid. S.P. Aug. de quinque haeresibus. c. 4.* Sed de hoc fuse diximus *10. 2. de Trin. q. 1. art. 4. a nu. 26.*

18 Contra Gentiles autem prob. existentia Verbi incarnati tum ex praedictionibus *Sibillarum*, quas late refert *S.P. Aug. orat. cont. Iudeos Paganos &c.* a *c. 15*; tum ex motu evidenter credibilitatis, de quibus diximus *10. 4. q. 1. de Fide art. 5. §. 3.*



Q V Æ S T. V.

De assumptione naturæ humanæ ad personam Diuinam.



X cognitione causarum recta via transimus ad inquirendam noticiam actionis, quæ ab illis causis procedit; ac deinde termini, qui per illam producitur. De assumptione igitur humanæ naturæ ad vnitatem Diuinæ personæ est agendum, vt doctrinæ ordo seruetur.

A R T. I.

In quo consistat vnio hypostatica?

1 **A** Sserunt Recentiores, inter quos noster *Gibbs*; & *Gonet* inf; vnionem posse tripliciter accipi. 1. Pro actione vniitiua, qua Trinitas Diuina naturam humanam cum persona Verbi efficienter coniunxit; & hæc potius dicitur vnio, quam vnio; & in hoc sensu vnio hypostatica est actio communis toti Trinitati, quæ cum sit formaliter immanens, & virtualiter transiens, ideo est formaliter in Deo, & est quid iueratum. 2. Pro vnione formali, qua Verbum, & natura humana formaliter vniuntur. 3. Pro relatione confligente ex vnione formali, tanquam ex fundamento fundante talem relationem, qua natura humana realiter refertur ad personam Verbi, cui vnitur.

2 At *Fund. Doct.* & *D. Tho.* dupliciter solum vnionem accipiunt; scilicet primo, & tertio modo; ille enim in 3. dist. 5. p. 1. q. 1. art. 1. resoluit. art. 5. Respondeo ait: Vnio dicit actionem quandam, ex qua actione habet esse relatio quedam vnitorum ad inuicem. Hoc enim est vnire aliquam, coniungere illa, vel facere illa esse vnita, & coniuncta; ex qua factione resultat quedam relatio vnitorum ad inuicem. Ille vero in 3. dist. 5. q. 7. art. 1. ait: Vnio est quedam actio, vel passio, qua ex multis efficitur vnum, & hanc actionem sequitur hæc relatio, qua est vnio; & 3. p. q. 2. art. 8. Vnio importat relationem quandam. Ex quibus patet Recentiores excogitasse secundum modum sumendi vnionem, qui non fuit admissus ab antiquis; qui propterea docent illam relationem immediatè fundari in natura humana; & ideo nullum dari nexum medium inter ipsam, & Verbum.

3 Addit *Fund. Doct. ibid.* S. Prima via. In Deo, & in quolibet agente per intellectum, & voluntatem est duplex actio; immanens, sicut est velle, & intelligere; & transiens, sicut est agere in effectum, vel operari in exteriorem materiam. Est si hæc volumus adaptare ad Deum, dicemus, quòd velle, & intelligere Dei est quid increatum, & sunt idem, quòd ipse Deus; sed vnire ipsi Verbo naturam humanam, quantuncunque aliam à natura Diuinam, est actio transiens in exteriorem materiam, vel est transiens in naturam aliam à natura Diuina; ideo oportet talem actionem, quia est actio transiens, esse quid

creatum. Nec propter hoc tollitur veritas vnionis, quia verè ex tali actione transeunte, quæ competit toti Trinitati, humana natura est vnita. Ex quo patet actionem vniitiuam, seu vnitionem esse formaliter actionem transeuntem in creaturam, non in Deo immanentem.

4 Insuper falsum est relationes distingui à suis fundamentis, vt diximus 10. 2. de Trin. q. 1. art. 5. nu. 11; & q. 5. art. 4. nu. 5; sed quanuis hæc relatio distingueretur; attamen non tolleret immediatam vnionem cum Verbo, quia relatio ad vnionem sequitur. Dicitur autem relatio vnitorum ad inuicem, sed non eodem modo; quia, vt explicat *Fund. Doct. ibid.*; natura humana refertur ad Verbum per relationem existentem in ipsa natura humana; Verbum verò refertur per relationem existentem in natura humana; non in se ipso; sicut obiectum scibile refertur ad scientiam per relationem existentem in ipsa scientia, non in se ipso eo prorsus modo, quo ignis dicitur calefacere lignum, non per calefactionem existentem in ipso igne, sed per calefactionem existentem in ligno; vnde in Verbo est relatio secundum dici, quia dicitur relatiuè, & tamen in eo non est relatio.

5 An autem *Fund. Doct.* præter hanc relationem existentem in natura humana admiserit aliquem modum, resp. affirmatiuè; vt manifestè constat ex locis cit. 10. 1. de attr. in com. q. 2. art. 2. à nu. 3; nam ex eo, quòd non subsistat per substantiam propriam, sed per substantiam Verbi Diuini, acquirit modum accidentis, quod non existit per existentiam propriam, sed per existentiam alienam; tum quia acquirit determinationem ad esse actuale, determinatio autem est modus; sicut determinatio ceræ est modus ipsius; tum quia sicuti ex eo, quòd vnitur propriæ existentie, dicitur habere modum existendi per se, idèst per suam existentiam; ita ex eo, quòd vniatur substantiæ Diuinæ, dicitur habere modum subsistendi per substantiam alterius.

6 Hic tamen modus non est ipsa vnio formaliter, seu ratio formalis vniendi ipsam naturam cum Verbo, quia resultat ex ipsa vnione; sicuti ex vnione sigilli cum cera resultat figuratio ceræ, quæ figuratio non est ratio formalis vniendi, seu vnio formalis, sed effectus illius; nam remanet figuratio in cera, etiamsi separetur sigillum; impossibile autem est remanente

ratione formali vniendi, seu vnione formali extrema vnita non remanere, aliter daretur vnio absque eo, quod extrema essent vnita, quod est implicatorium in terminis. Remanet ergo, quod extrema vniantur se ipsis sine vlllo nexu medio ab ipsis distincto. His explicatis, quæ non parum confusè supponuntur à Recentioribus.

7 Prima sententia vult vnionem hypostaticam esse aliquod modaliter realiter distinctum à persona Verbi, & à natura humana. Ita Scot. in 3. dist. 1. q. 1. ar. 1. & ex nostris Gibb. hic dist. 5. dub. 3; apud quem videtur Bernardini; Alen. 3. p. q. 7. memb. 3. art. 1; Noster. in 3. dist. 2. art. 11; Dur. dist. 15. q. 2; Sua. dist. 8. scilicet 2; Vafq. dist. 18. c. 3; Lorc. dist. 15; Lesslib. 12. de perfectione. Din; Gran. tract. 4. dist. 2; Lug. dist. 11. scilicet 1; Cabr. hic art. 7. dist. 2. nu. 44; Taner. de Incarn. q. 3. dub. 4; & alij. Quibus adduntur Mostr. locis ab ipso cit. in 3. dist. 1. q. 2. à nu. 37; & ferè communiter omnes Scotista.

8 Nostra tamen docet esse indistinctam ab extremis vnitis, imò nihil aliud esse, nisi extrema vnita. Ita Fund. Doct. Aeg. hic in 2. dist. 2. p. 2. art. 3; vbi ait loquens de Christo Domino: Fuit enim ibi duplex vnio, & secundum nullam illarum duarum vnionum potuit ibi cadere medium aliquod. Primò enim fuit ibi anima vnita, tanquam forma cum sua carne, tanquam cum materia; inter materiam autem, & formam nullum potest cadere medium, & talis vnio secundum Phil. non habet causam, nisi motorem. Eo enim ipso, quod caro, vel corpus est in potentia ad animam, tanquam propria materia ad suum actum, non requiritur ibi alius, vel colla coniungens actum sua potentie, vel sua materiam; sed eo ipso, quod hoc dicit potentiam, & hoc dicit actum, sit ex eis vnum, tanquam ex potentia, & actu. Mox addit: Distinctum ergo, quod sicut in vnione materie, & forme non cadit aliquod medium interpositum inter ea; sic in vnione natura, & suppositi non potest cadere aliquod medium interpositum. Et inf. Sciendum ergo, quod ipsa vnio Verbi ad humanam naturam est quedam relatio temporalis competens Deo ex tempore; omnis autem talis relatio, vt communiter ponitur, est in creatura realiter, in Deo autem secundum rationem. Propter quod talis vnio, vel talis relatio est in humana natura secundum rem, in Deo autem secundum rationem; & in fine corporis: Patet ergo, quomodo grata vnionis, vel ipsa vnio, quæ est relatio, si accipitur, vt medium, non erit medium, vt assumptionem præueniens, sed vt assumptionem consequens, & vt causatum à tali assumptione. Quibus tradit totam doctrinam à nobis allatam. Idem habet D. Tho. vbi; noster Greg. Arim. in 1. dist. 28. q. 2. ad 17; Ger. Sen. in 1. dist. 7. q. 3. art. 1; Fulg. à Iud. in Log. dist. 2; & tota nostra Schola communiter. Ita etiam Caiet; Aluar; Naz; Io. à S. Tho; Gonet; & alij Thomistæ: quibus adduntur Rubion; Val; & alij quam plures.

9 Vnica concl. Vnio hypostatica non super-

addit aliquod medium distinctum modaliter personæ Verbi, & humanæ naturæ; sed est ipsa persona Verbi humanæ naturæ coniuncta.

Prob. 1. ex illo ad Philipp. 2. Qui cum in forma Dei esset, semetipsum exinaniuit formam serui accipiens in similitudinem hominum factus, & habitum inueniens, vt homo. Super quod S. P. Aug. lib. 1. de Trin. c. 7. in fine ait: Ergo quia forma Dei formam serui accepit, vtrumque Deus, & vtrumque homo; sed vtrumque Deus propter accipientem Deum, vtrumque autem homo propter acceptum hominem. Ex quo arguitur. 1. Si vnio hypostatica importaret aliquod medium distinctum superadditum personæ Verbi, & naturæ humanæ, Apostolus nõ definiisset incarnationem his verbis; quod forma Dei formam serui accepit; sed nominasset duas res omnino disparatas; non enim nominauit illud tertium, per quod solum explicatur incarnatio; atqui hoc est absurdum, & contrarium S. PP; Expositioribus, & Theologis communiter; qui firmiter tenent, & credunt his verbis definisse plenè, & adæquatè incarnationem; ergo Vnio hypostatica non importat aliquod medium distinctum à persona Verbi, & humana natura. Maior circa quam solummodò posset cauillari, prob. Quotiescunque aliquod tria importat; tunc duo solum describens illud non describit adæquatè; sicuti quia triangulus essentialiter importat tres angulos, ex quibus constat; ideo describens tantum duos angulos, non describeret triangulum; sed incarnatio per Adversarios tria importat, nempe personam Verbi, naturam humanam, & medium distinctum, quo natura, & persona vniuntur; ergo describens tantum personam, & naturam adæquatè non describeret incarnationem.

2. Ad hoc, vt Verbum accipiat in vnitatem personæ naturam humanam, non requiritur aliquod in Verbo receptum distinctum à Verbo, & à natura humana; tanquam medium coniungens Verbum cum natura humana; ergo adhuc, vt natura humana accipiat in Verbo in vnitatem personæ, non requiritur in natura humana aliquod in ipsa receptum ab ipsa, & à Verbo distinctum, tanquam medium cum Verbo coniungens. Ant. conc. ab Adversarijs. Prob. conf. Non minus Verbum est verè vnitum naturæ humanæ, quàm natura humana Verbo; sed Verbum vnitur naturæ humanæ absque eo, quod in ipso sit aliquod ab ipso distinctum, per quod ei vniantur; ergo idem de natura humana dicendum.

10 Nec valet dicere; quod sufficit medium vniens esse in vno tantum extremo.

Nam contra est. Medium æqualiter debet afficere, & vnire extrema; quia extrema dicuntur æqualiter vnita; non enim vnum dici potest alteri magis vnitum, & illud alterum minus vnitum; sed ex eo, quod medium sit in vno tantum extremo realiter identificatum cum illo, & modaliter tantum distinctum, æqualiter non afficeret,

afficeret, & sibi vniret extrema, quia cum alio extremo, in quo non est, non identificaretur realiter; ergo medium vniens nequit esse in vno tantum extremo. Tum quia nulla res potest reddi formaliter, & intrinsecè vnibilis per vnionem; quæ in illa non existit formaliter, & intrinsecè; sicut aliquod nequit reddi formaliter, & intrinsecè calidum per calorem, qui in illo formaliter, & intrinsecè non existit; sed vnum extremum nequit formaliter, & intrinsecè vniri, nisi sit formaliter, & intrinsecè vnibile; oppositum enim iu terminis implicat; ergo vnum extremum nequit formaliter, & intrinsecè alteri vniri per vnionem; quæ non in illo, sed in altero tantum existit. Tum quia vel illud extremum, in quo non ponitur intrinsecè vnio, est per se ipsum formaliter vnibile, vel non. Si primum; ergo idem dicendum de altero extremo, quod nempe sit per se ipsum formaliter vnibile absq; eo, quod in illo ponatur intrinsecè vnio; in tantum enim illud est per se ipsum formaliter vnibile; in quantum ordinatur ad aliud, tanquam perfectio illius; anima enim rationalis v. g. in tantum est per se vnibilis corpori humano, non corpori equino, in quantum essentialiter habet, quod sit perfectio corporis humani; non equini; sed non minus aliud extremum ordinatur ad illud, tanquam perfectibile ad perficiens; quia non minus perficiens ordinatur ad perfectibile, & actuum ad passuum; quam perfectibile, & passuum ad perficiens, & actuum; ergo eodem modo aliud extremum est per se ipsum formaliter, & intrinsecè vnibile.

11 Conf. ex *Fund. Doct. vbi sup.* Ad hoc, vt vnum alteri vnatur, sufficit, quod vnum habeat rationem potentie passiuæ receptiuæ, & alterum actus receptibilis in illa; ait enim *Phil.* quod adhuc, vt ex duobus fiat vnum per se, sufficit, quod vnum habeat rationem potentie passiuæ, & alterum actus; ex eo enim, quod vnum sit receptiuum, potest recipere aliud; & ex eo præcisè, quod aliud sit receptibile, potest recipi in illo absque vlllo aliquo medio; implicat autem recipere, & recipi sine vnione; sed vnum extremum est potentia passiuæ receptiuæ, & alterum est actus receptibilis per se, & secundum suam essentiam; ergo vnum extremum potest alteri per se vniri absque vlllo aliquo medio.

12 3. *Apotholus* comparat vnionem naturæ humanæ ad Verbum cum vnione vestis ad corpus; sed vestis vnitur corpori sine medio distincto; ergo ex *Apoth.* natura humana vnitur personæ Verbi sine medio distincto.

13 Inst. hoc esse discrimen inter vnionem extrinsecam, qua vnum alteri extrinsecè vnitur; & intrinsecam, qua vnum alteri vnitur intrinsecè; quod illa sit sine medio; quia est minor vnio, quam intrinsecæ, quæ propterea medium requirit.

Sed euertitur hæc altera casio. 1. Minus

requiritur ad vnionem eorum, quorum vnum est intrinsecè, & per se receptiuum alterius; quam ad vnionem eorum, quorum vnum non est intrinsecè, & per se receptiuum alterius; manifestum etenim est, quod ad hoc, vt vnum cum altero vnatur, sufficit, quod sit capax illud per se, & intrinsecè recipere; ipsa nanque receptio intrinsecæ est formaliter vnio, vel non sit sine vnione intrinsecæ formali, vt constat; quod autem non habet hanc capacitatem intrinsecam, per ipsam non potest vniri, aliter vniretur per id, quod non habet; & ideo debet per aliud vniri; adeoque quod est capax recipiendi aliud intrinsecè, est per se ipsum capax, vt illi vnatur; & per cōsequens ad vnionem nihil aliud requiritur præter id, quod habet; illud verò, quod non est capax, requirit aliud, per quod extrinsecè fiat capax, quod non habet intrinsecè; sed ad hoc, vt vnum alteri extrinsecè vnatur, non requiritur aliquod medium distinctum; vt patet de veste, & corpore; ergo multo minus hoc requiritur ad vnionem intrinsecam. Atqui natura humana est intrinsecè capax vniri personalitati Diuinæ, quia est capax intrinsecè, vt vnatur propriæ personalitati; & ideo etiam personalitati Diuinæ, quatenus gerit vicem personalitatis creatæ propriæ illius naturæ, & per hoc persona Diuina, vt potè infinita simpliciter, continet eminenter omnem personalitatem creatam, & ideo potest munus illarum gerere terminando quancunque naturam creatam; ergo natura humana, & persona Diuina, possunt se ipsis sine vlllo medio vniri. 2. Ex his visibilibus, quæ cadunt sub sensum, iuxta documentum *Apothol.* arguere debemus inuisibilia, quæ non cadunt sub sensum; quia *omnis nostra cognitio ortum habet a sensu*, vt inquit *Phil.* sed vnio extrinsecæ, de qua est sermo, est visibilis; ergo ex ipsa debemus arguere vnionem intrinsecam. Atqui illa sit sine medio; ergo & ista.

14 Prob. 2. Seu magis explicatur ex *S. P. August. lib. 1. de Gen. ad lit. cap. 15.* docente: *Cum dicimus materiam, & formam, utrunque simul esse intelligimus.* Ex quo sic arguit *Fund. Doct. Aeg. vbi sup.* Ita se habet natura ad personam, sicut materia ad formam; sed positis materia, & forma se ipsis sine aliquo medio vniuntur; ergo & natura, ac persona. Ma. constat; quia sicut natura determinatur, & perficitur per personam; ita materia perficitur, & determinatur per formam. Prob. mi. Materia secundum se ipsam absque vlllo aliquo alio est capax recipere formam; & forma actuare materiam; ergo se ipsis sine aliquo medio possunt vniri, aliter se ipsis non possent recipere, & recipi; quod sine vnione est impossibile. Tum quia si se ipsis non vniuntur, earum vnio esset, sicut vnio lapidum in pariete, qui nō vniuntur, nisi medio cemetō; ergo non vniretur per se, sed per aliud, sicut vniuntur lapides; & sic nullum esset ens vnum per se. P 2 Prob. 3.

15 Prob. 3. Potest natura creata à Deo sustentari in esse absque vlllo medio distincto, quo sustentetur; ergo potest illi absque vlllo medio vniri. Prob. ant. Potest natura creata à Deo produci sine vlllo medio, per quod producat; aliter Deus non esset causa immediata naturæ creatæ; ergo potest sine vlllo medio à Deo sustentari in esse; quia sustentatio in esse nil aliud est, quam continuata productio. Conf. claret; quia Deus non sustentat creaturam, nisi intimè se illi vniciendo.

16 Prob. 4. ex S. P. Aug. in *Enchir. cap. 35.* docente: *Proinde Christus Iesus Dei Filius est, & Deus, & homo est. Deus ante omnia secula; homo in nostro seculo. Deus, quia Dei Verbum; Deus enim erat Verbum; homo autem, quia in unitatem persone accessit Verbo anima rationalis, & caro; & cap. 40. In ipso exordio natura sua, quo esse capit, Verbo Dei copularetur in tantam personæ unitatem, ut idem esset Filius Dei, qui Filius hominis; & Filius hominis, qui Filius Dei.* Ex quo sic. SS. PP. communiter docent naturam humanam vniri cum natura Diuina per unitatem Diuinæ personæ, vt patet ex *allatis textibus*; sed non licet admittere in incarnatione aliam vnionem præter illam, quam admittunt SS. PP.; ergo non licet in incarnatione admittere aliam vnionem distinctam ab unitate personæ Diuinæ existentem in natura humana. Ma. explic. In tantum Christus Dominus est vna tantum persona, vt docet Fides *contra Nestorium*; in quantum natura humana assumpta est in unitatem personæ Diuinæ copulantis ipsam naturam humanam cum natura Diuina; ergo vnitas personæ Diuinæ est nexus copulans, & vnians naturam humanam cum natura Diuina; atque adeo natura humana vnitur naturæ Diuinæ per unitatem personæ Diuinæ. Prob. mi. 1. In rebus fidei periculosum est elungiari ab eo, quod docent SS. PP., qui sunt nostri Magistri, quos iubemur à *Scriptura*, & per consequens à Spiritu Sancto in ipsa loquente, nec non à *Concilijs* sequi; ergo non licet admittere aliam vnionem in incarnatione præter illam, quam docent SS. PP. 2. ad hominem. Per *Aduersarios* vnio coniungens extrema satis est, quod sit in vno tantum extremo; quapropter admittunt vnionem distinctam solum in natura humana, non in persona Diuina; asseruntque per illam sufficienter vniri etiam personam Diuinam; sed in persona Diuina est vnio coniungens naturam humanam cum natura Diuina; quia in persona Diuina est id, per quod natura humana vnitur cum natura Diuina; ergo præter unitatem personæ Diuinæ vnientem naturam humanam cum natura Diuina non est admittenda alia vnio distincta in natura humana.

17 Conf. 1. Præter unitatem, qua corpus, & anima v.g. sunt vna persona, non est admittenda alia vnio, qua caro vnitur personæ humanæ; quia per illam unitatem, qua caro, &

anima dicuntur vnus homo, seu vna persona humana, caro, & anima intelliguntur vniri in illa persona, & illi personæ; sicut per idem vinculum vnians plures spicas in vnum manipulum intelliguntur omnes spicæ vniri in illo manipulo, nec requiritur aliud vinculum vnians vnā spicam in illo manipulo, & aliud vnians aliam &c; ergo præter unitatem vnientem naturam Diuinam cum natura humana in eadem persona non est admittenda alia vnio in natura humana vnians ipsam cum natura Diuina in eadem persona; sed vnitas vnians naturam Diuinam cum natura humana est vnitas personæ Diuinæ; quia natura Diuina non est vnita naturæ humanæ, nisi in unitate personæ Diuinæ; implicat enim, quod vnio existens in natura humana vniat naturam Diuinam cum persona Diuina; aliter natura Diuina esset vnum cum persona Diuina per aliquod creatum, & ideo non esset vnum per se, sed per aliud; ergo implicat, quod detur vnio in natura humana vnians naturam Diuinam cum natura humana.

18 Explic. magis. Quoniam duæ lineæ vniuntur in eodem puncto, qui est nexus ipsarum, implicat, quod detur punctus distinctus vnians vnā ex illis lineis cum alia linea, sic enim non vniretur continuè, sed discretè; quia non esset idem punctus principium vnus, & finis alterius; ergo quia in eadem persona Diuina vniuntur duæ naturæ, implicat, quod detur alia vnio vnians vnā naturam illi personæ; sic enim non esset vna persona illarum naturarum, sed duplex, vt blasphemabat *Nestorius*; sicut non esset vnus, & idem punctus terminans duas lineas, si duobus punctis vnirentur.

19 Conf. 2. Ex *Aduersariorum* doctrina non datur vnio vnionis, id est vnio, per quam aliquid vniatur vnioni, per quam illud, cui vnitur, coniungitur cum alio extremo; aliter abiretur in infinitum; sed persona Diuina vnitur naturæ Diuinæ per suam unitatem; ergo in natura humana nequit dari vnio, per quam vniatur vnioni, qua persona Diuina vnitur naturæ Diuinæ.

20 Objc. 1. *Gibb. ex Scot.* Humanitatem esse substantialiter vnitam Verbo est aliqua formalitas in rerum natura, quæ non fuit antea; sed hæc formalitas non est ipsa entitas Verbi, & humanitatis; nam entitas Verbi fuit ab æterno sine vnione; & humanitas prius saltem natura fuit producta, quam vnita Verbo; ergo hæc formalitas est aliquod distinctum modaliter ab entitate extremorum vnitorum. 2. Natura humana pro priori naturæ producta, aequam Verbo vniretur, fuit indifferens, & indeterminata ad vnionem hypostaticam, vel ad non vnionem; ergo vt intelligatur, & sit pro posteriori naturæ vnita Verbo, necessarius est aliquis modus vnionis, quo determinetur, & eius indifferencia tollatur; quia si nullus talis modus superaddatur naturæ

naturæ indifferenti, quo determinetur, manebit indifferens, & indeterminata, sicut antea.

Resp. ad 1. dist. ma. Est aliqua formalitas distincta ab extremis vnitis, neg; indistincta, conc; & sic ad m. dicitur, quod hæc formalitas non est ipsa entitas Verbi, aut humanitatis separatim sumpta, bene tamen coniunctim sumpta; & antea erat Verbum, non tamen erat vnium. Ad 2. neg. supp. ant; nam prioritas naturæ dicit solam dependentiam causalitatis vnus ab alio, vt radius dicitur posterior natura ipso Sole, quia à Sole oritur, & dependet in esse; non autem dicit aliquid instans, in quo sit vnium, & non aliud; hæc enim est prioritas durationis, non naturæ, vt constat.

21. Obijc. 2. *idem*. Vnio præter extrema vnita connotat actionem vnitium causæ efficientis ipsam vnionem; ergo ad hoc, vt extrema sint formaliter vnita ex vi talis actionis, necesse est assignare aliquod vinculum ab extremis distinctum, quod sit effectus talis actionis; quia actio effectiua terminata ad aliquod positum est productiua alicuius entitatis; aliter effectiua non esset; sed non est effectiua entitatis Verbi, aut humanitatis, vt de se patet; ergo alicuius entitatis distinctæ ab entitate Verbi, & humanitatis, quæ non est, nisi vnio. 2. Deus potest velle humanitatem, & Verbum tali tempore coexistere absque eo, quod vniantur; sicut potest velle coexistere Petrum, & Paulum absque eo, quod sint vniti; ergo vnio importat aliquod distinctum à coexistentia extremorum. 3. Actio vnitium est extrinseca humanitati, quia est actio formaliter immanens, & virtualiter tantum transiens; ergo non potest reddere humanitatem intrinsecæ, & permanenter Verbo vnitam. 4. Actio vnitium non vnit formaliter personam Verbi humanitati, sed tantum efficienter; ergo efficit aliquid, per quod formaliter vniantur, quod non est, nisi modus vnionis. 5. Tota Trinitas est causa efficiens incarnationis; ergo aliquod supernaturale est de nouo productum, in quo formaliter consistit incarnatio. Atqui hoc nequit esse Verbum, vt patet; neque humanitas, quia hæc est naturalis; & non est idem humanitatem præcisè produci, ac fieri vnitam Verbo; ergo est aliquid distinctum à Verbo, & humanitate. 6. Omnis vera actio productiua est productio alicuius effectus; ergo omnis vera actio vnitium est productio alicuius vnionis; nam omnis vera actio prædicamentalis debet esse productio alicuius rei. 7. Intelligi nequit, quomodo per aliquam actionem communicetur terminus formalis alicui extremo, cui antea communicatus non erat, nisi de nouo producat aliquid, aut superaddatur, per quod fiat talis communicatio; aliter extrema manebunt communicabilia, & vnibilia, sicut antea erant, non vnita, & communicata.

Resp. hæc omnia fundari in falsa intelli-

gentia actionis, de qua egimus satis *tom. 3. de creat. quest. 1. art. 11; & q. 2. art. 2; & 12. 3. de Trin. q. 3. art. 1*. Actio ergo efficienter productiua, vt *ibid.* dicebamus, nihil aliud importat formaliter, quam communicationem ipsius existentia, per quam essentia transit extra causas, & ponitur in rerum natura; hoc enim est formaliter produci, vt constat. Dupliciter autem potest esse existentia communicari, vel per distinctionem realem ab esse existentia ipsius producentis, vt fit in productione cuiuslibet puræ creaturæ; vel per identitatem existentia ipsius producentis, cum producus communicat propriam existentiam, vt per illam eandem, per quam ipse existit, existat etiam effectus, & si existentia producentis identificetur cum eius essentia, tunc communicando existentiam communicat etiam essentiam; vt factum est in incarnatione, quæ per hoc etiam explicatur. Ad 1. dist. ant. Importat actionem vnitium, quæ nihil aliud est, quam communicatio existentia substantialis, per quam essentia creaturæ ponitur à parte rei extra suas causas, conc; quæ est aliquid superadditum ipsi existentia cuius communicatur, neg. ant; & confidat cuius prob. dicitur, quod actio est productiua totius effectus, qui substantialiter non constat, nisi ex essentia, & existentia; non autem est productiua alicuius entitatis distinctæ ab essentia, & existentia effectus, vt probat arg; sic enim non produceret effectum, sed aliquid distinctum ab effectu; quia non produceret id, ex quo constat substantia effectus, quæ non constat, nisi ex essentia, & existentia. Propter hoc ait *Phil.* & cum illo *Fund. Doct. Ag. sapissime*, quod non producat neque forma, neque materia, quæ sunt partes compositi physici, sed ipsum compositum; & sic dicendum de essentia, & existentia, quæ sunt partes suppositi, quod scilicet neutra producat, sed producat solum suppositum, seu totum resultans ex suppositualitate, & natura; vnde per actionem effectiua incarnationis producat Christus, non aliquid aliud ab ipso. Ad 2. dist. ant. Deus potest velle humanitatem Christi duplicatiuè existere non vnitam Verbo, neg; humanitas enim Christi, prout Christi est, essentialiter dicit vnionem cum Verbo; nam humanitas non vnita cum Verbo non est humanitas Christi, sed alterius hominis, si sit coniuncta, cum personalitate creatæ, vel præcendens à qualibet persona, si concipiatur sine omni personalitate. Humanitatem, quæ non est Christi Domini, transeat. Ad 3. dist. ant. Actio vnitium, quæ est immanens, conc; quæ est transiens, neg; hæc enim nil aliud est, quam communicatio substantia Diuinæ, quæ est intrinseca humanitati. Ad 4. dist. ant. Actio vnitium, prout est ab efficiente, conc; prout recepta in humanitate, neg; sic autem est communicatio substantia, vt dictum est. Ad 5. conc. totum arg. Ad m. Sub-

sumptam dicitur, quòd ens supernaturale productum à tota Trinitate in incarnatione nec est Verbum præcisè, nec humanitas, sed Christus Dominus, qui est complexum ex humanitate, & Verbo, à quo dicitur supernaturale. Sicut solum totum physicum verè dicitur produci. Id autem, quod additur, neg; nam humanitatem produci est idem formalissimè, ac vniri Verbo Diuino; quia per talem vnionem humanitas ponitur extra suas causas, quod est formaliter produci. Ad 6. dist. conf. Actio vnitiua est productiua alicuius vnionis indistinctæ ab extremis vnitis, conc; distinctæ, neg. Ad 7. neg. assumpt; nihil enim est magis intelligibile, quàm duo extrema posse inuicem vniri sine productione alterius entitatis ab illis distinctæ; per sensum enim videmus lapidem vniri lapidi sine productione alterius rei; aquam aquæ; & formam per artem extractam ab aliquo materialistatim vniri intrinsecè, si iuxta illam ponatur, absque alterius rei productione.

22 Obijc. 3. *idem*. Humanitas Christi per incarnationem propriè immutatur, vt docent SS. PP; & DD. *communiter*; Verbum enim vnitur humanitati non per mutationem sui, sed humanitatis; sed omnis vera mutatio fit, vel per receptionem formæ perficientis, aut deteriorantis; vel per amissionem alicuius intrinseci, quod antea erat in subiecto; ergo humanitas recepit nouam formam informantem, & perficientem; non enim in incarnatione amisit subsistentiam propriam, quia cum illa non fuit creata. Atqui forma informans, & perficiens non potuit esse subsistentia Verbi; implicat enim hanc recipi in subiecto, & informare; ergo debet esse modus vnionis à Verbo, & humanitate distinctæ. 2. Ex vi vnionis resultat relatio prædica- mentalis naturæ humanæ ad personam Verbi; ergo debet assignari aliquod fundamentum sc- tenens ex parte humanitatis; at hoc nequit esse actio vnitiua, quia hæc est immanens in Deo; neque potest esse persona Verbi; quia hæc est terminus illius relationis, & ideo nequit illius esse fundamentum; neque natura humana; aliter quælibet natura humana diceret hanc relationem; ergo est modus vnionis.

Resp. ad 1. neg. mi. vnuerfaliter sumptam; nam mutatio de qua loquimur, est *transitus de non esse ad esse*; sic natura humana mutata fuit in incarnatione; transiuit enim de non esse, sub quo erat in potentia merè obiectiua, ad esse actualis existentia, sub quo posita fuit per Verbi personam. Transitus autem ad esse, vel potest fieri ad esse creatum, quod est actus informans, vel ad esse increatum, quod est actus purè irreceptiliter terminans; & hoc secundo modo immutata est natura humana Christi Domini. Non autem *hic* sermo est de mutatione corruptiua, vt constat; quæ sit ex existenti ad non existens. Ad 2; quod vocat difficultatem, quæ in

Logica agitur; quodnam scilicet sit fundamen- tum proximum relationis; an actio, vel esse; di- cimus, pro nunc hoc omisso, talem relationem fundari in natura humana; nec sequitur quan- libet naturam humanam fundare talem relatio- nem; quia certum est ad relationem præter fun- damentum requiri rationem fundandi, quæ est actio vnitiua efficiens; cum igitur quælibet natu- ra humana non vnatur per actionem efficien- tem Verbo Diuino; ideo quælibet non fundat relationem ad Verbum, vt ad terminum illam suppositantem.

23 Obijc. 4. Illud, quod est indifferens, & indeterminatum, nequit determinari, nisi per aliquid receptum intrinsecè; sed natura huma- na antecedenter ad vnionem hypostaticam erat indifferens ad subsistentiam propriam, vel Diuinam; ergo non potuit determinari, nisi per aliquod receptum intrinsecè; atqui hoc rece- ptum non potuit esse personalitas Verbi, quæ recipi nequit; neque relatio, quæ subsequitur; ergo est vnio.

Resp. hoc arg. probare personam Diuinā non posse immediatè terminare naturam humanam, quod est contra communem modū loquendi SS. PP; & DD. Dicitur ergo ad ma; quòd nullum indifferens potest determinari, nisi per aliquod receptum intrinsecè per informationem, vel per purissimam terminationem absque vlla informa- tione; constat enim ex ipso vocabulo; nam *termi- nare* formaliter est *determinare*; ex eo nanque, quòd Verbum Diuinum terminat naturam hu- manam ei communicando suam subsistentiam, iam natura humana remanet determinata ad subsistentiam Diuinam; sed Verbum ratione sui potest esse terminus naturæ humanæ, quia eius subsistentia, cum sit simpliciter infinita, conti- net omnem subsistentiam creatam, & ideo po- test præstare effectus cuiuslibet subsistentiæ crea- tæ; tum quia ita potest esse terminus, sicut est principium; est autem principium immediatum ratione sui; & ita immediatè ratione sui potest esse terminus; ergo Verbum ratione sui, & im- mediatè potest determinare naturam humanam. Tum quia subsistentia Verbi facit id, quod fa- ceret subsistentia creata, dempta informatione, alijsq; imperfectionibus, quæ propriæ sunt crea- turis; gerit enim munus illius; sed subsistentia creata determinat naturam creatā per se ipsam, est enim actus illius; & *actus est, qui determinat secundum Phil.* ergo idem de subsistentia increa- ta. *Cetera obiectiones vid. in Physicis; & 10. I; 2; & 3. ubi; & facilliter soluuntur ex dictis.*

§. I.

An vnio hypostatica facta fuerit mediante gratia; an sit quid creatum, & accidentale?

24 **Q**uanuis hæc tria discutiantur in diuersis art. à Fund. Doct. Aeg; de primo enim agit *diff. 2. p. 2. q. 2. art. 3;* de secundo *diff. 5. p. 1. q. 1. art. 1;* & de tertio *diff. 6. p. 4. q. 1. art. 3;* attamen ea simul coniungimus, quia colliguntur ex dictis in *sup. art.*

25 Quoad 1. nulla est his temporibus controuersia, quæ tamen fuit antiquitus; propter quod hæc difficultas reperitur nedum apud Fund. Doct; sed etiam apud D. Tho; & alios eorum temporibus propinquos.

26 Quoad 2. potest esse sententia eorum, qui asserunt actionem vnituium esse formaliter in Deo immanentem, & virtualiter solum transeuntem; prout enim est formaliter immanens, necessariò est quid increatum, quia in Deo nihil creatum potest reperiri; vnde vnio hypostatica, prout importat actionem efficienter vnituium, in horum sententia est quid increatum; prout verò dicit relationem fundatam in natura humana, est quid creatum. Nos verò, & alij ferè omnes docentes actionem vnituium, qua tota Trinitas efficienter vniuit naturam humanam, cum Verbo Diuino, esse actionem ad extra, & ideo formaliter transeuntem in creaturas, dicimus vnionem hypostaticam nedum, prout importat relationem rationis, sed etiam prout importat actionem vnituium, esse formaliter quid creatum.

27 Quoad 3. Dur. in 3. *diff. 6. qu. 4;* & Palud. q. 1. *art. 2.* volunt vnionem hypostaticam esse accidentalem, non substantialem.

28 Vnica concl. Vnio hypostatica nec est facta mediante gratia habituali; nec est quid increatum; nec est quid accidentale.

Hæc concl; vt diximus, collig. ex dictis; nam vnio hypostatica importat vnionem naturæ humanæ cum suppositalitate Verbi, quatenus gerit vicem suppositalitatæ creatæ; sed hæc vnio est immediata, nec potest fieri per accidens medium; ergo non fit mediante gratia, quæ est accidens. Item hæc vnio, prout importat actionem vnituium, est actio totius Trinitatis; ergo est actio ad extra, & ideo formaliter transiens in creaturam, & quid formaliter creatum. Tandem hæc vnio dicit vnionem naturæ cum supposito, quæ, vt constat, est substantialis, non accidentalis. Sed probantur sciuntium singula partes.

29 Prob. 1. pars ex Fund. Doct. Gratia potest sumi tripliciter. 1. Pro actu Diuinæ voluntatis, quæ gratis, & non ex debito sua bona communikat creaturæ. 2. Pro ipsa vnione hypostatica,

quæ est maximum beneficium, & gratia omnium gratiarum. 3. Pro dono habituali perficente, essentiam animæ; sed nullo horum modorum vnio hypostatica potuit fieri mediante gratia; non primo; quia actus Diuinæ voluntatis, quo tota Trinitas indiuisim decreuit incarnationem, est causa efficiens extrinseca vnionis hypostaticæ, vt patet; implicat autem, quòd aliquod extrinsecum sit medium intrinsecè vniens naturam effectus causati cum personalitate Diuina. Neque secundo; quia nihil potest esse medium ad se ipsum. Neque tertio modo, quo propriè sumitur gratia, de qua hic loquimur; quia gratia habitualis est accidens adueniens naturæ, eamque supponens completam in esse personali; ergo nequit esse medium vniens ipsam cum personalitate.

30 Conf. ex S. P. Aug. in Enchir. cap. 36. docente: Nunquid antea fuit homo, & hoc ei singulare beneficium præstitum est, vt singulariter promeretur Deum? Nempe ex quo homo esse cepit, non aliud cepit esse, quam Dei Filius; & mox. Vt quemadmodum est una persona quilibet homo, anima scilicet rationalis, & caro; ita sit Christus una persona, Verbum, & homo. Ex quo sic. 1. Gratia habitualis est debita humanæ naturæ Christi Domini, tanquam proprietates debita Filio Dei, qui non potest non esse gratus Deo; ergo essentialiter supponit Christum secundum naturam humanam esse Filium Dei naturalem, quòd nequit esse, nisi per vnionem hypostaticam, & ideo hanc vnionem supponit, tanquam proprietates illius; & per consequens nequit esse medium illius, quod necessariò illam antecedit. 2. Ita Deus, & homo sunt una persona Christi; sicut anima rationalis, & caro sunt vnus homo; vt habetur in Symb. D. Athan; sed anima, & caro ita sunt vnum, vt excludant omne medium; ergo & Deus, & homo. Vid. alias rationes in *sup. art.*

31 Dices. 1. Illud, quod excedit vires naturæ, fit per gratiam; sed vnio hypostatica est huiusmodi; ergo fuit facta per gratiam. 2. Vnio animæ beatæ ad Deum fit per gratiam consummatam; ergo à fortiori vnio hypostatica, quæ est maior vnione beatifica.

Resp. Fund. Doct. *diff. ma.* Fit per gratiam; idèst gratuito, non ex debito; conc; per gratiam habituale, neg. Ad 2. neg. cons; nam vnio secundum fruitionem est vnio secundum operationem perfectam, quæ supponit principium radicale perfectum; at vnio hypostatica est vnio secundum naturam, quæ essentialiter est immediata; & ex hoc magis prob. concl.

32 Prob. 2. pars concl. 1. Omnis actio Dei ad extra est formaliter transiens in creaturam; in hoc enim distinguitur actio Dei ad extra ab actione ad intra; quòd hæc manet in natura Diuina, illa transit in naturam creatam; sed actio transiens in creaturam est creatæ, sicut manens

nens in Deo est increata; quemadmodum enim nihil creatū potest dari in Deo; ita nihil increatum potest esse in creatura, quæ secundū omne, quod est receptum in ipsa, creata est; ergo vnio hypostatica, etiam prout importat actionem efficienter vnitivam, est quid creatum. 2. Implicat, quod detur aliquod increatum extra Deum; ex eo enim, quod est extra Deum, est creatum; sed actio efficienter vnitiva est extra Deum; ergo est aliquid creatum. 3. Actio vnitiva mutationem, & novitatem importat; facit enim humanam naturam transire de non esse ad esse; sed omne id, quod mutationem, & novitatem importat, est quid creatum, quia Deus est incapax mutationis, & novitatis; creatura verò essentialiter dicit transire de non esse ad esse, & ideo mutationem, & novitatem; ergo idem. 4. Vnio hypostatica est quid temporale, non enim fuit ab æterno; aliter Christus non venisset in plenitudine temporum, quia fuisset ab æterno; sed omne temporale est creatum; quia omne increatum est æternum; ergo idem.

33 Dices. 1. Actio vnitiva importat actum Diuinæ voluntatis, quæ est causa rerum; sed hic est increatus; ergo & illa. 2. Actio vnitiva importat quid medium inter Deum, & creaturam; ergo nec est Deus, nec creatura. 3. Vnio importat vnitatem, quæ est vna persona Diuina; ergo est quid increatum.

Resp. ad 1. dist. ma. Importat actum Diuinæ voluntatis præsuppositivè, conc; formaliter, neg; sic enim importat actionem transiventem ad extra. Ad 2. neg. ant; actio enim vnitiva non est medium inter extrema, sed est id, quo extrema immediatè vniuntur. Ad 3. dist. ant. Vnio, prout dicit actionem efficienter vnitivam, neg; prout dicit id, in quo natura humana, & Diuina vniuntur, conc.

34 Prob. 3. pars concl. 1. ex Concil. Ephes. can. 13. Ex Virgine natum est sacrum corpus, cui substantialiter est unitum Verbum; & V. Syn. Gen. art. 5. can. 4. Qui non consistitur Filium Dei carni substantialiter uniri, anathema sit; & Lat. sub Martino 1. consultat. 5. c. 6. definitur Christum in duabus, & ex duabus naturis existere substantialiter unitis; & c. 8. hæc vnio appellatur substantialis. 2. ratione Fund. Diss. Vnitas personæ est substantialis, non accidentalis; persona enim est prima substantia, quia est substantia individua, quæ est maximè, & principaliter substantia; sed natura humana vnitur Verbo in vnitatem personæ Diuinæ, vt docent communiter SS. PP; & Concil. contra Nestorium; ergo vnio naturæ humanæ cum Verbo est substantialis, non accidentalis. 2. Vnio accidentalis plurium substantiarum importat pluralitatem suppositorum; sed vnio naturæ humanæ cum Verbo Diuino non importat plura supposita, vt docet fides contra Nestorium; ergo non est accidentalis; sed substantialis. Prob. ma. Quamvis vnio accidentis

cum substantia importet vnitatem suppositi, quia accidens non est capax constituere suppositum, cum sit proprietas sequens suppositum iam constitutum; attamen vnio accidentalis vnus substantiæ cum alia substantia importat pluralitatem suppositorum, vt patet in acervo lapidum, qui importat plura entia per se, & per consequens plura supposita; quia sicuti substantia, cui alia accidit, est ens per se; ita altera, quæ accidit, est ens per se, & non potest illi inhærere per veram, & realem inhærentiam, aliter esset verum accidens reale, non substantia, vt constat; ergo idem. 3. Id, in quo natura humana vnitur cum Verbo, est substantiale, non accidentale; ergo talis vnio est substantialis, non accidentalis. Ant. patet; quia natura humana vnitur cum Verbo in vnitatem personæ Diuinæ, quæ est substantialis, quia in Deo nullum datur accidens. Conf. prob; quia vnio substantiarum dicitur substantialis, cum sit in aliquo substantiali; vt quia formas, & materia vniuntur in existentia substantiali, eorum vnio dicitur substantialis; at verò quia vnus lapis vnitur cum altero lapide secundum quantitatem, quæ est accidens, ideo eorum vnio est accidentalis. 4. Vnio naturæ humanæ cum propria personalitate est substantialis; ergo & vnio cum personalitate Diuinæ, cui non vnitur, nisi prout gerit munus, & vices personalitatis creatæ; atqui munus personalitatis creatæ est vnire substantialiter, non accidentaliter; ergo idem. 5. Ea, quæ vniuntur accidentaliter, nequeunt substantiæ prædicari de toto; vt paries est albedo; sed natura humana prædicatur substantiæ de Verbo, vt Verbum est homo; ergo non vnitur accidentaliter, sed substantialiter.

35 Dices. 1. Apost. ad Philipp. 2. comparat vnionem hypostaticam vnioni vestis cum corpore; habitu innerentis vt homi; sed hæc est accidentalis; ergo & illa. 2. Quod aduenit alicui iam completo in esse, aduenit accidentaliter; sed natura humana aduenit Verbo iam completo in ratione personæ; ergo idem. 3. Quod non est pars alicuius totius, non est substantialiter vnitum cum illo; quia substantialiter vnita sunt partes totius substantialis, vt conuitat; sed Verbum, & natura humana non sunt partes; ergo idem. 4. Accidens definitur, quod adest, & abest præter subiecti corruptionem; sed natura humana respectu Verbi est huiusmodi; ergo idem. 5. Quod est præter essentiam alicuius, ei accidentaliter vnitur; sed natura humana est huiusmodi; ergo idem.

Resp. ad 1. similitudinem vestis sumi ab Apost. ad significandum, quod sicuti vestis non constituit corpus; ita natura humana non constituit personam Verbi; non tamen valet in omnibus; nam certum est naturam humanam assumi ad vnitatem personæ Diuinæ; non tamen vestis assumitur ad vnitatem personæ vestitæ. Iuxta

iuxta hoc dist. ma. Comparat vnionem naturæ humanæ cum Verbo vnioni vestis; quatenus vestis non constituit personam, conc; quatenus accidentaliter vnitur, neg. *Uid. S.P. Ang. lib. 8. q. 7. 3. Ad 2. Fund. Doct. dist. ma.* Quod aduenit enti completo, nec recipitur in vnitatem personæ, conc; sed recipitur in vnitatem personæ, neg. Ad 3. neg. 2. pars mis quod scilicet natura humana non sit pars, quauis Verbum, cui vnitur, sit totum; propter quod est compositio tantum ex parte naturæ humanæ, non ex parte Verbi, vt *inf.* Ad 4. neg. mi; natura enim humana nequit separari à Verbo Diuino absq; dissolutione huius totius substantialis, quod est Christus; & hoc explicatur per definitionem accidentis. Vel *cum Fund. Doct. ad 4. dist. ma.* Quod non ingreditur vnitatem personæ, conc; quod ingreditur, neg; corpus enim aduenit animæ, & separatur absque corruptione ipsius animæ, & tamen quia ingreditur vnitatem personæ, quæ per animam; & corpus constituitur, non aduenit accidentaliter, sed substantialiter. Ad 5. eodem modo dist. ant. Quod est præter essentiam, & non ingreditur constitutionem alicuius personæ, conc; & ingreditur, neg; forma enim est præter essentiam materiæ, & tamen non aduenit accidentaliter, quia ingreditur constitutionem personæ.

36 Collig. ex dictis naturam humanam habere tantum modum accidentis, quatenus non existit per existentiam propriam, sed per existentiam Verbi, vt *inf.* non tamen ex hoc sequitur vniri accidentaliter; sicut dicimus de differentia, quæ licet habeat modum qualitatis, non tamen accidentaliter inhæret.

§. II.

An vnio hypostatica sit omnium maxima;
& an differat ab assumptione?

37 **P**rimum, quod quaeritur, potest dupliciter intelligi. 1. An vnio hypostatica sit maior omnibus vnionibus, quibus creaturæ Deo vniuntur; sex autem modis Deus vnitur creaturis, vt docet *Fund. Doct. dist. 4. p. 3. q. 1. art. 2. in resol. dub. lat. §. Possimus autem.* 1. Per præsentiam. 2. Per potentiam. 3. Per essentiam eo modo, quod diximus *10. 1. de Immensit. art. 5;* & hæc sunt vniones generales, quibus Deus omnibus rebus communiter vnitur. 4. Per gratiam, qua solis iustis vnitur; vt explicauimus *ibid. art. 6. 5.* Per gloriam, qua beatis vnitur. 6. Tandem per vnionem naturæ humanæ ad personam Verbi. 2. An vnio hypostatica sit maior quacumq; alia vnione tum substantiali, tum accidentali?

38 *Dur. in 3. dist. 5. q. 2. apud nostrum Gibb. ait,* quod licet vnio hypostatica sit omnium ma-

xima ratione excellentiæ; & dignitatis; in ratione tamen vnionis minor est vnione ex materia, & forma.

39 *Nostrum Gibb. hic disp. 5. dub. 6; Gonet, & alij Thomista cum D. Tho; vt refert etiam Fund. Doct. hic ad 1;* volunt vnionem hypostaticam esse maximam respectu termini communis, scilicet personæ Verbi, in qua vniuntur naturæ Diuina, & humana; non autem respectu extremorum, scilicet naturæ humanæ, & Diuinæ, quæ infinitè distant, & ideo minùs vniuntur.

40 Tandem *Fund. Doct. hic dist. 5. p. 1. q. 1. art. 1. in resol. dub. 1. lat. docet,* quod excepta vnione, qua tres personæ Diuinæ vniuntur in essentia Diuina, est omnium aliarum vnionum maxima; & ad 1. ait, quod potest sustineri nedum esse maiorem ex parte termini, in quo vniuntur; sed etiam ex parte extremorum vniuntorum.

41 Quoad 2. in titulo propositum *Fund. Doct. vbi in resol. dub. 2. lat. quinque differentias inter vnionem, & assumptionem assignat.*

42 Vnica concl. Vnio hypostatica est minor vnione, qua tres personæ Diuinæ vniuntur in essentia Diuina; & est maxima omnium aliarum vnionum, quibus Deus vnitur creaturis, & quibus creaturæ distinctæ vniuntur inter se, nedum ex parte termini, scilicet personæ Verbi, in qua vniuntur natura Diuina, & humana, sed etiam ex parte extremorum vniuntorum, scilicet naturæ Diuinæ, & humanæ; & multipliciter differt ab assumptione.

Prob. 1. pars concl. à *Fund. Doct. 1. ex D. Bern. lib. 5. de considerat. Ergo inter omnia, quæ vniam rectè dicuntur, arcem tenet vnitas Trinitatis, quæ tres personæ vna substantia sunt. Secundò illa vnio præcellit, quæ è conuersò tres substantie in Christo vna persona sunt.* 2. Triplici ratione sumpta ex doctrina *S.P. Ang. allata 10. 1. de simplic. Dei art. 1. nu. 6.* 1. Vnio Diuinarum personarum in essentia Diuina est per identitatem purissimam; vnio verò trium substantiarum in Christo, scilicet naturæ Diuinæ, animæ, & corporis est cum distinctione reali; ergo illa est maior ista; quia ibi est maior vnio, vbi est minor distinctio. 2. Hæc est cum compositione reali corporis cum anima, & naturæ humanæ ad Diuinam modo *inf.* explicando; illa verò est sine vlla compositione etiam rationis; ergo idem. 3. Diuinæ personæ prædicantur de natura Diuina in abstracto, & è contra; natura autem humana non prædicatur in abstracto de persona Diuina; maior autem prædicatio, sicut maior simplicitas, & identitas maiorem importat vnionem; ergo idem.

43 Prob. 2. pars. 1. ex *S. P. Ang. in Enchir. c. 36. in fine: Gratia suscepit hominem tanta vnitate personæ, vt idem ipse etiam esset Filius hominis.* Ex quo sic. Vnio, qua plura vniuntur in identitate suppositi simpliciter simplicissimi, est maior

Q

omni

omni alia vnione; sed vnio hypostatica est huiusmodi; ergo est maior omni alia vnione. Ma-
constat; nam maior est vnio duarum linearum
in puncto anguli, quam vnio discreta duarum
linearum se punctis tangentium; & magis vna li-
nea vnitur per indiuisibile alteri lineæ, quam ei
vnitur per partem diuisibilem; vnio enim im-
mediata maior est, quam mediata; vnio autem
mediante parte diuisibili est mediata; & vnio
in puncto est immediata; ergo vnio in identita-
te suppositi simpliciter simplicissimi est maior
quacunque alia vnione. Mi. etiam nota est; na-
tura enim humana, & Diuina vniuntur in iden-
titate personæ Diuinæ; quatenus eadem perso-
na Verbi supponit naturam Diuinam, & hu-
manam, & est terminus communis vtrique, si-
cut punctus est terminus duarum linearum an-
guli; & persona Diuina est simpliciter simplicis-
sima, vt diximus 10.1. *ubi*; & est simplicior qua-
cunque personalitate creata; ideo vnio hyposta-
tica est maior, quam vnio cuiuscunque naturæ
creatæ cum sua supposititate, & maior omni
alia vnione, quæ non est in identitate personæ.

44 Prob. 2. à *Eucl. Doct.* discurrendo de
alijs vnionibus sic. Illa vnio est maior, quæ
continet omnes alias vniones creaturæ ad Deū,
& substantiæ creatæ cum alia substantia creatæ;
& super illas addit aliam vnionem; constat enim
esse maiorem vnionem, quæ aliquid vnitur de-
cies, quam quæ vnitur quinquies; sed vnio hy-
postatica est huiusmodi; nam ex eo, quod natura
humana est vniata personæ Verbi Diuini, sequitur,
quod Deus sit in natura humana per presentiam,
potentiam, & essentiam; his etenim tribus mo-
dis Deus est in omnibus rebus; sequitur, quod
fuerit vnitus per gratiam habitualem, quæ con-
naturalis est vnioni hypostaticæ, vt *inf.* dicemus;
tum quia omnibus iustis Deus vnitur per gra-
tiam habitualem; & ideo à fortiori vniri debuit
Christo Domino, qui fuit caput iustorum, per
quod omnes alij iusti effecti sunt; tum quia ita
fuit iustus, vt nec peccauerit, nec potuerit pec-
care; adeoque gratiam habitualement ita habuit,
vt illam amittere non potuerit. Item in instanti
suar conceptionis fuit beatus secundum partem
rationalem, quia vnioni hypostaticæ quæcunque
gratia debetur, adeoque etiam gloria, quæ est
gratia consummata; tandem vnio hypostatica
est vnio naturæ creatæ ad personam Diuinam,
prout gerit vices personæ creatæ, seu prout
continet virtualiter personam creatam; & ideo
virtualiter continet vnionem naturæ creatæ cum
subsistentia creatæ; ergo vnio hypostatica est ma-
ior omni alia vnione, quæ creatura vnitur Deo,
& quæ vnitur naturæ creatæ cum personalitate
creata.

45 Prob. 3. à *eodem.* Illa est maior vnio,
quæ importat maiorem intimitatem extremor-
um; nam extrema quod intimis, eò sunt magis
vnita; sed vnio hypostatica importat maiorem

intimitatem, quia importat vnionem cum Deo
in natura Diuina, Deus autem est intimior crea-
turæ, quam ipsa creatura sibi, vt docet *S. P. Ang.*
lib. 3. Conf. 1. 6. & quauis etiam primæ quinq;
vniones importent vnionem Dei cum creaturis,
in illis tamen vnitur Deus tantum secundum
operationem, non autem secundum naturam;
maior autem, & intimior est vnio secundum na-
turam, quam secundum operationem; quia na-
tura est magis intima rei, quam operatio; ergo
idem.

46 Prob. 4. à *eod.* Illa est maior vnio, quæ
est substantialis, & magis opponitur separati-
oni, quæ illam tollit; constat enim vnionem sub-
stantialem maiorem esse, quam accidentalem,
sicut substantia est maior accidente; & vnio
oppositum magis intendi per exclusionem sui
contrarij; sed vnio hypostatica est substantialis,
quia est vnio in persona; ceteræ autem vniones
Dei cum creaturis sunt per operationem, vel
per accidentia; & magis opponitur separationi,
quam quælibet alia vnio naturæ creatæ cum suo
supposito; quia quælibet vnio naturæ creatæ
cum supposito creato potest dissolui per destruc-
tionem suppositi creati, quod est simpliciter à
Deo annihilabile; persona autem Verbi est sim-
pliciter immutabilis, & indestruibilis; ideo ex
hac ratione vnio naturæ humanæ cum persona
Diuina magis opponitur separationi, quam quæ-
libet alia vnio substantialis creatæ; quauis
enim per absolutam Dei potentiam Verbum
posset dimittere naturam humanam, quam as-
sumpsit, & sic ab illa separari; attamen non po-
test separari per destructionem ipsius suppositi
Diuini, sicut potest separari natura creata à suo
supposito creato; ergo idem.

47 *Inf. Genet.* Inseparabilitas non est si-
gnum maioris vnionis, aliter intellectus effectus
magis vnitus animæ, quam natura suæ persona-
litati; quod est falsum, quia hæc est vnio sub-
stantialis, illa accidentalis; ergo hæc ratio ruit.

Resp. hanc rationem non procedere de in-
separabilitate, vt *sc.* prout est communis sub-
stantiæ, & accidenti; sed de inseparabilitate
specificæ, quæ competit tantum substantiæ; &
sensus est; quod illa, quæ substantialiter vniun-
tur, sunt magis vnita, cum vniuntur insepara-
biliter; quam quæ substantialiter, & separabi-
liter vniuntur; & in hoc sensu ratio vim habet,
& rectè probat.

48 Prob. 3. pars concl. Illa est maior vnio
ex parte extremorum, quæ extrema dicuntur
magis vnita; vnio enim est forma denominans
vnitum; & quod maius est denominatum, eò ma-
ior est forma denominans, vt quod magis est al-
bum, eò maior est albedo; sed extrema vnionis
hypostaticæ magis denominantur vnita, quam
extrema cuiuslibet alterius vnionis; quia natu-
ra Diuina, quæ est Deus, est magis intima na-
turæ creatæ, quam persona creata; & Deus ma-
gis

gis vnitur creaturæ per naturam, quàm per operationem, & per accidentia supernaturalia, vt dictum est; ergo vnio hypostatica maior est omni alia vnione etiam ex parte extremorum. Tum quia maior distantia in esse entis non facit minorem vnionem; magis enim distant accidentia in esse entis à substantia, quàm vna substantia completa ab alia substantia completa; quia illa distant genere supremo, hæc verò conueniunt; & tamen maior est vnio accidentis cum sua substantia, quàm vnus substantiæ completæ cum alia substantia completa, vt constat; & ratio huius est, nam vnio sumitur ex intimitate, & contactu physico, non autem ex indistinctione entitativa; quæ dicit indistinctam metaphysicam, ex hac enim sumitur identitas, non vnio; quæ dicit distinctionem vnitorum; aliter sequeretur, quòd Deus, qui magis distat à qualibet creatura, minùs esset vnitus creaturæ, quàm vna creatura sit alteri vnita, quod est manifestè falsum; quia Deus omni creaturæ vnitur per illapsum intimè tangendo eorum essentias; creaturæ verò non possunt tangere, nisi accidentia, quæ circumstant essentiam; vt diximus 10. 3. de Beat. q. 2. art. 2. §. 1; ergo quauis natura Diuina, & humana sint extrema infinitè distantia in esse entis, attamen sunt magis vnita in esse terminati à persona Diuina, quia illa est terminata per identificationem, hæc per assumptionem. Tandem si maior distantia entitativa faceret minorem vnionem; sequeretur, quòd natura Diuina esset minùs vnita naturæ humanæ, quàm accedens creatum substantiæ creatæ; quia natura Diuina magis distat à natura creatæ, cum non sit in genere creatæ; quàm accedens creatum à substantia creatæ, quod clauditur cum substantia creatæ in genere creatæ; ergo natura Diuina, & humana vnirentur minùs, quàm per accedens. Atqui implicat vnionem substantialem, sicut est vnio naturæ Diuinæ cum natura humana, esse minorem vnione per accedens; ergo illa ratio nihil concludit; & ideo non improbat vnionem hypostaticam esse maiorem qualibet alia vnione etiam ex parte extremorum.

49 Cum itaque arguitur: Quantò magis distant extrema, tantò minor est vnio; sed natura Diuina, & humana maximè distant; ergo earum minima est vnio.

Resp. dist. ma. Quantò magis distant in ratione tangentis, & contacti, terminantis, & terminati, conc; sed neg. mi. In ratione entis, neg.

50 Vrgebis iterum. Quantò maior est compositio, tantò minor est vnio, quia maior simplicitas facit maiorem vnionem; vt dictum est; quantò autem aliquod est magis compositum, tantò minùs est simplex; quia compositio opponitur simplicitati; sed in Christo est maior compositio, quàm in qualibet pura creatura; nam præter compositiones, quæ sunt in homine, qui est compositor qualibet creatura; animata

enim sunt magis composita, quàm inanimata; & sensibilia, quàm vegetabilia, & rationale, quàm sensibile, cum habeat plures potentias; præter has compositiones, inquam, reperitur in Christo vnio naturæ humanæ cum persona Diuina, quæ importat aliquam compositionem; ergo in Christo est minor vnio. 2. Illa est maior vnio, quæ fit magis vnum; sed ex vnione materiæ, & formæ fit magis vnum; quia fit vnum in natura; ex vnione autem naturæ humanæ, & personæ Verbi non fit vnum in natura, sed tantum in persona; ergo idem. 3. Ex vnione essentiae Diuinæ cum intellectu Beatorum fit idem, ex vnione autem naturæ humanæ cum persona Diuina non fit idem, sed vnum; ergo illa est maior ista. 4. Maior est vnio eorum, quæ ex natura sua ad inuicem sunt vnibilia, quàm eorum, quæ naturaliter non sunt vnibilia; sed materia, & forma ad inuicem sunt vnibilia ex sua natura, quia vnum est actus, & aliud potentia ad actum; ergo idem.

Resp. ad 1; quòd hic non querimus, an in Christo sint plures, vel pauciores vniones, quàm in qualibet alia creatura; sed an vnio hypostatica sit maior qualibet alia vnione siue existente, in Christo Domino, siue in alia qualibet pura creatura; & dicimus, quòd vnio hypostatica est maior, quia vnum extremum illius est simplicissimum, & intimissimum alteri. Ad arg. in forma dist. ma. Quantò maior est compositio ex parte vtriusque extremi, tantò minor est vnio, conc; sed neg. mi; nam vnum extremum vnionis hypostaticæ in Christo Domino est persona Diuina, quæ est perfectissimè simplex, & in alijs vnionibus, quorū extrema sunt ambo creatæ, vtrunq; extremum est compositum. Ex parte vnus extremi tantum, neg; & in hoc sensu admittitur mi; nam in natura humana, quæ est vnum extremum, est maior compositio accidentalis, quàm in natura inanimata; quæ compositio dicit maiorem perfectionem, quia dicit pluralitatem perfectionum existentium in ipsa. Ad 2. neg. mi. Ad prob. insert. dicitur, quòd ex natura humana, & Diuina non fit vnum immediatè, sed mediante persona Diuina; quia scilicet fit vnum cum persona Diuina, quæ est idem cum natura Diuina; vnde sicut in vnione materiæ cum forma non sunt, nisi duo extrema realiter componentia; ita in vnione hypostatica non sunt, nisi duo extrema realiter distincta, scilicet persona, quæ est idem cum natura Diuina; & natura humana; cum hoc tamen discrimine, quòd persona Diuina est magis simplex, & intimior, quàm persona creatæ; ideo vnio hypostatica est maior vnio, quàm vnio substantiæ creatæ cum sua personalitate; vnde licet natura humana, & Diuina non fiant vnum per compositionem, sicut sunt vnum materia, & forma; quia tamen natura Diuina est idem cum persona Diuina, ideo minorem facit com-

positionem; nam in vnione materiæ, & formæ fit duplex compositio, scilicet materiæ cum forma; & naturæ, quæ coalescit ex materia, & forma, cum supposito creato; at in vnione hypostatica est vna tantum compositio, scilicet naturæ humanæ cum persona Diuina, non autem naturæ humanæ cum natura Diuina, quia hæc duæ naturæ immediatè non vniuntur; vbi autem est minor compositio, est maior vnio eo modo, quo dictum est. Ad 3. dist. ant. Fit idem in esse intentionali, conc; in esse naturali, neg; nam vnio intentionalis est accidentalis, quia fit mediante lumine, quod est accidens; vnio verò hypostatica est substantialis, ideo hæc est maior illa. Ad 4. neg. ma; nam res magis vnitur cum maiori perfectiuo, simpliciori, & intimiori, ad quod non dicit naturalem, sed tantum obedientialem inclinationem; quàm vnitur cum suo minori perfectiuo, compositiori, & non tam intimo, ad quod naturaliter inclinatur. Hinc magis vnitur natura creata cum gratia, à qua recipit esse supernaturale, ad quam tamen non dicit naturalem inclinationem, quàm cum accidentibus naturali, à quo non recipit esse substantiale naturale, licet ad illud naturaliter inclinet; vnio enim constituenti vnus in esse est maior vnione accidentium esse iam constituto, vt constat.

§ 1. Vltima tandem pars concl; quod scilicet vnio differat a b assumptione, prob. à *Fund. Doct.* Vnio differt. 1. ab assumptione, quia illa se habet, vt quid communius; hæc verò, vt quid specialius; nam omnis assumens est vniciens, seu omnis assumptio est vnio; non tamen è contra, omnis vnio est assumptio, quia Deus vnitur omnibus rebus per præsentiam, potentiam, & essentiam, non tamen assumpsit omnes res in vnitate personæ. Ratio autem huius est. Vnire potest esse vel ad se, vel ad aliud; & vnire ad se potest esse vel ad suæ personæ vnitatem, vel ad suam quantitatem; assumere verò nequit esse, nisi ad suæ personæ vnitatem; ergo assumere est quid specialius, quàm vnire. 2. Assumptio est quasi via ad vnionem, vnio verò est quasi terminus assumptionis; in quantum enim res assumitur, ei vnitur; non tamen in quantum vnitur, assumitur, vt dictum est. 3. Vniens sibi aliud quod dicitur ei vniti; assumens tamen aliquod ad se nequit dici assumptum ab illo; quia assumens, vt assumens, dicit tantum actionem, ideo nequit dici passiuè assumptum; at vniciens dicit actionem, & passionem, quia dicit relationem, secundum quam denominatur passiuè vniti; quia tamen Verbum non dicit relationem realiter existentem in seipso, sed tantum in natura humana, ideo denominatur passiuè vniti, non per passionem existentem in ipso, sed in natura humana.

§ 2. Collig. ex dictis vnionem hypostaticam esse maximum donum omnium donorum, & beneficium præstitum creaturæ omnibus alijs ex-

cellentissimum. Id docet S. P. Aug. de præd. SS. c. 15. dicens: *Prædestinata est ista natura humana tanta, & tam celsa, & summa subiectio, vt quò attolleretur alijs, non haberet; sicut pro nobis ipsa Diuinitas, quousque se deponeret humilior, non habuit, quam suscepit à natura hominis cum infirmitate carnis usque ad mortem crucis.* Ex quo sic. Nulla est maior dignitas, quàm creaturam assumi ad personam Diuinam in esse naturali; quia nulla est dignitas maior dignitate personæ Diuinæ; sed per vnionem hypostaticam creaturam assumitur ad personam Diuinam; ergo nulla est maior dignitas in creatura vnione hypostatica. Accedit, quod vnio hypostatica, vt *sup.* dicebamus cum *Fund. Doct.* includit omnes alias vniones, quibus Deus confert sua dona creaturis; ergo est illis maius donum, & beneficium. Tum quia vnio hypostatica est opus summæ pietatis, & benignitatis, vt habet idem *Fund. Doct. dist. 3. p. 2. q. 2. art. 2. §. cum ergo; & dist. 4. p. 1. q. 1. art. 2;* dicitur enim in Scriptura opus Spiritus Sancti, *Quod enim in ea natum est, de Spiritu Sancto est; & Spiritus Sanctus sperueniet in te &c;* quia pietas, & benignitas attribuuntur Spiritui Sancto, sed opus summæ pietatis, & benignitatis est maius ceteris operibus, quæ in Scripturis non dicuntur opera summæ pietatis; ergo idem.

§ 3. Dices. Visio beatifica nequit communicari creaturæ irrationali, cui tamen potest conuenire vnio hypostatica; ergo illa est maior ista.

Resp. neg. supp; non enim dignitas sumitur à natura creata, quæ hypostaticè assumitur, sed à persona Diuina assumente; vnde quauis communicaretur creaturæ irrationali, adhuc esset dignior, & excellentior. Nec ex eo, quod conueniat soli naturæ rationali, arguitur maior excellentia; quauis enim hoc sit verum quoad ea, quæ ei receptiuè per informationem conueniunt; at tamen non est verum quoad ea, quæ ei conuenire possunt merè effectiuè per terminationem; sic enim creatura irrationalis potest terminari ad aliquod dignius, quàm terminetur creatura rationalis; & in hoc sensu illa potest esse dignior ista.

A R T. II.

An vnio naturæ humanæ sit facta in natura, vel in persona Diuina?

1. **D**Væ fuerunt hæreses circa rem præsentem, vt diximus q. 1. art. 1. à n. 17. ad 20; vbi textibus Scripturarum sufficienter reprobæ fuerunt, & in Concilijs damnatæ. Nestorius Patriarcha Constantinopolitanus circa annu Christi 428. negauit naturam humanam assumptam fuisse in vnitate personæ Diuinæ, & a propterea in Christo esse duas personas, aliam purè humanam, quam genuit B. Virgo in tempore, quam

quam ob hoc *Christoson*, non *Theotocion*, idest Christi, non Dei genitricem dixit esse appellandam, vt refert *Fund. Doct. ex Conc. Chalced. in definitis*, & ex *Constantinop. II. c. 6*; & ex *D. Dam. lib. 3. c. 3*; & aliam Diuinam à Patre ante sæcula genitam. Voluit autem personam humanam. Verbo vnitam fuisse accidentaliter tantum. 1. Per summum affectum, quia inter has duas personas fuit summa amoris consensus. 2. Per inhabitationem, quia Verbum habitauit in illo homine, tanquam in templo. 3. Per operationem; quia in illo homine, tanquam in instrumento, operabatur miracula. 4. Secundum dignitatem, ratione cuius poterat Deus vocari. *Vid. Conc. Ephes. 10. 2. Concilior. in appendice c. 5*; & *10. 5. c. 1*; & *D. Cyrill. Alex. ep. ad Nestor*; & altera ad *Acacium*, & *Theodoret. lib. 4. de l. abul. in Nestor*. licet enim aliquando *Nestorio* consenserit, ipsum tamè postea in *Conc. Chalced. art. 8.* anathematizauit; & *D. Dam. vbif.* Hanc hæresim docuit etiam *Theodorus Mopsuestia Episcopus*, qui in *V. Syn. Gen.* appellatur *Nestorij* Magister, vt colligitur ex eadem *V. Syn. c. 23*; & seq.

2 Post 20. circiter annos *Eutyches Abbas* in eadem Ciuitate *Constantinopolis* tempore *Leonis I*; vt hæresim declinaret *Nestorij*, voluit naturam Diuinam, & humanam ita fuisse vnitas in vna Christi persona, vt humana conuersa fuerit in Diuinam ita, vt ante vnionem essent duæ naturæ, & post vnionem vna tantum ex duabus effecta; & ideo dicebat Christi personam esse vtique ex duabus, non tamen in duabus naturis. Ita refertur in *ep. Leonis 50. ad Episcopos Gallia*, & ex *Flauiano Archiep. Constantinop. in rescripto ad 8. ep. S. Leonis 10. 2. Conc. Boet. lib. de duabus naturis*, & vna persona Christi cont. *Nest.* & *Eutych.*; & ex *Fund. Doct. inf.* & ex *Bellarmin. 10. 3. de Christo c. 2.*

3 *Discipulos*, & aliqui eius *Discipuli* conati sunt moderari *Eutychetis* sententiam dicendo naturam humanam conuersam non fuisse in Diuinam, sed ex natura humana, & Diuina, tanquam ex duabus partibus componētibus vnā naturam fuisse conflatam eo prorsus modo, quo ex carne, & anima hominis natura componitur. Ita refert *Fund. Doct. suppresso nomine*; & communiter omnes alij hoc testantur.

4 Sententia tamen omnium Catholicorum est vnionem hypostaticam factam fuisse de facto immediatè in persona Verbi Diuini, non in natura Diuina; quidquid sit, an de possibili potuerit fieri in natura Diuina immediatè, & mediantè natura in persona, de quo satis diximus *q. 1. art. 9. Ita Fund. Doct. dist. 5. p. 1. q. 1. art. 2*; & *3*; & *dist. 6. p. 1. q. 1. art. 2*; & *sapissimè alibi*; *Argent. dist. 5. art. 3*; *Gibb. disp. 5. dub. 1*; & *2*; & communiter omnes alij.

5 Vnica concl. Vnio hypostatica facta non est immediatè ad Diuinam naturam, & mediantè natura ad personam; sed immediatè ad per-

sonam, & mediantè persona ad naturam. Hæc concl. est de fide; definita enim fuit in *Concilijs* sup. allatis; & habetur in *Symb. D. Athan. Qui licet Deus sit, & homo; non duo tamen, sed vnus est Christus. Vnus autem non conuersione Diuinitatis in carnem, sed assumptione humanitatis in Deum. Vnus non confusione substantia, sed unitate persona. Et S. P. Aug. in Enchir. c. 35. super illud Io. 1. Verbum caro factum est; ait: Deus, & homo est. Deus, quia Dei Verbum: Deus enim erat Verbum; homo autem, quia in unitatem personæ accessit Verbo anima rationalis, & caro; serm. 58. de Verbis Domini: Licet vnā personam in Christo credamus, duas tamen substantias, idest naturas fateamur &c. Quæ tamen substantia non sunt confuse, sed vnita, atque in vna, eademque persona inseparabiles, & in sua semper proprietate manentes. Idem repetit sapissimè alibi. Vid. alios textus q. 1. vbif.*

6 Ex quibus contra *Eutych.* sic arguit *Fund. Doct. vbif.* Quæ immediatè vniuntur, vnum efficiunt; sed natura humana efficit vnum cum persona, non cum natura Diuina; ergo natura humana immediatè vnitur cum persona, non cum natura Diuina. Prob. ma. Vnio est forma denominans vnum, sicut albedo album; ergo sicut repugnat, quod detur albedo in subiecto absque eo, quod detur album, quia esse album est effectus formalis albedinis ab ipsa realiter indistinctus formaliter; ita repugnat, quod detur vnio in extremis absque eo, quod detur vnum, quod est effectus formalis vnionis. Mi. est de fide; natura enim humana non est facta, in incarnatione vna cum natura Diuina, sed est facta natura vnus, & eiusdem personæ habentis naturam Diuinam.

7 *Conf. ex eod.* Vnio substantialis vel fit per identitatem, vel per conuersionem, vel per cōmixturem, vel per informationem; sed natura humana nequit immediatè vniri naturæ Diuinæ villo ex his modis, benè tamen personæ; ergo natura humana non est immediatè vnita naturæ Diuinæ, sed personæ. Explic. ma. Vnio naturarum vel fit per identitatem eo, quia vna natura identificatur realiter cum alia; vt animalitas, & rationalitas in homine; vel per conuersionem vnus in aliam, vt cibus conuertitur in substantiam aliti; vel per commixturem, vt cum ex quatuor elementis fit vna natura mixti; vel per informationem, vt eūdem forma informat materiam; præter istas autem vnitates nulla alia datur vnio substantialis, vt patet; nam vnio per aggregationem ex pluribus substantijs non est substantialis, sed accidentalis, quia non est vnio per se, vt constat; tum quia vnio per aggregationem est in solis rebus materialibus, vt ait *Fund. Doct.*; ergo quidquid substantialiter alteri vnitur, aliquo ex his modis vnitur. Prob. mi. Implicat naturam humanam fieri naturam Diuinam realiter, quia implicat naturam Diuinam mutari, ait enim *S. P. Aug. in Enchir. c. 34.*

Ita

Ita quippe Verbum caro factum est à Divinitate carne suscepta, non in carnem Divinitate mutata; si autem realiter fieret, quod realiter prius non erat, procul dubio mutaretur substantialiter realiter; quia mutatio est transitus de non esse ad esse. Neque per conversionem naturæ Divinæ in naturam humanam, aut naturæ humanæ in naturam Divinam ob eandem rationem, conversio enim est mutatio. Neque per commixtionem, quia mixtio est alteratorum miscibilium unio; miscibilia autem alterabilia constant ex materia, quæ sola est capax alterationis; natura autem Divina excludit omnem materiam, cum sit actus purissimus. Neque per informationem; quia natura Divina nequit esse materia, cum sit actus purus, ut diximus; neque forma, quia forma dependet essentialiter à materia, tanquam ab alia comparte, ad quam dicit ordinationem. Ratione autem personæ potest natura humana, uniri Divinæ per identitatem, quatenus eadem persona Divina potest sustentare, & terminare utramque naturam; ergo natura humana nequit immediate uniri Divinæ naturæ, sed tantum personæ.

8 Explic. magis. Illud potest immediate alteri uniri, quod cum illo potest fieri vnum; sed natura humana potest fieri vnum cum persona, non cum natura Divina; ergo idem. Manifestat; quia unio ordinatur ad vnum; sicut entitas ad ens. Prob. mi. Persona Divina potest consumere personam humanam, ut ait Innocentius; idem potest impedire, ne personalitas humana suppositet naturam humanam; cum enim eminenter contineat personalitatem humanam, est nanque omnis personalitas, ideo potest efficere, quod efficere deberet personalitas humana; atque adeo impedire, ne illud agatur ab illa; & sic personalitas naturæ divinæ potest fieri personalitas naturæ humanæ in actu exercito illam suppositando; in quo sensu dicitur personalitas Divina effici vnum cum personalitate humana; natura autem Divina nequit destruere naturam humanam; quia vel destrueretur per conversionem, vel per mixtionem, ut patet; ergo natura humana potest fieri vnum cum persona, non cum natura Divina.

9 Sed quantum hæc bene probent hanc conclusionem; videntur tamen aliam improbare, quam statuimus qu. 1. art. 9; in quo conclusimus naturam Divinam potuisse immediate terminare naturam humanam, & sic totam Trinitatem mediante natura Divina incarnari; arguitur enim sic. Non potuit natura humana immediate uniri personæ Divinæ, nisi persona Divina destrueret personam humanam, & esset in ipsa tantum una persona; ergo non potuisset natura humana immediate uniri naturæ Divinæ, nisi natura Divina destruxisset naturam humanam, & esset in ipsa tantum una natura; sicut enim se habet persona humana ad Divinam; ita natura

humana ad naturam Divinam. Atqui destructa natura humana non esset unita, id enim, quod est destructum, non est; & quod non est, unitum non potest esse, cum unitas sit passio entis sequens, & supponens ens; ergo ex hoc sequitur naturam humanam non posse immediate uniri naturæ Divinæ. 2. Non est assignabile illud vnum, quod resultaret ex unione immediata naturæ humanæ, & Divinæ; nam hoc non posset esse natura tertia ex illis constata, sicut humanitas ex anima rationali, & carne; nec esset vnum per conversionem, aut commixtionem, aut aggregationem; hæc enim hic improbata sunt; ergo non potuisset dari vnum immediata, quia non potuisset assignari vnum, implicat enim, quod datur vnum absque eo, quod datur vnum, ut dictum est.

Resp. Fund. Doct. dist. 1. par. 2. quest. 1. ar. 1. S. Ergo si queratur; quod si natura Divina, ut communis tribus personis Divinis, assumpsisset naturam humanam, non esset facta una natura cum natura humana, sed vnaquæque natura permansisset cum sua proprietate; quia vnaquæque terminata fuisset per subsistentiam absolutam ita, ut essent vnum in subsistentia, quia eadem subsistentia terminasset utramque naturam; & sic subsistentia Divina consumpsisset, idem impedisset subsistentiam creatam; & esset illud vnum, in quo natura Divina, & humana vniuntur. Quamvis autem subsistentia non distinguatur à natura Divina nec etiam virtualiter, distinguitur tamen secundum munera, & hoc sufficit ad hoc, ut subsistentia habeat munus terminandi, non autem natura.

10 Inst. 1. Ergo ex hoc sequitur naturam humanam non posse terminari immediate ad naturam Divinam, terminaretur enim ad subsistentiam, non ad naturam. Atqui Fund. Doct; docet potuisse immediate terminari ad naturam; ergo hæc responsio non cohaeret cum eius doctrina. 2. Ratio allata contra Entychetam probat, quod natura humana debuit uniri cum persona, quia non potuit immediate uniri cum natura; si autem potuisset uniri cum subsistentia absoluta, hæc ratio insufficienter probaret.

Resp. ad 1; quod quando asserunt DD. naturam humanam non potuisse immediate uniri naturæ Divinæ, sumunt naturam Divinam adequate, prout contradistinguitur à personalitate, quæ est quod relatiuum; & ideo sumunt naturam, prout complectitur etiam subsistentiam absolutam, quæ esset ratio terminans naturam humanam, ut diximus quest. 1. ubi sup; non autem sumunt naturam, prout contradistinguitur à subsistentia absoluta. Ad 2. dicitur allatam rationem recte impugnare Entychetis doctrinam; probat enim naturam humanam non posse fieri vnum cum natura Divina, prout est in Filio, ex quo inferri fieri in persona; in Filio enim non est, nisi natura, & personalitas; unde recte ab exclu-

exclusionem vnius arguitur ad inclusionem alterius; & aliunde nequit fieri vnio cum natura in ratione substantiæ communis; sic enim esset incarnata tota Trinitas, non solus Filius; quod non asserbat *Eutyches*.

11 Contra *Nestorium* autem admittentem solummodò vniõnem metaphoricam, seu secundum affectum; & realem accidentalem secundum inhabitationem, & operationem satis dictum fuit q. 1. ubi.

12 Obijc. 1. *Eutyech. Io. 1.* dicitur: *Verbum caro factum est*; sed Verbum fieri carnem est Verbum mutari in carnem; sicut aquam vinum fieri (*Io. 2.*) est aquam in vinum mutari; ergo vnio facta est per cõuersionẽ vnus naturæ in aliam. 2. In *Symb. D. Athan.* habetur: *Sicut anima rationalis, & caro vnus est homo*; ita Deus, & homo vnus est Christus; sed homo est per vniõnem immediatam carnis, & animæ informantis carnem, & cum illa constitutis tertiam naturam; ergo à pari. S. Cyrill. in *Conc. Chalced. act. 2.* inquit: *Non oportet intelligere duas naturas in Christo, sed vnã naturam Verbi incarnati*. 4. D. Dam. lib. 3. cap. 12. ait *Christi carnem fuisse Deificatam*; quod significat conuersam fuisse in Diuinitatem.

Resp. ad 1. Verbum carnem factum fuisse accipiendo, & coniungendo carnem Diuinæ personæ; vt explicat *Apost. Philip. 2.* *Qui cum in forma Dei esset, non rapinam arbitratus est esse se æqualem Deo, sed semetipsum exinaniuit formam serui accipiens*; accipere autem non est mutari in acceptum, vt confit de acceptione veltis, cui comparat *Apost.* susceptionem naturæ humanæ. Item quauis in *Scriptura* aliquando fieri sumatur pro conuerti; aliquando tamen non ita sumitur; vt cum dicitur: *Factus obediens &c.*; non enim potest intelligi, quod persona vertatur in obedientiam, sed quod obedientiam acquirit; ita Verbum factum est caro per acquisitionem, & susceptionem carnis. Ad 2. iam diximus cum *Fund. Doct. quest. 1. artic. 2.* similitudinem currere in hoc, quod sicut anima rationalis, & anima in vna persona vniuntur; ita homo, & Deus in vna persona Verbi. Ita D. P. Aug. ep. 3. ad Volus. Ad 3. dicitur illa verba non esse *Cyrilli* sed *Eutyches*; & *Diofcori* relata à D. Cyrillo. Vel dicitur illa verba explicata fuisse in *V. Syn.* quod scilicet in Christo non sint duæ naturæ personalitate à duplici personalitate. Ad 4. resp. *Fund. Doct.* carnem Christi fuisse Deificatam, quatenus fuit assumpta à Diuina personâ, & Deitati coniuncta.

13 Obijc. 2. Ex eo, quod duæ naturæ vniuntur, fit tertia natura, etian si seruent suam proprietatem; vt pater de anima, quæ vnita carni seruat spiritualitatem, non enim fit corporea, & idem dicendum de carne; & tamen anima cum carne componunt naturam tertiam; & ratio est; quia forma, quæ importat differentiam specificam, mutat rem, cui additur, differentie

enim sunt, sicut numeri, qui mutant eum, cui adduntur; ergo natura humana, & Diuina mutantur in vnã tertiam naturam. 2. Quoties vnus est potentius, ac fortius altero, si ei vnatur, conuertit illud in propriam naturam; vt si vna gutta vini proijceretur in mare, vertetur in aquam; ergo Diuina natura, quæ potentior, & fortior est humana, illam in se ipsam cõuertit.

Resp. ad 1. *Fund. Doct.* verum esse ant; quãdo naturæ immediatè vniuntur per modũ actus, & potentie, vt anima, & corpus; non autem quando solum vniuntur in persona, vt in Christo. Ad rationem dicitur differentiam addi generi per modum actus, & potentie immediatè; non sic autem vnitur natura humana Diuinæ naturæ, vt dictum est. Ad 2. resp. valere solum in alterabilibus; propter quod Angelus vnitus Cælo non conuertit Cælum in se ipsum.

14 Obijc. 3. *Iustin. Martyr. apol. 2.* & *S. Ambr. lib. 4. de Sacram. cap. 4.* & *S. Cyr. serm. de cana Domini*; & alij aiunt, quod Verbum caro ita factum est, sicut in Eucharistia panis fit corpus Christi; sed panis conuertitur; ergo idem.

Resp. SS. PP. nihil aliud velle, quàm quod sicuti post incarnationem Verbum habuit verum corpus, & veram animam; ita post consecrationem hostia continet verum corpus, & sanguinem Christi.

15 Obijc. 4. cum *Nestorio Io. 2.* habetur: *Soluite templum hoc*; vbi non dixit: *Soluite me*; sed *templum*. 2. In *Symb.* dicitur quod Verbum factum est homo; sed homo importat suppositum, seu personam; ergo assumpsit naturam, & personam. 3. Personalitas sequitur per se ad propriam naturam; sicut differentia specifica sequitur genus; ergo nequit assumi natura sine propria personalitate; sicut nequit assumi genus sine specie. 4. Personalitas importat dignitatem naturæ; ergo debuit assumi à Verbo; aliter assumpsisset naturam humanam sine sua dignitate. 5. Personalitas importat distinctionem naturæ à qualibet alia natura; sed natura humana Christi per se ipsam distincta est ab alijs naturis; ergo habet propriam personalitatem.

Resp. ad 1. nomine *templi* significari corpus suum, vt ait *ibid. Io.* simul cum anima assumptum ab ipso Verbo Diuino, in quo habitabat, sicut anima habitat in corpore, cui vnitur, absque tamen informatione, & per solam vniõnem terminatiuam. Ad 2. dicitur, quod *homo* primario significat naturam humanam, & secundario suppositum; vt diximus *quest. 1. art. 4. §. 1.* & *inf. §. 2.* denuo dicemus. Dicitur ergo Filius Dei factus homo secundum primarium, non secundarium significatum. Ad 3. dist. ant. Personalitas propria, vel gerens vicem propriæ personalitatis, vt est personalitas Diuina; quæ gerit vicem personalitatis creatæ, conc. personalitas tantum propria, neg. Quauis autem personalitas ita se habeat ad naturam, sicut species

cies ad genus quantum ad hoc, quod sicut species contrahit genus; ita personalitas contrahit naturam; differunt tamen in eo, quod differentia specifica identificatur realiter cum ratione generica, ideo vnum sine alio nequit assumi; at personalitas distinguitur realiter à natura, ideo potest realiter assumi natura sine personalitate propria eam contrahendo ad personalitatem alienam pure actiue irreceptibiliter terminantem, gerentem vices propriæ personalitatis. Ad 4. neg. conf. Ad prob. insert. dist. Assumpsisset naturam sine propria dignitate ei conferendo dignitatem altiore loco dignitatis inferioris, conc; ei non conferendo vllam dignitatem, neg. Verbum igitur dignificauit naturam humanam ei conferendo dignitatem personæ Diuinæ, quæ est dignitas infinita, & spoliando propria dignitate, quæ est finita simpliciter. Ad 5. dist. ma. Personalitas importat distinctionem indiuidualem cum subsistentia, conc; sine subsistentia, neg; nam accidentia specie, & genere diuersa in eodem composito differunt etiam numero, & tamen non habent distinctam personalitatem, vel suppositalitem.

16 Objc. 5. pro eodem Nestorio. Terminus actionis nequit actionem præcedere; sed persona Diuina præcessit actionem vnitivam naturæ humanæ ad Verbum Diuinum; ergo non fuit terminus actionis vnitivæ. At qui terminus actionis vnitivæ est personalitas, qua personalizata, est natura humana; ergo personalitas naturæ humanæ non fuit personalitas Verbi Diuini, sed personalitas naturæ humanæ. 2. Omnis generatio terminatur ad suppositum; non enim generatur natura, sed suppositum; sicut non natura, sed suppositum generat, sed in Christo sunt duæ generationes, vna, qua generatur à Patre sine matre ante omnia dicim; altera, qua genitus est in tempore à Matre sine patre; vt inquit S. P. Augustinus, m. 2. de temp. ergo in Christo sunt duo supposita, seu personæ; persona enim non addit supra suppositum, nisi esse in natura intellectuali. 3. Si in Christo esset vna tantum persona, quæ simul esset Deus, & homo, sequeretur Beatam Virginem genuisse Deum; sed conf. est falsum; ergo & ant.

Resp. ad 1. dist. ma. Terminus actionis, vt formaliter talis, nequit præcedere actionem, conc; materialiter, neg. Sic dist. mi. Persona Diuina, vt terminus actualis actionis vnitivæ, præcessit actionem, neg; persona enim Diuina non terminauit actu naturam humanam, nisi per actionem vnitivam; persona diuina, prout materialiter poterat habere rationem termini, cōc. Ad vii. subsumpt. eodem modo dicitur, quod terminus actionis vnitivæ est personalitas, vt actu, & formaliter terminans naturam humanam, non autem absolute, vt personalitas est. Ad 2. cum Fund. Doct. dist. ma. Omnis generatio terminatur ad suppositum, tanquam ad ter-

minum qui, conc; tanquam ad terminum quo, neg; quanuis enim suppositum sit principium, & terminus qui agendi, & patiendi, propter quod actiones, & passionēs sunt suppositorum; at tamen ratio formalis agendi, & patiendi est natura; & ideo Christus dicitur passibilis secundum naturam humanam, & impassibilis secundum naturam Diuinam; vt docet S. P. Augustinus, serm. 58. de Verbis Domini: cum autem à ratione formali, quæ est specificatiua, sumatur distinctio, & multiplicatio, quæ sumitur ab eodem, à quo sumitur specificatio secundum Phil. 1. Met; ideo ad multiplicationem naturæ multiplicatur generatio absque eo, quod multiplicetur suppositum; hinc idem Phil. ait, quod generatio est via in naturam, seu opus nature, vt ait etiam D. Damascenus. Ad 3. conc. seq. propter communicationem idiomatum, vt diximus q. 4. art. 1. à n. 11.

§. I.

An vnio hypostatica facta fuerit nedium in persona, sed etiam in hypostasi, supposito, & indiuiduo?

17 Aliqui apud Mag. sentent. dist. 6; & apud Fund. Doct. ibid. par. 1. quæst. 1. art. 3. & S. Thoma. post damnationem hæresis Nestorii dixerunt Verbum non assumpsisse personalitatem humanam ita, vt quanuis in Christo non sine duæ personæ, vt volebat Nestorius, sint tamen duæ hypostases, duo supposita, & duo indiuidua. Dicebant enim, quod anima rationalis, & caro ex eo, quod vniantur ad inuicem, constituunt aliquam substantiam, quia constituunt aliquod compositum substantiale, quod potest congruè appellari suppositum, quod dicitur homo; & hoc suppositum assumpsit fuisse Verbo, quod propterea dicitur assumpsisse hominem, vt loquuntur Scriptura, & SS. P. Non tamen assumpsit personam humanam; nam cum persona supra suppositum dicat dignitatem, & cum vñ suppositum, quando coniungitur digniori, non possit tribuere dignitatem, quæ semper sumitur à digniori; ideo asserunt suppositum, seu hypostasim humanam resultantem ex vnione animæ rationalis, & carnis non constituisse personam humanam; ac per hoc bene saluari à persona Diuina consummatum fuisse personam humanam; & sic non esse in Christo duas personas, sed tantum duo supposita, hypostases. & indiuidua.

18 Alij, vt refert idem Mag. apud Fund. Doct. ibid; vt hanc opinionem rejicerent, nescientes saluare, quomodo anima rationalis, & caro vñiri potuerint absque eo, quod resuleret suppositum, hypostasis. & indiuiduum per se subsistens, dixerunt Verbum Diuinum assumpsisse animam, & carnem separatas, non vnitas ad inuicem.

19 Sententia tamen catholica docet Verbum assumptisse animam coniunctam carni, non tamen assumptisse suppositum, hypostasim, aut indiuiduum per se subsistens humanum eo, quia ex vnione animæ, & carnis non resultat suppositum, hypostasis, aut indiuiduum per se subsistens, sed resultat tantum forma totius, quæ dicitur humanitas, seu natura humana, quæ distinguitur à suppositualitate, hypostasi, & subsistentia; adeoque natura humana, seu humanitas assumpta est sine suppositualitate, hypostasi, & subsistentia. *Ila Fund. Doct. dist. 6. art. 1. per totum, & omnes illi communiter.*

20 Fund. Doct. in resol. art. fusè tradit pro explanatione nostræ sententiæ, quid significetur nomine personæ, suppositi, seu hypostasis, indiuidui, rei naturæ, particularis, & singularis. Breuiter tamen dicendum; quod indiuiduum distinguitur in hoc à persona, supposito, & hypostasi; quod indiuiduum importat aliquod commune omnibus prædicamentis, albedo enim, quantitas, substantia &c. sunt indiuidua; persona autem, suppositum, & hypostasis important aliquod, quod directè spectat ad prædicamentum substantiæ tantummodò; important enim, aliquod per se, & in se subsistens, quod conuenit soli substantiæ; accedens enim, quod diuidetur in alia nouem prædicamenta, non habet esse per se, & in se, sed in alio, & per aliud. Insuper hypostasis, & suppositum in hoc differunt à persona; quod hypostasis, & suppositum significant generaliter omnes per se, & in se subsistens; persona verò significat tantum per se subsistens in natura intellectuali; nam lapis, planta, & brutum dicuntur quidem supposita, quia sunt aliquod per se, & in se existens; non tamen dicuntur personæ, vt constat ex communi vsu loquendi. Vnde persona, & suppositum differunt, sicut commune, & speciale; seu sicut aliquod conueniens cuilibet substantiæ per se existenti, & aliquod conueniens soli substantiæ intellectuali, quæ est species subalterna diuidens substantiam, ut sic. *Vid; quæ diximus to. 1. de subst. dist. 2. art. 4. §. 2; vbi exactè hanc rem pertractauimus.*

21 Vnica concl. Verbum non assumpsit personam, nec hypostasim, seu suppositum, nec indiuiduum per se existens, sed tantum naturam indiuiduum præcisa à propria personalitate, suppositualitate, seu hypostasi, ac subsistentia; & ideo in Christo non sunt duæ personæ, nec duo supposita, seu hypostases, nec duo per se subsistentia, sed tantum duæ naturæ indiuiduæ suppositatæ per vnica personalitatem, seu suppositualitatem Diuinam.

Prob. 1. ex Conc. Ephes. cap. 4. *Si quis voces illas, quæ in Enangelicis, & Apostolicis habentur literis, siue de Christo à Sanctis, siue ab ipso de se ipso dictas duabus personis, vel subsistentiis assignat &c. anathema sit; & ex Chalced. in definit. Hanc quæ Mag. Frideric. Nic. Gaurandi Tom. 5.*

quam naturarum differentiam vnione tollente, sed proprietatem potius vtriusque naturæ conseruante, quæ in personam vnā, & substantiam vnā concurrunt; & ex Constantinop. illi; quod est V. Syn. Si quis vnā subsistentiam Domini N. Iesu Christi sic intelligit, tanquam suscipientem plurimarum subsistentiarum significationem; & per hoc introducere conatur in mysterio Christi duas subsistentias, seu duas personas &c. Sed non conficitur Dei Verbum carni secundum subsistentiam vniam esse; & propter hoc vnā eius subsistentiam, seu vnā personam; & sic & sanctum Chalcedonense Concilium vnā subsistentiam Domini N. Iesu Christi confestim esse; talis anathema sit. Neque enim adiectionem personæ, vel subsistentiæ suscepit; & S. P. Aug. de fide ad Petrum cap. 17. *Duarum naturarum vnitas manet in Christo secundum vnā tamen personam &c. Deus enim Verbum non accepit personam hominis, sed naturam; & in Enchir. c. 65. In unitatem personæ accessit Verbo anima rationalis, & caro; non potuisset autem accedere persona, quæ resultasset ex anima, & carne, nisi impedita, & preuentu fuisset à persona Diuina; quia persona non indiget sustentari ab alio, sicut indiget natura. Ex quibus sic. 1. Subsistentia est de ratione essentiali personæ, suppositi, seu hypostasis, & indiuidui per se, & in se existens; sed in Christo non sunt duæ subsistentiæ; ergo nec duæ personæ, nec duo supposita, seu hypostases, aut indiuidua per se existens. Ma. constat ex dictis; nam persona, suppositum, seu hypostases, aut indiuiduum per se existens spectant directè ad rectam lineam prædicamenti substantiæ, quod autem ponitur in recta linea prædicamenti substantiæ, est substantia completa, non est autem completa, nisi per subsistentiam, quæ est vltimum complementum substantiæ; ergo subsistentia est de ratione essentiali personæ, suppositi, seu hypostasis, & indiuidui per se existens. 2. In Christo Domino non sunt duæ personæ, aliter non esset vnā, sed duplex persona; quod est contra Scripturas allatas quæst. 1. art. 1. & nam. 17; ergo nec duo supposita, aut hypostases, vel indiuidua per se existens; nam suppositum, hypostasis, & indiuiduum per se existens in natura intellectuali est formaliter persona, quæ definitur intellectualis naturæ indiuidua substantia; hæc autem tria sunt substantiæ indiuiduæ, vt patet; suppositum enim, seu hypostasis, & indiuiduum per se existens non dicuntur de accidentibus, cui hæc tria disconueniunt, quia ei non conuenit esse per se, & alijs supponi, ac subterni; & vtraque natura Verbi est intellectualis, vt claret; ergo ex eo, quod inueta Concilia non dentur in Christo duæ personæ, euidenter deducitur in ipso non dari duo supposita, duæ hypostases, & duo indiuidua per se existens.*

22 Prob. 2. ratione, quam innuit Fund. Doct. Id, quod est existens in se, & per se, non potuit assumi

R

assumi

assumi à Verbo, sed suppositum, hipostasis, & indiuiduum existens in se importat aliquid existens in se, & per se; ergo non potuerunt assumi Verbo. Prob. ma. Assumi à Verbo est suscipi ad hoc, vt sustentetur per Verbum; nam quod assumitur à Verbo, assumitur, vt per ipsum Verbum sit in rerum natura, & ideo vt sustentetur per Verbum; sed implicat aliquid existere in se, & per se; ac simul sustentari in alio, & per aliud; hæc duo nanque sunt contradictoria; ergo id, quod est existens in se, & per se, non potest assumi à Verbo. Mi. constat; nam præter id, quod diximus in prob. 1. rationis; suppositum importat negationem essendi, & sustentandi passivè in alio, quæ negatio nequit fundari, nisi in esse in se, & per se; quæ est ratio opposita rationi essendi in alio, & per aliud; ergo suppositum &c. importat aliquid per se existens. Ergo in Verbo non est, nisi vnica persona, vnicum suppositum, seu hipostasis, & indiuiduum per se existens.

23 Prob. 3. Si in Verbo esset duplex suppositum, natura humana nullo modo esset vnica, naturæ Diuinæ; sed conf. est contra fidem; ergo & ant. Prob. ma. Natura humana nequit immediate vniri naturæ Diuinæ; sic enim fieret vna natura ex humana, & Diuina; quod est impossibile, vt diximus in *sup. art.*; nec potest vniri mediante propria suppositualitate; quia hæc dicit negationem essendi in alio; & ideo ei repugnat vniri cum alio; nam si vniretur, esset in alio, à quo suppositaretur, suppositum cuius Diuinum suppositaret suppositum humanum, quod implicat in terminis; ergo natura humana nullo modo esset vnica naturæ Diuinæ; quia nullus est alius modus, quo posset vniri, nisi per se ipsam, vel per propriam suppositualitatem.

24 Tandem si in Christo essent duo supposita, non possent ad inuicem prædicari; canis enim nequit dici equus, quia sunt duo supposita, quæ important negationem ad inuicem, ob quam nequeunt ad inuicem affirmari, aliter negatio esset affirmatio; sed conf. est contra fidem; quia Verbum dicitur factum homo; ex eo autem, quod vniantur duo supposita, vnum non dicitur factum aliud, vt constat; ergo in Christo non sunt duo supposita. *Vid. alias rationes allatas in sup. art. & q. i. vbi.*

25 Altera pars concl. quod scilicet Verbum assumpsit naturam humanam indiuiduum, nõ tamen subsistentem, prob. Verbum assumpsit naturam humanam signatam quantitate coniuncta materiæ, ex qua, & anima constatur natura humana; sed indiuiduo in rebus materialibus sumitur à materia signata quantitate in nostra sententia, & in aliena ab ipsis rebus; ergo Verbum assumpsit naturam indiuiduum. 2. Non assumpsit naturam, *vt sic*, sed naturam distinctam à natura quorunlibet aliorum hominum;

sed hæc est indiuidua, particularis, & singularis; indiuiduum enim importat esse diuinum à quolibet alio, & indiuiduum in se; sicut particulare importat esse partem naturæ; & singulare esse aliquod signatum, & determinatum; ergo Verbum assumpsit naturam humanam indiuiduam. Hinc S. P. Aug. in *Enchir.* cap. 36. ait, quod natura humana in unitatem personæ vnici Filij Dei singulariter fuit assumpta; non assumitur autem singulariter, nisi quod singulare est, & indiuiduum; & D. Dam. lib. 3. cap. 9. ait Verbum assumpsisse naturam in alio.

26 Obijc. 1. ex Boet. lib. de duab. naturis docente: *Omnis substantia particularis secundum proprietatem vocabuli potest dici hipostasis*; sed Verbum assumpsit naturam particularem, quæ procul dubio est substantia; ergo assumpsit hipostasim; & ideo in ipso sunt duæ hipostasies, vna assumens, & alia assumpta. 2. Ita se habet hipostasis ad speciem, sicut species ad genus; sed vna species nequit esse sub duplici genere; ergo neque vna hipostasis sub duplici specie, seu natura; & ideo vna hipostasis Verbi nequit esse sub natura Diuina, & humana.

Resp. ad 1. ex *Fund. Doct.* dist. ma. Substantia particularis completa, quæ ponitur in recta linea predicamentali, conc; incompleta, quæ ponitur ad latera, neg; & sic dist. mi. Ad 2. dist. ma. Si hipostasis constituitur per speciem, & species per genus, conc; si non constituitur, neg; hipostasis autem Diuina non constituitur per naturam humanam. Sicut enim hipostasis creata, quia non constituitur per naturas accidentales, potest esse in illis, quamvis pluribus; ita à pari. Vel dicitur, quod si ceteri si daretur species, quæ eminenter contineret omnes species, illa posset terminare omne genus; ita quia personalitas Diuina continet eminenter omnem personalitatem creatam, potest terminare omnem naturam. Ad arg. in forma dist. ma. Ita se habet hipostasis creata, conc; increata, neg; hipostasis enim creata ad speciem creatam se habet, vt determinatum particulare inadæquatum; sicut se habet species creata respectu generis. At verò hipostasis increata ob suam infinitatem ita terminat vnā naturam, vt aliam quoque potuerit terminare.

27 Obijc. 2. Suppositum dicitur per oppositionem ad naturam communem; suppositum enim est actus contrahens, & determinans naturam communem; sed in Christo sunt duæ naturæ contractæ, & determinatæ; ergo sunt duo supposita. 2. Vnio ad alterum non tollit rationem suppositi; nam manus, quæ est suppositum, vnitur brachio, quod pariter est suppositum; ergo suppositum humanum potest vniri supposito Diuino. 3. Suppositum est idem, ac *sub alio possum*; sed implicat personam Diuinam poni sub natura humana; ergo idem.

Resp. ad 1. dist. ma. Suppositum dicitur per

per oppositionem ad naturam communem, & si est eminenter multiplex, potest plures naturas determinare, conc; & in hoc sensu conc. mi. Secus, neg. Ad 2. neg. ant. Ad prob. infert. dicitur, quod manus non est suppositum, sed pars suppositi, ideo non probat. Ad 3. dist. ma. Prout positum sub alio dicit inferioritatem, & indignitatem, neg; supposita enim Diuina ponuntur sub natura Diuina, & tamen non sunt quid inferius, & minus dignum natura Diuina. Prout dicit simplicem terminationem naturę, conc; & in hoc sensu neg. mi.

28 Objic. 3. Omne singulare est per se existens; in hoc enim distinguitur ab vniuersali, quod hoc est tantum in intellectu, illud à parte rei; sed Verbum Diuinum assumpsit naturam singularem; ergo assumpsit naturam per se existentem.

Resp. neg. ma; nam qualitates cuiuslibet compositi sunt singulares, & tamen existunt per existentiam compositi. Sed de hoc inf.

§. II.

An Verbum Diuinum assumpsit hominem?

29 **Q**uestio est de modo loquendi, quem maxime debemus in hac materia seruare. Igitur videnda sunt, quæ diximus q. 1. ar. 4. §. 1; ubi ostendimus, quod hæc vox *homo* primario, principaliter, & in recto importat naturam humanam; quæ est forma constituens, & denominans hominem; secundario autem, materialiter, & ex consequenti importat supposititalitatem, quæ vltimo complet, & perficit naturam humanam. Si itaque consideretur hæc vox *homo* simpliciter, absolute, & adæquate secundum omnia, quæ importat siue de formali, siue de materiali, significat aliquod totum resultans ex natura, & supposititalitate; si autem consideretur tantum formaliter, & primario inadaquate, significat solam naturam humanam.

30 Ex huius fortè inaduerterentia Nestorius, & alij, quos sup. reiecit, videntes, quod Concilia, & SS. PP. sæpissimè docent Verbum Diuinum assumpsisse hominem, lapsi sunt in sententias fidei cōtrarias in Concilijs postea damnatas, & à SS. PP. reiectas. Itaque

31 Vnica concl. Verbum Diuinum absolute, & simpliciter non assumpsit hominem, sed naturam humanam.

Prob. 1. ex Scripturis sup. allatis n. 5; & 21; in quibus dicitur Verbum assumpsisse naturam, non personam humanam; & præcipuè S. P. Aug. in *Enchir.* explicans, quomodo Verbum assumpsit hominem, ait, quia in vnitatem personæ accessit Verbo anima rationalis, & caro. Ex quibus manifestè colligitur Verbum non assumpsisse

hominem simpliciter secundum omnia, quæ importat hæc vox *homo*, sed tantum inadæquate secundum ea, quæ importat tantum formaliter.

32 Arguitur autem sic. Suppositum aliquo modo importat ab homine; nam suppositum est vltimus terminus naturæ hominis; homo autem aliquo modo importat ea, quæ pertinent ad eius naturam; sed Verbum Diuinum non assumpsit suppositum humanum; vt sup. probatum est; ergo non assumpsit hominem simpliciter. 2. Si homo non importaret aliquo modo suppositum, non posset vilo modo de illo prædicari; ideo nanque humanitas nequit de supposito prædicari, quia humanitas abstractè sumpta significat formam extra suppositum; non enim valet: *Sortes est humanitas*; sicut nec valet: *Verbum est humanitas*; qualibet nanque prædicatio importat aliquam vnitatem cum subiecto, aliter non posset per affirmationem vniri cum illo; sed homo prædicatur de supposito; valet enim: *Sortes est homo*; ergo homo importat aliquo modo ipsum suppositum; quia importat aliquam vniōnem ad suppositum.

33 Dices. Concilia, & SS. PP. absolute asserunt Verbum assumpsisse hominem; sed nos debemus sequi modum loquendi Conciliorum, & SS. PP; ergo Verbum absolute assumpsit hominem. Ma. constat ex Conc. Nic; in quo dicitur: *Et homo factus est*; & Alex. ep. ad Nestorium, quæ est 10. inter ep. Cyrilli; habetur Verbum assumpsisse hominem; idem habet Tolet. 1; & XI. in *confess. fidei*; & VI. c. 1; & Francford. ep. ad Episcopos Hispania; & Adrianus ep. ad PP. predicti Concilij; & S. P. Aug. lib. de agone Chrii. c. 11. *Filius Dei hominem suscepit*; D. Hier. in c. 26. *Matthi*; D. Dam. lib. 3. de fide c. 4; D. Anselm. de incarnat. c. 5; & hymnus Te Deum: *Tu ad liberandum suscepturus hominem*.

34 Resp. Lug. prædictos PP. propriè esse locutos, quia tunc temporis hæc vox *homo* sumebatur pro concreto, & pro abstracto; at modo non esset propria locutio, quia inuenta est vox *humanitas* significans in abstracto.

35 Sed Goner ostendit etiam tunc temporis fuisse in vsu hanc vocem *humanitas*, vt videri potest apud Conc. VI. Tolet. c. 1; S. Cyrill. epist. ad Nestor. relata in Conc. Ephesi; & Chalced. act. 1; S. Cypr. *serm. de Nativitat*; D. Dam. lib. 3. de fide c. 4. Ait ergo Goner impropiè esse locutos, non propriè.

36 Sed quis vnquam diceret, quod vtens nominibus secundum significatum primarium, formale, & principale impropiè loquatur; quauis rem adæquate non explicet? Sic impropiè loqueretur vtendo cæna ad significandam comestionem præcindendo à tempore vespertino; & sic de alijs. Hoc ergo non congruit SS. PP; & DD. sapientiæ, qui in hac re propriè loqui curare debuerunt.

37 Locuti ergo sunt propriè secundum si-

R 2

gnifi-

gnificatum primarium præciue, non verò adequate secundum omne id, quod materialiter significat. Sic propriè loquitur dicens rationale esse discursuum, quanvis non omnia explicet, quæ conveniunt rationali.

38 Quæres 1; an possit concedi, quòd natura Divina facta est homo?

Resp. *Fund. Doct. dist. 5. qu. 1. art. 2. dub. 4. lit.* posse concedi secundum sensum implicitum, & identicum, non autem secundum sensum formalem explicitum.

39 Quæres 2; an sicut dicitur, quòd Deus factus est homo; ita possit concedi, quòd homo factus est Deus?

Resp. *Fund. Doct. dist. 7. q. 1. art. 4;* quòd si ly *factus* sumatur impersonaliter, potest concedi; verum enim est, quòd in incarnatione factum est, ut homo sit Deus. Si autem sumatur passivè, nequit concedi, quia illud, quod sit aliud, illud præcedit non fuit autem homo prius, quàm fieret Deus; sicut Deus fuit prius, quàm fieret homo.

40 Quæres 3; an Christus possit dici homo Dominicus?

Resp. *Fund. Doct. vbi. art. 2;* quòd licet S. P. *Ang. lib. 83. qq.* id affirmaverit; attamen retractavit se, quia verbum *Dominicum* significat participationem dominij, seu rem, quæ est Domini; Christus autem est Dominus, non res Domini, nisi secundum humanitatem.

A R T. III.

An Verbum assumpserit naturam humanam subsistentem, & existentem subsistentia, & existentia creata?

1 **R**ecentiores ita confundunt subsistentiam, personalitatem, & individualitatem, ut non modicam hunc inuexerint obscuritatem. Et quanvis hæc obscuritas sufficienter expelli possit ex dictis *10. 1. de Subst. Dei q. 2. art. 4. §. 2;* vbi differentias harum trium formalitatum ostendimus; attamen quoniam *Mastr.* omnia movet, ut persuadeat subsistentiam consistere in negativo, ideo hoc prius est discutiendum in seq. §.

§. I.

An subsistentia creata consistat in negatione?

2 **M**astr. hæc disp. 1. p. 3. n. 66; & seqq; & in *Met. disp. 11. q. 3;* & 4. pluribus probat subsistentiam consistere in mera negatione; & semper supponit subsistentiam, & personalitatem non differre, sed idem profus significare. Asserit ergo subsistentiam supra naturam singularem addere solum duplicem negationem actua-

lis, & aptitudinalis communicationis, ut quo, seu dependentiæ ab alieno supposito, & in illa duplici negatione formaliter consistere; atque adeo eius effectum formalem esse reddere naturam, actu, & aptitudine incommunicatam alieno supposito; & ita passim solvere politiones *Scotistas* rationem formalem personalitatis, & subsistentiæ explicare. Hanc sententiam amplectuntur quidam *Neoterici*; eadem confusione inuoluti.

3 Communis tamen sententia docet hæc tria non debere confundi, & subsistentiam non consistere in negativo, quia non importat formaliter, nisi existentiam substantiæ, quæ habet subsistere, id est existere in se, & per se; adeoque nec suppositualitatem consistere in negativo, quia importat subsistentiam individuum; individualitatem autem importare meram negationem. *11a Fund. Doct. locis cit. vbi; & Quodl. 2. q. 2; & hic, & sepius, m. alibi.*

4 Not; quòd sicut ens in sui primaria divisione secatur in substantiam, & accidens; ita, existentia, quæ est actus, quo ens existit à parte rei extra suas causas, dividitur in existentiam per se, & in se; & in existentiam in alio; sicut autem existentia in alio secundum aptitudinem nequit esse mera negatio; quia accidens, quod est ens positivum, constitueretur formaliter per meram negationem, quod repugnare notissimum est; ita à fortiori existentia aptitudinalis in se, & per se, quæ est ratio formalis constitutiva substantiæ, nequit esse mera negatio; nam substantia est ens magis positivum, quàm accidens, eo, quia per se ponitur à parte rei, non per aliud, sicut ponitur accidens. Quòd autem existentia aptitudinalis in se, & per se sit ratio formalis constitutiva substantiæ, ex eo probatur, quòd illa est ratio constitutiva substantiæ, per quam substantia contradistinguitur ab accidente; cum membra diuidentia contradistinguantur ab invicem, ideo debent formaliter constitui per rationes oppositas; vt patet de rationalitate, & irrationalitate; sed aptitudinalis existentia in se, & per se est ratio, per quam substantia opponitur accidenti; quod habet essentialiter aptitudinem ad existendum in alio, & per aliud; ergo existentia aptitudinalis in se, & per se est ratio formalis constitutiva substantiæ. Hoc non negat *Mastr.*; vt patet n. 118; vbi ait inherentiæ opponi existentiam per se, non tamen opponi subsistentiæ; quia existentia per se facit, ut substantia existat independentè à subiecto; subsistentia verò, ut sit incommunicabilis alteri supposito; quæ duo sunt valde diversa inter se.

5 Sed hoc est confundere subsistentiam cum suppositualitate; certum enim est suppositualitatem reddere naturam incommunicabilem alteri supposito, quia est ultimus terminus claudens naturam. Quòd autem suppositualitas confundi non debeat cum subsistentia, prob. 1. *Subsistentia ex S. P. Ang. lib. 7. de Trin. cap. 4. ad se dicitur;* & hic fuit

fuit consensus communis SS. PP. *Latinorum in Conc. Nic.* qui propter hoc volebant verti hoc nomen: *Gracum hipostasim* latine *subsistentia*; & ideo volebant concedere latine in Diuinis tres subsistentias, sicut *Græci* concedebant tres hipostasim eo, quia apud Latinos hoc nomen *subsistentia* significat aliquod ad se, & per consequens quid absolutum; nam subsistentia secundum ethimologiam nominis idem est, ac *sub se sitientia*; unde subsistere idem est, ac sub se existere, seu stare; existere autem, aut stare sub se contradistinguitur ab existere in alio, & sub alio, vt constat; ergo subsistentia idem est formaliter, ac existentia in se, & per se. Atqui incommunicabilitas alteri supposito est quid relatiuum; sicut inaccessibilitas in Diuinis relatiue dicitur; ergo subsistentia non importat formaliter incommunicabilitatem alteri supposito, & per consequens differt a personalitate. 2. In VII. Synod. ait. 6. habetur naturam per se existentem esse illam, quæ non indiget altera, vt subsistat; ergo per se existere, & subsistere idem est formaliter; aliter per se existens indigeret alio, quo subsisteret. 3. Habetur etiam ex Phil. c. de prædicam. substantia, quod substantiæ primæ maxime competit subsistere; substantiam autem primam definit per ordinem ad subiectum, non ad suppositum dicens: *Substantia prima est, quæ neque est in subiecto, neque de subiecto dicitur*. Ex quo sic arguitur. Esse independentem à subiecto est formaliter esse in se, & per se; vt habet *Mastr. nu. 118. ubi*; sed subsistentia formaliter importat esse independentem à subiecto; nam substantiæ primæ, cui formaliter, quia maxime, & principaliter, conuenit subsistere (vt ait Phil.) conuenit esse independentem à subiecto; quia conuenit non esse in subiecto, neque de subiecto dici, quod est non dependere à subiecto; dependentia nanque sumitur secundum esse; ergo subsistentia formaliter importat esse in se, & per se; ergo nõ importat solam negationem actuaalem, & aptitudinalem communicabilitatis alteri, vt supposito. 4. Anima separata est subsistens in se, & per se, & tamen non est persona, vt fatetur *Scot. in 3. dist. 1. qu. 1. art. 3. 5. Non asserendo apud Mastr. hic nu. 90*; ergo subsistentia non est idem, ac personalitas, & per consequens non importat formaliter incommunicabilitatem alteri, vt supposito, seu vt termino naturæ. Nec obstat, si dicatur, animam separatam habere tantum subsistentiam partialem. Nam contra est; quia subsistentia partialis nõ datur, vt *alibi* ostensum est; nam per vnā, & eandem subsistentiam subsistit anima, & corpus, sicut existit per vnā existentiam; tum quia de ratione subsistentiæ partialis non est personalitas, vt dictum est; ergo neque de ratione essentiali subsistentiæ totalis; nam si darentur subsistentiæ partiales essent eiusdem rationis inter se, & cum subsistentia totali, eandem enim haberent denominationem;

nam; & ipsum totum non esset formaliter, nisi aggregatum ex partibus, non enim resultaret ex illis tertia essentia, sicut resultat ex partibus diuersæ rationis, quæ se habent per modum actus, & potentiæ, velut anima, & corpus, ex quibus resultat humanitas; aliter si ex pluribus subsistentiis partialibus resultaret vna essentia ab illis formaliter distincta, illa non esset subsistentia; sicut humanitas, quæ resultat ex anima, & corpore, non est corpus, aut anima; ergo illi subsistentiæ totali non competeret essentialiter, nisi id, quod essentialiter conuenit subsistentiis partialibus; sicuti quia partes quantitatiue v.g. aquæ, si vniantur, constituunt vnā aquam totalem; & sicuti partibus quantitatis aquæ essentialiter non conuenit, nisi extensio, vel diuisibilitas, vt *alij* placet; ita toti aquæ quantitatiue sumptæ non conuenit, nisi extensio, vel diuisibilitas, quia tales partes sunt eiusdem rationis inter se, & cum toto; ergo à pari. Tum quia implicat vltimum terminum rei esse diuisibilem, diuideretur enim in aliquas partes, quæ non sunt vltimæ; repugnat autem vltimum componi ex non vltimo, quia componeretur ex suo contradictorio; hinc terminus lineæ est punctus indiuisibilis, non pars diuisibilis; sed subsistentia per *Aduersarios* est vltimus terminus naturæ; ergo implicat esse diuisibilem in plures subsistentias partiales. 5. Essentia Diuina præcisè personis Diuinis est formaliter per se subsistens, & tamen non est persona; vt fatetur *Mastr. cum Scot. in hac d. sp. 1. q. 9. art. 1. nu. 304*; ergo de ratione essentiali subsistentiæ creatæ non est personalitas; nam quæ competunt essentialiter prædicatis analogicis communibus Deo, & creaturis, reperiuntur in Deo, & creaturis cum eadem ratione formali; unde quia scientiæ, quæ est prædicatum commune Deo, & creaturis, competit esse cognitionem rei per causam; ideo competit scientiæ Dei, & scientiæ creaturæ; & quia scientiæ Dei non competit esse cum discursu, ideo optimè arguimus scientiæ creatæ non competere essentialiter discursum, sed tantum materialiter, ratione subiecti, in quo est; ergo à pari quia subsistentiæ Diuinæ non competit personalitas formaliter essentialiter secundum suum formalem conceptum; conceptus enim personalitatis etiam ex natura rei per *Mastrum* est extra conceptum subsistentiæ, quia subsistit natura Diuina præcisè personis; optimè arguimus subsistentiam essentia creatæ non includere in suo conceptu formali personalitatem, sed illam excludere plusquam ex natura rei, quia maior datur distinctio in creaturis, quàm in Deo. Plura alia docet *Mastr. in illo art. 1*; quæ possunt ipsum ad contradictionem vergere; sed hæc satis, superque conuincunt subsistentiam non includere in suo conceptu formali personalitatem.

6 Subsistentia igitur nihil aliud est formaliter;

ter; quàm existentia; qua existit substantia; idest existentia in se, & per se independenter ab alio, tanquam à subiecto.

7 Sed antequam explicemus, quid formaliter importet supposititalitas, videndum est, quid importet indiuidualitas; persona enim, vt dicitur in eius definitione, importat indiuidualitatem. Indiuidualitas ergo, vt diximus 10. 1. vbi. m. 19; importat formaliter incommunicabilitatem alteri; quia quod est commune, diuiditur in illa, quibus est commune, vt patet de genere, quod diuiditur in species, quibus est commune; & sic de specie respectu indiuiduorum; ergo quod est indiuiduum, non est commune; & quod non est commune, non est communicabile alteri, sed conuenit vni soli. Differt autem indiuidualitas à persona, & supposito, quod illa conuenit substantiæ, & accidenti; hæc duo autem conueniunt tantum substantiæ; & differt à substantia, quia illa est communicabilis proprio supposito, indiuidualitas autem est simpliciter incommunicabilis etiam proprio supposito; quia nihil est communicabile sibi metipsum; suppositum autem nihil aliud est, quàm subsistens incommunicabile, vt mox dicemus.

8 Personalitas igitur importat subsistentiam indiuiduam in natura intellectuali; definitur enim persona *intellectualis nature indiuidua substantia, seu subsistentia*; & differt à supposititalitate, quod hæc conuenit omni naturæ substantiali, siue intellectuali, siue non.

9 Ex his deducitur personalitatem essentialiter importare aliquid posituum simul cum negativo; importat enim subsistentiam, quæ est aliquid posituum, quia est existentia in se, & per se, vt dictum est; & importat simul indiuidualitatem, quæ dicit puram negationem actualis; & aptitudinalis communicationis alteri supposito.

10 Vnica concl. Subsistentia, & personalitas non consistunt in aliquo purè negativo, sed in aliquo posituum essentialiter importante negationem annexam.

Prob. 1. pars concl. ex S. P. Aug. lib. 7. de Trin. c. 4. docente: *Sicut enim ab eo, quod est esse, appellatur essentia; ita ab eo, quod est subsistere, substantiam dicimus. Absurdum est autem, vt substantia relatiuè dicatur. Omnis enim res ad se ipsam subsistit.* Ex quibus sic. 1. Implicat, quod constitutum formale substantiæ consistat formaliter in purè negativo; sed subsistentia est constitutum formale substantiæ; ergo implicat, quod subsistentia consistat formaliter in purè negativo. Ma. est per se nota; quia constitutum formale est idem formaliter, ac constitutum; implicat autem, quod posituum sit idem formaliter, ac purè negatum; quia implicat esse identificari cum puro non esse; ex quo deducitur posituum non posse constitui per purè negatum. Mi. est in terminis S. P. Aug. doctrina; sicut enim

esse specificum est constitutum formale essentiae; ita subsistentia est constitutum formale substantiæ; *subsistere* nanque idem significat, ac *subsistere*, vt patet. Cum hoc tamen discrimine, quod esse specificum identificatur realiter cum essentia; subsistentia verò in creaturis distinguitur realiter à substantia; ideo essentia constituitur formaliter per esse specificum; substantia verò constituitur formaliter per ordinem, siue per aptitudinem ad subsistentiam; iste tamen ordo, seu aptitudo nequit esse ad aliquod purè negatum; quia implicat etiam, quod constitutum extrinsecum alicuius rei posituum sit aliquid purè negatum; & repugnat enim, quod obiectum extrinsecum v. g. potentiae visus, quæ est ens posituum, sit aliquid purè negatum. 2. Implicat, quod aliquid absolutum consistat in aliquo purè relatiuo; sed subsistentia est aliquid absolutum; ergo implicat, quod subsistentia consistat in aliquo purè relatiuo. Arqui incommunicabilitas alteri supposito est aliquid purè relatiuum; ergo implicat, quod subsistentia consistat in incommunicabilitate alteri supposito. Ma. constat; quia absolutum, & relatiuum sunt duo genera formaliter primò diuersa, quæ propterea exigunt rationes formales essentielles diuersas; atque adeo essentia vnus nequit formaliter consistere in essentia alterius. Mi. traditur in terminis à S. P. Aug. docente quod *subsistentia ad se dicitur*; sed quod dicitur ad se, est absolutum, relatiuum enim dicitur ad aliud; ergo subsistentia est quid absolutum. Prob. mi. subsumpt. Quod est ad alterum, est relatiuum; sed incommunicabilitas est ad alterum; nihil enim dicitur incommunicabile sibi ipsi; ergo est relatiua. Tum quia communicabilitas est ad alterum; ergo & incommunicabilitas; nam, communicabilitas, & incommunicabilitas negatiuè opponuntur, & negatiuè opposita pertinent ad idem prædicamentum, vt docet idem S. P. Aug. lib. 5. de Trin. c. 7; vbi probat innasibilitatem in Diuinis esse relatiuam, quia opponitur nascibilitati, quæ relatiua est, his verbis: *Sicut enim genitus non ad se ipsum dicitur, sed quod ex genitore sit; ita cum dicitur ingenuus, non ad se ipsum dicitur, sed quod ex genitore non sit, ascenditur. In eodem tamen prædicamento, quod relatiuum vocant, utraque significatio vertitur.*

11 Dices. S. P. Aug. loquitur de subsistentia increata, de qua aliter loquendum, ac de subsistentia creata; nam subsistentia increata realiter identificatur cum substantia; creata verò distinguitur.

Sed contra; quia loquitur vniuersaliter de omni substantia; ait enim: *Omnis enim res ad se ipsam subsistit; quanto magis Deus?*

12 Prob. 2. Existere in se, & per se non est aliquid merè negatum, sed posituum; at subsistentia formaliter importat existere in se, & per se; ergo non consistit in aliquo merè negativo;

quo, sed positium. Ma. patet; quia existentia in se, & per se dicitur adum, quo creatura ponitur à parte rei extra suas causas, & quo existit in se, non in alio; actus verò, quo aliquid ponitur à parte rei, est quid positium, aliter non poneretur in esse; ergo existentia in se, & per se est quid positium. Tum quia inaleitas, per quam accedens ponitur à parte rei, est quid positium, aliter accedens, quod constituitur per inaleitatem, constitueretur per negationem; ergo à fortiori existentia in se, & per se, quæ est id, per quod substantia habet esse in se, & per se, est quid positium, aliter substantia haberet esse in se per negationem. Tandem existentia in se, & per se importat ipsum esse; sed esse est quid positium, cum sit id, per quod res, & omnia illius accidentia ponuntur in rerum natura; ergo idem. Mi. probata est *nu. 4. & 5.*; subsistere enim est idem, ac existere, aut sistere sub se, non sub alio; & alijs subistere; illud autem existit sub se, non sub alio, quod existit in se, & per se; & hoc solum potest alijs subistere; & sic de alijs; ergo subsistentia formaliter importat existere in se, & per se. Tum quia subsistentia non importat incommunicabilitatem alteri, ut dictum est; ergo importat existentiam in se, & per se; nihil enim aliud assignatum est vsquenunc à DD.

13 Prob. 2. pars concl. Personalitas formaliter importat subsistentiam incommunicabilem alteri supposito in natura intellectuali; sed subsistentia est aliquod positium, & incommunicabilitas est quid negatium; ergo personalitas importat aliquod positium cum negatium. Ma. patet ex definitione personæ. Prima pars mi. probata est; & 2. pars constat ex ipso nomine incommunicabilitatis, quod est negatium. 2. Suppositalitas, seu personalitas est terminus determinans naturam specificam ad hoc individuum, non ad aliud; sed terminus determinans naturam est quid positium habens adiunctam negationem; ergo personalitas est quid positium habens adiunctam negationem. Ma. admittitur ab *Aduersarijs* asserentibus suppositalitatem creatam ita terminare propriam naturam, ut possit etiam alienam terminare. Prob. mi. Actus est quid positium, quia non actus est quid negatium; sed omne, quod determinat, est actus ex *Phil.* asserente: *Actus est, qui determinat*; ergo terminus determinans est quid positium. Tum quia determinatio potentialitatis passivæ non habetur, nisi per actum; potentia enim passiva materiæ determinatur per formam, quæ est actus; sic intellectus, & quælibet alia potentia passiva determinatur per suam actionem; sed suppositum determinat potentialitatem passivam naturæ specificæ, quæ præcisa suppositualitate est indifferens, & contrahibilis ad quodcumque suppositum illi conveniens, & ideo est in potentia passiva, ut contrahatur ad quodlibet suppositum; ergo suppositualitas importat

adum, & ideo quid positium. 4. Suppositualitas est perfectio, & complementum naturæ, quæ sine propria suppositualitate est imperfecta, & incompleta; sed perfectio, & completio sumitur ab esse, quod est quid positium, sicut non esse est quid negatium; ergo idem. 5. Personalitas, seu suppositualitas simul cum natura facit unum substantiale per se, cui attribuantur actiones, ut principio *quod*; sed negatio non facit unum per se substantiale cum natura, quod sit agens, ut *quod*; quia negatio dicit non esse, & non esse nequit esse principium effectuum; *actio namque sequitur ad esse*; & sic ad non esse sequitur non actio; ergo idem. Tum quia ex personalitate, & natura fit compositio realis; sed negatio non compositum subiecto, quia compositio realis fit solum ex entibus, & ideo ex non entibus non fit compositio; *oppositum enim opposita sunt rationes*; ergo idem. 6. Ita se habet suppositualitas respectu naturæ substantialis, & personalitas respectu naturæ intellectualis; sicut natura specifica respectu naturæ genericæ; nam sicut genus per naturam specificam contrahitur ad unam tantum differentiam; ita natura specifica per suppositualitatem, seu personalitatem contrahitur ad unum tantum individuum illius speciei; sed natura specifica est quid positium; ergo & suppositualitas, seu personalitas. 7. Suppositum sustentat in esse naturam substantialem, & accidentia, quæ illi inhereant; ergo nequit esse pura negatio, quæ cum sit non esse, nequit in esse sustentare; nam sustentare in esse est conservare in esse; *conservatio autem est continuata productio*; at producere in esse repugnat negationi, quæ est non esse; ergo idem. Nec potest dici, quod sustentat ratione naturæ, quæ est quid positium; nam contra est; quia ipsa natura indiget sustentari, & conservari in esse à supposito; ergo nequit esse ratio sustentandi in esse se ipsam, & accidentia; aliter ipsa non indigeret ab alio sustentari; sicut suppositum, quia est ratio sustentans naturam, & accidentia in esse, non indiget sustentari ab alio; etenim *propter quod unusquodque tale, & illud magis*; unde si suppositum est id, per quod alia sustentantur in esse, multò magis per se ipsum in esse sustentatur. 8. Ad suppositum datur per se motus; quia suppositum est illud, quod generatur, & corrumpitur per se, sicut est illud, quod per se agit, & destruit; sed ad puram negationem non datur per se motus, quia motus datur per se ad esse, non ad non esse; in tantum enim destruitur aliquid, in quantum aliud generatur, quod non est, nisi suppositum, quia natura per se non generatur, nec corrumpitur, nisi ratione suppositi; ergo idem. 9. Si personalitas diceret aliquid purè negatium, sequeretur, quod Verbum in incarnatione supplevisset meram negationem, quia supplevit solum personalitatem; sed conf. est absurdum; quia

quia natura humana per Verbum non acquisi-
uisset esse in rerum natura; negatio enim nequit
conferre alicui esse; ergo & ant. Sapientius ergo
Ganavius, & *alij Scotistæ* his, alijsque rationibus
persuasi tenent subsistentiam, & personalitatem
importare aliquod positivum.

14 *Obijc. Mastr.* 1. Si subsistentia creata
importaret aliquod positivum, posset assumi à
Verbo; nam omne positivum est in potentia
obedientiali, ut assumatur à Deo; nam per po-
tentiam obedientialem potest Deus facere, &
quidquid vult ex creatura, dummodò non im-
plicet contradictionem; nulla autem potest assi-
gnari contradictio, ob quam quælibet entitas
positiva non possit assumi; sed subsistentia non
potest assumi ex communi sententia; ergo non
est quid positivum. 2. Si personalitas creata
consisteret in aliqua entitate positiva, posset
produci natura, & conservari sine personalitate;
sed hoc est magnum inconueniens; quia illa na-
tura sic producta haberet negationem actualis,
& aptitudinalis communicationis alieno suppo-
sito; ergo idem. Ma. autem prob; quia illa en-
tita positiva esset distincta à natura; ergo natu-
ra posset sine illa produci.

Resp. ad 1. cum *Fund. Doct.* neg. ma; id
enim tantum potest assumi à persona Diuina,
quod per illam potest fieri subsistens in rerum
natura; assumitur enim ad existendum, & subsi-
stendum in persona Diuina; hic nanque est
conceptus formalis assumptionis; sed implicat,
quòd aliquod existens in se, & per se, ac ideo
subsistens fiat existens in alio; imò nulla maior
implicancia esse potest, quàm quòd existentia in
se, & per se fiat existentia in alio, quod eueni-
ret, si subsistentia in se, & per se posset assumi
ad subsistendum in persona Diuina; sic enim
subsisteret in se, & in alio; quod est non in se.
Ad prob. insert. dicitur implicanciam manife-
stam esse assignatam; implicat enim aliquod exi-
stere, & non existere in se, seu existentiam in se
non esse existentiam in se; si autem aliquod exi-
stens in se assumeretur ad existendum in perso-
na Diuina, illud fieret non existens in se, quia
fieret existens in persona Diuina. Ad 2. omit-
titur ma; si sermo sit de personalitate, quia po-
test produci anima rationalis separata, quæ non
est persona, ut fatetur *Scotus*; & sic nullum est in-
conueniens; & si est aliquod incongruum, ab
ipso etiam debet solui, cum ipse etiam doceat
animam non esse personam, & tamen existere pro-
ductam in rerum natura. Vel si sermo sit de
subsistentia, neg. ma; quanvis enim subsistentia
realiter distinguatur à natura; attamen nequit
natura produci sine subsistentia, quia subsisten-
tia est id, quo natura substantialis producitur in
rerum natura; subsistentia enim nihil aliud im-
portat, nisi existentiam in se, & per se, per quam
solum substantia poni potest à parte rei. Ad
prob. dicitur nimis probare; probat enim ip-

sam naturam formaliter esse personalitatem;
quia ipsa nec actualiter, nec aptitudinaliter po-
test coniungi alieno supposito, sed tantum pro-
prio, vel gerenti vices proprii suppositi. Per-
sonalitas igitur negat aptitudinem communi-
cationis alicui supposito, siue sit alterum, siue sit
proprium illius nature; nam personalitas *Petri*
facit, ut natura *Petri* non possit communicari
cani, qui est suppositum nature canis, quæ est
alia à natura humana; nec *Paulo*, qui est aliud
suppositum proprium nature humanæ. Quanvis
ergo natura careat aptitudine, ut communi-
tur alieno supposito; attamen non est persona,
quia est communicabilis supposito proprio; na-
tura autem personata nec est communicabilis
supposito proprio; non quidem illi, quod iam
habet, quia ei est de facto communicata, & ideo
nequit esse in potentia ad communicari; sicut
sanus iam factus nequit dici sanabilis, quia non
est in potentia ad sanitatem; nec alteri, quod
non habet, quia habet adiunctam negationem
illius.

15 *Inst. idem.* Si suppositum creatum im-
portaret aliquod positivum, sequeretur, quòd
posset assumi à Deo natura creata retinens pro-
priam personalitatem; nam quanvis ad illam
entitatem positivam consequeretur connatura-
liter, & ex exigentia nature personatæ duplex
negatio actualis, & aptitudinalis dependentia
ab alieno supposito; attamen supernaturaliter
posset impediri exclusio alieni suppositi, quia
est effectus secundarius, qui potest à Deo impe-
diri; sed confest falsum, ut dictum est *q. 1. ar. 7*;
ergo & ant. 2. Licet in sententia constituentem
suppositualitatem in merè negatio optimè se-
quatur, quòd si assumeretur natura retinens pro-
priam personalitatem, natura dependeret, &
non dependeret ab alieno supposito; attamen in
sententia illam constituantem in positivo non se-
queretur hæc contradictio; ergo hæc sententia
teneretur assignare aliam contradictionem.

Resp. hoc arg. procedere ex ignorantia ter-
minorum, quid scilicet nomine *assumptionis* signi-
ficetur; si enim percipiatur assumptionem nihil
aliud esse, quàm susceptionem nature create ad
subsistendum per suppositualitatem Verbi Diui-
ni, statim apparebit contradictio *superius* allata.
Ad 1. ergo neg. seq. Ad prob. insert. dicitur du-
plicem illam negationem modo explicato ita
essentialiter sequi ad illam entitatem, vt nullo
modo possit Diuinitus impediri; quia persona-
litas simul cum subsistentia, quæ est quid positi-
uum, importat essentialiter individualitatem,
quæ formaliter est quid negativum; & ideo ne-
gatio nequit impediri à Deo, aut præscindi; es-
sentialia enim sunt immutabilia etiam respectu
Dei. Ad 2. eodem modo neg. 2. pars ant; ne-
dum enim personalitas, quæ inuoluit essentiali-
ter illam duplicem negationem; sed nec etiam
subsistentia, quæ consistit in purè positivo, potest
assumi

assumi ob implicantiā allatā, & alias adductas q. 1. ubi.

16 Obijc. 2. *idem*. Non potest assignari causa efficiens, & materialis illius entitatis positivæ, bene tamen negationis; ergo *idem*. Prob. ant. Causa efficiens negationis est agens supernaturalē non vniens sibi naturā habentem talem negationem; materialis verò est naturā singularis non communicata. Sed natura singularis nequit esse causa materialis subsistentiæ; quia subsistentia debet reddere naturā per se stantem, nulli alteri affixā; hoc autem nequit facere entitas positiva, quia ipsa esset alteri affixa, cum sit modus, de cuius ratione est esse alteri affixus, adeoque non posset reddere aliam rem, nempe naturā per se stantem, nulli affixam; tum quia illa entitas communicaretur alteri, nempe naturæ; ergo non posset reddere ipsam incommunicabilem; tum quia illa entitas subsisteretur in natura, & naturā subsisteretur; & sic daretur circulus vitiosus. Nec posset assignari causa efficiens; quia non posset esse ipsa natura, à qua, tanquam à causa, posset dimanare; ergo *idem*. 2. Posita duplici negatione absque vilo superaddito positivo natura intelligitur personata, per se existens &c; ergo *idem*.

Resp. etiam hoc procedere ex confusione terminorum. Ad 1. dicitur, quod causa materialis subsistentiæ est natura, & causa efficiens est agens extrinsecè producens, quod dat naturæ existentiam in se, & per se. Ad improb. dicitur subsistentiam individualem, quæ est *idem*, ac personalitas, reddere naturā per se stantem nulli alteri supposito communicabilem; & sic subsistentia individua est incommunicabilis alteri subsistentiæ individua, non tamen est incommunicabilis naturæ, quæ supposita, & ideo ipsam non reddit incommunicabilem sibi. Sic illa duplex negatio est incommunicabilis alteri supposito, non naturæ, quam afficit, & cui affigitur; & ideo esset eadem difficultas de ipsa; & sic illa negatio subsisteretur in natura, quia non subsistentatur, nisi in fundamento, in quo est; & aliunde natura subsistentatur in supposito, in quo solum subsistentiam acquirit; ergo eadem ratio debet solui ab utraque sententiā. Dicitur ergo suppositualitatem recipi in natura, tanquam in potentia passiva, quam actuat, & determinat; non tamen dicitur propriè subsistentari in esse à natura, quia ab illa non recipit esse, sed esse ei communicat; non enim est *idem* recipi, ac subsistentari; nam forma recipitur in materia, à qua non subsistentatur in esse, ut patet de anima rationali, quæ subsistentatur in esse etiam extra materiam. Ad 2. neg. ant; nam posita sola duplici negatione sine aliquo positivo natura nec esset existens, nec subsistens, nec supposita, nec in rerum natura; ut *sup.* habitum est.

17 Obijc. 3. Verbum assumpsit naturam. *Mag. Frideric. Nic. Gaurdj Tom. 5.*

eum omnibus suis prædicatis positivis; sed non assumpsit subsistentiam; ergo subsistentia non est quid positivum. 2. Compositum substantiale resultans ex anima, & corpore cum additione illius duplicis negationis absque vilo positivo superaddito esset per se, & in se existens, & incommunicabile alteri supposito; ergo esset persona; & ideo persona nihil positivum superaddit naturæ.

Resp. ad 1. dist. ant. Verbum assumpsit omnia prædicata positiva essentialia, quæ sunt constitutiva essentiae, conc; quæ spectant ad constitutionem personalitatis, neg; sicut enim persona Divina supplevit personam creatam, quam non assumpsit, ita supplevit omnia prædicata, quæ constituunt personam creatam. Ad 2. neg; quod esset per se existens; existentia enim per se est *idem* formaliter, ac subsistentia, cui si superaddatur individualitas, statim resultat persona, seu suppositum; quapropter sæpe docet *Fund. Doct.* quod ex essentia, & existentia fit suppositum; sicut ex materia, & forma fit compositum. Quod tamen intelligendum est de essentia individua; quia persona est *rationalis natura individua subsistentia*.

18 Collig. ex dictis 1. effectum formalem subsistentiæ, prout à personalitate distinguitur, esse reddere naturā per se, & in se existentem; effectum verò formalem personalitatis, prout includit subsistentiam, & individualitatem, esse vltimò complere naturā, eamque reddere incommunicabilem alteri. Prima pars, quæ est *contra nostrum Gibb. hic disp. 7. dub. 2; & alios*, prob. ex dictis. Subsistentia formaliter importat existentiam in se, & per se; sed effectus existentia in se, & per se est reddere naturā formaliter existentem in se, & per se; ergo & subsistentia. *Vid. alie rationes à nu. 4. ad 12.* Secunda pars pariter deducitur ex dictis à *nu. 13*; quia personalitas importat in suo conceptu subsistentiam, & individualitatem; sed subsistentia habet complere naturā; & individualitas habet illam reddere incommunicabilem alteri; ergo *idem*, quod supra.

19 Obijc. *Gibb.* Prius intelligitur natura posita extra causas per creationem, vel generationem, quam subsistens, quia subsistentia convenit rei iam productæ; nam res supponitur prius existens, quam subsistens; creatio autem, & generatio ad existentiam terminatur, ut aiunt *Philosophi*; ergo effectus subsistentiæ non est reddere naturā existentem in se, & per se. 2. *D. Th. hic q. 4. art. 2; & 3. docet, quod illud, quod assumitur, oportet praeintelligi assumptioni; sicut illud, quod movetur localiter, ipsi motui*; ergo *idem*. 3. In Divinis essentia prius intelligitur existens in se, & per se, quam sit persona; ergo à pari.

Resp. ad 1. dist. ant. Prius intelligitur prioritate causalitatis in genere cause materialis eo modo, quo materia præsupponitur formæ, conc; priori-

prioritate durationis, negs. Ad prob. dicitur subsistentiam conuenire rei iam productæ ita, vt producatur formaliter per ipsam; ipsa enim subsistentia est id, quo natura substantialis ponitur in rerum natura; non tamen ita, vt natura prius supponatur in se, & per se existens, quàm subsistens; idem namque supponeretur ante se ipsum. Creatio autem, & generatio substantiæ terminatur ad existentiam in se, & per se, & ideo ad subsistentiam. Ad 2. dicitur eodem modo assumibile præintelligi assumptioni in genere causæ materialis; exemplum autem de mobili valet tantum in genere causæ materialis, quatenus mobile est causa receptiua motus; & in hoc sensu loquitur S. Doctor; non tamen valet in omnibus; quia mobile supponitur existens, & suppositum; natura autè assumibilis non debet præsupponi, vt supposita, & ideo nec vt existens. Ad 3. neg. conf; quia essentia Diuina priori emanationis ad proprietatem relatiuam constitutiua personæ præsupponitur subsistens, habet enim subsistentiam absolutam; at natura humana ante subsistentiam non habet existentiam in se, & per se.

20 Colligi 2. existentiam, at subsistentiam substantiæ distingui, sicut gradus genericus, & specificus; eo modo, quo distinguitur ratio entis, vt sic, à ratione talis entis; ita enim se habet existentia, vt sic, respectu subsistentiæ; sicut ens, vt sic, respectu substantiæ, vt dictum est; sed differentię entis sunt tantum modi ipsius, vt alibi diximus; ergo subsistentia est tantum modus existentiæ, vt sic. Modus autem non distinguitur à re, cuius est modus, vt diximus to. 1. de astr. in com. q. 2. art. 2. & 6.

§. II.

Resoluitur Articulus.

21 Verbum Diuinum non assumpsisse naturam humanam subsistentem subsistentia creata est commune Catholicorum dogma definitum in Concilijs coactis contra Nestorium. Controuersia est de sola existentia; an Verbum assumpsit naturam humanam existentem propria existentia creata, vel non?

22 Prima sententia vult Verbum assumpsisse naturam humanam existentem propria existentia creata; imò impossibile esse humanitatem Christi Domini existere in rerum natura, per existentiam increatam Verbi Diuini. Ita Scot. in 3. dist. 6. q. 1; Fab. ibid. dist. 14; Rada contr. 7. art. 3; Aretin. in 3. dist. 6. q. 3; & alij Scostistæ apud Mastr. hic dist. 1. q. 6. art. 1; vbi nu. 206. refert etiam D. Bon. in 3. dist. 5. art. 2. q. 1. Ita etiam Sna; Vass; Grav; Amic; Arriag; Auerfa; Hurst; Orland; Lug; & alij Neminiales non distinguentes in creaturis essentiam ab existentia.

23 Nostra tamen sententia docet Verbum assumpsisse naturam humanam necdum sine propria subsistentia, sed etiam sine existentia creata ita, vt natura humana non solum subsistat, sed etiam existat per subsistentiam, & existentiam increatam Verbi Diuini exclusa prorsus subsistentia, & existentia creata. Ita Fund. Doct. hic dist. 6. par. 3. q. 1. art. 2; & expressius Quodl. 2. q. 2; & Quodl. 5. q. 3; & locis cit. to. 1. de subst. Dei q. 2. art. 1. §. 3; vbi docet existentiam creaturæ realiter differre ab existentia. Ipsum sequitur tota nostra Schola. Hanc sententiam apertissime docet D. Tho; & cum illo omnes Thomistæ Capr; Caiet; Ferr; Med; Cabr; Godoy, Genes hic dist. 8. art. 1; & alij.

24 Unica concl. Verbum Diuinum assumpsit naturam humanam sine propria subsistentia, & existentia creata; imò æquè simpliciter impossibile fuit ipsum assumere subsistentiam, & existentiam creatam, ac assumere personalitatem humanam.

Prob. 1. ex VI. Syn. art. 11; & 13; vbi Sophron. loquens de natura humana ait: In illo itaq; (idest in Verbo) & non in semetipsa habuit existentiam vnā; quibus verbis nedum asserit naturam humanam habere existentiam in Verbo, sed etiam negat habere existentiam in se ipsa; sed existentia Verbi est increata; & existentia ipsi naturæ humanæ propria est creata; ergo concedit tantum naturæ humanæ existentiam, increatam, & negat creatam; adeoque Verbum assumpsit naturam humanam sine propria existentia creata.

25 Resp. Mastr. ex Sna; Hurst; & Arriag. Sophronium nihil aliud docere, nisi humanitatem eodem temporis momento, in quo esse cepit, fuisse Verbo vnitam; & sic habuisse existentiam vnā, idest inuariatam; quia non habuit existentiam prius separatam, & postea vnitam, sed semper vnitam.

Sed quā distorta sit hæc explicatio, ex se ipsa apparet. Contra. 1. Ex eo, quod PP. asserant in Christo esse vnā subsistentiam, non licet eos explicare, vt intelligant in primo incarnationis momento subsistentiam humanam vnitam fuisse subsistentiæ Diuinæ; & sic habuisse subsistentiam vnā, idest inuariatam, quia, natura humana non habuit subsistentiam humanam prius separatam, & postea vnitam, sed semper coniunctam; ergo ex eo, quod asserant in Christo fuisse existentiam vnā, non licet eos interpretari, vt intelligant existentiam vnitam, non vnā; nam natura humana vnita est naturæ Diuinæ, & tamen non est vna natura cum illa. 2. Sophronius directè negat existentiam in semetipsa; & ideo esse in illa existentiam vnā, quia remota existentia creata remanet sola existentia Verbi; ergo allata expositio est omnino chimerica. 3. Ex eo, quod natura Diuina, & humana vniantur, nequit dici, quod sit vna natura; ergo

ergo dicere esse vnam existentiam non est dicere duas existentias esse vnitas.

26 Conf. ex eod. ibid. docente de vtraque natura: *Esse & permanere vnum indiuisum sortitur*; & deinde; *Ex quibus esse vnum sortitur natura duplex, & vnum permanere seruabit*; sed esse, & permanentia, seu duratio in esse dicit existentiam, & existentia continuationem; nam per *Aduersarios* personalitas dicit solam incommunicabilitatem alteri supposito, vt dictum est in sup. §; quæ est mera negatio, & ideo nequit significari per esse, quod est quid positivum; aliter non esse significaretur per esse; tum quia duratio in esse nihil aliud est, nisi ipsa rei existentia perseverans; ergo duplex natura Christi Domini non habet, nisi vnam tantum existentiam; at hæc nequit esse existentia creata; nam existentia increata est inseparabilis à persona Verbi, quia identificatur cum illa; & aliunde natura Diuina nequit existere per existentiam creatam; ergo est existentia increata; & per consequens Verbum assumpsit naturam humanam sine existentia creata. Tum quia *Sophronius* probat in Christo esse vnam tantum personam ex eo, quod in ipso duplex natura sortitur tantum, & habet vnum esse; cum enim persona coalescat ex natura, seu essentia, & esse; ideo ex eo, quod in illo sit vnum tantum esse actuale, arguit in ipso esse tantum vnam personam; sed nomine *vnus* esse nequit intelligere esse essentia, ait enim, & de fide est, in Christo esse duplex esse essentia; neque esse subsistentia, aut personæ, vt dicunt *Suas*; & *Mastr.* aliter probaret idem per idem; ergo intelligit esse existentia.

Præterea expressè traditur in *V. Syn. anathematismo* 2. *Si quis dicit, aut sentit animam Domini præexistentem, unitamque fuisse Dei Verbo ante incarnationem, & natiuitatem ex Virgine anathema sit*; & *anathem.* 3. *Si quis dicit, aut sentit prius formandum esse corpus Domini nostri Iesu Christi in utero Virginis Sanctæ, & deinceps unitum esse ei Dei Verbum, atque animam, vt quæ prius extiterit, anathema sit.* Sed sententia asserens Verbum assumpsisse humanitatem existentem, asserit animam, & corpus prius natura extitisse, quàm Verbo vniuerentur, ergo directè sentit contra *Concilium.* Vid. inf. art. 5. n. 5. responsionem ad hoc, & solutionem.

27 Prob. 2; & redarguitur *Aduersariorum* doctrina ex *B. P. Aug.* in *Enchir.* c. 36. docente: *Nempe ex quo homo esse cepit, non aliud cepit esse, quàm Dei Filius; & hoc vnicus, & propter Deum Verbum, quod illo suscepto caro factum est, vniue Deus; & c. 40.* In ipso exordio naturæ suæ, quo esse cepit, Verbo Dei copularetur in tantam personam unitatem, vt idem ipse esset Filius Dei, qui Filius hominis; & Filius hominis, qui Filius Dei; & de Fide ad *Pet.* c. 18. *Firmissime tene, & nullatenus dubites non carnem Christi sine Diuinitate conceptam in utero Virginis, priusquam susciperetur à Verbo,* *Mag. Frideric. Nic. Gauradi Tom. 5.*

sed ipsum Verbum Deum sua carnis acceptione conceptum, ipsamque carnem Verbi incarnatione conceptam. Ex quibus sic arguitur. In tantum per *Aduersarios* admittitur existentia creata in natura humana; in quantum natura humana est ens actuale existens ordine naturæ ante ipsam vnionem, & assumptionem; sed hoc est contra *SS. PP.* & parum tutum in fide; ergo & id, vnde sequitur. Ma. est doctrina *Scoti* apud *Mastr.* nu. 207. *vbis; & nu. 209.* ait *Scotum* hoc probare, ex eo, quod humanitas Christi etiam, vt præscindit ab vnione ad Verbum, verè fuit producta à Matre, & à tota Trinitate; productio autem terminatur ad existentiam rei, adeoque etiam antecedenter, & præcisè vnione (hæc enim præcisio nequit esse, nisi antecedens, vt constat; quia non fuit simul cum vnione, quod repugnat, nec post vnionem, cum natura humana post vnionem dimissa non fuerit) natura humana fuit existens. Prob. mi. Si pro aliquo instanti antecedente, vel pro aliquo priori quomodolibet sumpto natura humana fuisset existens ante assumptionem, & vnionem, pro illo priori illud existens in natura humana non fuisset Filius Dei naturalis; quia per solam vnionem ad Verbum natura humana acquirit filiationem Dei naturalem; solum enim Verbum est Filius Dei naturalis, & repugnat dari alium Filium Dei naturalem à Verbo diuersum; sed hoc est contra *SS. PP.* docentes in primo instanti conceptionis Christi Domini fuisse Filium Dei naturalem, vt patet ex *textibus* allatis ex *S. P. Augusti*; in eodem enim instanti, quo Christus fuit Filius hominis, fuit Filius Dei; & ex alia parte recedere à *SS. PP.* & *Conciliarum* doctrina præsertim in hac materia, quæ magis est remota à nostra cognitione, quàm materia cuiuslibet alterius mysterij, est parum tutum in fide; ergo idem, quod supra. Tum, quia si antecedenter ad vnionem natura humana esset existens, in ipso exordio naturæ creatæ ipsa natura non esset copulata Verbo Diuino, quia pro illo antecedente haberet exordium, esset enim existens, & non esset vnita; imò ipsa caro pro illo antecedente non fuisset concepta simul cum Diuinitate, neque caro fuisset formaliter concepta per vnionem, per susceptionem, & per incarnationem Verbi Diuini, supponeret enim iam existens esse vnionem, susceptionem, & incarnationem; repugnat autem esse existens, & non esse conceptum; quia conceptio est initium existentia, vt notum est; sed hoc est contra *SS. PP.* & parum tutum in fide, quæ docet naturam humanam factam fuisse ex eo, quod Verbum caro factum est; ergo idem.

28 Conf. ex *Fund. Doct. Quodl. 2. vbis.* Natura humana existens per propriam existentiam creatam esset existens in se, & per se; esset enim existens existentia, quæ competit substantia; quæ est existentia in se, & per se; in hoc nanque substantia differt ab accidente, quod existit in

alio; sed existentia in se, & per se est formaliter subsistentia, ut ostensum est in *sup.* §; ergo natura humana pro priori ad vnionem esset subsistens; & ex alia parte esset etiam indiuidua, quia esset talis, non omnis natura; ergo esset subsistens indiuidua; tandem natura humana est intellectualis; ergo esset persona, quæ adæquatè constituitur ex subsistentia indiuidua naturæ intellectualis; & ideo Verbum Diuinum assumpsisset, quod est contra fidem.

29 Explic. magis. Ad hoc, ut anima separata, quæ est existens in se, & per se, & non est persona, ut fatetur Scot. nobiscum contra Hug. de S. Viñt; fiat persona, sufficit, ut vnatur suo corpori absque villo alio superaddito; tunc enim nemo potest negare tale compositum ex corpore, & anima existens in se, & per se non esse personam; sed anima Christi Domini esset existens in se, & per se, & esset vnita suo corpori, cum quo efficeret verum compositum physicum ante vnionem hypostaticam; ergo illud compositum verè esset persona; & sic Verbum assumpsisset personam, quod fides damnat. Tum quia anima separata existens in se, & per se eo, quia dicit ordinem essentiali ad suum corpus, nequit per quancumq; potentiam vniri alteri supposito, & ideo quia est existens in se, & per se, & dicit ordinem ad proprium corpus, est simpliciter incommunicabilis alteri supposito, etiam si sit separata à proprio corpore, & non sit formaliter persona; sed anima Christi Domini esset existens in se, & per se, & diceret essentialiter ordinem ad proprium corpus; inò esset cum illo actu vnita; ergo esset essentialiter incommunicabilis alteri supposito. Atqui ratio, ob quam persona creata nequit assumi à Deo, est incommunicabilitas alteri supposito, quia, ut ait Scot; cum negatione communicabilitatis nequit poni forma positua illi opposita, quia hæc tolleret talem negationem; ergo anima existens in se, & per se coniuncta cum proprio corpore non fuit assumibilis à Verbo Diuino, & ideo non fuit assumpta cum propria existentia.

40 Prob. 3. alia ratione *1. und. Doct.* sic. In hoc distinguitur natura creata à natura Diuina; quod illa acquirit esse actuale, seu existentiam in supposito: hæc verò communicat esse actuale suppositis; sed implicat in terminis dicere, quod natura creata acquirit esse actuale in supposito; & habeat esse actuale extra suppositum; ergo implicat in terminis dicere, quod natura creata existat actualiter præcise supposito, aut præcise ordine essentiali ad proprium suppositum. Atqui natura humana Christi Domini est natura creata, non enim est natura Diuina; ergo implicat, quod existat, nisi per existentiam suppositi, ad quod dicit ordinem, & per consequens per esse suppositi Verbi Diuini, ad quod fuit assumpta. Prob. ma. Natura creata in hoc distinguitur à natura Diuina, quod est in

potentia ad actu esse, vel non esse, seu ad existere, vel non existere in rerum natura; constat enim, quod quælibet natura creata ex non actu existente sit existens, hoc autem est esse in potentia ad existentiam; & ex hoc arguitur euidenter distinctio realis naturæ creatæ à sua existentia, inquit *Fund. Doct. dist. 6. vbiq;* ideo nanque distinguimus materiam à forma, quia videmus materiam, quæ non erat actu sub vna forma, fieri sub illa; & sic quia videmus essentiam creatam modò esse sub existentia actuali, modò non esse, ideo realiter vtantque diuidimus; sed essentia Diuina semper est existens, quia est actus purissimus, cui repugnat esse in potentia ad aliquam actualitatem, aliter non esset actus purissimus simpliciter infinitus, non enim esset illa actualitas, ad quam esset in potentia; ergo in hoc distinguitur natura creata à natura Diuina, quod illa acquirit esse, seu existentiam, ad quam erat in potentia passiva; hæc verò communicat esse, quia formaliter est suum esse. Atqui natura creata non acquirit existentiam, nisi cum producit in rerum natura; & non producit per se, nisi suppositum; natura nanque producit ratione suppositi, & in supposito; ergo natura creata per hoc differt à natura Diuina, quod acquirit esse in supposito. Mi. constat; quia habere esse, & non habere esse in supposito sunt contradictoria. Diximus autem: *Vel per ordinem ad suum suppositum* propter etiam naturam rationalem, quæ potest creari à Deo etiam separata à suo corpore, non tamen absque ordine ad suum corpus, cum quo posset constituere suppositum, ad quod ita ordinaretur anima, ut per nullam potentiam posset ad aliud suppositum ordinari; anima enim *D. Petri* de facto nequit esse anima. *D. Pauli* propter essentiali ordinationem, quam vnaqueque habet ad proprium suppositum.

31 Prob. 4. ex eod. hic, & sæpe alibi in hoc 3; & *Quodl. 6. q. 3.* Natura non constituens suppositum existit tantum per existentiam suppositi; sed natura humana Christi Domini non constituit suppositum; ergo existit per existentiam suppositi. Atqui repugnat, quod existens per existentiam alterius habeat propriam existentiam, quia repugnat, quod aliquod simul existat in se, ac per se, & in alio, ac per aliud; ergo repugnat naturam humanam Christi Domini habere propriam existentiam. Prob. ma. Ideo natura accidentaliter non existit per propriam existentiam, & in se, sed per existentiam subiecti substantialis, & in alio, quia natura accidentaliter non constituit suppositum substantiale, sed illi aduenit, & accidit iam constituto; natura verò substantialiter per propriam existentiam existit, quia constituit suppositum substantiale, adeoque dicitur per se existere, quia est constitutiva in primo modo dicendi per se ipsius suppositi, quod per se dicitur existere; etenim sine natura substantiali nequit esse, nec intelligi suppositum; sed

sed natura non cōstit uens suppositum habet modum naturæ accidentalis, cui conuenit non constituitur suppositum; ergo natura non constituitur suppositum existit tantum per existentiam suppositi. Mi. est de fide; nam si natura humana Christi Domini constitueret suppositum, vel constitueret suppositum creatum, vel Diuinum? Non primum; aliter in Christo essent duo supposita, quod fides reprobatur *contra Nestorium*. Non secundum; repugnat enim suppositum Diuinum constitui per aliquod creatum, & temporale; quia suppositum Diuinum est simpliciter increatum, & æternum; ergo natura humana Christi Domini non cōstituit suppositum.

32 Conf. 1. ex eod. *Quodl. 2. ubi*. In hoc distinguitur pars à toto, quod de ratione partis est existere in toto, de ratione uero totius est existere per se, & in se; sicut enim pars per se ordinatur ad entitatem totius, si sit pars essentialis, de qua tantum loquimur, ipsa enim constituit simul cum alia comparte entitatem totius; ita ordinatur ad existentiam totius, quæ est actualitas, per quam totum ponitur in rerum natura; sed natura humana est pars suppositi, quia simul cum suppositualitate, quæ est altera pars, constituit suppositum; ergo natura humana essentialiter habet existere per existentiam suppositi. Atqui existentia, per quam existit suppositum Christi Domini, est tantum increata, non creata; quia repugnat, quod suppositum Diuinum existat per existentiam creatam; ergo natura humana Christi Domini tantum existit per existentiam increatam suppositi Diuini, non per existentiam creatam; adeoque non habet propriam existentiam.

33 Conf. 2. ex alia eiusdem doctrina, quam fuscè prosequitur de Sacram. *Altaris propos. 26*; & 27. Natura humana Christi Domini habet modum accidentis; sicut enim accidens non constituit suppositum substantiale, sed illi aduenit iam constituto; ita natura humana non constituit suppositum Christi Domini, sed ab illo assumitur in unitatem, ut docent communiter SS. PP.; sed de ratione accidentium est existere per existentiam suppositi, cui inhaerent; & licet possint diuinitus existere separata à substantia, ut in Sacramento *Altaris*, in quo habent modum substantiæ, per quod probatur, quod sicut accidentibus potest communicari modus substantiæ, qui est existere per se; ita naturæ humanæ Christi Domini, quæ est substantia, potest communicari modus accidentis, qui est existere per existentiam alterius; attamen dum actu inhaerent, existunt solum per existentiam substantiæ, cui adherent; ergo natura humana Christi Domini existit tantum per existentiam Verbi Diuini, adeoque propriam existentiam non habet.

34 Prob. 5. ratione communi. Si Verbum assumpsisset naturam humanam existentem, da-

rentur in Christo Domino duæ existentia omnino disparatæ, quarum una non esset potentia passiva perfectibilis per aliam; ergo ex ipsis non fieret unum per se substantialiter, sed fieret aggregatum merè accidentale, ut est aceriis lapidum; & ideo Christus Dominus non esset unum per se substantialiter, sed esset aggregatum ex pluribus substantiis existentibus; quod est contra *Diuinas Scripturas*, & SS. PP. asserentes, quod *Christus est unus*, ut diximus q. 1. art. 1. num. 17. *contra Nestorium*; quod substantialiter debet intelligi, non accidentaliter, & per aggregationem; sic enim non reprobaretur *Nestorius*; nam duæ personæ unum per aggregationem dici possent, ergo Verbum non assumpsit naturam humanam habentem propriam existentiam. Ant. constat; in tantum enim ex materia, & forma fit unum per se; quia materia est potentia passiva ordinata ad recipiendam formam; & forma est actus ordinatus ad aduandam materiam; & in tantum duo lapides non efficiunt unum per se, in quantum unus non habet rationem potentia passiuæ receptiua alterius; & alter non habet rationem actus receptibilis in alio; sed existentia humana non esset potentia passiva receptiua existentie Diuinæ, quia potentia passiuæ receptiua existentie dicit non existentiam; nam potentia passiuæ dicit non esse; ergo ex existentia Diuina, & humana non posset fieri unum per se.

35 Dices. Existentia Diuina non habet rationem receptibilis in natura humana, aliter haberet rationem formæ; ergo ex hac ratione euincitur Christum non esse unum de facto.

Resp; quod licet existentia Diuina non habeat rationem receptibilis per informationem, habet tamen rationem aduantis, & terminantis naturam humanam; & natura humana habet rationem puræ potentia passiuæ per ordinem ad existentiam; quod sufficit ad hoc, ut fiat unum substantiale per se; quia non sunt duo entia in actu per se existentia.

36 Tandem rejicitur alia ratio *Aduersariorum*. Una ex rationibus, qua probatur Verbum assumpsisse naturam existentem, est, quia essentia, & existentia in creaturis non distinguuntur realiter; quoties enim duo sunt realiter identici, tunc unum nequit assumi sine alio; sed hæc ratio falsa est, ut ostensum est *sup. n. 30*; & fuscè 10. 1. ubi; ergo est falsum, quod per illam probatur; ex antecedente enim falso falsa sequitur conclusio.

37 Obijc. 1. *Sua. Quidam Epiphanius in VII. Synod. act. 6.* distinguit naturam ab hypostasi; quod natura dicit humanitatem existentem, hypostasis uero addit subsistentiam; & hæc sententia non fuit reprobata à Concilio; ergo Verbum assumpsit naturam existentem. 2. *In VI. Syn. act. 4. epist. Agathonis*; & *act. 11. in epist. Sophronij* habetur Verbum assumpsisse naturam humanam cum omnibus suis partibus, proprietatibus,

tatibus, & perfectionibus connaturalibus; sed existentia creata est perfectio connaturalis naturæ humanæ; ergo idem. 3. *D. Dam. lib. 3. de fide c. 3.* ait assumpsisse humanitatem in aethero, non priuatam suam existentiam. 4. *Concilia, & SS. PP.* docent Verbum non terminasse naturam humanam per aliquod commune toti Trinitati, aliter tota Trinitas incarnata fuisset; sed existentia est communis toti Trinitati; ergo idem.

Resp. ad 1. omiffis aliorum solutionibus neg. conf. non enim sequitur ex illo antecedente; licet nanque si quis diceret accidens vnitum supposito in hoc distinguere ab ipso supposito; quod accidens dicitur entitatem existentem, suppositam verò dicitur substantiam, verum diceret, quia accidens in supposito verè existit, non tamen subsistit, quia non existit in se, & per se, sed per existentiam suppositi; suppositum autem existit in se, & per se, & ideo subsistit; & ita cum dicitur humanitatem Christi Domini importare naturam existentem, hypostasim verò importare substantiam, verum dicitur; quia ad hoc, vt natura sit existens, sufficit, quod habeat existentiam vel in se, vel per aliud; vel propriam, vel alienam; humanitas autem Christi habet existentiam suppositi Diuini, ideo est verè existens. Imò ex hoc probatur, non improbat nostra sententia; nam ex eo, quod natura non importat substantiam, quæ est existentia propria substantiæ, vt dictum est, euidenter intetur non habere propriam existentiam. Ad 2. dicitur Verbum assumpsisse naturam humanam cum omnibus suis partibus essentialibus, quia assumpsit carnem, & animam; & cum suis proprietatibus, quæ sequuntur existentiam, vt est risibilitas &c.; & perfectionibus essentialibus; non autem assumpsit omnes perfectiones connaturales; quia substantia est perfectio naturalis naturæ humanæ, non enim est supernaturalis, & tamen certum est non assumpsisse substantiam, & ideo nec existentiam, quæ non distinguitur realiter à substantia. Ad 3. dicitur *D. Dam.* nihil aliud asserere, quàm humanitatem Christi Domini non fuisse prius coniunctam cum propria existentia, & deinde illa priuatam per assumptionem, vt aiebant hæretici, quos impugnabat; & hoc etiam probat nostram sententiam; ostendit enim in assumptione non interuenire propriam existentiam naturæ humanæ. Ad 4. dicitur *Concilia, & SS. PP.* nihil aliud velle, quàm solam proprietatem relationis Filij immediatè terminasse naturam humanam; quia solus Filius est incarnatus; & hoc sufficit, ne tota Trinitas fuerit incarnata.

38 Obijc. 2. *S. or. apud Massr. n. 207.* Si natura humana dimitteretur à Verbo, non opereretur, quod sibi acquireret nouum esse per generationem, aut per creationem; & tamen sic dimissa non esset annihilata, nec ens in potentia, vt Antichristus; ergo haberet esse, per quod

actualiter existeret, quod non esset nouum, quia non esset causatum per aliquam mutationem positiuam; & ideo esset illud idem, quod habebat, quando erat coniuncta Verbo; ergo habet in illo suam propriam existentiam. 2. Fundamentum relationis naturaliter præcedit relationem secundum esse actuale existentie ita, vt fundamentum supponatur præexistens relationi; sed vnio hypostatica importat relationem realem existentem in natura humana, vt docet etiam *Fund. Doct.*; ergo natura humana præsupponit existens vnioni hypostaticæ; sed hæc existentia nequit esse existentia Verbi; aliter illam haberet, antequam ei vniretur; ergo est existentia propria naturæ humanæ; & ideo Verbum assumpsit naturam humanam existentem, seu habentem propriam existentiam.

Resp. ad 1. *Fund. Doct. Quodl. 2. vbis. neg.* ant; si enim natura humana dimitteretur à Verbo, & ei non adderetur à Deo propria existentia, statim in nihilum abiret, à quo solum extracta fuit per existentiam Verbi Diuini; nec esset ita potentia, sicut Antichristus, quia Antichristus nunquam fuit à parte rei, natura autem humana dimissa aliquando fuisset; esset igitur, sicut res præterita, quæ aliquando fuit; & si deberet permanere in esse, deberet Deus per nouam actionem positiuam in illa producere existentiam propriam creatam; per quam solum potest in esse durare, Ad 2. vel neg. ma; sufficit enim, quod fundamentum præcedat relationem in genere causæ materialis receptiue ipsius relationis; causa autem materialis non præsupponitur existens sub forma, quam recipit, aliter illam haberet, antequam illam reciperet. Sic creatura, si pro aliquo priori supponeretur existens, antequam haberet relationem ad Deum, pro illo priori esset independens à Deo, quod est absurdissimum. Ista ergo prioritas naturæ designat tantum modum causalitatis, non autem importat existentiam præuiam; nam in eodem instanti, in quo existit forma, & materia, adhuc designatur modus causandi proprius ipsius materiæ, & modus causalitatis formæ, ad quam sequitur existentia, quæ est vltimus terminus productionis. Vel dist. mi. Vnio hypostatica actiue sumpta importat relationem, neg. nam sic importat actionem vnientem naturam humanam cum Verbo Diuino; passiue sumpta, conc; & quia actio præcedit passionem; ideo illa relatio præsupponit naturam humanam iam vnitam cum substantia, & existentia Verbi; & ideo illam supponit iam existentem per existentiam Diuinam, non per humanam.

39 Obijc. 3. *Massr.* 3. Nominem existentie intelligitur entitas actualis essentie, per quam essentia constituitur à parte rei extra suas causas, & de non ente fit actu ens; sed natura humana, vt contradistincta à Verbo, est quedam actualis entitas, quam ipsa secum affert, nec à Verbo

Verbo recipit; ergo natura humana in Verbo existit per propriam existentiam. Prob. min. Humanitas Christi, vt præcinditur ab vnione ad Verbum, verè fuit producta à Matre, & à tota Trinitate; sed productio terminatur ad existentiam; ergo humanitas Christi etiam vt præcindit à Verbo, habet propriam existentiam. 2. *Concilia, & PP.* docent hoc mysterium factum fuisse per ineffabilem compositionem vnus personæ ex duabus naturis realibus, & actualibus, & vt sic inter se distinctis, quo loquendi modo indicant, quòd sicut Verbum habet suam actua-lem entitatem, in qua intrinsecè non includitur humanitas, nec aliquid creatum; ita humanitas suam habet actualem entitatem, in qua non includitur Verbum, nec aliquid increatum; ergo si actualis entitas humanitatis tota est creata, implicat, quòd constituatur in esse talis entitatis per existentiam incretam. 3. Existentia, & essentia in creaturis non distinguuntur realiter; sed Verbum assumpsit essentiam creatam; ergo & existentiam.

Resp. hæc procedere ex confusione essentia cum existentia, quas realiter debere distinguì in creaturis iam diximus. Ad 1. dist. mi. Humanitas, vt contradistincta à Verbo, est entitas actualis in actu posita per existentiam Verbi, conc; per existentiam propriam, neg; nam accidens, vt contradistinguitur à subiecto, cui vnitur, est entitas actualis, non tamen existens per existentiam propriam, sed per existentiam subiecti. Ad prob. neg. ma; est enim contra SS. PP; & *Concilia, vt sup.* diximus. Ad 3. dicitur aliud esse, quòd dicitur natura in Christo sint distinctæ, & inconfusæ; & aliud, quòd ambæ existant proprijs, & diuersis existentijs. Primum docent *Concilia, & SS. PP.*; secundum reprobant, vt dictum est; docent enim humanitatem Christi fuisse conceptam, & productam in rerum natura per ipsam vnionem ad Verbum; & ideo docent fuisse factam existentè per Verbum; productio enim terminatur ad existentiam. Aliud est igitur, quòd humanitas habeat suam entitatem distinctam à Verbo; & aliud, quòd habet suam actualitatem, per quam posita est in rerum natura per se ipsam, non per Verbum. Primum verum est, quòd docent omnes Catholici; secundum falsum, quod PP. reijciunt. Ad 3. neg. ma. *Vid. to. 1. vbi sup.*

40 Obijc. 4. *idem.* Productio habet pro termino rei existentiam ex *Phil. 5. Phys. 1. 7.*; sed humanitas Christi est producta; ergo eius existentia fuit producta. Atqui existentia Diuina nequit produci; ergo existentia producta in humanitate est creata. 2. Terminus creationis, & generationis est esse creatum; sed anima Christi est creata, & eius corpus est generatū; ergo terminus creationis animæ Christi, & generationis corporis est esse creatum. 3. Ex 2. de an. 37. *Viuere uiuentibus est esse*; sed in Christo

alia est vita creata, & alia increata; secus non fuisset verè mortuus, quia Christus non potuit priuari vita increata; ergo in Christo aliud est esse creatum, & aliud increatum.

Resp. ad 1. dist. ma. Productio habet pro termino, qui producit, rei existentiam, neg; terminus enim qui est totum productum; pro termino, quo aliquod producit, conc; qui terminus quo non est terminus formalis productionis, quia terminus formalis quo est forma, secundum quam fit assimilatio inter agens, & patiens, vt diximus *tom. 2. de Trin. quest. 3. art. 14.* sed est terminus materialis rei productæ, quia existentia terminat rem productam. Ad min. subsumpt. dicitur, quòd existentia non producit, sed terminus qui producit per communicationem existentia Diuinæ potest produci Christus, qui est terminus qui absque eo, quòd producatur existentia. Ad 2. eodem modo dist. ma. Terminus qui, neg; terminus quo rei productæ, conc. *Sed de hoc inf. art. 5. §. 1.* Ad 3. resp. *Funct. Doct. dist. 6. vbi sup. ad 4.* quòd viuere, & vita sumi potest pro ipso esse essentiali, in quo sensu anima dicitur vita corporis; & de hac vita loquendo Christus est mortuus, quia eius anima fuit separata à corpore.

41 Contra hoc vltimum instat *Mastr.* Vel hoc esse essenziale, in quo consistit vita creata Christi, est aliquid reale actuale extra nihil; vel non? Si primum; ergo habet esse existentia. Si secundum; ergo nequit esse terminus generationis, qui debet esse realis actualis, & extra nihil.

Resp. esse aliquid reale per se ipsum, & actuale, seu extra nihil per existentiam incretam, per quam ponitur à parte rei extra nihil. Sicut accidens in subiecto est aliquid essenziale reale per se ipsum, & est actuale, & extra nihil, non tamen per propriam existentiam, sed per existentiam subiecti; ita philosophandum est de natura humana Christi Domini, quæ habet modum accidentis, vt dictum est.

42 Obijc. 5. *idem.* Existentia increata est communis tribus personis; ergo si per assumptionem natura humana esset vnita existentia creatæ, tres personæ Diuinæ essent incarnatæ. 2. Verbum assumpsit naturam indiuiduam, & singularem; sed existentia spectat ad singularitatem; ergo *idem.*

Resp. ad 1. neg. cons; ad hoc enim, vt dicatur solus Filius incarnatus, sufficit, quòd natura humana terminata sit immediatè ad solam filiationem; certum enim est naturam humanam mediante personalitate Verbi vnitam esse naturæ Diuinæ, quæ est communis tribus personis; & tamen tres personæ non sunt incarnatæ; quia natura humana est vnita naturæ Diuinæ tantum; prout est in Filio terminata per filiationem; at natura Diuina, prout terminata per filiationem, est in solo Filio, non in Patre, aut in Spiritu Sancto,

Ad 2. neg. mi; nam indiuidualitas, & singularitas conuenit etiam accidentibus, quibus non competit existentia per se.

43 Contra 1. instat *Mastr.* Ad hoc, vt natura dicatur formaliter subsistere, debet immediate vniri subsistentiæ Diuinæ; ergo si non vnitur immediatè existentia, non potest per illam formaliter existere; ideo eget propria existentia. 2. Ideo essentia, prout in Filio, non est in Patre, quia prout in Filio, adæquatè terminatur; sed natura humana non terminatur adæquatè à Verbo; ergo terminaretur etiam ab alijs personis.

Ad 1. neg. ant; natura enim humana immediatè terminatur ad filiationem, quæ est proprietas personalis Filij; non ad subsistentiam, quæ est communis, vt in *sec. art.* Insuper quauis homo mediante intellectu, & intellectiōe sit intelligens, attamen non sequitur, quod non sit formaliter intelligens; ita à pari; vnde ob hanc etiam rationem neg. ant; & conf. Ad 2. neg. mi; vt diximus *q. 1. art. 9.*

44 Obijc. 6. Nulla perfectio Diuina potest actuare naturam creatam; ergo existentia Diuina non potest reddere existentem naturam creatam; nam reddere existentem est actuare, quæ est reducere de potentia ad actum. Prob. ant. Actuatō creaturæ fit per actum actuantem potentiam; sed actus actuans potentiam passiuam dicit imperfectionem, quæ repugnat perfectioni Diuinæ; ergo idem.

Resp. dist. ant. Non potest actuare naturam creatam per informationem, conc; per simplicem terminationem, neg; de ratione autem existentia formaliter est esse tantum terminum naturæ; quod autem existentia creata informet, ei competit de materiali, prout est in creatura; vt patet de scientia, cui materialiter, prout est in creatura, competit esse formam accidentalem informantem, non autem, prout est in Deo.

A R T. IV.

An Verbum immediatè terminet naturam humanam ratione subsistentia absolutæ, vel relatiuæ?

1 **H**ÆC difficultas in nostra sententia admittente solam subsistentiam absolutam, vt probauimus *10. 1. de Subs. Dei q. 2. art. 4. S. 3;* & negante tres subsistentias relatiuas, vt ostendimus *10. 2. de Trin. q. 6. art. 3;* non habet locum; est enim de subiecto non supponente, quia supponit in Deo præter subsistentiam absolutam dari subsistentias relatiuas, quas nos non admittimus. Vt tamen declaremus, quænam ratio in Verbo sit immediatè terminatiua naturæ humanæ, non est omittenda.

2 Prima sententia vult naturam humanam immediatè, & primariò fuisse vnitam subsisten-

tia absolutæ, secundariò verò, & mediatè personalitati relatiuæ Filij. Ita *Dur. in 3. dist. 1. q. 1;* vbi ait, quod ad hoc, vt solus Filius dicatur incarnatus, non Pater, aut Spiritus Sanctus, sufficit, quod natura humana secundariò terminata sit ad proprietatem relatiuam Filij, non autem ad proprietatem relatiuam Patris, aut Spiritus Sancti.

3 Secunda vult primariò, & immediatè terminatam fuisse ad subsistentiam absolutam, non quidem absolutè, & secundum se, sed vt modificatam proprietate relatiua Filij, sic enim subsistentia absoluta est in solo Filio, non in Patre, aut in Spiritu Sancto, quia in Patre est subsistentia absoluta, vt modificata paternitate, quæ est proprietas relatiua constitutiua personæ Patris; & in Spiritu Sancto est, vt modificata spiratione passiuæ, quæ est proprietas constitutiua personæ Spiritus Sancti. Ita *Sor. Marfil; Victor; Med. hic q. 3. art. 2;* apud quæ alij. Hanc sententiam ait *Gonet*, quod tenetur sequi, qui non distinguunt realiter in creatis existentiam à subsistentia. Sed hanc obligationem non probat; quauis enim, nos asseramus existentiam tantum virtualiter distinguui à subsistentia, non tamen quoad modum loquendi hanc sententiam docemus; & illi, qui admittunt nobiscum distinctionem virtualem inter existentiam, & subsistentiam creatam, & aliunde admittunt in Diuinis tres subsistentias relatiuas virtualiter à subsistentia absoluta distinctas, possunt etiam subnectre naturam humanam immediatè terminari ad subsistentiam relatiuam, æquè bene, ac ipse *Gonet*; quia persona Diuina non constituitur formaliter in ratione personæ per subsistentiam absolutam, sed per subsistentiam relatiuam in hac sententia, & ideo ad hanc potest immediatè terminari, non ad illam; sufficit enim virtualis distinctio.

4 Tertia vult terminari ad subsistentiam relatiuam. Ita *Sua; hic, Cabr; Caiet; Naz; Aluar; Nauarr; Ban; Ioan. à S. Thom; Gonet; Val; Vass; & alij Iuniores.*

5 Nostra tandem docet terminari immediatè ad solam proprietatem personalem constitutiua personæ Filij, scilicet ad filiationem, mediatè verò ad subsistentiam, & naturam Diuinam. Ita *Fund. Doct. locis cit. n. 1. vbijs; & alij ibid. cit; & in 3. sent. dist. 1. p. 1. q. 1. art. 3; & 5; & dub. 1. lat; vbi ait; Natura humana immediatè est unita personæ Filij, & mediante personæ Filij est unita ad naturam Diuinam in Filio; ex quibus verbis apparet ipsum loqui de personalitate, vt contradistinguitur à natura; cum medium distinguatur ab extremis; & ideo asserens naturam humanam vniri naturæ Diuinæ mediante personæ, sumit personam, vt virtualiter distinctam à natura Diuina, aliter non acciperet eam, tanquam medium, vt constat; & *dist. 5. p. 1. q. 1. art. 3;* vbi explicans, quid sit proprietas personalis constituens personam Filij, ait, quod est, pro-*

proprietates incommunicabiles alijs personis, nempe relatio filiationis. Idem tradunt SS.PP; & antiqui DD. ferè omnes.

6 Not. ex Fund. Doct. dist. 5. ubi quòd licet ad constituendam personam requiratur natura intellectualis, subsistentia, & indiuidualitas, vt constat ex ipsa definitione personæ allata à Boetio, & communiter recepta; quia tamen indiuidualitas propriè non sumitur in Diuinis, indiuidualitas enim dicitur indiuiduonem naturæ in se, & diuisionem eiusdem naturæ à quolibet alio indiuiduo habente eandem naturam specie, vel genere, vt patet in creaturis; ideo loco indiuidualitatis ponenda est incommunicabilitas; nam incommunicabilitas, & communicabilitas propriè reperiuntur in Diuinis; natura enim Diuina est propriè communicabilis, & proprietates personales incommunicabiles. Igitur ad hoc, vt hoc nomen *persona* generaliter sumatur, prout conuenit omnibus suppositis, siue Diuinis, siue Angelicis, siue humanis, debet in eius definitione loco *indiuidua pōni incommunicabilis subsistentia*. Sicut enim quia *natura rationalis* cōuenit soli homini; ideo ad hoc, vt persona accipiatur communiter, prout conuenit etiam Angelis, & Diuinis personis; ideo loco *rationalis* ponitur *intellectualis natura*; ita à pari. Tandem quia substantia propriè loquendo dicitur à subsistere accidentibus; propter quod S. P. Aug. lib. 7. de Trin. c. 5. docet, quòd in hoc sensu *Deus non propriè dicitur substantia, quia nulli subsistat*; nullum enim accidens est in Deo; & ideo loco *substantia* ponitur *subsistentia*, quæ importat existere in se, & per se, quod nullam importat imperfectionem; quapropter persona communissimè sumpta definitur *intellectualis naturæ incommunicabilis subsistentia*.

7 Hæc tria tamen non concurrunt ad constituendam personam eodem modo; natura enim concurret tantum materialiter, & vt quid contrahibile, quia plures sunt personæ in eadem natura, vt constat; subsistentia verò, vt aliquod habens esse in se, & per se independentem ab alio, tanquam à subiecto; & incommunicabilitas, vt aliquod independens ab alio, tanquam à supposito, & ideo vt distinguens realiter ab alio supposito. Itaque solum esse, quòd reddit incommunicabile alteri supposito, erit constitutum formale vltimum Diuinæ personæ, quia illam distinguit realiter ab alia personā; sed hoc esse est relatiuum proprium vni tantum personæ; ergo sola relatio propria est constitutum formale vltimum Diuinæ personæ; vt diximus 10. 2. ubi art. 1. Relatio autem non inuoluit in suo conceptu formali subsistentiam, quia *subsistere dicitur ad se*; vt docet S. P. Aug. ubi art. 6. 7; de quo fusè in sup. art. à nu. 10. dictum est; ergo relatio supponit tantum subsistentiam. Quæ propterea concurret ad constituendam personam tantum præsuppositiue, vt contrahibilis,

Mag. Frideric. Nic. Ganardi Tom. 5.

non vt quid differentiale vltimum. Hoc euidenter colligimus etiam ex creaturis; nam anima rationalis separata est subsistens, & tamen non est persona; coniuncta verò corpori, cui adiacet esse indiuiduale, per quod indiuiduatur, statim constituitur persona illud totum, quod ex ipsis resultat; ergo indiuidualitas est vltima ratio formalis signans, caracterizans, & distinguens naturam ab alijs suppositis; adeoque est vltima ratio differentialis constitutiva personæ. Vid. ubi art. 1; & 3.

8 Vnica concl. Verbum Diuinum immediate terminat naturam humanam, non ratione subsistentiæ absolute, vel relatiue acceptæ, sed ratione solius relationis filiationis, à qua tantum desumitur vnitas personalis.

Prob. 1. ex Symb. D. Athan. *Vnus omnino, non confusione substantia, sed vnitate personæ*; & S. P. Aug. in Enchir. c. 35. *In vnitatem personæ accessit Verbo anima rationalis, & caro*. Hoc habent passim Concilia relata art. 2. nu. 1; & 2. Arguitur autem sic. 1. Per illud solum, per quod Filius distinguitur realiter à Patre, & Spiritu Sancto, immediate terminatur humana natura; sed per solam filiationem Filius distinguitur realiter à Patre, & à Spiritu Sancto; ergo per solam filiationem immediate terminatur humana natura. Hoc arg. tam euidentis est, vt à nullo queat negari; præmissæ nanque nulla indigent probatione; ma. enim sic explicatur. Si natura humana terminaretur immediate per Diuinam naturam, vel per aliquod commune tribus Diuinis personis, non esset maior ratio, cur diceretur incarnatus Filius, quàm Pater, aut Spiritus Sanctus, ex eo nanque, quòd creatio sit immediate à natura Diuina, tanquam à principio quod creationis; & à Diuinis personis mediâtè, quatenus scilicet identificantur cum Diuina natura, creatura non dicitur magis creari à Patre, quàm à Filio, & à Spiritu Sancto, sed dicitur ab omnibus simul creari iuxta illud Christi Domini 10. 5. *Pater usque modò operatur, & ego operor*; nec vlllo modo potest produci ab vna personā, non ab alia etiam de potentia absoluta, quia repugnat aliquam personam Diuinam non esse identificatam cum Diuina essentia, quæ est principium quod immediatum creationis; ergo si natura humana immediate terminaretur à natura Diuina, vel ab aliquo communi omnibus tribus personis, terminaretur ab omnibus tribus personis ita, vt neque per potentiam absolutam posset terminari ab vna tantum personā, quia repugnat per quancunque potentiam aliquam ex personis Diuinis non identificari cum Diuina essentia; & ideo repugnat aliquam personam Diuinam non terminare mediâtè naturam humanam; eodem modo nanque Deus est principium, & terminus creaturarum iuxta illud Apoc. 1. *Ego sum Alpha, & Omega*. Mi. est. de fide; nam personæ Diuinæ per solas relationes

T

disting-

distinguantur, vt docent *Concilia*, & nouissimè *Flori*; quod sæpe repetit illud *S. P. Aug. Essentia continet unitatem, relatio verò multiplicat Trinitatem*. Atqui subsistentia siue absolutè, siue relatiuè accepta non est formaliter, & secundum munus explicitum relatio filiationis, quia subsistentia secundum suam rationem formalem explicitam importat esse in se, & per se, vt probatum est in *sup. art.*; relatio verò dicit esse ad aliud; ergo natura humana non terminatur immediate à subsistentia siue absolutè, siue relatiuè sumpta.

9 2. *Concilia*, & *SS. PP.* communiter docent vnionem naturæ humanæ factam fuisse immediate in vnitate personæ Diuinæ; sed subsistentia siue absolutè, siue relatiuè accepta distinguitur secundum conceptum explicitum ab vnitate personæ Diuinæ; ergo subsistentia absolutè, vel relatiuè sumpta non est ratio immediate terminans naturam humanam. Ma. est de fide; habetur enim in terminis apud *Concilia*, & *SS. PP.* & in *Symb. D. Athan.* mox allato. Prob. mi. Conceptus formalis vnitatis personalis est incommunicabilitas alteri personæ; per hanc enim vltimò constituitur persona, vt dictum est; conceptus autem subsistentiæ siue absolutè, siue relatiuè sumptæ est esse; subsistentia enim formaliter dicit *subsistentia sub esse*; sed *subsistentia sub esse*, & non communicari alteri supposito sunt diuersi conceptus, vt constat; quia *sistere sub esse* est quid positium, non communicari quid negatiuum; item *sistere sub esse* est per ordinem ad illud, quod est sub illo esse; illud enim solum dicitur *sistere sub illo esse*, quapropter bene inquit *S. P. Aug.*; quòd *subsistentia ad se dicitur*, non communicari verò alteri supposito est per ordinem ad aliud, seu ad illud suppositum; ergo subsistentia siue absolutè, siue relatiuè accepta distinguitur secundum conceptum explicitum ab vnitate personæ Diuinæ.

10 Dices. Quauis hoc bene probet de subsistentia absoluta, vt absoluta est, & etiam vt est modificata per relationem filiationis; attamen non probat de subsistentia relatiua, quæ est constitutiva personæ Diuinæ, & ideo est distinctiua, atque adeo potest terminare naturam humanam absque eo, quòd illam terminent Pater, & Spiritus Sanctus.

Sed contra est. 1. Subsistentia relatiua formaliter non datur, vt ostensum est 10. 2. *vbisf.* 2. Gratis admissa adhuc immediate non terminaret; quia non est vltimum differentiale constitutum personæ Diuinæ, à quo habetur vnitas personalis, seu incommunicabilitas; ergo secundum illam non desumeretur terminatio immediata naturæ humanæ, quæ iuxta *Concilia*, & *SS. PP.* desumitur formaliter secundum vnitatem personæ, seu secundum vnitatem personalem. Prob. ant. Sicut se habet subsistentia absoluta per ordinem ad suppositum absolutum;

ita subsistentia relatiua per ordinem ad suppositum relatiuum, sed subsistentia absoluta non est id, per quod formaliter habetur vnitas personalis, seu incommunicabilitas alteri supposito; nam anima separata est subsistens, & tamen non est persona, nec est incommunicabilis supposito, aliter non posset communicari propriæ personalitati; suppositualitas autem est simpliciter incommunicabilis, & alteri supposito, & proprio supposito, quia est etiam incommunicabilis sibi ipsi; ergo subsistentia relatiua gratis admissa non est id, à quo formaliter desumitur vnitas personæ, & ideo immediate non terminat naturam humanam. 3. Subsistentia relatiua, seu forma hypostatica, qua constituitur persona Filij, præsupponitur ad relationem filiationis, vt patet *Gonet de Trin. disp. 11. art. 3. §. 2*; ergo nequit esse ratio immediate terminans naturam humanam; nam ratio immediate terminans secundum *Concilia*, & *PP.* est formaliter ipsa relatio filiationis, vt relatio est; quia relatio tantum vt relatio, distinguit; & natura humana non terminatur immediate, nisi ad id, quod formaliter, & primariò distinguit. Tum quia id, quod præcedit relationem, est absolutum; nam præter relationem non datur, nisi absolutum; sed illa subsistentia præcedit relationem, vt ait *Gonet*; ergo est absoluta.

11 Conf. ex *Conc. Tolet. VI.* docente: *Solus Filius assumpsit humanitatem in eo, quod est proprium Filij*; idem habet *Tolet. XI. in confess. fidei*. Ex quo sic. Illud, quod est proprium Filij, est relatio filiationis; sed natura humana immediate vnitur ei, quod est proprium Filij; ergo immediate vnitur relationi filiationis. Explic. ma. Quauis relatio in Diuinis habeat plura munera, scilicet munus proprietatis personalis, generationis actiue in Patre, & generationis passiue in Filio &c.; attamen ratio distinctionis realis habetur à sola relatione, vt relatio est, seu vt exercet munus relationis; quia actio, vt actio est, non distinguit; nam vt actio est, est quid absolutum; quapropter dicere, vt actio est, importat actum essentialem; vt tenet etiam *Gonet contra Scotum*; & sic dicendum de passione, vt est esse intellectum; sed illud solum, per quod Filius distinguitur à Patre, est proprium Filij; ergo id, quod est proprium Filij, est relatio filiationis. Mi. est certa; nam si natura humana non vniretur Filio secundum id, quod est proprium Filij, vniretur secundum id, quod est commune Filio cum Patre, & sic etiam Pater esset incarnatus.

12 Tandem quauis vnitas, quæ est passio entis, importet ipsum ens, non autem meram negationem, aliter non esset passio, quia nulla mera negatio est passio, quæ importat aliquod fluxus per dimanationem à subiecto, vt diximus 10. 1. de *Vnit. Dei art. 1*; attamen quia vnitas importat entitatem modificatam à duplici negatione,

gatione, ideo virtualiter distinguitur ab ente, cui superadditur; ergo quanvis vnitas personalis non sit mera negatio, quia importat esse personale cum duplici negatione; attamen quia importat esse subsistentie modificatum à duplici negatione, distinguitur ab ipsa subsistentia, cui superadditur; & quam vltimò terminat, & reddit incommunicabilem alteri supposito. Atqui natura humana vnitur immediatè vnitati personali, vt docent *Concilia*, & SS. PP; ergo vnitur immediatè esse relatiuo, quod importat negationem communicabilitatis; & constituit vnitatem personalem; non autem subsistentie relatiuæ, quæ secundum suum munus præsupponitur ad esse relatiuum, & per consequens præsupponitur ad vnitatem personalem. Tum quia relatio secundum munus relationis importat esse ad, quod est esse relatiuum, per quod vltimò terminatur persona Diuina, & distinguitur ab alijs, & redditur illis incommunicabilis; sed natura humana immediatè vnitur ei, per quod vltimò terminatur persona Verbi, & per quod distinguitur ab alijs personis, & redditur illis incommunicabilis; ergo natura humana immediatè vnitur relationi, prout habet munus relationis, non prout habet munus subsistentie relatiuæ, quæ præcedit relationem, vt dicunt *Aduersarij*.

13 Dices personas Diuinas vltimò terminari à relationibus, prout habent munus subsistentie relatiuæ, non prout habent munus relationis; & ideo naturam humanam terminari ad relationem, vt habet munus subsistentie relatiuæ, non prout habet munus relationis.

Sed neg. assumpt; si enim personæ Diuinæ non constituerentur formaliter per relationes, vt habent munus relationis, non essent formaliter relatiuæ, quia nihil denominatur formaliter relatiuum, nisi à relatione secundum munus relationis; nam licet eadem entitas in Diuinis habeat munus absoluti, & relatiui; attamen non denominatur absoluta secundum munus relationis, nec relatiua secundum munus absoluti; sic enim confunderentur rationes formales, & denominationes ab illis desumptæ; ergo si personæ Diuinæ non constituerentur formaliter per relationes secundum munus relationis, sed secundum munus subsistentie præciscendo à munere relationis, iam non essent formaliter relatiuæ, nec relatiuæ formaliter denominarentur, sed tantum essent subsistentes, & tales denominarentur; & essent tantum materialiter relatiuæ, quatenus munus relationis esset coniunctum in eadem formalitate cum munere subsistentie, ad quod subsequeretur. Sed hoc est contra SS. PP; & DD. doctrinam asserentium personas Diuinas esse formaliter relatiuas, & constitui formaliter per relationes, in quo distinguuntur à suppositis creatis; ergo constituuntur formaliter per relationes, vt habent munus relationis.

Mag. Frideric. Nic. Ganard: Tom. 5.

14 Tum quia si natura humana vniretur alicui prædicato Verbi Diuini, quod non esset formalissimè relatio filiationis, non vniretur formaliter Filio, vt Filius formaliter est; quia Filius non dicitur Filius, nisi per relationem filiationis, vt relatio est, sicut Pater non est Pater, nisi per relationem Paternitatis; vt relatio formaliter est, & ideo secundum munus relationis; ergo Filius formaliter, vt Filius, non esset incarnatus, sed ad summum esset incarnata persona Diuina, quæ per subsequenter relationem postea denominatur Filius; quemadmodum enim si natura humana immediatè vniretur subsistentiæ absolute, quæ subsequenter est modificanda relatione filiationis, non diceretur formaliter incarnatus Filius, vt concedunt *Aduersarij*, quia ratio subsistentiæ absolute præcedit relationem filiationis; per quam formaliter constituitur Filius; ita à pari. Sed dicere non esse formaliter, & immediatè incarnatum Filium est directè contra *Diuinas Scripturas* docentes Filium esse incarnatum; habetur enim *Isaia 9. Filius datus est nobis*; & *Rom. 8. Deus Filium suum mittens*; & ad *Gal. 4. Misit Deus Filium suum*; ergo *Aduersarij* non seruant modum loquendi *Diuinarum Scripturarum*, & ideo eorum sententia non est subsistenda.

15 Obijc. 1. *Dnr.* Per illud formaliter Verbum terminat naturam humanam, per quod terminat dependentiam humanitatis; sed hanc terminat ratione Diuinæ naturæ; quia omnis creatura dependet à Deo ratione naturæ, non ratione personæ; nam dependet à Deo, vt vnus, non vt trinus est; ergo terminat naturam humanam ratione naturæ, non ratione personalitatis. 2. Si Verbum ratione filiationis terminaret naturam humanam, sequeretur, quòd, vt homo subsistens, referretur ad Patrem, vt ad suum correlatiuum; quia vt homo subsistens, constitueretur per filiationem, per quam refertur ad Patrem; sed cons. est falsum; ergo & ant.

Resp. ad 1. disting. ma. Per quod terminat dependentiam humanitatis in ratione assumibilibis, & terminabilis, conc; sed neg. mi; in ratione creabilis, neg. Ad 2. neg. seq. Ad prob. insert. dist. Vt homo subsistens, constitueretur per filiationem resultantem ex communicatione eiusdem naturæ cum Patre, neg; natura enim humana non est eadem, ac natura Diuina, quam habet Pater; & ideo secundum naturam humanam non refertur ad Patrem, vt ad suum correlatiuum reale; quia Pater non dicit relationem realem ad creaturas; constitueretur per filiationem, ad quam est assumpta natura humana, secundum quam Filius factus est homo, & habet naturam diuersam à Patre, conc.

16 Obijc. 2. Quanvis principium quo generandi in Patre sit natura Diuina, quæ est communis tribus personis; attamen non sequitur, quòd tres personæ Diuinæ generent; ergo

T 2

quanvis

quanvis natura Diuina sit terminus quo terminans naturam humanam, nequit dici, quod omnes personæ Diuinæ illam terminent.

17 Resp. *nosſter Gibb* quod licet nõ sequeretur tres Diuinas personas terminare; sequeretur tamen aliud absurdum; quod scilicet Verbum non terminaret humanitatem in eo, quod est proprium Filij, quod est *cont. Concilia*.

Sed hæc responsio euerit rationem allatam *num. 8*; quam tradit etiam *ipse Gibb*; ideo est dimittenda.

18 Resp. *Genet* disparitatem esse, quia generare est agere, quod requirit principium actiuum, quod non est relatio, sed natura Diuina; at verò terminare non est agere, ideo id, quo fit terminatio, non est natura, sed relatio, quæ habet rationem puri termini.

Sed hoc non soluit; quærit enim arg; cur essentia Diuina, vt modificata paternitate, quanvis communis tribus personis Diuinis, sit principium quo generandi, & non constituat generantes omnes Diuinas personas; natura verò, vt modificata filiatione, terminet naturam humanam ita, vt constituat terminantes omnes personas? 2. Hæc responsio probat essentiam Diuinam non posse villo modo esse terminum naturæ humanæ, quod repugnat doctrinæ allatæ *q. 1. ar. 9.*

19 Resp. igitur neg. conf. & disparitas est; quia ad hoc, vt persona Diuina denominetur generans ad intra, requirit formaliter respectum propositum, qui est paternitas, hæc enim constituit principium quod generans; cum autem paternitas nequeat esse in alijs personis, in quibus est respectus oppositus, ideo, essentia Diuina, nequit illas denominare generantes. At verò ad terminandam naturam ad extra non requiritur respectus propositus formaliter, sed tantum materialiter, quatenus identificatur cum essentia; ergo terminaret formaliter per aliquod commune, & quatenus omnes personæ sunt idem, ac per consequens omnes personæ terminarent. Sicuti enim quanvis natura Diuina, vt in Patre, creet iuxta illud: *Pater usque nunc operatur*; at tamen quia paternitas non concurret formaliter, vt constituens principium quod creationis, sed tantum identice, vt est idem cum natura Diuina, ideo omnes tres personæ dicuntur creare ita quanvis natura, vt in Filio, immediate terminaret naturam humanam; quia tamen filiatione concurreret tantum identice ad terminandum, quatenus est idem cum natura; ideo omnes personæ terminarent.

20 Obijc. 3. Paternitas intimius vnitur, quia identificatur, cum essentia Diuina, quam humanitas, quæ non identificatur; & tamen ex eo, quod paternitas vniatur cum Diuina essentia, non sequitur, quod paternitas vniatur cum filiatione; ergo ex eo, quod natura humana immediate vniatur cum natura Diuina, non sequitur, quod vniatur cum Diuinis personis,

2. Verbum per illud immediate vnitur humanitati, quod prius illi tribuit; sed hoc est esse subsistentiæ; nam prius illi tribuit, quod prius continet in se; essentialia autem sunt priora notionalibus; ergo idem. 3. Verbum terminat, quatenus gerit vicem suppositi creati; sed suppositum creatum terminat immediate per substantiam absolutam; ergo & Verbum.

Resp. ad 1. iam dictum fuisse. Neg. igitur conf.; nam paternitas ita vnitur essentia Diuinæ, vt sit terminus formaliter oppositus filiationi, ideo nequit vniri cum filiatione; at verò natura humana ita vniatur cum natura Diuina, vt nullam oppositionem haberet ad Diuinas personas; ideo cum illis vniatur. Ad 2. dicitur, quod si arg. valeret, concluderet Verbum vniri in ratione entis, vt sic, quæ est prima ratio infinita in omni re, Neg. igitur mi; nam prius illi tribuit vnitatem personalem, ad quam assumitur; & mediante ipsa vnitatem tribuit illi subsistentiam, quæ cum personalitate identificatur. Ad 3. neg. mi; nam suppositum creatum prius dat esse incommunicabile, quod est ratio differentialis constitutiva suppositi, vt dictum est.

Inst. Quanvis natura humana vniatur mediatè naturæ Diuinæ, non tamen dicitur mediatè vniri personis Diuinis, aliter Pater, & Spiritus Sanctus essent saltem mediatè incarnati; sicut ex eo, quod natura humana sit mediatè vnita naturæ Diuinæ, dicitur mediatè incarnata; ergo à pari.

Resp. neg. conf. ob eandem rationem; natura enim humana immediate vnita filiationi vnitur mediatè Diuinæ naturæ, quia filiatione non opponitur naturæ Diuinæ; at verò natura humana vnitur filiationi, quæ opponitur alijs personis; & ideo illis nullo modo vnitur.

22 Obijc. 4. Effectus formalis primarius personalitatis est dare esse subsistens; hinc *Theologi cum SS. PP.* asserunt humanitatem esse assumptam ad subsistentiam Diuinam, quod de assumptione immediata est intelligendum; ergo natura humana immediate terminata est ad subsistentiam relatiuam.

Resp. dare esse subsistens esse effectum non vltimum, & differentialem personalitatis, vt dictum est; vltimum autem esse dare esse vnum, & incommunicabile. Cum autem *Theologi* aiunt humanitatem immediate assumptam esse ad subsistentiam Diuinam, loquuntur de personalitate integraliter, & adæquatè accepta secundum omne illud, quod includit; includit enim subsistentiam, sed absolutam, non relatiuam, vt dictum est. *SS. PP.* autem præsertim *Græci nomine subsistentiæ* intelligebant personalitatem; non enim volebant vertere hypostasim nomine personæ, vt dictum est *10. 1. vbi*. Nos autem *hic* sumimus subsistentiam secundum suam propriam rationem, quam habet apud *Latinos*; non quam habuit apud *Græcos*. Additur *Concilia, Symbol. D. Athan.*

D. Arian. in hoc Concilio approbatum, & ferè omnes SS. PP. explicare naturam humanam assumptam fuisse in vnitatem personæ Diuinæ, & hoc ab eis intelligi nomine subsistentia.

ART. V.

An eadem actione creata sit anima, productum sit corpus Christi Domini, & utrumque unitum Verbo Diuino?

HÆresis fuit *Origenis* sentientis animas omnes rationales creatas fuisse, antequam infunderentur in corpora; & per consequens etiam animam Christi Domini præexistisse ante incarnationem, & natiuitatem ex Virgine. *Theodorus Mopsuestiensis, Nestorius, & alij* relati in *V. Syn.* voluerunt prius productam fuisse personam humanam, & postea vnitam fuisse personæ Verbi Diuini. Fertur etiam *Eurychianos* sensisse humanitatem prius tempore fuisse productam, & postea assumptam à Verbo. Consequenter hi omnes tenere diuersis actionibus creatam fuisse animam, & corpus Christi Domini, ac assumptam fuisse eius humanitatem à Verbo. Damna fuerunt in *V. Syn.* vt inf.

2 *Catholici omnes* concorditer fatentur creationem animæ Christi Domini, productionem carnis, & vnionem vtriusque ad Verbi personam fuisse in eodem instanti temporis; sed disputant, an hæc facta sint vnicâ actione, vel pluribus? Loquantur autem de actione, prout est actio indiuisa totius Trinitatis inseparabiliter operantis ad extra incarnationem; & actiue, prout talis actio dicitur vniciu actiua extremorum; non autem passiue terminatiue, prout dicitur vnio eorumdem extremorum.

3 Prima sententia vult creationem animæ rationalis, generationem corporis, & assumptionem humanitatis ad personam Verbi esse tres actiones realiter distinctas, adeoque actionem assumptionis, seu incarnandi esse merè vnituiam humanitatis ad Verbum; non verò productiuam eiusdè humanitatis. Referuntur *Aleni, Dur; Sua; Amic; Auerfa; Arriag; Bec; Rada; Gonet* hic disp. 6. art. 4; vbi ait hanc sententiam communiorē esse in schola *D. Tho; Mañr. hic disp. 1. q. 1. q. 4. art. 2; & alij.*

4 Nostra tamen conformius ad modum loquendi SS. PP; & Conciliorum docet vna, & eadem actione realiter indistincta creatam fuisse animam, productam carnem, & vnitam inter se ac ad personam Verbi; quauis natura vnum aliud præcedat. Ita *Fund. Doct. hic disp. 2. par. 2. art. 2;* vbi docet, quod per actionem non fit, nisi totū, partes autem fiunt ratione totius ex *Phil. 1. Phys; & art. 4.* Hoc docet etiam *D. Thom. 3. p. quest. 6. art. 5; & in 3. disp. 2. q. 2. art. 3; Gabr. hic art. 1. disp. 2; Caiet; & alij.*

5 Vnica concl. Vna, & eadem actione totius Trinitatis actiue operantis mysterium in-

carnationis creata est anima Christi, productum corpus, & natura humana ex corpore, & anima conflata assumpta fuit, & vnita ad Diuini Verbi personam.

Prob. 1. ex *V. Syn. anathematismo 2.* docente: *Si quis dicit, aut sentit animam Domini præexistentem, vnitamque esse Deo Verbo ante incarnationem, & natiuitatem ex Virgine, anathema sit; & anathem.* 3. Si quis dicit, aut sentit prius formatum esse corpus Domini nostri Iesu Christi in utero Virginis sanctæ, & deinceps vnitum esse ei Dei Verbum, atque animam, vt quæ prius extiterit, anathema sit. Idem docet *S. P. Aug; seu Prosper ex S. P. Aug. lib. de fide ad Petrum cap. 16.* Nullatenus dubites non carnem Christi sine Deitate conceptam in utero Virginis, priusquam susciperetur à Verbo, sed ipsum Verbum Deum suæ carnis accptione conceptum; ipsamque carnem Verbi Dei incarnatione conceptam; & *S. Fulg. lib. de Incarn; & grat. c. 3.* Ipsa accptio carnis conceptio est Virginis; & *S. Leo ep. 11. ad Italian.* Natura nostra non sic assumpta est, vt prius creata, postea assumeretur, sed vt ipsa assumptione crearetur. Ex quibus arguitur. Asserere animam, & corpus Christi Domini extitisse præcedenter ad incarnationem, seu assumptionem humanitatis ad Verbum est directè contra definitiones allatas; sed sententia opposita asserit animam, & corpus Christi Domini extitisse præcedenter ad incarnationem, seu assumptionem humanitatis ad Verbum; asserit enim animam, & corpus fuisse producta per aliam actionem distinctam ab actione incarnatiua, assumptionis, & vnituiam humanitatis ad Verbum, productio autem terminatur ad existentiam, vt constat; & hoc præcedenter ad actionem vnituiam, quia actio vnituiam simpliciter, non productiua extremorum, supponit extrema iam existentia, aliter esset vnituiam extremorum actu non existentium, quod implicat; ergo sententia opposita est directè contra definitiones allatas.

6 Resp. *Aduersarij communiter* facilem esse solutionem; Concilium scilicet, & SS. PP. loqui de similitudine temporis, non autem de similitudine naturæ, quæ potest esse cum diuersitate actionum, quarum vna aliam præcedat præcedentia naturæ, non temporis; & hoc colligi ex nostro *D. Fulg;* qui loc. cit. subdit: *Non est igitur aliquod intervallū temporis existimandū inter conceptionis initium, & concipiendæ Matris aduentum.*

Sed facilius est huius euasione reiectio, qua euidenter prob. nostra sententia. 1. Idem Concilium cap. 4. statuit: *Vnitio enim per compositionem in mysterio Christi non solum inconfuse ea, quæ conuenerunt, conseruat, sed neque diuisionem suscipit.* Ex quo sic. Conseruatio est continuata productio, vt communiter dicitur; sed Concilium asserit actionem vnituiam conseruare omnia, quæ conuenerunt ad constituendum Christum; ergo manifestè asserit actionem vnituiam omnia ea produxisse; & per consequens apertè loquitur

tur de similitudine actionis, non autem de sola similitudine temporis. Præterea *Concilium* inquit actionem vnitivam, qua conseruantur omnia, quæ concurrerunt ad constituendum Christum; non admittere diuisionem; ergo manifestè loquitur de similitudine actionis; actio enim quæ diuisionem non suscipit, simultanea est, & identica; quia per eam omnia producuntur. 2. *SS. PP.* docent animam, & corpus Christi assumptione fuisse producta, & creata; imò ipsam assumptionem fuisse creationem; ergo euidenter docent assumptionem, & creationem non esse actiones distinctas; quæ enim distinguuntur inter se, implicat, quòd affirmetur ad inuicem; cum distinctio definiatur *negatio vnius de alio*; & identificatio *affirmatio vnius de alio*; atqui *SS. PP.* affirmant expresse de assumptione creationem, animæ, & conceptionem corporis; ergo docent assumptionem, creationem, & productionem, esse vnā, & eandem rationem realiter indiuisam. *D. Fulg.* autem infert illas actiones esse simul tempore, quia per identitatem sunt simul; pugnat enim, quòd ea, quæ identificantur realiter, in diuerso tempore existant.

7 Prob. 2. ratione *Fund. Doct.* & *D. Thom.* quam insinuat etiam *idem Conc. vbiq.* Sola multiplicatio termini totalis *qui* multiplicat actionem productiuam illius; sed Christus est vnus tantum terminus totalis *qui* productus per creationem animæ, productionem corporis, & vnitioem humanitatis ad Verbum; ergo est vnus tantum actio, qua creata est anima, productum corpus, & humanitas ad Verbum vnita. Maparet; quia ab eo sumit actio multiplicationem, à quo sumit specificationem; cum specificatio, vnitas, distinctio &c. *secundum Phil. 1. Met.* ab eodem sumantur; & ratio est; quia vnitas, & multiplicitas sequuntur esse, cum sint passiones sequentes ad ens; esse autem principaliter, & per se competit toti, quia solum totum per se existit, partes autem existunt in toto, & ratione totius; ordinantur enim ad totum, & quod ordinatur ad aliud, est ratione illius, non ratione sui; ideo ab eo sumitur vnitas, & multiplicatio, à quo sumitur specificatio; sed actionis specificatio sumitur à termino totali *qui*; secus tot essent actiones productivæ: alii cuius totius, quot sunt partes illius; & sic cum in continuo sint infinitæ partes, infinitæ actiones producerent continuum; ergo sola multiplicatio termini totalis *qui* multiplicat realiter actionem productiuam illius. Mi. est de fide; habetur enim in *Symb. D. Athan.* *Non duo tamen, sed vnus est Christus*; & *sup.* probata est *contra Nestorium*. Tum quia potentia specificatur, & multiplicatur solum ab obiecto totali; ergo & actio; ista enim tria, scilicet potentia, actio, & obiectum, quod est terminus, ad quem per actionem tendit potentia, se habent per ordinem.

8 Conf. euertendo rationem *Aduersariorū*,

Ex eo, quòd materia, & forma realiter distinguantur; & materia prioritate naturæ præcedat formam, non deducitur, quòd in primis earum productione materia, & forma sint productæ à Deo diuersis actionibus; ergo à pari. Ant. quoad 1. part; materiam scilicet, & formam realiter distingui, est apud omnes indubium. Materia verò prioritate naturæ præcedere formam prob. à *Bearfs. P. Aug. lib. 1. de Gen. ad lit. c. 15.* docente: *Sed quia illud, vnde fit aliquid, est non tempore, tamen quadam origine prius est, quam illud, quod inde fit.* Idem habet 12. *Conf. c. 12.* Quod enim fit ex aliquo, supponit illud aliquo modo prius, aliter fieret ex nihilo, non ex aliquo, quia nihil supponeret, ex quo fieret; forma autem fit ex materia, quia est materialis, quanuis simul cum illa creetur; si enim non fieret ex materia, non esset, nec dici posset materialis; ergo materia prioritate naturæ præcedit formam; nec hoc negat *Conc. cum Thomistis*. Tandem quòd ex his non deducatur materiam, & formam productas fuisse diuersis actionibus, fatentur *idem Thomistæ in Phys.* vbi aiunt materiam non habere existentiam distinctam ab existentia formæ, quia actione diuersa non producitur; & ideo inconsequentiar arguendi sunt, qui hic tenent sententiam oppositam. Tum, quia actio, qua Deus produxit simul materiam, & formam; quia *Dei perfecta sunt opera*; non produxit solam materiam, ex qua postea eductæ sint formæ elementorum, vt diximus *1. m. 3. in Hexam. art. 5. nu. 6*; sed vtrunque simul creauit vnica indiuisibili actione explicata nobis in *Scriptura* per illud *Fiat*; per quod non dixit: *Fiat materia lucis; materia Firmamenti, materia luminarium*; sed dixit: *Fiat Lux: Fiat Firmamentum: Fiant Luminaria*; quibus verbis significatur nectum materia, sed etiam materia; ergo vna, & eadem actione fecit materiam, & formam, quanuis prioritate naturæ materia formam præcesserit. Tum quia sicut materia præcedit formam in genere causæ materialis, & ideo illa est prior, quia est causa illius in illo genere; ita forma in genere causæ formalis præcedit materiam, quia in tali genere exercet suam causalitatem in illam; sed præcedentia, qua forma præcedit materiam prioritate originis, seu causalitatis, aut naturæ, nequit sumi penes existentiam; implicat enim aliquod simul esse prius, & posterius secundum eandem rationem; & forma secundum existentiam esset posterior materia, quatenus materia existeret prius, quam forma, prout forma est illius effectus; & secundum existentiam esset posterior materia, quia existeret prius, quam materia, vt illius causa; adeoque secundum eandem rationem existentie simul esset prior, & posterior; ex quo rectè infertur præcedentiam formæ non desumi penes existentiam, sed penes causalitatem; ergo à fortiori idem dicendū de præcedentia materiæ, cui minùs competit

petit existentia, cum sit potentia passiva; quam formam, quæ est actus; & per consequens ex hoc nequit deduci materiam, & formam esse productas distinctis actionibus. Conf. inferitur ex paritate rationis; sicut enim materia, & forma, quæ sunt partes compositi physici, non sunt productæ distinctis actionibus, sed per vnica tantum actionem, per quam productum est ipsum compositum physicum; & sicuti per illam actionem partes huius compositi fuerunt vnitæ inter se, & supposito, quod ex illis fuit constitutum; aliter illa actio non produxisset compositum, quia compositum essentialiter importat partium distinctarum vnionem; vt dicitur in eius definitione; ita per vnica, & eandem actionem, per quam productus fuit Christus Dominus, productæ sunt partes illius, nempe anima, & corpus; & vnitæ fuerunt inter se, & vnitæ supposito Verbi Diuini.

9 Idem dicendum est de creatione Angeli; cum enim eius natura distinguatur realiter ab eius personalitate, non posset Deus creare Angelum vna actione, sed triplici, quarum vna crearet naturam, altera personalitatem, & tertia vnionem vtriusque; quod quam sit alienum à ratione, de se est manifestum.

10 Imò sequeretur, quod cum personalitas in Diuinis personis virtualiter distinguatur à natura Diuina; sequeretur, inquam, personam Diuinam non produci, nisi productione virtualiter triplici; quarum vna terminaretur ad communicandam naturam; altera ad producendam personalitatem; & tertia ad vniendam personalitatem, cum natura; sicut enim se habent partes alicuius totius realiter distinctæ ad actionem realem, qua producantur, vt distinctæ; ita plures rationes virtualiter distinctæ ad productionem, qua producantur, vt virtualiter distinctæ; sed illæ, quia producantur, vt realiter distinctæ, exigunt triplicem actionem realiter distinctam; ergo istæ, quia producantur, vt virtualiter distinctæ, exigent triplicem actionem virtualiter distinctam; quod à nullo diceretur.

11 Prob. 3. ex Fund. Doct. vbi, art. 4. Si in priori naturæ produceretur natura humana per actionem distinctam, pro illo priori haberet existentiam; implicat enim produci, & non habere existentiam, quia produci est duci extra causas per existentiam actuale in se ipso; sed non haberet existentiam Diuinam; nam pro illo priori adhuc non esset vnica personæ Diuinæ, per quam vnionem solum potest existere per existentiam Diuinam; ergo haberet existentiam creatam. Sed Verbum assumendo naturam humanam nihil destruxit de facto coniunctum cum illa; quia assumptio fuit actio perfectiua, non corruptiua, & tantum impeditiua subsistentiæ creatæ, ne resularet, non autem destructiua illius de facto iam positæ; vt communiter docent SS. PP; & DD; ergo natura humana man-

fisset cum existentia creata. Atqui hoc non tenet Gonet; & contra alios fusè probatur est in sup. art; nam si Verbum assumpsisset naturam existentem, assumpsisset suppositum; ergo vnica tantum fuit actio, qua creata fuit anima, productum corpus, & assumpta humanitas ad Verbum. Vid. in sup. art.

12 Tandem actio assumptiua, & vnitiua humanitatis ad Verbum vocatur factiua, non tantum vnitiua; nam 1o. 1. dicitur: *Et Verbum caro factum est*; & in Symb. Nican. *Et homo factus est*; quem modum loquendi passim habemus in Scripturis, & apud SS. PP; ergo sententia asserens actionem assumptiuam non esse factiuam, est contra modum loquendi *Diuiinarum Scripturarum*, SS. PP; & DD; sed asserere non esse productiuam, est asserere non esse factiuam; quia producere importat actionem causæ efficientis, & ideo idem est, ac facere, quod idem sonat, ac efficere; & efficere formaliter dicit actionem causæ efficientis; ergo asserere actionem assumptiuam non esse productiuam, sed merè vnitiuam extremorum iam antea productorum, est contra modum loquendi *Diuiinarum Scripturarum*, SS. PP; & DD.

13 Obijc. 1. *Mastr.* Humanitas Christi habet propriam existentiam creatam; ergo fuit prius producta, quam assumpta; & ideo assumptio non est productiua humanitatis, sed simpliciter vnitiua; atque adeo danda est alia actio, per quam producta fuit humanitas. Prob. ant. Prius est rem existere per propriam existentiam, quam vniri alteri distincto; ergo prius est humanitatem existere, quam vniri Verbo; sed existentia, qua humanitas existit, antequam vniatur Verbo, non est existentia Verbi; ergo est existentia creatæ, quam habet humanitas. 2. Eadem humanitas singularis poterat à Deo produci, & conseruari absque eo, quod vniretur; item potest à Verbo dimitti absque eo, quod abeat in nihilum, etiamsi nullum esse ei superaddatur; ergo non fuit producta per eandem actionem, per quam fuit assumpta; aliter non posset Deus eam conseruare dimissam, quia conseruatio est *continuada productio*; & ideo si non continuaret assumptionem, illam non conseruaret. 3. ex *Amic.* Incarnatio succedit productioni subsistentiæ creatæ, sicut Verbum succedit subsistentiæ creatæ, & stat loco ipsius, quia gerit vices illius; sed productio subsistentiæ creatæ distinguitur à productione naturæ creatæ; ergo idem.

Resp. ad 1. neg. ant. Ad prob. neg. ant; nam in prima rerum conditione non fuit prius creata materia, quam forma; neque prius fuit creata subsistentia Angeli, quam natura Angeli, quas certum est distinguere realiter; sed simul fuisset creatas, & vnitas; nam si natura Angeli fuisset prius creata, quam sua subsistentia, iam illa fuisset existens in se, & per se ante subsistentiam, non

non enim potest illi cōuenire existentia in alio; & ideo esset subsistens ante subsistentiam; quia subsistentia nihil aliud est formaliter, quàm existentia in se, & per se; vt diximus *in sup. art.* Ad 2. neg. ant; implicat enim, quòd natura creata producat in esse, & conseruet sine existentia in se, & per se, & quæ est existentia illi propria; existentia autem in se, & per se est formaliter subsistentia, vt dictum est. Ad 3. neg. mis; natura enim substantialis non producit, nisi per subsistentiam, per quam solum ponitur actu extra suas causas in rerum natura.

14. Obijc. 2. *Lug.* De facto concedendus est aliquis ordo prioritatis, & posterioritatis inter humanitatem, & vnionem hypostaticam; ergo & inter actiones, quibus producta est humanitas, & vnio hypostatica; nam idem ordo concedendus est actionibus, qui conceditur earum terminis. Prob. ant. Humanitas tam quoad partes singillatim sumptas, quàm secundum se totam est prior natura vnione hypostatica; nam vnio hypostatica succedit vnioni, quæ habitata fuisset per propriam subsistentiam, & ideo cum eodem ordine, quo posita fuisset propria subsistentia; hæc autem fuisset posterior natura humanitate; ergo idem.

Resp. dist. ant. Concedendus est aliquis ordo prioritatis, & posterioritatis in genere causæ materialis, & formalis, sicut conceditur inter potentiam passiuam, & actum, conc; in genere causæ efficientis ita, vt vna efficienter producat ante aliam, neg. Ad prob. dicitur humanitatem præcedere subsistentiam in genere causæ materialis eo prorsus modo, quo materia præcedit formam. Sicuti quauis materia præcedat formam in genere suo, quia recipiens præcedit receptum; attamen materia, & forma per vnā, & eandem actionem producantur ab efficiente, & in hoc genere simul se habent; ita à pari.

15. Obijc. 3. Implicat, quòd vna, & eadem actio terminetur ad esse substantiale, & accidentale, quia actiones essentialiter distinguuntur per terminos *ex 5. Phys.* sed actio productiua humanitatis est verè, & propriè substantialis; actio verò vnitiua humanitatis cum Verbo est essentialiter accidentalis, quia terminatur ad puram relationem; ergo idem. 2. Implicat, quòd vna, & eadem actio terminetur ad esse naturale, & supernaturale; quia actio naturalis exigit terminum naturalem, supernaturalis verò supernaturalem; & ideo eadem actio nequit esse naturalis, & supernaturalis quoad essentiam; sed humanitas est naturalis, & vnio hypostatica est supernaturalis quoad essentiam; ergo idem. 3. Implicat aliquod esse naturale, & supernaturale; substantiale, & accidentale etiam secundum diuersas rationes; nam substantialitas, & accidentalitas; naturalitas, & supernaturalitas sunt differentie intrinsecæ rei; quæ nequeunt termi-

nari ad eundem terminum, aliter actiones non distinguerentur per terminos.

Resp. ad 1. dist. ma. Implicat vnā, & eandem actionem terminari ad esse substantiale, & accidentale æquè primò, tanquam ad duos terminos primarios specificatiuos, conc; non æquè primò, sed tanquam ad vnū terminum primum specificatiuum, & alterum secundarium, neg; sicut enim idem actus scientiæ Dei terminatur ad obiectum primum, & secundarium; ita eadem actio productiua terminatur ad substantiam, tanquam ad terminum primum; & ad accidentia, tanquam ad terminos secundarios, qui producantur ratione substantiæ, & per existentiam illius existunt. Ad mi. dicitur, quòd quauis actio assumptiua habeat modum actionis accidentalis, quatenus non producit substantiam existentem in se, & per se per propriam existentiam, sed existentem per existentiam alterius; est tamen secundum rem substantialis, quia terminatur ad substantiam; nec relatio realis resultans in humanitate est terminus, sed aliquid resultans in termino; quia terminus totalis, qui terminat, & specificat talem actionem, est Christus, qui est substantia, non accidens. Ad 2. dist. eodem modo. Terminetur ad esse naturale, & supernaturale, tanquam ad specificatiuum formale, primum, & immediatum, conc; tanquam ad rationes materialiter imbibitas in aliqua ratione superiori illis communi, neg; nam actio Dei formaliter, & immediatè tendit in ens, vt ens, & ab ente, vt ens, specificatur; quia tamen ens continet sub se naturale, & supernaturale, tanquam modos differentiales inferiores, à quibus non specificatur; ideo eadem actio tendit in ens naturale, & supernaturale. Sicut enim actio visiva nequit specificari ab albedine, & nigredine, quæ sunt rationes oppositæ; attamen potest specificari à colore, *vt sic*, qui continet albedinem, & nigredinem; & ideo potest tendere in vtranque; ita à pari. Ad 3. neg. assumptum; nam complexum ex intellectu, & lumine gloriæ est naturale secundum entitatem intellectus; & supernaturale secundum entitatem luminis ita tamen, vt entitas naturalis intellectus sit potentia passiuæ receptiua eleuabilis; & lumen sit forma, & actus eleuans ad supernaturalitatem. Sic natura humana est potentia passiuæ determinabilis, & eleuabilis ad vnitatem suppositi Diuini; ipsum autem suppositum Diuinum est actus terminans, & eleuans; & sicuti per eandem actionem potest Deus creare intellectum cum lumine; quia sicuti potest donare creaturæ lumen gloriæ post creationem creaturæ; ita potest illud concreare in intellectu creaturæ in primo instanti creationis; vt de facto concreauit in intellectu Christi Domini; qui in primo instanti sue creationis vidit Deum intuitiue; ita potuit per eandem actionem creare Christi humanitatem, & illam assumere ad personam.

sonalitatē Verbi. Nec illa actio terminatur ad diuersos terminos totales, quia vnus Christus est terminus totalis, sed ad diuersos terminos, veluti partiales, à quibus non sumitur specificatio, & multiplicatio actionis, vt dictum est.

16 Obijc. 4. Ex eo, quòd aliquod alteri vniatur, non intelligitur ex vi illius vnionis produci, sed supponitur productum per aliam actionem; vt anima rationalis supponitur producta per creationem, antequam vniatur corpori; nam vnio animæ ad corpus est generatio, quæ differt à creatione, vt constat; ergo idem.

Resp. neg. ant; nam anima rationalis producit in corpore, non extra corpus; & ex eo, quòd producat in corpore, producit, vt vnita corpori; quia ad vniendum actum cum potentia sufficit, quòd simul ponantur, se ipsis enim immediatè vniuntur. Ad id, quod additur de differentia generationis, & creationis, dicitur, quòd generatio dicitur respectu creaturæ, non respectu Dei; non enim dicitur Deus generare creaturam, sed creare; vnde per eandem actionem, qua Deus creauit materiam, ab antiquo perseuerantem creat animam; quia illa actio terminatur ad totum suppositum hominis, quod est terminus totalis illius actionis. *Vid. 10. 3. de Creat. q. 2. art. 1;* vbi diximus actionem, siue qua creat ex nihilo, siue qua administrat materiam à se creatam, esse formaliter creationem; quia per ipsam producit materiam, & formam.

17 Dices hoc probare actionem ex parte Dei esse vnam, quia omnia etiam successiue producit; non autem ex parte creaturæ; quæ simul non producit cum alia creatura; & ideo per diuersam actionem producit; *hic autem esse sermonem de actione ex parte creaturæ.*

Resp. neg. assumptum; nam actio Dei etiam per respectum ad creaturam specificatur, & multiplicatur solum per terminos totales, qui tantum propriè dicuntur produci; termini autem totales sunt supposita, non partes suppositorum; quia sola supposita dicuntur per se produci, partes verò non producuntur, nisi ratione suppositorum; ergo actio Dei etiam ex parte creaturæ non multiplicatur, nisi ad multiplicationem suppositorum; cum autem in Christo non sit, nisi vnum suppositum, quauis in ipso sint plures partes, ideo per vnam tantum actionem producit in tempore, de qua productione solum sermo est in presenti.

18 Obijc. 5. *Gonet.* Distinctio realis; & specifica actionum sumitur ex distinctione specifica terminorum; vt docet *D. Tho. 1. p. q. 77. art. 1;* sed creatio animæ, generatio humanitatis, & assumptio habent diuersos terminos; nam terminus formalis creationis animæ est ipsa anima, quæ ex nihilo educitur; terminus formalis generationis est humanitas; & terminus assumptionis est substantia Verbi, vt communicata naturæ

humanæ; & hi tres termini specificè distinguuntur inter se, vt constat; ergo idem. 2. Actio assumptiua est altioris ordinis, quàm actio creatiua animæ rationalis, & productiua humanitatis; nam actio assumptiua pertinet ad ordinem, hypostaticum, & supernaturalem, actio verò creatiua, & productiua sunt ordinis naturalis; ergo actio assumptiua nequit esse eadem cum actione creatiua, & productiua; nam quauis B. Virgo per modum causæ principalis concurrat ad productionem humanitatis Christi; non tamen concurrat etiam instrumentaliter ad vnionem hypostaticam, vt diximus *q. 4. art. 1;* si autem assumptio, & productio essent vna actio, B. Virgo non posuisset concurrere ad productionem humanitatis, & non ad assumptionem; ergo idem. 3. Assumptio non est actio creatiua, quia creatio est ex nihilo, assumptio verò est ex præsupposito subiecto, nempe Verbo Diuino, & humanitate; ergo idem. 4. Creatio animæ Christi est eiusdem rationis cum creatione animæ nostræ; sed creatio animæ nostræ non est assumptio; ergo nec creatio animæ Christi.

Resp. ad 1. dist. ma. Ex distinctione specifica terminorum totalium, conc; veluti partium; neg. Cum igitur anima, humanitas, & substantia constituunt vnum terminum totalem, qui est Christus; ideo constituunt vnam tantum actionem ex parte Dei, cui repugnat agere, vt causa partialis, quæ essentialiter importat imperfectionem, cum indigeat consortio alterius concausæ, sine qua nequit producere effectum. Ad 2. dist. ant. Actio assumptiua est altioris ordinis, quàm actio creatiua simplex, conc; quàm actio creatiua, quæ est simul assumptiua, neg; nam quauis visio beata sit altioris ordinis, quàm scientia naturalis, per quam videntur res naturales; attamen possunt res naturales videri per visionem beatam, non quidem in se ipsis, sed prout continentur in Deo; & illa visio beata est simul visio Dei, & rerum naturalium in Deo; ita quauis actio simpliciter creatiua sit inferioris ordinis, & per ipsam non assumatur creatura ad Diuinam personam; attamen actio assumptiua simul est creatiua, quatenus natura, quæ creatur, creatur vnita Diuino supposito. Ad id de B. Virgine dicitur, quòd B. Virgo egit per actionē Dei, quatenus fuit productiua, non quatenus fuit assumptiua; actio enim Dei, quauis vna tantum realiter, attamen habuit tria muna, scilicet assumendi, creando, & producendi; B. Virgo autem participauit tantum munus producendi humanitatem, non autem munus creando, & assumendi; sicut cognitio Dei, quauis vna, est tamen quiditatiua, & comprehensiuā; & tamen Beati participant illā, vt quiditatiua est, non vt comprehensiuā; ita à pari; & quauis actio B. Virginis sit distincta ab assumptione, non tamen probat actionem Dei creatiuā animæ Christi distingui ab assumptione;

ptione; de quo tantum procedit questio; non enim querimus, an assumptio differat ab actione B. Virginis; sed an Deus per eandem actionem produxerit animam, humanitatem, & vnuerit ad Verbum? Ad 3. dicitur eodem modo; nam assumptio non est actio tantum creatiua, sed simul creatiua humanitatis, & vnitiua ad Diuinum suppositum. Ad 4. dist. ma. Creatio animæ Christi secundum munus creationis est eiusdem rationis cum creatione animæ nostræ, conc; secundum quodlibet munus, neg; habet enim munus assumptionis, per quod differt à creatione animæ nostræ. Imò potest retorqueri; nam sicut creatio animæ nostræ habet vnire animam nostram supposito creato; ita creatio animæ Christi, quæ habet supplere vices suppositi creati per supposititatem increatam, habet illam vnire supposito Diuino; & in hoc differt à creatione animæ nostræ.

§. I.

Quinam sint termini actionis assumptionis?

19 **E**tiam hic sermo est de actione ex parte solius Dei consideratæ, sicuti locuti sumus in sup. art; nam si sermo sit de actione generatiua ex parte ipsius Virginis, certum est terminum formalem esse naturam humanam, secundum quam fit assimilatio inter generantem, & genitum, vt dicemus; ad quam generationem B. Virgo tantum concurrat subministrando materiam, vt diximus q. 4. art. 1.

20 Duplex terminus assignatur communiter in omni productione substantiali. Vnus est terminus totalis, & adequatus, qui adequatè respondet actioni, & illam terminat, seu ad quem vltimatè ordinatur actio. Alter est formalis, & inadequatus, qui est ratio formalis constituens terminum totalem eo, quia terminat naturam, & simul cum illa constituit effectum productum per illam actionem. Circa terminum totalem, & adequatum actionis assumptionis nullum est dissidium; sed tota controuersia est circa terminum formalem inadequatum, qui est constitutus terminus adequatus, & totalis. Quotiescunque enim aliquis effectus componitur ex pluribus, quorum vnum est potentiale, indifferens, & terminabile; & ex altero, quod est actuale, determinatum, & terminatiuum; tunc necessariò dicendum, quod vnus tantum est terminus determinans alterum, & constituens ipsum totum in ratione termini totalis. Circa hoc igitur questio est, & non modica consilio inter Recentiores.

21 Prima sententia creata terminum formalem esse ipsam vnionem, qua Verbum Diuinum copulatur humanitati. Ita *Mastr. hic disp. 1. q. 4. art. 2. à nu. 167*; apud quem *Faber,*

Rada, Bellutus. Refertur etiam *Sua. hic disp. 8. sect. 3; & ex nostris Gibb. hic disp. 5. dub. 7; noster Bernardinus, & alij. Sua. tamen, Lor; & Lugo,* vt notat *Gibb*; voluerunt, quòd si assumptio consideretur sub ratione communicationis, terminus formalis est subsistentia Diuina, quæ humanitati communicatur. Si verò sub ratione vnionis, terminus formalis est vnio. Tandem si sub ratione incarnationis, terminus formalis est caro, seu humanitas.

22 Secunda vult terminum formalem assumptionis esse humanitatem. Ita *Vasq. 1. p. disp. 62. c. 3; & 3. p. disp. 18. c. 2*; cui fauet *Lor. disp. 16. n. 7; & nonnulli Recentiores Thomista,* vt refert *Gibb*.

23 Tertia vult terminum formalem esse subsistentiam Diuinam; prout connotat vnionem humanitatis, tanquam conditionem necessariam. Ita *Caic. hic art. 8; Med. ibid; Aluar. disp. 13; Naz. art. 8. controu. 2; Val. punct. 5; Philipp. à SS. Trin; Gonet, & alij.*

24 Nostra tandem docet terminum formalem assumptionis esse personalitatem Verbi Diuini, quatenus gerit vicem personalitatis creatæ. Ita *Fund. Doct. locis cit. in hac q. art. 3; & 4; & alij ibid. relati.*

25 Not. hoc esse discrimen inter creationem, & generationem; quòd creatio habet pro obiecto, seu termino ipsum esse rei, creatio enim tendit in ens, vt ens, vt docent *Fund. Doct. & S. Tho; & alij*; vnde creatio rectè dicitur *via ad esse*; Generatio verò habet pro obiecto, seu termino naturam; definitur enim *origo viuientis à viuente in similitudinem nature principio coniuncto*; hinc *Phil.* vocat generationem *viam in naturam*; & *D. Dam. opus natura*; pro quo vid. *10. 2. de Trin. q. 3. art. 2; & 10.* Quamvis autem ratio formalis, qua actio creatiua attingit creaturas, sit esse, vt sic; attamen peruenit vsque ad esse personale, quod est vltimum claudens naturam creaturæ; propterea dicitur *Sap. 8. Attingit à fine vsque ad finem fortiter*; idèst à ratione vnuerſalissima entis, vt sic, vsque ad rationem personalem; quæ sunt duæ rationes claudentes, tanquam fines, essentiam creaturæ; cum enim viuerſale nequeat poni à parte rei, nisi perturbatione individualis particularis; ideo creatio, per quam ponitur creatura à parte rei, attingit etiam rationes personales, quæ sunt particulares. Igitur sicut natura est terminus generationis eo, quia generatio est *via ad naturam*, terminus enim propriè dicitur per respectum ad viam, qua ad illum tenditur; ita esse personale est terminus creationis, quia per creationem tenditur ad esse, quod est obiectum, & terminus illius.

26 Vnica concl. Terminus totalis actionis assumptionis est Christus Dominus; terminus autem formalis, si actio assumptiua sumatur, prout est vnitiua, est vnitas personalis Verbi Diuini, prout gerit vicem personalitatis creatæ; si verò sumatur

sumatur, prout est creatiua, est esse personale eiusdem Verbi Diuini, ad quod esse sequitur vnitas personalis, tanquam passio.

Prob. 1. ex *Symb. D. Athan.* *Qui licet Deus sit, & homo; non duo tamen, sed vnus est Christus. Vnus autem non conuerfione Diuinitatis in carnem; sed assumptione humanitatis in Deum. Vnus omnino non confusione substantia, sed vnitate persone.* Ex quo sic arguitur. Terminus totalis alicuius productionis est illud totum, quod est vnum per vnionem partium, ex quibus coalescit; sed Christus est vnus per vnionem partium, scilicet animæ, & carnis, ad personam Diuinam; ergo Christus est terminus totalis assumptionis; ex quo probata manet 1. pars concl. Præterea id, in quod aliud conuertitur, est terminus formalis illius conuerfionis; vt cum aqua conuertitur in vinum, vinum est terminus formalis illius conuerfionis, quia motus conuerfionis desinit in vino, & incipit ab aqua; ergo id, ad quod aliud assumitur, est terminus formalis illius assumptionis; ita enim discurrendum est de assumptione, sicut de conuerfione seruatis differentiis vtriusque, quod scilicet in conuerfione id, quod conuertitur, mutatur in illud, in quod conuertitur; in assumptione autem id, quod assumitur, non mutatur in illud, ad quod assumitur, sed solum ab illo terminatur; & accipitur in vnitate personæ ipsius assumentis; atqui persona Diuina est illud, ad quod assumitur natura humana; ergo vnitas personæ Diuinæ est terminus assumptionis, quatenus est actio vnitæ; ex quo probata manet 2. pars concl. Tandem ille est terminus formalis assumptionis, quatenus est actio creatiua, ad quem vltimò tendit actio creatiua; sed esse personale est huiusmodi, habito enim esse personali cessat fieri ipsius actionis creatiue, cum nullum aliud esse substantiale remaneat producendum in illo composito; ergo esse personale est terminus formalis assumptionis, quatenus est actio creatiua; & sic probata manet 3. pars concl.

27 Insuper *S. P. Aug. in Enchir.* ait: *In vnitate personæ accessit Verbo anima rationalis, & caro.* Ex quo sic prob. 2. & 3. pars concl. Illud, ad quod natura humana accedit per actionem assumptiuam, est terminus formalis actionis assumptiue; sed esse personale Verbi Diuini est illud, ad quod natura humana accedit per actionem assumptiuam, quatenus creatiua est; & vnitas personalis est illud, ad quod eadem natura humana accedit in vnitate per actionem assumptiuam, quatenus vnitæ est; ergo esse personale Verbi Diuini est terminus formalis assumptionis, quatenus creatiua est; & vnitas personalis eiusdem Verbi est terminus formalis eiusdem assumptionis, quatenus vnitæ est. Manifestat; terminus enim *ad quem*, de quo sermo est in præfati, in hoc differt termino *à quo*; quod sicut iste est ille, à quo recedimus; ita ille

est, ad quem accedimus. Mi. satis explicata est; nam actio, quatenus creatiua, est via ad esse, vltimum autem esse, ad quod tendit creatio, & ad quod natura substantialis creata accedit per creationem, est esse personale; quia habito esse personali; nullum aliud esse substantiale remanet acquirendum à natura creata; & quatenus vnitæ; tendit ad vnitatem personæ Diuinæ, ad quam assumit naturam humanam; vt dictum est ex Concilijs, & *Sy. PP. ac DD.* ergo esse personale Verbi est id, ad quod natura humana accedit in vnitate per actionem assumptiuam, quatenus vnitæ est.

28 Conf. In hoc distinguitur creatio à generatione; quod generatio dicit tendentiam in naturam; creatio verò dicit tendentiam in esse, vt dictum est; quatenus verò creatio est assumptio ad esse personale proprium ipsius assumentis, dicit tendentiam in esse personale assumentis, cui vnit naturam, quæ creatur; sicuti quatenus est creatio simplex, dicit tendentiam in esse suppositale proprium naturæ, quæ creatur, & quæ illi esse vnitur; sed ex eo, quod generatio tendat in naturam, terminus formalis generationis est natura, quia terminus formalis est ille, secundum quem fit assimilatio formalis inter generantem, & genitum, quæ non fit, nisi secundum naturam, vt diximus *to. 2. vbi; art. 14.* sicut enim terminus formalis actionis visuæ est color, quia actio visuæ formaliter tendit in ipsum; ita à pari; ergo ex eo, quod creatio assumptiuam tendat in esse personale proprium ipsius assumentis, terminus formalis illius est esse personale personæ assumentis.

29 Præterea quotiescunque duo vniuntur, quorum vnum habet rationem indifferentis, & indeterminati; & alterum habet rationem determinatam, & limitantis; tunc illud solum, quod habet rationem determinatam, & limitatis, habet rationem termini; & aliud habet rationem determinabilis; sed natura humana ita vnitur supposito Diuino, vt ipsa secundum se præfati supposito habeat rationem indeterminati, & indifferentis, vt terminetur ab hoc, vel illo supposito proprio, vel alieno; suppositum autem Diuinum habet rationem determinantis, & limitantis; ergo solum suppositum Diuinum habet rationem termini actionis assumptiue. Prob. manifestum. Nihil potest determinare aliud, & limitare, nisi sit in se ipso determinatum, & limitatum; implicat enim, quod indifferens in eo, quod indifferens, determinet, & limitet; sed quod est in se determinatum, & limitatum, habet rationem termini, quia terminus, seu limes sonat idem, quod terminans, & limitans; ergo quod habet rationem determinantis, & limitantis, habet rationem termini. Mi. de se nota est; quia nomine

supposititalitatis significatur vltimus terminus determinans, ac limitans naturam; natura verò est determinabilis, & limitabilis à proprio supposito, vt patet in puris creaturis; & ab alieno, vt patet in incarnatione; ergo hæc habet rationem indifferentis, & terminabilis; illud verò rationem determinantis, & limitantis.

30 Roboratur magis. Ille est terminus formalis *quo*, qui est ratio formalis proxima constituens terminum totalem *qui*; sed solum esse personale Diuini Verbi, quatenus gerens vices suppositi creati, est huiusmodi; ergo est terminus formalis *quo*. Ma. constat; eodem enim modo philosophandum est de termino formali, & totali, quo philosophamur de obiecto formali, & totali; cum obiectum sit terminus actionis à potentia elicite; sed obiectum formale est illud, quod obiecto materiali est ratio proxima terminandi actionem elicitan à potentia; vt mobilitas est ratio formalis proxima constituens corpus obiectum totale Philosophiæ; ergo terminus formalis est ratio formalis proxima constituens terminum totalem *qui*. Prob. mi. Esse personale Verbi Diuini, quatenus gerit vicem suppositi creati, præstat id, quod præstaret suppositum creatum; sed suppositum creatum constituit terminum totalem *qui*; ergo & suppositum Diuinum, quatenus gerens vicem illius. Tum quia illud constituit terminum totalem *qui*, quod determinat naturam humanam; sicut illud constituit obiectum totale, quod determinat obiectum materiale, vt diximus de mobilitate; sed esse personale determinat naturam humanam; ergo constituit terminum totalem *qui*.

31 Deinde rejicitur prima sententia. 1. Terminus formalis *quo* nequit esse ipsum totum compositum; quia totum compositum est terminus totalis *qui*, & terminus *qui* nequit confundi cum termino *quo*; sed vnio importat totum compositum; quia vnio non est, nisi partes vnite, vt diximus *sup. art. 1*; ergo vnio non est terminus formalis *quo*. Ma. constat; mi. fusè probata est *vbisf.* 2. Terminus formalis *quo* debet esse vnum ex ipsis extremis vnitis; sicut obiectum formale est pars formalis determinans obiectum materiale, quod est pars materialis; sed vnio non est vnum extremum, quia nexus est extremorum, & nexus non est extremum, aliter idem neceretur se ipsum; ergo idem. 3. Terminus formalis habet rationem actus determinantis partem potentialem determinabilem; vt dictum est; sed vnio non est huiusmodi, vt constat; ergo idem.

32 Rejicitur secunda. Natura humana est determinabilis per supposititalitatem Diuinam, vt gerentem vices supposititalitatis creatæ; ergo implicat habere ratione termini; quia implicat terminabile passiuum actiue terminare. 2. Si natura humana haberet rationem termini formalis actionis Dei, sequeretur, quod natura

humana actiue terminaret personalitatem Verbi, quæ passiuè terminaretur à natura humana; sed conf. repugnat; implicat enim enim personalitatem Diuinam habere rationem potentie passiuæ, cum sit actus purissimus; & est contra modum loquendi *Diuiinarum Scripturarum, Conciliorum, SS. PP. & DD.* communiter asserentium, quod Diuinum suppositum actiue terminat naturam humanam, non è contra; ergo & ant. repugnat. 3. Actio Dei est creatiua animæ Christi; sed terminus creationis non est natura, aliter non differret à generatione, vt dictum est; ergo idem.

33 Tertia denique, quia confundit substantiam cum personalitate, & solis abutitur terminis; ideo secundum rem docet nostram sententiam; abusione autem terminorum fusè reiecimus *art. 3. §. 1.*

34 Obije. 1. contra 1. part. concl. Terminus totalis *qui* assumptionis debet esse aliquid creatum; sed Christus non est aliquid creatum; ergo non est terminus totalis *qui* assumptionis. Prob. ma. Terminus totalis *qui* assumptionis est aliquid factum in tempore; diximus enim actionem assumptiuam esse simul creatiuam; sed quod fit in tempore; à Deo creatur; ergo terminus totalis *qui* assumptionis debet esse aliquid creatum. Prob. mi. Omne, quod est creatum, denominatur formaliter creatura, quæ dicitur ab actione creatiua, vt constat; sed Christus non est creatura, quia creatura existit per existentiam creatam; Christus autem existit per existentiam increatam; ergo non est quid creatum.

Resp. cum *Fund. Doct. d. 1. p. 1. q. 1. art. 2. & q. 2. art. 1.* dist. ma. Terminus totalis debet esse aliquid creatum secundum naturam humanam, conc; secundum suppositum, neg. Ad prob. dist. eodem modo. Terminus totalis debet esse aliquid factum in tempore secundum naturam humanam, conc; dicitur enim *1o. 1. Verbum carna factum est; & ad Gal. 4. At vbi venit plenitudo temporis, misit Deus Filium suum factum ex muliere & in Symb. Et homo factus est; id est Verbum, seu Filius, qui est persona Patri coeterna, assumendo humanitatem in tempore factus est homo. & S. P. Aug. de Fide, & Symb. cap. 4. super illud Prou. 8. Dominus possedit me, vel vt legit alia, versio; creauit me in initio viarum suarum; ait. Eadem Sapientia, quæ de Deo genita est, dignata est etiam in hominibus creari; & de fide ad Petrum c. 45. Secundum humanitatem verè ipse creatus est; quibus expresse docet Christum secundum humanitatem tantum esse creatum, & creaturam. Eodem modo dist. mi. Christus non est aliquid creatum secundum naturam humanam, neg; secundum naturam, & suppositum Diuinum, conc. Ad prob. dicitur, quod Christus absolute, & simpliciter nequit dici creatura, quia absolute, & simpliciter appellat etiam suppositum Diuinum, quod est increatum. Tum quia Christus abso-*

absolutè, & simpliciter est Deus homo; Deus autem non est creatura; ideo absolutè dici, nequit creatura.

35 Obijc. 2. cont. 2. part. concl. *Gibb. cum Sua.* Terminus formalis debet esse productus ab actione, quam terminat; vel saltem debet intrinsecè attingi; sed personalitas Verbi non producit ab actione assumptiua, vt patet; nec intrinsecè attingitur; quia non vniur intrinsecè per vnionem se tenentem ex parte Verbi; aliter Verbum mutaretur; ergo personalitas Verbi nō est terminus formalis actionis assumptiue. 2. Si personalitas Verbi esset terminus formalis assumptionis, sequeretur, si Verbum assumpsisset naturam Anglicam, assumptionem illam esse eiusdem speciei cum assumptione humanitatis; haberet enim eundem terminum formalem; sed conf. est falsum; nam ex illis assumptionibus resultarent composita speciei diuersa, nempe homo, & Angelus; ergo falsum est ant.

Resp. ad 1. neg. ma; nam etiam in creatione puræ creaturæ esse actuale, quod est terminus formalis creaturæ, propriè loquendo non producit, sed producit essentia per esse, quia essentia per existentiam extrahitur à nihilo; & quauis etiam ipsum esse creaturæ sit productum, vt quo; cum sit ratio, qua essentia creata ducitur extra nihil; & cum illud esse antea non fuerit, necesse est, vt etiam ipsum producat ex nihilo; attamen hoc materialiter se habet ad rationem termini formalis; quatenus scilicet est proprium creaturæ; nam ratio formalis constituit terminum formalis est esse id, quo essentia ponitur in rerum natura; quod autē hoc sit temporale, vel æternum, merè materialiter se habet ad rationem termini formalis; quia siue sit æternum, sicut est esse personale Diuinum gerens munus esse personalis creati; siue sit temporale, sicut est esse personale proprium creaturæ; attamen per ipsum semper ponitur natura creata, extra nihil; & ideo terminus formalis essentiae creatæ formaliter præcindit ab esse creato, & increato; cum possit per vtrunque constitui. Ad 2. neg. seq; nam esse personale Diuinum eo, quia est infinitum, continet emiuentem omne esse suppositale creatum; & prout gerit vicem personalitatis humanæ, distinguitur secundum diuersitatem munerum à se ipso, prout gerit vicem personalitatis Angelicæ: sunt enim hæc diuersa munera, vt patet; & hoc sufficit ad constituenda diuersa speciei supposita; sicut enim omnipotentia, quauis sit vnum virtualiter attributum, attamen quia continet eminenter esse creaturarum speciei differentium, potest illas speciei distinctas producere; ita à pari.

36 Obijc. 3. Terminus formalis est ille, qui constituit formaliter terminum totalem, vt dictum est; sed humanitas constituit Christum in specie hominis; ergo est terminus formalis illius.

Resp. dist. ma. Qui constituit terminum totalem per modum actuantis, & determinantis partem potentialem, & materialem, conc; vt patet de ratione formalis constitutiuæ scientiæ. Qui constituit per modum potentie materialis, determinabilis, & actuabilis, neg; hoc modo natura humana constituit Christum in specie hominis; personalitas autem Verbi, prout gerit vicem personalitatis creatæ, constituit hominem per modum actuantis, & determinantis ipsam naturam hominis ad hanc numero personam.

37 Inst. Personalitas Verbi se habet per modum substantantis humanitatem; ergo se habet per modum materiæ, cuius est proprium substantare formam.

Resp. dist. ant. Per modum actiue substantantis, conc; passiuè recipientis, neg; sicut enim proprium est materiæ passiuè recipiendo substantare formam; ita proprium est formæ actiue substantare materiam in esse; nam sicut ideo materia substantat formam materialem, quia destructa materia forma statim abit in nihilum; ita forma substantat materiam, quia ablata forma materia desinit esse.

38 Queritur; quinam sit terminus à quo assumptionis?

Resp. esse non esse, seu carentiam esse personalis Verbi in natura humana; quia terminus à quo opponitur termino ad quem; & sicut terminus à quo ipsius formæ, quæ in generatione est terminus ad quem, vt sup. diximus, est non esse formæ; ita terminus à quo esse personalis Verbi, quatenus gerit vicem personalitatis humanæ, est non esse personale eiusdem Verbi in natura humana.

§. II.

An Christus sit verè, & propriè compositus?

39 **R**esolvimus hanc difficultatem *tom. 1. de simpl. Dei art. 6.* vnde non est opus hic immorari, ne eadem ex superfluo repetamus. Solum aliqua sunt addenda, quæ tradit *Fund. Doct. hic dist. 6. par. 3. quest. 1. art. 3;* vbi de hac mirabili compositione pertractat.

40 Aitigitur §. Dicemus ergo; quod Christus, qui iuxta *Symb. D. Athan.* est perfectus Deus, perfectus homo ex anima rationali, & humana carne subsistens; sed sic subsistit tanquam quoddam totum, & quoddam compositum ex huiusmodi partibus, quod non dependet à natura humana, nec ab eius partibus; nec constituitur in esse personali Verbi per naturam humanam, nec per eius partes; quia ista sunt imperfectiois. Attamen sic subsistit in natura humana, & in eius partibus, quod iam natura humana, quam eius partes substantantur in persona Verbi;

Verbi; quia non constituunt personam aliquam, nec habent per se esse iam humanitas; quam eius partes; sed habent esse in persona Verbi. Est ergo Christus Dominus quoddam compositum per se ex partibus, quæ sunt anima rationalis, & corpus; quæ partes non constituunt ipsum suppositum Christi; & in hoc distinguitur ab alijs suppositis, quæ sunt purè creata; quia illa constituuntur ex partibus in ratione vnius per se, & per consequens in ratione totius, & suppositi, quod essentialiter importat vnum per se coalescens ex partibus; Christus verò componitur per assumptionem partium in vnitatem suppositi Diuini; quod propterea non componit cum illis vnum per se resultans ex ipso supposito Diuino, & humanitate, quæ componitur ex anima, & corpore; & ideo compositio non desumitur ex ipso supposito Diuino, quod non est pars simul cum alia parte constituens aliquid tertium; nec est aliquid compositum constitutum ex partibus; adeoque non dependet ab illis; quia dependentia sumitur penes causalitatem; vnde cum suppositum Diuinum non causetur ab humanitate, quia per illam non constituitur in ratione vnius per se; ideo non dependet ab illa; hæc enim dependentia imperfectionem importat, quæ nequit competere Diuino supposito. Quoniam tamen humanitas est vera pars potentialis, quæ assumitur ad vnitatem suppositi Diuini, per quod existit, & sustentatur in esse; ideo facit veram, & propriam compositionem cum illo; quia verè, & propriè cum illo ponitur, vt in illo existat, & sustentetur; quod sufficit ad veram, & propriam rationem partis verè, & propriè componibilis cum alio; natura enim humana, quæ cum propria suppositualitate creata verè, & propriè componit, nihil aliud habet, quam esse potentiam passiuam, quæ ponitur cum propria personalitate, per quam existit, & sustentatur. Nam quod propria personalitas sit actus informans naturam, hoc facit solum, vt ipsa personalitas sit pars componens cum natura; & ideo non facit, vt natura sit componibilis cum personalitate; per aliam nanque rationem redditur componibilis potentia, & per aliam actus; cum actus, & potentia inter se opponantur. Igitur cum personalitas Diuina non habeat rationem actus informantis naturam humanam, non habet rationem partis, sed totius assumptis in propriam vnitatem ipsam naturam humanam; & ideo non habet rationem passiuè componibilis cum natura humana; & per consequens Christus Dominus est verè, & propriè compositus ratione solius naturæ humanæ assumptæ ad vnitatem suppositi Diuini, non verò ratione suppositi Diuini; vt dicebamus

to. 1. vbi.

41 Vnica concl. Christus Dominus est verè, & propriè passiuè compositus ratione solius naturæ humanæ assumptæ ad Diuinum suppositum,

non ratione suppositi Diuini.

Prob. 1. ex auctoritatibus adductis to. 1. vbi in quibus dicitur Christus crucifixus, mortuus &c. ratione solius naturæ humanæ; ergo eadem ratione potest dici verè, & propriè compositus.

42 Dices concl. non deduci, quia compositio essentialiter importat plura simul vnita, vt dicitur in eius definitione; & ideo implicat componi solum ratione vnius partis. At crucifixio importat passionem, quæ potest competere vni tantum naturæ; ideo paritas non valet. 2. Compositio vera importat duo, quorum vnum habet rationem potentie informantis; & alterum actus informantis.

Ad 1. iam responsum fuit vbi. Additur, quod etiam crucifixio Dei hominis essentialiter importat duo, nempe naturam Diuinam, & humanam; nam si non haberet naturam Diuinam, non diceretur Deus crucifixus; & si non haberet humanam, non esset homo crucifixus; & tamen quantum importet duo, dicitur tantum crucifixus ratione solius naturæ humanæ; & in hoc consistit paritas. Præterea compositio requirit duo, quorum quodlibet est componibile, si sit compositio ex parte vtriusque, ex qua constituitur aliquid vnum totum ex istis resultans, vt est compositio puræ creaturæ, conc. quorum vnum tantum est componibile, si sit compositio, ex qua non constituitur vnum suppositum, sed qua vnum assumitur in vnitatem alterius, neg. & sic ad 2; sola enim compositio, quæ constituit aliquid vnum per se, requirit duo, quorum vnum habeat rationem actus informantis, & alterum potentie informantis; non verò compositio, quæ assumit aliquid in vnitatem alterius suppositi, quæ est vnitas per se, & secundum se tota.

43 Ex his apparet, quod hæc concl. probari potest etiam ex auctoritatibus Conciliorum, & SS. PP. toties adductis, in quibus dicitur naturam humanam assumptam fuisse in vnitatem suppositi Diuini; & ideo illud suppositum, ad quod assumpta fuit natura humana, esse vnum per se, non tamen constitutum in ratione suppositi ex natura humanæ, sed præsuppositum ad assumptionem illius; ergo illud non est pars componens simul cum natura humana aliquid vnum; ergo Christus Dominus non est passiuè compositus ratione illius, sed ratione solius naturæ humanæ, quæ admittitur ad vnitatem illius, & per illam subsistit, & sustentatur; ob quam rationem dicitur componere etiam in pura creatura, vt dictum est; quantum in creatura habeat etiam informari, quod non habet in compositione ad Verbum; & in hoc consistit excellentia huius admirabilis compositionis, in qua natura humana dicitur assumi ad per se vnum, non informari; terminari à per se subsistente; nec constituere vnum suppositum per se subsistens; quantum enim natura humana verè constituat Christum, qui

qui essentialiter constat ex persona Verbi, & humanitate; non tamen constituit suppositum Verbi, sed illud præsupponit constitutum per filiationem Diuinam, & ad illud tantum assumitur. *Vid.* alias rationes allatas *tom. 1. ubi sup.*

44. Obijc. *noſter Gibb;* qui ſentit *cum Gonet,* & alijs *relatis ubiſ.* In rebus creatis ex natura, & ſuppoſito ſit vera, & propria compoſitio, quæ etiam in Angelis admittitur; ſed perſonalitas Verbi vnitur naturæ creatæ per modum perſonalitatis; ergo ex perſonalitate Verbi, & natura humana ſit vera, & propria compoſitio, & ex illis reſultat perſona verè, & propriè compoſita. 2. Perſonalitas Verbi ſupplet defectum perſonalitatis creatæ; ſed ex perſonalitate creatæ, & natura humana conſurgeret vera, & propria compoſitio; ergo ex perſonalitate Verbi, & natura humana ſit vera, & realis cõpoſitio. 3. Quod perfectè ſupplet defectum alicuius extremi per ſe ordinati ad faciendum vnum per ſe, debet ſimul cum alio extremo verè, & propriè conſtituere vnum per ſe; ſicut conſtitueret illud, cuius defectum ſupplet; ſed perſonalitas Verbi perfectè ſupplet defectum perſonalitatis creatæ, quæ per ſe ordinatur ad conſtituendum vnum per ſe ſimul cum natura creatæ; ergo perſonalitas Verbi ſimul cum natura humana conſtituit vnum per ſe. Prob. ma. Si non conſtitueret vnum per ſe, conſtitueret vnum tantum per aggregacionem; ergo non ſuppleret munus perſonalitatis creatæ, quæ habet conſtituere vnum per ſe; non per aggregacionem.

45. Reſp. hæc parum congruere doctrinæ *Conciliarum,* & *SS. PP;* ac *DD.* communiter docentium naturam humanam aſſumi in vnitatem perſonæ Diuinæ, non autem ita vniri perſonæ Diuinæ, vt cum illa conſtituat ſuppoſitum. Etenim quod aſſumitur ad vnitatem alterius, non conſtituit cum illo vnitatem; vt accidens, quod aſſumitur ad exiſtentiam ſubiecti, non conſtituit exiſtentiam illius, aliter exiſteret per ſe; ſed natura humana *iuxta Conciliarum,* & *SS. PP;* ac *DD.* doctrinam aſſumitur ad vnitatem perſonæ Diuinæ ad hoc, vt perſona Diuina per ſe exiſtat in natura Diuina, & humana; & ſit vna perſona in vtraque natura; ergo natura humana non conſtituit ſimul cum perſonalitate Diuina Chriſti perſonam. Tum quia implicat, quòd natura creatæ conſtituat perſonam Diuinam etiam, vt gerentem vicem perſonalitatis creatæ, quia nõ gerit vicem perſonalitatis creatæ, niſi vt Diuina eſt; cuius ſolum eſt proprium continere perſonalitatem creatam; ſed perſona Chriſti eſt Diuina; quia, vt docent *Concilia* & *PP;* natura humana vnita eſt immediatè perſonæ Diuinæ; ergo implicat perſonam Chriſti conſtitui per naturam humanam; & ideo perſonalitas Verbi ſimul cum natura humana non conſtituit Chriſti perſonam; vt docet *Fund. Doct.*

ubiſ. cum Concilijs, ac *SS. PP;* à quibus deuiare videntur *iſti Recentiores.*

46. Ad 1. igitur *cum Fund. Doct.* diſt. mi. Perſonalitas Verbi vnitur naturæ creatæ per modum perſonalitatis demptis imperfectionibus proprijs perſonalitatis creatæ, conc; cū imperfectionibus, neg; vniri autem cum alio per modum componibilis paſſiue, & cum alio conſtituere tertium ſunt imperfectiones propriæ perſonalitatis creatæ, à quibus abſoluitur perſonalitas Diuina geres vicem perſonalitatis creatæ. Ad 2. eodem modo diſt. ma. *Supplet defectum* perſonalitatis creatæ communicando ei ſubſiſtentiam, quā natura creatæ in ſuppoſito tantum acquirit, in quo nulla eſt imperfectio, quia eſt pura communicatio ſuæ perfectionis, conc; per modum paſſiue componibilis, & conſtituentis cum natura humana aliquod tertium, neg. Ad 3. ſimiliter diſt. ma. Quod perfectè ſupplet defectum alicuius extremi quantum ad perfectiones, & imperfectiones illius, conc; ſed in hoc ſenſu neg. mi; nam perſona Diuina non ſupplet imperfectiones, nec poteſt ſupplere. Quod ſupplet ſolum quoad perfectiones, neg. Ad prob. neg. ant; nullo modo enim perſonalitas Diuina ſimul cum natura creatæ cõſtituit vnum, & ideo nec per ſe, nec per accidens; ſed ſimpliciter aſſumit naturam humanam ad ſui vnitatem, quæ eſt vnitas per ſe; inter aſſumere autem ad vnitatem, & conſtituere vnitatem cum alio maxima diſtantia intercedit, quia natura humana ſimul cum perſonalitate creatæ conſtituit vnum per ſe, non tamen dicitur aſſumi ad vnitatem perſonæ creatæ, aliter ipſam ſupponeret, non conſtitueret. Aſſumere ergo ad perſonam non eſt conſtituere; vt dictum eſt. *Alias obijc. vid. to. 1. ubi ſup.*

Quæres; an debeat concedi perſonam Chriſti poſt incarnationem eſſe compoſitam, vt ait *D. Dam. lib. 3. c. 3;* & 4.

Reſp. *Fund. Doct. diſt. 6. par. 3. qu. 1. art. 3;* & *p. 4. q. 1. art. 1.* affirmatiuè; nam propter communicationem idiomatum id; quod competit naturæ, debet dici de ſuppoſito; at naturæ humanæ competit eſſe cõpoſitam perſonæ Verbi; ergo debet dici de perſona Verbi, quòd ratione humanæ naturæ ſit compoſita. Imò magis compoſita, quàm quælibet perſona creatæ; quia præter compoſitiones perſonæ creatæ ex anima, & corpore, ex actu, & eſſentia, ex natura, & ſuppoſito, ex ſubſtantia, & accidentibus, inuoluit etiam compoſitionem ex natura humana cum Diuina, quam non importat perſona creatæ, ita tamen, vt compoſitio formaliter ſe teneat tantum ex parte naturæ humanæ, vt dictum eſt.

A R T. VI.

*An sanguis, & alij humores fuerint assumpti
à Verbo?*

HÆRESIS fuit *Cerdonis, & Marcionis* asserentium Christum non habuisse verum corpus, sed tantum phantasticum, & putativum; & consequenter non habuisse verum sanguinem, & veros humores, qui solum in vero corpore reperiuntur. Hos secuti sunt *Lucanus, & Apelles Manichæi Prodanites, Priscillianista, & noni Manichæi in Gallia damnati ab Alex. III. c. cum Christus de hæreticis & in Concil. Alex. ep. 10. Cyrilli, Ephescan. 2; & 5; Chalced. act. 2. in 2. confess. fidei, Carthag. IV. c. 2; & Lat. sub Innoc. III; ut refertur in c. firmiter de Summa Trin.* Hi tamen nihil expressè dixerunt de sanguine, & alijs humoribus, sed ex illorum doctrina tantum inferitur negasse. De quo vid. q. 1. art. 1. n. 10.

2 *Alqui Calvinista*, inter quos *Oflander*, dixerunt sanguinem à Christo effusum mox euauuisse, & corruptum fuisse; ex quo *Germanus Banarus* infert in Eucharistia realiter non esse Christi sanguinem, vtpotè corruptum. Consequenter etiam isti debuerunt asserere sanguinem non fuisse à Verbo assumptum, quia quod semel assumpti, nunquam dimisit; vt communiter tenetur cum *D. Dam. lib. 3. de fid. c. 27.* Reijciuntur autem ex *ps. 15. Non dabis Sanctum tuum videre corruptionem; & ex Trid. sess. 13. c. 2; vbi definit sub speciebus panis esse verum corpus, & sanguinem Christi ex connexion, quam habet sanguis ad corpus Christi Domini; & ex alijs textibus inf. adducendis. Omisiss itaque his hæreticis.*

3 *Dur. in 4. dist. 10. q. 1. n. 19; Gabr. lect. 53. in Canonem* dixerunt sanguinem non fuisse immediate vnitum personæ Verbi, sed tantum remotè, quatenus erat in carne Christi, quæ erat vnita Verbo; ex quo sequitur sanguinem habuisse propriam substantiam creatam. Idem tribuitur *Abulen. paradox. 2. c. 40; & 45; & Franc. de Ruere Ord. S. Franc. Vicario*, qui postea fuit *Curd. S. Petri ad Vincula*, & tandem Summus Pontifex *Sixtus IV.*

4 Sed isti duo senserunt solum sanguinem Christi in triduo mortis sparsum in terra separatum fuisse nedum à corpore, sed etiam à Verbo; ac propterea indignum fuisse cultu Latriæ; vt refert *Spondanus 10. 2. ad ann. 1462.* Hæc opinio orta est *Barchinonæ*, vt colligitur ex *p. p. Directorij Inquisitorum q. 10. n. 1;* cum enim quidam in concionando dixisset Christi sanguinem in passione effusum à Diuinitate fuisse separatam, *Nicolaus Roselli Ord. Præd. Inquisitor* doctrinam illam damnauit, quam damnationem decreto *Clem. VI.* confirmatam asserit *Sylu. in Rosa aurea rast. 3. q. 3 1;* vbi ait se hoc decretum vidisse. Sed

iterum concionante *Iacobo de Marchia in Ecclesia Cathedrali Brixienfi serm. de die Pasche* idem prædicatum fuit; propter quod orta est magna questio inter *PP. Prædicatores, & Minores;* quum autem controuersie finis imponi non posset, res delata fuit ad *Pium II;* qui accitis Theologis coram Cardinalibus punctum disputari præcepit; postquam disputatè *Pium, & per eos;* *Cardinales* in sententiâ *PP. Prædicatorum* iuisse testatur *Spondanus;* eam tamè noluisse definire, ne multum do *PP. Minorum* exasperaretur, quorum prædicatio erat necessaria contra *Turcas*, in quos expeditio facta fuerat; biennio tamen post *Anconæ 1464.* die ante obitum, vt pacem poneret inter duos hos Ordines, constitutionem edidit nulli licere *PP. Minorum* sententiam hæreticâ vocare, donec per Sanctam Sedem definitur. Hic *Spondanus.* Cum autem *PP. Prædicatores* virgerent decretum *Clem. VI;* *Franc. de Ruere in m. 5* (vt refert *Franc. Collins Mediolan. lib. de Sang. Christi & Lugo hic diff. 14. sect. 1. n. 3.* ait asseruari in *Eblith. Collegij Romani*) inquit processum *Barchinonæ* compilatum esse valde suspectum, neque in illo vllam literam, aut determinationem Summi Pontificis apparere, quam profectò, si extaret, *PP. Prædicatores* instantèr quaesiuissent, & protulissent, si Pontifex pro eorum opinione determinasset. Hæc refert *Lugo sect. 7. n. 103.* Apparet ergo *Francisum de Ruere* solum sensisse sanguinem Christi in triduo fuisse à Verbo separatam, non autem non fuisse assumptum, dum erat Verbo coniunctum. Hanc sententiam secutus est *Mairen in 4. dist. 43. q. 1; Ric. in 3. dist. 2. art. 2. q. 1. ad 2.*

5 *Caiet. hic qu. 5. art. 2; & qu. 54. art. 2; Sylu. vbi;* *Ban. 1. de Gen. c. 4. q. 8. art. 5; Aluar. hic diff. 28; Naz. hic, Compl. de an. disp. 6. q. 1. n. 6; Gonet hic diff. 9. art. 7. §. 1; & alij* distinguunt sanguinem in nutrimentalem, qui nondum est perfectè decoctus, & perfectus; & hunc dicunt non esse animatum, & per consequens non fuisse assumptum à Verbo, quia non pertinet ad veritatem naturæ; & in sanguinem vitalem perfectè decoctum, qui est animatus, & spectat ad integritatem corporis humani, & hunc aiunt fuisse à Verbo assumptum, & substituisse per substantiam Diuinam.

6 Vltima tandem sententia docet totum sanguinem fuisse à persona Verbi assumptum, & per eius substantiam terminatum. Collig. ex *Fund. Doct. de celebr. Missar. p. 2.* docente: *Corpus dupliciter potest accipi; vno modo generaliter, & sic omne palpabile est corpus, & hoc modo ipse sanguis est corpus &c. Alio modo specialiter, & ut distinguitur contra sanguinem, & sic sanguis non est corpus, licet contingat sanguinem corpori sic accepto naturaliter esse coniunctum.* Ex quo deducit, quòd sub specie panis est sanguis per concomitantiam, quia sanguis est connexus cum corpore. Addit, quòd si in triduo mortis Christi quis consecras-

let, fecisset verum sacramentum; sub speciebus tamen panis fuisset solum corpus, non anima, & sanguis; & sub speciebus vini fuisset solus sanguis, non anima, & corpus; quia tunc ista tria erant separata. Si autem sanguis non esset immediate vnitus Verbo, sed solum mediante carne, tunc separatus à carne non fuisset sacramentum, quia non fuisset cum Deitate coniunctus. Eandem sententiam docet *nosser Gibb*; apud quem *Bernardin. in m. 3; & ex alijs Alberti Magni. de Sacrif. Missæ. Capr. in 2. dist. 15. art. 3; & in 4. dist. 10. q. 2. art. 3; Scot. in 4. dist. 10. q. 1. art. 2; Val. q. 5. punct. 1; Sua. disp. 15. sect. 6; Vasq. disp. 36. c. 4; & 5; Cabr. q. 5. art. 2. disp. 1. n. 17; Lyran. in c. 9. ad Hebr. Lug. ubi & alij ferè omnes communiter.*

7 Notat *nosser Gibb*, iuxta commune *Medicorum* sententiam ex cibo decocto immediate fieri chylum, qui est quedam massa alba in ventriculo existens, quæ amplius decocta vertitur in chylum, qui est quidam succus existens in jecore, vel in hepate. Ex chymo deriuantur quatuor humores principales, scilicet sanguis, qui defertur ad venas; pituita, seu flegma, quæ manet in ventriculo, & circa intestina; flaua bilis, seu cholera, quæ manet in vesicula fellea, quæ sita est in caua parte jecoris; & melancholia, seu atrabilis, quæ ad lienem, seu splenem deriuatur. Præter istos quatuor humores primarios dantur alij secundarij, qui generantur ex sanguine; nam portio sanguinis delata, ad extrema venarum capillarium preparatur ad nutritionem; & vocatur nomine communi sanguinis; deinde hæc eadem recipitur in poris, & incipit dealbari; & appellatur *ros*; qui magis decoctus, & purificatus nuncupatur *cambium*; demum cum in carnem conuertitur, dicitur *gluten*.

8 Ait *Gibb. Caietanum* nomine sanguinis nutritimentalis intellexisse chylum, aut chylum, qui adhuc non est pars corporis humani, cum non sit perfectè decoctus, nec dispositus ad recipiendam formam viuientis. Sed *Lugo* asserit nomine sanguinis nutritimentalis à *D. Tho. Quodl. 5. q. 3. art. 5.* intelligi eum sanguinem, qui deputatur nutritioni; quia quia non eget corpora gloriosa, ideo non resurgunt cum eo sanguine. Sanguis autem deputatus nutritioni est verus sanguis, seu est humor factus ex vero sanguine, vt dictum est; ideo nomine sanguinis nutritimentalis nequit significari chylus, aut chymus.

9 Insuper ex eo, quòd sanguis non sit animatus, non infertur non fuisse terminatum à Verbo Diuino; quia corpus Christi in triduo non fuit animatum, aliter non fuisset mortuum, & tamen fuit terminatum à Verbo; quidquid igitur sit de hoc, quòd ad animaficos pertinet. Tum quia quauis dicatur sanguis esse inanimatus, potest subfiniri, quòd informatur eadem forma, qua informatur caro; nam certum est

animam rationalem, cum virtualiter contineat formam inanimem, vegetatiuam, & sensitiuam, posse informare tantum secundum munus formæ inanimatæ, sicut informat pedes; & manus tantum secundum munus animæ vegetatiuæ, & sensitiuæ; pes enim, & manus sentiunt, & vegetant, non autem intelligunt; ergo sic dicendo saluatur etiam sanguinem, quantumuis inanimatum, assumptum fuisse, quòd asserendum, pariter est de capillis, vnguibus, alijsque partibus inanimatis; vnde si ex eo, quòd partes animantur ab anima Christi, infertur eas hypostatice vniri Verbo Diuino, quòd assumptis carnem viuam, vt docet *S. P. Aug. serm. 1. de temp.* & ideo assumpsit totam carnem animatam; eadem ratione potest probari assumpsisse omnes partes informatas ab eadem anima etiam secundum munus formæ inanimatæ; quia assumpsit totam animam, & totum illud, quòd informatur ab anima.

10 Melius ergo dicendum, quòd Verbum assumpsit omnia ea, quæ faciunt ad integritatem naturalem hominis, & continuantur cum carne, & intrinsecè animæ adherent per informationem; sicut enim quauis animæ accidentia, non constituunt intrinsecè hominis essentiam, aliter accidentia non essent; attamen quia faciunt ad integritatem, siue ad perfectionem integram animæ, quæ sine illis careret suis potentijs ad operandum; ideo Verbum nedum assumpsit animam, sed etiam animæ accidentia mediante ipsamet anima; ita quauis aliqui humores non sunt partes essentielles carnis, quam Verbum assumpsit; quia tamen faciunt ad integritatem ipsius carnis vel illam seruando, vel nutriendo &c; ideo assumendo carnem illos pariter assumpsit. Non enim assumpsit carnem purè homogeneam, idèst solas partes carnis essentielles præcisè, sed assumpsit carnem ætherogeneam, idèst habentem partes diuersæ rationis; quia assumpsit corpus organicum, quòd constat ex partibus diuersæ rationis; assumpsit enim carnem, quæ est subiectum animæ rationalis, quòd non est, nisi corpus organicum. Diximus partes continuatas cum carne propter lacrimas, sudorem, saliuam, & alia excrementa, quæ non sunt partes hominis constituentes integritatem ipsius, sed discontinuatæ, & quibus proiectis nihil deperit substantiæ hominis.

11 Diximus sanguinem quater purificari, antequam conuertatur in substantiam aliti; scilicet in venis capillaribus, in poris, in quibus fit *ros, cambium, & gluten*; omnis autem purificatio est separatio à fecibus, & superfluitatibus, in quibus sanguis relinquit rubedinem, cum ipsa substantia sanguinis alba remaneat. Ex hoc potest deduci maculas rubeas relictas in praprio, clauis, cruce, ceterisque instrumentis esse superfluitates ipsius sanguinis, ipsamque substantiam fuisse à Verbo Diuino reassumptam.

12 Tandem *Martyrologium Romanum* 9. *Novembris*, *Baronius* anno 765; *D. Athanas. lib. de passione imaginis Dominice* c. 7; *D. Tho. hic qn. 54. art. ad 3;* & alij referunt, quod sanguis ille, qui in quibusdam Ecclesijs asseruatur, & colitur, non fluxit à corpore Christi, sed miraculosè scaturijt ex quadam Christi imagine à *Iudais Beryti* in Syria percussa, qui deinde ad varias Ecclesias fuit transmissus. Eadem historia refertur in *VII. Syn. Gen. act. 4;* & habetur *10. 3. Conc. iusu Pauli V. editorum*; vnde *D. Tho.* concludit nullum alium sanguinem Christi Domini in terris reperiri, nisi illud, quod in ara altaris per manus Sacerdotum quotidie spiritualiter efficitur. Ex quo apparet parum concordare cum *D. Thoma*, qui asserit sanguinem nutrimentalem in terris remansisse, absolute enim *S. Doctor* ait nullum sanguinem remanere præter illum, quem efficit Sacerdos in Missæ Sacrificio; quod non verificaretur, si remaneret sanguis nutrimentalis.

13 Unica concl. Totus sanguis Christi Domini fuit assumptus à Verbo nedum quando fuit coniunctus cum corpore, sed etiam quando in triduo fuit separatus; adeoque in resurrectione corpori fuit reunitus totus secundum substantiam, quantum eius superfluitates remanserint in terris cruci, clavis, alijsque instrumentis annexæ; & idem dicitur de alijs humoribus primarijs, & secundarijs, & spiritibus animalibus, ac vitalibus ex sanguine derivatis; dentibus, unguibus, & capillis.

Prob. de sanguine generaliter. 1. ex *Clem. VI. in extr. Vnigenitus de panis; & remissionib. asserente: Quem in ara crucis innocens immolatus, non guttam sanguinis mediam, quæ tamen propter vnionem ad Verbum pro redemptione totius humani generis sufficiebat, sed velut quoddam profluvium noscitur effudisse.* Ex quo sic arguitur. Si totus sanguis non fuisset assumptus à Verbo, quælibet gutta non esset Verbo vnita; illa enim portio sanguinis, quæ non esset assumpta, non esset vnita Verbo; vnio enim assumptionem supponit, vt diximus *art. 1. §. 2. n. 51;* & per consequens illæ guttæ componentes illam portionem non essent vnitæ, nec sufficeret quælibet ex illis ad redemptionem totius generis humani, sufficientia nanque sumitur ex vnione ad Verbum; sed conf. est contra sextum allatum; ergo & ant.

14 Resp. 1. *nosser Gibb. hunc textum* posse intelligi de vnione mediata ad Verbum, non de immediata; ad participandam enim infinitatem valoris sufficit vnio mediata ad Verbum, vt constat de actibus liberis voluntatis humanæ Christi Domini, qui sunt valoris infiniti, etiam si vniantur tantum mediata, vt omnes fatentur; vniuntur enim tantum mediante voluntate creata, in qua recipiuntur. 2. Alij dicunt sanguinem vniri Verbo ratione humanitatis, quia scilicet humanitas Verbo vnitur.

Sed contra est; nam vnio potest dupliciter

dici mediata: 1. Prout importat subsistentiam creatam mediam, qua mediante vnitur subsistentiæ Verbi tantum extrinsecè, vt vestis vnita fuit mediata Verbo Diuino. 2. Prout importat rationem, per quam vnitur. Primo modo nequit intelligi sextus allatus; quia hic modus non dicit propriè vnionem personalem, de qua loquitur Pontifex, quia per solam vnionem personalem potest participari infinitas, quatenus scilicet vnitur supposito infinito; dux autem subsistentiæ non quæunt vniri in vna persona, vt sup. dictum est. Secundo modo verò non tollit immediatam vnionem cum subsistentia Diuina; sic enim vniuntur accidentia, quæ vniuntur mediante substantia, seu mediante natura humana; & hoc modo vniuntur actus liberi voluntatis humanæ, qui nedum vniuntur mediante voluntate, sed etiam mediante natura humana, qua mediante vnitur etiam ipsa voluntas. In hoc sensu etiam caro vnitur Verbo, vt dicemus in seq. art. & tamen non fit vnionem non esse immediatam immediate excludente subsistentiam creatam. Constat autem, quod sola mediatio importat subsistentiam creatam mediam tollit assumptionem; adeoque vestis corporis Christi non dicitur assumpta, nec accidentia, ipsius vestis, quia important subsistentiam, & existentiam creatam mediam; assumptio autem debet esse in vnitatem existentiam, & subsistentiam, per quam solum assumptum infinitatem acquirit, quia existentiam, & subsistentiam Verbi acquirit, quæ est infinita; ergo Pontifex dicens quælibet guttam sanguinis propter vnionem ad Verbum habere infinitatem valoris, expressè loquitur de vnione in esse subsistentiæ ipsius Verbi, à qua solum potest infinitatem recipere; vnio autem in esse subsistentiæ idem est, ac assumptio; & ideo loquitur de vnione, quæ est assumptio. Tum quia loquitur de vnione, quæ sanguis vnitur in toto, non enim loquitur de vnione extrinsecæ, sicut est vnio, qua vnitur vestis; sed vnio, qua partes vniuntur in toto, est vnio in subsistentia, quia partes non subsistunt, nisi per subsistentiam totius; & vnio in subsistentia est assumptio, vt constat; ergo loquitur de assumptione. Ad 2. dicitur eodem modo; nam licet sanguis vniatur Verbo mediante humanitate, quia tamè mediante ipsa recipitur in vnitatem subsistentiæ ipsius Verbi Diuini, quia subsistit per subsistentiam, per quam subsistit humanitas, & humanitas subsistit per subsistentiam Verbi; ideo sanguis est assumptus à Verbo; nam licet qualitates vniantur subiecto mediante quantitate, attamen dicuntur assumi in vnitatem numericam subiecti, quia recipiuntur in existentiam illius; ita à pari.

15 Præterea in *Conc. Chalced. act. 2. in ep. S. Cyrilli ad Nestorium* dicitur, quod *Verbum caro factum est, nihil aliud est, quam quod carnem, & sanguinem assumpsit*; quæ interpretatio approbata

bata est etiam in *Conc. Ephes. c. 12*; & in *VI. Syn. aët. 8*, dicitur: *Sicut factus est in assumptione carnis, & sanguinis, ita quoque mansit, quod erat Deus; & D. Naz. in tract. de fide Nicæna ratione 50*; & habetur in *actis Libery c. 5. to. 1. Concilio- rum*, ait Deum factum esse hominem *carneum, ossa, sanguinem, sensum, & animam habentem*. Eodem modo loquuntur, plures SS. PP. in *ipsidem Conciliis*; *Ephesi, Chalced*; & *Alex.*

16 S. P. Aug. in *Enchir. c. 34*, super illud *Io. 1. Verbum caro factum est*, inquit nomine carnis totum à parte significari; nam nihil natura humana in illa susceptione fas est dicere de fuisse; sanguinem autem spectare ad naturam humanam comper- tum est; & de fide, & *Symb. c. 2. Vt totum hominem suscipere dignaretur in utero Virginis, maternum corpus integrum inhabitans, integrum deferens*; Sicut ergo integrum corpus B. Virginis, quod inhabitavit Verbum, constabat etiam ex sanguine, ita integrum corpus, quod in ea suscepit, ex sanguine etiam componebatur; & de fide ad *Petrum c. 14. Sicut de Deo Patre plenum, perfectūq; hominem &c.*; quod ipse Filius evidenter ostendit de sua carne dicens: *Palpate, & videte, quia spiritus carnem, & ossa non habent, sicut me videtis habere*; Sicut ergo nomine carnis significantur etiam ossa, quia ossa pertinent ad perfectionem, & plenam integritatem hominis; ita nomine carnis assumptæ significantur etiam sanguis, sine quo perfecta, & plena integritas hominis non haberetur; notum enim est sanguinem esse partem integram hominem. Idem repetit de *Agone Christ. c. 13*; & sapientissime alibi; quibus verbis nobis tradit rationem, quæ sic efformatur. Corpus humanum organicum includit etiam sanguinem, tanquam partem, ex qua simul cum carne, ossibus, nervis &c. componitur; sed Verbum assump- sit corpus humanum organicum cum omnibus partibus, ex quibus componitur, & conservatur; ergo assumpsit etiam sanguinem. Prob. Corpus humanum organicum essentialiter constat ex pluribus partibus, cum sit corpus eteroge- neum, idèst constans ex partibus diversæ ratio- nis; in hoc enim distinguitur à corpore homo- geneo, quod constat ex partibus limilaribus, hocèst eiusdem rationis; cum nanque corpus orga- nicum sit subiectum formæ viventis, quæ habet diversas potentias, quibus potest diversas operationes habere; ideo corpus organicum essentialiter importat diversitatem partium for- mantium diversæ organa, in quibus solum pos- sunt fieri diversæ operationes, ut constat; quia in oculo nequit fieri, nisi visio; in aure, nisi au- ditio &c.; sed sanguis est vna ex partibus com- ponentibus corpus organicum, quia vnumquod- que fit ex eo, ex quo conservatur, cum conser- vatio sit continuata productio; corpus autem orga- nicum conservatur per nutritionem, quæ non fit, nisi per sanguinem; & ideo sanguis est vna pars constituens organum, in quo anima potest

Mag. Frideric. Nic. Ganardi Tom. 5.

exercere operationem potentia nutritiæ; ergo corpus humanum organicum includit etiam sanguinem &c. Prob. mi. Nomine carnis, quam assumpsit Verbum, non significatur sola caro, prout distinguitur ab alijs partibus componen- tibus corpus organicum; aliter nomine carnis non significarentur etiam ossa, quod est contra illud Christi Domini: *Spiritus carnem, & ossa non habent, sicut me videtis habere*; sed signifi- catur totum corpus, quod distinguitur ab ani- ma, & ab anima informatur; & in quo anima potest exercere omnes operationes omnium suarum potentiarum ei naturaliter inherentiū; sicut enim nomine animæ rationalis, quam as- sumpsit Verbum, non significatur sola substantia animæ sine suis naturalibus potentijs, quæ inter- uiunt ei ad operandum; aliter nullam operatio- nem propriam animæ potuisset habere; sic nomi- ne carnis significantur omnia, quæ concurrunt ad constituenda omnia organa, in quibus potest anima operari; ergo Verbum assumpsit corpus humanum organicum cum omnibus partibus, ex quibus componitur, & conservatur. Tum quia Verbum plene, & perfectè assumpsit natu- ram humanam; sed plenitudo, & perfectio natu- ræ humanæ fit ex omnibus, quæ naturaliter competunt animæ rationali, & ex ijs, quæ in- tegrant totum corpus humanum; ergo assumpsit totum corpus humanum cum omnibus partibus, quæ illud constituunt.

17 *Conf. ex Trid. sess. 13. c. 3.* statuente: *Cor- pus sub specie vini, & sanguinem sub specie panis, animamque sub utraque vi naturalis illius conne- xionis, & concomitantia, qua partes Christi Domi- ni, qui iam ex mortuis resurrexit non amplius mor- turus, inter se copulantur*. Ex quo sic arguit *Fund. Doct. ubi*: Sanguis est pars naturaliter connexa cum carne, seu corpore; sed Verbum assumpsit omnes partes corporis naturaliter cõ- nexas; ergo assumpsit & sanguinem. Ma. habetur *ex Conc.* docente sanguinem reperiri sub specie- bus panis per concomitantiam; quoniam enim ex vi verborum fiat sub illis speciebus solum corpus, dicitur nanque in consecratione panis: *Hoc est corpus meum*; attamen quia vna pars cum alia naturaliter connectitur in Christo; ideo san- guis per concomitantiam ponitur sub specie pa- nis; quod non esset verum, si sanguis pars non- esset; & pars expressè dicitur à *D. Tho. ubi*; & etiam à *Phil. 1. de b. st. animalium c. 1*; & ratio est, quia simul cum carne, & cæteris partibus in- tegrat corpus; & sine ipso corpus vivere non pos- set, extingueretur enim calor naturalis, qui ab ipso fouetur, & conservatur; tum quia corpus non nutritur, nec restauraretur substantia de- perdita, & ideo vivens citò interiret. Prob. mi. Si Verbum non assumpsisset omnes partes cor- poris Christi naturaliter connexas, posset dici, quòd aliqua pars corporis Christi non esset pars hominis Dei, & ideo non esset pars Christi, qui essen-

essentialiter est homo Deus; nam in tantum vna pars est hominis Dei, in quantum est pars integrans naturam humanam à Deo assumptam; sed in casu non esset assumpta; ergo non esset pars hominis Dei. 2. Verbum assumpsit totum illud, quod debebat terminare subsistentia creata, aliter non suppluisset perfectè subsistentiam creatam; sed omnes partes corporis naturaliter connexæ terminatæ fuissent à subsistentia creata; ergo Verbum assumpsit omnes partes corporis naturaliter connexas.

18 Urgetur. Omne illud, quod Christus post resurrectionem subtulit in Cælum, fuit assumptum à Verbo in vnitatem personæ; sed sanguis fuit à Christo sublatus in Cælum; ergo fuit assumptus à Verbo in vnitatem personæ. Prob. ma. Si quæ partes non fuerunt in Cælum sublatae, maxime illæ, quæ non pertinent ad integritatem naturalem corporis humani, & ideo non componentur humanitatem, sed sunt omnino disconnexæ, superflue, vel deseruiunt solum vsui huius vitæ mortalitatis, vt sunt cibus, fudor, lacrimæ, sputa, & ceteræ partes excrementiæ; aliter si non assumpsisset partes, quod spectant ad naturalem perfectionem corporis humani, assumpsisset in Cælum corpus imperfectum, quod est inconueniens; sed omnes partes, quæ spectant ad naturalem compositionem, & perfectionem corporis humani, fuerunt assumptæ à Verbo in vnitatem personæ; sicut enim assumendo animam assumpsit omnia accidentia, quæ sunt perfectiones illius accidentiæ; ita à fortiori assumens corpus debuit assumere omnes partes substantiales illius, & consequenter accidentia ei propria, aliter plenè, & perfectè ipsum non assumpsisset; ergo omne illud, quod Christus post resurrectionem subtulit in Cælum, fuit assumptum à Verbo in vnitatem personæ. Mi. traditur à Conc. & prob; aliter si in corpore Christi in Cælis existente non esset sanguis, sub speciebus panis modò sanguis non esset per concomitantiam; quia modò non esset connexus cum corpore Christi, cuius oppositum statuit Conc.

19 2. Pars concl; quòd scilicet totus sanguis fuerit assumptus, prob. iisdem rationibus. 1. Quælibet pars sanguinis simul sumpta componit totum sanguinem; sed Verbum assumpsit quælibet partem sanguinis simul; ergo assumpsit totum sanguinem. Ma. patet; sicut enim, quælibet pars aquæ simul efficit totam aquam; & quilibet homo collectiue est idem, ac omnis homo; & signo *omnis*, quod significat totum discretum, correspondet *totus*, qui significat totum continuum; ita à pari. Prob. mi. *extr. Vniuersus*, ubi dicitur vnam guttam sanguinis satis fuisse ad redemptionem generis humani ob vniionem ad personam Verbi; sed si non assumpsisset totum sanguinem, non verificaretur de illis guttis, quæ assumptæ non fuerunt; ergo assumpsit quælibet guttam sanguinis. Tum.

quia si non assumpsisset totum sanguinem, non possemus agnoscere, quanam fuisset sufficiens ad redemptionem generis humani; quod derogaret venerationi, & cultui ipsius sanguinis; sicut si quælibet actio Christi Domini non fuisset sufficiens ad satisfaciendum pro peccato, sed aliqua tantum v.g. illa, qua mortem pertulit, derogaret valori aliarum actionum, quæ non haberentur in eo pretio, in quo haberetur tolerantia crucis; & quia actio refunditur in personam; ideo persona Christi minùs haberetur in pretio, prout substinens flagella, quam prout tolerans mortem, quod est absurdissimum; & ergo pariter aequè absurdum est, quòd non quælibet sanguinis gutta habeatur in pretio; atqui pretium accipit ex vniione ad Verbum; ergo quælibet gutta sanguinis, & per consequens totus sanguis vnitus fuit Verbo. 2. Locutio indefinita in materia necessaria æquiualeat locutioni vniuersali; vt docent *Logici*; sed materia fidei est necessaria ad salutem, quia sine tota ipsa salus haberi non potest iuxta *Symb. D. Alban. Quam nisi quisque integram, inuiolatamque serauerit, absque dubio in æternum peribit*; ergo locutio indefinita in materia fidei æquiualeat locutioni vniuersali, seu integrali, qua significatur totum; atqui *Concilia*, & SS. PP. indefinitè docent Verbum assumpsisse sanguinem; & hæc doctrina est in materia fidei; quia definierunt hoc esse de fide; ergo hæc locutio significat Verbum totum sanguinem assumpsisse. Tum quia ex eo, quòd asserant Verbum assumpsisse carnem, non licet asserere non assumpsisse totam carnem, sed tantum partem carnis; ergo ex eo, quòd asserant assumpsisse sanguinem, non licet exponere, quòd solum partem sanguinis assumpsisset. 3. Totus sanguis pertinet ad integritatem, plenitudinem, & perfectionem hominis, cum sit pars integralis, & naturalis corporis organici; sed Verbum assumpsit omnem partem facientem ad integritatem, plenitudinem, & perfectionem hominis, aliter assumpsisset humanitatem imperfectam, & ideo non esset homo aequè perfectus, ac alij homines; quod est contra *Symb. D. Alban. Perfectus Deus, perfectus homo*; & contra doctrinam SS. PP. asserentium assumpsisse plenam, & perfectam humanitatem; ergo idem. 4. Totus sanguis effusus à Christo Domino ex vi verborum consecrationis ponitur in calice; dicitur enim: *Hic est calix Sanguinis mei, qui pro vobis, & pro multis effundetur in remissionem peccatorum*; sed sanguis, qui vi consecrationis ponitur in calice, est assumptus à Verbo, habet enim vim remissionis peccatorum, quæ nequit competere puræ creaturæ non assumptæ à Verbo, cum vis remissionis habeat valorem infinitum, qui nequit desumi, nisi à supposito infinito; ergo Verbum totum sanguinem assumpsit.

20 Addimus, quòd sanguis nutrimentalis gene-

generatur ex vera substantia sanguinis, est enim sanguis magis purificatus, vt *sup.* diximus, ad hoc, vt nutritioni pręparetur; sed ille, ex quo generatur, est assumptus; ergo & iste. Tum, quia statim; ac cibus substantialiter mutatur, incipit subsistere per subsistentiam Verbi Diuini; nam tunc incipit subsistere per subsistentiam Diuinam, cum definit esse sub propria subsistentia creata; definit autem esse sub propria subsistentia creata, cum mutatur substantialiter; quia in tali mutatione deperdit subsistentiam, quam antea habebat; & incipit esse sub subsistentia Diuina, quia incipit esse sub subsistentia corporis Christi, quod subsistit per subsistentiam Diuinam, fit enim pars nutrimentalis corporis Christi; sed quilibet verus sanguis est mutatus substantialiter ex cibo, quia non fit, nisi per corruptionem substantialem; cibi, ergo quilibet verus sanguis est assumptus à Verbo.

21 Ab hoc nõ discrepant *Caietani Sectatores*; contendunt enim chylum in venis Meseraicis attractum, antequam recipiatur in hepate, in quo aiunt Medici fieri sanguinem; vel in corde, vt vult *Phil.* habere aliquam similitudinem sanguinis, quia habet colorem sanguineum, non autem esse verum sanguinem; vt ait *Genet. §. 1. vbis.* Sed in eo discordant, quod chylum, vel in chilo dicunt esse sanguinem nutrimentalem, quem Medici verum sanguinem magis decorum, & purificatum, vt nutritioni deferuiat, appellant. Nec *S. Tho.* illis suffragatur dicens: *Non totus sanguis nutrimentalis, idest qui ex cibis generatur, pertinet ad veritatem naturę humane.* Non suffragatur, inquam; nam non ait: *Qui ex cibis immediatę generatur;* sed simpliciter *generatur;* quod bene intelligitur de generatione mediata; non enim immediatę ex cibo nutritur caro, vt tenet etiam *D. Tho. in libris de anima;* & ideo sanguis nutrimentalis proximę non generatur immediatę ex cibo, sed ex chylis; ex quo prius generatur sanguis vitalis, & ex hoc sanguis nutrimentalis. Nec aliud docet *S. Tho.* quam hunc sanguinem nutrimentalem non mansisse in corpore glorioso Christi Domini, quia natura corporis gloriosi nutrimento non eget; quod bene saluator dicendo totum sanguinem mansisse in illo, quauis non sub forma nutrimentali; quia sub hac forma non fuit necessarius. Fuit ergo totus sanguis sub forma sanguinis vitalis; nam ille, qui post vltimam digestionem fuit nutrimentalis, transiit in substantiam carnis; & alter mansit sub forma sanguinis vitalis; & quoniam nulla alia digestio subsecuta fuit post vltimam, quia mors illam impediit; ideo nullus alius sanguis nutrimentalis generatus fuit; & per consequens nullus sanguis nutrimentalis in corpore Christi glorioso remansit; non quod eum dimiserit in terra, sed quia totus transferat in carnem; adeoq; assumendo totum

sanguinem vitalem effusum, totum sanguinem reassumpfit. Ex quo apparet *Caietanum, & alios* tantum in nomine dissentire.

22 Prob. 3. pars concl; quod scilicet sanguis Christi etiam in triduo mortis hypostaticę vnitus remanserit. 1. *Ex Clem. VI. vbis* qui loquens de sanguine in ara crucis effuso, & per consequens separato à corpore ait vnā guttam *propter vnionem ad Verbum* fuisse sufficientem ad redemptionem totius generis humani; ergo in triduo, in quo mansit separatus à corpore, fuit Verbo hypostaticę vnitus. 2. *Cum Fund. Doct.* Si quis in triduo consecrasset calicem, fuisset in illo sanguis cum Diuinitate per cõcomitantiam, vt docet *Trid.* fuisset enim verum Sacramentum, quia *Luc. 22.* dixit Christus Dominus indefinitę: *Hoc facite in meam commemorationem;* non autem excepit triduum suę mortis; ergo Verbum Diuinum in triduo remansit vnitus suo sanguini, aliter per concomitantiam non fuisset sub speciebus vini; & *Io. 6.* *Caro mea verę est cibus, & sanguis meus verę est potus; qui manducans meam carnem, & bibit meum sanguinem, in me manet, & ego in eo;* quibus verbis loquitur separatim de carne, & sanguine; ergo sicut in triduo manducans carnem Christi sub specie panis haberet in se Christi Diuinitatem; quia Christi Diuinitas vnita erat carni; ita bibens sanguinem eius haberet in se eius Diuinitatem, quia erat vnita sanguini. Nec est audiendus *Franc. de Ruere Card. S. Petri ad Vincula* dubitans; an illo triduo consecraretur validę, & asserens pro parte negante *Glos. in c. timorem de consec. dist. 21.* resp. enim *Glosam* loqui per figuram Synecdochem, idest nomine sanguinis non poni sub speciebus vini totus Christus in triduo, quod verissimum est; postquam enim dixit formam datam esse, vt hoc fieret tantum post resurrectionem, & ideo solum Christum potuisse ante resurrectionem consecrare; & ob hoc in triduo non cantari Missam, subdit; *Et intelligo per Synecdochem.* Ceterum communiter DD; inter quos *Fund. Doct. vbis* & *D. Tho. 3. p. q. 76. art. 1. ad 1;* docent potuisse validę consecrari; quia habens legitimam potestatem supra debitam materiam proferendo debitam formam verum consecrasset Sacramentum. Pręterea si quis in triduo communicatus fuisset particula consecrata ante triduum, & bibisset sanguinem consecratum; tunc recepisset verum sanguinem, & verum Christi corpus, & per vtrunque habuisset in se Diuinitatem iuxta verba allata Christi Domini; & viuificatus fuisset, quia habuisset in se suppositum Verbi, quod est vita; non enim communicans viuificatur per animam, & vitam naturalem Christi Domini, sed per personam Diuinam producentem effectiue gratiam habitualement, quę est vera vita animę; & sic soluitur dubium, propter quod *Glosa* de hac re adeo leui dubitauit. 3. Sanguis est vera pars corporis Christi reassumenda post

post resurrectionem, vt diximus; ergo non debuit à Verbo dimitti in triduo; non enim ob aliam rationem caro non fuit dimissa; ergo à pari de sanguine. 4. SS. PP. inter quos *D. Dam. ubi*; asserunt, quòd Verbum insolubiliter vnitum est ei, quod assumpsit; & quod semel assumpsit, nunquam dimisit; quod *Theologi communiter* explicant de partibus spectantibus ad integritatem, & perfectionem hominis; sed semel assumpsit sanguinem, qui est pars naturalis hominis, vt ostensum est; ergo illum nunquam dimisit; & prob. euidenter ex illo *ps. 15. Nec dabis Sanctum tuum videre corruptionem*; quod nequit intelligi, nisi de partibus corporis, quod solum est corruptibile; vnde cum sanguis sit pars non minima corporis, etiam de sanguine est accipiendum; sed corruptio est transitus de esse ad non esse; ergo sanguis Christi in eius morte non transijt de esse, quod habuit in supposito Christi; ad non esse in supposito Christi; & per consequens ei mansit vnitus. 5. Sanguis effusus à Christo Domino fuit remissus peccatorum iuxta illud *Matth. 26. Qui pro vobis, & pro multis effundetur in remissionem peccatorum*; & *Hebr. 9. Sine sanguinis effusione non fit remissio*; fuit iustificatus *Rom. 5. Iustificati in sanguine ipsius*; fuit pretium redemptionis oblatum ad propitiandum nobis Deum Patrem *Rom. 3. Per redemptionem, quæ est in Christo Iesu quam proposuit Deus propitiationem per fidem in sanguine ipsius*; sed peccata non remittuntur, nisi ratione Diuinitatis, quæ sola potest principaliter peccata remittere; sic ratione solius Diuinitatis effectiue principaliter iustificat; & tandem non est pretium redemptionis, nisi quatenus habet valorem infinitum, quem tantum habere potest per coniunctionem ad Diuinitatem, quæ sola est infinita; ergo sanguis Christi effusus mansit hypostaticè personæ Verbi vnitus. 6. Cum *D. Tho.* Sicut se habet vnio gratiæ habitualis cum anima; ita vnio hypostatica Verbi cum anima; & corpore secundum omnes eius partes accepto; quia sicut gratia vnitur animæ ipsam eleuando ad filiationem adoptiuam; ita vnio hypostatica vnitur animæ, & corpori vtrunque eleuando ad filiationem Dei naturalem; assumit enim vtrunque in vnitatem personæ Vnigeniti Filij Dei; sed vnio gratiæ habitualis cum anima nequit dissolui, nisi per peccatum mortale, quod solum est mors animæ; & ideo potest solum separare animam à gratia, quæ est vita ipsius, vt docet *S. P. Aug. serm. 5. de Verbis Domini*; ergo vnio hypostatica cum anima, & cum corpore nequit dissolui, nisi per peccatum, quod fuit impossibile in Christo; atqui dissolutio à sanguine est dissolutio à corpore, quia sanguis est vna ex principalibus partibus corporis; & quod dissoluitur à parte aliquis totius, dissoluitur partialiter à toto; & non est ratio, cur non possit eodem modo dissolui ab alijs partibus, cum eodem modo eis vniatur;

& sic non esset ratio, cur Verbum non esset separatum etiam à carne; si esset separatum à sanguine; ergo Verbum non fuit separatum à sanguine effuso.

23 Dices hanc vltimam rationem nimis probare; probat enim omnes partes corporis debuisse semper remanere vnitas Verbo, quod est falsum; nam partes, quæ per continuam actionem agentium naturalium resoluuntur, non remanserunt vnitæ, quia fuerunt destructæ; constat enim in omni corpore humano per continuam actionem caloris naturalis aliquas partes resolui, quæ reparantur per nutritionem; ergo hæc ratio nihil probat.

Resp. hanc rationem probare partes corporis Christi, quæ non destruuntur per resolutionem naturalem, sed manent, debere hypostaticè esse vnitas Verbo Diuino, quod semper debet esse coniunctum toti corpori, & per consequens omnibus partibus, quæ sunt in corpore, cum partes vnitæ non sint, nisi corpus; non autem debere manere vnitum partibus, quæ resoluuntur, & non sunt amplius partes, quia non sunt, sed loco earum vniri illis, quæ succedunt; sicut enim loquimur de subsistentia creata, quæ successiue terminat partes per nutritionem adiunctas, & dimittit eas, quæ vi caloris naturalis resoluuntur; hoc enim exigit natura huius mortalitatis, cuius aliqua pars semper deperit, & quam induit Verbum Diuinum carnem sumendo; ita loquendum de Verbo Diuino, quod supplet munus subsistentiæ creatæ. Imò sicuti quia natura animæ rationalis exigit, vt habeat aliquos actus liberos, qui non durant, sed euolant; ideo Verbum Diuinum illos terminauit amissibilibus; ita à pari.

24 Prob. 4. pars concl. 1. ex *Innoc. III. c. in quadam de celebr. Missar. tit. 4. 1.* dicente: *Cum ad compositionem humani corporis quatuor elementa concurrant, videlicet terra, aqua, aer, & ignis; & ad vegetationem eiusdem corporis quatuor humores consimiles conueniant, videlicet sanguis, cholera, flegma, & melancholia, vt veritatem humani corporis expressius demonstraret, vnum ex illis, & vnum ex istis Ioannes expressit; nempe aquam, & sanguinem subdit Glos. Ex quo sic. Verum corpus humanum constituitur vegetans ex primis quatuor humoribus, quæ sunt sanguis, cholera, flegma, & melancholia; sed Verbum assumpsit verum corpus humanum vegetans; ergo assumpsit etiam quatuor primos humores enumeratos. Ma. est in terminis ipsius Pontificis; ait enim conuenire ad vegetationem, id est simul venire ad constituendum corpus vegetans, sicut materia, & forma conueniunt ad constituendum compositum; & licet non dicat hos quatuor humores esse de compositione corporis humani, vt obijcit *Lugo*, cui non placet hæc auctoritas, quanuis irrationabiliter; attamen ait conuenire ad vegetationem, quia sine ipsis corpus non*

non vegetaret; & ideo constituunt corpus viuum; quod deficiente aliquo ex his humoribus ex integro statim emoritur, vt concorditer asserunt Medici. Mi. est de fide, quæ docet Christum assumpsisse corpus viuum, idest habens animam; & traditur à S. P. Aug. *serm. 15. de temp. & saepe alibi*. 2. S. P. Aug. *ep. 146.* docet naturam carnis quatuor humoribus temperari; quando enim è vena extrahitur sanguis, videtur immixtus illis humoribus; cum enim sanguis sit calidus, & humidus, sicut aer; flegma, seu pituita frigida, & humida, sicut aqua; cholera, seu flaua bilis calida, & sicca, sicut ignis; & melancholia frigida, & sicca, sicut terra; ideo corpus non est temperatum perfectè, nisi habeat in se istos quatuor humores; sed Verbum assumpsit corpus perfectè temperatum; quia temperies facit ad perfectionem hominis; ergo assumpsit etiam hos quatuor humores. 3. Isti quatuor humores spectant ad integritatem, & perfectionem naturalem corporis humani, quia sine illis corpus humanum viuere nequit; sed Verbum assumpsit omne illud, quod spectat ad integritatem, & perfectionem naturalem corporis humani; quia assumpsit perfectum, & plenum hominem, vt docent D. Athan. & S. P. Aug. ergo idem. 4. In eo instanti, in quo definit esse substantia cibi; tunc substantia, in quam mutatur cibus, transit ad subsistendum per subsistentiam Verbi; tunc enim definit subsistere per subsistentiam creatam, per quam subsistebat cibus; & incipit subsistere per subsistentiam, per quam subsistit illud compositum, in quod recipitur; substantia enim cibi, cum transmutatur, transit in substantiam aliti, & ideo transit ad subsistendum per subsistentiam aliti; Philosophi nanque communiter non distinguunt, nec assignant, nisi substantiam alimenti, & aliti; substantia autem aliti, qui est Christus, est subsistentia Verbi Diuini, vt docet fides; sed quatuor primi humores non sunt amplius substantia cibi, quia sunt transmutati in aliam substantiam; ergo iam existunt per subsistentiam Verbi; & ideo assumpti sunt à Verbo.

23. Prob. 5. pars concl. ipsdem rationibus, quibus probata fuit 3; & 4. pars; nam ros, camellium, & gluten sunt formaliter substantia sanguinis magis purificata, & nutritioni proximè disposita; sic spiritus animales, & vitales nihil aliud sunt, quam tenuissima substantia ex purissimo, & defecatissimo sanguine efformata; sed substantia sanguinis est assumpta à Verbo, vt probatum est; ergo & substantia horum humorum. Tum quia id, per quod proximè nutritur corpus, est debitum naturaliter corpori, vt viuat; sine nutritione nanque in hac vita mortali corpus nequit viuere; sed humores secundarij sunt huiusmodi, vt patet; ergo sunt naturaliter debiti, & connexi in hac vita cum corpore; sed Verbum assumpsit omne naturaliter vnitum,

cum corpore; ergo idem. Humores autem vitales è corde per arteriam decurrunt ad vitam tuendam; animales verò è cerebro per nervos excurrunt ad exercendas operationes sensitivas; ergo spectant ad integritatem humanæ naturæ; & ideo à Verbo assumpti fuerunt, aliter non assumpsisset totum id, quod ei necessarium erat ad viuendum, & sentiendum; & ideo assumpsisset corpus imperfectum, quia non assumpsisset omnes perfectiones naturales illius. Tandem Verbum assumpsit omne illud, quod informatur ab anima rationali, aliter non assumpsisset totum corpus; sed illi humores informantur ab anima rationali, non quidem secundum gradum intellectiuium, sed secundum gradum vitæ, dicuntur enim vitales, quia crescunt secundum omnes positiones loci; ergo idem.

26. Prob. 6. pars concl. 1. *cont. Vassq. hic disp. 36. nu. 34. ex D. Ambr. lib. de Incarn. Dominica Sacram. c. 6; & D. Athan. ep. ad Episc.* quam refert D. Epiphanius. *her. 77.* docentibus hæreticos asserentes naturam Diuinam conuersam fuisse in naturam humanam consequenter debuisset asserere conuersam fuisse in carnem, capillos, & sanguinem, & ossa; ergo supponunt etiam capillos, & ideo etiam dentes, & vngues intrinsecè componere, & integrare naturam humanam, non tanquam partes essentielles, sed integrales. Nec obstat Vassq. asserens hos SS. PP. totum id retulisse ex sententia hæreticorum, qui hoc etiam asserabant. Non obstat, inquam; nam isti PP. arguunt ducendo hæreticos ad absurdum, & inconueniens; non enim referunt, sed reiciunt eorum sententiam. 2. Dentes, vngues, capilli, & pili sunt partes naturaliter connexæ cum carne inferuientes pluribus actionibus hominis, & facientes ad ornatum illius; nam dentes inferuunt nutritioni, terunt enim cibum, vt facilius digeratur; vngues puliunt pellem, ne putrescat; capilli tegunt caput, ne aeris humiditate inficiatur &c.; & sine istis homo non esset formosus, sed deformis, & ideo illi pars integralis deficeret; sed Verbum assumpsit omnes partes naturaliter connexas cum corpore humano; assumpsit enim plenum, totum, & perfectum hominem excepta personalitate, subsistentia, & existentia creata; vt docent D. Athan. & S. P. Aug. ubi ergo assumpsit etiam dentes &c. 3. Dentes, vngues, capilli &c. sublati fuerunt in Cælum à Christo Domino; ergo fuerunt assumpti à Verbo, vt *sup.* diximus. 4. Vel in sacramento ponuntur ex vi verborum dentes, barba, capilli &c.; vel ponuntur per concomitantiam; vel nullo modo ponuntur? Si primum; ergo sunt partes componentes corpus; nam ex vi verborum ponitur solum corpus, hoc est partes componentes corpus; Verbum autem assumpsit corpus, & ideo omnes partes ipsius, ac propterea etiam dentes &c. Si secundum; ergo fuerunt assumpti à Verbo; quia vt docet Trid. ubi

quæ

quæ ponuntur per concomitantiam, habent naturalem connexionem cum corpore, & ideo connechtuntur etiam in substantia, qua subsistit corpus, & quæ est substantia Verbi. Tertium dici nequit; est enim maxima deformitas, si Christus poneretur calvus, imberbis &c; tum quia ita ponitur in sacramento, sicut est in Cœlo &c. *Vid. alias rationes sup. allatas.*

27 Obijc. 1. *Dnr. cont. r. part. concl.* Sanguis non est pars naturæ humanæ; ergo non fuit assumptus à Verbo. Prob. ant. Omnis pars naturæ humanæ debet esse informata ab anima, quæ est forma totius corporis; sed sanguis non informatur ab anima, quia non vivit; nam sanguis ex *Phil. lib. 8. de partib. animalium* est alimentum; alimentum autem non vivit, quia cibus non vivit; ergo non est pars. 2. Inter Deum, & naturam assumptam datur communicatio idiomatum; sed inter sanguinem, & Verbum, non est communicatio idiomatum; non enim Verbum dicitur effusum in terram, sicut dicitur sanguis; ergo idem. 3. Partes sanguinis dimisit in terris; ergo idem. 4. Partes debent continuari, & connecti; sed sanguis non continuatur; ergo idem. 5. *S. P. Aug. ep. 146.* interrogatus, an corpus Christi nunc habeat ossa, & sanguinem, respondet habere carnem, & ossa, & sanguinem tacet afferens illa verba: *Spiritus carnem, & ossa non habent, sicut me videtis habere*; ergo signum est eum sensisse nunc in Christo non esse sanguinem, & ideo non fuisse assumptum, quia quod semel assumpsit, nunquam dimisit.

Resp. ad 1. neg. ant. Ad prob. dist. ma. Debet esse informata ab anima secundum gradum intelligendi, neg; secundum gradum vegetandi, vel essendi, vel intelligendi, conc; & neg. mi. iuxta hanc distinctionem. Ad illud de alimento dicitur sanguinem esse alimentum iam transmutatum de substantia cibi, & ideo iam assumptum, vt dictum est *sup.* cibus autem non est transmutatus substantialiter; & ideo manet sub propria substantia creata. *Alij* negant; concedunt enim in eodem vivente plures formas partiales subordinatas animæ rationali, quæ formæ partiales cōstituunt diversas partes eiusdem corporis. Ita *noſter Gibb;* apud quem *noſter Lufit. lib. 2. de glor. corp. q. 7. art. 2. nn. 5;* *D. Boni Ricci;* *Scot;* *Capr;* *Abul. Sna;* *Vasq;* & *alij.* Ad 2. dist. ma. Inter Deum, & naturam assumptam totalem, vel quæ aliquo modo potest denominari homo concretè, datur communicatio idiomatum, conc; quia communicatio idiomatum desumitur penes concreta, vt *superius* diximus; valet enim: *Deus est homo;* & *e contra;* non autem penes abstracta; quia non valet: *Deus est humanitas;* ideo ratione solius concreti *homo,* & *Deus* possunt idiomata communicari; & quavis anima non sit totum concretum, quod est homo; & idem de corpore mortuo; attamen potest dici Deum descendisse ad inferos ratione

animæ, & iacuisse in sepulchro ratione corporis; quia anima separata sortitur denominationem hominis iuxta communem vsum loquendi; quod dicitur etiam de corpore separato; dicitur enim: *S. Petrus est in Cælo;* *S. Petrus est in sepulchro;* ratione solius animæ, & corporis separati. At verò pars integralis non sortitur denominationem totius, quia est pars minùs principalis; quapropter non dicitur: *Manus, vel pes est homo;* & tamen manus, & pes sunt assumpti à Verbo; ergo etiam sanguis, qui est pars corporis organici humani; cum non sit pars principalis hominis, sicut est corpus & anima (sanguis enim constituit corpus, quod est pars hominis) non prædicatur de Verbo, licet fuerit assumptus à Verbo. Ad 3. iam dictum est *sup.* Neg. ant; nam in terris non remanserunt, nisi scæces sanguinis. Ad 4. dici potest aliam esse continuationem partium solidarum, quæ immobiliter vniuntur; aliam verò partium fluidarum, quæ moventur; & ad hanc sufficit, quod semper aliqua pars disunctiue sit connexa; quod videmus in ipso sanguine, quavis enim sit continuus in se ipso; attamen semper partes moventur, & modò vna connectitur cum ista, modò cum alia, non tamen ex hoc motu discontinuantur, quia semper manent connexæ vel secundum hanc partem, vel secundum aliam. Continuatur ergo sanguis cum carne, quia semper aliqua pars sanguinis vel hæc, vel illa vnitur cum carne, quousque separatur à carne. *Alij* dicunt ad vñionem integram partium corporis sufficere contiguitatem, hæc enim sufficit ad exercendas suas operationes. Ita *Gibb.* Ad 5. dicitur *S. P. Aug. in illa ep.* noluisse satisfacere curiositati inquirentium, ne causam daret alia sciscitandi; subdidit enim: *Fortassis enim accepta occasione sanguinis, urgebit nos molestior perscrutator, & dicet: Si sanguis, cur non & pinuita? Cur non & fel flauum, & fel nigrum?* Ipse autem detinebatur grauissimis quæstionibus contra hæreticos, & ideo non æquè ferebat distrahi ad istas curiositates. Ex his tamen verbis deducitur docuisse sanguinem fuisse assumptum; nam si sensisset sanguinem non fuisse assumptum, responderet negatiue, & sic finita esset quæstio etiam de alijs humoribus; at quia affirmatiue respondere debebat, sic enim solum dedisset occasionem alia percunctandi; ideo dixit standum esse verbis Christi Domini, & nihil aliud curiosè inquirendum. Ceterum *alibi* expressè docuit assumptum sanguinem; quia ait assumptum fuisse plenum, perfectumque hominem.

28 Obijc. 2. Verbum assumpsit vnam speciem naturam; sed sanguis non est eiusdem speciei cum carne; ergo idem. 2. Sanguis in pura creaturâ subsistit per propriam substantiam distinctam à substantia carnis; nam si sanguis separaretur à carne, nulla videtur in eo mutatio, ideo existit per eandem substantiam, per quam subsi-

subsistebat vnitus; ergo & in Christo; atqui subsistentia, qua in Christo subsistit caro, est subsistentia Verbi; ergo subsistentia, qua subsistit sanguis, est subsistentia creata; & ideo non fuit assumptus ad subsistentiam Diuinam.

Resp. ad 1. dist. ma. Vnam specie naturam totalem, quæ coalescit ex pluribus partibus diuersæ speciei, conc; secus, neg; aliter non assumpsisset ossa, & nervos; imò non assumpsisset corpus, sed animam tantum, quia corpus genere differt ab anima. Ad 2. neg. ant. Ad prob. infert. dicitur, quòd etiam caro, & ossa separata à corpore non videntur immutata, imò nec etiam corpus separatum ab anima, quia habent accidentia eadem specie, & tamen certum est per separationem immutari.

29 Objc. 3. Card. S. Petri ad vinc. Ex *Lactantio* ita se habet sanguis ad corpus, sicut oleum ad lumen, cuius est pabulum; sed oleum nullo modo est pars luminis; ergo nec sanguis. Tum quia vna pars nequit nutriri ex alia parte; ergo idem. 2. Homo potest viuere sine sanguine; nam cum infans generatur, nullum habet sanguinem; quia sanguis gignitur solum in hepate, vel in corde per appositionem alimenti, quod in illo instanti generationis nequit fieri, implicat enim, quòd hepar, vel cor in eo instanti, in quo generatur, operetur, cum operari sequatur ad esse; ergo sanguis non est pars hominis. 3. Sanguis est alimentum; sed alimentum debet esse diuersum ab alito; quia idem conuerteretur in se ipsum; ergo idem.

Resp. ad 1. paritatem currere quantum ad hoc, quòd scilicet sicut ex oleo nutritur lumen, ita ex sanguine nutritur caro; disparitatem tamen esse; quia oleum non fit oleum in lumine per transmutationem substantialem, sicut ex cibo fit sanguis in corpore per transmutationem; ideo sanguis est pars corporis, non oleum luminis; omnes autem similitudines habent adiunctas plures dissimilitudines, vt constat; aliter non essent similitudines, sed identitates, si in nullo differrent. Ad aliud dicitur vnam partem non nutriri ex alia simili, bene tamen ex dissimili apta ad nutritionem. Ad 2. neg. ant; nam in eo instanti, in quo introducitur anima in corpus pueri in ventre matris, iam ipsum corpus habet in se sanguinem, & spiritus animales, & vitales, sine quibus nequit viuere, non genitos in corde, vel in hepate infantis, sed matris, & à matre deriuatos in foetum. Ad 3. dist. ma. Sanguis est alimentum iam transmutatum in partem aliti; conc; non transmutatum, vt cibis, neg. Ad mi. dicitur carnes, & ossa, & nervos esse alita, quæ distinguuntur à sanguine; & totum corpus dici alitum secundum has partes tantum, non secundum sanguinem; & ideo non implicat idem totum ætherogeneum secundum diuersas partes dissimiles dici alitum, & alimentum.

Mag. Frideric. Nic. Ganardi Tom. 5.

30 Objc. 4. *Gonet* cont. 2. part. concl. Sanguis purè nutritivus non est de integritate humanæ naturæ; ergo non est Verbo hypostaticè vnitus. Prob. ant. Quod non est actum, sed tantum in potentia pars humanitatis, non est de integritate illius; sed sanguis nutritivus est huiusmodi, est enim purum alimentum; ergo non est de integritate humanitatis.

Resp. neg. ant. Ad prob. neg. mi; quanvis enim sanguis nutritivus sit in potentia ad fieri carnem, ossa &c; attamen est actum pars humanitatis. Ad illud de alimento dictum est *sup.* esse alimentum iam transmutatum ex substantia cibi, & ideo pertinere ad substantiam aliti.

31 Objc. 5. cont. 3. part. concl. 1. Sanguis extractus in circuncisione amisit vnionem ad Verbum, quia per separationem iam non erat amplius pars illius suppositi. Sicut ipsa caro preputij abscisi, quod referatur in *Lat. Basilica*; idem dicitur de sanguine effuso in horto, & de quavis gutta casu extracta à corpore Christi; ergo idem dicendum de sanguine in cruce effuso. Vnio hypostatica tantum debebatur partibus, quandiu constituiebant vnam numero naturam; sed sanguis effusus non constituebat vnā naturam, quia constituebat tantum, vt vnitus; ergo idem. 3. Sanguis effusus diu mansit pulueri immixtus, coagulatus, & deficcatus; ergo fuit mutatus substantialiter, & ideo non mansit vnitus.

Resp. ad 1. posse idem dici de carne; nam si casu aliqua pars carnis fuisset abscissa, amisisset vnionem; ergo tota caro amisit vnionem; sicut enim à parte sanguinis arguitur ad totum sanguinem, ita à parte carnis ad totam carnem. Dicitur ergo, quòd sicuti partes carnis, quæ per continuam actionem, & repassioem deperditæ sunt, non manserunt vnitæ, quia humanitas in fine vitæ futura erat integra sine illis; at verò partes omnes eiusdem humanitatis in fine vitæ debuerunt remanere vnitæ, quia sine illis humanitas integra non fuisset; hoc enim est de ratione corporis mortalis; ita sine illis guttis sanguinis, quas Christus effudit ante finem vitæ, integra futura erat humanitas, & ideo illæ dimissæ fuerunt à Verbo; at sine illis guttis sanguinis, quas effudit in fine vitæ, integra non fuisset humanitas; & ideo debuerunt remanere vnitæ, & reassumi ad corpus. Ratio est; quia etsi ante vitæ finem perdebantur aliquæ guttæ sanguinis, poterant tamen aliæ generari, & subintrare ad constituendam integritatem humanitatis; hoc autem non potuit fieri in fine vitæ, post quem non potuit esse amplius nutritio, & generatio noui sanguinis; & ob hanc disparitatem neg. conf. Ad 2. dicitur eodem modo probari corpus separatum, & animam non mansisse vnitam, quia sic separata non constituiebant vnam numero naturam, quam solum constituiebant, vt vnita. Neg. ergo ma; nam partes debuerunt manere

manere vnita; quia debuerunt reassumi ad corpus. Ad 3. dicitur illos tres dies non fuisse integros, & ideo non potuisse tam breui tempore corrumpi; vel dicitur præsueratum fuisse iuxta psal. 15; *Non dabis Sanctum tuum videre corruptionem.*

32 Dices non posse negari aliquas guttas sanguinis in cruce effusi in terris mansisse; nam Pius II. ad Abbatem S. Mariae Xantonen. Diæcesis scribit fidei non repugnare partem aliquam sanguinis in memoriam passionis fuisse in terris relictam; & Platina refert Leonem III. Mantuam profectum sanguinem illum approbasse; quod confirmat Baron. anno 804.

Resp. hoc inquirere, an Christus resurgens reassumpserit totum sanguinem effusum in cruce? S. Tho. ubiq; & Quodl. 5. art. 5; Turrecrem. in cap. innitat. dist. 2. affirmatiue respondent. Vassq; Sylu; & Lugo aiunt negari non posse aliquas particulas sanguinis remansisse in sudario, sindone, spinis, flagellis, cruce &c. Iuxta primam sententiam dici potest illas maculas sanguinis fuisse fœces ipsius deponendas in purificatione ipsius sanguinis, cum trāssisset in nutritionem, substantiam verò fuisse reassumptam, vt sup. diximus. Iuxta secundam dici potest illas guttas sanguinis, quæ remanserunt, fuisse, quæ debebant deperdi per actionem caloris, si Christus superuixisset, & ideo non fuisse de integritate humanitatis. Vel fuisse illum sanguinem, qui destinatus erat nutritioni Christi superuiuentis; & quia tunc non erat amplius necessaria nutritio post mortem, ideo fuisse dimissus, tanquam superfluus humanitati, adeoque verificari totum sanguinem fuisse, qui erat de integritate ita tamen, vt fuerit dimissus superfluus in solo instanti reassumptionis illius, qui erat necessarius integritati. S. Thomam verò posse explicari, quòd nihil sanguinis Verbo hypostatice vniti remanserit in terris; sic enim non habetur, nisi ille, qui spiritaliter efficitur à Sacerdote; non verò nihil sanguinis à Verbo dimissi.

33 Sed quæres iterum; an Christus resurgens reassumpserit alios humores?

Resp. S. P. August. ep. 146. alios humores ex natura sua vergere ad corruptionem, ideo Christum sine illis resurrexisse, quia incorruptibilis simpliciter resurrexit; adeoque si eos reassumpsit, non reassumpsit illos formaliter secundum munus, quod habent, sed tantum materialiter secundum substantiam præciso munere corruptibilitatis.

34 Obijc. vlt. cont. tres vltimas partes concl. Sequeretur nouam vniionem, & separationem iudies fuisse factam; cum præcedebant vniges, cadebant capilli; proijciebatur pituita &c; sed hoc videtur absurdum; ergo idem.

Resp. hoc posse vergeri de resolutione partium deperditarum vi caloris naturalis, & partium acquiratarum per nutritionem; sicut ergo

nullum absurdum est in istis; ita nullum in illis, & sicut istæ resoluiebantur non amplius reassumenda, ideo separabantur à Verbo; ita dicendum de istis. Insuper quia illis aliæ succedebant, ideo sine illis erat integrum, & perfectum corpus. Ad id de pituita dicitur non esse propriè pituitam, quæ non proijcitur, sed excrementum pituitæ, sicut salina, lacrimæ, sudor &c. sunt pura excrementa, & ideo nunquam fuerunt vnita.

A R T. VII.

De ordine assumptionis.

¶ Q Voties plura ordinantur ad vnum, ne detur confusio inter ea, debet dari ordo, qui opponitur confusio. Postquam itaque explicauimus ea, quæ à Verbo fuerunt assumpta, querendum est de ordine, qui inter illa consistit. Quadrupliciter autem potest considerari ordo. 1. Per respectum ad partes inter se. 2. Per respectum partium ad totum. 3. Per respectum totius ad alia. 4. Per respectum ad tempus. De ordine tertio modo accepto diximus artic. 1. §. 1; vbi ostendimus vniionem hypostatice esse immediatam, ac propterea factam non fuisse mediante gratia habituali. Item de ordine quarto modo locuti sumus art. 5. Superest agendum de ordine primo modo; an scilicet Verbum assumpserit carnem mediante anima, & animam mediante spiritu; & secundo modo; an assumpserit totum mediantibus partibus, vel è contra? Quæ breuiter resolucemus, nullum enim patiuntur dissidium apud Auctores, nisi fortè circa modum explicandi.

2 Notat Fund. Doct. hic dist. 2. par. 2. art. 1 medium aliud esse necessitatis, aliud congruitatis; siue aliud simpliciter, aliud secundum quid; aliud secundum aptitudinem, aliud secundum actum; aliud secundum potentiam Dei absolutam, aliud secundum potentiam ordinariam. Hic non loquimur de medio necessitatis, simpliciter secundum actum, aut secundum potentiam absolutam; constat enim carnem in tri-duo remansisse assumptæ separatim ab anima rationali, & de potentia absoluta potuisse Verbum assumere naturam inanimem. Loquimur ergo de medio congruitatis, secundum quid, seu ex suppositione, quòd assumpserit naturam humanam, & secundum aptitudinem, & de potentia ordinaria.

3 Vnica concl. Verbum assumpsit de congruo carnem mediante anima, & animam mediante spiritu; & ordine constitutionis, resolutionis, & causalitatis assumpsit totum mediantibus partibus; ordine verò intentionis, perfectionis, & operationis assumpsit partes mediante toto.

toto. Ita Fund. Doct. ubiq. art. 1; & 2; Gibb. di-
sp. 10; & omnes communiter.

4. Prob. 1. pars concl. 1. ex Conc. & SS. PP;
inter quos S. P. Aug. ep. ad Voluf. Ipsa tamen ma-
gnitudo virtutis Divine sibi animam rationalem,
& per eandem etiam corpus humanum, totumque
omnino hominem coaptavit; & lib. 10. de Civ. Dei
c. 29. Quid ergo incredibile est, si aliqua una intel-
lectualis anima modo quodam ineffabili, & singulari
pro multorum salute suscepta est; corpus verò anima
coherere, ut homo totus, & plenus sit? Vid. alios
PP. & Conc. apud Vafq. Ratio est. Illud asump-
tum est à Verbo mediante alio, quod à Verbo
recepit subsistentiam mediante alio; assumptio
enim est per ordinem ad subsistendum; sed caro
recepit subsistentiam à Verbo mediante ani-
ma; nam materia tantum recipit esse suppositi-
tale mediante forma; quia prius natura debet
poni in aliqua specie per formam, quam ponatur
in aliquo supposito illius speciei; sicut enim
prius est rem poni in genere, quam in specie;
ita prius est rem poni in specie, quam in indivi-
duo; magis enim vniuersalia dicuntur priora,
quam minus vniuersalia; & minus vniuersalia,
quam particularia; ergo caro assumpta fuit me-
diante anima. 2. Verbum assumpsit carnem
vivam, vt docet fides contra Arrianos asserentes
assumpsisse carnem sine anima; sed caro non
vivit, nisi per animam; ergo Verbum assumpsit
carnem per animam, seu mediante anima.
3. Illud immediatius vnitum est Verbo, quod
est Verbo magis propinquum; & illud mediatè
vnitur, quod est magis remotum; sed anima est
propinquior Verbo, quia spiritalis est, caro
autem materialis, & ideo remotior; ergo caro
vnita fuit Verbo mediante anima.

5. Prob. 2. pars concl. ex S. P. Aug. lib. de fi-
de, & Symb. c. 2. Cum homo non differat à pecore, nisi
rationali spiritu, qui mens etiam nominatur, quo-
modo sana est fides, qua creditur, quod id nostrum
susceperit Dei Sapientia, quod habemus commune
cum pecore; illud autem non suscepit, quod illus-
tratur luce sapientia, & quod hominis proprium
est? Idem docet de agone Christi. c. 18. Per spiritum
animam, & per animam corpus suscipiente; & c. 19;
& sepe alibi; & lib. 12. de Gen. ad lit. c. 7. docet
spiritum posse sumi. 1. pro corpore spiritali,
quod habebimus post resurrectionem. 2. pro
corpore subtili, vt sunt spiritus vitales existentes
in corde, qui pulsant, & mouent omnia mem-
bra; & spiritus sensitui existentes in cerebro,
qui specialiter ad sentiendum inferiunt; & spi-
ritus nutritui existentes in hepate, qui nutritio-
nem operantur; & spiritus generatiui existentes
in semine, qui generationi deseruiunt. 3. pro
quacunque anima siue sensitua, siue rationali.
4. pro virtute imaginatiua; vt 1. Cor. 14. Spiritus
mens orans autem mea sine fructu est; vbi Glos.
ait nomine spiritus significari imaginatiuam.
5. pro mente; vt Ephes. 4. Renouamini autem spi-
Mag. Friderici. Nic. Ganardi Tom. 5.

ritu mentis vestra. 6. pro ipso Deo; vt Io. 10.
Spiritus enim est Deus. Hic autem sumit spiritum
pro mente, vt patet ex allatis textibus. Arguitur
autem sic. Docet fides contra Apollinarem Ver-
bum assumpsisse animam habentem mentem;
ergo assumpsit animam mediante spiritu, seu
mente; quia ordine naturæ prius vnita fuit ani-
ma menti, quam Verbo; aliter pro illo priori
Verbum non assumpsisset animam habentem
mentem, sed sine mente. 2. Assumere animam
mediante spiritu est assumere animam simul
cum mente ita, vt prius natura sit anima, quæ
est prior suis proprietatibus; & postea mens; &
tandem vniò ad Verbum; sicut assumere car-
nem mediante anima est prius natura esse car-
nem in genere causæ materialis, deinde ani-
mam, & postea assumptio; sed Verbum assump-
sit animam cum mente; ergo assumpsit ani-
mam mediante spiritu.

6. Collig. ex his cont. Sna; Cabri; & Tann.
apud Gibb. carnem prius naturam vnitam fuisse
animæ, & animam menti, quam Verbo; quia
caro non fuit vnita Verbo, nisi mediante ani-
ma, & anima mediante mente, & vnum extre-
mum prius vnitur medio, quam alteri extremis;
vt patet.

7. Prob. 3. pars concl. Illud prius natura est
assumptum, quod prioritate naturæ aliud præ-
cedit; sed partes præcedunt totum ordine con-
stitutionis; quia constituenta sunt priora con-
stituto, cum illius sint causæ; & ordine resolu-
tionis, quia totum resoluitur in partes, sicut
conclusiones in principia; & ordine causalita-
tis, quia partes sunt causa totius; ipsum autem
totum præcedit partes ordine perfectionis, quia
totum, & perfectum idem est; & ordine inten-
tionis, quia prius intenditur id, quod perfec-
tius est; & ordine operationis, quia operatio-
nes attribuntur toti, non partibus; ait enim
Phil. 1. de an. Anima non intelligit, s. d. homo per
animam; ergo partes ordine constitutionis, re-
solutionis, & causalitatis prius fuerunt assum-
ptæ, quam totum; & totum ordine perfec-
tionis, intentionis, & operationis prius, quam par-
tes. Atqui illud, quod prius assumitur, est me-
dium ad assumendum posterius; ergo ordine
constitutionis, resolutionis, & causalitatis to-
tum fuit assumptum mediantibus partibus; or-
dine verò perfectionis, intentionis, & operatio-
nis partes mediante toto.

8. Obijc. 1. Si caro vniretur Verbo median-
te anima, non esset Verbo immediatè vnita; sed
conf. est falsum; aliter in triduo caro non re-
mansisset vnita Verbo; ergo & ant. 2. Si caro
esset prius vnita animæ, quam Verbo, in illo
priori resulfasset persona humana, quæ resul-
tat ex carne, & anima; sed hoc est falsum; ergo
& illud.

Resp. ad 1. neg. mi. Ad prob. insert. neg.
assumpt; nam tale medium est solum congrui-
tatis,

tatis, non necessitatis; sicut enim congruum est mulierem pulcrum eligi in matrimonium Regis; si tamen turpis fieret, non solueretur matrimonium; ita à pari. Ad 2. neg. ma; nam prioritas naturæ stat sine existentia, & subsistentia; materia enim dicitur prior forma; & tamen nec existit, nec subsistit pro illo priori; nam existentia prioritas sumitur secundum durationem; quæ est prioritas temporis, non naturæ.

9 Quæres; an anima prius natura vnita fuerit Verbo, quam carni?

Resp. Gibb. affirmatiue; aliter in illo priori naturæ fuisset affecta propria subsistentia. Sed hoc est falsum, vt diximus de materia. Resp. ergo prius vnitam fuisse carni in ratione formæ quia Verbum assumpsit animam in carne; prius verò fuisse vnitam Verbo in ratione subsistentiæ, quam non habuit, nisi à Verbo.

Q V Æ S T. VI.

De prædestinatione, & filiatione Christi.



ISSOLVTIS quæstionibus, quæ circa substantiam mysterij incarnationis conuertuntur, ad eas declarandas, quæ spectant ad eius attributa, seu proprietates, progredimur. Quoniam autem prædestinatio pertinet ad causam finalem, quæ est prima inter causas extrinsecas, de ipsa primo loco est agendum.

A R T. I.

An Christus sit prædestinatus ad filiationem Dei naturalem?

1 **D**ebitandi occasio sumpta est ex *Aposto.* Rom. 1. docente: *De Filio suo, qui factus est ei ex semine David secundum carnem, qui prædestinatus est Filius Dei in virtute secundum spiritum sanctificationis &c.* idest Filius Dei, prout est homo, quia prout factus est ex semine David, est homo; nam prout Deus, non est factus iuxta *Symb. D. Athan.* Filius à Patre solo est, non factus, nec creatus, sed genitus prædestinatus fuit ad filiationem Dei, non ad adoptionem, sed naturalem; quia prædestinatus est in virtute, seu potentia æquali cum Patre; & per consequens in eadem natura, quæ est idem, ac Patris potentia; adeoque Christus, vt homo, prædestinatus fuit, vt per vnionem ad personam Filij, cui naturaliter competit natura Diuina, esset Filius Dei naturalis. Hinc ortum est dubium, quomodo Christus possit dici prædestinatus ad filiationem Dei naturalem, constat enim, quòd illud, quod prædestinatur, debet esse separatum ab eo, ad quod prædestinatur; nam prædestinatio est directio, seu transmissio alicuius in vltimum finem, in quem dirigi, aut transmitti non posset, nisi ab eo distaret, & esset separatum; vt constat de sagitta, quæ non distaret à scopo, sed illi esset vnita; & si scopus sagittæ esset pars, non posset dirigi, & destinari in scopum, aliter idem dirigeretur in se ipsum. Ob hanc rationem Deus est omnium prædestinator, quia dirigit omnes creaturas intellectuales in se ipsum; atque nequit esse prædestinatus, quia ipse nequit dirigi in se ipsum à se ipso. Nec dici potest, quòd

Aposto. loquatur de prædestinatione solius naturæ humanæ, quæ realiter distat à Filio Dei, adeoque potest ad vnionem cum illo destinari; nam *Aposto.* loquitur expressè de Christo, qui est quid complexum ex Filio Dei, & natura humana, adeoque importat vnionem naturæ humanæ cum Filio Dei; tum quia Christus, vt homo, includit suppositum Filij, & naturam, vt diximus in sup-; inceptè autem diceremus rem includentem terminum ordinari, & dirigi in terminum. Hoc est, quod dicunt *Auctores*, quòd subiectum prædestinatum debet esse distinctum, & separatum à termino; vnde cum terminus prædestinationis Christi sit filiatio naturalis Dei; & subiectum, nempe Christus, includat, & inuoluat filiationem Dei naturalem, videtur ineptè dici Christum prædestinatum fuisse ad filiationem Dei naturalem. Quare.

2 Prima sententia vult Christi prædestinationem ordinatam fuisse ad declarationem, seu manifestationem filiationis Dei, non verò ad ipsam filiationem. Ita aliqui à *D. Tho.* suppressa nomine allati.

Sed hæc sententia rejicitur. 1. Ex eo, quòd Christus Dominus clarificauerit, & manifestauerit nomen Patris hominibus; vt Io. 17. *Ego te clarificauit super terram &c. Manifestauit nomen tuum hominibus;* non dicitur Pater prædestinatus; ergo prædestinatio non consistit in clarificatione, seu declaratione, & manifestatione filiationis, aliter ob eandem rationem deberet etiam consistere in declaratione, & manifestatione paternitatis. 2. Prædestinatio est per ordinem ad gloriam essentialem, definitur enim *preparatio gratia in presenti, & glorie in futuro;* sed declaratio, & manifestatio filiationis non est gloria essentialis Christi, sed accidentalis, quia est purè externa; ergo idem. 3. Prædestinatio est

est per ordinem ad aliquod æternum simpliciter increatum; sed declaratio est manifestatio est facta in tempore; ergo idem. 4. Prædestinatio est gratia facta prædestinato per ordinem ad vitam æternam eiusdem; sed declaratio, & manifestatio filiationis nõ est huiusmodi; quia Christus adhuc sine hac declaratione, & manifestatione habuisset vitam æternam; ergo idem.

3. Secunda vult Christi prædestinationem fuisse ordinatam ad virtutem miraculorum; ait enim *Apost. in virtute. Ita Caiet. hic q. 24. art. 1.*

Sed hæc quoque improbatur iisdem rationibus. 1. Ex eo, quòd multi sancti ordinati fuerint ad virtutem miraculorum, non dicuntur prædestinati; quia multi habentes gratiam miraculorum damnati sunt; ergo nec ex eo, quòd Christus Dominus ordinatus fuerit ad virtutem miraculorum, dicendus est prædestinatus. 2. Prædestinatio est per ordinem ad gloriam essentialem; ergo idem; & sic de alijs. Additur. Nostra prædestinatio non est ordinatio ad virtutem miraculorum; ergo nec prædestinatio Christi Domini; nam prædestinatio nostra est conformis prædestinationi Christi Domini; vt docet *Apost. Rom. 8*; vbi loquens de hominibus prædestinatis ait: *Quos præscivit, & prædestinavit conformes fieri imaginis Filij sui*; super quod *S. P. Aug. de dono persec. c. 14.* ait: *Nulum illustrius nostræ prædestinationis exemplar, quàm Mediator Dei, & hominum Christus Iesus*; imago autem debet esse similis prototypo, & exemplar exemplo.

4. Tertia vult prædestinationem Christi ordinatam fuisse primariò ad gloriam animæ, & secundariò ad filiationem Dei naturalem. Tribuitur *Altfiodor; Dur; Scot; Loric; & alijs.*

Sed hæc sententia discedit à verbis *Apostoli* docentis Christum prædestinatum fuisse Filium Dei; anima autem nõ est Filius Dei; quia Filius Dei dicit suppositum Diuinum, quod nõ importat animam; ergo est abijcienda. 2. Quod habet rationem vltimi finis, nequit esse secundariò intentum; nam quod est vltimum in executione, est primum in intentione; repugnat autem primum in intentione esse secundariò intentum, quia primum in intentione est primariò intentum, & implicat primariò intentum esse secundariò intentum; quod autem habet rationem vltimi finis, est vltimum in executione; aliter non esset finis vltimus, quia non terminaret vltimò executionem; ideo quod habet rationem vltimi finis, nequit esse secundariò intentum; sed filiatio Dei naturalis habet rationem vltimi finis; aliter haberet rationem medij ad vltimum finem, & sic esset creatura, quæ sola haberet rationem medij ad Deum, qui solus est vltimus finis creaturæ; ergo filiatio Dei nequit esse secundariò intentum. 3. *Cum Beatiss. P. Aug. lib. 1. de lib. arb. c. 9.* Præponere nobiliori ignobilius est peruersa ordi-

natio; sed gloria animæ Christi est ignobilior filiatione Dei naturali; quia gloria animæ Christi consistit in actu visionis, & amoris beatifici, qui est aliquod creatum, filiatio autem Dei naturalis est quid increatum; increatum autem est nobilius simpliciter creato; ergo præponere gloriam animæ Christi filiationi Dei naturali est peruersa ordinatio; quæ Deo repugnat. Atqui intendere primariò gloriam animæ Christi, & filiationem Dei naturalem secundariò est præponere gloriam animæ Christi filiationi Dei naturali; quia primariò intentum præponitur secundariò intento; primum enim prius ponitur in intentione, quàm secundarium, vt constat; ergo intendere primariò gloriam animæ Christi, & secundariò filiationem Dei naturalem est peruersa ordinatio, quæ Deo repugnat.

5. Nostra tandem sententia docet Christum fuisse prædestinatum ad filiationem Dei naturalem, vt ad finem vltimum primariò intentum. Ita *Fund. Doct. hic d. 7. p. 2. q. 1. art. 1; & diff. 10. p. 3. q. 1. art. 2; Gibb; & communiter nostra Schola.* Idem docet *D. Tho. cum omnibus Thomistis teste Gonet hic disp. 24. art. 1; Vass; Sua; Val; Lugo; & alijs.*

6. Sed quanvis isti Auctores concordent in concedendo filiationem Dei naturalem esse terminum ad quem, seu vt loquitur *Fund. Doct. in hac diff. 7. vb. f. art. 3. §.* His itaque iuxta Grammaticos, appositum prædestinationis Christi maxima tamen discordia est inter eos in assignando subiecto, seu supposito, quod ad filiationem Dei fuit prædestinatum.

7. *Caiet. vb. f.* ait subiectum prædestinatum ad filiationem Dei naturalem esse Verbum incarnatum in communi, prout abstrahit à Verbo incarnatum per vnionem veram substantiali hypostaticam, & à Verbo incarnatum per vnionem accidentalem per affectum, & per gratiam; incarnatum autem, vt sic, præcisiuè sumptum non includit filiationem Dei naturalem, & ideo ad illam rectè dicitur prædestinari.

At hoc reijcitur. 1. Ille, qui prædestinatus est, est hic Christus, qui factus est ei ex semine *David secundum carnem*; vt docet *Apost. vb. f.* sed hic Christus non est Verbum incarnatum, vt sic, prout præcindit ab hac incarnatione, quæ est vera; & ab incarnatione, quam admitteret Nestorius cum alijs, quæ est falsa; ergo ille, qui est subiectum prædestinationis, non est Verbum incarnatum, vt sic. 2. Prædestinatio est prouidentia specialis, quæ respicit singularia; ergo subiectum illius nequit esse quid vniuersale. 3. Prædestinatio est gratia facta subiecto; sed subiectum non esset hic Christus in particulari; ergo non esset gratia facta huic Christo in particulari. 4. Subiectum prædestinationis puræ creaturæ est persona particularis in indiuiduo, quia talis, & non alia persona consequitur gloriam in tempore; aliter prædestinaretur homo, vt sic; homo

homo autem, *ut sic*, præcindendo à tali persona non consequitur gloriam; & sic prædestinatio non impletur; sed etiam Christus in particulari consecutus est suam prædestinationem; ergo idem.

8 *Med;* & *Aluar;* volunt subiectum prædestinationis Christi esse Christum apprehensum à Deo, ut possibilem, non ut existentem.

At hic inquiritur, quid importet hoc nomen Christus, quod ponitur in hac propositione: *Christus prædestinatus suis ad filiationem Dei naturalem*; siue hoc nomen concipitur in esse possibili, siue in esse futuro, siue in esse actuali existentis; an scilicet importet suppositum Verbi Diuini, quod constituitur per filiationem; sic enim videtur non posse destinari ad filiationem, quia idem destinaretur ad se ipsum; & idem esset subiectum, & terminus prædestinationis. Ad hoc *hi Auctores* non respondent, ideo inutiliter omnino loquuntur.

9 *Sua. hic disp. 50. sect. 2; Lug. disp. 32. sect. 2. nu. 11; & alij apud Gibb.* volunt subiectum prædestinationis Christi esse hunc hominem, quatenus dicit determinatam naturam humanam, & hanc, vel illam personalitatem vagè, Diuinam scilicet, vel humanam.

At hoc etiam improb. iisdem rationibus, quibus reiecta est *Calet.* sententia; nam *Apost.* loquitur de illo subiecto, quod *factum est ex semine David secundum carnem*; illud autem procul dubio id est suppositum Verbi Diuini determinatè, non vagè vel Diuinum, vel humanum; ergo hæc sententia discordat à verbis *Apostoli*; & sic de alijs rationibus, quæ probant prædestinatum fuisse hoc subiectum nedum in particulari, sed etiam determinatè. Tum quia implicat, quòd detur natura determinatæ, & illius suppositum non sit determinatum; natura enim determinatur per suppositum, per quod contrahitur; sicut genus determinatur per speciem; implicat autem, quòd aliquod indeterminatum determinet; ergo hæc sententia implicat in terminis.

10 *Vasq. hic disp. 90. c. 4.* ait hoc subiectum esse solam humanitatem præcisè, quæ distinguitur realiter à persona Verbi.

At hoc refellitur à *D. Tho. hic art. 1. ad 2.* Illud est subiectum prædestinationis, quod factum est Filius Dei, & potest denominari Dei Filius; ait enim *Apost.* loquens de eo: *Qui prædestinatus est Filius Dei*; sed natura humana non est facta Filius Dei; nec potest Dei Filius denominari; ergo subiectum prædestinatum ad filiationem Dei non est sola natura humana præcisè.

11 *Alij* supposito nomine relati ab *Asturicen. apud Genet* distinguunt in personalitate Christi duas rationes, nempe filiationis, & subsistentiæ; & asserunt subsistentiam prius vniri humanitati, quam reddidit subsistentem, & sic esse subiectum prædestinatum ad rationem filiationis.

At hoc reijcitur. 1. Subsistentia Verbi præcisa relatione filiationis est absoluta, & communis tribus personis, ut diximus in *sup. q. art. 4;* ergo illud subiectum prædestinatum non esset Christus, quia Christus dicit personam Verbi, & naturam humanam; non autem dicit Deitatem, ut communem tribus personis, & naturam humanam. 2. Illud, quod est prædestinatum ad filiationem Dei, ex *Apost.* est, quod est *factum ex semine David secundum carnem*; sed hoc est persona Verbi, quæ est formaliter Filius Dei; non autem subsistens Diuinum, seu Deus subsistens præcindens à persona Filij; ergo idem. *Vid. rationes contra Calet. allatas.*

12 *Cornelius à Lapide in c. 1. ad Rom.* ait hoc subiectum esse hunc hominem, prout dicit concretum ex existentia, & humanitate, non autem prout dicit concretum ex subsistentia Verbi, & humanitate.

At hoc etiam exorbitat à verbis *Apost.* ille enim, qui *factus est ex semine David secundum carnem*, est Verbum subsistens in natura Diuina, ut docet fides; ergo idem. 2. Vel nomine *existentie* intelligitur existentia creata; vel Diuina? Non primum; quia existentia creata non datur in Christo, ut diximus in *sup. q.*; tum quia etiam admitta adhuc non esset hic homo, qui est prædestinatus, quia non esset suppositum. Non secundum; ut diximus de subsistentia præcisa relatione filiationis.

13 Nos tandem cum *Fund. Doct. hic ad 11 & 3; D. Tho. ubiq; Gibb; & omnibus Thomistis*; asserentibus subiectum esse subsistens in natura humana, qui à nobis non discrepant, nisi vocabus; dicimus subiectum prædestinationis Christi esse personalitatem Verbi Diuini, quatenus gerit vicem personalitatis humane creatæ, seu esse suppositum Verbi, prout terminat naturam humanam; & sic esse prædestinatum ad idem suppositum, prout terminat naturam Diuinam, secundum quam rationem solum habet rationem Filij; nam Filius formaliter constituitur ex eo, quòd ei vi suæ processionis formaliter communicetur natura Diuina; ut diximus in *2. de Trin. q. 3. art. 10; pro cuius resol.*

14 Notanda est regula de modo loquendi in hoc sacrosancto Mysterio, quam tradidimus *q. 1. art. 1. n. 3. ex S. P. Aug. serm. 58. de Verbis Domini*: *Licet vnā personam in Christo credamus, duas tamen substantias, id est naturas fassemur; Diuinitatis scilicet, & humanitatis; assumpticis, & assumptæ, creatricis, & creatæ, quæ tamen substantia non sunt confusæ, sed vnitæ: atque in vna, eademque persona inseparabiles, & in sua semper proprietate manentes. Quapropter vnicuique substantia propria vtiq; aptanda sunt; id est infirmitates humanitatis, quæ creata est; signa verò, & mirabilia Diuinitatis, quæ creans.* Ex quibus verbis colligitur, quòd natura humana est ratio formalis, ob quam dicuntur de supposito Verbi ea, quæ dicuntur de suppo-

supposito creato; quia suppositum Verbi non supponit naturam humanam, nisi quatenus gerit vicem suppositi creati, & prout gerit hanc vicem, subit denominationes, quæ competunt supposito creato; propterea dicitur suppositum Verbi natum, passum, crucifixum, meruisse, satisfecisse &c; quæ non possunt competere supposito Verbi, nisi ratione humanitatis, in qua solum potuit temporaliter nasci, pati, crucifigi, mereri, satisfacere &c; sicut ratione naturæ Diuinæ dicitur æternaliter nasci, esse simpliciter impassibile, præmium tribuere, satisfactionem recipere &c. ita, vt idem suppositum, prout terminat has duas naturas, habeat has denominationes oppositas. Ita loquendum in casu, quod idem suppositum Verbi Diuini, prout terminat naturam humanam, sit prædestinatum; & prout terminat naturam Diuinam, sit prædestinans; non enim minorem, sed maiorem infirmitatem propriam soli creaturæ sonat pati, crucifigi, mereri, satisfacere &c; quam prædestinari; ideo si ratione naturæ humanæ illa dicuntur de supposito Verbi Diuini, etiam istud à fortiori est dicendum.

15 Vnica concl. Suppositum Verbi, prout gerit vicem suppositi creati terminando naturam humanam in Christo, est subiectum prædestinatum ad filiationem Dei naturalem.

Prob. 1. vtraq; pars concl. 1. ex *Apost. ubi*. Ille, qui factus est ex *semine David secundum carnem, prædestinatus est Filius Dei*, id est ad filiationem Dei naturalem; idem enim sonat *prædestinatus est Filius Dei, ac prædestinatus est ad filiationem Dei*; sicuti idem sonat *prædestinatus est beatus, ac ad beatitudinem*; sed suppositum Verbi, prout gerit vices suppositi humani, factum est ex *semine David secundum carnem*: habetur enim nunc in hoc textu, sed etiam *Jo. 1. Verbum caro factum est*; Verbum autem dicit suppositum eo modo, quo dicit Filius; ergo suppositum Verbi, prout gerit vices suppositi humani, prædestinatum est ad filiationem Dei naturalem. Mas & mi. sunt in terminis ipsius *Apostoli*, & consequenter infertur.

16 Deinde prob. 1. pars. Non minus distinguuntur, & opponuntur inter se facere, & fieri; satisfacere, & satisfieri, quam prædestinare, & prædestinari; sicut enim facere independentem ab alio operante, & satisfieri pro offensa peccati est proprium solius Dei; & fieri, ac satisfacere est proprium solius creaturæ; ita prædestinare est proprium solius Dei, & prædestinari proprium solius creaturæ; & non minus repugnat idem facere se ipsum, & fieri à se ipso; ac satisfacere sibi ipsi, & sibi satisfieri à se ipso; quam prædestinare se ipsum, & prædestinari à se ipso; eodem enim modo hæc important identitatem principij, subiecti, & termini; sed hoc non obstante suppositum Verbi, quatenus gerit vices suppositi humani, dicitur fieri; Verbum enim caro

factum est; & quatenus terminat naturam Diuinam, dicitur facere; *Omnia per ipsum facta sunt*; & sic quatenus terminat naturam Diuinam, dicitur persona læsa, & ei satisfieri; & quatenus gerit vices suppositi humani terminando naturam humanam, dicitur satisfacere; ergo suppositum Verbi, quatenus terminat naturam Diuinam, rectè dicitur prædestinare; & quatenus gerit vices suppositi humani terminando naturam humanam, rectè dicitur prædestinari; & ideo nõ obstante identitate suppositi, prout terminat naturam Diuinam, potest esse subiectum huius propositionis: *Verbum prædestinat*; & prout terminat naturam humanam, potest esse subiectum huius propositionis: *Christus prædestinatur*.

17 Resp; *Vasq. SS. PP. Gracos Christif; Occumens; Orig; Theod. loco prædestinatus legere declaratus*; ergo ex auctoritate *Apostoli* non deducitur arg. efficax pro nostra sententia. 2. Illud participium *prædestinatus* refertur nunc ad Filium Dei, sed etiam ad ea, quæ sequuntur; & ideo facit sensum Christum fuisse prædestinatum, vt esset Filius Dei cum potentia, & virtute ad sanctificandas animas, ad suscitandos mortuos, ad patranda alia miracula. Ob hoc addit *Toletus* significari solum Christum inter alios sanctos, qui sunt filij Dei adoptiui, esse Filium naturalem; ergo nihil ex hoc concluditur.

Resp. ad 1. *versionem Gracam* habere: *Illo definito Filio Dei in virtute*; definire autem est deducere ad aliquem finem, quod est idem, ac destinare. Præterea *S. Irenæus lib. 3. c. 32; Hilar. lib. 7. de Trin; Epiph. her. 54; Alban. lib. 3. de assumpt. hominis; Ambros; & Aug; lib. de prædest. SS. c. 15.* vertunt *prædestinatus*, non *declaratus*. Hinc *D. Dion. de Diuinis Nom. c. 5.* ait, quod licet Verbum *Orizin* apud Prophanos significet declarare, in *Scriptura* tamen significat definire, constituere, & prædestinare. Imò *Christif; & alij* scribunt *Oriiñendos*, quod vertitur *destinatus est*. Et licet *versio Siriaca* habeat: *Agnitus est filius Dei*; de hac tamen non est curandum, quia sumpta est ex *versione Graca*; tum quia *versio Arabica* habet: *Filius Dei designatus*; & scilicet omnes *SS. PP.* etiam *Graci* habent: *Prædestinatus*; habent enim: *Proorizñendos*. Ex hoc infert *Cornelius à Lapide Vasqum* non sequi *SS. PP.* & hoc esse violentè torquere verbum latinum *prædestinatus* ad verbum *præmonstratus*. Ad 2. dicitur potentiam, & virtutem sanctificandi animas, & patranda miracula sequi ex prædestinatione, tanquam effectus illius; ideoque facit sensum Christum, quia prædestinatus est Filius Dei naturalis, habui se potentiam, virtutem &c.

18 Item *S. P. Aug. tract. 105. in Jo. c. 17.* inquit: *Quasi verò quisque regulam fidei fideliter insuens Filium Dei negaturus est prædestinatum, qui eum negare hominem non potest. Rectè quippe dicitur non prædestinatus secundum id, quod est Verbum, Deus.*

Deus apud Deum; ut quid enim prædestinaretur, cum iam esset, quod erat sine initio, sine termino sempiternus? Illud enim prædestinatum erat, quod nondum erat, ut sic suo tempore fieret, quemadmodum ante omnia tempora prædestinatum erat, ut fieret. Quisquis igitur Dei Filium prædestinatum negat, hunc eundem Filium hominis negat; & postquam attulit hunc eundem textum Apost. Roman. 1. ad ostendendum Filium Dei esse prædestinatum, affert textum 10. ubi: Clarifica me Pater apud semetipsum claritate, quam habui, priusquam Mundus fieret; quem locum sic exponit: Illam claritatem, quam habui apud te in prædestinatione tua, iam tempus est, ut apud te habeam etiam vivens in dextera tua. Quibus verbis conuincitur Vase. dicens S. Patrem loqui de homine in concreto pro abstracto, atque adeo intelligendum, esse solam naturam humanam fuisse prædestinatum. Conuincitur, inquam, manifestè; nam hic docet Filium Dei fuisse prædestinatum, quomodo loquitur etiam Apost. sed Filius Dei nequit sumi pro sola natura humana in abstracto, ipsa enim non est Filius Dei in recto; ergo loquitur de ipsa persona Filij, prout terminat naturam humanam; sic enim est Filius Dei. Formatur autem sic eius ratio. Negare Filium Dei factum esse in tempore filium hominis est contra fidem; sed negare Filium Dei esse prædestinatum est negare Filium Dei factum esse in tempore filium hominis; ergo negare Filium Dei esse prædestinatum est contra fidem. Ma. claret; habetur enim clarissimè 10. 1. Verbum caro factum; & in Symb. Nic. Et homo factus est; & ad Gal. 4. Cum venis plenitudo temporis &c; & Matth. 26. Quem dicunt homines esse filium hominis? Cui respondit Petrus: Tu es Christus Filius Dei vivi. Prob. mi. Illud, quod est factum in tempore, est prædestinatum ab æterno; quod enim à Deo fit, à Deo ordinatum est ab æterno, ut fieret; quia Deus æquè est Creator, & prouisor omnium rerum; & ex alia parte Deus nequit velle in tempore, quod ab æterno nolebat; ergo esse factum in tempore, & esse ordinatum ab æterno; ut fieret; dicuntur ad conuertentiam; atqui negare vnum ex ijs, quæ dicuntur ad conuertentiam, est negare etiam aliud; ut negare animal rationale est negare hominem, & e contra; ergo negare Filium Dei esse prædestinatum ab æterno est negare ipsum esse factum in tempore; & per consequens, qui negat Filium Dei esse prædestinatum, negat etiam ipsum esse factum in tempore.

19. Idem docet de præd. SS. c. 15. Prædestinatus ergo Iesus; ut qui futurus erat secundum carnem Filius David, esset tamen in virtute Filius Dei; quibus verbis clarè tradit utraque partem conclusionis; primam quidem illis verbis Prædestinatus ergo Iesus; Iesus enim non importat solam naturam humanam, sed complexum ex persona Verbi, & natura humana; ergo illud, quod est

prædestinatum, seu subiectum prædestinationis non est sola natura humana, aut aliquid aliud à supposito Verbi Diuini, sed est ipsum suppositum Diuinum, prout terminat naturam humanam; & per consequens prout gerit vicem suppositi humani. Secundam verò tradit verbis sequentibus: Ut qui futurus erat secundum carnem filius David, esset tamen in virtute Filius Dei; illa nanque particula ut designat terminum formalem prædestinationis, quem dicit esse filiationem Dei naturalem; sicut cum dicitur, quod Deus prædestinauit nos, ut consequamur gloriam; illa particula ut appellat terminum nostræ prædestinationis, qui est gloria.

20. Deinde prob. hæc 1. pars rationibus, quibus impugnatur sunt aliorum sententiarum.

21. Tandem prob. De ratione subiecti prædestinationis est, quod non includat in suo conceptu formalissimo terminum prædestinationis, qui propterea dicitur *appositus*, seu *adiectus* subiecto; & quod aliquo modo præcedat terminum; & quod sit gratia facta subiecto; & ideo sit anteceddenter ad omnia merita; & quod fiat in tempore id, quod præordinatum est ab æterno; ut colligitur ex *Fund. Doct. dist. 7. ubi. art. 13. 2; & 3*; sed suppositum Verbi, prout terminat naturam humanam, & prout gerit vicem suppositi humani, non includit in suo conceptu formalissimo filiationem Dei naturalem, quia suppositum humanum formaliter, ut tale, non est filius Dei naturalis, & ideo nec suppositum Diuinum, prout gerit vicem suppositi humani, talem denominationem potest habere; quia prout gerit vicem suppositi humani, nequit accipere, nisi denominationes, quæ competunt supposito humano; & ideo prout gerit vicem suppositi humani, nequit formaliter denominari Filius Dei, sed tantum materialiter, & identicè, quatenus scilicet idem suppositum Diuinum, quod terminat naturam humanam, terminat etiam naturam Diuinam; item natura humana prius ratione vnitur supposito Diuino, quam vnitur naturæ Diuinæ, ut terminatur per filiationem Diuinam, quia natura humana non vnitur naturæ Diuinæ, nisi mediante suppositualitate Diuinæ; & ideo complexum ex suppositualitate Verbi, & ex natura humana aliquo modo præcedit vnionem ad filiationem; item nulla præcesserunt merita in Christo, ut esset Filius Dei, ideo filiatio Dei est ei merè gratuitò concessa; tandem in tempore factum est, quod ordinatum fuit ab æterno; ergo suppositum Verbi, prout gerit vicem suppositi creati, est subiectum prædestinationis ad filiationem; & per hoc prob. etiam 2. pars concl.

22. Prob. vltioribus sola 2. pars concl. *authoritatibus*, & rationibus adductis; ratio enim principalis, ob quam *Adversarij* negant filiationem Dei naturalem esse terminum formalem prædestinationis, est, quia putant idem suppositum non

non posse simul esse subiectum, & terminum; sed hoc licet verificetur de subiecto simplici determinato, finito, & limitato, ut est suppositum creatum; attamen falsum est de supposito Diuino, quod, cum sit infinitum simpliciter, habet eminenter continere omnia supposita, & ideo secundum vnā rationem potest esse subiectum ordinatum ad aliud; tanquam ad terminum; ergo filiatio Dei naturalis potest esse terminus formalis prædestinationis Christi. 2. Ex eo, quod puræ creaturæ immediatè vniantur Deo in esse intelligibili per visionem, & amorem beatificum, Deus est terminus formalis prædestinationis illorum; ergo ex eo, quod Christus immediatè vniatur filiationi Dei naturali per vnionem hypostaticam, quæ est maior vnione intelligibili, filiatio Dei naturalis est terminus formalis prædestinationis Christi. 3. Id, quod est primariò intentum in glorificatione Christi est terminus formalis prædestinationis illius; nam obiectum, seu terminus formalis nedum est immediatus, sed etiam primarius, ut constat in alijs omnibus ordinatis ad suum specificatum, cuiusmodi sunt potentia, & habitus; terminus enim formalis se habet, ut forma, quæ est primus actus, & immediatus, à quo specificatur potentia passiva; sed filiatio Dei naturalis est primò intentum in prædestinatione Christi, ut docet *Apostolus*: *Qui prædestinatus est Filius Dei*; & ratio est; quia filiatio Dei naturalis est illud, quod est excellentissimum, & perfectissimum in Christo, quia est quid Diuinum per essentiam; illud autem, quod est excellentissimum, & perfectissimum, est intentum primariò, & ratione ipsius omnia alia intenduntur; quia intendere primariò minus excellens, & secundariò excellentissimum est peruersa ordinatio, præfertur enim minus dignum dignissimo; ergo filiatio Dei naturalis est terminus formalis prædestinationis Christi Domini. 4. Ille est terminus formalis prædestinationis Christi, quo magis clarificatus est Christus; clarificatio enim idem est, ac glorificatio; sed Christus clarificatus est per filiationem Dei; & ista clarificatio Mundo innotuit, cum declaratus fuit Filius Dei; ut habet *1o. vbi*; ergo idem. 5. Si non esset terminus formalis, maxime, quia includitur in subiecto, quod est Christus; sed hoc est falsum; ut *sup.* diximus; ergo idem. Tandem prob. rejiciendo alias sententias, ut *sup.* dictum est.

23 Obijc. 1. *Dnr.* Subiectum prædestinatum debet præcedere vel tempore, vel natura id, ad quod prædestinatur; & debet ad illud ordinari, tanquam ad meram gratiam, & beneficium; quia prædestinatio est *preparatio beneficiorum Dei*; &c; sed Christus non præcedit tempore, vel natura filiationem Dei naturalem; cum ipse Christus formaliter sit Filius Dei naturalis; nec filiatio est Christo debita ex gratia, & titulo beneficij merè gratuiti; quia naturaliter ei debe-

tur; ergo non est prædestinatus ad filiationem Dei naturalem.

Resp. neg. mi; nam cum dicitur: *Christus est prædestinatus Filius Dei*; tunc subiectum *Christus* sumitur pro supposito Verbi, quatenus gerit vicem suppositi humani, & in hoc sensu non includit filiationem Dei, quia suppositum humanum non importat formaliter esse Filium Dei; & ideo prius aliquo modo natura humana vnitur supposito Diuino, quàm filiationi. Sic quod hoc complexum ex supposito Verbi Diuini, prout supplet vices suppositi humani, & ex natura humana ordinetur ad filiationem Dei naturalem, est pura gratia, & merum beneficium; tum quia nulla præcesserunt merita; tum quia non videtur repugnantia, quod natura humana potuerit vniri supposito Verbi Diuini solum, prout gerit vicem suppositi humani absque eo, quod vniretur eidem supposito etiam, secundum quod terminat naturam Diuinam, formaliter, & prout gerit munus suppositi Diuini; potuisset enim vniri tantum materialiter identicè, non formaliter. Sicut quauis Deus sit simul substantia, & spiritus sine vlla distinctione etiam virtuali, quia hæc duo prædicata pertinent ad eandem lineam prædicatorum essentialium; attamen potest communicari creaturæ, prout habet rationem substantiæ, non, prout habet rationem spiritus; ut constat in productione substantiæ corporeæ; ergo à pari quauis in Verbo ratio suppositi, & filiationis sint idè etiam formaliter virtualiter; attamen prout habet continere eminenter suppositum humanum, posset formaliter terminare naturam humanam absque eo, quod illam terminaret, prout habet rationem Filij; ideo quod hoc complexum ex supposito Diuino gerente munus suppositi humani, & ex natura humana ordinetur ad filiationem Dei, est mera gratia, & beneficium.

24 Inst. Quæ spectant ad constitutionem rei, non cadunt sub eius prædestinatione; sed filiatio spectat ad constitutionem Christi; nam Christus est quid compositum ex Filio Dei, & ex natura humana; ergo filiatio non cadit sub prædestinatione Christi. Tum quia subsistere in duabus naturis pertinet ad constitutionem Christi; sed subsistere in natura Diuina importat filiationem; ergo idem.

Resp. dist. mi. Filiatio pertinet ad constitutionem Christi, ut est formaliter prædestinatus, conc; & in hoc sensu neg. ma; nam gloria pertinet ad constitutionem beati, ut beatus est, & tamen est terminus prædestinationis illius. Filiatio pertinet ad constitutionem Christi formaliter, ut est quid complexum ex supposito Verbi gerente vices suppositi creati, & ex natura humana, neg. Ad aliud dicitur, quod subsistere in duabus naturis formaliter pertinet ad constitutionem Christi, ut est prædestinatus ad filiationem; nam si Christus non esset prædesti-

natus ad filiationem, non terminaretur ad filiationem, cui communicatur natura Diuina ex vi processionis; & ideo non existeret formaliter in natura Diuina, sed tantum materialiter, quatenus idem suppositum realiter existeret in utraque natura. Dist. igitur mi. Subsistere in natura Diuina formaliter importat filiationem formaliter, conc; materialiter, neg.

25 Obijc. 2. Filius Dei non posset dici prædestinatus, quia Filius Dei non est factus; ergo neque Christus; aliter propter communicationem idiomatum etiam Filius Dei posset dici prædestinatus.

Resp. dist. ma. Filius Dei, prout supplet vices suppositi humani, non est prædestinatus, neg; prout gerit vices suppositi Diuini, conc. Hæc distinctio sumitur ex S. P. Aug. ubi docente Filium Dei, prout est Deus apud Patrem æternalem, non esse prædestinatum; bene tamen prout in tempore factus est homo. Ad prob. infert. dicitur eodem modo; quod licet non concedatur simpliciter Filium Dei esse factum; conceditur tamen Filium Dei factum esse hominem.

26 Obijc. 3. Esse Filium Dei naturalem non est gratia facta humanitati, quia humanitas non dicitur filia Dei; neque personæ Christi, quia persona Christi intrinsicè est Filius Dei; ergo nullo modo conuenit Christo esse Filium Dei ex gratia; & per consequens prædestinari ad filiationem. 2. Homo fit in tempore id, ad quod est prædestinatus ab æterno; prædestinatio enim est actus efficax, & practicus; sed hic homo, qui est Christus, non dicitur factus in tempore Filius Dei; quia licet concedatur hæc propositio: *Dens in tempore factus est homo*; non tamen conceditur hæc altera: *Homo in tempore factus est Deus*; & ideo nec debet concedi, quod hic homo, qui est Christus, in tempore fit factus Filius Dei, quia Filius Dei est Deus; ergo Christus non est prædestinatus ad filiationem Dei naturalem.

Resp. ad 1. prædestinationem ad filiationem Dei esse gratiam factam complexo ex supposito Verbi gerente vicem suppositi creati, & ex natura humana, vt dictum est. Ad 2. neg. mi; nam Christus, prout dicit supradictum complexum, factus est in tempore Filius Dei. Ad prob. infert. resp. Fund. Doct. dist. 7. 4. b. art. 1. ad 3; quod licet non concedatur, quod *in tempore homo factus est Filius Dei*; quia id, quod fit aliud, debet præexistere illi; quapropter bene dicitur: *homo fit Muscus*; non tamen *Muscus fit homo*; homo autem non præexistit Filio Dei, quia Filius Dei est æternus, & homo temporalis; attamen bene dicitur *homo prædestinatus est Filius Dei*; quia prædestinatio est contra se habet; illud enim, ad quod prædestinamur, præexistit nobis, quia illud est æternum, nos verò temporales. Ideo cum dicitur, quod id fit in tempore, ad quod prædestinati sumus ab æterno;

ly fit sumitur, prout est idem, ac actu est; & in hoc sensu S. P. Aug. lib. 1. de Trin. cap. 13. ait: *Talis fuit illa susceptio carnis in Christo, quod Deum faceres hominem, & hominem Deum*; quod est intelligendum neutraliter, inquit Fund. Doct; id est factum est, vt homo fit Deus, seu Filius Dei.

A R T. II.

An Christus, vt homo, sit Filius Dei naturalis?

Hæresis fuit Elipandi Archiepiscopi Tolosani, & Felicis Episcopi Urgelitani, qui vixerunt eo tempore, quo Hispania gemebat sub potestate Maurorum; docentes Christum, vt hominem, esse Filium Dei adoptiuum, & extraneum; non proprium, & naturalem. Instante Carolo Magno damnati fuerunt in Conc. Francofordiensi præsentibus Adriani Papa Legatis, ab eodem Papa ep. ad Episcopos Hispania confirmata; & licet huius Concilij gesta hæreticorum opera diu fuerint eplata; attamen Suriij studio inuenta fuit epist. Adriani ad Episcopos Hispania, quæ conspicitur inter Decretales inserta; ep. Concilij ad eosdem Episcopos Hispania; & liber sacrosyllabus approbatus in eodem Conc. quæ omnia fuerunt 10. 3. Conciliorum inserta.

2 Hos hæreticos fuisse Nestorianos ferè omnes restantur vno excepto Vasq. coniecturis leuissimis ducto; & colligitur ex eod. Conc. in ep. ad Episcopos Hispania: *Nonne olim eadem hæresis vltra in Nestorio ab vniuersali sancta Ecclesia refutata etiam, & damnata est? & in libro sacrosyllabo: Non duo filij vt (sicut illi errando existimant) adoptiuus sit Filius hominis, & sine adoptione Filius Dei*. Ex quibus apparet hos hæreticos sensisse in Christo fuisse duos filios, & per consequens duas personas, quarum vna est Filius Dei, altera verò Filius hominis; & istam dixisse Filium Dei adoptiuum. Nec officit, quod Conc. eorum hæresim nouam appelleret; & quod Elipandus in sua confess. vnam tantum in Christo personam videatur fateri; vt obijcit Vasq. *Non obstat primum, quia nouam hæresim dicit quantum ad adoptionem, Nestorius enim de adoptione mentionem non fecit; sed veterem quantum ad duplicitatem personæ; vnde in Sacrosyllabo Concilium eos vocat nonos hostes Ecclesie, sed veterinos fuisse perfidos pollutos*. Concilium ergo cogendum fuit ad extirpandam vocem adoptionis nouiter inuentam; non ad excludendas duas personas, quæ in tot Concilij iam fuerant exclusæ. Nec secundum; quia quælibet Hæreticorum confessio subdola, & suspecta habenda est; vt fuit confessio Pelagij in Conc. Palæst. iuste S. P. Aug. lib. de Grat. Christi cap. 1; & saepe alibi; vnde cum fateatur Elipandus vnam personam, suspicari potuit ipsum locutum fuisse de vnitæte morali secundum

dum affectum, vt loquebatur *Nestorius*; secus *Conc.* cum non appellasset *Nestorianus*.

3 Ferè omnes *Theologi* asserunt hoc *Conc.* damnasse sententiam asserentem Christum, vt hominem, esse Filium Dei adoptiuum nedum in sensu *Nestorij* concedentis duplicem personalitatem, sed etiam supposita sententia catholica, consistente vnam tantum personam cum duplici natura ita, vt non liceat amplius asserere Christum secundum humanitatem esse Filium Dei adoptiuum. Habetur expressè in *ep. Cencilij ad Episcopos Hispania*; vbi dicitur: *Hæc testimonia ideo posuimus, vt cognoscatis Deum, & Dominum nostrum Iesum Christum in vtriusque natura esse, & unigenitum, & primogenitum, non adoptiuum, sed magnum Deum.* Idem habetur in *Sacro syllabo: Quod ex te nascetur Sanctum, vocabitur Filius Dei, non adoptiuus, sed verus, non alienus, sed proprius; de eo subicit: Dabit ei Dominus sedem Dauid Patris eius*; constat autem, quod Christus non est natus ex Maria Virgine, nec est filius *Danid*, nisi secundum humanitatem; & secundum hanc ait *Conc.* non esse filium adoptiuum. Hic autem loquitur in sensu *Scripturæ*, quam refert, non in sensu *Nestorij*. Tum quia si non damnaret etiam supposita vnitati reali personæ, solum damnaret puram hæresim *Nestorij*, quia merè damnaret sententiam asserentem duas personas in Christo; non autem damnaret sententiam asserentem adoptionem; nam Christus secundum humanitatem esset verè filius adoptiuus; sed hoc est expressè contra principale intentum *illius Cencilij*, quod coactum fuit ad reiiciendam adoptionem à Christo Domino secundum humanitatem; vt patet etiam *ex ep. Adriani vbiq. Inter cætera reiicienda de adoptione Iesu Christi secundum carnem. Hoc supp.*

4 Prima sententia vult, quod vna, & eadem persona Christi secundum Diuinam naturam est Filius Dei naturalis, & secundum naturam humanam filius adoptiuus. Ita *Dur;* *Bassoli;* & *Scor;* qui tamen oppositum censet probabile; licet *Mastr.* conetur eum vindicare asserens *Scorum* hanc sententiam reliquisse, vt minùs probabilem. Quam sequitur *Franc. Castillo*, apud quem *aliq.* Excusantur autem *ibi auctores*, quia scripserunt, cum gesta *Concilij Francofordiensis* latebant.

5 Secunda vult esse Filium Dei non adoptiuum, nec naturalem, sed proprium, ac propterea non esse Filium solius Patris, sed totius Trinitatis; putat enim filiationem Christi, vt homo est, fundari in gratia habituali; dici autem propriam, quia fundatur in vnione hypostatica; in tantum enim filiatio est propria, in quantum ante infusionem gratiæ habitualis dabatur vnio hypostatica, quæ est dispositio de congruo ad ipsam gratiam; & quia gratia per *Scorum* non constituit sanctum, nisi moraliter, idèst secundum Diuinum beneplacitum; ideo

illa filiatio est moralis, non physica, quanuis proprietas ipsa sit physica. Ita *Mastr. hic d. sp. 2. q. 5. art. 1;* vbi *num. 122.* sic explicat cum *Beluso* suam sententiam. Refert etiam *Bernal;* & *alios.*

6 Tertia docet esse Dei Filium naturalem, & proprium, qui non distinguitur à naturali. Ita *Fund. Doct. hic dist. 10. par. 2. quæst. 2. art. 3;* *Argent;* *Basil.* *Legion;* *Gibb;* & omnes nostri. Item *S. Thom;* & *Thomistæ;* & omnes alij communiter. Sed diuiduntur in modo explicandi.

7 Alij volunt esse filium naturalem tantum analogicè, & improprie, non autem vniuocè cum filiatione Diuina fundata in æterna generatione; quia filiatio Christi, vt homo est, fundatur in vnione naturæ humanæ ad suppositum Filij, per quod completur natura humana in ratione suppositi; & ex hac vnione habet ius ad bona Dei, & est hæres, vt habetur *Hebr. 1. Quem constituit heredem vniuersorum*; non enim est hæres, vt Deus; sed vt homo. Et quoniam per vnionem sanctificatur natura; & sanctificatio est à tota Trinitate; ideo hæc filiatio sumitur à sanctitate; & Christus, vt homo, est filius totius Trinitatis; ac eodem modo Pater, aut Spiritus Sanctus, si incarnatus fuisset, esset filius per eandem sanctitatem. Ita *Sua. disp. 49. sect. 15;* & 2; & parum differt *Vasq. disp. 89. cap. 14;* & *aliq.*

8 Alij censent esse verè, & proprie Filium Dei naturalem eo, quia Christus, vt homo, procedit à Deo *viuus à viuento in similitudinem naturæ*, quia homo habet naturam similem Deo, non quidem in specie athonas, sed quantum sufficit ad veram generationem; & principio coniuncto; quia in Christo Deitas coniungitur cum natura humana. Ita *Hurt. disp. 83;* & *aliq.*

9 Alij putant esse Filium Dei naturalem, in quantum homo importat complexum ex supposito Verbi Diuini, & ex natura humana; & quatenus importat suppositum Verbi per communicationem idiomatum, homo dicitur Filius Dei. Ita *Loric;* *Ragnsa;* & *aliq.* Vnde in hac sententia dicitur Filius Dei tantum materialiter identicè, in quantum suppositum terminans naturam humanam est idem, ac Filius Dei; sicut dicitur omnipotens, æternus, creator &c. Omnis autem pluribus alijs modis explicandi.

10 Nostra tandem sententia docet Christum Dominum, vt homo est, esse Filium Dei naturalem formaliter assumptiue terminatiue, non verò formaliter constitutiue; & ideo esse Filium solius Patris, non totius Trinitatis ita, vt sit Filius Dei, quatenus natura humana assumitur in eandem vnitatem personalem, per quam constituitur Filius; & Verbum Diuinum, quia vnitatem personalem terminatur formaliter, quia ad illam fuit formaliter prædestinata, vt diximus in *sup. art;* & ideo compositum ex vnitatem personalem Filij Diuini, & ex natura humana dicitur Filius Dei naturalis per illam eandem filiationem, per quam Verbum in Diuinis dicitur

Filius Patris; non autem dicitur Filius formaliter constitutiue, quasi natura humana constituat Christum Filium eo, quia natura humana non constituit suppositum Christi, sed supposito Christi aduenit, quia assumitur in eius vnitate, vt loquuntur omnes SS. PP. communiter; atque adeo filiatione, quæ ab æterno terminabat naturam Diuinam, assumens ad se in tempore naturam humanam Christi Domini illam terminauit; & vna, eademque sicut denominauit ab æterno Filium naturalem ipsum Verbum; sic denominauit Filium Dei naturalem ipsum Christum; at cum hoc discrimine, quod filiatione resultauit ex communicatione naturæ Diuinæ, quæ simul cum ipsa constituit personam Verbi; at non resultauit ex vnione naturæ humanæ, quia illam assumendo terminauit tantummodo, quapropter Christus, vt homo, est dicendus Filius naturalis Dei assumptus, non genitus. Sic explicandus, & intelligendus est *Fund. Doct. dist. 7. par. 2. quest. 1. art. 33. Argenti; & Basil. Legion; & D. Thom; & alij*, qui idem videntur asserere, licet rem ita clarè non explicant.

11 Vnica concl. Christus, vt homo, non est Filius Dei adoptiuus, sed naturalis solius Patris, non totius Trinitatis, formaliter assumptiue terminatiue, non autem formaliter constitutiue ita, vt in quantum homo, dici debeat Filius Dei naturalis assumptus, non formaliter genitus.

Prob. 1. pars concl. 1. auctoritate *Council. Francofordiensis, & Adriani Pape*; illud enim expressè statuit Christum secundum vtranque naturam dicendum non esse filium adoptiuum; iste verò ait: *Inter cetera reicienda de adoptione Iesu Christi Filij Dei secundum carnem*; ex quibus verbis apparet eum loqui de adoptione secundum naturam humanam, quæ nomine carnis significatur, & ideo prout homo est. Idem *Elipandus in sua confess.* asserit se dixisse Christum filium adoptiuum solum secundum humanitatem, non secundum Diuinitatem; & S. P. Ang. de *Verbis Domini serm. 51.* Ceteri ergo omnes Sancti filij Dei sunt gratia, solus ille natura; & mox: *Sed nos filij sumus, quos voluntate sua filios fecit, non ex natura sua filios genuit. Genuit quidem & nos, sed quomodo dicitur, adoptatos ab adoptante, generatos beneficio, non natura; & statim: Homines adoptati sumus; ille dicitur vnigenitus, quia hoc est, quod Pater; & D. Amb. relatus à Mag. Sent. testatur se voluisse, ac reuoluisse totam sacram Scripturam, & nunquam inuenisse Christum esse filium Dei adoptiuum. Ratio allata à S. P. Ang; sic efformatur. In hoc distinguitur filius adoptiuus à filio naturali, quod ille est sola voluntate libera, & gratuita assumptus ad filiationem; iste verò est filius per naturam, quia per generationem naturalem accipit uaturationem à Patre, quæ fundat ius ad hæreditatem, & ad omnia bona patris; definitur enim adoptio à *Legibus*, vt in-*

mit *Fund. Doct. vbiq. art. 2. S. Propter arg; gratuita, & liberalis assumptio persone extraneæ ad hæreditatem*; adeoque pater adoptans, & filius adoptatus non coniunguntur, nisi per solum affectum, charitatem, seu amorem; quia adio gratuita inuoluit affectum, & amorem; filius verò naturalis coniungitur patri per naturam, quia illam accipit per generationem, quæ est principio coniunctio, vt dicitur in generationis definitione; sed Christus, vt homo, non est persona extranea à natura Patris, quia personalitas Christi est personalitas Verbi Diuini, quæ identificantur cum natura Diuina, quæ est eadem Patris natura; & non coniungitur solum cum Patre per affectum, & amorem, vt aiebat *Nestor*; sed coniungitur per naturam Diuinam, quæ vna, & eadem est in Patre & Filio; ergo Christus, vt homo, non est filius Dei adoptiuus. Tum quia filiatione appellat personam, non naturam; natura enim non dicitur filia, quia natura propriè non generatur, sed communicatur; persona verò dicitur filia, quia generatur; sed implicat personam Christi, vt homo est, adoptari, quia persona Christi, vt homo est, est persona Diuina Verbi assumens in sui vnitate, & terminans naturam humanam; repugnat autem personam Diuinam adoptari, quia implicat liberè eligi ad bona Dei, cum sit Deus natura, quæ ius dat ad omnia bona Dei; ergo implicat Christum, vt hominem, adoptari. Tum quia adoptio dicit tantum vnionem accidentalem, non substantialem, quia dicit vnionem moralem tantum; sed Christus, vt homo, vnitur substantialiter Deo; ergo idem.

12 Prob. 2. pars concl. ex *Diuinis Scripturis*. 10. 1. habetur: *Verbum caro factum est*; super quod S. P. Ang. in *Enchir. cap. 35.* ait: *Cum enim effect vnicus Dei Filius, non gratia, sed natura; ut effect etiam plenus gratia, factus est & filius hominis; idemque ipse, vtrunque ex vtroque vnus Christus; & mox: Vnus Dei Filius, idemque hominis filius; vnus hominis filius, idemque Dei Filius; non duo Dei Filij Deus, & homo, sed vnus Dei Filius; & paulò post c. 36. Nempe ex quo homo esse cepit, non aliud cepit esse, quam Dei Filius; & hoc vnicus, & propter Deum Verbum, quod illo suscepto factum est, vnique Deus. Ex quo sic. Homo est illud formaliter, quod sine sui destructione fit homo; sed de fide est Filium Dei naturalem, qui est Filius solius Patris, non totius Trinitatis, factum esse hominem; ergo de fide est hunc hominem, qui Filius solius Patris naturalis factus est, esse Filium naturalem solius Patris, non totius Trinitatis. Prob. 3. & explic. Quando vnus assumitur in vnitate substantialem alterius, fit illud formaliter, in cuius vnitate assumitur; vt quia esse musicum, & esse album assumitur in vnitate personalem hominis, ideo fit homo; valet enim nedum: *Hic homo est musicus, est albus*; sed etiam: *Hic musicus, hoc album est hic homo*; nam ideo cum lignum*

gnum fit ignis, non valet, quòd ignis fit lignum; quia lignum non nisi per destructionem sui fit ignis, & ideo lignum non assumit ignem in vnitatem substantialem sui, sed transmutatur in vnitatem substantialem ignis; atqui illud, quod sine sui destructione, aut mutatione substantiali fit homo, assumit hominem in vnitatem substantialem sui, cum non possit assumi in vnitatem substantialem hominis, vt est in casu; ergo illud est homo formaliter, quod sine sui destructione fit homo. Mi. constat; nam de fide est solam secundam personam Trinitatis, quæ est Filius solius Patris, quia ab illo per generationem accipit naturam Diuinam, non autem Filium totius Trinitatis, factum fuisse hominem; quia filius totius Trinitatis non est persona Diuina, sed creatura. 2. Ille Filius, qui est Dei Patris Verbum æternaliter à Patre generatum, est Filius naturalis solius Dei Patris, non totius Trinitatis; vt docet fides; sed Christus, vt est hic homo, est formaliter assumptiuè ille Filius, qui est Verbum Dei Patris æternaliter à Patre generatum; ergo Christus, vt est hic homo, est formaliter assumptiuè Filius naturalis solius Dei Patris, non totius Trinitatis. Ma. est clara. Mi. explic. Christum, vt est hic homo, esse formaliter assumptiuè Filium solius Dei Patris nihil aliud est, quàm naturam humanam passiuè assumi in vnitatem personæ Filij solius Patris; sicut Filium solius Dei Patris esse hunc hominem, nihil aliud est, quàm Filium solius Dei Patris actiuè terminatiuè assumere naturam humanam in vnitatem personalem sui; sed natura humana passiuè assumpta est ad vnitatem personalem Filij solius Dei Patris, non totius Trinitatis; ergo Christus, vt est hic homo, est formaliter assumptiuè Filius solius Dei Patris, non totius Trinitatis. 3. Ille, qui factus est homo, est Filius naturalis solius Patris; sed Christus, vt cepit esse homo, cepit esse ille, qui factus est homo; ergo Christus, vt cepit esse homo, cepit esse secundum naturam humanam assumptam Filius naturalis solius Patris, qui iam erat secundum naturam Diuinam.

13 Conf. ex *Matth. 16*; vbi Christo Dominus interroganti: *Quem dicunt homines me* (vt legit *S. P. Aug. inf.*) *esse filium hominis*; ex quibus verbis constat, quòd loquebatur de se ipso, vt homo est, quia solum, vt homo, est filius hominis; respondit Petrus: *Tu es Christus Filius Dei viui*; super quod *S. P. Aug. serm. 33. de Verbis Apostoli*. ait: *Quid est Filius Dei? Ecce Filius Dei: In principio erat Verbum, & Verbum erat apud Deum, & Deus erat Verbum &c. Filium enim quærimus naturam, non gratiam, Filium unicum, vnigenitum, non adoptatum*; & Io. 6. ait Martha: *Tu es Christus Filius Dei viui, qui in hunc Mundum venisti*; & ad Gal. 4. *Misit Deus Filium suum factum ex muliere &c*; constat autem Filium Dei, qui est Verbum, & est Deus natura; & venit, ac mis-

sus est in Mundum, esse Filium solius Patris, qui est secunda Trinitatis persona; non autem esse filium totius Trinitatis. Ex quibus sic. Filius hominis est Filius naturalis Dei, qui est Verbum, & persona missa in hunc Mundum, vt habetur ex *confessionib. Petri, & Marthæ*; sed Christus, vt homo, est filius hominis; nam vt Deus, est Filius Dei, non hominis; ergo Christus, vt homo, est Filius naturalis Dei, qui est Verbum, & persona missa in hunc Mundum; atqui Verbum, & persona missa non est filius totius Trinitatis, quauis fit missa à tota Trinitate; sed solius Patris; ergo idem.

14 Conf. ex *S. P. Aug. in Enchir. c. 38*; vbi super illud *Matth. 1. Quod enim in ea natum est, de Spiritu Sancto est*; ait: *Nunquid tamen ideo dicturi sumus patrem hominis Christi esse Spiritum Sanctum, vt Deus Pater Verbum genuerit, Spiritus Sanctus hominem; ex qua vtraque substantia Christus vnus esset, & Dei Patris Filius secundum Verbum, & Spiritus Sancti filius secundum hominem &c. Quis hoc dicere audebit. Et mox: Proinde sicut confitemur, Dominus noster Iesus Christus, qui de Deo Deus, homo autem natus est de Spiritu Sancto, & Maria Virgine, vtraque substantia, Diuina scilicet, & humana, Filius est vnicius Dei Patris omnipotentis, de quo procedit Spiritus Sanctus. Ex quibus sic. Pater, à quo procedit Spiritus Sanctus, non est aliquid absolutè dictum commune toti Trinitati, sed est aliquid relatiuè dictum soli personæ Patris conueniens; atqui Christus Dominus secundum vtranque substantiam, seu naturam, Diuinam, & humanam, est Filius Patris, à quo procedit Spiritus Sanctus, vt docetur *Scriptura*; ergo vt homo, non est Filius totius Trinitatis, sed solius Patris.*

15 Et in *Symb. Nic. Et in vnum Dominum Iesum Christum, Filium Dei vnigenitum, & ex Patre natum ante omnia secula*; & in *Symb. D. Athan. Dominus noster Iesus Christus Dei Filius Deus, & homo est. Deus ex substantia Patris ante secula genitus; & homo ex substantia Matris in seculo natus. Ex quo sic. Illud, quod predicatur singulariter in recto de Filio solius Patris relatiuè accepto, est Filius naturalis solius Patris; quia predicatio in recto explicatur per esse illud, quod predicatur; aliter predicatio esset falsa; si enim Petrus non esset hoc indiuiduum, falsa esset hæc predicatio: *Petrus est hoc indiuiduum*; sed Christus, vt homo, predicatur singulariter in recto de Filio solius Patris relatiuè accepto; vt habetur in *Symb*; valet enim: *Solus Filius æterni Patris est homo*; ergo Christus, vt homo, est Filius naturalis solius Patris, non totius Trinitatis.*

16 Et de lib. de fide ad Petrum c. 2. habetur: *Si enim Pater nasceretur de Virgine, vna persona esset Pater, & Filius; ipsa autem vna persona pro eo, quia non de Deo, sed tantum de Virgine nasceretur, non Dei Filius, sed tantum hominis filius vocaretur*

raciter diceretur. Ex quo sic. Filius Dei naturalis in Diuinis est ille, qui per veram generationem nascitur de substantia Patris; sed *Scriptura*, & *SS. PP.* vocant Christum hominem Dei Filium naturalem; ergo vocant Christum, vt hominem, Dei Filium, quia per veram generationem nascitur de substantia Patris. Ma. pater; quia filio nequit naturaliter competere Diuinæ personæ, nisi nascatur ex alia, cum sit relatio sequens ad generationem. Mi. etiam constat ex dictis; nam *Scriptura*, & *PP.* vocant Christum hominem Filium Dei, quia persona Christi hominis est genita à Patre; aliter si non esset genita, non diceretur Filius naturalis Dei, quia non esset nata ex alia persona Diuina; vnde si Pater assumpsisset naturam humanam, esset quidem filius hominis, non tamen Filius naturalis Dei, quia per generationem æternam illi non communicatur natura; & ideo non est Deus natus de Deo, nec Filius naturalis. Vidcant *Adversarij*, quam difformiter ad *SS. PP.* loquuntur, cum asserunt; quod si Pater esset incarnatus, dicendus esset Filius Dei naturalis; quod negant *SS. PP.*; & euincitur, quia non esset natus Deus de Deo, & ideo nec Filius naturalis Dei esset, qui dicitur tantum ex eo, quod nascatur de persona Diuina, & ab illa accipiat naturam Diuinam per veram generationem.

17 Ex his reiecta manet secunda sententia. 1. Christus, vt homo, non dicitur Filius Dei, nisi per relationem filiationis, per quam respicit Patrem, à quo æternaliter generatur, vt asserunt *Scriptura*, & *PP.* allati; ergo Christus, vt homo, non dicitur Filius Dei per filiationem fundatam in gratia habituali, quæ est aliquod creatum; nam per talem relationem Christus non respicit Patrem, vt generantem æternaliter Christum, vt patet; & filiatio, per quam respicit Patrem, vt à Patre æternaliter generatur, fundatur in Diuina essentia, non in aliqua re creata; est enim Diuina, non creata. 2. Christus, vt homo, dicitur Filius solius Dei Patris, non totius Trinitatis; vt asserunt *textus allati*; ergo idem. 3. Si Christus, vt homo, esset Filius Trinitatis, esset Filius Spiritus Sancti; inò & sui ipsius; sed illud est *contra SS. PP.*; hoc verò absurdissimum; implicat enim, quod idem sit Pater sui, & distinctio inter Patrem, & Filium est distinctio suppositorum, vt constat; adeoque si Christus esset filius sui ipsius, in Christo darentur duo supposita, quorum vnum esset Pater Christi, vt homo est; & aliud esset Filius eiusdem Christi, vt Deus est; quod inuehit hæresim *Nestorij*; ergo idem. 4. Filiatio fundata in gratia habituali creata nõ est Deo naturalis, quauis vnio hypostatica exigat nedum de congruo, sed etiam de condigno ipsam gratiam habitualement; nam quauis gratia habitualis sit naturalis vnioui hypostaticæ, & per consequens Christo, qui per talem vnionem constituitur; non tamen

est naturalis Deo, vt Deus est; aliter gratia habitualis subieciatur in natura Diuina, cui esset propria, & ratione cuius diceretur naturalis Deo; naturale enim dicitur à natura, quia sequitur ad illam, & subieciatur in illa; ergo ratione gratiæ habitualis Christus, vt homo, nequit dici Filius Dei proprius; quia solus Filius naturalis est proprius.

18 Deinde diuisio filiationis in naturalem, propriam, & adoptiuam est omnino arbitraria, fictitia, & chimærica; & sic triplex relatio filiationis est sine vlllo fundamento; nam *iuxta Iurisperdentes*, & *Theologos* non dantur nisi filius naturalis, & adoptiuus; ille generatur *per communicationem nature videntis à vidente principio coniuncto*; per quam communicationem habet ius hereditatis paternæ etiam ab intestato; iste verò adoptatus, & assumptus in filium, quauis non sit genitus; sed filius proprius non est adoptiuus, qui est filius alienus; ergo est naturalis; & ideo si Christus, vt homo, est Filius Dei proprius, est etiam Filius Dei naturalis.

19 Resp. *Mastr.* diuisionem filij proprii, naturalis, & adoptiui non esse nouam; traditur enim ab *Hug. de S. Viſt. to. 3. in apolog. de Verbo incarnato*; vbi ait: *Filius tribus modis dicitur; adoptione, vt nos per fidem; susceptione, vt Mediasor, scilicet homo assumptus; & natura.*

Sed *Hug.* aperte docet nostram sententiam; ait enim filium dici vel adoptiuè; vel assumptiuè ad filiationem naturalem; vel natura, idest generatione; assumptiuè autem ad filiationem naturalem dicitur Filius naturalis; sicut assumptiuè ad personam Diuinam dicitur persona Diuina. Filius ergo naturalis vel est genitus, vel assumptus; siue idem Filius secundum naturam Diuinam dicitur genitus, & natus; & secundum naturam humanam dicitur assumptus, non genitus. Non tamen ait *Hug.* filium proprium non esse naturalem, aut è contra, sed tantum filium naturalem dici vel assumptiuè, vel generatiuè.

20 Tum quia si Christus, vt homo, esset tantum moraliter Filius Dei, non esset verè, & realiter physicè, sed tantum putatiuè, & secundum existimationem, aut acceptionem liberam in Filium; sed hoc est *contra Diuinas Scripturas* docentes Christum, vt hominem, esse Filium Dei, quia, vt homo, dicit suppositum Verbi, quod verè, & realiter physicè est Filius Patris, à quo per veram generationem produciatur; ergo idem. Tum quia Filius putatiuè, secundum existimationem moralem, & liberam acceptionem tantum, & non per veram generationem, est tantum adoptiuus, vt constat; quia filius adoptiuus est, qui non est genitus, sed liberè acceptatus, & declaratus in filium; sed Christus, vt homo, non est filius adoptiuus; ergo idem. Præterea à gratia habituali, quæ est accidens, nequit desumi filiatio, nisi accidentalis;

talis, sicut à natura, quæ est substantia, desumitur filiationis substantialis; sed filiationis accidentalis est adoptiua; in hoc enim distinguitur à filiatione naturali, quæ sumitur secundum substantiam; ergo Christus, vt homo, esset filius Dei adoptiuus. Vtèrius gratia habitualis formaliter, vt talis, habet tantum constituere filium adoptiuum; aliter si ex sua natura haberet constituere filium proprium, & naturalem, quicumque habens gratiam habitualem esset filius naturalis, & proprius; quod est *contra Scripturas*; nec ex eo, quod quis habeat ius ad habendam gratiam habitualemente de congruo, fit, vt filiatione constituta per gratiam habitualemente, sit propria, & naturalis; nam B. Virgo, vt Mater Dei, habuit hoc ius saltem de congruo, & tamen in eo, quod creatura, non est filia propria, & naturalis Dei. Tum quia ius congruum, quod quis potest habere ad hoc, est aliquis adoptetur in filium, non facit, quod sic adoptatus sit proprius filius, & naturalis; ergo quanuis ratione vniõis hypostaticæ Christus habuerit ius de congruo ad habendam gratiam habitualemente, factum non fuit, vt filiatione, quæ constituta fuisset per gratiam habitualemente, nisi subiectum iam esset præuentum per filiationem Dei naturalem, esset naturalis; ergo nec propria, solus enim Filius naturalis est proprius, quia filius proprius dicitur ille, qui ab illo, cuius est proprius, generatur in similitudinem naturæ; sicut adoptiuus est alienus, quia ab alio est generatus. Tandem improb. rationibus *sup.* adductis.

21. Prob. 2. pars concl. 1. Natura humana non constituit suppositum Diuinum; implicat enim; quod aliquod increatum, infinitum, necessarium simpliciter &c. constituitur per aliquod creatum, finitum, contingens &c; sicut est natura humana Christi Domini; ergo Christus, vt homo, non est filius Dei naturalis formaliter constitutiuè, sed tantum assumptiuè terminatiuè, & ideo vt homo, non est Filius formaliter genitus, sed assumptus. 2. Ille est Filius naturalis genitus, non assumptus, & constituitur formaliter in ratione filij, qui, vt talis, *orsur vniens à vniens principio coniuuncto in similitudinem naturæ differentialis vltimæ*; filius enim constituitur formaliter per veram generationem, quæ sic definitur, vt diximus *1. 2. de Trin. q. 3. art. 8*; ad rationem namque filij non sufficit nasci de aliquo secundum quancunque rationem genericam analogam, vel vniuocam, vt docet S. P. in *Enchir. c. 38*; quia capilli, vngues, & animalia, quæ sunt ex putri, nascuntur ex homine, nec tamen dicuntur filij hominis, cum non procedant in similitudinem naturæ specificæ vltimæ; sed Christus, vt homo, non oritur à Deo in similitudinem naturæ specificæ propriæ ipsius Dei, quia natura humana differt nedum specie, sed & genere supremo à natura Diuina, quæ est propria ipsius Dei; nec procedit per naturam for-

maliter, sed per voluntatem liberam, quæ est causa omnium rerum creaturarum; ergo Christus, vt homo, seu per naturam humanam non constituitur in ratione filij, nec generatur, vt Filius, sed tantum dicitur Filius assumptiuè, quia assumitur ad Filium Dei naturalem.

Quid autem dicendum sit de modo explicandi *Recentium Thomistarum*; putamus quoad rem idem docere, quod nos probauimus, non tamen in proprijs terminis; quia substantia in natura non explicat formaliter filiationem, cum etiam Spiritus Sanctus subsistat in natura Diuina; & si carnem assumpsisset, subsisteret etiam in natura humana; & tamen nec esset filius, vt Deus, nec vt homo; ergo Christus, vt homo, non dicitur Filius Dei naturalis ex eo præcisè; quod est subsistens in natura humana, sed quia natura humana est assumpta ad filiationem Dei naturalem in vnitatem filij Dei naturalis. Tum quia non datur substantia personalis; tum quia non terminat ratione substantiæ, sed ratione filiationis, vt diximus *in sup. q. art. 4.*

22. Obijc. 1. cont. 1. part. concl. *Conc.* damnauit *Elipandum* solum in sensu *Nestorianorum*, quia scilicet dixit Christum esse duas personas, quarum vnâ Diuinâ, & Filius naturalis; altera humana, & Filius Dei adoptiuus; ergo adhuc potest substineri Christum esse vnâ personam, quæ, vt Deus, est Filius Dei naturalis; & vt homo, est Filius Dei adoptiuus. 2. Christus, vt homo, dicit extraneitatem naturæ sufficientem ad adoptionem; extraneitas enim duplex est; alia, quæ excludit debitum naturale conueniens filio naturali habendi hæreditatem patris, & ius congruum ad eandem hæreditatem; alia, quæ excludit solum debitum naturale, includit tamen ius de congruo; sed in Christo, vt homine, reperitur extraneitas secundo modo; ergo idem; 3. *D. Hilar. lib. 2. de Trin.* ait: *Potestati dignitas non amittitur, dum carnis humanitas adoptatur.*

Resp. ad 1. *neg.* ant; nam vt *sup.* diximus, *Conc.* absolute damnauit hæreticum asserentem Christum secundum humanitatem esse Filium Dei adoptiuum; humanitas autem non est persona, sed natura, vt constat; & rationem reddens ad filiationem dici de supposito, quod si sit extraneum, id est non genitum, est capax filiationis adoptiue; vnde cum suppositum Christi non sit extraneum, incapax est adoptionis. Hæc autem ratio non concluderet, si sola naturæ diuersitas adoptioni sufficeret; ergo *Conc.* damnauit etiam sententiam asserentem vnâ Christi personam secundum naturam humanam adoptari. Ad 2. *neg. m.*; extraneitas enim requiritur ad adoptionem est extraneitas suppositi, quod dicitur extraneum, quia non est genitum ab adoptante; quod autem dicat, vel non dicat ius congruum ad hæreditatem, hoc neque ponit, neque tollit adoptionem; vnde nedum aditus dispositus, cui debetur de congruo gra-

tia habitualis; sed etiam paruulus in baptismo incapax dispositionis internæ verè dicitur filius Dei adoptiuus. Ad 3. dicitur *alios* legere *adoptatam*, non *adoptatam*; quod significat *unitam*, vt explicat *Fund. Doct.* ad 1. Vel *cum eod.* dicitur Christi humanitatem esse adoptatam in mēbris Christi, idēst in nobis; non autem in Capite, idēst in Christo.

23 Obijc. 2. Gratia habitualis constituit formaliter Filium Dei adoptiuum; sed in Christo est gratia habitualis; ergo est Filius Dei adoptiuus. 2. Non implicat Filium naturalem esse simul adoptiuum; habetur enim l. *qui liberatus ff. de adoptionib.* *Qui liberatus est patria potestate, bonæ fidei reuerti non potest, nisi adoptioe*; ideo Filius à patre emancipatus potest à patre adoptari; ergo quauis Christus sit Filius Dei naturalis secundum naturam Diuinam, potest tamen esse adoptiuus secundum naturam humanam. 3. Si filiatio naturalis esset ratio excludens filiationem adoptiuam, sequeretur, quod Spiritus Sanctus, si fuisset incarnatus, esset Filius adoptiuus; quia ipse non est Filius Dei naturalis; sed *conf.* est falsum; ergo, & *ant.* 4. Christus, vt homo, est seruus; ergo idem.

Resp. ad 1. *Ad 1. m.* Constituit Filium adoptiuum suppositum extraneum, quod est capax adoptionis, *con.*; quodlibet suppositum etiam proprium, *neg.* Effectus igitur primarius gratiæ habitualis est sanctificare animam; & effectus secundarius est constituere suppositum illius animæ Filium Dei adoptiuum, si sit extraneum; effectus autem secundarius potest impediri, vt constat, consistente causa formali cum solo effectu primario. Ad 2. *neg. conf.* & disparitas est; quia lex humana priuat filium emancipatum iure ad hæreditatem patris; ideo filius potest ad illud adoptari; at verò lex Diuina nequit priuare Filium Dei iure ad hæreditatem; quia talis priuatio non est, nisi per peccatum, quod nequit esse in Filio Dei. Ad 3. *neg. ma.* nam filiatio naturalis est ratio inadæquate excludens adoptionem; in tantum enim excludit, in quantum est in supposito proprio habente ius naturale ad hæreditatē. Cum ergo Spiritus Sanctus incarnatus esset suppositum proprium Deitatis habens ius naturale ad omnia bona Dei, ideo non posset ad illa adoptari; vnde ratio adæquate excludens adoptionem est suppositum proprium habens ius naturale ad hæreditatem. Ad 4. resp. *Fund. Doct.* *neg. conf.* nam seruus importat solam subiectionem, quæ soli naturæ potest competere, vna enim natura subijcitur alteri; at verò filiatio adoptiua importat extraneitatem suppositi, quæ non datur in Christo; *fed de hoc inf.*

24 Obijc. 3. In priori naturæ, antequam humanitas Verbo vniretur, erat existens; ergo tunc erat omnino extranea; ergo poterat adoptari. 2. *Quæ Nominatib.* Christus, vt homo, dicit so-

lam naturam humanam; sed ratione naturæ humanæ Christus non est Filius Dei naturalis, quia constituitur Filius Dei per naturam Diuinam; ergo idem. 3. Vnio hypostatica est per actionem Dei liberam, & merè gratuitam; ergo importat adoptionem. 4. Ad constituendam filiationem naturalem non requiritur intraneitas suppositi; nam Christus est filius naturalis B. Virginis, licet suppositum Christi non sit humanum; ergo ad constituendam filiationem adoptiuam non requiritur extraneitas suppositi, sed sufficit extraneitas naturæ.

Resp. ad 1. *neg. ant.* Vel etiam omisso *neg. conf.* natura enim nō adoptatur, sed persona; vnde cum in illo priori natura non sit persona, ideo non est capax adoptari. Ad 2. *neg. ma.* nam homo importat etiam suppositum saltem connotatiuè. Vel etiam omissa *ma. dist. mi.* Ratione naturæ humanæ Christus non constituitur Filius, *con.*; ratione naturæ humanæ non dicitur homo assumptus ad filiationem Dei naturalem; *neg.* Ad 3. *dist. ant.* Vnio hypostatica est per actionem liberam substantialiter vniuentem naturam humanam cum supposito Diuino, *con.*; sed *neg. conf.* nam adoptio est per actionem liberam accidentaliter tantum vniuentem, vt patet. Est per actionem liberam accidentaliter tantum vniuentem secundum affectum, *neg.*; hoc enim fuit in *Nestorio* damnatum. Ad 4. *neg. conf.* nam filius adoptiuus debet solo affectu coniungi cum Patre; si autem coniungeretur supposito, iam non solo affectu coniungeretur; & ideo non esset adoptiuus. At ad filiationem naturalem lumen accipere naturam eadem specie per generationem, quod potest esse, etiam si sit alienum suppositum; ideo Christus secundum naturam humanam est verus filius naturalis B. Virginis. Addimus, quod suppositum Verbi terminat naturam humanam, quatenus continet eminenter suppositum humanum, cuius vices gerit; & ideo quauis formaliter acceptum sit extraneum, & alienum à natura humana; attamen eminenter non est extraneum, & alienum, sed proprium.

25 Obijc. 4. *cont. 2. part. concl. ex Maist.* Filius naturalis est ille, qui oritur viuens à viuentē naturaliter principio vitæ coniuncto in similitudinem naturæ intellectualis; sed Christus, vt homo, licet procedat viuens à viuentē, non tamen naturaliter, sed liberè, nec in similitudinem naturæ, quia humanitas non est similis in specie Diuinitati; nec principio vitæ coniuncto; quia nec actio humanitatis productiua ex vi suæ specificationis tendit ad communicandam naturam Diuinam Christo; nec actio vnitiva humanitatis ad Verbum; sed tantum ad communicandam subsistentiam Diuinam, & concomitanter tantum ratione identitatis traxit secum naturam Diuinam; ergo Christus, vt homo, non est Filius Dei naturalis. 2. Filiatio Christi fun-

datur

datur in gratia habituali, per quam habet ius ad gloriam; proprietates autem talis filiationis, per quam Christus dicitur proprius Dei Filius, non naturalis, fundatur in vnione hypostatica; sed gratia, & vnio hypostatica sunt quid ad extra, quod est opus totius Trinitatis; ergo Christus, vt homo, est filius totius Trinitatis. Prob. ma. Christus, vt homo, non dicitur filius ratione generationis æternæ, ratione cuius non generatur, vt homo, sed vt Deus; ergo ratione gratiæ habitualis, & ratione vnionis hypostaticæ. 3. Filiatio æterna Verbi non informat naturam humanam; ergo nequit illam ad solum Patrem referre; & ideo nequit illam denominare Filiam soli s. Patris; nam sicut Christus, vt homo, non denominatur Deus ab ipsa Deitate; ita neque ab ipsa æterna generatione denominatur Filius; alioquin solum denominatione extrinseca denominaretur filius. 4. Ex Conc. *Francford. Adrianus* illud: *Hic est Filius meus dilectus*; attribuit toti Trinitati dicens: *Sed dum dicit, complacuit, totam simul Trinitatem comprehendit, quia in homine Christo tota complacuit Trinitas*; complacere enim est placere simul cum alio; ergo est filius totius Trinitatis.

Resp. ad 1. dist. ma. Filius naturalis, vt genitus, conc; vt assumptus, neg; Christus autem, vt homo, dicitur Filius naturalis Dei, vt assumptus, non vt genitus. Ad 2. neg. ma. Ad prob. neg. conf; nam Christus, vt homo, non dicitur Filius ratione æternæ generationis, nec ratione gratiæ habitualis, sed ratione assumptionis ad Filiationem. Ad 3. dist. conf. Nequit illam ad solum Patrem referre ratione ipsius naturæ immediatè, conc; ratione suppositi illam terminantis, neg; ideo natura humana non dicitur filia, sed suppositum, vt terminans naturam, est Filius, & ideo non est denominatio extrinseca, sed intrinseca supposito. Ad 4. dicitur illud verbum *complacuit* referri ad Trinitatem, quia Pater in generatione Verbi non habet alium actum notionalem proprium Patri, nisi generare, quod est actus intellectus; complacere autem est actus voluntatis, & ideo est communis toti Trinitati. Sicut ergo Filius, qui est solius Patris, amatur à Patre essentialiter, & ideo communiter; ita Filius solius Patris potuit à Patre declarari, vt genitus notionaliter, & vt essentialiter amore complacentiæ dilectus.

26 Objc. 3. Christus, vt homo, non importat vnionem ad filiationem Verbi formaliter; ergo idem. Prob. ant. 1. Filiatio est relatio; sed humanitas non vnitur filiationi sub conceptu relationis, aliter constitueretur relata; ergo humanitas non vnitur filiationi formaliter. 2. Humanitas non vnitur fundamento relationis, quia non vnitur generationi passivæ, aliter constitueretur genita per generationem Diuinam; ergo nec vnitur relationi. 3. Si Pater incarnaretur, humanitas non vniretur formaliter paternitati,

aliàs, vt homo, esset Pater; quod est falsum, quia, vt homo, non generaret; ergo idem.

Resp. neg. ant. Ad 1. prob. neg. mi; quia, filiatio vnitur humanitati tantum terminatiuè assumptiuè, non autem inhæsiuè, & subiectiuè; ideo non denominatur humanitatem relatum; solum enim subiectum relationis denominatur relatum. Ad 2. eodem modo neg. ant; non enim ex eo, quod vnitur generationi passivæ terminatiuè, sequitur, quod denominetur genita, quia genitum dicitur per generationem passivam subiectiuè receptam. Ad 3. neg. ant; & ad prob. insert. dicitur, quod, vt homo, esset Pater assumptiuè, non generatiuè, ideo alium hominem non generaret.

27 Objc. 6. Christus, vt homo, non est Deus, vt docet *D. Tho. hic q. 16. art. 11*; ergo neque Filius Dei naturalis. 2. Christus, vt homo, non est genitus à Patre; ergo idem. 3. Christus, vt homo, non refertur realiter ad Patrem, quia Pater non refertur realiter ad Christum, vt hominem; ergo idem. 4. Christus, vt homo, non potest dici Verbum Patris; ergo idem. 5. Christus, vt Deus, nequit dici Filius naturalis Virginis; ergo neque, vt homo, potest dici filius naturalis Dei.

Resp. ad 1. neg. conf; humanitas enim immediate vnitur filiationi, & mediante filiatione Deitati; ideo dicitur formaliter Filius, & solum identicè, & per solam communicationem idiomatum dicitur Deus. Ad 2. neg. conf; nam ad hoc, vt aliquis dicatur genitus, requiritur, quod per veram generationem communicetur sibi similis natura; at vt dicatur filius, sufficit, quod assumatur in vnitatem ipsius filiationis. Ad 3. dist. ant. Non refertur realiter ad Patrem per relationem Diuinam, ad quam assumitur, vt homo, neg; per relationem creatam existentem in humanitate, conc. Ad 4. neg. ant; nam *Io. 1.* dicitur: *Verbum caro factum est*; id est homo, qui propterea dicitur Verbum Patris. Ad 5. neg. conf; quia B. Virgo naturaliter subministravit tantum materiam, non autem illam vniuit Verbo Diuino, vt diximus *q. 4. art. 1. m. 13*; vnio enim ad Verbum Diuinum est simpliciter supernaturalis, & ideo attribuitur soli Spiritui Sancto.

28 Objc. 7. *Gibb. cont. 3. part. concl. Quoties aliqua forma vnitur subiecto capaci, necessario illi communicat suum effectum formalem primum*; sed filiatio vnitur humanitati, quæ est subiectum capax filiationis; ergo simul cum illa constituitur filium, & ideo Christus, vt homo, est Filius constitutiue, non assumptiuè.

Resp. dist. ma. Si vnatur per assumptionem illius ad se ipsam, neg; si per inhætionem, vel compositionem, conc; sed neg. mi.

A R T. III.

An in Christo sint due natiuitates, & filiationes?

Certum est in Christo Domino esse vnā tantum personam cum duplici natura distincta, & in sua proprietate manente, vt cum S. P. Aug. sup. diximus cont. Nestorium, & Eutychem. Quæritur autem; an in vna persona secundum duplicem naturam detur duplex natiuitas; & duplex filiatio? De duplici natiuitate nullum est dissidium, traditur enim expressè in Scripturis, vt inf. Ad duplicem ergo filiationem restringitur.

1 Prima sententia censet in Christo Domino esse tantum filiationem æternam, referri autem ad Matrem per relationem rationis, aut per respectum, vel per ipsam relationem realem, existentem in ipsa Matre eo prorsus modo, quo Deus dicitur Dominus creatura, non per relationem realem existentem in Deo, cui nihil realiter in tempore potest aduenire ab extrinseco, sed per relationem dependentiæ existentem in creatura; & præcipua ratio, super quam fundatur hæc sententia, est quia filiatio dicitur de supposito; & ideo cum in Christo sit vnum tantum suppositum Diuinum, cui nequit aliquod reale aduenire ex tempore; ideo in illo est tantum relatio filiationis æternæ, non autem relatio filiationis temporalis, per quam in tempore refertur ad Matrem. Tribuitur Alen; D. Tho; Henr; Alber; Bacon; Maior; Caiet; Capr; Med; & alijs Thomistis.

3 Nostra sententia docet filiationem tribui supposito mediante natura, in qua immediatè fundatur; & ideo sicuti in Christo est duplex natura in vnitæte personæ, ita est duplex natiuitas, & duplex filiatio realis, Diuina scilicet, & humana; illa æterna, per quam respicit Patrem; hæc temporalis, qua refertur ad Matrem. Ita Fund. Doct. hic dist. 8. p. 2. q. 1. per totam; Argent. ibid. q. 1. Hanc sententiã secutus est Scot. ibid. q. 7; Dur; Ric; Mar; Maffr. hic disp. 2. q. 6; apud quem alij Scotistæ; & ex alijs Sna; Amic; Auerfa; & alij.

4 Vnica concl. In Christo fuit duplex natiuitas, & duplex filiatio realis æterna, & temporalis, immediatè fundata in duplici natura, quæ vnum, & idem suppositum Diuinum constituit Filium Dei vnigenitum, hoc est sine fratribus; & filium hominis Matris primogenitum in multis fratribus, id est habentem fratres.

Prob. 1. ex Conc. Nic. vbi de natiuitate æterna dicitur: *Et ex Patre natum ante omnia sæcula, Deum de Deo; & de natiuitate temporalis: Natus ex Maria Virgine; & ex Symb. D. Athan. Deus ex substantia Patris ante sæcula genitus; & homo ex substantia Matris in sæculo natus; & Matth. 16. Quem dicunt homines esse filium hominis?* Cui re-

spondit Petrus: *Tu es Christus Filius Dei viui;* quibus designatur duplex Christi filiatio; & 10. 1. *Gloriam quasi vnigeniti à Patre;* & Rom. 8. *Primogenitus in multis fratribus;* super quod S. P. Aug. lib. de fide, & Symb. c. 4. ait: *Quapropter secundum id, quod vnigenitus est, non habet fratres; secundum id autem, quod primogenitus est, fratres vocare dignatus est omnes, qui post eius primitias (seu primatum, vt legunt alij) in Dei gratia nascimur per adoptionem filiorum;* & 10. 3. *Nemo ascendit in Cælum, nisi qui descendit de Cælo filius hominis, qui est in Cælo;* super quod idem S. P. tractat. 12. in 10. *Due natiuitates Christi intelliguntur, vna Diuina, altera humana; vna, per quam efficeremur; altera, per quam resiceremur. Ambe mirabiles; illa sine matris ista sine patre.* Ex quibus sic. Omnis vera, & realis generatio importat veram, & realem natiuitatem, & veram, ac realem relationem filiationis necessariò consequentem ad ipsam generationem in genito; sed in Christo est duplex vera, & realis generatio; ergo in Christo est duplex vera, & realis natiuitas; & duplex vera, & realis relatio filiationis. Mi est de fide, vt constat ex textibus allatis; & ratio est: quia vera, & realis generatio passiuæ, de qua loquimur, importat acceptionem naturæ à generante; sed Christus verè accepit naturam Diuinam à Patre æternaliter, & in tempore accepit naturam humanam à Matre; ergo in ipso est duplex generatio passiuæ. Prob. 1. pars ma. Vera, & realis generatio importat veram, & realem acceptionem naturæ à generante; sed natiuitas dicit acceptionem naturæ à generante; quia nasci ex alio nihil aliud dicit, quàm accipere naturam ex alio; ergo vera, & realis generatio importat veram, & realem natiuitatem. Prob. 2. pars. Ex eo, quod Christus, vt persona Diuina, accipiat à Patre naturam Diuinam, necessariò consequitur ex tali acceptione realis filiatio Diuina, per quam respicit Patrem; ergo ex eo, quod Christus, vt homo, accipiat à Matre naturam humanam, necessariò consequitur ex tali acceptione realis filiatio temporalis, per quam respicit Matrem.

5 Conf. 1. Christus non potuit constitui realiter homo, nisi per realem naturam humanam; ergo non potest constitui realiter filius hominis, nisi per realem filiationem humanam; atqui Christus est verè, & realiter filius hominis, vt docent Scripturæ, quia verè, & realiter accepit naturam humanam ab homine; ergo in Christo est vera, & realis relatio filiationis humane.

6 Conf. 2. Ex eo, quod in supposito Verbi sit natura Diuina, nõ impedit, quod ei superaddatur natura humana, quauis natura humana in creatis habeat constituere simul cum subsistentia suppositum humanum; ideo impedit solum, ne simul cum subsistentia creata constituat suppositum; ergo à fortiori ex eo, quod in supposito Christi sit filiatio Diuina, non impedit, quod ei super-

adda-

addatur realis filiatio humana, quia filiatio humana non constituit suppositum. Nam quod non constituit, non multiplicat; ab eodem enim sumitur multiplicatio, & constitutio, quia multitudo sequitur ad ens, ad quod sequitur vnitas; cuius replicatio facit multitudinem; sed filiatio humana non constituit suppositum humanum; quia suppositum humanum est absolutum, & absolutum non constituitur per relatum; ergo filiatio humana superaddita alicui supposito illud non multiplicat, & ideo non facit aliud suppositum. Hoc manifestè traditur à S. P. Aug. in *Enchir.* cap. 35. docente: *Cum enim esset vnicus Dei Filius, non gratia, sed natura; ut esset etiam plenus gratia, factus est & filius hominis; idemque ipse, vtrunque ex vtroque vnus Christus; & statim: Vnus Dei Filius, idemque hominis filius; non duo Dei Filij Deus, & homo; sed vnus Dei Filius.* Ex quo sic magis vrgetur. Sicut Filius Dei assumendo naturam humanam factus est homo salua consistente vnitate suppositi; ita assumendo filiationem humanam factus est filius hominis in vnitate suppositi; sed non fuisset factus verus homo, nisi assumendo veram naturam humanam; ergo non fuisset factus verus filius hominis, nisi assumendo veram filiationem humanam. Tum quia si non assumpsisset veram filiationem humanam, non posset verè dici factus filius hominis; sicut si non assumpsisset veram naturam humanam, non posset verè dici factus homo; ex eo nanque, quod non assumpsit verum suppositum humanum, non potest dici esse factum verum suppositum hominis; sed Christus verè dicitur factus filius hominis; ergo assumpsit veram relationem filiationis humanæ cum vnitate, & identitate suppositi.

7 Prob. 2. Relatio realiter multiplicatur ad multiplicationem fundamenti, in quo immediatè fundatur; sed in Christo est duplex natura, in qua immediatè fundatur relatio filiationis; ergo in ipso est duplex filiatio realis. Manifestat; nam quanuis sit idem subiectum habens quantitatè, & qualitates; attamen quia quãtitas, quæ est fundamenti immediatum relationis æqualitatis; & qualitas, quæ est immediatè fundamenti similitudinis, distinguuntur realiter, ideo relatio æqualitatis, & similitudinis sunt duæ relationes realiter distinctæ; aliter in vnoquoque subiecto non esset, nisi vnica relatio realis, quod nullus diceret; ergo relatio realis realiter multiplicatur ad solam multiplicationem fundamenti, in quo immediatè fundatur. Prob. iii. Fundamentum immediatum filiationis Diuinæ est Diuina natura, quæ est fundamentum immediatum omnium relationum Diuinarum; non enim filiatio Diuina potest fundari immediatè in persona Filij, aliter cum filiatio formaliter constituat personam Filij, fundaretur in se ipsa; & sic idem secundum idem esset fundatum, & fundamentum; vel cum fundamentum præsup-

ponatur ad rem fundatam, si filiatio fundaretur in supposito, supponeret ipsum iam constitutū; & sic esset constitutum ante constitutum, quod implicat; ergo fundamentum immediatum filiationis humanæ est natura humana; eadem enim prorsus ratio est de vtraque. Tum quia fundamentum generationis passiuæ est natura Diuina, generatio enim fundatur in natura; cum sit *via in naturam*, idèst communicatio naturæ; communicatio autem est in re communicata; sed generatio passiuæ est filiatio, sicut generatio actiua est paternitas; aliter cogeremur admittere plures relationes reales in Patre, & Filio; & non tantum plura munera eiusdem relationis; ergo filiatio in natura Diuina immediatè fundatur.

8 Dices relationes Diuinas, vt potè subsistentes, non fundari in alio.

Sed contra est; quia omnis relatio essentialiter importat fundamentum, ratione cuius est aliquid, vt docet D. Thom. hic; relatio enim secundum se non est aliquid, sed ad aliquid; ergo quauis relationes Diuine sint subsistentes, debent tamen habere aliquod fundamentum, in quo fundentur. 2. Relatio Diuina formaliter est ordo vnus ad alterum; sed ordo est in re ordinata; ergo relatio Diuina est in aliquo fundamento. 3. Quanuis attributa Diuina sine per se subsistentia, nullū enim accidens datur in Deo; attamen per nostrum modum concipiendi fundantur in Diuina essentia; ergo à pari. 4. Ex Logica habetur, quod ad constituendam relationem realem essentialiter requiritur nedum ratio fundandi, sed etiam fundamentum, & terminus; sed filiatio Diuina est vera relatio realis, vt docet fides; ergo ad illam essentialiter requiritur ratio fundandi, quæ est actio generatiua; fundamentum, quod nequit esse, nisi Diuina natura, quæ per generationem communicatur; & terminus correlatiuis, qui est paternitas, ad quā refertur.

9 Conf. 1. Fundamentum, & subiectum, quod relationis distinguuntur; vt constat de albedine, quæ est fundamentum similitudinis; & de substantia parietis, quæ est subiectum, quod denominatur simile; sed suppositum Verbi Diuini est subiectum, quod denominatur filius; ergo debet distinguì à fundamento immediato ipsius filiationis; atqui sola natura Diuina distinguitur formaliter virtualiter à suppositualitate Verbi Diuini; ergo sola natura Diuina est fundamentum immediatum filiationis. 2. Fundamentum immediatum filiationis est illud, per quod formaliter habetur generatio, per quam denominatur filius; sicut fundamentum immediatum similitudinis est illud, per quod formaliter paries denominatur similis; sed natura est id, per quod suppositum denominatur genitum, & per quod denominatur filius; non enim suppositum denominatur formaliter genitum per subsistentiam, aliter omne subsistens esset genitum;

eum; sicut paries denominatur similis per albedinem, non per subsistentiam, aliter omne habens subsistentiam esset simile; ergo natura est fundamentum immediatum filiationis.

10 Prob. 3. cum *nostro Argent.* Quauis possit dari causa, quæ non dicat relationem realem ad effectum, quia ad illum nequit ordinari realiter; ut est Deus, qui est causa omnium creaturarum, & non dicit relationem realem ad creaturas, quia ad illas nequit ordinari realiter, cum sit ultimus finis omnium rerum simpliciter inordinabilis ad aliud, & ideo irreferibilis, quia relatio est *ordo vnus ad aliud*; attamen nequit dari aliquis effectus realiter productus ab aliqua causa, qui ad illam non dicat relationem realem; productio enim effectus essentialiter importat dependentiam à causa secundum esse, quod ab illa recipit; & dependentia realis vnus ab alio est realis relatio, vel importat essentialiter relationem realem; sed Christus, ut homo, est effectus productus à B. Virgine, tanquam à causa realiter productiua; etenim B. Virgo est vera Mater Christi, ut homo est; ergo Christus, ut homo, dicit veram relationem realem ad B. Virginem, tanquam ad causam productiuam in similitudinem suæ naturæ specificæ aethomæ; atque relatio realis ad causam productiuam hominis in similitudinem naturæ specificæ est realis relatio filiationis; ergo in Christo est realis relatio filiationis ad B. Virginem, & per consequens est duplex filiatio.

11 Prob. 4. cum *Fund. Doct.* Ratio, ob quam non multiplicatur relatio in eodem subiecto, vel est ratione fundamenti, in quo fundatur, quia vnum est realiter immultiplicatum; nam cum relatio secundum se non fit aliquid, nisi ratione fundamenti, sed ad aliud, ut docet *D. Thom. apud Fund. Doct. hic*; ideo non potest multiplicari, nisi multiplicato fundamento, quia non potest multiplicari, nisi ratione illius, ratione cuius est ens, & aliquid; ut relatio similitudinis ad plura alba non multiplicatur in eodem pariete albo, quia non multiplicatur albedo, quæ est fundamentum proximum similitudinis; sic quauis in patre, & matre sint duæ relationes respectu eiusdem filij, quia sunt duo subiecta; attamen in eodem filio, quia est vnum subiectum, est vna tantum filiatio, per quam respicit patrem, & matrem. Vel est ratione subiecti, quia duæ relationes, seu duo accidentia, eiusdem speciei, ut duæ albedines, nequeunt esse in eodem subiecto; sed nulla ex his rationibus interuenit in præsentī; nam fundamentum immediatum filiationis humanæ est natura humana; & fundamentum proximum filiationis Diuinæ est natura Diuina, quæ differt realiter à natura humana, ut dictum est; tum quia illud est fundamentum immediatum filiationis, quo posito ponitur filiatio, & sine quo nequit esse, nec intelligi filiatio; sed posita natura Diuina,

vel humana communicata per generationem, ponitur filiatio, & sine ipsa nequit esse, vel intelligi; ergo natura communicata per generationem est fundamentum proximum filiationis. Item relatio filiationis Diuinæ, & humanæ differunt nedum specie aethoma, sed & supremo genere negatiuè eo, quia natura humana, ad quam sequitur filiatio humana, est in genere substantiæ; natura verò Diuina est extra genus substantiæ creatæ; & filiatio Diuina non est in prædicamento relationis, quod est finitum, quia clauditur terminis, qui sunt genus, & differentia; filiatio verò humana est in prædicamento relationis; sed plures relationes specie, & genere diuersæ possunt esse in eodem subiecto, ut notum est de relationibus similitudinis, æqualitatis &c.; ergo & filiatio Diuina, & humana possunt esse in eodem subiecto, seu supposito Christi, non quidem immediate receptiuè, quia suppositum Diuinum non est capax immediate recipere relationem realem; sed assumptiuè, quia potest assumere naturam humanam, & filiationem consequentem ad naturæ humanæ communicationem. 2. In tantum Deus producens creaturas non dicit relationem realem ad illas, in quantum non assumit creaturas productas in vnitate suppositi Diuini, & ideo illis medianibus non assumit relationem consequentem ad esse creaturarum, & ex alia parte relatio nequit immediate recipi in supposito Diuino, quod non est capax recipere relationem creatam; sed suppositum Diuinum Filij assumpsit naturam humanam in sui vnitate; ergo & relationem consequentem ad productionem illius. 3. Suppositum Verbi ita supplēuit suppositum humanum vniendo sibi naturam humanam, ut de illo verificentur omnia secundum naturam humanam, quæ verificata fuissent, si natura humana suppositata fuisset à proprio supposito; ut sæpe diximus ex *S. P. August. serm. 58. de Verbis Domini*; quapropter suppositum Verbi dicitur incarnatum, passum &c. per naturam humanam; sed de supposito humano verificatum fuisse, quod habuisset relationem realem filiationis temporalis ad matrem; ergo & de supposito Diuino gerente vicem suppositi humani. 4. Suppositum Verbi in sui vnitate assumpsit naturam humanam ita, ut vnum, & idem suppositum terminet naturam Diuinam, & humanam; sed ut accipit naturam Diuinam à Patre, dicit realem relationem filiationis ad ipsum; ergo ut accipit naturam humanam à Matre, dicit relationem realem filiationis ad illam.

12 Objc. 1. Filiatio Diuina, & humana differunt solum in hoc, quod illa constituit personam Diuinam; hæc verò tantum adiacet, seu aduenit personæ iam constitutæ; veraque tamen est in supposito; sed nihil reale potest aduenire supposito Diuino ex tempore; quia omnia, quæ dicuntur de Deo ex tempore, sunt denomina-

tio-

iones merè extrinsecæ, quæ non important in Deo, nisi aliquid rationis; ergo filiatio humana in Christo importat tantum aliquid rationis.

Ad hoc *Fund. Doct. ubi. dub. 2. lat. resp. 1. dist. 2. part. ma.* Vtræque est in supposito mediante natura, conc; immediatè, neg; nam sicut forma est in composito ita, vt sit immediatè in materia, quam constituit sub actu, & mediante materia est in composito, quia simul cum materia constituit compositum; non tamen forma ita est in composito, vt recipiatur in toto composito, aliter reciperetur etiam in se ipsa; quapropter forma dicitur esse in materia, vt in subiecto informationis; & in composito, vt in subiecto denominationis; & formæ accidentales, vt qualitates, dicuntur esse in quantitate, vt in subiecto inhesionis; & in toto, vt in subiecto denominationis; ita filiatio Diuina est in supposito tãquã constitutum formale in constituto eo, quia est in essentia Diuina, tanquã in subiecto, cum qua simul constituit suppositum, vt quoddam totum coalescens ex natura, & suppositualitate; & ideo immediatè recipitur in essentia Diuina, tanquam in fundamento, & veluti subiecto proximo; & in toto supposito est, sicut pars in toto, quæ ita est in illo, vt pro prioritate rationis, vel naturæ intelligatur vniri alteri comparti, cum qua causat totum, causa enim aliquo modo debet esse prior effectui; & ideo immediatius vnitur naturæ, quàm toti supposito; & hoc eluitur amphibologia huius argumenti.

Resp. 2. idem dist. mi. Nihil reale potest adueniri Deo ex tempore assumptiue in vnitatem suppositi, neg; natura enim humana in tempore aduenit Verbo in vnitatem personæ; & est aliquid reale, non phantasticum, seu rationis, vt blasphemabant *Manichei*; & hoc modo aduenit ei filiatio realis ad Matrem. Nihil reale potest aduenire Verbo merè inhesionis, subiectiue, conc.

13 Ex his patet hoc arg. principale, quod adeo magnificant *Aduersarij*, nihil omnino concludere.

14 *Obijc. 2.* Filiatio est proprietas personalis constitutiua personæ: Filij; sed in Christo est vna tantum proprietas personalis, quia est vna tantum persona; ergo est vna tantum filiatio. *2.* Christus est Filius Patris, & matris, sicut quilibet alius homo; sed quilibet alius homo refertur ad patrem, & matrem per vnam, & eandem filiationem; ergo idem. *3.* Duo accidentia eiusdem rationis nequeunt esse in eodem subiecto; sed duæ filiationes sunt huiusmodi; ergo idè. *4.* Idem continuum refertur ad suas partes per vnam relationem; ergo idem.

Resp. ad 1. cum Fund. Doct. dist. ma. Filiatio assumpta, neg; assumens, conc. Vel filiatio est proprietas personalis immediatè fundata in natura Diuina, conc; secus, neg. Ad *2. neg. ma;* nam Christus est Filius Patris sine matre, & Ma-

tris sine patre; & in eo, quod Filius Patris, accipit naturam Diuinam; in eo autem, quod Filius Matris, accipit naturam humanam, quæ, cum sit diuersa à natura Diuina, fundat diuersam filiationem. Quilibet autem alius homo habet vnam tantum naturam; & ideo vnam tantum filiationem. Ad *3. neg. mi;* nam filiatio Diuina differt à filiatione humana prædicamento, & ideo plusquam genere, vt *sup. dictum* est. Ad *4. neg. conf;* nam totum continuum per vnicam relationem refertur ad suas partes, quia est vna quantitas, quæ est fundamentum immediatum illius relationis, atque adeo non multiplicatur relatio, quia non multiplicatur fundamentum; at verò in Christo est duplex natura, & ideo duplex fundamentum duplicis relationis, & per consequens duplex relatio filiationis.

15 *Obijc. 3.* Si natura humana esset fundamentum filiationis, sequeretur, quod Christus in triduo non fuisset filius B. Virginis, nec B. Virgo fuisset Mater Christi; quia in triduo fuit destructa humanitas Christi, destructo autem fundamento destruitur res fundata, & ideo destructa humanitate destructa fuisset pariter filiatio, per quam solum dicitur Filius; sed *conf. est falsum*; ergo & ant. *Prob. mi.* Si in triduo fuisset destructa filiatio humana, sequeretur quod post resurrectionem Christus non fuisset amplius filius B. Virginis; nec B. Virgo fuisset amplius Mater Christi, quia accidens semel destructum non redit amplius idem numero; sed hoc est falsum; ergo & id, vnde sequitur. *2.* Si in Christo essent duæ filiationes reales, Christus esset duo filij, quia sicut impossibile est esse duas albedines, nisi sint duo alba, ita à pari; sed hoc est falsum; ergo idem. *3.* Si filiatio realis temporalis poneretur in Christo, maxime, quia Christus realiter dicitur filius Virginis; sed hoc non obstat; quia Deus dicitur realiter Dominus creaturæ, & tamen in Deo non est relatio realis ad creaturam; ergo idem. *4.* Vnus, & idem pater per eandem paternitatem refertur ad plures filios; ergo vnus, & idem Christus per eandem filiationem refertur ad Patrem, & Matrem.

Resp. ad 1; quod Christus in triduo ita fuit Filius B. Virginis, & B. Virgo eius Mater, sicuti alij filij, cum moriuntur, dicuntur filij, & alix matres dicuntur matres, quia habent hanc denominationem à filiatione, quæ fuit, non quæ est. Ad *prob. mi. neg. seq;* nam in resurrectione redeunt eadem numero accidentia, quæ erant ante corruptionem. Ad *2. neg. ma;* & disparitas est; quia duæ albedines solo numero distinctæ nequeunt esse in eodem subiecto, & ideo inferunt duo subiecta; at verò duæ naturæ possunt esse in vno, & eodem supposito Christi, & ideo possunt fundare duplicem filiationem; & sicuti quia quantitas, & qualitas possunt esse in eodem subiecto, ideo possunt in illud inuicere duplicem relationem similitudinis, & æqualitatis,

eis, quia quantitas, & qualitas differunt genere; ita quia natura humana, & Diuina differunt plusquam genere, ideo possunt inuicem duplicem filiationem, quam fundant, in vnum suppositum Diuinum, in quo vniuntur. Ad 3. iam *sup.* dictum est *cum Fund. Doct.* creationem non assumere aliquam creaturam in vnitatem Dei, in qua creatura possit subiectari relatio realis; sicuti per incarnationem assumpta est natura humana, in qua fundatur filiatio; & ideo nulla est paritas; neg. igitur ma. Addit *Argent.* quod relatio Creatoris ad creaturam, & Domini ad seruum trahitur ad modum relationis mensuræ ad mensuratum, quæ realiter tantum est in mensurato, quia Creator, & Dominus præfigit modum creaturæ, & seruo; at relatio filiationis nequit trahi ad modum mensuræ, quia filius nequit esse mensura matris, cum effectus nequeat esse mensura suæ causæ; sed potius est contra. Ad 4. neg. conf. nam vnus, & idem pater habet vnā, & eandem naturam, quam participat pluribus filiis, & in ea fundatur relatio paternitatis, quæ nequit multiplicari, quia non multiplicatur natura, in qua fundatur; at verò Christus Dominus accipit à Patre, & Matre duplicem naturam, & ideo duplicem filiationem.

16 Obijc. 4. Omne accidens denominat subiectum, in quo fundatur, vt albedo denominat subiectum album, sed filiatio temporalis non denominat naturam humanam filiam, sed suppositum; ergo non fundatur in natura humana, sed in supposito. 2. Filiatio attribuitur supposito, non naturæ; solum enim suppositum denominatur filius, non natura; ergo idem.

Resp. Ad 1. dist. ma. Denominat subiectum *quod*, seu subsistens, conc; subiectum immediatum, neg; quauis enim intellectio fundetur immediatè in potentia intellectiua; attamen denominat hominem intelligentem; & actio generatiua in Patre fundatur in natura Diuina, & tamen non denominat generantem naturam Diuinam; ita à pari. Additur, quòd licet natura in abstracto non denominetur Filius, quia concretum, vt est Filius, nequit prædicari de abstracto in recto; nam concretum vltra naturam importat suppositum, quod non importatur ab ipsa natura in abstracto; attamen filius prædicatur de homine; valet enim: *Christus, vt homo, est Filius Virginis*; homo autem est concretum naturæ humanæ, & ideo filius prædicatur de natura humana in concreto. Ad 2. dist. ant. Filiatio tribuitur supposito mediante natura, conc; in tantum enim suppositum dicitur filius, in quantum nascendo accipit naturam; immediatè, neg. Præterea etiam nasci tribuitur supposito, vt ait *D. Dam. lib. 3. c. 34. Non est natura nasci, sed hypostasis*; & sic patet, mori &c. dicuntur de supposito, & tamen certum est suppositum Christi Domini non nasci temporaliter, pati, mori &c; nisi mediante natura; ita à pari.

17 Obijc. 5. Si filiatio fundaretur in natura, sequeretur, quòd si Verbum naturam humanam dimitteret, adhuc foret Filius Virginis, quia maneret in illa natura eadem relatio filiationis; sed conf. est falsum; quia B. Virgo non genuisset illum hominem ex illa natura dimissa resultantem; ergo & ant. 1. Sequeretur, quòd si vnio hypostatica facta fuisset post conceptionem Christi, adhuc B. Virgo etiam post vnionem hypostaticam esset vera Mater Dei, quia perseveraret idem fundamentum filiationis; & per consequens eadem filiatio; sed conf. est falsum; ratio enim, ob quam SS. PP. *contra Nestorium* asserunt B. Virginem esse matrem Dei, est, quia actio B. Virginis terminata fuit ad hominem Deum, non ad purum hominem; ergo & ant. 3. Alij filij habent à matribus nedum naturam humanam, sed etiam subsistentiam, & suppositalitem; ergo habent aliam relationem confluentem ex subsistentia, & suppositualitate; sed hæc est filiatio; ergo illa, quam habet Christus à B. Virgine, non est filiatio.

Resp. ad 1. neg. ma; nam si humanitas dimitteretur à Verbo, abiret in nihilum, nisi resularet propria subsistentia creata, per quam subsisteret in rerum natura; & si resularet propria subsistentia, illa humanitas mutaretur, quia transiret ad aliud esse subsistens, & sic non remaneret eadem filiatio. Ad 2. neg. pariter seq. ob eandem rationem; nam si caro, & anima Christi concepta fuisset ante vnionem hypostaticam, in instanti conceptionis resulasset propria subsistentia creata, quæ per vnionem hypostaticam subsistentiæ destructa fuisset, quia Verbum non potest assumere naturam subsistentem, vt diximus *q. 1. art. 7*; & ideo illa natura transisset ad nouum esse, & per consequens mutata fuisset, & simul mutata fuisset filiatio in ipsa fundata. Ad 3. neg. ant; nam mater in generatione filij subministrat solam materiam, in quam actio viri inducit animam rationalem, ad quam naturali sequela resultat subsistentia, & suppositualitas, vt *cum Phil.* fatetur etiam *D. Tho.*

18 Obijc. 6. Per generationem humanam Christus dicitur genitus in tempore Filius Dei, etiansi generatio humana non contulerit Christo filiationem Diuinam; ergo è contra Christus potest dici genitus in tempore filius hominis per generationem Diuinam, etiansi generatio Diuina non contulerit Christo filiationem humanam. 2. Negare duas filiationes in Christo est magis conforme *Conc;* & SS. PP. negantibus in Christo duas personas, & duos filios; nam magis probatur Christum esse vnicum Filium, si in ipso sit tantum vnica filiatio; quàm si sint duæ filiationes; ergo idem.

Resp. ad 1. neg. conf. nam generatio humana supponit generationem æternam, per quam constituitur filiatio Diuina, cui humana genec-

generatio coniungitur per vnionem hypostaticam; & ideo per communicationem idiomatum potest de illa prædicari in concreto; at verò si non esset filiatio humana, generatio Diuina non vniretur filiationi humanæ; & ideo hoc idioma, nempe *filius hominis*, non potest communicari Filio Dei, quia non esset filiatio temporalis, per quam posset dici filius hominis; sicut si non esset filiatio Diuina, supposito, quòd Pater, aut Spiritus Sanctus assumpsisset naturam humanam, non posset per generationem humanam dici genitus in tempore Filius Dei; quia filiatio Diuina non esset realiter in persona assumpta; ita si filiatio temporalis non esset realiter in natura assumpta, persona assumens non posset denominari filius hominis, quia filiatio humana verè, & realiter in illa non esset. Ad 2. neg. ant; nam *Concilii*; & SS. PP. *simul cum Scripturis* docent Christum esse vnā tantum personam, quæ simul est Filius Dei, & filius hominis secundum duplicem naturam; & sicut admitiendo duplicem naturam non admittimus duas personas, ita admitiendo duas filiationes sequentes ad duplicem naturam, non admittimus, nisi vnā personam, & vnicum filium; & sicuti admitiendo in Christo vnā tantum naturam, magis probaretur esse vnā tantum in eo personam, sed ineptè, & blasphemè, vt adittebat *Eutyches*; ita quauis admitiendo vnicam filiationem, magis probaretur esse vnicum filium, ineptè tamen, & cum periculo, quia posset suboriri dubium, an verè, & realiter Christus esset filius hominis, qui non dicitur, nisi à relatione reali confluente ad communicationem naturæ humanæ ob rationes allatas in concl.

A R T. IV.

Resoluntur quedam quesita.

1. **Q**uæres 1; an prædestinatio Christi sit causa nostræ prædestinationis?

Resp. hoc fuisse resolutum 10.2. de præd. SS. q. 3. art. 3; vbi diximus prædestinationem Christi Domini non fuisse causam efficientem Diuini propositi, seu intentionis prædestinandi nos; quia Diuinum propositum, seu intentio Dei est actus immanens Dei increatus, & ideo non habet causam creatricem, seu efficientem productiuam illius; esse tamen causam efficientem executionis nostræ prædestinationis; Christus enim, vt habetur ad Tim. 2. *Mediator Dei, & hominum est homo Christus Iesus, qui dedit semetipsum redemptionem pro omnibus*; medium autem est causa efficiens executionis, vt constat. Tum quia fuit exemplar nostræ prædestinationis, vt mox dicemus; exemplar autem reducitur ad causam efficientem, cum sit forma causans extrinseca. Præterea diximus prædestinationem Christi Do-

mini esse causam exemplarem nostræ prædestinationis etiam quoad intentionem iuxta illud Rom. 8. *Quos præsciuit, & prædestinauit conformes fieri imaginis Filij sui*; super quod S. P. Aug. de Bono persequitur c. 24. *Nullum est illustrius nostra prædestinationis exemplum, quàm ipse Mediator Iesus; & eodem modo esse causam meritoriam*; vt habetur Ephes. 1. *Elegit nos in ipso ante Mundi constitutionem, vt essemus sancti, & immaculati in conspectu eius in charitate prædestinans nos in adoptionem filiorum per Iesum Christum*; & Io. 1. *De plenitudine eius omnes accepimus*; ex quibus textibus colligitur omnem gratiam nobis fuisse collatam ex meritis Christi. Tandem esse causam finalem; docet enim Apostolus Ephes. 4. totam Ecclesiam ordinatam esse in adificationem corporis Christi; & S. P. Aug. de prædest. SS. c. 15. *Sicut prædestinatus est ille vnus, vt caput nostrum esset; ita multi prædestinati sumus, vt membra eius essemus*; & de Bono persequitur c. 20. explicans, quomodo prædestinati sumus in Christo inquit: *Et illum ergo, & nos prædestinauit, qui & in illo, vt esset Caput nostrum, & in nobis, vt eius corpus essemus*; membra autem ordinantur ad caput, & sunt gratia capitis; & illud, ad quod aliud ordinatur, & cuius gratia est, est causa finalis illius, vt est manifestum. Rationes, & obiectiones solutas vid. ubiq.

2. Quæres 2; an Christus sit causa meritoria prædestinationis determinatè, illorum scilicet, qui saluantur; vel solum vagè aliorum?

Resp. esse causam meritoriam determinatè, & signanter, vt diximus loc. cit; & deducitur ex iisdem textibus: *Elegit nos in ipso*; illa autem particula nos designat certas, determinatas, & signatas personas. Vid. S. P. Aug. de præd. SS. c. 19; & de corr. & grat. c. 7. Rationes, & obiectiones adducuntur 10.2. ubiq.

3. Quæres 3; in quo consistat conformitas inter prædestinationem Christi, & nostram?

Resp. Fund. Doct. hic disp. 10. p. 3. q. 1. art. 2. in resol. dub. 1. lat; quòd quia omnis similitudo habet secum adiunctas plures dissimilitudines, aliter si in nullo esset dissimilis, non esset similitudo, sed identitas; idem enim ineptè dicitur similis sibi ipsi; ideo duplex similitudo est inter prædestinationem Christi, & nostram; & triplex dissimilitudo. Prima similitudo est ex parte Dei prædestinantis; nam idem Deus prædestinauit Christum, vt hominem, & nos in ipso. Secunda est, quòd sicut nulla merita præcesserunt in Christo ipsam vnionem hypostaticam, quibus meruerit naturam humanam in vnitatem Filij Dei assumi; ita nulla merita præcesserunt in nobis, vt in filios Dei adoptaremur. Hanc similitudinem latè profecquitur S. P. Aug. de præd. SS. c. 12; & 15; & ex ipso Glos. in c. 8. ad Rom. Prima verò dissimilitudo est ex parte termini à quo; nam nostra prædestinatio incipit à miseria, & à peccato, cuius præuisionem supponit prædestinatio, vt probauimus eod. 10. 2. ibid. art. 1; & 2; & q. 5.

et q. 5. art. 3; & si durasset status innocentiae, incepisset ad non filio Dei; quia in primo instanti naturae nos non fuisset filij Dei, & ex non filijs facti fuisset filij Dei adoptiui; at prædestinatio Christi nullam supponit miseriam, aut peccatum; quia *solus inuentus est inter mortuos liber. ps. 81*; & in primo instanti vnionis fuit Filius Dei. Secunda est ex parte termini ad quem; quia nos prædestinati sumus ad vnionem cum Deo in esse intelligibili per operationem intellectualem; Christus verò prædestinatus fuit ad vnionem cum persona Diuini Verbi per assumptionem naturae humanæ in vnitate suppositi Diuini. Ex hac nascitur tertia dissimilitudo; quia nos prædestinati sumus in adoptionem filiorum, tanquam filij extranei, idest non habentes in nobis nec suppositum, nec naturam Diuinam; Christus verò prædestinatus est ad filiationem Dei naturalem, vt diximus art. 1.

4 Quæres 4; an prædestinari propriè competit personæ, vel naturæ?

Resp. Fund. Doct. vbi. in resol. art. 2; quod si loquamur de prædestinatione effectiue, sic competit toti Trinitati; quia tota Trinitas operata est vnionem naturæ humanæ ad personam Verbi. Si verò sumatur passiuè, sic competit soli naturæ humanæ; quia hæc sola vnita est passiuè personæ Verbi. At si sumatur terminatiue, tunc competit personæ Verbi, quæ sola terminauit naturam humanam. Ex hoc deducitur, quod cum dicitur: *Christus, vt homo, est prædestinatus*; verum dicitur, etiam prout homo importat suppositum Diuinum terminans humanam naturam; nam suppositum est prædestinatum terminatiue, idest destinatum, vt terminet naturam humanam; prout verò importat naturam humanam, est prædestinatus passiuè; quia natura humana destinata fuit, vt passiuè supposito Filij Dei vniretur.

5 Quæres 5; an filiatio temporalis Christo Domino sit naturalis?

Resp. Fund. Doct. dist. 8. p. 3. q. 1. art. 3. vtrunque filiationem posse dici Christo naturalem; quia æterna illi competit per naturam Diuinam, quæ naturaliter competit personæ Diuinæ; & temporalis ex parte matris est illi naturalis; quoniam B. Virgo naturaliter subministravit materiam dispositam, vt fieret caro; hoc enim faciunt naturaliter omnes alie matres; ergo & B. Virgo hoc naturaliter fecit; & ideo est Mater naturalis Christi; & Christus est filius naturalis B. Virginis. At ex parte patris, seu gerentis munus patris naturalis fuit tripliciter miraculosa. 1. Quia alij homines ex parte patris naturaliter concipiuntur virtute seminis virilis; at Christus conceptus fuit virtute Spiritus Sancti, qui purissimum sanguinem B. Virginis conuertit in carnem, quod erat munus hominis; ideo Luc. 1. dicitur: *Spiritus Sanctus superueniet in te, & virtus Altissimi obumbrabit tibi*; quod

enim nascetur ex te Sanctum, vocabitur Filius Dei. Christus ergo natus est Sanctus, quia conceptus, & natus virtute Spiritus Sancti, quod non competit naturaliter alijs hominibus; & per consequens Christus quoad conceptionem, & natiuitatem fuit filius B. Virginis miraculosus, non naturalis. 2. Alij homines non concipiuntur in instanti; nam vt docet S. P. Aug. 116. 83. *quæst. 9. 9*; puer per sex dies est, sicut lac; per nouem sanguis; per duodecim coagulatur, & fit, sicut caro; & manet, sicut caro, per dies decem, & octo; formentur inde membra; qui dies simul sumpti efficiunt dies quadraginta quinque; qui addito vno propter mysterium efficiunt dies quadraginta sex, quibus formatur corpus humanum; quod significatum fuit per ædificationem templi annis quadraginta sex constructi. At Christi corpus in eodem temporis momento, quo B. Virgo consensum præbuit illis verbis: *Ecce Ancilla Domini, fiat mihi secundum verbum tuum*; statim formatum est, introducta anima; & vtrunque personæ Verbi vnitum. 3. Christi corpus licet non haberet dotem subtilitatis; attamen miraculosè habuit actum huius dotis; sicut enim post resurrectionem clausis iannis intrauit ad Apostolos; ita exiit ex vtero clauso B. Virginis.

6 Quæres 6; an Christus sit filius B. Virginis natura, vel gratia?

Resp. Fund. Doct. dist. 10. p. 3. q. 1. art. 2. dnb. 5. lit; quod secundum naturam humanam est filius B. Virginis natura; quia secundum naturam humanam natura est ex B. Virgine, sicut alij filij nascuntur ex suis matribus; at prout est homo Deus, est filius B. Virginis per gratiam vnionis, non adoptionis.

7 Quæres 7; an possit concedi, quod Diuina natura sit incarnata, & nata de B. Virgine?

Resp. Fund. Doct. dist. 8. p. 3. q. 1. art. 3. dnb. 1; & 2. lit; quod propriè loquendo persona Filij est incarnata, & nata ex Maria Virgine; quia tamen persona Filij identificatur cum natura Diuina, adeoque mediante persona natura humana est terminata ad naturam Diuinam; ideo potest concedi, quod natura Diuina, prout est in Filio, est incarnata; & nata; vt habet Mag. sent.

8 Quæres 8; an hæc propositio: *Hic homo (designando Christum) prædestinatus est Filius Dei*; sit concedenda in rigore?

Resp. affirmatiue cum Fund. Doct. dist. 7. p. 2. q. 1. art. 1. Est cont. Duran; Paludan; Lori; & alios apud Vassq. Prob. 1. ex Aposto; qui Rom. 1. de hoc homine ait; qui prædestinatus est Filius Dei; & S. P. Aug. de prædest. SS. c. 15. loquens de prædestinatione Christi inquit: *Respondetur, quæso, ille homo, vt ad Verbo Patri conuenio in vnitate persona assumptus Filius Dei vnigenitus esset; unde hoc meruerit?* Idem habet in Enchir. c. 36; & hæc eadem verba referunt Glos. in cap. 1. ad Romi; & Mag. Sent. hic. Rationes, obiectiones, & eorum solu-

soluciones allatae sunt *art. 1.* Ex quibus sic. Illud est in rigore concedendum, quod asserunt *Scripturae*, & *SS. PP.* & ex quo nullum sequitur absurdum in fide; sed hæc propositio est huiusmodi; ergo est concedenda in rigore.

9. Quæres 9; an hæc propositio: *Christus prædestinatus est Filius Dei*; sit absolute concedenda?

Resp. affirmatiue. Ita *Fund. Doct. vbi. cont. Sna; Vafq; & plurimos alios.* Ratio est; quia subiectum huius propositionis sumitur, prout aliquo modo distinguitur à prædicato; aliter propositio esset merè nugatoria; vt hæc: *Filius Dei prædestinatus est Filius Dei*; & ideo ad hoc, vt allata propositio habeat rationem propositionis formalis, debet sumi eius subiectum, vt aliquo modo distinctum à prædicato; quia propositio debet constare ex vero subiecto, & prædicato; verum autem prædicatum est, quod dicitur de alio; & subiectum est, de quo aliud dicitur; hoc autem nequit verificari, nisi subiectum aliquo modo sit aliud, & distinctum à prædicato; ergo *Christus* in allata propositione sumitur, vt importat suppositum Diuinum gerens vicem suppositi humani terminando naturam humanam, & vt aliquo modo distinguitur à se ipso, prout habet rationem suppositi Diuini terminantis naturam Diuinam communicatam per generationem æternam; & sic potest ad se ipsum secundum hanc rationem prædestinari; sic autem habet rationem Filij; vt diximus *artic. 1; quem vid.*

10. Quæres 10; an si concedenda hæc propositio: *Filius Dei prædestinatus est, vt esset homo*?

Resp. *Fund. Doct. vbi. art. 2.* hanc locutionem non esse veram per omnem modum, licet in aliquo sensu veritatem possit habere. Ratio est. Ad prædestinationem septem requiruntur. 1. Vt prædestinatio sit de his, quæ sunt gratiæ. 2. Quod sit sine præcedentibus meritis. 3. Quod suppositum prædestinetur per comparisonem ad aliquam naturam. 4. Quod talis prædestinationis sit præuisa ab æterno. 5. Quod eueniat in tempore, sicut præuisa est ab æterno. 6. Quod prædestinatio fiat gratia, & beneficium. 7. Quod illud, ad quod prædestinamur, habeat rationem vltimi finis simpliciter; & hæc colliguntur ex definitione prædestinationis allata à *S. P. Ang. Preparatio gratia in presenti, & gloria in futuro*; vt patet consideranti; atqui primum, & vltimum requisitum ad prædestinationem non verificantur de Filio Dei; nulla enim facta est gratia Filio Dei in decreto vnionis hypostatice; quia gratia facta est soli homini; nam Filius Dei *seipsū exinanit formam serui accipiens*; exinaniri autem non est gratia; nec homo potest esse finis vltimus Dei, cum sit medium ad Deum; ergo quauis secundum alia quinque requisita possit dici Filius Dei prædestinatus, vt sit homo, nequit tamen dici simpliciter, & absolute per omnem modum.

Mag. Frideric. Nic. Gauard; Tom. 3.

11. Inst. *Sna.* non esse necessarium, vt gratia fiat ei, qui prædestinatur; sed satis esse, vt ex gratia, quæ alicui sit, alter denominetur extrinsecè prædestinatus.

Sed contra est id, quod dicitur in definitione prædestinationis, scilicet *preparatio gratia*; nam si velimus loqui de prædestinatione latè, prout importat solam ordinationem Diuinam, sic possumus cōcedere Filium Dei fuisse prædestinatum, vt esset homo; sed hæc est impropria locutio; in hoc enim sensu possumus dicere, aliquem esse prædestinatum ad mortem, ad poenam &c.

12. Quæres 11; an Christus possit dici prædestinatus ad gloriam, & alia dona gratiæ?

Resp. *ex eodem negatiue*; illud enim, ad quod datur prædestinatio, debet esse simpliciter vltimum, & ideo principaliter intentum à Deo, vt diximus; sed id, quod est primò, & principaliter intentum, est vnio hypostatice; hæc enim est magis excellens, quàm visio, & amor beatificus; ergo gloria animæ, & alia dona non sunt id, ad quod prædestinatus est Christus primò, & principaliter, sed tantum secundario, & consecutiue.

A R T. V.

An Christus, vt homo, sit seruus Dei?

1. Quæstio est inter Catholicos de puro nomine; omnes enim fatentur contra *Arrianos* Christum secundum naturam Diuinam esse vnū Deum cum Patre æqualem ei in Dominio, sede, cultu, & honore; & secundum naturam humanam esse Patre minorem, & inferiorem; quia natura humana Christi Domini est creata, dependet à Deo, vt à primo Auctore, atque adeo est sub plena Dei potestate, ac dominio, cui in omnibus debet obedire. Solum queritur, an hoc sufficiat, vt Christus propriè, & in rigore dicatur seruus secundum naturam humanam; an verò solum dici debeat seruus figuratè, & allegoricè?

2. Ratio dubitandi ex vna parte est. 1. *Ad Gal. 4.* habetur: *Itaque iam non est seruus, sed filius; quod si filius, & heres per Deum.* Quibus verbis innuit seruitutem esse impossibilem cum filiatione, & cum iure ad hæreditatem; ius autem ad hæreditatem importat dominium, quod repugnat simul esse cū seruitute; est enim correlatiuum seruitutis; sed Christus, vt homo, est Filius Dei naturalis, & habet ius ad omnia bona Dei, vt diximus *art. 2;* ergo Christus, vt homo, non est seruus. 2. *Conc. Francoford.* equè damnat *Elipandum* asserentem Christum, vt hominem, esse Filium Dei adoptiuum, ac esse Dei seruum; habet enim *Adrian. in ep.* circa medium: *Tanta nimirum vos temeritatis dementia deludis,*

B b

deludis,

deludit, ut adoptivum enim Filium, quasi purum hominem calamitati humana subiectum, & (quod pudet dicere) servum eum impij, & ingrati tantis beneficijs liberatorem nostrum non pertimescunt venenosâ facere suffragare. Cur non veremini, queruli obrectatores Deo edibiles, illum servum nuncupare, qui vos de servitute Diaboli liberavit? Nec valet dicere, quod Conc. loquatur de servitute peccati, in quo sensu Christus, vt homo, servus dici nequit, quia peccatum non habuit. Non valet; inquam; quia Conc. expressè loquitur de omni specie servitutis, scilicet de servitute peccati; & de servitute, prout dicit inferioritatem naturæ; quapropter ait, quod licet Christus secundum naturam humanam non sit servus hominum, quia est Rex; neque Angelorum; licet enim fuerit minor Angelis effectus, attamen non est servus Angelorum; deinde procedit ad loquendum de servitute respectu Patris, & concludit neque in hoc sensu posse vocari servum, quia Pater in baptismo, & transfiguratione cum Filium dixit, non servum. Hinc idem Conc. asserit, quod licet in veteri testamento Christus appellatus fuerit servus, nullibi tamen in nouo testamento hoc legitur; unde deducit Adrianus sextus veteris testamenti esse intelligendos figuratè, non propriè his verbis: *Postquam autem cessavit umbra veritatis, & ipsa in promptu manifestata est veritas, quæ sub allegorica filia latebat, nunquam enim à Patre servum vocatum legimus, sed Filium, & dilectum suum.* Ex opposito est Apostolus Philipp. 2. *Formam servi accipiens*; idest naturam servi, forma enim propriè significat naturam; ergo Christus secundum naturam humanam fuit propriè servus Dei, idest assumpsit talem naturam, quæ est propria servi Dei propriè dicti. 2. SS. PP. & DD. communiter affirmant Christum secundum naturam humanam esse verè, & propriè servum Dei. 3. Christus secundum naturam humanam est minor Patre, vt habetur in Symb. D. Athan. ; sed nomine servitutis Dei intelligitur tantum minoritas, & inferioritas secundum naturam, ob quam inferioritatem natura humana est in plena potestate Dei, cui tenetur obedire, in quo propriè consistit servitus Dei; ergo idem. Ob hæc diuisi sunt Auctores.

3. Prima sententia vult Christum secundum humanitatem non posse propriè dici servum Dei. Ita Vasq. disp. 80. c. 3; Bec; Torres; Lug. disp. 28; Gran; utque Hurt; Turrian; Amici; Pasqualis; Vulpi & alij.

4. Nostra docet, quod licet Christus, vt homo, prout homo reduplicat suppositum Diuinum, nequeat dici servus; prout tamen reduplicat naturam humanam præcisè, potest dici servus Dei, minor, & subiectus. Ita Fund. Doct. d. 11. l. 10. p. 2. q. 2. art. 3. ad 4. asserens; *Servus importat subiectionem tantum, quamobrem hoc possit concludere argumentum, quod Christus in eo, quod homo, &*

ut accipiens formam servi, esset minor Patre; id autem posset concedi, secundum quod Christus est homo iuxta illud: Pater maior me est. Ipsum sequuntur omnes nostri Auctores, & nouissimè Gibb. disp. 22. dub. 63 D. Th. q. 20. art. 1. ad 2; Caiet; Med; Cabr; Aluar; Gonet; Sua; Val; Lorc; Tanner; Arriaga; & Mastr. hic disp. 2. q. 7; apud quem alij.

5. Certum est Christum, vt hominem, non esse servum peccati, quia in se non habuit peccatum, per quod solum homo Diabolo venundatur, vt ait Apostolus. De hac igitur servitute non est sermo in præsentia. Præter hanc servitutem datur etiam servitus legalis, seu politica, quæ iure gentium post peccatum fuit inducta; & est illa, quæ quis iure belli, vel emptione, vel natiuitate eo, quod quis nascatur ex aliquo seruo, vel infra iudicis sententia, in alterius potestatem ita traicitur, vt omni potestate spoliatur, omnemque amittat ingenuitatem, & communicationem in bonis, honore, & sede cum Dominis vt definitur Iust. S. Servi autem de iure personarum, & servus in hoc sensu solet etiam vocari mancipium. Hanc quoque servitutem non conuenit Christo, vt homini, certum est; quia secundum humanitatem communicat in bonis Dei, habet ius ad hæreditatem, ad sedem, ad cultum Dei, scilicet patriæ &c. Tandem alia est servitus merè naturalis, quæ fuit etiam ante peccatum, & fuisset etiam nullum vnquam fuisset peccatum; & hæc nihil aliud est, quam perfecta subiectio, ac essentialis dependentia creaturæ à Deo; tanquam à supremo Domino, cui in omnibus obedire tenetur; & de hac hic disputamus.

6. Controuertitur autem, quid requiratur formaliter ad hoc, vt hæc subiectio sit verè, & propriè servitus? Vasquez, quem sequitur Lug & alij prima sententia putant requiri tres conditiones. 1. Vt seruus Domino obedire teneatur. 2. Vt non sit sui iuris. 2. Vt cum Domino nec in bonis, nec in honore, nec in sede communice; seu quod non habeat ius ad hæreditatem Domini; docet enim Phil. 8. Eth. cap. 11; quod *seruus nihil habet commune cum Domino.*

7. Sed quauis primæ duæ conditiones essentialiter requirantur ad servitutem, vt sit tertia tamen est propria solius servitutis legalis. 1. Quia in hoc differt à servitute naturali; aliter hæc duæ species servitutis nõ haberent, quo inter se distinguerentur. 2. Hæc tertia conditio non haberet in definitione servitutis, vt sic; definitur enim l. 1. ff. de seruitutibus, *quæ res aliena alicui seruit*; illa autem est verè, & propriè servitus, cui competit formaliter definitio servitutis, sicut ille est verè, & propriè homo, cui conuenit formaliter definitio hominis; quia cui conuenit definitio rei, conuenit essentia, quæ per definitionem importatur; & cui conuenit essentia alicuius rei, est verè, & propriè illa res, vt constat; sed ei, cui conueniunt duæ primæ conditiones, conuenit definitio servitutis, quauis ei non conue-

conueniat tertia conditio; ergo est verè, & propriè seruus. 3. Si seruituti essentialiter conueniret non communicari in bonis Domini, hoc etiam conueniret domino, quod opponitur relationè seruituti; *oppositorum enim est eadem ratio*; sed conf. est falsum; quia dominium definitur *ius perfectè disponendi de aliqua re. Bart. in l. si quis §. Differentia, ff. de acquir. poss. & communiter omnes Iurista*; ergo falsum est & ant. 4. Sequeretur creaturam rationalem non esse verè, & propriè seruam Dei, nec Deum esse verè, & propriè Dominum creaturæ rationalis, Dominus enim relationè dicitur ad seruum, & è contrariam creaturæ rationalis communicat in bonis naturalibus Dei per naturam, omnia enim naturalia, quæ habet, sunt dona Dei; & in bonis supernaturalibus per gratiam; sed conf. est falsum; nulla enim est magis propriè seruitus, quàm creaturæ ad Deum, vt docet *S. P. Aug. lib. 5. de Trin. c. 5*; quia nullus seruus est magis in potestate Domini, quàm creatura sit in potestate Dei; & nullus magis in omnibus tenetur obedire Domino, quàm creatura Deo; quia serui legales in actibus naturalibus, & internis nõ tenentur obedire Dominis naturalibus; creatura autem tenetur obedire Deo in actibus liberis, & naturalibus, internis, & externis; & seruus legalis est accidentaliter sub potestate domini temporalis, potuisset enim non transferri sub dominio illius; & adhuc quando est sub illius dominio, potest fieri libertus, idèst libertate donatus; & poterat nasci ingenuus, idèst liber ab omni seruitute; & creatura nullo modo potest nasci sub non dominio Dei; nec postquam nata est, potest liberari à Dei dominio, vt non sit sub eius potestate; nec Deus de plenitudine suæ potestatis potest illam eximere à dependentia essentiali, quàm habet à Deo, nisi illam in nihilum redigat; imò etiam in nihilo est sub dominio Dei, quia ad nutum illius potest ex nihilo extrahi ad existentiam; ergo seruitus naturalis non importat non communicare in bonis &c.

5. *Daniel. c. 6.* fuit condecoratus honore Regio; & *Mardocheus Esth. 6.* fuit indutus vestibus Regijs, & diademate, & sedit in sella gestatoria Regis, & tamen non desijt esse seruus; ergo potest seruus communicare in bonis, & in honore Domini, & non desinere esse seruus. 6. Quauis seruo conueniat non communicare in bonis Domini per naturam, potest tamen ex gratia ipsius Domini communicare; quia potest Dominus ex sua beneficentia, & liberalitate relinquere seruo partem suæ hereditatis cum hoc, quòd domui inferuiat; tunc enim definit esse seruus legalis, & incipit esse seruus nobilis; ergo idem. Tandem illi, qui voluntariè seruiunt, sunt verè, & propriè serui, licet non captiui, empti, & legales; sed isti possunt communicare in bonis Domini ex gratia ipsius, vt passim videtur; multi enim Domini ob seruitum fideliter præstitum

Mag. Frideric. Nic. Ganardi Tom. 5.

donant multa bona suis seruis; ergo idem. Ad veram igitur, & propriam seruitutem præscindendum à seruitute legali sufficit subiectio, & non esse sui iuris; non autem requiritur tertia conditio; vt falsò putauit *Vasq.* qui propterea nullam veram seruitutem videtur admisisse, nisi seruitutem legalem; quod est notoriè falsissimum.

8. Dices. Ex eo, quòd serua assumatur in matrimonium à Rege, fit libera, quoniam iure matrimonij debet habere æqualitatem honoris, & sedis cum Viro, cui repugnat status seruitutis; ergo ex eo, quòd natura creata assumatur ad vnitatem cum persona Dinina, debeatur ei æqualis honor, & cultus patriæ, & sedeat ad dexteram Patris, fit libera, & definit esse serua.

Resp. neg. conf; & disparitas est; quia serua assumpta à Rege in vxorem eximitur à Lege subiectionis, & dependentiæ à Rege; fit nanque vna caro cum Rege iuxta illud *Gen. 2. Erunt duo in carne vna*; non enim repugnat vnum hominem eximi à subiectione, & dependentia ab alio homine, vt dictum est; & ideo non quia serua participat in bonis Regis, honore, aut sede &c; sed quia eximitur à subiectione, ideo definit esse serua Regis. At natura humana assumpta ad Diuinam personam nequit eximi à subiectione, & dependentia à Deo, quia nequit non esse producta à Deo; ergo quauis communicet in bonis Dei, attamen quia manet Deo subiecta, manet serua Dei. Ex quo patet hoc arg; quòd principale est, assumere non causam pro causa.

9. Vnica concl. Christus, vt homo, nequit absolutè dici seruus Dei, sed tantum secundum naturam humanam præcisè potest seruus Dei verè, & propriè nuncupari, non quidem legalis, sed naturalis.

Prob. 1. pars concl; quòd scilicet Christus, vt homo, absolutè, & simpliciter nequeat dici seruus Dei, ex eo, quòd homo importat etiam Diuinum suppositum terminans naturam Diuinam; sed Diuinum suppositum non est seruus, sed Dominus, cum non sit factum à Deo, sed sit Deus omnium factor; ergo Christus, vt homo, nequit absolutè, & simpliciter dici seruus Dei. Tum quia Christus, vt homo, nequit absolutè, & simpliciter dici creatura, vel assumptus, vt diximus *qu. 5. art. 2. §. 2; & art. 5. §. 1. n. 34*; sed ratio seruitutis Dei sumitur à ratione creaturæ, sumitur enim à ratione creationis, & dependentiæ à Deo in ratione productionis; ergo idem.

10. Prob. 2. pars concl. 1. ex *ps. 115. O Domine, quia ego seruus tuus, & filius ancillæ tuæ*; quòd interpretatur à *SS. PP.* de Christo; hinc *S. P. Aug. in altercat. cont. Pasicentium Arrianum*, quæ continetur *ep. 178. versus finem*; super hoc loquens de Christo secundum naturam humanam, ratione cuius illi conuenit infirmitas, inquit: *In qua enim infirmitate non solum subditum, & seruum*

Bb 2

cui-

evidentiſſimè conſtititur, ipſo dicente in prophetia ad Patrem: O Domine, quia ego ſervus tuus; ego ſervus tuus, & filius Ancilla tue, idèſt Maria. Pater ergo, in quo ſe æqualis Patri Filius, in quo ſit non ſolum ſubditus, aut inferior, ſed etiam humillimus ſervus; & Iſaia 42. Ecce ſervus meus, ſuſcipiam eum; quod Matth. 12. exponitur de Chriſto; & Iſaia 53. In ſcientia ſua iuſtificabit ipſe inſus ſervus meus multos; quod tantum de Chriſto, cuius meritis iuſtificamur, intelligi poteſt; & Zach. 3. Ad ducam ſervum meum orientem, quod Luc. 1. referatur ad Chriſtum; & ad Philipp. 2. Formam ſervi accipiens; ex quibus ſic. 1. Ille, qui ſecundum naturam eſt ſubiectus Deo quoad fieri, eſſe, & conſervari, eſt verè, & propriè naturalis ſervus Dei; ſed Chriſtus ſecundum naturam humanam eſt huiusmodi; ergo ſecundum naturam humanam eſt verè, & propriè naturalis ſervus Dei. Ma. ſup. probata eſt; nam ſervitus definitur ſubiectione, qua aliquis ita eſt in poteſtate libera, & dominio alterius, ut poſſit Dominus diſponere de illo pro ſuo libito, & beneplacito; & aliunde ſubditus eſt capax obedire, & exequi mandata illius. Mi. etiam conſtat; quia natura humana Chriſti eſſentialiter dependet à Deo quoad fieri, eſſe, & conſervari; & liberè facta fuit, & conſervatur à Deo. 2. Ille, qui ſuſcepit veram formam ſervi, eſt verus, & proprius ſervus naturalis; ſicut ille, qui habet veram formam Domini, eſt verus, & proprius Dominus; ſed Verbum ſuſcepit veram, & propriam formam ſervi: quia ſuſcepit veram, & propriam formam hominis, aliter homo verè, & propriè ſecundum ſuam naturam non eſſet verus, & proprius ſervus Dei, quòd eſt manifeſtè contra Scripturas, & rationem; ergo Verbum ſecundum naturam humanam præciſè eſt verè, & propriè ſervus Dei. 3. Deus eſt verus, & proprius Dominus naturæ humanæ aſſumptæ à Chriſto; aliter natura humana Chriſti non eſſet ſub vero, & proprio Dei dominio; ergo Chriſtus ſecundum naturam humanam eſt verus, & proprius ſervus Dei; nam verus, & proprius Dominus dicitur per ordinem ad verum, & proprium ſervum; nec quis poteſt dici verus, & proprius Dominus alicuius, qui non eſt eius verus, & proprius ſervus; ſicut nemo poteſt dici verus, & proprius pater illius, qui non eſt verè, & propriè filius illius. 4. Ex eo, quòd natura humana aſſumpta fuerit à Verbo, non fuit absoluta à relatione ſubiectionis, & dependentiæ à Deo; ergo neque à relatione ſervitutis naturalis Dei; nam ſicuti ratio dominij non convenit Deo, niſi ratione liberæ productionis creaturarum; ita ratio ſervitutis naturalis non convenit creaturis, niſi ratione ſubiectionis, & dependentiæ in eſſe à Deo. Ant. conſtat; aliter natura humana eſſet facta natura Divina, natura enim independens à Deo, eique non ſubiecta eſt Divina. 5. Ille, cui verè, & propriè convenit obedientia ſecundum naturam, eſt

verè, & propriè ſervus naturalis; obedientia enim opponitur imperio; & ſicut imperium importat dominium, ita obedientia ſervitutem; ſed Chriſtus ſecundum naturam humanam competit obedientia verè, & propriè; de illo enim dicitur: Factus obediens uſque ad mortem; ergo ſecundum naturam humanam eſt verus, & proprius ſervus. 6. Evertitur ratio *Adverſariorum*. Si ad veram ſervitutem requireretur non communicare in bonis Domini, ſequeretur beatos, cum beati effecti ſunt, deſiſſe eſſe ſervos Dei; nam beati conſequuntur Dei hæreditatem; ſed conſ. eſt falſum; Angelus enim beatus ait *Ioanni Apoc. 19; & 22. Conſervans enim tuus ſum*; ergo hæc ratio ruit. *Viſ. p. n. 7.* Tandem ex eo præciſè, quòd alia creatura liberè ſint producta à Deo, & habeant potentiam obedientialem ad parendum Deo in omnibus, quæcunque voluerit, dicuntur verè, & propriè ſervi naturales ipſius Dei; quia natæ ſunt cum tali obedientia; ſed natura humana Chriſti fuit liberè à Deo producta, & habet potentiam obedientialem ad omnia, quæ Deus voluerit, quia per hanc, non per potentiam naturalem, eſt unita Verbo Divino; ergo idem.

11 Ad rationem dubitandi dicitur ad 1. *Apoſtolum in illo cap. loqui de ſervitute peccati, à qua Chriſtus nos liberauit; concludit enim: Itaque, fratres, non ſumus ancilla filij, ſed libera, qua libertate Chriſtus nos liberauit*; conſtat autem Chriſtum nos liberaſſe à ſervitute peccati, non autem à ſervitute naturali, qua naturaliter ſumus ſervi Dei. Vel diſt. ma. ſervitus eſt incompoſſibilis cum filiatione naturali ſecundum eandem naturam, conc; ſecundum diverſam naturam, neg; & diſt. mi. Chriſtus, ut homo, eſt Filius naturalis Dei aſſumptivè, idèſt eſt aſſumptus ad filiationem naturalem Dei, conc; generativè, idèſt ut homo, eſt genitus Filius naturalis Dei, neg; non implicat autem, quòd ut homo, ſit genitus ſervus naturalis Dei; & quòd ut talis ſit aſſumptus ad filiationem naturalem Dei; implicaret autem, ſi eſſet genitus, ut filius naturalis, & ſimul, ut ſervus, quod non eſt in caſu. Ad 2. reſp. communiter *Concil. Francofordien.* negare triplicem ſervitutem in Chriſto, nempe ſervitutem peccati, quia peccatum non fecit; ſervitutem legalem, quæ per peccatum inducitur; & ſervitutem in natura, & ſuppoſito, qualem habet pura creatura; non tamen negaſſe ſervitutem naturalem, quæ fundatur in ſola dependentia naturæ humanæ à Deo in genere cauſæ efficientis, & eſt ſervitus ingenua, quæ non tollit libertatem à creatura; & ratio eſt. Nam *Concilium* acriter invehitur reprobando hanc vocem *ſervus*, quàm reprobando hanc vocem *adoptivus*; ait enim *pudendum eſſe dicere ſervum*, quod non dicit de adoptivo; ergo reiſcit ſervitutem, tanquam aliquid vilius, & indignius adoptione; ſed ſola ſervitus peccati, & legalis eſt vilior, ac iudi-

indignior adoptione; quia seruitus naturalis fundata in dependentia à Deo conuenit adoptioni, & ideo non est indignior illa; ergo rejicit solam seruitutem peccati, & legalem. Præterea quòd rejiciat seruitutem quoad suppositum, constat ex verbis allatis: *Quasi purum hominem calamitati humanæ subiectum, & quod pudet dicere seruum*. Ratio etiam allata à Concil. id ostendit; cum enim inquit: *Cur non veremini illum seruum nuncupare, qui vos de seruitute Diaboli liberauit*; his verbis manifestè declarat se loqui de seruitute peccati, quia seruus peccati nequit esse mediator inter Deum, & peccatores; nequit enim esse mediator inter se ipsum, sic enim esset medium, & extremum; & de seruitute puri hominis, quia purus homo nequit satisfacere pro peccato; non autem de seruitute naturali fundata in dependentia naturæ humanæ à Deo, quæ potest competere Deo homini, qui potest pro peccato satisfacere. Vnde in illis tribus sensibus Christus non fuit seruus nec hominum, nec Angelorum, nec Dei Patris. Cum autem subditur *textus veteris testamenti*, quibus Christus dicitur seruus, esse intelligendos figuratè, & allegoricè; resp. verum esse, quia persona figurans erat purus homo, & sic seruitus personæ figurantis erat seruitus puri hominis; vt *Moses* fuit Christi figura, quatenus liberauit populum à captiuitate Pharaonis; sicut Christus liberauit omnes homines à captiuitate Diaboli; *Moses* tamen erat purus homo, & Christus homo Deus; & seruitus *Mosis* erat puri hominis, Christi autem hominis Dei; ideo non nisi figuratè de Deo dici potuit; non tamen ex hoc sequitur naturam humanam Christi Domini non fuisse dependentem à Deo, ac propterea non habuisse veram relationem seruitutis ad Dominum. Quòd autem *Adrianus* asserat in nouo testamento Christum nullibi appellari seruum; hoc intelligi debet illis tribus modis, quos reprobabat; quia licet de figura Christi potuerit dici in veteri testamento esse seruum illis tribus modis, non enim necesse est figuram esse in omnibus similem figuratum, sed sufficit ipsam aliquomodo representare figuratum; attamen de Christo, qui est figuratus, nequit dici, quòd sit seruus illis tribus modis; ideo in nouo testamento, vbi explicitè agitur de Christo, non de eius figura, non debuit dici, quòd absolutè sit seruus. Imò ex hoc euidenter infertur Pontificem non loqui de seruitute naturali secundum humanitatem, præcisè; quia de hac expresse loquitur nouum testamentum, in quo dicitur Verbum formam seruus accepisse, id est naturam humanam, quæ essentialiter est serua naturalis Dei; ergo si Pontifex intellexisset reprobare etiam seruitutem naturalem secundum humanitatem præcisè, non potuisset dicere de ea nullam mentionem fieri in nouo testamento, sed illam alio modo explicasset.

8 Inst. Lug. r. Vel Pontifex putauit seruitu-

tem naturalem, quæ competit omnibus hominibus; esse veram seruitutem, vel non? Si primum; ergo malè probauit Christum non esse, dicendum seruum ex eo, quòd in nouo testamento nusquam seruus dicatur; neque in veteri, nisi in sensu typico; potuisset enim appellare Christum verum seruum absque illa seruitute penali; nec in veteri fuisset necesse recurrere ad tropos. Si secundum, habetur intentum. 2. Non est credibile *Eliandum* fuisse *Nestorianum*; aliter non ausus fuisset recurrere ad *Carolum Magnum* Christianissimum Principem, vt sua sententia de adoptione examinaretur; cum sententia *Nestory* ab Ecclesia iam fuisset damnata; ergo Concil. non damnauit seruitutem Christi, prout importat suppositum. 3. Si Christus secundum humanitatem esset verus seruus, melius respondisset Pontifex esse verum seruum naturalem, sed non purum seruum; ergo negando absolutè esse verum seruum negauit omnes species veræ seruitutis. 4. Eodem modo Concil. & *Adrianus* locuti sunt de adoptione, & seruitute; sed damnarunt adoptionem simpliciter etiam secundum naturam humanam præcisè; ergo & seruitutem.

Resp. ad 1. non fuisse in questione cum *Eliando*; an Christus secundum naturam humanam sit seruus naturalis Dei; ideo non debuisset Pontificem hoc resolvere, sed supponere, tanquam verum; ne distraheretur ab eo, quod erat controuersum. Debit ergo loqui de seruitute illis tribus modis, & ipsam rejicere à Christo, vt potè iniuriosam Filio Dei. Dicitur ergo primum; & ad improb. neg. conf. quia si concessisset seruitutem naturalem, concessisset id, quod non erat ad rem, quæ agebatur. Ad 2. dicitur hæreticos, vt potè plenos dolis, & fraudibus; multa ab initio tacuisse, quæ postea coacto Concilio protulerunt. Sic quauis in Concil. Ephes. damnatus fuerit *Nestorius*; attamen adhuc post illud Concilium non defuerunt, qui eius sententiam tenebant, qui postea fuerunt damnati in V. Syn. *Eliandus* ergo primariò, & principaliter inuexit questionem de adoptione; ratione cuius fuit coactum Concilium *Francfordi*; & hac occasione sententiam *Nestory* iam damnatam instaurauit; & ideo Concilium damnauit eius sententiam etiam in sensu *Nestory*. Ad 3. dicitur, si cur ad 1. neg. enim anti; nam melius respondit Pontifex damnando id, quod controuertebatur, quàm recurrendo ad id, quod in controuersia non erat. Ad 4. dist. mæ. Eodem modo locuti sunt de adoptione, & seruitute quantum ad tres prædictos modos seruitutis, quos damnarunt, conc. quantum ad omnes species seruitutis; neg. nam adoptio respicit personam, & prout seruitus respicit personam, eodem modo damnata est; quia tamen seruitus naturalis potest dici etiam de natura, de qua nequit dici adoptio; ideo quantum ad hoc non damnatur seruitutem.

13 Obijc. vltcrius. 1. Hebr. 3. *Moyſes quidem, tanquam famulus in tota domo ſua, Chriſtus verò tanquam filius in domo ſua.* Super quod Concil. Francoford. ait: *Quomodo amplioris gratia, ſi ſeruus, ſicut & Moyſes, vel ex ſeruo adoptiuus?* S. Dam. lib. de Fide c. 21. loquens de Chriſto ait: *Illud quoque ſciendum eſt eum, ne ſeruum quidem dicere nobis licere.* S. P. Aug. relatus à Concil. Francofordien. Dominus noſter etiam in forma ſervi non ſeruus, ſed in forma etiam ſervi Dominus fuit. Idem habet D. Athan. or. 3. cont. Arrianos, Chriſt. hom. 13. in ep. ad Hebr.; Cyrillus in expoſi. Symb. Nic. Leo I. ſerm. 3. de Natiuit. & alij. 2. ratione. Seruus dicitur de perſona, ſicut dicitur adoptiuus; ſed perſona Chriſti non eſt ſeruus; ergo neque Chriſtus. 3. Si Chriſtus poſſet dici ſeruus ſecundum naturam, poſſet etiam dici abſolutè ſeruus; nam quia de Chriſto ſecundum naturam poteſt dici, quòd ſit paſſus, poteſt etiam abſolutè dici: *Chriſtus eſt paſſus*; ſed nequit abſolutè dici: *Chriſtus eſt ſeruus*; ergo nec Chriſtus ſecundum humanitatem eſt ſeruus.

Reſp. Apoſt. loqui de ſeruitute illis tribus modis accepta; nam loquens de ſeruitute merè

naturali ait, quòd *formam ſervi accepit, & factus eſt obediens*, quod eſt proprium ſervi. Idem dicitur ad Concil. Francoford. & alios SS. PP. Ad 2. diſt. ma. Seruus dicitur de perſona tantum, neg; etiam de natura, còc; nam ſeruitus naturalis dicitur de qualibet re creata, quæ poteſt eſſe tantum natura, vt in Chriſto; adoptio autem dicitur tantum de perſona, cui tantum competit eſſe filiam. Ad 4. neg. ma. Ad prob. infer. dicitur, quòd communicatio idiomatum habetur tantum in ijs, quæ poſſunt conuenire ſuppoſito Diuino, non in illis, quæ illi opponuntur; ſeruitus autem relatiuè opponitur ſuppoſito Diuino, quod eſt Dominus; ideo nequit de illo prædicari, ac propterea nequit abſolutè dici: *Chriſtus eſt ſeruus*; quia Chriſtus appellat ſuppoſitum; at pati, & agere non opponuntur; ſed conueniunt ſuppoſito mediante natura, quæ eſt ratio formalis proxima agendi, & patiendi, ideo abſolutè dici poteſt: *Chriſtus eſt paſſus*. Eadem ratione nequit dici abſolutè: *Chriſtus eſt creatura*; quanuis dici poſſit: *Natura humana Chriſti Domini eſt creata*; quia creatura opponitur creatori.

Q V Æ S T. VII.

De Sanctitate Chriſti.



Anctus Pater Auguſtinus, vel ex eo noſter S. Fulg. lib. de fide ad Petr. c. 2. de Chriſto Domino inquit: *Solus tamen Sacerdos, ſacrificium, & templum, & hæc omnia Deus ſecundum formam ſervi*; vt colligitur Ephes. 4; Hebr. 9; & ad Gal. 4. Ex hoc deducitur triplice gratiam eſſe in Chriſto per modum naturæ, vel habitus. Ex eo nanque, quòd Chriſtus ſecundum formam ſervi ſit templum, in quo inhabitat perſonaliter Filius Dei, colligitur gratia vnionis, qua natura humana per vnionem ad perſonam Verbi conſecratur, & ſanctificatur, ac ſanctè vngitur in templum Dei. Ex eo, quòd ſit Sacerdos offerens pro peccatis populi, colligitur gratia Capitis; Sacerdos enim eſt caput membrorum Eccleſiæ; & ex eo, quòd ſit ſacrificium, reconciliamur Deo à peccatis. Item hæc triplex gratia colligitur ex Ioan. 1; vbi ijs verbis: *Verbum caro factum eſt*; designatur gratia vnionis; illis verò: *Plenam gratia, & veritatis*; indicatur gratia habitualis, quæ eſt propria ſingularis perſonæ; & ijs: *De plenitudine eius omnes accepimus*; oſtenditur gratia Capitis, quæ eſt influxiua in alios; vt habet idem S. P. vbiſ. De his omnibus in præſenti quæſt. eſt agendum.

A R T. I.

An natura humana Chriſti Domini ſit ſancta per ſanctitatem increatam?

1 **Q**uæritur; an humanitas Chriſti ex eo, quòd ſubſtantialiter vnatur perſonæ Verbi, formaliter ſanctificetur ita, vt etianiſ non haberet in ſe gratiam habitualemente accidentalem creatam, adhuc eſſet ſubſtantialiter ſancta per vnionem ad Verbi perſonam. Non intendimus tamen excludere gratiam habitualemente creatam, per quam etiam accidenta-

liter ſanctificatur, vt inf. Nec procedit difficultas, an per communicationem idiomatum fiat ſancta ſubſtantialiter, certum enim eſt naturam humanam ex eo, quòd vnatur cum perſona Diuina, quæ eſt ſancta ſecundum ſuam ſubſtantiam, & identificatur cum ſua ſanctitate ſubſtantialiter, poſſe dici ſubſtantialiter ſanctam, ratione communicationis idiomatum, quæ communicantur naturæ humanæ à perſona illi vnita, cum qua identificatur realiter ſanctitas increata. Sed quæritur, an fiat ſancta formaliter ex vi formali vnionis ad perſonam Diuinam ita, vt ſicuti ſuppoſitatur formaliter, non verò tantum identice, à perſona Diuina eo, quia in vnitate

tatem illius assumitur; ita formaliter, non tantum identice, sanctificetur eo, quia illi formaliter vnitur.

2. Prima sententia negat asserens vnionem hypostaticam non reddere ex sua ratione formali naturam gratam, & acceptam in ordine ad bona supernaturalia, & ad vitam eternam; adeoque necessariam fuisse gratiam habitualement ad hoc, vt natura humana fuerit sanctificata. Referuntur *Alenz. D. Bon. Ric. Marf. Dur. Paludan. Scot.* qui tamen, quia non satis aperte suam declarat sententiam; ideo *Scotista* diuiduntur; & pro hac sententia stant *Fab. Arcein. Rada. Gallus. Bellus. apud Mastr. hic disp. 2. quæst. 1. num. 3.* qui tamen *num. 16.* ait vnionem hypostaticam de facto, & regulariter loquendo sanctificare naturam humanam radicaliter, & in actu primo, ac reddere humanitatē in actu primo obiectum Diuinæ dilectionis, & quidem perfectius, quam gratia habitualis; quia vnio hypostatica est maior inter omnes vniones cum Deo quoad actum primum, & ideo includit etiam vnionem per gratiam habitualement, & per visionem beatam, cum sit radix omnis meriti, & omnis gratiæ, & omnium donorum supernaturalium; quanuis non habeat necessariam connexionem cum illis, sed tantum de congruo, quia potuisset vniri naturæ irrationali, imò & ipsi naturæ humanæ in puris naturalibus; in quo casu vnio hypostatica non fuisset connexa cum gratia habituali, & ceteris donis supernaturalibus; adeoque solum de congruo fuit connexa, imò magis, quam gratia habitualis connectatur cum alijs donis supernaturalibus. *Hec Mastr.*

3. Nostra docet humanitatem Christi formaliter sanctificari per sanctitatem increatam. *Ita Fund. Doct. hic disp. 3. par. 4. quæst. 4. artic. 3.* vbi ait: *Dicemus ad questionem Christo Domino competere sanctificari sanctificatione increata, & creata; & in fine corp.* Alio autem modo sanctificatio erit secundum naturam increatam, quia cum prius homo non esset Deus, factum est, quod homo sit Deus, & sanctus Deus. Ipsi sequuntur *Argent. Gibb. & ex alijs omnes Thomista; Sud; Val. Lug.* Refertur etiam *Scot. in 4. disp. 19. quæst. 1. art. 2.* Sed hæc sententia diuina est. *Aliqui, quos refert Gibb. hic disp. 1. dub. 6. num. 2.* volunt sanctificari per ipsam vnionem, tanquam per formam sanctificatam intrinsecè receptam in natura humana. In hanc sententiam videtur aliqua ex parte inclinare *noſter Argent. disp. 13. quæst. 1. art. 1. concl. 1.* Alij sanctificari tantum ratione naturæ Diuinæ virtualiter distinctæ à personaliitate Verbi. *Ita Lor. Genet. & alijs.* Alij tandem etiam ratione ipsius personalitatis Filij. *Ita Fund. Doct. vbis.* asserens Christum sanctificatum fuisse per sanctitatem increatam eo, quia tanta fuit illa vnio duarum naturarum, Diuinæ scilicet, & humane in vna, & eadem persona, quod Deum fecit hominem, prout in Christo natura Di-

nina est coniuncta humana; & hominem fecit Deus, prout in eodem Christo natura humana est coniuncta Diuina. Ita etiam *Gibb. vbi sup. dub. 7.* apud quem *Io. à S. Tho. Val. Lug. Naz. & alij ferè communiter.* Sed quoniam ex dissolutione rationum, quæ opponuntur, magis clarè apparebit veritas huius sententiæ; ideo.

4. Dicunt *Aduersarij. 1.* Creatura nequit formaliter sanctificari, nisi per sanctitatem formaliter intrinsecè inhærentem, & informantem; sanctificatio enim est effectus formalis gratiæ habitualis, quæ essentialiter habet inhærere; effectus autem formalis alicuius cause nequit causari ab alia causa etiam de potentia Dei absoluta; aliter idem effectus totalis esset à duplici causa; Diuina autem persona, aut natura nequit formaliter inhærere, aut informare naturam humanam; ideo nequit illam formaliter sanctificare. 2. Si Verbum Diuinum assumpsisset naturam irrationalem, vel naturam humanam in puris naturalibus, illam non sanctificasset; ideo ex vi vnionis ad personam Diuinam natura creata non sanctificatur; & per consequens ad hoc, vt sanctificetur, necessariò requiritur gratia habitualis, quæ est accidens creatum.

5. Sed primum falsum est, & fundatur in nimis crassa intelligentia mysterij incarnationis. Nam quanuis natura creata habeat suppositari per personaliitatem intrinsecè informantem; attamen certum est naturam humanam Christi Domini esse formaliter subsistentem per subsistentiam Verbi, non informantem, sed purè actiue terminantem; ergo ex eo, quod natura humana habeat sanctificari per sanctitatem informantem, & inhærentem, non deducitur naturam humanam Christi Domini non posse formaliter sanctificari per sanctitatem personæ purè actiue terminantem, non informantem. Sanctificatio ergo naturæ humanæ Christi Domini altius inspicenda est; scilicet per ordinem ad eleuationem ad personam Diuinam Filij Dei, quæ est infinitè sancta, in cuius vnitatem assumitur, quæ cum sit infinitè sancta, ideo cum assumitur ad vnitatem, assumitur quoque ad sanctitatem. Denominatio itaque formalis alia sumitur ex informatione, alia ex assumptione ad aliquam formam; & ratio est; quia denominatio formalis, sicut & predicatio, sumitur per ordinem ad vnitatem; in tantum enim aliquid sumit denominationem ab alio, in quantum aliquo modo est vnum cum illo; vt paries denominatur albus ab albedine, quia paret, & albedo vnitur; sed duo possunt esse vnum nedum per compositionem, quæ fit per informationem, sed etiam per assumptionem alicuius ad vnitatem alterius, vt docet fides de natura humana, quæ assumitur ad vnitatem personæ Diuinæ; habetur enim in *Symb. D. Athan. Vnus, non conuersione Diuinitatis in carnem, sed assumptione humanitatis*

*nitatis in Deum; & est omnium SS. doctrina; ad quam non reflectunt Aduersarij; ergo natura humana denominatur formaliter sancta, non, per informationem, sed per assumptionem ipsius ad sanctitatem personæ Diuinæ. Præterea falsum est etiam in naturalibus; nam paries denominatur formaliter visus per visionem, quæ non informat parietem; ex quo deducitur denominationem aliam esse intrinsecam à forma, intrinsecè informantem, vel inherente; aliam extrinsecam à forma extrinsecè terminante; ergo sicut paries ex eo, quod ad illum visio terminetur extrinsecè, denominatur formaliter visus; ita ex eo, quod natura humana terminetur intrinsecè actiue à sanctitate personæ Diuinæ, rectè denominatur formaliter sancta, non quidem per formam sanctitatis formaliter inherentem, vel informantem; sed per formam sanctitatis purè actiue, intrinsecè tamen terminantè. Cum autem additur, quod sanctificatio est effectus formalis gratiæ habitualis; dicitur, quod sanctificatio est eleuatio ad esse Diuinum, quia creatura efficitur *conformis Diuinæ naturæ*; vt habetur 2. Pet. 1; dupliciter autem potest creatura eleuari ad esse Diuinum, & vniri cum Deo. 1. Per operationem intellectualem in esse intelligibili; potentia enim intelligens, & amans immediatè aliquod obiectum in se ipso vnitur cum illo in esse intelligibili, vt constat; & quia creatura non operatur, nisi mediante accidente; ideo talis vnio non fit, nisi per accidens ordinis supernaturalis, quod est gratia habitualis; ac propterea hæc sanctificatio est merè accidentalis. 2. Per assumptionem naturæ humanæ ad esse Diuinum in vnitatem personæ Diuinæ; quæ vnio, cum sit substantialis, vt patet; ideo habet substantialiter sanctificare; ergo sicut datur duplex vnio immediata cum Deo, scilicet substantialis, & accidentalis, quæ salua fide negari non potest; ita datur duplex sanctificatio, substantialis, & accidentalis, quæ à nullo fidei potest rationaliter negari; & sicut sanctificatio accidentalis est effectus formalis gratiæ habitualis, quæ est accidens, & non potest haberi, nisi per gratiam habitualem, à qua non distinguitur; ita sanctificatio substantialis est effectus vniionis substantialis, & nonnisi ab ipsa vnione substantiali potest haberi.*

6 Secundum autem, quod est subtile sophisma, sic cueritur. Certum est, quod quodlibet Diuinum suppositum est eminenter omne suppositum; sicut substantia Dei est eminenter omnis substantia. Præterea certum est, quod cum Deus producat substantiam creatam, illam producit in ordine naturali, non supernaturali, quia illi non communicat modum proprium, quem habet substantia in Deo; ergo cum Verbum Diuinum assumeret naturam irrationalem, vel humanam in puris naturalibus, illam non suppositaret in ordine supernaturali, sed naturali;

quia illi non communicaret suam suppositalitatem cum eo modo, quem habet in ipso Verbo, & qui est proprius ipsius Verbi; modus enim proprius suppositalitatis, prout est in Verbo, est, vt sit Filius Dei naturalis; non enim naturam irrationalem, aut humanam in puris naturalibus assumeret ad filiationem naturalem, quia vtraque in ordine naturæ nequit assumi ad filiationem Dei naturalem, quæ est tantum in ordine supernaturali; sed vtraque suppositaret præcisè, prout eminenter continet suppositum proprium naturale vtriusque. At in incarnatione de facto natura humana vnita est formaliter ad filiationem Dei naturalem, ad quam formaliter est prædestinata, vt fusc diximus *quest. 6. art. 1*; Filius autem Dei naturalis formaliter est sanctus, quia ei formaliter ex vi suæ processionalis competit natura Diuina, in qua est omnis sanctitas; & eo modo, quo est in Deo; ergo natura humanæ de facto per talem vnionem competit sanctificari. Sicut ergo (sepe repetit *Fund. Doct.*) quia natura Diuina eminenter continet omnem naturam creabilem, & est super omnem naturam; ideo potest dare esse creaturæ irrationali, & etiam rationali merè naturale absque eo, quod illas eleuet ad esse supernaturale; quia natura irrationalis illius est incapax; & rationalis illud naturaliter non exigit, ita suppositum Diuinum, quia continet eminenter omne suppositum creatum ordinis naturalis, & est super omne suppositum; ideo potest assumere ad sui consortium, naturam irrationalem, & rationalem in puris naturalibus communicando illi esse suppositale tantum ordinis naturalis, quod eminenter continet in se ipso absque eo, quod illis communicet esse supernaturale, per quod sanctificantur. At in Christo natura humana vnita est formaliter terminatiue filiationi Dei naturali, cui formaliter cõpetit natura Diuina ex vi suæ processionalis eo modo, quo est in Deo, ideo formaliter est supernaturalizata, & per ipsam sanctificata. His positis.

7 Vnica concl. Natura humana Christi Domini est formaliter sancta per sanctitatem substantialem in creatam ex eo, quod formaliter sit assumpta ad vnitatem personæ Filij Dei naturalis.

Prob. 1. Dan. 7. *Et ungatur Sanctus Sanctorum; & ps. 44. Vniuit te Deus Deus tuus oleo exultationis præ participibus tuis; vt legit alia versio* super quod S. P. Aug. tract. 7. in 1o. inquit: *Missas Hebraicè Latine vnctus, Græcè Christus est; ab vnctione enim dicitur Christus. Chrisma vnctio est Græcè; ergo Christus vnctus. Ille singulariter vnctus, præcipue vnctus; unde omnes Christiani vnguntur. Ille præcipue, quomodo in psalmo dicit, audi: Propterea vniuit te Deus Deus tuus oleo exultationis præ participibus tuis; participes enim eius sunt Sancti; sed ille singulariter Sanctus Sanctorum singulariter Christus singulariter vnctus; & lib. 15. de Trin.*

Trin. cap. 26. explicans illud *Ath. 10. Quoniam unxit eum Deus Spiritu Sancto*; inquit: *Sed ista mystica, & inuisibili vnctione nunc intelligendus est vnctus, quando Verbum Dei caro factum est; id est quando natura humana sine ullis precedentibus bonorum operum meritis Dei Verbo est in utero Virginis copulata ita, vt cum illo fieret vna persona.* Quibus verbis nil clarius pro nostra sententia. Hinc *Conc. Francoford. in epist. ad Episc. Hispanie* ait: *Christus natura vnctus, nos per gratiam, quia in illo plenè fuit Diuinitas.* Ex quibus sic. Nominè vnctionis in *Scripturis* significatur sanctificatio; sed natura humana in Christo fuit substantialiter vncta ex eo præcisè, quòd fuit vnita personæ Filij Dei; ergo natura humana in Christo fuit substantialiter sanctificata ex eo præcisè, quòd fuit vnita personæ Filij Dei. Ma. constat quia nominè vnctionis significatur consecratio, quæ idem sonat, ac sanctificatio; sic nanque intelligit S.P. dicens: *Ille singulariter Sanctus Sanctorum Christus singulariter vnctus*; hinc Christus, qui significat idem, ac vnctus, dicitur enim à chrismate, quod significat idem, ac vnctio, est Sanctus Sanctorum, quia est singulariter vnctus, & ab ipso dicuntur Christiani, quia per ipsum vnguntur, & sanctificantur. Tum quia vnctio Sacerdotum, & Regum, & Templi nomine etiam consecrationis in *Scripturis* explicatur. Mi. etiam constat, quia ex eo, quòd natura humana copulata est Verbo Dei, quando *Verbum caro factum est*; dicitur specialiter vncta; quod nequit intelligi de vnctione per gratiam habitualem. 1. Quia per hanc natura humana non est copulata Verbo Dei; aliter esset vnita per accidens. 2. Quia talis vnctio non esset per naturam, sed per accidens sequens ad naturam. 3. Quia Christus non esset singulariter vnctus; nam etiam nos vngimur per gratiam habitualem. 4. Quia *Concilium* docet Christum esse vnctum natura, quia in illo fuit plenè Diuinitas; illa autem particula quia designat causam formalem vnctionis naturæ, quam dicit esse Diuinitatem; in nobis autem asserit esse gratiam; ex quo euidenter deducitur ipsum loqui de Diuinitate, prout distinguitur à gratia habituali; ergo natura humana in Christo fuit substantialiter vncta ex eo præcisè, quòd fuit vnita personæ Filij Dei.

8 Prob. 2. ex *Io. 1. Verbum caro factum est; & vidimus gloriam eius gloriam quasi vnigeniti à Patre plenum gratia, & veritatis*; super quod S. P. Aug. in *Enchir. cap. 36.* inquit: *Quod ait: Verbum caro factum est; hoc est plenum gratia. Quod ait: Gloriam vnigeniti à Patre; hoc est plenum veritatis; veritas quippe ipsa vnigenitus Dei Filius, non gratia, sed natura.* Ex quo sic. Ex eo, quod natura humana vnita est personæ Verbi, facta est plena gratia, & veritatis; vt colligitur ex *Euangelio*; sed nomine veritatis intelligitur ipsa persona Verbi, cui attribuitur veritas.

Mag. Frideric. Nic. Gaurdi Tom. 5.

tas, qua persona impleta est natura humana in incarnatione, & ideo impleta est veritate, quæ est vnigenitus Dei Filius; ergo nomine gratia intelligitur eadem persona Verbi, prout ex summa Dei benignitate vnita est naturæ humanæ, quæ propterea gratia fuit plena, cum persona Verbi repleta fuit; sed gratia habet sanctificare; ergo humana natura fuit sanctificata ex eo præcisè, quòd fuit vnita personæ Verbi Diuini.

9 Conf. ex lib. de fide ad Pet. cap. 2; vt diximus in *proemio huius q*; natura humana ex eo præcisè, quòd fuit vnita personæ Verbi, facta fuit templum Dei, in quo habitauit persona Verbi; & homo vnctus est Sacerdos, & sacrificium; sed *templum Domini Sanctum est*; vt habetur *ps. 17. 27; 64. & Iona 2. 3* ergo ex eo, quòd natura humana vnita est personæ Verbi præcisè, est sanctificata; sed sanctitas personæ Verbi est substantialis, & increata; ergo est sanctificata per sanctitatem substantialem increatam.

10 Vrgetur. Vnio naturæ humanæ cum Deo in ordine supernaturali est formalis sanctificatio eiusdem naturæ humanæ; sed assumptio naturæ humanæ ad personam Verbi præcisè est vnio eiusdem naturæ cum Deo in ordine supernaturali; ergo est formalis sanctificatio eiusdem naturæ. Prob. ma. Separatio à Deo in ordine supernaturali, seu quatenus est Auctor gratiæ, est formaliter peccatum, quod opponitur sanctitati; definitur enim *auersio à Deo*; ergo vnio cum Deo in ordine supernaturali est formalis sanctificatio; oppositorum enim opposita sunt rationes. Tum quia vnio cum eo, quod est tale per essentiam, reddit participatiuè tale etiam vnitum; vt vnio cum igne, qui est calidus per naturam, reddit participatiuè calidum etiam vnitum, vt patet de ferro posito in igne; sed Deus est sanctus per essentiam; ergo vnio cum Deo in ordine supernaturali est formalis sanctificatio naturæ vnitæ. Tandem gratia habitualis ideo sanctificat, quia habet accidentaliter vnire cum Deo; est enim gratia semen gloriæ; & ideo sicut gloria habet vnire inseparabiliter naturam cum Deo; ita gratia habitualis habet separabiliter vnire; quia gratia ipsa est amissibilis per peccatum. Mi. est de fide vnio enim naturæ humanæ cum Verbo est simpliciter supernaturalis; & est vera, & physica vnio, quia natura humana assumitur in vnitatem personæ Verbi.

11 Amplius. Quò magis natura creatur vnitur cum Deo in ordine supernaturali, eò magis sanctificatur; quia sicut vnio est ratio sanctificationis; ita maior vnio maioris sanctificationis; sed vnio naturæ humanæ cum Deo in Christo est maxima omnium vnionum, quæ possunt esse cum Deo in ordine supernaturali; vt diximus *q. 5. art. 1. §. 2*; ergo natura humana in Christo magis sanctificatur, quàm in quolibet alio homine puro per gratiam. Ma. constat quia quò magis creatura appropinquat Deo, magis

Cc

par-

participat de eius perfectione; & ideo magis de sanctitate, quæ est Dei perfectio. Mi. etiam est clara; quia vnio naturæ humanæ cum Deo in Christo est substantialis; in alijs hominibus est accidentalis; maior autem vnio est substantialis, quam accidentalis.

12 Præterea quæ competunt formaliter alicui personalitati terminanti aliquam naturam, competunt etiam illi naturæ terminatæ per illam personalitatem; implicat enim, quod illa personalitas competat illi naturæ, cui non conueniant ea, quæ competunt illi personalitati, aliter ea personalitas competeret, & non competeret ei naturæ, quia illi non competeret id, quod est formaliter illa personalitas; nam quæ conueniunt vni tertio, conueniunt inter se; & ideo si aliqua formalitas competit personalitati, cui competit etiam aliqua natura, necesse est, vt illa formalitas conueniat etiam illi naturæ; sed sanctitas substantialis competit personalitati Verbi terminanti naturam humanam; ergo competit etiam naturæ humanæ terminatæ per personalitatem Verbi.

13 Tandem in *Enchir. vbi* habetur: *Vnde natura humane tantia gloria nullis precedentibus meritis sine dubitatione gratuita; nisi quia magna hic, & sola Dei gratia fideliter, & sobrie considerantibus euidenter ostenditur; vt intelligant homines per eandem gratiam se iustificari à peccatis, per quam factum est, vt homo Christus nullum habere posset peccatum.* Ex quo sic. Eleuatio ad naturam Diuinam, ad filiationem Dei, & hereditatem, & ad non posse peccare, est formalis sanctificatio; in tantum enim gratia habitualis iustificat nos, in quantum hos tres effectus præstat in nobis; sed natura humana per vnionem ad Verbi personam eleuatur ad naturam Diuinam, quæ competit Verbo, ad filiationem Dei naturalem, vt probatum est in *sup. q. art. 1*; & ad Dei hereditatem; ac ad non posse peccare; ex eo enim, quod aliqua natura vnatur supposito, cui nequit attribui peccatum, non potest illa natura in peccatum prorumpere, quod necessario tribueretur illi supposito, vt *inf.* dicemus; ergo natura humana ex eo, quod vnatur ad Verbi personam, formaliter sanctificatur.

14 Conf. 1. ex D. *Dion. de Diuinis nom. c. 12.* definiente sic sanctitatem: *Sanctitas est ab omni scelere libera, perfecta, & omni ex parte incontaminata puritas; propter quod beati, quia non possunt peccare, dicuntur habere perfectam, & consummatam sanctitatem; sed ex eo præcisè, quod natura humana vnatur ad personam Verbi, nullo modo potest peccare, vt *inf.* fusè ostenditur; ergo ex hoc præcisè est summè, & consummatè sancta.*

15 Conf. 2. Illud, quod constituit naturam gratam, charam, & amicam Deo, formaliter sanctificat naturam; sed personalitas Verbi constituit Christum secundum naturam humanam

gratum, charum, & amicum Deo; habetur enim *Ephes. 1. In quo gratificauit nos in dilecto Filio suo, in quo habemus redemptionem per sanguinem eius; Christus autem non est redemptor per sanguinem, nisi secundum naturam humanam, vt constat; & ideo est filius dilectus etiam secundum naturam humanam; ergo personalitas Verbi formaliter sanctificat naturam humanam. Ma. constat; quia reddere gratum, charum, & amicum Deo est effectus formalis sanctificationis. Mi. ampliùs prob; nam personalitas Verbi secundum se præcisè constituit Christum secundum naturam humanam Filium Dei naturalem; vt diximus *quæst. 6. art. 1*; sed Filius Dei naturalis est gratus, charus, & amicus Deo; ergo idem.*

16 Resp. *Mastr.* personalitatem Verbi constituit Filium proprium, non naturalem Dei.

Sed hæc distinctio impugnata est in *sup. q. art. 1*. Præterea filius proprius nequit non esse formaliter gratus, charus, & dilectus ab eo, cuius est filius; amor enim sui perfectus, sicut est amor Dei, debet amare omnia sua, quæ sunt sibi propria, aliter non amaret perfectè se ipsum, quia non amaret omnia sibi propria; ergo si personalitas Verbi constituit filium proprium Dei, constituit gratum, charum, & amicum Deo.

17 Aduert. tamen, quod cum diximus naturam humanam sanctificari per vnionem ad personam Verbi, non intelligimus, quod vnio, prout distincta ab extremis, sit forma sanctificans; vnio enim non distinguitur ab extremis, vt diximus *q. 5. art. 1*; & non est, nisi modus indistinctus naturæ humanæ; modus autem non est forma, quæ est verum ens formale; nec potest sanctificare; aliter natura sanctificaretur per se ipsam, quia sanctificaretur per aliquod à se ipsa indistinctum. Intelligitur ergo, quod si cuti paries albificatur per ipsam albedinem sibi unitam ita, vt non vnio, vt distincta ab albedine, sed ipsa albedo albificet; & ipsa vnio ad summum sit id, quo albedo albificat; ita natura humana formaliter sanctificatur per ipsam personalitatem Verbi, tanquam per formam sanctificantem sibi unitam, & ipsa vnio hypostatica sit id, quo personalitas sanctificat naturam.

18 Diximus etiam naturam humanam sanctificari ex eo, quod vnatur personæ Filij, cui ex vi sue processionis communicatur natura Diuina, in qua est omnis sanctitas; & tunc locuti sumus de persona Filij concretè, & vt quod; nam tota persona Filij, vt quod, terminat naturam humanam; ratio autem formalis qua terminandi est filiatio; & ideo natura humana, prout terminatur à persona Filij, vt quod, concretè sanctificatur etiam à natura Diuina. Prout autem terminatur à filiatione, vt quo, sanctificatur à sola filiatione, quæ etiam præcisè natura Diuina per intellectum est perfectæ, relationes enim dicuntur perfe-

perfectiorem relatiuam, vt diximus *in 2. de Trin.* q. 5. art. 6; est pura, munda, impeccabilis, amabilis, chara, & grata Deo; & ideo formaliter imbibit sanctitatem; vnde etiam per impossibile vniretur personalitas, non natura Diuina, adhuc natura humana esset formaliter sancta, quia assumeretur ad filiationem Dei naturalem, quæ est obiectum amoris Dei, & est grata, chara, munda, & impeccabilis simpliciter; & ideo assumeretur etiam formaliter ad sanctitatem. Quando ergo *Concil. Francoford.* ait Diuinitatem esse causam formalem sanctificationis naturæ humanæ; sumi potest *Diuinitas* transcendentaliter, prout essentialiter imbibitur in natura Diuina, & in personalitate, quæ pariter est formaliter Diuina; & utroque modo habet formaliter sanctificare; quia Diuinum, vt Diuinum, est, formaliter est sanctum, & ideo formaliter imbibit sanctitatem; ac per consequens utrumque habet sanctificare, quia utrique formaliter conuenit sanctitas.

19 Obijc. 1. Si humanitas Christi sanctificaretur formaliter per gratiam vnionis, gratia habitualis in Christo esset superflua; quia Christus, vt homo, per vnionem hypostaticam constitueretur Filius Dei, gratus, sanctus &c; qui sunt effectus gratiæ habitualis; & quia isti præstarentur à gratia vnionis, non possunt præstari à gratia habituali; aliter ijdem effectus præstarentur à pluribus causis totalibus, & effectus iam positi denuo fierent & ponerentur, sed gratia habitualis datur in Christo, vt *infi*; ergo humanitas Christi non sanctificatur formaliter per gratiam vnionis. 2. Effectus primarius alicuius formæ nequit præstari ab alia forma, quia effectus formalis formæ est idem realiter cum forma; & ideo si duæ formæ identificarentur cum eodem effectui formali, identificarentur inter se, & sic non essent duæ, sed vna forma; sed *ex Trid.* & *PP.* sanctificatio est effectus gratiæ habitualis; ergo idem. 3. Quod constituit animam Christi sanctam radicaliter, nequit illam constituere sanctam formaliter; vt rationalitas, quæ constituit hominem risibilem radicaliter, nequit eam constituere formaliter risibilem; sed vnio hypostatica constituit animam Christi sanctam radicaliter; ergo nequit eam constituere sanctam formaliter. 4. Forma tribuit subiecto, cui vnitur, omnem suum effectum formalem; sed si Verbum assumpsisset naturam irrationalem, vel rationalem in puris naturalibus, illam non sanctificasset; ergo vnio non habet formaliter sanctificare. 5. Illud solum sanctificat, quod tribuit ius ad gloriam; sed vnio hypostatica non est huiusmodi; quia Deus de sua potentia absoluta potest humanitati vniri denegare gloriam; ergo idem.

Resp. ad 1. neg. ma. Ad prob. insert. dicitur, quod gratia habitualis habet etiam effectum naturalem principium actionum vitalium suarum. *Mag. Frederic. Nic. Gauardi Tom. 5.*

pernaturalium, vt *infi*; & propter hunc effectum, & ad hoc, vt Christus sit plenus gratiæ, vt ait *1o*; est necessaria. Porro effectus gratiæ habitualis est constituere filium Dei adoptiuum; & tamen quia in Christo inuenit eum Filium Dei naturalem, non constituit adoptiuum; ita à pari gratia habitualis habet præstare omnes supra dictos effectus; quia tamen illos inuenit iam positos per gratiam vnionis; ideo illos de nouo non ponit; requiritur enim ad hoc, vt aliqua causa præstet suos effectus formales, quod subiectum sit in potentia passiva ad illos recipiendos; quod autem actui illos habet, non est in potentia ad illos, vt constat. Hinc si detur ferum calidum, quantum calefieri potest, si ei admoveatur nouus ignis, non caufabit calorem in illo, quia non est in potentia passiva ad nouum calorem; hinc est, quod si subiectum nullo modo sit in potentia ad aliquem effectum, nullo modo talem effectum præstabit forma, quæ aliunde in subiecto capaci potest talem effectum præstare; manifestum enim est, quod ad hoc, vt aliqua causa causet, requiritur nedum virtus in causa, sed etiam potentialitas passiva in subiecto ad recipiendum effectum ab illa causa causatum. Ad 2. dist. mi. Sanctificatio accidentalis, conc; substantialis, neg. Ad 3. dist. ma. Quod constituit animam Christi sanctam, substantialiter radicaliter, nequit illam constituere sanctam accidentaliter formaliter, conc; sanctam substantialiter formaliter, neg; v.g. rationalitas, quæ constituit esse intellectuum, radicaliter, constituit formaliter esse intellectuum substantiale, non tamen constituit formaliter esse intellectuum accidentale, quod constituitur per intellectum, qui est accidens superadditum substantiæ rationali, quæ est radix intellectualitatis accidentalis. Sic assumptio naturæ humanæ ad personam Verbi constituit eandem naturam sanctam formaliter substantialiter; quæ sanctitas substantialis est radix sanctitatis accidentalis, quæ habetur per gratiam habitualement; ex quo apparet æquiuocatio. Ad 4. iam dictum est; quod si Verbum assumpsisset naturam creatam sistendo in ordine naturali, non eleuasset ipsam ad ordinem Diuinum, ideo illam non sanctificasset; sola enim assumptio ad ordinem Diuinum sanctificat. Vel dist. ma. Forma tribuit subiecto effectum, ad quem subiectum est in potentia passiva, conc; secus, neg. In ordine autem naturali nulla creatura est in potentia passiva naturali ad sanctitatem, quia sanctitas est in ordine supernaturali. Ad 5. neg. mi; & eius prob; nam iustus Deus non nisi iniuste gloriam denegaret; vt docet *D. P. Aug.*

20 *Infi.* Si Deus non posset denegare gloriam, necessarium eam concederet; sed hoc est falsum; quia Deus ad extra agit liberè; ergo potest illam denegare.

Resp. dist. ma. Necessarium necessitate sup-
C c 2 posi-

positionis, quod eleuet naturam humanam, conc; absolute, neg. Necessitas autem suppositionis non repugnat, sed conuenit Deo; nam supposito, quod velit Deus creare hominem, non potest illum non creare rationalem; quia essentiarum sunt immutabiles.

21 Objc. 2. Sanctificatio est intrinseca creaturæ; ergo habetur à forma intrinseca; sed persona Verbi tantum extrinsecè terminat naturam humanam; ergo illam non sanctificat. 2. Gratia sanctificans ex sua ratione formali reddit naturam gratam, & acceptam Deo in ordine ab bona supernaturalia, quæ sunt visio beata, & amor beatificus, & tribuit ius ad illa; sed vnio hypostatica non est huiusmodi; quia potuit vniri creatura irrationalis, quæ non est capax huiusmodi bonorum; ergo idem. 3. Quoties aliqua forma superior continet eminenter inferiorem, & effectum illius, frustra ponitur forma inferior; quia per formam superiorem habentur omnes effectus formæ inferioris; vt patet de anima rationali, quæ, quia continet animam sensitivam, & vegetatiuam, ideo simul cum illa istæ non ponuntur; sed sanctificatio substantialis est superior, & eminenter continet sanctificationem accidentalem; ergo si illa poneretur in Christo, ista esset frustranea.

Resp. ad 1. dupliciter aliquod dici intrinsecum alteri. 1. Per informationem, & inhaerentiam, quia simul cum altero vnum constituit. 2. Per assumptionem ad vnitatem alterius, quæ excludit omnem informationem, inhaerentiam, & compositionem; quo posito dist. ant. Sanctificatio est intrinseca creaturæ per informationem, si sit sanctificatio accidentalis, conc; si sit substantialis, neg; sanctificatio enim substantialis est tantum intrinseca per assumptionem ad vnitatem personæ Diuinæ; & hoc modo tantum substantia Diuina est intrinseca naturæ humanæ; & sic dist. mi. subsumpta. Persona Verbi extrinsecè terminat, idest intrinsecè non informat, conc; extrinsecè, idest non eleuat immediatè ad vniorem personalem, neg. Ad 2. dist. mi. Vnio hypostatica ad filiationem Dei naturalem, & propriam non reddit naturam gratam, & acceptam, nec tribuit ius ad bona supernaturalia, neg; in hoc enim distinguitur filius proprius ab alieno, quod proprius habet ius ex natura accepta à patre ad bona patris; proprius nanque est ille, qui accipit naturam à Patre; & alienus, qui naturam à Patre non accipit, quia non nascitur ex illo; aliter si filius proprius non acciperet naturam à patre nascendo, sed ab alio haberet, iam non esset proprius, sed alienus; nomine enim filij alieni significatur ille, qui naturam habet ab alio; & sic fatua esset distinctio filij in proprium, & alienum. Vnio hypostatica ad suppositum Diuinum, quatenus gerit vicem suppositi merè naturalis non eleuando naturam creatam ad ordinem Diuinum, non reddit na-

turam gratam &c; conc. Ad 3; quo principaliter nititur *Mastr.* dicitur, quod validissimum argumentum præbet ad oppositum. Dist. igitur ma. Quoties aliqua forma continet aliam eminenter in eodem genere, conc; vt anima rationalis, quæ continet sensitivam, & vegetatiuam in genere substantiæ, præstat effectus animæ sensitivæ, & vegetatiuæ; in diuerso genere, neg; vt eadem anima rationalis, licet præstat effectus animæ sensitivæ, & vegetatiuæ in genere substantiæ; non tamen præstat per se ipsam, aut per suas proprietates effectus accidentales, quos præstat anima vegetatiua, & sensitua; propterea quanuis in homine non dentur animæ sensitivæ, & vegetatiuæ; quia vna, & eadem anima rationalis tribuit esse substantiale potens intelligere, sentire, & vegetare, *vt quid*; attamen præter potentias accidentales operatiuas proprias animæ rationalis ponendæ sunt potentie accidentales propriæ animæ sensitivæ, & vegetatiuæ ad h. c. vt anima rationalis exerceat operationes, & præstat effectus animæ sensitivæ, & vegetatiuæ; vt sunt potentia nutritiua, generatiua, augmentatiua; & sensus interni, & externi; ergo quanuis vnio hypostatica præstat effectum sanctificationis in genere substantiæ; attamen ponenda est in Christo gratia habitualis accidentalis ad hoc, vt sanctè operetur, quod est proprium gratiæ accidentalis; sicut enim anima, quanuis det esse substantiale, attamen per se ipsam non operatur immediatè, sed per suas potentias, vt patet, aliter non deberent poni potentie animæ vegetatiuæ, & sensitivæ, si anima rationalis, quæ eminenter continet illas, posset per se ipsam operari (ex quo etiam euidenter probatur proprietates distinguere realiter ab anima contra *essentiam Scotistas*) ita quanuis vnio hypostatica sanctificet substantialiter, quia tamen natura substantialiter sanctificata nequit per se ipsam immediatè operari; ideo ponenda est gratia habitualis accidentaliter sanctificans ad hoc, vt per illam sanctè operetur. *Sed de hoc in seq. art.*

22 Objc. 3. Æternitas, immensitas, & omnipotentia non reddunt naturam humanam formaliter æternam, immensam, & omnipotentem; ergo neque sanctitas increata ipsam reddit formaliter sanctam.

Resp. neg. conf; nam humanitas habet oppositionem ad illa attributa, quia temporalis, & finita est; & sicuti non potest denominari independentens, & increata eo, quia vnaturæ naturæ Diuinæ, quæ est increata, & independentens; ita nequit denominari æterna &c. ob eandem rationem. At verò non opponitur sanctitati, sicut non opponitur substantiæ; ideo sicut denominatur formaliter subsistens per substantiam Diuinam; ita denominatur sancta per sanctitatem Diuinam.

23 Objc. 4. Natura humana sanctificatur per

per vnionem, sed vnio est aliquid creatum, quia est modus receptus in ipsa natura humana; ergo non sanctificatur per sanctitatem increatam. Prob. ma. 1. ex SS. PP. docentibus humanitatem sanctificatam, & vinctam fuisse per vnionem ad Verbum. 2. Vnio hypostatica est perfectior participatio Diuinæ naturæ, quam gratia habitualis, quia est participatio substantialis. 3. Vnio hypostatica reddit Christi humanitatem adorabilem; ergo illam sanctificat; nihil enim est adorabile, nisi ratione sanctitatis. 4. Reddit naturam humanam obiectum Diuinæ dilectionis.

Resp. dist. ma. Natura humana sanctificatur per vnionem, tanquam per formam sanctificantem, neg; tanquam per modum, quo forma sanctificat, conc; sicut enim paries non dealbatur per vnionem ad albedinem distinctam ab ipsa albedine, sed per ipsam albedinem, ipsa tamen vnio est modus, quo albedo albisat; ita à pari. Ad 1. prob. dicitur SS. PP. intelligendos esse eo modo, quo dictum est. Ad 2. eodem modo dist. Est participatio modalis, siue modus participationis, conc; formalis, siue forma participata, neg. Ad 3. dist. ant. Reddit adorabilem ratione personæ Diuinæ, cui vnitur, conc; aliter, neg; & sic ad 4.

24. Obijc. 5. Personalitas Diuina non importat in suo conceptu formali sanctitatem; ergo non sanctificat formaliter. Prob. ant. 1. Personalitas Diuina non est radix actuum supernaturalium videndi, & amandi Deum, quod requiritur ad rationem sanctitatis; hæc enim radix est essentia Diuina; ergo non sanctificat formaliter. 2. Personalitas Diuina non sanctificat naturam Diuinam; ergo neque humanam. 3. Personalitas Diuina non dicit perfectionem; ergo neque sanctitatem, quæ est excessus perfectionis. 4. Si personalitas Diuina importaret formaliter sanctitatem, darentur tres sanctitates relatiuæ, quæ possent coli triplici adoratione; sed conf. est falsum; ergo & ant. 5. Sequeretur sanctitatem transcendere ad omnia prædicata Diuinæ, adeoque non dari in Deo speciale attributum sanctitatis; sed conf. est falsum; aliter natura humana sanctificaretur etiam ab intellectu Diuino, omnipotentia, & alijs attributis, quia ad omnia illa transenderet sanctitas; ergo falsum est & antecedens.

Resp. neg. ant. Ad 1. prob. dist. ant. Personalitas non est radix, *ut quas* conc; *ut quod*, seu *quæ*; neg; persona enim est principium *quod* omnium actionū. Ad 2. omisso ant; quod posset negari, quia posset dici personalitatem Diuinam sanctificare naturam Diuinam in linea relatiui, quia illi addit perfectionem relatiuam, vt diximus 10. 2. de Trin. vbi; omisso, inquam, ant. neg. conf; & disparitas est; quia personalitas Diuina inuenit naturam Diuinam sanctam, ideo illam non sanctificat; at vnit sibi naturam humanam, non sanctam, ideoque illam sanctificat. Ad 3.

neg. ant; vt diximus 10. 2. vbi; Ad 4. dicitur, quod licet sint tres sanctitates relatiuæ in Diuinis, sicut sunt tres personæ sanctæ; attamen vnica adoratione coli debent; quia ratio adorationis sumitur ex ratione primi principij, quæ quia vnica est, vnica adoratione sunt colenda. Ad 5. dicitur, quod licet vnitas, & bonitas transcendat in Diuinis, attamen non sequitur, quod vnitas, & bonitas absolute sumptæ non sint attributa Diuinæ essentiae; vt diximus 10. 1; ita licet tres sint sanctitates relatiuæ, attamen non sequitur, quod sanctitas absolute sumpta non sit attributum Diuinæ essentiae; cum enim sanctitas sit *excessus bonitatis*, vel *perfectioris*, si bonitas, & perfectio, quæ conuertitur cum bonitate, est attributum, etiam ipsa sanctitas veram attributi habet rationem.

25. Obijc. 6. Humanitas Christi nequit sanctificari per naturam Diuinam; aliter non tantum efficienter, sed etiam formaliter sanctificaretur à tribus personis Diuinis, quibus est communis natura Diuina; ergo neque à personalitate Verbi, cui couenit sanctitas ratione naturæ Diuinæ. Prob. ant. 1. Natura Diuina vnitur humanitati mediante personalitate; sed vnio mediata non sufficit ad sanctificationem; aliter humanitas sanctificaretur etiam à paternitate, & spiratione, quibus mediante natura Diuina vnitur; nam in tantum vnitur mediata naturæ Diuinæ, in quantum personaliter Verbi realiter identificatur cum natura Diuina; sed natura Diuina realiter identificatur cum paternitate, & spiratione passiuæ; ideo illis vnitur humanitas mediante natura Diuina; ergo humanitas non sanctificatur per naturam Diuinam. 2. Humanitas nequit reddi formaliter amabilis à Deo per naturam Diuinam; quia nequit reddi per ipsam formaliter potens amare Deum; ergo idem. 3. Si gratia, vel personalitas Verbi viretur immediate soli corpori, non animæ corpori vnite, non sanctificaret animam; ergo à pari. 4. Si sanctificaretur etiam per naturam Diuinam, duplici sanctificatione substantiali sanctificaretur; sed hoc nequit dici; ergo neque primum.

Resp. dist. ant. Non sanctificatur per naturam Diuinam, vt modificatam relatione filiationis, & ideo vt soli Filio conuenientem, neg; nam tota persona Filij, quæ est concretum ex filiatione, & natura Diuina, assumpsit naturam humanam; atque adeo tota persona Filij humanitatem sanctificauit. Per naturam Diuinam, vt communem tribus personis, conc. Ad 1. prob. dist. ma; Natura Diuina vnitur mediante filiatione constituendo vnum totū *quod* terminans formaliter naturam humanam, conc; non constituendo vnum *quod* terminans, neg; & sic dist. mi; cuius prob. non est ad rem; quia spiratio passiuæ, & paternitas non vniuntur naturæ Diuinæ, vt constituant vnum totum *quod* terminans immediate naturam humanam; aliter tota Trinitas ter-

terminaret. Ad 2. neg. ant; & ad prob. infert. dicitur, quòd ad hoc, vt aliquod sit proximè potens amare Deum, non sufficit, quòd sit proximè amabile à Deo; quia ad hoc, vt sit proximè amabile à Deo, sufficit, quòd sit in ordine Diuino, & ideo purum mundum &c; non autem requiritur in ipso obiecto amabili aliquod principium actuum elicitiuum actionis supernaturalis; quia amabilitas dicit puram passionem, ad quam non requiritur principium actuum, vt constat in naturalibus; homo enim amat cibum, & tamen cibus non habet principium actuum amandi hominem; sed sufficit, quòd sit in ipso principium passiuum, quod est bonitas. At verò ad hoc, vt aliquod constituitur proximè potens amare, requiritur, quòd in illo sit principium actuum elicitiuum amoris; cum autem natura Diuina nequeat esse principium formale actionis creatæ, quia nequit esse accidens, quo mediante natura creata operatur; ideo per se ipsam nequit reddere humanitatem proximè potentem amare Deum; quanuis possit illam reddere amabilem à Deo, quia potest illi communicare suum esse Diuinum, à quo sumitur bonitas formalis; quia *in quantum sumus, boni sumus*; vt docet S. P. Aug. lib. de nat. boni. Ad 3. dist. ant. Si mediante corpore vniretur etiam animæ, neg; nam quanuis gratia habitualis immediate vniretur soli animæ; attamen sanctificat totum hominem. Si nullo modo vniretur, conc; & neg. conf. Ad 4. neg. ma; nam quoties quod constituit vnum principium quod totale, vna tantum est actio ab illo procedens; quanuis illis duobus eadem actio tribuatur secundum aliam, & aliam rationem.

A R T. II.

An in Christo sit gratia habitualis?

OMnes DD. consentiunt gratiam habitualement fuisse in anima Christi concretam; ac propterea fuisse sanctificatum per sanctitatem substantialem, & accidentalem. Ita Fund. Doct. hic dist. 4. p. 3. art. 2. dub. lat; & dist. 13. p. 1. qu. 1. art. 1; vbi docet in Christo esse omnem plenitudinem gratiæ, de qua omnes accepimus; & dist. 14. p. 1. qu. 1. art. 2. S. Primo nanque; & Quodl. 5. q. 4; vbi ait: *Vnde ei dicitur datus spiritus, non ad mensuram, quia quantum potuit anima illa recipere de plenitudine gratiæ, tanta ei fuit gratia infusa.* Noster Argent. dist. 14. qu. 1. art. 1; vbi refert Henr. Quodl. 6. q. 6. contrariè sentientem. Ceteri tamen omnes communiter affirmant; imò Sua; Val; Lorci; & alij volunt esse de fide; quanuis Vasq; Turri; Arrauins; & alij oppositum censent. Solum controuertitur; ad quid fuerit necessaria gratia habitualis? Dur; Scot; & Fab. apud nostrum Gibb. hic disp. 11. dub. 4. n. 1. volunt fuisse etiam de po-

tentia Dei absoluta necessariam ad hoc, vt operari Christi sint meritoria. Vasq. disp. 4. 1. c. 4; & 5. ait nò fuisse necessariam ad plenam Christi sanctificationem. Lorci. disp. 17. putat non fuisse necessariam ad connaturaliter exercendos actus supernaturales. Gibb. (iomi); & alij asserunt ita fuisse necessariam ad eliciendos actus meritorios, vt tamen de potentia absoluta potuerit Christus sine illa mereri præmium supernaturalē; cuius oppositum docent Dur; & alij vbiq.

2 Vnica concl. In Christo fuit gratia habitualis, vt in ipso esset omnis gratiæ plenitudo, de qua omnes accepimus; & vt connaturaliter eliceret actus supernaturales, quibus nobis meruit vitam æternam.

Prob. 1. pars concl. 1. ex Ioan. 1. *Vidimus gloriam eius, gloriam quasi vnguenti à Patre, plenum gratiæ, & veritatis*; & mox: *Es de plenitudine eius nos omnes accepimus, & gratiam pro gratia.* Ex quo sic. 1. In illo, in quo est plenitudo omnium gratiarum, est gratia habitualis; sed in Christo secundum naturam humanam est plenitudo omnium gratiarum; ergo in ipso est gratia habitualis. Prob. 2a. Capacitas recipiendi gratiam habitualement non repletur, nisi ponatur in ea gratia habitualis; sicut capacitas, quam habet materia, recipiendi formam, non repletur, nisi ponatur forma in materia; & sic de aqua respectu vasis; sed in illo, in quo est plenitudo omnium gratiarum, est capacitas recipiendi gratiam habitualement; quia plenitudo gratiarum non potest competere, nisi naturæ intellectuali creatæ, quæ sola est capax gratiæ, natura enim Diuina est gratiæ simpliciter incapax; natura autem creata est essentialiter capax gratiæ habitualis, cum sit capax recipiendi qualitatem supernaturalem; ergo illud, in quo est plenitudo omnium gratiarum, est gratia habitualis. Mi. habetur euidenter ex textu. 2. Cum S. P. Aug. in Enchir. c. 36. super hunc textum sic docente: *Vt intelligant homines per eandem gratiam se iustificari à peccatis, per quam factum est, vt homo Christus nullum habere possit peccatum.* Arguitur autem sic. Illud, per quod formaliter iustificamur à peccatis, est gratia habitualis; sed in Christo fuit illud, per quod nos iustificamur à peccatis; aliter nos à Christo illud non accepissimus; nemo enim potest accipere aliquid ab alio, quod in illo non est; ergo in Christo est gratia habitualis.

3 2. Act. 10. habetur de Christo: *Quomodo vnixeris cum Dominus Spiritu Sancto, & virtute; & ps. 44. Diffusa est gratia in labijs tuis, propterea vnxit te Deus pra consoribus tuis; sed nomen gratiæ, & vnctionis Spiritus Sancti intelligunt SS. PP. gratiam habitualement, quæ diffunditur in cordibus nostris per Spiritum Sanctum; vt habet S. P. Aug. lib. 15. de Trin. c. 26. hunc eundem textum exponens: Propter hoc & Dominus Iesus Spiritum Sanctum non solum dedit, vt Deus, sed etiam accepit, vt homo, propterea dictus est plenus gratia.* Et

Es manifestum de illo scriptum est in Act. Apostolorum: Quoniam unxit eum Deus Spiritu Sancto. Non utique oleo visibili, sed dono gratiae, quod visibili significatur unguento, quo baptizatos unxit Ecclesia. Ex quo sic. 1. In baptismo confertur gratia habitualis; sed in Christo, vt homo, est gratia, quæ confertur in baptismo; ergo in Christo est gratia habitualis. Ma. est certa; nam per baptismum iustificamur à peccatis, cruihur à potestate Diaboli, & effimur Dei filij, & hæredes; qui sunt effectus gratiæ habitualis. Mi. traditur expresse à S. P. Aug. nam per vnctionem, qua Christus, vt homo, vnctus est à Spiritu Sancto, significatur gratia, qua nos vngimur in baptismo, & sanctificamur; hæc autem est gratia habitualis, vt dictum est. 2. Nomine vnctionis, qua Christus, vt homo, vnctus fuit à Spiritu Sancto, nequit significari sanctitas increata, qua per vnctionem hypostatice fuit substantialiter vnctus; ergo significatur sanctitas accidentaliter creata, quæ est formaliter gratia habitualis; sanctitas enim adæquatè diuiditur in substantialem, & accidentalem; & ideo à negatione vnius optimè inferitur alterius affirmatio. Prob. ant. Christus, vt homo, vnctus est substantialiter formaliter à persona Diuina, ad quam natura humana fuit assumpta; quanuis enim efficienter sanctificetur à tota Trinitate, à qua incarnatio effecta est, & attribuat Spiritui Sancto, cui sanctitas appropriatur; attamen formaliter substantialiter sanctificatur ab ea solum persona, à qua terminatur formaliter; vt diximus in *Sup. art.* sed persona, ad quam natura humana fuit assumpta, non est Spiritus Sanctus, quia Spiritus Sanctus non est incarnatus; ergo nomine *vnctionis*, qua Christus, vt homo, vnctus est à Spiritu Sancto, nequit significari sanctitas substantialis increata, sed creata.

4. 3. Ratione. Quoties aliqua natura est sanctificabilis per sanctitatem increatam, & creatam, ad hoc, vt sit plena omnis sanctitatis, & gratiæ, debet esse in illa nedum sanctitas increata, sed etiam habitualis creata; sicut enim si ei deficeret sanctitas increata, non esset simpliciter sancta secundum omnem modum; quo potest habere sanctitatem; & sic non esset simpliciter plena omnis sanctitatis, quam posset habere; ita si ei deficeret sanctitas creata, non esset simpliciter sancta secundum omnem modum possibilem, & ideo non esset simpliciter plena omnis sanctitatis, & gratiæ possibilis communicari naturæ creata. Hinc S. P. Aug. in *Enchir. 2. lib.* docet, quod Angelus annuncians B. Virgini incarnationem vocauit eam *gratia plenam*; quia B. Virgo habuit omnem gratiam, quæ potuit competere puræ creaturæ; nam puræ creaturæ præter gratiam habitualem; & omnia alia dona creata potest competere esse Matrem Dei, quam gratiam habuit B. Virgo; & quam si non habuisset, non potuisset vocari *gratia plena*; quia in ea

nōn fuisset omnis gratia, quæ potest competere puræ creaturæ; sed natura humana Christi Domini est sanctificabilis per sanctitatem increatam, & creatam; quia est sanctificabilis per assumptionem ad vnitatem personæ Diuinæ, quæ est substantialiter sancta, vt diximus in *Sup. art.* & ideo est sanctificabilis ex eo, quod existat, & subsistat per existentiam, subsistentiam, & personalitatem Diuinam; & est sanctificabilis per formalem participationem creatam ipsius naturæ Diuinæ formaliter immediate, quæ participatio fit per gratiam habitualement; constat enim naturam creatam nedum esse capacem existendi per esse personale Diuinum immediate; sed etiam esse capacem, vt eleuetur accidentaliter, consecratur, & sanctificetur per naturam Diuinam, vt accidentaliter participatam; ergo in Christo debet concedi gratia habitualis, vt in ipso sit plenitudo omnium gratiarum; de qua solum accipere possumus; certum enim est, quod ab ipso non habemus sanctitatem increatam formaliter in nobis ipsis, quia per ipsum non vnimur hypostatice Deo; & ideo solum de gratia habituali accipimus.

5. Prob. 2. pars concl. ex S. P. Aug. in *Enchir. cap. 39.* super illud: *Quod enim in ea natum est, de Spiritu Sancto est*; docente: *Ac sic in natura humana susceptione fieret quodammodo ipsa gratia illi homini naturalis; quæ nullum peccatum possit admiscere. Quæ gratia propterea per Spiritum Sanctum fuerat significanda, quia ipse propriè sic est Deus, ut dicatur etiam Dei donum.* Ex quo sic arguitur. Ad hoc, vt aliquis connaturaliter eliciat aliquos actus, debet habere in se ipso principium formale elicitiuum illorum actuum per modum naturæ; ab hac enim elicientia illorum denominatur connaturalis; sed sola gratia habitualis est principium formale elicitiuum actuum supernaturalium per modum naturæ; quia sola gratia habitualis subiectatur immediate in essentia animæ, quæ formaliter constituit naturam hominis; & est principium quo radicale, & remotum, quo homo operatur mediante habitibus supernaturalibus, qui subiectantur in potentijs animæ, scilicet mediante habitu fidei in intellectu recepto, habitu charitatis in voluntate &c; vnde sicut natura substantialis hominis est principium quo radicale, & remotum omnium operationum, quæ fiunt ab homine in ordine naturali mediante habitibus potentijs naturalibus, scilicet intellectu, voluntate &c; ipsæ autem potentie non habent rationem naturæ, sed proprietatem adiacentium naturæ, quibus mediante natura operatur; ita gratia habitualis est principium quo radicale remotum omnium operationum supernaturalium, quæ fiunt ab homine in ordine supernaturali mediante habitibus supernaturalibus, scilicet habitu fidei, charitatis &c; ipsi autem habitus non habent rationem naturæ, sed proprietatem aduen-

nientium gratiæ habituali, quibus mediantibus gratia habitualis operatur; ergo gratia habitualis fuit in Christo ad hoc, vt eliceret connaturaliter actus supernaturales.

6 Conf. Actus supernaturalis nequit dici connaturaliter elicitus ex eo, quod eliciatur mediante habitu, vel mediante aliquo auxilio transeunte; nam habitus, & auxilium se habent immediate ad actum; natura verò tantum medietate, & radicaliter; tum quia habitus, & auxilium sunt principium determinatum talium actuum, v.g. habitus charitatis actuum amoris tantum, non fidei, & aliorum; natura autem est principium generale, & commune omnium actuum, quia natura hominis mediante intellectu intelligit, mediante voluntate amat, mediante oculo videt &c; quod nequit dici de aliquo habitu, aut auxilio transeunte; ergo ad hoc, vt aliquis actus supernaturalis connaturaliter eliciatur, debet esse in illo gratia habitualis.

7 Præterea gratia vnionis non præstat effectum, nisi quod præstat supposititalitas; sed supposititalitas dat esse, & subsistere tantum, non autem dat posse formale operari, seu non constituit rationem formalem operandi; ratio enim operandi est natura; supposititalitas autem licet ponat naturam sub esse existentia; attamen non constituit formaliter naturam; & ideo non constituit rationem formalem operandi, quæ est idem, ac natura, quæ definitur *principium operandi*; ergo ad hoc, vt Christus supernaturaliter connaturaliter operetur, præter gratiam vnionis admittenda est in ipso gratia habitualis, quæ eleuat naturam, & est principium radicale operandi supernaturaliter.

8 Prob. 3. pars concl. Quauis actus supernaturalis imperfectus possit dari sine habitu, & per consequens sine gratia habituali, quæ se habet per modum naturæ in ordine supernaturali, seu per modum formæ supernaturalis, cuius proprietates sunt habitus supernaturales; attamen sine habitu nequit dari actus supernaturalis perfectus, qui solus est meritorius vitæ æternæ; actus enim imperfectus est solum dispositiuus, non autem meritorius, vt communiter traditur; v.g. licet possit dari actus fidei imperfectus dispositiuus ad habitum fidei, vt in cathecumeno, sine habitu fidei, qui infunditur in baptismo; attamen nequit dari actus fidei perfectus, & meritorius sine habitu fidei; aliter habitus fidei non esset necessarius simpliciter ad actum perfectum; ergo ad hoc, vt actus supernaturales Christi Domini sint nobis meritorij vitæ æternæ, debet in illo esse gratia habitualis; illud enim est necessarium, sine quo finis intentus haberi non potest.

9 2. Principium formale alicuius actionis debet correspondere termino formali, eique adæquari; nam principium formale specificatur

à suo termino, seu obiecto formali, quod est terminus, ad quem tendit eius actio; inter specificatum autem, & specificatum debet dari adæquatio, vt notum est; sed vitæ æternæ nobis acquirendæ per actus supernaturales meritorios Christi Domini, quæ est terminus illorum, non correspondet, nisi gratia habitualis, quæ ei solummodo æquatur; ergo ad actus meritorios Christi Domini necessaria est gratia habitualis. Prob. mi. 1. Vita æterna est terminus generaliter omnium actuum supernaturalium, quia in illam omnes diriguntur; ergo principium formale ei correspondens, & cam adæquans debet esse principium formale generaliter omnium actuum supernaturalium; atqui hoc principium est sola gratia habitualis; nam quilibet habitus supernaturalis est determinatus tantum ad aliquos actus speciei, vt diximus; ergo sola gratia habitualis correspondet termino actus meritorij. 2. Terminus actus meritorij est Diuina natura à nobis participabilis per operationem intellectualem; ergo principium formale correspondens termino formali debet esse participatio Diuinæ naturæ per modum principij actiui, & operatiui, quo possumus eandem naturam Diuinam consequi in esse obiectiuo; atqui hæc participatio est gratia habitualis, quæ definitur 2. Pet. 1. *Quæ efficiuntur consortes Diuinæ naturæ*; & psal. 22. *Veni te oleo latitiae præ participibus tuis*; ergo idem. Vid. rom. 4. de Grat. quæst. 3. artic. 2; & quæst. 4. artic. 3; & quæst. 5. artic. 2.

10 An autem gratia habitualis sit necessaria etiam de potentia absoluta ad eliciendos actus meritorios vitæ æternæ; videtur conformius nostræ doctrinæ, & Thomistarum asserentium non posse dari effectum formalem sine causa, seu sine principio formali, vt actum visionis sine lumine gloriæ; vt diximus 10. 1. de Inuisib. q. 2. art. 2; & 3. Neque officit, quod gratia habitualis sit principium formale tantum radicale, & remotum; non officit, inquam; etenim natura hominis est tantum principium radicale intellectiōis, & potentia intellectiua est principium proximum; sed implicat dari intellectiōnem humanam nedom sine principio formali proximo, quod est intellectus, sed etiam sine natura humana, quæ est principium radicale remotum; intellectiō enim principalis attribuitur naturæ, quæ intelligit per intellectum; quàm intellectui, quo natura intelligit; quia actiō principalis dependet à causa principali, quàm à minus principali, seu instrumentali, quæ mediante causa principalis agit; & ideo ab illa essentialius dependet; ergo si Deus nequit supplere defectum causæ formalis proximæ, à fortiori non potest supplere defectum causæ radicalis, quæ est magis principalis, & principalis ad actionem concurrat. Tum quia potentia visua est causa radicalis visionis, causa enim

enim proxima est lumen; sed magis apertè implicari posse dari visionem sine potentia visuâ, quam sine lumine; ergo à pari.

11 Nec obstat, quod opponit *Gonet*; scilicet naturam humanam esse gratam Deo per gratiâ vnionis; & ideo illius operationis posse esse etiâ meritorias sine gratia habituali. Non obstat, inquam. 1. Quia hoc probat etiam de facto non esse necessariam gratiam habitualement; nam si ad hoc, vt eliciantur actus meritorij, sufficeret naturam esse gratam Deo; sequeretur, quòd de facto esset superflua gratia habitualis, de facto enim natura humana est grata Deo per gratiam vnionis; quod contradicit *ipso Gonet*. 2. Quia gratia habitualis nedum requiritur, vt constituat naturam gratam Deo; sed etiam vt constituat principium formale radicale operandi; si cur enim in naturalibus nedum est necessaria potentia proximè operatiua, vt v. g. potentia visuâ, sed etiam requiritur principium radicale, quod est natura: ita in supernaturalibus nedum est necessarius ad actum supernaturalem meritorij habitus supernaturalis proximè operatiuus, v. g. habitus charitatis; sed etiam est necessarium principium radicale, quod se habet per modum naturæ supernaturalis, vt dictum est; ergo quanuis natura humana esset Deo grata per gratiam vnionis in esse rei subsistentis, non tamen esset perfectè constituta in esse principij formalis radicalis; & ideo sine gratia habituali non posset elicere actum meritorium. Nec tandem sufficeret auxilium transiens loco gratiæ habitualis; constat enim hoc non sufficere in pura creatura, quæ sine gratia habituali per solum auxilium transiens nequit elicere actum meritorium vitæ æternæ, sed tantum dispositiuium, vt omnes concedunt; ideo auxilium transiens ex sua natura non habet elicere actum meritorium, aliter in nobis etiam illum eliceret; ergo gratia vnionis est gratia habitualis, quæ ex sua natura habet virtutem eliciendi actum meritorium. Nec hanc virtutem haberet auxilium transiens ex eo, quòd coniungeretur cum gratia vnionis; nam gratia vnionis non habet hanc efficientiam, vt dictum est; propterea præter gratiam vnionis ponitur gratia habitualis; ergo gratia vnionis nequit communicare hanc efficientiam auxilio transeunti, quia *nemo dat, quod non habet*. Ex quo apparet inconformitas doctrinæ horum Recentium.

12 Objic. 1. cont. 1. rationem. Ex eo, quòd aliquis dicatur plenus gratia, non deducitur, quòd habeat omnem gratiam possibilem communicari creaturæ; ergo illa ratio non concludit. Prob. ant. *1o*. 1. B. Virgo vocata est ab Angelo *gratia plena*; & *Luc. 1.* dicitur: *Repleta est Spiritu Sancto Elisabeth*; & de Ioanne: *Spiritus S. replebitur ex utero matris suæ*; & de Apostolis *Act. 6.* *Sancte frater, Dominus misit me ad te, vt videas, & implearis Spiritu Sancto*; sed ex hoc non deducitur. *Mag. Frideric. Nic. Ganardi Tom. 5.*

ciatur B. Virginem, Ioannem, & alias habuisse omnem gratiam; quia non habuerunt gratiam vnionis; ergo neq; deducitur Christum habuisse gratiam habitualement, sed solum gratiam vnionis; qua fuit repleta natura humana; sicut deducitur B. Virginem, & alios habuisse solum gratiam habitualement, & alias gratias cum illa connexas, & ab illa dimanantes, vel illam concomitantes.

Resp. Fund. Doct. hic dist. 13. quaest. 1. art. 1; quòd licet aliqui loquentes de plenitudine gratiæ, quam habuit B. Virgo, asserant ipsam habuisse plenitudinem gratiæ, quia habuit gratiam maternitatis, qua maior dari nequit; & quia in primo instanti recepit plenitudinem gratiæ; explicant tamen insufficienter talem plenitudinem; *voluit enim* (inquit *Fund. Doct.*) *Angelus eam commendare non solum, quòd quantum ad modum, & tempus receptionis gratiæ ceteros Sanctos superauit; sed etiam quòd ipsam plenitudinem gratiæ abundantius recepisset sine mensura, vniversalis, & omnino stabilis, quantum ad animam, & quantum ad corpus.* Igitur distinguendum est de plenitudine; nam alia est plenitudo sufficientiæ, qua aliquis dicitur plenus tanta gratia, quanta sufficit ad salutem; & hac pleni sunt Sancti. Alia est plenitudo redundantis in alios; qua aliqui nedum sunt pleni gratia in se ipsis, qua possunt saluari, sed etiam quam ex officio possunt in alios inducere, vt sunt Ecclesiæ Prælati; & hac fuerunt pleni Ioannes, Stephanus, Apostoli, Paulus, & alij. Alia est plenitudo excellentiæ, qua aliquis ita plenus est, vt nedum possit saluari, & alios ad salutem inducere; sed tãtam habet gratiam, vt non sit capax maiorem recipere; nec vlla alia creatura maiorem habeat, vel possit habere; & hac plenitudo fuit plena B. Virgo, quæ excellit plenitudinem omnium aliorum. Sanctorum nedum loquendo de gratia maternitatis, quæ nulli alteri competit creaturæ; & de collatione in primo instanti suæ conceptionis, sed etiam de quacunque alia gratia, quæ in B. Virgine fuit in summo gradu perfectionis, & intensiõis, vt nulla maior intensiue, & extensiue sit in alia pura creatura. Alia est plenitudo causalitatis, & affluentis, qua quis excellit omnes, & in omnibus causat gratiam; & illam in omnes transfert, tanquam in membra; & hæc plenitudo est propria Christi Domini; & ex hac rectè infertur in Christo esse gratiam habitualement, aliter non posset eam in homines transferre, si eam in se ipso non haberet. Dist. ergo ant. Ex eo, quòd aliquis sit plenus gratia simpliciter in omni genere, scilicet substantialiter, & accidentaliter causatiue, & affluentè, non deducitur habere omnem gratiam; neg. secundum quid, sufficienter, redundanter, & excellentè, concipitur plenitudo autem Christi fuit simpliciter primo modo; ac plenitudo creaturarum fuit tantum secundo modo; ideo prob. non concludit.

D d

13 Objic.

13 Obijc. 2. Si gratia habitualis esset in Christo, Christus esset Filius Dei adoptiuus, nam adoptio est effectus formalis gratiæ habitualis; nequit autem forma esse in subiecto, & ei non communicare suum effectum formalem; tum quia sicut repugnat generationi naturalis sine filiatione naturali, ita repugnat regenerationi spiritalis, quæ habetur per gratiam habitualem sine filiatione adoptiua; sed consequens est falsum, vt statutum est *cont. Elipandum*; ergo & ant. 2. Non minus repugnat idem subiectum esse sanctum per essentiam, & per participationem, quam esse filium naturalem, & adoptiuum; ergo idem.

Resp. ad 1. *cum Fund. Doct. dist. 4. par. 3. quæst. 1. art. 3. dub. lat. ad 1.* neg. ma; quia denominationi sumi debet ab eo, quod est simpliciter; non ab eo, quod est secundum quid; filius autem naturalis est simpliciter filius, adoptiuus verò tantum secundum quid; ideo quia in Christo est filiationis naturalis, debet denominari filius naturalis, non adoptiuus. Vel, vt diximus *in sup. art.* neg. ma; nam gratia habitualis inuenit subiectum habens filiationem naturalem, & ideo nequit illi conferre filiationem adoptiuam, quæ pugnat cum filiatione naturali eo, quia filiationis adoptiua dicit suppositum extraneum, naturalis verò suppositum intraneum; implicat autem, quod idem suppositum sit extraneum, & non extraneum etiam secundum diuerfas naturas, maxime si per vnā illarum non constituitur in ratione suppositi, sed illam assumit ad sui vnitatem, vt in casu. Ad aliud dist. ma. Sine filiatione adoptiua, dummodò non inueniat in subiecto filiationem naturalem, conc; si illam inueniat in subiecto, neg; est enim cum illa incompossibilis. Ad 2. neg. ant; nam sanctitas conuenit naturæ secundum se, & ideo cum in eodem supposito sit duplex natura, quarum vnæ conuenit sanctitas per essentiam, & alteri per participationem, ideo idem suppositum potest esse simul sanctum per essentiam, & per participationem. At verò filiationis conuenit supposito ratione naturæ, & dicitur de supposito, non de natura; non enim natura, sed suppositum dicitur filius; & ideo cum supposito Diuino repugnet adoptari, quia ei repugnat esse extraneum; ideo ei repugnat filiationis adoptiua.

14 Inst. Implicat formam recipi in subiecto, & non causare suum effectum formalem; sed adoptare ad hereditatem Dei est effectus formalis gratiæ habitualis; ergo implicat gratiam habitualem esse in Christo sine filiatione adoptiua.

Resp. *communiter* dist. ma. Effectum formalem primum, conc; sed neg. mi; nam effectus formalis primarius gratiæ habitualis est sanctificare accidentaliter, & constituere naturam humanam potentem exercere connaturaliter actus supernaturales, & hos effectus præstat in Christo. Effectum secundarium, neg. Præterea di-

citur, quod sicuti actio generatiua habet superaddere generanti relationem paternitatis; si tamen inueniat in generante paternitatem, cum iam genuit alium filium, illam non superaddit, sed relationem iam existentem in generante extendit ad nouum terminum; ita gratia habitualis habet superaddere naturæ creatæ filiationem Dei adoptiuam; si tamen inueniat in supposito filiationem Dei naturalem, non superaddit nouam relationem filiationis, sed filiationem naturalem extendit etiā ad naturam humanam ita, vt etiam secundum naturam humanam sit filius Dei naturalis, vt diximus *in sup. q. art. 2.*

15 Replic. Communicatio naturæ Diuinæ in Diuinis formaliter primariò causat filiationem, per quam formaliter constituitur persona Filij; ergo communicatio gratiæ habitualis, quæ est quædam generatio spiritalis, formaliter primariò causat filiationem adoptiuam; adeoque sicut nequit natura Diuina communicari per generationem naturalem, quin constituatur Filius Dei naturalis; ita nequit communicari gratia habitualis, quin constituatur Filius Dei adoptiuus.

Resp. *Gibb.* neg. ant; quia generatio prius intelligitur constituere suppositum, quam respicere terminum. At hoc quanuis valeat de supposito absoluto, non valet tamen de supposito relativo, cum suppositualitas sit idem formaliter, ac filiatio. Melius ergo neg. conf; & disparitas est; quia et si generatio merè relatiua, vt est generatiua Diuina (actus enim generationis est relatio explicata per modum actionis, vt diximus *10. 2. de Trin. cum Fund. Doct.*) habeat primariò constituere relationem filiationis; atramen generatio absoluta, vt est per gratiam habitualem, habet effectum primum absolutum, & tantum secundariò causat relationem; quia sicuti effectus primarius formæ relatiuæ est relatiuus; ita effectus primarius formæ absolutæ est absolutus. Vel neg. conf; sicut enim si generatio Diuina inueniret in Filio filiationem, non causaret in Filio aliam relationem filiationis, vt diximus de paternitate; ita quia gratia habitualis inuenit filiationem naturalem, non causat filiationem adoptiuam respectu Dei, sed tantummodò extendit filiationem naturalem ad Christum etiam secundum naturam humanam.

16 Obijc. 3. Ex eo, quod natura humana sit subsistens per subsistentiam increatam, nequit fieri subsistens per subsistentiam creatam; ergo ex eo, quod sit sancta per sanctitatem increatam, nequit fieri sancta per sanctitatem creatam, quæ habetur per gratiam habitualem. Ant. patet ex dictis *q. 1. art. 7.* Prob. conf. In tantum natura humana supposita per subsistentiam increatam nequit fieri subsistens per subsistentiam creatam; in quantum subsistentia increata continet eminenter omnem subsistentiam creatam, cum sit infini-

infinita simpliciter ; & ideo præstat omnem effectum, quem præstaret substantia creata ; adeoque substantia creata nihil potest efficere ; sed etiam sanctitas increata continet eminenter omnem sanctitatem creatam, quia est simpliciter infinita ; ergo natura humana ex eo, quod sit sancta per sanctitatem increatam, nequit sanctificari per sanctitatem creatam . Solet etiam adduci exemplum de anima rationali, quæ cum virtualiter contineat animam sensitiuam, & vegetatiuam ; ideo simul cum anima rationali nequit poni anima vegetatiua, & sensitiua in eodem homine ; & de Sole, qui cum sit virtualiter calidus, nequit in ipso esse formaliter calor .

Ad hoc arg. quod communius adducitur, iam responsum est in *sup. art. n. 21*. Neg. igitur conf. Ad prob. neg. ma ; nam quauis substantia creata sit finita ; attamen essentia per ipsam suppositata nequit fieri subsistens per aliam subsistentiam creatam, imò neque per subsistentiam Diuinam, vt diximus *q. 1. ubi* ; ubi adduximus rationes, inter quas est illa, quod natura subsistens est simpliciter determinata, & contracta, ideo nequit ulterius contrahi, & determinari . Hoc tamen est intelligendum in eodem genere ; nam in diuerso genere de facto contrahitur ; natura enim humana contracta per personalitatem ad esse substantiale, adhuc contrahitur multipliciter ad esse accidentia per accidentia, vt ad esse calidum per calorem, albu per albedinem &c. Ergo quauis natura humana Christi Domini, vt sanctificata per sanctitatem essentialem, nõ sit amplius substantialiter sanctificabilis ; attamen non sequitur, quod non sit sanctificabilis accidentaliter, seu per gratiam habitualement, quæ est accidens . Sic quauis corpus humanum informatum ab anima rationali non sit amplius informabile ab anima sensitiua, vel vegetatiua ; quia hæc informatio esset substantialis, & ideo in eodem genere ; est tamen perfectibile, & informabile accidentaliter per accidentia propria animæ sensitiuæ, & vegetatiuæ ; vt constat de facto . Ad illud de Sole dicitur, quod sicut Sol quia est virtualiter calidus, nequit in se ipso recipere calorem formaliter ; attamen si vniretur alteri corpori, posset illud corpus recipere calorem formaliter ; ita quia natura Diuina continet eminenter omnem sanctitatem, nequit in ipsa recipi immediate sanctitas formalis creata, quæ tamen potest formaliter recipi in natura humana sibi vnita . Etenim natura Diuina nedum continet omnem sanctitatem, sed etiam omne accidens ordinis naturalis, & supernaturalis ; & tamen ex eo, quod vnatur naturæ humanæ non fit, quod in natura humana non sint formaliter accidentia naturalia, & supernaturalia, vt docet fides ; ergo quauis contineat gratiam habitualement, quæ est accidens supernaturale, ex eo, quod vnatur naturæ humanæ, non sequitur, quod in natura humana non recipitur formaliter

ter gratia habitualis . Ratio igitur, quare natura humana suppositata per subsistentiam Diuinam nequit fieri subsistens per subsistentiam creatam, est, quia substantia creata non est accidens, sed substantia, ideo non contraheretur in diuerso genere, sed in eodem, quod repugnat . At sanctitas creata est accidens, ideo differt genere à sanctitate increata, quæ est substantia ; & per consequens potest contrahere, & informare naturam iam sanctificatam per sanctitatem substantialem . Itaque implicat naturam humanam iam subsistentem per subsistentiam increatam fieri subsistentem per subsistentiam creatam ; quia substantia est prædicatum specificum, quod dicitur solum de substantia ; etenim accidentibus non conuenit subsistere ; implicat autem, quod aliquod iam constitutum in genere substantiæ denuo constituitur ; quia repugnat eundem effectum formalem, qui præstatur à causa formali per exhibitionem sui ipsius, præstari à duplici causa formali, iam enim non esset vnus, & idem effectus formalis, sed duplex, sicut duplex est causa . At verò sanctitas est prædicatum analogum conueniens substantiæ, & accidenti ; ideo subiecto iam habenti sanctitatem substantialem potest aduenire sanctitas accidentalis ; sicut quia entitas est analogica ad substantiam, & accidens ; ideo subiectum iam constitutum per entitatem substantialem, potest constitui per entitatem accidentalem ; quod tamen nequit dici de prædicatis specificis, quæ soli substantiæ conueniunt ; & ideo implicat ea conuenire accidentaliter ; quod tamen contingeret, si duplex prædicatum conueniret ; quia illud quod post aliud conueniret, accideret alteri, vt constat .

17 Obijc. 4. Natura humana Christi non potuit deficere in operando ; ergo non indiguit gratia habituali, quæ ponitur tantum, vt sit principium bonæ operationis . Prob. ant. Natura humana in Christo est instrumentum Deitatis, quia est id, quo persona Diuina operatur ; sed instrumentum nequit deficere, quado principale agens indefectibiliter mouet ; ergo idem . 2. Cui præsens est lux Solis, non eget lumine, candelæ ; ergo cui præsens est sanctitas increata, non eget sanctitate creata .

Resp. ad 1. neg. conf. & ad prob. insert. dicitur, quod licet natura humana non potuisset peccare, ad hoc tamen, vt operaretur supernaturaliter, necessaria fuit gratia habitualis, quæ est principium formale actuum supernaturalium perfectorum . Non potuit ergo deficere, id est non potuit peccare ; nec tamen potuisset perfectè operari sine gratia habituali, quia ex eo, quod non possit peccare, non fit, vt possit perfectè operari, ad quod aliud amplius requiritur, quam ad non posse peccare ; quia plus requiritur ad ponendum effectum, quam ad illum non ponendum . Ad 2. neg. conf. nam lux Solis, & candelæ, & stellarum agit in eodem genere ;

nere, sanctitas autem increata, & creata in diverso genere, ideo non est paritas.

18 Obijc. 5. cont. 2. part. concl. Si gratia habitualis se haberet per modum naturæ, & principij formalis radicalis actuum supernaturalium, sequeretur 1. habitus supernaturales non posse separari à gratia habituali secundum ordinem naturæ; sed hoc est falsum, quia fides, & spes manent in peccatore; ergo & ant. 2. Sequeretur nullum actum supernaturalem posse elici sine gratia; sicut nullus actus naturalis potest elici sine anima, quæ est principium formale radicale actuum naturalium, sed hoc est falsum; quia dantur multi actus supernaturales in Cathecumeno ante baptismum, & in peccatore ante sacramentum poenitentiae; ergo & antec. 3. Habitibus fidei, & spei in peccatore constituunt intellectum, & voluntatem connaturaliter potentes elicere actus fidei, & spei, qui sunt supernaturales; ergo non requiritur gratia habitualis.

Resp. ad 1. neg. seq; nam habitus fidei, & spei, prout separati, sunt informes, & hoc modo non sunt proprietates gratiæ habitualis essentialiter cum illa connexæ; sunt enim proprietates solum, prout formati, & perfecti per charitatem, vt diximus 10.4. de grat. q. 5. ar. 6. n. 7. Ad 2. dist. seq. Nullum actum supernaturalem imperfectum, neg; perfectum, conc. Ad 3. dist. ant. Constituunt potentias connaturaliter potentes per modum principij determinati ad aliquos actus speciei, v. g. ad actus credendi, & sperandi, conc; per modum principij radicalis generaliter concurrentis ad omnes actus supernaturales, qui eliciuntur ab homine, neg; & ideo non constituunt per modum naturæ, quæ formaliter est principium radicale generale omnium actuum.

19 Obijc. 6. Gratia habitualis non est operativa; ergo non requiritur ad eliciendas connaturaliter operationes supernaturales. 2. Ad eliciendos actus supernaturales connaturaliter sufficientes virtutes infusæ residentes in potentijs animæ; nam elicere actus supernaturales connaturaliter est producere ipsos actus cum inclinatione ad eisdem per formam permanentem; de ratione enim naturæ est naturaliter propendere, & inclinari in actus permanentes; qui ab illa procedunt; virtutes autem infusæ inclinant potentias permanentes ad actus supernaturales, quia ipsæ permanent etiam transeuntibus actibus; ergo non requiritur gratia habitualis ad hoc, vt eliciantur actus supernaturales connaturaliter.

Resp. ad 1. dist. ant. Non est operativa, vt quod, & radicaliter, tanquam principium generale, neg; tanquam principium formale proximum, conc. Ad 2. dist. ant. Ad eliciendos actus supernaturales connaturaliter per modum principij radicalis generalis sufficientes virtutes, neg;

istæ enim sunt determinatæ ad actus in specie, vt diximus. Ad eliciendos actus per modum principij determinati, conc. Vel dicitur, quod virtutes separatæ à gratia sunt imperfectæ, & informes, quia non sunt formatæ, & perfectæ charitate, & ideo; nequeunt producere, nisi actum imperfectum, & informem; nos autem loquimur de actibus perfectis, & ad hos dicimus necessariam esse gratiam habitualement.

§. I.

An gratia Christi dicenda sit ei naturalis?

20 DVbium est de vtraque gratia, vnionis scilicet, & habituali: & de hac quæritur; an sit proprietas illius?

21 Noster Gibb. hic disp. 11. dub. 3. n. 17; Gonet hic disp. 12. art. 1. §. 3; & alij Recentes negativè respondent; Imaginantur enim, quod emanatio proprietatum à suis essentijs sit per influxum physicum productuum illarum; vt potest deduci ex ratione, quam afferunt; aiunt namque gratiam habitualement non posse esse immediatè ab vnione; quia hæc est modus, & ideo nequit esse operativa; nec à personalitate Verbi, quia gratia habitualis, cum sit opus ad extra, est à tota Trinitate; tum quia id, à quo proprietas dimanat, debet esse natura, non persona; nec ab humanitate, quia implicat formam supernaturalem esse ab aliqua entitate ordinis naturalis; neque ab humanitate, & personalitate simul; quia proprietas oritur à sola essentia; neque à natura Diuina, quia quod emanat, necessariò, non liberè procedit. Tum quia proprietas emanans procedit à subiecto secundum vltimum potentiam; & sic gratia habitualis non posset intensior à Deo producta. Afferunt ergo, quod licet gratia Christi habitualis non sit proprietas dimanans physice à gratia vnionis, potest tamen dici Christo naturalis, quia titulo connaturalitatis ei debetur eo modo, quo motus circularis dicitur naturalis Cælo, quanuis non dimanet à Cælo; & species dicuntur naturales Angelis, quanuis physice non orientur ab essentijs Angelorum, sed à Deo physice producantur, & infundantur.

22 Nostra sententia docet gratiam vnionis posse dici Christo homini naturalem; & gratiam habitualement esse veram proprietatem à gratia vnionis physice dimanantem. Ita Fund. Doct. Aegid. in 3. dist. q. p. 3. q. 1. art. 2; Argent. dist. 13. q. 1. art. 4. Idem docet D. Tho. 3. p. q. 2. art. 12; & alij.

23 Vnica concl. Quanuis gratia vnionis in se sit maxima, & summa gratia naturæ humanæ collata; attamen Christo homini dici potest quodammodo naturalis; & gratia habitualis est vera proprietas physica gratiæ vnionis.

Prob.

Prob. 1. pars conc. *Inc. 1. Quod enim in ea natum est, de Spiritu Sancto est; super quod S. P. Aug. in Enchir. c. 40. inquit: Perfecto modus ille, quo natus est Christus de Spiritu Sancto, non sicut filius, & de Maria Virgine, sicut filius, insinuat nobis gratiam Dei, qua homo nullis precedentibus meritis in ipso exordia naturæ, quo esse cepit, Verbo Dei copularetur in tantam personæ unitatem, ut idem ipse esset Filius Dei, qui filius hominis; & filius hominis, qui Filius Dei; ac sic in natura humana susceptione feret quodammodo ipsa gratia homini naturalis, quæ nullum peccatum posset admittere. Ex quo sic. Quotiescunque ad aliquod opus concurrat Spiritus Sanctus, & natura, tunc illud opus potest denominari gratuitum simul, & naturale; quia sicuti à gratia, quæ attribuitur Spiritui Sancto concurrenti, denominatur gratuitum; ita à natura concurrente potest denominari naturale; sed ad vnionem hypostaticam concurrat Spiritus Sanctus supplet munus Viri; & concurrat natura, quia concurrat B. Virgo naturaliter subministrando naturam humanam explens munus femine; ergo vnio hypostatica potest simul denominari gratuita, & naturalis.*

24 Conf. ex Fund. Doct. Quauis gratia vnionis sit maxima, & summa gratia facta naturæ humanæ; quia nullis precedentibus meritis natura humana est misericorditer eleuata ad vnitatem personæ Diuinæ, quo altius eleuari non potuit, vt inquit S. P. Aug. de præd. SS. c. 15; attamen respectu Christi hominis, prout dicit complexum ex personalitate Diuina, & natura humana, gratia vnionis est illi naturalis septem modis. 1. Quia vt docet etiam S. Thos; per gratiam vnionis Christus constituitur Filius Dei naturalis, cui nihil potest supernaturaliter, & gratuito competere; nam in incarnatione gratia facta est naturæ humanæ, non Filio Dei. 2. Quia per gratiam vnionis Christus factus est filius naturalis B. Virginis; illud autem, per quod fit, vt aliquod sit alicui naturale, dicitur ei naturale, vt dictum est. 3. Quia per gratiam vnionis factus est homo naturalis; habuit enim naturam humanam eiusdem speciei cum alijs hominibus, & ideo ordinis naturalis. 4. Quia gratia vnionis fecit naturam humanam existeret, & sustentari in supposito, non in se ipsa; existeret autem, & sustentari, non in se ipsa, sed in supposito est naturale cuiusque naturæ creatæ, quæ in hoc differt à natura Diuina, quæ non acquirit esse in suppositis, sicut acquirit natura creatæ; quod autem existat, non in supposito proprio, sed Diuino gerente munus proprii suppositi, summa gratia est. 5. Quia per gratiam vnionis suppositum Verbi Diuini suppleuit munus suppositi creati; supplere autem munus suppositi creati est naturale supposito Diuino. 6. Quia per gratiam vnionis factum est, quod Christus, vt homo, non possit peccare, & efficere opera vitiosa, sed tantum virtuosa, quæ sunt secundum natu-

ram; sicut vitiosa sunt præter, aut contra naturam. 7. Quia illud dicitur naturale, quod competit rei in primo instanti suæ natiuitatis; gratia autem vnionis competit Christo, vt homini, in primo instanti suæ natiuitatis in vero; nam, vt ait S. P. Aug. in Enchir. c. 36; *Ex quo esse cepit, non aliud cepit esse, quam Dei Filius;* ergo quauis gratia vnionis sit maxima, & summa gratia collata humanæ naturæ; attamen Christo homini dici potest quodammodo naturalis. Tum quia sicut quauis gratia habitualis collata homini puro est ei mera gratia; attamen complexo ex gratia, & persona hominis puri naturalis gratia dici potest; quia illud complexum essentialiter importat aliquod supernaturale, cui naturalis est gratia, quia illam essentialiter exigit; ita à pari.

25 Prob. 2. pars concl. ex ps. 44. *Speciosus forma præ filiis hominum; diffusa est gratia in labijs tuis;* quem psalmum loqui de Christo Domino communiter testantur Interpretes, & SS. PP; ac DD. Christus ergo dicitur præ alijs hominibus *Speciosus forma;* id est natura, quia ratio naturæ principaliter competit formæ, quæ habet formaliter constituere naturam, vt constat. Dicitur autem præ alijs hominibus Christus Dominus *speciosus natura;* quia sola natura humana Christi eleuata est ad vnitatem personæ Diuinæ; à qua summam accepit speciositatem puritatis, vt non possit peccare; arque adeo istis verbis clarè designatur gratia vnionis, vt habet S. P. Aug. in hunc psal; per quam natura humana redimitur formaliter præ alijs naturis aliorum hominum speciosa. Ex hac autem gratia vnionis diffunditur gratia habitualis in labijs Christi, quæ sunt organa ad operandum, quia inseruiunt locutioni, quæ est operatio; gratia autem, quæ est principium formale operatiuum, est habitualis, vt superius diximus. Ex quibus arguitur. 1. Illud, quod diffunditur ex aliquo, est vera proprietas physica illius; nam diffundi ex aliquo, & dimanare ex illo idem est formaliter; illud autem, quod vere dimanat, est vera proprietas, vt fatentur *Adversarij;* sed gratia habitualis diffusa est ex gratia vnionis; vt habetur in psal; ergo gratia habitualis est vera proprietas physica gratiæ vnionis.

26 Conf. reiiciendo fundamentum *Adversariorum.* Ad rationem veræ proprietatis physice non requiritur, quod physicè producat per actionem, & influxum physicum ab essentia cuius est proprietas; aliter nulla daretur vera proprietas substantiæ, quæ nullam potest immediatè habere actionem, per quam physicè producat suas proprietates; substantia enim non est immediatè operatiua, vt nobiscum fatentur *Adversarij cum D. Thos;* sed sufficit, quod connectatur cum essentia, tanquam aliquod ei naturaliter debitum per ordinem ad operandum; tunc enim agens principale producat essentiam pro-

producit etiam efficienter proprietates illius, quæ dicuntur dimanare, & disfluere ab essentia, quatenus essentia habet illas naturaliter exigere, vt principia formalia suarum operationum, cum essentia naturaliter connexa; sed gratia habitualis connectitur naturaliter cum gratia vnionis, tanquam ei naturaliter debita per ordinem ad operandum in ordine Diuino; quia *ad esse sequitur operari*; & sicut ad esse ordinis naturæ, seu sicut ex eo, quodd natura vniatur esse personali ordinis naturalis, naturali connexione consequitur proprietates naturalis, qua mediante illud complexum ex natura, & esse operatur; ita ex eo, quodd natura humana vniatur esse personali Diuino, naturali connexione consequitur gratia habitualis, tanquam proprietates, quæ est principium formale radicale operatum, vt diximus *in sup. art.* principium enim operatum commensuratur, & proportionatur cum esse, ad quod sequitur, tanquam proprietates; ergo gratia habitualis est vera proprietates physica sequens ad gratiam vnionis.

27 Præterea cum *Fund. Doct.* Gratia vnionis est summa, & maxima omnium vnionum, quibus Deus vnitur creaturis; ergo essentialiter connectitur cum gratia habituali eo modo, quo vera proprietates connectitur cum essentia, cuius est proprietates; & ideo gratia habitualis est vera proprietates physica gratiæ vnionis. Ant. probatum est *q. 5. art. 1. §. 2. Prob. conf.* Quia vnio iusti cum Deo per gloriam est maior vnione per gratiam; & vnio cum Deo per gratiam est maior vnione per essentiam, præsentiam, & potentiam; ideo vnio per gloriam importat inseparabiliter vnionem per gratiam, & vnio per gratiam importat vnionem per essentiam, præsentiam, & potentiam, ergo quia gratia vnionis est maxima omnium aliarum, ideo connectitur inseparabiliter cum omnibus alijs. *Vid. q. 5. vbisf.*

28 Vtcrius illa est vera naturalis proprietates, quæ producitur in eodem instanti, in quo producitur essentia, cuius est proprietates; & ab ipsa nunquam potest separari saltem secundum ordinem, cursumque rerum, quem videmus; quidquid sit de potentia Dei absoluta; vt calor est proprietates ignis, quia producit simul cum igne, nec ignis est separabilis a calore; ita splendor Solis &c; sed gratia habitualis fuit producta in primo instanti conceptionis Christi Domini, nec fuit separabilis ab ipso, quia gratia habitualis nequit tolli ab anima, nisi per peccatum secundum hunc ordinem rerum; Christus autem non potuit peccare, ideo non potuit gratiam amittere; ergo gratia habitualis est vera proprietates physica gratiæ vnionis. Ma. constat; in hoc enim distinguitur accidens proprium ab acccidente communi; quod illud est inseparabile, & dicitur conuertibiliter cum essentia; istud autem separatur, & non dicitur conuertibiliter cum subiecto, cui inhaeret; accidens autem pro-

prium est vera proprietates physica abstractè sumpta. Mi. etiam est certa; & *inf.* ostenditur. Conf. optime inferitur; quia nihil aliud requiritur ad hoc, vt aliquod habeat veram rationem proprietatis.

29 Tandem *Fund. Doct.* adducit quandam rationem communem, quæ sic efformatur. Illud est naturale alicui, quod est effectus proprius alicuius naturæ existentis in illo; vt ridere, & sentire est naturale homini, quia est effectus proprius naturæ rationalis, vt rationalis est; & vt continet virtualiter animam sensitiuam; sed gratia habitualis est effectus proprius Diuinæ naturæ, quæ est in Christo Domino; ab illa nanque solum potest produci; ergo gratia habitualis est naturalis Christo Domino.

30 Obijc. 1. cont. 1. part. concl. Natura, & gratia opponuntur; sed vnum oppositum nequit aliud denominare, quia non dicitur albedo nigra; ergo gratia vnionis nequit denominari naturalis. 2. Naturale oritur ex principijs naturæ, & qua denominatur; sed gratia vnionis nequit oriri ex principijs naturæ humanæ; ergo nequit dici naturalis.

Resp. *Fund. Doct. ad 1. vbisf.* dist. ma. Natura, & gratia opponuntur in se ipsis, conc; quia natura est ex debito principiorum naturalium, gratia verò est indebita; opponuntur quantum ad suos effectus, neg; nam sicuti rei naturali est naturale habere suos effectus naturales; ita gratiæ supernaturali naturale est habere effectus supernaturales; & sic dist. mi. Vnum oppositum nequit denominare aliud in se ipso, conc; in suis effectibus, neg. Sic gratia vnionis quantum ad suos effectus *sup.* recensitos potest dici Christo naturalis. Vel dist. Natura creata, & gratia opponuntur, conc; natura Diuina, vel suppositum naturæ Diuinæ, neg; nam gratia vnionis ita est gratia facta naturæ humanæ, vt sit naturalis supposito Diuino suppositanti naturam humanam. Ad 2. dist. ma. Naturale oritur ex principijs naturæ Diuinæ, vel humanæ, conc; humanæ tantum, neg. Vel dist. mi. Gratia vnionis nequit oriri ex principijs naturæ humanæ, vt terminatæ in Christo à supposito Diuino, neg; vt non terminatæ, conc.

31 Obijc. 2. In naturalibus neque meremur, neque demeremur; sed per gratiam habitualement Christus meruit; ergo gratia habitualis nequit dici ei naturalis. 2. Ideo gratia vnionis dici potest Christo naturalis, quia facit ipsum Filium Dei naturalem; sed gratia habitualis non facit Filium Dei naturalem; aliter omnes iusti habentes gratiam habitualement essent filij Dei naturales, non adoptiui; ergo idem.

Resp. ad 1. dist. ma. In naturalibus, quæ sunt simpliciter ad vnum determinata, conc; quæ non sunt ad vnum determinata, neg; nam arbitrium naturale potest demereri, & tamen est merè naturale. Gratia ergo habitualis, quantumvis

natura-

naturalis gratiæ vnionis, quia tamen mouet potentiam liberam, ideo potest esse principium meriti. Ad 1. dicitur gratiam habitualement non dici naturalem Christo Domino ob eandem rationem, ob quam ei dicitur naturalis gratia vnionis, vt *sup.* diximus; ideo arg. non concludit. Dicitur ergo ad 1. quod licet gratia habitualis non constituat Christum Filium Dei naturalem, aduenit tamen Filio Dei naturali factio homini; propter quod dici potest ei naturalis; quia ei sunt naturalia omnia dona supernaturalia, quorum est capax, vt *inf.*

32 Obijc. 3. *Gonet cum Cabri; & alij* cont. 2. part. concl. 1. In eo, ex quo per simplicem resultantiam dimanat aliqua forma, est assignabile illud, quod est principium formale quo talis dimanationis; v.g. in igne, ex quo dimanat calor, vt octo, forma ignis est principium formale quo talis dimanationis; sed in Christo non est assignabile principium formale quo dimanationis, qua dimanat gratia habitualis; ergo gratia habitualis non est vera proprietas dimanans à gratia vnionis. Probi. mi. Principium formale, quo dimanaret gratia habitualis, non est personalitas Verbi, & humanitas simul; quia esse principium formale quo dimanationis alicuius proprietatis conuenit solum naturæ, ex personalitate autem Verbi, & humanitate non constat vna tertia natura; & ideo constat ex personalitate, & humanitate nequit esse principium formale, quo dimanat gratia habitualis. Nec potest esse humanitas præcisè sumpta; quia implicat formam supernaturalem, vt est gratia habitualis, dimanare ab aliqua re naturali, vt est humanitas. Neque personalitas Verbi præcisè, quia principium formale quo debet vniri subiecto per modum forme; personalitas autem Verbi vnitur naturæ humanæ per modum puri termini, non per modum forme. Nec Diuina natura præcisè; quod enim dimanat ab aliquo per modum proprietatis, necessariò, non liberè dimanat; à natura autem Diuina nihil potest dimanare necessariò, quia omnis eius effectus liberè ab illa produciatur. Addit *noſter Gibb.* Neque ab ipsa vnione, quia cum vnio sit tantum modus, & conditio, nequit esse operatiua; ergo non est assignabile in Christo principium formale, quo dimanat gratia habitualis. 2. *Idem Gonet.* Emanatio proprietatis à subiecto est secundum vltimum potentiam; quia cum sit naturalis, est ad vnum determinata; ergo si gratia habitualis dimanaret à gratia vnionis, non posset augeri in Christo neque de potentia absoluta. 3. Quauis motus Cæli sit debitus Celo, attamen ab ipso non dimanat, quia effectiue produciatur ab Intelligentia motrice; ergo à pari. 4. *Noſter Gibb.* Operari ad extra est commune toti Trinitati, quia conuenit personis Diuinis ratione omnipotentia, quæ est illis communis; sed gratia habitualis non dimanat à tota Trinitate; ergo idem.

Addi potest. Proprietas ab eo dimanat, in quo recipitur; sed gratia habitualis non recipitur in vnione, neque in natura, aut persona Diuina; recipitur enim in anima Christi, à qua nequit dimanare; ergo idem. 5. Licet gratia vnionis necessariò exigat gratiam habitualement; non tamen è contra; ergo idem.

Resp. ad 1. cum *Fund. Doct.* gratiam habitualement efficienter produci à natura Diuina, seu à tribus personis Diuinis; à quibus efficienter etiam est gratia vnionis; formaliter autem emanatiue esse à gratia vnionis quia posita gratia vnionis in natura humana est ratio, cur debeat poni gratia habitualis, & ideo est principium formale, non quidem effectiouis, sed emanationis in sensu à nobis explicato, non in sensu ab *Adversarijs* intento. Neque officit, quod gratia vnionis sit modus; quia principium quo emanationis non est effectiuum, aut operatiuum, vt diximus, sed est tantum ratio, cur debeat poni aliud; quod potest modo competere; quia naturæ Diuinæ secundum se essentialiter non competit filiatio, aliter filiatio competeret Patri, & Spiritui Sancto, quibus competit natura Diuina; sed competit naturæ Diuinæ, vt communicatæ per generationem, communicatæ autem, est modus; qui est ratio, cur naturæ Diuinæ competat filiatio, quæ est proprietas personalis; ita à pari. Ad 2. conc. totum cum *Fund. Doct.* nam vt *inf.* videbimus, gratia nullo modo potest in Christo augeri. Ad 3. neg. cons. & disparitas est; quia motus circularis non connectitur inseparabiliter cum forma Cæli; nam post diem iudicii Cæli quiescent, vt dicitur; & ideo in Cælo non est principium formale emanationis motus circularis, sed tantum principium passiuum naturaliter receptiuum illius amissibiliter; at in Christo gratia habitualis inseparabiliter connectitur cum gratia vnionis; & ideo in ipso est principium formale emanationis gratie habitualis. Ad 4. neg. supp. mi; nam dimanare non est efficienter produci, vt dictum est. Gratia ergo habitualis efficienter produciatur à tota Trinitate, non tamen ab illa dimanat; sicut proprietates cuiuslibet effectus effectiue produciuntur à causa efficiente producente ipsum effectum, quia quod dat esse, dat etiam consequentia ad esse; & ideo quod producit rem in esse, producit etiam proprietates, quæ consequuntur ad esse substantiale; & tamen hoc non obstante dicuntur dimanare non ab ipsa efficiente, sed ab essentia effectus producti. Aliud est ergo produci, & aliud emanare; & ideo gratia habitualis rectè dicitur produci à tota trinitate, & dimanare, non à Trinitate, sed à gratia vnionis. Ad aliud dicitur, quod ma. est vniuersaliter falsa; nam voluntas in homine dimanat ab intellectu; in quo tamen non recipitur; aliud est ergo esse principium formale emanationis; & aliud esse subiectum illius; & hæc duo possunt in eodem

dem coniungi; vt essentia est principium formale, & subiectum; & possunt separari, vt dictum est de intellectu. Dist. igitur ma. Si id, à quo dimanat, habeat rationem principij, & subiecti simul, conc; si tantum principij, non subiecti, neg. Ad 5. dicitur, quòd licet gratia, vt sic, non conuertatur cum gratia vnionis; gratia tamen Christi; vt Christi est, conuertitur.

33 Collig. ex dictis gratiam habitualement, fuisse in anima Christi ab instanti suæ conceptionis; quia gratia habitualis est vera proprietates naturalis sequens ad gratiam vnionis, & ab ipsa inseparabilis; vt dictum est; sed gratia vnionis fuit in primo instanti conceptionis Christi; vt diximus cont. Nestorium, & Eutychemem; ergo & gratia habitualis. An autem tota plenitudo gratiæ fuerit in primo instanti, inf. dicemus.

§. II.

An Sanctitas Christi fuerit infinita; & an possit augeri?

34 Hoc quoque quæsitum procedit tam de gratia vnionis, quàm de gratia habituali; eadem enim ratio dubitandi est de vtraque, quia cum proprietates commensurentur cum eo, cuius est proprietates; & ideo fuit essentia Diuina est infinita, ita infinita sunt attributa, quæ sunt illius quasi proprietates; & sicut essentia creata est finita, ita finitæ sunt proprietates illius; & cum gratia habitualis sit proprietates gratiæ vnionis, ideo idem iudicium de vtraque est ferendum. Difficultas autem de gratiæ augmento procedit tantum de gratia habituali; certum enim est gratiam vnionis non potuisse esse maiorem, quia est in vnitate suppositi; maior autem vnio cum Deo esse nequit, vt constat.

35 Prima sententia vult humanitatē Christi reddi infinitē amabilem, & infinitē sanctam ab infinita sanctitate, & bonitate Verbi Diuini; & consequenter æquē amabilem, & sanctam, intensiue, ac ipsum Verbum, aut naturam Diuinam; non tamen extensiue; ac propterea gratiam vnionis esse intensiue infinitam, non extensiue eo, quòd Verbum habeat plures titulos suæ amabilitatis, & sanctitatis, quàm natura humana Christi. Ita noster Gibb. disp. 11. dub. vlt; apud quem noster Gamboa; Vali; Meras; Vvading; & alij.

36 Secunda vult gratiam habitualement Christi esse physicē, & quantitatiue finitam; moraliter tamen, & in ratione gratiæ esse infinitam. Ita Sna; Aluar; Med; Gonet disp. 13. art. 1; Contens. lib. 9. de Incarn. diff. 4. 52; & alij. Propterea vult gratiam Christi, vt potē quantitatiue finitam, posse de potentia Dei absoluta augeri infinitum sine categorematicē. Ita Auctores citatis

& ex illis, qui negant gratiam esse infinitam, etiam moraliter, noster Gibb. 13. dub. 2; vbi refert noster Greg; & Aragon. 2.2. q. 24. art. 7; Gabr. in 1. disp. 17. q. 8. concl. 3; Bam; Vass; & alios, quos recitulumus 10.4. de Char. q. 1. art. 3.

37 Nostra tandem docet vtrunque gratiam esse absolutē, & simpliciter finitam physicē, & moraliter in esse gradatā; comparatiue tamen, & secundum quid infinitam. Ita Luna. Doct. disp. 13. p. 1. q. 1. art. 2; Argent. ibid. q. 1. art. 3; Gibb. disp. 13. dub. 1; & ex aly. Scot; Vass; Gran; Tanner; Lug; & alij. Gratiam verò habitualement Christi non posse augeri etiam de potentia absoluta. Ita Fund. Doct. disp. 13. p. 2. q. 1. art. 1; & aly. relati 10.4. vbi.

38 Certum est Christum, prout homo in concreto, esse sanctum sanctitate simpliciter infinita, quia homo concretē importat suppositū, vt diximus q. 5. art. 2. §. 2; cum autem suppositū, quo humanitas Christi supponitur, sit Diuinum; & sit sanctum infinitē simpliciter; ideo Christus, vt homo concretē, est sanctus infinitē simpliciter. Certum insuper est sanctitatem, quæ actiue sanctificatur humanitas Christi, esse simpliciter infinitam ob eandem rationem; quia humanitas actiue sanctificatur per sanctitatem Verbi Domini, quæ est simpliciter infinita. Dubium ergo procedit de humanitate Christi abstractæ à supposito, & passiue accepta.

39 Vnica concl. Sanctitas humanitatis Christi Domini tam substantialis, quàm accidentalis est simpliciter, & absolutē finita intensiue nedum physicē in esse qualitatis, sed etiam in esse gratiæ, & moraliter, ac propterea absolutē, & simpliciter non est æquē amabilis, ac Persona Diuina; comparatiue tamen, & secundum quid est infinita; hoc autem non obstante etiam de potentia Dei absoluta nequit augeri.

Prob. 1. pars concl. ex Symb. D. Athan: Aequalis Patri secundum Diuinitatem; minor Patre secundum humanitatem; super quod S. P. Aug. in Enchir. c. 3. inquit: Minor est factus, & mansit equalis; vtrunque vnus, sicut dictum est; sed est aliud propter Verbum, aliud propter hominem; propter enim Verbum equalis Patri; propter hominem minor. Ex quo arguit Fund. Doct. Implicat, quòd aliquod creatum sit simpliciter infinitum; sed gratia vnionis, vt passiue recepta in humanitate, est aliquod creatum; ergo implicat, quòd gratia vnionis sit simpliciter infinita. Mi. probata est q. 5. art. 1. §. 1. Prob. ma. Implicat, quòd aliquod creatum sit æquale Deo, aut prædicato proprio ipsius Dei; sed Deus, & quodlibet eius prædicatum intrinsecum est infinitum simpliciter; ergo implicat, quòd aliquod creatum sit infinitum simpliciter. 2. Implicat aliquam naturam creatam æquari secundum entitatem naturæ Diuinæ etiam per assumptionem, & vnionem ad illam; quia natura creata essentialiter est minor, & inferior natura Diuina; & infinitē distat

distat à Deo in ratione entitatis; ergo implicat naturam humanam Christi æquari Deo secundum sanctitatem, & amabilitatem. Ant. patet. Prob. conf. Non minus distat à Deo natura creata secundum entitatem, quam secundum bonitatem, seu amabilitatem, quæ sumitur à bonitate; entitas enim, & bonitas sunt transcendentia, quæ eodem modo competunt naturæ creatæ; & ad inuicem commensurantur; sed sanctitas sumitur à bonitate, dicit namque excessum bonitatis; ergo implicat naturam humanam Christi æquari Deo secundum sanctitatem, & amabilitatem. Atqui Deus est infinite simpliciter sanctus, & amabilis; ergo humanitas Christi non est intrinsece infinite sancta, & amabilis; aliter in ratione sanctitatis, & amabilitatis daretur æqualitas inter naturam humanam, & Diuinam; quod est directe contra Symb. 3. Solus actus purus est simpliciter sanctus, & infinite amabilis; sed natura humana eleuata per gratiam vnionis non est actus purus; ergo natura humana eleuata per gratiam vnionis non est simpliciter infinite sancta, & infinite amabilis. Prob. ma. Malitia, quæ est essentialiter defectus, sumitur à potentialitate passiva, quæ est radix omnium defectuum; quia importat non esse, quod est defectus defectuum; hinc Phil. ait, quod sicuti perfectio sumitur ab actu; ita malum, & error contingunt in rebus propter potentialitatem; nam si quis non habeat actu scientiam, sed tantum illam possit habere, non dicitur habere perfectionem scientiæ; & si quis haberet actu omnem actum bonum, nunquam posset defectuere à bono; quia ipsa defectientia esset non actus bonus, sed priuatio actus boni; ergo bonitas, quæ opponitur malitiæ, sumitur ab actu; sed solus actus purus est actus infinitus simpliciter, quia est omnis actus; ergo solus actus purus est simpliciter infinite bonus, & per consequens infinite sanctus, & amabilis. Mi. constat; quia si ratio actus puri posset competere naturæ creatæ, non esset ratio, cur ei non posset competere formaliter Deitas, quæ per rationem actus puri constituitur; sed hoc est impossibile simpliciter; ergo & illud. 4. Bonum particulare, quod non est summum, & omne bonum, non est infinite sanctum simpliciter, nec æquè amabile, ac Deus; sed humanitas Christi abstractè sumpta est bonum particulare, quod non est summum bonum, & omne bonum; ergo humanitas Christi non est infinite sancta simpliciter, nec æquè amabilis, ac Deus. Prob. ma. Infinitum simpliciter in aliquo genere essentialiter inuoluit omnes rationes particulares illius, vt infinitum simpliciter in genere entis essentialiter, includit omnes rationes particulares omnium entium; aliter non esset infinitum, quia illa ratio, quam non includeret, posset illi superaddi, quod est contra rationem infiniti, vt dicitur in eis de Mag. Frideric. Nic. Gaurardi Tom. 5.

finitione. sed bonum particulare, quod non est summum bonum, & omne bonum, non inuoluit omnes rationes particulares sanctitatis, quia non inuoluit omnes rationes bonitatis, à quibus sumitur omnis sanctitas; ergo bonum particulare, quod non est summum, & omne bonum, non est infinite sanctum simpliciter, nec æquè amabile, ac Deus. Mi. constat; quauis enim humanitas Christi vnatur personæ Diuinæ, quæ est omne bonum, & summum bonum; & ideo vnatur alicui, quod est infinite sanctum, & æquè amabile, ac Deus; attamen ex tali vnione ipsa non fit omne bonum, sicut non fit omne ens; ergo sicut remanet ens particulare, ita remanet bonum particulare. 5. Retorquetur ratio principalis *Aduersarium*. Quauis ratio formalis sanctificandi, & amandi huminitatem sit ipsa sanctitas increata Verbi Diuini, quæ est infinita, & infinite amabilis simpliciter; attamen humanitas per ipsam non redditur infinite sancta, & infinite amabilis obiectiue; ergo idem. Prob. ant. Quauis Diuina bonitas, quæ est simpliciter infinita, sit ratio formalis communicandi bonitatem creaturis, & illas amandi; attamen creatura, quia sunt obiectum secundarium talis communicationis (obiectum enim primum adæquatum communicationis bonitatis est solus Spiritus Sanctus, cui ex vi suæ processionis communicatur omnis bonitas) & sunt obiectum secundarium amoris Diuini, non sunt infinite bonæ; sed etiam humanitas Christi est obiectum secundarium sanctificationis, & amoris Diuini, quia obiectum primariū est solus Spiritus Sanctus, cui ex vi suæ processionis formalis communicatur omnis bonitas, omnis sanctitas, & omnis amabilitas; aliter aliquod creatum esset obiectum primariū Diuinæ actionis; vel obiectum secundarium æquaretur obiecto primario, & sic non esset secundarium, sed primum; quia ratio formalis obiectiua æquè esset in obiecto secundario, & primario; quod est manifestè falsum; ergo quauis sanctitas increata, quæ est simpliciter infinita, & infinite amabilis, sit ratio sanctificandi, & amandi Christi humanitatem; attamen quia humanitas est obiectum secundarium sanctificationis, & amoris; ideo non est infinite sancta simpliciter, & infinite amabilis. 6. Ad hoc, vt forma communicet totum suum effectum alicui subiecto, nedum requiritur virtus, seu vis causandi in ipsa forma, sed etiam requiritur capacitas passiva in subiecto adæquans vim actionum ipsius formæ; v. g. ad hoc, vt forma ignis introducat in aliquod subiectum calorem, vt octo, nedum requiritur, quod forma ignis habeat calorem, vt octo, sed etiam requiritur, quod subiectum sit capax caloris, vt octo; ad cuius introductionem introducit forma ignis, quia est vltima, & proxima dispositio ad formam ignis,

E e

ignis,

ignis, expellit enim formam præexistentem in subiecto; hinc quia lignum est capax caloris, vt octo, ideo forma ignis illum introducit in lignum, & illo mediante expellit formam ligni, & introducit formam ignis; atverò quia ferrum, & quodlibet aliud subiectum incombustibile non est capax formæ ignis; aliter combureretur, & sic non esset incombustibile; ideo non est capax caloris, vt octo; propter quod ferrum calefactum non amittit formam ferri; quia calor in illud inductus non est dispositio vltima ad formam ignis, & ideo non est intensus, vt octo; sed humanitas, quia est creata, & ideo finita, non habet capacitatem passivam infinitam recipiendi sanctitatem infinitam simpliciter, & amabilitatem æqualem amabilitati ipsius Dei; ergo quanvis sanctitas increata sanctificans humanitatem habeat vim sanctificandi infinitè: attamen defectu capacitatis passivæ infinitæ, nequit sanctificari infinitè. Vergetur magis. Non minùs est infinitè sanctus Deus in ratione obiecti beatifici terminantis operationem creatam, quæ est visio beata; quam in ratione termini substantialiter terminantis, & sanctificantis naturam creatam; sed in ratione obiecti beatificantis sanctificat modo finito; quia intellectus creatus, vtpotè finitus, non est capax sanctificationis infinitæ, quanvis per operationem vniatur obiecto simpliciter infinitè sancto; ergo in ratione termini suppositantis naturam creatam sanctificat modo finito; quia natura humana, vtpotè finita, non est capax sanctificationis substantialis simpliciter infinitæ.

40 Prob. 2. pars concl; quòd scilicet gratia habitualis Christi sit physicè finita secundum intensiorem, à *Suas; Gonet; Contens; & alijs*. Si esset possibilis gratia habitualis intensiùs infinita simpliciter, esset etiam possibile lumen gloriæ, & visio beata eodem modo infinita; quia lumen gloriæ est proprietas gratiæ habitualis consummate, & visio beata est effectus; sed lumen, & visio infinita intensiùs implicant; aliter daretur comprehensio Dei; ergo implicat & gratia. 2. *A Gibbi; & alijs*. De intrinseca ratione gratiæ habitualis est posse mereri suum augmentum; sed posita gratia habituali infinita non posset mereri suum augmentum; quia infinitum nequit augeri; ergo idem.

41 Sed prima rejicitur à *nostro Gibbi*, quia eadem est ratio de lumine gloriæ, & visione; & ideo si conceditur infinitas gratiæ habitualis, potest etiam concedi infinitas luminis, & visionis. Nec ex hoc sequitur comprehensio Dei; quia infinitas luminis est tantum in vno genere, non in omni genere; ideo non sequitur comprehensio, quæ est cognitio simpliciter in omni genere. Secunda verò rejici potest; quia gratia habitualis in Christo non meruit augmentum de facto, vt fatentur *Auctores se-*

cunda sententia; ergo non est de intrinseca ratione gratiæ simpliciter mereri augmentum sui; alter etiam de facto illud meruisset. De ratione ergo gratiæ habitualis est mereri suum augmentum, quando non est in sua plenitudine, quia maior esse non potest in tali subiecto; sicut est in Christo, vt mox dicemus; quemadmodum enim calor remissus intenditur; at calor in summo intensus nequit ampliùs intendi, aliter esset, & non esset summè intensus; ita dicendum de gratia habituali.

42 Prob. igitur rationibus 1; 4; & 6. adductis pro 1. part. concl; nam implicat aliquod creatum esse simpliciter infinitum, quia quodlibet creatum componitur ex genere, & differentia, quæ sunt termini finientes, & limitantes ipsam rem; gratia autem habitualis in Christo est aliquod creatum, quia est accidens subiectatum in anima ipsius. Tum quia bonum particulare non est infinitum simpliciter; quia bonum particulare dicit partem bonitatis, & ideo totam bonitatem non exhaurit, sicut exhaurit infinita bonitas; gratia autem habitualis est bonum particulare, quia non est omnis bonitas. Tum quia anima Christi Domini non habet capacitatem passivam infinitam recipiendi aliquod infinitum simpliciter; quia capacitas infinita competit solum subiecto infinito; ergo gratia habitualis Christi non est simpliciter physicè intensiùs infinita. *Vid.* alias rationes allatas 10. 4. de *Char. q. 1. art. 3. n. 8*; probant enim etiam de gratia habituali.

43 Prob. 3. pars concl; quòd scilicet gratia in ratione differentiali gratiæ non sit infinita simpliciter. Implicat, quòd genus finitum contrahatur per differentiam simpliciter infinitam; sed ratio qualitatibus supernaturalis physicæ, quæ est ratio generica gratiæ, est simpliciter finita, vt concedunt *Adversarij*; ergo ratio formalis gratiæ, vt gratia est, quæ est differentia contrahens illius qualitatibus, est simpliciter finita. Prob. ma. 1. Implicat materiam finitam contrahi per formam infinitam; contrahibile enim, & contrahens debent adæquari; aliter si contrahibile excederet contrahens, daretur aliquid in contrahibili, quod non contraheretur; & sic dicendum de contrahente; sed genus se habet, sicut materia; & differentia, sicut forma; quia differentia contrahit genus; & sicut si forma excederet materiam, secundum se tota non esset recepta in materia; & ideo secundum se tota non contraheret materiam; ita si differentia excederet genus, secundum se tota non esset in genere; ergo implicat genus finitum contrahi per differentiam infinitam. 2. *Quodlibet limitatur per suum oppositum*, vt inquit *Phil*; & ideo materia limitatur per formam, & forma per materiam; sed ratio differentialis gratiæ opponitur rationi genericæ, tanquam pars actualis parti potentiali; ergo

ergo ratio differentialis gratiæ limitatur per rationem genericam qualitatibus; atqui implicat, quòd aliquod limitatum sit infinitum simpliciter; ergo idem. 3. Implicat, quòd illud, quod habet rationem finientis, terminantis, & limitantis aliud, sit infinitum simpliciter; sicut enim infinitum formaliter habet infinitare; ita finitum habet formaliter finire, & limitare; sed ratio differentialis gratiæ habet formaliter finire, terminare, & limitare rationem genericam qualitatis supernaturalis; ut constat de rationalitate, quæ habet limitare, & definire animal ad naturam humanam tantum; ergo implicat, quòd genus finitum contrahatur per aliquod infinitum; per ipsum enim non limitaretur, nec finiretur. Præterea prob. rationibus allatis pro 2. part. concl. nam gratia, ut gratia est, est simpliciter creata, aliter sola ratio qualitatis esset à Deo producta; & sic ut gratia, esset à Deo independentes, & increata; sed omne creatum est simpliciter finitum; ergo idem. Sic gratia, ut gratia, est bonum particulare; & recipitur in anima; ergo idem.

44. Quòd autem etiam moraliter sit simpliciter finita, prob. In tantum actiones Christi Domini in genere valoris sunt simpliciter infinite moraliter, in quantum eliciuntur à supposito Diuino, ut quod, quod est infinite dignitatis; sed gratia habitualis non est actio elicita à supposito Diuino, ut quod, mediante natura humana; ergo non est moraliter infinita simpliciter. Prob. ma. Ex eo, quòd gratia habitualis mediante natura humana vniatur supposito Diuino, non contrahit infinitatem moralem simpliciter, aliter etiam ipsa natura humana, quæ immediate vniatur, & est ratio vniendi alia, quæ existunt in ipsa, esset moraliter infinita simpliciter; & sic omnia dona supernaturalia, & habitus supernaturalis, & virtutes morales infusæ haberent hanc infinitatem; ergo ex eo solum, quòd actiones eliciantur à supposito Diuino, ut à principio quod, desumunt infinitatem moralem. 2. Si gratia habitualis haberet infinitatem moralem; valor moralis operum Christi non sumeretur solum à supposito Verbi, sed etiam à gratia habituali; sed conf. est falsum; ut inf. videbimus; nam valor operum sumitur solum à dignitate personæ; sicut grauitas offensæ sumitur ab indignitate personæ offensantis, & à dignitate personæ offensæ; ergo falsum est ant.

45. Dices. *Fund. Doct. ubi* ad 3. ait gratiam Christi fuisse infinitam in genere gratiæ, prout in ea referuabatur omnis ratio gratiæ; ergo nostra sententia illius doctrinæ aduersatur.

Resp. quòd quando *Fund. Doct.* ait gratiam Christi fuisse infinitam in genere gratiæ, quia in ea erat omnis ratio gratiæ, prius dixerat non esse infinitam simpliciter, sed tantum

Mag. Frideric. Nic. Gaurdi Tom. 5.

secundum quid, & comparatiue; quia talis fuit, ut ea maior in Christo esse non poterit; & omnis ratio gratiæ, quæ in eo potuit esse, fuit ei communicata, quia in ipso fuit plenitudo; & in hoc sensu ait *noſter Gibb.* locutum fuisse etiam *D. Tho.*

46. Docet ergo *Fund. Doct.* quòd quauis omnis creatura sit finita simpliciter in se ipsa; attamen comparatiue ad aliquod infinitum, potest dici infinita eo, quia ad melius bonum comparari non potest. Hac autem comparatio potest esse dupliciter. 1. Secundum puram relationem, & ordinationem; & in hoc sensu maternitas B. Virginis dicitur comparatiue infinita, quia respicit Filium Dei, quo melior esse non potest; & Vniuersum dicitur ordinatiue infinitum, quia ordinatur ad Deum infinitum. 2. Per comparisonem ad esse, quia subsistit per esse infinitum; ut Christus, prout homo, dicitur comparatiue infinitus, quia, ut homo, fuit assumptus ad esse personale Verbi, quod est simpliciter infinitum. Hoc tamen est discrimen inter has duas comparationes; quòd quando comparatio sumitur secundum purum respectum, seu relationem; tunc absolute res comparata nequit dici infinita; ut non valet: B. Virgine, vel Vniuerso, vel gratia nihil melius esse potest; sed tantum valet reduplicatiue cum addito; ut B. Virgine, ut est Mater Dei, nihil melius esse potest; Vniuerso, ut ordinato ad Deum; & gratia, ut nos Deo coniungit, nihil melius esse potest; nam cum hac reduplicatione significatur; quòd B. Virgo non potuit esse Mater melioris Filij; Vniuersum non potuit ordinari ad melius; & gratia non potest nos coniungere meliori; & quia id, quo melius esse non potest, est infinitum; ideo hac possunt dici comparatiue infinita. At quando comparatio fit secundum esse, tunc de re comparata concretè, non abstractè sumpta potest absolute, & simpliciter dici nihil melius esse posse; & ideo Christo, ut homine, nihil melius esse; humanitate tamen in abstracto aliquid melius esse potest; & sic saluatur modus loquendi SS. PP. qui absolute vocant gratiam Christi infinitam, quia comparatur ad esse personale infinitum Verbi Diuini. Ergo comparatiue, & secundum quid gratia vnionis, per quam humanitati Christi communicatur esse personale infinitum Verbi Diuini; & gratia habitualis, quæ sustentatur per idem esse personale; rectè dicitur infinita.

47. Tandem prob. ult. pars concl. ex lo. 1. *Plenum gratia & veritatis*; super quod S. P. *Aug. lib. 15. de Trin. cap. 26.* ait: *Dominus ipse Iesus non solum Spiritum Sanctum dedit, ut Deus, sed etiam accepit, ut homo; propterea dictus est plenus gratia.* Ex quo sic. Christus est plenus gratia effectiue, ut Deus, quia continet omnem gratiam possibilem communicari cuilibet creaturæ etiam possibili; ergo, ut homo, dicitur

Ec 2 plenus

plenus gratia passivè, quia recepit omnem gratiam, quæ potuit illi à Deo communicari; sed si de potentia Dei absoluta posset eius gratia augeri, de facto non recepisset omnem gratiam, quæ potuit illi communicari; quia non recepisset illud augmentum gratiæ, quod posset ei superaddi; ergo non esset passivè plenus gratia, vt homo; sicut effectivè est plenus gratia, vt Deus; quia, vt homo, non recepisset omnem gratiam ei communicabilem de potentia Dei absoluta; sicut, vt Deus, non esset plenus gratia effectivè, si non contineret omnem gratiam possibilem communicari etiam de potentia Dei absoluta.

48 Item lo. 3. *Non enim ad mensuram dat Deus Spiritum. Pater diligit Filium, & omnia dedit in manu sua;* super quod S. P. Aug. tr. 14. inquit: *Invenimus, quia ad mensuram dat Deus Spiritum. Audi Apostolum Ephes. 4. dicentem: Secundum mensuram donationis Christi. Homini- bus ad mensuram dat; unico Filio non dat ad mensuram; & mox: Mensura est diuisio quadam donorum. Ergo hominibus ad mensuram datur, & concordia ibi unum corpus facit. Quomodo aliud accipit manus, vt operetur; aliud oculus, vt videat; aliud auris, vt audiat; aliud pes, vt ambulet; anima tamen una est, qua agit omnia; in manu, vt operetur; in pede, vt ambulet; in aures, vt audiat; in oculo, vt videat. Sic sunt etiam di- versa dona fidelium, tanquam membra ad men- suram unicuique propriam distributa. Sed Christus, qui dat, non ad mensuram accepit. Ex quo sic. 1. cum Fund. Doct. Si gratia Christi de poten- tia Dei absoluta posset augeri, sequeretur, quod ad mensuram ei data esset gratia; conf. est *contra Scripturam* ergo & ant. Prob. ma. Si posset augeri, sequeretur, quod repleta esset sola eius capacitas actualis, non capacitas pos- sibilis, quam dicit secundum potentiam obe- dientialem; quia si Christus ita dicitur plenus gratia, vt sit repleta nedum eius capacitas actualis, sed etiam possibilis, & obedientialis, con- stat nullam aliam vltiorem gratiam posse re- cipere; implicat enim, quod recipiat, ad quod recipiendum nullam prorsus habet capacita- tem; sed ex eo, quod aliquis habeat repletam solam capacitatem actualem, non possibilem, dicitur recepisse gratiam ad mensuram; nam *Ioannes Luc. 1.* dicitur repletus gratia: *Spiritu Sancto replebitur iam inde ab utero Matris sue;* & B. Virgo dicta est ab Angelo *gratia plena;* non ob aliam autem rationem dictus est *Ioannes* re- pletus gratia, nisi quia tantum eius capacitas actualis repleta est, in quantum recepit eam gratiam, cuius erat actualiter capax secun- dum suum statum; & sic B. Virgo, quia recepit gratiam, cuius erat actualiter capax, vt Ma- ter Dei; non tamen recepit omnem gratiam, secundum capacitatem possibilem; quia po- tuisset recipere gratiam vnionis, quam tamen*

non recepit; certum est autem omni creatura datam fuisse gratiam ad mensuram; quia soli Christo non fuit data ad mensuram; ergo si gratia Christi posset augeri, sequeretur, quod ei data fuisset gratia ad mensuram. 2. Si gratia Christi posset augeri, Pater non dedisset omnia, quæ potuit dare, in manu Filij; quia, non dedisset ei augmentum gratiæ, quod de potentia absoluta potuisset ei dare; sed conf. est *contra Scripturam*; ratio enim, ob quam de- dit omnia in manu Filij, est dilectio, qua diligit Filium; at non dilexit Filium ita, vt de potentia absoluta posset eum magis diligere, sed ita, vt non posset eum amplius diligere; & ideo dedit ei omnia, quæ potuit ei dare de sua potentia absoluta; quia amor eius est efficacissimus, & fuit ratio communicandi Chris- to dona Patris; ergo & ant. est *contra Scri- pturam*.

49 Demum gratia vnionis in Christo au- geri non potest; ergo nec gratia habitualis. Prob. ant. Christus non potest fieri magis sanctus substantialiter, etiam de potentia Dei ab- soluta, quam sit sanctus de facto; quia de facto est sanctus per sanctitatem increatam, qua maior dari non potest; ergo gratia vnionis in Christo augeri non potest; nam cum gratia vnionis terminetur ad sanctitatem Verbi; in tantum posset augeri, in quantum posset terminari ad maiorem sanctitatem, per quam fieret magis sanctus substantialiter; si- cuti si augetur gratia habitualis, daretur maior vnio ad maiorem sanctitatem accidenta- lem, per quam fieret magis sanctus accidenta- liter. Tum quia sanctitas substantialis, qua substantialis est, non suscipit magis, & minus; quia substantia, cum consistat in indiuisibili, magis, & minus suscipere non potest, vt dicitur in *Leg.* Prob. conf. Proprietas adæquatè commensuratur cum essentia, cuius est prop- rietas; vt constat de risibilitate, quæ æqua- liter extenditur ad omnes homines, ad quos extenditur rationalitas, cuius est proprietas; sed gratia habitualis in Christo est proprietas gratiæ vnionis, vt diximus in *sup. §.* ergo gra- tia habitualis adæquatè commensuratur cum gratia vnionis. At quoties duo inter se adæ- quantur, si vnum illorum nequeat suscipere magis, & minus; de altero etiam debet verifi- cari; aliter inter ea daretur inæqualitas; vt si essent duæ lineæ æquales, & vna tantum sus- ciperet maius, & minus; cum fieret minor, vel maior, fieret alteri inæqualis; & si essent duo calores æqualiter intensi, si vnus tantum posset fieri minus, vel magis intensus; cum ita fieret, redderetur alteri inadæquatus; ergo si tantum gratia habitualis potest fieri maior, vel minor, iam non esset essentialiter adæquata gratiæ vnionis, & sic non esset eius proprietas; cuius oppositum *sup.* probatum est.

50 Objec. 1. *Gibb.* Humanitas Christi redditur amabilis, & sancta eadem bonitate, & sanctitate, quia est amabilis, & sancta persona Verbi; quia redditur amabilis, & sancta bonitate, & sanctitate increata; sed bonitas, & sanctitas, quia est amabilis, & sancta persona Verbi, est simpliciter infinita; ergo humanitas Christi redditur sancta, & amabilis per bonitatem, & sanctitatem infinitam; & ideo redditur amabilis, & sancta æquè, ac ipsum Verbum Diuinum; nam sicut bonitas, & sanctitas, vt octo, reddunt naturam sanctam, vt octo; ita sanctitas, & bonitas infinita reddunt naturam sanctam infinitè. 2. Quauis repugnet humanitatem esse æquè sanctam, & amabilem extensiuè, ac Verbum; quia Verbum habet essentialiter plures titulos suæ amabilitatis, & sanctitatis; est enim sanctum per essentiam, quod nequit competere humanitati; attamen non repugnat esse sanctam in determinato genere; sicuti quanuis actiones Dei liberæ sint maioris æstimabilitatis moralis entitatiuè, quàm opera Christi Domini; non tamen inueniuntur, siquidem hæc sunt valoris simpliciter infiniti; ergo idem. 3. Si daretur gratia habitualis infinita, natura, quanuis finita, denominaretur infinitè sancta. ergo quanuis humanitas sit finita, attamen à sanctitate infinita, denominatur infinitè sancta. 4. Humanitas Christi redditur digna amore infinito nedum ex parte actus, sed etiam ex parte obiecti. nam quoties ratio formalis amandi est infinita, ipsum obiectum materiale, quanuis finitum redditur dignum amore infinito; sicut quanuis obiectum materiale sit naturale; attamen si ratio formalis illud amandi sit supernaturalis, redditur dignum illud obiectum amore supernaturali; ergo idem. 5. Quauis humanitas secundum se sumpta non sit adorabilis eadem adoratione, qua adoratur Verbum; attamen vt vnita Verbo, redditur digna æquali adoratione; ergo quanuis secundum se non sit digna æquali amore, ac Verbum; attamen vt vnita Verbo, est æquè amabilis, & sancta, ac ipsum Verbum. 6. Humanitas Christi est æquè impecabilis, ac Verbum; quia nulla maior est impecabilitas, quàm illa, quæ excludit omnem potentiam peccandi; & hæc tribuitur etiam humanitati; tum quia impecabilitas tribuitur humanitati, quia peccare refundetur in ipsum Verbum; ergo est æquè sancta, ac Verbum; impecabilitas enim sumitur à sanctitate.

Resp. ad 1. dist. ma. Redditur amabilis, & sancta per eandem bonitatem, & sanctitatem cum eadem capacitate ex parte subiecti, neg; cum inæquali capacitate, conc; vnde sicuti si daretur sanctitas, vt octo; & natura non esset capax recipere, nisi sanctitatem, vt sex; non redderetur sancta, vt octo, sed vt

sex; ita quia natura creata non est capax recipere sanctitatem infinitam, ideo nequit dici infinitè sancta. Ad 2. neg. ant; nedum enim repugnat creaturæ infinitas in omni genere, sed etiam in genere determinato. Imò si arg. probaret aliquod, probaret etiam humanitatem esse infinitè sanctam in omni genere, quia est sancta per sanctitatem increatam, quæ est sanctitas in omni genere. Ad prob. dicitur, quod actiones Christi, si sumantur, prout eliciuntur à supposito Diuino, sunt moraliter infinitæ; si verò, prout recipiuntur in natura humana, sunt finitæ; aliter haberent infinitatem nedum à supposito Diuino, sed etiam à natura creata. Ita sanctificatio, si sumatur ex parte suppositi Diuini, potest dici infinita; quia suppositum Diuinum, quantum est ex se, potest infinitè sanctificare. Si verò sumatur, prout passiuè recipitur in humanitate, vt sumitur in præfenti, est finita; quia humanitas secundum se non est capax infinitæ sanctificationis. Ad 3. neg. ant; vt dictum est. Ad 4. neg. ant; nam si infinitas rationis formalis amandi sufficeret ad reddendum obiectum materiale dignum amore infinito, sequeretur puram creaturam esse dignam ex parte obiecti amore infinito; quia Diuina bonitas, quæ est ratio formalis amandi creaturas, est simpliciter infinita. Ad 5. dicitur, quod sicut humanitas non est adorabilis adoratione latræ, nisi prout includit suppositum Diuinum, cui soli competit creare; ita non est amabilis amore infinito, nisi prout includit suppositum Diuinum, cui tantum competit sanctitas infinita; vt diximus nu. 38. Ad 6. neg. ant; nam Verbum est impecabile per naturam eo, quia est omne esse, adeoque nequit deficere ab esse, quod est peccare; at natura humana est impecabilis per gratiam eo, quia licet sit extracta ex nihilo; attamen quia immobiliter vnitur supposito Diuino; ideo ab ipso, quod est omne esse, manuteneatur, ac in nihilum abeat. *Vid. tom. 3. de Ang. q. 9. art. 1. §. 3; & de Beat. q. 2. art. 9.*

51 Objec. 2. cont. 2. part. concl. 1. Gratia habitualis Christi fuit sine mensura, vt habetur 1a. 3; ergo fuit immensa, & per consequens infinita; immensum enim, & infinitum conuertuntur. 2. Gratia habitualis Christi ex vnione ad Verbum habet esse causatiuum instrumentaliter gratiæ infinitorum hominum, si darentur; sed vis causatiua sinecategorice infinita conuenit soli formæ infinitè intensæ; ergo idem. 3. Si gratia habitualis Christi esset finita, posset augeri, & sic Christus posset fieri Deo magis gratus; quod est absurdum; ergo idem. 4. Sequeretur, quod purus homo posset æquare, vel etiam superare gratiam Christi; quia quod est finitum, per continuum augmentum potest alteri finito æquari, & etià illud superare; sed cons. est *cont. 55. PP. affe-*
ren-

rentes, quod si gratia alterius Sancti quantuncunque augeretur, nunquam perveniret ad plenitudinem gratiæ ipsius Christi; ergo idem. 5. Deus nequit facere melius gratia Christi; ergo est infinita; infinitum enim est id, quo nihil melius dari potest.

Resp. ad 1. *Fund. Dist.* gratiam Christi dici sine mensura, quia omnes gratiæ, quæ diuissim datæ sunt alijs Sanctis, Christo datæ sunt collectiue; vnde sine mensura idem est, ac sine diuisione; vt exponit S. P. Aug. Vel quia vnita est ei Diuinitas, quæ est simpliciter infinita; vt subdit *ibid. idem S. P. Aug.* Vel quia omnes gratiæ aliorum Sanctorum non possunt coæquare gratiam Christi, & per consequens nequeunt illam mensurare, atque adeo dicitur esse sine mensura. Ad 2. neg. mi; nam intellectui creato, qui est potentia finita, conuenit posse elicere cognitiones in infinitum. Si autem darentur infiniti sancti homines actus, non æquarent gratiam finitam Christi; sicut si darentur infiniti homines numero, non æquarent perfectionem naturæ Angelicæ; ideo sanctitas Christi, quanuis finita, esset causa instrumentalis, & meritoria gratiæ infinitorum hominum; instrumentalis quidem, quia instrumentum relatiue ad causam principalem, cui coniungitur, dici potest infinitum, vt diximus; meritorie verò, quia à supposito Diuino trahit infinitum valorem. Ad 3. neg. ant; vt dictum est. Ad 4. neg. seq; nam quanuis gloria sit finita; attamen nullus in via potest tantam gratiam acquirere, vt coæquet, vel superet gratiam patriæ; ita à pari. Ad 5. dist. ant. Deus nequit facere melius gratia Christi comparatiue ad suppositum Diuinum; cui vnitur, conc; absolute, & secundum se; neg; Deus enim quacunque entitate creata potest aliam perfectiorem producere; non tamen illam potest vnire perfectiori entitati, quam sint entitas Dei.

52 Objic. 3. cont. 3. part. concl. 1. Ens, quod est omne ens, in ratione entis est infinitum; ergo gratia, quæ est omnis gratia, in ratione gratiæ est infinita; sed in Christo est omnis gratia, vt docet S. P. Aug. *vbis; & Fund. Dist. cum D. Thom. hic art. 11; eo*, quia gratia habitualis est in Christo, tanquam in capite, & in fonte, à quo debet deriuare in omnes homines; imò in infinitos homines, si darentur; ergo in Christo est gratia habitualis infinita in ratione gratiæ. 2. Gratia Christi potuit se extendere ad redemptionem, & sanctificationem infinitorum hominum; ergo idem. 3. Fuit sufficiens ad delendum peccatum; quod in genere moris est infinitum; imò ad delenda peccata infinita; & ideo dicitur superabundasse gratiam supra delictum; ergo idem. 4. Lux in Sole, quia potest illuminare infinitos homines; in ratione lucis est infinita; ergo à pari,

5. Gratia Christi per comparisonem ad personam Christi Domini infinite dignam fuit principium quo operationum infiniti valoris, ratione cuius fuerunt meritoria præmij infiniti; & satisfactoria pro debito infinito totius generis humani; ergo gratia Christi in genere moris fuit infinita; aliter non potuisset esse principium quo actionum infinitarum in esse moris; nisi infinitum valorem, & dignitatem recepisset à persona Verbi, cui coniungitur; implicat enim, quod effectus sit perfectior sua causa; & quod actus secundus excedat actum primum. Nec iste valor infinitus potest esse merè extrinsecus; non enim fundatur in sola acceptatione Dei extrinseca; aliter cum Deus potuerit acceptare actiones puri hominis ad satisfactionem, nulla esset differentia intrinseca inter actiones Christi, qui est Deus homo; & actiones puri hominis; quod est absurdum.

Resp. ad 1. dist. ant. Ens, quod est omne ens simpliciter, est infinitum, conc; quod est omnis entitas possibilis communicari alicui creaturæ, neg. Sic in Christo est omnis gratia, quæ potest communicari creaturæ; quia tamen omnis gratia, quæ actu communicabitur creaturæ, est finita; ideo omnis gratia, quæ est in Christo, est simpliciter finita. Ad 2. neg. conf; sicuti enim si darentur infiniti homines, non æquarent perfectionem naturæ Angelicæ, licet finitæ; ita si darentur actu infiniti iusti, omnes simul sumpti non æquarent gratiam Christi, quanuis sit finita. Vel dicitur, quod gratia Christi extenditur ad homines vi actionis meritoria, quæ habet infinitatem in genere valoris à supposito Diuino; Christus enim patiendo meruit nobis gratiam; & quia gratia Christi deriuatur in nos absque eo, quod minuatur, vel desinat esse in Christo; ideo posset deriuari in homines infinitos, si actu essent, quâuis in Christo sit finita. Sicuti si esset fons, cuius aqua nunquam minueretur; tunc ab illo fonte possent deriuari infinita flumina, quanuis aqua ipsius fontis esset finita. Ad 3. eodem modo dist. ant. Fuit sufficiens ad delenda infinita peccata mediante actione, quæ à supposito Diuino trahit infinitatem valoris, conc; quæ trahit infinitatem ab ipsa gratia, neg. Vel dicitur alio modo, quod actio, & gratia ordinis altioris, vt est gratia Christi, quæ est ordinis hipostatice, quanuis finita, est sufficiens ad merendam, & causandam redemptionem; & veniam infinitam, per quam confertur gratia inferioris ordinis. Ad 4. dicitur lucem Solis dici infinitam secundum quid, & sincategorematicè in ratione lucis; aliter etiam intellectus in ratione intellectus, quia potest producere infinitas intellectiones, esset simpliciter infinitus; sic de oculo, & qualibet alia potentia; imò quia terra in ratione terræ potest producere infinitas herbas, esset infinita simpliciter

ter in ratione terræ; quod nullus diceret. Cùm ergo *D.Tho.* ait lucem esse infinitam in ratione lucis, intelligendus est loqui de infinitate secundum quid; sicut enim (inquit *noſter Gibb.*) quanuis natura *Gabrielis* contineat totam perfectionem suæ speciei; attamen non dicitur à *D.Tho.* infinita simpliciter, sed tantum secundum quid; ita quanuis lux Solis contineat totam speciem lucis corporeæ; attamen tantum secundum quid infinita dici debet. Ad 5. dicitur, quod licet gratia Christi comparatiuè, & secundum quid possit dici infinita; non tamen simpliciter nec etiam in genere moris, vt dictum est. Neg. igitur consi & ad prob. infert. dist. Si gratia non esset infinita, non posset esse principium quæ actionum infinitarum, prout infinitæ sunt, conc; prout finita, neg. Actiones ergo Christi Domini deriuant suam infinitatem moralem à supposito, non à gratia habituali; quia infinitas moralis sumitur à dignitate personæ, non à dignitate principij quo. Nec sequitur, quod effectus sit præstantior suæ causa; quia actiones, vt moraliter infinitæ, non sunt effectus gratiæ, sed suppositi; vt autem entitatiuè finite, sunt effectus gratiæ, vt quo.

53. Obijc. 4. cont. 4. part. concl. 1. Eadem est ratio augmenti gratiæ habitualis Christi, & visionis beatæ; sed hæc de potentia absoluta, non ordinaria, potest augeri; ergo & illa. 2. Potest augeri charitas Christi intensiuè; est enim finita participatiuè charitatis infinitæ; & ideo nunquam tanta participatur, quin maior sit participabilis; & subiectum crescente charitate magis habilitatur ad augmentum; ergo & gratia Christi habitualis potest de potentia absoluta augeri. 3. Potentia absoluta, cùm sit infinita, nullo termino finito potest coarctari; sed gratia habitualis Christi est finita; ergo de potentia absoluta potest intensiuè augeri in esse physico. 4. *Luc. 2.* dicitur: *Puer autem Iesus proficiebat sapientia, ætate, & gratia apud Deum, & homines;* ergo idem. 5. Nulla est assignabilis multitudo, & magnitudo, quæ non sit producibilis maior in infinitum à Deo; ergo idem.

Resp. ad 1. neg. mæ; nam visio beatæ puri hominis satiat tantum capacitatem actualem, non tamen omnem capacitatem possibilem. Si autem loquamur de visione beatæ Christi, conc. mæ; & neg. mæ; nam sicuti gratia habitualis, ita & visio beatæ expleuit totam capacitatem possibilem ita, vt maiorem non possit capere; per quod maximè commendatur excellentia Christi. Ad 2. neg. ant. ob eandem rationem. Ad prob. infert. dicitur, quod quanuis charitas, & gratia secundum se possit produci maior in infinitum; attamen defectu capacitatis subiecti nequit in tali subiecto maior produci; tunc autem habilitatur capacitas ad maius augmentum, quando expleta est sola capacitas actua-

lis, non autem omnis capacitas possibilis. Ad 3. dicitur non repugnare ex parte potentia, sed ex parte effectus; quanuis enim potentia Dei secundum se producere possit effectum maiorem in infinitum; attamen est dabilis aliquis effectus, qui in aliquo subiecto nequit esse maior; vt est, quando expleta est omnis capacitas illius; vnde dist. m. Gratia est finita, & explet totam capacitatem possibilem animæ Christi, conc; aliter, neg. Vel dicitur producibilitatem maioris effectus in infinitum non verificari secundum intentionem in qualitate, vt est gratia habitualis; qualitas enim non est infinite intendibilis, vt diximus 10. 4. de *Char. ubi*; quanuis enim possit Deus producere perfectiora corpora calida, & lucida; non tamen videtur posse producere magis calida, quam ignem; & magis lucida, quam Solem; quia ignis est primus in ordine calidorum, & habet calorem in summo; & Sol in ordine lucidorum, & habet lucem in summo; adeoque nequit produci intensius lumen, & intensior ignis corporeus; aliter nec Sol, nec ignis haberet rationem primi calidi, & lucidi essentialiter; nec calor, aut lux esset in summo. Nec hoc præiudicat Diuinæ potentie; quia tota repugnantia est ex parte facti; sicuti non præiudicat non posse producere chimæram. Ad 4. dicitur profecisse apud Deum, & apud homines secundum manifestationem suæ sapientiæ, & virtutis; vt habet *Fund. Doct.* Vel dicitur profecisse causaliter, quia communicando suam sapientiam, & suam gratiam, & virtutes hominibus ipsos reducebat in Deum; vnde profectus hominum erat Christi profectus apud Deum; quia venerat homines in Deum convertere. Ad 5. omisso ant. de multitudine, & magnitudine neg. de intensione, vt dictum est. Vel dicitur, quod licet possit dari maior qualitas secundum se, non tamen potest dari maior in tali subiecto, quando est expleta tota eius capacitas etiam possibilis; vnde quanuis posset dari intensior calor, quam calor, vt octo; iste tamen calor nequit dari naturaliter in igne; quia calor, vt octo, explet capacitatem naturalem ignis; & si expleat capacitatem etiam possibilem, vt est de gratia Christi, non poterit dari maior nec etiam de potentia absoluta.

54. Collig. 1. gratiam habitualement infusam fuisse in animam Christi ab instanti suæ conceptionis; quia est proprietas inseparabiliter sequens ad gratiam vnionis; hinc *Luc. 1.* vbi sermo est de primæ natinitate in vtero, quæ idem est, ac conceptio, dicitur: *Quod enim in ea natum est; de Spiritu Sancto est;* per Spiritum Sanctum autem diffunditur gratia habitualis. Nec obstat, quod *D. Hier. in Isaia 61.* dixerit prophetiam de Christo vngendo à Spiritu Sancto impletam fuisse, quando in *Iordane* super eum à *Iohanne* baptizandum descendit Spiritus Sanctus

ctus sub specie Columbæ; exponitur enim à D.ⁱ Hier; quòd prophetia tunc impleta sit quoad declarationem; & manifestationem. At S. P. Aug. lib. 15. de Trin. c. 26. ait prophetiam hanc impletam tunc fuisse, non in ipso Christo, sed in suo corpore mystico, quod est Ecclesia: *Nec sanè tunc vnctus est Christus Spiritu Sancto, quando super eum baptizatum veluti columba descendit; tunc enim corpus suum, id est Ecclesiam suam præfigurare dignatus est, in qua præcipue baptizati accipiunt Spiritum Sanctum, sed ista mystica, & inuisibili vnctione tunc intelligendus est vnctus, quando Verbum Dei caro factum est.* Rationem mox reddit: *Absurdissimum est enim, ut credamus eum, cum iam triginta esset annorum (eius enim etatis à Ioanne baptizatus est) accepisse Spiritum Sanctum; sed venisse illum credimus ad baptismum, sicut sine ullo omnino peccato, ita non sine Spiritu Sancto.* Quòd autem loquatur de gratia habituali, apertè colligitur ex verbis superioribus: *Vnxit eum Deus Spiritu Sancto, non utique oleo visibili, sed dono gratiæ, quod visibili significatur unguento, quo baptizatos ungit Ecclesia; donum autem gratiæ significatum unguento, quo baptizatos ungit Ecclesia, est gratia habitualis, non gratia vnionis, ut constat; quia Ecclesia vngendo confert gratiam habitualement, non gratiam vnionis.*

55 Collig. 2. plenitudinem gratiæ intensiuam, & extensiuam, quæ fuit in Christo Domino, fuisse talem nedum secundum potentiam ordinariam, ut asserunt Gonet, & alij putantes Christi gratiam posse augeri absolute, sed etiam plenitudinem potentiam absolutam; adeoque Christi gratiam habitualement esse maiorem qualibet gratia omnium hominum, & Angelorum etiam collectiue sumpta, nedum hominum, & Angelorum existentium, sed etiam possibilem.

Prima pars huius corollarij de plenitudine intensiuæ gratiæ, quæ potest esse vel gratiæ secundum se, quando habetur in tanta excellentia, vt maior haberi non possit; & tunc vocatur plenitudo intensiuæ formalis; vel per respectum ad subiectum, quando est ita repleta eius capacitas, vt non possit maiorem gratiam recipere; & dicitur plenitudo intensiuæ subiectiuæ; prob. ex dictis art. 1. n. 11; nam maior intensio formalis, seu maior excellentia gratiæ habetur ex maiori vnione ad Deum; sed gratia habitualis Christi vnitur Deo secundum esse Diuinum, quia existit per subsistentiam Diuinam, per quam subsistit natura humana; vnio autem secundum subsistentiam Diuinam est maxima omnium vnionum cum Deo ita, vt nec secundum potentiam Dei absolutam possit dari maior vnio; ergo gratia habitualis Christi est plenissima intensiuè formaliter ita, vt absolute maior dari nequeat. Sic plenitudo subiectiuæ est, qua repletur tota ca-

pacitas possibilis subiecti; sed Christus est sic repletus gratia; ergo habuit plenitudinem subiectiuam.

56 Nedum autem hæc plenitudo intensiuæ formalis est propria soli Christo, sed etiam plenitudo subiectiuæ; quidquid dicat Gonet; quia solus Christus nedum habuit gratiam in summa excellentia, sed eius capacitas etiam possibilis est satiata; quamvis autem alij Sancti habuerint omnem gratiam ad suum statum pertinentem, & ex hoc dicti sint pleni gratia; hæc autem non est plenitudo subiectiuæ, quam tribuimus Christo, cui tribuitur plenitudo secundum omnem capacitatem possibilem, quæ ipsi soli competit.

57 De plenitudine autem extensiuæ, seu affluentia; & causalitatis, qua gratia habitualis extenditur ad omnes, diximus in sup. art. n. 12; nam hoc modo ita fuit plenus Christus, vt posset gratiam transferre in infinitos homines, si actu darentur; sed plenitudo extensiuæ, quæ potest extendi ad infinita subiecta, nec de potentia absoluta potest maior fieri extensiuè, quia ultra infinitum nihil est, ad quod possit extendi; ergo plenitudo gratiæ extensiuè fuit in Christo etiam secundum potentiam absolutam.

58 Prob. 2; & simul ostenditur altera pars. Gratia habitualis Christi commensuratur cum gratia vnionis, est enim proprietates illius veræ, & physica, vt sup. dictum est; sed gratia vnionis est summa gratia, vt docet S. P. Aug. lib. 13. de Trin. c. 19; ita, vt non solum non possit Deus de plenitudine suæ potestatis concedere maiorem gratiam creaturæ, quam ei dare se ipsum, quia nihil Deo maius est; vnde idem S. P. Aug. inquit: *Deus, cum sit omnipotens, plus dare non potuit;* sed etiam hæc gratia superet omnem gratiam omnium hominum, & Angelorum etiam possibilem; quia talis gratia esset perfectio puræ creaturæ; hæc autem est perfectio Dei hominis; ergo idem dicendum de gratia habituali. Tum quia gratia habitualis in Christo habet rationem fontis, in alijs creaturis rationem riui; sed maior est fons, quam riui ab eo deriuantes; ergo idem. Tum quia gratia Christi satiatur omnem capacitatem possibilem naturæ creatæ; gratia verò puræ creaturæ tantum capacitatem actualem. Tum quia sicut gratia consummata, quia est vnio perfectior ad Deum, superat omnem gratiam viæ datam omnibus hominibus, & Angelis etiam possibilem; à fortiori dicendum de gratia Christi, qua non solum vnitur Deo per operationem, sed etiam per naturam.

§. III.

An virtutes, dona, & gratia fuerint
in Christo?

59 **D**E virtutibus intellectualibus agemus
q. 9. Nunc solum loquimur de virtu-
tibus Theologicis, & moralibus infusis, & ac-
quisitis. Cauenda tamen est doctrina *Gonet, &*
aliorum Recentium asserentium dari in eodem
subiecto duas virtutes morales eiusdem ratio-
nis v. g. duas temperantias; vnam supernatu-
ralem secundum entitatem à Deo simpliciter
infusam regulatam per prudentiam supernatu-
ralem; alteram naturalem secundum entitatem
regulatam per prudentiam naturalem viribus
naturæ acquiribilem; quam doctrinam fusè re-
jecimus 10. q. de *Viris*. q. 1. art. 8; nam eadem vir-
tus potest esse infusa, & acquisita, non quidem
coniunctivè ita, ut sit simul infusa, & acqui-
sita; sed disjunctivè ita, ut eadem, quæ est in-
fusa, si non fuisset infusa, potuisset acquiri; or-
dinatio autem, qua virtutes perfectæ dirigun-
tur in finem supernaturalem, habetur à chari-
tate, quæ infunditur; & quæ est forma omnium
virtutum. Hoc *supp.*

60 Prima sententia vult virtutes morales,
quæ viribus naturæ acquiruntur, non fuisse in-
fusas in instanti conceptionis in animam Chri-
sti; sed illas per suos actus successu temporis
acquisivisse. Referuntur *Alex.* p. 4. q. 12. mem-
br. 1; *Naz. contron.* 1. concl. 4; *Arausius dub.* Val;
Cipulli Gabr; & alij.

61 Secunda ex opposito vult omnes virtu-
tes morales fuisse infusas, etiam poenitentiam
quantum ad ornatu, & quoad actum conditio-
natum; v. g. si offendissem Deum, paratus essem age-
re poenitentiam. Ita noster *Argent.* in 4. dist. 14.
q. 1. art. 1. ad 5. opinionis opposita. Vel quantum
ad entitatem, & essentiam virtutis secundum
quandam rationem vniuersalem, non verò pro-
ut poenitentia respicit actum, qui supponit pec-
catum. Ita *Sua. de poenit. disp.* 7. sect. 1; & hic
disp. 19; *Lug. disp.* 6. n. 6; *Coninch de poenit. disp.* 1.
dub. 3.

62 Nostra docet omnes virtutes, quæ non
pugnât cum beatitudine, & puritate Christi, in
Christo fuisse infusas in instanti suæ concep-
tionis. Deducitur ex *Ennd. Doct.* Quodl. 2. q. 2; ubi
ait in Christo esse plenitudinem omnis gratiæ,
quia de illo omnes accipimus; certum autem est
nos accipere virtutes morales ordinatas per
charitatem in Deû; quia in Christo Deus om-
nia nobis donavit; virtutes autem formatas
charitate esse dona Dei fusè probat *S. P. Aug. 1. ff.*
locis cit. 10. q. ubi ff. Deinde hic *dist.* 23. p. 1. q. 1.
art. 1. ad 5. negat fidem ratione obscuritatis
ænigmaticæ esse in Christo; quod colligitur
etiam ex dictis 10. 1. q. 4. proem. art. 2. Hanc sen-

Mag. Frideric. Nic. Gaudard Tom. 5.

tentiam fatentur omnes alij DD.

63 Quoad dona Spiritus Sancti *Abailar-*
dus negavit animæ Christi donum timoris;
damnatus tamen fuit ab *Innoc. III. epist. inter*
ep. D. Bern. 194. *Dur.* verò in 3. dist. 34. q. 3.
vult hæc dona saltem quoad aliquos actus non
esse in Christo.

64 Quoad gratias gratis datas *Abul.* in c.
11. *Numer.* q. 64; & in *Matth.* 16. q. 4. vult Chri-
stum non fuisse verè, & propriè prophetam,
sed tantum in communi appellatione Vulgi.
Hanc sententiam videtur docuisse *Tertull. lib.*
4. cont. *Marcion.* c. 22.

65 Vnica concl. Omnes virtutes excepta
fide, & spe Theologica, quæ pugnant cum
animæ beatitudine; & excepta poenitentia stri-
ctè sumpta, quæ cum eius summa puritate, &
innocentia impossibilis est; & omnia dona
Spiritus Sancti, ac omnes gratiæ gratis datæ
in summo, & excellentissimo gradu fuerunt in
Christo in primo instanti suæ conceptionis in-
fusæ.

Prob. 1. ijdem textibus, & rationibus, quib-
us probata est vltima pars cõcl. præcedentis. S.
Christus Dominus in eo instanti, quo *Verbum*
caro factum est, fuit plenus gratia nedum secun-
dum capacitatem actuales, sed etiam secundum
capacitatem possibilem, ut habetur *Ioan.* 1; sed
instans, in quo *Verbum caro factum est*, est in-
stans conceptionis Christi; ergo Christus Do-
minus in primo instanti suæ conceptionis fuit
repletus omni gratia possibili, ad quam habe-
bat capacitatem obedientialem, aliter non
fuisset simpliciter plenus gratia, quia adhuc
potuisset aliam capere. Sed virtutes sunt gra-
tiæ, sunt enim dona Dei, quia sunt essentiali-
ter bonæ; & omne bonum deorsum est descendens
à Patre luminum, ut dicitur *Iac.* 2; & dona Spi-
ritus Sancti, ac gratiæ gratis datæ sunt veræ
gratiæ Dei; quia dantur nullis præcedentibus
meritis; ergo Christus in primo instanti suæ
conceptionis habuit omnes virtutes non repu-
gnantes beatitudini, qua ipsius anima fuit re-
pleta, quia beatitudo est gratia consummata,
& ideo quia fuit repletus omni gratia, etiam
beatitudo ei fuit infusa; & habuit omnia dona
Spiritus Sancti, & omnes gratias gratis datas
in summo, & excellentissimo gradu; aliter non
fuisset simpliciter, & secundum omnem mo-
dum gratia repletus. 2. Christus in primo in-
stanti suæ conceptionis habuit spiritum non ad
mensuram, cum B. Virgo Spiritu Sancto fuit
obumbrata; sed habere spiritum non ad men-
suram est recipere omnem gratiam; quæ po-
test diffundi à Deo per spiritum Sanctum, sicut
illum habere ad mensuram est recipere tantum
aliquam, non omnem gratiam, ut explicant
Sy. PP; & præcipuè *S. P. Aug.* super hunc locum
tract. 14. in *Ioan*; ergo Christus in primo instan-
ti suæ conceptionis recepit omnem gratiam,
F f quæ

quæ à Deo diffundi potest per Spiritum Sanctū. Atqui virtutes, dona Spiritus Sancti, & gratiæ gratis datæ diffunduntur per Spiritum Sanctum; omnia enim sunt dona Dei, quæ attribuantur Spiritui Sancto; qui est essentialiter donū; ergo idem. 3. Omnia dedit Pater Filio, quibus posset ornari, & perfici eius anima; & in Deū se conuertere immutabiliter; sed virtutes, dona &c. sunt huiusmodi; ergo idem. 3. Si Christus in instanti suæ conceptionis non habuisset omnes virtutes, omnia dona, & omnes gratias gratis datas, Pater non dedisset ei omnia, quæ dare potuisset; nam aliqua potuisset ipse sibi acquirere à Patre; sed conf. est falsum; ait enim *Scriptura Ioan. 3;* quod *Pater dedit ei omnia;* & asserit rationem; quia *se diligit Filium;* ita autem dilexit Christum suum Filium in primo instanti suæ conceptionis, vt non potuerit eum magis diligere; hæc enim dilectio terminata fuit ad Filium naturalem, non adoptiuum; vt subdit *S. P. Aug. ibid;* & ideo dedit ei omnia sua dona, quæ dare potuit; nam ratio amoris fuit ratio communicationis donorum; ergo idem. 4. Ad gratiam habitualement puræ creaturæ fluunt aliquæ virtutes formate per charitatem, quæ sunt proprietates illius; & aliqua dona, ac gratiæ gratis datæ; quia talis gratia non est plenissima; ergo ad gratiam habitualement Christi, quæ plenissima est, quia est proprietates gratiæ vnionis, quæ summa gratia est; vt docet *S. P. Aug. lib. 13. de Trin. c. 19;* fluunt omnes virtutes; omnia dona, & omnes gratiæ gratis datæ; quæ sunt proprietates illius; in gradu summo; & excellentissimo; sicut enim se habet quatuor ad quatuor; ita omnia ad omnia. *Vid. ubisf.*

66 Prob. deinde singule partes 1. de charitate. Habitus Charitatis est proprietates inseparabilis à gratia habituali; nam principium formale quo proximum operationis alicuius naturæ est inseparabile ab illa natura; aliter in actu secundo in operatione consistit; habitus autē charitatis est principium quo proximum dilectionis, quæ est principalis operatio procedens à gratia habituali, quæ se habet per modum naturæ in ordine supernaturali; sed in primo instanti conceptionis Christus habuit gratiam habitualement; ergo & habitum charitatis; aliter non potuisset proximè viuere in actu secundo vita supernaturali. 2. In primo instanti conceptionis fuit beatus; ergo habuit adum perfectissimum amoris Dei; in quo consistit formalis beatitudo vel formaliter, vel subsecutiue.

67 Quoad habitum fidei, & spei prob. Implicat, quod aliquis clarè videat, & non videat Deum; & sic quod possideat, & non possideat Deum; sed beatitudo formalis est de Deo clarè viso, & fides est de Deo clarè non viso, quia est *rerum non apparentium;* & beati-

tudo est de Deo possesso in re, spes autem Theologica est de Deo in re non possesso; ergo implicat, quod aliquis habeat simul beatitudinem, & fidem, ac spem Theologicam. Atqui Christus in primo instanti suæ conceptionis fuit beatus; ergo non habuit fidem, nec spem Theologicam; *Vid. to. 1. qu. 4. prem. art. 2; & to. 4. de fide q. 1. art. 5; & de spe q. 1. art. 1. à n. 9.*

68 Prob. de virtutibus moralibus. 1. Virtutes morales sunt habitus, quibus tendimus in Deum, tanquam in vltimum finem, in quo vltimatè quiescimus; sed in primo instanti conceptionis Christus habuit omne id, quo posset in Deum omnibus modis tendere, eique vniri; quia habuit gratiam vnionis, quæ continet omnem aliam vnionem possibilem; ergo habuit omnes virtutes morales suo statui tamen non repugnantes. 2. Virtutes formales formate per charitatem sunt proprietates gratiæ habitualis; ergo idem. 3. Virtutes morales sunt perfectiones ipsius animæ; sed Christus Dominus habuit omnem perfectionem, quæ potest competere animæ rationali; ergo idem. 4. Si non habuisset virtutes morales, non potuisset à principio exercere actus heroicos virtutum heroicarum, quia non potuisset agere promptè, faciliter, & expedite, ac perfecte; hoc enim sine habitu fieri non potest, vt constat; ergo idem.

69 De poenitentia sic. Quauis poenitentia, si eius ethimologia inspicatur, quæ idem significat, ac *penam tenentia;* & si sumatur latè pro detestatione alieni peccati, posset in Christo Domino admitti, quem tenuit maxima poena; & summè doluit de nostris peccatis; attamen poenitentia strictè, & propriè sumpta importat dolorem detestatiuum, & retractatiuum peccati elicium ab ipso, qui peccatum commisit, vindicantē in se ipso, quod dolet se commississe; sic enim poenitentiam definit *S. P. Aug. lib. de vera, & falsa penit. c. 2.* asserens: *Poenitentia est dolentis vindicta puniens in se ipso, quod dolet commississe;* sed *Christus peccatum non fecit;* ergo in ipso non fuit poenitentia. Ma. amplius prob. Actus peccaminosus non potest retractari, nisi ab eo, qui illum commisit; nam quantunvis aliquis doleat de peccato alieno; attamen si ille, qui illum commisit, sibi complaceat de tali peccato, illud peccatum nunquam retractatur; sed poenitentia est formalis retractatio peccati commissi; ergo poenitentia formaliter importat dolorē retractatiuum peccati elicium ab eo, qui peccatum commisit. Tum quia ratio communis poenitentia; & alijs virtutibus non est formaliter poenitentia, sicut animalitas non est formaliter homo. Tum quia condicionalis de actu impossibili non sufficit ad ponendam virtutem elicitiuam formaliter illius actus; aliter posset pariter poni in Christo potentia ad peccandum; quia valet hæc conditio-

ditionalis: Si esset possibilis, quod peccaret, esset in ipso potentia ad peccandum. Tum quia id, quod est ornatus in peccatore, esset indecorum innocenti; in tantum enim poenitentia manet ad ornatum in peccatore; in quantum debet habere insignia, & arma, quibus vicit peccatum; indecens autem esset, si in innocente esset insigne, quo vicit peccatum à se commissum, quia re vera peccatum non commisit; ergo nec quoad ornatum poenitentia esse debuit in Christo.

70 De donis Spiritus Sancti habetur expressè Isaiæ 11. *Requiescet super eum Spiritus Domini, Spiritus Sapientia, & intellectus, Spiritus consilij, & fortitudinis; Spiritus scientia, & pietatis; & replebit eum Spiritus timoris Domini*; & ratio est. Hæc dona sunt proprietates sequentes ad gratiam habitualementem, & habitum charitatis; nullam habent repugnantiam cum animæ beatitudine, & cum summa illius puritate; vt patet discurrenti per singula eo modo, quo locuti sumus 10. q. 1. de Donis Spiritus Sancti art. 1; quanuis enim importet in nobis obscuritatem, vt sapientia, scientia, & intellectus, quia innuntur lumini fidei; attamen hoc non est de eorum essentia; nam eorum munus est certò iudicare mysteria fidei esse vera, & ideo sequendam esse motionem Spiritus Sancti ad illa impellentis. Similiter consilium licet in nobis inuoluat ignorantiam, non tamen hanc importat formaliter, vt diximus 10. 3. de Act. hum. q. 4. art. 3. Sic pietas mouet voluntatem ad sequendum impulsu Spiritus Sancti per ordinem ad exhibendum cultum Deo, tanquam Patri, debitum. Sic fortitudo, quæ fidenter, & cum securitate aggreditur, & vincit pericula. Tandem timor, non quidem seruilis, sed filialis, & castus, quo subiicit se Deo reuerenter ob eius maiestatem &c. *Vid. ubi.*

71 Tandem de gratijs gratis datis S. P. Aug. tract. 14. in 10. intelligit illud 10. 3. *Non enim ad mensuram dat Deus spiritum*; ait nanq; *Hominibus ad mensuram dat; unico Filio non dat ad mensuram. Quomodo hominibus ad mensuram. Alij quidem datur* (inquit Apost. 1. Cor. 12.) *per Spiritum sermo sapientia, alij sermo scientia secundum eundem Spiritum; alij fides in eodem Spiritu; alij prophetia, alij discretio spirituum, alij genera linguarum, alij donatio curationum. Nunquid omnes Apostoli &c. sed Christus qui dat, non ad mensuram accepit; & eadem ratione prob.* Omnes gratiæ gratis datæ fuerunt in membris mysticis Christi, vt constat ex Apost. distributivè, non collectivè; ergo fuerunt collectivè realiter in Christo; nam nihil est in membris Christi, quod non sit derivatum realiter à Christo, tanquam à capite, & fonte, vt dicemus in seq. art. nequit autem aliquod derivari realiter à Christo, quod non est realiter in illo; quia nemo dat, quod non habet. *Vid. 10. 4. de grat. q. 2. art. 2. n. 5;*

Mog. Frideric. Nic. Gauradi Tom. 5.

ubi explicantur omnes istæ gratiæ. Discurrendo autem per singulas certum est sapientiam, & scientiam fuisse in Christo, quia in Scriptura habetur Christum aliquando explicuisse mysteria supernaturalia per causas altissimas, aliquando per causas inferiores accommodatas capacitati audientium; vt 10. 16. *Adhuc multa habeo vobis dicere, sed non potestis portare modò*; idèst non potestis modò percipere, quia nimis alta sunt, & superant vestram intelligentiam; & ideo in ipso fuit sapientia, & scientia. Aliquando interpretatus est Scripturas; vt Luc. 24. *Discipulis cunctis in Emaus interpretabatur illis Scripturas, quæ de ipso erant, incipiens à Moyse, & Prophetis*; & ideo in ipso fuit interpretatio sermonum. Item certum est ipsum habuisse genera linguarum, quia habuit omnem scientiam, quam potuit omnibus gentibus communicare; quod fieri non potuisset, nisi habuisset omnem linguam, quia omnes loquuntur; & quanuis in Scriptura non habeatur ipsum vsum fuisse varijs linguis; quia cum missus fuisset tantum ad Iudeos, seu ad ones, quæ perierant, domus Israël; non debebat loqui, nisi lingua Hebræorum in publicis concionibus, vt ait D. Tho; attamen verisimile est in priuatis colloquijs habitis cum Gentilibus, vt cum Centurione, & alijs vsum fuisse, alijs linguis; & Eusebius refert ipsum scripsisse epistolam Regi Abagaro in lingua Siriaca. Constat insuper de gratia sanarum, & operatione virtutum; quia febrientes, & leprosos sanauit, cecos illuminauit, mortuos resuscitaui. Idem de fide miraculorum, habuit enim fiduciam, firmissimam Deum sibi assistere in parandis miraculis. Confimiliter discretionem spirituum ostendit Matth. 4; cum ductus esset in desertum à Spiritu, vt tentaretur à Diabolo; quem clarè agnouit dicens: *Vnde retro Sathana.*

72 De prophetia autem aliqui dubitant verè non fuisse in Christo; quia cum innatur lumini fidei, quod est obscurum, vt diximus 10. 4. de Grat. q. 2. art. 2. n. 6; & ideo impossibile cum lumine gloriæ, quod est clarum, quo fuit illustrata anima Christi, cum fuerit beata; ergo prophetia propriè sumpta non fuit in Christo. 2. Apost. 1. Cor. 13. ait prophetiam in patria euacuari: *Sine prophetia enacubuntur, sine lingua cessabunt*; sed certum est in patria non euacuari, nisi id, quod est impossibile cum visione beata; ergo idem. Hoc probat etiam de generibus linguarum. 3. Prophetia definitur *supernaturalis cognitio habita per Diuinam reuelationem de rebus absentibus, & ignotis*; sed Christo Domino nihil fuit ignotum; ergo in ipso non fuit prophetia. 4. Prophetia communicatur per modum coruscationis citò transeuntis, non per modum permanentis; sed cognitio supernaturalis, quam habuit Christus de rebus absentibus, non fuit per modum transeuntis; ergo non fuit prophetia.

Ff 2

73 Di-

73 Dicendum tamen cum S.P. Aug. Christum verè, & propriè fuisse Prophetam. Ita in 1o. 4. tract. 15; vbi super illa verba Samaritane: Domine, ut video, Prophetas es in; inquit: Prophetam Dominum putabat. Erat quidem & Prophetas; nam de se ipso ait Luc. 4. Non est Prophetas sine honore, nisi in patria sua. Item dictum est ad Hebr. Deut. 16. Prophetam eis suscitabo de fratribus eorum. Idem docet in c. 6. tract. 25. super illud: Cum vidissent, quod fecerat signum, dicebant, quia hic est verè Prophetas; inquirens: Erat autem ille Dominus prophetarum, impletor prophetarum, sanctificator prophetarum, sed & Prophetas. Nam & Moysi dictum est: Suscitabo eis prophetam similem tui, similem secundum carnem, non secundum maiestatem. Et de ipso Christo illam Domini promissionem habere intellectum aperte in Actibus Apostolorum exponitur, & legitur. Et ipse Dominus de se ait 1o. 4. Non est prophetas sine honore, nisi in patria sua. Prophetas Dominus, & Verbum Dei Dominus; & nullus prophetas sine Verbo Dei prophetas. Cum prophetis Verbum Dei, & prophetas Verbum Dei. Meruerunt priora tempora prophetas afflatos, & impletos Verbo Dei; meruimus nos prophetam ipsum Verbum Dei. Sic autem prophetas Christus Dominus prophetarum; sicut Angelus Christus Dominus Angelorum. Paulò post assignat rationem. Etenim Angeli latine nuncij sunt. Si Christus nihil annuntiaret, Angelus non diceretur; si Christus nihil prophetaret, prophetas non diceretur. Exhortatus sit nos ad fidem, & ad capeendam vitam eternam: Aliquid presens annuntiavit; aliquid futurum prædixit. Ex eo, quòd presens nuntiavit, Angelus erat: Ex eo, quòd futurum prædixit, prophetas erat. Ex eo, quòd Verbum Dei caro factum est, & prophetarum, & Angelorum Dominus erat. Idem habet lib. 16. cont. Faust. c. 15; cum eo D. Ambr. serm. 8. in psal. 118; D. Hier. in c. 1. Hierem. D. Chrysost. hom. 15. in 1o; D. Cirill. lib. 8. cont. Iul. & alij SS. communiter. Formatur sic eius ratio. Prophetas formaliter importat cognitionem supernaturalem rei occultæ, & absentis in statu viæ; occultæ quidem, & absentis, non respectu ipsius prophetantis, sed respectu eorum, ad quos prophetas dirigitur; prophetas enim idem significat, ac *procul videns*; idèst videns ea, quæ sunt procul à cognitione hominum, tanquam præsentia, sibi, visio enim est rerum præsentium; quanvis enim prophetas, si habeat lumen obscurum, sicut fuerunt omnes prophetæ, qui fuerunt puræ creaturæ, respectu mysteriorum fidei obscurè videat; attamen si habeat lumen clarum, ut Christus Dominus, qui lumine gloriæ erat illustratus, vidit clarè, quæ dixit; dicitur autem in statu viæ, quia prophetas est donum, spectans ad Ecclesiam militantem, cùm sit essentialiter ad aliorum utilitatem, & salutem; salus autem acquirenda nequit esse, nisi in Ec-

clesia militante; sed in Christo fuit verè, & formaliter cognitio supernaturalis rei occultæ, & absentis in statu viæ, quia licet secundum partem superiorem fuerit beatus, secundum partem tamen inferiorem fuit viator intra Ecclesiam, cuius erat Caput, & Summus Pontifex; ergo in Christo fuit verè, & propriè prophetas; & ideo fuit verè, & propriè prophetas.

74 Ad 1. dist. ant. Prophetas in puris hominibus respectu mysteriorum fidei innititur lumini fidei, conc; in homine Deo, neg. Prophetas ergo innititur lumini obscuro tantum materialiter, quatenus est in subiecto habente tantum lumen fidei; & in hoc sensu locuti sumus 1o. 4. ubi; & alibi, vbi diximus lumen, propheticum esse obscurum, idèst lumen, cui innixa est prophetas prophetarum, qui fuerunt puri homines. Ad 2. dicitur ad ma. prophetiam innixam lumini fidei in patria euacuari, quia euacuabitur fides, nam cessabit obscuritas; & euacuari quoad actum; quia tunc nihil erit ignotum spectans ad salutem hominum consequendam. Ad 3. dist. ma. De rebus absensibus, & ignotis respectu eorum, ad quos prophetas dirigitur, conc; respectu prophetæ, neg. Et quanvis adulteria Samaritane essent nota ipsi Samaritane, ad quam prophetas Christi erat directas; ignotum tamen erat Samaritanæ, quòd Christus haberet eorum notitiam, & ideo ex hoc arguit ipsum esse prophetam. Ad 4. dist. ma. Communicatur essentialiter per modum transeuntis, neg; accidentaliter, conc; sicut enim essentia scientiæ non consistit, quòd habeatur per modum habitus, vel actus; ita à pari.

75 Obijc. 1. cont. 2. par. concl. Scientiæ naturales non fuerunt in Christo in instanti sue conceptionis infusæ, sed illas acquisiuit in tempore; ut docet D. Tho. q. 12. art. 2; ergo nec virtutes naturales morales; nam ideo scientiæ naturales non fuerunt infusæ, ne potentia, quam habet intellectus agens ad acquirendas species intelligibiles, esset frustranea in Christo; hæc autem ratio procedit etiam de virtutibus naturalibus; nam potentia, quam habet Christus ad acquirendas naturaliter virtutes morales, semper caruisset suo effectu. 2. Prudentia est virtus moralis; sed hæc non fuit infusa in Christo; quia non minus dependet prudentia à speciebus intelligibilibus, quàm scientiæ naturales; cùm sit *memoria præteritorum, cognitio præsentium, & prævisio futurorum*; ut can. definit Fund. Doct., quod nequit esse sine specie; ergo idem. 3. Si virtutes morales essent infusæ in gradu heroico, & excellentissimo, non potuissent per actus elicitos augeri; sed conc. ex falsum; quia causa naturalis non potest sine miraculo non producere suum effectum; ergo idem. 4. Virtutes morales non remanent in patria; ergo habent reputan-

gnantiam cum statu beatitudinis; & ideo non fuerunt in Christo, qui fuit beatus. 5. Virtutes morales ponuntur ad refranandas passiones immoderatas; sed passiones in Christo fuerunt perfectè subiectæ rationi; ergo idem. 6. Perfectius est habere virtutes acquisitas à se, quàm infusas ab alio; sed in Christo debemus ponere id, quod est perfectius; ergo idem. 7. In Christo non fuit liberalitas, & magnificentia, quia ipse non habuit diuitias; ergo idem.

Resp. ad 1. dist. ant. Scientiæ naturales quantum ad entitatem habitus, neg; quantum ad experimentalem vsum, conc; nam *Iudei* audientes Christum disputantem dicebant: *Quomodo hic literas scit, cum non didicerit*; scientiæ autem dependent à speciebus solum quoad vsum, non quoad entitatem, si infundantur; nec intellectus agens fuit superfluous, quia inferuiuit ad acquirendas species necessarias ad vsum illarum; sed de hoc q. 9. art. 25 & 3. Ad 2. neg. mi; nam prudentia dependet à speciebus solum quoad vsum, non quoad entitatem habitus, si sit infusa; dependet autem quoad entitatem, quoties per illas generatur. Sed de hoc inf. vbi sup. Ad 3. neg. mi. Ad prob. dist. Si effectus sit producibilis, conc; si sit iam productus, neg; nam si applicetur ignis ad lignum, producit ignis in ligno; sed si applicetur ad lignum iam ignitum, tunc non producit ignis. Sic habens habitum scientiæ iam perfectum, per novos actus non producit habitum; at carens habitu eliciendo actus producit habitum. Ad 4. neg. ant; nam etsi non remaneant quoad actus, remanent tamen ad ornatum. Ad 5. dist. ma. Ponuntur ad refranandas passiones per se, neg; per accidens supposita rebellione facta, per peccatum, conc; nam per se ponuntur ad eliciendos actus bonos, & si durasset status innocentis, in quo erat perfectæ subiectio passionum, adhuc fuissent virtutes morales. Ad 6. neg. ma; nam acquirere virtutes per se ipsum dicitur illis aliquando carere, quod dicitur imperfectionem, quæ omnino remouenda est à Christo Domino. Ad 7. neg. ant; potest enim quis esse liberalis, & magnificus in promptitudine animi, quauis reipia sit pauper.

76 Obijc. 2. cont. 3. part. concl. Detestari nedum peccata propria, sed etiam aliena est effectus poenitentiae; atqui Christus detestatus est peccata nostra, pro quibus satisfecit; ergo in illo fuit poenitentia. Prob. ma. Velle Deo bona nostra, & aliena est actus charitatis; ergo à pari. 2. Potuisset Christus assumere humanitatem peccato infectam; sed tunc, vt homo, potuisset dolere de peccato commisso; ergo poenitentia ei non repugnat.

Resp. ad 1. neg. conl; nam charitas habet pro obiecto primario Deum, & secundario creaturam, quæ est imago Dei, & effectus principalis illius; vnus autem, & idem habitus tendit

in obiectum primum, & secundarium. At peccatum alienum non est obiectum secundarium poenitentiae, quia non est effectus peccati proprii, nec cum peccato proprio coniungitur; aliter esset proprium, & alienum; ideo poenitentia tendit tantum in peccatum proprium, non alienum. Præterea sicut charitas nequit tendere solum in proximum, non in Deum; tunc enim non esset amor Dei, sed simpliciter creaturæ; ita poenitentia nequit tendere in peccatum alienum, non in proprium; sic enim non esset poenitentia, sed actus charitatis, quo diligitur Deus; & ideo dolet obiectum amatum offendi. Ad 2. neg. ma; nam Christus non potuit nasci per carnalem concupiscentiam; ideo non potuit habere carnem maculatam peccato. Vel dicitur ad mi; quod cum illud peccatum non fuisset commissum ab illo homine, quod est Christus, quia homo, qui est Christus, importat suppositum Diuini, cui repugnat peccare; ideo Christus, vt homo, in data hypothese non potuisset poenitere; quia illud peccatum non esset proprium illius hominis, sed alterius hominis, qui in illa carne peccasset.

A R T. III.

An, & per quam gratiam Christus, vt homo, sit Caput Ecclesiæ?

1 DVo quærentur. 1. An Christus, vt homo, sit Caput Ecclesiæ? 2. An constitutur in ratione Capitis per gratiam vnionis, vel per gratiam habitualem? Primum non controuertitur; est enim de fide, vt ait noster *Gibb*; quia manifestè habetur in *Scripturis inf.* adducendis. Circa secundum est dissensio, licet parui momenti.

2 Prima Sententia vult Christum constitui Caput Ecclesiæ per gratiam vnionis. Ita *Vasq. disp. 49. c. 45 & alij.*

3 Secunda vult constitui per solam gratiam habitualem. Ita *Naz; Med; Aran; & alij.*

4 Tertia docet constitui per vtranque. Sed diuisa est in modo loquendi; nam *alij* volunt gratiam habitualem constituere Christum Caput Ecclesiæ, quatenus physicè influit in substantiā actus meritorij, gratiam verò vnionis, quatenus tribuit actui valorem infinitum. Ita *Gran. hic controu. 1. tract. 7. disp. 6. concl. 43* qui refert *Val; & alios. Alij* asserunt Christum constitui Caput per gratiam vnionis radicaliter, & per gratiam habitualem per modum principij proximi. Ita *noster Gibb. hic disp. 14. dub. 2; apud quem Sna. disp. 23. sect. 2; Lorc. disput. 46. num. 6; Lug. disp. 17. dub. vlt; & Tanner. disp. 1. q. 5. dub. 2. Alij* dicunt constitui formaliter, & in recto per gratiam habitualem, & in

& in obliquo, seu de connotato per gratiam vnionis. Ita *Gonet. disputat. 14. artic. 5.* Nos cum *Fund. Doct. in Cant. c. 1. lect. 12. fol. 12. col. 3.* afferente rationem *S. P. Aug. inf.* adducendam dicimus Christum, vt hominem, constitui Caput Ecclesiæ militantis (de hoc enim solum sermo est in præfenti) per gratiam habitalem, quæ in ipso fuit cum omni plenitudine, tanquam per causam instrumentalem transfusionis gratiæ in Ecclesiæ membra; & per gratiam vnionis tanquam per causam principalem productiuam efficienter eiusdem gratiæ habituali in membris Ecclesiæ.

5. Not. ex *Apost. 1. Corinth. 12. & Rom. 12.* Christum dici Caput Ecclesiæ per analogiam ad caput naturale corporis humani; ait enim *Apost.* *Sicut in vno corpore multa membra habemus, omnia autem membra non eundem actum habent; ita multi vnum corpus sumus in Christo.* In hoc sensu locuti sunt *SS. PP.* inter quos *P. Aug. inf. & S. Tho.* Sicut ergo philosophamur de capite corporis humani; ita discurrendum est de Christo, vt est Caput Ecclesiæ. Videmus in capite naturali corporis humani.

1. Esse eiusdem naturæ cum membris. 2. Esse super omnia membra. 3. Continere omnes sensus, quibus insuit in omnia membra per influxum internum, quatenus per potentias sensitivas in ipso residentes transmittit per neruos in omnia membra spiritus animales necessarios ad exercendas operationes sensitivas; & per influxum externum; quatenus mediantibus intellectu, visu, auditu, & ceteris sensibus dirigit alia membra, ne impediatur in suis operationibus, sed illas ritè exerceant. Caput tamen insuit tanquam instrumentum animæ; quia in capite sunt organa, quibus anima exercet operationes sensitivas, tanquam causa principalis illarum; ideo de ratione capitis est esse causam influxiuam instrumentalem in membra; ad rationem autem causæ instrumentalis essentialiter requiritur actio agentis principalis; quia causa instrumentalis essentialiter agit, vt eleuata per actionem causæ principalis.

6. Christus itaque, vt homo, dicitur Caput Ecclesiæ, quia est superior ad totam Ecclesiam, & vt homo, est eiusdem naturæ cum omnibus hominibus, qui sunt membra Ecclesiæ. Per gratiam habitalem, tanquam per instrumentum, insuit in homines gratiam habitalem; quia per ipsam meruit omnibus hominibus gratiam; & per ipsam Summus Pontifex effectus instituit sacramenta, quibus mediantibus, tanquam instrumentis, gratiam confert hominibus; & sic dicitur habere influxum internum. Præterea per prædicationem externam, per miracula, per sacramenta visibilia, per legem Euangelicam, per ministros visibiles rexit Ecclesiam, quando vixit in terris; &

ascensus in Cælum constituit Petrum, eiusque Successores, sui Vicarios, qui exter nè fideles dirigerent, & ita influxu externo Ecclesiam gubernat. At humanitas Christi quantumvis eleuata per gratiam habitalem non est causa principalis productiua, & influxiua gratiæ in alios homines, sed tantum instrumentalis, quia solus Deus est causa principalis productiua gratiæ, vt diximus *to. 4. de grat. q. 2. art. 3.* ideo ad hoc, vt Christus, vt homo, sit Caput influxiuum gratiæ in membra Ecclesiæ, essentialiter, & in recto requiritur gratia vnionis, seu Diuinitas vnita humanitati; quia ad rationem instrumenti instrumentaliter influentis essentialiter requiritur, quod agat per influxum, & actionem principalis agentis. Hinc *S. P. Aug. tract. 81. in Io.* docet; quod quantumvis Christus, nisi homo esset, Caput Ecclesiæ non esset; at tamen gratiam hominibus non conferret, nisi Deus esset; inquit enim: *Quantumvis autem Christus vitis non esset (dicitur autem vitis, prout est Caput Ecclesiæ, vt dixerat cap. 8c.) nisi homo esset, tamen istam gratiam palmitibus non præberet, nisi etiam Deus esset.*

7. Ex his deducitur insufficientia aliarum sententiarum; non enim sola gratia vnionis, aut sola gratia habitualis sufficit ad rationem capitis; quia purus homo, aut purus Deus nequit esse Caput visibile Ecclesiæ per analogiam ad caput naturale corporis humani; quia purus homo nequit influere in alios homines gratiam habitalem; & Deus purus non est eiusdem naturæ cum alijs hominibus, non enim est homo. Nec gratia vnionis requiritur tantum ad valorem infinitum, sed etiam ad transfusionem gratiæ habitualis in membra. Nec requiritur tantum radicaliter, aut de connotato; quia causa principalis essentialiter, & in recto requiritur ad actionem causæ instrumentalis, vt constat. Igitur.

8. Vnica concl. Christus, vt homo, non vt Deus, est Caput visibile Ecclesiæ; & in ratione Capitis constituitur per gratiam habitalem, tanquam per causam instrumentalem transfusionis gratiæ in membra Ecclesiæ; & per gratiam vnionis, tanquam per causam principalem productiuam eiusdem gratiæ.

Prob. 1. pars concl. 1. ex *Scripturis*; nam *Ephes. 1.* habetur: *Ipsam dedit super omnem Ecclesiam, quæ est corpus ipsius; & cap. 5. Vir caput est mulieris; sicut Christus est Caput Ecclesiæ; & Coloss. 1. Ipse est caput corporis Ecclesiæ.* Quod autem *Apost.* loquatur de Christo, vt homo est, *SS. PP. & DD.* concorditer affirmant; & deducitur ex verbis immediate præcedentibus: *Suscipiens illum à mortuis, & constituens ad dexteram suam in cælestibus;* sed Christus, vt homo, non vt Deus, resurrexit à mortuis, & constitutus est ad dexteram Dei Patris; ergo Christus,

stus, vt homo, est Caput Ecclesiæ. Manifestè hoc docet S.P. Aug. de fide, & symb. cap. 4. in-
 quiens: *Caput Ecclesiæ est Christus homine indu-*
tus, per quem viuendi exemplum nobis daretur.
 Sed Christus, vt homine indutus, est Christus,
 vt homo; & vt homo, non vt Deus, nobis de-
 dit exemplum, quia actiones hominis sunt à
 nobis imitabiles; ergo idem. Præterea *Ioc. 15.*
Ego sum vitis, vos palmites; super quod S.P.
 Aug. tract. 80. ait: *Iste locus Evangelicus, ubi se*
dicit Dominus vitem, & Discipulos suos palmites
vocat, secundum hoc dicit, quod est Caput Eccle-
sia, nosque membra eius mediator Dei, & homi-
num homo Christus Iesus; vnius quippe nature
sunt vitis, & palmites. Propter quod cum esset
Deus, cuius natura non sumus; factus est homo, ut
in illo esset vitis humana natura, cuius & nos ho-
mines palmites esse possumus. Ex quo sic argui-
 tur. Ita se habet Caput respectu membrorum,
 sicut vitis respectu palmitum; nam sicut pal-
 mites non viuunt, nisi vitis eis subministrat hu-
 morem, quo viuunt; ita membra corporis vi-
 ta sensitiua non viuunt, nisi Caput eis submini-
 stre spiritus animales, quibus viuunt; sed
 Christus est tantum vitis, vt homo, quia nos
 sumus palmites, vt homines; & palmites, &
 vitis dicuntur secundum eandem naturam; er-
 go Christus, vt homo, non vt Deus, est Ca-
 put Ecclesiæ. 2. Christus dicitur Caput Eccle-
 siæ per analogiam ad caput naturale corporis
 humani, vt *sup.* dictum est ex *Apst.*; sed caput
 naturale corporis humani est eiusdem nature
 cum membris; ergo Christus dicitur Caput Ec-
 clestiæ; prout eiusdem nature cum membris
 Ecclesiæ; atqui membra Ecclesiæ sunt homi-
 nes; ergo Christus, vt homo, est Caput Ec-
 clestiæ. 3. Christus factus est Caput Ecclesiæ;
 non enim prius erat caput Ecclesiæ; sed factus
 est homo, non Deus; nam Deus erat, non
 homo; ergo idem. 4. De ratione capitis est
 influere instrumentaliter in membra; caput
 enim, vt dictum est, instrumentum est anime;
 sed Christus tantum, vt homo, non vt Deus,
 potest habere rationem instrumenti; quia de
 ratione instrumenti est subordinari agenti prin-
 cipali, cleuari, & agere per virtutem ab agen-
 te principali receptam, quæ nequeunt Deo
 conuenire, & homini non repugnant, vt est
 per se notum; ergo idem.

9 Dices. 1. Caput corporis naturalis est
 membrum corporis; sed Christus, vt homo,
 nequit esse membrum Ecclesiæ; vt docet *D. Tho.*
in 3. dist. 13. q. 7. arr. 1. ad 6; & deducitur ex
Apst. 1. Cor. 11; ubi postquam dixit, quod
 Christus est *Caput omnis viri*; quod intelligen-
 tur de Christo, vt homo est; subdit, quod *Ca-*
put Christi Deus est; quod nequit accipi nisi de
 Christo, vt homo est; quia Christus, vt homo,
 est inferior Patri, non vt Deus. 2. Influens spi-
 ritus vitales in membra est cor, non caput; er-

go Christus magis propriè dicendus est Cor
 Ecclesiæ, quam Caput.

Resp. ad 1. dist. ma. Caput corporis est
 membrum in eo, quod caput, neg; in eo, quod
 humorè accipit ab alijs membris, conc; Chri-
 stus autem habet præcisè rationem Capitis
 Ecclesiæ, quia solum inluit gratiam in mem-
 bra, quæ in illum non influunt. Ad *Apst.* di-
 citur, quod humanitas Christi recipit gratiam
 à Deo, ideo in hoc sensu Deus est Caput Chri-
 sti, vt homo est. Ad 2. dicitur cum *D. Tho.* cor
 influere occultè solum, & ideo Cor Ecclesiæ
 appropriatè dici de Spiritu Sancto, qui inuisi-
 bilitè Ecclesiam viuificat. Caput verò nedum
 occultè per internum influxum, sed etiam vi-
 sibiliter per influxum externum membra gu-
 bernat; & ideo magis propriè dici de Christo.

10 Prob. 2. pars concl. Per illud Christus
 constituitur formaliter in ratione Capitis Ec-
 clestiæ, quatenus est instrumentum influens in
 membra Ecclesiæ, quod per virtutem alienam
 non per propriam producit id, quod inluit in
 membra Ecclesiæ, hoc enim est de essentia in-
 strumentum, vt patet; sed gratia habitualis est
 huiusmodi; nam gratia habitualis Christi ne-
 quit virtute propria effectiue producere gra-
 tiam habitualement in alijs hominibus, quæ à solo
 Deo est effectiue producibilis; sed tantum
 illam producit, quatenus coniungitur suppo-
 sito Diuino, quod habet virtutem illam pro-
 ducendi efficienter; ergo per gratiam habitua-
 lem, tanquam per causam instrumentalem,
 Christus constituitur formaliter in ratione Ca-
 pitis Ecclesiæ. 2. Per illud constituitur Chri-
 stus formaliter in ratione Capitis, quatenus
 Caput instrumentaliter inluit, per quod agit
 in membra Ecclesiæ; influere enim est agere;
 sed per solam gratiam habitualement Christus in-
 fluit in membra Ecclesiæ, quia sola gratia ha-
 bitualis, est principium formale agendi; ergo
 per solam gratiam habitualement Christus con-
 stituitur formaliter in ratione Capitis, quate-
 nus caput instrumentaliter inluit. 3. Per illud
 Christus constituitur formaliter Caput Eccle-
 siæ, quatenus habet instrumentaliter influere
 in membra; per quod formaliter habet satisfac-
 cere pro debito, quod habent Ecclesiæ mem-
 bra; & per quod habet formaliter eos redime-
 re à peccato, quo facti erant Diaboli membra;
 & per quod formaliter illis meruit gratiam
 adoptionis, quæ ad filiationem Dei transfe-
 runtur; ad hæc enim, vt constat influxus Chri-
 sti terminatur; sed sola gratia habitualis est
 ratio formalis instrumentalis satisfactionis, re-
 demptionis, & meriti adoptionis filiationis;
 quia sola gratia habitualis est principium
 formale quo operandi; quod, prout coniun-
 gitur cum gratia vnionis, eleuatur ad produ-
 cendam gratiam habitualement in membris; ergo
 idem.

11 Prob. 3. pars concl; & declaratur magis 2. pars. De ratione capitis nedum est habere virtutem sibi propriam, quæ suas operationes exercet, sed etiam deferre actionem principalis agentis, quod est anima, in cuius virtute agit; sed virtus propria humanitatis, vt humanitas est, est sola gratia habitualis; & actio, per quam humanitas Christi communicat membris Ecclesiæ gratiam habitualement, est propria solius Diuinitatis per gratiam vnionis humanitati hipostaticè vnitæ; ergo de ratione constitutiuæ Christi in ratione Capitis Ecclesiæ nedum est gratia habitualis, sed etiam gratia vnionis. Prob. ma. Caput essentialiter est instrumentum animæ; non enim potest agere, nisi eleuetur per coniunctionem ad animam; sed instrumentum nedum importat virtutem sibi propriam, sed etiam actionem principalis agentis; vt calor importat calefactionem, quæ illi propriè conuenit; & ignitionem, quæ est actio formæ ignis; ergo de ratione capitis est habere virtutem sibi propriam, per quam exercet suas operationes, & deferre actionem principalis agentis, quod est anima. Prob. mi. Illa virtus est propria Christo, vt homo est, quæ illi conuenit ratione humanitatis; & illa est ei propria, vt Deus est, quæ illi conuenit ratione Diuinitatis; sed gratia habitualis conuenit Christo ratione humanitatis, quæ sola est subiectum per illam eleuatum; non enim potest ei conuenire ratione Diuinitatis, quæ ineluctabilis est; & gratia vnionis ei conuenit ratione Diuinitatis, quæ dicitur vnita; & quæ habet physicè agere in membra Ecclesiæ producendo in illis gratiam habitualement; nam si Christus Deus non esset (inquit S. P. Aug. ubi.) vitam, id est gratiam habitualement, quæ est vita supernaturalis, palmitibus, id est membris Ecclesiæ, non praberet; ergo virtus propria humanitatis, vt humanitas est, est sola gratia habitualis; & actio propria, per quam gratia habitualis communicatur membris Ecclesiæ, est propria solius gratiæ vnionis, per quam humanitati vnitur Diuinitas, quæ sola habet physicè producere gratiam. 2. Illud est constitutum essentialè alicuius, sine quo res nec esse, nec intelligi potest; sed sine gratia habituali, & sine gratia vnionis Christus non potest esse, nec intelligi Caput Ecclesiæ; ergo gratia habitualis, & gratia vnionis sunt constitutum essentialè Christi in ratione Capitis Ecclesiæ. Ma. est definitio constitutiuæ essentialis. Mi. prob. Si Christus non haberet humanitatem eleuatam per gratiam habitualement, non esset Caput Ecclesiæ; quia non esset eiusdem naturæ cum membris, quod est de ratione Capitis per analogiam ad caput naturale; si autem non esset Deus, non posset gratiam habitualement transferre in membra, quia non posset illam nullis producere; implicat enim, quod tran-

sferatur non producta; quia non productum nihil est (loquendo de creatura, cui soli conuenit produci,) & sic nihil transferretur; ergo sine gratia habituali, & sine gratia vnionis Christus nequit esse, neque intelligi Caput Ecclesiæ. 3. In tantum Christus, vt homo, est Caput Ecclesiæ, in quantum ipsi meruit gratiam habitualement, per quam solum membra Ecclesiæ possunt viuere in Christo; sed in tantum meruit gratiam habitualement membris Ecclesiæ, in quantum habuit in se ipso gratiam habitualement, quæ sola est principium formale proximum meriti; & in quantum in ipso fuit gratia vnionis, quæ sola est principium radicale, quo potuit membris Ecclesiæ gratiam habitualement mereri; etenim purus homo, quantumvis gratia habituali insignitus, nequit mereri alteri gratiam habitualement, quia hæc nequit cadere sub merito finito, bene tamen sub merito infinito, quod habet infinitatem solum à gratia vnionis; vt diximus 10. 4. de grat. q. 5. art. 4; ergo in tantum Christus, vt homo, est Caput Ecclesiæ; in quantum fuit in illo gratia habitualis, & gratia vnionis; & per consequens nedum gratia habitualis, sed etiam gratia vnionis essentialiter requiritur ad constituendum Christum in ratione Capitis Ecclesiæ; & non tantum de connotato, & in obliquo.

12 Sententia autem P. Gibb. potest subterni, si explicetur, quod gratia habitualis concurrat, vt principium formale quo ad meritum, tanquam ad effectum sibi proprium; & ad extensionem gratiæ in membra formaliter instrumentaliter, vt quo, tanquam ad actionem principalis agentis, quod est Deus; non autem, quod concurrat ad illam, tanquam ad proprium effectum; & calor concurrat ad actionem ignefactiuam instrumentaliter, tanquam ad actionem propriam principalis agentis, non autem tanquam ad actionem sibi propriam, quæ est tantum calefactio. Gratia autem vnionis concurrat radicaliter ad meritum, quod est effectus gratiæ habitualis; & ad extensionem principaliter eo modo, quo agens principale dicitur cōcurrere radicaliter ad actionem propriam sui instrumenti; vt ignis ad calefactionem; & principaliter ad actionem sibi propriam; vt ignis ad ignefactionem. Si autem alio modo explicetur, non videtur posse subterni, & rationabiliter defendi.

13 Dices. Gratia habitualis est causa formalis vitalis; sed implicat causam formalem vitalem esse causam instrumentalem; ergo ruit allata doctrina.

Resp. dist. mi. Implicat causam formalem vitalem esse causam instrumentalem per ordinem ad actus sibi proprios; vt oculus ad visionem, conc; per ordinem ad actus alienos, neg.

14 Obijc. 1. cont. 2. part. concl. Christus nedum communicat membris Ecclesiæ gratiam

habi-

habitualem, sed etiam habitum charitatis, & cetera dona; ergo constituitur Caput nedum per gratiam habitualem, sed etiam per habitum charitatis, & cetera dona; & sic ruit prima ratio. 2. Nedum gratia habitualis, sed etiam habitus charitatis &c. constituunt Christum, potentem elicere actus supernaturales satisfactorios; imò per istos immediatius constituitur; ergo idem; & sic ruit 3. ratio. 3. Christus, vt homo, adhuc esset Caput Ecclesiæ, etiamsi non haberet gratiam habitualem; quia per auxilia supernaturalia per modum dispositionis transeuntis potuisset elicere actus supernaturales meritorios vitæ æternæ, & satisfactorios pro offensis totius generis humani; ergo idem. 4. Illa est gratia Capitis in Christo, quæ est prior, perfectior, & quæ illud constituit potentem influere in membra; ad rationem enim capitis requiritur prioritas, eminentia super membra, & influxus in illa; sed gratia vnionis, non habitualis, est huiusmodi; quia gratia vnionis supponitur ad gratiam habitualem, tanquam natura ad proprietatem, & ideo est prior; & est perfectior, quia eminentior est sanctitas substantialis, quam accidentalis; & est ratio influendi gratiam habitualem in membra, vt dictum est; ergo Christus constituitur Caput per solam gratiam vnionis. 5. Gratia habitualis Christi, & nostra sunt eiusdem rationis; sed nostra nequit constituere Caput Ecclesiæ, aliter purus homo posset esse Caput Ecclesiæ; ergo neque illa. 6. Ideo gratia habitualis constituit Christum Caput Ecclesiæ, quia influit in actus meritorios, quibus Christus satisfecit pro nobis; sed satisfactionis ratio est gratia vnionis; ergo idem.

Resp. ad 1. dist. ant. Communicat etiam habitum charitatis, & cetera dona per modum proprietatis ipsius Capitis, conc; per modum naturæ ipsius Capitis, neg; natura enim est id, quod primò est in re; & sic gratia habitualis, quæ est primò in re, quia ab ipsa fuit habitus charitatis, & cetera dona, est natura ipsius Capitis. Ad 2. eodem modo dist. ant. Etiam habitus charitatis constituit potentem operari per modum naturæ, neg; per modum proprietatis, conc. Ad 3. neg. ant; vt diximus art. 2. à nn. 8; actus enim per modum dispositionis transeuntis non sunt meritorij vitæ æternæ, nisi dispositiue; in quantum disponunt ad gratiam habitualem, quæ est principium meriti. Et quanuis in Christo sit gratia vnionis; atamen quia hæc est tantum principium quod radicale remotum ipsius meriti, & implicat principium radicale habere operationem propriam principij formalis proximi sine ipso principio formali; vt constat de anima rationali, & intellectu; ideo sine gratia habituali Christus non posset habere actus meritorios, qui sunt à gratia habituali, vt à principio pro-

ximo. Ad 4. dist. ma. Gratia Capitis in genere causæ principalis productiue, conc; instrumentalis, neg; sufficit enim, quòd causa instrumentalis sit prior, & perfectior inter omnes alias gratias instrumentales, & quòd possit influere per virtutem alienam, nò per propriam, vt dictum est. Ad 5. dist. ma. Gratia Christi, & nostra sunt eiusdem rationis, quatenus gratia est, conc; quatenus Capitalis est, neg; & dist. mi. Nostra non sufficit ad constituendum Caput, si esset in ea plenitudine, in qua est gratia Christi; & aliunde supponeret in nobis gratiam vnionis, neg; secus, conc. Gratia igitur Christi est eiusdem rationis cum nostra, sed inæqualis; & ideo quia in nobis non est cum plenitudine omnium gratiarum, nequit constituere Caput; sicut enim in capite (inquit S. P. Aug. ep. 57. ad Dardanum) sunt omnes sensus; ita in Christo sunt omnes gratie; vnde cum in nobis non sit plenitudo omnium gratiarum, gratia in nobis nequit esse constitutiva Capitis in genere causæ instrumentalis, & aliunde deficit gratia vnionis, quæ requiritur in genere causæ efficientis principalis. Ad 6. eodem modo dist. ma. Constituit Caput in genere causæ instrumentalis, conc; in genere causæ formalis, neg.

15. Obijc. 2. cont. 3. part. concl. Illa est gratia constitutiva Capitis, quæ reddit Christum formaliter potentem influere in membra Ecclesiæ; sed sola gratia habitualis, non gratia vnionis, est huiusmodi; quia sola gratia habitualis constituit potentem connaturaliter elicere entitatem actuum liberorum connaturaliter; nam gratia vnionis ordinatur ad esse, non ad operari; tum quia, gratia vnionis solum moraliter, non physice significat actus meritorios Christi Domini; ergo gratia habitualis, non gratia vnionis constituit Christum Caput Ecclesiæ. 2. Gratia Capitis influit in membra per meritum, & satisfactionem; sed sola gratia habitualis est huiusmodi; ergo idem. 3. Ad rationem Capitis tres condiciones requiruntur formaliter, scilicet prioritas, eminentia, & influxus; sed hæc condiciones conueniunt gratia habituali Christi, quæ est prior gratia ceterorum hominum, & est perfectior, cum sit plena; & influit moraliter, quia illam illis meretur; ergo idem.

Resp. ad 1. eodem modo neg. ma. Ad prob. mi. dicitur, quòd gratia habitualis constituit Christum, vt hominem, potentem elicere entitatem actuum supernaturalium in genere causæ formalis intensiue, non autem extensiue ad alia membra. Ad aliud dicitur gratiam vnionis ordinari ad esse suppositando naturam; natura autem suppositata est principium quod operationis; non autem ordinari ad esse, tanquam principium formale quod operationis in genere causæ formalis, sicut ordinatur gratia habitualis, quæ est ratio formalis quæ

Gg

opc-

operandi. Ad alteram dicitur pro nunc, quòd licet actus meritorij Christi Domini tantum moraliter inquant gratiam in membra Ecclesiæ, & ob hoc Christus sit tantum Caput morale; attamen natura humana Christi Domini physice vnitur Diuinitati, quæ physice producit gratiam in omnibus Ecclesiæ membris. Ad 2. neg. mi; nam gratia habitualis inluit in membra ratione gratiæ vnionis, vt dictum est. Ad 3. neg. 3. pars mi; nam gratia habitualis non inluit ratione sui, sed ratione gratiæ vnionis.

§. I.

An Christus sit Caput omnium hominum?

16. **O**stendimus Christum esse Caput Ecclesiæ; modò declarandum est, quænam sint Ecclesiæ membra, vt sciamus, quorum Christus sit Caput. Loquimur autem nedum de Ecclesiâ militante, sed etiam de triumphante, quæ componitur nedum ex hominibus beatis, sed etiam ex Angelis sanctis, qui constituunt vnâ sanctam ciuitatem cœlestem Hierusalem, vnâ societatem summa charitate coniunctam, & vnum Oïle Oïum electarum ad Regnum; vt fusè ostendit S. P. Aug. in lib. de Cin. Dri; vnde quæritur hic, an, & quomodò Christus sit Caput omnium hominum, & Angelorum? Vt autem distinctè procedamus, in hoc §. agimus de Ecclesiâ militante, quæ constat ex solis hominibus viatoribus pro Regno Dei certantibus contra spiritus superbiam, & potestates tenebrarum acturi in seq. de Ecclesiâ triumphante, quæ componitur ex hominibus, & Angelis beatis Regno Dei fruuentibus.

17. *Turrecrem. lib. 1. Summa c. 8. ad 7; & c. 11. ad 6. & Can. lib. 4. de Loc. Theol. c. vlt. ad 9.* arbitrantur Christum esse Caput tantum iustorum, non peccatorum, quanuis fidelium.

18. E contra verò *Alphon. de C. stro lib. 2. de iusta Hæreticor. puni. cap. 24; & Caiet. 10. 1. Opus, cap. 22.* volunt esse actum Caput fidelium, & infidelium baptizatorum, licet sint hæretici, & schismatici manifesti. *Petr. de Soto in conf. Cathol. & in Apolog. pro ead. conf. q. 1. c. 11; Bellarm. lib. 3. de Eccl. c. 10; Vigor. 2. 2. de Eccl. p. 2. c. 20.* volunt hæreticos occultos esse membra Ecclesiæ.

19. Amplius voluit *Orig. lib. 1. Periarch. hom. 1. in Ienit; & hom. 24. in Numer;* vbi dixit omnes damnatos etiam Demones in fine Mundi esse conuertendos, & Christi meritis saluandos; adeoque esse membra Christi in potentia; vt refert *Beatis. P. Aug. de Cin. Dei lib. 21, cap. 17.* Alij apud eundem ibid. cap. 18. voluerunt omnes homines precibus SS. esse liberandos, Alij ibid. c. 19. solos illos, etiam hæreticos, qui per baptismum membra semel fuerunt corpo-

ris Christi. Alij solos eos, qui apud Catholicos baptismò sunt regenerati; *ibid. c. 20.* Alij illos tantum, qui semper manserunt in fide Catholica, quanuis pessimè vixerint; *ibid. c. 21.* Alij tandem eos, qui fecerint misericordiam; *ibid. cap. 22.*

20. Communis tamen sententia docet damnatos non esse Christi membra actum, nec in potentia, & viatores infideles siue non baptizatos, siue baptizatos non esse actum, sed tantum in potentia Ecclesiæ, & Christi membra; fideles autem siue iustos, siue peccatores, siue electos, siue reprobos, seruantes tamen Ecclesiæ vnitatem esse actum Christi membra.

21. Diximus seruantes Ecclesiæ vnitatem propter schismaticos, qui sunt fideles, quia fidem retinent, vt docet *D. Tho. 2. 2. q. 39. art. 1. ad 3;* nam schisma definitur à S. P. Aug. cont. Greson. lib. 2. c. 7. recens conuersionis ex aliqua sententiarum diuersitate dissensio; hæresis autem inuenturum schisma dicitur; vnde schismatici propriè dicuntur illi, qui omnia credunt definita ab Ecclesiâ, aliter si non crederent omnia, essent hæretici, non schismatici; in aliqua tamen, vel in aliquibus sententijs non definitis se separant à communi sensu Ecclesiæ, & nolunt obedire Episcopo, nec Summo Pontifici, cuius definitione postea accedente, si maneant periuicaces in eorum sententia, fiunt hæretici; propter quod schisma dicitur recens dissensio; & hæresis inueteratum schisma; hinc *D. Hier. in ep. ad Tit. cap. 3.* ait, quòd nullum est schisma, quod aliquam non inuehat hæresim. Quanuis ergo schismatici habeant fidem, quia credunt omnia, quæ credimus nos; vt inquit S. P. Aug. de Fide, & Symb. c. 10; & ideo licet à nobis non separarentur fide, separantur tamen à nobis fraterna charitate, quia in odium Episcoporum, & fidelium congregantur ad diuersè sentiendum, & abscedunt à nobis.

22. Vnica concl. Dammati existentes in termino non sunt actum, nec potentia Ecclesiæ membra; nec eorum Caput, sed tantum lindex est Christus; viatores tamen infideles, siue non baptizati, siue baptizati, vt hæretici, quibus adduntur etiam schismatici, quanuis actum non sint Christi membra, sunt tamen in potentia; fideles verò siue iusti, siue peccatores, etiam excommunicati, siue electi, siue reprobi, seruantes tamen Ecclesiæ vnitatem sunt actum Ecclesiæ membra; beati tandem in patria, & iusti in via sunt perfectissima Ecclesiæ membra; & illorum perfectissimo modo Caput est Christus.

Prob. 1. pars concl. ex *Matth. 15. Discite à me maledicti in ignem æternum, qui parati estis Diabolo, & Angelis eius; & Apoc. 10. Cruciatumur die, ac nocte in sacula seculorum; super quod S. P. Aug. vbiq. c. 23, inquit: Quod ibi dictum est æternum, hic dictum est in sacula seculorum.*

Quibus

Quibus verbis nihil Scriptura Divina significare consuevit, nisi quod finem non habet temporis. & Matth. 12. Eis non remittetur neque in hoc seculo, neque in futuro; & Matth. 15. Ibant isti in supplicium aeternum; iusti autem in vitam aeternam. Ex quo arguit S.P.Aug. ubif. c.24; quod si liceret dubitare de æternitate poenarum, liceret etiam dubitare de æternitate gloriæ; quia æternitas utriusque in Scripturis statuitur: *Nimia præsumptionis est dicere, cuiquam eorum æternum supplicium non futurum, quos Deus iustos in supplicium dicit æternum, & per eius præsumptionis persuasionem faceret, ut de ipsa quoque vita, vel desperetur, vel dubietur æterna.* Ex quibus sic. Illud est membrum Ecclesiæ actū, vel potentia, in quod Christus actū insiuit, vel potest influere gratiam, vt diximus in sup. art; sed in Damnatos Christus actū non insiuit, nec potest gratiam influere; aliter damnati non essent; nam damnati sunt illi, qui infernalibus poenis sunt in æternum addicti, vt ex allatis textibus aperte colligitur; cum quibus poenis est impossibilis Christi gratia, quæ ab illis liberat, & redimit; ergo damnati nec actū, nec potentia sunt membra Ecclesiæ.

23. Opponunt Origenistæ 1. pf. 76. Nunquid obliuiscitur misereri Deus, aut continet in ira sua miserationes suas? Sed ira Dei est punire æterno supplicio indignos beatitudine æternæ; ergo continentia miserationis in ira est liberare ab æterno supplicio. 2. Ion. 3. dixit Deus euersurus se Ninivem, quæ tamen euersa non est; quod rectè comminatio intelligitur, quia licet ea Ciuitas digna erat euersione; at tamen ipse eam euersurus non erat; ergo quantum dixerit: *Ite in ignem æternum;* quia digni sunt æterna damnatione; at tamen non est in æternum damnaturus. 3. Rom. 11. dicitur: *Conclusisti enim Deus omnes in infidelitate, vt omnium misereatur;* ergo nullus ab ipso damnabitur, aliter non omnium miseretur. 4. Io. 6. habetur: *Hic est panis de Cælo descendens, vt si quis ex ipso manducauerit, non moriatur;* ergo qui semel ex ipso manducauerit, vitam æternam aliquando consequetur. 5. Vnus panis (1. Cor. 10.) vnus corpus multi sumus; ergo qui semel per baptismum fuerunt in corpore Christi, vitam consequentur per Christum. 6. ibid. 3. *Fundamentum enim aliud nemo potest penere præter id, quod positum est, quod est Christus Iesus;* si quis autem edificauerit supra fundamentum hoc; concludit Apostolus, saluus erit, sic tamen, quasi per ignem; ergo qui semel fuit Christianus, quantum supra hoc fundamentum superædificauerit ligna, scilicet stipulam, id est mala opera; at tamen postquam purgatus fuerit per ignem, saluabitur. 7. Iac. 2. *Iudicium autem sine misericordia illi, qui non fecit misericordiam;* ergo qui facit eleemosinam misericordiam, misericordiam inueniet, vt aliquando liberetur à poe-

nis; & Matth. 6. *Dimitte nobis debita nostra; sicut & nos dimittimus debitoribus nostris;* quisquis autem dimittit iniuriam, procul dubio eleemosinam facit ei, qui in eum peccauit; ergo & ei aliquando dimittetur peccatum, quod in Deum commisit, etiam si cum illo mortuus fuerit.

Ad 1. resp. S.P.Aug. ubif. cap. 24. illud pf. verificari de ijs, qui in vita præfenti sunt *vasa misericordiæ, & filij promissionis;* de quorum numero erat Propheta, qui loquebatur; propterea subdit: *Ecce nunc cepi; hac est immutatio dexterae Excelsi;* quibus verbis clarè explicat non continentiam misericordiæ in hac vita mortali, quæ pariter plectitur ira Dei tot malis, quæ illam afficiunt, circa vasa misericordiæ, vt erat Propheta; non autem in æterna vita futura circa vasa iræ, & filios perditionis, vt sunt damnati. Vel si etiam de filijs perditionis in alia vita intelligendum est; sic accipi debet, vt manent ira Dei in illis, quæ in æterno est prænnunciata supplicio, faciat eos non tantum, quanta digni sunt poenarum atrocitate cruciari. Sic enim non continet in ira miserationes suas. Ad 2. ait ibid. quod euertuntur peccatores duobus modis; aut cum ipsi destruuntur propter peccata; vt *Sodomita;* aut cum ipsa destruuntur peccata; vt in *Ninuitis.* Prophetia ergo impleta est: *Euersa est enim Ninive, quæ mala erat, & bona edificata est, quæ non erat.* Ad 3. ait ibid; quod sermo est de omnibus in hac vita præfenti, non in futura; loquebatur enim Apostolus de *Iudeis, & Gentilibus;* quibus omnibus misericordiam in hac vita promittebat. Ad 4. resp. cap. 25; quod idem Apostolus ad Gal. 5. ijs, qui manducabant Christi corpus, qui tamen opera carnis faciebant, quæ sunt fornicatio, immunditia, luxuria &c. inquit: *Qui talia agunt, Regnum Dei non possidebunt.* Illi ergo, qui manducant corpus Christi, & manent in corpore Christi, fidem eius seruando, quæ per dilectionem operatur, non moriuntur; aliter hæresarchæ meliorem haberent causam, quàm illi, qui nunquam fuerunt catholici; cum tamen peior sit desertor fidei, & ex deserto oppugnator eius effectus, quàm ille, qui non deseruit, quam nunquam tenuit; & sic peior non puniretur, vel non ita puniretur, sicut minùs malus; quod rectè repugnat iustitiæ. Ad 5. resp. ibid. eodem modo vnus corpus Christi non esse fidem seruando, & bene per eam operando. Ad 6. resp. cap. 26. *Nihil in edificio præponitur fundamento.* Quisquis itaque sic habet in corde Christum, vt ei terrena, & temporalia, nec ea, quæ trita sunt, atque concessa, præponat, fundamentum habet Christum. Si autem præponat, eisi videatur habere fidem Christi, non est tamen in eo fundamentum Christus, cui talia præponuntur; quare magis si salutaria præcepta contemnens committat illicita? Clarè hoc habetur Iac. 2. Si quis dicat se fi-

dem habere, opera autem non habeas, nunquid poteris fides saluare eum? Ergo non sufficit semel fuisse Christianum, vt saluetur. Illi autem qui dicuntur saluari purgati per ignem, sunt electi, qui non admittentur ad Dei regnum, nisi per ignis vlturam prius purgentur à maculis peccatorum iam in hac vita remissorum. Ad 7. resp. cap. 27. *Si Christiano esurienti panem, tanquam Christus, darent, & profecto sibi panem instituit, quod ipse Christus est, non negarent; quoniam Deus, non cui detur, sed quo animo detur, attendit. Qui ergo Christum diligit in Christiano, hoc animo ei porrigit elemosinam, quo accedit ad Christum, non quo vult recedere. imputatus à Christo. Quamobrem qui facit elemosinam, purgatur à peccatis; si animo, vt sibi dimittantur peccata commissa, id facit; non, autem si animo peccandi de cetero; & si eam Christo offerat, vt sibi peccata dimittat; nam Matth. 10. habetur: *Qui recipit Prophetam in nomine propheta, mercedem propheta accipiet. Non habet autem intentionem, vt sibi dimittantur peccata, qui intendit noua peccata committere. Item si elemosinam ita alteri faciat subleuando alienas corporales miseras, vt etiam sibi elemosinam petat, qua subleuetur à miserijs spiritualibus, quæ sunt peccata. Qui ergo sic non facit elemosinam, iudici um sine misericordia est illi. Ad aliud maximam elemosinam sibi facere, qui orat sibi dimitti peccata; propterea subditur in orat. Domin. Et ne nos inducas in temptationem, peccatorum scilicet, quibus ad summam miseriam adigimur.**

24. Prob. 2. pars concl. ex 1. Cor. 5. *Quid de mihi de ijs, qui foris sunt, iudicare?* Nomine autem eorum, qui foris sunt, communiter SS. PP. intelligunt infideles, quos ait Apost. esse extra Ecclesiam, & ideo ad Ecclesiam non pertinere eorum iudicium, sed ad Deum; & 1. Io. 2. *Ex nobis prodierunt, quia non erant ex nobis; nam si fuissent ex nobis, permansissent vique nobiscum;* quod de hæreticis dici testatur S. P. Aug. tr. 61. in Io. & alibi; & Matth. 18. *Si Ecclesiam non audieris, sit tibi, sicut ethnicus, & publicanus;* quod rectè de schismaticis potest exponi, qui Prælati representantibus Ecclesiam non obediunt; ethnici autem, & publicani sunt extra Ecclesiam, vt diximus, quia sunt infideles; & tamen Apost. loquebatur de eo, qui est intra Ecclesiam, quia loquebatur de fratre, qui nobiscum regeneratus est per baptismum à Matre Ecclesia, & ideo dicitur noster frater, quia eum peperit Mater nostra; & S. P. Aug. de fide, & symb. cap. 10. *Hæretici, & schismatici congregationes suas vocant Ecclesias; sed hæretici de Deo falsa sentiendo ipsam fidem violant; schismatici autem scissionibus iniquis à fraterna charitate dissiliunt; quanuis ea credant, quæ credimus. Quapropter nec hæreticus pertinet ad Ecclesiam catholicam, quæ diligit Deum; nec schismaticus, quoniam*

quoniam non diligit proximum. Arguitur autem sic. Illud, in quod actu non influit Christus, potest tamen influere, est membrum Ecclesiæ tantum in potentia, non actu; sed infideles non baptizati, hæretici, & schismatici sunt huiusmodi; ergo non sunt Ecclesiæ membra. Manifestat, quia sicut de ratione Capitis est influere in membra; ita de ratione membri est recipere influxum à Capite; hæc enim sunt correlatiua. Prob. mi. Ad hoc, vt in aliquod membrum influat Caput, debet esse vnitum corpori suo; caput enim non influit in membra, disticta à corpore, vt clarè, sed corpori mystico Christi, quod est Ecclesia; non sunt vnit infideles non baptizati, quia non viuuntur, nisi quatenus concipiuntur in fide Christi, & renascuntur per baptismum, quem non habent infideles non baptizati; hinc S. P. Aug. lib. de bapt. cont. Donat. cap. 15. *Ecclesia quippe omnes per baptismum parit, sine apud se, id est de vtero suo, siue extra se, de semine viri sui; siue de se, siue de ancilla;* quod habet etiam Flor. in instr. Armenor; nec hæretici siue publici, siue occulti; quia licet semel vnit fuerint per baptismum, attamen amittendo fidem in baptismum acquisitam separati sunt ab Ecclesia; si fides enim est anima corporis vniens membra ipsius; & quanuis quando sunt occulti, communicent in externa professione fidei, & sacramentis; hoc tamen non sufficit ad hoc, vt sit membrum Ecclesiæ, quia fictio nequit esse ratio veritatis; aliter paganus, vel In Deus simulans professionem fidei esset verum membrum Ecclesiæ, quod nullus diceret; nec tandem schismatici; quia licet fidem retineant, suis tamen scissionibus se separarunt à corpore; vnde habent animam diuisam ab anima totius Ecclesiæ; veluti pars lucertæ separata à corpore retinet animam, seu partem animæ separatam ab anima sui corporis; fides enim est diuisa in omnes fideles, quia sunt diuersa subiecta, in quibus recipitur; & sit moraliter vna, quatenus omnes moraliter viuunt ad consentiendum ijs, quæ à Prælati Ecclesiæ omnibus proponuntur; vnde S. P. Aug. ubiq. docet, quod sicut Esau de uxore natus propter fratrem discordiam separatus est à populo Dei; ita quanuis schismatici sint nati de Ecclesia; tamen propter dissensionem ab alijs fidelibus simul sumptis sunt separati à corpore Ecclesiæ; & ideo ad hoc, vt aliquis sit verum Ecclesiæ membrum, requiritur nedum fides, sed & vnio in consentiendi cum alijs fidelibus; ergo Christus actu non influit in infideles non baptizatos, hæreticos publicos, siue occultos, & schismaticos. Attamen potest in illos influere, quia potest illos internè mouere ad suscipiendum baptismum in Ecclesia; & hos ad redeundum ad Ecclesiam suos ciurando errores; & ideo est eorum Caput tantum in potentia, non in actu.

25 Dices.

25 Dices. Catechumeni sunt infideles non baptizati, & tamen sunt membra Ecclesie; quia se disponunt ad baptismum; imò si moriantur ante baptismum, indubie saluantur; vt ait *D. Ambr. orat. de obitu Valentiniani*; quem dicit esse in statu salutis, licet Catechumenus ex hac vita migrauerit.

Resp. S. F. *Aug. lib. 2. de Symb. ad Catechumenos c. 1.* esse membra Ecclesie iam concepta, non renata, quia non renascuntur, nisi per baptismum; saluari tamen, si habeant baptismum in voto, qui est baptismus flaminis; & sic fuisse saluatum *Valentinianum* docet *D. Ambr.* per baptismum autem flaminis fit membrum Ecclesie. Si autem non habeant baptismum in voto, sed solum scire querant, quoniam sit vera fides, nec adhuc firmiter credant titubantes, ac vacillantes in fide, manent in suis peccatis, vt docet *S. P. Aug. ubi lib. 1. c. 6.*

26 Inst. *Caiet.* Hæretici baptizati, confirmati, & ordinati habent characteres, qui sunt indelebiles, per quos Christus infuit in illos; ergo sunt Christi membra. 2. Habent auxilia, sufficientia supernaturalia sibi influxa ex meritis Christi, quibus possunt ad fidem reuerti; ergo idem. 3. Ecclesia habet potestatem illos puniendi; sed Ecclesia non habet potestatem puniendi eos, qui sunt extra illam; quia non habet potestatem puniendi paganos, vt diximus ex *1. Cor. 5*; ergo idem. 4. *Bellarmin.* Summus Pontifex in occultam hæresim lapsus adhuc esset Caput visibile Ecclesie; non enim iurisdictione priuatur, nisi cum se ab Ecclesia publice separat, ac de hæresi conuictus separatur; vt habetur *c. Andinum 24. q. 10*; & vt docent *Caiet. Ser. Can. Sna. de fide disp. 10. scilicet 6. Bellarm. & alij Theologi communiter*. Imò nedum esset caput visibile quoad iurisdictionem externam, sed etiam quoad influxum internum, quia infunderet instrumentalem gratiam, & alios effectus sacramentorum; nec non dona spiritualia indulgentiarum, priuilegiarum &c; ergo idem.

Resp. ad 1. non sufficere characterem ad esse membrum Ecclesie; aliter Christianus damnatus, in quo est character, esset membrum Ecclesie. Nec ex eo, quod hæreticus habeat characterem, deducitur Christum actu infuere in illum, sed tantum in illum influxisse, dum baptizaretur; sicut ex eo, quod manus præcisa à corpore habeat figuram membri humani, arguitur animam in illam influxisse, non tamen actu infuere. Neg. igitur conf. Ad 2. dist. ant. Habent auxilia, quæ disponunt, vt fiant Ecclesie membra, conced; quæ efficiunt formaliter membra Ecclesie, neg; nam Ecclesia etiam dicitur domus Dei constructa ex viuis lapidibus; vt docet *S. P. Aug. lib. 7. cont. Donatist.* Sicut ergo cum disponuntur lapides, adhuc non sunt partes domus, nisi cum simul iunguntur, & coa-

teantur suis locis; ita à pari. Ad 3. dist. ini. Ecclesia non habet potestatem puniendi eos, qui sunt extra illam, nec exierunt ab illa, conc; qui sunt extra illam, & exierunt ab illa, vt sunt hæretici, & schismatici, neg. Punit ergo illos tanquam rebelles; paganos autem nequit punire, quia nunquam sub eius potestate fuerunt. Ad 4. resp. *noſter Gibb.* esse Caput visibile Ecclesie quoad externam, & visibilem iurisdictionem, non quoad formam Ecclesie, quæ est fides. Sed quomodo potest esse verum Caput, quod est sine anima, cum fides ex sententia *omnium DD.* sit Summi Pontificis anima? Eſſet ergo Caput secundum apparentiam, non secundum realitatem; sicut homo mortuus, vel pictus apparet homo, & tamen non est homo. Hoc tamen non obſtante omnes actiones, quas efficeret, dum esset eius hæresis occulta, essent validæ, per fidem, & iurisdictionem existentem in Ecclesia, cui assistit Spiritus Sanctus, non in ipſo; sicut vacante Sede potestas Papalis est in Ecclesia, vt diximus *cum Fund. Doct. 124. de fide q. 4. 3. n. 28*; sic tunc vacaret Sedes, & Pontifex putatus fidelis, hæreticus tamen, proferret propositiones ex potestate, non in ipſo existente, sed in Ecclesia; sicut Secretarius proferret propositiones, non per potestatem existentem in ipſo, sed in alio; tunc enim Pontifex esset Caput prorsus extinctum, quia sine anima; & ideo merè inaniter se haberet ad illas propositiones, velut instrumentum inanime, quo non repugnat vti Spiritum Sanctum. Præterea dicitur casum esse purè metaphysicum, nam Christus *Luce 22.* efficaciter orauit pro fide *Petri*, quæ manet in successoribus, vt non deficiat; & si daretur verus Pontifex, qui esset hæreticus, Christi cassaretur oratio, quod implicat. Admissi igitur casu, quo Pontifex laberetur in hæresim, statim manifestaret suam hæresim, & sic deponeretur. Ad aliud dicitur Pontificem non regere Ecclesiam per influxum internum, ipse enim non inspirat gratiam, sed tantum per externum, quia tantum exhibet signa sensibilia, ad quæ Deus infundit gratiam, & in hoc differt Papæ potestas à potestate Christi, qui regit Ecclesiam per influxum externum, & internum, vt diximus *10. ubi art. 1. n. 11.*

27 Prob. 3. pars concl. ex parabola *Matth. 13.* Simile factum est Regnum Cælorum homini, qui seminavit bonum semen in agro suo. Cum autem simul cum tritico creuissent zizania, Dominus agri volentibus eradicare zizania dixit: Sinite utraque crescere vsque ad messem, & in tempore messis dicam vsforibus: Colligite primum zizania, & alligate ea in fasciculos ad comburendum; triticum autem congregate in horreum meum; & inf. Simile est Regnum Cælorum sæpæ missæ in mare, & ex omni genere piscium congregatis, quam, cum impleta esset, educebant, & secus litus sedentes ele-

tes elegerunt bonos in vasa, malos autem foras miserunt. Super quos textus S. P. in qq. ex Matth. 9. 11. ait: *Veni Diabolus, & superseminauit eos*, quos malos filios Dominus interpretatur. Sed rectè quaeritur, utrum heretici sint, at malè vinentes Catholici? Possunt enim dici filij mali etiam heretici, quia ex eodem Euangelij semine, & Christi nomine procreati prauis opinionibus ad falsa dogmata conuertuntur. Sed quòd dicit eos in medio tritici seminatos, quasi videntur illi significari, qui vnius communionis sunt. Verumtamen quoniam Dominus agrum ipsum, non Ecclesiam, sed hunc Mundum interpretatus est, bene intelliguntur heretici, quia non societate vnius Ecclesia, vel vnius fidei, sed societate solius nominis Christiani in hoc Mundo permiscetur bonis: At illi, qui in eadem fide mali sunt, palea potius, quàm zizania deputantur: quia palea etiam fundamentum ipsum (idèst Christum) habet cum frumento, radicemque communem. In illa planè sagena, qua concluduntur & mali, & boni pisces, non absurde mali catholici intelliguntur. Aliud est enim mare, quod magis Mundum istum significat; aliud sagena, quæ vnius fidei, vel vnius Ecclesie communionem videtur ostendere. Deinde assimilat Schismaticos aristis corruptis, fractis, scissis, & de segete abruptis; quibus clarissimè ostendit hæreticos, & Schismaticos esse extra Ecclesiam, & ad corpus Christi spectare; quia habent idem fundamentum, quod est Christus, vt sup. diximus 1. Cor. 3. & ideo Christo vniri in fide, tanquam membra ipsius. Hinc D. Th. hic art. 7. ait Beatos vniri Christo per gloriam; iustos per gratiam habitualement, & charitatem; fideles verò peccatores tantum per fidem; addimus autem, & per fraternali concordiam, & charitatem, vt docet S. P. Aug. ubi ff. propter Schismaticos, vt dictum est. Ex quibus sic. Illa sunt actû Ecclesie membra, quæ actû Christo, tanquam fundamento, vniuntur; & quo perfectius vniuntur, eo perfectiora sunt membra, & illorum perfectiori modo Christus est Caput; sed peccatores fideles etiam excommunicati; & reprobi, iusti, & beati Christo vniuntur, tanquam fundamento; & beati in patria, perfectiori modo vniuntur, quàm iusti in via; & iusti, quàm peccatores fideles; ergo peccatores fideles etiam excommunicati, & reprobi; iusti, & beati sunt actû Christi membra; & beatorum in patria perfectissimo modo Caput est Christus; iustorum autem in via perfectiori modo, quàm peccatorum fidelium. Manifestat ex dictis. Mi. prob; nam peccatores fideles, quauis reprobi, & excommunicati, habent fidem, qua in Christo, tanquam in Ecclesie fundamento, fundantur; vt habetur Coloss. 1. Si tamen in fide eius fundati estis; nihil aut potest in alio fundari, nisi ei, tanquam funda-

mento vniatur; & habeat concordiam, & charitatem fraternali, quibus vniuntur inter se; membra enim nedum debent cum corpore vniri, sed etiam inter se; quauis enim excommunicati sint separati ab Ecclesia quantum ad perceptionem suffragiorum, & sacramentorum communionem, non tamen sunt separati simpliciter, & totaliter, scilicet quantum ad fidei, & concordie fraternali vinculum; quod sufficit, vt sint Ecclesie membra; iusti verò vniuntur nedum per fidem, & charitatem fraternali, sed etiam per gratiam habitualement, & habitum charitatis; quæ est maior vnio, quia pluribus vinculis roboratur, vt claret; & beati vniuntur per visionem beatam, & charitatem consummatam, quæ est perfectissima inter vniones accidentales cum Deo, & est tantum minor vnione hypostatica, quæ est substantialis; ergo peccatores fideles etiam excommunicati, & reprobi, iusti, & beati Christo vniuntur; & isti perfectiori modo vniuntur, quàm illi.

28 Dices. 1. S. P. Aug. lib. 21. de Civ. Dei c. 25. in fine loquens de malis Christianis ait: Nec isti ergo dicendi sunt manducare corpus Christi; quoniam nec in membris computandi sunt Christi; vt enim alia taceam; non possunt simul esse, & membra Christi, & membra meretricis; & lib. 4. de bapt. cont. Donatist. c. 3. ait, quòd Ecclesia, quæ est sponsa sine macula, aut ruga, hortus conclusus, fons signatus, Paradisus cum fructu pomorum &c; non intelligitur, nisi de bonis, & sanctis, & iustis. 2. Io. 8. Vt ex parte Diaboli estis; ergo nequeunt esse membrum Christi; implicat enim aliquem simul esse membrum Christi, & Diaboli; quæ enim participatio iustitie cum iniquitate; aut quæ conuentio Christi ad Belial? Hinc D. Cyr. lib. de vnit. Eccl. inquit: Non habet Patrem Deum, qui non habet Ecclesiam matrem; ergo è contra peccatores, qui non habent Patrem Deum, non habent Ecclesiam matrem. 3. Iac. 2. Fides sine operibus mortua est; ergo peccatores habentes fidem informem sunt membra mortua, & ideo non sunt membra Ecclesie, nisi æquiuocè, sicut cadaver dicitur homo; Ecclesia enim est corpus Christi viuum, seu domus ex lapidibus viuis, vt habetur 1. Petr. 2.

Resp. ad 1. S. Patrem explicare se ipsum lib. 7. cont. Donatist. c. 5. his verbis: Bonos, & malos esse simul in domo filij, quæ est Ecclesia, aliter tamen, & aliter; nam boni ita sunt in illa, vt ipsi sint templum, seu domus Dei ex lapidibus viuis constructa. Mali verò sunt in domo Dei, non tamen sunt ipsa domus Dei, aut habitaculum Spiritus Sancti; cum non habeant gratiam, aut charitatem. Itaque membrum Christi duplex est; aliud, quod est simul templum Spiritus Sancti, & in hoc sensu peccatores non sunt membra Christi; & repugnat simul esse membrum Christi, & membrum Diaboli; aliud, quod non est templum, & in hoc sensu sunt Christi membra.

bra. In primo sensu Ecclesia dicitur sine ruga; in secundo sensu dicitur area, quæ continet triticum segregandum in horreum Dei mixtum cum palea deputanda ad ignem. Ad 2. eodem modo dicitur peccator ex parte Diaboli secundum operationem, & membrum Christi secundum fidem; sicut enim non implicat, quod idem homo, vt creatura, sit effectus Dei; & vt peccator, sit effectus Diaboli, quia homo per Diabolum malus factus est; ita à pari. Ad aliud dicitur iustitia Christi, seu gratiam habitua-lem, per quam iustificamur, non posse simul esse cum iniustitia, seu cum peccato; non tamen non posse simul esse cum fide. Ad D. Cyp. dist. conf. Qui non habet Patrem Deum, nec secundum charitatem, nec secundum fidem, non habet Matrem Ecclesiam, conc; tantum secundum charitatem, neg; nam etiam fideles peccatores dicunt in orat. *Domin. Pater noster, qui es in Cælis*; & veraciter dicunt. Ad 3. eodem modo fides informis dicitur mortua, quia separata est à charitate, quæ est anima omnium virtutum; non autem dicitur mortua, quasi non possit exire in actum vitalem credendi; vnde peccatores habentes fidem dicuntur mortua Ecclesiæ membra per ordinem ad separationem à gratia habituali, & charitate, sine quibus nequeunt elicere opera viua, seu meritoria vitæ æternæ non autem sunt mortua, quasi non possint elicere actus vitales fidei, & spei, & peccate remissionem peccatorum.

§. II.

An, & quomodo Christus sit Caput Angelorum?

29 **O**Mnes fatentur Christum esse Caput Angelorum, prout ratio Capitis superioritatem importat; dicitur enim *Matth. 4. Angeli ministrabant ei*; & *Hebr. 1. Adorent cum omnes Angeli eius*; & mox. *Omnes sunt administratores spiritus, in ministerium missi*; ministri autem sunt inferiores eo, cuius sunt ministri. Dissidium est, quomodo Christus sit Caput.

30 Prima sententia vult Christum tantummodo, vt Deum, non vt hominem, esse Caput Angelorum. Referuntur *Alisiod. Driedo, & Sol. in 4. dist. 49. art. 2.*

31 Secunda vult Christum, vt hominem, esse Caput Angelorum secundum interiorem influxum gratiæ, & gloriæ essentialis, & omnium donorum supernaturalium, quæ omnia fuerunt Angelis collata intuitu meritum Christi non secus, ac conferuntur hominibus. *Iea noster Gibb. disp. 14. dnb. ult. §. 1. n. 3;* apud quem noster *Bernardinus Alberti; Viguer; Galatin. lib. 3. de arcanis v. 4; Cathar. lib. de præd. Christi; Salmer. in ep. ad Rom. disp. 40; Caiet. hic q. 7. ars. 11; Cabri. Philipp. à SS. Trin; Sua. disp. 42.*

sect. 1; Val. q. 8. punct. 3; Tann; Gram; Amic; & alij. Asturien. tamen, & Cipull. volunt Deum habuisse duo de creta, vnum antecessens præuisionem Christi, & secundum hoc voluisse gratiam, & gloriam Angelis independentem à meritis Christi; aliud subsequens, quo statuit gratiam, & gloriam conferre Angelis etiam ex Christi meritis.

32 Tertia docet esse Caput etiam Angelorum non secundum influxum gratiæ, & gloriæ essentialis, sed secundum influxum gratiæ, & gloriæ accidentalis, quam Angeli percipiunt ex repletionem Sedium Angelorum lapsum, illuminationis circa fidei mysteria, ministracionis &c. Deducitur ex *Ennd. Doct. loc. cit. sup. q. 3. art. 1; & dist. 10. p. 2. q. 2. art. 2. ad 3;* vbi ait, quod ad Angelos non fuit facta missio Filij in carnem. Ita etiam *D. Bona. in 3. dist. 13. art. 2. q. 3; Medi; Naz; Aluani; lo. à S. Tho; Gonet; Vafq; disp. 49. cap. 2; Lorci; Less. de præd. Christi sect. 1; Vvading; Merari; Læg; & alij.*

33 Certum est Christum non eodem modo dici Caput hominum, & Angelorum; dicitur enim Caput hominum per analogiam ad caput naturale corporis humani, vt *sup. ostendimus*, quia caput naturale est eiusdem naturæ cum membris; vnde cum Christus sit homo, non Angelus, quia naturam humanam, non Angelicam assumpsit, vt dicitur *Hebr. 2. Nequaquam Angelos, sed semen Abrahæ assumpsit*; & est de fide; quia *Verbum caro factum est, non Angelus*; ideo est caput hominum, non Angelorum per analogiam ad caput naturale. Angelorum ergo est caput tantum per ordinem ad caput morale, quomodo Dux est Caput militum secundum exteriorem gubernacionem, instructionem, adiunctionem aliorum militum, missionem &c; non enim Dux per internum influxum infundit robur ad bellandum in milites, nec naturales potentias, sed tantum illas excitat, mouet, & dirigit. Quamvis autem Deus non sit formaliter eiusdem naturæ cum creaturis; attamen quia illarum naturas eminenter continet; ideo eminenter est caput nedum per ordinem ad caput morale eas per influxum externum regendo, sed etiam per ordinem ad caput naturale eas per influxum internum mouendo. At verò cum natura humana Christi Domini non contineat eminenter naturam Angelicam, ideo Christus, vt homo, seu secundum naturam humanam nequit dici Caput Angelorum per analogiam ad caput naturale; adeoque non influit in Angelos ad similitudinem capitis naturalis vitam supernaturalem, quæ formaliter consistit in gratia, & gloria essentiali. Hinc *S. P. Aug. in lo. tra. 81. de iplo ait: Nisi viuis esset; idest nisi homo esset; vitam palmitibus non praberet; idest gratiā, & gloriam hominibus, qui sunt eiusdem naturæ cum Christo, non præberet. Nec obstat, quod*

quod Christus secundum aliam ordinationem Diuinæ providentiæ potuerit Angelos lapsos redimere, & illis vitam mereri; nos enim loquimur de facto secundum ordinationem præsentem, secundum quam Deus iudicauit magis congruum, vt natura, quæ peccauit, patienter mereretur liberari à peccato, vt satisfactio esset ex iustitia; vt *sup.* diximus q. 2. art. 3. n. 11.

34 Vnica concl. Christus, vt homo, est Caput etiam Angelorum, non quia illis sua morte meruerit gratiam, & gloriam essentialem, sed quia secundum directionem, & gubernationem missionis, ministracionis, & illuminationem, ac reuelationem internam mysteriorum fidei; & quia sanguine suo homines redimendo, & in Angelorum desertorum sedes transferendo instaurauit eorum ruinas, & & terrestria cœlestibus pacificando in vnam cœlestem Ecclesiam, & sanctam societatem coniunxit.

Prob. 1. pars concl. ex Ephes. 1. *Suscitans illam à mortuis, & constituens ad dexteram suam in Cœlestibus super omnem Principatum, Virtutem, & Dominationem &c. dedit Caput super omnem Ecclesiam* & Coloss. 2. *Qui est Caput omnis Principatus, & Potestatis; & S. P. Aug. conc. 3. in ps. 36. Christus Caput est, cuius nos membra sumus. Nunquid nos soli, & non etiam illi, qui fuerunt ante nos? Omnes, qui ab initio fuerunt iusti coniuncti etiam legionibus Angelorum, & exercitibus, vt, vna Civitas sit sub vno Rege, & vna provincia sub vno Imperatore; quod deducitur ex psal. 23. Attollite portas, Principes, vestras, & eleuamini porta æternales, & introibit Rex gloria. Quod dici de Christo omnes fatentur. Regem autem gloriæ esse Caput gloriæ, quæ constat ex hominibus, & Angelis sanctis compertum est. Formatur autem ratio ex S. P. Aug. sic. Caput totius Ecclesiæ est Caput omnium membrorum illius; sed Christus, vt homo, est caput totius Ecclesiæ cœlestis; ergo, vt homo, est Caput omnium membrorum illius. Atqui Angeli sancti sunt membra Ecclesiæ cœlestis; omnis enim pura creatura est membrum; quia ratio Capitis nequit cōcūnere creaturæ, vt *sup.* diximus; nam ad rationem Capitis requiritur oīam vnio hypostatica; ergo Christus, vt homo, est Caput etiam Angelorum sanctorum. Ma. clara est; quia Caput dicitur per ordinem ad omnia membra corporis. Mi. etiam ostenditur. Rex totius Ecclesiæ cœlestis est Caput totius Ecclesiæ cœlestis; Rex enim, & Caput dicuntur ad inuicem; sed Christus, vt homo, est Rex totius Ecclesiæ cœlestis; vt habetur in ps. & D. Dion. de cel. Hier. c. 7. *Dominiū cœlestium Virtutum, ac Regem gloriæ, qui humana forma assumptus esset in Cælum; nam Christus, vt homo, est Rex gloriæ, quia Christus, vt homo, introiuit in gloriam; etenim vt Deus, iam erat**

in gloria, & ideo ineptè diceretur, vt Deus, introire, quod significat prius non esse intus; gloria autem idem est, ac Ecclesia cœlestis; sicut enim fides est ratio constituens Ecclesiam terrestrem; ita gloria, seu visio beata, quæ succedit fidei, est ratio constituens Ecclesiam cœlestem; ergo Christus, vt homo, est Caput totius Ecclesiæ cœlestis. Mi. subsumpta ampliùs prob. Illa sunt membra Ecclesiæ cœlestis, quæ participant rationem communem constitutionis Ecclesiæ cœlestis; sicut illa sunt membra Ecclesiæ terrestri, quæ participant fidem, quæ est anima constituens Ecclesiam terrestrem; sed Angeli sancti participant gloriam, quæ visionem beatam, quæ est anima, seu ratio formalis constituens Ecclesiam cœlestem; ergo sunt membra Ecclesiæ cœlestis. Hanc rationem tradit idem S. P. Aug. lib. 22. de Cin. Dei cap. 29. Tum quia homines sancti assumuntur ad nouem ordines Angelorum; vt ostendimus 10. 3. de Ang. q. 10. art. 6; ergo assumuntur ad Ecclesiam Angelorum, quæ constituitur ex illis ordinibus; atqui Christus est Caput illius Ecclesiæ cœlestis, ad quam pertinent homines sancti; ergo est Caput etiam Angelorum spectantium ad eandem Ecclesiam cœlestem. Tum quia Pastor est Caput ouium; sed Christus est Pastor etiam Angelorum, qui simul cum hominibus componūt vnum Ouile; vt habetur 1. 16. *Alias oues habeo, quæ non sunt ex hoc ouile, & illas oportet me adducere, & vocem meam audiunt; & fiet vnum Ouile, & vnus Pastor; ergo Christus est Caput etiam Angelorum. Vid. 10. 3. ubi.*

35 Dices. 1. Caput debet esse eiusdem naturæ cum membris; sed Christus, vt homo, non est eiusdem naturæ cum Angelis; ergo non est Caput eorum. 2. Christus non est Sponsus Angelorum; ergo neque Caput.

Resp. ad 1. dist. ma. Caput per analogiam ad caput naturale, conc; ad caput morale, neg. Christus autem dicitur Caput Angelorum per analogiam ad caput morale, vt dictum est. Ad 2. dist. eodem modo ant. Non est Sponsus Angelorum per analogiam ad matrimonium naturale, conc; ad matrimonium spirituale, neg; aliter nec Deus esset Sponsus animarum, cum maior sit distantia inter Deum, & animas, quàm inter hominem, & Angelos; homo enim secundum animam est spiritualis, & Angelus est spiritualis; & inter spiritualitatem Angelicam, & rationalem datur conuenientia in genere spiritus creati, quæ non datur inter hominem, & Deum.

36 Prob. 2. pars concl. 1. ex Ephes. 1. *Instaurare omnia in Christo, quæ in Cælis sunt, & quæ in terris; & Coloss. 1. Pacificans per sanguinem carnis eius, sive quæ in terris, sive quæ in Cælis sunt. & Rom. 8. Qui proprio Filio suo non peperit, sed pro nobis omnibus tradidit illum. Super quos textus S. P. Aug. in Enchir. cap. 61. inquit:*

Non

Non enim pro Angelis mortuus est Christus. Sed ideo etiam pro Angelis fit, quidquid hominum per eius mortem redimatur, & liberatur à malo, quoniam cum eis quodam modo redit in gratiam post inimicitias, quas inter homines, & sanctos Angelos peccata fecerunt, & ex ipsa hominum redemptione ruina illius Angelice detrimenta reparantur &c. Propter quod ait Apost. instaurari omnia in Christo, quæ in Cælis sunt, & quæ in terris. In ipso quippe instaurantur, quæ in Cælis sunt, cum id, quod inde in Angelis lapsus est, ex hominibus redditur. Instaurantur autem, quæ in terris sunt, cum ipsi homines, qui predestinati sunt ad eternam vitam, à corruptionis vetustate renouantur. Ac sic per illud singulare sacrificium, in quo Mediator est immolatus, quod unum multa in lege viciatissima figurabant, pacificationem celestia cum terrestribus, & terrestria cum celestibus. Quoniam sicut idem Apost. dicit: In ipso complacuit omnem similitudinem Diuinitatis inhabitare, & per eum reconciliari omnia in ipsum, pacificans per sanguinem crucis eius, siue quæ in Cælis sunt, siue quæ in terris. Ex quibus deducitur in suis terminis nostra concl. Arguitur autem. 1. Illud est Caput aliquorum quantum ad gubernationem, missionem, illuminationem, pacificationem, & instauracionem, non autem quantum ad gratiam, & gloriam essentialiam; cui illi obedienter subiacent, ministrant; à quo mittuntur, & illuminantur; & qui illis meruit pacificationem, & instauracionem, non gratiam, & gloriam essentialiam; sed Angeli obedienter subiacent Christo, ministrant, & ab ipso mittuntur, & illuminantur; & eis meruit pacificationem, & instauracionem, non gratiam, & gloriam essentialiam; ergo Christus est Caput Angelorum quantum ad gubernationem externam, missionem, illuminationem, pacificationem, & instauracionem, non quantum ad gratiam, & gloriam essentialiam. Ma. patet; nam Dux exercitus gubernans, mittens, instruens, & illuminans, pacificans, & instaurans suos milites, non tamen infundens robur, & fortitudinem, dicitur verè Caput eorum quantum ad gubernationem, missionem, illuminationem, seu instructionem, pacificationem, & instauracionem, non autem quantum ad infusionem virium, quibus pugnent, & præmium obtineant; ergo à pari. Prima pars mi. certa est apud omnes; & habetur Hebr. 1. Omnes administratores Spiritus sunt in ministerium missi propter eos, qui hereditatem capiunt salutis; ex quo apparet Angelos esse ministros missos propter nostram salutem ab Audore nostræ salutis, qui est Christus; adeoque ab ipso illuminatos circa mysteria fidei, quæ spectant ad nostram salutem. Præterea Christus sua morte deleuit hominum peccata, ob quæ Angeli sancti sunt hominibus inimici, & infensi; & homines à peccatis purgatos transtulit ad sedes beato-

Mag. Frideric. Nic. Ganardi Tom. 5.

rum; & sic impleuit ruinas Angelorum iuxta illud psal. 109. Implebit ruinas; & ideo Christus est Caput Angelorum quantum ad pacificationem, & instauracionem; quod manifestè docet Apost. textibus allatis, quos propterea minùs rectè exponentes obijciunt *Adversary* contra nos, vt *inf.* Prob. 2. pars mi. circa quam est dissidium. Illis Christus meruit gratiam, & gloriam essentialiam, pro quibus est mortuus; quanuis enim quælibet actio Christi fuerit meritoria, vt potè infiniti valoris, attamen meritum non fuit consummatum, nisi in ipsa morte Christi iuxta illud 1o. 19. Consummatum est; & Hebr. 10. Vna oblatione consummauit &c; sed Christus non est mortuus pro Angelis, vt docet S. P. Aug. ubi, & colligitur expresse ex Apost. 1. Cor. 5. Vnus pro omnibus mortuus est; ergo omnes mortui sunt; quam consequentiam S. P. Aug. in suppl. cont. Iul. c. 64. vocat innitiam; quia omnes, pro quibus Christus mortuus est, mortui sunt peccato; Angeli autem nullum habuerunt peccatum, quo mortui sint vitæ supernaturali, idest gratiæ, quam in sua conditione acceperunt; nam qui peccauerunt, irremissibiliter damnati fuere; & qui non peccauerunt, fuerunt ad gloriam translati; ergo Christus non meruit Angelis gratiam, & gloriam essentialiam. 2. Hoc est discrimen inter instauracionem factam à Christo eorum, qui sunt in Cælis, & instauracionem eorum, quæ sunt in terris, de qua loquitur Apost. quod ea, quæ sunt in Cælis, instaurantur, cum homines redimuntur in terris à peccato, & transferuntur ad Cælos in locum Angelorum, qui peccando ceciderunt; & ea, quæ sunt in terris, instaurantur, cum homines à vetustate peccati purgati renouantur, vt docet S. P. Aug. ubi, sed ex eo, quod homines redempti à peccato transferantur in Cælum in locum Angelorum, qui ceciderunt, non arguitur, quod Christus meruerit gratiam, & gloriam essentialiam Angelis, qui permanferunt in ea sanctitate, in qua conditi fuerunt, & per quam intrinsecè erant sancti; & meruerunt gloriam essentialiam, vt diximus 10. 3. de Ang. q. 8. art. 4; sed solum quod meruerit gratiam, & gloriam hominibus eos redimendo à peccatis, per quam gratiam & gloriam homines sunt intrinsecè iusti, & sancti, & sic augent gloriam Angelorum extensiuè, & extrinsecè, cum ad eorum ordines assumuntur; ergo Christus non meruit gratiam, & gloriam Angelis, per quam sunt intrinsecè sancti, & beati, sed tantum extensiuè extrinsecè augendo numerum beatorum, & reparando ruinas ordinum Angelicorum; non quidem Angelis lapsis, sed hominibus redemptis in numerum, & locum Angelorum, qui ceciderunt, suffectis. 3. Ad hoc, vt Christus pacificaret cælestibus terrestria, vt docet Apost. satis fuit meruisse hominibus pacificationem, quam peccando perdi-

H h

perdi-

perdiderāt, eo enim ipso, quod homines essent redempti à peccato, & sanctificati per gratiam, quam illis meruit Christus, pax inter Angelos, & homines fuit statuta, quia sublato peccato ab hominibus nullum neque in hominibus, neque in Angelis remansit discordiæ motuum, quod est solum peccatum; sanctitas nanq; concordiam inter sanctos essentialiter importat; sicuti ad statuendam amicitiam inter duos, in quorum vno tantum sit odij motuum, in alio verò nullum est odij motuum, sed amoris, sufficit tollere motuum ab illo; ergo ex *Apost.* rectè probatur Christum meruisse gratiam, & gloriam essentialem solis hominibus, non Angelis sanctis, qui iam illam habebant.

37 Conf. 1. Nullum peccatum fuit in Angelis sanctis, vt constat; sed gratia, quam meruit Christus, fuit essentialiter redemptiua à peccato, vt fusè ostendimus q. 3. art. 1; nam ex *Scripturis* habetur motuum, quo Deus intendit, & decreuit incarnationem, fuisse præcisè, vt à peccato redimeret merendo peccatoribus gratiam; non licet autem in re tanti momenti extra *Scripturam* loqui, quæ est Magistra fidei, aliter nos insufficienter doceret; ergo Christus non meruit gratiam Angelis sanctis; aliter illam præter intentionem, & omnino casualiter meruisset. 2. Gratia *Adæ* primò collata non fuit ex meritis Christi; fuit enim ex mera liberalitate Dei, vt est generalis Prouisor, qui statuit dare media ad finem, cuius est essentialiter capax creatura, cum illam decreuit creare; cum quia gratia *Adæ* primò collata fuit donum supernaturale creationis, quia in ipso instanti creationis fuit *Adæ* collatum; gratia autem, quam meruit Christus, fuit donum recreationis, seu regenerationis, vt ex *Apost.* loquitur 6. *P. Aug. ep. 107. ad Vitali; & de corr; & grat. cap. 12.* inquit, quod in illis bonis *Adam Christi morte non equit*; non enim Christus mortuus est, vt *Adam* crearetur sanctus, sed vt recrearetur lapsus; ergo neque gratia Angelorum, quæ procul dubio fuit eis collata in primo instanti creationis, & per ipsam meruerunt sibi gloriam; nam sicut si *Adam* per gratiam acceptam mansisset, per illam sibi meruisset æternam beatitudinem; ita dicendum de Angelis.

38 Prob. 2. ex *S. P. Ang. lib. 3. de lib. arb. c. 10;* ubi expressè docet, quod Angelis dedit gratiam, vt Deus; hominibus verò meruit gratiam, vt homo, his verbis: *Nec sic descendit ad nos, vt illos (idèst Angelos) desereret; sed simul integer illis, integer nobis; illos intrinsecus pascens per id, quod Deus est; nos forinsecus per id, quod nos sumus, idoneos facit per fidem, quos per speciem pascit equalis.* Ex quo sic. Christus est Caput hominum, & Angelorum secundum diuersam rationem; sed ratio diuersa nequit esse, nisi quia meruit, vt homo, hominibus gratiam, & gloriam essentialem, non autem homines san-

ctis; ergo Christus, vt homo, non meruit Angelis sanctis gratiam, & gloriam essentialem. Ma. constat ex dictis; nam Christus est Caput hominum, quatenus assumpsit naturam humanam; & quatenus ad talem assumptionem, subsecuta est, tanquam proprietates, gratia habitualis; nam vt *sup.* diximus, ad rationem Capitis per analogiam ad caput naturale requiritur gratia vniouis, & gratia habitualis; hoc modo autem non est Caput Angelorum, quia non assumpsit naturam Angelicam; & ideo est Caput Angelorum per analogiam ad Caput morale, non naturale; quia caput naturale est eiusdem naturæ cum membris; & Christus factus est eiusdem naturæ cum hominibus assumendo naturam humanam; non cum Angelis, quia naturam Angelicam non assumpsit; ergo Christus est Caput hominum, & Angelorum secundum diuersam rationem. Prob. mi. 1. ex *S. P. Aug. tract. 81. in 1o.* docente: *Nisi vitis esset, vitam palmissibus non praberet.* In tantum Christus tribuit vitam, idèst gratiam, & gloriam essentialem, quæ est vita æterna, hominibus; in quantum vitis est, nempe homo eiusdem naturæ cum palmitibus, idèst hominibus; sed Christus est homo, non Angelus; quia assumpsit naturam humanam, non Angelicam; ergo tribuit hominibus, non Angelis, vitam, idèst gratiam, & gloriam essentialem. 2. Caput morale in hoc differt à capite naturali, quod illud non habet influxum vitæ sensitiuæ in membra, sicut istud; sed Christus dicitur Caput Angelorum per analogiam ad caput morale; & Caput hominum per analogiam ad caput naturale; ergo Christus, vt homo, influit gratiam, & gloriam in homines, non autem in Angelos. 3. Secundum directionem, & gubernationem, missionem, ministrationem, illuminationem, reuelationem mysteriorum fidei, instaurationem, & pacificationem est Caput hominum, & Angelorum; quia regit, illuminat, & mittit ad procurandam hominum salutem Angelos, & homines; & instaurat homines à peccato, & Angelorum, qui peccauerunt, ruinas; & pacificat Angelos cum hominibus, & homines cum Angelis; ergo nulla alia diuersitas est in Christo Capite respectu hominum, & Angelorum, nisi quia, vt homo, hominibus meruit gratiam, & gloriam, non autem Angelis; nulla enim alia rationes, ob quas Christus dicitur Caput hominum, & Angelorum, assignantur à SS. & à DD.

39 Obijc. 1. *Ephes. 1. Instaurare omnia &c; & Coloss. 1. Pacificans per sanguinem crucis &c; & Io. 14. Nemo venit ad Patrem, nisi per me; & Apoc. 12. dicitur de Angelis victoribus: Vicerunt eum per sanguinem Agni; & Rom. 5. dicitur, quod gratia Christi abundauit in plures, quàm *Adæ* delictum; sed *Adæ* delictum abundauit in omnes homines; ergo Christi gratia in homi-*

nes,

nes, & Angelos; & Hebr. 2. Decebat enim, propter quem omnia, & per quem omnia, qui multos filios (idest Angelos) in gloriam adduxerat, Auctorem salutis eorum (idest hominum) consummari. 2. Ex SS. PP. D. Cyrill. hom. 1. in *Leuit.* Non solum pro terrestribus, sed etiam pro Caelestibus oblati est hostia Iesus; & lib. 5. in *Isaiam* c. 54. Omnem iustificationem spiritualem tam in Angelis, quam in hominibus fuisse insitam per Christum; D. Hier. in *Ephes.* 2. Crucem Domini non solum terra; sed & Caelo profuisse; non solum hominibus; sed & Angelis, & omnem creaturam Domini sui errore purgatam fuisse; D. Greg. in 1. Reg. c. 2. Nullus hominum, neque Angelorum sanctus est, nisi per Christum; D. Bern. in *Cant. hom.* 22. Qui crexit hominem lapsam, dedit illi Angelum, ne laberetur; sic illum de captivitate eruens; sicut hunc à captivitate defendens; & hac ratione fuit aequè utriusque redemptio, solvens illum, & servans aitam; & D. Tho. 1o. 1. lect. 10. De plenitudine eius omnes accepimus &c; etiam omnes Angelis; quia plenitudo gratiae, quae fuit in Christo, est causa omnium gratiarum, quae sunt in omnibus intellectuales creaturis.

Resp. primos duos textus probare nostram sententiam, ut exponit S. P. Aug. ubi rectè enim dicitur Christum instaurasse Angelos, & pacificasse, quatenus homines à peccato redemit; cosque amicos Angelis factos in eorum sedes transtulit. Ad 3. dicitur illam particulam nemo referri ad homines; Christus enim loquebatur tantum de hominibus, quibus aiebat se iturum parare locum. Præterea loquebatur de seipso, ut etiam erat Deus; quia dixerat: Ego sum via, veritas, & vita. Nemo venit &c; non est autem veritas, ut homo, sed ut Verbum; ut inquit S. P. Aug. in *Enchir.* cap. 36. Ad 4. dicitur esse sermonem de hominibus, non de Angelis; postquam enim desertum est praelium Angelorum, dicitur proiectum fuisse Draconem, qui accusabat fratres nostros; & statim subdit: Et ipsi vicerunt eum propter sanguinem Agni, & propter verbum testimonij sui, & non dilexerunt animas suas usque ad mortem; patet autem Angelos non habere animas, nec esse morti corporali subiectos, de qua morte est sermo; quia qui spiritualiter moritur, non diligit animam suam. Ad 5. dicitur *Apóst.* loqui de peccato actuali, non originali; ait enim immediate antecedenter: Sed mors regnavit ab Adam usque ad Moysen etiam in eos, qui non peccaverunt in similitudinem praevaricationis Adæ, qui est forma futuri; constat autem omnes peccasse in Adam peccato originali, ut docet idem *Apóst.* ideo quando ait aliquos non peccasse in similitudinem praevaricationis Adæ, loquitur procul dubio de peccato actuali; quapropter subdit, quòd gratia Christi in plures abundavit, quia pro omnibus mortuus est, quoniam non omnes per

peccatum actuale mortui sint; aliqui enim habuerunt tantum peccatum originale. Addit D. Ambr. loqui de peccato idololatriæ, quod *Apóst.* vocat nomine peccati praevaricationis; idololatria autem non abundavit in omnes. Vel cum Fund. Doct. hic dist. 19. par. 1. qu. 2. art. 1. dicitur, quòd in plures cadit supra status hominum, non supra supposita ita, ut faciat sensum, quòd Adam infecerit solos paruulos; Christus autem & paruulis, & adultis meruit gratiam. Vel quòd cadit supra peccata, & peccatores; Adæ enim peccatum infecit solum culpa originali, non personali; at gratia Christi meruit liberationem à peccatis originali, & actualibus; & Adæ delictum nocuit solum contrahentibus; Christus verò profuit & contrahentibus, & peccantibus. Vel quantum ad sufficientiam, quia Adam non potuit inficere, nisi descendentes ab ipso; at gratia Christi est sufficiens ad iustificandos infinitos homines, si darentur, etiam non descendentes ab Adam. Ad 6. dicitur nomine multisorum filiorum non intelligi Angelos, sed homines; quia loquitur de illis, pro quibus mortuus est; ait enim immediate ante: Pro omnibus gustavit mortem; decebat enim &c; & postea subdit illos communicasse carni, & sanguini; Angeli autem, qui sunt spiritus puri, non communicant carni, & sanguini; & ideo sermo est de hominibus, non de Angelis. Pro hominibus ergo, quos adduxerat in gloriam, idest quibus gloriam meruerat, decebat mori Auctorem salutis eorum, ut meritum ipsius consummaretur, quod solum in morte consummatum est. Ad 7. dicitur, sicut ad 1; & 2. Ad 8. dicitur per Christum, ut Deum, fuisse insitam iustificationem in Angelos; ut hominem verò, in homines. Ad 9. dicitur Christi sanguine omnem creaturam purgatam fuisse, non à peccato, quod non habuerunt Angeli, sed à defectu nescientiae; ut diximus tom. 3. de purgat. Angelorum; Angeli enim multa didicerunt per Ecclesiam. Ad 10; & 11. dicitur, sicut ad 8; & de D. Bern. negari non potest; ait enim antecedenter: Qui erat Angelus sanctificationis, redemptio factus est nobis. Erat ergo sanctificatio Angelorum, ut Deus; quia solum, ut Deus, factus est homo; non enim ut homo, factus est homo. Sic ad alios SS. PP.; & ad D. Tho. qui q. 59. art. 7; & de verit. quest. 29. art. 7. ad 5. docet nostram sententiam; quam inveni simile est retraxisse paucis verbis allatis; quia hæc bene explicantur de plenitudine gratiarum; nedum enim in Christo fuit gratia habitualis, sed etiam gratia vniuersalis; quia ei fuit vnita Diuinitas, quæ gratiam produxit in Angelis; & sic intelligendi sunt alij SS. PP.

40 Objc. 2. Christus est primus omnium prædestinatorum; ergo est causa prædestinationis omnium hominum, & Angelorum; quia quod est primum in uno genere, est causa ceterorum.

Hh 2

rum

rum; & habetur etiam *Ephes. 1. Prædestinavit nos per Iesum Christum in ipsum*. Atqui quod est causa prædestinationis, est causa effectuum principalium prædestinationis; quia *quod est causa causa; est causa causati*; ergo est causa gratiæ, quæ est primus effectus prædestinationis; & gloriæ essentialis, quæ est ultimus effectus. 2. Christus non solum est primus prædestinator, ut omnes cõcedunt, sed etiam est Caput; sed ad rationem capitis requiritur, ut insuat in membra formam constitutivam membrorum; ergo Christus insuit in Angelos, & homines formam constitutivam membra Christi. Atqui forma constituens membrum Christi in via est fides; & in patria est gloria; ergo Christus insuit in Angelos gratiam, & gloriam. Prob. mi. 1. Ex eo, quod Caput non insuat vitam sentitivam in vngues, capillos, & dentes, sequitur hæc non esse membra corporis; quanvis caput insuat aliquid accidentale in illa; ergo à pari. 2. Si Christus non insuaret fidem, quæ constituit membrum Ecclesiæ, in homines, non essent membra Ecclesiæ, quanvis in illos insuaret aliqua dona accidentalia; ergo à pari. 3. Influxus in genere causæ exemplaris, & finalis non sufficit ad rationem capitis; quia, quanvis Pontifex sit exemplar picturæ, non tamen dicitur caput picturæ; & quanvis expugnatio ciuitatis sit finis exercitus, non tamen dicitur caput exercitus; ergo requiritur, ut insuat in genere causæ efficientis, vel meritorie. 4. principaliter. Bene componitur cum motiuo incarnationis decretum, quo Deus voluit Christum esse Caput hominum, & Angelorum secundum internum influxum gratiæ, & gloriæ essentialis; quia 1. Voluit Deus homines, & Angelos creare. 2. Voluit illis conferre auxilia sufficientia ad beatitudinem. 3. Voluit permittere peccatum. 4. Præuiso peccato decreuit Christum primario in remedium peccati, & secundario, vt esset medium conferendi omnia dona gratuita creaturis etiam non habentibus peccatum. 5. Præuisis Christi meritis elegit aliquos homines, & aliquos Angelos ad gloriam. Aliunde maximam dicit Christi excellentiam, & nullam repugnantiam importat Christum influere gratiam, & gloriam essentialem in Angelos; ergo idem. 5. Angeli habuerunt fidem, & reuelationem incarnationis, vt docet *S. P. Aug. lib. 5. de Gen. ad lit. cap. 19. ex Apost. ad Gal. 3; & Ephes. 3.* dicens: *Nec eos latuit mysterium Regni Calorum, quod opportuno tempore reuelatum est pro salute nostra &c.* dicente Apost. *Vt innotesceret Principibus, & Potestatibus in celestibus &c.* ergo habuerunt fidem ex meritis Christi, cui visio succedit in patria; inconueniens enim est, quod Deus præiuderit merita Christi, & intulit illorum non contulerit aliqua dona. 6. Christus meruit gloriam sui corporis, & exaltatio-

nem nominis, quæ non pertinent ad remedium peccati, quanvis remedium peccati sit motiuum adæquatum incarnationis; ergo à pari.

Resp. ad 1. dist. ant. Est primus prædestinatorum ordine dignitatis, & excellentiæ loquendo de Angelis, conc; ordine causalitatis loquendo de hominibus, conc; de Angelis, neg. Cum enim Christus venerit, vt medicus in remedium peccati, ideo venit, vt causa sanitatis in hominibus infirmis per peccatum; non autem in Angelis sanis, quia nullum habebant peccatum; ideo non venit ad causandam sanitatem in Angelis, sed in hominibus, vt dixit *Matth. 9. Non est opus valentibus Medicus, sed malè habentibus*. Ordine ergo causalitatis fuit primus prædestinatorum, id est electorum ad salutem æternam, respectu hominum; quibus meruit sanitatem deperditam per peccatum; non autem respectu Angelorum, qui sani erant; & per eandem gratiam, in qua conditi sunt, licet auctam tempore tentationis, quæ procul dubio nõ fuit ex meritis Christi, qui in illo signo non erat præuisus, in sanitate permanerunt. Igitur prima gratia Angelis collata fuit ex mera liberalitate Dei prouisoris, à quo aucta fuit; augmentum enim ab eo habetur, à quo habetur esse. Nec illud axioma est verum simpliciter, sed tantum in genere mouentium, & motorum subordinatorum mouentibus; quia primum in genere intelligentium creatorum est supremus Angelus, qui non est causa aliorum Angelorum, & hominum eo, quia alij Angeli, & homines non subordinantur actioni mutanti de non esse ad esse supremi Angeli; at verò omnia calida subordinantur actioni ignis; qui est primus in genere calidorum; ideo ignis est causa ceterorum. *Apost. Verò est pro nobis, quia apertè loquitur de hominibus dicens: Prædestinavit nos;* non enim ait: *Prædestinavit nos, & Angelos per Iesum Christum;* quod non omisit, si Christus æquè causasset in Angelis, ac in nobis gratiam, & gloriam; aliter tacuisset summum huius mysterij beneficium, quod non est dicendum. Ad 2. dist. mi. Est Caput Angelorum eodem modo, ac hominum, scilicet per analogiam ad caput naturale, neg; diuerso modo, id est per analogiam ad caput morale, conc; & in hoc sensu neg. mi. Ad 1. prob. dicitur verum esse de Capite naturali, non de morali; nam Rex, licet non insuat vitam in subditos, est tamen Caput. Ad 2. prob. neg. conf; quia Christus dicitur Caput hominum per analogiam ad caput naturale; vnde si non insuaret vitam, non esset Caput hoc modo, esset tamen Caput per analogiam ad caput morale, sicut est Caput Angelorum. Ad 3. prob. dicitur ad rationem capitis requiri superioritatem, & gubernationem, quæ fit conuenient causæ exemplari, & finali, habent rationem capitis; se-

cus,

cus, si desint. Ad 4. principale neg. ant. Ad 1. prob. insert. dicitur quantum decretum assignatum nobis non constare *ex Scripturis*, sed tantum constare Deum decreuisse mittere Christum in remedium peccati, vt homines peccatores reconciliaret Deo merendo eis gratiam; adeoque quantum ad Angelos merè arbitrarie contingi, quod non licet in re tãtò momenti. Ad aliam dicitur non derogari excellentiæ Christi, quæ consistit in redemptione hominum, vt docet *Scriptura*; & aliunde cum Christus nedum sit homo, sed etiam Deus; dicendo, quod non vt homo, sed vt Deus, producit gratiam, & gloriam in Angelis, ei non negatur absolutè, & simpliciter hæc excellentia, sed tribuitur Diuinitati, non humanitati. Ad aliam dicitur non repugnare absolutè, sed ex suppositione præsentis decreti, quo Deus voluit ipsum esse tantum Redemptorem hominũ, non Angelorum. Ad 5. dist. ant. Habuerunt fidem incarnationis recuperatam ex meritis Christi, neg; infusam in primo instanti conditionis ex mera Dei liberalitate, vt Pronisoris, conc. Etiam *Ada* in illo sopore, antequam peccaret, reuelatus est Christus; vt docet *S. P. Aug. lib. 9. de Gen. ad lit. cap. 19*; quam tamen peccando amisit, quia erat proprietas iustitiæ originalis; amissa nanque essentia amittuntur quoque proprietates, quæ cum illa neantur. Illam autè recuperauit ex meritis Christi; quia Christus ei meruit gratiam redemptionis à peccato, cuius quoque proprietas est fides explicita in Christum liberatorem, & Redemptorem à peccato; quomodo fides non fuit in

Adam ante peccatum; tunc enim credebatur tantum Christum esse venturum, non tamen vt liberatorem à peccato, quia peccatum non præsciebat; adeoque amissa illa fide per peccatum successit fides recuperata per Christum. Hinc Christus in *Scripturis* vocatur *Redemptor, reparator, instaurator, liberator*, & cetera huiusmodi, quæ significant recuperationem rei amissæ. At verò Angeli non amiserunt fidem primò collatam, quia non amiserunt iustitiã originalem, in qua conditi fuerunt, cuius illa fides erat proprietas; & ideo in illis non fuit fides recuperata per Christum; adeoque illis Christus non meruit fidei recuperationem, sed ad summum eiusdem fidei dilatationem, & extensionem ad plura mysteria cognoscenda, quæ dicuntur didicisse per Ecclesiam; & per consequens solum accidentalem influxum habuit in illos. Ad prob. insert. dicitur non esse inconueniens, sed conuenientissimũ, quod Deus præuisit Christi liberatoris meritis, quæ extendebantur solum ad liberandum à peccato, contulerit aliqua dona non intuitu eorum aliquibus non habentibus peccatum, sed gratiam in primo instanti suæ conditionis collatam, cui illa dona ex iustitia debentur. Ad 6. dist. ant. Gloria corporis, & exaltatio nominis non pertinent ad remedium peccati, tantumquam effectus ipsius remedij, neg; tantumquam obiectum, vel ratio constitutiua remedij, conc; at iustificatio, & glorificatio Angelorum non sunt effectus remedij peccati, quia in illis non fuit peccatum.



Q V Æ S T. VIII.

De merito, & satisfactione Christi.



DE his duobus simul agendum est; quia Christus patiendo meruit, & meritis consummatis per mortem satisfecit pro peccatis generis humani. Quoniam tamen de merito per ordinem ad ipsum Christum Dominum locuti sumus *quest. 3. art. 3. §. 1.* & per ordinem ad Angelos *in sup. §. artic. 3. quest. 7.* superest tantum agendum per ordinem ad homines.

A R T. I.

§. I.

Quando, quibus actibus, & quid nobis Christus meruerit?

Quando Christus meruerit?

1 CERTUM est de fide Christum, ut hominem, verè, & propriè meruisse; habetur enim ad *Philipp. 2.* Humiliavit semetipsum factus obediens usque ad mortem, propter quod Deus exaltavit illum; ex quibus apparet meruisse exaltationem sui nominis; ut diximus *quest. 3. art. 3. §. 1.* & ad *Gal. 4.* Qui dedit semetipsum pro nobis, ut eriperet nos de presenti saeculo nequam; eripere autem nos de nequitia huius vitæ efficienter est effectus formalis solius gratiæ habitualis, per quam solum formaliter eripimur ab iniquitate; & Deus solus est causa efficiens gratiæ; ergo eripi per Christum ab iniquitate intelligendū est solum meritorie; & ideo Christus, ut homo, verè, & propriè nobis meruit gratiam. Hic spectat etiam illud *1. Pet. 1.* Non corruptilibus auro, vel argento redempti estis de vana vestra conversatione paterna traditionis; sed pretioso sanguine, quasi agni immaculati Christi, & incontaminati; constat autem, quod erogatio pretij pro redemptione alicuius habet valorem moralem, qui pertinet ad meritum; & *2. Pet. 1.* Per quem maxima, & pretiosa nobis donavit, ut per hæc efficiamini Divina consortes nature; id est intuitu meritorum Christi Deus nobis donavit gratiam in hac vita, & promissit gloriam in alia; ut per vitæque efficiamur consortes Divinæ nature Deum hic in ipse, & illic in re possidendo. Ratio etiam est; nam Christus in via habuit omnes conditiones exactas ad meritum recensitas *10. 4. de grat. qu. 5. art. 2.* de quibus dubium, quod esse posset de libertate, *infi.* & *q. 10.* solvetur; & de statu vitæ, dicimus, quod licet secundum partem superiorem fuerit perfectè beatus, fuit tamen viator secundum animam, prout respicit partem inferiorem; & secundum hanc rationem verè, & propriè meruit.

2 Icordant alicqualiter DD. in assignando tempus, quo meruit; nam *Alen. 3. par. quest. 17. memb. 2. art. 1.* D. Bonau. in *3. dist. 18. art. 10. q. 10.* Albert. *ibid. art. 6.* & *Dur. quest. 2.* putant ipsum non meruisse in primo instanti suæ conceptionis.

3 Sed sententia communis est Christum, meruisse in primo instanti suæ conceptionis, in quo habuit perfectissimum rationis vsum, arbitrium expeditum, gratiam sibi connaturalem, tanquam proprietatem essentialiter sequentem ad gratiam unionis, ut *sup.* diximus; & probari solet ex *Hebr. 10.* Ingressus Mundum dicit: Hostiam, & oblationem noluit, corpus autem aptasti mihi; holocausta pro peccato meo non tibi placuerunt. Tunc dixi: In capite libri scriptum est de me; ut faciam, Deus, voluntatem tuam. Ex quibus sic arguitur. Velle facere voluntatem Dei acceptando illius præceptum est mereri; sed Christus in primo instanti suæ cōceptionis voluit facere voluntatem Dei acceptando præceptū de subeunda morte pro hominum salute, quia eius ingressus in Mundum fuit in primo instanti suæ conceptionis; cū ei corpus fuit adaptatum, & tunc cognovit; & ideo habuit vsum rationis, quia cognitio dicit vsum, seu exercitium rationis; dixit enim: dicere autem impositat cognoscere; quia significat conceptum verbi expressi in mente; dixit, inquam, Christus in primo instanti suæ conceptionis esse scriptum in capite libri de illo, ut faceret voluntatem Dei; quæ erat de subeunda morte; non enim voluit, ut offerretur ei hostia, & oblatio, quemadmodum præceperat in lege *Moyfis*, sed ut sacrificaret suam voluntatem offerendo se ipsum in holocaustum pro peccatis hominum; & ideo Christus in illo primo instanti voluit Deo obedire; homo enim perveniens ad vsum rationis debet se Deo subijcere; & eo magis Christus, cuius voluntas humana erat voluntati Divinæ perfectè subiecta; ergo Christus in primo instanti suæ conceptionis verè, & propriè meruit. Deinde Christus Dominus in primo instanti habuit omnia requisita

quisita ad meritum, de quibus diximus *tom. 4. ubi*; ergo idem.

4 Dices 1. Angeli non potuerunt in primo instanti mereri, vt diximus *10. 1. de Ang. qu. 9. art. 2. num. 18*; quanuis enim habuerint perfectam scientiam, & libertatem, non tamen potuerunt se mouere liberè ad illam primam operationem; ad motum nanque liberum prærequiritur consultatio, & deliberatio; & ideo actus liber nequit esse in primo instanti creationis; ergo idem dicendum in casu.

Respondent aliqui ex nostris, vt diximus *loc. cit.*; neg. ant; ideo enim Angeli non potuerunt peccare in primo instanti, quia non potuerunt simul coniungere actum malum cum actu bono, cum quo fuerunt creati; potuerunt tamen mereri, quia sic non coniunxissent actum bonum cum actu malo. Vel omisso ant. neg. cons; & disparatis est; quia obiectum amoris congeniti in Angelis fuit Deus sub ratione summi boni absque vlla ratione mali; ideo ille actus fuit necessarius, quia determinatus ad vnum. At verò obiectum obedientie Christi fuit mors subeunda, quæ erat moraliter bona, vt præcepta; & physice mala, vt destructiua ipsius; & ideo sub indifferentia iudicij Christo fuit proposita; quod requiritur ad rationem liberi. Consultatio autem, & deliberatio præcedens volitionem tunc requiritur, quando in illo non est plenitudo scientie, quæ quia fuit in Christo, ideo potuit simul esse deliberatio, consultatio, & actus obedientiæ; vt quia Deus est omniscius; ideo vult in eodem instanti, quo scit.

5 Actus ergo meritorius, quo Christus voluit Patri obedire subeundo mortem, à primo instanti conceptionis vsque ad vltimum vitæ instans continuauit absque vlla interruptione; & hanc esse omnium Theologorum sententiam tradit *Gibb.* Ratio est. Actus, quo voluit obedire, est actus charitatis consummate procedens ab habitu charitatis patriæ, vt *inf.* videbimus; sed actus procedens ab habitu charitatis patriæ non potuit impediri, vel distrahi à pueritia, somno, & alijs huiusmodi; quia est essentialiter inamissibilis; ergo semper durauit nullo modo interruptus.

6 Diximus actum meritorium durasse vsque ad vltimum vitæ instans; sed difficultas est de vulnere lateris inflicto post mortem; an fuerit meritorium, vel satisfactorium, vel solum saluterum; non enim idem est esse saluterum, & meritorium, & satisfactorium; quia crux, & clauis Christi sunt saluteræ, quatenus virtute ex contactu corporis ipsius contracta; vel eorum intuitu Deus nobis confert salutem; sic dicendum de orationibus Sanctorum in cælo existentium; & tamen nec contactus crucis, & clauorum; nec orationes Sanctorum modo sunt meritorie, quia sunt extra statum vitæ.

7 *Noster Gibb. disp. 21. dub. 1. concl. 3; Gonet ibid. art. 1. à S. 4; & alij communiter* docent Christum post vltimum vitæ instans in instanti mortis non meruisse, & ideo vulnus lateris non fuisse meritorium, nec satisfactorium, sed tantum salutare; quia tunc fuit extra statum vitæ, & per consequens meriti.

8 Alij dixerunt Christum mereri etiam nunc in cælo, & in terra in sacrificio missæ & collatione sacramentorum.

9 *Caier.* voluit Christum meruisse in instanti inceptu mortis; & *Veg. lib. 7. in Trid. cap. 18.* voluit vulnus lateris fuisse satisfactorium, non meritorium; sicut animæ in purgatorio satisfaciunt, non merentur.

10 Dicendum tamen mortem, & vulnus lateris, quæ spectant ad consummationem passionis, non fuisse formaliter meritoria, aut satisfactoria, sed externè consummatoria, & completiua actionis meritorie, & satisfactorie iam antea internè elicite; post resurrectionem autem nullam actionem esse meritoriam, aut satisfactoriam.

Prob. 1. pars. Meritum formaliter satisfactorium importat actionem vitalem acceptantem liberè talem passionem; sed Christus nullam omnino in puncto mortis, & in transiitione lateris potuit habere actionem vitalem acceptantem liberè talem passionem; vt ipse testatur *10. 9. Me oportet operari opera eius, qui misit me, donec dies est; venit nox, quando nemo potest operari; super quod S. P. Aug. tract. 44.* inquit: Operetur ergo homo, dum vivit, ne illa nocte præueniatur, ubi nemo possit operari; & paulò post: Ibi nemo potest operari, sed recipere, quod operatus est. Aliud est tempus operationis, aliud receptionis. Sicut aliud est tempus ferendi, aliud metendi, quod satum est; ergo mors Christi, & latus vulnèris non fuerunt formaliter meritoria, & satisfactoria; prout meritum, & satisfactio important actionem formaliter vitalem.

11 Prob. 2. pars ex *S. P. Aug. tract. 120. in 10.* super illud. *Vnus militum lancea latus eius aperuit; docente: Vigilanti verbo Euangelista usus est, vt non diceret; latus eius percussit, aut vulnerauit, aut quid aliud; sed aperuit; vt illic quodammodo vitæ ostium panderetur; unde sacramenta Ecclesiæ manauerunt, sine quibus ad vitam, quæ vera vita est, non intratur. Ille sanguis in remissionem finis est peccatorum; aqua illa salutare temperat poculum; hęc & lauacrum præstat, & potum. Hoc prænuñciabat, quod Noe in latere Arce ostium facere iussus est, qua intrarent animalia, quæ non erant diluuii peritura, quibus præfigurabatur Ecclesia. Propter hoc prima mulier facta est de latere viri dormientis, & appellata est vita, materque viuorum &c. In habitu iacentis, & dormientis hic secundus Adam inclinato capite in cruce dormiuit, & vnde ei formarètur coniux, quod*

*quod de latere dormientis effluxit. O mors, unde mortui reniſcunt! Quid iſto ſanguine mundius? Quid vulnere iſto ſalubrius? Ex quibus ſic. Illud, quod externè complet, & consummat actionem meritoriam, & ſatisfactoriam, eſt externè completiuum, & consummatiuum actionis meritoria, & ſatisfactoria; etianſi pro eo tunc actio meritoria, & ſatisfactoria non exiſtat; v.g. ſi quis debens centum ſoluat quinquaginta, & velit, vt omnino ſoluantur alia quinquaginta ſtatim poſt mortem illius, illa erogatio externa facta poſt mortem eſt ſatisfactoria completiue, & consummatiuè, quia eſt completio, & consummatio actionis ſatisfactoria, quæ cenſetur moraliter durare, quanuis phyſicè non exiſtat; ſed mors Chriſti, & latus vulneris compleuerunt, & consummarunt actionem meritoriam, & ſatisfactiuam; quia Chriſtus meruit peccatoribus vitam volendo mori, & meruit adificationem Eccleſiæ volendo, vt latus eius transfigeretur poſt mortem, vt ex illo vulnere fluerent ſacramenta, quæ componunt Eccleſiam; & ſi mors ſecuta non eſſet, & latus non fuiſſet apertum, non eſſet externè completa, & consummata eius interna volitio, adeoque fuit completio, & consummatio illius externa conſecutio mortis, & apertio lateris; ergo mors Chriſti, & latus vulneris fuerunt externè completiue, & consummatiuè meritoria, & ſatisfactoria. 2. Externa erogatio pretij, quod eſt obiectum actionis meritoria, & ſatisfactoria, eſt completiue, & cõsummatiuè meritoria, & ſatisfactoria, etianſi illa actio phyſicè non exiſtat; quia obiectum, & actio eandem denominationem fortiuntur; vnde paries dicitur viſus fuiſſe ab oculo, etianſi actu non exiſtat viſio, dummodo tamen extiterit; ſed mors Chriſti, & latus vulneris ſunt externa erogatio pretij ſoluti à Chriſto pro noſtra redemptione; vt ait S. P. Aug. de Catacl. cap. 4. *Percuſſus latus lancea perſecutor, & ſudis pretium Redemptor; & communiter conſentiunt SS. PP;* ergo mors Chriſti, & vulnus lateris fuerunt completiue, & consummatiuè externè meritoria, & ſatisfactiuæ. 3. Sanguis remiſſius peccatorum eſt meritorius, & ſatisfactorius externè completiue, & consummatiuè; quia per ſanguinis effuſionem compleuit, & consummauit volitionem effundendi ſanguinem, per quam volitionem formaliter meruit remiſſionem peccatorum; ſed ſanguis effuſus in morte, & per vulnus lateris fuit remiſſius peccatorum; ergo idem. 4. Si animæ purgatorij in hac vita voluiſſent pati illas penas ita, vt illas præguſtaſſent in ſpiritu cum ea intentione, & paſſione, cum qua illas patiuntur poſt hanc vitam, meruiſſent, & ſatisfeciſſent per anticipationem illius doloris; & perpeſſio poſt hanc vitam diceretur completiuæ, & consummatiuæ illius meriti, & ſatisfactionis; ſed Chri-*

ſtus bibens calicem ſuæ paſſionis in horto præguſtauit mortis paſſionem, & effuſionem ſanguinis in morte, & in vulnere futuram ita, vt talem ſenſerit pœnam, qualem ſenſiſſet in corpore fundens ſanguinem in morte; & per vulnus, ſi viuens illum fuſiſſet; ergo idem. 5. Docent SS. PP; & DD; quòd ſanguis effuſus per vulnus lateris, vtpotè ſuperabundans ad redemptionem, efformauit nobis theſaurum indulgentiarum; ſed Chriſtus hoc nobis meruit; omnia enim dona, & per conſequens etiam indulgentiæ dantur nobis ex Chriſti meritis; ergo idem. 6. Totum illud quod ſpectat ad noſtram redemptionem, aliquo modo eſt meritorium noſtræ ſalutis, & ſatisfactorium pro noſtris peccatis; quia redemptio eſt meritoria, & ſatisfactiuæ; ſed totus ſanguis Chriſti eſt huiusmodi; ergo etiam ille, qui effuſus eſt in morte, & è latere Chriſti.

12. Completa autem paſſione nulla actio Chriſti poſt reſurrectionem fuit meritoria, & ſatisfactoria; quia tunc fuit in ſtatu receptionis, non operationis; & nulla actio elicitæ in tali ſtatu fuit obiectum paſſionis, vel consummatio ſpectans ad actionem meritoriam, & ſatisfactiuam; quia consummatio externa operationis huius vitæ ſpectat ad hanc vitam, vt conſtat; ergo de factò nullam habet actionem meritoriam, & ſatisfactoriam, ſed tantum impetratoriam; impetratio enim poteſt competere puræ, & ſimplici orationi, vel actui amicitia, etianſi meritorius non ſit; vt conſtat de amico Regis, qui per actum, quo ipſum deprecatur, non meretur gratiam, quam petit.

13. Dices. 1. Vna ex conditionibus requiſitis ad meritum eſt ſtatus viæ; ſed Chriſtus effundens ſanguinem in morte, & in tranſſitione lateris fuit extra ſtatum viæ; tunc enim eius anima ſeparata erat à corpore; ergo non meruit. 2. Quanuis ad merendum ſufficiat voluntarium in cauſa, atamen requiritur ſtatus viæ; aliter animæ purgantes, & beati poſſent mereri dato, quòd ante mortem intendiſſent etiam mereri poſt mortem; ergo idem. 3. Chriſtus, antequam moreretur, dixit consummata eſſe omnia, quæ ſpectant ad eius paſſionem; ergo ea, quæ poſtea fuerunt, non fuerunt meritoria.

Reſp. ad 1. diſt. ma. Ad meritum formaliter, conc; completiue, & consummatiuè merè externè, neg. Ad 2. diſt. ant. Requiritur ſtatus viæ initiatiue, vel completiue, conc; non completiue, neg; quanuis enim mors Chriſti fuerit extra ſtatum viæ formaliter, fuit tamen completiue in ſtatu viæ, quia fuit consummatio paſſionis inceptæ in ſtatu viæ; & hoc ſufficit, vt consummatiuè ſit meritoria; actiones autem, quas habent animæ in purgatorio, & in Cœlo, non ſunt externa consummatio actionis habitæ in viâ, & inceptæ; nec illæ animæ præguſta-

gustarunt illam passionem purgatorii in via, vt dictum est. Ad 3. dicitur ante mortem consummata fuisse omnia, quæ spectant ad poenam Christi, & ad meritum formale; non autem quæ spectant ad eius complementum integrale.

§. II.

Quibus actibus, & quid nobis meruerit?

14 **C**irca duos actus principaliter est difficultas; scilicet circa actum charitatis, quo Christus dilexit Deum, vt summum bonum diligibile; & circa actum obedientiæ, quo impleuit præceptum Patris de subeunda morte pro hominum salute; cum enim actus meritorius sit essentialiter liber, & proprius status viæ; & actus charitatis, quo Christus dilexit Deum, vt summum bonum, sit actus charitatis patriæ regulatus per visionem beatam, quia secundum partem superiorem, idest secundum partem intellectuam, & volitiuam, Christus fuit beatus; & amor beatificus sit necessarius, non liber; aliter beati in patria mererentur amando Deum; ideo videtur, quod per actum charitatis, quo Christus Deum dilexit, non fuerit meritorius. Dicere autem, quod actus charitatis, quo Deum dilexit, non fuerit meritorius, est ipsi negare potissimum, & perfectissimum actum meritorium; quia nullus est actus magis meritorius, quam actus charitatis, quo Deus diligitur; ab ipso enim sumunt rationem meritorij alij actus, quibus creaturas diligimus propter Deum dilectum. Sic libertas ad obediendum requirit expeditam potentiam ad non obediendum; sed Christus non potuit non obedire, quia non potuit peccare; ergo actus obedientiæ non videtur liber, & per consequens non meritorius.

15 *Vasq. disp. 73. c. 3; Becc. c. 14. q. 3; Val. 10. 4. disp. 1. punct. 2.* aiunt Christum per actum charitatis Theologicæ non meruisse; sed per solam dilectionem proximi, quæ non elicitur ab habitu charitatis Theologicæ; sed ab habitu beneuolentiæ erga proximum.

Sed hæc sententia vel tollit totaliter rationem meriti à Christo Domino; vel asserit charitatem non esse totalem rationem, & radicem meriti; quod in sola charitate solidatur; vt habet *D. Greg. hom. 27. in Euang. & S. P. Aug. lib. 1. de grat. Christi c. 18.* super illud *Matth. 7. Non potest arbor bona malos facere; & super illud 1. Tim. 6. Radix malorum omnium est cupiditas;* inquit: Nam & Dominus nec arborem bonam dicit posse facere fructus malos, nec malam bonos; & *Apost. Paulus;* cum dicit radicem malorum omnium esse cupiditatem, admonet utique intelligi radicem bonorum omnium charitatem. Ex quo sic.

Mag. Frideric. Nic. Gauardi Tom. 5.

Ita se habet actus bonus, & meritorius ad actum charitatis; sicut fructus ad radicem; sed solum à radice bona potest produci fructus bonus; ergo solum ab actu charitatis, qui est meritorius, potest procedere actus meritorius; & sic nulla actio Christi esset meritoria, quod est impium. 2. Actus meritorius charitatis Theologicæ est specificè maior, & dignior meritorio, quam actus cuiuslibet alterius virtutis; quia est erga Deum, qui est omnis bonitas, & à quo est omnis dignitas; actus autem aliarum virtutum sunt erga creaturas; sed in Christo fuit maius, & dignius meritum, quam in omni pura creatura; aliter meritum puræ creature esset specificè maius, & dignius merito Christi; ergo in Christo fuit actus meritorius charitatis Theologicæ. 3. Meritum est id, quo consequimur præmium, & debet esse eiusdem dignitatis, & valoris cum præmio, si sit meritum de condigno, vt est meritum Christi Domini; sed solus actus charitatis Theologicæ est id, quo consequimur vitam æternam, & est eiusdem dignitatis cum vita æterna, à qua specificatur, quia actus trahit suam dignitatem ab obiecto; hinc *Luc. 10. Legisperito* querenti, quid sibi esset agendum, vt vitam æternam posideret, respondit Christus, quod diligeret Deum, & proximum concludens: *Fac hoc, & viues; & 1. Cor. 2. Quæ præparauit Deus his, qui diligunt illum;* ex quibus deducitur manifestè vitam æternam acquiri per solam Dei dilectionem, & proximi propter Deum, quæ procul dubio est actus virtutis Theologicæ; ergo actus, quo Christus nobis meruit vitam æternam, est actus charitatis Theologicæ. *Id. 10. 4. de grat. q. 5. art. 3;* vbi ostendimus nullum actum virtutis moralis esse meritorium vitæ æternæ, nisi sit ex motiui charitatis Theologicæ, à quo haurit rationem meritorij vitæ æternæ. 4. Idem est habitus, quo diligimus Deum propter se, & proximum propter Deum; vt diximus *vbi de Char. q. 3. art. 1;* ideo si diligatur proximus, non propter Deum dilectum propter se, ille actus non est proficiuus ad salutem, vt diximus *ibid. de Viri. q. 3. art. 7; & de grat. q. 2. art. 4;* sed habitus, quo diligimus Deum propter se, est virtus Theologica; ergo & habitus, quo diligimus proximum propter Deum, est habitus virtutis Theologicæ; & per consequens actus charitatis proximi, quo Christus meruit nobis salutem, est actus virtutis Theologicæ.

16 *Sot. lib. 3. de nat; & grat. c. 7; Sna. disp. 39. sect. 2; Ferrar. 4. cont. Gent. c. 62; Med; Viguer; Alburicen.* asserunt in Christo dari duos actus dilectionis Dei in se, & propter se; vnum regulatum scientia beata, seu clara Dei visionis, & hunc esse simpliciter necessarium; alterum regulatum scientia supernaturali infusa, & hunc esse liberum, & meritorium.

II

Sed

Sed contra est. 1. In tantum visio beata necessitat voluntatem ad actum charitatis, in quantum innititur lumini gloriæ, quod euidenter ostendit Deum sub omni ratione boni absque permissione alicuius mali, & ideo sub iudicio rationis determinato tantum ad vnam partem, scilicet ad rationem boni, per quam voluntas tendit prosequendo; non autem sub indifferentia ad bonum, & malum, per quam potest tendere, & non tendere; sed etiam scientia per se infusa Christi innititur lumini gloriæ; quia nequit inniti lumini naturali, quod est ineptum ad representanda obiecta supernaturalia; neque lumini fidei, quod propter obiectum est impossibile cum claritate luminis gloriæ, propter quod fides non est in Christo; & ideo innititur lumini gloriæ, cum præter lumen naturale, & fidei non detur nisi lumen gloriæ, vt diximus 1. q. 2. *proem. art. 3.* ergo & scientia infusa necessitat eodem modo ad actum charitatis. 2. Scientia infusa, quæ fuit in Christo, vel fuit donum Spiritus Sancti, vel fuit habitus Theologicus proprius viatorum; vel habitus Theologicus proprius beatorum; nullus enim alius habitus scientiæ infusæ, quo cognoscantur obiecta supernaturalia, videtur admittendus ex ijs, quæ videmus in puris creaturis? Si primum; ergo illa scientia non regulat omnes actus meritorios, qui fuerunt in Christo, quia non regulat actum charitatis, quo diligitur Deus, vt in se summè diligibilis, qui actus est summè meritorius; iste enim est necessarius, & regulatur lumine gloriæ. Non secundum; quia in Christo non fuit fides, & ideo nec Theologia viatorum. Si tertium; ergo scientia infusa Christi non distinguitur realiter à visione beata, cum hæc sit scientia beatorum, succedit enim fidei, vt docet Apost. 1. Cor. 13. *Cum veneris, quod perfectum est, euacuabitur, quod ex parte est;* vbi cum loqui de Theologia beatorum, & viatorum, compertum est; ait enim; *Nunc est parte scimus, & ex parte prophetamus;* scire autem Deum competens in hac vita est Theologia viatorum. 3. Multiplicatio regulæ non sufficit ad multiplicandos actus regulatos realiter, vel virtualiter; essentialiter, vel accidentaliter; vt ex eo, quod nauis duplici vento dirigatur ad eundem terminum, & duplici lumine, non dicitur moueri, & tendere duplici motu; & ex eo, quod manus pictoris dirigatur arte picturæ, & prudentia, quæ sunt duo habitus distincti realiter, non dicitur formare duas picturas; sed visio beata, & scientia per se infusa sunt duæ regulæ habitus charitatis; ergo non possunt multiplicare duos actus procedentes ab eodem habitu charitatis Theologicæ, quorum vnus sit necessarius, & alter liber; ex quo colligitur ad multiplicationem specificam actuum requiri multiplicationem obiectorum

formaliū; quo etiam improbat hæc sententia.

17 *Lore. disp. 72. concl. 2. & Cipell. hic ar. 3. dub. 2. concl. 2.* volunt in Christo fuisse duos actus charitatis regulatos per visionem beatam; vnum, quo dilexit bona Deo intrinseca; & hunc fuisse necessarium; alterum, quo dilexit bona extrinseca; vt gloriam, laudem, honorem, & obedientiam à creaturis Deo exhibendam, & hunc fuisse liberum.

Sed cont. est. 1. Beati eodem actu visionis vident in Deo perfectiones intrinsecas, & extrinsecas illius; quia eodem actu attingitur obiectum primum, & secundarium; ergo & eodem actu amoris illas amant; & ideo illi actus non multiplicantur. 2. Actus, quo amantur bona Deo extrinseca, habet rationem meritorij ex eo, quod amatur Deus in se, & ideo quoad perfectiones intrinsecas; si enim amantur res creatæ, non propter Deum dilectum in se, ille amor non est meritorius; ergo si actus, quo amatur bona Deo intrinseca, non est meritorius; neq; actus, quo amatur bona extrinseca. 3. Sequeretur esse in creatura pura perfectius meritum, quàm in Christo; quia in hac est amor perfectionum intrinsecarum Deo, qui est magis meritorius; vt diximus; sed conf. est absurdum; ergo & ant. *Vid. alias rationes allatas cont. V. asq.*

18 *Gonet disp. 21. art. 13. apud quem Capr. in 3. diss. 18. art. 3. Alluiceni; Naz; Aluar; Arrauis,* quibus additur *uester Gibb; & alij,* volunt dilectionem Christi terminatam ab bonitate Diuinam, vt est ratio diligendi Deum, & perfectiones Dei necessarias, esse necessariam, non meritoriam; prout verò terminatur ad bonitatem Diuinam, & est ratio diligendi creaturas, & volendi Deo bona extrinseca, esse liberam, & meritoriam.

Sed iisdem rationibus impugnatur. 1. Ratio diligendi creaturas est specificatiua amoris proximi, vt claret; sicut ratio diligendi Deum in se, & propter se, est specificatiua amoris Dei, qui in primo mandato præcipitur; sed amor proximi non habet rationem meritorij, nisi ab amore Dei; si autem amor Dei in se non esset meritorius, ab illo non posset amor proximi rationem meritorij desumere, quia *nemo dat, quod non habet;* ergo dilectio Christi nequit dici meritoria tantum, prout terminatur ad Deum, vt est ratio diligendi creaturas. 2. Sequeretur meritum specificè maius esse in pura creatura, quàm in Christo. 3. Beati in patria per visionem beatam necessarij, non liberè, amant creaturas, quas vident in Deo, supposito, quod illas vident; cum enim creaturæ in Deo sint idem, ac creatrix essentia, sicuti essentiam Diuinam cognitam per visionem beatam necessarij amant; ita & creaturas in illa representatas. Sic etiam Deus, quanuis liberè voluerit creaturas, quia potuit eas non velle; attamen supposito, quod semel

semel illas voluerit, non potest eas non velle; quia nequit nolle, quod voluit; ergo à pari dicendū de visione beata Christi. 4. Christus meruit adimplendo legis mandata; dixit enim *Matth. 5. Nolite putare, quia veni solvere legem, aut prophetas, non veni solvere, sed adimplere*; super quod S. P. Aug. lib. 17. cont. *Fausi. c. 6. Impletur lex, cum sunt, quae ibi praecepta sunt*; sed plenitudo legis est charitas, ut docet *Apost. Rom. 13*; ergo Christus meruit eliciendo actus charitatis praeceptos à lege; atqui actus charitatis à lege praecepti sunt, ut diligatur Deus in se, & propter se, & deinde ut est ratio diligendi creaturas; ergo Christus vtroque modo amando Deum meruit. Tum quia implendo mandatum maximum magis mereretur, quam implendo mandatum minimum; sed diligendo Deum, ut est in se diligibilis, impletur mandatum maximum; & diligendo Deum, ut est ratio diligendi creaturas, impletur mandatum minimum; ergo magis mereretur amando Deū, ut est ratio diligendi se ipsum, quam ut est ratio diligendi creaturas. Atqui in Christo fuit summum, & maximum meritum; ergo idem. Dimissis itaque his modis dicendi.

19 Unica concl. Actus charitatis beatificat in Christo, prout tendit in Deum secundum se summè diligibilem mouendo, & inflammando vires inferiores, secundum quas Christus erat viator, ut tenderet in ipsum totis viribus, tota mente, toto corde, & tota anima iuxta primum mandatum in lege contentum, faciendo, ut etiam vires inferiores ordinarent suas operationes in Deum; & actus obedientiae supposito etiam praecepto de subeunda tali morte in particulari fuerint actus summè meritorij gratiae in vita praesenti, & gloriae in futura nobis conferendae.

Prob. 1. pars concl. *Scripturis*, & rationibus allatis. Ad rationem meriti requiritur essentialiter actus charitatis Theologicae, & status viae; sed actus charitatis Theologicae est essentialiter primario erga Deum summè, & secundum se dilectum, & secundario circa creaturas; & Christus Dominus fuit viator tantum secundum vires inferiores; ergo actus charitatis beatificat in Christo, prout tendit in Deum mouendo, & inflammando vires inferiores, ut tenderet totis viribus, tota anima, & toto corde, easque in Deum secundum se, & per se dilectum ordinando, fuit summè meritorius. Ant. constat ex dictis *10. 4. vbi*; & deducitur ex *Luc. 10*; vbi praecipitur amor Dei secundum se; & *1. Cor. 2*; vbi diligentibus Deum promittitur vita aeterna, tanquam praemium, quod non datur, nisi merito; & *Matth. 5*; vbi dicitur Christus impleuisse legem; non impleisset autem legem, si mandatum maximum legis de diligendo Deo in se, & per se non seruasset; seruans autem legem meretur; ait enim *Apost. 2. ad Tim. 4. Fidem* (idest legem Euan-

gelicam) *seruanti; ideo reposita est mihi corona iustitiae, quam repromissit Deus diligentibus se*; corona autem non datur ex iustitia, nisi illam merenti; quia non merenti, ut paruulo, datur ex gratia; praeterea requiritur status viae; quia postquam clauduntur oculi huic luci per mortem, *veniet nox, in qua nemo poterit operari*; tunc enim est tempus retributionis, non operationis, ut ex hoc textu *10. 9.* arguit S. P. Aug. *tract. 44. vbi*; ergo ad rationem actus meritorij requiritur actus charitatis Theologicae, & status viae. Mi etiam probata est; nam charitas Theologica habet pro obiecto immediato, & primario Deum, ut summè diligibilem secundum se, & per se; à quo habetur omnis bonitas, valor, & dignitas actus; & sine quo nulla est bonitas supernaturalis proficua ad salutem; & habet pro obiecto secundario, & mediato creaturas, quae propter Deum summè dilectum, amantur; & aliunde iste actus charitatis, qui secundum se in Christo erat beatificus, solum spectare poterat ad statum viae, quatenus mouebat vires inferiores ordinando eorum actus in Deum; secundum quas Christus tantummodò erat viator; & erat liber, quia vires inferiores in Christo subdebantur perfecto arbitrij dominio; quauis enim secundum suam entitatem per se esset necessarius; attamen, quatenus mouebat vires inferiores libero voluntatis arbitrio perfectè subiectas, erat liber; sicut licet actus voluntatis Dei sit entitatiuè necessarius; attamen ut subijcit sibi creaturas illius altissimo dominio perfectè subiectas, est perfectissimè liber; ergo actus charitatis in Christo fuit essentialiter primario circa Deum secundum se, secundario autem circa creaturas; & fuit in statu viae, quatenus sibi subiecit vires inferiores ordinando eorum actus in Deum secundum se dilectum; & per consequens nedom fuit meritorius, prout terminabatur ad Deum, quatenus est ratio diligendi creaturas, & bona extrinseca, sed etiam quatenus secundum se, & per se diligibilem. *Vid.* alias rationes allatas, quibus impugnauimus aliorum sententias; nostram etenim probant.

20 Prob. 2. pars. Actus obedientiae supposito praecepto in particulari inspiratus à Deo in primo instanti conceptionis Christi, & aequè durans, ac actus charitatis, à primo instanti usque ad vltimum vitae instanti, cum primum fuit inspiratus, inuenit potentiam liberam in sua pura indifferentia, & ipsam actuauit; non enim tale praeceptum posuit aliquid in voluntate antecedens ipsum actum, sed per decretum inspirans posuit ipsum actum in potentia nuda, & indifferenti; ergo non laesit illius libertatem, sed perfecti, quia illam actuauit; & ideo fuit summè meritorius; nam ad libertatem, quae requiritur ad meritum, non exigitur libertas ad peccandum, quae potius sequitur,

II 2 & de.

& defectus est libertatis; vt dicemus *quest. 10*; sed fufficit, vt talis actus recipiatur in potentia secundum suam essentiam indifferenti ad illum recipiendum, & oppositum. Sed de hoc fusè *inf. loc. cit.*

21 Prob. 3. pars concl. ex Rom. 1. *Per quem accepimus gratiam; & 3. Iustificati gratis per gratiam ipsius per redemptionem, quæ est in Christo Iesu; & 5. Christus pro nobis mortuus est; multò igitur magis nunc iustificati in sanguine ipsius salui erimus ab ira per ipsum; & 7. Gratia Dei per Iesum Christum; & ad Titum 3. Iustificati gratia ipsius; & 1. Cor. 15. In Christo omnes viuificantur; & inf. Factus est primus homo Adam in animam viuentem; nouissimus Adam in spiritum viuificantem; & Ephes. 1. In quo habemus redemptionem per sanguinem eius, remissionem peccatorum secundum diuitias gratiæ eius; & 2. Cuius gratia saluati estis &c.* Ex quibus sic. Intuitu gratiæ Christi data est nobis gratia, & gloria; sed Christus meruit nobis id, quod datum est nobis intuitu meritorum ipsius; ergo meruit nobis gratiam, & gloriam. Ma. habetur in *allatis textibus*; quia intuitu gratiæ Christi iustificati, & saluati sumus; iustificatio autem per gratiam, & salus per gloriam habetur.

22 Ad rationem dubitandi dicitur, quòd licèt actus beatificus per ordinem ad partem superiorem fuerit necessarius, & spectauerit ad statum patriæ; per ordinem tamen ad partem inferiorem fuit liber, & spectans ad statum viæ, vt dictum est.

23 Dices. 1. In hoc distinguitur libertas Dei à libertate creaturæ; quòd illa non est indifferentia ad actum, sed ad solas creaturas volendas, vel nolendas; hæc autem est indifferentia ad actum; ergo de ratione libertatis humanæ Christi est posse eijcere actum liberum; sed non potuit amittere actum charitatis beatificæ, quia inamissibilis est; ergo ille non fuit liber. 2. Dilectio Christi, vt regulata per visionem beatam, non fuit actus viatoris, sed comprehensoris; quia visio beata non conuenit viatori; ergo ille actus non fuit liber, quia non fuit in statu viæ. 3. Quòd actus voluntatis Diuinæ sit necessarius quoad entitatem, & liber quoad terminationem extrinsecam, prouenit ex eius infinitate; sed actus dilectionis voluntatis humanæ Christi est finitus; ergo idem.

Resp. ad 1. diferimen voluntatis Diuinæ, & creatæ esse, quòd hæc est indifferens ad actum recipiendum, vel non recipiendum; & sic voluntas Christi fuit indifferens ad velle, & nolle pati; & ideo liberè voluit; quia ita voluit, vt potuerit nolle; quapropter ad ostendendam hanc possibilitatem in orto rogando Patrem dixit: *Transcat à me calix iste*; non autem hoc rogasset, si fuisset ei impossibile; postquam tamen semel voluit, semper voluit; quia ita voluit subiiciendo perfectè suam volunta-

tem voluntati Diuinæ, quæ nequit nolle, quòd semel voluit; hinc subiunxit: *Veruntamen non mea voluntas, sed tua fiat*. Neque hoc tollit rationem liberi, sed arguit rationem perfecti liberi, qui non mutatur ab eo, quòd liberè voluit; vt patet de Deo, qui est perfectissimus, cum sit primum, liberum. Sic soluitur obiectio de obedientia; poterat enim non obedire, cum obediret, si non recepisset in primo instanti actum perfectæ obedientiæ; at non poterat non obedire, cum liberè voluit obedire, quia illa obedientia fuit perfecta; & liberè voluit perfectè obedire; non est autem perfecta obedientia, quæ non durat vsque ad finem. Ad 2. dist. ant. Dilectio Christi, vt mouens vires inferiores, secundum quas erat viator, neg; spectata secundum vires superiores præcisè, conc. Ad 3. neg. ma; nam actus nostræ voluntatis nedum habet tendere in Deum, sed etiam mouere, & impetare potentijs, & tamen est liber. Igitur ex eius infinitate prouenit, quòd tendat in Deum infinito modo, & quòd terminetur ad infinitas creaturas.

24 Obijc. *Gonet*. Actus charitatis Christi, vt terminatus ad bonitatem Diuinam, prout est ratio diligendi creaturas, fuit liber in Christo; ergo fuit meritorium.

Ad hoc iam dictum est, quòd licèt Deus liberè diligit creaturas; attamen Christus per visionem beatam necessariò diligit Deum, vt diligentem creaturas; quia necessariò diligit Deum, vt ipsum beatificantem; cum dilectio beatifica necessariò specificetur ab obiecto beatifico; Deus autem non beatificat creaturas, nisi diligendo; cum beatificatio sit excellentissima dilectio, qua Deus diligit creaturas. Sed dato illum actum esse liberum; attamen non sequitur esse meritorium, quia habetur secundum vires superiores; beati enim diligunt Deum, vt est ratio diligendi creaturas; & secundum vires superiores Christus non fuit viator, & ideo non potuit mereri.

25 Ex dictis inferitur Christum non meruisse per dilectionem Dei abstractiue cogniti per scientiam infusam; quia cum in ipso non fuerit aliud lumen supernaturale, quam lumen gloriæ, quòd intuitiue repræsentat; ideo non fuit in ipso cognitio Dei abstractiua, secus in ipso fuisset fides.

26 Quæres; an Christus meruerit nobis nedum executionem gloriæ, sed etiam primam electionem ad gloriam?

Resp. affirmatiue. *Vid. in 2. de præd. SS. quest. 3. art. 3.*

§. III.

An merita Christi fuerint infiniti valoris?

27 **F** Atentur omnes esse *Maistris inf.* meritum Christi, sicut & satisfactionem, esse infinitum; fuit enim sufficiens ad redimendos infinitos homines ab infinitis peccatis, si infiniti homines ab Adam geniti infinita peccata patrassent; nam *Rom. 5.* habetur: *Sed non sicut delictum, ita & donum; si enim unus delicto multum mortui sunt; multo magis gratia Dei, & donum in gratia unius hominis Iesu Christi in plures abundauit;* & postquam maiorem gratiæ abundantiam, quam fuerit abundantia peccati, descripsit, concludit: *Vbi autem abundauit delictum, superabundauit & gratia.* Opera ergo Christi Domini habuerunt valorem infinitum tam per ordinem ad merendum nobis gratiam, & gloriam; quam per ordinem ad satisfaciendum pro offensis Deo illatis. Quæstio autem est; an hic valor infinitus proueniat ab intrinseco eo, quia opera meritoria proueniunt à persona Christi, quæ est infinite sancta, & infinite digna; an verò ab extrinseco, nempe ex acceptatione Diuina ex quadam congruitate eo, quia congruum est, vt actio elicita à supposito Diuino acceptetur, tanquam infiniti valoris; & ideo non sit infiniti valoris simpliciter, sed tantum secundum quid. Diximus, an merita, prout proueniunt à supposito Diuino, hauriant infinitum valorem; certum enim est, quòd si considerentur, vt proueniunt à gratia habituali, quam *sup.* diximus esse finitam simpliciter, & solum comparatiuè secundum quid infinitam, esse tantum secundum quid, non simpliciter infinita.

28 Prima sententia vult valorem meritum Christi non esse intrinsecè infinitum simpliciter, sed tantum secundum quid extrinsecè per acceptationem Diuinam. Ita *Scot. in 3. dist. 19. & 20. & in 4. dist. 15. qu. 1. Dur. in 3. dist. 20. q. 2. Med. C. de pen. tract. 3. q. 3. Nominales; & Scotistæ; Mair; Rubius; Bassoli; Lychet; Tatarus; Faber; Rada; Arctius; Galli; Centius; Bellus.* asserentes, quòd quanuis meritum Christi, vt porè elicited à persona Diuina, haberet congruitatem quandam, vt acceptaretur à Deo, tanquam infinitum, pro infinitis hominibus redimendis, quam congruitatem non haberet meritum cuiuscunque personæ creatæ; attamen secundum se intrinsecè fuit finitum. Excipitur *Vulp;* qui voluit meritum Christi fuisse infinitum intrinsecè, quia includebat bonum velle Diuinum proprium. Verbi fundatum in natura Diuina; & cum premitur, quòd Christus per operationes Diuinas non potuit mereri, quia meritum dicit respectum inferioris ad superiorem, à quo re-

munerationem expectat; respondet Verbum, esse æquale Patri secundum naturam, inferius tamen secundum personam; quia secundum personam mittitur, & missus inferior est mittente. Sed hoc est apertè contra *Diuinas Scripturas* concedentes æqualitatem inter Diuinas personas nedum ratione naturæ, sed etiam ratione personalitatis; hinc *Symb. D. Athan.* habet: *Et in hac Trinitate nihil prius, aut posterius, nihil maius, aut minus; sed totæ tres persone coæternæ sibi sunt, & cõgonales;* vbi expressè æqualitatem nedum in natura, sed etiam in personis definit; & *inf.* loquens de Christo ait: *Acqualis Patri secundum Diuinitatem; minor Patre secundum humanitatem;* Diuinitas autem competit nedum naturæ, sed etiam personæ Christi; & *S. P. Aug. lib. 15. de Trin. c. 14. Verbum ergo Dei Patris vniigenitus Dei Filius per omnia Patri similis, & æqualis.* Personam autem missam inferiorem esse personam mittente error est *Arianorum,* vt docet *S. P. Aug. lib. de quinque her. cap. 7. Tu, Arriane, dicis maiorem esse, qui mittit; minorem, qui mittitur;* & paulò post. *Ego nullam discretionem video; sed potius æqualitatem conspicio;* & *lib. 4. de Trin. c. 20. Si autem secundum hoc missus à Patre Filius dicitur, quia ille Pater est; ille Filius; nullò modo impedit; vt credamus æqualem Patri esse Filium consubstantiallem, & cõternum, & tamen à Patre missum Filium.* Non quia ille maior esset minor; sed quia ille Pater, ille Filius. Dimissa igitur hac explicatione *Scoti. Mastr. hic disp. 3. q. 8. art. 1. ait* Scotum non docuisse Diuinam acceptationem, & promissionem esse totale meriti constitutum, sed tantum dixit esse meriti completum; & quando dixit Diuinam acceptationem esse meriti complementum, locus est de acceptatione actuali, quæ ab alijs dicitur pactum, & immediatè cadit super ipsam actum; non verò de acceptatione habituali in gratia ipsa inclusa, & spectat ad personam, quæ etiam est necessaria ad meritum, vt potè quæ tribuit actui à tali persona procedenti valorem ad premium supernaturale. Propterea *Scotus* voluit solum Christi meritum non fuisse infinitum simpliciter, sed tantum secundum quid; quia non omnia, quæ concurrerunt ad meritum Christi, vt gratia, intensio operis, duratio, locus, & obiectum, fuerunt infinita. An hæc explicatio quadret menti *Scoti;* vel potius ipsum ducat in nostram sententiam, videant illius discipuli.

29 Nostra tandem sententia docet merita Christi, si referantur ad gratiam habitualement, quæ secundum quid infinita est, habere infinitatem secundum quid; si verò referantur ad personam infinite sanctam, à qua tanquam à principio quod, eliciuntur, habere valorem infinitum simpliciter. Ita *Fund. Doct. loc. cit. in sup. quæst. art. 2. §. 3. & dist. 1. par. 3. art. 2;* vbi docet, quòd nulla creatura pura potuit satisfacere

facere pro peccato naturæ humanæ, quia natura humana de se est multiplicabilis in infinitum indiuidua; & nulla pura creatura potest mereri satisfactionem pro infinitis hominibus: Idem docet *D. Thom. & omnes Thomistæ*; sequuntur noster *Gibbi, Bernardini & ex alijs Sna; Vasq; Luz; Tanners; Bernal; Arrega &c.*

30. Not; quod si loquamur de actibus meritorij Christi secundum entitatem physicam, certum est eos esse finitos simpliciter, quia principia physica, à quibus producuntur, vt sunt intellectus, voluntas, habitus charitatis, gratia habitualis &c. sunt simpliciter finita, sunt enim accidentia subiectiue recepta in natura humana, quæ est ens finitum simpliciter. Item si loquamur per ordinem ad principia meritorij formalia, quibus producuntur, vt sunt habitus supernaturales, ratio &c. sunt simpliciter finiti; quia isti pariter sunt finiti simpliciter. Sensus ergo quæstionis est; an actus Christi meritorij considerati per ordinem solum ad suppositum Diuinum ipsius, quod est principium quod productum illorum, ab illo defumant valorem infinitum simpliciter ita, vt ille valor careat terminis intrinsecè ipsum finientibus. Vnde hoc aduerbium *simpliciter* potest sumi dupliciter. 1. Prout facit sensum in omni genere, & secundum quancunque rationem, & respectum; quomodo Deus dicitur simpliciter infinitus in omni genere entis, & secundum quancunque rationem; & hoc modo non sumitur *simpliciter* in præsentia, vt dictum est. 2. Prout facit sensum in genere valoris, qui defumitur à principio quod præcisè; & in hoc sensu dicimus esse infinitum simpliciter in genere, quia continet omnem valorem, qui potest defumi à quocunque supposito possibili; & à nullo præmio actuali limitatur, finitur, aut potest limitari, finiri, & exhauriri. Sicut v.g. si daretur animalitas, quæ contineret omnes species, & indiuidua animalium etiam possibilia, quæ procul dubio sunt infinita, illa animalitas esset infinita simpliciter in genere; quia in genere animalis nulla ei posset fieri additio, quia nulla ei posset superaddi animalitas; non tamen esset infinita in omni genere, quia non contineret omnes species, & indiuidua substantiæ incorporeæ; & ideo non esset infinita simpliciter in omni genere. Ex quo soluntur argumenta *Maist*; vt parebit.

31. Unica concl. Valor moralis operum Christi per ordinem ad suppositum Diuinum, quod est principium quod productum illorū, est infinitus simpliciter in genere; per ordinem verò ad gratiam habitualem, & habitum charitatis est infinitus tantum secundum quid.

Prob. 1. pars concl. ex *Apoſt. ubi sup. Vbi abundauit delictum, superabundauit & gratia. Quod excedit omne præmium possibile omnis puri hominis possibilis etiam categorema-*

ticè sumpti, est infinitum simpliciter in genere meriti; sed valor operum Christi per ordinem ad suppositū Diuinum, tanquam ad principium quod, à quo eliciuntur, excedit omne meritum cuiuscunque puri hominis possibilis etiam categorematice sumpti; ergo est infinitus simpliciter in genere meriti. Prob. ma. Quod mensurat per excessum aliquod infinitū simpliciter, est infinitum simpliciter; quia nullum finitum potest esse mensura excedens infinitum; quantitas enim finita deficit à quantitate infinita, & ideo nequit esse, nisi mensura per defectum; sicut quantitas infinita, quia excedit quantitatem finitam, potest esse mensura illius per excessum; sed omne præmium possibile cuiuscunque puri hominis possibilis categorematice sumpti est infinitum simpliciter in genere meriti, quia omnes homines possibiles categorematice sumpti sūt infiniti simpliciter; & ideo omne meritum possibile cuiuscunque hominis possibilis categorematice sumptum est infinitum simpliciter in genere meriti; vt constat; ergo quod excedit omne meritum possibile cuiuscunque puri hominis possibilis categorematice sumpti, est infinitum simpliciter in genere meriti. Prob. mi. Valor operum Christi Domini per ordinem ad suppositum Diuinum commensuratur cum sanctitate suppositi Diuini; & valor operum cuiuscunque puri hominis possibilis commensuratur cū sanctitate suppositi humani, à quo producit; causa enim est mensura sui effectus, cum adæquet, si sit causa vniuoca; vel excedat effectū, si sit causa æquiuoca; hinc Deus est mensura omnium creaturarum, quia est illarum causa; sed sanctitas suppositi Diuini excedit omnem sanctitatem cuiuslibet suppositi humani etiam categorematice sumpti; quia sanctitas Dei continet omnem sanctitatem possibilem communicari nedum omnibus hominibus; sed etiam omnibus Angelis &c; ergo valor operum Christi per ordinem ad suppositum Diuinum est infinitus simpliciter.

32. Conf. Valor operum Christi nedum defumitur à sanctitate accidentali naturæ humanæ, scilicet à gratia habituali, sed etiam à sanctitate substantiali suppositi Diuini; sed quatenus defumitur à sanctitate accidentali, est finitus simpliciter, quia gratia habitualis est finita simpliciter; ergo quatenus sumitur à supposito Diuino, quod est infinitum simpliciter, est infinitum simpliciter. Ma. definita fuit à *Paulo V*; & *Greg. XIII.* contra propositionem 20. inter *Baianas*, assertentem: *Opera iustitie, & temperantie, qua fecit Christus, ex dignitate persone operantis non traxerunt maiorem valorem; & expresse traditur à S. P. Aug. in Enchir. c. 108. Neque per ipsum liberarem unum Mediatorem Dei, & hominem hominem Christum Iesum, nisi esset & Deus; & tract. 8. i. in Ioan. Nisi Deus*

Deus esset, vitam palmisibus non praeberet; idest gratiam, & gloriam, quae est vita supernaturalis animae; hominibus non mereretur. Ex quibus sic. Si valor operum Christi non sumeretur etiam à sanctitate increata suppositi Diuini, potuisset Christus, etiamsi Deus non esset, elicere opera eiusdem valoris; & sic esse Mediatorem Dei, & hominum per ordinem ad hominum redemptionem à peccato; nam quia actiones naturales Christi non desumuntur à supposito Diuino, ut Diuinum est, sed ut gerit munus suppositi creati; ideo tales actiones essent in Christo, etiamsi non esset Deus, sed esset purus homo; sed si Christus non esset Deus, eius opera non fuissent eiusdem valoris, quia non fuissent opera Mediatoris inter Deum, & hominem; nam purus homo nequit esse Mediator inter homines, & Deum; docet enim S. P. Aug. medium debere aequaliter distare ab extremis; & purus homo non distat à puro homine; at verò Deus homo aequaliter distat à Deo, & ab homine, quia, ut Deus, infinitè distat ab homine; & ut homo, infinitè distat à Deo; & ideo aequaliter distat ab extremis, quae sunt Deus, & homo; in tantum autem opera Christi habent valorem liberandi homines à peccato, & reconciliandi ipsum cum Deo; in quantum sunt opera Mediatoris inter Deum, & homines Deo inimicos per peccatum; ergo valor operum Christi nendum sumitur à gratia habituali, quae conuenit naturae humanae, sed etiam à sanctitate increata suppositi Diuini, quae competit supposito Diuino, ut Deus est, non ut gerit vices suppositi humani. Atqui haec sanctitas est infinita simpliciter; ergo & valor ab illa desumptus.

33 Vergetur ex eod. S. P. Aug. *ibid.* Condignitas compensatiua indignitatis offensae per peccatum Deo irrogata non potest haberi, nisi à Deo, ut Deus est; sed valor operum Christi habet condignitatem reparatiuam offensae per peccatum Deo irrogatae; ergo valor operum Christi nequit haberi, nisi à Deo, ut Deus est; atqui Deus, ut Deus est, est infinitus simpliciter; ergo idem. Mi. patet, & inf. explicabitur. Prob. ma. Indignitas offensae Deo per peccatum Ade irrogatae consistit in hoc, quod homo superbiendo vsque ad mortem animae voluerit esse Deus per naturam, qui poterat esse per gratiam; ergo condignitas reparatiua huius indignitatis consistit in hoc, quod Deus voluerit esse homo per naturam se humiliando vsque ad mortem corporis assumendo naturam humanam, & secundum naturam humanam moriendo pro homine; condignitas enim opponitur indignitati, & ideo tollit indignitatem, quia quodlibet tollitur per suum oppositum; haec autem sunt opposita, ut constat. Sed de hoc inf.

34 Idem docet Clem. VI. in extra. *Vnigenitus de patris & remissionis*; ubi loquens de the-

sauro Ecclesiae, qui nunquam minuitur, & consumitur per quamlibet concessionem indulgentiarum propter infinita Christi merita; allatam reddit rationem: Ideo potuisset Christum genus humanum perfectè redimere; quia erat Deus, & homo; & statim subdit: *Vnam guttam sanguinis Christi propter unionem ad Verbum pro redemptione totius generis humani sufficere.* Ex his manifestè deducitur valorem morale operum Christi Domini mediante natura humana elicitorum desumi à supposito Diuino, quatenus Deus est; & ideo esse infinitum simpliciter, sicut est simpliciter infinita sanctitas, & dignitas suppositi Diuini, quatenus Deus est; & non desumi à sola acceptance Dei extrinseca, sed ab vnione humanitatis ad Verbum Diuinum; de quo vid. 10.4. q.5. de Mer. art. 2; & locis *ibid.* citis; aliter posset quaelibet actio cuiuslibet puri hominis aequalem, vel maiorem valorem habere, quam actio Christi; quia posset à Deo acceptari ad aequale, vel maius premium; quod est absurdissimum. Sed de hoc iterum in seq. art. n. 17.

35 Item Apost. Ephes. 5. ait de Christo: *Exaudiens est pro sua reuerentia*; idest meruit premium obtinere, quod eius dignitati debetur; sed reuerentia est erga personam; ergo valor operum Christi desumitur à dignitate personalitatis Diuinae.

36 Phil. etiam in lib. Eth. hoc habet asserens, quod sicut iniuria facta Regi, quauis leuior, debet grauius puniri, quam iniuria irrogata plebeio, quauis grauior; quia offensa, crescit nedum ex malitia offensantis, sed etiam ex dignitate personae offensae; ita honor, & gratia facta ab aliquo nedum crescit ex honorantis affectu, & ex quantitate rei donatae, sed etiam ex dignitate personae donantis; ergo valor operum Christi nedum sumendus est ex gratia habituali ipsius, sed etiam ex dignitate personae ipsius Christi; sed gratia habitualis est simpliciter finita, & secundum quid infinita, ut diximus in sup. quest. art. 2. §. 2; & persona Christi est infinitè digna simpliciter; ergo valor operum Christi per ordinem ad gratiam habitalem est secundum quid infinitus; & per ordinem ad dignitatem personae ipsius Christi est infinitus simpliciter.

37 Explic; & magis prob. Quauis aliqui asserant valorem morale consistere in denominatione extrinseca, ut Vass. hic disp. 6. c. 3; vel in quadam qualitate morali impressa actibus elicitis Christi; ut noster Gibb; & Bernardin; attamen dicendum consistere in relatione conformitatis ad principia moralia, ut diximus 10.3. de bonis; & mal. q.5. art. 1. §. 2; sicut autem principium physicum aliud est principium quod, quod est ipsa ratio formalis agendi; aliud quod, quod est ipsum suppositum; ita principium morale aliud est quod, quod est ipsa ratio formalis agendi,

agendi, vel dirigendi actionem; aliud est *quod*, quod est ipsa persona agens, dirigens &c. suas actiones; ergo sicut bonitas physica actionis sumitur a ratione formali physica, & supposito physico; ita valor moralis sumitur a principio *quo* morali, & à dignitate personæ, quæ est principium *quod* morale. Ex hoc sic arguitur. Ex eo, quod aliquis actus producat a principio *quo*, & *quod*, dicit relationem realem ad illa; quia effectus essentialiter dicit relationem ad illa, quorum est effectus; ergo ex eo, quod actus moralis producat a gratia habituali, & persona, dicit relationem realem ad illa; atqui relatio formaliter sumpta specificatur a suo correlatiuo; & specificatum adæquatur cum specificato; ergo relatio operum Christi per ordinem ad dignitatem suppositi Diuini specificatur, & adæquatur cum illo; & ideo sicut illud est infinite dignum, ita dicendum de istis; & eodem modo loquendum de istisdem operibus respectu gratiæ habitualis.

38 Quod autem valor non consistat in denominatione extrinseca, probi; aliter opera Christi non haberent valorem intrinsecum; & quod non consistat in qualitate morali, euincitur; quia illa qualitas esset creata, & ideo finita.

39 Dices. 1. Illa relatio recipitur in actu creato; sed actus creatus est finitus; ergo & relatio recepta. 2. Ex eo, quod creatura dicat relationem ad Deum, qui est infinitus, non dicitur illa relatio infinita; ergo à pari.

Resp. ad 1. dist. ma. Relatio recipitur secundum esse *in*, quod non est formale, sed materiale relationis; conc. secundum esse *ad*, neg; nam secundum esse *ad* est ad terminum, à quo specificatur; sicut enim visio corporalis, si sumatur per ordinem ad subiectum, in quo est, est in illo, tanquam in puncto indiuisibili; at per ordinem ad obiectum extenditur ad extensionem, & latitudinem illius; ita relatio conformitatis moralis per ordinem ad actum, in quo est, est finita, sed hoc modo non est conformitas; & per ordinem ad infinitam dignitatem personæ Diuinæ, quæ totam suam maiestatem humiliavit vsq; ad mortem, est infinita. Ad 2. neg. conf; & disparitas est; quia Deus non producit creaturam secundum plenitudinem suæ omnipotentis, & ideo nec quatenus est infinita; sed quatenus veluti indiuidualiter æquiualeat est causa huius particularis creaturæ, & ideo non creat modo infinito, nec relatio creaturæ est infinita. At verò persona Verbi plenitudinem suæ maiestatis, ac dignitatis humiliavit in obsequium Dei per actus bonos à se elicitos; & ideo relatio operum Christi ad personam Verbi specificatur, & adæquatur à dignitate infinita Verbi Diuini.

40 Replic. Visio beata, prout terminatur ad Deum infinite visibilem, non est infinita;

ergo à pari. 2. Suppositum Diuinum non dat operibus valorem, nisi quatenus terminat naturam humanam, sed terminat naturam modo finito; ergo idem.

Resp. neg. conf; nam visio beata non est actio elicità à Deo, vt à principio *quod*; sicut opera Christi eliciuntur à supposito Diuino, vt à principio *quod*; ideo quia visio beata elicitur à creatura, tanquam à principio *quod* finito, & limitato, cum quo debet conformari, est finita; at verò opera Christi, quia eliciuntur à supposito simpliciter infinito, cum quo debent moraliter conformari, ideo sunt simpliciter infinita in esse moralis valoris.

41 Inst. iterum. Opera Christi eliciuntur à supposito Verbi etiam in esse physico, & tamen non sunt physice infinita; ergo nec moraliter.

Resp. dist. ant. Eliciuntur immediate, neg; mediante natura humana, & gratia habituali physice finita, conc; actus enim conformatur cum principio proximo, & immediato. At valor moralis habetur immediate à dignitate personæ Verbi, quæ dedit valorem operibus Christi, quatenus se ipsam immediate humiliavit, exinanendo se ipsam, vt loquitur *Apost.* *Formam serui accipiens*. Sicuti nummus in esse physico accipit esse ab artifice; accipit tamen valorem monetæ à Rege immediate, qui valor est distinctus à valore, quem habet nummus ex natura rei; nam aliud est pretium materiæ nummi, si vendatur; aliud si expendatur iuxta valorem taxatum à Rege; ergo sicut nummus habet valorem ex natura sua, & valorem inditum à Rege, ita opera Christi habent valorem ex natura sua, quia sunt moraliter bona, sunt enim à gratia sanctificante naturam humanam, quæ finita est, & in hoc sensu sunt infinita tantum, secundum quid; & habent valorem immediate à supposito Diuino, quod est infinitum; & hoc modo sunt infinita simpliciter in genere valoris moralis. Ad 2. dist. ma. Si illa particula *prout* reduplicet rationem formalem dignificandi, & faciat sensum vnionem hypostaticam esse causam formalem tantem valorem, neg; causa enim formalis dignificandi est dignitas personæ. Si reduplicet aliquod materialiter requisitum; & facit sensum, quod ad hoc, vt persona Diuina dignificet, necesse sit esse vnitam personæ, ita tamen, vt valor adæquetur dignitati personæ secundum se, conc.

42 Obijc. 1. *Faber Phil.* 5. *Erb.* c. 4. ait iniustitia commutatiua, & correctiua non attendi rationem personarum, sed nocumenti; sed valor satisfactorius operum Christi pertinet ad iustitiam commutatiuam, & correctiuam; ergo non attenditur penes dignitatem personæ. 2. Suppositum Verbi nullam actionem habet circa voluntatem humanam, quam non habeat tota Trinitas; quia actiones ad extra sunt communes

munes toti Trinitati; sed valor operum Christi non attenditur ex dignitate personæ Patris, vel Spiritus Sancti; ergo neq; Verbi. 3. In tantum actus satisfactorius factus alicui plebeio ab aliquo Principe crescit ex dignitate personæ; in quantum persona Principis non est sub dominio plebei, & aliunde potest Princeps se ipsum submittere plebeio; sed omnis persona creata est sub dominio Dei; & suppositum Verbi nequit se submittere Deo; ergo idem.

Resp. ad 1. dist. ma. In actionibus merè realibus, quæ consistunt in lucro, vel damno, ut sunt venditiones, & emptiones, conc; in actionibus personalibus, quæ consistunt in iniuria, vel merito, neg; & hoc ait *Phil.* expressè. Ad 2. dist. ma. Nullam actionem in genere causæ efficientis physicæ elicita immediatè per naturam Diuinam, conc; in genere causæ moralis elicita per naturam humanam, neg; nam solum suppositum Verbi, non Patris, aut Spiritus Sancti, est principium humanarum actionum Christi Domini; & ideo solum suppositum Verbi potest eis dare valorem moralem. Ad 3. dist. mi. Persona Verbi, ut suppositus naturam humanam, est sub dominio Dei, & nequit se submittere Deo, neg; nam ut suppositus, non est seruus, sed Filius, ut diximus q. 6. art. 2; & se Deo submitit, quia *humiliatus semetipsum*; est sub dominio Dei præcisè secundum naturam humanam; & nequit se submittere Deo, ut est suppositum Diuinum terminans naturam Diuinam, conc.

43. Obijc. 2. *Mastr.* Quantitas meriti, vel satisfactionis nedum oritur ex dignitate operantis, sed etiam ex intensioe operis, duratione, loco, obiecto, & principio actionis; sed ista sunt finita; ergo non obstantè infinitate personæ meritum erit finitum simpliciter, & tantum secundum quid infinitum; quia infinitum simpliciter est illud, quod est infinitum secundum omnes rationes. 2. Sequeretur omnia Christi opera habere æqualem valorem, cum vnum infinitum non sit maius alio; nec Christum plus meruisse vno opere excellentiore v. g. moriendo, quam opere inferiori v. g. prædicando; sed hoc est *contra Scripturam*, & *SS. PP.* tribuentes nostram redemptionem passioni, non alijs actionibus Christi; ergo idem. 3. Sequeretur Christum plus potuisse mereri, quam Deus possit remunerari; & eundem esse valorem vnius operis, ac omnium operum; & sic totum non esse maius sua parte; & infinito posse fieri additionem; & ne minimam partem operis Christi fuisse remuneratam, & compensatam à Deo, imò nunquam posse à Deo compensari; & tandem dari infinitum in actu; & sic vrgeri possunt omnes implicantæ, quæ contra infinitum categorematicum adducuntur.

Resp. ad 1; quod iam fuit solum *superius*, dist. ma. Quantitas meriti per ordinem
Mag. Frideric. Nic. Ganardi Tom. 5.

ad dignitatem personæ, neg; per ordinem ad principia formalia, conc. ma; & neg. consi; ad cuius prob. insert. dist. Infinitum simpliciter in omni genere est illud, quod est infinitum secundum omnes rationes, conc; infinitum tantum in vno genere, neg. Sicuti si Rex iuberet aliquem nummum habere valorem infinitum ita, ut illo posset emi qualibet res cuiuslibet pretij; ille esset infiniti valoris per ordinem ad auctoritatem Regis, non per ordinem ad materiam, ex qua est. Item si daretur quantitas infinita secundum omnes suas species, esset infinita simpliciter in genere quætitatis, non in genere qualitatis, substantiæ; & ita à pari. Præterea dicitur, quod quæstio non procedit de infinitate simpliciter in omni genere; nullum enim in hoc sensu potest esse dubium, ut dictum est; sed de infinitate simpliciter in vno genere, scilicet per ordinem ad dignitatem personæ. Ad 2. dist. seq. Haberent æqualem valorem per ordinem ad dignitatem personæ Diuinæ, conc; eadem enim persona Diuina significat omnia opera Christi; per ordinem ad gratiam sanctificantem, & virtutes, quibus mediantibus elicita fuere, neg; & sic eodem modo meruit Christus per ordinem ad dignitatem personæ; sed diuersimodè per ordinem ad virtutes, per ordinem ad quas vnum Christi opus fuit alio magis meritorium; & hoc *intra Scripturam*, & *PP.* qui asserunt vnam guttam sanguinis fuisse infinitè meritorium, quod est intelligendum per ordinem ad dignitatem personæ Diuinæ; & sua morte nos redemisse, quod intelligitur per ordinem ad principia formalia moralia elicitiua actionis meritorie. Ad 3. eodem modo dist. Sequeretur Christum plus potuisse mereri per principia formalia moralia, quam Deus remunerari, neg; per ordinem ad dignitatem personæ merentis, conc; & eundem esse valorem vnius, ac omnium operum per ordinem ad principia formalia moralia, neg; per ordinem ad dignitatem personæ, conc. Ratio autem totius, & partis sumitur tantum per ordinem ad materiam, quæ partitur; non per ordinem ad dignitatem personæ, quæ est indiuisibilis, ut constat; & ideo pars meriti minus premium meretur, quam totum meritum; & quia meritum sumptum per ordinem ad materiam, & ad principia formalia moralia est finitum, ideo totum fuit remuneratum, & compensatum; quantum per ordinem ad dignitatem personæ fit incòpensabile. Ad aliud dist. Daretur infinitum in actu secundum esse absolutum, neg; secundum esse relatiuum ad, quod importat tantum infinitatem in esse in termino correlatiuo specificante, qui est suppositum Diuinum, quod de fide est esse infinitum simpliciter, conc; & à nullo potest negari. Sufficit ergo ad soluendâ ista omnia sophismata, quòd opera Christi considerata per ordinem ad principia formalia.

moralia, quibus eliciuntur, sunt finita; sicut sunt finita principia; sic enim sunt inæqualia, & compensabilia &c; quanvis per ordinem ad dignitatem personæ, quæ est infinita simpliciter, simpliciter sint infinita; sufficit enim, quod præmium æquale detur operibus per ordinem ad naturam humanam, cui aliquod potest equari; non per ordinem personam Diuinam, cui nihil potest æquari.

44 Inst. Sequeretur 1. satisfactionem Christi inuoluere omnem nostram satisfactionem; & sic nos non teneri ad satisfaciendum pro nostris peccatis, quod damnatur in *Trid. sess. 14. can. 4.* 2. Plus exactum fuisset à Christo, quam esset debitum. 3. Illa satisfactio non potuisset à Deo non acceptari, & sic Deum necessitaret; ergo idem.

Resp. ad 1. neg. seq; nam satisfactio Christi infinita meruit nobis gratiam, per quam possumus satisfacere, vnde potius sequitur oppositum. Et quanvis meruerit gratiam omnibus, non omnibus tamen fuit efficaciter applicata. Ad 2. neg. seq; nam exactio fuit ad æqualitatem, quanvis Christus satisfecerit per superabundantiam; & non potuerit non sic satisfacere propter infinitam dignitatem personæ. Ad 3. plerique negant ante; quia quanvis sit satisfactio infinita, non tamen potest obligari Deus, quia inter Deum, & creaturam non cadit ius strictum. Sed illa satisfactio non est puri hominis, sed hominis Dei, & ideo non videtur, cur Deus non possit obligari, præsertim cum hæc obligatio sit ex suppositione libera, quod decreuerit incarnationem; vnde initium huius obligationis esset Deus ipse, quia esset eius decretum.

45 Obijc. 3. Si Imperator, & plebeius eliciat actum charitatis, vt quatuor; æquale est meritum in utroque; ergo dignitas personæ non auget meritum. 2. Persona Diuina nequit immediatè mereri; aliter etiam Pater posset mereri; ergo idem. 3. Si per impossibile Christus peccaret retenta vnione hipostatice, non satisfaceret ad æqualitatem, quia esset Dei inimicus; ergo eius opera non habent valorem infinitum ad satisfaciendum pro omni peccato.

Resp. ad 1. dignitatem Imperatoris non esse per ordinem ad meritum supernaturale, sed tantum per ordinem ad actiones humanas. Ad 2. dist. ant. Persona Diuina hipostatice vnita naturæ humanæ, neg; non vnita, conc. Ad 3. dicitur in illa hypothesi sequi omnia contradictoria; quia esset amicus, & inimicus; peccator, & iustus; satisfaceret, & non satisfaceret; ex impossibili enim non nisi impossibile sequi potest; si sit impossibile ab intrinseco, & in terminis suppositionis, vt est de facto. Opera ergo Christi habent valorem satisfactoriorum pro omni peccato possibili de facto; & si ponatur hypothesis impossibilis, haberent etiam pro im-

possibili; & non haberent, quia ex illa hypothesi sequeretur contradictio.

46 Obijc. 4. Si Rex suis manibus excuderet monetam, ex hoc præcisè illa non haberet maiorem valorem; ergo dignitas personæ non confert valorem actioni. 2. Christus satisfecit, vt homo, non vt Deus; sed actiones hominis sunt finitæ; ergo idem. 3. Actiones specificantur ab obiecto; sed actiones virtutum moralium versabantur circa obiecta finita; ergo idem.

Resp. ad 1. Regem non excudere, quatenus Rex, ita, vt Regia dignitas sit principium illius actionis; sed excudit, vt homo; & ideo non tribuit valorem actioni; secus autem cum dignitas personæ elicit actionem, vt principium quod. Ad 2. dist. ma. Satisfecit, vt homo, quantum ad honestatem actionis, conc; quantum ad valorem, neg; ideo satisfecit, vt homo Deus; non tantum, vt homo; propter quod actiones Christi vocantur *Theandricæ*, idèst *Dei viriles*, seu *Dei hominis*. Ad 3. eodem modo. Actiones specificantur ab obiecto quantum ad honestatem specificam actionis, conc; quantum ad valorem, neg; & sic soluuntur facilliter serè omnes obiectiones. *Vid. seq. art.*

A R T. II.

An Christus condignè satisfecerit pro hominum peccatis?

1 Satisfactio condigna debet esse æqualis, vel superabundans debito, pro quo satisfactio exhibetur; idcirco necesse est ad demonstrandum condignitatem satisfactionis, peccati grauitatem examinare, pro quo satisfactio exhibita est. Et quanvis ex dictis *in sup. §.* possit deduci quantitas satisfactionis; cum enim valor operum Christi fuerit infinitus simpliciter, & exhibitus fuerit pro satisfactione peccatorum; & ideo quanvis peccata habeant infinitam grauitatem, inferatur satisfactio fuisse condignam; attamen quia vnum infinitum est maius alio saltem materialiter; ideo maioris claritatis gratia indignitas peccati, & condignitas satisfactionis est expendenda.

§. I.

An peccatum mortale sit infinitum in ratione offensæ?

2 Dvo in præsentia reiicienda sunt, quæ asseruntur à Recentioribus; primum, quod cum in peccato reperiatur conuersio ad creaturam, & auersio à Deo, malitia peccati consti-

constituatur per conuersionem ad creaturam; & offensa, siue iniuria per auersionem à Deo. Secundum, quòd offensa subiectiue recipiatur in Deo. Primum fuscè improbauimus 10. q. 4. de pecc. q. 1. art. 63; & q. 2. art. 4. §. 2; & q. 4. art. 6; & q. 5. art. 1; ubi ostendimus peccatum formaliter constituere in priuatio; adeoque malitiam peccati constitui per auersionem, quæ priuationem importat, non per conuersionem, quæ dicit actum positium. Secundum exploditur; quia si Deus, qui totus bonus est, nequit esse subiectum actus boni, vel bonitatis, aut valoris moralis, quo Deus honoratur à creatura; aliter per receptionem intrinsecam mutaretur; multò minùs potest esse subiectum, in quo recipiatur intrinsecè offensa, iniuria, seu indignitas moralis Deo inflicta à creatura; subiectum enim receptionis in hoc distinguitur à subiecto denominationis, quòd illi inhæret intrinsecè forma denominans; istud verò tantum extrinsecè denominat, sed non recipitur. Tum quia cùm offensa, siue iniuria sit læsio iuris Diuini; si offensa recipiretur in Deo, ius Diuinum esset intrinsecè læsum; quod est falsissimum; quia Deus nec perfici, nec lædi potest intrinsecè à creaturis. Quòd si dicatur subiectari tantum extrinsecè, iam non recipitur in Deo, & ideo non subiectatur; quia subiectari idem est formaliter, ac recipi. Vitandus ergo est hic modus loquendi tanquam Deo inconueniens.

3. Cùm igitur dicitur; *Honor est in honorante; & offensa in offenso*; non est sic intelligendum, quòd sicut honor intrinsecè recipitur in honorante, tanquam actus ipsius; ita offensa recipiatur intrinsecè in offenso; sed quòd sicuti valor actus honorantis commensuratur cum dignitate personæ honorantis; ita indignitas offensæ commensurari debet primariò cum dignitate personæ offensæ; & secundariò cum uilitate personæ offendentis. Vt autem appareat, in quo consistat offensa, nonnisi ex corporalibus, ex quibus ducit ortum omnis nostra cognitio, arguere possumus. Sicut igitur cùm quis hostiliter infligit vulnus alicui, datur actio mala; qua infligitur vulnus; & malitia actionis externæ existit in voluntate; quia actio externa est mala per uolitionem, qua uult inimicum ferire; non enim est peccatum, nisi sit uoluntarium; & datur vulnus, quod sequitur ad illam actionem, tanquam terminus actionis; & hoc vulnus non recipitur in vulnerante, sed in corpore vulnerati; ita cùm quis aliquem offendit, datur actus malus, quo illum offendit, & iste recipitur in offendente; & datur iniuria, seu offensa, quæ est vulnus quoddam spirituale inflictum honori personæ offensæ; & istud moraliter recipitur in ipso offenso, deturpat enim honor, & existimatio, quæ est in illo; sicut per vulnus deturpatur corpus. At cum

Mag. Frideric. Nic. Ganardi Tom. 5.

hoc discrimine, quòd quia corpus est diuisibile in plures partes, ideo vulnus non deturpat totum corpus, nec recipitur in toto corpore; at verò quia honor est indiuisibilis, utpotè spiritualis, offensa recipitur, & deturpat totum honorem. At hoc verum est de creaturis, quæ sicut possunt acquirere, ita possunt perdere honorem. Deus autem, cui naturaliter competit suprema maiestas, & dignitas, ideo nequit recipere intrinsecè offensam, per quam lædatur eius maiestas, & dignitas. Dicitur ergo dehonoriari, & offendi à creatura per meram denominationem extrinsecam; quia creatura ita ipsum offendit, ut si esset capax recipere intrinsecè offensam, intrinsecè læderetur eius maiestas, & dignitas. Offensa ergo est in Deo tantum extrinsecè, non intrinsecè. Sed sicut offensa intrinsecè recepta in creatura est priuatio ad æquata honoris illius; ita offensa extrinsecè Deo irrogata commensuratur cum dignitate ipsius Dei. *Hoc supp.*

4. Honor verò è contra se habet; sicut enim si quis defendat aliquem, ne vulneretur, in corpore defensi nihil recipitur, quo honestetur; sed solum conseruatur sanitas, & integritas membrorum, quæ in illius corpore existit; & ipsa defensio tota est in defendente; ita cùm quis aliquem honorat, nihil recipitur in honorato, sed solum non læditur eius maiestas, & dignitas, quæ digna est tali honore, qui propterea solum existit in honorante.

5. Dubium modo est; an offensa intrinsecè recepta, vel extrinsecè afficiens personam offensam debeat commensurari cum dignitate personæ offensæ, vel offendentis?

6. Scot. hic dist. 20. q. 13 & communiter Scotista; Sua; Vass; Lor; Lug; Arriag; & ex Thomistis Sor; Contr Med; Naz; Cabr; quibus problematice adhæret 10. à S. Tho; volunt peccatum in ratione offensæ esse finitum simpliciter, & secundum quid infinitum eo, quia putant suam commensurationem deriuare etiam à principiis elicituius peccati.

7. Nostra sententia docet peccatum in genere offensæ esse infinitum simpliciter. Ita Fand. Doct. hic dist. 1. p. 2. q. 1. ar. 2. §. Offenso asserens: *Posit æquitas instituit, quòd pro offensa infinita fiat satisfactio infinita; infinitus enim Deus fuit offensus per peccatum Ade; & infinitus Deus fuit passus, ut reconciliaremur Deo, & satisficeret Deo pro offensa*; constat autem Deum esse infinitum simpliciter; & satisfactionem esse quoque simpliciter infinitam, ut diximus in sup. §; ideo & offensa est infinita simpliciter, aliter non esset æqua iustitia. Sequitur Gibb; & omnes nostri. Ex alijs D. Anselm; D. Bon; Ricard; Capr; Caiet; Ban; Bellarm; Salm; Gonet; & ferè omnes alijs.

8. Vnica concl. Peccatum mortale in ratione offensæ est simpliciter infinitum.

Prob. 1. ex Jac. 2. *Quicumque totam legem*

Kk 2

ferua-

*seruaueris, offendat autem in uno, factus est omnium reus; sed non fit reus omnium quantum ad malitiam omnium peccatorum, quia peccata essent paria, ut arguit S. P. Aug. ep. 29. cont. Iulicos; quodlibet enim peccatum inuolueret malitiam omnium peccatorum; ergo recte intelligitur, quod fit reus omnium quantum ad offensam; quia offensa irrogata per vnum peccatum inuoluit offensas omnes, quæ possunt Deo irrogari per omnia peccata, offenditur enim tota Dei maiestas. Atqui si vnum peccatum contineret malitiam omnium peccatorum possibilem, esset infinitum simpliciter in genere malitiæ; ergo quia continet omnem offensam, est infinitum simpliciter in genere offensæ; & 1. ad Tim. 2. Vnus enim Deus, vnus & mediator Deis, & hominum homo Christus Iesus; super quod S. P. Aug. in Enchir. c. 108. Per mediatorem, qui solus sine peccato natus est; vixit, & occisus est; reconciliari nos oportebat Deo, & sue ad carnis resurrectionem in vitam æternam; & ut humana superbia per humilitatem Dei argueretur, ac sanaretur; & demonstraretur homini, quam longè à Deo recesserat, cum per incarnatum Deum reuocaretur. Ex quo sic. 1. Valor satisfactionis pro offensa Deo per peccatum illata est infinitus simpliciter; sed grauitas offensæ Deo illatæ commensuratur cum valore satisfactorio; ergo grauitas offensæ Deo illatæ est infinita simpliciter. Prob. ma. Valor satisfactorius requirit hominem satisfaciendum esse Deum; quia requirit esse Mediatorem inter Deum offensum, & hominem offendentem; parus autem homo, aut purus Deus non est medium inter Deum, & hominem, cum sit vnum ex extremis, ut diximus *superius* ex S. P. Aug. sed valor satisfactorius, qui fit ab homine Deo, est infinitus simpliciter; est enim à persona Diuina, quæ est infinitè digna, ut diximus *in sup.* Si ergo valor satisfactorius est infinitus simpliciter. Prob. mi. Offensa, & satisfactio opponuntur priuatiuè; sed vnum oppositum est mensura alterius; quia positium, quod est rectum, est *index sui, & obliqui*, quod est priuatio; ergo grauitas offensæ commensatur cum valore satisfactorio pro eodem. 2. Debitum, quod exigit satisfieri per personam infinitæ dignitatis, est infinitæ grauitatis; nam debitum finitæ grauitatis potest ad æqualitatem satisfieri à persona finitæ dignitatis; terminus enim qui debet correspondere principio *quod*; sed offensa Deo irrogata per peccatum est debitum, quod exigit satisfieri à persona infinitæ dignitatis; quia *per incarnatum Deum* debuit satisfieri Deus autem incarnatus est persona Diuina, quæ est infinitæ dignitatis; non enim datur personalitas creata in Christo; tum quia illa tantum persona poterat soluere debitum contractum per peccatum, quæ poterat delere chirographum, quod erat aduersus peccato-*

res, & condonare eis omnia peccata; solus autem Deus incarnatus potuit delere chirographum peccati, & nobis condonare peccata; quia solus Deus potest remittere peccata, ut habet Apost. Coloss. 2. Donans vobis omnia delicta, & delens, quod aduersum nos erat, chirographum decreti, quod erat contrarium nobis, & ipsum tulit de medio affigens illud cruci; ergo offensa Deo irrogata est infinitæ grauitatis simpliciter.

9 Conf. 1. Priuatio commensuratur cum forma, cuius est priuatio; *rectum enim est mensura obliqui*, cum sit index illius; & in tantum est index, in quantum dat cognoscere quantitatem illius; sed peccatum in ratione offensæ est priuatio dignitatis Dei infinitæ, quæ est forma, quæ priuat; per offensam enim tollitur dignitas, & honor personæ offensæ, ut *sup.* diximus; ergo peccatum in ratione offensæ commensuratur cum dignitate Dei infinitæ; atqui dignitas Dei est infinita simpliciter; ergo & peccatum in ratione offensæ est infinitum simpliciter; solum enim infinitum simpliciter commensurari potest cum alio infinito simpliciter.

10 Conf. 2. In tantum peccatum in ratione malitiæ est finitum simpliciter, in quantum in ratione malitiæ recipitur in creatura, quæ est simpliciter finita; sed in ratione offensæ non recipitur in creatura, sed Deo aduenit extrinsecè eo prorsus modo, ac si intrinsecè recipitur in illo; vnde quantum est ex se, ita offendit Deum, ac si intrinsecè recipitur in illo; & si intrinsecè recipitur in Deo, læderetur, & tolleretur infinita eius dignitas; sicut cum recipitur in homine, tollitur totus eius honor eo prorsus modo, quo vultus receptum in toto corpore tollerit totam venustatem corporis; ergo peccatum in ratione offensæ est infinitum simpliciter.

11 Conf. 3. Si peccatum in ratione offensæ esset aliquod finitum simpliciter, posset creatura adiuta per gratiam satisfacere pro offensa Deo illata per peccatum, sed conf. est falsum; ergo & ant. Prob. ma. In tantum homo nequit peruenire ad perfectionem Angeli, qui est finitus, quantumvis perficiatur, in quantum Angelus, & homo sunt diuersæ speciei essentialiter; & species sunt inuariabiles simpliciter; sed actus honoratius, & dehonoratius, ut est offensa, pertinent ad eandem speciem, quia vnus est priuatio alterius; priuatio autem pertinet ad speciem formæ; negatio enim reduci- tur ad eandem speciem, cuius est negatio; aliter daretur species constituta per negationem, quæ in nihilo consisteret; ergo, si non obstaret infinitas offensæ, non esset ratio, cur pura creatura non posset æqualiter satisfacere pro offensa Deo per peccatum illata; nam creatura sicut per solum arbitrium potest cadere in quæcunque peccata; ita per gratiam maiorem, & ma-

& maximam potest prorumpere in actus digniores, & dignissimos sistendo intra lineam finitatis, quæ est propria creaturæ. Mi. probabitur *inf. art. 4.*

12 Conf. 4. Offensa irrogata per actum superbix, quæ non redimitur nisi per actum humiliationis maiestatis infinitæ, est infinitæ grauitatis simpliciter, sed offensa irrogata Deo per *Adæ* peccatum est irrogata per actum superbix, quo *Adam* voluit esse Deus per naturam; & non fuit redempta, nisi per humiliationem maiestatis Filij Dei simpliciter infinitæ; qui humiliavit semetipsum ad esse hominem vsque ad mortem crucis; vt dicitur *Philipp. 2. Qui cum in forma Dei esset &c. humiliavit semetipsum factus obediens vsque ad mortem, mortem autem crucis;* ergo est simpliciter infinita.

13 Tandem quantum indignior est persona offendens, & quantum dignior est persona offensa, tantò grauior est offensa; offensa enim crescit ad dignitatem personæ offensæ, & indignitatem personæ offendentis; vnde grauior censetur offensa immediatè commissa in personam Regis, quam in personam plebei; sed indignitas creaturæ est infinita respectu dignitatis Dei; & dignitas Dei est infinita simpliciter respectu dignitatis creaturæ; quia creatura in ratione dignitatis infinitè distat à Deo; ergo idem. Hæc ratio, quæ communiter affertur, traditur à *S. P. Aug. ubi sup.* illis verbis: *Et demonstraretur homini, quam longè à Deo recesserat, cum per incarnatum Deum reuocaretur;* ad hoc enim, vt ostendatur infinita distantia inter Deum, & peccatum, sufficit, vt demonstretur solum per Mediatorem Christum Iesum, qui est persona simpliciter infinita, potuisse peccatorem Deo recuniri, & reconciliari.

14 Obijc. 1. Ita se habet offensa respectu dignitatis personæ, sicut actus respectu obiecti; sed actus respectu obiecti infiniti non est infinitus, quanuis sit nobilior alijs actibus, qui sunt erga obiecta finita; ergo nec offensa personæ infinitæ est infinita, quanuis sit grauior offensa, quæ sunt erga personas finitas. 2. Persona offensa non refundit grauitatem in offensam, nisi sit cognita; nam si quis percuteret Regem nesciuter, non committeret crimen læsæ maiestatis; sed cognitio, quæ creatura cognoscit Dei maiestatem, est finita; ergo & offensa. 3. Offensa commensuratur cum malitia actus; quia quo maior est malitia, eo grauior est offensa; & commensuratur cum principio elicitiuo; vt si principium operetur ex imperfecta deliberatione, offensa, quæ esset grauis, est leuis, & venialis; sed malitia actus, & principium illius est finitum; vt diximus *10. 4. de pecc. q. 3. ar. 3;* ergo & offensa.

Resp. ad 1. disparitatem esse inter actum, & offensam; quod actus specificatur ab obiecto

formali, & specificat potentiam, à qua elicitur; specificatiuum autem, & specificatum, adæquantur; ideo si potentia elicitiua talis actus est finita, etiam actus est finitus; & obiectum licet sit secundum se infinitum, attamen non specificat talem actum, nisi modo finito; at offensa specificatur à dignitate personæ offensæ, quia est priuatio dignitatis illius, cum autem priuatio adæquetur cum forma, quæ priuat; ideo si dignitas est infinita, etiam offensa est infinita. Præterea actus limitatur à potentia, in qua recipitur, quia subiectum limitat formam receptam; offensa verò recipitur, vel extrinsecè afficit, & adæquat dignitatem personæ offensæ; quod si actus reciperetur in obiecto, non in potentia, esset infinitus, non finitus. In forma igitur dist. ma. Ita se habet offensa, sicut actus quantum ad specificationem, conc; quantum ad receptionem, neg. Ad 2. dist. ma. Nisi sit cognita ita, vt debeat adæquari cum cognitione, aut ab illa specificari, neg; cognitio enim est mera conditio, cum qua non adæquatur effectus, nec ab illa specificatur; ita, vt cognitio debeat præsupponi, tanquam conditio essentialiter requisita, conc; ideo ad hoc, vt quis Regem offendat, necesse est, vt cognoscat illum esse Regem; non tamen necesse est, vt cognoscat, quantum grauitatem secum afferat offensa Regi irrogata; ideo si quis sciens offenderet Regem, & non cognosceret grauitatem talis offensæ; nec poenam debitam tali offensæ, non per hoc minori poena deberet puniri. Ad 3. neg. masicuit enim non minùs offendit Regem, qui ex passione illum offendit, quam qui illum offendit ex electione; quauis ille actus habeat minorem malitiam, quam iste; ita à pari. Tum quia sicut in actionibus realibus non minùs offendit surripienti centum ex aliqua passione, quæ minuit voluntarium, & ideo malitiam; quam surripienti sine passione, & æqualiter tenetur ad restitutionem centum; ita in actionibus personalibus, quæ pariter ad restitutionem tenentur. Ad aliud dicitur offensam supponere perfectam libertatem, tanquam conditionem, non tanquam specificatiuum, aut specificatum; ideo offensa ex indeliberatione est venialis, quia deliberatio est conditio requisita, vt offensa sit mortalis.

15 Obijc. 2. Peccata mortalia sunt inter se imparia; vt docet *S. P. Augst. epist. 29. contra Stoicos;* ergo peccatum in ratione offensæ non est infinitum; vnum enim infinitum non est maius, & inæquale alteri. 2. Offensæ prouenientes à peccatis specie diuersæ sunt specie diuersæ; ergo sunt inæquales; & ideo vna est minor alia, quod repugnat infinito. 3. Ratio offensæ, & malitiæ non distinguuntur realiter; nam offensa est malū morale, & ideo inuoluit malitiam moralem; sed malitia est finita;

nita; ergo & offensæ. 4. Offensæ non meretur poenam intensiue infinitam; quia offensæ puniuntur de facto poena sibi æquali iuxta illud *Apo. 18. Quantum glorificaueras se in delicijs; tantum date illi tormentum; & luctum*; poena autem intensiue infinita de facto non datur; ergo offensæ non est infinita simpliciter, quia offensæ infinita simpliciter exigit poenam infinitam in omni genere, scilicet intensiue, & extensiue.

Resp. ad 1. dist. ant. Sunt imparia quantum ad malitiam, conc; quantum ad offensam, subdist; materialiter, conc; formaliter, neg; sicuti si essent infiniti leones, & infinitæ formicæ, essent pares formaliter quoad numerum infinitum; & impares quoad corpulentiam, numeratorum. Ad 2. dist. conf. Sunt inæquales specificè, conc; formaliter quantitatiue, neg. Inæqualitas autem specifica non est contra rationem infiniti, vt dictum est de leonibus, & formicis, quæ essent inæqualis speciei. Ad 3. neg. ma; nam malitia, & offensæ recipiuntur in diuersis subiectis, vt dictum est; offensæ autem dicitur moraliter mala obiectiue, non formaliter; quia est effectus actus moraliter mali. Vel dicitur non implicare eandem rem secundum diuersas rationes esse finitam, & infinitam, vt patet de meritis Christi; & si daretur quantitas infinita, esset infinita in esse extensi, & finita in esse entis, quia non esset omne ens. Ad 4. neg. mai; & ad prob. dicitur cum *S. P. Aug. lib. 2. 1. de Ciu. Dei cap. 24. Deum punire citra condignum; quia continet in ira misericordias suas*; vt habetur *psal. 76*; aut cum *Fund. Doti; & D. Thom. intensionem infinitam compensari cum duratione infinita*; vt diximus *10. 4. de pecc. ubiq. ad 4.* Vel Deum tribuere poenam iuxta quantitatem malitiæ, non offensæ; vt expressè colligitur ex allato *textu Apocalypsis*.

16 Obijc. 3. Gratia habitualis tollit offensam, tanquam forma priuationem; sed gratia est finita; ergo & offensæ; quia priuatio mensuratur cum forma; & forma finita nequit expellere aliquod infinitum. 2. Si offensæ esset infinita, adæquaret merita Christi; & sic non satisfecisset superabundanter, quia vnum infinitum non superabundat alteri; imò offensæ superabundaret meritis Christi, quia plures sunt offensæ, quam actus meritorij Christi. 3. Infinitum in vno genere est in illo immultiplicabile, debet enim continere omnes rationes illius generis; vnde ait *Phil. 1. de Calo 10. 2*; quòd si daretur corpus infinitum, non possent dari plura corpora; sed offensæ multiplicantur; ergo non sunt infinitæ. 4. Sequeretur etiam peccatum veniale esse offensam infinitam, quia est contra Deum infinitum; & est à creatura infinite Deo minus digna; ergo idem.

Resp. ad 1. dist. ma. Gratia tollit offen-

sam virtute meritorum Christi, quæ sunt infiniti valoris; & ideo æqualem posuerunt satisfactionem pro offensæ, conc; independentem à meritis Christi, neg. Ad 2. dist. ant. Adæquaret quantum ad intensionem, conc; quantum ad extensionem, neg. Igitur merita Christi fuerunt infinita intensiue, quia fuerunt elicta à persona infinita; & extensiue, quia satisfecerunt pro infinitis offensis; vna autem offensæ est tantum infinita intensiue, non extensiue; ideo Christus satisfecit superabundanter extensiue, & ad æqualitatem intensiue. Vel dicitur meritum Christi fuisse intensiue infinitum ex parte principij quod, & ex parte termini qui; offensam autem tantum se tenere ex parte termini qui offenditur; & cum dicitur personam offendentem esse infinite indignam, tunc dicitur comparatiue ad Deum, non autem absolute, esse infinitam; & ideo inæqualitatem esse etiam in intensione. Ad 3. dist. ma. Infinitum est immultiplicabile per ordinem ad illud, secundum quod est infinitum, conc; omnes enim offensæ sunt offensæ vnius Dei; per ordinem ad illud, à quo efficitur, neg; sicut enim actus meritorij Christi sunt infiniti simpliciter, & immultiplicabiles per ordinem ad personam, quæ est principium quod illorum; & vna est; multiplicantur tamen per ordinem ad principia formalia, quibus eliciuntur; ita offensæ per ordinem ad vnum Deum offensum, sunt immultiplicabiles, non enim constituunt plures Deos offensos ex eo, quòd sint plures offensæ; multiplicantur autem per ordinem ad actus, quibus infliguntur; & à quibus dependet earum vitas numerica; illi enim actus sunt finiti; vnde ex parte Dei offensæ offensæ dicitur renouari, & repeti, sicut cum quis reuulnerat vulneratum, renouat vulnus per actus multiplicatos. Hoc autem dicitur de acibus solo numero diuersis, quia si differant specie, non implicat infinitum multiplicari. Ad 4. neg. seq; nam peccatum veniale est contra media, & creaturas, non contra finem, qui est Deus; vt diximus *10. 4. quæst. 3. art. 1. n. 18*.

§. II.

Resoluitur Articulus.

17 **V**Nica concl. Satisfactio Christi ex sua intrinseca ratione, non autem ex sola acceptatione, aut favore Dei extrinseco, fuit nedum æqualis intensiue, & extensiue, sed etiam superabundans pro omnibus peccatis.

Prob. 1. pars concl. *Scripturis*, & rationibus allatis in *sup. art. §. 3*; si enim valor satisfactorius operum Christi fuit infinitus simpliciter intensiue, & extensiue, quia fuit à persona infi-

infinite digna; sequitur, quod sit æqualis infinitis demeritis, quæ haberi possunt in omnibus peccatis. Traditur expresse Rom.5. *Sicut per unius delictum in omnes homines in condemnationem; sic & per unius iustitiam in omnes homines in iustificacionem vite.* Ex quo sic. 1. Satisfactio æqualis ex sua ratione formali delicto intensuè est illa, quæ habet valorem intrinsecum soluendi debitum contractum per delictum; extensiuè autem æqualis est illa; quæ extenditur ad omnes, ad quos extenditur delictum; sed satisfactio Christi est huiusmodi; nam debitum contractum per peccatum originale fuit debitum habendi iustitiam originalem, quam tenebamur seruare, quia cum illa à Deo conditi fuimus in Adam, & quam habuissimus in nobis ipsis, si Adam non peccasset; hoc autem debitum Christus soluit merendo nobis gratiam iustificancem, per quam absoluihur à debito habendi iustitiam originalem, & ideo absoluihur à peccato, quod importat hoc debitum; & gratiam, per quam absoluihur ab hoc debito, Christus meruit omnibus hominibus, sicut Adam demeruit omnibus iustitiam originalem, vt aperte docet Apostolus; & hoc meritum fuit ab infinita sanctitate Christi, quæ est principium quod merendi; sanctitas autem erat Christo intrinseca; ideo & opera ab illa precedentia habuerunt valorem intrinsecum; sicut dicitur de valore intrinseco monetæ, qui procedit à quantitate materiæ, quæ monetæ est intrinseca; sicut enim demeritum intrinsecum peccati prouenit ex malitia intrinseca, ita valor meritorius intrinsecus prouenit ab intrinseca bonitate, seu sanctitate. Tum quia si satisfactio Christi non esset intrinsece meritoria remissionis peccati, esset æquè meritoria effusio sanguinis Christi, ac effusio sanguinis taurorum, & hircorum Deo oblata in antiquis sacrificijs, æquè enim potuit hæc à Deo acceptari in expiationem peccati; sed hoc est contra Apostolum. Heb. 10. *Impossibile est sanguine taurorum, & hircorum auferri peccata ideo ingrediens mundum dixit: Hostiam; & oblationem voluisti; corpus autem aptasti mihi; holocaustamata pro peccato meo non tibi placerunt; idest pro peccato populi mei, quod tanquam meum expiandum suscepi, cum hominis indui naturam, & pro quo volui sanguinem fundere; ergo satisfactio habet valorem intrinsecum, non ex sola Dei acceptatione. Tum quia satisfactio tribuitur vnioni nature ad Verbum, vt habetur Extra. Vnigenitus; sed vnio est intrinseca; ergo idem. 2. Satisfactio, quæ ex sua natura habet delere chirographum debiti, habet ex sua ratione intrinseca æquare iura debitoris, & creditoris; sed satisfactio Christi est huiusmodi; vt habetur Coloss. 2. *Delens, quod aduersus nos erat, chirographum; ergo idem. 3. S. P. Aug. serm. 9; &**

*serm. 26. de temp; & in Enchir. cap. 108. sic probat hanc æqualitatem: Homo sollicitante inimico Deus esse voluit per superbiam; & Deus factus est homo per misericordiam, seu per humilitatem. Ex quo sic. Actus bonus ex diametro oppositus actui malo habet bonitatem adæquatè oppositam malitiæ alterius actus; quia forma habet tantam bonitatem, quantam negat illius priuationi; sed satisfactio Christi fundatur in actu ex diametro opposito ipsi peccato: quia peccatum Adæ fuit actus, quo homo voluit superbiendo esse Deus per naturam, & satisfactio Christi fundatur in actione, qua Deus se humiliando voluit esse homo per naturam; quæ actio opponitur actioni Adæ, vt constat; ergo fuit æqualis intrinsece, & ex sua ratione; quia forma ex sua ratione formali intrinseca, opponitur priuationi. 4. Si satisfactio Christi non fuisset æqualis peccato ex sua ratione formali, non fuisset necessariū ad expiationem peccati Deū incarnari; creatura enim pura potuisset ponere satisfactionem inæqualem, quæ à Deo potuisset acceptari, tanquam æqualis; sed conf. est contra Scripturas, & SS. PP. communiter docentes Christi incarnationem fuisse necessariam ad reparandum genus humanum à peccatis per æqualem satisfactionem; vt habet S. P. Aug. in psal. 129. *Quia Israel vendere se potuit, & fieri venundatus sub peccato; redimere se ab iniquitatibus non potuit. Ille potuit redimere, qui se non potuit vendere. Qui non commisit peccatum, ipse est redemptor à peccato; ipse redimet Israel; ergo & ant.**

18 Prob. 2. pars concl; quæ communiter ab omnibus traditur; & apud illos, qui asserunt peccatum esse finitum in ratione offensæ, & satisfactionem Christi esse infinitam in ratione valoris, ratio est, quia infinitum excedit, & superabundat finito. Apud illos verò, qui asserunt etiam peccatum esse infinitum, est difficultas in reddenda sufficienti ratione; vnum enim infinitum non excedit aliud. Aliqui dicunt satisfactionem excedere, quia licet vtunque sit infinitum simpliciter; attamen satisfactio est in ordine superiori, quia est in ordine Diuino, & ideo excedens; sicut licet Angelus, & homo sint finiti; ideo quantumvis perficiatur homo, nunquam tamen potest fieri æqualis Angelo. Nec obstat, quod ait Gonet, quod scilicet quauis non possit fieri æqualis in esse physico, possit tamen æquari moraliter; non obstat, inquam; nam licet meritum hominis possit æquari moraliter merito Angeli; attamen nequit moraliter æquari merito Dei hominis; quia Deus infinite distat ab homine nedum physice, sed etiam in esse moris; vnde sicuti si daretur creatura physice infinita, illa esset inæqualis Deo; ita infinita grauitas actionis creaturæ est inæqualis formaliter actioni Dei hominis. Nec obstat 2; quod ait idem Gonet

Gones non posse reddi rationem, ob quam satisfactio Christi sit superioris ordinis; nam ratio est; quia satisfactio Christi est ordinis Diuini hypostatici; offensa autem ordinis creati. *Gones* ait satisfactionem excedere, quia homo peccauit postponendo Deum creaturæ solum affectiui, & moraliter; Christus uero satisfecit submittendo Deo physice personam Verbi Diuini. Sed contra posset esse; quod Christus satisfecit merendo; meritum autem est in esse morali, non physico.

19 Sed quauis ex his rectè possit probari satisfactionem fuisse intensiue maiorem sic: Dignitas personæ Diuinæ excedit indignitatem peccati cuiuscunque creaturæ quantumuis infinitam; quia dignitas infinita Dei excludit quolibet indignitatem; indignitas uero creaturæ includit aliquam dignitatem saltem naturalem; tum quia dignitas Dei est omnis bonitas à se, independentis, simpliciter prima; indignitas creaturæ est indignitas proueniens à creatura, quæ est participatiue bona, dependens &c; tum quia *potest quàm Deus ex dignatione sua bonitatis dimittere, quàm nos committere ex nostra indignitate*; sed satisfactio Christi est à dignitate personæ Diuinæ; ergo excedit indignitatem peccati cuiuscunque creaturæ; & ideo est intensiue superabundans. Attamen, quia sic loquendo non discurremus conformiter ad *Apost. Rom. 9*; qui superabundantiam satisfactionis sumit extensiue asserens: *Si enim unius debito multi mortui sunt; multo magis gratia Dei, & donum in gratia unius hominis Iesu Christi in plures abundauit*; abundantia autem in plures est abundantia extensiue sumpta, sicut abundantia peccati *Adæ* in omnes posteros extensiue sumitur, vt constat; ideo probanda est superabundantia nedum intensiua, sed etiam extensiua, vt explicentur *Apostoli* uerba, propter quæ hæc questio est instituta. Prob. igitur sic. Illud est superabundans intensiue, & extensiue ad hominum peccata, quod excedit intensiue, & extensiue indignitatem peccati; sed satisfactio Christi est huiusmodi; ergo est intensiue, & extensiue superabundans. Ma. patet; quia superabundantia est excessus formaliter. Mi. quoad 1. part. mox probata est. Prob. 2. pars mi. Satisfactio Christi nedum fuit sufficiens pro peccatis omnium hominum descendentium ex *Adam* per seminalem propagationem, sed etiam pro peccatis Angelorum, si illis Christus uoluisset sua merita applicare, & etiam in illis ostendere suæ misericordiae beneficium, non uero rectissimum suæ iustitiæ iudicium, vt loquitur *S. P. Aug.* habetur enim 1. Io. 2. de Christo *Ipsè est propitiatio pro peccatis nostris*; id est pro peccatis hominum, pro quibus fuit decreta passio Christi; non pro nostris autem tantum, sed etiam pro totius Mundi; Angeli autem sunt in Mundo; illis tamen non

fuit applicata mors Christi, quia pro illis Christus non est mortuus, vt inquit *S. P. Aug. in Enchir. c. 61*; potuit tamen etiam illis applicari, si Deus decreuisset non statim eos damnare, post peccatum, sed manere peccatores, sicut decreuit de hominibus; & ideo satisfactio Christi quantum ad sufficientiam excedit omnium peccata; & fuit sufficiens etiam pro peccatis aliorum hominum possibilem, etiam si non descendissent ab *Adam*, & peccassent personaliter; ergo satisfactio Christi excedit etiam extensiue omnium peccata; & ideo fuit intensiue, & extensiue superabundans.

20 Conf. Ita se habet defectus physicus cuiuscunque creaturæ per ordinem ad bonitatem Dei physicam; sicut indignitas moralis creaturæ per ordinem ad dignitatem Dei moralem; sed bonitas Dei physica superabundat defectui etiam possibili physico cuiuscunque creaturæ; ergo & dignitas moralis superabundat indignitati possibili creaturæ, quæ ponitur per quodlibet peccatum. Atqui satisfactio Christi sumitur à dignitate personæ Diuinæ; ergo satisfactio Christi est superabundans ad omnia peccata etiam possibile. Ma. constat; quia sicut defectus physicus est carentia bonitatis physicæ, quæ est in Deo; ita indignitas moralis est carentia dignitatis moralis, quæ pariter est in Deo. Prob. mi. Defectus physicus alicuius perfectionis, qui est in creatura, cum debito habendi illam perfectionem, est carentia alicuius bonitatis communicabilis creaturis; non enim debet habere, nisi illud, quod est ei communicabile; sed in Deo sunt multe bonitates incommunicabiles simpliciter, vt ratio entis à se, infiniti, immutabilis &c; ergo bonitas physica Dei superabundat cuiuscunque defectui physico cum debito habendi perfectionem, quæ deficit creaturæ. Atqui indignitas moralis est defectus, seu carentia, dignitatis moralis, quæ debetur creaturæ, vt sancta est; & ideo est cum debito habendi dignitatem moralem, aliter non esset peccatum; ergo eodem modo est discurrendum.

21 Obijc. 1. cont. 1. part. concl. Si Christus satisfecisset ad æqualitatem pro peccatis, Deus nullam à nobis posset satisfactionem exigere, reddita nanque æquali satisfactione iniustum est aliquid ulterius exigere; sed conf. est hæreticum à *Trid. sess. 6. c. 14.* damnatum; debemus enim satisfacere pro pœna temporali debita nostris peccatis; ergo & ant. 2. Christus satisfecit, vt homo, non vt Deus; offensa autem fuit illata Deo, vt Deus est; ergo satisfactio non est æqualis; implicat enim hominem esse æqualem Deo. 3. Offensa magis displicet Deo, quàm ei placeat satisfactio Christi; quia offensa tantum displicet, quantum placet Deo suæ bonitas, cuius est priuatio; satisfactio autem Christi non placet Deo, quantum ei placeat sua bonitas

bonitas increata; ergo idem. 4. Si per impossibile alius Deus offenderet Deum, valor satisfactorius Christi tantum æquaret offensam; ergo de facto non adæquat offensam creaturæ, cum Deus magis offenderetur à creaturæ, quæ est vilior, quam ab alio Deo, qui esset æqualis. 5. Offensa Deo illata est infinita ex parte dignitatis Dei, & ex parte indignitatis creaturæ; satisfactio verò est infinita tantum ex parte Christi satisfaciæntis, quia ex parte Dei deprimatur potius, quam crescat valor satisfactorius; ergo idem. 6. Christus, ut homo, non satisfecit perfecte pro beneficiis à Deo in humanitate susceptis; hoc enim est discrimen inter compensationem ex iustitia, & compensationem ex gratitudine; quoddam compensationem ex iustitia sufficit reddere æquale; ad compensationem autem ex gratitudine debet reddi plus accepto; quia aliquid debet gratis retribui, quod nequit esse, nisi illud, quod redditur supra acceptum; Christus autem non potuit reddere plus, quam accepit in humanitate, quia non potuit reddere aliquid maius viuius hipostatica; ideo non potuit satisfacere pro beneficiis acceptis; ergo neque pro peccato.

Resp. ad 1. neg. mai; Christus enim satisfecit merendo nobis gratiam, per quam possumus, & debemus satisfacere pro poena temporali nostris peccatis debita; sicut enim ipse meruit, ut nos possemus mereri; non autem, ut non mereremur; ita satisfecit pro nostris peccatis, ut nos satisfacere possemus; absque namque satisfactione Christi nos satisfacere non possumus. Rationem reddit S. Tho; quia causa vniuersalis ita operatur, ut non tollat actionem cause particularis; ideo Christus meruit vniuersaliter omnibus, ut quilibet simul mereretur. Ad 2. neg. ant; Christus enim satisfecit, ut homo Deus ita, ut natura humana sit principium formale elicitiuum actionis meritoria, & persona Diuina det valorem actioni. Ad 3. neg. ant. Ad prob. neg. assumptum; aliter sicut Deo placet sua bonitas immutabiliter, ita ei displicere offensa immutabiliter; & ideo ipsam non decreuisset relaxare per incarnationem; & quanuis offensa sit priuatio bonitatis, est tamen extrinseca Deo, non intrinseca; ideo nequit ei displicere, sicut placet sua bonitas, quæ est intrinseca. Præterea dicitur, quod satisfactio Christi, prout dignificata à persona Diuina, & per ordinem ad personam Diuinam, ei placet, sicut sua bonitas, quia, sicut sua bonitas, ei placet persona Diuina. Ad 4. dist. ant. Æquaret offensam intensiue, transie; extensiue, neg; nam ita satisfaceret pro alio Deo, ut hæc satisfactio extenderetur etiam ad peccata hominum; valor enim illius, utpote à persona Diuina, est adæquate compensariuus cuiuscunque lésionis personæ Diuinæ. Ad 5. neg. 2. pars ant; nam quanuis infinitas dignitatis

Mag. Frideric. Nic. Gaurdi Tom. 5.

Dei deprimat satisfactionem finitam, adæquat tamen satisfactioni infinitæ, ut est satisfactio Christi. Ad 6. vel neg. aut; nam viuius hipostatica ex parte naturæ numanæ est quid finitum, sicut & gratia habitualis; reddit autem actum infinitè dignum. Vel omisso ant. neg. consi; nam viuius hipostatica includit Deum, quo nihil maius esse potest; offensa autem est quid Deo extrinsecum, quo maius est ipse Deus, & actio creata dignificata ab ipso Deo.

22 Obijc. 2. cont. 2. part. concl. Grauitas offensæ est simpliciter infinita; ergo satisfactio nequit esse superabundans; quia infinitum nequit excedi.

Resp. hoc fuisse solum S. 1. nu. 15. ad 1. Cæteræ obiectiones solutæ sunt in eodem S; & S. 3. art. 1.

A R T. III.

An satisfactio Christi fuerit de rigore iustitiæ?

1 Prima sententia negat. Ita Scot; & communiter omnes Scot; & quibus adhærent Vass; Becu; Lor; Arru; Lug; & alij.

2 Secunda affirmat. Ita Fund. Doct. hic dist. 2. p. 1. q. 1. art. 3. S. Quinta via; Franc. à Christo; Gibb; & omnes alij ex nostris. Ita etiam S. Tho; & Thomista communiter; sequuntur Sui; Val; Gran; Tanner; Arriaga; & ferè omnes alij.

3 Fundamentum, cui Auctores vtriusque sententia innituntur, plures protulit difficultates contra nostram sententiam, quibus quantum adhibeantur subtiles responsiones; attamen non omnino præcluditur via Adversarij eas soluendi. Arbitrantur enim satisfactionem Christi Domini esse actum iustitiæ commutatiuæ; ad quam (si strictè, & rigorosè sumatur) requiritur. 1. Ut sit ad alterum, cum ponat æqualitatem perfectam, quæ est relatio realis essentialiter exigens duo extrema realiter distincta. 2. Quod non fundetur in gratia creditoris, gratia enim, & iustitia pugnant inter se iuxta Apost. Rom. 11. Si autem gratia iam non ex operibus. 3. Quod non fiat ex bonis creditoris; nam creditor per satisfactionem debet acquirere ius super bona, quæ non habebat sub suo dominio; bona autem creditoris erant iam sub dominio ipsius. 4. Ut satisfactio fiat ex alias per se indebitis; quia si quis debeat centum titulo emptionis, & alia centum titulo mutationis, reddens centum non satisfacit æqualiter creditori. 5. Aliqui addunt satisfactionem debere fieri immediatè, & per se à persona offendente; quia (inquit Mastr. hic disp. 3. q. 4. art. 3.) satisfactio exacta debet rescircire ius laesum offensi quoad substantiam, & omnes circumstantias, inter quas est ille honor, quem offendens personaliter debet offerre personæ

L I offensi;

offensæ; qui actus, cum essentialiter pendeat à persona offendente, quia est actus vitalis illius, nequit exhiberi à hieiuillatore, seu Mediatore. 6. *Alij* addunt satisfactionem ex iustitia non posse non acceptari ab offenso. Primæ quatuor conditiones asseruntur communiter; duæ postemæ affirmantur ab aliquibus, negantur ab alijs.

4 Prima conditio sic explicatur *Ab Auctoribus nostra sententia*; quòd satisfactio debet esse ad alterum in ratione naturæ, non suppositi; diuersæ nanq; naturæ habent diuersas voluntates, & libertates, & per consequens diuersum ius, & dominium; & sicuti non minùs petit esse ad alterum actus obedientiæ, orationis, religionis &c; quàm actus iustitiæ; & ratione solius naturæ humanæ Christus strictè obediuit, orauit &c; ideo ratione solius naturæ humanæ satisfecit ex rigorosa iustitia non obstante identitate suppositi. Addimus, quòd ideo iustitia est ad alterum, quia importat relationem realem æqualitatis, quæ petit esse inter diuersa; sed actio, & passio dicunt relationem realem, vt est manifestum; & tamen eadem supposito Verbi secundum naturas diuersas conuenit agere, & pati; ergo idem.

5 *Resp. Mastr.* hoc ius, quod habet humana voluntas, esse sub potestate Dei; & sicuti quia ius, quod habet filius, quia est sub potestate patris, ideo non efficit strictam iustitiam inter patrem, & filium; ita à pari.

Sed cont. est; quia ius creaturæ est sub potestate generali Dei, quæ non tollit rationes particulares; sicut ratio vniuersalis agendi Dei non tollit rationem particularem agendi propriam creaturæ. At ius filij est sub potestate particulari patris, quia filius non habet potestatem agendi simul cum patre; ideo non est paritas.

6 Secunda explicatur, quòd *non debet fundari in gratia creditoris*, quæ sit virtualis condonatio totius, aut partis debiti; secus tamen sic; nam si creditor det debitori centum, vt negotiando lucretur, quo lucro satisfaciatur debito, est satisfactio rigorosa.

7 *Resp. Mastr.* omnes actus naturæ humanæ fundari in gratia vniouis, & esse dona Deis adeoque non potuisse satisfacere ex stricta iustitia.

At contra est; nam actus nostri sunt simul dona Dei, & opera nostra, quia illis cooperamur; eisque debetur præmium ex vera iustitia iuxta *Apos. 2. Tim. 4. Quam reddet mihi Dominus in illa die iustus Index.*

8 Tertia exponitur, quòd *non debet esse ex bonis creditoris*; id est non debet ita esse sub dominio creditoris, vt non sit etiam sub dominio debitoris; nam si sit sub dominio vniuersali creditoris, & sub dominio particulari debitoris; vt sunt bona subditi respectu Regis; potest

satisfieri ex rigore iustitiæ; quia sicut causalitas vniuersalis non impedit causalitatem particularem, ita nec dominium vniuersale tollit particulare.

9 Quarta sic. Quòd *debet esse ex bonis per se alio titulo indebitis*; nam si quis debeat centum titulo emptionis, & alia centum titulo mutui, non satisfacit reddendo centum. At verò si illi tituli cadant supra eandem omnino materiam, vt cum quis debeat centum solummodò titulo emptionis, religionis, pietatis, obedientiæ &c; reddendo centum satisfacit omnibus titulis; sic in casu.

10 His tamen dimissis, quæ rem facilem reddunt difficilem, conformiter ad ea, quæ diximus *cum Fund. Doct. 10. 2. de Iust. Dei art. 33* vbi ostendimus in Deo non esse formaliter iustitiam commutatiuam propter rationes *ibid.* allatas, dicimus satisfactionem Christi esse actum iustitiæ vindicatiuæ, & ideo conditiones allatas non requiri, quia sunt propriæ solius commutatiuæ, vt claret. Hanc sententiam tenet etiam *nostr. Gibb. disp. 3. dub. 2. nu. 15*; quauis asserat satisfactionem Christi spectare etiam ad commutatiuam.

11 Vnica concl. Christus satisfecit de toto rigore iustitiæ vindicatiuæ quantum ad veram afflictionem, & quantum ad veram satisfactionem offensæ; non quantum ad obligationem subeundi poenam pro peccatum inductam.

Prob. 1. Isaia 1. A planta pedis vsq; ad verticem capitis non est in eo sanitas; vulnus, & liuor, & plaga iumens; & inf. Si fuerint peccata vestra, vt coccinum, quasi nix dealbabitur; & si fuerint rubra, quasi vermiculus; velut lana alba erunt. Tandem concludit: *Consolabor super hostibus meis, & vindicabor de inimicis meis.* Ex quibus sic. Tolerantia formalis veræ poenæ vsque ad æqualitatem, & deletionem culpæ est actus veræ, & rigorosæ iustitiæ vindicatiuæ; sicut enim inflictio poenæ est actus veræ, & rigorosæ iustitiæ vindicatiuæ formaliter ex parte iudicis exigentis culpæ satisfactionem in reo; ita tolerantia poenæ ex parte satisfaciens iustitiæ est actus iustitiæ vindicatiuæ formaliter, & rigorosæ; iustitia enim vindicatiua essentialiter exigit duas personas, in quibus existit; in vna quidem inflictiuè, & actiuè; & in alia passiuè, & satisfactiuè; sed in Christo fuit formalis tolerantia veræ poenæ vsque ad æqualitatem, & deletionem culpæ; quia in ipso fuit *vulnus, liuor, & plaga*; quibus peccata nostra, quæ sunt essentialiter nigra, & turpia, facta sunt alba, vt nix, & ideo deleta; ergo in Christo fuit satisfactio de toto rigore iustitiæ vindicatiuæ quantum ad veram afflictionem, & poenam, & quantum ad satisfactionem offensæ; & c. 53. *Verè languores nostros ipse tulit, & dolores nostros ipse portauit &c. Ipse autem vulneratus est propter iniquitates nostras; attritus est propter scelera nostra;*

Ara; disciplina pacis nostræ super eum, & linore eius sanati sumus. Omnes nos, quasi oves, erravimus, unusquisq; in viam suam declinavit; & posuit Deus in eo iniquitates omnium nostrum &c. Propter scelus populi mei percussisti eum; & dabit impium pro sepultura, & quiescem pro morte sua eo, quod iniquitatem non fecerit, neque dolus fuerit in ore eius; & Dominus voluit contere eum in infirmitate: Si posueris pro peccato animam suam, videbit semen longævum &c. Pro eo, quod laboravit anima eius, videbit, & saturabitur; in scientia sua iustificabit ipse iustus servus meus multos, & iniquitates eorum ipse portabit. Ex quibus arguitur. Assumens culpas alienas, tanquam proprias, & pro illis tolerans poenam debitam, & condignam, satisfacit de toto rigore iustitiæ vindictiæ; sed Christus assumpsit culpas omnium hominum, & poenam illis debitam toleravit; ergo satisfecit de toto rigore iustitiæ vindictiæ. Ma. constat; sicut enim in iustitia commutativa assumens debitum alterius, & illud solvens ex integro dicitur satisfacere pro debito alterius de toto rigore iustitiæ commutativæ; ita dicendum de iustitia vindictivæ, quæ non minorem exigit æqualitatem inter culpam, & poenam; quam iustitia commutativa exigit inter debitum, & creditum. Mi. est de fide, habetur enim explicitè in textu.

12 Dices cum *Maestro*. Ad satisfactionem exactam refarciendum est ius læsum quoad substantiam, & circumstantias; inter quas est honor personaliter offerendus ab offendente; ergo sola persona offendens potuit satisfacere de rigore iustitiæ.

Resp; quod sicuti pater est moraliter vna persona cum filio, quia filius dicitur pars patris; & Caput morale censetur moraliter vnum cum membris; ita Christus, qui est Pater nos regenerans ad vitam, & Caput nostrum, censetur moraliter vnum, & idem cum omnibus hominibus, pro quibus satisfecit; & ideo eius satisfactio fuit exacta etiam quoad circumstantias. Nec obstat, quod purus homo, etiamsi sit caput morale, atamen non potest satisfacere pro iniuria personali illorum, quorum est Caput; non obstat, inquam; nam valor satisfactorius puræ creaturæ est finitus, ideo non includit valorem alterius creaturæ; at valor operum Christi est infinitus simpliciter, ideo includit valorem operum omnium hominum; adeoque potest satisfacere pro eorum offensis. Tum quia si Christus non refarcivisset ius læsum quoad substantiam, & circumstantias, plenè, & adequatè non satisfecisset pro peccato, quia non satisfecisset quoad circumstantias, quoad quas Deus manifestet adhuc insatisfactus etiam posita satisfactione Christi; & sic Deus posset illas vindicare; & Christus non meruisset nobis iustitiam adequatè, sed solum quoad substantiam, non quoad circumstantias;

Mag. Frideric. Nic. Gauardi Tom. 5.

quod est expressè contra Scripturas.

13 Prob. 2. ex Conc. Ephesi, in quo Proculus inquit: Pretii pro nobis à Christo Domino oblatum exaqualasse ad iustitiam amissim; & S. P. Aug. in Ench. c. 49. loquens de Diabolo ait: Quoniam ipsum sine ullo peccati merito iniquissimè occiderat; per ipsum (id est per Christum) iustissimè amitteret, quos peccati merito destinebas; & lib. 2. de pecc. merit; & remiss. c. 30. super illud Coloss. 2. Delens, quod erat adversum nos, chirographum decreti, inquit: Vt fuso sanguine sine culpa omnium culparum chirographa deleret, quibus debitores, qui in eum credunt, à Diabolo antea tenebantur. Ex quibus sic. Actus, quo quis exæquat iustitiam vindictivam, & delet chirographum poenarum, quæ propter delicta sunt decreta, est actus iustitiæ vindictivæ; in hoc enim formaliter distinguitur iustitia vindictiva à commutativa, & retributiva præmij; quod vindictiva est circa poenas infligendas; commutativa est circa res, quæ commutantur absque vlla poenâ; & retributiva præmij est circa honores, & beneficia, quæ conferuntur; sed Christus fusi sanguinis effusione exæquavit iustitiam vindictivam culparum omnium hominum, & deleuit decretum poenarum, quæ propter omnium delicta erant hominibus à Deo decreta; ergo Christi satisfactio fuit actus iustitiæ vindictivæ rigorosè sumptæ.

14 Conf. In hoc distinguitur commutativa à vindictiva, quod illa ponit æqualitatem in rebus extrinsecis; vt v.g. qui dedit tantum pecuniæ, tantum tritici accipiat; hæc verò ponit æqualitatem inter personas in ratione culpæ, & poenæ iuxta illud Apoc. 18. *Quantum glorificaverat se in deliciis, tantum ei tormentum, & luctum date*; vnde illa potest esse sine poenâ intrinsecè inflicta; hæc verò sine poenâ, & dolore esse non potest; sed Christi satisfactio fuit actus, quo in propria persona subiuit poenam æqualem peccatis omnium hominum; ergo fuit actus iustitiæ rigorosè sumptæ; & quanvis erogaverit sanguinem, quo satisfecit; quia tamen sanguis non est res externa à satisfaciende; ideo hæc erogatio non est actus commutativæ; sicut quanvis reus alicuius delicti effundat sanguinem, & det vitam pro morte proximo illata, nullus diceret talem actionem esse actum iustitiæ commutativæ; sed vindictivæ; quia est actio pænalis compensativa gravitatis delicti. *Vid. alie rationes to. 2. vbis.*

15 Tandem satisfactio pænalis est actus rigorosè iustitiæ vindictivæ; sicut enim satisfactio realis est actus commutativæ, quæ habet ponere æqualitatem in rebus; ita satisfactio pænalis est actus vindictivæ, quæ habet ponere æqualitatem inter culpam, & poenam; sed satisfactio Christi fuit pænalis; suâ nanque morte satisfecit omni poenâ infligendâ omnibus hominibus propter eorum peccata; dicitur

LI 2

enim:

enim: *Dolores nostros ipse portauit* &c; ergo satisfactio Christi fuit actus rigorosæ iustitiæ vindicatiuæ.

16 Prob. 2. pars concl. ex Fund. Doct. dist. 2. ubi; ubi docet, quod poena potest comparari. 1. Ad afflictionem. 2. Ad satisfactionem. 3. Ad obligationem per peccatum inductam. Primo modo summa poena fuit in Christo, quia in ipso fuit summa afflictio iuxta illud: *Videte, si est dolor similis, sicut dolor meus*; & in hoc sensu fuit vera iustitia vindicatiua, quæ respicit veram poenam insignendam propter peccata. Secundo modo etiam fuit summa, & superexcellens iustitia; quia (inquit Fund. Doct.) *cum esset infinita persona, quæ pateretur, plus satisfecit eius passio, & eius mors, quam omnes homines, qui sunt in Mundo, demeruisse*; & ideo superabundauit ad culpam. Sed tertio modo non obligantur iusti ad poenam ratione peccati, nisi qui commiserunt peccata; at Christus non commisit peccatum; ergo ratione peccati non obligatur ad poenam; & ideo ratione obligationis per peccatum contractæ non fuit vera iustitia in Christo. Hoc tamen non obstat fuit in ipso quidam similitudo iustitiæ, quia assumpsit carnem in similitudinem carnis peccati, ut inquit Apostolus, & de peccatoribus nasci dignatus est, *ut omnium peccata deleat*; ergo quantum ad obligationem inductam per peccatum non satisfecit de rigore iustitiæ, quia iustitiæ rigor non potest punire, nisi reos peccati, non autem innocentes. Diximus ratione obligationis per peccatum inductæ; quia Christus prout obligari ad patiendum pro homine ratione obedientiæ, misericordiæ, charitatis &c.

17 Obijc. 1. Ad satisfactionem de toto rigore iustitiæ requiritur, quod sit ad alterum; nemo enim rigorosè sibi meripsum dicitur satisfacere, sicut nec se offendere; sed satisfactio Christi non est ad alterum; quia persona Christi satisfaciens est suppositum Diuinum, quod est Deus, cui debet fieri satisfactio; ergo non est de rigore iustitiæ. Sic dicendum de alijs conditionibus superius assignatis.

Resp. esse ad alterum esse conditionem requisitam ad omnem speciem iustitiæ; tres autem conditiones sequentes esse proprias solius iustitiæ commutatiuæ; quæ respicit bona externa, inter quæ ponit æqualitatem, ut diximus. Dist. igitur ma. Satisfactio est ad alterum in natura, conc; in supposito, subdist; æquualenter, conc; realiter, neg; sicut enim actus religionis, orationis, oblationis, & aliarum partium potentialium iustitiæ essentialiter sunt ad alterum; quia nemo dicitur colere, orare se ipsum &c; & tamen stante sola distinctione reali naturæ cum identitate suppositi gerentis munus suppositi creati Christus in Scripturis verè, & propriè dicitur orasse; nemo enim di-

cere auderet orationem Christi non fuisse veram, & propriam orationem; ita à pari.

18 Obijc. 2. Vbi; Iniuria per peccatum Deo illata non est rigorosa iniustitia; ergo nec satisfactio est rigorosa iustitia. Prob. ant. 1. Vbi non est damniificatio, ibi non est propriè iniustitia; sed iniuria Deo illata per peccatum non damniificat Deum; dicitur enim Job. 35. *Si peccaueris, quid nocetis ei?* &c. 2. *Quid prodest Deo, si infusus fueris*; & ideo sicut per opera nostra bona nullum confertur Deo bonum vtile; ita per opera mala nullum malum infertur; ergo peccatum non est rigorosa iniustitia. Prob. 2. Iniuria contra iustitiam rigorosam illata relinquit continuum debitum satisfaciendi; sed peccatum non est huiusmodi; aliter peccator differens contritionem semper peccaret; ergo idem.

Resp. neg. ant; ut diximus 10. q. de iust; & iure q. 1. art. 2. §. 2. Ad 1. prob. dist. ma. Vbi non est damniificatio in bonis internis, vel externis, conc; in bonis tantum internis, neg. Sic dist. mi. Non damniificat Deum in bonis internis, in quo sensu loquitur Job, conc; in bonis externis, ut sunt cultus debitus, obsequium &c. neg. Ad 2. prob. dist. ma. Si ex dilatione satisfactionis persona offensæ semper nouum damnum patiatur, conc; ut cum quis furatur nummos Mercatori, quibus continuo lucratur emendo, & vendendo, tunc enim ratione continui nocimenti dilatio satisfactionis est culpabilis; si ex dilatione nouum damnum non patiatur, neg; & sic quia peccator differendo confessionem nullum nouum damnum infert Deo in bonis extrinsecis, ideo non peccat mortaliter differendo.

19 Obijc. 3. Fideiussor non habet maiorem obligationem satisfaciendi, quam habeat debitor principalis; sed homo peccator non habebat obligationem satisfaciendi Deo ex rigorosa iustitia pro suis peccatis; ergo neque Christus, qui est fideiussor, seu mediator satisfaciens pro homine. Prob. mi. 1. In puro homine nequit esse actus satisfactorius ad æqualitatem pro suis peccatis; ut in seq. art; ergo neque potest esse obligatio ad satisfaciendum Deo ex rigorosa iustitia; quia ad impossibile nemo tenetur. Prob. 2. Actus, quo pura creatura satisfacit Deo, est actus virtutis poenitentiae; ergo non est actus rigorosæ iustitiæ.

Resp. ma. esse vniuersaliter falsam; nam si quis damnetur ad supplicium corporis eo, quia non habet, vnde soluat ablatum, iuxta illud estatum legale: *Qui non habet in are, soluat in corpore*; ille profectò ob impotentiam non obligatur ad soluendum in are, obligatur tamen ad subeundum supplicium in corpore. At fideiussor volens eum liberare à supplicio corporis habet obligationem soluendi in are. Sic creatura quauis sit impotens ad satisfaci-

ciendum Deo pro peccatis, & ideo non habet obligationem satisfaciendi, vt eximatur à pœnis; tamen obligatur ad subeunda supplicia, ad quæ pro peccatis damnatur. At Christus mediator nequit eam liberare à supplicijs, nisi ponendo æqualem satisfactionem pro peccatis. Mi. etiam hoc modo dist. Peccator enim, habet obligationem satisfaciendi Deo subeundo supplicia ex iustitia illi debita, neg; vt liberetur à supplicijs, conc. Quia tamen Christus mediator se obligauit liberare homines à pœnis illis debitis propter peccata, ideo habuit obligationem ad satisfaciendum ex iustitia, vt liberentur à peccatis; quam obligationem homines non habebant ob impotentiā; per quod patet ad vtrāq; prob; neg. enim cons. vtriusque ob allatam rationem.

20 Obijc. 4. Ad rigorosam satisfactionem requiritur, quod inducat obligationem in creditore ad acceptandam satisfactionem; sed satisfactio Christi nō fuit huiusmodi; quia Deus nequit obligari, aut necessitari per aliquod ad extra; tum quia licet Deus possit obligari ratione fidelitatis, aut veracitatis, non tamen ratione iustitiæ, quia non datur in Deo iustitia commutativa; ergo idem.

Resp. omisiss ijs, quæ congerunt *Recensiores* etiam ad hanc obiectionem neg. mi. Ad prob. insert. dicitur non posse Deum obligari, & necessitari simpliciter, & absolute, bene tamen tenetur quid, & ex suppositione; quod esset in casu; supposito enim, quod decreuerit Christi mortem ad satisfaciendum suæ iustitiæ pro hominum peccatis; obligatur ex iustitiā ad acceptandam satisfactionem. Sicut licet non teneatur absolute dare gloriam hominibus, tenetur tamen ex suppositione, quod illos elegerit ad gloriam; quam reddit, vt *inustus Iudex*, vt ait *Apostolus*; & quam si negaret, esset iniustus; vt conformiter ad *Apostolus* loquitur S. P. *Aug. de nat; & grat. cap. 2.* super illud *Hebr. 6.* *Non est iniustus Deus, vt obliuiscatur operis vestri.* Ad aliud dicitur Deum obligari nedum ex commutativa, sed etiam ex vindictiva.

21 Obijc. 5. Vbi datur emptio, & pretium; ibi est commutativa; sed satisfactio fuit emptio, & pretium; habetur enim 1. *Cor. 6.* *Empti enim estis pretia magno;* ergo fuit actus iustitiæ commutatiuæ.

Resp. hæc soluta fuisse 10. 2. *vbi* Dist. ma. Vbi datur emptio ab iniuria, & pretium intrinsecum; neg; vbi datur emptio, & pretium rei extrinsecæ commutatiuæ, conc. Satisfactio Christi fuit emptio, redemptio, & pretium primo modo, quæ pertinent ad vindictiuam, quæ etiam habet reddere æquale pro æquali &c. *Vid. vbi.* Mirum est, quod *Recentes Thomistæ*, inter quos *Gonet*, negent commutativam in Deo in de *Volunt. Dei*; & hic illam asserant;

certum enim est commutativam debere esse in vtroque commutante.

A R T. IV.

An pura creatura possit ad æqualitatem satisfacere pro peccato?

1 **N**on est quæstio de pura creatura in puris viribus naturalibus, sed de creatura, quæ non est simul Deus, vt est Christus, qui est Deus homo. Nec de satisfactione ex toto rigore iustitiæ, aut eiusdem valoris cum satisfactione Christi; concedunt enim etiam *Aduersarij* satisfactionem elicitam à pura creatura fore minoris valoris, quàm sit satisfactio Christi; ista enim est excedens, & superabundans; illa verò esset tantum æqualis; quod si Christi satisfactio in eorum sententia nō est ex toto rigore iustitiæ, à fortiori id concedunt de pura creatura. Nec est quæstio de peccato veniali, sed mortali.

2 Prima sententia ait puram creaturam, innocentem sine vlllo peccato; v. g. Angelum bonum, aut hominem creatum à Deo in gratia absque eo, quod descendat ab Adam, & contrahat peccatum originale, potuisse satisfacere pro peccatis omnium hominum; & ideo pro suo, & alieno peccato. Ita *Scot. cum suis apud Mastr. hic dist. 4. q. 5;* quibus fauente *Alex; Paludan; Ricard; & Cater.*

3 Nostra docet nec pro suo, nec pro alieno posse satisfacere. Ita *Fund. Doct. hic dist. 1. par. 2. q. 1. art. 2. §. Otenso;* & ad 5; & in ep. ad *Rom. cap. 3. lect. 12. dub. ult. prope finem;* & de *Divina influentia in beatos c. 23; & de Renunc. Papæ cap. 20; noster Gibb. dist. 2. dub. 4;* apud quem *Bernardin; omnes Thomistæ; & Neoterici* ferè communiter.

4 Non est sensus, an Deus possit acceptare aliquod opus bonum creaturæ, & intuitu ipsius remittere peccata; vel an possit absolute condonare; vel quocunque alio modo in eius sapientia recondito hominem liberare; certum enim est apud omnes hoc Deo non repugnare; vt docet S. P. *Aug. lib. 13. de Trinit. cap. 10; & de Agone Christiano cap. 11.* Sed sensus est; an aliqua pura creatura quantauis gratia insignita, excepta gratia vnionis hipostatice, possit elicere opera meritoria habentia valorem, & condignitatem intrinsecam æquivalentem indignitati peccati mortalis; & hoc de potentia Dei absoluta.

5 Vnica concl. Nulla pura creatura etiam de potentia Dei absoluta, quantauis puritate, & gratia insignita, potuit ad æqualitatem satisfacere pro peccato mortali proprio, vel alieno.

Prob. 1. ex 1. *Tim. 2.* *Vnus mediator Dei, & ho-*

& hominum homo Christus Iesus super quod S. P. Aug. in Enchir. cap. 108. inquit: Nam neque per ipsum liberaremur unum Mediatorem Dei; & hominum hominem Christum Iesum, nisi esset & Deus; & statim reddens rationem subdit: *Vt & humana superbia per humilitatem Dei argueretur, & sanaretur.* Formatur autem sic ratio. Solus ille actus, cuius valor intrinsecus est æqualis indignitati peccati Ade, est ex sua ratione formali satisfactorius ad æqualitatem; sed nulla pura creatura etiam Diuinitus potuit habere actum, cuius valor sit æqualis indignitati peccati Ade; ergo nulla creatura etiam Diuinitus potuit satisfacere ad æqualitatem. Ma. constat; hoc enim intelligitur nomine satisfactoris ad æqualitatem, vt dictum est. Prob. mi. Valor æqualis indignitati peccati Ade competit solum actui adæquatè opposito Ade peccato; oppositum enim opposita sunt differentia; valor autem, qui est idem, ac dignitas, opponitur indignitati; seu grauitati; quociescunque autem duo opponuntur; si opponantur solum inadæquatè, eorum differentia sunt inæquales; si verò adæquatè, differentia sunt æquales; equalitas enim, & inequalitas sumitur formaliter ab oppositione adæquata, vel inadæquata; sed nulla pura creatura potuit etiam Diuinitus habere actum adæquatè oppositum Ade peccato; nam Ade peccatum fuit hominem velle superbiendo esse Deum per naturam; actus autem adæquatè oppositus est Deum velle se humiliando esse hominem per naturam assumptam vsque ad mortem crucis; repugnat autem creaturam puram esse Deum etiam Diuinitus; sicut nanque si plebeius offendat Regem, nullus actus elicitus à plebeio est adæquatè oppositus tali offensioni; quia plebeius non opponitur sibi ipsi; at si plebeius fieret Rex, & Rex plebeius; tunc plebeius factus Rex posset elicere actum oppositum adæquatè satisfactorium honorando Regem factum plebeium; ergo nulla creatura potuit etiam Diuinitus habere actum, cuius valor sit æqualis indignitati peccati. 2. Per solam actionem Mediatoris inter Deum, & homines potest poni æqualis satisfactorio peccati hominis erga Deum; peccator enim per se ipsum nequit satisfacere, vt faretur *Mastr;* sed nulla pura creatura etiam Diuinitus potuit esse mediatrix inter Deum, & homines; quia medium debet participare naturam extremorum, & illam æquare; hinc solus Christus, quia vt Deus, habet naturam Diuinam; & vt homo, humanam, dicitur ab *Apost.* *Vnus Mediator Dei, & hominum;* ergo nulla creatura pura potuit etiam Diuinitus satisfacere ad æqualitatem.

6 Prob. 2. ex ps. 129. *Quia apud te propitiatio est Ori; & ipse redimet Israel ex omnibus iniquitatibus suis:* super quod S. P. Aug. ait: *Quia Israel vendere se potuit: & fieri vendundus sub*

peccato, redimere se ab iniquitatibus non potest. Ille potuit redimere, qui non potuit se vendere. Ex quibus sic. Ille potuit satisfacere æqualiter pro peccato, apud quem est propitiatio pro peccato; & qui non potuit peccando se vendere; sed nulla pura creatura est huiusmodi; quia propitiatio est solum apud Deum, non apud creaturam; nam solus Deus potest propitiare creaturam peccantem Deo irato per peccatum; quia propitiatio in Scripturis dicitur de solo Christo. 1. Io. 2. *Ipse est propitiatio pro peccatis nostris;* & 4. *Misit Filium suum propitiationem pro peccatis nostris;* & non posse peccando se vendere est esse per naturam impeccabilem, repugnat autem creaturam impeccabilem per naturam; vt diximus 10. 3. de Ang. 7. 9. art. 1. §. 3; ergo nulla creatura potuit etiam Diuinitus satisfacere pro peccato ad æqualitatem.

7 Prob. 3. ex Luc. 17. *Quis autem vestrum habens seruum arantem, aut pascentem, qui regresso de agro dicat illi: Statim transi, & recumbe; & non dicat ei: Para, quod cenem; & praeiunge te, & ministra mihi, donec manducem; & bibam; & post hac tu manducabis, & bibes. Nunquid gratiam habes seruo illi, quia fecit, quæ imperaueras? Non puto. Sic & vos, cum feceritis omnia, quæ precepta sunt vobis; dicit: Serui inutilis sumus; quod debuimus facere, fecimus. Ex quo sic arguit Fund. Doct. Ille potest satisfacere pro aliquo, qui potest supererogare supra id, quod debet; vt si quis debeat Tiro centum, potest etiam satisfacere pro alio debente quoque centum, qui potest erogare centum, quæ debet, & supra illa potest erogare etiam alia centum, quæ ab alio debentur; sed nulla pura creatura potest supererogare Deo supra id, quod debet; quia omnis pura creatura essentialiter est Dei serua, & seruus se, & omnia Domino debet; solus autem Christus non est serua creatura, sed Filius per naturam; ideo non est debitor, & per consequens potuit erogare supra id, quod debuit, quia nihil debuit; & omnia opera eius fuerunt supererogationis omnino gratuite; ergo nulla pura creatura potuit ad æqualitatem satisfacere pro peccato.*

8 Prob. 4. a Fund. Doct. ex infinite indignitatis peccati. Sola satisfactorio infiniti valoris est æqualis indignitati peccati; sed nulla creatura potuit elicere actum satisfactorium infiniti valoris, quia omnis creatura essentialiter est finita; ergo idem. Ma. patet; nam peccatum est infinitum in genere offensæ; vt diximus art. 2. §. 1. Addunt *Gibb;* & alij *Recentes;* quòd etiam peccatum esset finitæ grauitatis in genere offensæ; adhuc quia offensæ esset altioris ordinis, quia mensuratur à dignitate personæ Diuinæ, ad quam nequit pertinere dignitas personæ creatæ satisfactoris; ideo nec posset æqualiter satisfieri.

9. Prob. 5. Ille solùm, qui potuit esse Caput totius Ecclesiæ, potuit satisfacere ad æqualitatem pro peccatis omnium hominum; sed implicat puram creaturam esse Caput totius Ecclesiæ; ergo implicat puram creaturam satisfacere ad æqualitatem pro peccatis omnium hominum. Ma. constat ex *Apost. Rom. 5.* docente, quòd sicuti solus Adam, qui fuit caput omnium hominum, potuit omnes homines perdere in eos transfundendo peccatum; ita solus Christus, qui est Caput morale omnium hominum, potuit omnibus hominibus gratiam iustificanti mereri interponendo satisfactionem debitam eorum peccatis. Mi. probata est in *sup. q. art. 3.* vbi vid. aliæ rationes, quib. hæc concl. prob.

10. Tandem communis est SS. PP. doctrina asserentem potuisse homines solùm à peccato liberari per Filium Dei vnigenitum, qui nisi Deus esset, Redemptor non esset; quia ad placandum Deum peccatis offensum necessarium fuit Deum hominem Deo offenso satisfactione offerre; ergo pura creatura non fuit sufficiens.

Resp. *Mastr. SS. PP.* esse intelligendos ex suppositione, quòd Deus decreuerit Verbum Diuinum incarnari, & in carne assumpta hominem redimere; & in hoc includitur, quòd Deus nolle acceptare satisfactionem puræ creaturæ; & ex duobus hoc colligit. 1. Quia multi SS. PP. dicunt nedum incarnationem, sed etiam mortem Christi fuisse necessariam ad liberandum hominem; & tamen certum est potuisse Christum alijs actionibus citra mortem satisfacere. Sicut ergo quando asserunt Christum, nisi mortuus esset, homines non liberasse, est intelligendum ex suppositione præsentis decreti; ita similiter intelligendum est, cum aiunt, quòd nisi Deus esset, homo non liberaretur. 2. Quia asserunt Deo fuisse possibilem aliud modum liberandi hominem; ergo non fuit necessarium Deum incarnari; & ideo pura creatura potuit ad æqualitatem satisfacere.

Sed incongruentia huius responsionis aperte conuincitur. 1. Quia explicantes illud *Apost. Vnus mediator &c.* asserunt solùm hominem Deum potuisse esse Mediatorem inter Deum, & homines, quia medium inter creaturam, & Deum nequit esse vel creatura pura, vel Deus tantùm; pura enim creatura, & Deus sunt duo extrema, inter quæ cadit medium, vt *sup.* diximus ex *S. P. Aug.* medium autem debet esse quid distinctum ab extremis, aliter esset extremum, non medium; ergo asserunt, quòd mediator inter creaturam, & Deum essentialiter, & per consequens absolute, & simpliciter debet esse Deus homo. 2. Quia ad hoc, vt ponatur satisfactio equalis, debet poni actus ad æquatè oppositus *Adæ* peccato; qui non potuit esse, nisi à Deo homine, vt *sup.* diximus.

3. Quia docent illum solùm posse liberare hominem à peccato, cui per naturam competit non posse peccare; hoc autem nequit competere puræ creaturæ, quæ ex sua natura, cum ex nihilo sit, defectibilis est; vnde sicut Deus de potentia absoluta non potest facere creaturam, quæ non sit ex nihilo; ita nequit facere creaturam ex sua natura indefectibilem, & impecabilem; & ideo nequit facere creaturam, quæ possit satisfacere ad æqualitatem pro peccato.

4. Quia inquit neminem posse per aliquem liberari à peccato, nisi ille, qui liberat, possit gratiam tribuere, per quam à peccato liberatur; & id probant ex *Apost. Rom. 5.* docente, quòd sicut per peccatum vnus hominis omnes mortui sunt; ita omnes per iustitiam vnus hominis viuificati sunt; hæc autem vita est gratia iustificans à peccato, quæ viuimus Deo; vnde *S. P. Aug. tract. 80. in 10.* inquit: *Nisi Deus esset, vitam palmitionibus non præberet*; sed nulla pura creatura potest gratiam conferre etiam de potentia absoluta; ergo nec satisfacere. Ad 1. autem dicitur mortem Christi fuisse necessariam ad satisfactionem externè consummationem, non autem formaliter essentialiter; & hæc est communissima omnium doctrina; externa autem consummatio omnino contingenter se habet ad actum intrinsecum; quia potest haberi valor actus liberi intrinseci absque externa consummatione, vt si quis velit elemosinam facere, & non sit, cui elemosinam tribuat; & sic dicitur de malitia peccati; implicat autem dari valor intrinsecus proprius talis actus intrinseci sine tali actu intrinseci; vnde, cum valor satisfactorius pro peccato, vt asserunt SS. PP.; sit proprius actuum Christi Domini, prout est Deus homo, ideo implicat dari satisfactionem in actibus puræ creaturæ; quòd autem talis actus consummetur externè per mortem, vel per quid aliud, pendet omnino à libera voluntate Dei. Ad 2. dicitur non de fuisse Deo aliud modum liberandi hominem per liberam condonationem, vel per acceptationem actus inadæquati; hoc autem esset ex gratia saltem inadæquatè, quæ suppleret defectum satisfactionis; non autem esset ex adæquata iustitia; vnde *S. P. Aug. loc. cit.* subdit hunc fuisse conuenientiorum; vt offenderetur iustitia respectu Christi; & Christi gratia in omnes homines; & hanc esse mentem *S. P. Aug.* constat ex concordia suæ doctrinæ cum textibus *sup.* adductis.

11. Obijc. 1. *Mastr. nu. 209.* Satisfactio non constituit æqualitatem inter personam, & personam, sed inter iniuriam, & obsequium; aliter plebeius non posset ad æqualitatem satisfacere pro iniuria illata Regi; quod est falsum; nam quauis plebeius non possit aliqua submissione satisfacere pro alapa Regi illata; attamen si manifesto suæ vitæ periculo Regem liberet à morte,

morte, vel à captiuitate, prudenti æstimatione censetur ad æqualitatem satisfacere; ergo à pari. 2. *nu.* 215. Potuit Deus constituere *Adam* caput morale omnium hominum, quod transfunderet non peccando gratiam in omnes; ergo potuit constituere puram creaturam, quæ gratiam omnibus merèdo restitueret. 3. *nu.* 225. Infinitas peccati est tantum secundum quid, non simpliciter; sed excessus secundum quid non est ita notabilis, vt non possit adæquari; ergo quauis offensa sit altioris ordinis; attamen per actionem puræ creaturæ potuisset adæquari. 4. Ideo iustus per gratiam adoptionis nequit gratiam alteri, sed sibi tantum mereri; quia deest pactum ipsius Dei; sed in casu adflect pactum; ergo idem.

Resp. ad 1. neg. ma; nam si satisfactio constituit æqualitatem inter iniuriam, & obsequium, constituit etiam æqualitatem inter personam offensam, & satisficientem, à quibus sumitur magnitudo iniuriæ, & obsequij. Ad prob. insert. dicitur esse contra *Euang. ubi*; nam seruus semper facit id, quod debet; & licet mereatur, vt Rex gratis omnino illi dimittat iniuriam, non tamen ex iustitia, quæ nequit esse inter seruum, & Regem. Ad 2. neg. conf; nam ad hoc, vt *Adam* transfunderet gratiam, non fuisset necesse, vt mereretur ex iustitia illam transfusionem, sed ex mera gratia Dei illam transfudisset; at ad hoc, vt pura creatura ex iustitia satisfecisset, necesse fuisset, vt gratiam omnibus ex iustitia meruisset delendo peccatum, quod gratia demeruit. Ad 3. neg. ma; vt diximus *art.* 2. §. 1. Vel omissa dist. mi. Excessus secundum quid in eodẽ ordine, conc; in diuerso ordine, neg; peccatum autem in ratione offensæ est deuiatio ab ordine diuino; actus verò puræ creaturæ est in ordine creato. Ad 4. neg. ma; iustus enim nequit sibi, nec alteri mereri primam gratiam; & augmentum gratiæ meretur, non ratione pacti, sed ratione valoris intrinseci ipsius actus, vt diximus *10. 4. de grat. q. 5. art. 2; 4; & 5.*

12. Obijc. 2. Creatura eliciens actum charitatis reddit Deo totum, quod abstulerat per peccatum, quia reddit rationem vltimi finis, quam per peccatum posuerat in creatura; ergo satisfacit ad æqualitatem. 2. Ideo homo

nequit satisfacere pro peccato proprio; quia talis satisfactio nequit procedere à subiecto iusto per gratiam; sed satisfactio pro alio potest procedere à subiecto iusto per gratiam; illa enim creatura esset sancta; ergo idem. 3. Reddens, quod potest, perfecte satisfacit; ergo quauis offensa sit infinita, & satisfactio finita, quia tamen creatura nequit reddere satisfactionem infinitam, perfecte satisfacit. 4. *D. Stephanus* meruit conuersionem *D. Pauli*; vt docet *S. P. Aug.* ergo idem. 5. Possibile est peccatum mortale cum ignorantia inuincibili, quod sit contra Deum; ergo tunc non esset offensa Dei; ergo in tali casu posset fieri satisfactio.

Resp. ad 1. dist. ant. Reddit totum in ratione bonitatis, & malitiæ, quæ commensuratur cum actu, conc; in ratione offensæ, quæ mensuratur cum dignitate personæ, neg. Ad 2. neg. ma; nam quauis satisfactio exigat esse à persona iustificata; attamen hoc non sufficit ad exequendam offensam, sed requiritur, vt exeat à persona gratiam efficienter tribuente, qualis non est persona creata. Ad 3. neg. ant; quauis enim impotentia excuset à satisfactione, non tamen satisfacit. Ad 4. dist. ant. Meruit impetratiuè, conc; satisfactiue, neg. Ad 5. neg. ant; nam ex eo, quod quis scit peccatum esse contra naturam, scit etiam peccatum esse contra Deum, qui est Auctor naturæ; & ideo non datur ignorantia iuris inuincibilis. Si autem daretur, non esset peccatum; quod essentialiter est contra Deum.

13. Quares; an saltem creatura possit satisfacere pro peccato veniali?

Resp. *Vasq; Lug; Gonet; Arriag; & alij communis* affirmatiue; quia peccatum veniale est offensa leuis, quæ est contra media ad Deum, non contra Deum, qui est finis; ideo eius indignitas potest adæquari per dignitatem mediæ, cui opponitur. *Sna. ubi hic, & alij* docent omnes actus creaturæ esse alijs titulis Deo debitos, & ideo quauis habeant valorem æqualem indignitati veniali: attamen non esse satisfactorios, quia non erogant aliquid supra id, quod debent; adeoque non delentur à Deo, nisi per gratuitam condonationem. Hæc doctrina conformis est rationi *sup.* allatæ à *Fund. Doct. Luc. 17.*



Q V Æ S T. IX.

De Scientia Christi.



DE Scientia Christi, vt gratia est, iam egimus q. 7. art. 2; nunc superest agendum de ipsa, vt est perfectio intellectus. Quoniam autem videmus in natura intellectuali creata eleuata per gratiam ad ordinem supernaturalem esse scientiam naturalem innixam lumini naturali intellectus, qua cognoscuntur res naturales; & scientiam supernaturalem innixam lumini supernaturali, qua noscuntur obiecta supernaturalia; ideo de vtraque tractandum est. Non enim hic agimus de scientia, quæ competit Christo, vt Deus est; de illa nanque sermo fuit 10. 2. de Scientia Dei; vbi diximus Deum omnia cognoscere in se ipso, qui est obiectum omnia continens, & perfectissimè repræsentans; & ideo vnam tantum speciem esse in ipso scientiam, sicut vnum est obiectum formale specificans; & tantum materialiter ratione obiecti secundarij diuidi in scientiam simplicis intelligentiæ, & visionis; eamque esse simpliciter infinitam, comprehensiuam &c. Agimus ergo de scientia, quæ competit Christo, vt homo est; & quæ potest ei conuenire ratione naturæ humanæ, cui non repugnat scientia naturalis rerum in se ipsis, & supernaturalis rerum in Deo.

A R T. I.

An Christus per visionem, seu scientiam beatam viderit omnia possibilia, & futura?

ICERTUM est secundum fidem in Christo nedum esse duplicem naturam inconfusè in vnitatem personæ coniunctam; vt statutum fuit in Concilio Chalced. contr. Eutychem; sed etiam esse duplicem potentiam intellectiuam, & volitiuam, quæ sunt facultates operatiuæ sequentes essentialiter ad naturam, quæ est principium formale quo operandi; & non potest operari, nisi mediante potentia operatiua, quæ est determinata ad talem speciem operationis, ad quam natura est indifferens; propter quod nequit ab ipsa immediatè procedere talis operatio determinata; quia ab indifferenti, vt indifferens est, nequit esse determinatio, quæ indifferentiæ est opposita. Igitur cum natura humana v. g. sit indifferens ad intelligendum, & volendum, quod importat actiones speciei diuersas; est enim generale principium harum operationum; & generale est indifferens ad species, à quibus contrahitur; ideo ad hoc, vt eliciat actiones intellectuales, & volitiuas, necessariò debet ei superaddi potentia intellectiua, & volitiua, quibus determinatè tales actiones eliciat; sicut enim quia animal est indifferens, nam genus est ad rationalitatem, & irrationalitatem; ideo nequit elicere actiones rationales, & irracionales, nisi ei superaddatur rationalitas, & irrationalitas, quibus determinetur ad tales operationes; ita seruatis seruandis à pari. Ex hoc sequitur in Christo fuisse pariter duplicem operationem, Diuinam scilicet, quæ est actio naturæ Diuinæ; & creatam, quæ est actio naturæ creatæ; vt definitum est in VI. Syn. Gen. contra Monothelitas sub Papa Agathone admittentes tantum vnam Mag. Frideric. Nic. Gauradi Tom. 5.

voluntatem, & vnam operationem. Insuper pro certo habemus, quòd sicut etiam de potentia Dei absoluta duæ naturæ ita fuerunt in Christo diuise, vt nequieuerint in vnam confundi; ita dicendum de potentijs, & operationibus proprijs vtriusque naturæ, vt docet S. P. Aug. serm. 58. de Verbis Domini asserens: *Quæ tamen substantiæ non sunt confusæ, sed vnite; atque in vna, eademque persona inseparabiles, & in sua semper proprietate manentes. Quapropter vnicuique substantia propria aptanda sunt &c.* In tantum enim hæc due naturæ sibi sunt vnite sunt, atque coniunctæ, vt idem Christus Deus, & homo aliquando res aut agat, aut loquatur humanas, aliquando Diuinas. Si autem per operationem Diuinam posset homo operari, natura humana non esset ad talem operationem necessaria, quia ad illam eliciendam sufficeret natura Diuina. Vid. 10. 3. de Beat. q. 2. art. 1; vbi ex doctrina VI. Syn. ostensum fuit repugnare naturam creatam operari vitaliter per actiones vitales increatas, quæ essentialiter petunt oriri à principijs naturæ intrinsecis; Hoc euertitur Hug. Victorin. 10. 3. de Sapientia anime Christi putans in anima Christi non esse admittendam, nisi scientiam increatam; & alij relati 10. 3. vbi.

2 Præterea ex dictis q. 7. art. 2. deducitur animam Christi Domini à primo instanti suæ conceptionis intuitiue vidisse Diuinam essentiam, & ideo habuisse visionem beatam. Est cont. Erasmm Roterodam; qui circa hoc dubitauit; & cont. Bucerum asseueranter sustinentem animam Christi non fuisse beatam ante mortem, vt refert Can. lib. 12. de Loc. Theol. c. 14; & cont. Calvinus aliosque nostri temporis hæreticos apud Bellarm. lib. 4. de an. Christi c. 8. mentientes animam Christi saltem in triduo caruisse visione beata, quia pro illo tempore debebat pro nostra salute penas damnatorum tolerare. Omnes tamen DD. oppositum docent; inter quos

quos *Fund. Doct. Quodl.* 2. q. 4: vbi ex illo *Io. 1. De plenitudine eius omnes accepimus*; sic arguit. Ille, qui est plenus omnis gratia, quam potest recipere creatura siue in hac, siue in alia vita, debet habere in se sedum gratiam, quam in hac vita habet creatura, sed etiam visionem beatam, quæ est gratia consummata, & maxima, quam creatura recipit in alia vita; *nemo enim dat, quod non habes*; nec plenus potest dici eo, quo caret, sed vacuus; sed Christus à primo instanti suæ conceptionis dicitur plenus gratiæ, quia natus est Filius Dei naturalis summè dilectus à Patre, & ideo omni gratia, perfectissima, & consummata exornatus; dilectio enim Dei gratiam in dilectis operatur; & sic summa dilectio summam gratiam; ergo Christus à primo instanti suæ conceptionis habuit etiam visionem beatam; aliter qui minor fuisset in Regno Cælorum, vt minor Angelus, maiorem gratiam, quam Christus, habuisset; habetur enim *Luc. 7. & Matth. 11. de Ioanne*, qui in hac vita habuit maiorem gratiam, quam quilibet alius homo: *Qui autem minor est in Regno Cælorum, maior est illo*; quia gratia consummata, & perfectissima maior est quilibet gratia viatoribus concessa; cum hæc sit inchoatio quædam illius. 2. *Io. 3. Non enim ad mensuram dat Deus Spiritum. Pater diligit Filium, & omnia dedit in manu sua.* Super quod *vid. q. 7. art. 2. S. 2. n. 48. rationem ex S. P. Aug. de sumptam.* 3. *Ep. 1. ad Tim. 2. Mediator Dei, & hominum.* Medium debet participare naturam extremorum; sed Christus conceptus est mediis inter Deum, & homines; ergo debuit participare naturam Dei, & hominum; at non potuisset participare naturam Dei hominibus, nisi ipse vidisset Diuinam essentiam; non enim participauit vniendo homines Deo hypostatice, sed illos vniendo per visionem beatam; non potuisset autem eos vnire per visionem beatam, nisi etiam ipse sic esset vnitus, quia medium nequit vnire extremū alteri extremo, nisi per id, quod est in se; ergo idem. 3. Christus debebat nos erigere in spem salutis æternæ; dicitur enim, *1. Tim. 1. Christi spei nostræ*; ergo debuit in primo instanti suæ conceptionis vidisse Diuinam essentiam; aliter motuum dispendi, non sperandi, habuissimus; videntes enim quod natura humana, quanuis hypostatice vnita, attamen non videret Deum, multò magis inferre potuissimus nos, qui sumus infinitè à Deo distantes, Deum non virosuros. Deinde ex illo *Io. 1. Deum nemo vidit vnquam; vnigenitus, qui est in sinu Patris, ipse enarrauit nobis*; sic prob. Ille, qui enarrauit nobis, Deum intuitiue vidit; hic enim sermo est de visione intuitiua; nam Prophetæ Deum abstractiue viderunt; & ideo sermo est tantum de visione intuitiua, quæ nulli Prophetæ fuit concessa saltem per modum permanentis; sed Christus, vt homo,

enarrauit nobis; ergo, vt homo, Deum intuitiue vidit. Item *Io. 3. Nemo ascendit in Cælum, nisi qui descendit de Cælo, Filius hominis, qui est in Cælo; & Luc. 24. Hodie mecum eris in Paradiso*; quod *S. P. Aug. tract. 111. in Io; & lib. 12. de Gen. ad lit. c. 34. explicat de visione beata*; & facit sensum; *Hodie mecum beatus eris; quia sicut Ego vides; ita & tu Deum clarè videbis.* Tandem *Matth. 17.* habetur transfiguratio corporis Christi in gloriam, qua fruebatur anima; non enim potuisset gloria Diuinitatis splendescere, nisi lumen gloriæ creatum, quo solum, manifestatur Diuinitas, in illo non fuisset; in quo autem est lumen, quo Deus præsens manifestatur, est visio beata; ergo idem.

3. Dices. 1. cum hereticis. *Matth. 27. & psal. 21.* habetur: *Deus, Deus meus respice in me, quare me dereliquisti; longè à salute mea verba delictorum meorum*; quæ verba sunt peccatorum desperantis. 2. *Act. 1. de Christo dicitur: Quem Deus suscitauit à mortuis soluit inferni doloribus*; sed cum doloribus inferni incompossibilis est visio beata; quia summa tristitia pugnat cum summa lætitia; ergo Christus non habuit visionem beatam. 3. *Luc. 22. Nonne oportuit pati Christum, & ita intrare in gloriam suam*; & *Io. 4. Nondum spiritus erat datus*; quia Iesus nondum erat glorificatus; intrare autem in gloriam, & non esse glorificatum dicit carentiam visionis beatæ, in qua consistit gloria; vt constat. 4. Videns Diuinam essentiam in hac vita ita absorbetur, vt nequeat sensibus uti; sed Christus vsus est sensibus; ergo non vidit Diuinam essentiam.

Resp. ad 1. *S. P. Anguill. epist. 120. ad Honorat. c. 6.* Hæc ex persona sui corporis Christus dicit, quod est Ecclesia. Hæc ex persona dicit infirmitatis carnis peccati, quam transfigurauit in eam, quam sumpsit ex Virgine, similitudinem carnis peccati. Hæc Sponsus ex persona Sponse loquitur; quia vnuit eam sibi &c. Erunt duo in carne vnus sacramentum magnum dixit Apost. Ephes. 5. in Christo, & in Ecclesia. Igitur iam non duo, sed vna caro. Si ergo caro vna, profectò competenter etiam vna vox. Vocat igitur suam, quæ sunt nostra, delicta, quia venit illa delere, vt sua. Nec hæc vox est desperantis, sed deprecantis. Nam cum ait: *Quare me dereliquisti*; idem significat, ac *quare non me exaudivisti*; cum deprecaret, vt transiret à me calix passionis, derelinquendo me in medio tormentorum. Hæc tamen verba sunt verba delictorum, quæ delenda suscepit; & sunt longè à salute mea; idest quam meo populo, qui mea morte est redimendus, solum patiendi debui mereri; idcirco si me exaudivisses, cum peterem: *Transfere à me calix iste*; salus longè esset ab hominibus; quia mea morte saluati non essent. Ad 2. resp. idem *S. P. Aug. lib. 12. de Gen. ad lit. c. 29.* intelligi non posse; nisi vt quorundam dolores apud inferos cum soluisse

uisse accipiamus ea potestate, qua Dominus est, cui omne genuflectitur calceum, terrestrium, & infernorum, per quam potestatem etiam illis doloribus, quos soluit, non potuit teneri. Soluit ergo dolores aliorum, tanquam proprios, sicut delevit aliena peccata, ut sua; & ut suam, alienam salutem est operatus. Ad rationem dicitur, quod summa tristitia, quam Christus passus est moriendo, non pugnat cum summa letitia, quam percipiebat Deum videndo; quia illa erat secundum partem inferiorem; & ideo anima affligebatur, prout operabatur circa partem sensitivam, secundum quam non erat beata; & iucundabatur secundum partem superiorem, secundum quam beatitudine fruebatur; hoc enim miraculum fuit in Christo, ut gloria animæ non transfunderetur in corpus; & ideo per corpus eadem anima potuit affligi, quæ videndo Deum summa afficiebatur letitia. Ad 3. dicitur sermonem esse de gloria corporis; corpus enim glorificari non debuit, nisi post passionem. Ad aliud resp. S. P. Aug. lib. 83. qq. 62. Spiritum non fuisse datum manifeste, sed latenter; quia non tunc sic appareret, ut omnes eum datum esse faterentur, sicut etiam nondum erat glorificatus inter homines; sed tamen clarificatio eius aeterna nunquam esse desistit; id est glorificatio latens, qua Deus ab æterno statuit Christum glorificare, nunquam destitit esse in Christo. Ad 4. dicitur mai. esse veram secundum potentiam ordinariam, secundum quam ordinantur puræ creaturæ, quæ ita beatificantur secundum vires superiores, vt etiam beatificentur secundum inferiores; saltem verò de Christo, qui vi Divinæ potentie ita fuit ordinatus, vt per vires superiores Deo frueretur; & per inferiores patiendum Deum nobis peccatoribus propitiaret. Vid. q. 3. art. 3. §. 1. & n. 29. His sup.

4. Prima sententia vult animam Christi vidisse omnia possibilia. Ita Hug. à S. Vict. asserens animam Christi intelligere per intellectum increatam, vt sup. diximus. Alex. verò, Dur. & alij antiqui dixerunt ea videre per intellectum creatam. Tributur etiam Scoti; sed Maffr. h. disp. 5. q. 1. art. 1; & 2. ait Scotum probabiliter tantum docuisse hanc sententiam de facto, & actualiter eo, quia nulla apparet repugnantia; posse tamen verificari habitualiter, non actualiter, quia alijs Beatis Verbum iuxta determinatam mensuram meritum, quæ sunt finita, est speculum voluntarie repræsentans has determinatè creaturas ita, vt plures non possint Beati videre; at verò respectu Christi est speculum voluntarie repræsentans omnia possibilia, quoniam Christi intellectus ob suam finitatem non possit omnia simul actu intelligere; potest tamen quascunque, finitas tamen, cognoscere, quia obiectum secundum se est ostensum omnium in actu primo. Hunc secun-

Mag. Frideric. Nic. Ganardi Tom. 5.

dum modum dicendi amplectuntur Bellus; Fabi; Ferch; & alij Scotista.

5. Secunda vult non videre omnes creaturas possibiles, sed tantum omnia præterita, præsentia, & futura ita, vt scientia beata Christi æquetur scientiæ visionis Dei, non scientiæ simplicis intelligentiæ. Ita plures Thomista, inter quos Godoy, & Gonet, Vassq; & ferè omnes Recentiores; & ex nostris Gibb; qui propterea addunt animam Christi simul videre in Verbo actu infinita categorematicè, quod esse intelligendum de infinitate categorematica, accidentium, non substantiarum addit Gonet.

6. Nostra docet scientiam Christi beatam non æquare nec in claritate cognitionis, neq; in numero scitorum scientiam simplicis intelligentiæ; scientiam tamen visionis æquare in numero scitorum, non tamen in claritate, adeoque non cognoscere infinita categorematicè. Ita Fund. Doct. hic dist. 14. q. 1. art. 1; Argent. ibid. art. 3; Franc. à Christo lib. 4. q. 7; Amici; Sali & alij.

7. Not. scientiam visionis, quæ est in Deo, considerari posse positivè, prout versatur circa futura aliquando ponenda sub actuali existentia; & negativè, prout versatur circa non futura, quæ decrevit Deus non esse futura. De scientia visionis negativè idem dicendum, ac de scientia simplicis intelligentiæ; versatur enim circa omnes creaturas possibiles, quæ remanserunt in statu possibilitatis; non quatenus possibiles sunt, sic enim circa illas versatur scientia simplicis intelligentiæ; sed quatenus sunt non futuræ, seu negativè futuræ; sic enim circa ipsas versatur scientia visionis, vt diximus; 10. 2. de Scient. Dei q. 3. art. 4.

8. Unica concl. Christus per scientiam beatam non cognoscit omnia possibilia, nec omnia futura negativè; sed tantum omnia præterita, & futura positivè, quæ tamen non cognoscit, vt formaliter infinita, sed vt finita; atq; adeo visio Christi beata non æquatur neque in claritate, neque in numero scitorum scientiæ simplicis intelligentiæ; & licet in numero scitorum æquetur scientiæ visionis Dei, attamen ei non æquatur neque in claritate, neque in modo cognoscendi.

Prima pars concl. probata est 10. 1. de Invisib. Dei q. 5. art. 1; vbi ostendimus visionem beatam, quæ terminatur essentialiter ad omnia, quæ sunt formaliter in Deo, aliter non esset beata, si terminaretur etiam ad omnia possibilia, quæ sunt eminenter in Deo, fore comprehensivam, quia cognosceret Deum omnibus modis, quibus cognoscibilis est ita, vt nihil esset in Deo, quod lateret videntem; cognitionem autem comprehensivam repugnare naturæ creatæ eo, quia propria est solius naturæ Divinæ; ibid. ex Scripturis, SS. PP; & rationibus satis ostendimus. Tum quia implicat

M m 2

naturæ

naturam humanam Christi æquari in perfectione naturæ Diuinæ; nam in *Symb. D. Athan.* dicitur: *Minor Patre secundum humanitatem*; quod sæpissimè vrget *S. P. Aug. cont. Arianos*; ergo implicat proprietatem essentialem naturæ humanæ æqualem esse proprietati naturæ Diuinæ; proprietates enim sequitur, & commensuratur cum sua essentia, à qua fluit; sed cognitio est proprietas essentia humanæ; sicut comprehensio est proprietas naturæ Diuinæ; ergo implicat cognitionem, quæ est propria naturæ humanæ, quantumvis eleuata per gratiam etiam vnionis, esse æqualem cognitioni, quæ est propria ipsius Dei; & ideo repugnat scientiam creatam Christi Domini cognoscere omnia possibilia, æquaretur enim cognitioni Dei; quia aliunde cognosceret omnia futura, & omnia prædicata, quæ sunt in Deo formaliter; nihil aliud autem est assignabile, quod cognoscat à Deo; quia sicut nullum aliud ens est reperiibile; ita nullum aliud est cognoscibile, quod sequitur ad ens. Tum quia naturæ creatæ repugnat omniscientia; sicut ei repugnat omnipotentia; sed scire omnia possibilia est actus omniscientiæ; sicut posse producere omnia possibilia est actus omnipotentis; ergo repugnat naturæ creatæ etiam Christi scire omnia possibilia. Hæc probant etiam de omnibus futuris negatiuè sumptis; quia non sunt, nisi possibilia à Deo nolita, vt diximus. *Vid. vbi.* Tandem obstat infinitas; vt mox dicemus.

Refellitur autem *Mastr.* Ad hoc, vt sequatur visio, non sufficit obiectum esse manifestum, & ostensum, sed requiritur virtus cognoscitiua, & lumen proportionatum potentia, vt constat; sed in anima Christi Domini non est virtus cognoscitiua creaturarum possibilem modo allegato à *Mastr.* neque lumen proportionatum; quia talis virtus cognoscitiua deberet extendi ad omnes creaturas posibles, & lumen deberet illas manifestare; adeoque adæquari infinitæ cognoscibilitati ipsius Verbi; v.g. quanuis perfectus Theologus modo cognoscat actu has, vel illas veritates in particulari, non omnes simul; attamen virtus cognoscitiua, & lumen Theologicum extenditur ad omnes veritates, & illis adæquatur; implicat autem virtutem cognoscitiuam, & lumen Christi adæquare cognoscibilitatem infinitam Verbi; quia implicat habere vim infinitam; ergo licet Verbum secundum se sit ostensum omnium creaturarum possibilem; attamen Christus nequit illas disiunctiue, & successiue cognoscere.

9 Prob. 2. pars concl. ex *Io. 13. Sciens, quia omnia dedit ei Pater in manus*; super quod *S. P. Aug. tract. 55. Omnia dederat Pater in manus eius, & in usum mala, & in effectum bona.* Ex quo arguitur. Omnia, quæ fuerunt posita à Deo in manu Christi, fuerunt euidenter co-

gnita per scientiam beatam à Christo; sed præterita, presentia, & futura positiue fuerunt posita à Deo in manu Christi; ergo fuerunt euidenter cognita per scientiam beatam à Christo. Ma. patet ex allato *textu*; nam Christus sciuit omnia, quæ Pater dedit in manus eius; scire autem est euidenter videre. Mi. etiam constat; nam si præterita, vel presentia, aut futura positiue non fuissent posita in manu Christi, non omnia, quæ Deus decreuit facere, posuisset in manu Christi; vt malis bene vteretur, & efficeret bona. Item ex illo *Io. 7. De die, & hora nemo scit, neque Angeli in Cælo, neque Filius, nisi Pater.* Super quod *S. P. Aug. lib. 1. de Trinit. c. 12. inquit: Hoc enim nescit, quod nescientes facit, id est quod non ita sciebat, vt vnde Discipulis indicaret; sicut dictum est ad Abraham: Nunc cognoni, quod timeas Deum, id est nunc feci, vt cognosceres; quia & ipse sibi in illa temptatione probatus innotuit. Nam & illud visque dicturus erat Discipulis tempore opportuno, de quo futuro, tanquam de præterito loquens ait: Iam non dicam vos seruos, sed amicos; seruus enim nescit voluntatem Domini sui; vos autem dixi amicos; quia omnia, quacunque audini à Patre meo, nota feci vobis; quod nondum fecerat; sed quia certò facturus erat, quasi iam fecisset, locutus est; ipsi enim ait: Multa vobis habeo dicere, sed non potestis portare modo; inter qua intelligitur & de die, & hora. Ex quo sic. Ille, qui omnia audiuit à Deo, & loquitur de futuris positiue, sicut de præteritis, nonit præterita, presentia, & futura positiue; aliter nec omnia audisset à Deo, nec de illis loqui posset; quia de eo, quod non cognoscitur, nequit esse locutio humana, quæ est signum verbi, quod intrinsecus latet; sed Christus omnia audiuit à Patre per visionem beatam, per quam ei clarè reuelata sunt omnia; sicut enim nobis obscure, & imperfectè reuelantur per fidem, quia sumus simplices viatores, non comprehensores; ita Christo per visionem beatam, quæ statò loco fidei, sed cum perfectione cognitionis iuxta *Apost. 1. Cor. 13. Cùm venerit, quod perfectum est, enacuabitur, quod ex parte est*; reuelata sunt omnia; & de futuris positiue locutus est, sicut de præteritis; quia, inquit Discipulis reuelasse omnia, quæ reuelauit ei Pater, inter quæ sunt etiam futura positiue, quæ debet eis reuelare per totam æternitatem; de illis enim illuminabuntur ab ipso; ergo per scientiam beatam nonit omnia præterita, presentia, & futura positiue. Item ex *Io. 1. Vidimus gloriam eius, gloriam quasi Vnguenti à Patre, plenum gratia, & veritatis*; de quo *vid. q. 7. art. 2. S. 2. à n. 47; ex quibus sic. Illa gloria, seu visio beata, quæ ita plena est veritatis, vt nec Diuinitus possit augeri, attingit præterita, presentia, & futura positiue; si enim aliud ex his non attingeret, posset augeri, & per consequens non esset plena veritatis; quia plenum**

plenum est illud, quod amplius capere non potest; sed Christus fuit præditus gloria, seu visione beata, quæ fuit plena veritatis ita, vt non potuerit etiam Diuinitus augeri; aliter non esset expleta eius capacitas actualis, & potentialis; & ideo plenitudo veritatis, quæ est in Christo, non excederet plenitudinem, quæ est in Maria, & Ioanne, in quibus sola capacitas actualis fuit expleta, non potentialis; quia natura ipsum potuisset assumi in vitam personæ Diuinæ, & sic recipere gloriam correspondentem naturæ assumptæ; tum quia gloria essentialis, quæ est proprietas vnionis hypostatice, est maxima, sicut illa vniõ maxima est; maximum autem implicat fieri maius, quia maximum est summum, & summum nequit crescere; ergo Christus fuit præditus visione beata, quæ attingit præterita, præsentia, & futura positiue. Tandem prob. Omnes beati per visionem beatam cognoscunt in Verbo eam omnia, quæ spectant ad statum cuiuslibet, vt diximus *to. 1. vbisf. q. 4. art. 3.*; sed omnes creaturæ præterita, præsentia, & futura positiue; & earum actiones spectant ad statum Christi, qui est vniuersalis omnium Redemptor, & Iudex; ergo idem.

10 Prob. 3. pars concl. Nullus actus finitus potest attingere creaturas futuras formaliter, vt infinitas; sed visio beata animæ Christi est actus finitus; ergo nequit attingere creaturas futuras formaliter, vt infinitas. Mi. est certa; quia visio beata animæ Christi est actus creatus, & omne creatum est finitum. Ma. probata est *to. 1. q. 2. proem. art. 1.*; vbi ostendimus, quod inter potentiam, actum, & obiectum debet dari proportio arithmetica, quia debet dari æquatio obiectum enim æquatum est mensura per adæquationem actus, & potentie; aliter non esset obiectum adæquatum, si arithmetice non adæquaret actum, & potentiam; & ratio clara est; nihil enim est magis notum, quam specificatum, & specificatum adæquari inter se ita, vt vnum aliud non excedat; obiectum autem adæquatum est specificatum, & ideo debet arithmetice adæquari cum actus per quod euertitur responsio *Gibb.* Quod si obiectum primum specificatum nequit excedere actum, & potentiam, quia debet illis adæquari; multo magis verificabitur de obiecto secundario, quod non attingitur, nisi ratione obiecti primarij specificati; tum quia si obiectum secundarium potest excedere actum, & potentiam, secundum illud, secundum quod excederet, non attingeretur ratione obiecti primarij, quia obiectum primum ad illud non extenderetur; & sic attingeretur ratione sui, & non esset obiectum secundarium, quod attingitur ratione obiecti primarij, sed esset primum; sed creaturæ infinitæ formaliter, vt infinitæ, non adæquantur actui finito formaliter,

vt finito; quia infinitum, vt infinitum, excedit finitum; ergo nullus actus finitus potest attingere creaturas futuras formaliter, vt infinitas. 2. Si non daretur adæquatio arithmetica inter cognitionem, & obiectum cognitum, nulla esset ratio, cur creatura per actum finitum non posset cognoscere Deum, vt infinitum formaliter, & ipsum comprehendere, seu attingere omnes rationes cognoscibiles, quæ sunt in ipso; tota enim ratio est, quia ad comprehensionem requiritur, quod tanta sit cognoscitiuitas actus, & potentie, quanta est cognoscibilitas obiecti; si autem obiecti cognoscibilitas esset infinita, & cognoscitiuitas actus finita, iam hæc non esset tanta, quanta est illa; ergo sequeretur creaturam posse Deum comprehendere. *Vid. vbisf.*

11 Resp. *Gonet 1. cum Caiet.* per actum finitum non posse videri infinitas substantias, bene tamen infinita accidentia; quia anima Christi videt omnes cogitationes beatorum, & damnatorum, quæ erunt per totam æternitatem successiue quidem in suis durationibus, actu vero in æternitate, quæ cum sit mensura infinita tota simul, actu continet omnia, quæ in proprijs durationibus sunt successiue. 2. Quauis multitudo infinita specie diuersa non possit attingi per actum finitum; multitudo tamen solo numero distincta potest attingi; quia multitudo eorum, quæ specie differunt, ita se habet, vt vnum addat supra aliud perfectionem formalem, ideo arguit maiorem perfectionem in actu illam attingente, cum illum specificet; at multitudo eorum, quæ differunt numero, non addit perfectionem specificam, ideo ab actu finito attingente talem perfectionem specificam in vno indiuiduo potest attingi talis perfectio in infinitis indiuiduis absque eo, quod augeatur perfectio specifica actus. 3. Licet actus finitus, quando attingit plura in se ipsis per proprias species adæquatas, non possit attingere infinita; attamen quando illa plura attinguntur per vnam, & eandem speciem, vt est Diuina essentia, in qua videt anima Christi, potest attingere.

Sed hæc non soluunt. Ad 1. dicitur, quod adæquatio, & proportio actus cum obiecto nedum sumi debet secundum perfectionem entitativam intensiuam, sed etiam secundum quantitatem, & latitudinem extensiuam; implicat enim, quod actus extendatur ad aliquod, quod non sit contentum sub suo obiecto formali, & e contra; sed actus finitus, vt finitus, nequit extendi ad infinita, vt infinita, siue sint substantie, siue accidentia; ergo allata distinctio ruit. Tum quia actus finitus nequit attingere substantias infinitas, non quia substantie sunt, sed præcisè quia sunt infinitæ ita, vt non ratio substantie, sed ratio infinitatis sit impediens attingentiæ, vt docet etiam *D. Thom.* sed infinitas

finitas reperitur etiam in accidentibus; ergo utrobique idem impedimentum. Tum quia Diuina essentia etiam modo finito attacta est maioris perfectionis, quam omnes substantiæ creabiles; perfectio enim Dei infiniti superat perfectiones omnium creaturarum; unde illa potest beatificare, iste verò siue illa non beatificat; sed perfectio Diuinæ essentiae non impedit, ne attingatur per actum finitum modo finito; infinitas autem illius impedit; ergo sola, pura, & præcisa ratio infinitatis, siue sit in substantijs, siue in accidentibus; quæ solum materialiter se habent, efficit, ne actus finitus possit illam attingere, quia nequit illam adæquare, aut ei proportionari. Tum quia sequeretur posse beatum per visionem beatificam cognoscere omnes homines possibiles, qui solo numero differunt; conf. à nullo admittitur; ergo idem; & per hoc patet ad 2. Ad 3. dicitur, quòd si verum esset assumptum, sequeretur, quòd licet beati non possint attingere omnes creaturas possibiles in se ipsis, attamen illas possint videre in Diuina essentia, quod non admittit *Gonet*.

Dicimus itaq; Christum cognoscere cogitationes Beatorum, & Damnatorum, vt finitas in infinitum, & ideo tantum vt sincategorematicè infinitas. Nec aliter representantur in Diuina essentia, aliter falsò representarentur, quia representarentur aliter, ac sunt in se ipsis. Et quanuis in Diuina essentia mensurentur æternitate, & ideo non habeant successionem temporis; attamen representantur, vt successiuæ; quatenus æternitas habet virtualiter cōtinere omnes temporis durationes. Nec sequitur, quòd Christus non videat omnes, sed tantum, quòd illas videat, vt finitas in infinitum. Sicut quanuis Deus videat infinitatem sincategorematicam continui in Diuina essentia; attamen non videt omnes partes continui actū diuinas, & discretas, tunc enim non videret continuum, sed discretum; sed videt illas, vt semper diuisibiles in infinitum; hoc enim exigit essentia continui, & ideo sic debet cognosci; & tamen non sequitur, quòd Deus non videat omnes partes continui, sed tamen semper, vt diuisibiles in infinitum; ita Christus videt omnes cogitationes, sed vt finitas in infinitum, non autem vt actū, & categorematicè infinitas; tunc enim non videret successiuum; quod ex sua natura exigit sic esse, & per consequens sic cognosci; nec sequitur, quòd non videat omnes, sed tantum quòd illas videat, vt finitas in infinitum; quæcunque enim illarum est essentialiter finita, licet post quantlibet possint dari aliæ finitæ in infinitum; nunquam tamen erunt actū formaliter infinitæ categorematicè, quia ex sua ratione petunt habere successionem aliarum in infinitum. *Vid. tom. 2. de scient. Dei quest. 2. artic. 4; vbi*

hanc rem fusè examinauimus.

12. Probantur aliæ partes concl. 1. Quòd scientia visionis Christi non æquetur scientiæ visionis Dei sic. Scientia visionis Dei regulatur lumine increato; & visio animæ Christi lumine gloriæ creato; sed lumen increatum est infinitè clarius lumine creato; & visio eò clarior est, quòd fit sub clariori lumine; ergo visio creata Christi est inæqualis in claritate visioni increatæ ipsius Verbi. Præterea non cognoscit per visionem beatam omnia possibilia; ideo non æquatur scientiæ simplicis intelligentiæ, qua possibilia comprehenduntur, & licet cognoscat omnia futura positiua, non tamen omnia futura negatiua; ergo neque æquatur per omnia scientiæ visionis; & ideo necundum humanitatem est minor Patre, sed etiam secundum scientiam propriam humanitatis est minor scientia, quæ est propria Diuinitatis.

13. Ex dictis collig. visionem beatam animæ Christi Domini esse minorem visione increata, maiorem tamen visione creata cuiuslibet alterius creature; quia non omnia comprehendit, vt Deus; & plura cognoscit, quam pura creatura; cognoscit enim omnia futura, quod non conuenit cuius creaturæ; nulli enim reuelata est dies iudicij, vt habetur ex Scripturis; & ideo nulla pura creatura cognoscit omnia futura.

14. Obijc. 1. cont. 1. part. concl. *Coloss. 2.* dicitur de Christo: *In quo sunt omnes thesauri scientiæ, & sapientiæ Dei.* 2. *Apocal. 5.* *Dignus est Agnus accipere sapientiam;* super quod *Glos.* inquit: *Id est omnium cognitionem, sicut Verbum, cui vnitus est.* 3. In Christo non est ignorantia, quia ignorantia est poena peccati, quod non fuit in Christo; ergo sciuit omnia possibilia. 4. Ex cognitione eorum, quæ sunt formaliter in Deo, non sequitur comprehensio Dei; ergo nec ex cognitione eorum, quæ sunt in ipso tantum eminenter; hæc enim sunt minùs perfecta, quam illa.

Resp. ad 1. intelligi de Christo, vt Verbum est, quod est *virtus, & sapientia Patris*; cum enim cognitio comprehensiuæ sit pretiosissima notitia contenta in thesauris sapientiæ Dei, si in Christo, vt homo est, essent omnes thesauri sapientiæ Dei, Christus, vt homo, comprehenderet Deum; & sic vt homo, non esset minor Patre secundum intellectualitatem; & quia intellectualitas est constitutiuæ naturæ Diuinæ, ideo vt homo, non esset minor Patre, quod est contra fidem; sicut enim à proprietate naturæ humanæ arguitur ad proprietatem naturæ Diuinæ; ita à natura humana argui potest ad naturam Diuinam. Vel dicitur *Apost.* intelligendum esse de scientia, & sapientia visionis quoad numerum scitorum, non de scientia simplicis intelligentiæ. Ad 2. resp. *noſter Argent.* *Glosam* loqui de scientia visionis,

tionis, quæ respicit futura, non possibilia. A 3. dist. ant. Ignorantia positiua, quæ est idem, ac nescientia eorum, quæ scire non potest, neg; hæc enim non est poena, sed defectus proprius naturæ creatæ; ignorantia priuatiua eorum, quæ scire potest, & tenetur, conc; ignorantia, autem possibilem non est priuatiua, vt constat. Ad 4. neg. conf. nam ea, quæ sunt in Deo formaliter, sunt finita secundum numerum, vt diximus 10. 1. q. 1. de Attr. in com. art. 6; ideo ad ea cognoscenda non requiritur cognitio infinita; at possibilia sunt infinita secundum numerum, ideo ad ea cognoscenda requiritur cognitio infinita; & quantum hæc cognitio, licet infinita, sine cognitione eorum, quæ sunt formaliter in Deo, non esset comprehensiuæ, quia esset tantum infinita in genere, non simpliciter in omni genere; attamen supposita cognitione eorum, quæ sunt formaliter in Deo, quæ cognitio essentialiter conuenit omni beato, quia sine illa beatus non esset, esset comprehensiuæ; nam nihil Dei lateret videntem; vt diximus 10. 1. de Inuisib. Dei ubi; ubi videlicet obiectiones.

15 Obijc. 2. cont. 2. part. concl. Visio beata Christi non attingit se ipsam per modum obiecti secundarii; quia obiectum debet antecedere visionem, quæ paritur ex illo; vt docet S. P. Aug. lib. 9. de Trin. cap. 12; ergo non attingit omnia præsentia. 2. Si Christus per suam visionem beatam cognosceret suam visionem, cognosceret etiam eius æternitatem; sed conf. est falsum; aliter cognosceret se esse indefectibilem etiam de potentia Dei absoluta; quia, repugnat visioni beatæ falsitas non minus, quæ repugnet fidei; & ideo semel posita visione, Deus non posset illam destruere, quia non potest illā falsificare; quod eueniret, si dato, quod cognosceret se esse æternam, Deus illam destrueret, sic enim æterna non esset; sed visio beata ex sua natura est defectibilis, quia Deus de sua potentia absoluta potest illam destruere; solus enim Deus est simpliciter indefectibilis iuxta illud 1. Tim. 2. *Qui solus habet immortalitatem*; ergo falsum est ant. 3. Si Christus vidisset omnia futura, vidisset etiam omnes suos actus liberos futuros; sed conf. repugnat; aliter sequeretur, quod stante tali visione, quæ infallibilis est, non potuisset eos non elidere, quod pugnat cum eorum libertate; ergo idem.

Resp. ad 1. dist. ant. Non attingit se ipsam in se ipsa formaliter, transcat; in Deo, vt in obiecto, in quo eminenter continetur, & a quo effectiue causatur, neg. Ad 2. neg. mi. Ad prob. dicitur, quod per visionem beatam cognoscitur illam esse indefectibilem de potentia ordinaria, defectibilem tamen de potentia absoluta; ideo si de potentia absoluta destrueretur à Deo, non falsificaretur, quia cognouisset se

esse æternam solum de potentia ordinaria, non de absoluta. Ad 3. neg. mi. Ad prob. dicitur infallibilitatem scientiæ non tollere libertatem actuum, qui per illam præuidentur; sicut ex eo, quod Deus infallibiliter præuideat actus nostros liberos, non tollit libertatem ab illis, vt arguebant *Stoici*, & *Epicurei*, quorum est hoc argumentum, qui propterea negabant Deo præscientiam futurorum; ita à pari. *Vid. solutionem huius 10. 2. de scient. Dei q. 3. art. 3.*

16 Obijc. 3. Si Christus cognosceret omnia præsentia, præterita, & futura, eius visio æquaretur scientiæ visionis Dei, quæ tantum ista cognoscit; sed conf. est falsum; tum quia sicut implicat naturam creatam æquari naturæ Diuine; ita repugnat actui naturæ creatæ æquari actui naturæ Diuine; tum quia sequeretur animam Christi comprehendere futura, sicut illa comprehendit Deus. 2. In tantum Christus cognoscit omnia futura, in quantum pertinent ad eius statum; sed hæc ratio non probat 1. Quia Angeli quoad beatitudinem, & damnationem essentialem non pertinent ad statum Christi; nam vt docet D. Thom. hic q. 9. art. 6; Christus non est Iudex Angelorum quoad beatitudinem, & damnationem essentialem; non enim quoad hoc est Caput illorum. 2. Omnes creaturæ pertinent ad statum proprium B. Virginis eo, quia est illarum Regina; & tamen B. V. non cognoscit omnes actus futuros creaturarum. 3. Dies iudicii vniuersalis pertinet ad statum proprium Apostolorum, quia ipsi erunt Iudices iuxta illud: *Sedebitis super sedes duodecim iudicantes duodecim tribus Israel*; & tamen dies iudicii ignoratur ab Apostolis *Ioan. 7; & Marc. 13*; ergo idem.

Resp. ad 1. cum Fund. Dist. dist. seq. Æquaretur quoad numerum scitorum, conc; quoad modum, & claritatem cognoscendi, neg. Vel æquaretur visioni Dei, quatenus limitatur ad sola entia positiua, conc; quatenus extenditur ad positiua, & negatiua, neg; & hoc sufficit ad hoc, vt hæc equalitas sit imperfecta, quæ non repugnat inter Deum, & creaturas. Ad 1. prob. dicitur repugnare naturam creatam perfecte æquari, non autem imperfecte. Ad 2. prob. neg. assumpti; quia comprehensio debet esse æquatiuissima obiecto; vnde imperfecta æquatio, seu assimilatio non est comprehensio. Ad 2. neg. mi. Ad 1. prob. dicitur Angelos pertinere ad guberniū extrinsecum, & intrinsecum accidentale, & hoc sufficere, vt omnes actus illorum, qui procul dubio spectant ad gloriam accidentalem, præuideantur. Ad 2. prob. dist. Omnes creaturæ pertinent ad statum B. Virginis, tanquam ad suppositum influens immediate in illas, neg, tanquam ad Matrem suppositi influentis in illas, conc; vnde ratione maternitatis dicitur Regina. Ad 3. dicitur Apostolos venturos ad iudiciū,

dicium, tanquam Iudices, non auctoritate propria, sed aliena, scilicet Christi; ideo cognitio illius diei non spectat ad statum proprium illorum; solus enim Iudex debet scire, quomodo, & quando &c.

A R T. II.

An ultra visionem beatam scientia supernaturalis per se infusa sit in anima Christi?

1 **Q**uæritur; an sicuti Christus cognouit in Verbo creaturas, per visionem beatam; ita illas cognouerit in proprio genere, seu in se ipsis extra Verbum; & sermo est de mysterijs gratiæ, quæ sunt supernaturalia; & ideo an fuerit in Christo aliqua scientia supernaturalis, per quam illa cognouerit; nam de creaturis ordinis naturæ, & de scientia naturali, qua illas cognouit, in seq. dicemus. Tandem sermo est de scientia per se infusa, quæ ita à solo Deo infunditur, ut nequeat per actus acquiri; non autem de scientia per accidens infusa, quæ potuisset acquiri per actus, ut fuerunt scientiæ naturales in Adam congenitæ.

2 Prima sententia vult in Christo non fuisse scientiam supernaturalem per se infusam, sed tantum infusam per accidens. Tribuitur *Alex. D. Bon. Scot. in 2. d. ff. 14. q. 3; Dur. ibid. quest. 4; Gabr. ibid. quest. 1. art. 1. concl. 4; & Nominalibus.*

3 Secunda sententia, quæ communissima est, concedit in Christo ultra visionem beatam scientiam supernaturalem per se infusam. Ita nonissimè *Godoy hic q. 9. tract. 7. disp. 42. §. 4; Gonet disp. 17. art. 13; Gibb; & omnes alij.* Sed isti rem non explicant; aiunt enim, quod Christus hac scientia cognouit abstractiuè Diuinam essentiam, & Trinitatem; propter quod illam vocant abstractiuam, non quiditatuam; quanuis aliqui concedant eam, prout versatur circa entia supernaturalia creata, esse quiditatuam, imò & comprehensiuam. Tandem videntur asserere hanc scientiam esse distinctā à scientia, quæ est donum Spiritus Sancti, quam dicunt ad illam reduci, sicut reducuntur intellectus, & sapientia. Ut igitur distinctius procedamus; & rescindantur difficultates, quas suis inuolucris pepererunt sibi *Recentiores.*

4 Vnica concl. Datur in Christo scientia supernaturalis per se infusa, quæ non est, nisi scientia, quæ est donum Spiritus Sancti. Prob. 1. ex *Rom. 8. Cum illo omnia nobis donauit*, sic. Scientia per se infusa, vt contradistincta à scientia, quæ est donum Spiritus Sancti, non datur in anima iustorum; ergo neque in anima Christi. Prob. ant. Anima iusti, vel consideratur in

via; & sic in ipsa ultra scientiam, quæ est donum Spiritus Sancti, non datur, nisi fides, vel habitus Theologicus fidei innixus, quo cognoscuntur entia supernaturalia, vt constat; vel consideratur in patria; & sic in ipsa datur visio beata, quæ fidei, vel habitui Theologico subrogatur iuxta *Apost. 13. Cor. 13. Sive prophetia euacuabuntur, siue lingua cessabunt, siue scientia destruetur.* Ex parte enim cognoscimus, & ex parte prophetamus. Cum autem venerit, quod perfectum est, euacuabitur, quod ex parte est; id est cum succedet visio beata, quæ est perfecta cognitio Dei, cessabit, & destruetur qualibet cognitio imperfecta, quæ ex parte, id est abstractiuè cognoscit; & rationem reddit: Cum esset paruulus, loquebar, vt paruulus; sapiebam, vt paruulus; cogitabam, vt paruulus. Quando autem factus sum vir, euacuauit, quæ erant paruuli. Iusti autem in via sunt paruuli, quia semper debent crescere in perfectione; & doctrinæ celestis pabulo debent nutrir; cum autem sunt in patria, iam sunt in plenitudine ætatis Christi; ergo iusti in alia vita ultra scientiam, quæ est donum Spiritus Sancti, non habent, nisi visionem beatam; quapropter concludit *Apost.* quod visio specularis in enigmate cessabit, cum videbimus facie ad faciem; cognitio scilicet, qua nunc abstractiuè cognoscimus, cessabit, cum visio intuitiua succedet. Prob. conf. Si aliquis habitus per se infusus esset in Christo, & non in nobis, Deus non omnia nobis donasset, nec Christus nobis omnia dona creata, quæ in ipso sunt, permississet; quod est cont. *Apost. Vid. to. 1. q. 4. proem. art. 2.* Tum quia si daretur in Christo scientia supernaturalis per se infusa distincta à visione beata, & à scientia, quæ est donum Spiritus Sancti, vel colligeretur ex *Scripturis*; vel ex ijs, quæ videmus in nobis; neutrum dici potest; ergo neque primum. Ma. patet; quia nulla est alia via ad id probandum, nisi per auctoritatem, & per rationem, quæ procedit ex naturalibus eleuatis per lumen supernaturale. Prob. mi. *Textus*, qui afferuntur ex *Scripturis*, manifestè loquuntur de scientia, quæ est donum Spiritus Sancti, vt *Isaia 11. Requiescet super eum Spiritus Domini &c; Spiritus scientia*; item in nobis non datur præter scientiam, quæ est donum, nisi habitus Theologicus lumini fidei innixus; qui in Christo non est, cum in ipso non sit fides, cui innititur iste habitus; ergo idem. **2.** Quilibet scientia innititur alicui lumini; & per consequens vel lumini gloriæ, quod est clarum, & euident; vel lumini fidei, quod est obscurum; vel lumini naturali; nam præter ista tria lumina nullum aliud lumen dari diximus *to. 1. q. 2. proem. art. 3. etiam ex D. Tho. 1. p. q. 106. art. 1. ad 2;* quod autem scientia inniti debeat alicui lumini, constat; quia nulla cognitio fit sine lumine, vt docet *S. P. Aug. 12. de Trin. c. vlt;* & ratio

& ratio est; quia nihil potest sciri, nisi sit manifestum intellectui scientis; quandiu enim est occultum, nescitur, non manifestatur autem, nisi per lumen iuxta illud *omnes quod manifestat, lumen est*; tum quia intellectus est oculus animæ, sicut autem oculus corporis nequit sine lumine videre; ita neque intellectus; sed scientia abstractiue cognoscens entia supernaturalia non innitur lumini gloriæ; quia hoc ostendit euidenter, non abstractiue, seu obscure; abstrahens enim ab aliquo non videt id, à quo abstrahit; & ideo ei est obscurum; neque lumini fidei; quia hoc non est in Christo; neque lumini naturali, quod nequit ostendere obiecta supernaturalia; ergo hæc scientia non est in Christo. 3. *S. Tho. opus. 2. c. 116. ait: Quia nulla perfectio creaturis exhibitæ animæ Christi deneganda est, conuenienter præter cognitionem, quæ Dei essentiam vidit, & omnia in ipsa, triplex alia cognitio est ei attribuenda; una quidem experimentalis, sicut alijs hominibus; in quantum aliqua per sensus cognouit; alia Diuinis infusa ad cognoscenda omnia illa, ad quæ naturalis cognitio hominis se extendit, vel extendere potest &c. Sed quia Christus secundum humanam naturam non solum fuit Reparator nature, sed etiam gratia propagator, affuit etiam ei tertia cognitio, quæ plenissime cognouit, quidquid ad mysteria gratiæ pertinet, quæ naturalem hominis cognitionem excedunt, sed cognoscuntur ab hominibus vel per donum sapientiæ, vel per spiritum prophetiæ.* Ex quibus sic. Quæ versantur circa idem obiectum formale specificum, specie non distinguuntur; distinctio enim specifica sumitur ab obiecto formali specifico; sed scientia supernaturalis per se infusa Christi versatur circa idem obiectum formale specificum, circa quod versatur scientia per se infusa alijs hominibus, quæ est donum Spiritus Sancti; ergo ab ipsa non distinguitur. Tum quia si scientia per se infusa Christi distingueretur à scientia, quæ est donum Spiritus Sancti, sequeretur, quod præter visionem beatam, daretur in Christo quadruplex, non triplex scientia; quia daretur scientia, quæ est donum; scientia infusa; scientia naturalis; & scientia experimentalis; sed conf. est *cont. S. Tho.* asserentem, quod præter visionem beatam triplex alia cognitio est ei attribuenda; ergo dicendum est *S. Thomam* tenuisse scientiam per se infusam Christi non fuisse distinctam à scientia, quæ est donum Spiritus Sancti. 4. Sola scientia, quæ est donum Spiritus Sancti, ita infunditur à Deo, vt non possit per actus acquiri, vt constat; & per ipsam cognoscuntur res supernaturales; sed hæc datur in Christo; ergo nomine scientiæ per se infusæ rectè intelligitur scientia, quæ est donum. Prob. ma; nam scientia abstractiua, quæ est habitus Theologicus, ita infunditur, vt possit etiam acquiri per actus; ideoque est infusa.

Mag. Frideric. Nic. Ganardi Tom. 5.

per accidens. 5. Omnis perfectio intellectus propria naturæ humanæ, quæ non est incompossibilis cum statu beatitudinis perfectæ, in Christo est admittenda; sed scientia per se infusa, quæ est donum Spiritus Sancti, est huiusmodi; ergo idem. Ma. probata est *q. 7. art. 2. §. 3. ex illo lo. 1. Plenum gratiæ, & veritatis*; si enim Christus in instanti suæ conceptionis non habuisset omnem perfectionem intellectus, non fuisset plenus gratiæ, & veritatis; quia ei defuisset perfectio supernaturalis, quæ gratia est, cum sit naturæ indebita, quæ veritates supernaturales potest cognoscere. Prob. mi. Habitus, quo per species supernaturales potest intellectus humanus entia supernaturalia in proprio genere, seu in se ipsis extra Diuinam essentiam cognoscere, est perfectio propria intellectus creati Angelici, & humani; in hoc enim distinguitur intellectus creatus ab intellectu Diuino, quod Diuinus ita cognoscit omnia in Diuina essentia, & per Diuinam essentiam, tanquam per speciem omnia repræsentantem, vt repugnet ipsum per species acceptas cognoscere aliquid extra ipsam; intellectus verò creatus ita cognoscit per Diuinam essentiam in Diuina essentia, vt non repugnet cognoscere etiam per species extra Diuinam essentiam; aliter non daretur in beatis scientia naturalis, quæ cognoscunt res naturales in se ipsis, cum per visionem beatam illas videant in Diuina essentia; & aliunde iste habitus non pugnat cum visione beata, quia non est abstractiuius lumini obscuro fidei innixus, vt dictum est; sicut propter eandem rationem cum illa, non pugnat habitus scientiæ naturalis; sed scientia, quæ est donum Spiritus Sancti, est habitus, quo per species supernaturales cognoscuntur entia supernaturalia in se ipsis; aliter non distingueretur à visione beata, & sic in Christo non darentur dona Spiritus Sancti, vt diximus *q. 7. ubi*, ergo scientia, quæ est donum Spiritus Sancti, est perfectio propria intellectus creati, quæ non est impossibilis cum statu beatifico. Tandem scientia abstractiue cognoscens est rusticana, adeoque imperfectissima; rusticus enim non minus, ac sapiens dicitur Solem cognoscere quoad *an est*; & tamen ille dicitur cognoscere imperfectissimo modo, quia non penetrat Solis quiditatem; iste verò perfecte, quia quiditatem agnoscit; sed in Christo non fuit scientia imperfecta, quia in ipso fuit plenitudo omnium perfectionum, quæ possunt creaturis communicari; ergo scientia abstractiue cognoscens non est in Christo. Sed hæc omnia magis patebunt ex solutione argumentorum.

5. Obijc. 1. *lo. à S. Tho.* Ad maiorem perfectionem animæ Christi pertinet, vt cognoscat res pluribus modis; aliter si sufficeret cognoscere vno modo, esset in ipsa tantum visio beata,

N n

qua

qua cognoscit in Verbo omnes res naturales, & sic remouenda esset ab ipsa scientia naturalis, qua cognoscit res naturales in se ipsis; ergo nedum ponenda est in ipsa visio beata, qua cognoscit mysteria gratiæ in Verbo, sed etiam scientia supernaturalis per se infusa, qua cognoscit mysteria gratiæ abstractiue in se ipsis. 2. Modus cognoscendi per species obiecta in se ipsis extra Deum est connaturalis animæ creatæ; nam cognoscere omnia in Verbo propter excessiuam perfectionem superat modum cognoscendi naturale proprium creaturæ; sed est magna imperfectio priuari intellectum modo sibi naturali cognoscendi; ergo est magna imperfectio non ponere in anima Christi scientiam per se infusam cognoscentem per species creatas entia supernaturalia. 3. Vt aliquis Doctor possit alios docere, & illuminare, debet communicare in doctrina cum addiscente, & ei proportionari; vnde Angeli superiores illuminant inferiores diuidendo species vniuersales, quas habent, & illas accommodando capacitati intellectus Angelorum inferiorum, qui nequeunt per species adeo vniuersales intelligere; sed Christus est supremus Doctor Ecclesiæ militantis, & triumphantis docens, & illuminans homines, & Angelos; ergo in Christo debet esse scientia supernaturalis vtens speciebus creatis, quas solum potest diuidere, & partiri; nam essentia Diuina est impartibilis, & indiuisibilis. 4. In Christo debet esse scientia supernaturalis regulatiua meriti supernaturalis; sed visio beata nequit esse huiusmodi; quauis enim possit regulare actus circa ea, quæ liberè diliguntur in Deo; attamen nequit regulare actum charitatis, quo diligitur Deus in se in ipso, in quo actu consistit principaliter ratio meriti; ergo idem.

Resp. hæc omnia rectè concludere de scientia, quæ est donum Spiritus Sancti, quæ vt potè perfectissima, ponenda est in Christo, non autem de scientia abstractiua, quæ propter suam imperfectionem remouenda est ab anima Christi. Ad 1. dist. ant. Ad perfectionem animæ Christi pertinet cognoscere pluribus modis perfectis possibilibus intellectui creato, conc; imperfectis, qui conueniunt intellectui imperfecto cognoscenti, neg; aliter in Christo esset etiam modus cognoscendi per fidem, & per species intellectuales acceptas à rebus, quod tamen est falsum. Ad 2. dist. ina. Modus cognoscendi per species clarè, & quidditatiue est connaturalis; & perfectus; & intellectum hoc priuari est magna imperfectio, conc; modus cognoscendi abstractiue, neg; & in hoc sensu neg. mi. Ad 3. iam dictum est 10. 3. de Ang. q. 6. art. 1. §. 2. Dist. igitur ma. Doctor debet communicari in doctrina, & proportionari addiscenti quantum ad locutionem externam, conc; quantum ad modum habendi scientiam, neg;

de Deo enim psal. 93. dicitur: *Qui docet hominem scientiam*; & tamen Deus non intelligit per species creatas. Sufficit ergo Doctorem accommodari capacitati addiscentis secundum locutionem, secundum quam potest diuidere id, quod simul repræsentatur, vt diximus ubi sup. Ad 4. iam diximus in sup. q. art. 1. §. 2.

6. Objc. 2. Godey. Intellectus animæ Christi fuit creatus cum omni perfectione, cuius est capax; aliter si non habuisset actu omnem perfectionem, cuius est capax, fuisset in potentia passiuæ ad illam recipiendam; & sic fuisset imperfectus, quia potentia passiuæ excludens actum, ad quem est in potentia, est imperfecta; sed intellectus animæ Christi est capax cognoscendi res creatas in se ipsis extra Deum per species creatas; ergo in Christo fuit scientia per se infusa, qua cognoscuntur res creatæ, in se ipsis. 2. S. P. Aug. in libris de Gen. ad lit. docet in Angelis esse cognitionem *matutinam*, qua cognoscuntur res in Verbo; & *vespertinam*, qua cognoscuntur res extra Verbum per species à Deo infusas; ergo & in Christo, qui perfectiori modo cognoscit, quàm Angelus, præter visionem beatam, qua omnia in Verbo cognoscit, statuenda est alia scientia per se infusa, qua per species à Deo concreatas omnia in se ipsis cognoscit.

Resp. eodem modo hæc procedere de scientia, quæ est donum Spiritus Sancti, & quæ perfecta est, non de scientia abstractiue cognoscente, quæ ob suam imperfectionem remouenda est à perfectissimo cognoscente, sicut est Christus. Ad 1. dist. mi. Intellectus Christi est capax cognoscendi per scientiam perfectam, quæ est donum, conc; per scientiam abstractiuam, neg; talis enim scientia, vt potè imperfecta, non est perfectio conueniens intellectui perfectissimo inter omnes intellectus creatos. Ad 2. dictum fuit 10. 1. q. 4. *proam. art. 2. m. 9; & 10. 3. in flexam. q. 1. art. 10. m. 32.* scientiam matutinam, prout distinguitur à cognitione meridiana, qua significatur visio beata, & cognitionem naturalem; sicut enim eadem scientia naturali cognoscuntur res naturales dupliciter, scilicet à posteriori, cum causa cognoscitur per suos effectus; & à priori, cum effectus cognoscuntur per causam; ita cognitio vespertina, qua per creaturas cognoscitur Deus; & cognitio matutina, qua cognoscuntur creaturæ, vt exeunt à Verbo, quod est principium, per quod facta sunt omnia, pertinent ad eandem scientiam naturalem; & distinguuntur à scientia, qua res cognoscuntur in Verbo. Vnde sicuti in Angelis præter has duas cognitiones, qua cognoscuntur res naturales extra Verbum; siue à priori, prout exeunt à Verbo; siue à posteriori, prout sunt in se ipsis, non datur alia scientia, qua cognoscuntur res supernaturales extra Verbum, nisi illa, quæ est

est donum Spiritus Sancti, qui diffundit sua dona nedum in cordibus hominum, sed etiam Angelorum, vt docet S. P. Aug. de Civ. Dei lib. 12. c. 9. asserens: *Considendum est igitur cum debita laude Creatoris non ad solos sanctos homines pertineret; verum etiam de sanctis Angelis posse dici, quod charitas Dei diffusa sit in eis per Spiritum Sanctum, qui datus est eis.* Ita dicendum est de anima Christi.

7 Obijc. 3. Scientia supernaturalis, quæ anima Christi cognoscit mysteria gratiæ extra Verbum, nequit attingere Deum quiditativè intuitivè; quia nulla species creata potest representare quiditativè Deum, vt diximus 10. 1. de Innisib. Dei; & intuitio terminatur ad rem in se ipsa, non in alio visam; ergo talis scientia est abstractiva, non intuitiva, aut quiditativa.

Resp. hoc petere, quid sit scientia propriè abstractiva; & quid sit obiectum formale scientiæ, quæ est donum Spiritus Sancti? Quoad 1. dicitur scientiam abstractivam propriè esse illam, quæ ex pluribus veritatibus contentis sub suo obiecto formali potest vnam cognoscere alia non cognita; vt quia animalitas, & rationalitas in homine continentur sub obiecto formali intellectus creati naturalis, ideo intellectus cognoscens animalitatem sine rationalitate dicitur abstractivè cognoscere. Ex eo autem; quod vna scientia non cognoscat aliquod, quod non continetur sub suo obiecto formali, non dicitur abstractivè cognoscere; aliter visio beata, qua non cognoscitur Deus, vt comprehensibilis infinitè, esset abstractiva. Igitur quotiescunque aliqua res quoad an est, & quoad quid est continetur sub obiecto formali alicuius scientiæ, tunc cognoscens illam rem quoad an est tantum dicitur abstractivè cognoscere. At si illa res continetur sub aliquo obiecto tantum quoad an est, non quoad quid est; tunc cognoscens illam tantum quoad an est non dicitur abstractivè cognoscere. Quoad 2. dicitur obiectum scientiæ, quæ est donum Spiritus Sancti, esse ens supernaturale creatum, prout à Deo, vt est Auctor gratiæ, produci- tur; vnde Deus secundum suam quiditatem intrinsecam, seu quoad quid est non ingreditur obiectum formale huius scientiæ, vt dicemus in seq. §. Vnde ad arg. neg. conf. quia Deus quoad quid est non spectat ad obiectum formale huius scientiæ; ideo hæc scientia non est abstractiva ex eo, quod non cognoscat Dei quiditatem; sufficit enim, quod Deum cognoscat, vt habet rationem principij entium supernaturalium; sicut ex eo, quod scientia naturalis cognoscat Deum tantum quoad an est, vt habet rationem principij naturalis, non dicitur scientia naturalis abstractiva; non enim dicitur abstractiva ex eo, quod non possit aliquid cognoscere; sed ex eo, quod non cognoscat aliquod, quod potest cognoscere; aliter omnes scien-

tiæ naturales essent abstractivæ, non enim omnia cognoscunt; quia non habent pro obiecto omnes res; nec dicuntur imperfectæ ex eo, quod non cognoscant aliquod non contentum sub suo obiecto formali; sed perfectæ, quia omnia cognoscunt, quæ continentur in latitudine sui obiecti formalis. Sic dicendum de scientia Christi.

8 Quæres; an hæc scientia comprehendat entia supernaturalia?

Resp. negatiuè; cognitio enim comprehensiva cuiuslibet rei ita est propria Dei, vt repugnet cuiusque naturæ creatæ; vt diximus in sup. art. & 10. 1. de Innisib. Dei q. 5. ar. 1; & alibi; vbi ostendimus Angelum nec parvissimam formicam posse comprehendere.

9 Obijc. 4. pro 1. sent. Carentia negatiua formæ non arguit imperfectionem in subiecto; vt carentia perfectionis Angelicæ in homine, non arguit imperfectionem in illo; sed carentia scientiæ per se infusæ in Christo est negatiua, quia talis scientia est indebita naturæ humanæ, cum sit supernaturalis; ergo nulla esset imperfectio in Christo, si in eo non esset talis scientia. 2. Potentia obediencialis animæ Christi sufficienter expletur per visionem beatam, per quam cognoscuntur omnia gratiæ mysteria, & omnia entia naturalia; ergo scientia per se infusæ superfluit.

Resp. ad 1. neg. mi. Ad prob. insert. diff. Scientia per se infusæ est indebita naturæ humanæ præcisè sumptæ; conc. vt eleuata ad ordinem hypostaticum, cui competit omnis perfectio supernaturalis secundum capacitatem actualem, & potentialem, neg. Ad 2. diff. ant. Potentia obediencialis animæ expletur per visionem beatam per ordinem ad eundem modum cognoscendi, conc. per ordinem ad diversos modos cognoscendi, neg. Hoc probaret neque scientiam naturalem esse in Christo.

§. I.

Afferuntur aliquot corollaria.

10 Collig. 1. obiectum scientiæ per se infusæ esse omnes actus creatos ad vitam æternam consequendam conducentes ex motione Spiritus Sancti, atque adeo obiectum formale esse entia supernaturalia creata, quia virtutes, & operationes earum sunt quid creatum; Deum autem non includi in hoc obiecto, nisi quatenus principium effectuum, & finis; eius tamen quiditas nullo modo pertinet ad obiectum formale huius scientiæ, & annectis præsupponitur. Primum docent omnes Theologi teste Lug; aliqui tamen aiunt per hanc scientiam cognosci mysterium Trinitatis per eundem in attestante; quæ cognitio, cum per-

tineat ad fidem, remouenda est à Christo, sicut remouetur fides; & alij sentiunt *ferè communiter* cognosci Trinitatem euidenter *quoad an est*. Deducitur tamen ex *Fund. Doct. in 3. dist. 32. p. 1. q. 1. art. 1; & dist. 33. p. 1. q. 1. art. 1. §. Fugiens*; vbi ait; quòd iudicare de rebus creatis pertinet ad donum scientiæ; & *Argent. ibid. dist. 35. q. 1. art. 2. Prob. ex S. P. Aug. lib. 1. de firm. Domini in monte c. 9; & de temp. firm. 209*; vbi ait omnes gentes de septiformis Spiritus gratia esse repletas in vitam æternam; ex quo sic. Illud, ad quod ordinatur aliquis habitus, vel actus, est obiectum formale illius; sed scientia, quæ est donum Spiritus Sancti, ordinatur ad vitam æternam consequendam per actus virtutum ex speciali impulsu Spiritus Sancti, per hoc enim constituitur donum scientiæ; vt diximus *10. 4. de Donis Spiritus Sancti art. 1*; vita autem æterna hic sumitur formaliter pro actu beatifico, non obiectiue pro obiecto beatifico; ergo vita æterna consequenda per actus virtutum ex impulsu Spiritus Sancti est obiectum formale scientiæ per se infusæ, quam diximus esse donum Spiritus Sancti. *Vid. ubi alias rationes.* 2. Si scientia per se infusa haberet pro obiecto formali primario Deum, & pro obiecto secundario creaturas, non haberet, per quid specie distingueretur à visione beata; non enim sufficeret tendere in Deum ex impulsu Spiritus Sancti, quia distinctio formalis sumitur ab obiecto formali, non à modo tendendi in obiectum; hinc licet Theologia beatorum, & viatorum diuersimodè tendat in Deum, quia illa tendit sine discursu; hæc cum discursu; attramen est eiusdem rationis, & speciei, quia vtriusque est idem obiectum formale; ergo scientia per se infusa habet pro obiecto formali tantum entia creata. 3. Dona Spiritus Sancti sunt proprietates in Christo sequentes ad visionem beatam; & in hominibus iustis sequentes ad fidem, spem, & charitatem; ergo supponunt illarum obiecta; sicut enim se habet actus ad actum; ita obiectum ad obiectum; & ideo sicut actus proprietatis supponit actum essentia, ad quam sequitur proprietas; ita obiectum formale vnius actus supponit obiectum formale alterius; sed visio beata, & fides habent pro obiecto formali Deum secundum quiditatem, & annuitatem; ergo actus scientiæ, quæ est donum, supponit Deum *quoad quid est*, & *quoad an est*. Idem docet *S. Tho. hic q. 11. art. 1*; vbi ait, quòd Christus ipsam Dei essentiam per hanc scientiam non cognouit, sed solum per visionem beatam.

11 Dices cum *10. à S. Tho. 1.* Christus per scientiam infusam cognouit omnia mysteria gratiæ; sed multa mysteria nequeunt cognosci absq; cognitione quiditatis, & annuitatis Dei; baptisimus enim nequit cognosci sine cognitione Trinitatis; ergo per scientiam infusam co-

gnoscitur formaliter quiditas, & annuitas Dei. 2. Christus per hanc scientiam debuit docere omnes quiditatem, & annuitatem Dei; ergo per hanc scientiam formaliter cognouit Deum quoad quid est, & quoad an est. 3. Si per hanc scientiam non cognouisset quiditatem Dei, fuisset imperfecta intra suum genus; ergo idem. 4. Per hanc scientiam quiditatiue cognouit omnes visiones beatas hominum, & Angelorum; ergo cognouit quiditatiue Deum; quia nequit quiditatiue cognosci specificatum, nisi quiditatiue cognoscatur specificatum.

Resp. ad . dist. iii. Multa mysteria nequeunt cognosci absque cognitione Trinitatis præsupposita, conc; non præsupposita, neg; sicut enim scientia subalternata quiditatiue cognoscit conclusiones scientiæ subalternantis, & præsupponit cognitionem principiorum, ex quibus conclusiones deducuntur, elicitam per scientiam subalternantem; ita à pari. Ad 2. eodem modo neg. conf; nam sicut scientia subalternata clarè explicat conclusiones scientiæ subalternantis, & tamen non cognoscit earum principia, nisi per scientiam subalternantem; ita scientia per se infusa clarè explicat gratiæ mysteria, quauis Deum, qui est principium effectuum illorum, supponat cognitionem per scientiam altiore, quæ est visio beata. Ad 3. neg. anti; genus enim scientiæ, quæ est donum, non extenditur ad cognoscendam quiditatem Dei, ideo est perfectum sine tali cognitione; sic scientia subalternata non dicitur imperfecta, quia non extenditur ad cognoscenda principia scientiæ subalternantis, quia non pertinent ad eius specificatum. Ad 4. neg. conf. Ad prob. infer. dicitur veram esse de specificatio intrinseco, vt nequit cognosci quiditatiue homo, nisi cognoscatur quiditatiue rationalitas; falsum tamen de specificatio extrinseco, quale est obiectum; ideo videns clarè omnes visiones beatas videt quidem ordinem ad obiectum beatificum, à quo ordine specificantur intrinsecè; non tamen videt clarè obiectum beatificum; quia extrinsecè tantum specificat. Quia tamen ignorare obiectum beatificum esset imperfectio in Christo; ideo in ipso talis visio supponit obiectum beatificum quiditatiue visum per visionem beatam; quauis per scientiam infusam non videatur, quia non continetur intra latitudinem sui obiecti formalis; propter quod nulla imperfectio resultat in scientia per se infusa.

12 Collig. 2. Christum per scientiam infusam cognouisse omnia futura contingentia, & cogitationes cordium. *11a communiter omnes.* Prob. 1. ex *S. P. Aug. in 10. tract. 25.* docente de futuris. *Si Christus nihil annuntiaret, Angelus non diceretur, si Christus nihil prophetaret, Propheta non diceretur. Exhortatus est nos ad fidem, & ad capeendam vitam æternam: Aliquid profins*

præsens annuntiavit; aliquid futurum prædixit; & de cogitationibus cordium ferm. 30. de Verbis Domini in Luc; ubi Phariseis exprobrantibus Discipulos; quare manus non lavant, cum panem manducant; respondit Christus ad cogitationes eorum; inquit S. P. Ille dicebat, qui videbat; non enim tantum facies eorum, sed etiam interiora cernebat. Denique ut hoc sciatis, ille Phariseus, cui respondit Christus, apud seipsum cogitavit, voce non sonuit; & ille tamen audivit &c. Ille cogitabat; & hic audiebat.

2. Ratione. Pluribus creaturis fuerunt à Deo reuelata futura, & cordium secreta; ut constat de Prophetis, & alijs Sanctis; sed Christus in instanti suæ conceptionis fuit repletus omni gratia, & cognitione, quæ potest communicari creaturis; quia fuit *plenus gratia, & veritatis*, ut habetur *Io. 1;* secundum capacitatem actuale, & potentiale, ut diximus *qu. 7. artic. 2;* ubi *vid. alie rationes*; ergo habuit cognitionem omnium futurorum, & secretorum cordis.

3. Christus ita fuit plenus gratia, & veritate, idest scientia, quæ cognoscuntur veritates, in instanti suæ conceptionis, ut eius gratia, & scientia non potuerit augeri, ut diximus *vbisf. §. 2. à num. 47;* ergo cognovit omnia futura, & cordium secreta per scientiam per se infusam; aliter hæc posuisset augeri, quia adueniente differentia temporis, in quo erunt futura, illa per hanc scientiam cognosceret, & sic eius scientia augeretur. 4. Proprium est donorum Spiritus Sancti, & gratiarum gratis datarum cognoscere futura, & cordium secreta; illa enim cognoscuntur per prophetiam, quæ est gratia, gratis data; & hæc per scientiam, quæ est donum, quo impellimur ad iudicandum de rebus humanis occultis; sed in Christo fuerunt omnia dona, & gratiæ gratis date; ergo idem.

5. Per donum consilij, quod fuit in Christo, debuit exhortari nos ad fugienda omnia mala, & sequenda omnia bona; sed futura, & secreta cordium alia sunt mala, alia bona; ergo per donum consilij debuit Christus nos exhortari ad fugienda, vel sequenda futura, & cordium secreta; atqui donum consilij regulatur per donum scientiæ; ergo per donum scientiæ cognovit omnia futura, & cordium secreta.

13. Dices 1. Cognitionis, vel est intuitiva, vel abstractiva; sed Christus non cognoscit futura intuitivè, quia non sunt præsentia; nec abstractivè, quia cognitio abstractiva dicit imperfectionem; ergo neutro modo cognoscit.

Discrepant *Auctores* in assignando medio, per quod cognoscuntur futura. *Sua; & Gabr.* volunt cognosci per euidentiā attestantis in revelatione Divina. Sed reijciuntur ex eo, quòd euidentiā attestantis non tollit obscuritatem rei attestatæ; Christus autem euidenter cognovit futura. Præterea ad cognitionem, ultra euidentiā attestantis requiritur species,

vel obiectum ipsum vnitum intellectui; nam, ex obiecto, & potentia paritur notitia, seu cognitio, ut docet S. P. *Aug;* ad hoc enim, ut intellectus, qui secundum se est indifferens, determinetur ad cognoscendum hoc potius, quam aliud, debet determinari, quod nequit esse, nisi per hoc obiectum, vel per speciem huius obiecti, quando ipsum obiectum nequit esse per se ipsum præsens intellectui; ut diximus *Io. 1. de Inuisib. Dei q. 3; & in lib. de an.*

14. Resp. igitur iuxta ea, quæ diximus *Io. 1. de subst. Dei q. 1. art. 1. §. 1.* cognitionem aliam esse intuitivam obiecti in seipso; aliam quiditativam adæquatam in specie expressa, quæ dici potest abstractiva, quatenus abstrahit à præsentia obiecti, non tamen quatenus obiectum inadæquatè cognoscit; & aliam inadæquatam abstractivam. Hoc supp. dist. mi. Christus non cognoscit futura abstractivè inadæquatè, conc; talis enim cognitio dicit imperfectionem; quiditativè adæquatè in speciebus infusis expressis, neg.

15. Inst. Species Angelicæ non repræsentant futura, nisi cum existunt à parte rei; ergo ultra speciem requiritur actualis existentia, ut cognoscantur. 2. Vel illæ species essent naturales, vel supernaturales? Non primum; aliter connaturale esset omni intellectui habere illas species, & cognoscere futura. Nec secundum; quia per speciem supernaturalem, nequit cognosci obiectum naturale. 3. Futura in se ipsis nullam habent determinatam veritatem; ergo ab ipsis nequit haberi species determinatè repræsentans eorum veritatem.

4. Species nequit repræsentare determinationem Divinæ voluntatis, à qua res fit futura; ergo licet possit repræsentare rem, cum existit, nequit tamen ipsam repræsentare, ut futuram.

Resp. ad 1. dist. conf. In Angelis, conc; in Christo, neg; & disparitas est; quia in Angelis lumen non est adeo intensum, ut manifestet relationem determinationis, quam dicunt futura ad Divinam voluntatem, ideo Angeli nequeunt illa videre. At in Christo longè maius est lumen, & ideo ostendit etiam relationem futurorum ad Divinam voluntatem decernentem illa pro tali differentia temporis; atque adeo Christus illa cognoscit. Ratio autem est; quia futura spectant ad statum, Christi, non Angelorum; quia *Pater dedit ei omnia in manus*, ut habetur *Io. 3;* nedum præsentia, sed etiam futura, & præterita; non autem dedit omnia in manus Angelorum; ideo in Christo debuit esse lumen ostendens omnia etiam futura, non in Angelis; magna enim imperfectio esset non cognoscere, quæ sua sunt, & quæ sibi à Patre tradita sunt. Ad 2. dicitur illas species esse supernaturales, nec implicat per speciem supernaturalem repræsentari obiectum naturale; sicut non implicat Divinam essen-

essentiam, quæ est supernaturalis, repræsentare res naturales; implicat tamen per speciem naturalem repræsentari ens supernaturale; quia per inferius nequit repræsentari superius; per superius tamen potest cognosci inferius; sicut per intellectum cognoscuntur sensibilia, per sensum tamen nequeunt cognosci spiritualia. Ad 3. dist. ant. Futura, vt relata ad determinationem Diuinæ voluntatis, neg; præcisa tali relatione, conc. Ad 4. dist. ant. Species nequit repræsentare determinationem actiuam, quæ est actus immanens Diuinæ voluntatis in se ipso formaliter, conc; nequit repræsentare determinationem passiuam, quæ fundat relationem ad actum voluntatis Diuinæ, à qua determinatione passiuæ redditur formaliter futurum in se ipso; sicut à determinatione actiuæ efficienter fit futurum, neg. Species ergo potest repræsentare nedum ipsam entitatem, sed etiam ipsam futuritatem; quia repræsentat relationem ad determinationem Diuinæ voluntatis, quæ decreuit talem rem exituram in tali differentia temporis; sicut de facto Propheta cognouerunt futura pro differentiis temporum, quæ erunt.

16 Dices 2. Cognoscere secreta cordium est proprium solius Dei; vt habetur *ex Scripturis locis cit. 10. 3. de Ang. q. 4. art. 9*; ergo nequit conuenire scientiæ creatæ Christi.

Resp. dist. ant. Cognoscere secreta cordium virtute propria, & connaturali est proprium solius Dei, conc; ex diuina reuelatione, & ex gratia facta naturæ creatæ, vt est in Christo, neg.

17 Collig. 3. per scientiam infusam supernaturalem Christum cognouisse omnes res naturales, quatenus aliquo modo ordinantur ad ordinem gratiæ vel tanquam fundamentum, in quo gratia fundatur; vel tanquam subiectum, in quo est gratiæ priuatio, in quo tamen gratia debuit esse, vt in damnatis. Collig. *ex Fund. Doct. hic dist. 3. q. 1. art. 1*; vbi docet ad scientiam, quæ est donum, pertinere rectè iudicare de rebus creatis generaliter; res autem naturales sunt creatæ, vt constat; & *S. Thom. hic q. 1. art. 1. docet Christum per hanc scientiam cognoscere omnia, quæ cognosci possunt ab homine per virtutem intellectus agentis*; per quam procul dubio cognoscuntur omnes res naturales. Ratio sumitur *ex S. P. Ang. vbi*, Christus per hanc scientiam cognoscit omnia futura, & cordium secreta; sed multa futura, & secreta cordis sunt entia naturalia secundum entitatem; ergo per hanc scientiam cognoscit omnes res naturales. 2. Per scientiam superiorem cognoscuntur omnia inferiora; sicut per potentiam intellectiuam cognoscuntur omnia, quæ cognoscuntur per sensum; & per visionem beatam videntur in Diuina essentia omnia, quæ videntur per scientias naturales; sed scientia

supernaturalis infusa est superior scientia naturali, qua cognoscuntur res naturales; ergo per scientiam supernaturalem infusam cognoscuntur omnes res naturales. 3. Quauis idem obiectum sub eadem ratione formali nequeat attingi à pluribus scientiis specie distinctis; attamen sub diuersa ratione formali attingitur; vt patet de corpore, quod sub ratione quantitatis attingitur à mathematica, & sub ratione sanitatis à medicina; ergo res naturales, quatenus ordinantur ad actus supernaturales, attinguntur à scientia supernaturali; quauis secundum suas rationes formales attingantur à scientiis naturalibus.

18 Dices 1. Ad cognoscendas res naturales, quæ sunt proportionate intellectui creato, sufficit potentia naturalis; ergo non indiget scientia supernaturali, quæ conuenit animæ secundum potentiam obediẽtalem. 2. Implicat habitum supernaturalem specificari ab aliquo naturali; sed scientia specificatur ab obiecto; ergo implicat scientiam supernaturalem habere pro obiecto res naturales. 3. Species infusæ Christi sunt minus vniuersales, quàm species infusæ Angelorum, vt docet *D. Tho*; sed Angeli per species naturales cognoscunt res naturales; ergo Christus per eandem species nequit simul cognoscere res naturales, & supernaturales; aliter eius species essent vniuersaliores. 4. Vel Christus cognouit particularia secundum rationes particulares; vel secundum rationes vniuersales? Non primum; quia *de particularibus non est scientia*. Nec secundum; quia solum imperfectè cognosceret; cognosceret enim solas rationes vniuersales non cognitris rationibus particularibus, quod est abstractiue, & imperfectè cognoscere. Quod si mediantibus rationibus vniuersalibus cognosceret etiam rationes particulares; iam illius species nõ essent minus particulares, quàm in Angelis; sunt enim Angeli infimi, qui per speciem naturæ athomæ cognoscunt singularia.

Resp. ad 1. dist. ant. Ad cognoscendas res naturales, vt ordinatas ad res supernaturales, sufficit potentia naturalis, neg; secundum suas rationes formales naturales præcisa tali ordinatione, conc. Ad 2. dist. mi. Scientia specificatur ab obiecto primario, ad quod omnia ordinantur, conc; ab obiecto ordinato ad aliud; sicut sunt res naturales, quæ ordinantur ad res supernaturales, quæ specificant scientiam supernaturalem; & ideo à rebus naturalibus non specificatur, neg. Ad 3. dist. mi. Species infusæ supernaturales Christi sunt minus vniuersales, quàm species supernaturales Angelorum, quibus vtitur scientia, quæ est donum, neg; species naturales, quibus vtitur scientia naturalis, conc. Ad 4. dicitur cognoscere rationes vniuersales, & particulares, & ideo perfectè.

Ad

Ad improb. dist. De particularibus, vt sunt in se ipsis, non est scientia, quia in se ipsis mutationi subduntur, & scientia est de immutabilibus, conc; vt sunt in speciebus derivatis à Divinis Idæis, quæ immutabiles sunt, non est scientia, neg. An autem per species vniuersales cognoscantur particularia, vid. 10. 3. de Ang. q. 4. art. 4. §. 4.

19 Collig. 4. Christum per scientiam infusam potuisse intelligere sine, & cum conuersione ad phantasmata materialia; nam in tantum intellectus humanus in hac vita necessitatur intelligere per conuersionem ad phantasmata; in quantum nascitur sine speciebus, tanquam tabula rasa; & ideo solum mediantibus phantasmatibus potest acquirere species intelligibiles, quibus solummodo potest intelligere; ait enim *Phil.* quod *omnis nostra cognitio ortum habet à sensu*; ex eo nanque; quod oculus videat, vel auris audiat aliquid, educitur de potentia passiva oculi, vel auris species representatiua talis obiecti; quæ species posita in prospectu sensus communis educit de potentia passiva illius speciem pariter materialem, per quam sensus communis educit de potentia passiva illius speciem pariter materialem, per quam sensus communis iudicat de tali obiecto; & hæc posita in prospectu imaginatiuæ educit de potentia passiva illius speciei; & sic de imaginatiua respectu æstimatiuæ; & de æstimatiua respectu phantasie; non enim vna, & eadem species potest transire de vna potentia sensitiua ad aliam, quia *nullum accidens potest migrare de subiecto in subiectum*. Tandem species educita de potentia passiva phantasie illustratur à lumine intellectus agētis, & instrumentaliter eleuatur, vt ad illius præsentiam, & prospectum educatur de potentia passiva intellectus possibilis species intelligibilis, qua mediante intellectus intelligit; hoc enim ordine fit intellectus hominis pro hac vita; sed intellectus Christi in instanti suæ conceptionis habuit omnes species intelligibiles infusas; quia fuit creatus cum omni perfectione, & *plenus omnis veritatis*; intellectus autem sine speciebus est imperfectissimus; quia se habet, sicut materia sine omni forma, quæ est prope nihil; ergo Christus potuit intelligere sine conuersione ad phantasmata. Tum quia intellectus animæ separatæ intelligit sine conuersione ad phantasmata; & intellectus animæ beatæ, quantumvis vnitus corpori, potest intelligere sine tali conuersione non ob aliam rationem, nisi quia pro eo statu habet perfectum modum cognoscendi, qui est independens essentialiter à phantasmatibus; sed dicitur intellectus etiam in via fuit perfectissimus in cognoscendo, quia simul secundum partem superiorem fuit beatus; ergo potuit intelligere independentem ad phantasmata.

Tum quia ideo necessaria sunt phantasmata ad intelligendum, quia species etiam postquam sunt acquisitæ, sunt valde debiles, & semisopitæ, ac sensibus illigatæ; adeoque per phantasmata excitantur, roborantur, & ponuntur in prospectu mentis ad hoc, vt intellectus actu per illas intelligat; sed in Christo fuerunt species perfectissimæ, actiuissimæ, derivatæ fuerunt enim ab idæis Diuinis perfectiori, & intensiori modo; ergo Christus non habuit necessitatem simpliciter intelligendi per conuersionem ad phantasmata.

20 Hoc tamen ita intelligendum non est, vt intellectus humanus Christi non potuerit intelligere mediantibus phantasmatibus, sed solum quod ita ab illis non dependidit, vt sine illis non potuerit intelligere; si enim perfectio animæ separatæ, & animæ beatæ coniunctæ corpori est intelligere sine conuersione ad phantasmata; magna enim priuaretur perfectione, si separatæ intelligere non posset; hæc perfectio non est deneganda intellectui Christi, qui fuit omni perfectione communicabili creaturis repletus. Sicut autem animæ coniunctæ potest intelligere etiam per conuersionem ad phantasmata; quia hic est connaturalis modus cognoscendi, dum est corpori vnita; sensus enim sunt organa deferentia intellectui ad intelligendum; & hic modus cognoscendi est tantum imperfectus; quando intellectus propter carentiam specierum necessitatur simpliciter ad sic intelligendum; est autem perfectus, cum possidendo species per sua organa perfecte operatur; ideo Christus potest etiam per conuersionem ad phantasmata ad exercitium suorum sensuum intelligere; sine quo sensus Christi hac perfectione carerent; ergo potuit sine, & cum conuersione ad phantasmata intelligere; quod arguit in ipso summam in cognoscendo perfectionem; nam quod intelligat sine conuersione, arguitur perfectio intellectus, qui non obruitur sensibus, vt non possit sine illis intelligere; quod autem intelligat cum conuersione, arguitur perfectio sensuum, qui eleuantur ad ordinem spirituales; & perfectio intellectus, qui pluribus modis operatur; scilicet per se ipsum immediatè, & mediantibus suis instrumentis.

21 Dices cum *Vasq.* Scientia per se infinita est simpliciter independens à sensibus, quia nullo modo per ipsos est comparabilis; ergo nullo modo potest intelligere per conuersionem ad phantasmata. 2. Ex hoc sequeretur etiam visionem beatam posse fieri per conuersionem ad phantasmata; quia posset beatus Deum videns formare aliquod phantasma de his, quæ videt in Deo; sed conf. est falsum; er- & ant.

Resp. ad 1. dist. ant. Est simpliciter independens à sensibus quantum ad acquisitionem, conc;

conce; quantum ad operationem, subdift. Est independens independentia excludente necessitatem, conce; excludente connaturalitatem operandi, neg. Vel neg. conf; ex eo enim, quod scientia infusa operatur mediante phantasmate, tanquam instrumentum, non sequitur, quod ab illo dependeat eo, quia potest sine illo operari, & ab illo non caufatur; dependentia autem fumitur ab acceptione esse; sicut ex eo, quod Deus possit se solo, & cum creaturis tanquam instrumentis operari; non dicitur dependere à creaturis, sed potius è contra; quia instrumenta dependent à causa principali; ita à pari. Præterea hoc probat scientiam per se infusam in nobis non posse intelligere per conuersionem ad phantasmata; quod nullus dixit. Ad 2. neg. ma; nam visio beata semper durat; ideo intellectus nequit excitari à phantasmate, vt Deum videat. Item est adeo perfecta, & sublimis, vt nullum phantasma possit eleuari, vt instrumentum ad illam efficiendam. Tandem Deus non est phantasiabilis, quia est purissimus actus; creaturæ autem etiam spirituales, cum habeant admixtam potentialitatem passiuam, quæ dicitur *hileachim*, seu materialitas, possunt attingi per phantasmata instrumentaliter eleuata.

22 Dices 2. cum Dur. in 4. dist. 14. art. 3. negante alteram partem. 1. Quauis anima separata à corpore possit operari independentem à corpore, attamen quando est coniuncta, nequit operari, nisi per corpus; ergo quauis scientia infusa possit intelligere secundum se sine conuersione ad phantasmata; attamen ratione subiecti, cui coniungitur, necessitatur ad operandum per conuersionem ad illa. 2. Si scientia infusa posset sine conuersione intelligere, maximè, quia est supernaturalis; sed hoc est falsum, quia fides est supernaturalis, & tamen credit per conuersionem ad phantasmata; ergo idem. 3. In tantum Beati vti possunt scientia infusa sine conuersione ad phantasmata, in quantum eorum corpora erunt perfectè subdita animabus; sed corpus Christi non fuit in hac vita perfectè subditum animæ; quia dominium animæ in corpus prouenit à dotibus corporis gloriosi; corpus autem Christi in via non fuit glorificatum, aliter fuisset beatus etiam secundum partem inferiorem, & sic fuisset impassibile; ergo idem. 4. Sequeretur etiam scientiam naturalem posse intelligere sine conuersione ad phantasmata.

Resp. ad 1. neg. ant; si enim scientia per se infusa posset operari independentem à corpore, necessariò anima sic posset operari; quia intelligens per scientiam infusam est anima. Quauis ergo anima quoad operationes materiales non queat operari, nisi dependenter à corpore; attamen quoad operationes spirituales potest operari independentem; si habeat

perfectiorem, quam habet anima separata. Ad 2. neg. ma; non enim quia supernaturalis, sed quia perfectissima est, habet modum perfectissimum operandi, qui est independentem à corpore; fides autem habet modum imperfectum operandi, qui est ex auditu; & ideo cessat in patria. Ad 3. neg. mi. Ad prob. infertur, quod dominium in corpus prouenit à dotibus ipsius animæ, quæ eleuant ipsam supra corpus, non autem à dotibus corporis. Ad 4. dicitur, quod si anima separata, & Beati possunt intelligere per species naturales sine conuersione ad phantasmata, nullum videtur inconueniens, si hoc concedatur de anima Christi maximè; quia species sunt infusæ. Sed de hoc in seq. art.

23 Collig. 5. scientiam Christi per se infusam non esse discursiuam quantum ad acquisitionem, nec quantum ad intellectiorem rerum sine conuersione ad phantasmata; sed tantum per conuersionem ad phantasmata. Deducitur ex Fund. Doct. Quodl. 4. q. 16. & patere potest ex dictis 10. 3. de Ang. q. 4. art. 6.

24 Prima pars patet; quia scientia per se infusa Christi non fuit acquisita per discursum, idèst per successionem cognitionum vnus ex alio, sed tota simul in eius intellectu vnico instanti à Deo congenita; simul autem infusum, & successiuè acquisitum opponuntur.

25 Secunda pars, si intelligatur de discursu vocali, est innegabilis; habemus enim innumeros Christi discursus de rebus humanis, & Diuinis in *Euangelis*. Difficultas ergo est de discursu mentali, & prob. Discursus essentialiter est illatio alicuius ignoti ex altero noto; propter quod negamus Deo discursum, nihil enim potest esse ignotum Deo; & quauis Angeli possint aliquid nescire, vel non advertere; attamen quando est in prospectu mentis, nequeunt illud non cognoscere eodem actu, quo cognoscunt illud, ex quo deducitur; & ideo nec in Angelis est propriè discursus, vt diximus 10. 3. vbi; sed tantum in cognitione Christi per conuersionem ad phantasmata potest esse aliquod Christo ignotum, non autem in cognitione sine conuersione ad phantasmata; ergo scientia infusa Christi est discursiva tantum per conuersionem ad phantasmata, non autem sine tali conuersione. Ma. est definitio discursus, quam nemo potest inficiari, nisi qui velit communem sensum negare, quo communiter admittuntur rerum definitiones. Prob. mi. Aliquod potest esse ignotum intellectui hominis vel defectu luminis, quod illud non manifestat; vel defectu speciei, quæ illud non repræsentat; vel defectu phantasmatis materialis, quod non excitat intellectum ad illud cognoscendum; sed in cognitione sine conuersione ad phantasmata nihil potest esse ignotum Christo defectu luminis, quod clare omnia mani-

manifestat; nec defectu speciei, quæ perfectissimè omnia repræsentat; nec defectu phantasmatis materialis, quia talis cognitio est sine conuersione ad phantasmata; in cognitione autem per conuersionem ad phantasmata, licet nihil posset esse ignotum defectu luminis, & speciei; potest tamen esse ignotum ratione talis phantasmatis, quod non habet illud ex sua ratione repræsentare, sed tantum aliud, ex quo illud deducitur; ergo tantum in cognitione per conuersionem ad phantasmata potest esse aliquid ignotum; non autem in cognitione sine tali conuersione.

26. Conf. Quauis anima Christi per scientiam insusam possit pro suo libito aliquid obiectum inadæquate cognoscere secundum unam veritatem, & non secundum aliam; sicut potest Angelus reflectere supra unam rem naturalem, non super aliam; attamen nequit habere in prospectu mentis unam, & aliam veritatem; & unam ignorare in se ipsa, & cognoscere illam solum ex vi illationis ex altera veritate; tunc enim lumen manifestat, & species repræsentat utramque; ut dictum est de Angelis; ergo hoc non obstante eius scientia non est discursiua, nisi per conuersionem ad phantasmata, quæ possunt unam rem manifestare alia occultata, cum sint limitatissimæ repræsentationis. *Vid. 10. 3. vbif.*

27. Dices. 1. Species Christi repræsentant nedom veritates, sed etiam connexiones earum; & intellectus ipsius potest diuidere conceptus quia hoc ei naturaliter competit; ergo potest discurrere etiam sine conuersione ad phantasmata; nam si Angelus posset diuidere conceptus, quod ei repugnat propter perfectissimum modum cognoscendi; & cognoscere illas veritates præcisè in ratione connexionis, quæ una infert aliam, procul dubio discurreret. 2. Per creaturas cognoscit Deum *quoad an est*; ergo idem.

Resp; quod si ad discursum sufficeret diuidere conceptus, & cognoscere connexiones, quibus una res infert aliam, non posset negari discursus in Angelis; Angeli enim superiores à D. Dion. de Cpl. Hier. c. 15. dicuntur diuidere, & multiplicare conceptus, ut illos capere possint inferiores; ut diximus 10. 3. de Ang. q. 4. art. 5. no. 12. Sed Angeli nequeunt discurrere, quia est proprium hominis; ergo discurrere non consistit in cognitione connexionum, & diuisione conceptuum; sed essentialiter requiritur illatio vnius ignoti, ut dictum est. Neg. igitur conf. Ad 2. neg. ant; ut *sup.* dictum est. *Alias obiect. vid. 10. 3. art. 6. vbif.*

28. Dices 2. cont. aliam partem cum Vasi. Hæc scientia est independens à speciebus sensibilibus; ergo nequit cognoscere per conuersionem ad phantasmata. 1. cum Sua. Ex sua natura non est illatiua, quia non est acquiribilis

per actus illatiuos; ergo idem. 3. Quauis vnum phantasma, utpotè determinatum, non repræsentet, nisi vnum; attamen intellectus propter eminentiam luminis simul & aliud cognoscit; ergo nequit inferre ignotum.

Resp. ad 1. dist. ant. Est independens secundum se ipsam, conc; ratione subiecti, in quo est, neg. Sicut anima rationalis secundum se est independens à sensibus, attamen prout est in corpore, dependet quoad modum operandi. Ad 2. eodem modo; sic enim anima non est educibilis de potentia passiuæ materiæ, & tamen cum est in illa, dependet quoad operationes. Ad 3. dist. conf. Nequit inferre ignotum ex defectu luminis, conc; ex defectu phantasmatis non excitantis lumen, neg.

29. Quod diximus de discursu, qui spectat ad tertiam operationem nostri intellectus, dicendum proportionaliter est de compositione, & diuisione, quæ pertinent ad secundam operationem intellectus; ut exadè ostendit *Fund. Doct. Quodl. 4. vbif.* non enim minus propria intellectus humani operatio est compositio, & diuisio, seu enunciatio affirmatiua, quæ significatur nomine compositionis; & enunciatio negatiua, seu diuisio; quàm sit ei proprius discursus; ideo idem iudicium de utroque est ferendum.

30. Collig. 6. Species in Christo fuisse minus vniuersales, quàm in Angelis; multò plura tamen indiuidua, & clariori modo cognouisse, quàm Angelos. Prima pars probata fuit 10. 3. de Ang. q. 4. art. 5; quia proprietates naturæ abstractioris à materia sunt magis vniuersales, quàm proprietates naturæ minùs abstractæ à materia; ideo intellectus, qui est proprietates naturæ spiritualis, quæ magis est separata à materia, quàm natura sensitiua; ideo intellectus abstrahit à materia secundum esse, & operari, & ideo est magis vniuersalis, quàm sensus, qui abstrahit à materia tantum secundum modum operandi, non secundum esse; intellectus enim abstrahit à materia; & à conditionibus materiæ, quæ sunt *hic, & nunc*; sensus autem, licet abstrahat à materia, non tamen abstrahit à conditionibus materiæ, quia nequit percipere, nisi obiecta præsentia, & actu existentia; maior autem abstractio à materia est maior vniuersalitas, ut constat; sed species sunt proprietates sequentes naturam intellectualem; ergo species Angelorum, quæ sequuntur naturam Angelicam, quæ est magis abstracta à materia, quàm natura humana, sunt magis vniuersales, quàm species Christi Domini. *Vid. alias rationes vbif.* Secunda pars prob. Plura indiuidua clariori modo cognoscere non, prouenit ex vniuersalitate specierum, sed ex perfectiori lumine, & ex maiori actualitate specierum; nam claritas prouenit à lumine, ut constat; & sicut maior vniuersalitas speciei

repræsentat plures naturas, quia actu continet plures species; ita maior actualitas speciei minus vniuersalis plura indiuidua actu repræsentat; & ideo quia species Christi sunt actualiores, quàm species Angelorum; ideo repræsentant etiam futura, quæ non repræsentantur à speciebus Angelorum; & per consequens Christus plura indiuidua cognoscit, quàm Angeli, licet per species minus vniuersales.

31 Dices. Quò perfectiores sunt species, plura clariori modo repræsentant; maior enim perfectio speciei sumitur à maiori repræsentatione; sed species vniuersaliores sunt perfectiores, quàm minus vniuersales; ergo plura clariori modo repræsentant.

Resp. dist. ma. Plura specificè, conc; indiuidualiter, neg. Species enim viuents plura specificè repræsentat, quàm species animalis, quia illa continet sub se plures naturas specificè diuerfas, quàm ista; ista tamen potest plura indiuidua repræsentare, quàm illa, si sit magis illustrata, & magis actiuata, ac determinata ad illa repræsentanda. Ratio est; quia maior vniuersalitas magis elongatur ab indiuiduis, quàm minor vniuersalitas, vt patet; elongatio autem est ratio impediens, vel minuens actionem, sicut approximatō est conditio ad agendum. Quod est intelligendum de elongatione secundum potentialitatem passiuam, vt est abstractio, quæ conuenit creaturæ; non secundum actualitatem, vt est elongatio, quæ competit Deo; ista enim est ratio maximæ, & summæ repræsentationis, & cognitionis.

32 Collig. 7. scientiam per se infusam distinguere à speciebus, & à lumine, & esse vnum habitum specie. Primum *cont. Vsq. prob.* Species naturales distinguuntur à lumine naturali; nam lumen naturale est inditum à natura; & species acquiruntur in tempore; item lux corporalis distinguitur à specie existente in oculo; ergo idem dicendum de habitu, & lumine supernaturali; ex ijs enim, quæ videmus, nisi fides obstat, optime arguuntur ea, quæ non videntur. Secundum *prob. cont. lo. à S. Tho.* eodem modo. Lumen est indifferens, & commune ad plures habitus; vt constat de lumine naturali, quod est intellectus agens, qui inservit omnibus scientijs naturalibus; & de lumine gloriæ, quod inservit omnibus habitibus supernaturalibus existentibus in intellectu beatorum; & ab illis realiter distinguitur; & de luce corporali, ex qua euidenter arguere possumus; ergo distinguitur ab habitu scientiæ per se infusæ. Tertium *cont. eundem lo. à S. Tho.* prob. Multiplicitas scibilium, quæ attinguntur sub vna ratione formali adæquata, specificatiua, non multiplicat habitum, vt constat; quia multiplicitas obiectorum partialium non multiplicat principium tendens in illa; aliter non esset ratio, cur non multiplicet etiam

potentiam; non minus enim potentia, quàm habitus specificatur ab obiecto; & sic tot essent potentia intellectiua, & visiva; quot obiecta earum partialia; quod est euidenter falsum; sed omnia scibilia, quæ respicit scientia per se infusæ Christi, attinguntur sub vna ratione formali adæquata specificatiua; nempe sub ratione entis creati supernaturalis cognoscibilis; ergo non multiplicat habitum scientiæ per se infusæ. *Sed de his in Log. & Met.*

33 Collig. 8. scientiam, & alia dona, & habitus fuisse in Christo per modum habitus immobiliter permanentis; quia fuerunt in ipso perfectissimo modo; aliter aliquando caruisset tali habitu, & sic non semper fuisset plenus gratia, & veritate, vt dicitur *lo. 1.*

A R T. III.

An scientia naturalis infusa, vel acquisita fuerit in Christo?

1 Q Vanus anima Christi per scientiam, supernaturalem cognouerit etiam res naturales, vt diximus in *sup. §.* attamen ex hoc non sequitur, quòd in ipso scientiæ naturales fuerint otiosæ, & superflue; quia non implicat eandem rem sub diuersa ratione formali specificatiua à pluribus habitibus, & potentijs attingi; vt licet sensibilia sub ratione veri attingantur ab intellectu, & habitu scientiæ in intellectu existente; attamen non fit, vt etiam non attingantur à sensibus sub diuersis rationibus sensibilibus. Quæritur igitur, an præter scientiam infusam supernaturalem, qua Christus cognouit nedum entia supernaturalia creata, sed etiam naturalia, quatenus ordinata ad ordinem supernaturalem, in ipso admittenda sit etiam scientia naturalis, quæ res naturales in se ipsis extra Deum cognouerit per species creatas infusas, vel acquisitas ministerio sensuum, & intellectus agentis; & ideo inquiritur, an hæc scientia sit infusa, vel acquisita; & an sit infusa per se, vel per accedens?

2 Prima sententia vult scientiā naturalem in Christo fuisse proprijs actibus acquisitā per species à phantasmatis abstractas. Ita Caiet; *lo. à S. Tho. hic, q. 9. disp. 11. art. 3;* qui ostendit hanc sententiam tenuisse S. Thomam *q. 9. art. 4; & q. 12. art. 2;* vbi retractauit oppositam, quam docuerat in *3. dist. 14.* Sequuntur *Medi; Cabr; Godoy; Gonet; Vasq; Val; Gran; Merat; Becc; & alij.*

3 Nostra docet in Christo fuisse scientiam naturalem infusam per accedens, & solam scientiam experimentalem fuisse acquisitam eo, quia ministerio sensuum, & intellectus possibilis acquisiuit solum phantasmata materialia, & ha-

& habitum, seu virtutem in cogitativa existentem; species autem intelligibiles, & habitus scientiarum existentes in intellectu fuerunt in eius animam infusæ in primo instanti suæ conceptionis. Ita Fund. Doct. hic dist. 13. p. 2. q. 1. art. 1; & alibi; D. Tho. in 3. dist. 14. q. 3. art. 3; & in Opus. q. 2. 16; quem concordat noster Gibb; qui hanc docet sententiam; D. Bon. art. 3. q. 2; Gabr. q. 1; Scot. ibid; Sua. dist. 30. sect. 2; Lug. dist. 22. sect. 1; Gaspar Huris & alij apud Gibb.

4 Fundamentum primæ sententiæ sumitur ex eo, quod si Christus proprijs actibus non acquisisset scientias naturales, in ipso fuisset superfluous, & otiosus intellectus agens. Hanc rationem exponit sic Io. à S. Tho. Modus connaturalis homini habendi scientias naturales est illas per proprios actus acquirere per actionem intellectus agentis ministerio sensuum; sed Christus habuit modum connaturalem homini habendi scientias naturales; ergo illas acquisivit per proprios actus per actionem intellectus agentis sensuum ministerio. Ma. sic probat. Quauis in prima rerum creatione Adam fuerit creatus cum omnibus scientijs naturalibus sibi infusis à Deo eo, quia debebat alias instruere; attamen eius filij, qui ex eo nasci debebant extra statum primæ creationis in statu propagationis, debebant scientias naturales proprijs actibus per actionem intellectus agentis ministerio sensuum acquirere; sicuti quia Adam fuit creatus in statu perfecto corporis, potentia augmentatiua non potuit exercere actus augendi corpus; eius tamen filij, qui nasci debebant in statu propagationis extra statum primæ creationis, debebant habere potentiam augmentatiuam exercentem actus augendi corpus; sicut quia in prima creatione creauit Deus plantas in statu perfecto; creauit enim omnes naturas perfectas non solum, vt essent in se ipsis, sed etiam, vt essent aliorum principia in esse naturali; ideo potentia, quæ data sunt plantis, & animalibus ad acquirendum augmentum, & perfectionem naturæ in statu primæ creationis, debuerunt vacare, quoad actus augementandi, & perficiendi naturam; non tamen debuerunt vacare in statu propagationis; quia plantæ, & animalia, quæ debebant ex primis propagari extra principium creationis, debebant incipere ab infima paruitate, & crescere vsque ad augmentum perfectum; hic enim status est connaturalis naturæ extra principium creationis; adeoque licet Adam in prima creatione debuerit creari cum omnibus scientijs naturalibus, quia debebat filios instruere, easque in illis propagare; attamen eius filij ex illo propagati debebant illas acquirere per actionem intellectus agentis sensuum ministerio; hic enim modus connaturalis est statui propagationis; sed Christus Dominus non assumpsit naturam huma-

nam in prima creatione, sed in statu propagationis; ergo modus ei connaturalis habendi scientias naturales fuit illas acquirere sensuum ministerio per actionem intellectus agentis. Mi. sic probat. Christus assumpsit in natura humana, quidquid Deus plantauit, vt docet D. Dam; sed Deus plantauit in natura humana nedum omnes potentias naturales, sed etiam modum connaturalem agendi proprium illarum; modus autem connaturalis agendi intellectus agentis, & sensuum in statu propagationis est acquirere scientiam naturalem per actionem intellectus agentis ministerio sensuum; ergo Christus habuit modum connaturalem habendi scientias naturales; si autem habuisset scientiam naturalem infusam, priuatus fuisset hoc modo connaturali proprio status propagationis, & sic habuisset aliquam imperfectionem; quia ei defuisset modus proprius illius status. Quia tamen Christus venit, vt Caput supremum in ordine supernaturali, ideo in primo instanti suæ conceptionis habuit omnes scientias supernaturales, atque adeo etiam visionem beatam.

5 Verum obstat S. P. Ang. doctrina communiter recepta, quam late prosequitur noster Greg. in 2. Docet ergo in Enchir. cap. 24; quod ignorantia, & malitia duo sunt vulnera animæ inflicta peccato originali; vulnere ignorantia intellectus fuit læsus, quo trahitur in errores; & vulnere malitiæ affecta voluntas, quo ad noxias concupiscentias distenditur. Sicut autem voluntatis malitia non frenatur, nisi per acquisitionem virtutum moralium, quæ proprijs actibus acquiruntur, vel à Deo misericorditer donantur; sic ignorantia, aut cecitas mentis non corrigitur, nisi per longos labores proprijs actibus Deo adiuvante scientiæ acquirantur; vel à Deo gratis infundantur. Christus autem, quauis assumpsit poenaltates corporis; quia oportuit Christum pati; venit enim in similitudinem carnis peccati; quia assumpsit carnem mortalem, quæ per peccatum mortalis effecta fuit; attamen non assumpsit animam in similitudinem animæ peccati; quia non assumpsit animam, quæ posset mori peccato; sicut est anima originali peccato fauciata; adeoque non assumpsit animæ vulnera, quæ sunt ignorantia, & malitia. Non quidem malitiam, quia non potuit peccare; nec ignorantiam, quia est origo malitiæ; etenim omnis peccator ignorans. Docet ergo S. P. Ang. & Doct. Deinde etiam iam nolentibus subintravit ignorantia rerum agendarum, & concupiscentia noxiarum, quibus comites subinseferuntur error, & dolor & mox: Ex his morborum, non vbertatis, sed indigentia tanquam fontibus omnis miseria nature rationalis emanat &c. Verum hæc communia mala sunt & hominum, & Angelorum pro sua malitia Dei iustitia damnatorum; & c. 27. Ad iram quippe Dei

Dei pertinet inflam, quidquid cacas (id est ignorant) & *indomita concupiscentia faciunt libenter mali*. Itaque si non fuisset peccatum, sicut nulla fuisset malitia, seu concupiscentia rerum, naturalium lege naturali victitarum; ita nulla fuisset earum ignorantia, quæ comes fuit, vel anteignana malitiæ, sed filij *Adam* ab eo trahentes originalem iustitiam, per quam constituti fuissent in eodem felicissimo statu, in quo Pater omnium fuit creatus, traxissent pariter omnes scientias simul cum alijs dotibus naturalibus, & supernaturalibus, quæ illum statum felicitatis formabant; & sine quibus illa felicitas non parum imminuta fuisset. Ergo Christus, in quo fuit innocentia eminentior, quam in *Adam*; quia per illam *Adam* poterat non peccare; Christus autem non potuit peccare; magis autem est non posse peccare, quam posse non peccare, vt docet *idem S. P. August. lib. de corr. & grat. cap. 11*; habuit in primo instanti sue conceptionis omnes animæ dotes longè maiores, quam habuerit *Adam*, comitantes iustitiam originalem; & per consequens habuit etiam scientias naturales; quarum carentia potest trahere in errores, qui sunt defectus morales, quibus annectitur malitia. Acquirere igitur scientias per proprios actus per longos labores est connaturale statui peccati, non statui iustitiæ originalis; idcirco Christus, qui non fuit in statu peccati, sed summæ innocentie, non habuit connaturale sibi scientias naturales per proprios actus acquirere.

6 Vnica concl. In Christo simul cum donis supernaturalibus fuerunt insulse etiam omnes scientiæ naturales quoad habitus, & quoad species; & solum proprijs actibus acquisiuit scientias experimentales.

Prob. 1. pars concl. 1. ex lo. 1. *Plenum gratiæ, & veritatis*. Christus in primo instanti sue conceptionis fuit plenus omnis veritatis tam supernaturalis, quam naturalis; ergo in Christo fuit omnis scientia naturalis insula; non enim in instati potuit illas acquirere per multiplicationem actuum, quæ necessariò exigit temporum successione. Prob. ant. Ex eo, quod Christus fuerit plenus gratiæ, arguitur, quod sit repleta omnis eius capacitas tam actualis, quam obedientialis, vt diximus *quest. 7. art. 2*; ergo ex eo, quod sit plenus veritatis, arguitur, quod sit expleta capacitas scientiæ tam supernaturalis, quam naturalis; si enim fuisset in potentia ad acquirendam aliquam scientiã suis actibus, iam non fuisset plenus simpliciter; sicut si fuisset in potentia ad acquirendam aliquam gratiam, vel aliquod gratiæ augmentum, non fuisset plenus gratiæ. Prob. conf. Ex eo, quod fuerit plenus gratiæ, inferitur, quod in illo fuerit omnis habitus supernaturalis, qui pertinet ad ordinem gratiæ, quia datur gratis à Deo; ergo ex eo, quod fuerit plenus veritatis, infer-

tur, quod in eo fuit omnis habitus sciẽtificus tã supernaturalis, quam naturalis; quilibet enim pertinet ad veritatem, quam habet pro obiecto.

7 Conf. euertendo euasione. Si Christus non habuisset scientias naturales insulas per accidens, maximè, quia earum carentia esset negatiua, non priuatiua; scientiæ enim naturales non debebantur pro statu infantie, vt dicunt *Aduersarij*; sed conf. est falsum; ergo & ant. Prob. mi. Carentia scientiarum naturalium pro statu infantie esset cum aptitu dinc ad illas habendas; si enim anima Christi in primo instati cõceptionis fuit capax, & apta ad habendas scientias supernaturales; multò magis fuit capax, & apta ad recipiẽdas sciẽtias naturales, quæ sũt magis proportionatę eius nature; sed carẽtia cum aptitudine est verè, & propriè, priuatio, etiamsi nõ adsit debitũ, quod importat obligationem habendi formam, quæ caret; nullam enim habet lignum necessitati naturalem, vel debitum habendi formam ignis; quia non omne lignum necessariò comburitur; & tamen in ligno est priuatio formę ignis eo, quia præcisè est in ipso carentia cum aptitudine; ergo quanuis in Christo non esset debitum habendi sciẽtias naturales pro tempore infantie; attamen quia in illo esset capacitas, ideo esset in illo vera priuatio; ac per consequens vera ignorantia priuatiua, quæ dicit imperfectionem. Præterea in homine post peccatum originale remansit debitum habendi omne illud, quod per peccatum fuit amissum; sed scientiæ naturales fuerunt amissę per peccatũ, quo homo fuit vulneratus in naturalibus; ergo ab instanti conceptionis homo habet debitum habendi etiam scientias naturales. Præterea in tantum post peccatum non debentur scientiæ naturales pro tempore infantie; quia pro eo tunc infans caret vsu rationis, aliter nunquam ei deberentur, & sic nunquam in homine esset carẽtia priuatiua scientiæ, si recepto vsu rationis scientiæ ei non deberentur; sed Christus in primo instanti conceptionis habuit vsum rationis; ergo ei debite fuerunt scientiæ naturales in primo instanti vsus rationis.

8 Præterea ex *D. Tho. quest. 11. art. 1*. Decuit, vt Verbum assumeret humanitatem perfectam, & ideo assumere eius potentialitatem naturalem reductam ad actum; quo probat assumpsisse scientiam per se insulam supernaturalem; potentialitas enim passiva excludens actum sonat imperfectionem; sed ex hoc arguitur etiam debeat assumere scientias naturales; ergo idem.

9 Cont. Carentia scientiæ naturalis pro nullo tempore fuit in Christo; sed scientia naturalis proprijs actibus acquisita supponit essentialiter pro aliquo tempore carentiã scientiæ naturalis; ergo scientia naturalis proprijs actibus acquisita non fuit in Christo. Mi. conf. stat

stat ex dictis. Prob. 3a. Vulnus ignorantie inest animæ per peccatum originale est carentia scientiæ naturalis; nam Adam peccando amisit supernaturalia, & vulneratus est in naturalibus, vt docet *Trid. sess. 5. decret. de pecc. orig. & Araux. II. cap. 25* & quia fuit Caput omnium hominum, ideo hoc vulnus in se ipso receptum transmisit in omnes; sed in Christo non fuit pro vilo tempore vulnus ignorantie, sicut non fuit vulnus malitiæ, vt dictum est; ergo in ipso non fuit pro vilo tempore carentia scientiæ naturalis. Tandem fundamentum aduersum est insubstans, vt inf. patebit; ergo ruit sententia super illud fundata.

10 Prob. 2. pars concl. Scientia experimentalis propriè sumpta non est habitus intellectus formaliter existens in illo, sed est quædam virtus existens in potentia sensitua cogitativa, quæ per phantasmata materialia ex sensibus educta percipiuntur singularia; vt docet *Phil. 2. Post. cap. 10. & in prol. Met. & omnes illius Interpretes communiter*; sed Christus per sensus accepit phantasmata materialia, quibus percepit singularia; habuit enim perfectas operationes sensitivas, vt docet *S. P. Aug. de Civ. Dei lib. 14. c. 9; & sepe alibi*; ergo propriis actibus acquisiuit scientiâ experimentalem. Hinc optimè explicatur illud *Luc. 2. Puer Iesus proficiebat sapientia, & ætate*; quanvis enim eius sapientia quoad habitum intellectualem, & species naturales infusas non potuerit crescere, & proficere; attamen quoad actualem experientiam, quam sumebat ex sensibilibus, ad quorum præsentiam educebantur phantasmata materialia, quæ illustrata ab intellectu agente excitabant species intelligibiles ingenitas in intellectu; dicebatur proficere sapientia, quatenus illæ species, & habitus infusi per phantasmata materialia reducebatur ad actuale exercitium cognitionis scientifiæ; & in hoc sensu vult *Gibb. intelligendum esse S. Thomam. 2. Christus debuit habere omnes illas operationes, quæ homini conueniunt, & non repugnant vnioni hypostaticæ; quia ex illis redargui debebat Manichæi, & alij heretici blasphemantes ipsum habuisse corpus phantasticum; quomodo eos redarguit S. P. Aug. pluribus in libris*; sed operationes sensitivæ conueniunt homini, & nullam habent repugnantiam cum vnione hypostatica, sicut ei non repugnant operationes vegetatiuæ; ergo idem.

11 Ad fundamentum oppositum neg; quod esset frustraneus intellectus agens; nam vt diximus *tom. 3. de Ang. quest. 4. art. 4. §. 1*; principale munus intellectus agentis est illuminare potentiam intellectiuam, & species intelligibiles in illa existentes; & manifestare obiecta naturalia; sed secundum hoc munus est etiam in Angelis, quibus nō est denegandum lumen rationis, sicut eis non denegatur cognitio na-

turalis; in hominibus autem habet etiam irradiare phantasmata materialia, & hoc dupliciter. 1. Vt illis mediantibus excitentur species intelligibiles existentes in memoria intellectuali, quæ semper non sunt in prospectu mentis, quia non semper intellectus actu intelligit omnia obiecta, quorum species actu habet; cum enim intellectus pro hoc statu operetur dependenter à corpore; ideo non potest operari per species intellectuales, quæ sunt merè spirituales, nisi tales species excitentur à phantasmatibus corporis; & secundum hoc munus etiam intellectus agens fuit in Christo. 2. Vt ad præsentiam illorum species intelligibiles educantur de potentia passiva intellectus possibilis; etenim phantasmata materialia irradiata ab intellectu agente eleuantur, tanquam instrumenta, quibus mediantibus species intelligibiles educuntur de potentia passiva intellectus; & secundum hoc munus non fuit in Christo; quia species iam existebant actu à Deo concreatæ in eius intellectu, qui si fuisset creatus sine illis, fuisset imperfectus, causeret enim suis perfectionibus, ad quas fuisset in potentia passiva. Hoc munus tamen non conuenit formaliter intellectui agenti, sed tantum materialiter, quatenus coniungitur cum intellectu possibili imperfecto, de quo habet educere species; nam etiam in nobis, in quibus est intellectus imperfectus, & merè nudus, ac potentialis, cum iam eductæ sunt species, intellectus agens non exercet hoc munus. Non tamen propter hoc dicitur frustraneus, & otiosus, quia exercet alia munera, vt diximus, quæ illi magis propriè conueniunt. Ad arg. in forma dist. ma. Modus connaturalis post peccatum, conc; in statu innocentie, neg. Ad prob. neg. ma; nam si Adam steterisset, communicasset posteris dona supernaturalia, & ideo multo magis naturalia. Ad prob. insert. dicitur disparitatem esse; nam corpora debuerunt propagari per generationem naturalem, quæ fit per decisionem substantiæ gignētis receptam in parua casula matricis ipsius femine; cum autem implicet decidi partem æqualem toti, à quo deciditur, & recipi in loco minori, quàm fit quantitas corporis recepti; ideo in propagatione corpori factam per generationem naturalem necesse fuit incipere à paruitate substantiæ eo etiā, quia cum talis portio decidenda sit à substantia gignētis, si esset magna, nimium pateretur gignens detrimentum in substantia, & sic citò interiret. Igitur necesse fuit à paruitate incipere; nec hoc præiudicaret statui innocentie, si durasset; nam perfectio, & fecunditas illius status sumebatur principaliter à dotibus animæ, quæ fuissent æqualiter in omnibus posteris; & minus principaliter à vultudine corporis, alijsque dotibus, quæ pariter fuissent in omnibus; non autem sumebatur à ma-

à magnitudine quantitatis; ideo carentia magnitudinis in posteris nihil præiudicasset eorū felicitatis, & perfectionis illius status. Fuit autem creatus *Adam* etiam in statu perfecto corporis, quia fuit creatus extra ventrē mulieris, ubi debuisset nutrirī, & crescere, si in paritate, sicut eius posterī, fuisset creatus. Tum quia voluit Deus ostendere, quod causa creata non adiuuat Deum in agendo, quasi Deus se solo non posset producere effectum equè perfectum, ac producit simul cum creatura; ideo ad demonstrandam eius omnipotentiam voluit, ut primus homo à se solo productus esset in statu perfecto nedum animæ, sed etiam corporis; sic enim ostendit, quod *Dei perfecta sunt opera*. At verò in propagatione, in qua creatura coagit Deo agenti, à paritate corporis imperfecti incipiendum esse decreuit; ut agnosceretur, quod creatura non adiuuat Deum, quasi imbecillum, sed potius actionem illius imperficit; & si non adiuuaretur à Deo per simultaneum concursum, nihil omnino produceret. At cum propagatio scientiarum, aliarumque animarū dotium non fiat per decisionem partis scientiæ ipsius gignentis, qui deperderet semper in qualibet productione partem scientiæ, sicut deperdit partem substantiæ; nec fiat per occupationem quantitativam loci; nec per instructionem, & disciplinam; sed per solam communicationem naturæ gignentis, ad quam Deus infunderet scientias naturales in statu perfecto; sicut infunderet iustitiam originalem, & alia dona supernaturalia, quæ exigebat necessario perfectio illius felicissimi status; ideo etiam scientia naturalis fuisset infusa; magna enim miseria fuisset in posteris carere scientiæ naturali; sicut est magna, imò tota felicitas naturalis, ut inquit *Phil.* illam habere. Quoniam igitur status ille felicissimus debebat ad omnes posteros æqualiter transire, si nullum fuisset peccatum, per quod solum illo statu priuari potuimus, & miseria incurrere, quæ sunt effectus peccati, quod est summa miseria, & omnium miserationum origo; ideo debuit infundi etiam scientia naturalis, sine qua vel non esset ille status, vel non esset ita perfectus. Ad prob. iii. dicitur, quod Christus assumpsit, quidquid Deus plantavit in natura humana, non quidquid plantavit peccatum; quia assumpsit solas pœnalitates corporis, non vulnera animæ, ut dictum est; modus autem acquirendi scientias sensuum ministerio per acquisitionem specierum intelligibilium mediantibus phantasmatibus non fuit plantatus à Deo in natura humana, quia *Adam*, in quo fuit natura humana à Deo creata, illas non acquisivit hoc modo, ut constat; ergo iste modus fuit plantatus per peccatum, quod, cum priuauerit nos omni scientia, & ignorantiam induxerit, corripit, ut proprio labore, & industria illas

acquireremus; quod rectè in illa pœna *Adæ* à Deo inflicta: *In sudore vultus tui* &c. potest intelligi. Tandem ad vltimum dicitur, quod potius probat oppositum; sicut enim quia Christus venit, ut Caput supremum in ordine supernaturali, debuit habere in se ipso, & transfundere in omnes alios habitus supernaturales; atque omnes alij à Christo non potuerunt proprijs actibus illos acquirere; ita quia *Adam* constitutus fuit à Deo caput naturale omnium hominum, debuit transfundere in posteros omnes habitus, & perfectiones naturales, nisi in pœnam peccati illarum carentia fuisset inflicta.

12. Obijc. 1. Si Christus debuisset assumere intellectum perfectum speciebus, debuisset etiam assumere potentias sensitivas perfectas suis speciebus; & ideo nedum in intellectu Christi, seu in memoria intellectiua fuissent infuse omnes species intelligibiles, sed etiam in potentijs sensitivis, seu in memoria sensitiva fuissent concretae omnes species materiales; eadem enim ratio probat de vtriusque; sed conf. est falsum; aliter nec scientiam experimentalem acquisiuisset, quæ non acquiritur, nisi per acquisitionem specierum materialium; ergo falsum est ant.

Resp. neg. ma; & disparitas est; quia cum potentiæ sensitivæ non operentur, nisi præsentibus suis obiectis; quanvis enim abstrahant à materia, non tamen abstrahunt à conditionibus materiæ, quæ sunt *hic*, & *nunc*; idèst præsentia litas loci, & temporis; oculus enim non potest videre obiectum, quod semel vidit, & non est præsens, & cuius species existit in memoria sensitiva; & quanvis sensus interni possint aliquoties agnoscere obiectum, quod fuit, & non est præsens, quia habent maiorem abstractionem à materia, quàm sensus externi; hæc tamen sensatio non est evidens, & perfecta, sed omnino imperfecta, & inevidens propria quasi solis dormientibus; ideo potentiæ sensitivæ ex sua natura, & ratione essentiali petunt acquirere suas species ex obiectis præsentibus; & per consequens non debent produci cum suis perfectionibus, quia non debent produci omnia earum obiecta, à quibus simul hauriant omnes species, quas possunt habere. At intellectus, cum abstrahat à materia, & à conditionibus materiæ, potest intelligere etiam obiecta non præsentia, idèst non existentia à parte rei; ideo potest habere omnem suam perfectionem simul, ut intelligat quodlibet obiectum, & per consequens intellectus Christi, qui fuit perfectissimus, debuit habere congenitam omnem speciem, quæ est perfectio determinans ad intelligendum quodlibet contentum intra latitudinem sui obiecti.

13. Obijc. 2. cont. 2. part. Christus non exercuit actus omnium artium; ergo non habuit

buit scientiam experimentalem illarum .

Resp. *noſter Gibb.* diſt. ant. Non exercuit aſtus internos omnium artium , neg; externos, conceditur .

14 Collig. 1. ex dictis non dari in Chriſto duplicem ſcientiam naturalem, nempe vnam infuſam per ſe , & aliam infuſam per acci- dens ; nam illæ duæ ſcientiæ non differrent ſpecie , quia haberent idem obiectum ſpecificatum formale; ſed ſolo numero; implicat autem duo accidentia ſolo numero diuerſa eſſe in eodem ſubiecto . *Vid. 10. 4. de Virt. 9. 3. art. 8.*

15 Collig. 2. nomine ſcientiæ naturalis genericè intelligi omnes ſpecies omniū ſcientiarum naturalium , omnes enim fuerunt perfectiones intellectus animæ Chriſti ; & ideo omnes in eo fuerunt .

16 Collig. 3. Chriſtum nihil didiciſſe non ſolum ab hominibus , ſed nec etiam ab Angelis . Ita *Fund. Doſt. hic diſt. 15. p. 2. q. 1; D. Tho. hic art. 3; & 4; & omnes alij communiter* . Prob. Chriſtus eſt vnus omnium Magiſter , & Dominus hominum , & Angelorum; vt dicitur *Mat. 23. Vnus eſt Magiſter veſter*; nam habuit maiorem ſcientiam , quàm habent Angeli , & homines ; ergo nihil didicit ab aliquo Angelo .

17 Dices . Chriſtus fuit confortatus ab Angelo ; ſed confortatio importat inſtructionem; ergo Chriſtus fuit inſtructus ab Angelo .


Resp. *Fund. Doſt.* Angelum confortaffe Chriſtum famulando & obſequendo , non autem inſtruendo ipſum de rebus , quæ euenturæ erant. Neg. igitur mi. vniuerſaliter; licet enim

confortatio poſſit eſſe cum inſtructione , vel per inſtructionem ; quia quando inſtruimur in aliqua anguſtia , confortamur ; attamen hoc non eſt de eſſentia confortationis .

18 Collig. 5. Chriſtum non habuiſſe Angelum cuſtodem ſui. Ita *Ita Fund. Doſt. ubiſ;* nam Angelus cuſtos datur tantum puris viatoribus , vt reducat eos ad viſionem beatam ; & illos defendat à Dæmonibus inſidiarioribus , qui eos conantur auertere à Deo , & in damnationem detrudere ; ſed Chriſtus fuit ſimul viator , & beatus ; & non potuit peccare , nec amittere beatitudinem , ac damnationem incur- re ; ergo non habuit Angelum cuſtodem. Tum quia Angelus cuſtos inſtruit eum , cuius cuſtodix eſt deputatus ; ſed Chriſtus non potuit inſtrui ab Angelis ; fuit enim Magiſter Angelorum etiam in via ; ergo idem .

19 Dices . *D. Dion. 4. de Ang. Hier.* videtur aſſerere Chriſtum ſubdi paternis traditionibus mediantibus Angelis ; ergo habuit Angelum cuſtodem . 2. Minor à maiori cuſtoditur ; ſed Chriſtus , vt homo , fuit minoratus ab Angelis ; vt dicitur *pf. 8;* ergo idem .

Resp. ad 1. Chriſtum ſubdi paternis traditionibus mediantibus Angelis famulantibus , non cuſtodientibus ; loquitur enim *D. Dion.* in plurali ; & idco rectè intelligitur de Angelis miniſtrantibus , qui ſunt plures ; non de Angelo cuſtode , qui eſt vnus . Ad 2. diſt. Fuit minoratus quantum ad naturam humanam , non quantum ad imperfectiones naturæ .



De impeccabilitate, & libertate; præcepto,
& obedientia, & potentia Christi.

ERACTIS ijs, quæ pertinent ad Christi intellectum, ea, quæ spectant ad eius voluntatem, declaranda sequuntur. Quamvis autem videatur ratione ordinis hæc quæstio præmittenda fuisse ad illam, in qua egimus de merito, & satisfactione, cum actus liber, & obedientia sint actus eliciti, vel imperati à voluntate, à qua ratio meriti sumitur; attamen quia meritum, & satisfactionem considerauimus, vt gratia actualis esset de qua pertractare rectus ordo postulat post tractatum de gratia habituali; ideo secundum hanc rationem illam huic præmisimus.

ART. I.

An, & quomodo Christus sit impeccabilis?

EST dogma fidei Christum de facto nullum habuisse peccatum; vt habetur *Isaia 53*; & *1. Pet. 2. Qui peccatum non fecit, nec dolus inuentus est in ore eius*; nec illud habere potuisse de potentia ordinaria tradunt omnes DD; imò suppositis omnibus donis supernaturalibus, quæ de facto fuerunt in Christo, nec de potentia absoluta potuisse peccare; vt habetur in *VI. Syn. act. 8*; vbi dicitur: *Habuit humanam voluntatem impeccabilem*; & *Flor. post sess. ult. in instr. Armenor.*; & in *Cont. Francoford. ep. Adriani*; & est communis doctrina, SS. PP; & DD; nam Christus de facto habuit visionem beatam, & summam sanctitatem, ac puritatem, cum quibus est impossibile peccatum, quod est summa miseria. Difficultas igitur est; an hæc impeccabilitas oriatur formaliter ex vnione hypostatica; vel ex donis supernaturalibus vnioni superadditis ita, vt præcis his donis natura humana vnita Verbo habuisset potentiam proximam peccandi, quæ posset ad actum secundum reduci.

1. Prima sententia vult Christi impeccabilitatem formaliter proximè oriri tantum ex visione beata, radicaliter verò remotè ex vnione hypostatica, quæ veluti connaturaliter, & de congruo exigit visionem beatam; quia tamen non repugnat de potentia absoluta Christum fuisse sine visione beata; & sine alijs donis in puris naturalibus, ideo de potentia Dei absoluta potuit Christus peccare etiam perseverante vnione; & ideo potentia proxima peccandi non repugnat Christo attentæ solæ vnione hypostatica; sed solum repugnat ratione beatitudinis. Ita *Scot. in 3. dist. 2. q. 1. §. Ad arg. principalia*; & *dist. 12. q. 1*; quem sequitur *Mastr. hic dist. 2. q. 2*; apud quem *Rada, Fab; Vulp; Gall; Centin; Ponc; Bellus*; vnico excepto *Arcino*; ex alijs verò *Dur. dist. 12. q. 2*; *Hervæus dist. 1. q. 1*; *Marf. q. 9. art. 2*.

3. Secunda vult, quòd licet perseverante vnione Christus non potuerit peccare; attamen secundum alium ordinem alterius providentiæ potuisset peccare ita, vt in instanti peccati dissolueretur vnio hypostatica. Ita quidam *Neoterici*.

4. Nostra docet Christum nullo modo peccare potuisse nedum ex vi visionis beate, sed etiam ex vi vnionis hypostaticæ, nedum perseverante, sed etiam dissoluta vnione hypostatica in instanti peccati; atque in eo non potuisse potentiam proximam peccandi reperiri secundum quancunque potentiam. Collig. ex *Fund. Doct. in ep. ad Rom. c. 8. lect. 24*; & *hic dist. 3. p. 4. q. 4. dub. 6. tit. Mag. dist. 12*; *D. Tho. D. Boni Capri*; & omnes alij communissimè.

5. Conueniunt DD. in natura humana Christi fuisse potentiam radicalem remotam peccandi; quia in eo fuit liberum arbitrium creatum, seu voluntas libera humana, vt statuit *VI. Syn. cont. Monotheismi* asserentes in Christo fuisse tantum vnā voluntatem, & vnīcam operationem. Cum autem voluntas humana fuerit à Deo creata ex nihilo, ideo ex sua natura est defectibilis, quia in nihilum potest reduci; quod autem potest in nihilum tendere, potest patrare peccatum, quod nihil est, vt dicitur *1o. 1*; ex eo enim, quòd voluntas humana possit physicè deficere, bene arguitur, quòd possit etiam moraliter, quòd est peccare; quia moralitas supra esse physicum fundatur; tum quia operationes tam physicæ, quam morales sequuntur ad esse, & naturam illius; adeoque si esse cuiuscunque rei creata est defectibile, etiam operationes ab eo procedentes possunt deficere. Hæc tamen potentia radicalis remota peccandi nunquam reducitur ad actum, nisi fiat proximè potens peccare, seu nisi ei superaddatur potentia proxima peccandi. At plerique non explicant, in quo consistat hæc potentia proxima; & aliqui non rectè illam explicant; ex quo deriuatur in hac quæstione obscuritas, & confusio non modica.

6. Aliqui explicant potentiam proximam peccandi ita, vt importet liberum arbitrium defe-

defectibile cum concursu Dei parato ad illam actionem; necesse enim est ultimum disponi nostram voluntatem ad eliciendam actionem peccaminosam. *Alij* verò asserunt importare entitatem liberi arbitrij connotando in obliquo carentiam sanctitatis; vt videre est apud nostrum Gibb. hic.

Sed cont. 1. est 1. Impium est dicere, quòd concursus Dei ultimò, & proximè disponat ad peccatum; ergo potentia proxima peccandi non constituitur per Dei concursum.

2. Potentia proxima ad agendum constituitur per vltimam dispositionem, qua voluntas vltimò disponitur ad hoc, vt nullo alio expectato possit in peccatum prorumpere; sed dispositio importat essentialiter qualitatem intrinsicè receptam in subiecto disposito; & concursus Dei non est huiusmodi, vt constat; ergo potentia proxima peccandi non importat Dei concursum, per quem formaliter constituitur.

3. Potentia proxima dicit potentiam in actu primo potentem agere; quandiu enim potentia non est in actu primo non potest prorumpere in actum secundum; & ideo non est vltimò, & proximè disposita ad operationem, quæ est actus secundus; sed concursus Dei nequit esse actus primus peccati; quia actus primus, & secundus sunt eiusdem speciei; & ideo sicut actus secundus est peccatum; ita actus primus peccatum esset; & sic Deus, qui est causa concursus, esset causa peccati; ergo idem.

Cont. 2. est. Carentia sanctitatis non habetur formaliter, nisi per peccatum in actu secundo exercito; quia forma tollitur formaliter per priuationem, non autem per dispositiones etiam vltimas ad priuationem; sed quandiu voluntas est in potentia proxima ad peccandum, non est peccatum in actu secundo exercito; aliter non esset in potentia ad illud, quia esse in potentia ad actum dicit non esse ipsius actus; ergo potentia proxima peccandi non constituitur per carentiam sanctitatis in obliquo connotatam.

2. Potentia proxima peccandi debet constitui per aliquod, quod respicit in recto, non connotatiuè; quauis enim aliquod constitutum vltra constitutum, quod respicit in recto, possit respicere aliud de connotato; & in obliquo vt cæna, quæ in recto respicit comestionem, à qua constituitur, respicit etiam de connotato tempus vespertinum; attamen implicat, quòd aliquod constitutum respiciat aliquod de connotato, & in obliquo; & non respiciat aliquod in recto; aliter illud non esset connotatum, & obliquum, sed rectum; quia connotatum, & obliquum essentialiter supponit rectum; atqui rectum, quod primariò respicit potentia proxima peccandi, prout contradistinguitur à potentia radicali remota, nequit esse entitas liberi arbitrij defectibilis, quia hæc constituit potentiam radicalem remotam;

Mag. Frideric. Nic. Gauardi Tom. 5.

& ideo formaliter non distingueretur ab illa; ergo insufficienter assignatur constitutum potentie proximæ ad peccandum. 3. Potentia proxima ad peccandum hic sumitur, prout contradistinguitur, & separatur ab ipso peccato; sed per peccatum habetur formaliter carentia sanctitatis, cum sit illius priuatio; ergo potentia proxima peccandi non constituitur formaliter per carentiam sanctitatis.

7. Dicendum ergo nomine potentie proximæ ad peccandum significari actum primum, quo potentia radicalis vltimò, & proximè disponitur ad peccandum ita, vt potentia nullo alio attentato possit se determinare ad peccandum. Sicuti potentia proxima ad calefaciendum est calor; ex eo enim, quòd ignis habeat in se calorem, dicitur in actu primo proximè potens calefacere. Causatur autem actus primus in voluntate hoc modo. Primò intellectus apprehendit obiectum peccaminosum, & illud repræsentat voluntati, quæ, cum sit potentia cæca, nequit tendere in aliquid, quod non sit sibi manifestatum ab intellectu; què propterea suadet voluptati, vt tendat in illud, tanquam in obiectum delectabile; vnde necessè est, vt cogitatio turpis in intellectu præcedat actum malum in voluntate. Deinde si voluntas non resequat tale obiectum, quod potest præstare, quia libera, & domina est; tunc tale obiectum causat in voluntate actum, qui, vt qualitas est, reddit voluntatem ponderosam, & inclinatur in tale obiectum; & iste actus primus in voluntate, per quem redditur proximè potens tendere in tale obiectum determinatum; cum enim voluntas secundum se ipsam sit indifferens ad tendendum in quodlibet obiectum repræsentatum, vt bonum, & ab indifferenti, vt indifferens est, nequeat elici actio determinata; ideo per actum, vt qualitas est, productum ab hoc obiecto debet determinari ad tendendum potius in hoc obiectum, quàm in aliud. Nec per hoc læditur eius libertas, quia adhuc determinata ad tale obiectum potest tendere in illud affirmatiuè consentiendo suasioni intellectus; & negatiuè per modum fugæ dissentiendo; & potest præcipere intellectui, vt alia sibi obiecta proponat; adeoque manet eius libertas nedum contradictionis, quæ respicit tendentiam, & non tendentiam in tale obiectum; sed etiam contrarietatis, quæ respicit hoc, vel illud obiectum. *Vid. 10. 1. q. 1. proæm. art. 6. nu. 4; & de Inuisib. Dei q. 1. art. 6. à nu. 1;* quod sæpe alijs in libris necesse fuit repetere. Igitur in tantum potuisset esse potentia proxima peccandi in Christo; in quantum eius intellectus potuisset elicere cogitationem turpem, & falsam, qua suauisset eius voluntati tendentiam in obiectum delectabile dissonum legi, à quo causatus fuisset actus primus, per quem voluntas constituta fuisset

P p

vltimò,

ultimò, & proximè potens tendere in actum secundum. *Hoc supp.*

8 Vnica concl. Christus ratione solius vnionis hypostaticæ præcisè quibuscunque alijs donis non potuit peccare etiam de potentia Dei absoluta siue retenta, siue dissoluta vnione, siue secundum ordinem huius, siue alterius prouidentie ita, vt quauis admittatur potentia radicalis remota peccandi in voluntate humana; nullo modo tamen potuit esse potentia formalis proxima ultimò ad peccandum disposita.

Prob. 1. ex 1o. 1. Verbum caro factum est &c; plenum gratiæ & veritatis. Super quod S. P. Aug. in *Enchir.* c. 40. loquens de vnione hypostatica naturæ humanæ cum Verbo inquit: *Ut in natura humana susceptione fieret quodammodo ipsa gratia homini naturalis, quæ nullum posset peccatum admittere; & superius c. 36.* loquens de eadem gratia vnionis, quam asserit nullum meritum præcessisse; quia natura humana, priusquam assumeretur in vnitatem personæ Diuinæ, nihil egit, nihil meruit, ait per hanc factum est, *ut homo Christus nullum habere posset peccatum;* ex quo inferit *cont.* Pelagium etiam nos iustificari à peccatis, & vitare peccata per gratiam nobis sine meritis concessam; ergo ratione solius vnionis hypostaticæ Christus non potuit peccare. Deinde eodem c. 40. insinuat rationem; quia per talem vnionem *Verbo Dei copulatus est homo in tantam personæ vnitatem, ut idem ipse esset Filius Dei, qui filius hominis; & filius hominis, qui Filius Dei.* Ex quo sic. Implicat per quancunque potentiam, & ordinem, quòd Filius Dei possit peccare; quia Filius Dei Deus est; & implicat Deum posse peccare; sed Christus, vt homo, est Filius Dei; non enim Christus, vt homo, est alia persona distincta à Filio Dei, seu à persona Diuina, quæ est Filius Dei, vt statutum est *cont. Nestoriani;* ergo implicat per quancunque potentiam, & ordinem, quòd Christus, vt homo, possit peccare.

9 Prob. 2. Suppositum Diuinum esse principium quod actiue eliciens peccatum implicat secundum quancunque potentiam, & ordinem cuiusuis prouidentie, siue retenta, siue dissoluta vnione; sed si Christus haberet potentiam proximam, qua actu peccaret; suppositum Diuinum esset principium quod actiue eliciens peccatum; ergo Christum habere potentiam proximam, qua actu peccaret, implicat secundum quancunque potentiam, & ordinem cuiusuis prouidentie, siue retenta, siue dissoluta vnione. Ma. constat, quia suppositum Diuinum nequit esse causa peccati, cum nequeat auertere à se ipso, & tendere in nihilum; illud enim solum potest auertere à Deo, quòd non est Deus, & non est regula tendendi in Deum; cum nihil possit auertere à se ipso, si sit

summè bonum sine vlla malitia; quod est obiectum conuersionis, non auersionis; & quod extractum est à nihilo, potest tendere in nihil; sed suppositum Diuinum est summè bonum sine vlla malitia, & non est ex nihilo; ergo idem. Prob. mi. ex illo axiomate: *Actiones sunt suppositorum;* quod esse intelligendum actiue eliciuè, non verò tantum denominatiue, vt aiunt *Aduersarij;* ab alijs communiter asseritur; & prob. ex *Flor. sess. 10.* asserente: *Dixi Filium ex Patre, & ex Patris substantia generari ita tamen, ut persona sit produens, & generans; principium autem, quo ipsa persona generat, sit id solum, quod communicabile est;* ex quibus sic. Quælibet actio egrediens à qualibet natura est à supposito illius naturæ actiue eliciuè, vt à principio quod; vera enim est hæc propositio; *Persona Patris æterni actiue eliciuè generat Filium;* non autem solum denominatiue, & penes nomen, non verò per actionem; sed natura humana Christi non habet, nisi suppositum Diuinum; ergo actio peccaminosa egrediens à nostra humana Christi esset à supposito Diuino actiue eliciuè, vt à principio quod. Tum quia actiones elici à supposito, vt à principio quod, est vox omnium Philosophorū, vt testatur idem *Cont. sess. 19;* ergo asserere actiones conuenire suppositis solum denominatiue communi consensu reprobat. Tum quia passiuè produci, vt quod, conuenit soli supposito, non enim sola natura producit; ergo actiue producere, vt principium quod, soli supposito conuenit; terminus enim productus debet correspondere principio producenti. Tum quia actio, prout fundat relationem ad terminum, eliciuè conuenit tantum ei, quod distinguitur realiter à termino; relatio enim distinctionem realem importat; sed solum suppositum producens distinguitur realiter à termino producto, natura enim est communis vtrique; ergo actio eliciuè conuenit tantum supposito. Tum quia agere sequitur ad esse; ergo per se agere ad per se esse; sed soli supposito conuenit per se esse; quia natura habet esse in supposito; suppositum autem habet esse in se, & per se ipsum; ergo soli supposito conuenit per se agere. Atqui agens tantum denominatiue, non eliciuè, non agit per se, dicitur enim agere per ordinem ad aliud, cum quo coniungitur; vt cum dicitur: *Musica edificat;* denominatur per ordinem ad artem ædificatoriam, cum qua musica in eodem supposito coniungitur; ergo idem. Sed secundum ordinem alterius prouidentie esset idem suppositum Diuinum in natura humana Christi; aliter non esset idem Christus, & sic esset quæstio de subiecto non supponente; & quauis dissolueretur vnio, attamen illa actio peccaminosa esset eliciuè à supposito Christi; ergo eodem modo implicat, quo de facto reputatur.

10 Conf. Actiones meritoria Christi Domini sunt elicitive à supposito Diuino; in tantum enim sunt infiniti valoris, in quantum elicuntur à supposito Diuino; ergo & actiones peccaminosae; nulla enim est assignabilis ratio, ob quam suppositum concurrat ad aliquas, & non ad omnes actiones.

11 Prob. 3. rationibus allatis q. 7. art. 13; etenim natura humana per vnionem hypostaticam sanctificatur substantialiter; ergo repugnat ipsam peccare; nam si repugnat naturam accidentaliter sanctam reduplicatiue, vt talem, peccare; multo magis repugnat naturam substantialiter sanctam peccare; cum sanctitas substantialis sit maior, quam accidentalis; propterea Christus dicitur *Sanctus Sanctorum* eo, quia est maximè sanctus, cum sit sanctus ne dum sanctitate accidentali, sed etiam substantiali, quia maior dari non potest. *Vid. ubi.* Tum quia ex eo, quod natura creata vnitur Deo per operationem beatam redditur impeccabilis; ergo multo magis ex eo, quod vnatur per esse suppositale; quia maior vnio est substantialis, quae habetur per esse substantiale in supposito, quam vnio per operationem, quae est accidentalis.

12 Præterea Christus non potuit damnari; quia Christus etiam secundum naturam humanam ratione solius vnionis hypostaticae est Filius Dei; vt diximus q. 6. ex Conc. *Frankford*; repugnat autem Filium Dei esse filium Diaboli, perditionis, & iræ, vt est damnatus; ergo non potuit peccare ratione solius vnionis hypostaticae; quia ob quodlibet peccatum potest homo à Deo iuste damnari. Sic afferri possunt omnia alia inconuenientia, & absurda sequela, ob quas sententia contraria multis censuris notari solet.

13 Insuper impeccabilitas non minùs conuenit personalitati, quam naturæ Diuinæ; non enim minùs sancta, & indefectibilis est persona, quam natura; ratione autem sanctitatis, & indefectibilitatis nequit ei cōuenire peccabilitas, seu potentia peccandi; sed si natura Diuina posset vniri supposito creato, illud suppositum, quanuis ex se defectibile, ratione naturæ Diuinæ non posset peccare; quia implicat naturam Diuinam esse principium formale peccandi; ergo ex eo, quod suppositum Diuinum præcisè vnatur naturæ defectibili, talis natura non potest peccare eo, quia tale suppositum, quod agit per talem naturam, nequit peccare.

14 Similiter ex eo, quod voluntas ex sua natura defectibilis coniungatur cum voluntate ex sua natura indefectibili, ex vi talis vnionis redditur indefectibilis; ideo Christus *Luc. 22.* inquit: *Non mea voluntas, sed tua fiat*; & ratio est; quia quoties aliquod inferius eleuatur ad esse alicuius superioris, tunc illud inferius in-

ducit modum superioris, non è contra; v. g. ex eo, quod corpus vnatur animæ, redditur animatum; non tamen anima redditur corporea; voluntas autem indefectibilis est superior voluntate defectibili; ideo communicat ei modum suæ indefectibilitatis; sed in Christo ex vi solius vnionis esset voluntas humana defectibilis vnita voluntati Diuinæ indefectibili simpliciter; ergo idem.

15 Tandem ad esse indefectibile simpliciter in esse moris nequit sequi, nisi actio indefectibilis moraliter; sicut enim ad esse, vt sic, sequitur operari, vt sic; sic ad tale esse sequitur tale operari; sed Christus habet esse indefectibile simpliciter in esse moris; quia habet esse suppositi Diuini; vt diximus q. 5. art. 3. *S. 43*; ergo Christus nequit habere, nisi actionem moraliter indefectibilem; & ideo nequit habere peccatum. Nec est paritas de defectibilitate physica; quia licet Deus sit causa entitatis physicae, quæ est physice defectibilis, nequit tamen esse causa peccati, quod est defectus moralis, vt docet fides;

16 *Obijc. 1. Mastr.* Impeccabilitas creaturæ nequit æquari impeccabilitati Dei; quia, impeccabilitas Dei est per naturam; impeccabilitas verò creaturæ est per gratiam; vt docent SS. PP; inter quos *S. P. August. lib. 3. cont. Maximin. c. 12.* asserens: *Cuiusque creature rationali præbatur, vt peccare non possit, non est hoc natura, sed gratia*; & ratio est; quia creatura est ex nihilo, ideo ex se ad nihilum tendit, quod est peccatum; sed sola impeccabilitas Dei est simpliciter, & absoluta; ergo Christus nequit dici simpliciter, & absolute impeccabilis, sed tantum secundum quid, & ex gratia. 2. *Apost. Hebr. 7.* ait: *Talis decebat, vt nobis esset Pontifex sanctus, innocens, impollutus &c;* sed verbum *decebat* facit sensum de congruo, quod contradistinguitur à necessitate absoluta, & simpliciter; ergo simpliciter, & absolute potuisset peccare. 3. Vel hoc esset; quia vnio hypostatica est forma sanctificans formaliter; & hoc non; quia Verbum potuisset assumere naturam humanam tantum in naturalibus, & sic non sanctificaret; sicut non sanctificaret, si assumeret naturam irrationalem; vel quia habet annexam indispensabiliter beatitudinem, quæ necessariò excludit peccatum; & hoc non propter eandem rationem; & quia vnio hypostatica est prior visione beata, quia illa ordinatur ad esse, hæc ad operari, quod est posterius esse, ad quod sequitur; prius autem potest haberi sine posteriori; ergo præcisè visione beata proximè posset peccare.

Ad 1. de modo loquendi resp; quod licet Christus, vt homo, non excludat potentiam radicalem remotam peccandi; quia non excludit liberum arbitrium creatum, quod est radicaliter defectibile, vt potè creatum; &

non sit dicendus simpliciter, idest secundum omnem modum, & quancunque rationem impeccabilis, sicut dicitur impeccabilis Deus; attamen dicendus est absolute, & simpliciter, idest sine addito impeccabilis; sicut licet beati non excludant liberum arbitrium creatum defectibile radicaliter; attamen absolute dicuntur impeccabiles, & simpliciter, idest sine addito; non tamen simpliciter, idest secundum omnem rationem, & modum; quia non sunt impeccabiles secundum naturam, sed solum secundum gratiam; unde illud adverbium *simpliciter* ad æquiuocationem detorquetur; nempe prout significat *secundum omnem rationem, & modum*; & prout significat *sine addito*. Sic Angeli absolute, & simpliciter, idest sine addito dicuntur intellectuales; quauis non sint intellectuales eo modo, quo Deus est intellectualis; quia Deus comprehensiuè infinitè, Angeli verò intuitiuè finitè. Vnde dist. mi. Solus Deus est impeccabilis absolute, & simpliciter, idest secundum omnem rationem, & modum, conc; & in hoc sensu Christus non dicitur simpliciter impeccabilis; absolute, & simpliciter, idest sine addito, neg. mi; & cons; sufficit enim ad hoc, vt aliquis hoc modo dicatur impeccabilis, quòd excludat potentiam proximam peccandi, quæ determinatè respicit peccatum; quod propriè excludit impeccabilitas; nam potentia remota, & radicalis peccandi est indifferens, & indeterminata ad peccandum, & non peccandum; quia importat præcisè liberum arbitrium, quod potest peccare, & non peccare. Præterea quidquid sit de modo loquendi, dicitur quæstionem esse de potentia proxima, non remota; ideo arg. duum ex SS. PP. nihil concludit. Ad 2. dicitur *Apost.* explicare congruentiam incarnationis Verbi Diuini; congruum enim fuit, vt talis esset Pontifex, qui non potest habere peccatum, vt nos reconciliaret à peccatis; non autem explicare congruentiam non peccandi supposita existentia incarnationis Verbi; sic enim fuit necessitas, non congruitas; in tantum nanque fuit congruum Verbum incarnari, quia poruit homo redimi absque incarnatione; non tamen fuit congruum Verbum incarnatum esse sanctum, quasi potuerit habere peccatum; tunc enim non posset esse Redemptor, sed esset redemptus, vel redimendus à suo peccato. Deicit ergo Verbum incarnari, quia necesse fuit Redemptorem à peccato esse sine peccato; quod expresse habet *Apost. ibid;* asserens alios Sacerdotes constitutos in lege ante Christum habuisse infirmitatem, quia poterant peccare; Christum autem post legem constitutum fuisse Sacerdotem perfectum, idest sine infirmitate, quæ est potentia proxima ad peccandum: *Lex enim* (inquit) *homines constituit sacerdotes infirmitatem habentes; sermo autem iuris iurandi, qui*

post legem est, Filium in æternum perfectum. Ad 3. diximus q. 7. art. 1. n. 6; & 19. Dicitur ergo ad ant. Christus dici impeccabilem ratione vnionis hypostaticæ, & ratione beatitudinis. Ad improb. dist. Vnio hypostatica ad filiationem Dei naturalem non sanctificat, neg; ad esse merè naturale, conc. Sed de facto Verbum assumpsit naturam humanam ad filiationem Dei naturalem, ideo de facto sanctificat; & ratione talis vnionis excludit potentiam proximam ad peccandum. Si autem assumpsisset ad esse tantum naturale tunc non exclusisset potentiam proximam peccandi eo, quia talis vnio esset forma sanctificans; sed quia talis vnio esset facta ad suppositum Diuinum, quod nequit esse causa peccati; unde potentia proxima peccandi excluditur nedum per sanctificationem humanitatis, sed etiam per vnionem ad suppositum Diuinum, cui nullo modo potest competere posse proximè peccare; & ratione visionis beatæ subsequenter ob impossibilitatem, quam habet cum peccato; qua tamen adhuc præcisè non posset peccare ob alias antecedentes rationes non peccandi.

17 Obijc. 2. *idem.* Voluntas Christi est eiusdem rationis cum nostra voluntate; ergo nisi determinetur ad rectè agendum per aliquid aliud, potest proximè peccare; sed tale determinans non est assignabile; quia non est ipsa vnio; nam vnio non potest determinare voluntatem ad non peccandum; nisi vel quia, est impossibilis cum peccato; & hoc non; quia vnio subiectatur in natura, peccatum verò in voluntate; quæ autem habent diuersa subiecta, non sunt impossibilia, vel quia, causaret in voluntate aliquem actum, per quem determinaretur voluntas; & hoc non; quia, vnio non subiectatur in voluntate; vel quia, habet annexum aliquod incompatibile cum peccato, v. g. visionem beatam; & hoc non; quia posset assumi natura non fruens Deo; ergo *idem.* 2. Sententia negatiua non habet fundamentum firmum in ratione; quia in assignanda ratione est dissensus; *Vasq.* enim ait rationem ductam ex causalitate suppositi non concludere; neque in auctoritate SS. PP. omnes enim, qui citantur, scripserunt *con.* *Apollinarem* negantem mentem humanam in humanitate; cum enim mens humana sit vertibilis ad malum, timebat hæreticus, ne admitteret peccatum in Christo; ad quem errorem eliminandum dixerunt SS. PP. ex vnione humanitatis ad Verbum eximi à potestate peccandi; quod bene potest intelligi de potentia ordinaria, non absoluta; & de causalitate mediata, scilicet mediante visione; non immediate ratione sui; ergo *idem.* 3. Datur de facto potentia remota ad peccandum; ergo de possibili potest dari etiam potentia proxima; nam in tantum datur potentia remota, in quantum voluntas creata est

est finita, & limitata; finitas autem, & limitatio nequit tolli, nisi voluntas creata destruat; ergo supposito concursu parato ex parte Dei ad vtrunlibet resultaret potentia proxima, quæ modo est remota, quia non adest talis concursus. 4. Potentia proxima ad peccandum non est culpabilis; quia non est peccatum; stat enim simul cum gratia; ergo potest stare simul etiam cum vnione hipostatice. 5. In tantum Christus nequit peccare, quia peccatum nequit stare simul cum vnione hipostatice; sed si in instanti peccati dissolueretur vnio, peccatum non esset simul cum vnione, quæ tolleretur; ergo saltem posset peccare dissoluta vnione.

Resp. ad 1. neg. mi. subsumptam; & ad prob. insert. dicitur, quod etiam visio beata subieciatur in intellectu, non in voluntate, & tamen reddit voluntatem impeccabilem. Sufficit ergo, quod subieciatur in eodem subiecto remoto, scilicet in eodem homine; quia impossibile est, quod idem homo sit simul Filius Dei naturalis per vnionem hipostaticam, & filius Diaboli per peccatum. Ad 2. neg. anti. nam ad infirmandam aliquam rationem non sufficit negari ab aliquo non bene illam intelligenti, vt illum intelligit *Vasq.* in casu; aliter etiam *Scoti* sententia esset abiicienda propter hoc; nam *Aretinus*, & alij illam diuersimodè explicant, & negant in sensu, quo illam *Mastr.* admittit, scilicet quod Christus possit peccare permanente vnione. Nec verum est, quod *SS. PP.* negauerint solum Christum posse peccare agentes *cont. Apollinarem*; nam *S. P. August.* in *Enchir.* non agit contra hunc hæreticum; sed *cont. Pelagianos* asserentes gratiam ex meritis dari, & viribus naturæ posse vitari peccata; & ad hæc reprobanda ait naturam humanam nihil meruisse, vt ad gratiam vnionis perueniret, per quam gratiam facta est impeccabilis. Quod autem nequeant intelligi tantum de potentia ordinaria, *superius* dictum est. Ad 3. neg. conf. Ad prob. insert. neg. conf; nam potentia proxima non constituitur ex concursu Dei parato, sed ex actu primo peccaminoso causato in voluntate ab obiecto peccaminoso ei præsentato ab intellectu, vt *sup.* diximus. Ad 4. dist. ant. Potentia proxima peccandi non est culpabilis inchoatiuè; neg; est enim inchoatio peccati; nam actus primus est inchoatiuus actus secundi; completiuè, conc; implicat autem peccatum esse in Christo quocunque modo; quia implicat suppositum Diuinum elicere actionem inchoatiuam peccati; & ideo elicere cogitationem suadentem voluntatem ad peccatum, & repræsentantem ipsi obiectum peccaminosum prosequendum; per quod solum voluntas cõstituitur proximè potens peccare; quia *nihil volitum, quin præcognitum*. Ad 5. dicitur Christum non posse

peccare nedum, quia repugnat peccatum esse simul cum vnione hipostatice; sed etiam quia implicat actionem peccaminosam elici à supposito Diuino; sed in casu, quo dissolueretur vnio, adhuc illa actio esset elicita à supposito Diuino, vt à principio quod; quia non esset elicita à supposito humano, aliter non esset elicita à Christo, qui essentialiter importat suppositum Diuinum: nec esset elicita à sola natura humana; quia sicuti repugnat oculum videre sine anima, quæ videt per oculum; ita repugnat naturam agere sine supposito, quod agit per naturam. Præterea dicitur, quod licet peccatum in actu secundo non esset simul cum vnione; attamen in actu primo esset simul cum illa; quia actus primus debuit esse conceptus à Christo, vt dicit suppositum; aliter non Christus, sed sola natura humana peccaret, quod est extra questionem; repugnat autem actum primum peccati esse simul cum vnione hipostatice, quæ importat summam sanctitatem, qua excluditur peccatum in actu primo, & secundo; & sic eluuntur omnia ista adminicula.

18 Obijc. 3. *Christus Matth. 26. inquit: Pater, si fieri potest, transeat à me calix iste;* quod dixisse per voluntatem humanam constar ex verbis sequentibus: *Veruntamen non quod ego volo, sed quod tu;* seu vt habetur *Luc. 22. Non mea voluntas, sed tua fiat;* ergo habuit voluntatem humanam proximè dispositam ad transgrediendum præceptum mortis, & ideo ad peccandum. 2. Aliter non habuisset libertatem.

Resp. *S. P. Aug. ep. 121. ad Probam cap. 14;* quod hoc dixit ex persona hominum humanam in se voluntatem ex hominis susceptione transformans; non autem ex persona propria; sicut cum *ps. 11. inquit: Longè à salute mea verba delictorum meorum;* id est delictorum hominum, quæ, vt mea, suscipe delenda. Neg. igitur conf. Ad 2. inf. art. 3.

19 Obijc. 4. *Dnr.* In casu humanitas Christi non haberet dona supernaturalia, nec existentiam Diuinam, sed propriam; ergo nihil haberet, quo impediretur peccare. 2. Quauis Deus sit summa vita, potuit mori; ergo quauis sit summa sanctitas, potuit peccare. 3. Licet voluntas humana Christi peccaret, non tamen peccaret voluntas Diuina; sicut licet voluntas humana mereatur, non tamen meretur voluntas Diuina; ergo peccatum non refunderetur in Deum. 4. Voluntas Diuina tantum permitteret peccatum in voluntate humana; sed permittere peccatum non repugnat Deo; ergo idem. 5. Potuit Verbum assumere humanam naturam iam existentem in supposito creato, & in illo infectam peccatis; ergo post vnionem haberet illa peccata; & valeret dicere: *Hic homo peccauit;* tum quia potuisset assumere-

assumere naturam humanam in eo instanti, in quo intellectus practicus diceret voluntati aliquod peccatum practice; sed tunc voluntas non potuisset non consentire; ergo simul fuisset peccatum cum vnione.

Resp. ad 1. neg. 2. part. ant; vt diximus q. 5. ar. 3. §. 2; sed etiā transmissio neg. conf. impediens esset vnio, vt diximus, quæ summè sanctificaret naturam. Ad 2. dicitur, quod nimis probat; euincit enim de facto potuisse esse peccatum etiam suppositis omnibus donis; sicut de facto fuit mors. Neg. autem conf. quia mors est malum pœnæ, quod potest esse volitum à Deo; peccatum verò est malum culpæ, quod Deo repugnat. Ad 3. dicitur, quod licet voluntas Diuina non peccaret, peccaret tamen suppositum Diuinum; sicut licet voluntas Diuina non mereatur; idem non sit principium quo merendi; attamen suppositum Diuinum meretur, quia est principium quod meriti tribuens actioni valorem infinitum; repugnat autem nedum voluntati, sed etiam supposito Diuinum peccare. Præterea suppositum Verbi non agit per naturam humanam, vt principium quo, nisi vt mouens per voluntatem Diuinam; & ideo etiam voluntas Diuina moueret ad peccatum; quapropter voluntas humana in Christo subdebatur perfectè voluntati Diuinæ in omnibus suis actionibus; & per hoc ad 4. neg. ma; voluntas enim Diuina actiue, non tantum permissiue mouebat voluntatem humanam. Vel dicitur, quod licet voluntas Diuina tantum permetteret, suppositum tamen Diuinum actiue eliceret peccatum, quod repugnat. Ad 5. dist. ant. Potuit Verbum assumere naturam infectam peccatis illam non mundando à peccatis, neg; ipsa enim assumptio est sanctificatio naturæ, quæ nequit esse simul cum infectione peccati. Illam mundando à peccatis, transeat. Ad 1. prob. infert. neg; quod valeret: *Hic homo peccauit*; nam *hic homo* importat hoc suppositum, quod non esset idem. Valeret ergo: *Hæc natura sub alio supposito peccauit*; non tamen valeret: *Hic homo peccauit*; quia *hic homo* dicit Christum, qui importat suppositum Diuinum, cui repugnat peccare. Ad aliam dicitur, quod in instanti assumptionis destrueretur iudicium practicum, erroneum intellectus, & poneretur iudicium practicum oppositum; ideo voluntas non peccaret.

20 Collig. ex dictis in Christo non fuisse, nec potuisse esse fomitem peccati. Est cont. Dur. in 3. dist. 3. quæst. 1. putantem fomitem peccati nihil aliud esse, quam appetitum sensitiuum; & cont. Vasq; Lug; Arriag; asserentes potuisse esse de potentia absoluta. Prob. tamen ex V. Syn. ar. 8. can. 12; vbi damnatur Theodorus Mopsuestien. asserens Christum carnis molestias passum fuisse; quod non potuisset esse, nisi per fo-

mitem peccati, qui est concupiscentia carnis aduersus spiritum, vt cum definit Apost. Idem docet S. P. Aug. in suppl. cont. Iul. lib. 1. cap. 70; vbi ait nullam concupiscentiam, aut libidinem fuisse in Adamo in statu innocentie; & lib. 4. cap. 48; & seqq; vbi inquit Christum habuisse sensus, non tamen cupiditatem vitiorum; & ideo fomitem caruisse, qui importat inclinationem naturæ vitiorum ad peccatum; & rationem assignat; quia non assumpsit carnem peccati, idem peccatis infectam, sed tantum in similitudinem carnis peccati, vt docet Apost. quatenus assumpsit carnem mortalem, quæ est similis carni peccati, quæ per peccatum mortalitatis effecta est; ergo in illo non fuit, nec potuit esse fomes peccati, qui est effectus ortus ex peccato, & ad peccatum inclinat, vt docet Trident. cum cod. S. P. August.

21 Dices 1. Christus in omnibus fuit tentatus, vt habetur Hebr. 2; sed tentatio interna est per fomitem; ergo in ipso fuit fomes. 2. Habuit motum contrarium voluntati Diuinæ, quando voluit mortem fugere: Math. 26. *Transat à me calix iste*; ergo idem. 3. Fomes peccati non est peccatum; ergo idem.

Resp. Christum tentatum fuisse tentationibus merè externis, quæ non proueniunt ex sensuum rebellionem, à qua solum ortus est fomes peccati; & ideo illæ tentationes non fuerunt effectus fomitis. Ad 2. iam dictum est ex S. P. Aug. illa verba dicta esse in persona hominum, non ex persona propria. Ad 3. diximus non esse peccatum, sed esse effectum peccati, quod non fuit, nec potuit esse in Christo; & ad peccatum inclinare, quod Christo repugnat.

22 Quæres, per quid extinctus fuerit fomes in Christo?

Resp. fomitem propriè non posse dici extinctum in Christo, quia nunquam fuit in ipso. Fuit autem impeditus, ne resultaret à sanctificatione substantiali, & accidentalij, vt colligitur ex Fund. Doct. dist. 3. par. 1. art. 4; & à virtutibus moralibus in gradu heroico illi inditis, quæ habent reddere appetitum perfectè subditum rationi, vt habet Dion. Thom. hic art. 2.

A R T. II.

An Christo fuerit impositum præceptum propriè sumptum subeundi mortem?

1 EX difficultate concordandi Christi libertatem cum necessitate obedientie, seu impletionis præcepti orta ex eius impeccabilitate, occasionem excitandi hanc questionem, & abeundi in diuersas sententias fumpserunt Theologi.

2 Prima

1. Prima vult Christo non fuisse impositum præceptum propriè, & strictè sumptum. Ita *Lore. hic q. 19. disp. 73;* vbi refert *Albertum, Dion. Caribusi, Paludani; & alios.*

2. Secunda vult, quòd ei fuit impositum præceptum subeundi mortem quoad substantiam passionis, non quoad circumstantias, scilicet intensiorem passionis, locum, tempus, morium, & finem; hæ enim circumstantiæ erant in libera potestate Christi. Ita *Vasq. hic disp. 74. cap. 5; Val. q. 15. punct. 2; Less. de prædest. Christi scilicet 3; Fonfi Montefini; Gran; Beci; & alij apud nostrum Gibb.*

3. Tertia vult Christo fuisse impositum præceptum absolutum de subeunda morte; tamen relicta fuisse illi facultatè petendi pro singulis instantibus, & impetrandi dispensationè illius, qua obtemperatum præceptum euanesceret; & tunc posset velle non mori. Ita *Lug. disp. 26. sect. 8; & alij apud nostrum Gibb.*

4. Nostra tandem docet fuisse impositum præceptum propriè nedum quoad substantiam, sed etiam quoad circumstantias, filiale tamen, & liberale, non seruile, & coactiuum. Ita *nostr. Gibb. disp. 26. dub. 13; & omnes alij communiter;* qui asserunt hanc sententiam esse conformem *sacris Scripturis, & SS. PP;* vt videbimus.

5. Not, quòd præceptum rigorosè loquendo est *actus superioris indacens in subditum obligationem exequenti id, quod præcipitur;* ac propterea habens pro termino correlatiue obedientiam rigorosè sumptam. Superior autem potest esse vel Dominus; & subditus seruus, qui potest esse vel seruus legalis emptitijs, & coactus; adeoque præceptum seruus hoc modo acceptum impositum dicitur merè seruile, ac coactiuum; quia seruus illud exequitur inuoluntariè, & coactè; vel potest esse seruus merè naturalis, qui dependet à Domino in esse, & conservari, voluntariè tamen exequitur ipsius mandata; quanvis enim strictè teneatur illi obedire, at tamen ex charitate, qua Dominum diligit, præcepta illius adimplet ita, vt si tale non esset præceptum, adhuc illa opera faceret, quia scit esse Domini voluntati conformia; & in hoc sensu præceptum dicitur voluntarium; quia illius executio voluntariè ponitur, cum voluntas, quæ est libera ad reluctandum, reluctanterque, ac inuitò obediendum, summe voluntariè obedientiæ consentiat. Vel superior potest esse pater, qui sit maior filio, vt in humanis, in quibus pater est maior filio, & filius minor patre; & proinde filius subiectus est patri; quia in esse, & in conservari à patre dependet; ideoque teneatur ei obedire; quia tamen filius ex amore, quo diligit patrem, magis, quam ex motiuo obligationis, qua adstringitur, implet illius præcepta; ideo præceptum dicitur filiale, aut paternum, non inuolunta-

rium, & coactiuum. Tandem superior potest esse tantum moralis præpositus, vel laicus, vel ecclesiasticus; & idem dicitur, quod de patre naturali; nam superior moralis pater quoque appellatur. Præterea præceptum dicitur liberale, quia imponitur libero, qui nequit per inobedientiam fieri seruus peccati; tunc verò dicitur seruile, quando imponitur ei, qui potest per transgressionem seruire peccato; de qua seruitute, & libertate dicitur *Io. 8. Omnis, qui facit peccatum, seruus est peccati; seruus autem non manet in domo in æternum; Filius autem manet in æternum. Si ergo Filius vos liberauerit, verè liberi eritis.* Præceptum igitur tunc dicitur merè seruile, & coactiuum, quando seruus, vel filius, aut subditus merè inuoluntariè, reluctanter, & coactè illud exequitur, aut transgreditur, & fit seruus peccati; at quando maximè voluntariè, amanter, idèst ex amoris motiuo ita illud exequitur, vt etiam nullum esset præceptum, eodem modo operaretur, si ei constaret talem esse Domini, aut patris, vel superioris voluntatem, contra quam nullo modo potest peccare; tunc præceptum dicitur liberale, idèst impositum libero à peccatis, voluntarium, & filiale; quia est impositum filio, qui manet in æternum in dilectione Patris, quia nequit peccare in Patrem, & fieri seruus peccati, & esse extra domum Patris. Non tamen ex eo sequitur non esse verum, & rigorosum præceptum; quia datur vera subiectio voluntatis obedientis, & superioritatis voluntatis præcipientis; & si per impossibile poneretur transgressio, sequeretur offensæ, quæ iram Patris demercretur.

6. Sed multò magis præceptum dici debet voluntarium, quando in eadem persona vnitur voluntas præcipientis, & voluntas obediens, vt in Christo, in quo est duplex natura, & ideo duplex voluntas; tunc enim eadem est persona, quæ præcipit, & quæ obsequitur; & sicut ille dicitur liberè exequi, quæ liberè decreuit ipsemet agere; ita liberè dicitur obedire secundum voluntatem subiectam, quæ secundum alteram voluntatem superiorem, cuius potestati subiaceat voluntas inferior, idem præcepit.

7. Ad præceptum itaque rigorosè sumptum sufficit potestas in præcipientè, & subiectio potestati præcipientis in eo, cui præceptum imponitur; hinc Dominus potest imponere seruo rigorosum præceptum, pater filio, & quilibet superior inferiori, non è contra; quia seruus est sub potestate Domini, filius sub potestate patris, & subditus sub potestate superioris, non è contra; quanvis seruus, filius, & subiectus agens ex motiuo summi amoris in Dominum, patrem, & superiorem dicatur liberaliter, & voluntariè obedire; & si sit perfectè obedientia, quæ semper actu duret, non possit contra præceptum delinquere, quia nequit
actum

actum inobedientiæ componere . Hoc nos.

9. Vnica concl. Christo fuit impositum rigorosum, & proprium præceptum subeundi mortem nedum quoad substantiam, sed etiam circumstantias passionis; non tamen fuit præceptum seruile, & coactiuum, sed paternum, liberale, ac voluntarium ex parte Christi obediens; quauis non fuerit in eius facultate petendi dispensationem.

Prob. 1. pars concl. ex *Dent. 18. Loquetur, quæ præpero tibi; & psal. 19. In capite libri scriptum est de me, ut facerem voluntatem tuam;* quibus in locis sermonem esse de Christo testantur *Interpretes; & Io. 10. Hoc mandatum accepi à Patre meo; & 14. Sicut mandatum dedit mihi Pater, sic facio; & 15. Ego Patris mei præcepta seruauit; & ex omnibus alijs textibus, in quibus habetur Christum obediisse Patri; obediencia enim supponit essentialiter præceptum; ex quibus sic. 1. Textus sacra Scriptura debent accipi in sensu stricto, rigoroso, & literali, nisi obstant alij oppositi, & nisi sequatur aliquod inconueniens; tunc enim mysticè interpretari illos debemus, vt docet S. P. Aug; aliter omnis sensus proprius, & literalis posset negari; & sicut posset dici in allegatis textibus sermonem esse de præcepto improprie sumpto; ita in illis, in quibus agitur de morte Christi, posset dici sermonem esse de morte allegoricè sumpta, quod fidem euerteret; sed in *Scripturis* habentur *textus*, in quibus dicitur Christo fuisse impositum præceptum de subeunda morte, & nõ habentur *textus* oppositi, nec sequitur aliquod inconueniens; non enim inconuenit, sed maxime conuenit Christo, vt homini, esse Dei potestati subiectum, & esse Deo inferiorem, vt habetur in *Symb. D. Athan;* ergo Christo, vt homini, fuit impositum rigorosum præceptum, de subeunda mortem. 2. Redarguitur *Aduersariorum* doctrina. In tantum Christo non fuisset impositum rigorosum præceptum, in quantum erat in illius libertate mori, & nõ mori; vt colligitur *1. 13;* ubi Christus ait se habuisse potestatem ponendi animam suam, & iterum sumendi eam; *Potuit. m. habeo ponendi eam; & potestatem habeo iterum sumendi eam;* super quod S. P. Aug. *tract. 119. in Io. inquit: Quis ita dormit, quando voluerit; sicut Iesus mortuus est, quando voluit;* quod autem possum fuit in libertate; Christi, non fuit ipsi præceptum proprie loquendo; aliter eius transgressio fuisset in eius potestate, & sic potuisset peccare; sed hæc ratio oppositum concludit; cum enim ait *Scriptura* mortem fuisse in potestate libera Christi, procul dubio intelligenda est de Christo, vt Deus est; sub cuius potestate erat decernere, & non decernere Christi mortem, & resurrectionem; vt exponit S. P. Aug. *tract. 48. asserens: Nemo ergo titubet, quando audit Dominum dixisse: Pono animam meam, & iterum sumo eam;**

Ponit eam caro, sed ex potestate Verbi; sumit eam caro, sed ex potestate Verbi; sicut enim non est in potestate hominis resurgere à mortuis, ita nec in eius erat potestate mori, & non mori, cum vellet; quod autem est in potestate Dei, & vt sic fiat, homini imponitur, à Deo rigorosè præcipitur; præceptum nanque importat tantum potestatem in præcipiente, & subiectionem in eo, cui imponitur, vt dictum est; ergo ex hoc textu colligitur expresse fuisse Christo impositum rigorosum præceptum. 3. Ad inobedientia fuit contra rigorosum præceptum; aliter non fuisset peccatum, quod est transgressio præcepti rigorosè sumpti, transgressio enim consilij non est peccatum; sed Christi obediencia fuit totaliter opposita. Ad inobedientiæ; quia illa hanc fustulit, quolibet autem soluitur per suum oppositum; & nihil totaliter tollitur, nisi per totaliter oppositum; hinc S. P. Aug. *serm. 25. de temp. loquens cum Adam ait: Tu in latissimo fructuosorum nemorum prædio te perdidisti obedienciam negligendo; ille obediens in angustissimum diuersorum mortalium venis, ut mortuum quæreret moriendo;* ergo Christi obediencia fuit iuxta rigorosum præceptum; nam obediencia, quæ est iuxta consilium, non opponitur inobedienciæ, quæ est contra rigorosum præceptum; propositiones enim oppositæ debent habere idem subiectum, & prædicatum, quia debent esse de eodem, vt docent *Logiculi. 4. Vbi datur vera filiatio, ibi datur vera paternitas;* quia filiatio est correlatiuum paternitatis; & relatiua sunt simul; sed vera obediencia est correlatiuum veri præcepti, vt dictum est; inquit enim S. P. Aug. *lib. 14. de Ciuitate Dei cap. 12. Obediencia commendata est in præcepto;* ergo ubi datur vera obediencia, ibi datur verum præceptum. At in Christo fuit vera obediencia, vt docet fides cum *Apost. Philipp. 2. Humilitatis semetipsum factus obediens usque ad mortem;* aliter nec fuisset in ipso vera humilitas, quæ per obedienciam habetur, & sic tolleretur meritum ipsius; ergo ipsi fuit impositum rigorosum præceptum. 5. Obseruantia præcepti rigorosè sumpti est signum dilectionis Dei; dicitur enim *Io. 15. Si præcepta mea seruaueritis, manebitis in dilectione mea;* super quod S. P. Aug. *tract. 82. ait, quod cum Christus protulit hæc verba; Ostendit, non unde dilectio generatur, sed unde monstratur &c; hoc eff hinc apparebit, quod in dilectione mea manebitis, si præcepta mea seruaueritis;* sed in Christo fuit summa Dei dilectio, quia in eo fuit plenitudo charitatis; ergo fuit obseruantia præcepti rigorosè sumpti. 6. Præceptum à Patre impositum Christo fuit eiusdem rationis cum præceptis à Christo nobis impositis; habetur enim *ibid. Si præcepta mea seruaueritis, manebitis in dilectione mea;* sicut ergo Patris mei præcepta seruauit, & maneo in eius dilectione; & ideo sicut ad hoc,

hoc, vt Christus maneret in dilectione, quæ diligebatur à Patre, ei necesse fuit seruare illius præcepta; ita ad hoc, vt nos diligamur ab eo, necesse est illius præcepta seruare; sed præcepta nobis imposita sunt rigorosè accipienda, aliter eorum transgressio nos non priuaret gratia, & amicitia Dei; non enim esset peccatum; ergo & præceptum impositum Christo; aliter obseruantia illius non fuisset necessaria ad hoc, vt permanenter diligeretur à Patre; sicut est necessaria, vt nos perseveranter diligamur ab ipso; & sic nulla esset paritas adducta in hoc textu; ergo sicuti sunt rigorosa præcepta nobis imposita, quia illorum obseruantia est effectus dilectionis Dei; & inobseruantia amicitiam Dei rescindit; ita fuit rigorosum Christi præceptum, quia obseruantia illius fuit effectus amoris Patris; & si per impossibile illud fuisset transgressum, Patris amisisset amorem.

10 Prob. 2. pars concl. ex Philipp. 2. Factus obediens usque ad mortem, mortem autem crucis; & Luc. 22. Filius hominis, sicut definitum est, vadit; & 10. 7. Nondum venit hora eius; sed crux, locus, & tempus sunt circumstantiæ mortis Christi; ergo Christo fuit impositum præceptum rigorosum quoad substantiam, & circumstantias mortis; fuit enim ei præceptum, vt obediret in omnibus statutis, & definitis à Patre; sed substantia, & circumstantia mortis fuerunt statuta, & definita à Patre; vt colligitur ex allatis textibus; ergo substantia, & circumstantia mortis fuerunt ei præcepta. 2. Si circumstantiæ non fuissent Christo præceptæ, quoad illas non fuisset obediens; obedientia enim correspondet præcepto, vt diximus; sed conf. est falsum; ergo & ant. 3. Præceptum non tollit libertatem; sed perficit; nam vt dictum est, præceptum paternum, quod cum summo amore adimpletur, maximè voluntariè executioni mandatur; quanto enim magis amanter aliquod fit, magis voluntariè fit; quia amor est actus voluntatis, qui voluntarietatem importat; ergo præcepta fuit mors etiam quoad circumstantias; in tantum enim negatur ad Adversarij, in quantum falso putant præceptum libertatem adimere; sed de hoc in seq. art. Tandem Christus meruit nedum quoad circumstantias, sed etiam quoad substantiam mortis; sed meruit adimplendo præceptum; ergo idem.

11 Præterea rejicitur Lug. Dispensatio præcepti iam actu existentis est irreducibilis ad actum; quia Deus nequit mutari de volitione in nolitionem etiam de potentia absoluta; ergo facultas petendi dispensationem omnino otiosa fuisset in Christo. 2. Matth. 26. Pater, si possibile est, transcat à me calix iste; veramentem non sicut ego volo, sed sicut tu; ex quo deducitur Christum habuisse voluntatem humanam prorsus addictam voluntati Diuinæ;

Mag. Frideric. Nic. Guardi Tom. 5.

sed voluntas cum facultate petendi dispensationem non est prorsus addicta voluntati præcipienti impletionem, non dispensationem; ergo non habuit hanc facultatem. 3. Christus non potuit rogare, vt tolleretur ab eius voluntate actus obedientiæ infusus in primo instanti suæ conceptionis, & durans vsque ad mortem; priuatio enim illius actus esset magna imperfectio in Christo, quia esset carentia summæ perfectionis, quæ debet habere quælibet voluntas Deo perfectè subiecta; sed dispensatio à præcepto mortis necessariò exigit carentiam obedientiæ impletionis præcepti; aliter simul voluisset, & noluisse obedire; ergo non potuit rogare dispensationem. Tandem libertas optimè cohercet cum præcepto, vt in seq. art; ergo frustra recurritur ad aliud.

12 Prob. 3. pars concl. ex S. P. Aug. in sent. decret. sent. 257. Mandatum Dei, si timore potius pœna, quam amore iustitia fit, seruilius, non liberaliter fit, & ideo non fit. Ex quo sic. Præceptum coactiuum, & seruile imponitur tantum seruo legali potens non obedire etiam supposito præcepto; præceptum verò liberale, & paternum imponitur filio amanti obedire, & implere Patris mandata; & ideo non potens nolle obedire, quia non potest simul coniungere velle, & nolle obedientiam; sed Christus non fuit seruus legalis potens non obedire supposito præcepto, quia habuit constantissimum actum obedientiæ à primo instanti vsque ad vltimum vitæ; & ideo fuit Filius amans obedire Patris mandatis; ergo præceptum ei impositum non fuit coactiuum, & seruile, sed liberale, & paternum; atque adeo ipsi summè voluntarium. 2. Christus, vt homo, voluit ea, quæ voluit, vt Deus; quia voluntas humana fuit omnino conformis in volendo voluntati Diuinæ; vt patet ex illo: Oblatus est; quia ipse voluit; sed præceptum mortis fuit Deo voluntarium; ergo & Christo, vt homini.

13 Obijc. 1. Præceptum in Scriptura aliquando sumitur pro permissione, vt 1. Reg. 16. Dominus enim præcepit ei, vt malediceret; aliquando pro consilio; vt Matt. 19. Cum iussisset turbam discumbere; ergo nō semper rigorosè est accipiendum. 2. SS. PP. expresse negant præceptum fuisse impositum Christo; vt Christ. hom. 59. in 10; & hom. 75; Basil. lib. de Spiritu Sancto c. 8; Cyrill. lib. 10. in 10. c. 20; Anselm. de mediacione redemptionis c. 3; & 4; Theophylact. in 10. 14; Euthym. in 10. 20. & alij; ergo non fuit rigorosum præceptum. 3. Si Christus habuisset præceptum rigorosum moriendi determinatum etiam quoad circumstantiam temporis, non potuisset mori, quando voluit; sed conf. est cont. S. P. Aug. ubiq; ergo & ant.

Resp. ad 1. neg. conf. quauis enim præceptum aliquando significet permissionem, vt in textu allato, qui nequit intelligi de præcepto

rigoroso, quia præceptum rigorosum est actus, quo Deus vult positiue aliquid, non potest autem positiue velle maledictionem, quæ est mala moraliter, ideo necessario accipiendum est præceptis pro: *permisisti*; & aliquando significet consilium; attamen in presenti nequit sic accipi; quia mortem patitur propter iustitiam non est malum moraliter; sed bonum, & meritorium; & ideo circa ipsum non cadit permissio; nec est opus supererogationis ad id, quod debebat offerre Patri pro hominum redemptione, sed est pretium necessario soluendum, sine quo homines non essent liberati à captiuitate peccati secundum præsens decretum, quo voluit Deus hominem redimi per mortem Christi, vt docent *Scripturæ*; & ideo circa illud non cadit consilium, sed præceptum strictè sumptum. Licet ergo aliquando cogamur sumere aliqua verba *Scripturæ* in sensu allegorico, ne admittamus aliquod inconueniens, quod sequeretur in sensu proprio, & rigoroso; attamen admittere cogimur sensum proprium, & rigorosum, quando nullum sequitur inconueniens; imò ex illius negatione sequerentur multa inconuenientia; vt in casu, in quo sequeretur etiam mortem, obedientiam, humilitatem strictè intelligenda non esse, quod est contra fidem. Tandem sumi possunt *textus* in sensu tantum improprio; quando *Scriptura* non exprimit sensum literalem; in casu autem sensus literalis aptè colligitur ex *Scriptura*, vt diximus. Ad 2. dicitur aliquos SS. PP. nihil aliud velle, quam Christo, vt est Verbum Diuinum, non fuisse impositum præceptum; quia Verbum Diuinum non est inferius Patri, sed est præcipiens vnà cum Patre; non autem non fuisse ei impositum, vt homo est; quia si est Patre minor, & ei subiectus. Alij verò nihil aliud intendunt, quam Christo non fuisse impositum præceptum seruile, & coactiuum à Christo inuitè adimpletum; summè enim amanter, & liberè mori voluit, vt docet S. P. *vbis*. Ad 3. neg. ma. præceptum enim inspirans actum obedientiæ non cogit voluntatem, sed facit ex nolente volentem liberè, vt in *seq. art.* dicemus. Præterea dicimus Christum mortuum fuisse, quando voluit per voluntatem Diuinam, sicut à mortuis surrexit per eandem voluntatem; quia tamen voluntas humana fuit semper conformis voluntati Diuinæ; & ideo voluntas humana voluit, quidquid voluit Diuina; dici potest, quòd mortuus est, quando voluit etiam per voluntatem humanam, quæ approbavit, quidquid voluit voluntas Diuina, iuxta illud: *Non mea voluntas, sed tua fiat*; & ideo voluit, approbatio enim est volitio.

14 Obijc. 2. Perfectior obedientia est, quando quis cognita voluntate superioris illam adimplet nullo expectato præcepto; quam quæ supponit præceptum; ideo opera consilij

sunt perfectiora, quam opera præcepti; sed in Christo est ponenda perfecta obedientia; ergo nullum est concedendum rigorosum præceptum. 2. Christus non fuit capax voti, quia habuit voluntatem firmatam in bono; ergo neque præcepti. 3. In casu vel Christus potuisset transgredi tale præceptum; & sic non fuisset impeccabilis; vel læderetur libertas, & sic tolleretur meritum; ergo idem.

Resp. ad 1. non esse propriè obedientiam, vbi non adest verum præceptum; sicut non est vera filiatio, quæ non respicit veram paternitatem. Præterea dicitur opus bonum factum sine præcepto tunc esse perfectius, quam opus factum ex præcepto; quando voluntas eliciens illud opus ita expectat præceptum, vt si non ponatur, illud non eliciat, quanuis ei constet tale opus esse iuxta voluntatem superioris; non autem quando voluntas nequit cognoscere voluntatem superioris, nisi per præceptum; & supposito præcepto ita vult obedire, vt si ei posset innotescere voluntas superioris etiam ante præceptum, illud eliceret; sic autem fuit voluntas in Christo; in qua debuit esse actus obedientiæ, quo formaliter caruisset, si non fuisset præceptum; & habuisset solum actum reuerentiæ, quo præueniret præceptum; adeoque in Christo, in quo fuit omnis actus meritorius, debuit esse actus reuerentiæ, quo voluit implere voluntatem Diuinam etiam præscindendo à præcepto; & actus obedientiæ, quo impleuit præceptum; actus autem, qui inuoluit duplicem bonitatem, est perfectior, quam qui vna tantum bonitate honestatur; & ideo oppositum concluditur. Ad 2. *Sua* negat ant; nam illud *psal. 21. Vota mea Domino reddam*; *Gloss.* exponit de Christo; & nullum videtur inconueniens, propter quod fit negandum Christo non potuisse vouere. At *D. Tho. 2. 2. q. 88. art. 4. ad 3.* concedit ant; nam Christus, vt homo, habuit voluntatem firmatam in bono; ideo non potuit vouere; quia vouere habet pro objecto firmationem voluntatis in bono; implicat autem dari actum sine objecto. At præceptum habet pro objecto obedientiam, quæ cum Christo non repugnet, ideo non incongruit ei præceptum. Ad 3. dicitur, quòd non potuit transgredi; nec læsa fuit eius libertas, quia præceptum infudit actum perfectissimum obedientiæ, cum quo non potuit transgressionem componere, quia non potuit omissionem coniungere, per quam solum transgredi potest præceptum; nec actus obedientiæ lædit libertatem, quia est actus inueniens voluntatem in sua pura indifferentia, illamque determinans & perficiens; vt in *seq. art.*

15 Quæres, an præceptum subeundi mortem fuerit naturale, vel positiuum?

Respondent *Vvading*; & alij fuisse positiuum, & dispensabile, quòd etiam teneretur asserere

vere Lug. Noster tamen *Bernardinus Gibbi; Sna;* & alij volunt fuisse naturale, & indispensabile eo, quia lege charitatis tenebatur Christus offerre suam vitam corporalem pro salute spirituali totius generis humani, quæ aliter reparari non poterat supposito Diuino decreto, quo Deus voluit, vt per mortem illius satisficeret Diuinæ iustitiæ.

16 Dices 1. Vita temporalis Christi propter vnionem ad Verbum erat bonum excellentioris ordinis, quàm salus totius generis humani; sed lege naturali prohibemur postponere bona excellentiora inferioribus; ergo hoc præceptum non fuit naturale. 2. Lege charitatis nemo tenetur exponere se morti, aut periculo mortis, imò nec etiam mutilationi alicuius membri propter salutem spiritualem alterius; ergo ratio ruit.

Resp. ad 1. dist. ma. Erat bonum aliquando finiendum, vel per mortem, vel per translationem; conc; nunquam finiendum, neg. Non dicitur autem anteponi salus hominum vitæ temporali Christi eo, quia Christus voluit vitam morte finire, vt hominibus salutem acquireret; sed tantum illam obtulisse, tanquam pretium superexcellens; & ideo tanquam bonum excellentius illam obtulit, & prætulit. Ad 2. neg. cons; nam mors vnus puri hominis non est remedium institutum pro salute spirituali alterius; at mors Christi fuit præcepta, vt remedium vnicui salutis; charitas autem præcipit, vt offeratur remedium; ideo non est paritas.

A R T. III.

An cum impeccabilitate concordat libertas?

1 **H**Æc difficultas, quam insuperabilem, & insolubilem aliqui vocant, nullius ferè ponderis est, si rectè explicetur iuxta ea, quæ diximus *io. 2. de scient. Dei q. 4. art. 1. §. 2; 3; & q. 4; & de Præd. q. 2. art. 4; & io. 4. de Grat. q. 2. art. 2. §. 2; & alibi;* aliter autem explicata in sententiis parum consonas veritati coegit abire.

2 Omisissis sententijs *Vasq; & Lugo*, quas reieciimus *in sup. art. 1. §. 1. à nu. 10;* nam talem libertatem habent Pater, & Filius spirantes Spiritum Sanctum, & Beati amantes Deum; & tamen amor Dei, & Beatorum non est meritorius; ergo hæc libertas non sufficit ad meritum; sed in Christo est constituenda libertas, quæ sufficiat ad meritum, quia summè meruit obediendo Patris præcepto; ergo vltra libertatem à coactione est admittenda libertas à necessitate. *Vid. ubiq.*

Mag. Frideric. Nic. Ganardi Tom. 5.

3 *Alj dixerunt necessitatem præcepti poni cum libertate, quia talis necessitas non, fuit antecedens, sed consequens libertatem eo; quia Christus liberè postulauit à Patre sibi imponi tale præceptum, & liberè illud accepauit. Ita Gabr; & alij.*

4 Sed quauis verum sit necessitatem adimplentionis præcepti esse consequentem; hic modus tamen explicandi consequentiam necessitatis est ineptus. 1. Quia non colligitur ex *Scripturis*, sed potius habetur oppositum; nam *Luc. 22.* dicitur: *Non mea voluntas, sed tua fiat; & Matth. 26. Non sicut ego volo, sed sicut tu;* Si autem Christus postulasset præceptum moriendi per voluntatem humanam, per eandem non potuisset velle illud auferri dicens: *Transfert a me calix iste;* quia eius voluntas fuit semper in bono firmata; & actus, quo postulasset, semper durasset; cum quo tamen erat impossibile actus volendi executionem præcepti; aliter simul voluisset, & noluisse; simul postulasset imponi, & non imponi præceptum; vel saltem postquam postulasset, vt imponeretur, postulasset, vt auferretur; & sic per secundum actum postulatum retractasset primum; quod est inconueniens. 2. *Io. 3. Sic Deus dilexit Mundum, vt Filium suum vnigenitum daret;* ex quo sic. Quod est effectus folius summi amoris, quo Deus dilexit homines, non supponit aliquam postulationem precatoriam; aliter non esset effectus folius amoris, sed etiam precum id postulantium; sed præceptum moriendi in Christo est effectus folius summi amoris, quo Deus dilexit homines, vt habetur ex *textu* allato; ergo non supponit postulationem precatoriam; aliter non esset effectus folius amoris Diuini, quo Deus diligit homines, sed etiam amoris creati, quo Christus per voluntatem creatam postulasset sibi imponi præceptum moriendi pro hominum salute. 3. In eo signo, in quo Deus decreuit Verbum incarnari, habuit actum præcepti, quo ei præscripsit mortem pro salute omnium hominum; voluntas enim Diuina non potuit manere suspensa ab aliquo actu, vt illum poneret in tempore; aliter ille actus esset temporaneus, non æternus, quod implicat; vt diximus *io. 2. de Vol. Dei q. 2. art. 4;* ergo actum præcepti non potuit præcedere actus creatus voluntatis humanæ Christi, qui non potuit esse nisi in tempore, quia. Christus solum in tempore exitit, & eius voluntas non potuit existere, antequam existeret ipse; aliter creatum, & temporaneum præcederet increatum æternum, quod repugnat. Atqui postulatio Christi est actus voluntatis creatæ; quia solum, vt homo, non vt Deus, potuit postulare, & orare; ergo Christus non potuit postulare præceptum. 4. Christus necdum fuit liber per ordinem ad obediendum præcepto mortis, sed etiam per ordinem ad

seruanda præcepta naturalia; sed ad saluandam libertatem per ordinem ad præcepta naturalia cum eius impeccabilitate non fuit necesse, vt illa postularer; illud enim solum postulatur, quod liberè sit, præcepta autem naturalia necessariò sunt imposita, non liberè; ergo neque ad saluandam libertatem per ordinem ad mortis præceptum est necesse recurrere ad postulationem præuiam ad ipsum præceptum.

5 Gonet hic disp. 2.1. art. 3. §. 3. ait, quòd ad hoc, vt Christus non obitante sua impeccabilitate liberè dicatur mortuus, non est necesse, imò implicas facta suppositione ipsius omnimodæ impeccabilitatis, quòd potueris coniungere negationem mortis, siue hoc, quòd est velle non mori, cum præcepto obligante ad moriem; sed sufficit, quòd volendo actualiter mortem sibi præceptam, habuerit simul, & retinuerit potentiam ad negationem mortis diuissim à præcepto ponendam. Hanc sententiam ait esse communem Thomis. Eam sequitur noster Gibbi; & plurimi alij.

6 At quauis doctrina de sensu diuiso, & composito rectè saluet licentiam cum impeccabilitate; iste tamen modus illam explicandi insufficiens videtur. 1. Incompossibilitas, quæ habetur in sensu composito, & compossibilitas, quæ habetur in sensu diuiso, non attenditur præcisè penes compositionem non mortis cum præcepto, aut penes diuisionem præcepti à non morte; præceptum enim secundum se præcisè non est impossibile cum negatione actus præcepti; aliter nullus posset peccare contra præceptum, quòd est manifestè falsum; nos enim quotidie contra Dei præcepta peccamus; & ratio est, quia actus præcepti est in voluntate Dei præcipientis; nolitio verò obedientiæ est in voluntate creata, ad quam ordinatur præceptum; respectu autem diuersorum subiectorum nec potest esse oppositio, quæ debet esse de eodem respectu cuiusdem; nec incompossibilitas, quæ dicit non positionem duorum simul in eodem subiecto, vt constat; ergo incompossibilitas, quæ attenditur penes sensum compositum, non potest explicari per ordinem ad compositionem præcepti præcisè, & secundum se sumpti cum negatione actus præcepti; & ideo nisi aliquod superaddatur præcepto, per quod fiat impossibile negatio actus præcepti, nulla poterit haberi incompossibilitas. 2. Præceptum, quòd antecedenter ad actum determinat voluntatem ad actum obedientiæ irresistibiliter, est coactinum libertatis; inferit enim necessitatem antecedentem, quæ dicitur antecedens eo, quia præcedit ipsum actum, cuius solius est determinare libertatem absque læsione, sed cum perfectione ipsius; at præceptum secundum se præcisè actu obedientiæ antecedit ipsum actum obedientiæ; ergo inferendo necessitatem obedientiæ cogeret libertatem. Relicto igitur hoc modo explicandi.

7 Nostra sententia docet ineuitabilitatem præcepti componi cum libertate Christi; nam Christus non potuit velle non mori in sensu composito eo, quia præceptum inspirauit ipsum actum obedientiæ in eius voluntatem in primo instanti suæ conceptionis, qui durauit vsque ad vltimum suæ vitæ instans, fuit enim actus perfectissimæ obedientiæ, de cuius ratione est semper durare; nam actus, qui statim euolat, est imperfectissimus ob suam inconsistentiam in esse, à quo sumitur perfectio; quoniam autem cum actu impossibilis est priuatio actus, quia esse, & non esse priuatiuè opponuntur; ideo in sensu composito non potuit Christus velle non mori; potuit tamen in sensu diuiso, quia si Christus actum perfectissimum obedientiæ non habuisset, non fuisset præceptum inferens efficaciter actum, & ideo potuisset velle non mori; illa tamen volitio non fuisset peccatum, quia non esset contra præceptum. Non potuit ergo Christus nolle mori; quia supposito præcepto inferente efficaciter actum habuit actum perfectissimæ obedientiæ, qui non lædit libertatem, sed perficit, quia inuenit voluntatem in sua pura indifferentia, & determinat ad obediendum; determinatio autem, quæ habetur ab actu, non lædit libertatem, vt est per se notum, aliter nullus daretur actus liber. Nec perfectio actus, quæ facit non posse ponere oppositum actui, lædit libertatem; quia posse proximè peccare non est perfectio, sed defectus libertatis, est enim posse deficere ab actu bono; vt docet Fund. Doct. in 2. dist. 25. art. 6. dub. 8. Iis peccare etenim importat formaliter seruire peccato, seruitus autem libertati opponitur; vt colligitur ex 10. 8. Si vos Filius liberaueritis, tunc verè liberi eritis, & Rom. 6. Cum essetis serui peccati, liberi facti fuistis iustitiæ. Hanc sententiam docent omnes nostri, & quos citauimus 10. 2. ubi.

8 Vnica concl. Cum impeccabilitate, & præcepto Christi rectè componitur eius libertas ex eo, quòd ineuitabilitas actus ab ipso actu libero obedientiæ perfectè proueniat.

Prob. 1. ex Philipp. 2. Formam serui accipiens, in similitudinem hominum factus, & habitu inuentus, vt homo; humiliavit semetipsum factus obediens vsque ad mortem. Ex quibus verbis manifestè habetur, quòd in instanti incarnationis, in quo Verbum factum est homo, fuit factum obediens, & ideo habuit in ipsum actum obedientiæ, qui durauit vsque ad mortem, quia fuit perfectissimus, cum quo fuit incompossibilis transgressio præcepti. Hinc S. P. Arg. de prad. SS. c. 15. loquens de Christo ait: An ideo in illo non libera voluntas eras, ac non tantò magis, quantò magis non poterat seruire peccato? Subdit autem Fund. Doct. in 2. ubi; quòd posse amittere actum liberum bonum, quem de facto habet libertas, prouenit ex imperfectio-

ne,

ne, non ex perfectione voluntatis; quia posse amittere actum est posse amittere perfectionem, cum actus sit perfectio potentie, vt constat; posse autem amittere perfectionem est magna imperfectio, sicut illam acquirere perfectio est. Arguitur autem sic. Necessitas, & determinatio voluntatis, quæ provenit ab actu libero informante ipsam voluntatem, non tollit, sed componitur cum libertate eiusdem voluntatis; sed impeccabilitas Christi, seu inevitabilitas præcepti proximè oritur ex necessitate, & determinatione voluntatis, quæ provenit ab actu libero infuso obedientie informantem ipsam voluntatem; ergo impeccabilitas Christi, seu inevitabilitas præcepti non tollit, sed componitur cum libertate. Ma. est per se nota; nam si determinatio, & necessitas, quæ provenit actu, læderet libertatem, nullus esset actus liber; quia *res ex eo, quod actu est, necesse est esse*; vt habet *Philis* ideo actus liber ex eo, quod actu est, induit necessitatem; & si hæc necessitas læderet libertatem, nullus esset actus liber; quia omnis actus esset necessarius; & sic actus liber, qui est perfectio potentie liberæ, ipsam nõ perficeret, sed destrueret. Mi prob. In tantum Christus non potuit esse inobediens præcepto; quia in primo instanti suæ conceptionis, in quo sumpsit carnem, *fuit factus obediens usque ad mortem*, vt docet *Aposl.* quod non esset verum, si actus obedientie non durasset à primo usque ad vltimum vitæ instans; cum actu autem obedientie non potuit coniungere actum inobedientie, & peccare; impossibilis enim simpliciter est simultanea privatio, & formæ existentia, vt notum est; ergo impeccabilitas Christi orta est proximè ex necessitate actus liberi, quo voluit obedire præcepto.

9 Conf. Sola necessitas consequens cum libertate componitur, vt *communiter* dicitur; sed sola inevitabilitas, quæ sumitur ex necessitate actus liberi, importat necessitatem consequentem; quia necessitas, quæ non sumitur ex ipso actu, *antecedit* actum, adeoque est antecedens, non consequens; ergo sola inevitabilitas, quæ sumitur ex necessitate actus, cum libertate componitur; ergo impeccabilitas proxima Christi, quia oritur ex actu libero obedientie perfectæ, tantum cum eius libertate componitur.

10 Deinde actus liber obedientie reddit ipsam voluntatem impeccabilem contra præceptum pro eo tempore, quo est in voluntate; quia voluntas non potest simul ponere actum obedientie, & inobedientie, cum privatiue opponantur; ergo continuatio, seu duratio actus à primo instanti usque ad vltimum vitæ reddit voluntatem proximè impeccabilem pro toto tempore vitæ; duratio enim actus importat existentiam actus, cum qua nequit componi illius privatio. Atqui duratio, seu con-

tinuatio actus est perfectio eiusdem; nam quo magis intensus est actus, eo magis durat, vt patet de calore; actus autem intensissimus semper durat, & ideo est perfectissimus; quia maior intensio maiorem perfectionem significat, cum sit magis radicatus; maior autem perfectio actus liberi non tollit essentiam illius, sed magis perfectam reddit; ergo duratio, seu continuatio actus liberi à primo usque ad vltimum vitæ instans cum libertate componitur.

11 Præterea posse desistere ab actu, quem voluntas semel liberè elegit, est defectus, non perfectio libertatis; nam vt arguit *S. P. August. lib. 2.2. de Ciu. Dei c. 30.* asserens: *Certe Deus ipse, nunquid quia peccare non potest, ideo liberum arbitrium habere negandus est*; & ex eo *Fund. Doct. in 2. vbi* si posse desistere ab actu, quem semel elicit, esset perfectio, non defectus libertatis; sequeretur, quod in Deo, qui nequit retrahere actum liberum, quem semel elicit, quia nequit velle, quod nolit, esset defectuosa, non perfecta libertas; maxima autem blasphemia est ponere in Deo defectum, & tollere ab eo perfectionem; ideo dicendum, quod posse desistere ab actu, quem voluntas semel elegit, est defectus, non perfectio libertatis; ergo non posse desistere, sed semper durare, & sistere in actu bono, quem voluntas liberè semel elegit, est perfectio, non defectus libertatis; quia non amittere perfectionem, quam habet, perfectio est; sicut illa spoliari, est imperfectio; est enim carere perfectione, quod est imperfectionem recipere. Atqui cum duratione, & consistentia actus obedientie est impossibilis actus inobedientie, qui obedientie privatiue opponitur; & per consequens est impossibilis potentia proxima peccandi contra præceptum, ex qua impossibilitate impeccabilitas proxima cõsurgit, ergo impeccabilitas optimè cū libertate componitur; quia impeccabilitas dicit solam impossibilitatem actus inobedientie cum actu obedientie continuatam pro toto tempore vitæ; hæc autem impossibilitas non tollit, sed componitur cum libertate, vt constat. *Vid. 10.2. vbi.*

12 Obijc. 1. *Lug. illud Matth. 26. An putas, quia non possum rogare Patrem, & exhibebit mihi modò plusquam duodecim legiones Angelorum? & Ihs 53. Oblatus est, quia ipse voluit; & Io. 10. Nemo tollit animam meam à me, sed ego pono eam à me ipso*; ergo in ipsius erat libertate rogare dispensationem à præcepto.

Resp. ad 1. Christum habuisse potentiam rogandi Patrem, vt legiones Angelorum eius defensionem exhiberet, non tamen actu efficaciter potuisse rogare eo, quia habebat actum obedientie, cum quo erat impossibilis talis postulatio efficax; quod aperte declarat verba sequentia: *Quomodo ergo implebuntur Scripturae, quia sic oportet fieri?* Id est quomodo imple-

bitur voluntas Patris in Scripturis expressa, qua Pater præcepit sic fieri immutabiliter, cui voluntati factus sum obediens à principio incarnationis vsque ad mortem? Etenim cum quis liberè vult aliquod actu, habet utique potentiam ad volendum oppositum; quia ex eo, quòd voluntas per actum determinetur ad vnum, non destruitur potentia ad oppositum, aliter destrueretur libertas, quæ essentialiter constituitur per esse ad hoc, & ad oppositum; non tamen potest voluntas ponere simul oppositum, quia forma, & priuatio simul esse non possunt. Vel dicitur, quòd sicuti cum dixit: *Transseat à me calix iste*; loquebatur ex persona hominis infirmi, quam in se ipso transformauerat, vt cum S. P. Aug. diximus art. 1. n. 18; subiicit tamen: *Verumtamen non sicut ego volo, sed sicut tu*; ad ostendendum, quòd licet voluntas humana secundum se fugeret passiones; attamen conformanda est cum voluntate Diuina, quæ vult homines patiendò gloriam acquirere; ita cum dixit: *Non possum rogare Patrem &c.* loquebatur ex persona hominum, qui optant à pœnis liberari; attamen subiunxit: *Quomodo implebuntur Scriptura &c.* vt hominibus ostenderet, quòd licet possint Deum rogare, vt eos à pœnis eripiat, debere tamen se conformare voluntati Dei, quæ vult eos pati, & ita intrare in gloriam suam. Ad alios duos textus, vel dicitur cum S. P. Aug. in sup. art. n. 9. intelligi debere de voluntate Verbi, seu de voluntate Diuina, quia in eius potestate solum erat iterum sumere animam. Vel dicitur intelligi de voluntate humana, quæ maxime liberè, & voluntariè, ac amanter voluit obedire voluntati Diuina; quia tamen talis volitio, vtpotè perfectissima, durauit vsq; ad mortem; ideo simul cum illa non potuit ponere nolitionem oppositam.

13 Obijc. 2. Gibb. Quauis puri homines possint coniungere actum inobedientiæ cum præcepto, quia habent potentiam proximam peccandi; attamen Christus, qui ratione vnionis hipostatice, & ratione visionis beatæ fuit impeccabilis, vt diximus art. 1; non potuit coniungere inobedientiam cum præcepto; ergo impossibilitas sumitur nedum respectu actus cum non actu, sed etiam respectu non actus cum præcepto. 2. Si Christus non habuisset actum obedientiæ infusum in primo instanti, adhuc non potuisset componere inobedientiam cum præcepto; ergo idem.

Resp. ad 1. dist. 2. part. ant. Non potuit coniungere inobedientiam cum præcepto ratione ipsius præcepti præcisè sumpti, neg; ratione vnionis hipostatice, vel visionis beatæ, conc. Si enim præceptum ex sua ratione formaliter esset impossibile cum inobedientia, nec purus homo posset contra illud peccare, vt dicebamus; ex eo autem, quòd vnio ipo-

statica, & visio beata sint impossibiles cum peccato, quòd non esset, nisi posito præcepto; arguitur solum, quòd peccatum sit impossibile cum præcepto tantum materialiter; in quantum scilicet est impositum naturæ hipostatice vnite, & beatificatæ; & hoc modo potest dici impossibile nedum cum præcepto, sed etiam cum intellectu, voluntate, imò & cum appetitu sensitiuo ipsius Christi, qui ratione vnionis hipostatice non potuit admittere actionem peccaminosam. Si quis autem sic explicaret sensum compositum, loqueretur ineptè, quia nimis materialiter discerneret; ita à pari. Ad 2. dicitur, quòd sicuti impossibile fuit naturam humanam perfectè non subijci naturæ Diuinæ illam mouenti; ita impossibile fuit voluntatem humanam perfectè non subijci voluntati Diuinæ ipsam dirigenti; adeoque impossibile fuit non habere actum perfectè obedientiæ; attamen hoc non obstante non fuit ipsa libertas, quia actus libertatem non lèdit, sed perficit, vt dictum est. Gratis tamen omisso ant. neg. consi nam voluntas Christi non potuisset in illo casu infringere præceptum, non quidem ratione præcepti præcisè sumpti, vt dictum est; nec ratione impossibilitatis actus cum non actu, quia actus non esset in voluntate, sed ratione subiectionis perfectæ, quam debuisset habere voluntas humana ad voluntatem Diuinam; cum qua subiectione non potuisset componi rebellio eiusdem voluntatis humanæ per peccatum deficientis à voluntate Diuina. Perfecta tamen subiectione habetur per actum; ideo indispensable actum obedientiæ debuit habere; per quod falsitas in antecedente supposita magis apparet.

14 Obijc. 3. Christus non potuit non obedire Patri, quia non potuit peccare; sicut enim actu non obedire est actu peccare; ita posse non obedire est posse peccare; ergo eius obedientia non fuit libera; quia libertas est ad posse obedire, & non obedire. 2. Necessitas antecedens actum tollit potentiam ad oppositum; sed vnio hipostatice sanctificans substantialiter naturam humanam necessitauit voluntatem Christi ad obediendum; ergo sustulit potentiam ad non obediendum; & ideo actus obedientiæ non fuit liber. 3. Nulla datur potentia ad id, quòd est impossibile; sed supposito præcepto actus inobedientiæ esset impossibilis, quia talis actus esset peccatum, quòd est impossibile in Christo, qui est impeccabilis; ergo idem.

Resp. ad 1. omisso ant. neg. consi & ad prob. insertam dist. Libertas potentie est ad posse obedire, & non obedire, conc; libertas actus, neg; est enim determinata tantum ad obediendum. Omisimus aut; cui variè respondent Theologi, & varias inducunt difficultates, quas non soluunt nisi prolis speculatio-

nibus.

nibus. *Negauimus autem consi; sicut enim non valet: Petrus amans non potest non amare; ergo amor Petri amantis non est liber; non valet, inquam; quia res, dum est, necesse est esse, vt ait Phil;* & tamen hæc necessitas libertatem non tollit; ita non valet: *Christus non potuit non obedire Patri; ergo eius obedientia non fuit libera; est enim idem, ac dicere: Christus obediens non potuit non obedire; ergo &c;* quia Christus in primo instanti fuit factus obediens, & durauit obediens vsque ad mortem, vt compertissimè habetur ex *Apost;* & sic facilius soluitur hoc argumentum, quod insolubile vocant. Ad 2. eadem facilitate dist. mi. Vnio hypostatica sanctificando naturam humanam necessitauit voluntatem Christi ad obediendum per infusionem actus obedientiæ, qui non tollit, sed perficit libertatem, conc; necessitauit per aliquod antecedens actum positum formaliter in voluntate, neg. Ad 3. eodem modo. Supposito præcepto actus inobedienciæ est impossibilis ratione ipsius præcepti præcisè, neg; ratione actus obedientiæ per præceptum inspirati, conc.

15 Inst. Vel præceptum inspirauit actum simpliciter, & absolute necessarium; vel inspirauit actum absolute, & simpliciter liberum? Si primum; ergo ille actus non fuit liber. Si secundum; ergo voluntas Christi potuit illum abijcere, & peccare; quod non est dicendum.

Resp. inspirasse actum simpliciter liberum, secundum quid necessarium. Ad improb. neg. consi. sicut enim actus, quo Deus voluit Mundum, est liber simpliciter, & tamen voluntas Diuina nequit illum abijcere; ita actus obedientiæ in Christo fuit liber, quauis ratione suæ perfectionis non potuerit abijci.

Replie. Quauis in voluntatem Beati fuerit infusus actus visionis beatæ, qui potuit non infundi, liberè enim Deus illum infudit; at tamen est necessarius simpliciter respectu visionis beatæ, quia voluntas Beati nequit illum abijcere; ergo à pari.

Resp. neg. causalem 2. part. ant; non enim actus visionis est necessarius simpliciter, quia voluntas beati nequit illum abijcere; sed quia est circa summum bonum clarè visum, de cuius ratione est necessitare voluntatem. Sicut actus, quo Deus amat se ipsum, est necessarius, quia habet pro obiecto summum bonum, circa quod non est indifferentia iudicii; actus verò, quo amat creaturas, est liber, quia creatura non est summum bonum, sed cadit sub indifferentia iudicii; nam potuit Deus iudicare illas non amare, & sic non fuisset in eius voluntate actus amoris. Quauis actus amoris Dei, & creaturarum semel positus ob sui perfectionem non potuerit eiijci. Sic actus obedientiæ habens pro obiecto mortem, quæ non

est summum, & omne bonum; nam non mors secundum alium ordinem præcepta fuisset aliquod bonum, quod esset oppositum bono mortis; & ideo non fuisset bonum mortis, ac propterea bonum mortis non est omne bonum; ergo bonum mortis cadit sub indifferentia iudicii; & ideo liberè fuit volitum, quauis semel volitum non potuerit retractari.

16 Obijc. 4. Quod est impossibile cum omissione actus, & non potest à voluntate amoueri, tollit potentiam ad ponendam omissionem actus; sed sanctitas substantialis, & præceptum sunt impossibilia cum omissione actus obedientiæ, & non possunt à voluntate humana amoueri; ergo tollunt potentiam ad omitendum, & ideo tollunt libertatem, quæ essentialiter importat potentiam ad committendum, & omitendum. 2. Hæc propositio: *Christus potuit omittere actum præceptum;* absolute est falsa; ergo non habuit potentiam ad omitendum neque in sensu diuiso, neq; in sensu composito; & ideo non habuit libertatem, ad quam requiritur potentia in sensu diuiso.

Resp. ad 1. neg. ma; nam voluntas nequit amouere actum pro eo tempore, quo ipsum habet; aliter simul cum haberet, & non haberet; & tamen cum actu impossibilis est eiusdem actus omisio. Dist. autem mi. Sanctitas substantialis, & præceptum sunt impossibilia cum omissione actus, quia infundunt in voluntatem aliquod præmium ad actum cogens voluntatem, neg; sunt impossibilia, quia infundunt ipsum actum determinantem perfectè, & stabiliter potentiam, quæ propterea non cogitur; quia libertas per actum suum perficitur, non cogitur, aut destruitur, conc. Ad 2. eodem modo, quo *supra*, neg. consi. Christus enim, qui semper fuit obediens, non potuit omittere; aliter simul fuisset obediens, & inobediens; ad quod voluntas non habet potentiam, quia licet voluntas habeat potentiam ad obediendum, vel non obediendum diuisiuè; non tamen habet potentiam ad obediendum, & non obediendum coniunctiuè; nequit enim simul duo opposita ponere.

17 Obijc. 5. Christus, vt homo, in instanti suæ conceptionis fuit beatus; sed amor, quo fuit beatus, infert necessitatem ad seruandum præceptum; quia inobediencia præcepti est impossibilis cum beatitudine; & ex alia parte amor beatus efficaciter influit obseruantiam præcepti; ergo tollit libertatem.

Omissis responsis aliorum iuxta varias sententias allatas q. 8. ar. 1. §. 2. dist. ma. Fuit beatus secundum partem superiorem, conc; secundum partem inferiorem, neg; & neg. mi. amor enim beatificus intulit solum necessitatem secundum partem superiorem; præcisè sumptam, quia sic fuit necessarius; non autem secundum partem superiorem, prout operaba-

rabatur secundum partem sensitivam, secundum quam debebat mortem subire, & mortem subeundo implere præceptum; sic enim ille actus fuit liber; non implicat nanque eundem actum secundum diversas potentias; actus, & obiecta esse simul necessaria, & liberum; vt diximus loc. cit; & 10. 2. de Prad. vbi.

18 Quæres; an Christus nedum fuerit liber in adimplendo præceptum subeundi mortem, sed etiam in adimplendis præceptis negatiuis, vt sunt non occides, non furaberis &c.

Resp. affirmatiue cont. Sua. disp. 73. sect. 2. §. Tertio argumento; Gran. hic tract. 15. disp. 3. sect. ult; Heriz. disp. 24. nn. 44; Lug. disp. 16. nn. 55; & alios apud nostram Gibb. hic disp. 20. dub. 3. asserentes Christi humanitatem in adimplendis præceptis negatiuis nullam habuisse libertatem, quia ipsi fuit negatus Diuinus concursus ad eliciendos actus prohibitos. Traditur tamen à nostro Bernardin; Gibb; & omnibus alijs Theologis. Prob. ex 10. 15. Si præcepta mea seruaueritis, manebitis in dilectione mea; sicut ergo Patris mei præcepta seruaui, & maneo in eius dilectione; vbi loquitur indefinite de omnibus præceptis; propositio autem indefinita in materia necessaria æquiualeat vniuersali; necessarium autem fuit seruare præcepta ad manendum in dilectione Dei, quia Christus priuari non poterat. Ratio est. 1. Christus habuit omne meritum, & præmium correspondens omni merito, quod potuit communicari omni creaturæ; sed aliæ creaturæ meruerunt seruando præcepta negatiua; ergo & Christus; atqui meritum importat essentialiter libertatem; ergo Christus fuit liber in seruandis præceptis negatiuis. 2. Ad libertatem actus obedientiæ præcepto mortis non requiritur potentia proxima ad transgrediendum præceptum, nec quod transgressio repræsentetur, vt possibilis; ergo neque ad libertatem actus obedientiæ præceptis negatiuis. Ant. patet ex dictis; & conf. optime infertur paritate rationis. 3. Si Deus negaret concursum ad entitatem physicam actuum prohibitorum, negaret etiam concursum ad entitatem physicam actuum præceptorum; quia per eandem entitatem physicam volitionis, qua volumus transgredi præceptum, possumus velle obedire præcepto; illa enim entitas est indifferens ad bonitatem, & malitiam moralem; & Deus non concurrit, nisi ad entitatem physicam, non autem ad malitiam; vt diximus 10. 2. de Vol. Dei q. 5. art. 4; & 10. 4. de pecc. q. 4. art. 6. à nn. 22; & sæpè alibi; sed conf. est falsum; ergo & ant.

19 Dices. 1. Quauis impedimentum ex parte subiecti non possit impedire omissionem actus, potest tamen impedire actum posituum impossibilem, qui illi opponitur; ergo quauis sanctitas substantialis non possit im-

pedire omissionem obedientiæ, potest tamen impedire actum mendacij, qui pugnat cum sanctitate. Prob. ant. In tantum non potest impedire omissionem, in quantum omissioni accidit malitia; sed actui positui non accidit malitia, quia est illi intrinseca; ergo impedit actum. 2. Christus cognouit actus prohibitos esse illi impossibiles; ergo non fuit liber ad illos eliciendos; quia ad libertatem requiritur indifferentia iudicij. 3. Deus non habet paratum concursum ad mendacium; quia nequit etiam sub conditione velle producere chimeram; coniungere autem mendacium cum humanitate Christi est chimæra; ergo idem.

Resp. hæc dilui ex dictis locis cit; fundatur enim in praua intelligentia entitatis physiciæ, & malitiæ moralis peccati; & per consequens in non recta acceptione concursus Diuini. Ad 1. neg. ant; & suppositum; nam actus malus non opponitur actui bono secundum entitatem physicam, quia eadem entitas physica potest esse bona, & mala moraliter, sed opponitur tantum secundum priuationem rectitudinis debiti; quia peccatum consistit solum in priuatione; vnde cum hæc priuatio reperiatur nedum in actu commissionis, sed etiam in omissione, ideo eodem modo repugnat humanitati Christi. Ad prob. neg. mai; & mi. Ad 2. dicitur, quod Christus etiam cognouit inobedientiam præcepto mortis esse illi impossibilem, & tamen liberè voluit mori; ergo à pari. Neg. igitur conf. Ad prob. infert. dicitur ad actum liberum requiri indifferentiam iudicij speculatiuam, qua cognoscatur illum actum esse apparenter bonum; & possibile esse, quod voluntas humana secundum se ipsam præcisè possit illum elicere, deflectendo à rectitudine debita, conc; indifferentiam practicam dictantem talem actum esse prosequendum contra Dei præceptum etiam ab humanitate rectificata, & sanctificata per assumptionem ad personalitatem Diuinam, neg; sic enim nec fuisset liber Christus in adimplente præcepti mortis; quia hanc indifferentiam non habuit. Vel dicitur indifferentiam iudicij requiri, cum potentia est indifferens ad actum præceptum, & transgressionem illius; nõ autem quando creatur simul cum actu bono infuso in instanti suæ conceptionis; tunc enim producit, vt determinata, non vt indifferens. Cum igitur voluntas Christi Domini fuerit facta obediens omnibus præceptis Patris, ideo non habuit indifferentiam, quæ est propria solius creaturæ, quæ proximè potest peccare. Ad 3. dist. ant. Non habet paratum concursum ad entitatem physicam, neg; nam concurrit ad entitatem physicam veritatis, quæ potuisset subterni mendacio; ad malitiam moralem, conc; sed ad hanc non concurrit Deus nedum cum Christo, sed nec etiam cum alijs creaturis.

ART.

A R T. IV.

*An in Christo fuerit potentia physica
patrandi miracula?*

Sermo est de Christo, vt homines; certum enim est Christum, vt Deum, esse omnipotentem, ideoque habere potentiam physicam patrandi miraculorum.

2 *Vbiq̃stia* dixerunt Christum, vt hominem, esse omnipotentem æquè, ac immensum; adeoque esse vbiq̃e, & operari, vt causam principalem omnia opera supernaturalia. Hoc probant ex Io. 3. *Pater diligit Filium, & omnia dedit in manu eius; Matth. 21. Omnia mihi tradita sunt à Patre meo; & c.* Data est mihi omnis potestas in Cælo, & in terra.

Sed hic error rejicitur à Fund. Doct. hic dist. 14. par. 2. quæst. 1. art. 1; quia omnipotentia est virtus simpliciter infinita; sed virtus infinita est actus purus nullam habens admixtam potentialitatem passiuam; non enim agit, vt passiuè mota ab alia virtute superiori, & ideo non est in potentia passiuæ ad moueri ab alio agente superiori; sed est primum mouens omnia alia à se; repugnat autem naturæ creatæ non esse in potentia passiuæ ad moueri à Deo; sicut ei repugnat non esse in potentia passiuæ per ordinem ad recipiendū esse à Deo; & ideo ei repugnat non inniti virtuti superiori ipsam mouenti; ac per consequens ei repugnat virtus infinita, quæ omnia mouet, & à nullo mouetur; si enim ab alio moueretur, non omnia posset, quia indigeret ab alio moueri, vt posset agere; ergo omnipotentia repugnat naturæ creatæ; atqui Christus, vt homo, dicit naturam creatam; ergo Christus, vt homo, non est omnipotens. Explic. magis. Cui repugnat esse actu omne esse, repugnat esse posse omnia agere, & per consequens repugnat omnipotentia, quæ dicitur à posse omnia agere; nam *agens in tantum agit, in quantum actu est secundum illam formam, secundum quam agit*, vt constat; sed naturæ humanæ repugnat esse actu omne esse; quia ei repugnat esse actum purissimum excludentem omnem potentialitatem passiuam, quæ non excluditur, nisi per esse actuale; ergo ei repugnat posse omnia agere, & per consequens omnipotentia. Habetur expressè ex Apost. 2. Cor. 13. *Nam etsi crucifixus est ex infirmitate, sed uiuit ex virtute Dei; & S. P. Ang. serm. 58. de Verb. Dom.* loquens de duplici natura Christi Domini ait: *Quapropter unicuique substantia propria utique aptanda sunt idem infirmitates humanitati, quæ creata est; signa uero, vel mirabilia Diuinitati, quæ creauit.* Ex quibus sic. Infirmitas, & omnipotentia, nequeunt esse in eodem subiecto proximo, & immediato; quauis enim possint esse in eo.

Mag. Frideric. Nic. Ganardi Tom. 5.

dem supposito, à quo possunt sustentari duæ naturæ, quarum vni competat omnipotentia, & alteri infirmitas; non tamen possunt esse immediate in eadem natura; quia infirmitas dicit defectum potentia, & omnipotentia excludit omnem defectum; sed in natura humana, Christi est infirmitas, quia passus est; & crucifixus; ideo enim secundum naturam Diuinam fuit impassibilis, quia in ipsa est omnipotentia, quæ est ratio agendi, & non patendi; ergo in natura humana non fuit omnipotentia; & ideo in Christo, vt homine, non fuit potentia principaliter patrandi miraculorum, quæ est sola omnipotentia. *Vid. to. 1. de Omnipot. Dei art. 6.*

3 Ad auctoritates autem in contrarium allatas resp. S. P. Ang. tract. 14. in Io. *Quid est omnia? Vt tantus sit Filius, quantus est Pater; ad aequalitatem enim sibi genus eum.* Dedit ergo omnia in manu eius, in quantum est homo; non in quantum est homo. Sic intelligendi sunt alij textus, qui idem significant. Vel si libeat eos intelligere de Christo homine, vsurpandi sunt concretè, prout homo importat suppositum Verbi Diuini, cui à Patre in æterna generatione communicata fuit omnipotentia. Tandem si contendatur accipiendos esse de Christo, vt homine, abstractè, prout contradistinguitur à Christo, vt Deo, intelligendi sunt meritorie, supplicatorie, & exaudienter eo, quia Christus nihil petijt à Patre vires exigens omnipotentia, quod non fuerit semper ab ipso exauditus, vt habetur Io. 11. *Pater gratias ago tibi, quoniam audisti me; ego autem sciebam, quia semper me audis; & Hebr. 5. Qui in diebus carnis sue preces, supplicationesque ad eum, qui posuit illum saluum facere à morte, cum clamore valido, & lacrymis offerens exauditus est pro sua reuerentia.*

4 Alij ex aduerso negauerunt Christo potentiam faciendi miracula, vel arti Demonum ea tribuentes; vt *Iudæi Luc. 11. In Beelzebub principe Demoniorum eiecit demonia.* Quos respondit idem Christus: *Omne Regnum in seipsum diuisum desolabitur. Si autem Satan in se ipsum diuisus est, quomodo stabit Regnum eius?* Vel ea referentes in corporis temperamētum; quod quia optimè æquilibratum fuit in Christo, dicebant, quod poruit super aquas incedere, in quouis elemento se collocare, claudos erigere, cæcos illuminare &c; vt refert *Michael Med. lib. 2. de reſta in Deum fide cap. 7.* Sed hæc dementia est; quauis enim corpus gloriosum aliqua ex his possit præstare; attamen corpus corruptibile, vt tunc erat corpus Christi, ponderosum, & graue hanc virtutem non habuisse conuincitur ex eo, quod graue, quacumq̃ affectum temperie tendit deorsum, vt est per se notum; tum quia natura quantumuis perfectæ non potest à priuatione ad habi-

R r tum

tum regressum inducere; tum quia corpus virtutem non habet in spiritus, qualem Christus exercuit in Demones. Quibus reijciuntur alij, vt *Anicetas*, qui Christi miracula tribuerunt fortis imaginationis virtuti. Alij tandem dixerunt Christi miracula tantum in sensu mystico esse accipienda; vt refert *Luc. Tuden. lib. 3. cont. Albigen. cap. 2.* Sed refelluntur *lo. 2. Videntes signa eius, quæ faciebat; & 3. Nemo enim potest hæc signa facere; & 4. Nisi signa, & prodigia videritis; & 11. Hic homo multa signa facit;* sensus autem mysticus nō poterat oculis corporis, de quibus *hic* sermo est, videri; & quando *Iudæi Matth. 12; Marc. 8; Luc. 11; & lo. 4.* quærebant videre aliquod signum factum à Christo, non quærebant signū spirituale, quod non valebant percipere; spiritualiter enim illuminati non erant, aliter Christum nouissent, & credidissent in ipsum; sed signum corporale petebant, cūm audissent plura ab ipso iam fuisse patrata, quorum *10. Scripturæ, & Scriptores*, imò totus Mundus est testis. Itaque Christi miracula nedum mysticè, sed etiam literaliter sunt admittenda docente *S. P. Aug. tract. 44. in lo. Quæ fecit Dominus noster Iesus Christus stupenda, atque miranda, & opera, & verba sunt; opera, quia facta sunt; verba, quia signa sunt.* Hisce igitur blasphemis eiectis.

5 Certum est apud Catholicos Christum, vt hominem, non fuisse causam principalem miraculorum; causa nanque principalis agit per virtutem propriam non innixam virtuti alterius, quomodo solus Deus est causa. Difficultas igitur est, an fuerit etiam causa instrumentalis physica; nam quod fuerit causa meritoria, exemplaris, & finalis nostræ prædestinationis, gratiæ sanctificantis, & aliorum donorum supernaturalium, diximus *tom. 2. de Præd. q. 3. art. 3.*

6 Prima sententia vult in humanitate Christi fuisse tantum potentiam instrumentalem moralem productiuam gratiæ sanctificantis, & aliorum donorum, nec non patratium miraculorum. Ita *Alen; D. Boni; Scot; Dur; Mol; Vasq; Bec;* omnes *Scotista* apud *Maistr. hic disp. 2. quæst. 8;* & alij. *Bec.* tamen ait Christum fuisse causam moralem principalem, quia vt causa moralis, nulli alteri causæ morali subordinatur.

7 Nostra docet Christum habuisse potentiam instrumentalem physicam indirectè productiuam gratiæ, & miraculorum. Ita *Fund. Doct. loc. cit. to. 3. de Creat. q. 2. art. 4; & inf. to. 6. de Sacram; vbi* quæremus, an sacramenta causent physicè gratiam? Hanc sententiam, quantum non in his terminis, sequuntur *nostr. Puti; Capr; Caiet; Ferrar; Sor; Med; Val; Alberin; Sua;* & omnes *Thomista* communiter, inter quos *Io. à S. Thom. hic quæst. 11. disp. 15. art. 2; Gonet; & alij; & ex Scotistis Vulp. apud Maistr. vbiq.*

8 Resolutio huius difficultatis pendet ex declaratione influxus, quem habet instrumentum in effectum causæ principalis, quam declarationem ferè omnes omittunt, adeoque non habetur clara huius rei decisio. Omisiss itaque varijs modis dicendi, qui traduntur in *Physicis*, dicimus ad rationem instrumenti requiri, quòd ex coniunctione, quam habet ad agens principale, deferre debet in passum actionem eiusdem principalis agentis productiuam effectus principalis. Deferre autem actionem principalis agentis non est, vt imaginantur aliqui, agens influere aliquam virtutem in instrumentum, per quam instrumentum insuat directè in effectum principalis agentis; ipsum namq; instrumentum est virtus agentis principalis, & sic agens virtutem in virtutem influeret; & substantia immediatè sine virtute operaretur. Neque est principale agens influere actionem productiuam effectus principalis in ipsum instrumentum; cūm enim actio causatiua substantiæ sit ipsum esse substantiale in fieri, & in via, vt probatum est *fusè tom. 3. de creat. q. 2. art. 2;* sequeretur, quòd dum substantia ignis eleuat calorem ad producendum ignem, substantia ignis recipitur in accidente, tanquam in subiecto, quòd inuertit rerum essentias. Est igitur causare aliquod in passu contentum intra latitudinem sui obiecti, cum quo sit coniunctus effectus principalis agentis, qui est supra sphaeram ipsius instrumenti; sicut enim ipsum instrumentum est coniunctum cum principali agente; ita effectus ipsius instrumenti cum effectus principalis agentis coniungitur, & ad illum disponit. Nam calor, vt octo, qui est instrumentum formæ ignis, quia cum ipsa coniungitur; ideo etiam calor, vt octo, productus in ligno cum forma ignis coniungitur, & ad illam disponit; atque adeo indirectè dicitur producere formā ignis, quatenus producit calorem, vt octo, cui coniungitur forma ignis, quæ ad illum naturali sequela consequitur. Ratione igitur talis coniunctionis instrumentum dicitur eleuari ad agendum extra suam sphaeram producendo effectum principalis agentis.

9 Differt autem instrumentum physicum ab instrumento morali; quòd instrumentum physicum per contactum physicum causat aliquod physicum in passu, in quod debet induci effectus principalis agentis; instrumentum autem morale nec contactum physicum habet, nec aliquod physicum causat; sed solum moraliter mouet agens principale vel orando, vel impetrando, vel merendo, quo censetur mouere æquè, ac si causaret physicè per contactum physicum aliquod physicum in ipso passu, per quod induceretur effectus principalis agentis. Sed de his fr̄s in *Physicis*. Vid. *to. 3. vbi sup.*

10 Ex his deducitur *cont. Capr. apud Med.* humanitatem Christi, antequam poneretur in rerum natura per Verbi incarnationem, fuisse tantum causam meritoriam, non physicam gratiæ, & donorum antiquis PP. collatorum; nam actiones Christi meritorie sunt infiniti valoris, ideo potuerunt extendi ad omnes differentias temporis, & meritorie causare in antiquis iustus virtutem patrativam miraculorum; vt docet S.P. Aug. in prol. ps. 90. *Miracula enim & nondum natus de Maria fecit. Quis enim usquam facit, nisi ipse, de quo scriptum est psal. 71. Qui facit mirabilia magna solus? In ipsius enim virtute, & antea, qui fecerunt, potuerunt aliquid facere. In virtute Christi Elias mortuum suscitavit.* At eius actiones physice sumptæ finitæ sunt; adeoque non potuerunt extendi ad tempus, quo non erant; humanitas enim Christi, antequam assumeretur à Verbo, nihil potuit physice operari; quia *agens in tantum agit, in quantum actu est;* & ideo non existentis humanitatis nulla potuit esse operatio physica; vt docet S.P. Aug. in Enchir. cap. 36; & de pred. 15. cap. 15. Inquiritur ergo de humanitate Christi post incarnationem, siue dum in terris degebat, siue dum nunc regnat in Cælis.

11 Vnica concl. Humanitas Christi fuit causa instrumentalis physica indirecta gratiæ, & miraculorum.

Prob. 1. ex lo. 15. *Ego sum vitis, vos palmites; qui manet in me, & ego in eo, hic fert fructum multum; quia sine me nihil poteritis facere;* super quod S.P. Aug. tract. 81. inquit: *Quauis Christus vitis non esset, nisi homo esset; tamen istam gratiam palmitibus non præberet, nisi etiam Deus esset;* sic. 1. Ita se habet natura humana in Christo respectu gratiæ sanctificantis, & miraculorum hominibus collate; sicut vitis respectu vitæ vegetatiuæ palmitibus in ea existentibus communicat; vt apertè colligitur ex textu allato; sed vitis per operationem physicam communicat palmitibus vitam, quam haurit à terra; ergo Christus, vt homo, communicat gratiâ hominibus, quam à Deo principaliter agente recipit. 2. Quotiescunq; aliqua potentia physice coniungitur principali agenti, & per actionem physicam producit effectum sibi proprium, ad quem sequitur productio effectus principalis elicita à principali agente; tunc illa potentia instrumentaliter physice producit effectum principalem, vt diximus de calore; non enim calor elicit actionem substantialem ignefactiuam formaliter, quia hoc est impossibile, & simpliciter repugnans ipsi calori, quod est accidens; sed sufficit, quod calor producat physice calorem in ligno, qui desert secum actionem ignefactiuam substantialem elicita à substantia ignis; nam propter coniunctionem, quam habet calor cum

forma ignis in igne, habet etiam coniunctionem calor productus in ligno cum igne producto in illo; effectus enim correspondent suis causis; & sic causa instrumentalis dicitur deferre actionem causæ principalis, & ad illam eleuari, vt *sup.* monstrauimus; sed humanitas in Christo coniungitur cum Deitate; quæ est causa principalis effectiua gratiæ, & miraculorum; & per actionem physicam producit effectum sibi proprium; quia Christus, vt homo, habuit actiones humanas, ad quas Deitas existens in Christo produxit physice gratiam, & miracula; vt patet de vocibus ab humanitate prolatis lo. 11. *Lazare, veni foras;* & Luc. 8. cum vestium contactu mulierem sanguinis fluxu laborantem sanauit; & cum alia multa lux carnis contactu patrauit; ergo humanitas in Christo fuit causa instrumentalis physica miraculorum. Hanc rationem manifestè tradidit Conc. Ephes. 1. cap. 11. dicens: *Caro Christi est viuificatrix propter unionem ad Verbum.* Nec valet, quod resp. *Mastr;* scilicet sensum Concilij esse carnem Christi esse carnem viuificantis, non puri hominis. Non valet, inquam; nam Concilium docet esse viuificatricem; quia facta est propria Verbi, cuncta viuificare valentis; sed quotiescunq; aliquod agit, quia factum est instrumentum proprium alicuius agentis principalis physici, est verum instrumentum physicum; calor enim est instrumentum physicum ignis, quia est proprius ignis, qui est agens principale ignitionis; ergo sic caro Christi facta est viuificatrix, quia facta est propria Verbi, quod principaliter physice vitam producit, apertè sequitur esse instrumentum physicum, non morale.

12 Prob. 2. euertendo rationem *Adversariorum.* In tantum humanitas non est instrumentum physicum gratiæ, & miraculorum, in quantum non influit in ipsam gratiam, & miracula; sed hoc non obstat; quia, vt dicebamus lo. 3. *vbis. ex S.P. Aug;* quauis coloni non influant humorem vitalem in segetes, & plantas, sed solum per operationem, & applicationem physicam terræ subministranti humorem committant semina, & arbuta; & licet medici non participant suam sanitatem ægroto, sed tantum applicant medicaminum, quibus tolluntur morbi, & redit sanitas; attamen nullus diceret agricolas, & medicos esse tantum instrumenta moralia, non physica; ergo quauis humanitas per actuum influxum non producat gratiam, & miracula; attamen quia per operationes physicas aliquo modo ministrat ad productionem gratiæ, & miraculorum, dicenda est instrumentum physicum, non morale. *Vide vbis.*

13 Sic euertitur alia ratio. Sacramentalis legis causant gratiam physice, vt *tom. 6.* dicemus, quia ponunt effectum physicum, ad

Rr 2 quem

Mag. Frideric. Nic. Gauardi Tom. 5.

quem sequitur gratiæ productio; in hoc enim distinguuntur à sacramentis veteris legis, vt docet *Trid. cum S. P. Aug;* quòd illa erant *vasa vana, & egena*, quia non continebant gratiam, quam tantum significabant; hæc verò sunt vasa plena, quia continent id, quod significant; & ideo ex opere operato gratiam produciunt, quam continent, instrumentaliter physicè ponendo aliquod physicum, quod cum gratia in passo coniungitur; ergo multò magis humanitas Christi, quæ cum sanctitate increata, & creata coniungitur, est physicum instrumentum productiuum gratiæ, & miraculorum. *Sed de hoc suo loco.*

14. Præterea Christus patrauit miracula, vt instrumentum totius Trinitatis; habetur enim *Luc. 11. Si in digito Dei eijcio Demonia;* Deus autem est nomen commune toti Trinitati; sed instrumentum morale nequit esse instrumentum totius Trinitatis; quia tota Trinitas non est causa principalis meritoria, satisfactiua, & ideo nec moraliter operans, cum hoc sit proprium solius personæ Filij; vt terminantis, & operantis per naturam humanam; ergo Christus non patrauit miracula per humanitatem, tanquam per instrumentum morale, sed physicum.

15. Obijc. 1. *SS. PP.* expressè docent humanitatem concurrissse physicè ad id solum, quod erat ei proprium, scilicet ad motum externum, corporis contactum, verborum prolationem; non verò ad actionem propriam Diuinitatis, scilicet sanationem ægroti, suscitationem mortui &c; ergo *ex SS. PP.* habetur humanitatem non concurrissse, vt instrumentum physicum, ad faciendâ miracula; aliter hanc actionem non tribuissent soli Diuinitati. 2. *S. P. Aug. lib. 22. de Ciu. Dei. c. 9. ait: Vt, quæ per martyres fidei dicuntur, eis orantibus tantum, & impetrantibus, nō etiam operantibus fiant;* sed quod fit oratione, & impetratione, fit tantum moraliter; ergo à fortiori idem dicendum est de Christo.

Resp. ad 1. neg. conf. ex eo enim, quòd *SS. PP.* docuerint humanitatem concurrissse ad actionem physicam sibi propriam, ad quam subsequebatur actio miraculosa posita à Diuinitate, apertè indicauerint humanitatem concurrissse ad actionem miraculosam instrumentaliter physicè; quia hoc tantum requiritur ad rationem instrumenti physici, vt diximus de calore; ignitio nanque est actio propria formæ ignis, & calefactio caloris; quia tamen ad calefactionem sequitur ignitio, ideo calor dicitur eleuari, vt instrumentum ad producendum ignem; ita à pari. Ad prob. insert. dicitur non fuisse necesse tribuere humanitati actionem propriam Diuinitatis ad hoc, vt ostenderent humanitatem esse instrumentum physicum miraculorum; sicut non est

necesse tribuere ignitionem calori, vt ostendatur ipsum esse instrumentum ignis; sed sufficit asserere, quòd ad actionem propriam caloris sequitur actio propria formæ ignis; sic nanque indicatur ratio instrumenti; quod cum præstent *SS. PP.* afferentes ad actionem propriam humanitatis sequi actionem propriam Diuinitatis, satis fuit ad demonstrandum humanitatem physicum instrumentum fuisse. Ad 2. dicitur, quòd *in eodem cap. S. P. ait: Sine enim Deus ipse per seipsum miro modo, quo res operatur æternus; sine per suos ministros ista faciat; & c. 10. seq. Faciunt autem ista martyres, vel posius Deus, vel orantibus* (idest moraliter) *aut cooperantibus eis* (idest physicè) ex quibus manifestè deducitur *S. Patrem* docere vt ratione modum faciendi miracula, scilicet moraliter, & physicè esse possibilem.

16. Obijc. 2. *Trid. sess. 6. c. 7. docet: Causa efficiens* (supple iustificatio) *est misericors Deus, meritoria autem Dominus noster Iesus Christus;* & ratio est; quia Christus fuit causa nostræ iustificationis sua morte; ergo non fuit causa physica; quia implicat effectum physicè poni non existente causa physica. 2. Causa physica agit per contactum physicum; sed causa, quando non est, non potest tangere; ergo idem. 3. Multa miracula fecit Christus in magna distantia; vt cum sanauit puerum *Centurionis*, & cum suscitauit animam *Lazarus;* ergo idem. 4. Christus non potuit contingere animas, circa quas operatus est gratiam, & alia dona; nam Christus secundum vnâ partem est corporeus, anima autem est spiritualis; corporeum autem nequit agere in spiritum; ergo idem.

Resp. ad 1. *Conc.* loqui de causa principali, non de instrumentali. Ad 1. rationem neg. conf. Ad prob. insert. dicitur effectum produci non existente causa actualiter, existente tamen causa virtualiter; vt si animal post decisionem seminis moriatur, adueniente tempore animationis scetus ponitur animal genitum, quanuis causa non existat actualiter, sed tantum virtualiter in femine; sic mors Christi manet in Sacramentis, quæ applicata causant gratiam. Ad 2. dist. ma. Agit per contactum physicum vel formalem, vel virtualem, vt patet de Sole, qui tantum virtualiter tangit terram, non formaliter secundum suam substantiam, conc; tantum formalem, neg. Sic dicitur ad minorem causam manere virtualiter in suis effectibus, nempe in Sacramentis, non in se ipsa. Ad 3. dist. ant. In magna distantia improporcionata suæ virtuti, neg; proportionata, conc. Sol agit in maiori distantia, & quis negaret ipsum esse causam physicam? Aut quis assereret Solem habere maiorem virtutem, quam Christum? Ad 4. neg. ant; nam corporale indirectè agit in spirituale; vt patet de Sacramentis, quæ

quæ instrumentaliter physice producant gratiam in anima; & de igne torquente animas.

17 Objic. 3. Aliqua miracula fecit Christus, quæ fuerunt patrata per creationem; vt columba, quæ descendit super eum in *Iordane*, fuit creata; sic etiam gratia creatur; sed natura creata non potest assumi, vt instrumentum creationis; ergo idem. 2. In Christo non fuit aliqua virtus productiua miraculorum; nam vel hæc virtus esset corporea; & hoc non; quia non posset producere res spirituales. Vel spiritualis; & hoc non; quia non posset recipi in corpore. Vel hæc virtus esset quidam motus transiens pro singulis occasionibus humanitati Christi impressus; vt aiunt aliqui; & hoc non; quia motus nullum aliud officium habet, quàm adducere agens ad passum; ideo supponit virtutem in agente. Vel est vnio hipostatitica; & hæc non; quia hæc non est, nisi quædam relatio, quæ nullus est actiuitatis. Vel est potentia obediencialis; & hæc non; quia hæc est tantum passiva, non actiua; est enim capacitas recipiendi aliquam virtutem supra, vel præter suam naturam per ordinem ad producendum aliquem effectum supra, vel extra suas vires; ergo non fuit hæc virtus in Christo, quia non est assignabilis.

Resp. hæc oriri ex praua intelligentia, vel potius nescientia instrumenti physici indirecti, & eius causalitatis. Instrumentum igitur directè influens est illud, quod elicit actionem immediatè attingentem effectum, vel obiectum principalis agentis; vt oculus dicitur instrumentum animæ, quia elicit visionem, qua anima videt obiectum; adeoque instrumentum directum elicit eandem actionem, quam producit causa principalis. Instrumentum autem indirectum elicit actionem sibi propriam, non autem elicit actionem propriam principalis agentis; vt diximus de calore. Itaq; dist. mi. Natura creata nequit assumi, vt instrumentum indirectum creationis, neg; directum, conc. *Vid. to. 3. Obis.* vnde siue illa columba fuerit creata, siue producta ex præiacente materia, potuit instrumentaliter indirectè esse à Christo Domino. Ad 2. neg. ant. Ad prob. infer. dicitur, quod hæc virtus miraculorum non est, nisi virtus propria Christi, prout coniuncta cum Diuinitate; etenim sicuti hæc virtus coniungitur cum Diuinitate, quæ est causa principalis gratiæ, & miraculorum; ita effectus huius virtutis coniungitur cum effectu Diuinitatis, qui est gratia, & miracula; & in hoc sensu dicitur causare instrumentaliter physice gratiam, & miracula indirectè; vt constat de calore.

18 Inst. Ex hoc sequeretur, quod Christus in omni actione semper patraffet miraculum; quia semper habuit Diuinitatem vnitam; sed conf. est falsum; nam falsum est dicere, quod

bibendo, manducando &c. fecisset miraculum, ergo falsum est ant.

Resp. neg. seq; nam Diuinitas non semper operatur miracula, quia vt plurimum agit secundum leges naturæ à se institutas; & non nisi rarò operatur secundum rationes extraordinarias, prout oportere iudicauerit; ideo tunc solum Christus fecit miracula, quando iudicauit illa expedire; & per tale iudicium determinauit se ad illa patranda.

19 Objic. 4. *Vasq.* Nullus ordo potest reperiri inter effectum supernaturalem, & operationem Christi; ergo hæc non fuit actio instrumentalit ad illum; quia inter causam instrumentalem, & effectum principalis agentis debet dari ordo. Prob. ant. Si effectus miraculosus referretur ad Christi humanitatem, vel esset ex natura humanitatis; & hoc non; aliter humanitas non eleuaretur supra suam naturam, & sic non esset instrumentum; vel esset media aliqua mutatio; & hoc non; quia vel hæc mutatio facta fuisset per impressionem alicuius qualitatis permanentis, vel transeuntis; & sic humanitas esset causa principalis, quia illa qualitas esset sufficiens ad producendum effectum; aliter si non esset sufficiens, ad nihil inferuiret, & humanitas non posset agere; vel mutatio facta fuisset solum in effectu; & sic humanitas non posset referri ad effectum principalis agentis; & ideo nõ esset instrumentum. 2. Quando Christus sanauit filium *Centurionis*, nihil impressit in illum; nec in animam *Lazar*; nec in *Demonem* eiecit; nec in aquas, quando super eas ambulauit; nam illa deambulatio vel fuit; quia corpori Christi fuit concessa dos agilitatis; vel Diuina virtute sublentatum fuit corpus super aquas; vel Deus negauit concursum aquis, ne compressæ disfluere. Si primum, iam fuisset causa principalis, vt dictum est. Si secundum, vel fuit, quia Deus negauit concursum, ne graue tenderet deorsum; ad talem autem negationem non concurrat Christus physice, vt patet; vel quia impressit impetum in corpus Christi; sicut proijciens lapidem sursum; & ad talem impetum pariter nihil cooperatus est Christus. Si tertium; constat ad puram negationem non dari concursum physicum; ergo idem.

Resp. ex dictis patere has esse vanas speculationes, non enim pertinent ad rationem instrumenti indirecti. Ad 1. neg. ant. Ad prob. dicitur non esse neque ex natura sua, neque media aliqua mutatio; sed solum ratione connexionis effectus proprii ipsius humanitatis, & effectus Diuinitatis; & ratione vnionis humanitatis cum Diuinitate; vt constare potest de calore, & forma ignis. Ad 2. pariter constat procedere de instrumento directè influente, non de instrumento indirectè concurrente. Ad filium *Centurionis* dicitur operationem physici-

physicam Christi fuisse locutionem *cum Centurione*, cum qua coniungebatur restitutio sanitatis, quæ est operatio Diuinitatis. Sic ad *Lazarum* fuit prolatio illorum verborum: *Lazarus, veni foras*. Sic ad *Dæmonum*: *Obmutescet, & exi ab homine*. Ad ambulationē super aquas dicitur illum motum physicum fuisse actionem propriam Christi, cum qua se coniunxit vel dos agilitatis, vel miraculosa aquarum resistentia, vel aliquod aliud.

20 Obijc. 5. *Mastr.* Si Christus concurrisset instrumentaliter physicè ad miracula, maxime, quia hoc spectaret ad maiorem dignitatem humanitatis Christi; sed hoc est falsum; quia, vt inquit *Arriaga*, non augeat dignitatem Regis, qui potestate morali iubens conditionem alicuius Urbis cleuetur physicè ad portandos lapides, miscendum calcem &c, tum quia esse instrumentum physicum miraculorum potest communicari omnibus creaturis, vt arguit *Amicus*; ideo non spectat ad specialem digui-

tatem humanitatis Christi; ergo falsum est ant.

Resp. neg. mi. Ad 1. prob. dicitur nimis probare, probat enim Deum non concurrere physicè ad productionem omnium creaturarum; & sic incidit in opinionem *Algazelis* putantis Deum omnia creasse per primum Angelum; quod reprobat fides. Dicitur ergo, quòd portare lapides non arguit maiorem dignitatem in Rege, quia ab hac actione distraheretur, & impediretur ab alijs actionibus, quæ sunt maioris rationis. Si autem Rex posset se solo ordinare, & condere Urbem sine labore, aut vexatione, aut distractione; quis negaret talem Regem non esse singularem? Ad 2. dist. Esse instrumentum physicum per coniunctionem ad Diuinitatem potest communicari omnibus creaturis puris, neg; alio modo, conc. Dignitas ergo humanitatis in agendis effectibus miraculosis arguitur ex coniunctione humanitatis ad Diuinam personam, quæ soli Christo potest conuenire.



Q V Æ S T. X I.

De Sacerdotio, oratione, & Regno Christi.



OSTQVAM egimus de potentia physica Christi, superest declarare ea, quæ spectant ad potestatem spirituales, quæ est Sacerdotalis, cuius officium est oratio; & tandem de potestate ciuili, qua dominatur in Reges, & Regna, sermonem habere.

A R T. I.

Quomodo Christus secundum ordinem Melchisedech sit Sacerdos in æternum?

Sacerdotium triplex fuit; aliud naturale; aliud legale; & aliud Euangelicum. Naturale est illud, quod fuit in lege naturæ ex institutione humana, & etiam tempore legis scriptæ, quousque non fuit ex præcepto Dei institutum sacerdotium apud Hebræos; quanuis apud Gentiles, quibus non erat imposita Hebræica lex, sacerdotium naturale, quod à Mundi primordio inchoauit, vsque ad Christum durauerit. Dicitur autem sacerdotium naturale fuisse ex institutione humana, quatenus lex naturalis scripta à Deo in cordibus hominum dictauit, & dictat Deum esse colendum, quod maximè oblationibus, sacrificijs, precibusque præstatur; oblationes autem, sacrificia, & preces offerre Deo ad munus attinet sacerdotis. Hinc sicuti lex naturalis dictans Deo exhibendum esse debitum cultum; ita sacerdotium naturale, quo cultus debitus maximè Deo exhibetur, à Deo fuisse dicendum est; mediantem tamen homine; & ideo dici debet fuisse ex institutione humana naturali, quatenus fuit ab homine; & ex institutione Diuina naturali, quatenus fuit à Deo. Primogeniti ergo sacerdotes instituebantur; quia patres eis munus imponebant offerendi Deo terræ primitias, & etiam alijs minoribus vel sponte, vel ex patris præcepto offerentibus; vt constat de Cain, & Abel; quanuis sacerdotis appellatione non vocarentur. Sacerdotium legale fuit illud, quod ex institutione Diuina certis ritibus, & ceremonijs in lege fuit à Deo præscriptum; & primus, qui sacerdotio legali fuit initiatus, fuit Aaron, & eius filij; vt habetur Exod. 28; vbi Deus præcepit Moysi: *Applica quoque ad te Aaron fratrem tuum cum filijs suis in medio filiorum Israel, vt sacerdotio fungantur mihi; & ritum ornamentum, vñctionis, & consecrationis sacerdotalis indixit. Primus itaque, qui in lege veteri fuit vnctus oleo visibili in Sacerdotem, fuit Aaron; propterea sacerdotium legale dicitur etiam sacerdotium Aaronicum; & quanuis vocetur etiam Leuiticum; at-*

tamen dictum fuit, non quia *Leui* fuerit verè sacerdos legalis, sed quia eius Tribus à Deo fuit electa, vt sacerdotio legali fungeretur; Aaron enim de tribu *Leui* fuit ortus. Et quanuis etiam aliqui sacerdotes in lege naturæ fuerint vncti oleo inuisibili gratiæ, qua internè mouebantur à Deo sacrificandum; vt habet *Glos. in ep. ad Hebr. cap. 7*; vt patet de *Melchisedech*, *Abraham*, *Isaac*, & *Iacob*; qui fuerunt sacerdotes in lege naturæ; attamen nullus fuit vnctus oleo visibili, sicut fuerunt vncti omnes sacerdotes legales. Ex quo habetur duplex discrimen inter sacerdotium naturale, & legale. 1. Quia naturale erat ex institutione naturæ; legale verò tantum ex institutione Diuina. 2. Quia illud non fuit per vñctionem visibilem; sicut istud. Tandem sacerdotium Christi, quod dicitur etiam Euangelicum, & gratiæ est illud, quod est ex institutione Diuina, non ministerio alicuius hominis, aut secundum ritum visibilis, & externæ vñctionis, sed immediatè ab ipso Deo vngente Christum plenitudinè inuisibilis gratiæ; de quo dicitur *ps. 44. Diffusa est gratia in labijs tuis; propterea vnxit te Deus oleo letitiæ præ consortibus tuis; & Dan. 7. Et vngatur sanctus sanctorum; & Act. 1. Quoniam vnxit eum Deus Spiritu Sancto, super quod S. P. Aug. lib. 15. de Trinit. c. 26. ait: *Ista mystica, & inuisibili vñctione tunc intelligendus est vnctus, quando Verbum Dei caro factum est; vt dicitur Ioan. 1; vbi statim subditur: Plenum gratiæ, & veritatis; quibus apertè indicatur hanc sacrosanctam vñctionem factam fuisse per omnis gratiæ plenitudinem eo modo, quo diximus q. 7. art. 1.**

2 Sacerdos autem alius est simpliciter talis, qui à sacrificando, vel sanctificando dicitur; & mediator inter Deum, & populum populo tradit Diuina, eumque offerendo, orando, & docendo in Deum reducit. Alius est sacerdos magnus, qui communi nomine vocatur Pontifex, quasi pontem scilicet faciens (inquit D. Bern.) inter Deum, & homines; nec differt à sacerdotibus paruis, nisi quia excellentiam super eos importat; vnde Pontifex Princeps Sacerdotum à D. Isid. lib. etimol. vocatur. Item Pontifex alius est summus; vt fuit Aaron, & eius successores in lege veteri; & Pontifices Romani in lege Euangelica; alius subordinatus,

vt

vt Episcopi. Certum est autem Christum fuisse Summum Sacerdotem, & Pontificem; quia omnes alij Pontifices, & Sacerdotes ei fuerunt subiecti, & per ipsum vncti, & consecrati.

3. Differt autem Sacerdotium Christi à Sacerdotio legali. 1. Quod Sacerdotes legales non solum pro se, sed etiam pro alijs indigebant offerre; quoniam & ipse circumdanti erant infirmitate; vt inquit Apost. Hebr. 5; Christus verò tantum pro alijs se obtulit; quia fuit innocens, impollutus, segregatus à peccatoribus &c. 2. Quia illud erat carnale; istud verò spirituale. 3. Quia illud fuit istius figura; propterea cessauit adueniente isto: quoniam figura esse desinit adueniente figurato; istud verò fuit figuratum ab illo. 4. Quia illud fuit temporale ob rationem allatam; istud verò æternum; quia Christus manet in æternum.

4. Vnica concl. Christus fuit Sacerdos secundum ordinem Melchisedech, non secundum ordinem Aaron; & eius Sacerdotium fuit æternum ex parte personæ offerentis, rei oblatæ, effectuum oblationis, & ratione intransferibilitatis, siue insuccessionis.

Prob. 1. pars concl. ex psal. 109. Tu es Sacerdos in æternum secundum ordinem Melchisedech; quod repetit Apost. Hebr. 5; & 11; cuius rei rationem reddit S. P. Aug. lib. 83. quæst. 9. 61; nam Christus debebat euacuare sacrificia, quæ secundum ordinem Aaron fiebant in Sacerdotio Leuitico, seu legali; ne mundatio peccatorum, quæ per Sacerdotium Christi faciendæ erat, videretur pertinere ad tribum Levi, & ad Sacerdotium Aaronicum; quod Sacerdotij Christi vmbra temporaliter erat; ergo debebat esse Sacerdos secundum ordinem Melchisedech, non secundum ordinem Aaronis; & ideo nasci debebat ex tribu Iuda, vt simul esset Rex, & Sacerdos. Verba eius sunt hæc; Oportebat enim, vt euacuaretur sacrificia, quæ secundum ordinem Aaron in Leuitico Sacerdotio fiebant, non esses de tribu Levi; ne ad ipsam tribum, & ad ipsum Sacerdotium, quod temporaliter vmbra erat futuris, pertinere videretur mundatio peccatorum, quam Dominus oblatione holocausti sui, quod in veteri Sacerdotio figurabatur, impleuit; & holocausti eius imaginem ad memoriũ passionis sue in Ecclesia celebrandam dedit, vt esset Sacerdos in æternum, non secundum ordinem Aaron, sed secundum ordinem Melchisedech. Alias quinque rationes affert Fund. Doct. Aeg. hic dist. 20. p. 2. q. 1. ar. 1. S. Aduertendum. 1. Quia Melchisedech fuit simul Rex Salem, & Sacerdos Dei Altissimi; sed Christus fuit simul Rex, & Sacerdos; ergo fuit secundum ordinem Melchisedech, non secundum ordinem Aaron, qui non fuit Rex, sed Sacerdos. 2. Sacerdotium Leuiticum fuit desumptum à Sacerdotio Melchisedech; ait enim Glossa; quod Iudæi sumplerunt Sacerdotium à Gentibus, non autem Gentes à Iudæis; sed à Sacerdotio Christi

fuit desumptum Sacerdotium Leuiticum; quia figura sumitur à figurato, non è contra; ergo Sacerdotium Christi fuit secundum ordinem Melchisedech, non secundum ordinem Aaron. 3. Sacerdotium Melchisedech fuit per vnctionem inuisibilem gratiæ, non per vnctionem olei visibilis; vt diximus; Sacerdotium autem Leuiticum fuit per vnctionem visibilem; sed Sacerdotium Christi fuit per vnctionem inuisibilem, non visibilem; ergo idem. 4. Sacerdotium Melchisedech obtulit panem, & vinum; Sacerdotium verò Leuiticum obtulit animalia; sed Sacerdotium Christi obtulit ipsum Christum sub specie panis, & vini; ergo idem. 5. Per ordinem ad illud sumi debet Sacerdotium; Christi, quod magis Christo assimilatur; simile enim refertur, & ordinatur ad simile; sed Christus Sacerdos magis assimilatur Melchisedech, quàm Aaroni; quia, vt habet Apost. Hebr. 7. Melchisedech Rex Salem, quod est Rex pacis, sine patre, sine matre, sine genealogia, neque initium dierum, neque finem vite habens assimilatus est Filio manet Sacerdos in æternum; quauis enim Melchisedech habuerit re vera patrem, & matrem; attamen non habuit secundum commemorationem, quia illos Scriptura non commemorat; sic Christus dictus est Rex iustitiæ, vt sonat hoc nomen Melchisedech; Princeps pacis, vt interpretatur Rex Salem; fuit vnctus Sacerdos à Deo; sicut Melchisedech dictus est Sacerdos Dei altissimi; fuit sine patre, vt homo; sine matre, vt Deus; sine genealogia, quia filios non habuit secundum carnem; fuit sine initio, & sine fine, vt Deus; & sine fine, vt homo; ex quo deducit Glossa; quod quauis Summi Sacerdotes Leuitici, ac omnes Prophetæ, & Patriarchæ fuerint Christi figuræ; nullus tamen specialius, ac similius ipsum expressit, quàm Melchisedech; ergo rectissime dicitur Sacerdos secundum ordinem Melchisedech, non secundum ordinem Aaron.

5. Prob. altera pars concl. ipsam textibus Tu es Sacerdos in æternum; & neque initium dierum, neque finem vite habens &c. Manet Sacerdos in æternum. Deinde probantur singula. Persona Christi est æterna; in ipso enim non fuit personalitas creata, sed tantum personalitas Verbi, quæ est æterna, & increata; sed offerens, & res oblata in Sacerdotio Christi est persona Christi; obtulit enim se ipsum immaculatum Deo; vt ait Apost. vbis ergo persona offerens, & res oblata in Sacerdotio Christi est æterna; & ideo Sacerdotium Christi quoad personam offerentem, & quoad rem oblatam rectissime dicitur æternum; in quo distinguitur à Sacerdotio Leuitico, quod offerebant personæ mortales, & offerebantur res corruptibiles, & temporales. Deinde ex parte effectuum oblationis; nam effectus oblationis fuit remedium saluandorum; sed nullus potuit saluari nec

nec ante, nec post Christi aduentum, nisi in fide meritum Christi, vt diximus 10. 4. de fide q. 2. art. 3; vt habetur *Actor. 4. Non est aliud nomen sub Cælo, sub quo oporteat nos saluos fieri, nisi Christus*; ergo Sacerdotium Christi est æternum. Æternitas autem hic non sumitur eodem modo à parte ante, & à parte post; nam à parte ante sumitur negatiue ita, vt nullo tempus fuerit, quo Christi Sacerdotium non fuerit in remedium hominibus; verum à parte post sumitur positiue, quia vita æterna, & gratia, quæ per tale remedium hominibus est restituta, semper erit, & nunquam finietur. Tandem ratione intransferibilitatis, seu insuccessionis tripliciter dicitur æternum. 1. Quia Sacerdotio Christi non successit aliud Sacerdotium; non enim Sacerdotium Christi fuit translatum, aut erit transferendum; sicut Sacerdotio *Leuitico* successit Sacerdotium Christi. Sacerdotium nanque *Leuiticum* fuit translatum, vt habet *Apost. Hebr. 7. Translato Sacerdotio &c;* & rationem reddit *Apostolus: Alij quidem sine iuramentum Sacerdotes effecti sunt; hic autem cum iuramentum, & per eum, qui dixit ad illum: Iurauit Dominus, & non penitebit eum, tu es Sacerdos in æternum*; iuramentum autem, & non penitentia significant Sacerdotij Christi æternitatem. Quauis autem etiam de Sacerdotio *Aaron Leuit. 28.* dixerit Deus: *Legistimum sempiternum erit Aaron, & semini eius post eum*; hoc tamen, inquit *S. P. Aug. in qq. sup. Exod. lib. 2. q. 124;* intelligendum est quoad rem figuratam, quæ est æterna; figurabat enim Sacerdotium Christi, quod est æternum; non quoad ipsam figuram, quæ cessauit adueniente figurato. 2. Nedom ex parte ipsius Sacerdotij, sed etiam ex parte Sacerdotis Sacerdotij Christi probatur æternitas. Nam quauis Sacerdotium *Aaronicum* fuerit vnum, quia: fuit vnus, & idem ritus, oblatio, & modus offerendi; attamen fuerunt plures Sacerdotes; quia inquit *Apost. vbi. Alij quidem plures facti sunt Sacerdotes, idcirco quod morte prohiberentur permanere*; mortales enim erant, & ideo vnus non potuit viuere, vsquedum videretur tempus, quo durare debebat Sacerdotij *Leuitici* tempus; ac propterea ne deesset, qui Sacerdotio fungeretur, plures Sacerdotes instituere fuit necesse; at verò Christus eo, quia *manet in æternum, sempiternum habet Sacerdotium*; adeoque ei non succedit alter Sacerdos; & quauis homines Sacerdotes ordinentur, Christus tamen est ille, qui consecrat; in persona enim Christi assument: *Hoc est corpus meum*. 3. Eadem ratione probatur Sacerdotium Christi esse æternum ex parte oblationis; nam in Sacerdotio *Leuitico* vna oblatio succedebat alteri oblationi, quia res oblata erat diuersa; at verò in Sacerdotio Christi est semper eadem res oblata; quia semper offertur idem corpus,

Mag. Frideric. Nic. Gauardi Tom. 5.

& sanguis Christi. Ex his autem tribus sic arguitur. Illud, quod nullo modo admittit successionem, est æternum; in hoc enim æternitas distinguitur à tempore, quod tempus est successuum, æternitas verò sine successione; sed Sacerdotium Christi fuit sine successione ex parte ipsius Sacerdotij, quod nunquam erit translatum, nec ex parte ipsius Sacerdotis, cui non succedet alter Sacerdos, quia Christus viuuit in æternum; nec ex parte rei oblata, quia eadem semper erit res oblata; ergo Sacerdotium Christi est æternum. Ex quo deducitur, quantum supereminet Sacerdotium Christi Sacerdotio *Leuitico*, quod fuit temporale, quia fuit translatum; & eius translatio aperte 1. Reg. 2. comminata fuit *Heli*, cui dixit Propheta, cuius nomen tacet Scriptura: *Domus tua, & domus patris tui transibunt coram me in æternum*; quæ prophetia adimplenda erat in Christo; inquit enim *S. P. Aug. lib. 17. de Cin. Dei cap. 5;* quod quauis Sacerdotium fuerit translatum in *Samuelem*, sicut & iudicium populi, qui non erat ex familia *Aaron*, cuius progenies tantum deputata erat, vt Sacerdotio fungeretur, sed erat ex familia *Leuitica* descendens à *Leui*; attamen talis prophetia in *Samuele* non fuit completa eò, quod talis translatio non mansit in æternum; nam post *Samuelem* fuerunt Sacerdotes ex familia *Aaron*, quia regnante *Dauid* fuerunt *Sadoch, & Abiathar*, & alij deinceps; ergo hæc prophetia solum in Christo fuit impleta, à quo Sacerdotium non transferetur in æternum.

6 Sed hic magna oritur quæstio inter Interpretes; an *Samuel* verè fuerit Sacerdos; vel tantum fuerit propheta, & Populi Iudex?

Ferè omnes subsistent *Samuelem* etiam mortuo *Heli* fuisse tantum prophetam, & populi iudicem; & hoc fuisse prob. ex *S. P. Aug. in qq. ex Vet. Testam. q. 46;* quia Sacerdotes nascebantur, non fiebant; ergo si *Samuel* fuisset Sacerdos, etiam *Helcana* eius pater, ex quo natus fuit, Sacerdos fuisset; sed conf. est falsum; quia *Helcana* duas habuit vxores, scilicet *Phenennam, & Annam*; quod Sacerdotibus vetitum erat; tum quia si fuisset Sacerdos, non venisset ad *Heli*, vt Sacrificium Domino offerret; sed ipse per semetipsum obtulisset; ergo nec *Samuel* fuit Sacerdos. 2. *Psal. 98.* dicitur: *Moyse, & Aaron in Sacerdotibus eius; & Samuel inter eos, qui invocant nomen eius*; ex quo manifestè colligitur *Moyse, & Aaron* fuisse Sacerdotes, *Samuelem* verò prophetam, cuius erat officium nomen Dei invocare. 3. 1. Reg. 3. aperte dicitur fuisse prophetam: *Et innotuit omni populo, quoniam fidelis est Samuel propheta Domino*. 4. Mortuo *Heli* fuerunt Sacerdotes qui reuocata arca ab allophylis baiulis *leuitis* viris *Bethsamitis* obtulerunt sacrificia absente *Samuele*, vt habetur 1. Reg. 6; & Rege facto *Samle* fuit

Sf

fuit *Achimaas*, seu *Achimelech* pronepos *Heli*. Nec valet dicere; quod licet *Samuel* non fuerit Sacerdos, functus tamen est vice Sacerdotis; *Samuel* enim fuit vir Sanctus, Deo charus, & Dei testimonio commendatus; qui propterea non egit, quod erat à Deo prohibitum; aliter factus fuisset Dei inimicus, & tanquam præsumptor præsumptionis vindictam subisset. *Chore* namque *Num.* 16; cum non esset ex semine *Aaron*, & voluisset super altare imponere incensum, hiatu terræ cum socijs suis fuit absorptus; & *Ofas* Rex 1. par. 26. ex tribu *Iuda*, cum præsumpsisset Sacerdotium peragere, stans ante altare lepra in fronte percussus interiit. Ergo cum *Samuel* nec fuerit de *Aaron* familia, nec præsumptor censendus sit, Sacerdos non fuit. Prophetia ergo de mutando Sacerdotio, & eligendo æmulo ipsius *Heli* fuit impleta, cum *Saul* occidit *Achimelech*, & alios Sacerdotes iussit occidi; non autem statim post interitum *Heli*.

7 Sed contrarium docet idem S. P. Aug. lib. 17. de Civ. Dei c. 4. asserens: Nam *Heli* Sacerdote reprobato substitutus est in Dei ministerium *Samuel* simul officio functus Sacerdotis, & iudicis; & lib. 12. cont. Faust. c. 33. Nonne ab ipso exordio commutatum est Sacerdotium in *Samuelem* reprobato *Heli*, & commutatum Regnum in *David* reprobato *Saule* clamari prænunciari novum Sacerdotium, novumque Regnum reprobato veteri, quod umbra erat futuri in Domino nostro *Iesu Christo* venturum? Nonne ipse *David*, cum panes propositionis manducavit, quos non licebat manducare, nisi Solis Sacerdotibus, in una persona utrunque futurum, id est in uno Domino *Iesu Christo*, Regnum, & Sacerdotium figuravit? & in psal. 98. Factus est *Samuel* Sacerdos magnus, Sacerdos sanctus. Quibus verbis expressè docet, quod licet non fuerit de lege communi Sacerdos, nisi natus ex *Aaron*, & non licuerit, nisi eius filijs Sacerdotis vices implere; & cum nihil figurandum occurrit; attamen secus dicendum de lege speciali, secundum quam solum licuit *David*, eiusque pueris panes propositionis comedere; qui hoc facto figuravit Sacerdotium esse transferendum cum Regno simul in Christum; sicut quavis absolute non licuerit *Iacob* se *Esaü* primogenitum dicere; attamen ad figurandum Christum, qui fuit secundus *Adam*, potuit se *Esaü* appellare, vt primogenituræ translationem, quæ implenda erat per Christum, innueret. Ergo quavis *Samuel* non fuerit natus Sacerdos, nec Sacerdotis vices de lege communi implere potuerit absolute loquendo; attamen de lege speciali, & ad significandam translationem Sacerdotij *Leuitici*, quod erat transferendum in Christum, potuit appellari Sacerdos, & vices Sacerdotis obire. Præterea certum est *Samuelem* per se ipsum sacrificasse, cum iussit in *Bethlehem* ad vngendum

David in Regem; inquit enim 1. Reg. 16. Ad immolandum Domino veni, sanctificamini & venite mecum, ut immolem. Nec dici potest immolasse per alium; sicut dicitur *Saul*, *David*, & *Salomon* obtulisse Domino per Sacerdotem, nullus enim commemoratur Sacerdos in *Bethlehem* fuisse, sicut dicitur de *Saul*, *David*, & alijs, qui dicuntur sacrificasse, quatenus munera sacrificanda Sacerdoti obtulerunt; non sic autem de *Samuele* dici potest; sed sacrificare est proprium munus sacerdotis; ergo fuit propriè Sacerdos. Tum quia translatio Sacerdotij in Christum faciendi non poterat significari per alium Sacerdotem post Sacerdotum excidium de *Saulis* mandato executum; quanvis ille Sacerdos non de *Aaronis*, sed de *Ishamar* familia fuisset; quia translatio Sacerdotij in Christum esse debebat simul cum Regno; sed in solo *Samuele* fuit simul Sacerdotium, & Regnum, quia fuit populi Iudex, antequam populus alium Regem ex peteret; Sacerdotes autem, qui fuerunt post ipsum, non fuerunt Reges, vt constat, quia post *Saulem*, quem vnxit *Samuel*, postquam populus cum abiecerat, ne super eos regnaret, continuò alij Reges vncti fuerunt; ergo translatio Sacerdotij in Christum faciendi non potuit figurari per alios Sacerdotes, sed per ipsum *Samuelem*, qui propterea Sacerdos, & iudex necessariò est nuncupandus.

8 Ad auctoritatem, & rationes S. P. Aug. in oppositum scimus illas questiones ab eius librorum censoribus inter apocryphas rejici; sed quoniam eorum censura non verificatur in omnibus, & ab omnibus æquè non recipitur; dicimus illic loqui de lege communi, & absolute; non autem de lege speciali, & figuratiuè; ostendit enim, quod *Samuel* non præsumpsit sacrificare, aliter fuisset punitus à Deo, nec potuit sacrificare, vt Sacerdos natus, quia non fuit ex Filijs *Aaron*; neque potuit ad hoc absolute aspirare, quia sciebat Deum esse immutabilem; non tamen ait non potuisse figuratiuè hoc obtinere; quod tamen docet alijs in locis sup. laudatis. Ad 1. rationem dicitur procedere de Sacerdotio absolute, non de figuratiuò. Ad 2. eodem modo dicitur fuisse prophetam absolute, & de lege communi, Sacerdotem vero figuratiuè, & de lege speciali; & sic ad 3. Ad 4. dicitur vel illos Sacerdotes fuisse minores; vel dispensatum fuisse à Deo, vt simul fuerint plures Summi Sacerdotes; vt constat de *Moyse*, & *Aaron*. *Chore* autem, & alij puniti fuerunt, quia præsumpsissent sacrificare, quod non egit *Samuel*, qui à Deo fuit deputatus ad figurandam Sacerdotij translationem in Christum.

9 Obijc. 1. cont. 1. part. concl. Christus fuit Sacerdos per ordinem ad illud Sacerdotium, quod fuit perfectius; sed Sacerdotium *Aaronis* fuit perfectius, quàm Sacerdotium.

Mel-

Melchisedech; ergo est dicendus potius Sacerdos secundum ordinem *Aaron*, quam *Melchisedech*.

Resp. dist. ma. Quod fuit perfectius quantum ad expressionem figurati, concis; sed neg. mi: quantum ad ceremonias, neg; ceremoniæ nanque sunt accidentia; & expressio figurati est substantia, seu essentia; denominatio autem sumi debet potius per ordinem ad substantiam, quam per ordinem ad accidentia.

10 Obijc. 2. cont. 2. part. Christus, vt homo, fuit mortalitatis, non æternus; sed non est Sacerdos, nisi vt homo; ergo non fuit Sacerdos in æternum. 2. Christo Sacerdoti succedunt plures homines Sacerdotes; ergo Christus non manet Sacerdos in æternum; quia successio æternitati repugnat. 3. Christus in cruce non interfecit se ipsum; ergo non fuit propriè Sacerdos, cuius munus fuit victimam interficere.

Resp. ad 1. cum *Fund. Doct. art. 2. ad 2.* Christum, quanvis mortalem, æternum dici propter communicationem idiomatum. Vel dici æternum, quia parum *pro nihilo reputatur*; adeoque cùm tempus mortis fuerit modicum, reputatur semper viuus. Vel dici æternum, quantum ad interpellandum pro nobis, & offerendum se ipsum in expiationem peccatorum; quod potuit etiam præstare post mortem; non tamen alij Sacerdotes hoc potuerunt efficere. Ad 2. resp. *idem art. 3. ad 1*; quod omnes Sacerdotes offerunt in persona vnus Christi Sacerdotis; quilibet enim ait: *Hoc est corpus meum*; quod nequit intelligi, nisi de corpore Christi; aliter non fieret Sacramentum; & sic censentur vnus Sacerdos. Ad 3. neg. consi nam *Melchisedech* fuit verus Sacerdos, & tamen nihil interfecit, cùm panem, & vinum obtulit; ideo de ratione essentiali Sacerdotis non est interficere hostiam, sed illam offerre; interficere autem tantum accidentaliter conueniebat, quando offerenda erant animalia, quorum infectio peccaminosa non est; at interficere se ipsum peccatum est, ideo inconuenit Sacerdoti, cui conuenit offerre pro peccatis, non verò noua peccata committere. Christus igitur verè sacrificauit, quia propria voluntate obtulit, & tradidit spiritum pro nobis; vt dicitur *1o. 10. Nemo tollit eam à me, sed ego pono eam à me ipso*; super quod vid. *S.P. Aug. in 1o.*

11 Collig. ex dictis Christum non obtulisse se ipsum pro se ipso; quia sacrificium institutum fuit pro peccato expiando; vt habet *Apost. ad Hebr. c. 5*; sed in Christo non fuit peccatum; igitur non obtulit sacrificium pro se ipso; sed tantum pro nobis. Habetur expressè in *Concil. Alex. & Ephes. cap. 14.*

§. I.

Pro quibus Christus orauerit?

12 **D**E fide est, & à nemine in dubium, vocatur Christum, vt hominem, orasse pro nobis, & pro se; habetur enim *Luc. 6. Exiit in montem orare, & erat pernoctans in oratione Dei*; & *Marc. 14. Prociidit super terram, & orabat, vt, si fieri posset, transiret ab eo hora*; & *1o. 17. Pater, clarifica Filium tuum*; ex quibus manifestè apparet orasse pro se ipso. Præterea *1o. 14. Ego rogo Patrem, & alium Paraclitum dabit vobis*; & *17. Pro eis rogo*; ex quibus deducitur orasse pro nobis. Solum difficultas est; an Christum nedum orauerit in via, sed etiam oret in patria; nam *Medi Valsq; Becc; Lug; & alij* aiunt orare tantum interpretatiuè, quatenus exhibet suas orationes suas in hac vita, & sollicitat Deum ad elargiendum id, quod petierunt. Communis tamen sententia docet Christum in Cælo verè, & propriè orare pro nobis.

13 Vnica concl. Christus nedum existens in terra, sed etiam post Ascensionem existens in Cælo, sedenque ad dexteram Patris verè, & propriè, vt homo, orat pro nobis.

Prob. 1. ex *illo 1o. Ego rogo Patrem, & alium Paraclitum dabit vobis*, quod dixit in futuro innuens se pro nobis oraturum in Cælo, de quo solum, postquam ascendit, certum est misisse spiritum Sanctum; & *psal. 85. Saluum fac seruum tuum, Deus meus, sperans in te &c. Quoniam ad te clamaui tota die*; super quod *S.P. Aug. in hunc locum inquit: Non vna die, tota die, omni tempore intellige*; & mox: *Caput autem nostrum ad dexteram Patris interpellat pro nobis*; & in proleg. eiusdem *psal. In principio Dominus noster Iesus Christus Filius Dei, qui, & oret pro nobis, & oret in nobis, & oretur à nobis. Orat pro nobis, vt Sacerdos noster, orat in nobis, vt Caput nostrum, oratur à nobis, vt Deus noster*; habetur etiam *Rom. 8. Qui est ad dexteram Dei, qui etiam interpellat pro nobis*; & *Hebr. 7. Semper viuens ad interpellandum pro nobis*; interpellare autem à SS. PP. sumitur pro orare, vt à *D. Greg. in psal. penitent*; & à *S.P. vbiq.* Ratio autem deducitur ex dictis in *sup. art.* nam Christus in Cælo manet Pontifex in æternum; sed orare pro populo est proprium munus Pontificis; ergo Christus in Cælo orat pro nobis, qui eius populus sumus. 2. Oratio ex *S.P. Aug. ep. 107. ad Vital.* in hoc distinguitur à gratiarum actione, quòd illa est de beneficio obtinendo, hæc de beneficio iam accepto; sed multa sunt beneficia, quæ nos non accepimus à Deo, & obtinere speramus; ergo Christus orat pro nobis Deum, vt nobis conferat beneficia, quæ nos speramus. 3. Status patriæ non impedit orationem,

tionem, quæ ipsi maxime congruit, ut ostendatur Dei maiestas, & creaturæ subiectio; habetur enim in *Apoc.* orationes Sanctorum continuò in Cælo ad Deum deferri; sed Christus, ut homo, est Deo subiectus, & inferior; ergo etiam in Cælo ei convenit orare pro hominibus.

14 Dices 1. *Oratio est assensio mentis in Deum ex D. Dam. lib. 4. de Fide c. 24;* sed Christus ab instanti suæ conceptionis fuit mente summè Deo vnitus; ergo non potuit ascendere, nec orare. 2. Nemo postulat id, quod nescit esse futurum; sed Christus novit omnia futura; ergo illa non postulat, nec orat; quia orare est postulare. 3. Oratio includit carentiam plenæ potestatis ad efficiendum id, quod oratur; sed Christus habuit plenam potestatem; ergo idem. 4. Christus in Cælo nequit mereri; ergo nec orare, quia oratio exaudiri meretur. Tum quia nos non possumus orare Christum, ut oret pro nobis, sicuti Sanctos oramus; ergo idem.

Resp. ad 1. orationem esse assensionem mentis in Deum per actum elicitem à virtute religionis, non per ipsam visionem beatam; & quanvis mens Christi fuerit semper vnita, non tamen sequitur, quòd non oraverit, & non oret, sed potiùs, quòd semper oret, quia semper manet in assensione in Deum. Ad 2. neg. ma; & præcipuè cum quis nescit, quòd illud futurum est concedendum orationi, quæ est medium ad illud obtinendum, ut est in Christo. Ad 3. dist. mi. Christus, ut homo, habet plenitudinem potestatis ministerialis, conc; principalis, neg. Ad 4. neg. conf; quia ad meritum requiritur status viæ, ut diximus tom. 4. de *Grat. q. 5. art. 1.* Ad aliud dicitur non licere rogare Christum, ut oret pro nobis; quia non licet separare humanitatem à Divinitate in actibus prædicis, sicut ob infirmitatem intellectus licet eam separare in actibus speculativis ad illum distinctiùs cognoscendum; tum, quia oratio dirigitur ad personam, non ad naturam præcisè; persona autem Christi est Deus, cui repugnat orare. An autem Christus oraverit pro omnibus etiam impijs, dictum est 10. 2. de vol. Dei q. 4. art. 1; & de *Prad. q. 3. art. 3.*

A R T. II.

An Christus verè fuerit Rex?

1 **E**tiam hic loquimur de Christo, ut homine; certum enim est Christum, ut est Deus, esse omnium creaturarum Regem, ut habetur 1. ad *Tim. 1. Regi seculorum immortalis, & invisibili.* Inquiritur autem, an Christus fuerit Rex *Iudaorum* tantummodò; an verò om-

nium creaturarum; & ratione cuius Regia potestas ei conveniat? Occasione autem explicandi illud *Luce 23;* in quo *Iudæi* Christum accusabant Pilato: *Hunc invenimus subversentem &c;* & dicentem se Christum Regem esse; & titulum illulorium, quem cruci superimposuit *Pilatus 10. 19. Iesus Nazarenus Rex Iudaorum;* hæc quæstio instituta est à DD.

Non defuerunt, qui dixerunt Christum fuisse subditum Principibus sæcularibus; atque adeo tributum ex debito, & necessitate soluisse. Ita *Mars. Patanin;* & 10. de *Ianduno;* quos tamen damnauit 10. *XXII;* ut refert *Turrecr. lib. 4. Sum. par. 2. cap. 37;* repugnat enim verbis Christi *Matth. 17.* dicentis *Petro:* Reges terra, à quibus accipiunt tributum, vel censum à filijs suis, an ab alienis? Et ille dixit: Ab alienis. Dixit illi Iesus. Ergo liberi sunt filij. Ut autem non scandalizemus eos, vade ad mare: & mitte humum, & cum piscem, qui primus ascenderit, tolle, & aperto ore eius inuenies hæcerem; illum sumens da eis pro me, & 10. Quibus verbis aperte significauit se liberum fuisse à solutione tributi eo, quòd sit Filius Dei, qui est Rex omnium, sed ut scandalum vitaret, illud soluisse.

2 Alij dixerunt Christum titulo successionis habuisse ius temporale in Regnum *Iudaorum;* quia erat ex *David* familia. Ita *Armacan. lib. 4. qq. Armen. cap. 16; Bacon. q. 1. prol. art. 2. concl. 2; & q. 11. art. 3;* quibus fauet *Abulen. in c. 21. Matth. q. 30.*

Sed quanvis verum sit, quòd, ut asserunt communiter SS. PP; & DD; ad ostendendum Christum simul fuisse Sacerdotem, & Regem, *Matthæus B. V. Mariæ genealogiam per Naþan, & Lucas genealogiã S. Ioseph per Salomonem descripserit;* attamen ex hoc non deducitur titulo successionis, & hæreditatis Regnum Christo debitum fuisse; non enim constat successionem Regni fuisse per feminas, nec *Mariam fuisse Iudaorum Reginam,* quanvis ex Regibus ortam, cui postea succederet Christus; & sic dicendum de *Ioseph,* quem constat non fuisse Regem, sed fabrum; at etiamsi fuisset Rex; attamen Christus non potuisset eius Regnum titulo hæreditatis obtinere, quia fuit filius illius tantum putatiuus, non naturalis, adoptio autem non dat ius ad successionem in præiudiciũ filiorum naturalium, ut constat; ergo nequit dici, quòd Christo obuenerit Regnum titulo successionis, & hæreditatis, quanvis ex familia Regum descenderit. 2. Si Christus habuisset Regnum titulo successionis, non posset dici translatum fuisse Regnum, & Sacerdotium in Christum; translatio enim propriè erat de familia in familiam, vel de tribu in tribum; unde deductio Regni de patre in filium non dicitur in *Scriptura* translatio, sed tantum quando Regnum de vna ad aliam familiam fuit trans-

translatum; & sic de Sacerdotio; sed Regnum dicitur translatum in Christum fuisse; nam vt dicebamus in *sup. art. num. 7. cum S.P. Auguſt.*; translatio Regni de Saule in Dauidem fuit figura translationis eiusdem Regni in Christum; ergo non habuit Regnum titulo ſucceſſionis, & hæreditatis. 3. Christus nedom fuit Rex *Iudeorum*, sed etiam *Gentium*; sed Rex *Gentium* nequit dici titulo hæreditatis; ergo nec Rex *Iudeorum*. Nec offit id, quod dicitur *Luc. 1.*; vbi habetur, quod Christus habuerit *ſedem Dauid patris eius, & regnauerit in æternum*; Non obſtat, inquam; nam *ibid.* dicitur: *Dabit ei ſedem Dauid*; quibus indicatur non titulo hæreditatis, sed Dei largitate ei Regnum fuiſſe conſeſſum; quanuis hoc ſit intelligendum de Regno æterno, non temporali; quia dicitur: *Et regnabit in æternum*.

3. Alij dixerunt Christum fuiſſe Regem ſpiritualẽ, non temporalem. *Dried. lib. 3. de dogmat. Sacra Scriptura tract. 2. cap. 10. par. 13.* *Victoria, & Bartholom. Med. Vaſq.* verò diſp. 87. cap. 2. ait fuiſſe Regem etiam temporalem, non tamen, vt hominem, habuiſſe dominium temporale ſingularum rerum. Tandem *Lug. diſput. 30. ſect. 1.* ait habuiſſe Regnum in actu primo, non in actu ſecundo.

4. Noſtra ſententia docet Christum fuiſſe inunctum verum Regem totius mundi vnctione inuiſibili in primo inſtanti ſuæ conceptionis, & verum dominium habuiſſe in omnes res æternas, & temporales ad nutũ; quanuis vſum dominij temporalis per ſe ipſum exercere noluerit, ſed alijs inuiſibiliter commiſerit, vel permiſerit eo modo, quo Rex temporalis per ſuos miniſtros deputatos, vel etiam permiſſos ſuum Regnum gubernat. Ita *Fund. Doct.* & alijs *cit. to. 4. de Fide q. 4. art. 6.*

5. Regnum aliud eſt particulare, aliud vniuerſale. Particulare eſt communitas plurium prouinciarum ſubiecta poteſtati vnus tantum, à quo regitur, & gubernatur; & in hoc diſſert Regnum à Republica, quæ ſubditur poteſtati plurium, non vnus. Regnum vniuerſale eſt communitas totius Orbis ſubdita vnus poteſtati, à quo regitur. Sicut autem in quolibet Regno particulari dantur plures Principes, qui ſubijciuntur poteſtati Regis; ita in Regno vniuerſali dantur plures Reges particulares, qui ſubduntur poteſtati Regnantis vniuerſaliter in toto Orbe; qui vocatur Rex Regum, & Dominus Dominantium; quemadmodum Rex particularis dicitur Rex Principum, & Dominus Principantium. Quanuis autem Rex Dominetur in omni parte, & ciuitate ſui Regni; atamen vt plurimum eius denominatio ſumitur à Metropoli, ſeu à parte principali, in qua dominatur immediatè; non autem à principatibus, in quibus Principes, qui ei ſubduntur, dominantur; vt dicitur Rex *Neapolis* à ciuitate

Neapolis, quæ eſt principalior in illo Regno; Rex *Vngaria* à prouincia principali, quæ eſt in illo Regno; quanuis in illo ſint plures aliae ciuitates, & in iſto plures prouinciae. Insuper quanuis Rex habeat poteſtatem, & dominium Regium in totum ſuum Regnum; atamen in ditiones Principum intra limites ſui Regni conſeſſas, quas vel gratiosè eis conceſſit in præmium, vel permiſit in poenam ſuorum ſubditorum, dicitur quidem habere poteſtatem, & dominium quoad nutum, quia poteſt illos Principes ſuis Principatibus expoſiliare, & priuare, eoſque in alios tranſferre; non autem dicitur in eas habere vſum poteſtatis, & dominij, quia vſus conceſſus eſt Principibus ſibi ſubditis, quibus conſulit eorum gubernium. Quod diximus de Rege particulari per ordinem ad Principes, dicendum eſt de Rege vniuerſali per ordinẽ ad Reges particulares ſibi ſubiectos. Cùm inquirimus, an Christus fuerit Rex, non loquimur de Rege, aut Regno particulari, ſed de Rege, & Regno vniuerſali; an ſcilicet fuerit Rex omnium creaturarum caeleſtium, & terreſtrium.

6. Vnica concl. Christus in inſtanti ſuæ conceptionis fuit inuiſibiliter vnctus Rex vniuerſalis habens ad vſum poteſtatem, & dominium Regni caeleſtis, & ad nutum Regnorum terreſtrium; quapropter rectiſſimè dicitur Rex *Gloriæ*, ſeu Regni *Cælorum*, & Rex *Regum* terræ, ac Dominus dominantium in terra.

Prob. 1. à S. P. Aug. de altercat. Eccl. & Synag. ex pſ. 71. Deus iudicium tuum Regi da, & iuſtitiam tuam Filio Regis; & pſal. 72. Deus autem Rex noſter operatus eſt ſalutem in medio terræ; & pſal. 2. Ego autem conſtitutus ſum Rex ab eo ſuper Sion montem ſanctum eius; & Malach. 1. Rex magnus ſum ego, dicit Dominus, & nomen meum illuſtrabo apud Gentes; et pſal. 44. Dico ego opera mea Regi. Quòd autem etiam ſit Dominus, habetur pſ. 96. Dominus regnauit; et pſ. 67. Dominus nomen illi; ex quibus concludit S. P. Aug. Habes ergo & Deum, & Dominum, & Regem; & Io. 18. Pilato interroganti: Ergo Rex es tu? Reſpondit Christus: Tu dicis, quia Rex ego ſum. Et quòd ſit Dominus, habetur Io. 13. Vos vocatis me, Magiſter, & Domine; & bene dicitis; ſum etenim; & Apoc. 19. Habet in ſemore: Rex Regum, & Dominus dominantium; & Matth. ult. Data eſt mihi omnis poteſtas in cælo, & in terra.

7. Reſp. Vaſq. hæc faciliè explicari de Regno, & poteſtate ſpirituali.

Sed contra eſt; nam ſi Christus non haberet poteſtatem etiam ſæcularem, iam non haberet omnem poteſtatem; ſicut qui habet ſolam poteſtatem temporalem, non dicitur habere omnem poteſtatem, quia non habet etiam ſpiritualẽ; ſed hoc eſt directè contra ſextum *Matth. Data eſt mihi omnis poteſtas*, 2. Chri-

2. Christus habet potestatem spiritualem, quatenus Sacerdos; ergo quatenus Rex intelligitur habere potestatem secularem; atqui in *Scripturis* dicitur *Rex, & Sacerdos*; ergo ex ipsis ineluctabiliter colligitur utranque potestatem habere; nam sicuti sacerdotium propriè significat potestatem spiritualem; ita Regnum propriè significat potestatem secularem, nisi velimus abuti vocabulis; ergo sicuti ex eo, quòd Christus in *Scripturis* appellatur Sacerdos, non licet ei negare potestatem spiritua-lem; ita ex eo, quòd appellatur Rex, non licet ei denegare potestatem regnatiuam secularem.

8 Præterea figura debet correspondere figurato; aliter ipsum non repræsentaret; sed *Melchisedech, & Moyses*, qui fuerunt Christi figura (ille quidem in lege naturæ, hic verò in lege scripta) fuerunt Reges habentes verum dominium temporale; ille nanque fuit Rex *Salem*, & iste *populi Hebraici*; ergo Christus fuit Rex habens verum dominium temporale.

2. Rex gloriæ habet dominium spirituale, & seculare vniuersæ terræ; sed Christus est Rex gloriæ; vt dicitur in *ps. 23*; ergo habet dominium spirituale, & seculare vniuersæ terræ. Prob. ma. Rex gloriæ habet dominium spirituale, & seculare omnium, qui ordinantur ad gloriam, & qui aliquo modo speñant ad illam; *Moses* enim, qui erat Christi figura, habuit tale dominium omnium, qui erant ordinati ad terram promissionis, quauis ad illam non peruenerint; sed omnes homines vniuersæ terræ sunt ordinati ad gloriam, quia *Deus vult omnes homines saluos fieri*; & Christus pro omnibus mortuus est; ergo Rex gloriæ habet dominium spirituale, & seculare vniuersæ terræ.

3. Filius Dei naturalis est Rex, & Dominus vniuersæ terræ; illi enim subiunguntur omnes creaturæ; sed Christus, vt homo, per gratiam vnionis factus est Filius Dei naturalis, vt diximus *q. 6. art. 2*; ergo per gratiam vnionis factus est Rex, & Dominus vniuersæ terræ.

4. Christus habet potestatem puniendi, & præmiandi æternis, & temporibus pœnis in hac, & in alia vita; aliter eius potestas esset minor potestate Prælati Regularis; ergo est Rex, & Dominus vniuersæ terræ. Tandem expressè habetur in *1. Vesp. Natinit. Magnificatus est Rex pacificus super omnes Reges vniuersæ terræ*; ergo aduersa sententia, vt parum tuta, vtpotè opposita *tot Scripturis, & Ecclesia*, est abiicienda.

9 Objic. 1. *Io. 18.* interroganti *Pilato*, an esset Rex *Iudeorum* respondit Christus: *Regnum meum non est de hoc mundo. Si ex hoc mundo esset Regnum meum, ministri mei visque decernerent, vt non traderet Iudeis; nunc autem Regnum meum non est hinc.* Quibus verbis negauit se regnare in hoc mundo; & *Luc. 12.* cuidam de

turba dicenti: *Magister, dic fratri meo, vt mecum diuidat hereditatem*; respondit: *Quis me constituit Iudicem, aut diuisorem inter vos? Et Io. 6.* cum vellent *Iudæi* ipsum eligere in Regem, fugit in montem. Tandem *Io. 19.* fuit declaratus à *Pilato* Rex *Iudeorum* tantum in titulo cruci affixo; quod fecisse *Pilatum* ex Diuina inspiratione testatur *S. P. August. tract. 107. in Io.* dicens: *O ineffabilem vim Diuina inspirationis etiam in cordibus ignorantium! Nonne occulta vox quedam Pilato intus quodam (si dici possit) clamoso silentio personabat? Propterea cum Pontifices Iudeorum instarent: Noli scribere Rex Iudeorum; sed quia ipse dixit: Rex sum Iudeorum; Respondit Pilatus: Quod scripsi, scripsi; nolens delere inscriptionem iam factam; vt implectetur, quod tanto ante in psalmodum literis (inquit *S. P. Aug.*) prophetatum est; ergo Christus non est Rex vniuersalis.*

Resp. ad 1. fuisse solum *Io. 4. de Fide q. 4. art. 6. num. 24.* Regnum Christi non esse de hoc mundo, id est non acceptum ab hominibus huius mundi; sed à Patre, à quo fuit ei communicata potestas omnium creaturarum. Ita explicat *S. P. Aug. tract. 105. in Io.* asserens Christum non dixisse: *Regnum meum non est in hoc mundo*; nam ipse in hoc mundo regnauit; sed dixit: *Non est de hoc mundo.* Sicut *Io. 15.* dixit Discipulis: *De mundo non estis; sed ego vos elegi de mundo.* Non tamen his verbis significauit eos non esse in hoc mundo. Sic quauis Regnum eius non esset de hoc mundo; attamen non sequitur, quòd Regnum eius non sit in hoc mundo. Ait ergo *S. P. Vnde & hic non ait: Regnum meum non est in hoc mundo; sed non est de hoc mundo &c.* Non ait: *Nunc autem Regnum meum non est hic; sed non est hinc.* Hic est enim Regnum eius vsq. in seculum habens inter se commixta *zizania* vsque ad messem; messis enim finis est seculi, quando messores venient, id est Angeli, & colligent de Regno eius omnia scandala; quòd vtiq. non fieret, si Regnum eius non esset hic; sed tamen non est hinc, quia peregrinatur in mundo. Si autem dicatur *S. Patrem* loqui de Regno spirituali, non temporali; resp. etiam verba Christi, quæ explicat, intelligenda esse de Regno spirituali; ac propterea ex illis verbis non deduci Christum non habuisse dominium temporale, vt intendunt *Aduersarij.* Ceterum intelligentia sunt & spiritualiter, & temporaliter; *Pilatus* enim loquebatur de Regno temporali; cui non respondisset, si tatum spiritualiter locutus fuisset. Vel dicitur, quòd, vt *ssp.* notauimus, denominationis sumitur à nobiliori, & principaliori parte ipsius Regni, ideo Christus dicitur Rex *Cælorum, seu gloriæ.* Vel quòd non est Rex huius terræ quoad vsum, sed tantum quoad nuntum. Vel quòd ad ostendendum hæc Regna temporalia non esse vera Regna, sed exilia, quia sunt in motu, & non in quiete; ipse autem

tem erat verus Rex veri Regni, quo probaret se superiorem omnibus Regibus terræ, dixit suum Regnum non esse de hoc mundo, sed superius ad omnia Regna mundi; & ideo esse Regnum Regnorum, & ipsum esse Regem Regum huius mundi; ut asserunt *Scriptura*, quibus *contradicere non poterat*. Ad 2. *textum* dicitur officium *Iudicis*, & *Disiſoris* esse inferius potestate Regis, committitur enim ministris, ut constat; & ideo potuit Christus negare se esse *Iudicem*, aut *Disiſorem* absque eo, quod se esse Regem negaret. Ad 3. dicitur, quod Christus electus Rex ex Patris potestate debebat fugere, ne eligeretur Rex ex populi consensu, ne illius potestati subderetur. Ad 4. resp. S. P. Aug. *ibid.* Sed *Iudæorum tantum Rex est Christus; an & Gentium?* Imò & gentium; cum enim dixisset in prophetia: Ego autem constitutus sum Rex ab eo super Sion montem sanctum eius prædicans præceptum eius; ne propter montem Sion solis Iudæis eum Regem quisquam diceret constitutum; continuo subiunxit: Dominus dixit ad me, Filius meus es tu; ego hodie genui te. Postula à me; & tibi dabo Gentes hereditatem tuam, & possessionem tuam terminos terras unde & ipse iam per os proprium loquens apud Iudæos: Habeo (inquit Io. 10.) alias oves, quæ non sunt ex hoc ovili; oportet me & ipsas adducere, & fiet unum ovile, & unus Pastor; quibus clarissime ostenditur ipsum fuisse institutum Regem à Patre vniuersæ terræ, & possessionem accepisse huius Regni.

10. Obijc. 2. Christus non habuit titulo hæreditatis, nec ex populi consensu, nec ex Dei concessione Regnum; ergo non fuit Rex. 2. Frustra fuisset in Christo talis potestas, & dominium, quod nunquam redigeretur ad actum; ergo idem. 3. Sequeretur Summum Pontificem esse Regem; ergo idem. 4. Sequeretur omnes Reges ab instanti conceptionis Christi fuisse tyrannos, vel Christi Vicarios.

Resp. ad 1. dist. ant. Non habuit titulo hæreditatis maternæ; transeat; hæreditatis Paternæ; neg; nam ut Filius Dei, debuit ad om-

nia bona Patris admitti. Ad 2. neg. ant; non enim frustra ponitur in Imperatore potestas quoad nutum, quam habet supra Reges, et si nunquam actu redigatur ad vsum. Ad 3. dicitur Summum Pontificem habere potestatem quoad nutum super Reges; ut diximus 10. 4. ubi: Ad 4. neg. seq; ex eo enim, quod Imperator habeat potestatem quoad nutum super Reges, non sequitur Reges esse tyrannos, vel intrusos, vel Vicarios, sed tantum subiectos esse Imperatori; ita à pari.

11. Obijc. 3. *Vasq. Extra.* Inter nonnullos; & *Extra.* Quia quorundam de Religiosis domibus dicit Io. XXII. Christum habuisse dominium aliquarum rerum; ergo supponit Pontifex non habuisse dominium omnium rerum. 2. Ex si uteretur S. si duobus ff. commodati, vel contra dicitur duos non posse simul esse Dominos in solidum eiusdem rei; quia Dominus à nemine impediri potest circa vsum rei suæ; posset autem impediri ab alio Domino; ergo Christus non habuit dominium horum temporalium, quæ constat fuisse sub dominio aliorum. 3. Sequeretur nos peccare contra iustitiam vtendo aliqua re contra voluntatem Christi. 4. Illud data est mihi omnis potestas dictum fuit post Christi mortem; ergo non fuit Rex ante mortem.

R. esp. ad 1. habuisse dominium aliquarum rerum quoad vsum, & omnium quoad nutum. Ad 2. dicitur non posse dari duos Dominos æquales non subordinatos; bene tamen inæquales, & subordinatos; aliter res existentes sub dominio creaturæ non existerent sub dominio Dei. Ad 3. neg. seq; peccatum enim furti committitur solum contra illum, qui habet vsum illius rei, quæ furripitur. Ad 4. dicitur, quod Christus post mortem acquisiuit potestatem in Cælis quoad vsum, quam prius habebat quoad nutum. Quauis autem illud dictum sit post mortem, quia tamen dicitur in præterito, non sequitur ei datam fuisse potestatem solum post mortem.



De adoratione Christi.



E cultu, qui summæ Christi Maiestati à creaturis omnibus est exhibendus, postremo est discurrendum. Occasionaliter autem de cultu Sanctorum, imaginum, ac reliquiarum breuiter agemus, quo tota huius libri absoluetur materia.

A R T. I.

*An Christo, ut homini, debeat ad-
ratio latræ?*

A Doratio, vt diximus *10.4. de Virt. q.4. art.2. num. 22*; triplex est, scilicet latræ, dulia, & iperdulia. Hæc nomina à Græcis accepta significant seruitutem; latræ enim sumitur à *latro*, quod est idem, ac *seruio*; & dulia sumitur à *dulio*, quod pariter idē sonat, ac *seruio*; iper autem sonat idem, ac *super*; vnde iperdulia idem est, ac seruitus debita excellentissimo Domino. Quauis autem hæc duo nomina latræ, & dulia seruitutem significant; attamen discriminantur in hoc, quod latræ à Diuinarum Scripturarum tractatoribus sumitur tantum pro seruitute, qua creatura est Deo serua; vnde latræ significat cultum, quem creatura, tanquam serua, exhibet Deo; tanquam Domino; dulia verò sumitur pro seruitute, qua vna creatura est serua alteri creaturæ; & ideo significat cultum debitum alteri creaturæ; iperdulia verò significat cultum debitum excellentissimæ creaturæ. Ita S. P. lib. 10. de Ciu. Dei cap. 1. asserens: Latræ quippe nostri, ubique sanctarum Scripturarum positum est, interpretati sunt seruitutem. Sed ea seruitus, quæ debetur hominibus, secundum quam præcipit Apost. Ephes. 6. Seruus Dominis suis subditos esse debere, nomine Græcè (scilicet dulia) nuncupari solet. Latræ verò secundum consuetudinem, qua locuti sunt, qui nobis Diuina eloquia coniderunt, aut semper, aut tam frequenter, vt pene semper, ea dicuntur seruitus, quæ pertinet ad colendum Deum. Ratio autem est; quia latræ dicitur à *latreio*, quod significat idem, ac *seruio*, vt dictum est; componitur autem ex particula *la*, quæ intentionem significat; & *treio*, quod idem est, ac *remo*; vnde latræ proprie significat cultum, seruientis cum summo tremore, ac timore; solus autem Deus est summè timendus, quia solus Deus potest perdere corpus, & animam; homines verò solum corpus possunt occidere; vt habetur *Matth. 10*; ergo latræ proprie significat cultum soli debitum Deo. Aliam ethimologiam dat *noster Argent.* asserens, quod latræ idem est, ac *laus trina*; propterea soli

Deo, qui trinus est in personis, defertur. Vocari etiam solet *Eusebia*, *Theosebia*, & *Thriskias* seu Religio; vt notat S. P. *vbis*; & *Fund. Doct. hic distinct. 9. par. 1. quæst. 1. artic. 1. S. Tertio modo*; sed quoniam *Eusebia*, seu pietas, etiam erga parentes exercetur; ideo dicta est *Theosebia*, idēst pietas erga Deum eo, quia ex speciali motione, affectu, & deuotione mouemur ad colendum Deum. Dicitur autem *religio*, quia ligati sumus ad Deum colendum. Queritur ergo, an Christo, vt homini, debeat cultus latræ, qui soli Deo debetur.

2 Latræ autem esse virtutem specialem formaliter, & generalem materialiter reducibilem quodammodo ad virtutem Cardinalem iustitiæ ostendit *fund. Doct. ubi sup. 1. par. per totam*. Primum probat *art. 1. tripliciter*. 1. *Habitus*, cuius opera sunt laudabilia, est virtus; sicut habitus, cuius opera sunt vituperio digna, est vitium; sed latræ habet actus laudabiles; si enim laudabile est reddere vnicuique, quod suum est; maximè laudabile est, reddere cultum Deo, qui ei debetur; ergo est virtus. 2. *Habitus*, cuius actus præcipiuntur à lege, est virtus; finis enim legis est retrahere homines à vitijs, & ad virtutes inducere; sed actus latræ præcipiuntur à lege naturæ; ergo idem. 3. Virtus est dispositio perfecti ad optimum; sed latræ est ad Deū, qui solus optimus est; ergo idem. Secundum probat *art. 2.* Quia ratio formalis specificatiua latræ est distincta formaliter à ratione formali specificatiua aliarum virtutum, tendit enim in Deum, quatenus est colendus, offerendo sacrificia &c; & opponitur vitio speciali, quod est idololatria; ergo est virtus specialis. Materialiter autem dicitur generalis quadrupliciter. 1. *Ratione actuum*; quia potest actus omnium virtutum ex voto, quo se adstrinxit, elicere per ordinem ad exhibendum cultum, debitum Deo. 2. Quia connectitur cum alijs virtutibus; & ideo ad illas extenditur. 3. Quia potest concurrere ad actus omnium virtutum, quatenus illos potest elicere intentione colendi Deum. 4. Quia potest alijs virtutibus imperare, vt eliciant suos actus, intentione colendi Deum. Tertium probat *art. 3; & 4.* Non enim latræ est virtus Theologica, quæ habet pro

pro obiecto immediato, & sine Deum; cum latría habeat pro obiecto sacrificia, & has res exteriores, quas offerimus Deo in recognitionem propriæ feruitutis; ergo reducitur ad virtutes cardinales, quia ultra Theologicas non dantur, nisi cardinales. Atqui nequit reduci, nisi ad iustitiam quodammodo; quanvis enim inter Deum, & creaturas nequeat dari proprietas, & stricta iustitia, quæ propriè nequit dari inter seruum, & Dominum; patrem, & filium; vt diximus 10. 4; attamen potest dari quædam iustitia latè sumpta, quia creatura reddit Deo id, quod debet; & quanvis non reddat totum, quod debet; reddit tamen, quod potest,

3 Referuntur Palud; Coraubs; Alen; & alij sentientes Christi humanitatem non adorant latría perfectâ, sed latría imperfectiori. Sententia tamen communis docet adorari eadem adoratione, qua adoratur Verbum. *Fund. Doct. vbiq. p. 2. q. 2. art. 1; Argent. ibid.* asserunt principaliter adorari Verbum, & ex consequenti humanitatem ei unitam; quia Verbum est ratio formalis adorandi sic humanitatem; quod docent omnes alij.

Vnica concl. Christus, vt homo, adoratione latræ est colendus.

4 Prob. 1. ex psal. 98. *Exaltate Dominum Deum nostrum, & adorare scabellum pedum eius, quoniam sanctum est.* Super quod S. P. Aug. *ibid.* ait nomine Scabelli intelligi terram, de qua dicitur *Isaia 66. Terra autem scabellum pedum meorum.* Terra ergo adoranda, quoniam sancta est, & caro Christi animata, seu humanitas, quam Verbum assumpsit, & assumendo sanctificauit sanctitate increata, ob quam digna effecta est ea adoratione, qua Deus ipse adoratur. *Suscepit enim (inquit S. P.) de terra terram, quia caro de terra est, & de carne Maria carnem accipit. Et quia in ipsa carne hic ambulauit, & ipsam carnem nobis ad manducandum ad salutem dedit, nemo autem illam carnem manducat, nisi prius adorauerit, inuentum est, quemadmodum adoratur scabellum pedum Domini, & non solum non peccemus adorando, sed peccemus non adorando.* Paulò post subdit non esse adorandam propter se ipsam, sed propter ipsum Verbum, quod est ratio ipsam adorandi: *Non quasi terram inueneris; sed illum sanctum, cuius pedum Scabellum est, quod adoras; propter ipsum enim adoras; & serm. 58. de Verbi Domini: Ego Dominicam carnem, imò perfectam in Christo humanitatem propterea adoro, quod à Diuinitate suscepta, atque Deitati unita est, vt non alium, atque alium, sed vnum, eundemque Deum, & hominem Dei Filium confitear. Denique si hominem separaueris à Deo, vt Photinus, vel Paulus Samosatensis, illi ego nunquam credo, nec seruiro. Velut si quis nostrum aut purpuram, aut diadema Regale iacens inueniat, nunquid ea conabitur adorare? Cùm verò ea Rex fuerit indutus, periculum mor-*
Mag. Eridic. Nic. Gauradi Tom. 5.

tis incurrit, si ea simul cum Rege quis adorare contempserit. Idem habet *Conc. Alex. & Ephes. c. 8;* vbi dicitur, quòd Christus, vt Deus homo, & na adoratione adoratur. Ratio est. 1. Adoratio primariò respicit personam terminantem naturam, seu prout componitur ex subsistentia personali, & natura; sicut iniuria infligitur primariò personæ; sed personæ, quam importat Christus, vt homo, debetur adoratio latræ, quia est persona Diuina; ergo Christus, vt homo, est adorandus adoratione latræ. 2. Eadem adoratione adoratur Rex, qua adoratur purpura, aut diadema indutum à Rege; sicut eandem penam incurrit iniuriæ infligens Regi, ac purpuræ, aut diademati induto à Rege; ergo à fortiori eadem adoratione est adorandum Verbum, ac humanitas, quam induit eo, quia humanitas transit in vnitatem personæ Diuinæ; purpura autem non transit in vnitatem personæ Regis. Ex quo magis. Adoratio, quæ deferretur naturæ assumptæ, transit in personam, in cuius vnitatem assumpta est illa natura; sicut enim ipsa natura transit, ita omnis actio ad naturam directâ transit in personam, sed persona adoratur latría; ergo & natura.

5 Dicit *Lug.* hoc exemplum non valere; quia humanitas adoratur absolute, tanquam pars; vestis autem tantum respectiue.

Resp. hoc exemplum sumi ab *Apost.* *Habitu inuentus, vt homo;* valere autem à fortiori, vt diximus cum *Fund. Doct.* Falsum autem est, quòd pars sit quid absolutum, dicit enim relationem ad partem, vel ad totum ipsam, terminans præsertim, cùm totum est ratio illam adorandi, vt docet S. P. Aug.

6 Præterea cum S. S. P. *serm. 58. vbi supra* Christus, vt homo, est Filius Dei naturalis; sed Filius Dei naturalis adorandus est adoratione latræ; ergo & Christus, vt homo. Item Christus, vt homo, est sanctus sanctitate increata; ergo idem.

7 8 Objic. 1. *D. Dam. or. 1. de Imaginib.* ait *carnem Christi non adorari, vt Deum.* 2. *Glos. sup. psal. 98.* ait *non adorari ea adoratione, quæ latría dicitur, quæ soli Deo debetur; sed illa, quæ dulcia dignior est; idest imperdulia.* 3. Humanitas Christi non amatur eodem amore, quo amatur personalitas; quia hæc amatur super omnia, non illa; ergo à pari. 4. Natura humana nequit æqualiter adorari, ac natura Diuina; quia sicut natura humana est inæqualis naturæ Diuinæ; ita dicendum de adoratione, ei debita; ergo idem. 5. Adoratio conuenit Deo ratione creationis; sed creare nequit competere naturæ humanæ; ergo idem.

Resp. ad 1. carnem non adorari, vt Deum; quia Deus adoratur ratione sui, & caro ratione Dei, non ratione sui. Ad 2. *Glosam* explicandam esse de adoratione carnis secundum se acceptæ, non verò prout assumptæ à Verbo.

T t

Ad 3.

Ad 3. eodem modo neg. conf; quia humanitas amatur ratione sui, adoratur autem non ratione sui, sed ratione personalitatis; ideo non amatur eodem modo, quo adoratur. Ad 4. eodem modo dicitur naturam humanam non adorari aequaliter, ac Diuinam; quia Diuina adoratur ratione sui, humana verò ratione naturæ Diuinæ. Ad 5. dist. mi. Creare nequit competere naturæ humanæ ratione sui, conc; ratione suppositi Diuini terminantis naturam humanam, neg; ex quo patet omnes obiectiones vnica responsione dissolui.

8 Inst. Si humanitas adoraretur ratione personalitatis Diuine, adoraretur per accidens, vt voluit Dur; sed conf. est falsum; aliter etiā natura Diuina per accidens adoraretur, quia adoratur ratione suppositi; ergo falsum est ant. 2. Si humanitati deberetur latria, sacrificium offerretur etiam Christo, vt homini; sed conf. est falsum; docet enim S. P. Aug. lib. 10. de Ciu. Dei c. 20. *Cum in forma Dei sacrificium cum Patre sumat, tamen in forma serui sacrificium maluit esse quam sumere, ne vel hac occasione quisque existimaret cuilibet sacrificandum esse creatura;* ergo idem.

Resp. ad 1. neg. ma; sicut enim natura humana existens ratione suppositi non dicitur existere per accidens; ita à pari. Ad 2. neg. ma; nam offerre sacrificium est actus ipsius Christi Summi Sacerdotis offerentis per se, vel per suos ministros; nemo autem potest sibi offerre sacrificium, quia oblatio est actus iustitiæ, quæ essentialiter est ad alterum. At adoratio est actus procedens à nobis, qui sumus creaturæ ipsius, ideo ab ipso distinguimur, atque adeo saluatur, quod actus adorationis sit ad alterum.

9 Dices. Humanitas separata vel realiter, vel per intellectum non est adorabilis adoratione latriæ; ergo nec coniuncta.

Resp. Fund. Doct. ad 1. neg. conf; nam si humanitas separaretur realiter, terminaretur à supposito creato, cui repugnat latria; & si præscinderetur per intellectum à Verbo, præscinderetur à ratione formali adorationis latriæ. At coniuncta habet rationem formalem talis adorationis.

§. I.

*Qua adoratione coli debeant B. Virgo,
& alij Sancti.*

10 **A**dorationem Sanctorum negarunt Manichæi, vt inf. ex S. P. Aug. ostendimus. Hos secuti sunt Leo I sauricus, & Constantinus Copronymus, qui publico edicto cultum, & inuocationem eorum populo interdixerunt; vt referunt Cedrenus in vitis isporum, & Nice-

phor. lib. 18. in fine ex Snida. Eundem errorem secuti sunt Vicleffiti, vt ait Vvalden. 10. 3. c. 118. nu. 2; Cathari, Vvaldenfes, Calvin. lib. 1. inft. c. 11; & 12; & Centuriatores centur. 1. lib. 2. cap. 4; Luther; Confessio Helvetica c. 23; Brent. in Apolog. Confessionis Vvircembergen; Beza, qui cultum Sanctorum idolatriam vocant, & in Sanctos multas, graueſque cuomunt blasphemias.

11 Doctrina tamen fidei est, quam fatentur omnes catholici, B. Virginem, & Sanctos esse adorandos; non quidem adoratione, quæ est propria Dei, & soli Deo debetur, sed adoratione, quæ creaturis sanctitate fulgentibus potest congruere. Ita Fund. Doct. vbiſq. p. 2. q. 2. art. 4; & 5; & communiter omnes.

12 Vnica concl. Beatiffimæ Virgini Mariæ adoratio iperdulix, tanquam excellentiffimæ creaturæ super omnes alias exaltatæ, & alijs Sanctis cultus dulix est exhibendus.

Prob. 1. ex illis Scripturæ locis, in quibus dicitur Angelos, & homines fuiſſe adoratos; vt Iſue c. 5. adorauit Angelum; Balaam Nu. 22. idē præſtitit; Abdias 3. Reg. 18. adorauit Eliam; & Filij Prophetarū 4. Reg. 2. adorant Eliſeum; nec tamen ob hoc reprehenſi fuerunt; quod Scriptura non omiſſiſſet, ſicut non omiſit reprehendere eos, qui in idolatriam ceciderunt. 2. Ex continua traditione Eccleſiæ, quæ docuit ſemper, & tenuit adorationem, & inuocationem Sanctorum, vt videre eſt apud SS. PP; qui communi conſenſu hoc nobis tradiderunt. Tandem definita fuit hæc veritas in VII. Syn. aſt. 2; 3; & 4; & in Trid. ſiſſ. 25; ergo Sancti à nobis ſunt adorandi. Atqui non ea adoratione, quæ ſoli Deo debetur; inquit enim S. P. Aug. lib. 20. cont. Fauſt. c. 21. Colimus ergo martyres eo cultu dilectionis &c. At eo cultu, qui Græcè latria dicitur, latine vno verbo dici non poteſt, cum ſit quedam propria Diuinitati debita ſeruitus, nec colimus, nec colendum docemus, niſi vnum Deum; ergo adoratione propria creaturis ſunt adorandi. Sed adoratio conueniens excellentiffimæ creaturæ, quæ eſt Beatiffima Virgo, eſt iperdulia, quæ ſignificat cultum debitum creaturæ ſuper omnes alias creaturas; & adoratio conueniens Sanctis eſt dulia, quæ inferioribus creaturis eſt debita; ergo cultus iperdulix Beatiffimæ Virgini, & adoratio dulix alijs Sanctis eſt exhibendus.

13 Conf. A ſeruitute ſumitur adoratio, vt ſup. diximus; ſed ex Apoſt. Hebr. 6. creature inferiores ſeruitutem exhibere debent creaturis ſublimioribus diuerſam tamen à ſeruitute, qua omnes creaturæ Deo deſeruiunt; ergo creaturæ inferiores, vt ſumus nos viatores, exhibere debent adorationem creaturis ſublimioribus, vt ſunt Sancti exiſtentes in Cælo, diuerſam tamen ab adoratione, quæ ſoli Deo ab omnibus creaturis eſt exhibenda. Atqui ipcr-

iperdulia; & dulia est diuersa à latría, quæ soli Deo debetur; ergo iperdulia Beatissimæ Virgini, & dulia alijs Sanctis est exhibenda.

14 Tandem ex eo, quod natura humana in Christo fuerit assumpta ad sanctitatem increatam adoranda est adoratione latría, vt diximus in *sup. art.* ergo ex eo, quod B. Virgo fuerit electa ad summam sanctitatem creatam super omnes creaturas, adoranda est supremadulia, quæ idem est, ac iperdulia; & ex eo, quod Sancti fuerint sanctitate stabiliter dotati, sunt adorandi adoratione duliæ. Tum quia maiestatem Regis maximè decet, vt honorentur eius familiares, & eo magis filij adoptiui, quanuis non æquali honore, ac honoratur Rex; sicut enim cedit in dedecus Regis, si dehonorentur eius serui, & filij adoptiui; ita in decus ipsius redundat, quod honore illis congruente afficiantur; ergo summam Dei decet maiestatem, quod eius Mater summa dulia, & Sancti, qui sunt eius filij adoptiui, dulia inferiori honorentur.

15 Obijciunt Hæretici plura *Scriptura* loca, quibus interdicitur adoratio Sanctorum; vt *Deut. 6. Dominum tuum adorabis, & illi soli seruias;* & *1. ad Tim. 1. Soli Deo honor, & gloria;* & *ad Gal. 4. lis, qui natura non sunt Dyseruibatis;* & *Act. 4. Paulus, & Barnabas à Lycaonijs adorari noluerunt;* & *Act. 10. Petrus noluit adorari à Cornelio;* & *Apoc. 19. Angelus noluit adorari à Ioanne;* & *Esch. 3. Mardocheus noluit genuflectere coram Aman;* & *Com. Laodicense anathematizat eos, qui exercent idololatriam coram Angelis;* & *Adrian. ep. ad Constant;* & *Iren.* ait cultum Sanctorum esse talem, qualem mutuo exhibemus inter nos cum salutatione. 2. Non est de fide talem hominem esse Sanctum, & esse in Cælis; ergo non est de fide eum esse adorandum.

Resp. *allata loca Scriptura* intelligenda esse de adoratione latría, vt explicat S. P. *Aug. ubi;* & sic *Adrian.* hanc excludere voluit. Ad rationem omittitur ant; petit enim, an Papa possit errare in quæstionibus facti, sicuti est canonizatio. Neg. autem consi; quia *hic* tantum dicitur eos, qui verè sunt in Cælo, & sancti sunt, esse adorandos; quod non improbat ant; nam solum probat aliquos posse putari sanctos, & sanctos non esse; de quo non est *hic* sermo.

16 Quæres 1; an adoratio sit actus internus, vel externus?

Resp. esse actum internum formaliter, & externum consummatuè, quia opere externo consummatur. Quanuis aliquando possit esse actus purè internus, vt quando solo affectu nos submitimus Deo, & sanctis.

17 Quæres 2; an actus duliæ eliciatur ab eodem habitu, à quo elicitur actus latría?

Resp. eodem modo dicendum, quo diximus de habitu, quo amatur Deus, & proximi. *Mag. Frideric. Nic. Gauardi Tom. 5.*

mus. *Vid. 10. 4. de Char. 9. 3. art. 2.* Aliqui tamen dicunt actum latría esse actum religionis; actum verò duliæ esse actum obseruantia.

18 Quæres 3; an B. Virgo, quatenus Mater Dei, quæ Christum portauit, & tetigit, possit adorari adoratione latría; sicut dicimus de cruce &c?

Resp. *Fund. Doct. art. 4.* negatiuè; crux enim aliquo modo representat Christum, & ideo adoratur, vt imago ipsius, cui debetur idem cultus, qui debetur Prototypo; at B. Virgo non adoratur, vt imago Christi, sed solum vt Mater, quæ est persona distincta à Christo, vna autem persona nequit assumi, vt imago alterius, vt constat; ideo adoratur solum adoratione iperduliæ, non latría; quanuis Christum genuerit.

19 Collig. ex dictis altaria, Ecclesias, quæ dedicantur Sanctis, sicut & sacrificia, quæ offeruntur in memoriam, & honorem alicuius Sancti, offerri Deo in memoriam illius Sancti; quia tales oblationes sunt actus latría, quæ soli Deo debetur. Ideo Sacerdos celebrans Missam de S. Petro non ait: *Offerimus tibi Petre &c.* *Vid. S. P. Augustinum ubi.*

A R T. II.

De cultu imaginum, & reliquiarum.

1 **Q**uanuis omnes, qui negarunt adorationem, & inuocationem Sanctorum, negauerint consequenter cultum imaginum, & reliquiarum; atamen non è conuerso omnes, qui negarunt cultum imaginum, & reliquiarum, negarunt adorationem, & inuocationem Sanctorum. Qui autem negarunt cultum imaginum, negarunt etiam cultum reliquiarum irrisoriè vocantes catholicos incineratores eo, quia sacros cineres Sanctorum venerantur. De istis igitur postremò est agendum.

2 Quoad imagines, inter quas numerantur crux, clauis, & cætera instrumenta passionis Christi Domini, quæ habent ipsum mentem representare, adeoque rationem imaginis sortiuntur, de cuius conceptu est representare aliud à se; refert *Sander. lib. 1. de Imaginib. c. ult.* primos impugnatores imaginum fuisse Marcionistas, Manichæos, de quibus loquitur S. P. *Aug. lib. 20. cont. Faust. c. 3; & VII. Syn. art. 5;* vbi etiam refert *Enthyrianos, Theopaschitas*, quorum caput fuit *Petrus Fullo*, quem secutus est *Seuerus*, & alij. Idem sensere *Philippicus*, vt refert *Paul. Diaconus*; *Constantin. Copronym;* vt scribit *Paul;* & *Zonar;* *Leo Armen;* vt testantur *Cedren;* & *Zonar.* Item *Claud. Ep. Taurinens;* *Bogomili;* *Albigens;* *Hier. de Praga;* *Carolus Stadius;* *Zuingliani;* *Caluin. lib. 1. inst. c. 11;* & homines.

rum affectu, quorum hæresis viget etiam hæc tempestate.

3 Quoad reliquias *Vigilantius*, cui se opposuit *S. Hier.* & *Ennomius*, ut refert *S. P. Aug.* seu *Auctor libri de Eccl. Dogmatib. c. 72*; & omnes alij reijcientes imagines cultum reliquiarum negarunt.

4 Omnes tamen catholici fatentur esse fidei dogma imagines quoquo modo repræsentantes Christum, & Sanctos, ac reliquias eodem adorationis genere esse colendas, quo adorantur Christus, & Sancti. Ita *Fund. Doct. loc. cit. in sup. §. & omnes alij DD. communiter.*

5 Notat *Fund. Doct. hic diff. 9. p. 2. q. 2. ar. 4.* imagines posset considerari præcisè, ut imagines, & ut res quædam sunt, quæ per contactum fuerunt sanctificatæ, & ideo ratione contactus adoratione sunt dignæ. V. g. si loquamur de cruce, cui Christus fuit affixus, non solum adorari debet, quia repræsentat Christum brachia extendentem in morte, sed etiam, quia contactu corporis, & sanguinis Christi fuit sanctificata; idem dicendum de vultu sancto. Si autem loquamur de alijs crucibus, quæ non tetigerunt corpus Christi, illæ tantum adorandæ sunt, ut imagines, non ut res quædam sunt. Ex hoc oritur, quod crux, quæ tetigit Christi corpus, si scindatur in partes, etiam est adoranda ratione contactus; at verò aliæ crucis, si secentur in partes, quia non retinent amplius rationem imaginis, & aliunde non sunt adorabiles ratione contactus, nulla adoratione sunt dignæ; quia prout res quædam sunt, sunt ligna, metalla &c.; & puræ res creatæ, quibus nulla adoratio debetur. Præterea obferuat aliud discrimen inter crucem, quæ tetigit corpus Christi, prout habet rationem imaginis, & prout est res quædam creata sanctificata ratione contactus; quod cruci primo modo consideratæ debetur sola adoratio iperdulix, quia sic est res creata, cui latria repugnat; & ideo *B. Virgo, S. Ioseph, & cetera*, quæ tetigerunt Christum, quia non habent rationem imaginis, adorandæ sunt tantum adoratione iperdulix; at verò crux, ut est imago Christi, adorari debet latria; & est loquendum de ceteris instrumentis passionis.

6 Vnica concl. Imagines, & reliquæ adorari debent eadem adorationis specie, qua coluntur prototypi.

Prob. 1. pars concl. 1. ex *Can. Apost.* de quo fuit *Turrian. lib. 1. pro ep. canonicis cap. 25.* Hic canon conditus fuit ab Apostolis, non quidem in *Conc. Hierosol.* sed in *Antiocheno contra idololatrias, & Iudeos.* De hoc *Conc.* mentionem facit *Innoc. ep. 18.* agens de Ecclesia *Antiochena*; & *VII. Syn. aët. 1.* dicens: *In Antiochena Synodo SS. Apostolorum dictum est, saluatos non debere &c;* quibus accedit *Pamphyl. Martyris* testimonium, quibus manifestè concluditur veritas

huius *Concilij* celebrati anno Domini 57. apud *Coriol. in summa.* Habetur itaque *can. 8.* *Ne decipiantur saluati ob idola, sed pingant ex opposito Diuinos, humanamque manufactam impermixtam effigiem Dei veri, ac Saluatoris nostri Iesu Christi, ipsiusque Seruorum contra idola, & Iudeos; neque errent in Idolis, neque similes fiant Iudeis.* Item ex *VI. Syn. can. 82;* qui canon fuit semper ab Ecclesia receptus, ut testatur *Coriolan. ubi.* Deinde ex *Syn. Romana* Episcoporum ferè mille sub *Greg. III. pro imaginibus* celebrata anno Domini 733. iuxta *Segeberg;* & ex *Syn. Gentiliacen.* anno 766; & altera *Romana sub Stephano III.* anno 768. ob eandem causam coactis; & ex *Syn. Nic. 1;* & *II;* quæ fuit *VII. Syn. & Syn. VIII. aët. ult. can. 3;* & *Trid. sess. 25.* Habetur enim expressè in *Scripturis*; ut *psal. 98;* de quo diximus in *sup. art. nu. 4;* & *psal. 132.* *Adorabimus in loco, ubi steterunt pedes eius;* de quibus vid. *S. P. Aug. in sup. art.* Deinde probè ex *Traditionibus*, & perpetuo vñu in Ecclesia; nam etià Christo viuente eius imago Panneade iussu mulieris *Syrophæ* ex ære fuit confecta, quæ durauit vñque ad tempora *Iuliani apostata;* ut ex *Sozom. lib. 5. cap. 20;* *Niceph. lib. 10. c. 30;* & *Baron. anno Christi 57.* à nu. 111. colligitur. Item plures imagines depictæ, & sculptæ à *S. Luca,* & *Nicodemo* continuata consuetudine adorantur. Deinde refert *VII. Syn. aët. 4.* *Iudeos in Syria* in ciuitate *Beriti* circa tempora *Irene,* & *Constantini* Christi imaginem crucifixisse, & eius latus transfuerbasse; ex quo magna fluxit sanguinis copia, qui applicatus ægrotos plures sanauit. Ratio autem sumitur ex *S. P. Aug. locis cit. in sup. art.* Idem cultus, qui debetur prototypo, debetur imagini; quia cultus non debetur imagini, nisi propter prototypum; sicut enim eandem poenam incurrit contemnens imaginem, quam incurrit contemnens personam; ita eodem cultu coli debet imago, quo colitur persona, quam imago illa repræsentat; oppositorum nanque est eadem ratio; ergo imagines Christi, & Sanctorum eadem adoratione coli debent, qua coluntur earum prototypi. Vid. *art. 1. ubi.*

7 Prob. 2. pars concl. à *S. Hier.* asserente corpus *Moyssis* fuisse sepultum ab Angelis, & absconditum hominibus, ut innuitur *Dent. 34;* dicitur etiam, quod *Noe* asportauit in arcam corpus *Adæ,* & de illa egrediens ossa eius filiis suis distribuit; & de *Ioseph Eccl. 49.* *Ossa ipsius visitata sunt,* & post mortem prophetauerunt; & *4. Reg. 3.* *Elisæi* cadaver mortuum suscitauit; & *Aët. 19.* dicitur de *Paulo*, quod super languidos deferrentur a corpore eius sudarias, & semicinctia, & recedebant ab eis languores, & spiritus nequam egrediebantur. Accedit perpetua Ecclesiæ traditio, de qua *S. P. Aug. lib. 22. de Ciu. Dei cap. 8.* asserit reliquias *S. Protomart. Stephani* ad aquas *Tibitanas* multa patrasse miracula.

Hinc

Hinc fuit definita hæc veritas in *Concil. Gangren. cap. 5; VII. Syn. act. 7; in Concil. Aphric. V. cap. 14; Brachar. III. can. 5; Epannen. can. 25; Mogum. cap. 61; Lat. sub Innoc. III. cap. 62; & Trid. sess. 25*. Ratio est. Partes eadem adoratione coli debent, quæ colitur totum; quia totum nihil aliud est, nisi partes vnite; sed reliquæ sunt partes corporum Sanctorum; ergo eadem adoratione coli debent, quia Sancti coluntur. Tum quia eandem poenam incurreret contemnens Regis cadaver, quam Regem viuum iniuriens; ergo à pari. Tum quia immediatius se habent reliquæ ad Sanctos, cum sint aliquid illorum, quam imagines; sed istis debetur eadem adoratio; ergo & illis. Tandem reliquæ patrant plura, & continua miracula, in illis habitauit Spiritus Sanctus, fuerunt organa meritorum &c; ergo idem.

8 Obijc. 1. cont. 1. part. concl. *Exod. 20; & Deut. 4.* prohibetur fieri imaginem Dei, quod habetur etiã *Isaia 40; & 46; & Act. 17. 2. Conc. Eliberitanum cap. 36.* vetuit imagines depingi in parietibus Ecclesiarum. 3. *Conc. Francoford.* damnauit doctrinam *Conc. Nic. II. de imaginum adoratione. 4. Epiphani. ep. ad Io. Hierosol.* ait se lacerasse velum, in quo Christi, vel sancti imago erat depicta, ne penderet imago hominis in Ecclesia Dei. 5. *Plures alij SS. PP.* prohibent imagines Dei. 6. *Adrian. Imp. teste Aelio Lampridio in vita Alex. Imp.* extruxit templa Christianis sine vlla profusa imagine. 7. Adorare res inanimes est idololatria; ergo idem. 8. Si imagines essent colendæ propter contactum, etiam os *Iuda* coli deberet.

Resp. ad 1. talem prohibitionem fuisse factam *Iudeis*, quia nimis erant ad idololatriam propensi. Ad 2. dicitur *Conc. vetuiste* imagines pingi in parietibus, ne à *Gentilibus*, alijsq; infidelibus deturparentur; non autem vetuit simpliciter pingi. Ad 3. dicitur *Francoford.* damnasse doctrinam *Conciliabuli Constantinop. VII; non Nic. II; s; VII. Syn.* Ad 4. dicitur illam imaginem fuisse hominis prophani, non sancti, vt ait *Vasq.* Ad 5. dicitur *SS. PP.* solum asserere non posse fieri imaginem Dei, vt est in se ipso, cum sit simpliciter incorporeus. Ad 6. dicitur scisse templa sine idolis *Gentilium*, non tamen sine imaginibus Sanctorum; vt explicat *Alan. Copus dialog. 4. cap. 2.* Ad 7. dist. aut. Adorare res inanimes propter se ipsas, conc. propter id, quod repræsentant, neg. Ad 8. dicitur imagines propter contactum esse colendas, quia illo contactu sanctificatæ, seu consecratæ fuerunt; at verò os *Iude* non potuit sanctificari ob impietatem ipsius *Iude*, cuius est pars; flagella autem, clauis &c. fuerunt mera instrumenta, non partes intrinsecæ *Iudæorum*, ideo potuerunt ex contactu consecrari.

9 Obijc. 2. cont. 2. part. *Luc. 11.* reprehenduntur *Scribæ* eos, quod ædificent sepulchra San-

ctorum. 2. *Ep. Iude Michael restitit Sathana* eo, quia volebat detegere corpus *Moyssis*. 3. *Conc. Eliberit. cap. 34.* prohibet accendi cereos, ne inquietentur Spiritus Sanctorum; & *S. Hier. post ep. 53. cont. Vigilant. nu. 17.* ait cereos accendi ad depellendas tenebras noctis, non ad honorandos Martyres. 4. *Conc. Brachar. III. c. 5.* reprehendit Episcopos, quia gestabant reliquias Martyrum collo suspensas. 5. *Reliquiæ Martyrum* non retinent, nisi materiam primam, transferunt enim ad formam cadauericam; ergo non sunt adorandæ.

Resp. ad 1. reprehendi hypocritism, & simulatam pietatem *Scribarum*, qui animo apt probabant necem Prophetarum, quanuis fide ostenderent illam non approbare. Ad 2. dicitur, quod *Michael* impediuisset detectionem corporis *Moyssis*, ne adoraretur adoratione latræ à *Iudeis*. Ad 3. dicitur *Conc. Eliberit.* prohibere supersticiosos ritus erga corpora Sanctorum. Ad *D. Hier.* dicitur, quod licet putauerit cereos non pertinere ad adorationem dulciæ, non tamen illam absolute negauit, sed expresse probauit contra *Vigilant.* Ad 4. dicitur reprehendi gestacionem reliquiarum in pectore, ne videretur adoratio tribui ipsis Episcopis. Ad 5. reliquias existentes sub forma cadauerica, adorari, quia adhuc sub illa forma sunt partes cadaueris, seu corporis mortui ipsorum; si autem transirent ad formam viuientis, amplius non colerentur, quia nec essent corpus, nec cadauer eorum.

10 Obijc. 3. Corpus Christi in Eucharistia adoratur genuflexione, imago autem sic non adoratur, vt patet ex vsu; ergo eadem adoratione non adoratur imago, & exemplar.

Resp. neg. conf; datur enim latitudo in eadem specie, quæ suscipit magis, & minus; vnde quia species Sacramentales continent corpus Christi realiter, imago verò tantum repræsentatiue, ideo ad demonstrandam hanc diuersitatem diuersum signum externum fuit positum.

11 Quæres 1; an possit adorari imago non adorato exemplari in recto?

Resp. quæstionem esse inter *Vasq;* & *Sua;* hic enim putat exemplar adorari in obliquo, quia adoratio directè, & immediatè fertur ad imaginem, & mediatè ad exemplar; ille verò ait non posse per actum externum adorari imaginem, nisi actus internus submissionis immediatè feratur in exemplar. Sed facilis est discussio huius dubij; quanuis enim voluntas immediatè feratur in media, & ijs mediantibus in finem; attamen non dicitur in obliquo ferri in finem; quia immediatè tendit in finem intentione, quanuis in executione non tendat in illum, nisi per media; ita à pari.

12 Quæres 2; an adoratio imaginis, & exemplaris sit partialis?

Resp.

Resp. negatiuè; quando enim duo ita se habent, vt vnum sit propter aliud, tunc non se habent partialiter, sed totaliter subordinatè; vt patet de medio, & fine.

13 Quæres 3; an omnes res Mundi possint adorari?

Resp. affirmatiuè, quia omnes possunt sanctificari, & consecrari, & repræsentare, Deum, & Sanctos.

14 Quæres 4; quæ adoratione colendæ sint species sacramentales, & hostiæ sanguine miraculoso conspersæ?

Resp. colendas esse adoratione latræ, repræsentant enim corpus, & sanguinem Christi,

cui debetur adoratio latræ; quanuis illud actu non contineant.

15 Quæres 5; an species sacramentales adorandæ sint sub conditione, quod sint consecratæ?

Resp. neg; sunt enim institutæ ad repræsentandum Christum, ideo debent absolutè adorari, quanuis non contineant corpus Christi realiter, sed tantum repræsentatiuè, vt imago. Quæ, & alia omnia, quæ scripsimus, infallibili Sanctæ Matris Ecclesiæ iudicio subijcimus; cuius honorem, & gloriam tantummodo inquirimus.

I N D E X

TEXTVVM SACRÆ SCRIPTVRÆ;

Qui in hoc libro exponuntur.

Quo plures numeri errati corriguntur; nonnulli tamen textus alijs verbis notantur secundum aliam versionem, quam sequitur S. P. AVGVSTINVS, ex cuius libris desumpti sunt.

EX GENESI.

- Cap. 2. 17. **I**N quocunque enim die comederis ex eo, morte morieris. 103. 58.
 25. Erunt duo in carne una. 195. 8.
 3. 5. Eritis, sicut Dy. 53. 12i & 59. 6.
 15. Inimicitiam ponam inter te, & mulierem; & semen tuum, & semen illius. Ipsa conteret caput tuum. 92. 9.
 22. 18. Et benedicentur in semine tuo omnes gentes. 66. 20i & 83. 46.

EX EXODO.

- Cap. 20. 4. Non facies tibi sculptile, neque omnem similitudinem, que est in Cælo desuper, & qua in terra deorsum, nec eorum, que sunt in aquis sub terra. Non adorabis eas, neque coles. 333. 8.
 28. 1. Applica quoque ad te Aaron fratrem tuum cum filijs suis in medio filiorum Israel, ut Sacerdotio fungantur mihi. 319. 1.

EX LEVITICO.

43. Legitimum sempiternum erit Aaron, & semini eius post eum. 321. 5.

EX DEYTERONOMIO.

- Cap. 4. 7. Ne forte decepti faciatis vobis sculptam similitudinem, aut imaginem. 333. 8.
 6. 13. Dominum Deum tuum adorabis, & illi soli seruias. 331. 15.
 18. 18. Prophetam suscitabo eis de medio fratrum suorum similem tui. 228. 73.
 19. Loquetur, qua præcepero ei. 304. 9.
 28. 46. Et eris pendens vita tua ante oculos tuos die, ac nocte. 110. 8.

EX IOSVE.

- Cap. 5. 15. Cecidis Iosue pronus in terram, & adorans ait. Quid Dominus meus loquitur ad seruum suum? 330. 12.

EX LIBRIS REGVM.

1. Cap. 2. 31. Domus tua, & domus patris tui transibunt coram me in æternum. 321. 5.
 3. 20. Et innotuit omni populo, quoniam fidelis est Samuel propheta Domino. 321. 6.
 16. 2. Vitulum de armento tolles in manu tua, & dices: Ad immolandum Domino veni. 70. 33.
 5. Ad immolandum Domino veni, sanctificamini, & venite mecum, ut immolem. 322. 7.
 2. Cap. 16. 10. Dominus enim præcepit eis, ut malediceret. 305. 13.
 3. Cap. 18. 7. Cumque esset Abdia in via, Elias occurrit ei. 330. 12.
 44. Ecce nubecula parua, quasi vestigiū hominis, ascendeabas de mari ad Carmel. 93. 16.
 4. Cap. 2. 16. Et venientes in occursum eius adorauerunt eum proni in terram. 330. 12.
 13. 21. Quidam autem sepelientes hominem, viderunt latrunculos, & posuerunt cadaver in sepulcro Elisei, quod cum retigisses ossa Elisei renixit homo. 1 & stetit super pedes suos. Ibidem; & 332. 7.

EX ESTHER.

- Cap. 3. 2. Solus Mardocheus non flectebat genu, neque adorabat eum. 331. 15.
 15. 12. Quid habes Esther? Ego sum frater tuus noli metuere. Non morieris; non enim pro te, sed pro omnibus hac lex est constituta. 92. 11i & 105. 63.

EX IOB.

- Cap. 3. 9. Expectet lucem, & non videat, nec ortum surgentis auroræ. 105. 65.
 22. 3. Quid prodest Deo, si inilus fueris. 268. 18.
 35. 6. Si peccaueris, quid ei nocebis? Ibid.
 36. 25. Ecce Deus magnus vincens scientiam nostram. 1.

EX PSALMIS.

2. 6. Ego autem constitutus sum Rex. 325. 6.
 7. Filius meus es tu; ego hodie genui te. 112. 17.
 8. 6. Mi-

Index rerum Sacrae Scripturae.

8. 6. Minuisti enim paulo minus ab *Angelis*. 4. 9.
 11. 6. Propter miseria in ipum, & gemiti pauperum, nunc exurgas dicit Dominus. 83. 44.
 15. 10. Nec dabis Sanctum tuum videre corruptionem. 110. 8; & 160. 21 & 170. 31.
 18. 6. Tanquam Sponsus procedens de thalamo suo. 110. 7.
 21. 1. Deus, Deus meus, respice in me, quare me dereliquisti longe a salute mea verba delictorum meorum. 274. 2.
 18. Foderis manus meas, & pedes meos. 111. 9.
 26. Vota mea Domino reddam. 306. 14.
 23. 7. Attollite portas, Principes, vestras, & eleuamini portae aeternales, & introibit Rex gloria. 81. 33; & 240. 34.
 39. 8. In capite libri scriptum est de me, ut facerem voluntatem tuam. 304. 9.
 44. 2. Dico ego opera mea Regi. 325. 6.
 3. Speciosus forma praesens hominibus, diffusa est grana in labijs tuis. 206. 3; & 213. 25; & 319. 1.
 4. Accingere gladio tuo super femur tuum. 111. 14.
 7. Thronus tuus, Deus, in saeculum saeculi. Ibid; & Hebr. 1. 14.
 8. Dilexisti iustitiam, & odisti iniquitatem; propterea unxit te Deus Deus tuus oleo laetitiae praeforis confortijs tuis. Myrrha, & gussa, &c. 76. 13.
 49. 3. Deus manifeste veniet. 111. 14.
 64. 3. Ad te omnis caro veniet. 5. 14.
 6. Sanctum est templum tuum. 201. 9.
 67. 1. Exurgat Deus, & dissipentur inimici eius. 111. 14.
 5. Dominus nomen illi. 325. 6.
 68. 2. Et dederunt in escam meam fel, & in siti mea posauerunt me acetum. 111. 9.
 24. Obscurentur oculi eorum, ne videant; & dorsum eorum semper incurua. 109. 1.
 71. 1. Deus iudicium tuum Regi da. 325. 6.
 8. Dominabitur a mari usque ad mare, & a flumine usque ad terminos orbis terrarum. 112. 15.
 18. Qui facis mirabilia magna solus. 315. 10.
 73. 12. Deus autem Rex noster operatus est salutem in medio terra. 325. 6.
 76. 10. Ans obliuiscetur misereri Deus, aut continebit in ira sua misericordias suas? 235. 22.
 11. Hac mutatio dexterae Excelsi. Ibid. 23.
 85. 2. Saluum fac seruum tuum Deus meus sperantem in te. 323. 13.
 13. Redemisti animam meam ex inferno inferiori. 106. 68.
 87. 4. Factus sum, sicut homo sine adiutorio inter mortuos liber. 90. 1; & 102. 54; & 192. 3.
 88. 39. Tu vero repulisti, & despexisti, & distulisti Christum tuum. 83. 44.
 95. 5. Omnes Dei gentium Daemonia. 59. 6.
 96. 1. Dominus regnauit. 325. 6.

98. 5. Exaltate Dominum Deum nostrum, & adorate scabellum pedum eius. 329. 4.
 6. Moyses, & Aaron in Sacerdotibus eius, & Samuel inter eos, qui inuocant nomen eius. 321. 6.
 109. 4. Ante Luciferum genui te. 111. 17.
 5. Tu es Sacerdos in aeternum secundum ordinem Melchisedech. 320. 4.
 113. 3. Omnia, quaecunque voluit, fecit. 60. 7.
 115. 16. Ego seruus tuus, & filius ancilla tua. 195. 10.
 129. 8. Et ipse redimes Israel ex omnibus iniquitatibus suis. 101. 52.
 131. 6. Intrauit Dominus Dauid veritatem, & non frustrabitur eam; de fructu ventris tui ponam super sedem tuam. 84. 46.
 134. 6. Omnia, quaecunque voluit, Dominus fecit in Caelo, & in terra. 14. 2.
 143. 11. Qui redemisti Dauid seruum tuum de gladio maligno. 106. 68.

EX PROVERBIIS.

- Cap. 8. 22. Dominus possedit me in initio viarum suarum. 67. 24.
 20. 20. Extinguent in nocte lucerna eius. 105. 64.

EX CANTICIS.

- Cap. 4. 7. Tota pulchra es, amica mea, & macula non est in te. 93. 121 & 105. 65.
 8. 5. Sub arbore malo suscitauit te; ibi corrupta est mater tua, ibi violata est genitrix tua. 105. 64.

EX SAPIENTIA.

- Cap. 11. 21. Omnia in mensura, & in numero, & pondere disposuisti? 61. 8.
 12. 12. Quis tibi imputabit, si perierint nationes, quas tu fecisti? Ibid.

EX ECCLESIASTICO.

- Cap. 39. 39. Dei perfecta sunt opera. 294. 11.
 49. 18. Ossia ipsius visitata sunt, & post mortem prophetauerunt. 332. 7.

EX ESAIA.

- Cap. 1. 6. A planta pedis usque ad verticem capitis non erit in eo sanitas; vulnera, & liuor, & plaga sumes &c. Si fuerint peccata, ut coccinum, quasi nix dealbabitur; & si fuerint rubra, quasi vermiculus, velut lana alba erunt. Consolabor super hostibus meis, & vindicabor de hostibus meis. 266. 11.
 2. 3. Fluunt ad eum omnes gentes, & ibunt populi multi. 110. 3.

55. Nunc

Index textuum Sacrae Scripturae.

Cap. 5. 5. Nunc ostendam vobis, quid ego faciam vinea mea. Auferam sepem eius, & erit in direptionem. 110. 3.

7. 14. Ecce Virgo in vtero concipiet, & pariet Filium, & vocabis nomen eius Emanuel, quod est interpretatum, nobiscum Deus. 109. 2; & 111. 14.

9. 6. Parvulus enim natus est nobis, & Filius datus est nobis, & factus est principatus super humerum eius. 112. 15.

11. 2. Requiescet super eum spiritus Domini, spiritus sapientia, & intellectus &c. 227. 70; & 280. 4.

6. Habebitis lupus cum agno, & pardus cum hodo accubabit; vitulus, & leo, & omnes simul morabuntur; & parvulus minabit eos. 112. 16.

11. Relinquetur ab Assyrijs, & ab Aegyptio, & à Phetro &c. ibidem.

12. 1. Ecce Dominus ascendit super nubem leonem. 105. 64.

29. 11. Erunt ibi omnes sermones, sicut sermones libri, qui signatus est. 111. 11.

43. 18. Illa vetera transferunt, & ecce facta sunt nova. 110. 6.

45. 8. Rorate celi desuper, & nubes pluant in flum. 83. 44.

49. 6. Dedi te in lucem gentium, ut sis salus mea usque ad extremum terrae. 110. 5.

53. 4. Verè linguas nostros ipse tulit, & dolores nostros ipse portavit. 266. 11.

7. Oblatus est, quia ipse voluit. 305. 12; & 309. 12.

8. Generationem eius quis enarrabit? L.

10. Si posuerit pro peccato animam suam, videbit semen longevum. 80. 30.

11. Pro eo, quod laboravit anima eius, videbit, & saturabitur. ibidem.

In scientia sua iustificabit ipse iustus servus meus multos. 196. 10.

61. 1. Spiritus Domini super me est, quod Dominus unxerit me. 224. 54.

64. 1. Viinam disrumpes celos, & descenderes? 83. 44.

66. 1. Terra autem scabellum pedum meorum. 329. 4.

2. Nunquid ego, qui alios parere facio, ipse non pariam? 112. 17.

EX HIEREMIA.

Cap. 4. 4. Circumcidite vos Deo vestro, & circumcidite praeputium cordis vestri. 110. 6.

Renouamini inter vos novitate. ibid.

23. 20. In novissimo die cognoscetis enim vos. 111. 11.

31. 32. Confirmabo super domum David testamentum novum, non secundum testamentum, quod constituit Patribus eorum. 111. 12.

Mag. Frideric. Nic. Gauardi Tom. 5.

EX EZECHIELE.

Cap. 43. 12. Ipsa est lex domus &c. omnis finis eius in circuitu Sanctus Sanctorum. 105. 65.

EX DANIELE.

Cap. 7. 14. Potestas eius potestas aeterna, quia non auferetur, & Regnum eius, quod non corrumpetur. 112. 15.

9. 24. Septuaginta hebdomades abbreviate sunt super populum. 111. 83. 44; & 109. 2.

25. Et ungatur Sanctus Sanctorum. 200. 73; & 319. 1.

12. 4. Muni sermones, signa librum usque ad tempus consummationis. 111. 11.

EX OSEA.

Cap. 6. 3. Vinificavit nos die tertia. 110. 8.

EX IOELE.

Cap. 1. 15. Prope est dies Domini. 111. 14.

2. 15. Canite tuba in Sion, sanctificate ieiunium. 110. 7.

EX AMOS.

Cap. 9. 11. In illa die suscitabo tabernaculum David, quod cecidit. 111. 15.

EX ABDIA.

Cap. 1. 8. Perdam sapientiam sapientium, & prudentiam prudentium reprobo. 7. 1.

EX IONA.

Cap. 3. 4. Et Ninives subvertetur. 235. 23.

EX HABACVC.

Cap. 3. 2. Domine, opus tuum in medio annorum vivifica illud, in medio annorum notum facies. 59. 9.

EX ZACHARIA.

Cap. 3. 8. Adducam servum meum orientem. 196. 10.

EX MALACHIA.

Cap. 1. 11. Ab ortu Solis usque ad occasum magnum est nomen meum in gentibus, & in omni loco sanctificatur. 110. 4.

14. Rex magnus sum ego, dicit Dominus, et nomen meum illustrabo apud gentes. 225. 6.

3. 1. Et Hazim veniet ad templum sanctum suum Dominator Dominus. 111. 14.

V u

EX

Index textuum Sacrae Scripturae.

EX MATTHAEO.

- Cap. 1. 18. Cum esses desponsata Mater Iesu Maria Ioseph. 86. 11.
20. Quod enim in ea natum est, de Spiritu Sancto est. 94. 16; & 124. 52; & 179. 3; & 181. 14; & 207. 5; & 213. 23; & 223. 54.
21. Vocabis nomen eius Iesum, ipse enim saluum faciet populum suum a peccatis eorum. 64. 10; & 103. 56.
4. 1. Tunc Iesus ductus est in desertum a spiritu, ut tentaretur a Diabolo. 227. 71.
11. Accesserunt Angeli, & ministrabant ei. 239. 29.
5. 17. Nolite putare, quoniam veni solvere legem, aut Prophetas, non veni legem solvere, sed adimplere. 60. 11; & 251. 18.
6. 13. Dimitte nobis debita nostra, sicut & nos dimittimus debitoribus nostris. 253. 23.
7. 18. Non potest arbor mala bonos fructus facere, neque arbor bona malos fructus facere. 249. 15.
8. 29. Quid nobis, & tibi Iesu Fili Dei? 46. 6.
9. 12. Non est opus valentibus medicus, sed male habentibus. 65. 13; & 101. 52; & 103. 56; & 244. 40.
13. Non enim veni vocare iustos, sed peccatores. ibid; & 103. 56.
10. 41. Qui recipit Prophetam in nomine Prophetæ, mercedem Prophetæ accipiet. 236. 23.
11. 27. Omnia mihi tradita sunt a Patre meo. 313. 2.
30. Inguem enim meum suave est, & onus meum leve. 59. 6.
12. 32. Non remittetur ei neque in hoc seculo, neque in futuro. 235. 22.
48. Quæ est mater mea, & qui fratres mei? 109. 80.
13. 24. Simile est Regnū Calorū hominis, qui seminavit bonū semē in agro suo. 237. 27.
47. Simile est Regnum Cælorum fugena missa in mare. ibidem.
14. 19. Cum inisset turbam discubere. 305. 13.
15. 2. Non enim lauant manus, cum panem manducant. 285. 12.
24. Non sum missus, nisi ad oves, quæ perierant. 71. 34; & 227. 71.
16. 14. Quem dicunt homines esse Filium hominis? 3. 7; & 176. 18; & 181. 13; & 186. 4.
17. Beatus es Simon Bariona, quia caro, & sanguis non revelavit tibi, sed Pater meus, qui est in Cælis. 47. 8.
17. 2. Transfiguratus est ante eos. 274. 3.
5. Hic est Filius meus dilectus, in ipsum audite. 6. 18.

- Cap. 17. 24. Reges terræ a quibus accipiunt tributum, vel censum, a filiis suis ab alienis? At ille dixit. Ab alienis. Dixit illi Iesus. Ergo liberi sunt filij. Vt autem non scandalizemus eos, vade ad mare, & mitte hamum, & cum piscem, qui primus ascenderit, tolle, et aperto ore eius invenies Haterem, illum sumens da eis pro me, et se. 324. 1.
18. 17. Si Ecclesiam non audieris, sit tibi, sicut ethnicus, et publicanus. 236. 24.
32. Omne debitum dimisi tibi, quoniam rogasti me. 61. 9.
19. 28. Sedebitis et vos super sedes duodecim iudicatis duodecim tribus Israel. 279. 16.
23. 9. Magister vester unus est Christus. 295. 16.
24. 36. De die autem illa, et hora nemo scit, neque Angeli Cælorum, nisi solus Pater. 276. 9.
25. 41. Discite a me maledicti in ignem æternum. 234. 22.
26. 28. Qui pro vobis effundetur in remissionem peccatorum. 166. 22.
37. Tristis est anima mea usque ad mortem. 2. 1; et 5. 14.
39. Transas a me calix iste; veruntamen non quod ego volo, sed quod tu. 301. 18; et 2. 1; et 305. 11; et 307. 4.
53. An putas, quia non possum rogare Patrem meum, et exhibebit mihi plasmam duodecim legiones Angelorum? 309. 12.
54. Quomodo ergo implebuntur Scriptura, quia sic oportet fieri. ibid; et 61. 14.
27. 46. Deus, Deus meus, ut quid dereliquisti me? 274. 3.
28. 18. Data est mihi omnis potestas in Cælo, et in terra. 213. 2.

EX MARCO.

- Cap. 1. 24. Quid nobis, et tibi, Iesu Nazarenus, venisti perdere nos? scio, quia sis Sanctus Dei. 46. 6.
14. 35. Orabat, ut, si fieri posset, transires ab eo hora. 323. 12.

EX LUCA.

- Cap. 1. 15. Spiritu Sancto replebitur ex utero matris sue. 209. 12; & 220. 48.
21. Ecce concipies, & paries Filium, et vocabis nomen eius Iesum. 7. 3.
34. Quomodo fiet istud, quoniam virum non cognosco? 3. 5; & 109. 80.
35. Spiritus Sanctus superveniet in te, & virtus Altissimi obumbrabit tibi. 86. 10; & 108. 77; & 192. 5; & 225. 65.
38. Ecce Ancilla Domini, fiat mihi secundum verbum tuum. 86; & 91. 2; & 192. 5.
42. Repleta est Spiritu Sancto Elisabeth. 209. 12.

Index textuum Sacrae Scripturae.

- Cap. 2. 49.** Quid est, quod me quarebatis ? 109. 80.
52. Iesus proficiebat sapientia, & aetate, & gratia apud Deum, & homines. 5. 14; & 22. 3. 31; & 293. 10.
3. 6. Videbit omnis caro salutare Dei. 5. 14.
4. 3. Si Filius Dei es, dic lapidi huic, ut panis fiat. 46. 6.
24. Non est propheta sine honore, nisi in patria sua. 228. 73.
5. 31. Non egent, qui sani sunt, medico. 64. 9; & 65. 13; & 103. 55.
6. 12. Exiit in montem orare, & erat pernoctans in oratione Dei. 323. 12.
7. 28. Qui autem minor est in Regno Calorum, maior est illo. 274. 2.
10. 28. Fac hoc, et viues. 249. 15; & 251. 19.
11. 16. In Beelzebub principe Daemoniorum eiecit demonia &c. Omne Regnum in se ipsum diuisum desolabitur. Si autem Sathanas in se ipso diuisus est, quomodo stabitis Regnum eius ? 313. 4.
20. Si in digito Dei eiecit Damonia. 316. 14.
48. Vos autem edificatis eorum sepulcra. 333. 9.
12. 14. Quis me constituit iudicem, aut diuisorem inter vos ? 326. 9.
15. 6. Inveni ouem meam, quae perierat. 74. 15.
17. 7. Quis autem vestrum habens seruum arantem, aut pascentem &c. Sic & vos, cum feceritis, quae praecepta sunt vobis, dicite : Serui inuiles sumus ; quod debuimus facere, fecimus. 270. 7.
Cap. 12. 10. Venit Filius hominis querere, & saluum facere, quod perierat. 65. 15; & 101. 52.
22. 22. Filius hominis, secundum quod definitum est, vadit. 305. 10.
42. Pater, si vis, transfer calicem hunc a me, Veruntamen non mea voluntas, sed tua fiat. 5. 14; & 6. 22; & 274. 3; & 301. 18; & 307. 4.
23. 2. Hunc inuenimus subuertentem gentem nostram, & prohibentem tributa dari Caesari ; & dicentem se Christum Regem esse. 324. 1.
43. Hodie mecum eris in Paradiso. 274. 2.
24. 7. Oportet Filium hominis tradi. 62. 14.
26. Nonne hac oportuit Christum pati, & ita intrare in gloriam suam ? Ibidem ; & 274. 3.
27. Interpretabatur illis Scripturas, quae de ipso erant, incipiens a Moyse, & Prophetis. 227. 71.
29. Videtes, & palpates, quia spiritus carnes, & ossa non habent, sicut me videtis habere. 4. 11; & 168. 27.

EX IOANNE.

Cap. 1. 1. In principio erat Verbum, & Verbum
 Mag. Frideric. Nic. Gauardi Tom. 5.

- erat apud Deum, & Deus erat Verbum. 2. 1; & 3. 7; & 6. 18; & 20.
20. Quotquot autem receperunt eum, dedit eis potestatem Filios Dei fieri. 52. 6.
14. Verbum caro factum est, & habitauit in nobis ; & vidimus gloriam eius, gloriam quasi unigeniti a Patre, plenum gratia, & veritate. 2. 11; & 156. 34; & 176. 18; & 180. 12; & 185. 27; & 186. 41; & 201. 8; & 206. 21; & 219. 47; & 276. 9; & 281. 4; & 285. 121; & 292. 6.
16. De plenitudine eius nos omnes accepimus. 52. 6; & 60. 11; & 76. 14; & 191. 1; & 206. 2.
17. Gratiam pro gratia. 76. 14.
2. 4. Quid mihi, & tibi est mulier ? 109. 8.
9. Vi autem gustauit Architrachus aquam vinum factam. 5. 15.
19. Soluite templum hoc. 127. 15.
23. Videntes signa eius. 314. 4.
3. 2. Nemo enim potest hac signa facere, nisi fuerit Deus cum eo. 111. 10; & 314. 4.
5. Nisi quis renatus fuerit ex aqua, et Spiritu Sancto, non potest introire in Regnum Dei. 72. 8.
13. Nemo ascendit in Caelum, nisi qui descendit de Caelo. 186. 4; & 274. 2.
14. Exaltari oportet Filium hominis. 62. 14.
16. Sic enim Deus dilexit mundum, ut Filium suum unigenitum daret. 51. 51; & 52. 6; & 55. 18; & 75. 12; & 81. 35; & 307. 4.
17. Non enim misit Deus Filium suum, ut iudicet mundum, sed ut saluetur mundus per ipsum. 65. 17.
33. Non enim ad mensuram dat Deus spiritum. Pater diligit Filium, & omnia dedit in manu eius. 220. 48; & 226. 65; & 227. 71; & 274. 2; & 313. 2.
4. 19. Domine, ut video, Prophetia es tu. 228. 73.
5. 17. Pater usque modo operatur, et ego operor. 41. 6; & 148. 19.
6. 38. Descendi de Caelo, non ut faciam vociam voluntatem meam, sed voluntatem eius, qui misit me, Patris. 5. 14.
48. Nisi signa, et prodigia videritis.
50. Hic est panis de Caelo descendens, ut si quis ex ipso manducet, non moriatur. 235. 23.
56. Caro enim mea verè est cibus. 165. 22.
7. 10. Ascendit ad diem festum, non manifestè, sed quasi in occulto. 70. 33.
15. Quomodo hic literas scit, cum non didicerit ? 229. 75.
30. Nondum venerat hora eius. 305. 10.
39. Nondum enim erat spiritus datus, quia
 Vu 2 Iesus

Index textuum Sacrae Scripturae.

- Iesus nondum erat glorificatus. 274.3.
Cap.8.35. Omnis, qui facit peccatum, servus est peccati; servus autem non manet in domo in aeternum; Filius autem manet in aeternum. Si ergo vos Filii liberaveritis, verè liberi eritis. 303.6; et 308.7.
44. Vos ex patre Diabolo estis. 238.28.
58. Antequam Abraham fieret, ego sum. 3.7.
9. 4. Me oportet operari opera eius, qui misit me, donec dies est; veniet nox, quando nemo poterit operari. 247.10; et 251.19.
Cap.10.16. Alias oves habeo, quae non sunt ex hoc ovili, et illas oportet me adducere, et vocem meam audient, et fiet unum ovile, et unus pastor. 240.34.
17. Ego pono animam, et iterum sumo eam. 5.14; et 304.9.
18. Nemo tollit eam à me, sed ego pono eam à me ipso. 309.13; et 323.10.
Hoc mandatum accepi à Patre meo. 304.9.
30. Ego et Pater unum sumus. 3.7.
11.43. Pater, gratias tibi ago, quoniam audisti me; ego autem sciebam, quia semper me audis. 313.3.
43. Lazares, veni foras. 315.11; et 318.19.
47. Hic homo multa signa facit. 314.4.
12.27. Nunc anima mea turbata est. 5.14.
13. 3. Sciens, quia omnia ei dedit Pater in manus. 276.9; et 285.15.
14. 6. Ego sum via, veritas, et vita. 61.9; et 243.39.
Nemo venit ad Patrem, nisi per me. 242.39.
16. Ego rogabo Patrem, et alium Paraclitum dabit vobis. 323.12; et 13.
18. Pater maior me est. 4.9; et 16.10.
30. Venit enim Princeps mundi huius, et in me non habet quidquam. 90.1.
31. Sicut mandatum dedisti mihi Pater, sic facio. 304.9.
Cap.15. 5. Ego sum vitis, vos palmites. 231.8; et 239.33; et 315.11.
10. Si praecepta mea servaveritis, manebitis in dilectione mea; sicut & ego praecepta Patris mei servavi. 304.9; et 312.18.
19. De mundo non estis, sed ego vos elegi de mundo. 226.9.
16.12. Adhuc multa habeo vobis dicere, sed non potestis portare modò. 227.71.
17. 4. Ego te clarificavi super terram, opus consummaui, quod dedisti mihi, ut faciam. 68.28; et 172.2.
5. Clarifica me Pater claritate, quam habui priusquam mundus fieret. 178.18.
6. Manifestavi nomen tuum hominibus, quos dedisti mihi de mundo. 68.28; et 172.2.

9. Pro eis rogo. 323.12.
18. 36. Regnum meum non est de hoc mundo. 326.9.
19. 22. Quod scripsi, scripsi. Ibidem.
25. Stabant autem iuxta crucem Iesu Mater eius. 86.11.
30. Consummatum est. 241.36.
34. Unus militum lancea latus eius aperuit. 247.11.
20. 28. Dominus meus, & Deus meus. 3.7.
29. Quia vidisti me, Thoma, credidisti. Ibidem.

EX ACTIBVS APOSTOLORVM.

- Cap. 1. 24. Quem Deus suscitavit à mortuis solutis inferni doloribus, iuxta quod impossibile erat teneri illum ab eo. 28.5; et 274.3.
4. 12. Non est aliud nomen sub Caelo, sub quo oporteat nos salvos fieri. 59.6; et 321.5.
9. 17. Saule frater, Dominus misit me ad te, ut videas, & implearis Spiritu Sancto. 209.11.
10. 25. Cum introisses Petrus, obviavit ei Cornelius, & procidens ad pedes eius adoravit. 331.15.
38. Quomodo cum vixit Deus Spiritu Sancto. 201.7; et 206.3; et 319.1.
13. 46. Vobis oportebat primum loqui verbum Dei. 71.34.
15. 10. Imponere iugum super ceruices Discipulorum, quod neque patres nostris, neque nos portare posuimus. 59.6.
19. 12. Super Languidos deferrentur à corpore sudaria, & semicinctia, & recedebant ab eis languores, & spiritus nequam egrediebantur. 332.7.

EX EPISTOLA AD ROMANOS.

- Cap. 1. 2. Quod ante promiserat per Prophetas suos in Scripturis sanctis de Filio suo, qui factus est ei ex semine David secundum carnem. 4.11.
4. Qui praedestinatus est Filius Dei in virtute. 172.1; et 192.8.
5. Per quem accepimus gratiam. 252.21.
3. 23. Omnes enim peccaverunt. 104.63.
24. Iustificati gratis per gratiam ipsius, per redemptionem, quae est in Christo Iesu, quem proposuit Deus propitiationem per fidem in sanguine ipsius. 51.5; et 73.12; et 166.22; et 252.21.
4. 4. Ei, qui operatur, merces non imputatur secundum gratiam, sed secundum debitum. 76.12.
5. Caritas Dei diffusa est in cordibus nostris per Spiritum Sanctum, qui datus est nobis. 52.6.
9. Chri-

Index textuum Sacrae Scripturae.

Cap. 9. Christus pro nobis mortuus est; multo igitur magis nunc iustificati in sanguine ipsius salvi erimus ab ira per ipsum. 166. 22; & 252. 21.

10. Si enim cum inimici essemus, reconciliati sumus Deo per mortem Filij eius; multo magis iam reconciliati salvi erimus in vita ipsius. 52. 6; & 56. 10; & 70. 30; & 102. 13.

12. Per unum hominem peccatum intravit in mundum; & per peccatum mors; ita in omnes homines pertransiit, in quo omnes peccaverunt. 73. 11; & 95. 26.

14. Sed mors regnavit ab Adam usque ad Moysen etiam in eos, qui non peccaverunt in similitudinem praevaricationis Adae, qui esset forma futuri. 243. 39.

15. Sed non sicut delictum sita & donum. Si enim unus delicto multi mortui sunt, multo magis gratia Dei, & donum in gratia unius Iesu Christi in plures abundavit. Ibidem; & 25 3. 27; & 264. 19.

17. Si enim unus delicto mors regnavit per unum. 6. 18.

18. Sicut per unius delictum in omnes homines in condemnationem, ita per unius iustitiam in omnes homines in iustificationem vita. 71. 5; & 100. 49; 263. 17.

20. Vbi autem abundavit delictum, superabundavit & gratia. 253. 27; & 254. 31.

Cap. 6. 3. Quicunque baptizati sumus in Christo, in morte illius baptizati sumus. 103. 57.

20. Cum essetis servi peccati, liberi facti fuistis iustitia. 308. 7.

7. 11. Peccatum occasione accepta per mandatum seduxit me. 63. 4.

25. Gratia Dei per Iesum Christum. 252. 21.

8. 3. Deus Filium suum mittens in similitudinem carnis peccati. 57. 11; & 90. 1; & 102. 54; & 147. 14; & 302. 21.

10. Corpus quidem mortuum est propter peccatum. 103. 58.

29. Quos praestitit, & praedestinavit conformes fieri imaginis Filij sui; ut ipse sit primogenitus in multis fratribus. 57. 14; & 67. 24; & 173. 3; & 186. 4; & 191. 11.

32. Qui proprio Filio suo non pepercit, sed pro nobis omnibus tradidit illum; quomodo non etiam cum illo omnia nobis donavit. 52. 6; & 240. 36; & 280. 4.

34. Qui est ad dexteram Patris, qui etiam interpellat pro nobis. 423. 13.

9. 5. Qui super omnia Deus benedictus in saecula. 3. 7.

21. An non habet signus potestatem Iui &c. 61. 8.

22. Quid si Deus volens ostendere iram, & notam facere potentiam suam, subitum in magna potentia vasa ira apta in interitum; ut ostenderes divinitus gratia suae in vasa misericordiae, quae preparavit in gloriam. 51. 5.

Cap. 11. 5. Reliquia per electionem gratiae facta sunt. 60. 7.

6. Si autem gratia, iam non ex operibus. 265. 3.

32. Conclusit enim Deus omnes in infidelitate, ut omnium misceatur. 235. 23.

33. O altitudo divitiarum sapientiae, & scientiae Dei! 61. 9.

36. In quo sunt omnia, per quem omnia, & ex quo omnia. 52. 6.

12. 4. Sicut in uno corpore multa membra habemus; omnia autem membra non eundem actum habent; ita multi unum corpus sumus in Christo. 230. 5.

13. 1. Omnis anima subdita sit sublimioribus potestatibus. 230. 13.

EX I. AD CORINTHIOS.

Cap. 1. 23. Iudeis quidem scandalum, gentibus autem stultitiam. 7. 1.

24. Christum Dei virtutem, & Dei sapientiam. 51. 5.

30. Vos estis in Christo Iesu, qui factus est nobis sapientia à Deo, & iustitia, & sanctificatio, & redemptio. 68. 28.

21. 7. Sapientiam in mysterio absconditam. 47. 8.

9. Quae preparavit Deus his, qui diligunt illum. 249. 15; & 251. 19.

3. 11. Fundamentum enim aliud nemo potest nere praeter id, quod positum est, quod est Christus Iesus. Si quis autem edificaverit supra fundamentum hoc, salvus erit, tamen quasi per ignem. 52. 6; & 235. 23.

13. Omnia vestra sunt, vos autem Christi, Christus verò Dei. 67. 24.

5. 12. Quid mihi de iis, qui foris sunt, iudicare? Dominus iudicabit. 236. 24.

8. 6. Unus Dominus Iesus Christus, per quem omnia. 6. 18.

10. 17. Unus panis, unum corpus multi sumus. 235. 33.

12. 3. Nemo potest dicere, Dominus Iesus, nisi in Spiritu Sancto. 47. 8.

13. 8. Sine prophetia evacuabuntur, siue linguae cessabunt. 227. 72; & 280. 4.

10. Cum venerit, quod perfectum est, evacuabitur, quod ex parte est. 250. 16.

11. Cum essem parvulus, loquebar, ut parvulus. 280. 4.

15. 2. Si-

Index textuum Sacrae Scripturae.

15. 22. Sicut in Adam omnes moriuntur; ita & in Christo omnes vivificabuntur. 101. 501 & 105. 631 & 252. 21.
 45. Factus est primus Adam in animam viventem, nonissimus Adam in spiritum vivificantem. 252. 21.
 47. Primus homo de terra terrenus; secundus homo de Caelo caelestis. 4. 121 & 93. 15.

EX II. AD CORINTHIOS.

- Cap. 5. 15. Si unus pro omnibus mortuus est; ergo omnes mortui sunt; & pro omnibus mortuus est Christus. 71. 11 & 101. 51.
 18. Reconciliavit nos sibi per Christum. 102. 53.
 13. 4. Nam etsi crucifixus est ex infirmitate, sed vivit ex virtute Dei. 312. 2.

EX EPIST. AD GALATAS.

- Cap. 1. 4. Qui dedit semetipsum pro nobis, ut eriperet nos de praesenti saeculo nequam. 246. 1.
 2. 21. Si enim per legem iustitia; ergo gratis Christus mortuus est. 103. 55.
 3. 23. Prius autem, quam veniret fides, sub lege custodiebamur conclusi in ea fide, qua velanda erat. Itaque lex pedagogs. 58. 5.
 4. 4. At ubi venit plenitudo temporis, misit Deus Filium suum factum ex muliere, factum sub lege, ut eos, qui sub lege erant, redimeret. 4. 11 & 58. 21 & 70. 34 & 87. 14 & 91. 1 & 147. 14 & 176. 18 & 181. 13.
 7. Itaque iam non est servus, sed filius, & haeres per Deum. 193. 2.
 8. Iis, qui natura non sunt Dei, serviebatis. 331. 15.
 31. Itaque, fratres, non sumus Ancilla filij, sed libera, qua liberavit Christus nos liberavit. 193. 2.
 5. 6. Fides, qua per charitatem operatur. 51. 91 & 59. 8.
 19. Quae sunt fornicatio & immunditia &c. Quae talia agunt, Regnum Dei non obtinebunt. 235. 23.

AD EPHESIOS.

- Cap. 1. 4. Elegit nos in ipso ante mundi constitutionem. 67. 24 & 191. 1.
 5. Praedestinavit nos per Iesum Christum in ipsum. 244. 40.
 6. In qua gratificavit nos in dilecto filio suo, in quo habemus redemptionem per sanguinem eius. 101. 52 & 202. 15 & 252. 21.
 10. Infrangere omnia in Christo, qua in

- Caelis sunt, & quae in terris. 68. 26 & 106. 68 & 240. 361 & 242. 39.
 11. Qui universa operatur secundum consilium voluntatis suae. 60. 7.
 20. Sufficiens illum a mortuis, & constituens ad dexteram suam in caelis. 230. 81 & 240. 34.
 22. Ipsum dedit caput supra omnem Ecclesiam, quae est corpus ipsius. 230. 8.
 4. Propter nimiam charitatem, qua dilexit nos Deus. 81. 35.
 8. Cuius gratia salvati sumus. 252. 21.
 14. Qui fecit utraque unum. 6. 18.
 9. Sacramentum absconditum a saeculis in Deo. 47. 8.
 10. Ut innotescat principatibus, & potentatibus. 244. 40.
 15. Omnis paternitas in Caelo, & in terra. 55. 17.
 4. 12. In adificationem corporis Christi. 191. 1.
 5. 23. Vir caput est mulieris, sicut Christus est caput Ecclesiae. 230. 8.
 27. Non habentem maculam, aut rugam. 238. 28.

AD PHILIPPENSES.

- Cap. 2. 6. Qui cum in forma Dei esset, non rapinam arbitratus est esse aequalem Deo, sed semetipsum exinanivit formam servi accipiens, in similitudinem hominum factus, & habitu inventas, ut homo. Humiliavit semetipsum factus obediens usque ad mortem. 3. 71 & 12. 61 & 19. 32 & 114. 91 & 120. 35 & 127. 121 & 193. 101 & 196. 101 & 198. 13 & 246. 11 & 261. 121 & 304. 91 & 305. 101 & 308. 8.

AD COLOSSENSES.

- Cap. 1. 5. Primogenitus omnis creatura. 67. 24.
 18. Ipse est caput corporis Ecclesiae. 230. 8.
 20. Pacificans per sanguinem crucis. 102. 53 & 106. 68 & 240. 361 & 242. 39.
 21. Cum essetis aliquando alienati, reconciliavit vos in corpore carnis eius per mortem. 102. 53.
 23. Si tamen in fide fundati estis. 238. 27.
 26. Mysterium, quod absconditum fuit a saeculis. 47. 8.
 2. 3. In quo sunt omnes thesauri scientiae, & sapientiae Dei. 278. 14.
 10. Qui est caput omnis principatus, & potestatis. 240. 34.
 11. Circumcisi estis circumcisione non manu facta. 110. 6.
 14. Donans vobis omnia delicta, & delens, quod adversum nos erat, schizographum decreti, quod erat contrarium nobis, et ipsum

Index textuum Sacrae Scripturae.

& ipsum sulis de medio affigens illud cruci. 260.8; & 263.17; & 267.12.

EX I. AD TIMOTHEVM.

- Cap. 1. 9. In isto lex non est posita. 9.1.
 15. Christus Iesus venit in hunc mundum peccantes saluos facere. 65. 16.
 17. Regi saeculorum immortalis, & inuisibili, soli Deo honor, & gloria. 324. 15 & 331. 15.
 2. 5. Vnus, & mediator Dei, & hominum homo Christus Iesus. 6. 18; & 5. 8; & 19. 1; & 260. 8; & 269. 5. et 271. 10.
 6. 10. Radix omnium malorum cupiditas. 249. 15.

EX II. AD THIMOTHEVM.

- Cap. 4. 7. Fidem seruauit, ideo reposita est mihi corona iustitiae, quam reddet mihi Dominus in illa die iustus Iudex. 251. 19; et 266. 7.

AD TITVM.

- Cap. 2. 14. Dedit semetipsum pro nobis, ut nos redimeret ab omni iniquitate. 71. 1; et 101. 52.
 3. 4. Cum autem benignitas, et humanitas apparuit Saluatoris nostri Dei, non ex operibus iustitiae, quae fecimus nos, sed secundum suam misericordiam saluos nos facit. 51. 5; et 66. 19; et 81. 35.
 7. Iustificati per gratiam ipsius. 252. 21.

AD HEBRAEOS.

- Cap. 1. 6. Adorent eum omnes Angeli eius. 239. 29.
 14. Omnes administratores spiritus in ministerium missi. Ibid; et 241. 36.
 2. 10. Decebat eum, per quem omnia, et per quem omnia, qui multos filios in gloriam adduxerat, Auctorem salutis eorum consummari. 243. 39.
 16. Nusquam Angelos apprehendit, sed semen Abrahae. 25. 9; et 239. 33.
 17. Debit per omnia fratribus assimilari, ut misericors fieret. 57. 15.
 18. In eo enim, in quo passus est ipse, et tentatus. 302. 21.
 3. 5. Moses, tanquam famulus in domo sua, Christus uero, tanquam Filius in domo sua. 198. 13.
 5. 1. Omnis namque Pontifex ex hominibus assumptus pro hominibus constituitur. 57. 13.
 2. Quoniam et ipse circumdatus est infirmitate. 320. 3.

7. Exanditus est pro sua reuerentia. 255. 35; et 313. 3.

- Cap. 7. 2. Melchisedech Rex Salem, quod est Rex pacis, sine patre, et sine matre, sine genealogia, neque initium dierum, neque finem uitae habens, assimilatus autem Filio Dei. 90. 1; et 320. 4; et 5.

21. Translato Sacerdotio etc. Alij quidem sine iureiurando Sacerdotes effecti sunt; hic autem cum iureiurando; per eum, qui dixit ad illum: Iurauit Dominus, et non penitebit eum: Tu es Sacerdos in aeternum. 321. 5.

23. Alij quidem plures facti sunt Sacerdotes, idcirco quod morte prohiberentur permanere. Ibidem.

25. Vnde et saluare in perpetuum potest accedentes per semetipsum ad Deum semper uiuens ad interpellandum pro nobis. 90. 1; et 323. 13.

26. Talis enim dicebat, ut nobis esset Pontifex. 51. 4; et 57. 12; et 90. 15 et 292. 16.

28. Lex enim constituit homines Sacerdotes infirmitatem habentes, sermo autem iuris iurandi, qui post legem est, Filium in aeternum perfectum. 300. 16.

Cap. 9. 15. Novi testamenti mediator est, ut morte intercedente in redemptionem etc. 102. 53.

23. Sine sanguinis effusione non fit remissio. 166. 22.

10. 5. Ingressus mundum dicit: Hostiam, et oblationem noluisse, corpus autem aptasse mihi. Holocaustum pro peccato meo non tibi placerunt. Tunc dixi: In capite libri scriptum est de me, ut faciam, Deus, voluntatem tuam. 246. 31 et 263. 17.

14. Vna oblatione consummauit. 241. 36.

EX EPIST. IACOBI.

Cap. 1. 17. Omne donum perfectum desursum est descendens à Patre hominum. 225. 65.

2. 10. Quicumque totam legem seruaueris, offendas autem in uno, factus est omnium reus. 260. 8.

13. Indicium autem sine misericordia illi, qui non facit misericordiam. 235. 23.

14. Si fidem quis dicat se habere, opera autem non habeat, nunquid poterit fides saluare eum? 236. 23.

20. Fides sine operibus mortua est. 238. 28.

EX I. PETRI.

Cap. 1. 3. Regenerauit nos in spem uitam. 13. 11; et 61. 8.

18. Non corruptibilibus auro, uel argento redempti

Index textuum Sacrae Scripturae.

redemptus estis de vana vestra conuer-
satione paternae traditionis, sed pretioso
sanguine quasi agni immaculati Chri-
sti, et incontaminati. 246. 1.

2. 6. Ecce pono in Sion lapidem summum an-
gularum. 6. 18.

EX II. PETRI.

- Cap. 1. 4. *Vs per hac efficiamini Divina consortes
natura.* 200. 5; et 208. 9; et 246. 1.
17. Hic est Filius meus dilectus, in quo mihi
complacui. 52. 6; et 185. 25.

EX I. IOANNIS.

- Cap. 2. 2. Ipse est propitiatio pro peccatis nostris;
non pro nostris autem tantum, sed etiam
pro totius mundi. 72. 7; et 102. 53;
et 264. 19; et 270. 6.
19. Ex nobis prodierunt, quia non erant ex
nobis; nam si fuissent ex nobis, per-
mansissent utique nobiscum. 236. 24.
4. 2. Qui confitetur Christum in carne
venisse. 3. 7.
10. Misit Filium suum propitiationem pro
peccatis nostris. 270. 6.
12. Deum nemo vidit unquam; unigenitus,
qui est in sinu Patris, ipse enarrauit
nobis. 274. 2.

19. Diligamus Deum, quoniam Deus prior
dilexit nos. 52. 6.

5. 20. Hic est verus Deus, & vita aeterna. 3. 7.

EX IVDA.

- Cap. 9. Cum Michael Archangelus cum dia-
bolo disputans altercaretur de Moyse
corpore. 333. 9.

EX APOCALYPSI.

- Cap. 5. 12. Dignus est Agnus accipere sapientiam
&c. 278. 14.
12. 4. Trahebat sciam partem stellarum.
53. 12.
11. Vicerunt eum per sanguinem Agni.
242. 39.
18. 7. Quantum glorificaverat se in delicijs,
tantum date illi tormentum, & luctum.
262. 15; & 267. 14.
19. 10. Conseruus enim tuus sum. 196. 10; &
331. 15.
20. 10. Cruciabuntur die, ac nocte in secula
seculorum. 234. 22.
22. 9. Cecidi ante pedes, ut adorarem eum;
& dixit mihi: Vide, ne feceris. 331. 15.
13. Ego sum Alpha, et Omega. 41. 6; et
145. 8.

SYLLABVS RERVM



ARON fuit primus Summus Sacerdos legalis, vinctus oleo visibili, de tribu Leui. 319. à 1.
Abagarus Rex recepit epistolam scriptam à Christo in lingua Siriaca. 227. 71.

Abel obtulit Deo sacrificia. 319. 1.
Abdias adorauit Eliam. 330. 12.
Abraham obediendo meruit Christum nasci ex sua stirpe. 84. 46.
Achimaas, seu Achimelech pronepos Heli fuit Summus Sacerdos, & occisus à Saule. 322. 6.
Accidens nequit migrare de subiecto in subiectum. 287. 19.
Non constituit suppositum, sed aduenit. 140. 31.
Non constituitur per aliquod merè negatiuum. 132. 4; & 135. 12.
Accidentia quomodo existant separata à materia? 31. 18.
Dupliciter dependent à subiecto. 37. 8.
In Sacramento Altaris conseruantur à Deo cum modo existentia, quem receperunt à substantia. *Ibidem.*
Denominant subiectum quod, non quo. 190. 15.
Non habent propriam existentiam. 37. 5; & 77. à 16.
Nec substantiam imperfectam. 40. 20.
Sunt actus secundarij essentialiter supponentes actum primarium. 39. à 14.
Dicunt essentialiter dependentiam tantum aptitudinalem à subiecto. 31. 18.
Redeunt eadem numero in resurrectione. 189. 15.
Actio multiplicatur à termino. 150. 7.
Actio productiua terminatur ad substantiam, & accidentia. 152. 15.
Ad esse supernaturale, & naturale. *Ibidem.*
Actio Dei habet tria numerà. 152. 18.
Actio generatiua inuicet relationem paternitatis, nisi illà inueniat in subiecto. 210. 14.
Actio specificatur à termino ad quem, non à termino à quo. 88. 17.
Quid importet formaliter? 117. 21.
Actio vniuersa est formaliter transiens. 113. 3.
Actio generatiua in Diuinis importat respectum propositum. 148. 19.
Actio, qua Trinitas creauit animam, & corpus Christi, vniuit vtrunq; Verbo Diuino. 149.
Actiones Christi meritoria potuerunt extendi, quia infinita, ad omnes differentias temporis. 315. 10.
Actiones Theandrica. 33. 6; & 258. 46.
Actiones reales, quae consistunt in lucro, & damno, non respiciunt personas. 257. 42.
Mag. Frideric. Nic. Ganardi Tom. 5.

Actus connaturaliter elicitur à principio per modum naturae. 207. 5.
Actus per modum dispositionis transcuntis sunt meritorij vitae aeternae tantum dispositiue. 233. 14.
Actus supernaturalis imperfectus potest dari sine habitu. 208. 8.
Actus magis intensus diutius durat in subiecto. 309. 10.
Actus bonus, & malus moraliter non opponuntur ratione entitatis physicae. 312. 19.
Actus malus in voluntate supponit cogitationem turpem in intellectu. 297. 7.
Causatur efficienter vt qualitas est, ab obiecto malo. *Ibidem.*
Actus obedientiae Christi meruit nobis gratiam, & gloriam. 251. 19.
Durauit à primo instanti suae conceptionis vsque ad vltimum vitae instans. 247. 5.
Fuit liber. 251. 20.
Actus meritorij Christi fuerunt physice finiti, & moraliter infiniti. 254. 30.
Habent aequalem valorem per ordinem ad personam, non per ordinem ad principia formalia. 257. 43.
Actus charitatis beatifica in Christo, quatenus mouebat vires inferiores in Deum, fuit meritorius, & liber. 251. 19.
Adam factus est ex terra virgine sine patre, & sine matre. 3. 5; & 93. 15.
Fuit praedestinatus post prauiusionem peccati. 68. 26.
Adz dormienti reuelatus est Christus. 70. 32; & 245. 40.
Habuit fidem incarnationis. *Ibidem.*
In statu innocentiae non habuit carnis concupiscentiam. 302. 20.
Non praesciuit lapsum. 245. 40.
Eius inobedientia fuit contra rigorosum praecceptum. 304. 9.
Eius peccatum minus abundauit, quam Christi gratia. 243. 39.
Demeruit omnibus iustitiam originale. 263. 17.
Voluit superbiendo esse Deum per naturam. 263. 17.
Per peccatum amisit dona supernaturalia, & fuit vulneratus in naturalibus. 293. 9.
Si non peccasset, transfudisset in posteris iustitiam originale, & omnia dona supernaturalia, & naturalia. 292. 5.
Adamantij *vid.* Origenistae.
Adoptionis definitio. 180. 11.
Importat vnionem accidentalem. *Ibidem.*
Fit per actionem liberam, non naturalem. 184. 24.
Non dat ius ad haereditatem Regni. 324. 2.
Adoratio triplex. 328. 1.

X x

Pri-

SYLLABVS RERVM.

Primario respicit personam. 329. 4.
 Eadem adoratione colitur Rex, & purpura,
 seu diadema. *Ibidem.*
 Est actus proprius creaturæ. 330. 8.
 Desumitur à seruitute. *Ibidem.* 13.
 Est actus internus, & externus. 331. 16.
 Adoratio dulcis, iperdulcis, & latrice est ab eodem habitu. *Ibidem.* 17.
 Adoratio latrice habet latitudinem. 333. 10.
 Conuenit rebus creatis ratione contactus,
 & ratione imaginis. 332. 5.
 Conuenit humanitati Christi ratione Diuini suppositi. 221. 50; & 338.
 Adorationem Sanctorum negarunt hæretici. 330. 10.
 Probatur ex traditione, & consuetudine Ecclesiæ. *Ibidem.* 12.
 Ætas quælibet habet decorem suum. 58. 5.
 Ager significat Mundum. 238. 27.
 Agere per se sequitur ad esse per se. 25. 11.
 Algazelis opinio. 318. 20.
 Alimentum duplex; aliud transmutatum, aliud non transmutatum in substantiam aliti. 165. 21; & 168. 27.
 Alpha, & omega. 41. 6; & 145. 8.
 Altaria consecrantur Deo in memoriam alicuius Sancti. 331. 19.
 Amor Dei propter se est actus charitatis Theologicæ. 249. 15.
 Amor proximi habet rationem meritorij ab amore Dei. 250. 18.
 Angeli habuerunt fidem incarnationis. 245. 40.
 Eorum essentia realiter distinguitur à substantia. 151. 9.
 Angelus latine nuncius. 228. 73.
 Angeli non communicant carni, & sanguini. 243. 39.
 Obediunt Christo, à quo illuminantur, mittuntur &c. 241. 36.
 Quare mali non fuerint redempti? 53. 12; & 55.
 Non potuerunt mereri in primo instanti suæ creationis. 247. 4.
 Boni non egerunt Christi morte, vt liberarentur à malo. 244. 40.
 Quomodo pertineant ad Christum? 279. 16.
 Eis non conuenit discursus. 288. 25.
 Angelorum prælium. 243. 39.
 Eorum ruinæ reparatæ. 241. 36.
 Purgatio à nescientia. 243. 39.
 Eorum fides in Christum non fuit recuperata, quia nunquam fuit amissa. 245. 40.
 Angelus noluit adorari à Ioanne. 331. 15.
 Anima separata non est persona. 30. 16; & 133. 5.
 Anima rationalis per eandem actionem, per quam producitur in corpore, ei vnitur. 153. 16.
 Continet animam vegetatiuam, & sensitiuam tantum secundum gradus potentiales. 22. 48.

Principalius agit, quam eius potentia. 208. 10.
 Potest informare corpus tantum secundum gradum formæ inanimis, vel vegetatiuæ, vel sensitiuæ. 161. 9.
 Per se ipsam præstat effectus formales substantiales animæ vegetatiuæ, & sensitiuæ; non tamen per suas potentias spirituales potest præstare effectus potentiarum materialium, quæ sunt propriæ animæ vegetatiuæ, & sensitiuæ. 204. 21.
 Anima, & Diuinitas magis conueniunt, quam corpus, & anima. 8. 4.
 Anima prius natura fuit vnita carni, quam Verbo. 172. 9.
 Fuit ratio, per quam Verbum assumpsit corpus. 28. 6;
 Animæ gloriose dominium in corpus prouenit à doribus gloriosis ipsius animæ. 288. 22.
 Anni solares, & lunares. 83. 44.
 Apostoli quomodo repleti fuerint gratia? 209. 12.
 Venturi sunt ad iudicium finale auctoritate aliena, non propria. 279. 16.
 Appelles sensit Christum habuisse corpus phantasticum. 160. 1.
 Appellatæ dixerunt Christum sumpsisse corpus ex quatuor elementis, illudque in terris reliquisse, cum ascendit in Cælum. 4. 10.
 Appollinaristæ dixerunt Filium Dei non esse æqualem, sed similem Deo. 4. 8.
 Item dixerunt Verbum assumpsisse animam sine mente. 5. 13.
 Item naturam Diuinam conuersam fuisse in humanam. 5. 15.
 Arriani idem senserunt, quod Apollinaristæ. *Ibid.*
 Præterea dixerunt Verbum assumpsisse corpus sine anima; & ipsum Verbum fuisse animam Christi. 5. 13.
 Artaxerxes concessit Nehemiæ facultatem reedificandi templum. 110. 2.
 Assumere alienam naturam est proprium solius Dei. 20. 39.
 Assumi nequit subsistens. 136. 14.
 Assumptio quid importet formaliter? *Ibid.* 14.
 Assumptionis, & vnionis differentiæ. 124. 51.
Vid. Verbum, & natura.
 Augusta gaudet privilegio Augusti. 106. 67.
 Auxilium transiens non sufficit ad produendos actus meritorios vitæ æternæ, si sit per modum actus, seu dispositionis, non per modum habitus. 209. 11.

BAlaam adorauit Angelum. 330. 12.
 Baptismus confert gratiam habitualem. 207. 3.
 Eruiat potestate Diaboli, iustificat, & efficit filios Dei adoptiuos, ac hæredes. *Ibidem.*
 Bardeſanistæ dixerunt Christum attulisse corpus ex profundo. 4. 10.

Beati

SYLLABVS RERVM.

Beati non possunt peccare. 202. 14.
 Magis vniuntur Christo, quàm iusti viato-
 res. 238. 27.
 Eodem actu vident perfectiones Deo intrin-
 secas, & extrinsecas. 250. 17.
 Per visionem beatam vident necessariò, non
 liberè creaturas in Deo existètes. *Ibid.* 18.
 Per eundem actum visionis vident etiam
 actum visionis. 279. 15.
 Cognoscunt omnia, etiam libera, quæ spe-
 ctant ad proprium statum. 277. 9.
 Eorum gratia maior est qualibet gratia via-
 torum, quantumvis intensa. 274. 2.
 Beryti in Syria fluxit sanguis ex imagine Chri-
 sti crucifixi à Iudæis percussa. 162. 12.
 Beza negauit adorationem Sanctorum. 330. 10.
 S. Birgittæ reuelaciones circa puritatem im-
 maculatam S. Mariæ Virginis. 94. 17.
 Bonitas Dei superabundat bonitati cuiuslibet
 creaturæ. 264. 20.
 Magis placet Deo, quàm ei displiceat quæ-
 cunque creaturarum malitia. 265. 21.
 Brëntij hæresis. 330. 10.
 Buceri hæresis. 273. 2.
 Bzouij iudicium circa reuelationes Amedæi in
 Escoriali asseruatas. 108. 74.

Caluinus negauit adorationem Sanctorum.
331. 2.
 Caluinistæ dixerunt sanguinem à Christo effu-
 sum in cruce mox euaniuisse. 160. 2.
 Canon Apostolorum circa adorationem Ima-
 ginum. 332. 6.
 Caput dicitur per analogiam ad caput natura-
 le, & morale. 230. 5.
 Conditiones requisitæ ad rationem capitis.
Ibidem; & 233. 15.
 Caput naturale insuit in membra spiritus sen-
 sitinos, qui in ipso generantur. 231. 8.
 Ita se habet respectu membrorum, sicut vitis
 respectu palmitum. *Ibidem.*
 Caput morale non insuit vitam in membra.
242. à 38.
 Character baptismi non sufficit ad constituen-
 dum Ecclesiæ membrum. 237. 26.
 Caro peccati, & similis carni peccati. 90. 1;
 & 302. 20.
 Carnis nomine significatur aliquando in Scri-
 pturis etiam anima. 5. 14.
 Caro Christi prius natura fuit vnita animæ,
 quàm Verbo. 171. 6.
 Carpocratiani dixerunt Christum fuisse pu-
 rum hominem de patre temporali, & mat-
 re procreatum. 3. 6.
 Catechumeni sunt membra Ecclesiæ concepta,
 non renata. 237. 25.
 An saluentur decedentes sine baptismo? *Ibid.*
 Causa causans per intrinsecam exhibitionem
 nequit eleuari ad præstandum principa-
 liter effectum alterius formæ. 22. 48.
Mag. Frideric. Nic. Gauradi Tom. 5.

Causa vniuersalis potest præstare effectus cau-
 sarum particularium. 9. 8.
 Non tollit actiones causarum particulariũ.
265. 21.
 Potest nò dicere relationem realem ad suos
 effectus, non tamen è contra. 188. 10.
 Cause vniuersales creant imperfectè continent
 causas particulares. 11. 17.
 Causa formalis vitalis potest instrumentaliter
 eleuari ad producendum alienum, non
 proprium effectum. 232. 13.
 Causa merè passiuæ nequit esse instrumentalis
 actiuæ. 89. 20.
 Cause, & occasionis differentia. 63. 4; & 69. 29.
 Causa siue vniuoca, siue æquiuoca est mensu-
 ra sui effectus. 254. 31.
 Causa creata non adiuuat Deum tanquam im-
 becillum in agendo, sed potius imperfi-
 cit actionem illius. 294. 11.
 Centurioni filius sanatus à Christo. 318. 19.
 Cerdoniani dixerunt Christum non habuisse
 veram carnem, sed mortem in carne si-
 mulasse. 4. 10.
 Item voluerūt ipsum habuisse corpus phan-
 tasticum. 160. 1.
 Cereorum accensio an spectet ad adorationem?
333. 9.
 Cerinthiani secuti sunt Carpocratianos. 3. 6.
 Charitas habet pro obiecto immediato Deum,
 & pro obiecto secundario creaturas. 229.
76; & 251. 19.
 Nequit tendere in proximum, nò in Deum.
Ibidem.
 Est radix omnis meriti. 249. à 15.
 Eius actus est melior, & dignior actibus cu-
 juslibet alterius virtutis. *Ibidem.*
 Sine ipsa nullus actus est meritorius vitæ
 æternæ. *Ibidem;* & 251. à 19.
 Chirographum decreti aduersus hominem fuit
 deletum à Christo, & cruci affixum. 267. 13.
 Chore imponens incensum super altare simul
 cum socijs terræ hiatu fuit absorptus.
322. 6.
 Christus est Deus natura, non gratia. 3. 7.
 Æqualis, & vnum cum Patre secundum na-
 turam Diuinam. *Ibidem.*
 Secundum naturam Diuinam consubstan-
 tialis Patri; & secundum naturam huma-
 nam consubstantialis matri. 4. 11.
 In ipso fuit duplex voluntas. 5. 14; & 273. 1.
 Christi vaticinia impleta. 109. 2.
 Quomodo fuerit in lumbis Abraham? 90. 1.
 Fuit figuratus per Melchisedech. 320. 4; &
326. 8; & per Moysen. *Ibidem.*
 Fuit formatus de terra virgine. 3. 5; & 93. 15.
 Dicitur secundus Adam. *Ibidem;* & 100. 49.
 Nequit dici creatura. 156. 34.
 Quomodo possit dici homo Dominicus?
132. 40.
 Nequit concedi, quòd sit duo. 16. 16.
 X x 2 Chri-

SYLLABVS RERV M.

Christus Græcè, Messias Hebraicè, & Latinè
Vnctus dicitur. 200. 7.
Templum, Sacerdos, & Sacrificium. 201. 9.
Christus passivè componitur tantum ex parte
humanæ naturæ. 157.
Constituitur per subsistentiam in duabus na-
turis realiter distinctis. 177. 24.
Non potest constitui verus homo, nisi per
veram naturam humanam. 186. 5.
Habuit carnem similem carni peccati. 90. 1;
& 302. 20.
Vt homo, non est Deus. 185. 27.
Christus, vt homo, est filius B. Virginis Mariæ
per naturam, non per gratiam. 192. 6.
Vt homo, non est Filius Dei adoptivus, nec
totius Trinitatis, sed est Filius naturalis
assumptus, non genitus. 178; & 183. 21.
Respicit Patrem per relationem filiationis
increate. 182. 17.
Matrem verò respicit per veram relationem
filiationis humanæ. 188. à 5.
Vt homo, dicitur Filius Dei naturalis per
denominationem extrinsecam humanita-
ti. 185. 25.
In triduo fuit filius B. Virginis. 189. 15.
In ipso fuit duplex relatio realis filiationis,
& duplex realis natiuitas. 186.
Christus est primogenitus in multis fratribus.
57. 14; & 67. 24; & 186. 4.
Mediator Dei, & hominum. 6. 18; & 52. 8;
& 55. 11; & 80. 29; & 255. 32; & 274. 2.
Primogenitus omnis creaturæ. 67. 24.
Quomodo dilectus à Patre? 69. 29.
Christus fuit primus prædestinatorum, etiam
Angelorum. 244. 40.
Fuit prædestinatus post præuisionem pec-
cati. 67. 24.
Fuit prædestinatus ad filiationem Dei natu-
ralem. 172.
Fuit prædestinatus, vt Redemptor. 68. 28.
Vid. Prædestinatio.
Christus, vt homo, non est seruus peccati, nec
legalis. 193.
Nec absolutè est dicendus seruus Dei, nec
hominum, nec Angelorum. 197. 11.
Christus non potuit fieri magis sanctus substan-
tialiter, aut accidentaliter. 220. 49.
Habuit gratiam non ad mensuram. *Ibid.* 48.
Fuit repletus gratia secundum capacitatem
actualem, & potentialem obedientialem.
Ibidem; & 225. 65.
Habuit gratiam habitualement in primo in-
stanti suæ conceptionis. 216. 33.
Christi anima fuit beata in primo instanti suæ
conceptionis. 273. 2.
Fuit plenus gratia, & veritate. 274. 2; &
285. 12; & 292. 6.
Christi gloriam, qua fruebatur eius anima,
non transfundi in corpus miraculum fuit.
275. 3.

Eius gratia, & gloria fuit adeo plena, vt
non potuerit augeri. 277. 9.
Fuit beata eius anima secundum partem su-
perioiorem, non secundum inferiorem. 311. 17.
Christus est caput hominum, & Angelorum.
68. 26.
Est caput hominum per analogiam ad caput
naturale. 230. 5.
Vt homo, est caput Ecclesiæ; & constituitur
in ratione capitis per gratiam habitua-
lem, tanquam per causam instrumenta-
lem; & per gratiam vnionis, tanquam
per causam principalem transfusum vi-
tæ supernaturalis in membra Ecclesiæ.
229.
Vt homo, dici nequit membrum Ecclesiæ.
231. 9.
Est caput omnium beatorum, fidelium iu-
storum, & peccatorum, etiam excommu-
nicatorum. 234.
Non tamen est caput infidelium Pagano-
rum, & Hæreticorum, aut damnatorum,
sed Iudex. 235. à 22.
Christus est caput Angelorum per analogiam
tantum ad caput morale. 239. à 33.
Non insuit in Angelos gratiam, & gloriam
essentialem. *Ibidem.*
Est Rex gloriæ. 240. 34.
Est Pastor Angelorum. *Ibidem.*
Quomodo Angelorum Sponsus? *Ibidem.* 35.
Dedit gratiam, & gloriam essentialem An-
gelis, vt Deus, non vt homo. 242. 38.
Quomodo sit Redemptor Angelorum?
107. 70.
Christus per scientiam beatam non cognouit
omnia possibilia, nec omnia futura nega-
tiue; sed tantum omnia futura positiue,
sue præterita, sue futura, sue præsentia;
non tamen vt infinita, sed vt finita. 173.
Eius scientia beata æquatur scientiæ simpli-
cis intelligentiæ, nec scientiæ visionis nec
in numero scitorum, nec in claritate.
Ibidem.
Cognoscit omnes actiones beatorum, &
damnatorum futuras per totam æternita-
tem, vt infinitas tantum sincategorematicè,
non categorematicè. 278. 11.
Christus ultra scientiam beatam habuit tripli-
cem scientiam. 281. 4.
In ipso non fuit ignorantia priuatiua. 279.
14; & 292. 7.
Christus per scientiam per se infusam, quæ est
donum Spiritus Sancti, cognouit omnia
futura contingentia, & cogitationes cor-
dium hominum, & Angelorum. 284. 12.
Per species supernaturales creatas. 285. 15.
Et per eandem scientiam cognouit etiam
omnes res naturales creatas. *Ibidem.*
Christus in primo instanti suæ conceptionis
habuit

SYLLABVS RERVM.

- habuit infusas omnes scientias naturales quoad habitus, & quoad species. 290. 1.
- Acquisiuit tantum per suos actus scientias experimentales. *Ibidem.*
- Christus est veritas, vt Verbum, non vt homo. 243. 39.
- Christus quomodo proficiebat ætate, & sapientia. 5. 14; & 223. 53; & 293. 10.
- Non didicit ab Angelis. 295. 16.
- Non habuit Angelum custodem. *Ibidem.* 18.
- Christus cognouit per conuersionem, & sine conuersione ad phantasmata. 287. 19.
- In ipso fuit discursus mentalis, & vocalis. 288. 25.
- An locutus fuerit diuersis linguis? 227. 71.
- Scriptis epistolam Regi Abagaro in lingua Siriaca. *Ibidem.*
- Habuit omnia dona naturalia, & supernaturalia per modum habitus immobiliter permanentis. 290. 33.
- Christus non potuit mereri, nisi in natura humana. 76. 12.
- Non meruit incarnationem. 74.
- Nec continuationem incarnationis, nec maternitatem B. Virginis Mariæ, nec alias circumstantias antecedentes, vel concomitantes incarnationem; nec meruit sibi gratiam, & gloriam essentialem, sed tantum circumstantias sublequentes, & exaltationem sui nominis. 279. 26.
- Proprie meruit. 246. 1.
- Meruit in primo instanti sue conceptionis. *Ibidem.* 3.
- Meruit implendo legis mandata. 251. 18.
- Meruit per actum charitatis beatificæ mouendo potentias inferiores, secundum quas erat viator; vt totis viribus tenderet in Deum. *Ibidem.* 19.
- Plus meruit, quam Deus potuit remunerare. 257. 43.
- Meruit gratiam, & gloriam determinatis hominibus in particulari. 191. 2.
- Habuit omne meritum, & præmium. 312. 18.
- Meruit gratiam, & gloriam accidentalem Angelis, non essentialem. 232. 33.
- Christus plus satisfecit moriendo, quam homines possint Deum offendere peccando. 57. 11.
- Assumpsit omnes penalitates corporis, non animæ vulnera. 291. 5.
- Bibens calicem in horto prægustauit omnes poenas sue passionis. 248. 11.
- Mortuus est pro omnibus. 101. 51.
- Etiā pro B. Virgine. *Ibidem.*
- Non tamen pro Angelis. 241. 36.
- Eius mors fuit necessaria ad satisfactionem pro peccatis hominum. 270. 7.
- Mortuus est, & resurrexit, quando voluit per voluntatem Diuinam. 306. 13. *Vid. Mors.*
- Christus etiam ratione solius vnionis hypostaticæ fuit simpliciter impeccabilis. 296.
- Quauis in ipso sit liberum arbitrium humanum, quod est potentia radicalis ad peccandum. *Ibidem.* 5.
- Absolutè dicendus est impeccabilis. 300. 16.
- Non est passus carnis molestias; neque habuit concupiscentiam, seu fomitem peccati. 302. 20.
- De congruo fuit incarnatus, sed supposita incarnatione necessariò fuit sine peccato. 300. 16.
- Christus legem impleuit, non soluit. 111. 13.
- Non potuit vouere. 306. 14.
- Christus fuit factus obediens in primo instanti sue conceptionis. 308. 8. *Vid. Obedientia.*
- Ei fuit impositum rigorosum præceptum, vt est homo, non vt est Deus. 306. 13.
- Tale præceptum fuit paternum, & liberale, non ferule, aut coactiuum. *Ibidem.*
- Non potuit rogare Patrem, vt tolleretur ab ipso actus obedientiæ. 305. 11.
- Christus, vt homo, non postulauit à Patre imponi sibi præceptum moriendi. 307. 4.
- Non rogauit Patrem efficaciter, vt legiones Angelorum mitteret in eius defensionem, sed tantum dixit se potuisse rogare. 309. 12.
- Orans, vt transiret ab eo calix, loquebatur ex persona hominis infirmi. 310. 12.
- Christus liberè mortuus est, & liberè seruauit etiam præcepta naturalia. 308. 4.
- Nedum præcepta affirmatiua, sed etiam negatiua. 312. 24.
- Eius libertas optimè componitur cum eius impeccabilitate, & cum præcepto moriendi. 307.
- Christi vita temporalis non fuit postposita saluti hominum, sed oblata pro salute. 307. 16.
- Christus debuit nos erigere in spem æternæ vitæ. 274. 2.
- Christus habuit, vt Deus, non vt homo, potestatem ponendi, & sumendi animam suam. 304. 9.
- Christus, vt homo, non est omnipotens, aut immensus. 313. 24.
- Nec est causa principalis miraculorum, & donorum supernaturalium. 314. 5.
- Vt homo, patrauit miracula tanquam instrumentum totius Trinitatis. 316. 14.
- Fuit instrumentum physicum. *Ibidem.*
- Vt homo, habuit plenitudinem potestatis ministerialis, non principalis. 324. 14.
- Christus fuit Sacerdos secundum ordinem Mel-

SYLLABVS RERVM.

- Melchisedech, non secundum ordinem Aaron. [319.](#)
- Eius Sacerdotium est æternum ex parte personæ offerentis, rei oblatæ, & effectuum oblationis; nec non ratione intransferibilitatis, & insuccessionis. *Ibidem.*
- Christus non obtulit se ipsum pro se ipso, sed tantum pro nobis. [323. 11.](#) *Vid. Sacerdotium.*
- Christus orauit pro se, & pro nobis. *Ibidem.* [122.](#)
- Orat etiam nunc in Cælo. *Ibidem.* *Vid. Oratio.*
- Christus simul fuit Rex, & Sacerdos. [320. 4.](#)
- Fuit Rex Iudæorum, & Gentium. [325. 2.](#)
- In instanti suæ conceptionis fuit inunctus Rex omnium creaturarum habens potestatem quoad nutum Regnorum terræ, & quoad vsum Regni celestis. [324.](#)
- Est Deus, Dominus, & Rex. [325. 6.](#)
- Habet omnem potestatem spiritualem, & secularem Regalem. *Ibidem.* [7.](#)
- Fuit liber à tributo. [324. 1.](#)
- Non fuit constitutus Iudex, aut Diuisor, sed Rex. [327. 9.](#)
- Non debuit eligi Rex à Iudæis. *Ibidem.*
- Christus, vt homo, est adorandus adoratione latriæ. [328.](#)
- Vt homo, iudicabit mundum in die Iudicii auctoritate propria. [280. 16.](#)
- Christi corpus reale in triduo mortis mansit vnitum Verbo Diuino. [26. 14.](#)
- Habuit actum dotis subtilitatis. [192. 5.](#)
- Christi corpus mylticum Ecclesia. [230. 8.](#)
- Christi membrum aliud est simul templum, aliud membrum tantum. [238. 28.](#)
- Christi actiones Theandricæ, idest Dei viriles, seu Dei hominis. [258. 46.](#)
- Christus ascendit ad diem festum quasi in occulto. [70. 33.](#)
- Chylus, & chymus quomodo generentur? [165. 21.](#)
- Circuncisio carnis, & cordis. [110. 6.](#)
- Circumstantiæ mortis Christi fuerunt à Patre, præceptæ. [305. à 10.](#)
- Claudius Episcopus Taurinensis negauit cultum imaginum. [331. 2.](#)
- Cælum per peccatum originale fuit omnibus clausum. [96. 26.](#)
- Cognitio alia intuitiua, alia quiditatiua, alia abstractiua inadæquata. [285. 14.](#)
- Cognitio cõprehensiuua repugnat naturæ creatæ. [275. 8i & 283. 8.](#)
- Cognitio per speciem quomodo fiat? [287. 19.](#)
- Cognoscere secreta cordium propria virtute est proprium solius Dei. [286. 16.](#)
- Coloni sunt causæ instrumentales segetum, & plantarum. [315. 12.](#)
- Columba, quæ apparuit in Iordane, quando baptizatus est Christus, an fuerit ex nihilo producta? [317. 17.](#)
- Communicatio idiomatum. [24. 4.](#)
- Sumitur penes concretum, non penes abstractum. [168. 27.](#)
- Non habetur penes opposita. [198. 13.](#)
- Compositio passiuæ tantum ex parte vnius extremi. [158. 42.](#)
- Conceptio B. Virginis Mariæ sine peccato originali. [91.](#)
- Prohibitiones huius disputationis. *Ibidem.* [7.](#)
- Conceptionis controuersia excitata tempore Sixti IV. [105. 64.](#)
- Conceptionis hominis tempus, & ordo. [192. 5.](#)
- Concilium Toletanum VI; & XI. Statuerunt Verbum assumpsisse naturam humanam in eo, quod est proprium Filij. [146. 11.](#)
- Concilia assentientia Verbum Diuinum assumpsisse hominem. [131. d. 33.](#)
- Concilium Francofordiense damnauit hæresim Elipandi Episcopi Toletani, & Felicis Episcopi Vrgelitani. [178. 1.](#)
- Eius acta inuenta. *Ibidem.*
- Damnauit sententiam assentientem Christo secundum naturam humanam esse Filium Dei adoptiuum. [179. 3.](#)
- Negauit triplicem seruitutem in Christo. [196. 11.](#)
- Item danauit doctrinam Conciliabuli Constantinopolitani. [333. 8.](#)
- Concilium Nicenum I. damnauit Arrianos, Cerinthianos, Merinthianos, Hebioneos, Samosatenos, & Photinianos. [3. 7.](#)
- Concilium Ephesinum, Chalcedonense, Synodus V; VI; & VII; & Concilium Lateranense damnarunt hæresim Nestorij. [6. 18; & 32. 5.](#)
- Concilium Chalcedonense damnauit Euthychetem. [6. 19; & 273. 1.](#)
- Statuit Verbum assumpsisse carnem, & sanguinem. [162. 15.](#)
- Concilium Constantinopolitanum III; seu VI. Synodus damnauit Monothelitas. [6. 22.](#)
- Concilium Ephesinum vocat mysterium incarnationis indeprehensibile, & inenarrabile. [47. 8.](#)
- Statuit Verbum assumpsisse carnem, & sanguinem. [163. 15.](#)
- Concilium Constantinopolitanum II; seu V. Synodus damnauit Nestorium, Theodorum Mopsuestenum, Dioscorum, & alios. [125. 1.](#)
- Statuit contra Origenistas Verbum non assumpsisse animam præexistentem. [139. 26; & 149. 1; 5; & 6.](#)
- Concilium Constantinopolitanum III; seu VI. Synodus statuit in Christo vnā tantum esse existentiam. [138. à 24.](#)

Item

SYLLABVS RERVM.

Item Verbum assumptisse carnem, & sanguinem. 163. 15.
 Concilium Alexi; & Ephesi. statuerunt Christum adorandum esse adoratione latræ.
329. 4.
 Concilia statuentia adorationem reliquiarum.
333. 7.
 Concilia damnantia Iconoclastas. 332. 6.
 Concilium Tridentinum statuit sub specie panis esse sanguinem per concomitantiam.
163. 17.
 Prohibet sub pœna excommunicationis, ne quis vocet hæreticam sententiam affirmantem, vel negantem B. Virginem Mariam contraxisse peccatum originale.
92. 7.
 Concilium Eliberitanum vetuit pingi imagines Sanctorum in parietibus Ecclesiarum.
333. 8.
 Concretum quomodo multiplicetur? 15. à 15.
 Aliud simpliciter, aliud secundum quid.
Ibidem.
 Concupiscentia non est peccatum, sed effectus peccati. 302. 21.
 Concurtus instrumentalis physicus quando importet dignitatem? 318. 20.
 Concursus Dei non disponit ad peccandum.
297. 6.
 Congruentia incarnationis. 50.
 Fuit congruentius incarnari Filium, quam Patrem, aut Spiritum Sanctum. 54.
 Plures afferuntur congruitates. *Ibidem.*
 Item fuit congruentius redimi hominem, quam Angelum. 55.
 Constantinus Copronymus negavit adorationem Sanctorum. 330. 10.
 Item adorationem imaginum. 331. 2.
 Corporis partes per continuam actionem, & passionem deperduntur, & acquiruntur. 169. 31.
 Corpus nequit viuere sine sanguine, & sine spiritibus vitalibus. *Ibidem.* 29.
 Vegetat per quatuor primos humores.
166. 24.
 Corpus organicum constat etiam ex sanguine.
163. 16.
 Ex sanguine nutritur. *Ibidem.* 17.
 Corporum generatio à paruitate incipere debuit. 293. 11.
 Corpus Adæ produci debuit perfectum.
Ibidem.
 Corporale indirectè agit in spiritus. 316. 16.
 Consecrans calicem in triduo mortis Christi consecrasset verum Sacramentum. 165. 22.
 Si quis autem consecrasset panem, fuisset ibi corpus sine anima. 35. 23.
 Conseruatio est continuata productio. 149. 6.
 Consilium est circa opus supererogationis.
306. 13.
 Continui partes, vt categorematicè distinctæ,

non videntur à Deo. 278. 11.
 Conuersio est mutatio vnius in aliud. 5. 15.
 Creatura simpliciter infinita repugnat. 218. 42.
 Potest tamen esse infinita secundum quid.
219. 46.
 Nequit produci ab vna tantum persona, Diuina. 145. 8.
 Per potentiam obedientialem potest assumi à Diuino supposito. 26. 13.
 Nequit eleuari ad creandum. 87. à 15.
 Subsistentur, & producitur à Deo immediate. 116. 15.
 Creatura potuit per peccatum se vendere, non potuit tamen se ipsam redimere. 270. 6.
 Nequit satisfacere pro suo, vel alieno peccato ad æqualitatem. 62. 11; & 260. 11 & 269.
 Creatura indignitas includit aliquam dignitatem. 164. 19.
 Creatura, quia est ex nihilo, potest deficere, & ideo peccare. 271. 10.
 Nequit esse æquè impeccabilis, ac Deus.
300. 16.
 Creatura non producitur à Deo secundum plenitudinem suæ omnipotentia. 256. 39.
 Est naturaliter serua Dei. 195. 7.
 Nequit eximi ab hac seruitute. *Ibidem.* 8.
 Nequit esse mediatrix inter Deum, & homines. 270. à 5.
 Nequit esse infinita, & equalis Deo. 16. 39.
 Nequit esse caput Ecclesiæ. 330. 71 & 271. à 9.
 Crux, quæ retinet corpus Christi, etsi scindatur in partes, est adorabilis. 332. 5.
 Crux, & clauis Christi adorari debent adoratione latræ. 331.

Damnati non sunt membra Ecclesiæ.
335. 22.
 Puniantur citra condignum. *Ibidem.* 23.
 Daniel decoratus honore Regio. 195. 7.
 Dauid ex dispensatione speciali comedit panes propositionis. 322. 7.
 Figurauit Sacerdotium vna cum Regno transferendum in Christum. *Ibidem.*
 Debitum contrahendi peccatum quid sit?
97. 29.
 Debiti proximi, & remoti explicationes variæ adductæ, & reiectæ. *Ibidem.* à 30.
 Dupliciter soluitur debitum. *Ibidem.* à 36.
 Nequit stare simul cum gratia, quæ est eius solutio. 99. 47.
 Debitor, qui non habet in ære, luit in corpore. 268. 19.
 Lucrans ex nummis creditoris potest debito satisfacere ex lucro. 266. 6.
 Decretum incarnationis fuit ex occasione peccati. 65. à 17.
 Est actus prouidentia generalis. 73. 10.
 Fuit

SYLLABVS RERVM.

- Fuit de carne possibili. *Ibidem*.
 Differentia inter decretum executiuum incarnationis, & prædestinationis puræ creaturæ. 75. 11.
 Decretum intentiuum, & executiuum incarnationis non differunt. 78. 20.
 Defectus physicus est carentia bonitatis physici. 264. 20.
 Denominatio alia sumitur ex informatione, alia ex assumptione alicuius formæ ad aliquod suppositum. 192. 5.
 Denominatio intrinseca, & extrinseca. *Ibidem*
 Denominatio sumitur ab eo, quod est simpliciter, non ab eo, quod est secundum quid. 210. 13.
 Dentes, ungues, capilli, & pili sunt partes connexæ cum carne facientes ad ornatum corporis. 167. 26.
 Ponuntur in Sacramento per concomitantiam. *Ibidem*.
 Fuerunt assumpti à Verbo. *Ibidem*.
 Fuerunt assumpti in Cælum. *Ibidem*.
 Deficientia ab actu est defectus. 309. 11.
 Deus non dicit relationem realem ad creaturas. 188. 11.
 Non videt infinitatem in continuo categorematicè discretam. 278. 11.
 Non discurrit. 288. 25.
 Potuit omnes homines iuste damnare. 61. 8.
 Nequit obligari à creatura simpliciter, sed tantum ex *suppositione*. 258. 44. & 269. 20.
 Deus esset iniustus, si negaret gloriam iustis. *Ibidem*; & 203. 19. & 20.
 Potest communicari creaturæ in ratione substantiæ, non in ratione spiritus. 177. 23.
 Nequit velle, quod noluit, & è contra. 25. 18. & 309. 11.
 Deus nequit supplere causam formalem. 9. 9.
 Neque formam metaphysicam. 10. 10.
 Potest tamen supplere speciem. *Ibidem*.
 Deus maximè colitur oblationibus, sacrificijs, & precibus. 319. 1.
 Deus Alpha, & omega. 47. 6. & 145. 8.
 Æquè creator, & prouisor omnium rerum. 176. 18.
 Nihil ei potest aduenire ex tempore inhaesiuè, bene tamen assumptiuè. 12. 51. & 189. 12.
 Deus punit citra condignum. 262. 15.
 Punit iuxta quantitatem malitiæ, non offensæ. *Ibidem*.
 Diabolus per Adæ peccatum fuit factus caput hominum. 92. 9.
 Fuit contritus à B. Virgine Maria. *Ibidem*; & 105. 65.
 Dies iudicij vniuersalis quomodo dictus fuerit ignotus etiam ipsi Christo? 276. 9.
 Differentia analogica importat aliquam vnitatem, quam non importat differentia æquiuoca; & ideo quæ differunt analogicè, possunt vniri in eodem subiecto, quanuis magis distent inter se, non tamen quæ differunt æquiuocè. 8. 5.
 Digestionis ordo. 161. 7.
 Dilectio, qua Deus diligit nos, est ratio communicandi nobis sua dona. 220. 48.
 Dioscori hæresis. 125. 3.
 Eius damnatio. *Ibidem*. 1.
 Discursus definitio. 288. 25.
 Requirit essentialiter illationem vnus ignoti ex altero noto. 289. 27.
 Distantia entitatiua nõ causat minorem vnionem. 123. 48.
 Distinctio, & multiplicatio habituum sumitur à ratione formali obiectiua specificatiua. 128. 16.
 Dignones an cognouerint incarnationem? 46. 7.
 Doctor debet accommodari capacitati addiscentium diuidendo eis conceptus. 282. 5.
 Dolores inferni à Christo soluti. 274. 3.
 Dominium Dei non tollit dominium creaturæ. 266. 5.
 Dominium vniuersale, & particulare. *Ibidem*. 8.
 Dominus duplex eiusdem rei esse non potest. 327. 11.
 Dona Spiritus Sancti dantur nullis præcedentibus meritis. 22. 65.
 Eorum numerus. 227. 70.
 Sunt proprietates gratiæ habitualis. *Ibidem*:
 Nullam habent repugnantiam cum statu patriæ. *Ibidem*.
 In quo consistant? *Ibidem*.
 Sunt proprietates charitatis viæ, & patriæ. 284. 10.
 Donum consilij est ad fugienda mala, & sequenda bona. 285. 12.
 Dulxiæ definitio. 328. 1.
 Debetur Sanctis. 330.
 Reliquijs Sanctorum. 331.
 Duratio est continuata productio. 139. 26.
- E**cclēsia militans nõ iudicat de infidelibus. 236. 24.
 Habet potestatem puniendi hæreticos. 237. 26.
 Comparatur sagænæ missæ in mare. 238. 27.
 Et agro. *Ibidem*.
 Est corpus mysticum Christi. 230. à 8.
 Ecclesia triumphans componitur ex hominibus, & Angelis. 234. 16.
 Et sine macula, & sine ruga. 239. 28.
 Ecclesiæ dedicantur Deo in memoriam alicujus Sancti. 331. 19.
 Ecclesiæ thesaurus non minuitur, aut consumitur per quantlibet concessionem indulgentiarum. 255. 34.
 Effectus realis essentialiter dicit relationem realem ad suam causam. 188. 10.
 Idem effectus nequit esse à pluribus causis totalibus eiusdē speciei, & ordinis. 34. 15.
 Effe.

SYLLABVS RERV.

Effectus producit etiam non existente causa efficiente actualiter, sed tantum virtualiter. 316. 16.

Effectus formalis subsistentiæ est reddere naturam existentem in se, & per se; & effectus formalis personalitatis est ultimum complere naturam, eamque reddere incommunicabilem alteri. 137. 18.

Effectus gratiæ habitualis. 184. 23; & 203. 19.

Effectus primarius, & secundarius gratiæ habitualis. 210. 14.

Eleemosyna maior est subuenire miseris animæ, quam corporis. 236. 23.

Elizæ visio figurat B. Virginem Mariam. 93. 16.

Elipandi hæresis. 178. 1.

Docuit hæresim Nestori. 1bidem. 2.

Elisei cadauer suscitauit mortuum. 322. 7.

Ernanatio quid importet formaliter? 215. 26.

Emptio dupliciter sumitur. 269. 21.

Entis diuisio. 132. 4.

Entium actualium pluralitas facit aggregationem per acciden. 141. 34.

Entitas physica actus est indifferens ad bonitatem, & malitiam morale. 312. 19.

Episcopi sunt Sacerdotes magni subordinati Summo Pontifici Romano. 319. 2.

Erogatio facta post mortem est satisfactiua debiti. 248. 11.

Error deriuatur a potentialitate passiva. 217. 39.

Esse est terminus creationis. 154. 25; & 157. 35.

Esse indefectibile est radix operationis indefectibilis. 299. 15.

Essentia Diuina etiam finito modo attracta est maioris perfectionis, quam omnes creaturæ simul. 278. 11.

Potest suppositare naturam creatam. 42. 10.

Ethærit fuit figura B. Virginiæ Mariæ. 92. 11; & 105. 64.

Eua fuit producta ex offe viri sine semine. 35.

Euidencia attestantis non tollit obscuritatem rei attestatæ. 285. 13.

Eunomiani dixerunt Filium Dei esse Patre minorem. 4. 8.

Eusebia, seu pietas erga parentes. 328. 1.

Euthychiani dixerunt naturam Diuinam, & humanam in Christo coisse in vnâ personam. 6. 19; & 125. 2.

Negarunt adorationem imaginum. 331. 2.

Exaltatio nominis Christi, & glorificatio corporis quomodo pertineant ad remedium peccati? 245. 40.

Excommunicati sunt membra Ecclesiæ. 238. 27.

Sunt separati ab Ecclesiâ quantum ad perceptionem suffragiorum, & sacramentorum communionem. 1bidem.

Existencia vna tantum fuit in Christo. 138. 24.

Existencia creata non fuit in Christo. 1bidem.

Existencia non producit, sed essentia. 157. 35.

Mag. Frideric. Nic. Gauardi Tom. 5.

Existencia, & subsistentia quomodo differant? 138. 20.

Existencia supponit formam. 32. 17.

Existencia per se est idem, ac subsistentia. 36. 5.

communicatur dupliciter. 117. 21.

Existencia diuisio. 132. 4.

Existencia in alio constituit acciden. & existencia per se constituit substantiam. 1bid.

Extensio partium per ordinem ad se, & per ordinem ad locum. 35. 24.

Extraneitas suppositi requiritur ad filiationem adoptiuam. 183. 22.

Felicis Episcopi Vrgalitani hæresis, & damnatio. 178. 1.

Fideiussor habet obligationem satisfaciendi. 268. 19.

Fides non fuit in Christo. 226. 67; & 250. 16.

Est impossibilis cum visione beata. 226. 67.

Fides informis est mortua. 239. 28.

Filiatio naturalis Dei est terminus ad quem prædestinationis Christi. 173. 6.

Etiam præcisa natura Diuina sanctificat. 202. 13; & 18.

Vnitur humanitati assumptiue, non inhestitiue. 185. 26.

Non est in prædicamento relationis. 188. 11.

Filiatio duplex in Christo. 186.

Appellat personam, non naturam. 189. 11.

Est in supposito mediante natura. 189. 12; & 190. 16.

Filiatio Diuina, & humana differunt genere supremo. 188. 11.

Non multiplicant personam. 191. 18.

Filiatio naturalis est ratio inadæquata excludens filiationem adoptiuam. 184. 23.

Ad constituendam filiationem non sufficit nasci. 183. 21.

Filiatio temporalis quomodo sit naturalis Christo? 192. 5.

Filij prophetarum adorauerunt Eliseum. 330. 12.

Filij adoptiui, & naturalis distinctio. 180. 11.

Filius adoptiuus, & pater adoptans coniunguntur per solum affectum; filius verò naturalis, & pater generans coniunguntur generatione. 1bidem.

Filius adoptiuus est persona extranea. 1bidem.

Filius proprius idem est, ac filius naturalis. 182. 17.

Filius proprius nequit non esse dilectus a patre. 202. 16.

Filius proprius, & alienus. 204. 21.

Filius moralis idem est, ac filius putatiuus. 182. 20.

Filius in humanis emancipatus a patre potest adoptari. 184. 23.

Per eandem relationem respicit patrem, & matrem. 188. 11.

Y y

Est

SYLLABVS RERVM.

Est sub potestate patris. 266. 5.
 Est pars patris. 267. 12.
 Filius Diuinus amatur à Patre amore essentiali, non notionali. 185. 25.
 Filium Diuinum fuisse prædestinatum, vt esset homo, non est concedendum absolute. 193. 10.
 Finis vltimus nequit esse secundariò intentus, nisi inordinatè. 173. 4.
 Finis vltimus, & intermedius. 64. à 7.
 Fœmina se habet passiuè ad organizationem. foetus. 85. 7.
 Fomes peccati est inclinatio ad malum. 108. 75.
 Non fuit in Christo. 302. 20.
 Nec in B. Virgine Maria. 108. 7.
 Forma materialis est inseparabilis à materia. 29. 11.
 Dicit essentialiter immersionem actualem in materia. 31. 18.
 Forma, & materia prodiguntur per eandem omnino actionem causæ efficientis. 150. 8.
 Forma est posterior materia ordine originis. 150. 8.
 Forma spiritalis nequit separari à ratione spiritalis. 30. 14.
 Forma continens virtualiter aliam formam, potest per se ipsam præstare effectum substantialem illius, non tamen per suas potentias potest præstare effectus accidentales proprios potètiarum accidentalium formæ contentæ. 204. 21.
 Forma nequit communicare totum suum effectiue, nisi in subiecto sit capacitas illud recipiendi. 217. 39.
 Fundamentum præcedit relationem in genere causæ materialis. 142. 38.

Generare in Diuinis est actus notionalis, proprius solius Patris, non essentialis communis omnibus personis. 185. 25.
 Generationis, & creationis discrimen. 154. 25;
 & 155. 28.
 Generatio creaturæ respectu Dei est creatio. 153. 16.
 Generatio terminatur ad suppositum. 128. 16.
 Importat natiuitatem, & filiationem. 186. 4.
 Generationis relatiuæ, & absolutæ discrimen. 210. 15.
 Gentiles negarunt incarnationem. 3. 5.
 Putarunt impossibilem vnionem naturæ humanæ cum natura Diuina. 6. 1.
 Erant sub lege peccati. 70. 34.
 Genus humanum est quoddam totum morale. 58. 5.
 Genus finitum nequit contrahi per differentiam infinitam. 218. 43.
 Germanus Bauarus dixit in Hostia non esse sanguinem. 160. 2.
 Gloria est gratia pro gratia, corona, merces, & præmium. 76. 14.

Conceditur paruulis titulo patris hereditatis, adultis verò hereditatis, & mercedis. 80. 30.
 Est terminus generalis omnium actuum supernaturalium. 208. 9.
 Gloriam animæ non transiundi in corpus miraculum est. 275. 3.
 Græcorum, & Latinorum lis circa versionem huius vocis *hipostas*. 133. 5.
 Gratia tripliciter sumitur. 119. 29.
 Est semen gloriæ. 201. 10.
 Non redditur meritis. 76. à 12.
 Est principium meriti. 78. 19.
 Non cadit sub merito. ibidem.
 Gratia Adæ primò collata fuit ex mera liberalitate Dei prouisoris, nō ex meritis Christi Redemptoris. 242. 37.
 Idem dicitur de gratia Angelorum. 244. 40.
 Gratia Christi, & iustitiæ originalis discrimen. 101. 52.
 Gratia Christi fuit donum recreationis, non creationis. 242. 3.
 Gratia vnionis est maxima omnium gratiarum. 201. 11.
 Potest dici quodammodo naturalis Christo. 212.
 Fuit finita ex parte naturæ humanæ, & non potuit esse maior. 216.
 Constituit Christum principaliter caput Ecclesiæ. 232. à 11.
 Sanctificat substantialiter naturam humanam Christi. 198.
 Gratia habitualis fuit in Christo. 206.
 Fuit debita naturæ humanæ Christi, tanquam proprietas vnionis hipostatice. 119. 30.
 Fuit debita de condigno vnioni hipostatice. 182. 17.
 Commensuratur cum gratia vnionis per excessum. 224. 58.
 Est vera proprietas physica gratiæ vnionis. 213. à 25.
 Est finita physice, & moraliter. 216.
 Tantum secundum quid fuit infinita. 219. 44; & 46.
 Fuit infusa in primo instanti sue conceptionis. 216. 33; & 223. 54.
 Non potuit augeri, nec augmentum mereri. 218. 41.
 Quomodo sine mensura? 222. 51.
 Est altioris ordinis, quia est ordinis hipostatice. ibidem. 52.
 Abundauit in plures, quàm Adæ delictum. 243. 39.
 Instrumentaliter constituit Christum Caput Ecclesiæ. 232. à 11.
 Absoluit nos à debito habendi originale iustitiam. 263. 17.
 Eius plenitudo. 207. 4; & 209. 12.
 Gratia habitualis Christi, & nostra, in quo discernuntur? 233. 14.

Gratia

SYLLABVS RERV.

Gratia viatoris nequit æquare gratiam consummatam comprehensoris. 222. 51. & 274. 2.

Gratia habitualis puræ creaturæ habet constituere filium Dei adoptivum. 183. 20.

Est necessaria etiam de potentia Dei absoluta ad eliciendos actus meritorios vitæ æternæ. 208. 10.

Efficienter producit à natura Diuina. 215. 32.

Tollit offensam virtute meritorum Christi. 262. 16.

Gratia Angelorum non fuit recuperata per merita Christi. 245. 40.

Gratia, & natura opponuntur. 214. 30.

Gratias gratis datæ fuerunt in Christo. 227. 71. Fuerunt in nobis distributiue. *Ibidem.*

Gutta sanguinis Christi fuit sufficiens ad redemptionem totius generis humani. 255. 34.

Habitūs fidei, & spei Diuinæ separati ab habitu charitatis non sunt proprietates quarto modo gratiæ habitualis. 212. 18.

Habitūs charitatis est proprietas inseparabilis gratiæ habitualis. 226. 66.

Habitūs innixus fidei pugnat cum visione beatæ. 281. 4.

Habitūs constituit principium proximum speciale determinatum operandi, non autem constituit proximè principium generale omnium operationum, quæ possunt elici ab illa natura. 212. 4. 18.

Hebdomades Danielis abbreviatæ. 83. 44. & 109. 2.

Hebionæ dixerunt Christum esse purum hominem de matre, & patre temporali procreatum. 3. 6.

Eorum damnatio in Concil. Nicæno. *Ibid.* 7.

Hæresiarca grauius est puniendus, quàm paganus. 235. 23.

Hæreticorum confessio subdola. 178. 2.

Hæretici pleni dolis, & mendacijs. 197. 12.

Hæretici asserentes Diuinitatem in Christo do-
luisse. 6. 24.

Hæretici non sunt actū membra Ecclesiæ, sed tantum in potentia. 236. 24.

Hæretici negantes adorationem Sanctorum. 330. 10.

Et adorationem Imaginum. 331. 2.

Et adorationem Reliquiarum. 332. 3.

Hypostasis quid significet? 129. 20.

Homo prædestinatus est Filius Dei. 178. 26. & 192. 8.

An debeat concedi: Homo factus est Deus? 132. 32.

Valet neutraliter, non masculinè. 178. 26.

Homo in Christo absolute importat Diuinum suppositum. 195. 9.

Homo in recto importat naturam humanam, in obliquo suppositum. 16. 4. 18.

Mog. Erideric. Nic. Gauradi Tem. 5.

Non importat in recto subsistentiam. 17. 24.

Homo fit musicus, non è contra. 178. 26.

Homo nequit essentialiter perfici æquè, ac Angelus. 260. 11. & 263. 18.

Est compositor qualibet creatura. 123. 50.

Homo perueniens ad vsum rationis debet se Deo subijcere. 246. 3.

Homo potuit se vendere, non se redimere. 263. 17.

Potuit aliter redimi, sed non conuenientiùs. 55. & 271. 10.

Homines sancti assumuntur ad ordines Angelorum. 240. 34.

Honor est in honorante. 259. 3.

Humanitas Christi, antequam poneretur 102.

rerum natura, fuit tantum causa meritoria, non physica gratiæ, & donorum, quæ antiquis iustis fuerunt collata. 315. 10.

Fuit causa instrumentalis physica gratiæ, & miraculorum. 313.

Respectu gratiæ sanctificantis hominibus collata se habet, sicut vitis respectu palmitum. 255. 11.

Adoranda est adorazione latrig, ratione personæ Verbi, non ratione sui. 330. 7.

Nequit in recto prædicari de supposito. 131. 32.

Humilitas conuenit sapientiæ. 54. 2.

Humorum vitalium generatio. 161. 7.

Primi quatuor humores constituunt corpus vegetans. 166. 24.

Habent qualitates Elementorum. *Ibidem.*

Humores secundarij, quibus viuunt, & sentit corpus. 167. 25.

Fuerunt assumpti à Verbo. *Ibidem.*

Humores vergentes ad corruptionem, eamque causantes non fuerunt assumpti à Christo post resurrectionem. 170. 33.

Iacob appellauit se Esau figurando primogenituræ translationem implendam per Christum. 322. 7.

Iconoclastæ damnati. 332. 6.

Ignorantia, & malitia sunt duo vulnera per peccatum originale inlicita naturæ humanæ. 291. 5.

Non fuerunt in Christo. *Ibidem.*

Ignorantia priuatiua non fuit in Christo. 279. 14. & 392. 7.

Imago Christi in ciuitate Beryti à Iudeis percussa sanguinem fudit. 162. 12. & 332. 6.

Imago eiusdem ex ære fusa iussu Syrophœnissæ, & imagines pictæ, & sculptæ à Diuo Luca, & Nicodemus. *Ibidem.*

Imago dupliciter accipi potest. *Ibidem.* 5.

Imagines adorandæ eadem adorazione, quam adorantur earum prototypi. 331.

Adoratur adorato in recto exèplari. 333. 11.

Immaterialitas est radix intellectualitatis. 30.

13.

Y y 4

Imme-

SYLLABVS RERVM.

- Immediatum**, & **primarium** idem est. 177. 22.
Impeccabilitas non minùs repugnat personali-
 tati, quàm naturæ Diuinæ. 299. 13.
Incarnationis ethimologia. 2. 1.
 Eius **possibilitas**. 6.
In Incarnatione sola natura humana mutatur.
 11. 14.
Incarnatio effectiue est opus, **terminatiue** non
 est opus, sed **terminatio** operis. 12. 17.
 Effectiue est opus totius Trinitatis, **termi-**
 natiue solius Filij. *Ibidem*; & 6.
Incarnationis exemplum. 12. 6.
 Est opus omnipotentiae. 26. 13.
 Eius **possibilitas** nequit naturali ratione
 demonstrari. 46.
 Eius **conuenientia**. 50.
 Vniuit cum Deo vtrunque creaturam, spi-
 rituale scilicet, & corporale. 53. 10.
 Conuenienter fuit facta in vltima mundi
 ætate in plenitudine temporum. 58.
 Debuerunt cum præcedere plura vaticinia.
 58. 2.
 Quomodo fuerit necessaria? 60.
 Est opus summæ misericordiae. 61. 8; &
 66. 19.
Incarnationis occasio fuit peccatum. 63. à 4.
 Est bonum occasionatum. *Ibidem*; & 70. 29.
 Principalius fuit decreta ad delendum pec-
 catum originale. 71. 1.
 Tribuitur Spiritui Sancto. 86. 10.
Incarnatio fuit causa maioris fidei, spei, &
 charitatis. 52. 6.
Incarnatio, & **passio Christi** se habent, sicut
 principium, & terminus. 69. 28.
 Fuit facta post præuisionem peccati origi-
 nalis. 72. 9.
Incommunicabilitas est de ratione personæ for-
 maliter sumptæ. 44. 24.
Incommunicabilitas est quid relatiuum.
 133. 5.
Indignitas personæ offendētis auget offensam.
 261. à 13.
Indignitas creaturæ inuoluit aliquam dignita-
 tem. 264. 19.
Indifferentia iudicij requiritur ad actum libe-
 rum. 312. 19.
Indifferens, vt indifferens est, nequit esse cau-
 sa actionis determinatæ. 273. 1; & 297. 7.
Indiuidualitas differt à personalitate, & sup-
 positalitate. 134. 7.
 Proprie non datur in Deo. 145. 6.
Indiuiduum quomodo possit prædicari de
 alio? 14. 6.
 Quid significet? 129. 20.
Indulgentiarum concessio non consumit, aut
 minuit Ecclesiae thesaurum. 255. 34.
Infalibilitas scientiæ non tollit libertatem.
 279. 15.
Inferni dolores soluti. 28. 5.
Infernus inferior dicitur peccatum. 107. 70.
Infinitas secundum esse absolutum, & relati-
 uum. 257. 43.
Infinitas secundum quid duplex. 219. 46.
Infinitem quomodo multiplicabile? 262. 16.
Infinitem, vt **infinitem**, nequit attingi ab actu
 finito. 278. 11.
Iniuria illata Regi **incompensabilis** à plebeio.
 255. 36.
Iniustitia est damnificatio in bonis externalis,
 vel internis. 268. 18.
Inseparabilitas auget vnionem. 122. à 46.
Instrumentum importat actionem sibi propriam,
 & actionem principalis agentis. 232. 11.
 Non recipit in se ipso actionem causæ prin-
 cipalis? 234. 8.
Instrumenti physici, & **moralis discrimen**.
Ibidem 9.
Instrumentum physicum agit per contactum
 physicum physice producendo effectum
 sibi proprium. *Ibidem*; & 315. 11.
Instrumentum aliud directum, aliud **indire-**
 ctum. 317. 17.
Intellectus agens non fuit otiosus, aut frustra-
 neus in Christo, & in Angelis. 293. 11.
 Habet plura munera. *Ibidem*.
Intellectus est oculus animæ. 281. 4.
Intellectus Diuini, & **humani discrimen**.
Ibidem.
Intrinsicum dupliciter dicitur. 204. 21.
 S. Ioannes quomodo repletus gratia?
 209. 12.
Iosue adorauit Angelum. 330. 12.
Iperdulæ definitio. 328. 1.
 Debetur B. Virginis Mariæ. 330.
Ipocritæ sepulcra dealbata. 333. 9.
Iudæi prius vocati, quàm **Gentiles**. 71. 34.
 Debebant conuertere gentes. *Ibidem*.
 Eis fuit prohibitum sacrificare extra altare.
 110. 4.
 Sumpserunt Sacerdotium à Gentilibus.
 320. 4.
Iudæorum ecclitas argumentum efficax nostræ
 fidei. 111. 12.
 Eorum errores circa mysterium incarnatio-
 nis. *Ibidem*. 13.
Crucifixerunt Beryti imaginem Christi.
 162. 12.
 Quærebant videre aliquod signum sensibile
 paratum à Christo. 314. 4.
Iusti antiquæ legis non meruerunt de condi-
 gno, nec de congruo substantiam incar-
 nationis, sed tantum de congruo circun-
 stantias extrinsecas. 81. 33.
 Saluati ante Christi incarnationem. 58. 1.
 Plures post Christi incarnationem. *Ibidem*.
Iusti magis vniuntur Christo, quàm peccato-
 res. 238. 27.
 Assimilantur paruulis. 280. 4.
Iustitia essentialiter est ad alterum in natura,
 non in persona. 268. 17.

Iustitia

SYLLABVS RERVM.

Iustitia stricta nequit dari inter Deum, & creaturas; inter Patrem, & Filium; & inter Dominum, & seruum. 329. 2.
Iustitia vindictiua importat veram pœnam ex parte patientis. 266. 11.
Vindictiua, & retributiua præmij, & commutatiua discrimen. 267. 13; & 14.
Iustitiæ commutatiua sex condiciones. 265. 3.
Non est in Deo formaliter. 266. 10.
Iustus nequit sibi, vel alteri mereri primam gratiam. 272. 11.
Quomodo mereatur augmentum? *Ibid.*
Nequit obligari ad pœnam. 268. 16.

Latriæ ethimologia, & definitio. 328. 1.
Est virtus specialis formaliter, & generalis materialiter. *Ibidem. 2.*
Quatuor eius generalitates. *Ibidem.*
Debetur Deo. *Ibidem.*
Tendit in Deum, ut est colendus, offerendo sacrificia &c. *Ibidem.*
Connectitur cum alijs virtutibus, & eorum actus potest imperare. *Ibidem.*
Non est virtus Theologica. *Ibidem.*
Reducitur ad iustitiam. *Ibidem.*
Iustus Christi fuit apertum, non percussum, ut exirent Sacramenta. 247. 11.
Lazarus quomodo resuscitatus. 318. 19.
Legis solutio, & impletio. 251. 18.
Leo Isauricus publico edicto prohibuit adorationem Sanctorum. 330. 10.
Leo Armenius negauit adorationem imaginum. 331. 2.
Lex naturæ, lex scripta, & lex gratiæ, in quo differant? 59. 6.
Lex scripta pedagogus hominis. 58. 5.
Lex habet retrahere homines à vitijs, & inducere ad virtutes. 328. 2.
Lex communis non officit legi speciali. 93. 11.
Esse sub lege stat tripliciter. 91. 1.
Lex humana priuat hereditate patris filium emancipatum à patre. 184. 23.
Libertas actus, & libertas potentiæ. 297. 7.
Libertas potentiæ est ad vtrunque; libertas actus ad vnum tantum. 310. 14.
Libertas à coactione, & à necessitate. 307. 2.
Libertas Christi. *Vid. Christus.*
Lineæ vniuntur in centro. 116. 18.
Lis de sanguine Christi effuso post mortem. 160. 4.
Lucani Prodigiorum hæresis. 160. 1.
Lumen triplex. 250. 16; & 282. 4.
Lumen est indifferens ad plures habitus. 290. 32.
Lumen gloriæ est proprietas gratiæ consummatæ. 218. 40.
Lumen maius fuit in Christo, quam in Angelis. 285. 15.
Lutherus negauit adorationem Sanctorum. 330. 10.

Malitia, & error oriuntur à potentialitate te passiva. 217. 39.
Malitia, & ignorantia sunt duo vulnera infusa per peccatum originale. 291. 5.
Manichæi, & Marcionistæ dixerunt Verbum, assumpsisse carnem phantasticam; & in ea natiuitatem, & mortem simulasse. 4. 101; & 160. 1.
Fuerunt primi impugnatores imaginum. 331. 2.
Mardochæus indutus vestibus Regijs. 195. 7.
Noluit genuflectere coram Aman. 331. 15.
Mare significat naturam humanam. 94. 16.
B.V. Maria vocatur mulier nomine Hebraico generaliter significante omnes feminas, non negante virginitatem. 4. 11.
Fuit à Christo redempta à debito contrahendi peccatum originale. 101. 52.
Fuit reconciliata à peccato existente in alio, non in se ipsa. 102. 53.
Eguit gratia Christi. 103. 55.
Contrihuit caput, seu potestatem Diaboli. 92. 9; & 105. 65.
Non habuit fomitem peccati. 108. 75.
Fuit bis sanctificata. 108. 77.
Habuit vsum liberi arbitrij in primo instanti suæ conceptionis. *Ibidem. 78.*
Ex vi primæ sanctificationis fuit facta im-peccabilis. 109. 76.
Non dubitauit circa mysterium incarnationis, nec fuit à Christo rephensa. 109. 80.
Non habuit potentiam proximam peccandi. 109. 81.
Habuitius ad filiationem Dei adoptiuam. 183. 20.
B.V. Maria habuit aliquos effectus peccati originalis, non omnes. 96. 26.
Quomodo assumpserit carnem peccati? *Ibidem. 27.*
Non habuit debitum intrinsecum contrahendi peccatum originale. 99. 47.
B.V. Maria meruit habere Christum Filium. 84. 47.
Fuit causa principalis administrans materiā, nutriendi, & conseruans corpus Christi; nõ autem causa instrumentalis organizationis corporis Christi. 85.
Dicitur Christocon, idest Mater Christi. 86. 12.
Dicitur etiam Theotocon, idest Mater Dei. 87. 13; & 125. 1.
Non contraxit peccatum originale. 91.
Est membrum Christi. 96. 26.
B. V. Maria non vniuit materiam Verbo. 185. 27.
Quomodo dicatur gratia plena? 209. 12.
Ei debetur adoratio iperdulix. 330.
Non latræ. 331. 18.
S. Marthæ confessio. 181. 13.
Martyres quomodo patrauerint miracula? 316. 15.

Materia

SYLLABVS RERVM.

Materia nequit auctuari per formam infinitam.

218. 43.

Limitatur per formam. *Ibid.*

Eius concursus ad formationem prolis.

85. 6.

Distinguitur realiter à forma. 140. 30.

Aliquādo trahitur ad modum formæ. 10. 12.

Eius prioritas ad formam dicit solum ordinem causalitatis, non durationis. 77. 17.

Recipit esse suppositale mediante forma.

171. 4.

Producitur simul cum forma per eandem actionem. 150. 8.

Eius capacitas non expletur, nisi per receptionem formæ. 206. 2.

Medicus est causa instrumentalis sanitatis ægroti. 315. 12.

Medium aliud necessitatis, seu simpliciter;

aliud congruitatis, seu secundum quid.

170. 2.

Æqualiter distat ab extremis. 255. 32.

Melchisedech Rex, & Sacerdos. 320. 4.

Fuit figura Christi. *Ibid.*; & 90. 1.; & 326. 8.

Meritum antecedit præmium. 75. 12.

Importat operationem. 76. 15.

Quomodo sit in naturalibus? 214. 31.

Æquatur præmio. 249. 15.

Debet esse actus elicitus, vel imperatus à

charitate Theologica in via. 251. 19.

Meritum infinitum extenditur etiam ad tempus, quo non est. 78. 21.

Meritum de congruo quid sit? 82. 36.; & 83. 43.

Meriti supplicatorij, impetratorij, & de congruo differentia. 84. 48.

Meriti condignitas importat æqualem valorem cum præmio. 81. 33.

Meritum Christi in morte ipsius consummatum est. 241. 36.; & 243. 39.

Fuit infinitum intensiue, & extensiue in genere valoris. 262. 16.

Habuit valorem intrinsecum. 263. 17.

Messias interpretatur Saluator. 109. 2.

Est verus Deus. 111. 14.

S. Michael Archangelus impediuit ne corpus

Moyſis detegeretur à Sathana. 333. 9.

Miles quomodo possit mereri arma sibi à Rege

donata? 77. 18.

Miracula fiunt, quando oportet. 317. 18.

Misſio non conuenit essentialiter incarnationi.

13. 11.

Modus subsistendi potest competere accidentibus separatis à substantia, & naturæ substantiali separata à suppositualitate. 49. 24.

Monothelitz negauerunt in Christo duas voluntates. 5. 14.; & 6. 21.

Et duas operationes. 273. 1.

Mors Christi fuit meritoria, & satisfactoria externæ consummationi. 247. à 10.

Fuit necessaria ad satisfactionem pro peccatis eodem modo. 271. 10.

Mors vnius puri hominis non est instituta in remedium peccati alieni. 307. 16.

Moyſes fuit Christi figura. 197. 11.; & 326. 8.

Eius corpus sepultum fuit ab Angelis. 332. 7.

Non fuit detectum à Sathana. 333. 9.

Moyſes, & Aaron fuerunt Sacerdotes. 321. 6.

Mulier pulchra in matrimonio Regis assumpta si fiat turpis, matrimonium non soluitur. 172. 8.

Multiplicatio numerica importat multitudinem unitatum. 15. 13.

Mundatio peccatorum tribuenda est Sacerdotio Christi, non Aaronico. 320. 4.

Mundi ætates. 58. 2.

Eius perfectio. 61. 8.

Mutatio dupliciter fit. 118. 22.

Myrrina significat sepulturam. 76. 13.

Naturalitas duplex fuit in Christo. 186.

Natura creata distinguitur realiter ab

existentia. 140. 30.

Nequit suppositari à pluribus suppositis.

35. 20.

Nequit produci sine subsistentia. 136. 14.

Ordinatur immediatè ad suppositualitatem, vt ad suum terminum, sicut essentia ad existentiam. 38. 13.

Terminata in vno loco à sua suppositualitate creata nequit in alio loco terminari à suppositualitate Diuina. 35. à 23.

Determinatur per suppositum, sicut genus per speciem. 174. 9.

Et sicut materia per formam. 115. 14.

Natura est principium radicale generale omnium actionum, quæ fiunt à supposito.

207. 5.

Quo abstractior est à materia, eò vniuersaliores habet proprietates. 289. 30.

Est ratio agendi, & patiendi. 38. 12.; & 128. 16.

Natura creata potest esse instrumentum indirectum, non directum creationis. 317. 17.

Naturæ diuersæ habent diuersas libertates, diuersum ius, & dominium. 266. 4.

Naturæ genere diuersæ subordinatæ non constituunt vnā naturam per se, sed per acciden. 20. 36.

Natura non denominatur genita, nisi per generationem passiuam in ipsa receptam.

185. 26.

Natura Diuina, & creata nequeunt componere vnā tertiam naturam. 32. 5.

Natura Diuina dat esse supposito; creata verò acquirit esse in supposito. 42. 11.; & 140. 30.

Natura Diuina potest habere rationem suppositantis ad extra. 42. 10.; & 126. à 9.

Ad intra suppositatur à tribus personalitatibus. 33. à 9.; & 43. 16.

Est immediatum fundamentum omnium relationum.

SYLLABVS RERV.

lationum Diuinarum . 187. 7.
 An possit dici incarnata ? 192. 7.
 An facta sit homo ? 132. 38.
 Natura Angelica cur non fuerit redempta ?
53. 12.
 Natura humana Christi non constituit suppositum Christi . 8. 6. & 140. 41. & 183. 21.
 Si dimitteretur à Verbo , rediret in nihilum . 142. 38. & 190. 17.
 Non fuit existens , antequam assumeretur à Verbo . 139. à 26.
 Congruentius fuit assumi à Verbo , quam naturam Angelicam . 26. 17. & 18.
 Ex eo , quod vniatur Filio , non denominatur genita , sed assumpta . 185. 26.
 Est ratio , cur dicantur de supposito Verbi , quæ conueniunt supposito creato . 174. 14.
 Fuit creata à Deo omnino libera à peccato . 97. à 31.
 Habet modum accidentis . 121. 36. & 141. à 31.
 Nequit dici filia . 174. 10.
 Natura humana Christi est sub dominio Dei . 196. 10.
 Est vncta substantialiter , & accidentaliter . 291. 7.
 Ex eo , quod vniatur naturæ immensæ , & increatæ , non redditur formaliter immensa , & increata . 204. 22.
 Natura humana Christi sanctificatur substantialiter , & accidentaliter . 207. 4.
 Instrumentaliter , non principaliter influit gratiam in alios homines . 231. à 10.
 Fuit assumpta à Verbo cum omnibus ijs , quæ faciunt ad integritatem naturæ humanæ , & connectuntur cum carne , & anima . 161. 10.
 Natura humana Christi adoratur adoratione latræ ratione suppositi Diuini , cui vniatur , non ratione sui . 221. 50. & 328.
 Est impeccabilis per gratiam . 221. 50.
 Natura , & gratia opponuntur . 214. 30.
 Natura non adoptatur , sed persona . 184. 24.
 Naturale dicitur etiam illud , quod conuenit rei in primo instanti suæ natiuitatis . 213. 14.
 Necessitas alia simpliciter , alia secundum quid . 170. 2.
 Necessitas proueniens ab actu non tollit libertatem . 309. à 8.
 Necessitas consequens , & antecedens . 1bid. 9.
 Negatio fundatur super affirmationem . 37. 7.
 Nemo potuit saluari , nec potest , aut poterit , nisi per Christum . 320. 5.
 Nestorius duas personas admisit in Christo . 5. 17.
 Negauit naturam humanam assumptam fuisse in vnitatem personæ Diuinæ . 125. 1.
 Alij eiusdem erroris . 1bidem .
 Eius hæresis moderata . 138. 17.

Niniues euersio . 235. 23.
 Noe asportauit corpus Adæ in arcam . 332. 7.
 Nox , in qua non possumus operari . 251. 19.
 Nummus habet duplicem valorem . 256. 41.
 Ex eo , quod fiat pretium , vel pignus , acquirit solam relationem relationis . 12. 5.
 O Bedientia conuenit seruo . 196. 10.
 Relatiue dicitur ad præceptum . 304. 9.
 Quò amantiùs fit , eò magis voluntaria . 305. 10.
 Proprie non est , vbi non est rigorosum præceptum . 306. 14.
 Obedientia , & inobedientia nequeunt simul poni respectu eiusdem rei præceptæ . 309. 10.
 Obedientia Christi durauit à primo vsque ad vltimum instans vitæ . 308. à 8.
 Non potuit tolli . 305. 11.
 Obiectum scientiæ per se infusæ est ens supernaturalis creatum . 283. 7. & 10.
 Obiectum specificatiuum aliud intrinsecum , & aliud extrinsecum . 284. 11.
 Obiectum primum , & secundarium eodem actu attinguntur . 250. 17.
 Obiecta partialia non multiplicant actus , & potentias . 290. 32.
 Oblationes Gentilium , Hebræorum , & Christianorum . 319. à 1.
 Obligationis definitio . 97. 29.
 Occasio dicitur causa lato modo . 62. 4. & 62. 29.
 Obseruantia præcepti est signum dilectionis . 304. 9.
 Offensa illata per superbiam non redimitur , nisi per humilitatem . 261. 12.
 Specificatur à dignitate personæ offensæ . 1bidem . 14.
 Quomodo requirit cognitionem ? 1bidem .
 Non minuitur ex passione . 1bidem .
 Lædit ius personæ offensæ . 259. à 2.
 Offensa , & satisfactio priuatiue opponuntur . 260. 8.
 Offensa non ita displicet Deo , sicut ei placet sua bonitas . 265. 21.
 Oleum latitiæ quid significet ? 76. 13.
 Omnipotentia est simpliciter infinita . 313. 2.
 Opponitur infirmitati . 1bidem .
 Importat omne esse , & actum purum . 1bid.
 Non adæquatur per productionem creaturarum . 14. 2.
 Repugnat creaturæ . 276. 8. & 313. 2.
 Omniscientia repugnat creaturæ . 276. 8.
 Opera nostra sunt simul dona Dei . 366. 7.
 Operi ex pura misericordia nequit retribui ex iustitia . 81. 35.
 Opera facta ex præcepto quando sint perfectiora , quam opera facta sine præcepto ? 306. 74.
 Opera consilij , & reuerentiæ . 1bidem .
 Operari

SYLLABVS RERV.

- Operari sequitur ad esse. [76. 15.](#)
 Operatio duplex in Christo. [273. 1.](#)
 Oratio distinguitur a gratiarum [actione. 79. 25.](#)
 & [323. 13.](#)
 Essentialiter est ad alterum in natura, non in
 persona. [268. 17.](#)
 Proprie fuit in Christo. *Ibidem.*
 Non repugnat statui beato. [323. 13.](#)
 Est ascensio mentis in Deum. *Ibidem.* 14.
 Est actus elicited à virtute religionis. *Ibid.*
 Dirigitur ad personam. *Ibidem.*
 Orationes Sanctorum continuò deferuntur ad
 Deum pro nobis. [323. 13.](#)
 Ordo plurium ad vnum quadruplex est. 170. 1.
 Organizatio fetus est opus viri, non foeminae. [85. 7.](#)
 Originistæ dixerunt Christum esse creaturam.
 4. 10.
 Item animas creatas fuisse extra corpora.
[74. 11.](#) & [149. 1.](#)
 Ornamentum peccatoris incongruit innocent.
 ti. 227. 69
 Osias Rex lepra in fronte percussus interiit.
[322. 6.](#)
 Osiander Caluinista. [160. 2.](#)
 Ovis Christi componitur ex Angelis, & hominibus.
[240. 34.](#)
 Ovis significat genus humanum. [74. 15.](#)
- P**anes propositionis comedere licitum erat
 folis Sacerdotibus. [322. 7.](#)
 Papa regit Ecclesiam solum per influxum eternum.
[237. 26.](#)
 In occultam hæresim lapsus an esset caput
 visibile Ecclesie? *Ibidem.*
 Omnes eius actiones validæ. *Ibidem.*
 Est caput mortuum, quia esset sine fide,
 quæ est eius anima. *Ibidem.*
 Partes producuntur per eandem actionem, quæ
 producitur totum. [31. 17.](#)
 Aliquæ resolvuntur per actionem caloris
 naturalis. [166. 23.](#)
 Ordine constitutionis præcedunt totum;
 ordine verò operationis, & perfectionis
 totum sequuntur. [171. 7.](#)
 Realiter referuntur ad invicem, & ad totum,
 quia ad invicem causantur in diverso
 genere causæ. [329. 5.](#)
 Existunt in toto. [141. 32.](#)
 Pastoris parabola. [74. 15.](#)
 Pater Divinus potuit incarnari. 12.
 Si fuisset incarnatus, esset pater noster
 naturalis. 13. 10.
 Non esset Filius Dei naturalis. *Ibidem.* 11
 & [191. 18.](#)
 Nec esset filius adoptivus. [184. 23.](#)
 Pater, & Spiritus Sanctus spirant Spiritum
 Sanctum amantissime, & tamen non me-
 rentur. [307. 2.](#)
 Esset natus secundum naturam humanam,
 & innascibilis secundum naturam Divi-
 nam. [13. 12.](#)
 Paternitas, & spiratio activa non sunt duo
 principia. [18. 30.](#)
 Pater in humanis censetur moraliter vna per-
 sona cum Filio. [262. 12.](#)
 Paulus, & Barnabas adorari noluerunt à Ly-
 caonibus. [331. 15.](#)
 Pauli vestes sanabant ægros, & dæmonia-
 cos. [332. 7.](#)
 Pax constituta à Christo inter Angelos, & ho-
 mines. [241. 36.](#)
 Peccabilitas oritur ex nihilo. [296. 5.](#)
 Peccator differens confessionem non peccat.
[268. 18.](#)
 per Peccatum fit Diaboli membrum. [239. 28.](#)
 Potest elicere opera viua. *Ibidem.*
 Per vnum peccatum fit reus omnium quan-
 tum ad offensam, non quantum ad mali-
 tiam. [260. 8.](#)
 Habet obligationem satisfaciendi Deo sub-
 cundo supplicia, non ut liberetur à sup-
 plicijs. [269. 19.](#)
 Peccatores evertuntur à Deo dupliciter. [235. 23.](#)
 Decedentes in gratia non admittuntur ad
 gloriam, nisi purgati per ignis vlturam.
[236. 23.](#)
 Peccatum fuit occasio, non causa, aut ratio
 motiva incarnationis. [63. 4.](#) & [69. 28.](#)
 & [70. 30.](#)
 Peccatum originale fuit motuum primarium,
 personale verò motuum secundarium
 incarnationis. [71.](#)
 per Peccatum originale omnes excluduntur
 à gloria. [72. 8.](#)
 Peccatum originale duo requirit. [91. 2.](#)
 Est causa peccatorum personalium. [73. 10.](#)
 & [95. 21.](#)
 Ei debetur poena damni, & sensus. [74. 13.](#)
 Peccatum personale directè inficit personam,
 non naturam. [72. 10.](#) & [108. 73.](#)
 Nequit retractari, nisi per actum poeniten-
 tiæ. [226. 69.](#)
 Est formaliter iniustitia. [268. 18.](#)
 Peccatum alienum non est obiectum poeniten-
 tiæ. [229. 76.](#)
 Peccatum dicitur inferius inferior. [107. 70.](#)
 Peccatum consistit in privatione, & ideo in-
 auctione. [259. 2.](#)
 Non est in Deo receptivè intrinsecè, sed tan-
 tum denominativè extrinsecè. *Ibidem.*
 Est infinitum simpliciter in ratione offensæ.
[258.](#)
 Peccata non sunt paria. [260. 8.](#) & [262. 15.](#)
 Peccatorum mundatio est effectus Sacerdotij
 Christi, non Aaronis. [320. 4.](#)
 Persona quid significet? [129. 20.](#)
 Eius effectus formalis. [137. 18.](#)
 Eius definitio. [145. 6.](#)

SYLLABVS RERVM.

Per quid constituatur ?? *Ibidem*, & 7.
 Vna persona nequit esse imago alterius.
 331. 18.
 Persona Verbi post incarnationē dicitur com-
 posita. 159. 47.
 Ut suppositat naturam humanam, est sub do-
 minio Dei, & se Deo submittit. 257. 42.
 Personæ Diuinæ constituuntur formaliter per
 relationes. 147. 13.
 In eo, quo sunt plures, non potuerunt as-
 sumere eandem numero naturam crea-
 tam. 41.
 Vnica adoratione sunt colendæ. 205. 24.
 Personalitas importat duplicem negationem.
 136. 15.
 Ita se habet ad naturam, sicut species ad ge-
 nus. 128. 15.
 Importat positium cum negatio. 134. à 7.
 Importat substantiam cum duplici nega-
 tione. 147. 12.
 Consistit in positio. 132.
 Personalitas Verbi terminat naturam huma-
 nam, & Diuinam. 10. 13.
 Est simpliciter infinita, & ideo perfectè con-
 tinet omnem personalitatem creatam,
 cuius munerā potest obire. 9. 8.
 S. Petri confessio iuncta cum Christi interro-
 gatione perfectè explicat mysterium in-
 carnationis. 3. 7; & 181. 13.
 Adorari noluit à Cornelio. 331. 15.
 Petrus Fullo negauit adorationem imaginum.
 331. 2.
 Phantasmata materialia quomodo eleuentur
 ad educendam speciem immaterialem? 287. 19.
 Sunt necessaria ad excitandas species semi-
 sopitas. *Ibidem*.
 Philippicus negauit adorationem imaginum.
 331. 2.
 Photiniani dixerunt Christum esse purum ho-
 minum de patre temporali, & matre pro-
 creatum. 3. 6.
 Eorum damnatio. *Ibidem*. 7.
 Plato multa didicit in Ægypto. 7. 3.
 Plebecus nequit satisfacere offensæ illatæ Regi
 ad æqualitatem. 270. 5.
 Plenitudo gratiæ Christi, de qua omnes acce-
 pimur. 76. 14.
 In quo differat à plenitudine B. Mariæ Vir-
 ginis, & aliorum Sanctorum? 220. 48.
 Fuit intensiua, & extensiua. 224. 55.
 Pœna ad tria comparatur. 56. 11; & 268. 16.
 Pœnitentiæ ethimologia, & definitio. 226. 69.
 Non fuit in Christo. *Ibidem*.
 Est de peccato proprio, non alieno. *Ibidem*.
 Pontifex Summus in lege noua est Episcopus
 Romanus. 319. 2.
 Pontifex quasi pontem se faciens inter Deum,
 & homines. *Ibidem*.
 Alius magnus, alius summus. *Ibidem*.
 Mag. Frideric. Nic. Ganardi Tom. 5.

Eius officium. *Ibidem*.
 Differt in excellentia, & perfectione cara-
 cteris à Sacerdotibus simplicibus. *Ibidem*.
 Dicitur Princeps Sacerdotum. *Ibidem*.
 Porphirius Siculus apostata scripsit quindecim
 libros contra Religionem Christianam.
 7. 2.
 Potentiæ non multiplicantur ad multiplica-
 tionem obiectorum partialium. 290. 32.
 Potentia, actus, & obiectum debent aritme-
 ticè proportionari. 277. 10.
 Potentia superior attingit omnia ea, quæ at-
 tinguntur à potentia inferiori, non è contra.
 286. 17.
 Potentiæ sensitiuæ operantur præsentibus ob-
 iectis. 294. 12.
 Potentia passiuæ non determinatur, nisi per
 actum sibi proprium. 135. 13.
 Potentia naturalis, & obediencialis. 26. 13.
 Potentia operatiua duplex est in Christo.
 273. 1.
 Potentia proxima peccandi non constituitur
 per concursum Dei. 297. 6.
 Constituitur per actum primum, qui est
 principium peccandi. *Ibidem*. 7.
 Est culpabilis inchoatiuè. 301. 15.
 Non fuit in Christo. 298. à 8.
 Est defectus, non perfectio libertatis. 308.
 à 7.
 Potentia radicalis remota est purum liberum
 arbitrium creatum, seu voluntas creata,
 quæ potest peccare. 296. 5.
 Potentialitas passiuæ est radix erroris, & mali-
 tiæ. 217. 39.
 Potestas quoad nutum, & quoad vsum.
 325. 4.
 Præcepti definitio. 303. 6.
 Aliud paternum, aliud seruile. *Ibidem*.
 Quomodo sit voluntarium? *Ibidem*. 7.
 Quid requiratur ad præceptum? *Ibidem*. 8.
 Non tollit libertatem, sed perficit. 305. 16.
 & 309. à 8.
 Præcepti necessitas non est antecedens, sed
 consequens. 307. 4.
 Aliquando significat permissionem, & con-
 silium. 305. 13.
 Præceptum, quod impletur timore pœnæ, non
 amore iustitiæ, seruilitèr impletur; non
 liberaliter. *Ibidem*. 12.
 Præceptum seruile, & coactiuum imponitur
 seruo legali, & paternum filio. *Ibidem*.
 Præceptum inferens necessitatem anteceden-
 tem est coactiuum. 308. 6.
 Præceptum non est impossibile cum trans-
 gressionem. *Ibidem*; & 310. 13.
 Præceptorum obseruatiua est necessaria ad ma-
 nendum in dilectione Dei. 305. 9.
 Præceptum impositum Christo subeundi mor-
 tem fuit verum, & rigorosum præcep-
 tum. 302.

SYLLABVS RERVM.

An fuerit naturale, vel positium? 306. 15.
 Præceptum fuit impositum Christo, ut homini,
 non ut Deo. *Ibidem.* 13.
 Fuit eiusdem rationis cum præceptis nobis
 impositis. 304. 9.
 Dispensatio à tali præcepto fuit irreducibili
 ad actum etiam in potentia Dei absolu-
 ta. 305. 11.
 Prædestinatio ad gloriam fuit post decretum
 creationis. 68. 27.
 Est gratia facta prædestinato. 173. 2.
 Est per ordinem ad aliquod æternum. *Ibidem.*
 Est providentia specialis respiciens perso-
 nas singulares. *Ibidem.* 7.
 Ad illam requiruntur septem conditiones.
193. 10.
 Prædestinatio Christi fuit exemplar nostræ
 prædestinationis. 173. 3.
 Fuit causa exemplaris effectus executionis,
 non intentionis nostræ prædestinationis.
191. 1.
 Prædestinatio Christi non fuit per ordinem ad
 declarationem, aut manifestationem fili-
 ationis Dei naturalis. 173. 2.
 Nec per ordinem ad virtutem miraculo-
 rum. 173. 3.
 Nec fuit principaliter per ordinem ad glo-
 riam animæ. *Ibidem.* 4.
 Nec per ordinem ad gratiam, & alia dona.
193. 12.
 Sed fuit per ordinem ad filiationem Dei
 naturalem principaliter, quamvis ex
 consequenti fuerit etiam ad alia. 176.
 à 19.
 Prædestinationis Christi subiectum, & termi-
 nus quænam sint? *Vid. terminus, & sub-*
iectum.
 Prædestinationis Christi, & nostræ duplex si-
 militudo, & triplex dissimilitudo. 191. 3.
 Prædestino apud prophanos sumitur pro de-
 claro; in sacra tamen Scriptura sumitur
 pro definitio. 175. 17.
 Prædestinatio latè sumpta conuenit omnibus
 creaturis. 193. 11.
 Prædestinare, & prædestinari opponuntur,
 sicut facere, & fieri; & sicut satisfacere,
 & satisfieri. 175. 16.
 Prædestinatio est proprium solius Dei, & præ-
 destinari est proprium solius creaturæ.
Ibidem.
 Prædicata essentialia Dei non sunt infinita se-
 cundum numerum; eminentialia verò
 sunt numericè infinita. 279. 14.
 Præponere primario secundarium, seu nobi-
 liori ignobilius est peruersa ordinatio.
173. 4.
 Primum quomodo sit causa cæterorum?
244. 40.
 Primus homo fuit factus de terra virgine sine

semine, & sine complexu maris, & se-
 minæ. 3. 5; & 93. 15.
 Primus homo de terra terrenus; secundus
 Adam de Cælo cælestis. *Ibidem.* & 4. 12.
 & 100. 49.
 Principium aliud est principium quod, aliud
 principium quo. 255. 37.
 Principium formale debet correspondere ter-
 mino formali. 208. 9.
 Principium meriti nequit cadere sub merito.
77. 18; & 19; & 82. 38.
 Prioritas naturæ dicit solam dependentiam
 causalitatis, non prioritatem durationis.
117. 20; & 142. 38; & 172. 8.
 Priscillianistarum hæresis, & damnatio. 160. 1.
 Priuatio commensuratur cum forma, cui op-
 ponitur. 260. 9.
 Proclianæ negauerunt Christum in carne
 venisse. 4. 10.
 Productio, & emanatio, in quo differant?
215. 32.
 Prophetæ abstractiue Deum viderunt. 274. 2.
 Prophetia quid importet formaliter? 228. 73.
 In homine purè viatore vitur lumine fidei
 obscuro, quamvis non repugnet ipsam
 uti etiam lumine gloriæ claro. *Ibi-*
dem. 74.
 Spectat solum ad Ecclesiam militantem,
 quia est per ordinem ad vitam æternam
 acquirendam. *Ibid.* 73.
 Verè fuit in Christo. *Ibidem.* à 72.
 Prophetia de vngendo Christo à Spiritu San-
 cto quando, & quomodo fuerit impleta?
224. 54.
 Proportio commensurationis nequit dari in-
 ter Deum, & creaturas, sed tantum
 proportio ordinis. 11. 15; & 23. 53.
 Proportio obiecti formalis cum potentia spe-
 cificata à tali obiecto sumi debet nedum
 secundum intentionem, sed etiam secun-
 dum extensionem. 277. 11.
 Proprietas non producitur efficienter à sua es-
 sentia. 213. 26.
 Commensuratur per adæquationem cum
 essentia. 220. 49; & 276. 8.
 Pulcritudo summa quænam sit? 93. 12.
 Fuit in sola B. Virgine Maria. *Ibidem.*
 Purgatio à sordibus naturæ est in omnibus
 creaturis etiam in Angelis; non autem
 purgatio à sordibus culpæ. 108. 76.

Qualitas fundat relationem similitudinis,
 & dissimilitudinis. 187. 7.
 Nequit infinite intendi, nec etiam sin-
 cathegorematicè in infinitum. 223. 53.
 Qualitates elementorum competunt primis
 quatuor humoribus, qui constituunt ve-
 getans corpus. 167. 24.
 Quantitas fundat relationem æqualitatis, &
 inæqualitatis. 187. 7.

Quan-

SYLLABVS RERVM.

Quantitas finita deficit à quantitate infinita. 254. 2. 1.

Rabbini antiqui dixerunt matrem Mes-
siae producendam esse sine peccato origi-
nali. 93. 16.

Ratio non infirmatur ex eo, quòd negetur ab
aliquibus. 301. 17.

Rectum prædicati nequit formaliter esse re-
ctum subiecti. 18. 29.

Rectum est index sui, & obliqui. 260. à 8.

Redemptio alia præseruatua, alia est reconcili-
litiua. 107. 70.

Regnum aliud est particulare, aliud vniuersa-
le. 325. 5.

Eius denominatio sæpè sumitur à metro-
poli, vel à prouincia principaliori. *Ibid.*

Regna terrestria, quoniam semper sunt in mo-
tu, & fluant. dicenda sunt potiùs exilia,
quàm Regna. 326. 9.

Regnum Christi spirituale. 111. 15; & 325. 2.

Non est de hoc mundo, est tamen in hoc
mundo. 326. 9.

Accipi debet temporaliter, & spiritualiter.
Ibidem.

Regulæ multiplicatio non multiplicat actum,
vel habitum. 250. 16.

Relatio non distiguitur realiter à suo subie-
cto. 113. 4.

Non mutat realiter subiectum, cui aduenit.
12. 5.

Eius fundamentum. 118. 22.

Constituatur ex ratione fundandi, & termi-
no. 187. 8.

Multiplicatur ad multiplicationem funda-
menti, vel subiecti. 187. 7; & 188. 11.

Relatio Creatoris ad creaturam, & Domini
ad seruum trahitur ad modum relationis
mensuræ, & mensurati. 190. 15.

Relatio paternitatis non multiplicatur ad mul-
tiplicationem filiorum. *Ibidem.*

Relationes specie diuersæ reperiuntur realiter
in eodem subiecto. 188. 11.

Relationis fundamentum, & subiectum reali-
ter inter se distinguuntur. 187. 9.

Relatio Diuina, & essentia sunt formaliter in-
finitæ per vnã, & eandem indiuisibilem,
infinitatem. 22. 49.

Relatio, vt relatio habet realiter distinguere.
146. 11.

Habet alia plura munera. *Ibidem.*

Importat formaliter perfectionem, & for-
maliter sanctificationem. 205. 24.

Immediatè, & proximè fundatur in natura
Diuina. 187. à 7.

Relatio rationis duplex interuenit in mysterio
incarnationis. 12. 6.

Religio dicitur à ligando, eo quòd liget ho-
mines Deo dicatos ad strictius ei feruieu-
dum. 328. 1.

Mag. Frideric. Nic. Gauardi Tom. 5.

Essentialiter est ad alterum in natura, non
autem in persona. 268. 17.

Reliquiæ sunt adorandæ eadem adoratione,
qua adorantur ij, quorum sunt reliquiæ.
331.

Res nulla potest esse in aliqua specie, & non in
aliquo genere, quàm in specie; & priùs
in specie, quàm in indiuiduo. 171. 4.

Reuelationes S. Birgittæ circa puritatem im-
maculatam B. V. Mariæ. 94. 17.

Reuelationes Amedei apocriphæ in Bibliotheca
Excursialis. 108. 74.

Reuerentia principaliter est erga personam.
255. 35.

Rex habet potestatem quoad nutum in ditio-
nibus Principum contentos in suo Regno.
325. 5.

Ruinæ Angelorum reparatio. 241. 36.

Sacerdos alius simplex, alius magnus.

319. 2.
Eius officium est offerre pro peccatis. 323. 10; & 11.

Sacerdotes naturales instituebantur primoge-
niti gentilium. 319. 1.

Sacerdotes in lege naturæ fuerunt vnũ oleo
inuisibilis gratiæ. *Ibidem.*

Sacerdotes legales, seu Leuitici fuerunt plu-
res, vnus verò tantum est in lege gratiæ,
nempe Christus Dominus. 321. 5.

Sacerdotes Leuitici nascebantur, non fiebant.
Ibidem. 6.

Vetitum erat Sacerdotibus Leuiticis habere
duas uxores. *Ibidem.*

Sacerdotes Leuitici de lege communi fuerunt
tantum de familia Aaron; ex dispensa-
tione autem speciali fuit etiam de fami-
lia Ithamar; nempe Samuel. 322. 7.

Sacerdotes ante Christum erant circumdati in-
firmitate; solus Christus fuit sine infirmi-
tate peccati; ideo illi debuerunt offerre
pro se, & pro populo, Christus autem
tantum obtulit se ipsum pro nobis. 300. 16.

Sacerdotes omnes Euangelici offerunt in per-
sona vnus Summi Sacerdotis Christi,
tanquam ipsius ministri. 323. 10.

Sacerdotium triplex. 319. 1.

Sacerdotis legalis, & naturalis duplex discri-
men. *Ibidem.*

Sacerdotij Christi, seu Euangelici quadruplex
differentia. 320. 3.

Sacerdotium naturale fuit ex institutione hu-
mana; incepit ab exordio mundi; & fuit
à ratione naturali præscriptum. 319. 1.

Fuit etiam institutũ à Deo, quatenus Deus
scripsit in cordibus hominum legem natu-
ralem, quæ dictauit Deo esse offeren-
dum in signum subiectionis, & seruitu-
tis, quam creatura debet Deo profiteri.
Ibidem.

SYLLABVS RERVM.

Sacerdotium legale dicitur etiam Leuiticum, & Aaronicum. *Ibidem*.
 Fuit figura Sacerdotij Christi. 320. 4.
 Non mundabatur à peccatis. *Ibidem*.
 Fuit sumptum à gentibus, & à Sacerdotio Christi. *Ibidem*.
 Sacerdotij Aaronici translatio fuit figurata in Samuele, & impleta in Christo. 321. 5.
 Sacerdotij translatio fuit de familia in familiâ, & de tribu in tribum; non autem de patre in filium. 324. 2.
 Sacerdotium Melchisedech inter, & Sacerdotium Aaronicum assignantur quinque discrimina. 420. 4.
 Sacerdotium Melchisedech fuit perfectius Sacerdotio Aaronico quantum ad expressionem figurati, non autem quantum ad ritus, & ceremonias. 323. 9.
 Sacerdotium Christi dicitur Euangelicum, & gratiæ. 319. 1.
 Fuit immediatè à solo Deo institutum. *Ibidem*.
 Est æternum ratione personæ offerentis, rei oblatae, & effectum oblationis. 320. 4.
 Fuit secundum ordinem Melchisedech, non secundum ordinem Aaron; quia est sub speciebus panis, & vini. *Ibidem*.
 Persona offerens, & res oblata est persona Christi. 320. 5.
 Sacrificia vetera à Christo euacuata. 320. 4.
 Sacrificia Euangelica offeruntur Deo in memoriam Sanctorum. 331. 19.
 Sagena missa in mare significat Ecclesiam. 238. 27.
 Sacramenta veteris legis erant umbræ, & figure Sacramentorum nouæ legis. 111. 13.
 Sacramenta nouæ legis fluxerunt è vulnere lateris Christi. 247. 11.
 Causant gratiam instrumentaliter physicè indirectè tantum, non directè. 315. 13.
 Sunt vasa plena gratiæ, quam continent; & in hoc differunt à Sacramentis veteris legis, quæ erant vasa egena, & vacua. *Ibidem*.
 Salutis media plura sunt. 61. 9.
 Saluiferum, meritorium, & satisfactorium distinguuntur. 247. 6.
 Samaritana cognouit Christum esse prophetam. 228. 74.
 Samosateni dixerunt Christum esse purum hominem. 3. 6.
 Samuel verè fuit Sacerdos ex speciali Dei dispensatione. 321. à 6.
 Sacrificauit in Bethleem ex speciali Dei dispensatione, dum tabernaculum esset in Silo, & nullus Sacerdos erat in Bethleem. 322. 7.
 Figurauit Sacerdotium Aaronicum simul cum Regno transferendum esse in Christum. *Ibidem*.

Fuit simul Sacerdos, & Iudex populi. *Ibid*.
 Sanctitas est excessus bonitatis; seu perfectio-
 nis. 217. 19.
 Sumitur ab actu puro. *Ibidem*.
 Sanctitas alia substantialis, alia accidentalis. 198. à 1.
 Alia est ratione officij, & status. *Ibidem in prol*.
 Sanctitati substantiali repugnat simpliciter peccare; quia secum affert impeccabilitatem simpliciter. 299. 11.
 Conuenit essentialiter nedum naturæ Diuinæ, sed etiam Diuinis suppositis prae-
 cis à natura Diuina. 205. 24.
 Sanctitas substantialis nõ est forma intrinsicè in-
 inhærens naturæ creatæ; sed assumens in-
 uinitatem persone. 200. 5.
 Sanctitas substantialis in Deo duplex est for-
 maliter virtualiter; alia absoluta, & hæc
 est attributum essentia Diuinæ; alia re-
 latiuæ; & hæc triplex est, sicut triplex est
 relatio constitutiuæ trium personarum.
 Diuinarum. 205. 24.
 Sanctitas substantialis Christi, vt hominis, fuit
 simpliciter finita, & tantum secundum
 quid infinita. 216.
 Non tamen potuit augeri. 220. à 49.
 Sanctitas accidentalis Christi fuit simpliciter
 finita secundum intensionem. 218. à 40.
 Et in ratione differentiali gratiæ. *Ibidem* 43.
 Et moraliter. 219. 44.
 Vid. v. Gratia.
 Non potuit augeri, nec mereri augmen-
 tum sui. *Ibidem*.
 Sanctificatio est eleuatio ad esse Diuinum siue
 substantialiter, siue accidentaliter; per
 quam eleuationem efficiunt Diuinæ cõ-
 fortes naturæ. 200. 5.
 Alia est per informationem, & inhætionem;
 alia per assumptionem. 199. 5.
 Sanguis se habet ad corpus, sicut oleum ad lu-
 men. 169. 29.
 Sanguis nutritiualis quinam sit? 161. 8.
 Sanguis ter purificatur. *Ibidem*. 7.
 Est alimentum iam transmutatum in sub-
 stantiam aliti. 169. 29.
 Est pars pertinens ad substantiam aliti. 164.
 à 19; & 169. 30.
 Sanguis Christi effusus fuit remissiuius, iusti-
 ficatiuius, & redemptiuius. 166. 22.
 Sanguis effusus in cruce non fuit corruptus in
 triduo mortis. 170. 31.
 An remanserit sanguis in terris, quo asper-
 sa fuerunt instrumenta passionis, nempe
 crux, clauis, flagella, sudarium &c; vel
 fuerit post resurrectionem reassumptus?
Ibidem. 32.
 Vna sanguinis gutta fuit sufficiens ad redẽ-
 ptionem totius generis humani. 162. 13.
 Sanguis lateris Christi effusus post mortem
 fuit

SYLLABVS RERVM.

- fuit satisfactorius, & remissius peccatorum. 248. 11.
- Sanguis ex vi consecrationis formaliter ponitur in calice. 164. 19.
- Sanguis est pars naturaliter connexa cum carne necessaria ad vitam hominis. 163. 17; & 168. 27.
- Sanguis miraculosè fluxit ex imagine Christi in Ciuitate Beryti in Syria à Iudæis percussa, & transfusa. 162. 12.
- Sanguis hircorum, & taurorum effusus in sacrificij veteris legis non iustificabat. 263. 17.
- Satisfactio pro peccatis generis humani facta Diuinæ iustitiæ tolerando poenas hominibus debitas &c. 56. 11.
- Non potuit esse, nisi ab homine Deo. 255. 33.
- Non potuit non esse superabundans ad debitum. 258. 44.
- Non excludit satisfactionem nostram. *Ibid;* & 265. 21.
- Obligauit Deum ad ei retribuendum. *Ibid.*
- Satisfactio Christi fuit ab intrinseco nedum æqualis intensiue, & extensiue, sed etiam superabundans. 262.
- Fuisset sufficiens ad redimendos etiam infinitos Angelos, si illis applicata fuisset. 264. 19.
- Includit valorem satisfactorium omnium hominum possibilem, quia est infiniti valoris. 267. 12.
- Fuit de toto rigore iustitiæ vindicatiue, non commutatiue. 265.
- Resarcuit ius læsum quoad substantiam, & circumstantias. 267. 12.
- Fuit emptio, redemptio, & pretium nostræ salutis. 269. 21.
- Satisfactio æquat iura creditoris, & debitoris. 263. 17.
- Constituit æqualitatem inter iniuriam, & ossequium. 272. 11.
- Est ad alterum in natura; non autem in persona. 268. 17.
- Satisfactio alia est pœnalis, alia realis. 267. 15.
- Satisfactio vnius creaturæ, quia est finita, non includit satisfactionem alterius creaturæ. *Ibidem.* 12.
- Satisfactionis dilatio non inducit nouum debitum, nisi ratione damni continuo illati. 268. 18.
- Schismatici non sunt actu membra Ecclesiæ. 236. 24.
- Propter fraternam discordiam sunt separati ab vnione Ecclesiæ. *Ibidem.*
- Significantur per aristas fractas, & discissas. 238. 27.
- Scientia essentialiter innititur alicui lumini. 280. 4.
- Potest etiam esse de particularibus. 287. 18.
- Mag. Frideric. Nic. Gauardi Tom. 5.*
- Scientia Dei nequit præcisiuè cognoscere. 66. 21.
- Terminatur vnico actu ad obiectum primum, & secundarium. 152. 15.
- Scientia visionis versatur circa creaturas futuras positiuè, & negatiuè. 275. 7.
- Eius infallibilitas non officit libertati. 279. 15.
- Scientia supernaturalis, quæ est donum Spiritus Sancti, & est per se infusa, datur in Christo; non autem scientia supernaturalis abstractiue cognoscens entia supernaturalia. 250. 16; & 252. 25; & 280.
- Scientia triplex fuit in Christo ultra visionem beatam. 281. 4.
- Scientia per se infusa debetur naturæ humanæ hypostaticè eleuata. 283. 9.
- Præsupponit cognitionem Trinitatis. 284. 11.
- Est independens à speciebus materialibus quantum ad sui productionem, non quantum ad modum operandi proprium statui hominis viatoris. 288. 21.
- Scientia per se infusa, quæ est donum Spiritus Sancti, habet pro obiecto entia supernaturalia creata. 283. 7; & 10.
- Non est abstractiua. *Ibidem.*
- Nec comprehensua. *Ibidem.* 8.
- Scientia Christi per se infusa non est discursiua quantum ad acquisitionem, sed solum quantum ad cognitionem per conuersionem ad phantasmata. 288. à 23.
- Secundum se est independens à phantasmatibus; potest tamen dependere ratione subiecti. 289. 28.
- Eodem modo est enunciativa, quod est discursiua. *Ibidem.* 29.
- Distinguitur à speciebus, & à lumine, & est vnus tantum habitus speciei. 290. 32.
- Scientiæ, & alia dona siue naturalia, siue supernaturalia fuerunt in Christo *per modum* habitus immobiliter permanentis. *Ibidem.* 33.
- Scientia abstractiue cognoscens est rusticana. 281. 4.
- Quid sit propriè loquendo abstractiue cognoscere? 283. 7.
- Scientia matutina, vespertina, & meridiana, in quo consistant. 282. 6.
- Scientia naturalis cognoscit à priori, & à posteriori. *Ibidem.*
- Scientia subalternata præsupponit principia cognita per scientiam subalternantem. 284. 11.
- Scientia superior cognoscit etiam ea, quæ cognoscuntur per scientiam inferiorem, non è contra. 286. 17.
- Scientia experimentalis, in quo consistat? 293. 10.
- In Christo fuit acquisita. *Ibidem.*

SYLLABVS RERV.

- Scientia naturalis per se infusa non datur, nec fuit in Christo . 295. 14.
- Scientiæ naturales omnes fuerunt in Christo in primo instanti suæ conceptionis quantum ad entitatem suorum habituum, non quantum ad usum experimentalem . 229. 75.
- Scientiæ communicatio in statu innocentie non fuisset per instructionem, & disciplinam, sed per solam communicationem naturæ . 294. 11.
- Scriptura debet intelligi in sensu literali, quando nullum sequitur inconueniens . 304. 9; & 306. 13.
- Secreta cordium cognoscuntur per scientiam, quæ est donum Spiritus Sancti . 285. 12.
- Seminis decisio corrumpit virginitatem . 85. 6.
- Emissio feminis tantum accidentaliter concurrat ad generationem foetus . 87. 12.
- Sensus abstrahunt à materia, non autem à conditionibus materiæ . 289. 30; & 294. 12.
- Quomodo in ipsis producantur phantasmata materialia ? 287. 19.
- Separatio à Deo est peccatum . 201. 10.
- Separatio à materia importat spiritualitatem . 29. 11.
- Seruitus dicit solam subiectionem naturæ inferioris ad personam habentem naturam superiorem . 184. 23.
- Triplex est . 194. 2; & 303. 6.
- Seruitutis conditiones . 194. à 6.
- Est impossibilis cum filiatione . 193. 2.
- Seruitutis legalis definitio . 194. 5.
- Et seruitutis naturalis . *Ibidem*. 7.
- Seruitus peccati . 196. 11.
- Seruitus dicitur nedum de persona, sed etiam de natura . 198. 13.
- Seruituti merè naturali potest ex gratia conuenire communicare in bonis domini, dominio, cultu, honore, & sede . 195. 7.
- Serua assumpta in matrimonium Regis, fit libera . 195. 8.
- Seruus nequit alium seruum redimere se tradendo in seruitutem loco illius . 90. 1.
- Nihil meretur ex iustitia . 270. à 7.
- Seruus non est ita in potestate domini, sicut creatura est in potestate Dei . 195. 7.
- Significari in recto, & implicite repugnat in terminis . 17. 28.
- Similitudo multas secum habet dissimilitudines . 8. 6.
- Similitudo inter vnionem animæ cum carne, & vnionem naturæ humanæ cum persona Verbi . *Ibidem*.
- Cum hac dissimilitudine stant simul octo dissimilitudines . *Ibidem*.
- Simpliciter accipitur dupliciter, 254. 30; & 257. 43; & 300. 16.
- Solis lux est infinita tantum secundum quid, non simpliciter . 222. 52.
- Specierum materialium necessitas . 293. 11.
- Species, vel obiectum essentialiter requiritur ad cognitionem . 285. 13.
- Specierum productio in potetijis sensitiuis, & in intellectu possibili quomodo fiat ? 287. 19.
- Species Angelicæ representant tantum obiecta actualiter existentia, non futura . 285. 15.
- Species supernaturales possunt representare etiam obiecta naturalia . *Ibidem*.
- Species supernaturales infusæ animæ Christi sunt minus vniuersales, quam species Angelorum . 286. 18; & 289. 30.
- Plura tamen indiuidua, & clarius representant species animæ Christi, quam species Angelicæ . *Ibidem*.
- Species conueniuntur cum natura, cuius sunt propriæ . *Ibidem*.
- Specificatio, & multiplicatio ab eodem sumuntur . 150. 7.
- Spes Theologica non fuit in Christo . 226. 67; & 250. 16.
- Est impossibilis cum visione beata . *Ibid*.
- Spiratio actiua, & passiuæ non vniuntur naturæ Diuinæ constituendo vnum totum terminans naturam humanam in Christo . 205. 25.
- Spiratio, & paternitas sunt duo principia . 18. 30.
- Spiritus Sanctus dicitur cor Ecclesiæ . 231. 9.
- Potuit incarnari . 12.
- Si fuisset incarnatus, non esset filius Dei adoptiuus, neque naturalis . 184. 23.
- Spiritus dicitur sex modis . 171. 5.
- Status innocentie exigebat omnia dona naturalia, & supernaturalia connexa cum iustitia originali . 294. 11.
- Status viæ requiritur ad meritum initiatiuæ, & formaliter . 248. 13.
- S. Stephanus Protomartyr quomodo dicitur repletus Spiritus Sancto ? 209. 12.
- Meruit conuersionem Diui Pauli . 272. 12.
- Subiectū inhesionis, & denominationis quodnam sit ? 189. 12.
- Subiectum distinguitur à prædicato . 193. 9.
- Subiecti, & prædicati definitio . *Ibidem*.
- Subiectum prædestinationis Christi Domini quodnam sit ? 172.
- Subsistentia importat aliquod positium . 132.
- In creaturis distinguitur realiter ab essentia . 134. 10.
- Eius ethimologia . 133. à 5.
- Importat esse independentem à subiecto, non à supposito . *Ibidem*.
- Eius effectus formalis . 137. 18.
- Subsistentia partialis non datur . 133. 5.
- Subsistentia accidentaliter aduenit essentiæ creatæ . 9. 9; & 10. 12.
- Non est forma totius . 10. à 10.
- Est de ratione personæ, & suppositi, ac indiuidui per se existentis . 129. 21.
- Distinguitur à suppositiuitate . 132. 5.
- Subsi-

SYLLABVS RERVM.

Subsistentia realiter differt à natura. 136. 14.
 Quomodo differt ab existentia? 138. 20.
 Subsistentia creata non fuit in Christo. *Ibidem.*
 à 21.
 Nec potuit assumi. 136. 14.
 Subsistentia Diuina importat aliquid absolu-
 tum formaliter. 174. 11.
 Non importat formaliter filiationem Diui-
 nam. 183. 21.
 Substantia est magis ens positium, quàm ac-
 cidens. 132. 4.
 Constituitur formaliter per existentiam in-
 se, & per se apertudinaliter. *Ibidem.*
 Substantiæ primæ maximè conuenit subsistere.
 133. 5.
 Substantia communiter dicitur de natura, &
 supposito. 18. 30.
 Substantia quomodo dicatur de Deo, & crea-
 turis? 145. 6.
 Subsistentia potest esse absque informatione.
 9. 9.
 Superior, & subditus triplex. 373. 6.
 Supernaturalia nequeunt etiam imperfectè co-
 gnosci per cognitionem naturalem. 48. 10.
 Supposititas non debet confundi cum subsi-
 stentia. 132. 5.
 Est vltimus naturæ terminus. *Ibidem*; & 131.
 32; & 135. 13.
 Dicit negationem efficiendi in alio. 130. 23.
 Supposititas creata habet munus informandi
 accidentaliter; munus verò determinan-
 di, & sustentandi habet essentialiter. 23.
 50.
 Supposititas nedum in rebus materialibus,
 sed etiam in Angelis differt realiter à na-
 tura. 28. 23.
 Suppositum quid significet? 129. 20.
 Spectat ad rectam lineam prædicamenti sub-
 stantiæ. *Ibidem.* 21.
 Eius etimologia. 131. 27.
 De ipso nequit prædicari natura abstractè
 sumpta. *Ibidem.* 32.
 Suppositum per se producitur, & corrumpitur.
 135. 13.
 Subsistentat naturam. *Ibidem.*
 Supposito conuenit agere, & pati ratione na-
 turæ. 24. 4.
 Est principium elicitium quod actionis, non
 tantum denominatiuum. 298. 9.
 Suppositum eminenter multiplex potest termi-
 nare plures naturas. 131. 27.
 Suppositum Verbi supplet munus suppositi hu-
 mani demptis imperfectionibus. 159. 46;
 & 190. 16.
 Continet eminenter omne suppositum. 9. 8.
 Dicitur incarnatum, passum, crucifixum ra-
 tione humanæ naturæ. 174. 14; & 188. 11;
 & 190. 16.
 Ei conuenit pati solum ratione naturæ hu-
 manæ. 25. 7.

Terminat naturam Diuinam, & humanam.
 188. 11.
 Potuit terminare naturam humanam solum
 in ratione suppositi, non in ratione Filij.
 177. 23.
 Suppositum Christi non constituitur per natu-
 ram humanam, sed præsupponitur, quia
 natura humana ad illud assumitur. 158.
 43.
 Suppositum Christi est impeccabile per natu-
 ram, quia dicit omne esse. 221. 50.
 Per solam naturam humanam potuit mereri.
 302. 19.
 Suppositum creatum nequit terminare alienam
 naturam. 19.
 Nequit assumi à Deo. 32. 1.
 Sybillæ prædixerunt incarnationem futuram.
 7. 3.

Templum mysticè significat corpus, & ani-
 mam. 127. 15.
 Templi Salomonis ædificatio fuit figura for-
 mationis corporis humani in ventre ma-
 tris. 192. 5.
 Temporis plenitudo. 60. 11.
 Tempus operandi, & merendi est vita præsens;
 tempus verò retribuendi est vita futura.
 247. 10.
 Tentatio Christi fuit merè externa. 302. 21.
 Terminus actionis nequit actionem præcede-
 re, aliter non esset terminus, sed princi-
 pium illius. 128. 16.
 Terminus vltimus est indiuisibilis. 133. 5.
 Terminus totalis solum multiplicat, & specifi-
 cat actionem. 150. 7; & 153. à 17.
 Terminus qui, & terminus quo productionis,
 quinam sint? 143. 40; & 154. 20; & 155.
 26.
 Terminus prædestinationis debet præexistere
 subiecto prædestinato; terminus autem
 factionis non debet præexistere. 178. 26.
 Terminus formalis, & subiectum prædestina-
 tionis possunt identificari. 177. 22.
 Terminus totalis qui actionis assumptiæ, qua
 natura humana fuit vnita personæ Verbi,
 est Christus. 154.
 Terminus formalis quo actionis assumptiæ est
 vnitas personæ Verbi, seu filatio Dei
 naturalis. *Ibidem*; & 176. à 19.
 Terminus à quo actionis assumptiæ quinam
 sit? 157. 38.
 Terminari à pluribus in diuerso genere non
 repugnat; adequatè tamen terminari à
 pluribus in eodem genere repugnat. 211.
 16.
 Terra Sacerdotalis fuit libera ab omni tributo.
 106. 67.
 Terra scabellum pedum Dei. 329. 4.
 Theodori Mopsuestiæ Episcopi hæresis, &
 damnatio. 125. 1.

Afferuit

SYLLABVS RERVM.

- Afferuit etiam Christum passum fuisse carnis molestias; quod fuit damnatum in V. Syn. 302. 20.
- Theologia viatorum, & beatorum est eiusdem rationis. 284. 10.
- Theopaschitz negarunt adorationem imaginum. 331. 2.
- Theosebia, seu pietas erga Deum. 328. 1.
- Totum propriè producit per se, partes verò producuntur solum rationem totius. 117. 21.
- Totius, & partium discrimen. 141. 32.
- Totum etherogeneum secundum diuersas partes dissimilares dicitur alitum, & alimentum. 169. 29.
- Transfiguratio corporis habetur per lumen gloriæ. 274. 2.
- Triduum mortis Christi non fuit compositum ex tribus integris diebus. 170. 31.
- Trischia, seu Religio. 328. 1.
- Tristitia summa potest stare simul cum summa lætitia in eodem composito secundum diuersas potentias, seu partes. 275. 3.
- V**alentiniani dixerunt Christum attulisse corpus ex profundo, illudque per Beatam Virginem Mariam, ceu per rimam, traiecisse. 4. 10.
- Valor moralis actionum non consistit in denominatione extrinseca, aut in qualitate, morali impressa, sed in relatione conformitatis ad principia moralia. 255. à 37.
- Valor moralis operum Christi fuit infinitus simpliciter per ordinem ad Diuinum suppositum, non per ordinem ad gratiam habitalem, habitum charitatis, & cætera, dona supernaturalia. 254. à 31.
- Habetur immediatè à supposito Verbi. 256. 41.
- Commenfuratur cum infinita sanctitate Diuini suppositi. 254. 31.
- Valor satisfactorius commenfuratur cum grauitate offensæ. 260. 8.
- Verbum Diuinum assumpsit carnem viuam. 2. 11; & 5. 14; & 171. 4.
- Assumpsit omnia prædicata essentialia, non personalia. 137. 17; & 142. 37.
- Assumpsit omnia ea, quæ faciunt ad integritatem hominis, & conueniunt naturaliter cum carne, & anima decepta personaritate. 161. 10; atque adeo assumpsit naturam sine subsistentia, & existentia creatam. 138.
- Verbum immediatè terminat naturam humanam, non ratione subsistentiæ, aut existentia Diuinæ, sed ratione filiationis, seu proprietatis relatiuæ constituentis personam Filij. 144.
- Verbum assumpsit carnem mediante anima, & animam mediante spiritu. 170.

- Ordine constitutionis, resolutionis, & causalitatis assumpsit totum mediatis partibus; ordine verò intentionis, perfectionis, & operationis assumpsit partes mediante toto. *Ibidem*.
- Verbum assumpsit naturam indiuiduam. 130. 35.
- Assumpsit totum sanguinem, humores, dentes, ungues, capillos, & alia, quæ faciunt ad integritatem naturalem hominis. 160.
- Verbum non assumpsit personam, nec hypostasim, nec indiuiduum per se existens. 128.
- Nec per se subsistens. 130. 22.
- Nec assumpsit hominem absolutè, & simpliciter. 131.
- Verbum assumpsit, quidquid plantauit Deus in natura humana, non quidquid plantauit Diabolus tentando. 294. 11.
- Verbum assumpsit carnem similem carni peccati, non carnem peccati. 90. à 1; & 302. 20.
- Verbum dignificauit naturam humanam ipsam assumendo ad ordinem Diuinarum personarum. 128. 15.
- Verbum, quatenus terminat naturam Diuinam, est non factum; quatenus terminat naturam humanam dicitur factum homo. 175. 16.
- Refertur ad naturam humanam per relationem existentem in natura humana, non verò in se ipso. 113. 4.
- Verbum est simpliciter impeccabile, quia nequit deficere ab esse. 221. 50.
- Verbum potuit assumere naturam humanam, vel aliam in puris naturalibus, non quatenus Verbum, aut Filius, sed quatenus suppositum. 200. 6.
- Non potuit tamen, ut Verbum, assumere naturam rationale non fruentem Deo beatificè. 80. 29; & 30.
- Verbum assumpsit penalitates corporis, quæ sunt effectus peccati originalis, quia pati pro hominibus venit; non tamen assumpsit vulnera animæ, quæ ad peccatum inclinant. 291. 5.
- Verbum potuit simul assumere plures naturas humanas. 13.
- Si assumpsisset duas naturas humanas, esset duo homines. 15.
- Non tamen esset duo Christi. 18. 31.
- Nec duo humanata. *Ibidem*. 32.
- Potuisset assumere quolibet aliam naturam creatam. 24.
- Potuit assumere animam rationalem separatam à corpore; non tamen potuit assumere materiam sine forma, aut formam materialem sine materia. 28.
- Potuit assumere aliquas partes diuifibiles non assumpto toto. 31. à 19.
- Non tamen potuit assumere naturam creatam retinentem propriam supposititalitatem. 22.

Neque

SYLLABVS RERVM.

- Neque potuit assumere naturam accidentalem sine substantiali. 36.
- Verbum ex vi alterius, non præsens decreti, potuisset incarnari etiam nullo existente peccato. 63. 1.
- Ex vi tamen præsens decreti non fuisset incarnatum existentibus solis peccatis personalibus. 71.
- Non existentibus verò peccatis personalibus, & existenti solo originali fuisset incarnatum. *Ibidem*.
- Verbum non potuit assumere naturam infectam peccatis eam non mundando; sicut nequit assumere naturam spiritualiter ægram eam non sanando. 302. 19.
- Verbum adiectiuum quomodo differat à verbo substantiuo? 19. 33.
- Versio Græca, Siriaca, & Arabica circa hoc verbum *prædestino*. 175. 17.
- Vigilantius, contra quem scripsit S. Hieronymus, negauit adorationem reliquiarum. 332. 3.
- Virginitas per voluntariam feminis effusionem corrumpitur. 85. 6.
- Virtutes morales per se infusæ non dantur. 225. 59.
- Earum definitio. 226. 68.
- Fluunt à gratia habituali. *Ibidem*. 65.
- Remanent in patria quoad ornatum, non quoad vsum. 229. 70.
- Virtutes morales formatæ per charitatem sunt proprietates gratiæ habitualis. 226. 68.
- Ponuntur perse ad eliciendos actus moraliter bonos; & per accidens ad refrænasdas passionés. 229. 75.
- Possunt haberi solum in promptitudine animi. *Ibidem*;
- Virtutes omnes morales, & Theologicæ, excepta fide, & spe, quæ pugnant cum animæ beatitudine, fuerunt in Christo in perfectissimo gradu heroico. 225.
- Virtus Christi manet in Sacramentis. 316. 16.
- Virtus miraculorum quid sit? 317. 17.
- Virtus infinita simpliciter est actus purus excludens quauilibet potentialitatem passiuam. 313. 2.
- Visio beatifica nequit formaliter communicari naturæ irrationali. 124. 53.
- Requirat essentialiter virtutem spiritualem cognoscitiuam; & lumen gloriæ. 276. 8.
- Visio beatifica est actus simpliciter necessarius, non liber. 311. 15.
- Terminatur essentialiter ad omnia illa, quæ sunt formaliter, non quæ sunt eminenter in Deo. 275. 8.
- Visio beata nequit excitari à phantasmatibus materialibus. 288. 21.
- Satiat totam capacitatem passiuam actuaalem, non potentialem pure creaturæ. 223. 53.
- Necessitas voluntatem simpliciter. 250. 16.
- Attingit etiam se ipsam in Deo, in quo continetur, vt in causa eam representante. 279. 15.
- Est defectibilis tantum de potentia absoluta, non de potentia Dei ordinaria. *Ibidem*.
- Visio ænigmatica, quæ habetur in via per fidem, cessat in patria. 280. 4.
- Visio corporalis per ordinem ad subiectum est inextensa; per ordinem verò ad obiectum extensa. 256. 39.
- Vita præsens est tempus operationis; & vitæ beata est tempus retributionis. 247. 10.
- Vita æterna acquiritur per actus charitatis, cui correspondet. 249. 15.
- Datur adultis etiam per modum coronæ, mercedis, & præmij; paruulis verò solo titulo hereditatis. 251. 19.
- Viuificari in Christo quomodo intelligatur? 105. 63.
- Vnctio Spiritus Sancti significat gratiam habitualem. 224. 54.
- Vnctio in Scripturis significat sanctitatem. 201. 7.
- Vnctio Sacerdotum, Regum, & Templi. *Ibidem*.
- Vnctio, qua Christus, vt homo, vnctus est à Spiritu Sancto, significat gratiam habituaalem. 207. 3.
- Vnctio alia visibilis, alia inuisibilis. 320. 4.
- Vngues, dentes, capilli &c. quomodo informantur ab anima rationali? 161. 9.
- Vnio oritur ex conuenientia plurium in idem. 8. 4.
- Vnio substantialis est quadruplex. 125. 7.
- Vnionis plures acceptiones. 113. 1; & 2.
- Vnio non superaddit extremis vnitis medium distinctum realiter. *Ibidem*.
- Vnio dupliciter potest dici mediata. 162. 14.
- Vnio cum Deo in ordine supernaturali duplex est. 200. 5.
- Vniones creaturarum cum Deo sunt sex. 121. 37.
- Vnio cum Deo in ordine supernaturali est formaliter sanctificatio. 201. 10; & 11.
- Vnio hypostatica est supernaturalis. 185. 27.
- Non est facta mediante gratia habituali; nec est aliquid increatum, aut accidentale. 119.
- Eius effectus primarij, & secundarij. 27. 21.
- Comparatur vnioni vestis. 115. à 12; & 120. 35.
- Non potuit dissolui. 166. 22.
- Vnio hypostatica est omnium maxima, & quomodo differat ab assumptione? 121.
- Continent omnes alias vniones, quibus creaturæ vniuntur cum Deo. 122. 44.
- Est maior illis etiam ex parte extremorum. *Ibidem*. 48.

SYLLABVS RERVM.

- Est maximum omnium donorum . 124. 52.
 Fuit facta immediatè ad personalitatem , & mediatè ad naturam Diuinam . 124.
 Vnio hypostatica nõ est terminus formalis quo incarnationis . 156. 31.
 In vnione naturæ humanæ cum Verbo non est communem speciem accipere ; seu ex vnione naturæ humanæ cum natura Diuina non resultat vna tertia natura , sicut ex vnione carnis cum corpore resultat humanitas . 9. 6.
 Vnio hypostatica est fons, origo, radix, & causa omnium gratiarum, donorum, & meritorum siue de condigno, siue de congruo collarorum hominibus . 76. à 12; & 78. 19.
 Vnio hypostatica exigit in Christo de condigno gratiam habitualement, & cetera dona supernaturalia . 182. 17.
 Est opus summæ dilectionis . 76. 12.
 Se sola reddit naturam assumptam simpliciter impeccabilem . 298. 8.
 Vnionis hypostaticæ, & consecrationis similitudo . 127. 14.
 Vnio, qua anima corpori vnitur, vnit vtrunque personalitati . 116. 17.
 Vniri stat dupliciter, vel vt perficiat, vel vt perficiatur . 11. 15.
 Vnitas, quæ est passio entis, importat formaliter ens modificatum . 146. 12.
 Vnitas personalis est substantialis, non accidentalis . 120. 34.
 Vniuersalia sunt priora particularibus . 171. 4.
 Voluntas Dei non potuit manere suspensa à suo actu . 307. 4.
 Voluntas defectibilis vnita voluntati indefectibili redditur indefectibilis . 299. 14.
 Voluntas humana Christi fuit omnimodè adiectæ voluntati Diuinæ . 305. 11.
 Fuit in bono stabiliter firmata . *Ibidem* ; & 307. 4.
 Voluntas Diuinæ, & creatæ discrimen . 252. 23.
 Voluntas creata nequit esse simul omittens, & committens . 311. 16.
 Vvaldeas negarunt adorationem Sanctorum . 330. 10.
 Vviclefistæ idem senserunt . *Ibidem* .
 Vulnus lateris Christi fuit meritorium, & satisfactorium externè completiue . 247. à 10.
 E vulnere lateris fluxerunt Sacramenta . *Ibidem* . 11.
X Isti IV. Ordinis Minorum sententia de sanguine Christi post mortem effusi . 160. à 3.
 Vetuit, ne quis vocet hæreticam sententiam asserentem, vel negantem B. Virginem Mariam conceptam fuisse sine peccato originali . 91. 7.
Z Izania significant hæreticos, qui vniuntur Christianis solo nomine, non autem in fundamento, quod est fides . 238. 27.
 Zuingliani negarunt adorationem Sanctorum . 331. 2.

F I N I S.



